


Yesu Kerisoné So
Whi Tao Sere Kisi
Fo Wisi



The New Testament in the Folopa Language of Papua New Guinea

Yesu Kerisoné So Whj Tao Sere Kisi Fo Wisi
The New Testament in the Folopa Language of Papua New Guinea
Nupela Testamen long tokples Folopa long Niugini

copyright © 2005 Wycliffe Bible Translators, Inc.

Language: Folopa

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2016-09-20

PDF generated using Haiola and XeLaTeX on 11 Nov 2022 from source files dated 9 Oct 2020

4e9b4b04-0b47-5583-9c4d-fb82cfdd65c2

Contents

FRT	1
Matyu	2
Mark	61
Luk	95
Jon	151
Aposel	194
Rom	249
1 Korin	275
2 Korin	299
Kalesia	314
Efesus	323
Filipai	332
Kolosi	338
1 Tesalonaika	344
2 Tesalonaika	349
1 Timoti	352
2 Timoti	360
Taitus	365
Filimon	369
Hibru	371
Jems	389
1 Pita	396
2 Pita	404
1 Jon	409
2 Jon	415
3 Jon	416
Jud	417
Hākearaletēi	419
Bible reading	447

**Yesu Kerisoné So Wh̄i
Tao Sere Kisi Fo Wisi
The New Testament in the
Folopa language of Papua
New Guinea
Nupela Testamen long
tokples Folopa long Niugini**

*Yesu Kerisoné So Wh̄i Tao Sere Kisi Fo
Wisi*

The New Testament in the Folopa
language of Papua New Guinea
[ppo]

Translation by Wycliffe Bible Translators

© 2005 Wycliffe Bible Translators, Inc.

Print publication, 2005 by Wycliffe Bible
Translators

Web version
2014, Wycliffe Bible Translators, Inc.
<http://www.Wycliffe.org>

<http://pngscriptures.org>

<http://www.ScriptureEarth.org>

This translation is made available to you
under the terms of the Creative Commons
license (Attribution-No Derivative Works).
<https://creativecommons.org/licenses/by-nd/4.0/>

Your are free to share — to copy,
distribute and transmit the text under
the following conditions:

- **Attribution.** You must attribute the work to *Wycliffe Bible Translators* (but not in any way that suggests that they endorse you or your use of the work).
- **No Derivative Works.** You may not alter, transform, or build upon this work.
- **In addition,** you have permission to port the text to different file formats,

as long as you don't change any of the text or punctuation of the Bible.

Notice — For any reuse or distribution, you must make clear to others the license terms of this work.

Tok Orait

Dispela Buk Baibel i kam wantaim tok orait na lo bilong Creative Commons Attribution-No Derivative Works license. Em i tok olsem **yu ken givim kopi long narepela manmeri.** Yu ken wokim kopi na givim long husat i laikim. Tasol, yu mas tok klia dispela samting i kam long <http://tokplesbaibel.org>. Na tu, **yu no ken senisim Tok.**

Ol piksa i kam wantim ol Baibel na narepela buk i stap long dispela sait i gat tok orait long usim wantaim dispela samting tasol. Sapos yu laik narapela tok orait, yu mas askim husat i papa bilong copyright long dispela ol piksa.

Sapos yu laik stretim samting i no orait long dispela tok orait, stretim tok, salim Buk Baibel, o tainim Tok bilong God long nupela tok ples, yu ken **askim mipela.**

Olgeta tok orait na lo long tok ples English i stap long <http://creativecommons.org/licenses/by-nd/4.0/legalcode>.

Sapos yu gat askim long dispela, **plis askim mipela.**

I Buk Tuamó moletei

Matyu

¹ Ita, Yesu Keriso deyaairaalu, deté wale wh̄irapené doirape aseýóló muló betera-pó. Abraham-né deale naalené mepaae wh̄i deté fóló, Depit dealepó. Depit-né deale naalené mepaae wh̄i deté fóló, Yesu Keriso dealepó. ² Ai wh̄irapené doirapeta i ape.

Abraham-né Aisak dealepó. Aisak-né Jekop dealepó. Jekop-né ti Judaró ama nomarapetamo dealepó.

³ Judané Peres-ró Seratamo dealepó. Atimaamoné hamata, Tamar-pó. Kale wh̄i Peres-né Hesron dealepó. Hesron-né Ram dealepó.

⁴ Ram-né Aminadab dealepó. Aminadab-né Nason dealepó. Nason-né Salmon dealepó.

⁵ Salmon-né Boas dealepó. Boas-né ama hamata, Rahab-pó. Boas-né Obed dealepó. Obed-né ama hama ti Rut-pó. Obed-né Jesi dealepó.

⁶ Jesiné ti kale t̄eteróló kaae tare doasi topo wh̄i Depit dealepó. Depit-né Solomon dealepó. Solomon-né hamata, Uria-né dokale so wulia betepa, kale doasi topo wh̄i Depit-né dokalepó.

⁷ Solomon-né Rehoboam dealepó. Rehoboam-né Abaija dealepó. Abaijané Asa dealepó.

⁸ Asané Jehosapat dealepó. Jehosapat-né Joram dealepó. Joram-né Usia dealepó.

⁹ Usiané Jotam dealepó. Jotam-né Ahas dealepó. Ahas-né Heskia dealepó.

¹⁰ Heskiané Manase dealepó. Manasené Amon dealepó. Amon-né Josaia dealepó.

¹¹ Josaiané Jekoniaró ama nomarapetamo dealepó. Ai wh̄irapeta, kale Israel fake so wh̄i b́oe wh̄irapené Babilon hae kwiapaae wae sóró faaitere alimó dealepó. ¹² Atéro, atima u Babilon hae kwiapaae wae sóró fele sisópaae

Jekoniané Sealtiel dealepó. Sealtiel-né Serubabel dealepó.

¹³ Serubabel-né Abiud dealepó. Abiud-né Eliakim dealepó. Eliakim-né Asor dealepó.

¹⁴ Asor-né Sadok dealepó. Sadok-né Akim dealepó. Akim-né Eliud dealepó.

¹⁵ Eliud-né Eliasar dealepó. Eliasar-né Matan dealepó. Matan-né Jekop dealepó.

¹⁶ Jekop-né Maria dokale wh̄i Josep dealepó. Mariané ti Yesu dealepó. Ai sek̄eta, so wh̄i feané Kerisopó du betere wh̄ipó.

¹⁷ Atéro, i doi mole wh̄irape deté wale wh̄i Abraham-mó kaae sóró bitiré wóló, Depit betale alimó sókó wale wh̄irapené doirape fea touróturaalu, 14 wh̄irapepó. Téro, Depit betale alimó kaae sóró bitiré wóló, kale b́oe wh̄irapené atima u Babilon hae kwiapaae wae sóró bitiré fele alimó sókó wale wh̄irapené doirape fea touróturaalu, 14 wh̄irapepó. Téro, u kale Babilon hae kwiapaae wae sóró fele alimó kaae sóró bitiré wóló, Kótóné so wh̄i t̄eteróló kaae tanópóló, sóró betero betere wh̄i Keriso betale alimó sókó wale wh̄irapené doirape fea touróturaalu, 14 wh̄irapepó.

Yesu Keriso deale fo (Luk 2:1-7)

¹⁸ Yesu Keriso etéro dealepó. Ama hama Maria ̄ dokaai tukóló betero betere wh̄i Josep-tamo kuni h̄ale betepatei, D̄ei Kepe Wisiné naale eró betepa kelalepó.

¹⁹ Atépa, kale so dokaai yale wh̄i Josep ̄ me dowi alakélé ini, mo donoi wh̄i wisinaale betereiteiné so wh̄i feané erateremó, kale so ̄ hale yaqsóró, kikití tokó daalaaí kisipa mualepó.

²⁰ Atei kisipa mutu betepa, nokenarótei Talené *ensel*-né Josep-paae duraalu, “Depit-né deté wale wh̄iné naalema Josepó, Mariané ai ere naaleta, kale D̄ei Kepe Wisinétei eró betepa ya haleni, naaó sopa dokaai dapesó fae. ²¹ Ama ai ere naale detepata, ti so wh̄i feané du betere dowi alamó saaire kwia tokóló kemeróló

tao saalopóló, ama doi Yesu mulae,” yalepó.

²² Ai alarape feata, hãle kaayóló ini, Talené fo eratere kóló whjné mo taketi aseýóló muló betere fo dokonóturaalu, yalepó. ²³ Ai fo i ape.

“Betã so seimale whj metamo kunipatei, naale yaalopó.

Ai naale deyóló betepa so whj feané ă kilituraalu, ita Emanuel-pó yaalo ai ape,” erapó.

Ai fo bete feteyóló Kótó dãtamo beterapó.

²⁴ Atéró, kale whj Josep ă turukó horóló, Talené *ensel*-né nokenaró ăpaae yae yale alatóró sya fóló, kale so Maria dokaai ama bepaae dape salepó. ²⁵ Téyaletei, ama somatamo kotere ala ini, hãle bitiré fóló kale so naale detepa, Josep-né ai naalené doi Yesu mulalepó. Atéyale kãlipaae ti atimaamo kwẽalepó.

2

Suka hoterepaae betere whjrapené Yesu deóló betere kelale fo

¹⁻² Judia hae kwiamó tẽne Betelehem be huluamó, Yesu deyale kãlipaae etéyalepó. Jerusalem bemó Herot ă doasi topo whj betale sukamó, kale hõrené dere ala bete kisipare whjrape atima suka hotereró wóló, ai be huluamó betó mole so whjpaee woseturaalu, “Kale Judia fake so whj tẽteróló kaae tawaaire topo whj-a, momó deyóló betere? Ti noatepae, dã suka hotereró bitu, ă deyóló betereitei kisipa yópóló, ó sãmó daale hõre dẽ yó tapa kolóló, ă aqmó bitu ama doi hale sóró horaai dã i wale ape,” yalepó.

³ Tétepa, doasi topo whj Herot-né ai fo woseturaalu, ama kisipa feléni, ă doasi whaaliatu betalepó. Atétepa, kale Jerusalem be huluamó betó mole so whjkélé ama mutere kisipa kaaetóró mutu betalepó. ⁴ Kale doasi topo whj Herot-né so whjmó Talepaae momaratere topo whjraperó Moses-né yóló muló betere fo yó matere whjrapetamopaae ape yóló woseturaalu, “Kótóné so whj fea tẽteróló kaae tanópóló, sóró beteró betere doasi topo whj Keriso-a, mé bemó deyaalopóló aseýmó yóló muló betere?” yalepó. ⁵ Ti fo

depa, atimané tokó mótu duraalu, Judia hae kwiamó tẽne Betelehem be huluamó deyaalopóló, mo taketi Kótóné ama kóló whjné aseýóló muló betere fo i ape.

⁶ “Juda haemó tẽne Betelehem be huluamó betó mole so whj diaaq kisipané-a, Judia fake so whj tẽteróló kaae tare topo whjrape kuamó, dãkó doi munipó fo du bitu de? Meipó.

Kótóné so whj tẽteróló kaae tawaaire topo whj betã diã tuãmótei, sókó waalo ai ape.

Ai sekéné amata, *sipsip* hupurape tẽteróló kaae taru dere kaae, yãlo Israel fake so whj tẽteróló kaae tawaalopó erapó,” yalepó.

⁷ Téró, Herot-né kale hõrené dere ala bete kolóló kisipare whjrapepaae ape, fo kikiti yó faralepó. Atéró kale whjrape wapa, atimasisi bitu duraalu, “Diaaq kelalepó dere hõre-a, noa sukamó kelalé?” yóló wosetepa, atimané ăpaae mo i be demótóróti kelalepóló, yalepó. ⁸ Ama atima Betelehem be huluapaae dotonaai duraalu, “Kale naale momó sóró betereró kelaasepóló, mo wisiyóló kekãe. Atéró kekenalemó, sóró betere tiki keletepa, ti mo hapale tẽtitóró ẽpaae ene ape. Ti ẽkélé ă aqmó sinóló bitu, ama doi hale sóró horaairaaalu, fenérapó,” yalepó.

⁹ Atéró, kale doasi topo whj Herot-né atimapaae yae yale fotóró wosóló, atima faai wale tikipaae furaalu, atima take suka hotereró bitu kelale hõretóró ó sãmó hãle fu betepa kelalepó. Atétepa, atimakélé ai hõre foleteti kelené kaae sóró felemó, kale naale deyóló betere tikimótóró keýóló daane felepó. ¹⁰ Ai hõrené dere ala kilituraalu, atimakélé mo doasi hẽkesené sinalepó. ¹¹ Atima ai bemó sókó felemó, kale naaleró hama Mariatamo betepa kólóló, atima bukutiri teýaró bitu, Doa Tale-ó yóló, ă hale sóró horalepó. Atéró, atimané kale naalemó hãle melaaairaaalu sóró wale wisi wisi qlarape *kold kapakélé*, si keletómó bilitepa, felé kãlaa wale qlakélé, *mur wel* wẽikélé, tẽyóló melalepó.

¹² Tale Kótóné kale whjrapepaae nokenaró atimané hae kwiapaae momó fesaae furaalu, Herot betereró faqse yale fo kisi-

paru, Herot betere tūró feni kae tūmó felepó.

Josep-ró Mariatamoné Yesu Isip hae kwiapaae dapesó fele fo

¹³ Atéró, atima fi sisópaae Talené *en-sel* Josep noke firepaae wóló, nokenarótei duraalu, “Herot-né ai naale daairaalu kekꜥalo ai ape. Térapa, yꜥlo yꜥpaae ape dere alimó waasepóló, yꜥ turukó holóló ai naaleró hamatamo dape sóró u Isip hae kwiapaae botokó fae,” yalepó.

¹⁴ Ai fo woseturaalu, kale whi ꜥ mo dikitamotei turukó holóló, kale naaleró hamatamo dapesó u Isip hae kwiapaae faairaalu, felepó. ¹⁵ Atéró, kale whi Herot sukꜥ tikimó waairaalu, atimaamo u Isip hae kwiamó bitiré felepó. Mo take Talené ama kꜥló whiné aseýóló muló betere foné duraalu,

“Yꜥlo naale u Isip hae kwiamó betepa, ai hae kwia taaróló ape,” yalepó. Ai fo dokonóturaalu, motóró yalepó.

¹⁶ Kale topo whi Herot-né ama yaaire ala kikiti hiróló kale hꜥrené dere ala kisipare whirape dilikꜥletei, atimané kilirapóló ꜥ mo doakale fopaae bualepó. Tétu, ama diki tare whirapepaae yóló mulótu duraalu, Betelehem be huluaró ai hae kwiamó tꜥ mole ipu betamomó mióti teó sóró betó mole naalerapemó kaae sóró dilé fóló, ba fo tamo kemeyóló betó mole naalerapekélé mo fea dóló kemerae yóló dotꜥyalepó. Ti aita hꜥle meipó. Kale hꜥrené dere ala bete kisipare whirapepaae wosetepa, atimané ꜥpaae yó melale be dꜥ tuꜥ muluraalu, atéró dóló kemerae yóló dotꜥyalepó. ¹⁷ Ti aita hꜥle tuꜥmó kaayóló inipó. Kótóné ama kꜥló whi Jeremaiané i fo aseýóló muló betera-pó.

¹⁸ “Rama bemó betere so Resel-né dekené sukꜥ moló doasi du betepa, mepaae so whiné ꜥ kisipa felératere fo yalemó, mo wosenipó.

Ti noatepae, ama naale senaale fea sisir-aae feleteinépó.”

Ti ai naalerape dele alata, kale yóló muló betere fo mo dokonóturaalu yalepó.

Nasaret be huluapaae momó fesaae fele fo

¹⁹ Téró etéyalepó. Kale doasi topo whi Herot sukꜥtikimó, kale whi Josep Isip hae kwiamó betepa, nokenaró Talené *en-sel*-né duraalu, “Josep-ó, ai kale naale daairaalu du betale whirapeta, ai sukꜥle ape. ²⁰ Térapa, yꜥ turukó horóló, ai naaleró hamatamo dape sóró u Israel hae kwiapaae tokó fae,” yalepó.

²¹ Tétepa, Josep ꜥ turukó horóló, kale naaleró hamatamo dapesó Israel hae kwiapaae felepó. ²² Atéró Josep ꜥ Judia hae kwiapaae bitꜥ faai yaleteti, ai hae kwia kale doasi topo whi Herot betale sirimó, naalema Akelausiné tꜥteróló kaae tarapó dere fo wosóló, witepa taaralepó. Talené ꜥpaae nokenaró Judia hae kwiapaae bitꜥ faꜥse yale fo kisipa iruraalu, Kaleli hae kwiamó tꜥne Nasaret be huluapaae tokó felepó. ²³ Atéró feleteita, mo taketi Kótóné ama kꜥló whirapené asemó duraalu, “So whi feané ꜥ Nasaret be hulua whikópó yaalo ai ape,”

ere fo mo dokonóturaalu, atima Nasaret be huluapaae tokó felepó.

3

Jon-né Yesu waaire tꜥ alerótu betale fo (Mak 1:2-8, Luk 3:1-18, Jon 1:19-28)

¹⁻² Atéró bitiré wóló etéyalepó. Kale wꜥi tópuratere whikó Jon ꜥ Judia hae kwia tuꜥmó so whikélé bitini, hꜥle kópu kꜥae fi tikimó sókó wóló beterepó. ꜥ aimó betepa, mepaae ꜥ beterepaae wuaterere so whipaae Kótóné fo wisi yó mótu duraalu, “Tale Kótóné ama hepen bemó tꜥteróló kaae tare ala mió mo felekemó walapa, diꜥné du betere dowi ala taaróló, kisipa tiki feteyóló betae,” du betalepó. ³ Ti ꜥta, me kae mei, mo take Kótóné ama kꜥló whi Aisaiané waalopóló, bope du betale whipó. Aisaiané ama aseýóló muló betere fo i ape.

“So whi bitini hꜥle kópu kꜥae fi tikimó, betꜥ whi wóló daalu, fo fakeyóló duraalu,

“Tale waaire tꜥ donoróló aleyae,” er-apó.

⁴ Jon-né ama derótua yale kutita, *kamel* hupu nikiné aleyale kuti derótua yóo, ama sua yale tokélé hupu sekañé aleale to sua yóo, yalepó. Ama nukua yale ɔlakélé meke wejó ero nusutamo maaté nukua yalepó. ⁵ Jerusalem be hulua taaróló wua yale so whíkélé, Judia hae kwiamó betó mole so whíkélé, kale Jordan weí felekemó betó mole so whíkélé, mo fea ɔ beterepaae wua yalepó. ⁶ Atimané dowi ala fea haķeamó yó mótua depa, Jon-né atima Jordan fole weímó tópurótua yalepó.

⁷ Téyaletei, Farisi whjrapero Sadyusi whjrapetamo so whj weí tópurótu betere tikipaae wua depa, ama atimapaae duraalu, “Diɔ dowi wuli kaae so whj dilikitu betere whjrape-ó, Kótóné diɔtamo fopaae buturaalu kwia melaqsóro, botokó fae fo né yaleé? ⁸ Diaaɔ ai du betere dowi ala taaróló, motóro kisipa feteyóló wapa, ti diaaɔ du betere alakélé mo kisipa tiki fetere whjné dere ala kaaetóro yae. ⁹ Diɔta, Abraham-né deté wale naale senaale betereteiné diɔpaae me ala eraalomeipóló kisipa muaqsé. Yało diɔpaae mo i dere ape. I muó mole kaporapetei, Kótóné ama mo sumó Abraham-né naale senaale aleyóló beteranérápó. ¹⁰ Mepaae nirapetamo naaire du wisi olenitepa, ti diyóló si duku betere dolopaae taae de-raalopó. Atéyaairaalu, kutó talené ai ni baalemó kaķwei ai bukó tare ape.

¹¹ Yało diɔ weí tópurótu betereteita, diaaɔ dere dowi ala taaróló, kisipa feteyóló wópóló tópurótu beterápó. Tétu betepatei, yało kílípaae waaire whj betɔta ɔ kaae meipó. ɔ mo doasi fotokɔ bole whj betepa, ɔ naale belekaamale kaae, ɔ aomó beterápó. ɔ atei kaae doasi fotokɔ bole whj bitu, diɔ weí tópuróturaalu, ti kale Deí Kepe Wisiró sitamoné tópuraaalopó. ¹² Ama naasené ti kale *whit* o fumi beséné só fópóló, kaķyóló taae fótua dere ekepé fake tarapó. Kale *whit* duné fumirape ama fuóló taae faróló, mo *whit* ke maaté ti mulótua dere be dolopaae mulaalopó. Atéro fumirapeta, ti sukókélé feni haķe dótoró tare si dolopaae fesekée deraalo ai ape,” yalepó.

Yesu weí tópurale fo (*Mak 1:9-11, Luk 3:21-22*)

¹³ Téró, Yesu ɔ Jordan weímó Jon-né weí tópurópóló, Kaleli hae kwia taaróló, Jon beterepaae walepó. ¹⁴ Tétepa, Jon-né Yesupaae ya weí tópuraaalo meipóló seséyóló duraalu, “Naao ɔpaae ya weí tópurae dere-a, ɔ whj wisi betepa ya tópuraró de? Naaoitei ɔ weí tópuraaesepólópo,” yalepó.

¹⁵ Ai fo depa, Yesuné ɔpaae duraalu, “Aita mo deretei, mió daķmoné i dere alané Talené ama so whj donoraaitere ala mo dokonópólópa, naao ɔ weí tópurae,” depa, Jon-né wisirapóló ɔ weí tópuralepó.

¹⁶ Atéro, Yesu ɔ weí tópuóló tétitóro hae taopaae taae hotepa kelalemó, ó hepen be tu tukwe fóló, Kótóné Deí Kepe Wisi ba hókóse kaae, ama tikimó biɔ dorowalepó. ¹⁷ Atéro, ó hepen bemó fo tekerótu duraalu, “ɔta, yało yaala sókó fóló mo hosaa mole Naale ai ape. Ama dere ala fea yało kilitu, ɔ mo doasi heķesené sinitu beterápó,” yalepó.

4

Yesu dée nópóló Satan-né su sale ala (*Mak 1:12-13, Luk 4:1-13*)

¹ Téró etéyalepó. Satan-né Yesu ɔ su sóro dée nalópóló, so whíkélé bitini kópu kaķae fi tikipaae Deí Kepe wisinétei ɔlisóro felepó. ² ɔ aimó be deķtereró dikiteretamo whj siki tamo bitu, ɔla mo sawakélé néni wote siri haķe betaletikimó, ɔ mo wotené sinalepó. ³ Atéro betepa, dowi ala yópóló su sóro dée nalatere seké wóló ɔpaae duraalu, “Yaɔtamo Kótóné Naalemapata, ti i kanerapepaae *bred* o alée fae yae,” yalepó.

⁴ Ai fo depa, Yesuné ɔpaae tokó mótu duraalu, “I fo aseyóló muló beterápó. “Whj betere beteta, mo ɔla nokoleteiné maaté bitini, Kótóné ama dere fo fea woseturaalu bitiré fenérápó,” yalepó.

⁵ Téró, kale dowi Satan-né Yesu ɔ Kótóné mo kae teńó betere doasi be huluapaae dapesó fóló, aimó teńe momatere be mo ó hulua tómó daalalepó. ⁶ Atéro daaróló

apaae duraalu, “Yatamo Kótóné Naalemapata, ti naaotei ya haepaae tuwó derepae. Ti i fo aseýóló muló beteraþó.

‘Ya a haepaae muni durupuraalu, kaponé kotóo sóro doalé yaqsóro, Kótóné ama *ensel*-rapené naase tómó muni dorowópóló, ya tao sae yaalopó,’ ” yalepó.

⁷ Ai fo depa, Yesuné apaae tokó mótu duraalu, “Ti i fokélé aseýóló muló beteraþó. ‘Beta whinékelé a tetéroló kaae tare Tale Kótóné noa alakó déro kaae kelaai dapóló su saqse,’ erapó,” yalepó.

⁸⁻⁹ Atéroló kale dere kaae, momó dowi Satan-né a mo doasi sokore hasi fosopaae dapesó holóló, i hae kwia feamó kae kae doasi whirapené tetéroló kaae tare alaraperó ai ala tuamó mole mepaae doasi wisi wisi alarapetamo yó mótu duraalu, “Yalo i dere fotamo naao mo beta wosóló, ya e aomó bukutiri teáro bitu, doa whi-ó yóló epaae moma depa, ti ai ola ola fea naao tetéroló kaae tanópóló, yalo yapaae melaalopó,” yalepó.

¹⁰ Ti fo depa, Yesuné apaae duraalu, “Satan-ó, ya e taaróló fae. Ti i aseýóló muló betere fo wosae. ‘Naao Tale Kótópaae beta doasi-ó, yóló a aomó bitu, ama alatóro erótu betae,’ ” yalepó.

¹¹ Atétepa, kale dowi Satan-né Yesu taaróló foletamo, Kótóné ama *ensel*-rape wóló, a tao salepó.

Yesuné fo yó melaai kaae sale fo (Mak 1:14-15, Luk 4:14-15)

¹² Atéroló Jon *dipula* beteralepó dere fo Yesuné ama wosóló, a Kaleli hae kwiapaae momó fesaayóló felepó. ¹³ Atéroló a betere Nasaret be hulua taaróló, Kaleli wei kela felekemó tene Kapeneam be huluapaae tokó fóló betalepó. Ai be huluata, Sepulun hae kwiaró Naptali hae kwiatamo tuamó tenapó. ¹⁴ Atéyaleteita, Kótóné ama kóló whi Aisaiané yóló muló betere fo dokonóturaalu yalepó.

¹⁵ Ai fo i ape. “Sepulun fakeró Naptali faketamoné hae tikita, u kale Jordan fole weíró Kaleli wei klatamo molepaae eróló

erapó. Ai hae tikita, Sepulun fakeró Naptali faketamoné haetei, Juda meire fake tokó fóló, atimané hae aleróló betó molepó.

¹⁶ Ai hae tikimó betó mole so whi atima diliki dolomó betereitei, mió mo doasi de wisinaale kolóló betó mulapó. Mepaae so whita, sinitere alané dilikiró betepatei, mo dei suka sóko huturaalu deró betepa, ai de tuamó betó mulapó,” fo aseýóló muló beteraþó.

¹⁷ Atéyale sukamó kaae sóro, Yesuné ama fo so whi feapaae hakeamó yó mótu duraalu, “Kótóné hepen bemó tetéroló kaae tare ala mió mo felekemó ai walapa, diaaþ dowi ala taaróló kisipa tiki feteyae,” yalepó.

Yesuné yó matere whirape kaae sóro saletei (Mak 1:16-20, Luk 5:1-11)

¹⁸ Atéroló, Yesu a kale Kaleli wei kela fóku seseke durupu bitu kelalemó, Saimon doi mupatei, Pitapó du betere whiró ama noma Andrutamo haleke wa wei kulu tuapaae derótu beterepó. Ti atimaamota, ya siré kotere whi tamopó. ¹⁹ Tétu betepa, Yesuné atimaamopaae duraalu, “Diaamo ai ya su dere kaae, so whi atéroló siré kweyaasepóló, da fea beta mó kuturaalu, yalo diaamopaae yó melaalopa e sya ape,” yalepó. ²⁰ Ai fo depa, atimaamoné haleke warape mulópóló taaróló, mo hapale tétitóro a sya felepó.

²¹⁻²² Atéroló a tumó fu betalemó, me whiró nomatamokélé daapa kelalepó. Ai whi tamota, Sebediné naalema Jemsró Jon-tamopó. Atimaamoné alimakélé atima fea wei nukumó bituraalu, atimané haleke warape tukó faleitei, wisi wisiyóló numutu betepa kelalepó. Atétu betepa, Yesuné atimaamopaae duraalu, “Diaamokélé e sya ape,” depa, kale whi tamo mo hapale tétitóro turukó holóló, atimaamoné wei nukukélé, alimakélé betepatei taaróló, a sya felepó.

Yesuné kisi daae mole so whi wisirale fo (Luk 6:17-19)

²³ Atéró, Yesu ą ai Kaleli hae kwia tuąmó kuturaalu, Kótóné tẹteróló kaae tare aąmó mole kisi fo wisi so whi feané wosópóló, atimané fo wosetere be dokọ yó maté kweyalepó. Atéturaalu, ai so whi kuamó dowi hepo daae mole so whiró mepaae tiki momaare so whitamokélé wisiraté kutu betalepó. ²⁴ Ama so whi fea atéró wisirótu beterapó deté kotere fo Siria hae kwiamó betó mole so whiné woseturaalu, kae kae dowi kisi daale so whikélé, doasi dele su betere so whikélé, dowi kepe tepeyóló betó mole so whikélé, mepaae kae kae kisiné kele olopa olopa yóló sinaaitu betere so whikélé, mepaae momaayóló betere so whikélé, mo fea ą beterepaae dapesó wua depa, ama wisirótua yalepó. ²⁵ Atéró, kale Kaleli hae kwia taaróló wale so whikélé, Dekapolis hae kwia taaróló wale so whikélé, Jerusalem be hulua taaróló wale so whikélé, Judia hae kwiaró, Jordan weı fóku uté tẹró betó mole so fea ą beterepaae wóló, ama dere ala kelaai dapóló Yesutamo touyóló kutu betalepó.

5

Du sokoremó Yesuné so whipaae yó mótu betale fo
(Luk 6:20-23)

¹⁻² Téró Yesuné kelalemó, so whi mo hąle ọla kaae wóló touró betepa, ą sokore du aąpaae holóló beterepó. Atéró beteremó, ama yó matere whirape ą beterepaae walepó. Atéró wóló betó mupa, ama atimapaae yó mótu duraalu,

³ “Mepaae so whi dené yąlo kepe bete tuąmó me wisi alakélé muni, mo yąyąrapó du betepa, ti Kótóné wisiró beterapóló hąiné sukutu betae.

Ti noatepa meipó. Ai so whita, Kótóné hepen bemó tẹteróló kaae tare ala sóró ai tare ape.

⁴ Mepaae atima dekené sukutu wole du betere so whita, Kótóné wisiró beterapóló hąiné sukutu betae.

Ti noatepa meipó. Mió dekené sukóló wole du beteretei, take Kótóné atima tué tiki feléraalo ai ape.

⁵ Mepaae naame yóló mo dua betere so whi ti Kótóné wisiró beterapóló, hąiné sinitu betae.

Ti noatepa meipó. Kótóné hae tiki mo turó atimamó matepa saalopó.

⁶ Mepaae so whi de woteró weı nokoletamo du dere kaae, Kótóné mo donoi ala wisi eraairaalu ekęle du betepa, ti Kótóné wisiró beterapóló hąiné sukutu betae.

Ti noatepaae, atétere so whipaaeta Talené ama donoi ala mo ti sųraalo ai ape.

⁷ Mepaae so whi denétamo mené ąpaae me dowi ala eratepa me ọla meipóló hąle kemeróo, me whi sekeı ala tuąmó betepa kọlené sukutu tao sóo du betepa,

ti atétere so whi Kótóné kọlené sukutu tao sóró, atimané dowi alakélé ama kemeró beterapa, hąiné sukutu beterópóló yae.

⁸ Mepaae so whi atimané hosaa tuąmó me alatamo hosekényi, mo wisi alatóró erótu betepa, ti hąiné sukutu betae.

Ti noatepaae, atétere so whiné ti Kótó mo kelaalopó.

⁹ Hąle sere ala ó bóe dele ala taalae yóló, filitere so whita ti Kótóné wisiró beterapóló hąiné sukutu betae.

Ti noatepaae, atétere so whi kilituraalu, ita Kótóné ama naale senaale beterapó yaalo ai ape.

¹⁰ Mepaae so whitamó Kótóné mo donoi alamaaté erótu beteremó, kae kae sekeı alané só derótu betepa, ti Kótóné wisiró beterapóló hąiné sukutu betae.

Ti atétere so whiné Kótóné hepen bemó tẹteróló kaae tare ala sóró ai tare ape.

¹¹ Dią yąlo ala erótu beteremó, mepaae so whiné diąpaae kae kae sekeı ala eratepa, ó so whi feané keletómó kapala fo yóló faletepa, ó kae kae eratere fo yóló dią só deratepakélé, Kótóné wisiró beterapóló hąiné sukutu betae.

¹² Ti noatepa meipó. Take Kótóné ama kóló whirapepaaekélé mió diąpaae

ai erótu betere sekęi ala kaae, erótu bitipakalepó.

Atérapa ó hepen bemó mole doasi dupu saaireteimó, mo kée yóló hajiné sukutu betae,”

Keriso so whį i haemó kóró dętamó kaae beterapóló yale fo

(Mak 9:50, Luk 14:34-35)

¹³ “Dięta, i haemó betó mole so whįtamo kó felé kaae yóló ai betere ape. Téretei, kóné felé kemetepa, ti momó kae netéro felé bulaaloé? Mo meipó. Atéro felé initere kó me ala enénipó. Atétere kó taae faróló hae tikimó beseké yóló mupa, so whįné tęiya tęiya yaalo ai ape.

¹⁴ Dięta, i haemó betó mole so whįtamo mo dę kaae beterapó. Doasi sokore hae du tómó mo hękeamó tę mole be hulua bóe whįné kelaqsóró, me ęlané kinanénipó. ¹⁵ Atére kaae, mepaae whįné *lamp* sę dęróló doasi ni fake aqmó kinóló mulótimpó. Ti noa yępóló meipó. Be tuęmó betó mole so whį fea dęmó beterópoló kisipa mutu, sę dęróló mulatere ni fake tómótóró hękeamó mulótua dapó. ¹⁶ Atétu dere kaae, dię tuęmó ere dę so whį feané kolópoló, hękeamó dęró betae. Atépa, so whįné kilituraalu, ó hepen bemó betere diaaę Ayané doi sóró horótu beterópoló, wisi ala hękeamó erótu betae.”

Kótóné tukóló muló betere foné erae ere ala dokęnale fo

¹⁷ “Ę waleteita, Moses-né yóló muló betere foró Kótóné ama kóló whįrapené yó melale fotamo tokęló aluraai wénitei, ai ašemó yóló muló betere fo dokonaairaaalu wóló i betere ape. ¹⁸ Yęlo diępaae mo i dere ape. Ó sęró i haetamo kemeyaa i teópa, Moses-né yóló muló betere fo kwia mo sawakélé aluyaalomeipó. Atéyaalopóló muló betere fo fea hęsókó feni, dokonóló motóróti eraalo ai ape. ¹⁹ Whį me dené i aseyóló muló betere fo mo sawakélétamo tikitepa, ó me whįpaaekélé ai ala tukóló yae yóló yó matepa, ti atétere so whį Kótóné tęteróló kaae tare hepen be tuęmó doikélé mo muaalomeipó. Téyaalotei, mepaae so

whį dené kale yae yóló muló betere fo wosóló eróo, mepaae so whįpaaekélé i fo sya fóló erae yóló yó melóo, du betere so whįta, hepen bemó Kótóné tęteróló kaae tare aqmó doasi doi muaalo ai ape. ²⁰ Yęlo diępaae mo i dere ape. Dięné dere mo donoi ala wisinaalené kale Moses-né ašemó ere fo yó mótu betere whįraperó, Farisi whįrapetamoné du betere donoi ala tęteró bitinipa, ti ó hepen bemó betere Kótóné tęteróló kaae tare aqmó mo sókókélé faalomeipó.”

Dei tuę muóló fopaae buturaalu whį daęse yale fo

(Luk 12:57-59)

²¹ “Mo take diaaę noutererapepaae yóló mulale fo i ape. Me whį mo ti dóló sukunaęse. Atétepa, ti ai whį ę kwia moleteiné taleyóló só deraalo ai ape. ²² Atépatei, yęlo diępaae dere fo i ape. Whį me dené ama no hamomatamo me bete munipatei, hęle fopaae depa, ti atétere whį ę kwia moleteiné taleyóló só deraalopó. Atétere kaae, whį me dené me whį hamoma eratere fo depa, ti atétere whį fo taletere whįrape beterepaae dapesó faalopó. Téyaalotei, whį me dené ama no hamomapaae duraalu, yę topo doyóló kisipa tikikélé okokoi-ó depa, ti atétere so whį doasi kwia moleteiné mo hęle dótóró tare dowi sipaae faai ai du betere ape.

²³⁻²⁴ Térapa, naao me ęla Kótópaae hęle melaai dapóló, kale momatere tikipaae sóró fenalemótamo, naao noné yętamo sekęrapó depa, ti Kótópaae hęle melaaire ęla melaaiti folosóró, naao notamo mole sekępi teraayóló wisirae. Atéro nalo ti naao hęle melaaire ęla Kótópaae melae.

²⁵ Whį me dené yętamo fo tokótamo yaai yę dapesó fupa, ti diaamo tuę tuęmó furaalutei ę kisipa wisi mulóló, hapale donora. Até initepa, ti yę taletere whį beterepaae dapesó fóló, fo tokótamo yóló, ai whįnémo *dipula* be tęteróló kaae tare whįrapené doasi topo whįné naase tuęmó mulaalopó. Ai whįné amamo yę *dipula* beteraqsóró kisipa mutu dapó. ²⁶ Yęlo diępaae mo i dere ape. Yę *dipula* betereitei sokópoló, dęle mulale kwia

belekaamale sonaai *monikélé* mo turó kemeróló menitepa, ti ya *dipula* hałe bitiré fóló, kemeróló duputere sukamó sokaalo ai ape. Meitepa, ti ya *dipula* hałe betó tawaalopó.”

Nópu naqse yale fo

²⁷ “I dere fota, diaağ taketi woseté wou beterapó. ‘So ó whı nópu naqse,’ erapó. ²⁸ Ai fo epatei, yało diğpaae mo i dere ape. Whı me denétamo me so kelené kolóló kisipa tikiné au nukupa, ti atétere whıné ama hosaa tuğmó nópu mo ai nale ape. ²⁹ Naao turu kelenétamo ya dowi ala yópóló dée nalatepa, ti atétere kele sokóló taae falae. Ti noatepae, naao tiki turó dowi si duku beterepaae faqsóro, ya atéro dée nalatere tiki kwia tukóló taae faróló, wisi tikipaae fupa mo wisirapó. ³⁰ Naao turu naasenétamo ya dowi ala yópóló dée nalatepa, ti ai naase tukóló taae falatepa mo wisirapó. Ti noatepae, ya dée nalatere naase tukóló taae farénitepa, naao tiki turó dowi si duku beterepaae faqsóro dapó.”

Whıné so tokğ fateremó yale fo

(Mat 19:9, Mak 10:11-12, Luk 16:18)

³¹ “Upulé i fo aseyóló muló betereitei diaağ ai tuğre ape. ‘Whı me dené ama sotamo tokğ falaai depa, ti tokğ fatere aseyóló sopaae melae,’ erapó. ³² Ai fota mo epatei, yało diğpaae i dere ape. Whı me dené ama so me whıtamo nópu nénipatei hałe tokğ fatepa, ti soma amatei nópu nalatapó. Atéro tokğ fatere so me whınémo dokotepa, ti ai whı akélé nópu nukulapó.”

Talené doi yóló malo yaqse yale fo

³³ Yesuné atimapaee duraalu, “Take bitiré wale so whıpaae yóló mulale fo me i ape. ‘Naao Talepaae i ala mo yaalopóló, malo yale fo tikini, motóro eró tawae,’ erapó. ³⁴ Tépatei, yało diğpaae mo dirii fo i dapa wosae. Malo dere alakélé momókó yaqse. Naao dere fo diriróturaalu, hepen be doi yóló malo momókó yaqse. Ti noatepae, ó hepen beta, fea ala fea teğteróló kaae tare Kótó betere tikipó. ³⁵ Ó diaağ dere fo diriróturaalu, i haekélé doi yóló malo momókó yaqse. Ti i haeta,

Kótóné ama hó dée daaló betere tiki ai ape. Jerusalem be hulua doi yólókélé momókó malo yaqse. Ti noatepae, ai be hulua, fea ala fea teğteróló kaae tare doasi topo whı betere tikipó. ³⁶ Diaağ dere fo diriróturaalu, naase horóló kutiri teketere alakélé momókó yaqse. Ti noatepae, naao topo niki mo betakélé de niki ó diliki niki biliranénipó. ³⁷ Diğné me ala mo ipa, ti épó yalepótóro yae. Inipa, ti mo inipótóro yae. Naao ai dere fo mopó yópóló, mepaae kae kae hğko fotamo touróló dereteita, ti dowi Satan-né yae yóló teğatepa dapó.”

Mené sekçi ala eratepa tokğ melaqse yale fo

(Luk 6:29-30)

³⁸ “Mo take yóló muló betepa, diaağ woseté wou betere fo i ape. ‘Whı menétamo me whı kele doratepa, ti menémo ama kekekélé dorae. Me whınétamo me whı sereke dukutepa, ti menémo ama serekekélé dukae,’ erapó. ³⁹ Ai fo mo epatei, yało diğpaae i dere fo wosae. Me whınétamo diğpaae me dowi ala eratepa, ti diaağmo atimapaee momó tokğ matere ala yaqse. Me whınétamo ya faamumó okolope deké supa, ti me tikiró faamumókélé dğpóló yó melae. ⁴⁰ Mepaae whıné yağtamo fo tokğtamo yóló, naao deró betere kuti sokotepa, ti me fğloi kutikélé sğpóló sókó melae. ⁴¹ Mepaae whınétamo, yağpaae 1 *kilomitamó* ama ęla ęla beleróló fae yóló seğtepa, ti naaomo me beleróló, 2 *kilomita* alerae. ⁴² Whı menétamo yağpaae me ęlakó kematepa, ti ama ai kematere ęla melae. Me whınétamo naao me ęlakó kapala asiri saai dapóló yağpaae wosetepa, melaalomeipóló ama dere fo sisópaae eraqse.”

Bóe whıpaae yaala sókó fae ere fo

(Luk 6:27-28, 6:32-36)

⁴³ “Taketi yóló muló betepa, diaağ woseté wou betere fo i ape. ‘Naao be whı so whıpaae yaala sókó furaalu, bóe whı hğróló bóe du betae,’ erapó. ⁴⁴ Tépatei, yało diğpaae i dere ape. Diaağ bóe whırape heğesené sinóló yaala sókó furaalu, wisi ala erótu betae. Mepaae

whjné tamo diãpaae sekei ala eratepa, atétere whj Tale Kótóné tao sóró, kisipa tiki wisi mulóppóló momarae. ⁴⁵ Atétepa, ti diã ó hepen bemó betere diaaõ Ayané naale senaaletóro betaalo ai ape. Talené suka ðerótu betereteita, dowi ala dere so whjpaakélé, wisi ala dere so whjpaakélé erótu beterapó. Ama hali anateré alakélé, dowi ala du betere so whjro donoi ala du betere so whjtamo wusurópaae anótua dapó. ⁴⁶ Diãné tamo, mepaae diã heßené sukóló yaala sókó fole so whjpaae maaté yaala sókó fu beteretei doasi alapakó, Kótóné diãmó dupu melaalopóló de? Ti kale *takis moni* siré kotere whjrapenékélé atei kaae ala dua dapó. ⁴⁷ Diaaõ mo no ne apupaae maaté naamei fo yólo, kóleó du betere-a, ai doasi alaé? Ti mepaae Kótó tué inire so whjnékélé ai ala dua dapó. Tépeatei, hãle mo so whjpaakélé naameiné kóleó du betepa, ti mo doasi ala ai ape. ⁴⁸ Térapa, ó hepen bemó betere diaaõ Aya a me wisi ala yaãani, mo ti sũru ere kaae, diãkélé wisi alatóro eraté fóló, Talené ama ala mo ti sũre whj betae.”

6

Mepaae yaãare so whj tao sae ere fo

¹ “Diaaõ du betere wisi ala so whjné kolóló dukiróppóló, momókó yaõse. Diaaõ dere wisi ala tamo kolóló dukiróppóló du betepa, ti ó hepen bemó betere diaaõ Ayané melaaitere dupu saalomei ai ape.

² Até yaõsóropa, diãné mole ãla ãlarape mepaae yaãare so whjmó hãle melaai depa, ti tiki tuãpaae dorutei tó tikiné hãle sikilitere whjrapené wisi ala dapó yóppóló, du betere ala kaae mo yaõse. Ti ai whjrapenéta, fo wosetere berapemókélé, tu tomókélé, so whjné atima doi hale sóro horóppóló kisipa mutu, touró betere so whjné keletómó dua dapó. Yaõ diãpaae mo i dere ape. Atétere whjrape atima me dupu kaae saalomei, mo sũmótóro ai sóro tare ape. ³ Térapa, naao ãla ãla mepaae yaãare so whjmó hãle melóló, yaõ etei kaae ãla melalepóló kisipa yó tani, mo keterae. ⁴ Diaaõ mepaae ãla ãla yaãare so whjmó materetei so whj feané kelaõsóro kikiti melae. Ti atéro kikiti dere

ala keletere Aya Talené amatóro diaaõ ai dere alamó dupu melaalopó.”

Yesuné moma etéro yae yólo yó maletai (Luk 11:2-4)

⁵ “Téyaalopa, diaaõ Talepaae momaturaalu, tuãpaae dorutei wisire nisiyóló hãle sikilitu betere whjrapené dere moma kaae mo yaõse. Ti atimané momaturaalu, fo wosetere berapemókélé, doasi tu tomókélé, so whj feané dukiróppóló dua dapó. Yaõ diãpaae mo i dere ape. Atétere so whjné duputa me kae muni, mo sũmótóro ai sere ape. ⁶ Tényi, Talepaae moma yaairaalu, naao be dolopaae fóló tu kinóló bitu, kelené kilinire diaaõ Aya Talepaae betã momayae. Atétepa, ti kikiti kinóló dere ala keletere Ayané diãmó dupu melaalo ai ape. ⁷ Diaaõ Talepaae momaturaalu, Kótóné ala kisipa inire whjrapené bete munire forape hãle hõko deté fu dere kaae yaõse. Ti atimané atéro fõlo sũyóló dere momata, Talené wosaalopóló kisipa muóló dua dapó. ⁸ Térapa, atimané ai dere ala kaae diaaõkélé yaõse. Ti noatepae, diaaõ yaãare ãla aãpaae wosaai teópatei, diaaõ Ayané ama mo kisiparapó.

⁹ Térapa, diaaõ Talepaae momaturaalu etéro yae.

‘Hepen bemó betere ðané Aya-ó, Yaõta dowi ala mo betãkélé muniruraalu, naao ere ala mo kaepó. Téreteiné yaõta, fea alané bete Tale betepa, so whjné naao doi hale sóro horóló, mo doasi doi mulóppóló yae.

¹⁰ Naao teãteróló kaae tare aõmó mole ala wisinaale wóppóló yae. Naao kisipa mole ala ai hepen bemó irure kaae, i haemókélé atéroppóló yae.

¹¹ Ðané mió i be ðémó naaire ãlakélé naao sũmó aãlae.

¹² Mepaae whjrapené ðãpaae erale dowi ala kwia ðané tani, me ãla meipóló hãle kemerótu yale kaae, ðané dowi ala kwia kélé naao hãle kemerae.

¹³ Ðã me dowi ala yólo dée naaire tikipaae aãlisóro faõsóro, naao seséyóló tu wisitei yó mótu betae.

Téturaalu, da dowi ala yópóló sesemeratere bóe whiné só de-raqsórópa, ai tu naao seséyóló da tao sae, yóló dua yae.

14 Ti mepaae whirapené diapaae erale dowi alatamo, me ɔla meipóló haɔle kemeratepa, ti ó hepen bemó betere diaaɔ Ayané diané yale dowi alakélé, haɔle kembraalo ai ape. 15 Téyaalotei, mepaae whirapené erale dowi ala me ɔla meipóló, diaaɔtamo haɔle kemerénitepa, ti ó hepen bemó betere Ayané diaaɔ dowi alakélé, haɔle kembraalomeipó.”

Yesuné ɔla weyóló haɔle betere alamó yale fo

16 “Diaaɔ Talepaae momayaairaaalu, ɔla weyóló haɔle betere sukamó, tuapaae dorutei tó tikiné sikilitere whirapené dere ala sūróló yaɔse. Ti so whiné atima mo wisirapó yópóló kisipa mutu, ɔla weyóló atimané kelepa hūmula yóló bitua dapó. Yaɔlo diapaae mo i dere ape. Ai whirape atimané duputa, me kae saalomei, mo sūmó ai sere ape. 17 Tépateti, diá moma yaai ɔla weyóló bituraalu, diaaɔ topo niki mó wel wɛi dilóo, diaaɔ kelepaakélé fokóo du betae. 18 Ti noa yaqsóró meipó. Mepaae whirapené diá ɔla weyóló beterapóló kisipa yaqsóró dapó. Diaaɔ kelené keleneire Ayané ama betá diaaɔ ai kikitidi dere ala kelerapó. Atére Aya Talené amatóro diámó dupu wisi melaalo ai ape.”

I haemó wisi wisi ɔla betapaae huatu betaɔse yóló yale fo

(Luk 12:33-34)

19 “Diá i haemó bituraalu, ekeɔle yóló ita yaɔlo ɔlapóló, betapaae huatu betaɔse. Ti noatepae, i haemóta hoti dakóló ó dowi ero siné turukóló ó ɔlémi nokole whirapénékélé kikitidi be fulukóló sua dapó.

20 Aténi, diaaɔ wisi wisi ɔla ó hepen bemó betapaaeróló mulaté holópóló yae. Ti ai bemóta ero sinékélé, hotinékélé doréni, ɔlémi nokole whirapénékélé be fulukóló ɔlémi saalomeipó. 21 Ti naao wisi wisi ɔla mole tikimótóro naao hosaakélé mo turó ai mole ape.

22 Naao keleta, ti tiki turó deɔro betere lamp sa sū ai ape. Naao kele tamo wusuró

wisipa, ti tiki turó deɔro falapó. 23 Téni, naao keletamo dilikipa, ti tikikélé turó dilikirapó. Naao tiki tuamó ere deɔtamo aluróló dilikipa, ti naao betere betekélé mo turó diliki yó falapó.

24 Betá kutó diratere whinéteidi teɔteróló kaae tare whi tamoné kutó diranéni pó. Ti me whiné du, i kutó dirae, me whinékéle i kutó dirae depa, atimaamo wusuróné kutó betá whiné diraire mo sūnipó. Ti noatepae, me whi hóróló me whipaaemo hekesené sinóló yaala sókó fole ala yaalo ai ape. Ó me whipaaemo doasi hekesené sinóló yaala sókó fóo, me whimo hóróló sisópaae eróo yaalopó. Tétere teini betá whiteidi Kótóné ala eratere whi betóo, moni diá teɔteróló kaae tare whi aqróló, monine kutó diratere whikélé betóo, enéni pó.”

Nokole ɔla ó deraaire kutimó whaaliala yaɔse ere fo

(Luk 12:22-31)

25 “Térapa, yaɔlo diapaae i dere ape. Diá betere beteta diaaɔ naaire ɔla ó wɛi nisiyóló ɛ noa naaloé? ó kuti noa deraaloé? yóló, whaaliala du betaɔse. Ti ai ɔla ɔla-a, doasi ɔlapa whaaliala du betere? Ya betere beteta, ti mo doasi topo ɔla ai ape. Naao deró betere kuti-a doasi topo ɔlapa, whaaliala du betere? Naao tikita, ti mo doasi topo ɔla ai ape. 26 Barapepaae eratere ala diané kisipa muae. Atimané naaire ɔla wae bilitere ala ó ɔla sóro bepaae mulatere ala dua de? Tétumiteidi, ó hepen bemó betere diaaɔ Ayané atimané naaire ɔla sūmó mótua dapó. Ti ai barapeta doasi ɔla meiteidi, ama tao sua dapó. Ti diá so whita, mo doasi ɔla beterapa, ama kisipa keteraalopóló de? 27 Me whiné ama whaaliala dere alané a bitiré faaire be de ama sūmó hikili faranére? Mo meipó.

28 Diá kuti noa deraaloé yóló, whaaliala du betere-a, kale hoko yó mole nerape kisipa muae. Ti atima kémi bisikóló kuti nomotere ala dumipó. Mo meipó.

29 Tépateti, yaɔlo diapaae i dere ape. Mió i yó mole nerapéné ere au wisiné kale doasi topo whi Solomon-né sua yale kuti wisinaalené ere aukélé mo teraae falapó.

30 Diá tué tiki tiratere ala tómó dakeró

betere whjrape-ó, i haemó yó mole nerapeta, mió betá yóló dóta, doyaaire qlatei, Kótóné ama mo wisiyóló aurótua dapó. Ti Talené ai ne aurótu dere kaae, diaaḡ saaire kuti diámó sýmó melaalomeipóló du bitu de? ³¹ Atérapa, qlaró wëitamo noa naaloé? ó kuti ę noa saaloé? yóló, whaalía du betaḡse. ³² Ti noatepae, hãle hõko betó mole so whjrapené ai qla qlarape saaitapóló doasi ketekę butu beterapó. Tépatéi, diãné ai yaḡḡ du betere qla qlata, ó hepen bemó betere diaaḡ Ayané ama mo kisiparapó. ³³ Térapa, folosóró Kótóné ama tęteróló kaae tare alaró, mo donoi ala wisinaaletamota, mo doasi bete mole alapa, ketekę buóló erótu betae. Atétepa, ti mepaae yaḡḡtere qla qlakélé fea Talené ama mo sýmó melaalo ai ape. ³⁴ Atérapa, dó be demó noa ala yaaloé yóló whaalía du betaḡse. Ti dó be demó yaaire alata, ai be demótóró erópóló yae. Upaae bitiré faaire be demó yaaire sekęi ala, mió i be demó dere alatamo touraḡse.”

7

Mepaae so whjné dere ala taleyóló só deraḡse ere fo

(Luk 6:37-38, 6:41-42)

¹ “Diã Tale aḡyóló mepaae no ne hamomané dere ala taleyóló só deraḡse. Ai ala deremó, Talené diãkélé taleyóló só deraḡsórópa taalae. ² Ti noatepa meipó. Mepaae so whjpaee diãné me noa kaae ala eróló tale itikimó, ti naao me whjpaee ai erale ala mo sýtóró Talené yaḡpaaekélé eraalo ai ape. Naao me noa kaae ala me whj hamomapaee erélipa, ti ai erale sýtóró Talené yaḡpaaekélé eraalopó.

³ Naao kele dolomó doasi ni fake bupatei bunire aḡyóló, naao no hamomané kele dolomó sawatamo bole mome kolóló, no-ó, naao kelemó ai bole mome sokaalopa maé dere fo-a, noatepa du betere? ⁴ Naao kele dolomó bole doasi ni fake-a, sokoni hãle bupatei, me no hamomapaee naao kele dolomó bole mome sokotapa maé fo-a, noatepa du betere? ⁵ Tó tikiné wisire nisiyóló hãle sikjli du betere whjrape-ó, folosóró naao kele dolomó bole doasi ni fakepi sokae. Atéró naao kele feléyóló, qla

qla diriyóló kilituraalu, ti naao noné kele dolomó bole mome wisiyóló sokonérápó.

⁶ Kótóné ama mo kaae tukóló muló betere qla haḡrape nõpóló melaḡse. Meleke wisinaale hupurape daae mole tikipaae fesekée falaḡse. Diãnétaamo ai ala depa, ti hupurapené hóné tęiya tęiya yóló, momó fesaae wouraalu diãtei dósuyóló naalo ai ape.”

Kótópaae me qla wosetere fo
(Luk 11:9-13)

⁷ “Diã yaḡḡtere qla Kótópaae wosetepa, ti diaaḡ ai wosetere qla ama mo melaalopó. Me qlakó saai dapóló keketepa, ti diaaḡ keketere qla mo kólóló saalopó. Diaaḡ tų tukjyae yóló tų dupa, ti ama tų tukjaalo ai ape. ⁸ Mepaae so whj atima yaḡḡtepa, wosetere qla mo sua dapó. Whj me dené senée yóló keketere qla ti mo sua dapó. Tų tukjyae yóló, tų du betere so whj fea be dolopaae wópóló, tų tukjtua dapó.

⁹⁻¹⁰ Diã ai betó mole whj betãné naalemané alimapaee aya-ó, okó aḡmaletamo aḡlae depa ai kematere qla taaróló, kapo fake nae yóló melaaloé? ó yakó aḡlae depa, ai kematere qla meni whj tukó nokole dowi wuli betepatei, nae yóló melaaloé? Meipó. ¹¹ Diã i haemó dowi ala du betere whjrape bitutei, diãné naale senaalemó wisi wisi qla hãle matere ala ti diã mo asarapó. Atére kaae, ó hepen bemó betere diaaḡ Ayanéta, mepaae whj dené aḡpaae kematere wisi wisi qla mo hamokoróló melatere alané, i haemó betere ayané matere ala mo ti bosene falapó. ¹² Térapa, Kótóné ama kqló whjrapené ere foró Moses-né yóló muló betere fotamo fea touróturaalu, ere fo beteta me kaae mei ai ape. Kae kae ala yaairaalu, mepaae whjrapené yaḡpaae eranée dere alatóró mepaae so whjpaeeekélé erótua yae.”

Doasi fakere tųró betekęne tųtamo

¹³ “Diã sawatamo betekęne tų serekemó sókó fae. Mo ti aluyaaitere tikipaae faai fole tų fake yóo, mo tųkélé doasi fake yóo erapó. Ti mo dekéró so whjta, ai fakere tųtóróti sya fu beterapó. ¹⁴ Téretei, mo ti betó tawaaire tikipaae fole tųta, so whj

feané kilini, betā betā so whjné maaté ai betekene tū kekōló sya fu beterapó.”

Ni du oletere kilituraalu etei kaae nipóló tué dere ala

(Luk 6:43-44, 13:25-27)

¹⁵ “Diā kōpaae fōpóló, dilikāai Kótóné ama kōló whj aqyóló waalopa, mo hotowaró kaae tawae. Atima atéró wouraalu, kale *sipsip* hupu niki kaae bilipa mo hji nisyaaalotei, atimané tiki tuāpaaeta, ti whj dóló nokole dowi bete haqné tiki daalapó. ¹⁶ Ti atima noa kaae whj beterémóló, folosóró atimané dere alapi kaae kolóló tué yae. Ti noatepae, so whjné besāae teketuraalu, hāle hōko kēpimó olopa tekaaloé? Nose dukélé hāle hōko nimó olopa tekaaloé? Mo meipó. ¹⁷ Atétu dere kaae, wisi niné ti wisi du oleyóo, dowi niné ti dowi dutóró oleyóo, dua dapó. ¹⁸ Wisi nimó ti dowi ni du oleyóo, dowi nimó wisi ni du oleyóo, dumipó. ¹⁹ Mepaae du wisiyóló woleneitere nirape feata, ti diyóló sipaae taae derótu beterapó. ²⁰ Térāpa, ai kale whjrapené du betere ala mo wisiyóló kaae keletepa, ti atima etei kaae whjrape beterapóló, mo diriyóló kisipa yaalo ai ape.

²¹ So whj mo feané atima hepen-paae faalopóló kisipa muturaalu, yało doi yóló Tale-ó, Tale-ó, du betepatei, ai so whj mo fea faalomeipó. Ai tuāmótei, mepaae so whj de ó hepen bemó betere yało Ayané ama kisipa mole ala sya fóló, erótu betere so whj betā mo sūmó fenérāpó. ²² Taletere be demó, mepaae so whjné yało doi yóló Tale-ó, Tale-ó, dā naao kōló whj bitu, so whjpaae Kótóné fo i ape yóló yó melóo, naao doimó dāné mepaae dowi keperape so whj tuāmó betteretei dóló hōkó falóo, mepaae kelemei alarapekélé eróo, du betalepó, yaalopó. ²³ Ai fo depa, yało atimāpaae hākeamó teraae faróló duraalu, ‘Diā dowi ala du betale so whj-ó, diā ę mo tuékélé inipa taae fae,’ yaalopó.”

Be mo kekemeyóló tētere whjró hōko tētere whjtamo

(Luk 6:47-49)

²⁴ “Tépatei, mepaae whj dené yało fo mo wisiyóló wosóló, sya fóló eró tapa,

ti kisipa tiki fosó fosóre whjné ama be tēyaairaalu mo hae kaaayóló taae faróló, kapo tómó tētū dere kaae dapó. ²⁵ Atépa, doasi hali tiki wóo, wēi milikélé wóo, doasi besē tikikélé wóo duraalu, ai bemó hairaletei tokó fenipó. Ti noatepae, ai be kapo tómó tēyaaleteiné mo dirirapó. ²⁶ Tépatei, mepaae whjrapené yało fo wisiyóló wosólótei sya fóló erénitepa, ti kale kolea koleare whjné wēi atikā tómótei be hōko tētū dere kaae dapó. ²⁷ Atépa, doasi hali tiki wóo, wēi mili wóo, doasi besē tiki wóo duraalu, ai kale bemó hairale tikimó, mo ti kolokó felepó,” yalepó.

²⁸ Téró, Yesuné ai forape yóló kemetepa, aimó wóló touró betere so whj mo feané ama yó mótu betale fomó haió! yóló, siratu betalepó. ²⁹ Ti noatepa meipó. Ama atéró yó mótu betale fota, Moses-né yóló muló betere fo yó matere whjrapené dere kaae yó meni, me doasi tēteróló kaae tare whjné sóró betteratepa yó matere fo kaae, mo bete tokóló yó matapó du betalepó.

8

Yesuné betā dowi humu fulu derāle whj wisiraletēi

(Mak 1:40-44, Luk 5:12-14)

¹ Ai ala yóló kemetepa, Yesu ą ai du sokore aqmó betteretei taaróló, dorowou betalemó, so whj mo feané ą sya wou betalepó. ² ą atéró daalemó, dowi humu fuluné tiki dore whj ą betterepaae wóló, bukutiri teyaró bitu āpaae woseturaalu, “Tale-ó, naao fotokōné ę wisiraai kisipa mutepa, ti mo sūmó wisiranérāpó,” yalepó.

³ Atéró, Yesuné kale whjné tikimó naase mulóló duraalu, “Naao tiki doretei mió yało wisiraai dapa, mo ti wisi yae,” yalepó. Ai fo deretamo, ama tiki mo turó wisiyalepó. ⁴ Téró, Yesuné āpaae duraalu, “Wosae, mió naao tiki ai wisi yalepa, hāle mo so whjpaae i ala yalepó fo momókó yaqse. Tēni ya fóló, Talepaae momaratere whjné maaté naao tiki fopeyópóló, yó melae. Téró, mo take Moses-né yóló muló betere fo sya furaalu, naao tiki wisirateremó Talepaae melae ere ęla melae.

Atimané ai ala kilituraalu, ita Talené eró beterapó fo yópóló dapó,” yalepó.

Betá topo dikitare whiné Yesupaae tué tiki tirale ala (Luk 7:1-10)

⁵⁻⁶ Atéro, Yesu a Kapeneam be huluamó sókó felemó, 100 Rom diki tare whirape tetéroló kaae tare topo whi betá wóló apaae duraalu, “Tale-ó, yálo kutó diratere whi betá doasi hepo daalu ama tikikélé mo dāamu sókó fóló, bemótóro hāle fió mulapó. Téruraalu, doasi dele su betera naao e tao saaloé?” yalepó.

⁷ Ti fo depa, Yesuné apaae duraalu, “Yálo a wisirai faalopó,” yalepó.

⁸ Ti fo depa, kale topo whiné apaae tokó mótu duraalu, “Tale-ó, e whi wisi bitupakó ya yálo bepaae ape yaalomeipa, imó naao fonémaaté ama kisi bete wisiyae depa, sumó wisiyaalopó. ⁹ Ti noatapa meipó. Ekélé e tetéroló kaae tare whirape betepa, atima aqmó beterapó. Atéruraalu, yálokélé mepaae diki tare whirape tetéroló kaae tarapó. Ai whirapekó betapaae yálo fae depa a fío, ape depa wóo dua dapó. Yálo kutó diratere whipaae i kutó diyae depa, ama ai alatóro dua dapó,” yalepó.

¹⁰ Yesuné ai whiné dere fo wosóló, haió yóló siratu, a sya wou betere so whipaae duraalu, “Yálo diapaae mo i dere ape, i whiné doasi kisipa tiki tiró betere kaae ere whi Israel hae kwiamó betepa, yálo mo kilinipó. ¹¹ Yálo diapaae i dere fo wosae. Suka hoterepaae betere so whikélé, suka doropolepaae betere so whikélé, atimané be taaróló ɔla detere tikipaae wóló, atima beterópóló tukóló muló betere tikimó ɔla naai betaalopó. Atima atéro touróló, Abraham, Aisak, Jekop-sépitamo hepen bemó betere Kótóné tetéroló kaae tare tuamó bituraalu, ai doasi detere ɔla atima fea betámó nuku betaalopó. ¹² Téyaalotei, mepaae so whi Kótóné tetéroló kaae tare aqmó ama naale senaale beterópóló yóló mulaletai, diliki tuamó beterópóló, belapaae hókó deraalopó. Aimó doasi dele su bituraalu, atimatei yale alamópóló dekené sukóló wole du betaalo ai ape,” yalepó.

¹³ Téro, Yesuné kale doasi topo whipaae duraalu, “Naao kisipa tiki tiratere alatóro yálo yapaae mo eraalopa, fae,” yalepó. Mo ai fo deremótóro kale whiné ama kutó diratere whiné kisi bete wisi ipakalepó.

Yesuné mepaae so whiné kisi wisirótua yale fo

(Mak 1:29-31, Luk 4:38-39)

¹⁴ Téro, Yesu a Pitané bepaae sókó felemó, Pitané ama somané hama sere tiki suputere kisiné sinóló mupa kelalepó.

¹⁵ Atépa kolóló, kale soné naasemó ama wolaa yó salemó, ama tiki supu du betale kisi bete wisitepa, kale so a turukó holóló, Yesumó ɔla kaae sóro biliralepó.

¹⁶ Atéro, be dikiteretamo dowi kepe tepeyóló betó mole so whi mo turó a beterepaae dapesó wua depa, dowi keperape foné sua yalemó, sókó fua yóo, atima so whi feané hepo betekélé mo ti wisitua yóo, yalepó. ¹⁷ Ai alata hāle inipó. Kótóné ama kóló whi Aisaiané yóló muló betere fo dokonóturaalu yalepó. Ai fo i ape.

“Dāné momaare tikiró kisi betetamo fea ama tikimó sóro tokóló aluraai walepó,” erapó.

Yesu a so whiné sya kotopa yale fo

(Mak 1:32-34, Luk 4:40-41)

¹⁸ Atéro kelalemó, so whi mo hāle ɔla kaae a boperāle wapa, Yesuné ama yó matere whirapepaae duraalu, “Dā wēi kēla tēyóló uté tēro faalopa fiépe,” yalepó.

¹⁹ Atétepa, Moses-né yóló muló betere fo yó matere whi betá a beterepaae wóló duraalu, “Yó matere whi-ó, ya mopaae fupa, ti ekélé ya sya waalopó,” yalepó.

²⁰ Ai fo depa, Yesuné apaae tokó mótu duraalu, “Kale haqnaraperó barapeta-mota, atima fitere tiki ai ere ape. Téretei, kale whiné Naalema a betá ama topo beleróló fitere tiki meipó,” yalepó.

²¹ Ti fo depa, ama yó matere whi betané duraalu, “Tale-ó, folosóro yálo ayapi dourāle faaipa, naao epaae fae fo enére?” yalepó.

²² Ai fo depa, Yesuné apaae duraalu, “Sinale whirapeta, ti sinale whirapenétóro dourópólópa, ya e sya ape,” yalepó.

Yesuné doasi besé tikiró wēi asyatamo béraletei

(Mak 4:36-41, Luk 8:22-25)

²³ Atéró, ą kale wēi nukupaae bitī ho-topa, ama yó matere whjrapekélé ątamo betą nukupaae bitī holalepó. ²⁴ Atéró, atima wēi tuąmó fu betašemó, mo doakale hali tikiró besé tikitamo kilitainé hapale sókó walapó duraalu, wēi asya wóló atima betere nuku dolopaae wēi bosenée horóló, kale nuku buó deraai depatei, Yesu ą noke hąle fió molepó. ²⁵ Yesu atéró fipa, ama yó matere whjrapené ą turukuróló duraalu, “Tale-ó, dą felekemó wēiné aluraai dapa, naao dą tao sae,” yalepó.

²⁶ Ai fo depa, Yesuné atimapaee tokó mótu duraalu, “Dią noatepa wi du bitu de? Diaaą kisipa tiki tiró betere ala tómó ai ererapó,” yalepó. Tétepa, ą turukó holóló, kale wēi asyaró besé tikitamopaae tikae yóló foné salepó. Atéyalemó, kale wēi asyaró besé tikitamo tukóló ama ere kaae mo dono felepó.

²⁷ Atétepa, kale whjrape atimasisitei duraalu, “Haió! i whjta, noa kaae whjropó. Kale wēi asyaró besé tikitamonékélé mo whjné dere kaae, ama dere fo mo betątóró wosóló, erótua dapó,” yalepó.

Kepe tepeyóló betere whj tamo wisirale fo

(Mak 5:1-17, Luk 8:26-37)

²⁸ Atéró, Yesu ą uté tēró tē fóló Kadarin hae kwiamó sókó felepó. Aimó dowi kepe tepeyóló betere whj tamo whj दौरतुा dere tikimó bitī, ątamo hokolaa yaai dapóló walepó. Ai whj tamo dowi kepené sesemeratepa doasi fopaae butu, sereke fisikó sóró whj daai du betepa, so whj fea wituraalu ai tųmó fua inipó. ²⁹ Até du betere whj tamoné fo fakeyóló duraalu, “Kótóné Naalema-ó, naao dąmopaae noa alakó eraai waleé? Tukóló mulale suka teópatei, yą ipaae dąmo susupuraai waleé?” yalepó.

³⁰ Téró, mepaae hupurape mo hąle ąla kae mo umó kimimó daae molepó.

³¹ Kale dowi keperape atima witepa Yesupaae kema duraalu, “Naaotamo dą dóló hąkonaai depata, ti u hupurapené depe tuąpaae dotonaasepe,” yalepó.

³² Atéró, ama kale keperapepaae duraalu, “Dią whj tuąmó beteretei taaróló sókó fae,” depa, atima kale whjné depe tuąmó betaletei taaróló, hupurape tiki tuąpaae tepeyóló bitī fupa, kale hupurape fea botokó furaalu, kula dolomó dere-peletikimó, wēiné soroką fóló kale hupurape sisiraae felepó. ³³ Atétepa, ai hupu kaae tare whjrape atima ai ala kilitu, mo hapale doasi be huluapaae fóló, i kale whj tamopaae erale alaró mepaae eratepa kelale alatamo so whj feapaae yalepó. ³⁴ Atétepa, ai be huluamó betó mole so whj fea Yesu kelaai dapóló walepó. Atéró walemó Yesu betepa kilitu, atimané ąpaae yą i hae kwia taaróló fae, yóló sętu beta-lepó.

9

Yesuné tiki dąamui whj wisirale fo
(Mak 2:1-12, Luk 5:17-26)

¹ Atéró, Yesu ą wēi nukupaae bitī holóló, ai wēi kęla tęyóló ą betere be hulupaee felepó. ² Atéró ą aimó betepa, mepaae whjrapené betą tiki dąamui whj beseķtamo turó Yesu beterepaae beleyóló walepó. Atétepa atima kisipa tiki tiróló wale ala Yesuné kolóló, kale tiki dąamui whjpaee duraalu, “Ti naale-ó, naao dowi ala kwia mió yąlo i kemeratapa whaalaa ini, naao hosaa diriyóló dua betae,” yalepó.

³ Ai fo depa, mepaae Moses-né ere fo yó mótu betere whjrape atima kisipanétei duraalu, “I whjné ą Kótó kaae beterapóló du betere foné, Kótóné doi doróló faletu beterapó,” yalepó.

⁴ Yesuné atimané atéró mutere kisipa kolóló duraalu, “Diaaą atei kaae dowi kisipa noatepa mutu bitu de? ⁵ Fo tamo mulapa, so whjné taleyóló mé fo diaaą enére? Naao dowi alamó saaire kwia yąlo aluratapó fo enérepé, yą turukó horóló naao beseķę sóró fae fo enére? Dią tuę tekeyóló kisipa yae. ⁶ Atérené i haemó betó mole so whjné dowi ala kwia tokóló aluraaire fotoką Whjné Naalemané sųmó bulapóló, kisipa muǒpólópa,” kale whjpaee, “Yą turukó horóló naao beseķę sóró bepaee fae,” yalepó. ⁷ Ti fo depa,

kale whi turukó holóló ama beseke sóró bepaae felepó. ⁸ Atétere ala aimó betó mole so whi feané kolóló, atima doasi hokomó sókó furaalu sira yalepó. Mo whiné etei kaae ala yópoló Kótónétei sóró beteró beterapóló, ama doi hale sóró horalepó.

*Yesuné Matyupaae a sya ape yale fo
(Mak 2:13-17, Luk 5:27-32)*

⁹ Atéro Yesu a ai hae tiki taaróló fu be-talemó, *takis moni* siré kotere whi Matyu *takis moni* saairaaalu, tene furu bemó betepa kelalepó. Atépa ama apaae duraalu, “Ya e sya ape,” depa, kale seké a turukó horóló Yesu sya felepó.

¹⁰ Atéro, Yesu a kale whi Matyuné bemó betepa, *takis moni* siré kotere whiraperó mepaae dowi ala dere whirapetamo mo turó wóló, Yesuró ama yó matere whirapetamo fea touyóló ɔla nuku beterepó. ¹¹ Atéro ɔla nuku betepa, mepaae Farisi whirapené kolóló ama yó matere whirapepaae duraalu, “Di a yó matere whi-a, *takis moni* siré kotere whiraperó dowi ala dere whirapetamotei, noatapa ɔla betámó nuku bitu de?” yalepó.

¹² Ai fo wosóló Yesuné duraalu, “Kisi daanire so whi *dokta* beterepaae fumi, kisi daale so whimaaté fua dapó. ¹³ Kótóné aseýóló muló betere fo i ape. ‘Simó sukɔlaa dalóló hɔle matere ala Kótóné a saai doasi hekeseni, kɔlené sinóló hɔle tao sere ala depa, ti a mo doasi hekeserapó,’ erapó. Térapa di a fóló, ai ere fo bete wosóló kisipa tekeyae. Ti e waleteita, donoi ala dere so whipaae ape yaai anitei dowi ala dere so whipaae ape yaai walepó,” yalepó.

*ɔla weyóló hɔle betere ala
(Mak 2:18-22, Luk 5:33-39)*

¹⁴ Téro, Jon-né yó matere whirape Yesu beterepaae wóló apaae woseturaalu, “Daró Farisi whirapetamota me sukamó ɔla weyóló hɔle bitua depatei, naao yó matere whirapemo ɔla weyóló hɔle bitinitere-a, noatapa de?” yalepó.

¹⁵ Ai fo depa, Yesuné atimapaae tokó mótu duraalu, “Kale so dokaaire whi a

ama fulumu whirapetamo hɔle betepatei, ama fulumu whirape dekɛtu molómó betaaloé? Tényi, nalo kale so dokore whi mené dapesó fupa, ti ama fulumu whirape atima ɔla weyóló hɔle betaalo ai ape.

¹⁶ Mo whi betanékelé, kisi kuti kwia sóró si kutitamo nomotumipó. Ti noatepae, kisi kuti kwia sóró deraakele kutitamo dakoróló nomonalemó, momó bisaae fóló mo ti fake yaalopó. ¹⁷ Whi betanékelé, kisi *wain* wɛi tepeturaalu, upulé moi hupu sekaɛné nomóló mole wutimó tepetumipó. Atéro tepetepa, ti kale moi hupu sekaɛmó tepeyale *wain* wɛi tóputuraalu, fulukó fóló wɛi sunée faalopó. Atéyaqsóró, atima kisi *wain* wɛi tepeturaalu, ti kisi hupu sekaɛné aleale wutimótóróti tepetua dapó. Atétepa, ti kale wutiró wɛitamo wusuró mo wisiyóló muó tawaalo ai ape,” yalepó.

*Yesuné folosóró bet a so wisiróo, senaale
kepaaróo yale ala
(Mak 5:22-43, Luk 8:41-56)*

¹⁸ Atéro ama fo teó du betepatei, bet a doasi topo whi wóló a daalemó bukutiri teyaró bitu duraalu, “Doa whi-ó, ɔlo senaale mo miótóróti sinalepó. Téyaleteti, ɔ wóló ama tikimótamo naao naase mulatepata, ti a mo kepaanerapó,” yalepó. ¹⁹ Atétepa Yesu a turukó horóló kale whitamo fupa, ama yó matere whirapekelé felepó.

²⁰ Até deretamo, bet a so wéliéné du betepatei, 12 ba fo kemere so Yesuné sisóró sókó wóló, ama deró betere kuti salemó wolaayalepó. ²¹ Kale soné ama i kisipa mualepó. “ɔlotamo ama kuti salemó wolaatepa, ti ɔlo kisi bete sumó wisiyaalopó.”

²² Tétepa, Yesu a fetée fóló kale sopaae duraalu, “Ti senaale-ó, naao kisipa tiki tirale alané naao kisi bete wisiralepa, hosaa tuamó sekeni, diriyóló dua fae,” yalepó. Ai fo deremótóró kale soné kisi bete mo ti wisiyalepó.

²³ Atéro, Yesu a kale doasi topo whiné be dolopaae sókó felemó, so whi fea fo tiki whaa du bitu, fó wuti hale yóló moló-u du betepa kelalepó. ²⁴ Até du betepa, Yesuné atima foné sóró duraalu,

“Ai senaleta sukuni, ą noke firapa dią taae fae,” deremó atimané ą dọ nalalepó. ²⁵ Atéró, ai touró betere so whị fea belapaae hqkó deróló, Yesu ą kale senaale mole be dolopaae fóló, kale senaalené naasemó tao salemó, ą mo ti sukąletei momó kepaayalepó. ²⁶ Atéró, Yesuné i ala yalepóló, ai be hulua feapaae deté kwęyóló fakeralepó.

Kele dilikire whị tamoró kqló nomone whıtamo wisirale fo

²⁷ Atéró Yesu ai be taaróló fu betalemó, kele dilikire whị tamoné ą sya wou fo fakeyóló duraalu, “Depit-né deté yale whinė Naalema-ó, naao dąmo kqlené sukutu tao sae,” yalepó.

²⁸ Atétepa, Yesu ą be tuąpaae sókó fi tikimó nalo kale kele dilikire whị tamo ą beterepaae wapa, atimaamopaae wosetu-raalu, “Yąlo diaamo sųmó wisiranérąpóló kisipa mute?” depa, atimaamoné duraalu, “Tale-ó, naao fotokqlné dąmo mo sųmó wisiranérąpóló,” yalepó.

²⁹ Ai fo depa, ama kale whıtamoné kelemó wolaa yóló duraalu, “Diaamoné kisipa tiki tiró betereteiné i wisiratere ape,” yalepó. ³⁰ Ai fo yalemó, kale whıtamoné kele fisąae fóló wisitepa Yesuné atimaamopaae fo mulóló duraalu, “Yąlo diaamopaae i erale ala so whıpaae momókó deté kwęyaqse,” yalepó. ³¹ Téyaleteti, atimaamo be hulua feapaae fóló, Yesuné i ala yalepóló deté kwęyóló fakeralepó.

³² Atéró kale whıtamo fi tikimó, dowi kepe tepeyóló bituraalu kqló nomóló fokélé initere whị betą Yesu beterepaae dapesó walepó. ³³ Atétepa, Yesuné kale dowi kepe dóló hqkonaletikimó, kale kqló nomóló betale whıteı, fo kaae sóró yalepó. Atéteremó, so whị feané kolóló siraturaalu, “Take bitiré wale alimó etei kaae ala Israel hae kwiamó depa mo kolókélé inipó,” yalepó.

³⁴ Ai fo depa, kale Farisi whırapené duraalu, “Ai dowi keperape dóló hqkonaleteıta, dowi keperapené doasi topo whinė fotokqratedpa, dóló hqkonótua dapó,” yalepó.

Kótóné kutómó qla dekéro ųlumépati saaire whı meipó

³⁵ Atéró etéyalepó. Yesu ą doasi be huluapaaekélé, sawa be huluapaaekélé, ai be huluamó tę mole fo wosetere berapemókélé, Kótóné tęteróló kaae tare aqmó mole ala i ape yóló, kale mió wosetere kisi fo wisi yó melaté kwęyóo, mepaae tiki momaare whıraperó hepo daale whırapetamokélé wisiraté kwęyóo yalepó. ³⁶ Téró, so whị mo hąle qla kaae betó mupa kelalemó, atima tao saaire whıkélé meiruraalu, bokonaale *sipsip* hupurape aqyóló betó mupa, Yesu kqlené sukutu ama hosaamó salepó. ³⁷ Atépa ama yó matere whırapepaae duraalu, “Kutómó ere qlata, mo dekéro ųluméreteı qla saaire whı betą doaló meipó. ³⁸ Térapa, ai kutómó ųlumére qla saaire whırape dotonópóló, ai kutó Talepaae wosae,” yalepó.

10

Yesuné 12 whırape dotęyale fo (Mak 3:13-19, Luk 6:12-16)

¹ Atéró, Yesuné ama yó matepa wosetere 12 whırape ą beterepaae ape yalepó. Mepaae so whı tuąmó betere dowi kepe hqkó falóo, mepaae kae kae hepo daale so whıró tiki momaare so whıtamo wisiróo yópóló, atima fotokql mo sųmó bulóló sóró beteralepó.

²⁻⁴ Ama ai sóró beterale 12 *apospel* whinė doırape i ape. Folosóro sale whıta, Saimon doi mupateı, Pitapó du betere whıró ama noma Andrutamo yóo, Sebediné naalema tamo Jems-ró noma Jon-tamo yóo, Filip-ró Batolomiu-tamo yóo, Tomas-ró *takis moni* siré kotere whı Matyu-tamo yóo, Alpias-né naalema Jems-ró Tadeus-tamo yóo, kqló kqloi whı Saimon-ró Iskariot be whıkó Yesu dqpóló eleké deyale whı Judas-tamo yóo yóló, atima atérópó.

⁵ Yesuné ama dosąayóló sóró betero betere 12 whırape dotonaairaalu, folosóro atimapaae i fo yalepó. ⁶ “Juda fake mei, kae fakené be huluaró Samaria whırapené be huluatamopaae feni, *sipsip* hupu kaae fókó fale Israel fake beterepaae

fae. ⁷ Diã furaalu, i fo so whi feapaae haãeamó yó maté kweyae. Hepen bemó betere Kótóné tẽteróló kaae tare aomó mole ala wóló, mió mo felekemó i mole ape. ⁸ Mepaae kisi daae mole so whi wisiróo, sinale so whirape kepaaróo, mepaae humu fuluné tiki dore so whi wisiróo, tiki tuãmóbetere dowi kepe doló hõkonóo, yae. Ai ala yaaire fotokõ diaaõ *moniné* dupuyóló sini, yaõ diãpaae haãe melalepó. Tãyalepa, diaaõmo me dupu sini, so whi haãe tao sóro wisiraté kweyae. ⁹ Diã atéro furaalu, *kold ó silpa ó kopa moni* sóro faõse. ¹⁰ Naao wa ó tómó deró betere kuti, ó horó betere hó be, ó dotó tikikélé tawóló faõse. Ti noatepae, ai kutó diratere whirape atimané naaire õlakélé, ó fiyaaire bekélé ti ai be talenétóro melatepa ti mo wisirapó.

¹¹ Diã mé doasi be huluamó ó sawa be huluamó sókó fupa, ti mo wisi kisipa mole whikó aimó beterémóló kelenaalemó betepa, ti mo ai whitamotóro bitiré fóló, diã me bepaae furaalu, ti ai be taalae. ¹² Diã ai whiné ama bemó sókó huturaalu, atimapaae kõleó, Talené diã wisiró beterapa, hosaa muni deyóló dua betae fo yae. ¹³ Ai be talerape wisi kisipa mole whitamó betepa, ti diãné hosaa muni deyóló mo dua betae dere foné atima sumó tao sóro wisiraalopó. Atima wisi tuẽ mole whitamó bitinipa, ti diãné hosaa muni deyóló dua betere ala wisinaale haãe besekeréni, diãpaae momó fesaae wõpóló yae. ¹⁴ Mepaae whinétamo diã wisiyóló dape sini yóo, diaaõ yó matere fokélé wisiyóló woseni yóo depa, ti diã ai betere be, ó doasi be hulua taaróló faairaalu, atimané ai be hae diaaõ hómó dakepatei faõsóró, aimó terepée deróló fae. ¹⁵ Yaõ diãpaae mo i dere ape. Kótóné taleyóló kwia melaaire sukamó, diã wisiyóló dape sinitere be huluamó betó mole so whipaae eraaire sekẽ alata, Komoraró Sodom be huluatamomó betó muale so whipaae eraaire sekẽ bosenóló, mo doakale dowi sekẽ melaalo ai ape. ¹⁶ Diãta, kale bete haõ betó mole tuãpaae *sipsip* hupu kaae yaõ i dotonaterere ape. Tẽrapa, diã wuliné kisipa kaae fosó fosó irutei, diã me dowi ala

muniru, kale ba hõkõserape kaae, naame yóló mo dua betae.

¹⁷ Ti noatepae, mepaae whirapené kae kae sekẽ ala diãpaae mo eraalopa, diã mo hotowayóló kaae tawae. Tẽturaalu, atimané diã fo tokõtamo yóló taletere whirapené naase tuãpaae mulóo, atimané fo wosetere berape tuãmókélé diã susupuróló fokosói ala yóo yaalo ai ape. ¹⁸ Diã yaõ doi erótu beterémó, tẽteróló kaae tare *Gavman* whiraperó doasi topo whirapetamo beterepaae fo tokõtamo yaai dapesó faalopó. Atéro, fo tokõlo dere ala Juda meire so whinékélé wosóló kisipa yaalopó. ¹⁹ Tãyaalotei, atimané diã *dipula* beteraai dapesó fupa, diã noa fo yaaloé ó fo neyóló yaaloé yóló, whaalaa yaõse. Atéro fo tekẽtere be demótóro ti diaaõ yaaire fo Tale Kótóné ama yó melaalo ai ape. ²⁰ Ti atéro yaaitere fo diãné kisipané yaalomeitei, diaaõ Ayané ama Kepe Wisiné i fo yae yóló yó mótu betepa, yaalo ai ape.

²¹ Me whiné ama nomatei me whiné dõpóló eleké deyaalo ai ape. Betã whiné ama naale senaale me whiné mo ti dóló sukunõpóló eleké deyaalo ai ape. Naale senaalené hama alimatamo bõe dóló só deróló, mepaae whiné dõpóló melaalopó. ²² Diã yaõ ala eraterémó, so whi feané diã hõróló, bõe du betaalo ai ape. Tẽtu betepatei, whi me detamo ai sekẽ ala haãe beleté fóló kemetere kwiapaae sókó fupa, ti atẽtere so whi aluyaõsóró, yaõ tao saalopó. ²³ Diã ai be huluamó sókó fõlalemó, ai be hulua so whiné diãtamo bõe dóló diãpaae susupui ala eratepa, ti ai be taaróló me be huluapaae botokó fae. Yaõ diãpaae mo i dere ape. Ai Israel fakené be huluarape dokõ fea kweyóló kemeréni teó kutu betepatei, kale Whiné Naalema sókó waalo ai ape.

²⁴ Betã *skul* naalené a yó matere whi ama tẽteranénipó. Atẽtere kaae, kutó diratere whinékélé a tẽteróló kaae tare whi ama tẽteranénipó. ²⁵ Kale *skul* naale a kisipa siré fóló, ama kisipare alakélé a yó matere whiné kisipare alatamo betã su yóo, kale kutó diratere whiné dere alakélé a kaae tare whiné dere alatamo betã su

yóo epata, ti mo wisirapó. Mo so whjné be tale kilituraalu, ąta dowi keperapené doasi topo kepe Belsebul-pó du betepa, ti ama be whj so whjpaakéle betą kaae eraterere fotóro yaalo ai ape.

²⁶ Atérapa, atima ai whjrape kolóló wiyaqse. Ti noatepae, mió kinóló mole ąla ąlarape fea take hąkearatepa kelaalopó. Kinóló mole ala ó fo so whj feané kisipa yaalo ai ape. ²⁷ Yąlo diąpaae dilikitamo yó mótu betere fota, ti be dętamo hąkeamó yae. Diaaq kikiti wosęli dolomó du betere fo ti so whj feané wosópoló, siki bemó daalu hąkeamó yó melae. ²⁸ Ti diaaq kepe bete doréni, mo tó tikimaaté sukópoló dele mo whjrape koróló, dią wiyaqse. Tęni, naao tikiró kepe betetamo wusuró dowi si duku beterepaae taae deranére Talepaae betą wiyae. ²⁹ Whjrapené ba male tamo duputuraalu, sonaa *moni* kené dupu dua dapó. Téretei, diaaq Aya Kótóné ama kisi-pané ai ba belekąamale haepaae derepae initepa, ti haepaae derepenénipó. ³⁰ Diaaq topomó bilire niki feata, Tale Kótóné ama dosąayóló mo tuęrapó. ³¹ Atérapa, dią whaalia yóló wiyaqse. Ti i haemó betó mole ba belekąatiki kolósu, dią kolósu depa, diąta mo doasi ąla ereteiné Kótóné ama dią kisipa keteraalopóló de? Mo meipó.

³² Mepaae whj denétamo amatei, so whj feané keletómó, ęta Keriso whj beterapó depata, ti atétere whj ó hepen bemó betere yąlo Ayané keletómó ita yąlo ne nopó yaalo ai ape. ³³ Téyaalotei, mepaae whj dené so whj feané keletómó, ęta Keriso whj meipó depa, ti yąlokéle hepen bemó betere yąlo Ayané keletómó ą yąlo ala eraterere whj meipó yaalopó.

³⁴ Ę i haepaae waleteita, ti i haemó betó mole so whj fea bóe dele ala taaróló, dua beterópoló wale nisiyaqse. Tęni, i haemó betó mole so whj tuąmó tekeróló me fake kae beteróo, me fake kae beteróo yaairaalu walepó.

³⁵ Ę wóló betere bete i ape.

‘Naaleró alimatamo tuąmó tekeróló bóe delóo, senaaleró hamatamo betere alakéle tuąmó tekeróló bóe delóo,

whjné dokore soné ama hyama sere-tamo bóe dóo, yaalopó.

³⁶ Whj mené ama fake so whj ó ątamo betąmó betere so whjnétei, ątamo bóe daalo ai ape, erapó.

³⁷ Mepaae whj dené ę sisópaee eróló, ama alima ó hamapaae doasi hękesené sukóló yaala sókó fu betepa, ti atétere so whj ętamo betąmó betaaire sųnipó. Mepaae whj dené ama naale ó senaalapaae yaala sókó furaalu, ę sisópaee eratepa ti atétere so whj ętamo betąmó betaaire sųnipó. ³⁸ Mepaae whj dené ą sukąaire filipaa ni amatei beleyóló ę sya ąnitepa, ti ai so whj yąlo fo wosetere so whj betaaire sųnipó. ³⁹ Mepaae whj dené ama betere bete me ala yaqsórópoló, amatei hotowayóló kaae tapa, ti atétere whjné ama betere bete aluyaalo ai ape. Mepaae whj dené yąlo ala eraairaalu, ama betere bete me ąla meipóló aluratepa, ti atétere whjné ama betere bete aluni, hąle muó tawaalo ai ape.

⁴⁰ Whj me dené dią wisiyóló dape sóro kaae tatepa, ti ętei wisiyóló dape sirapó. Mepaae whj dené ę wisiyóló dape supata, ti ę dotęyale sekę yąlo Ayatei wisiyóló dape sirapó. ⁴¹ Whj me dené mepaae whj kilituraalu, Kótóné ama fo eraterere kóló whjóló, mo wisiyóló dape supa, ti atétere whjné Kótóné ama kóló whjné sere dupu sųtóróti saalopó. Whj me dené mepaae whj kilituraalu, ąta mo donoi ala dere whjóló mo wisiyóló dape supa, ti atétere whjné kale mo donoi ala dere whjné sere dupu sųtóróti saalo ai ape. ⁴² Yąlo diąpaae mo i dere ape. Whj me denétamo mo belei sokótei betere whj yąlo ala erótu betere whjóló siri węi nae yóló melatepa, ti ai ala deremó dupu hąsóko feni, motóro saalopó,” yalepó.

11

Yesuró węi tópuratere whj Jon-tamo (Luk 7:18-35)

¹ Atéró, Yesuné yó matere 12 whjrapepaae fo yó melóló kemetepa, ai betere tiki taaróló, ą Kaleli hae kwiamó tę mole be huluapaae felepó. Atéró fóló, hąle mo betó mole so whjpaee kale kisi fo

wisi yó melóo, ama fo wosetu betere so wh̄ipaaekélé yó melaté kw̄eyóo yaairaaalu felepó.

²⁻³ Kale Jon *dipula* bitu, Yesu Kerisoné i ala du beterapóló deté kotere fo wosóló, ama yó matere wh̄irapepaae I fo wasae yóló dot̄eyalepó. “Ȳata kale waalopóló bope du betale wh̄i h̄itipé, wh̄i me kae wópóló kaae tawaaloé yóló wosene fae,” yalepó. Atétepa, kale Jon-né dotonale wh̄irape fóló, Yesupaae wosalepó.

⁴ Tétepa Yesuné atimapaee duraalu, “Dīa Jon beterepaae fóló, diaāq wosale foró kelale alatamo ̄paae yó móturaalu, i fo yae. ⁵ Kale keke diliki yóló betale wh̄irape wisiróo, hó doyóló betale wh̄irape wisiróló falóo, mepaae dowi humu fulu dorowóló betale wh̄irape wisiróo, wos̄eli k̄ine so wh̄i tukw̄e falóo, mepaae mo ti sinale so wh̄itei kepaaróo, yoleale yóló betere so wh̄ipaae kale kisi fo wisi yó mótu betóo, du beterapó ene fae. ⁶ Mepaae wh̄itamo ȳalo du betere ala kolóló, ̄ sya walet̄ei h̄óturaalu, dée nénitere wh̄i ti Kótóné wisiratepa, h̄ainé sukutu beterópóló yae,” yalepó.

⁷ Atéró, kale Jon-né ama yó matere wh̄irape fi kinipaae, Yesuné Jon-né du betere alamó tūe muturaalu, aimó betó mole so wh̄ipaae yó melaai duraalu, “So wh̄ikélé bitinire h̄ale kópu k̄aae fi hae tikipaae fua yalet̄ei-a, noakó k̄ele fua yaleé? Bes̄ené féporótu betere kape kelaai fua yaleé? Mo meipó. ⁸ Dīa upaae noakó kelaai fua yaleé? Wh̄i bet̄a mo kuti wisinaale deróló betepa k̄ele fua yaleé? Meipó. Atei kaae kuti wisinaale deró betere wh̄ita, ti kale doasi topo wh̄irape bitua dere tiki dokélé ini, mo sisi yóló sorok̄i be wisinaalemó bitua dapó.

⁹ Téretei, dīa noakó k̄ele fua yaleé? Kótóné ama k̄oló wh̄i kelaai dapóló fua ipa, ti ̄tóróti mo h̄iti ai ape. Ȳalo dīapaae mo i dere ape. Kótóné ama k̄oló wh̄irape fea betereitei, ai wh̄iné ama ditere kutóné mepaae k̄oló wh̄irapené ditere kutó mo bosene falapó. ¹⁰ Ai sek̄émó kisipa mutu, Kótóné as̄emó i fo erapó.

‘Ȳa waai teópa ȳalo fo eraaire wh̄i folosóró ̄pi wópóló dot̄eyaalopó.

Ai wh̄iné amata, ȳa waaire tu donoróló wisiraalopó,’ erapó.

¹¹ Ȳalo dīapaae mo i dere ape. I haemó betó mole sorapené deyale wh̄irapekélé fea betó molet̄ei, kale w̄ei tópuratere wh̄ikó Jon-né atima fea t̄eteróló bosene falapó. Tépat̄ei, Kótóné t̄eteróló kaae tare aqmó belei sókó deóló betere wh̄iné ti kale w̄ei tópuratere wh̄i Jon t̄eteró beterapó. ¹² Kale w̄ei tópuratere wh̄i Jon betale alimó kaae sóró, hepen bemó betere Kótóné t̄eteróló kaae tare aqmó mole ala mo doasi fotok̄tamo wouraalu, fakerat̄e wou beterapó. Ai ala saairaaalu, ketek̄e buóló bóe du betere wh̄irapené ai ala kekeparó fasó sua dapó. ¹³ Kótóné ama fo eratere k̄oló wh̄iraperó Moses-né as̄ere fotamoné Kótóné i ala yaalopóló yó maté wóló, kale w̄ei tópuratere wh̄ikó Jon betale alimó sókó walepó. ¹⁴ Térené diaāq kisi-panétamo waalopóló kale bopetu betale wh̄i Elaijata Jon ̄tóróti h̄itipóló kisipa mutupa, ti mo wisirapó. ¹⁵ So wh̄i de wos̄eli daapa i dere fo mó wisiyóló wosóló kisipa mūae.

¹⁶ Mió i alimó betó mole so wh̄i et̄erapóló bete kisipa yópóló, ȳalo noa ala s̄uróló yaaloé? Atimata, et̄ei kaae naale senaale kaaené kelerapó. So wh̄i tour̄leta dere tikimó bituraalu, mepaae naale senaalené mepaae naale senaalepaae melaa yaalopa ape yóló et̄ei fo dapó.

¹⁷ ‘D̄ané fó wutiné haleratepa, dīané mepaae wole forape yóló sama kilini yóo,

d̄ané mepaae wole forape depa diaāq moló ini yóo yalet̄ei-a, noatepa h̄ale daae mualeé?’ dua dapó.

Ai kale keteirapené dere ala kaaetóróti diaākélé ai du betere ape. ¹⁸ Kale w̄ei tópuratere wh̄i Jon wóló betereitei ̄lakélé, *wain* w̄ekélé nénitere ala mepaae so wh̄iné kolóló, ama depe tūamó dowi kepe bituraalu dapó dua yalepó. ¹⁹ Kale Wh̄iné Naalema wóló bitu, ̄laró w̄eitamo nokole kilitu, so wh̄i feané ai wh̄ita, ̄lakélé *wain* w̄ekélé dekéró nuku betere wh̄ipó. ̄ta, kale *takis moni* siré kotere wh̄iraperó dowi ala dere wh̄irapetamoné fulumu wh̄ipó, ai du betere ape. Tétu

beteretei, mepaae whjné ama dere ala k̄aae kolóló, ai whjta Kótóné mo dottoré fale kisipa muluraaalu dapó yaalo ai ape,” yalepó.

Mepaae dowi ala taaróló kisipa fetenire be huluamó ere fo

(Luk 10:13-15)

²⁰ Téró, Yesuné ama kae kae kelemei alarape erale be huluarapemó betó mole so whj dowi ala taaróló, Talepaae kisipa tiki feteyóló bitini yalemó, ai so whj só deraai yalepó. ²¹ Atéró ama duraalu, “Korasin be huluaró Betsaida be hulua so whjrapetamo-ó, diã tuãpaae mo dowi sekei ala waalo ai ape. Yalo diã tuãpaae erótua yale kelemei alarape kaaetamo, Tair be huluaró Saidon be huluatamomó erólugaśóró, ti atimané dowi ala mo taketitei taaróló, tué tiki feteyóló kili diyóló yei kutitamo bituãpó. ²² Yalo diãpaae mo i dere ape. Tale Kótóné taleyóló kwia matere sukamó, Kótóné i haemó betó mole so whj paae kwia matere alata, ti kale Tair be huluaró Saidon be huluatamopaae melaaire kwia mo bosene faalo ai ape. ²³ Diã Kapeneam be huluamó betó mole so whj-ó, diã ó sãpaae holalopóló kisipa mute? Mo meipó. Diãta, mo apaae derepale dolopaae Kótóné sóro deraalo ai ape. Diã ai Kapeneam be hulua tuãmó erale kelemei alarape kaae, Sodom be hulua tuãmó erólugaśóró, ti ai be hulua doróluga meipó. Miókélé hãle tẽ tawuãpó. ²⁴ Téretei, yalo diãpaae i dere ape. Tale Kótóné Sodom so whj taletere sukamó doasi kwia melaalotei, diãpaae eraaire sekei alata, ti bosenóló mo doasi ala eraalopó,” yalepó.

Fóturu depa sãa nóló dua betere ala melaalopóló dere fo

(Luk 10:21-22)

²⁵ Atéyale sukamó, Yesuné ama Alima Kótóné doi hale sóro horóló duraalu, “Sãró i haetamo tẽteróló betere Aya Tale-ó, naao mió i alimó yó mótu betere alarape feata, doasi kisipa sóro betó mole whjrapené ke-laśóró hyó mulóló, i naale belekãatikiné maaté kolóppóló, hãkeamó yó melaleteiné yãpaae mo kée dapó. ²⁶ Aya-ó, mo dapó.

Ti ai alata, mo naao kisipa mole alatóróti ai ape,” yalepó.

²⁷ “Fea alata, yalo tẽteróló kaae tanóppóló, yalo Ayané epaae meló beterapó. Mo whj betãnekélé Naalema kisipa initei, Alimané ama betã kisiparapó. Térure kaae, mo whj betãnekélé Alima kisipa initei, Naalemané betã ama Alima kisiparapó. Naalemané ama kisipa mole so whj paae yalo Ayata, etei kaae Tale beterapóló, yó matere so whjné maaté tué yaalopó.

²⁸ Diã mepaae whj sekei ɔla beleyleतिकimó, fóturuyóló bẽtu betere so whj-ó, diã sãa nóló mo dua betaaire ala yalo melaalopa, ẽ beterepaae ape. ²⁹ Yalo hulúmó belere ni fake beleýóló, ðamo wusóro furaalu, yalo dere ala kolóló kisipa sae. Ti noatepae, yalo hosaa tuãmó mole naamei ala wisi diaaɔ kisipa yaasepóló, yó melaalopa, ape. Até depata, ti diaaɔ hosaa muni deyóló mo dua betaalopó. ³⁰ Ti noatepae, yalo kutó ditere alaró beleýóló fole ɔlatamo sekei, mo esepelérápó,” yalepó.

12

Yesu ɔta sãa nõppóló tukóló muló betere be ðẽ tale

(Mak 2:23-28, Luk 6:1-5)

¹ Atéyale sukamó, Yesuró ama yó matere whjrapetamo *whit* kutó tuãmó kutu betalepó. Téyalemó, ama yó matere whjrape wotetepa sãa nõppóló ðãle muló betere sukamóte, kale ai kutómó yó mole *whit* du kãaesu yóló nukulé fu betalepó. ² Atei ala depa, Farisi whjrapené kolóló Yesupaae duraalu, “Naao yó matere whjrapené sãa nóló beteróppóló tukóló muló betere be ðẽmóte, kale yóló muló betere fo tukóló, ɔla ai su betere ape,” yalepó.

³ Ai fo depa ama atimãpaae duraalu, “Depit-ró ama fulumu whjrapetamo atima wotetepa yale ala diaaɔ ðosãayóló, kisipa muni airapó. ⁴ A Kótóné be tuãpaae holóló bituraaalu, mo kae muló betere *bred* o Depit-ró ama fulumu whjrapetamo atima wotepa sóro nalepó. Ti ai ota, Kótópaae melaletei, mo hãle whjrapené naśóró fo mupa, Kótópaae momaratere

wh̄irapené maaté nukua dapó. ⁵ Moses-né yóló muló betere fo sya furaalu, momatere be kaae tare wh̄irape kale d̄ale muló betere sukamótei atimané ditere kutó diyaaai be dolopaae fua dapóló, ere fo diaaḡ dos̄ayóló kisipa muni airapó. Ti kale yóló muló betere fota, mo tikitu betepatei, me dowi ala yalepóló inipó. ⁶ Ȳalo dīapaae mo i dere ape. Kótóné ama momatere beta, doasi ḡlapatei, Kótóné ama ala erótu betere sek̄éró, mió ama erótu betere alatamoné ai momatere be t̄eteróló teraae falapó. Atére sek̄éta, mió dīatamo bet̄amó i betere ape. ⁷ Tale Kótóné i fo as̄eyóló muló beterapó.

‘Kale *sipsip* hupu ó me ḡla simó sukūlaa daróló momaratere alata, ti ȳalo h̄ekesere ala meipó. Me wh̄i k̄olené sinóló tao sere alata, ti ȳalo h̄ekesere alapó,’ erapó.

Ai fotamo dīané tūḡ ūasóró, ti dowi ala munire wh̄irape só deróluḡmeipó. ⁸ Ti noa betené meipó. Kale Wh̄iné Naalemata s̄aa nóló beterḡpóló, d̄ale muló betere be d̄e t̄eteróló kaae tare Tale beterapó,” yalepó.

⁹⁻¹⁰ Téro Yesu ḡ aimó betaleteti taaróló, atimané fo wosetere be tūḡpaae sókó felemó, aimó bet̄a naase dowi wh̄i betepa kelalepó. Atima mepaae so wh̄iné ḡ dowi ala yale wh̄ipóló só deraaire bete kikitu Yesupaae woseturaalu, “S̄aa nóló beterḡpóló d̄ale muló betere sukamótei, wh̄i wisiraterere ala depa fo mulepé meié?” yalepó.

¹¹ Ai fo depa ama atimapaee duraalu, “Dīakó wh̄i me denétamo, kale s̄aa nóló beterḡpóló tukóló muló betere sukamó bet̄a *sipsip* hupu nóku dolomó doropóló mupa, tao saalomeié? ¹² Tépateti, wh̄ita ti mo doasi bete mole ḡla ereteiné wh̄i tao sere alané *sipsip* hupu tao sere ala bosene falapó. Atérené s̄aa nóló beterḡpóló d̄ale mulale sukamó wisi ala depa, fo munipó,” yalepó.

¹³ Téro ai fo yóló kemetepa, kale naase dore wh̄ipaae duraalu, “Naao naase teréḡ falae,” depa, kale wh̄iné ama dore naase teréḡ faralemó, me tikiró wisire naase kaae yó felepó. ¹⁴ Atétepa, kale Farisi

wh̄irape atima belapaae tóḡ fóló, Yesu netéro daaloé yóló fo dokalepó.

Kótóné ama kutó dirḡpóló sókó sere wh̄i

¹⁵ Até yaaire ala Yesuné ama kisipa yóló, ḡ betale tiki taaróló felepó. Atétepa, kisi daae mole so wh̄i feané ḡ sya wou betepa, ama wisirótua yalepó. ¹⁶ Atéro, ama atimapaee fo mulótu duraalu, “Ȳalo i dere ala kolóló ḡ etei kaae wh̄i beterapóló mepaae so wh̄ipaae momókó yaḡse,” yalepó. ¹⁷ Yesuné ai du betale alata, mo take Kótóné ama k̄oló wh̄i Aisaiané as̄eyóló muló betere fo motóró dokonóturaalu yalepó. ¹⁸ Ama ai ere fo i ape.

“Ȳalo kutó dirḡpóló, sókó sóró kae beteró betere wh̄i i betere ape.

Ama dere alamó, ḡ hajiné sukutu ḡpaae yaala sókó fóló, mo hosaa mulapó.

Atérené ȳalo kepe bete ḡ tūḡpaae beteratepa, amamo Talené mo donótóró taleyóló kwia melaaire fo i hae kwiamó kae kae tiki daae mole so wh̄ipaae h̄akearóló yó melaalo ai ape.

¹⁹ Téro ȳalo kutó diraterere wh̄i h̄ḡle sere alaró h̄ḡle fotamo ini dereteiné, ai be belamó ó t̄umó fua wua dere so wh̄iné mo wosókélé yaalomeipó.

²⁰ Kale kape siki k̄aae faairaalu, bitik̄ine tikimó ama mo ti k̄ayaalomeipó. Téturaalu, kale wisiyóló dó tanire s̄akélé ama hapale sukunéni, h̄ḡle dó tanḡpóló kaae taté faalopó.

I haemó du betere kae kae dowi alamó, mo donótóró taleyóló kwia melaaire alané h̄ḡko taletere ala aluraté fóló, mo donoyóló taletere alané t̄eteróló kaae tawaalopó.

²¹ Atéturaalu, hae kwia feamó betóló fale so wh̄iné ḡpaae kisipa tiki tiróló hajiné sukutu bitu, i sek̄énéta, d̄a mo tao saalopó du betaalo ai ape,” erapó.

Yesu ḡ topo kepe Belsebul-né fo tokḡratepa dapóló yale fo

(Mak 3:20-30, Luk 11:14-23, 12:10)

²² Téro, bet̄a wh̄i dowi kepe tepeyóló bituraalu, kele diliki yóo, k̄lókélé nomóo

ere wh̄i Yesu beterepaae dapesó wapa, ama wisiralepó. Atéró wisiratepa fo yóo, kelené ɔla ɔlakélé wisiyóló kolóo, yalepó. ²³ So wh̄i feané ai ala kolóló sirayóló duraalu, “Ai wh̄ita Depit-né deté wale fake tuamó, waalopóló bopetu betale wh̄i h̄iti irurapó,” yalepó.

²⁴ Ai fo kale Farisi wh̄irapené wosóló duraalu, “Meipó. Ai wh̄ita, doasi keperapené topo kepe Belsebul-né fotokɔratepa, dowi kepe ai dóló h̄okonótu betere ape,” yalepó.

²⁵ Atéró, atimané mutere kisipa tiki Yesuné kolóló atimapaee duraalu, “Mepaae hae kwia t̄eteróló kaae tare doasi topo wh̄irape atimasisitei bóe dupa, ti atimané t̄eteróló kaae tare ala mo doraalo ai ape. Atéturaalu, doasi be hulua ó bet̄a bemó betere so wh̄i atimasisitei bóe dupa, ti mo wisiyóló bitini, mo doyaalo ai ape. ²⁶ Satan-né ama fake wh̄itamotei bóe dóló h̄okó fatepa, ti ama t̄eteróló kaae tare ala amatei teketepa, ti netéró fotokɔ buóló daayaaloé? ²⁷ Atére kaae diaaɔ duraalu, i sek̄enáta kale dowi kepené doasi topo kepe Belsebul-né fotokɔratepa dóló h̄okonalepó dere-a, diaaɔ be wh̄iné dowi kepe dóló h̄okonótua deteretei né fotokɔratepa, du betere? Atétepa, ti atimanétei dītamo fo tokótamo yóló, taletere sukamó dīa só deraalo ai ape. ²⁸ Téretei, Tale Kótóné D̄ei Kepe Wisiné ɛ fotokɔrótu betereteiné, dowi kepetamo yālo dóló h̄okonótu betepa, ti kale Kótóné t̄eteróló kaae tare aomó mole ala dīa tuapaae wóló mulapóló kisipa yaalo ai ape.

²⁹ Wh̄i mené mo doasi fotokɔ bole wh̄iné ɔla ɔla ɔlémi saairaalu, noa alapi yaaloé? Folosóro kale sek̄epi dirii képiné dokóló mulóló, nalo ama bemó muó mole ɔla ɔla sóro fenérápó.

³⁰ ɛtamo bet̄amó bitinire wh̄iné ti bóe dóló ɛ só derótu beterapó. Mepaae wh̄iné ama ɔla ɔla ɛtamo mulénitepa, ti atétere wh̄iné ama ɔla ɔla h̄oko besekérótu beterapó. ³¹ Atétu betereteiné yālo dīapaae mo i dere ape. Mepaae kae kae dowi alaró Kótó faletere fotamo yólótei, nalo Talepaae kemerae depa, ti Tale Kótóné me ɔla meipóló h̄ale kemeraalopó. Téptei,

kale D̄ei Kepe Wisiné erótu betere alatamo faletepa, ti Tale Kótóné me ɔla meipóló kemeraalomeipó. ³² Atére kaae, mepaae wh̄inétamo kale wh̄iné Naalema falatepa, ti ama ai dowi ala kwia me ɔla meipóló h̄ale kemeraalotei, mepaae wh̄i dené kale D̄ei Kepe Wisiné erótu betere alatamo faletepa, ti mió i betere alimókélé ó take nalo waaire alimókélé, ama ai dowi ala kwia kemeréni, h̄ale muó tawaalopó.

³³ Ni wisi daapa, ti ama dukélé wisi oleyaalopóló kisipa muóo, Dowi niné ama dukélé ti mo dowitóro oleyaalopóló kisipa muóo, yae. Ti noatepae, so wh̄iné olere du kilituraalu etei kaae nipóló kisipanérápó. ³⁴ Dīa wh̄i tukó nokole dowi wulirape-ó, dīa dowi alané f̄anuraalu wisi fo noayóló yaaloé? Ti noatepae, so wh̄i feané hosaa tuamó f̄ayóló mole alatóroti k̄olónékélé foparóló h̄akeamó dua dapó. ³⁵ Wh̄i wisiné ama hosaa tuamó ti wisi alatóro f̄ayóló muluraalu, ama dere fokélé wisi fotóroti dua dapó. Dowi wh̄iné ama hosaa tuamó ti dowi alatóro f̄ayóló muluraalu, dowi fotóroti dua dapó. ³⁶ Térapa, yālo dīapaae mo i dere ape. Diaaɔ dere fotamo, kisipa tekeyóló ini, hapale h̄oko depa, ti take taletere sukamó dīapaae etei kaae h̄oko fo noatepa yaleé yaalopó. ³⁷ Ti noatepae, taleyaaire sukamó diaaɔ yale wisi fonétei dīa h̄ale f̄ópóló eróo, mepaae yale dowi fonétei dīa só deróló kwia melóo, yaalo ai ape,” yalepó.

So wh̄iné tué yópóló Talené Jonapaae erale kelemei ala

(Mak 8:11-12, Luk 11:29-32)

³⁸ Téró, mepaae Farisi wh̄iraperó Mosesné as̄ere fo yó matere wh̄irapetamoné apaae duraalu, “Yó matere wh̄i-ó, Talenétei eratapóló dané kisipa yaai dapa, kelemei alakó erótumié?” yalepó.

³⁹ Ai fo depa ama atimapaee duraalu, “Dīa nópu nokole alaró mepaae sonaalei dowi alatamo du betere wh̄irape-ó, Talenétei eratapóló sira yaaire ala erae yóló, wosó maaté tarapó. Me sira yaaire alakó yó melaalomeitei, Kótóné ama k̄oló wh̄i Jonapaae erale ala kaae bet̄a eratepa kelaalo ai ape. ⁴⁰ Ti noatepae, kale wh̄i Jona be d̄e sore yóo, diki sore yóo yóló,

doasi yané depe dolomó bitu yale kaae, kale Whjné Naalemakélé, be de sore yóo, diki sore yóo yóló, dou dolomó hale muaalopó. ⁴¹ Téyaalotei, take nalo kale Ninipa be hulua whjrape taletere be demó mió i alimó betó mole so whj mo só de-raalopó. Ti noatepae, atima Jonané yó mótu betale fo wosóló, dowi ala taaróló kisipa tiki feteyalepó. Téyaleteti, Jonakélé tetteróló bosene fale whj i betepatei, kisipa tiki tirénitere-a, noatepa de? ⁴² Talené taletere be de sókó wapa, betá Saut-paae mole hae kwiamó betere doasi kwin so a turukó holóló daalu, diá mió i alimó betó mole so whj só deratere fo yaalopó. Ti noatepae, ai sota, mo saletópaae betale sotei, kisipa tiki dotoróe fóló mole whj Solomon-né yó matere fo wosaai dapóló weipakalepó. Téyaleteti, Solomon-né kisipa tiki fosó fosóre alakélé tetteróló bosene fale whj i betere ape.

⁴³ Kale dowi keperape whjné depe tuámó betteretei taaróló furaalu, i ala dua dapó. A kópu kaae fi tikimó mo wisiyóló betaai dapóló kekai felalemó, betaaire tiki kilinitepa momó fesaae wóló duraalu, 'Yalo taaróló wale bepaae, e momó bitj faaitapó,' dua dapó. ⁴⁴ Atéro, a fóló kel-eralemótamo whj mekéle bitini kale be fuóló taae faróló ɔla ɔla fea hotowaró betapaaeró betepa, keletapó. ⁴⁵ Atépa kale dowi kepe a momó fesaae fóló, mepaae doasi dowi alamaaté du betere weikeró keperape dapesó wóló, kale whj tuámó bitj walapó. Atétepa, ai whj a take folosóro betale ala sawa doretei, mió kale weikeró dowi keperape bitj waletéiné, kale whjné betere bete mo ti doratapó. Atétere kaae, mió i alimó dowi ala du betere so whjpaaekélé eraalo ai ape," yalepó.

*Yesuné hamaró nomarapetamo
(Mak 3:31-35, Luk 8:19-21)*

⁴⁶ Yesuné ai touró betere so whjpaae fo hale du betepatei, ama hamaró nomarapetamoné atamo fo yaairaalu, wóló belamó daae molepó. ⁴⁷ Tépa whj betané duraalu, "Naao haeró norapetamoné yátamo fo yaai wóló belamó daae mulapó," yalepó.

⁴⁸ Ti fo depa Yesuné duraalu, "Yalo haeró norapetamo-a, deé?" yalepó. ⁴⁹ Ti fo yóló, ama yó matere whjrape beterepaae naaséné yóló duraalu, "Yalo haeró norapetamota, ti i betó mole ape. ⁵⁰ Ti mepaae so whj denétamo hepen bemó betere yalo Aya Kótóné ama kisipa mole ala erótu betepata, ti yalo no ne ó haetóro ai betere ape," yalepó.

13

Yesuné whit ke biliterepaae dó faróló yale fo

(Mak 4:1-9, Luk 8:4-8)

¹ Atéyale be demótóro Yesu a ai be tuámó yó mótu betaleteti taaróló, kale doasi wej kela fókupaae bitj derepelepó. ² Atéro, ai wej fókumó so whj mo hale ɔla kaae bopéroló daae moleteiné a daayaaire te munipa, nuku tuapaae daane horalepó. ³ Atéro, so whjpaae du betale fo fea ti fo sale maaté yóló duraalu, "Whj betané ɔla wae kerape ama kutómó terepété kweyaai sóro felepó. ⁴ Atéro, kale whjné ama ɔla wae kutómó terepété kuturaalu, mepaae ke ti tu tómó sókóta yóló mupa, barapéné nalepó. ⁵ Mepaae kerape ti kane tómó dakere haepaae taae durupua yalepó. Atéyale ɔla waeta, mo haepaae derepéni, kane tómó dakere haemó taae derepeleteiné, kale ɔla wae mo hapale holalepó. ⁶ Téyaleteti, mo dirii sukané kale ɔla mo hapale botokole yó salepó. Ti noatepae, ama feleke mo apaae derepénireteinépó. ⁷ Mepaae kerape, ti kale mu daai ne tuámó taae durupua yalepó. Téturaalu, kale ɔla wae dowi mu daai netamo betámó holale tikimó, ai kale dowi nené kale mo ɔla bopée sóro aluralepó. ⁸ Mepaae kerape ti mo hae wisimó taae durupua yalepó. Atéyale ɔla ti mo wisiyóló holóló, du wisinaale woleyalepó. ɔla wae bji furaalu, yo betá sóro feletei, ɔla ulumétepa suraalu ti 100 yorape mepaae 60 yorape ó 30 yorape fanóló sóro walepó. ⁹ Mepaae whj de woséli daapa, ti i dere fo bete wisiyóló wosóló kisipa muae," yalepó.

¹⁰ Atéro, ama yó matere whjrape wóló apaae woseturaalu, "So whjpaae naao fo

salené maaté du betere-a, noatepa de?” yalepó.

¹¹ Ai fo depa ama tokó mótu duraalu, “Ó hepen bemó betere Kótóné ama teteróló kaae tare tuámó kinóló mole kisipa tiki wisinaale diápaeta meló betteretei, atimapaee ti meló bitini ai ape.

¹² Mepaae whi dené kale fo wisitamo sóró tapa, ti ai tómó mepaae kae beleróló melaalopó. Téturaalu, ai whi a mo dekeró muaalo ai ape. Mepaae whi dené kale fo wisi sóró tanitepa, ti ama sawatamo tareteikélé fasó saalo ai ape. ¹³ Yalo atimapaee fo salené maaté i yó mótu bettereteita, hãle meipó. I ere fo dokonóturaalu, erapó. ‘Atimané kelené mo kilirutei, me ɔla wisiyóló koló fumipó.

Atimané wosélinékélé wosetu bitutei, bete wisiyóló kisipa mutumipó.’

¹⁴ Ai so whi tuámó ere alata, Aisaiané aseyóló muló betere fo dokonóturaalu dapó. Ai asere fo i ape.

‘Diaaɔ wosóta yaalotei, fo bete wisiyóló kisipa muaalomeipó.

Diaaɔ kelenée yaalotei, wisiyóló ke-laalomeipó.

¹⁵ Ti noatepa meipó. Ai so whiné hosaa taróo, kekekélé dilikiróo, atimané wosélikélé kinóo erapó.

Ti noa yaqsóró meipó. Atimané kelené mo bete kolóo, woséliné wosóló bete kisipa yóo, yaqsóró erapó.

Ai ala ere so whi atima e betterepaae momó feteóló wapa, ti yalo atima sumó wisiranérapó,’ erapó.

¹⁶ Tereitei, diaaɔ kelenékélé mo wisiyóló kolóo, wosélinékélé fo wisiyóló wosóo yaletiné, Kótóné diã wisiró betterapóló, hãiné ai sukutu betere ape. ¹⁷ Yalo diápaee mo i dere ape. Mo take Kótóné ama kóló whiraperó mo donoi alamaaté dere whirapetamo feané mió diaaɔ kilitu betere ala atimané kelenée du betaleteti mo kilinipó. Diaaɔ wosetu betere fokélé atima feané wosenée du betaleteti, mo wosókélé inipó.

¹⁸ I kale ɔla wae ke terepeté kweyale whiné yale fo sale fo bete i dapa, diaaɔ mo wisiyóló wosae. ¹⁹ Mepaae whi de

Kótóné teteróló kaae tare aqmó mole fo wisi wosóló, bete wisiyóló kisipa initere so whita, ti kale ɔla wae ke tu tuámó sókóta yóló mupa, barapené nale kaaeta, ti kale dowi Satan-né atima hosaa tuámó muló betere fo wisi tokó sua du betterapó.

²⁰ Kale kane tómó dakere haemó taae dere-pele ɔla waeta, ti mepaae so whi dené kale fo wisi hapale wosóló, hekesetu dere kaaepó. ²¹ Tépatei kale fo wisi wosóló, ama feleke mo apaae derepéniruraalu, sawa hãleke sukamó beteró, suseré ala ó me sekéi ala wapa, ti kale seké hapale tétitei dée nóló Talené ama fo wisi erateretei mo ti taalutua dapó. ²² Kale dowi mu daai ne tuã dolomó taae durupu yale kaaeta, ti whi me de Kótóné fo wosólótei,

i haemó doasi *moni* sóró néli whi betenée dere alaró whaaliané sukutere alatamota, mo doasi bete mole nisiyóló sya furaalu, Kótóné fo aluróló du wisiyóló ulutimipó. ²³ Kale hae wisi bolemó taae derepele ɔla wae kaaeta, ti whi me de Kótóné fo wisiyóló wosóló, kisipa mutere so whi ai ape. Atétere whita, kale ɔla ulumétepa, mepaae 100 mepaae 60 mepaae 30 yorape deyóló fãanótu dere kaaepó,” yalepó.

Dowi neró wisi ɔlatamopaae dó faróló dere fo

²⁴ Atéró, Yesuné so whipaae fo sale fo me kae yóló duraalu, “Ó hepen bemó betere Kótóné teteróló kaae tare aqmó mole alata, i ala dere kaaepó. Whi betané ama kutómó ɔla wae wisi biliyalepó.

²⁵ Atéró biliyóló, so whi fea noke firepaae ama bóa whi wóló, kale ɔla wae ke biliyó mole tikimó dowi nené kekélé terepée daalóló, felepó. ²⁶ Kale ɔla wae holóló du woleyaaire alimó, kale dowi netamo wusuró betámó hopa kelalepó.

²⁷ Atépa, kale kutó diratere whirapené ai kutó talepaae duraalu, ‘Doa whi-ó, naao kutómó mo wisi ɔla wae ke maaté biliyaleteti, dowi nemo noayóló sokalee?’ yalepó.

²⁸ Ti fo depa kale kutó talené tokó mótu duraalu, ‘Aita, bóa whiné du yalepó,’ depa ama kutó diratere whirapené apaae duraalu, ‘Dã fóló ai dowi ne tokó farópé nearóe?’ yalepó.

²⁹ Ti fo depa kale kutó talené tokó mótu duraalu, ‘Aita, bóa whiné du yalepó,’ depa ama kutó diratere whirapené apaae duraalu, ‘Dã fóló ai dowi ne tokó farópé nearóe?’ yalepó.

²⁹ Ai fo depa ama duraalu, ‘Meipó. Diaaḡ kale dowi ne tekęturaalu *whit*-tamotei tokḡ falaḡsórópa, ama erópoló taalae. ³⁰ Kale *whit*-tamo wusuró enópóló kaae tawóló, ḡla ḡlumétepa sere sukamó yaasepólópó. Atéró ḡla sere sukamóta, ti kale ḡla sere whįrapepaae siré kweyae depa, dowi nerapepi tokḡló si biliraai betapaae eróló mulaalópó. Téro kale mo naaire *whit* maaté siré kweyóló betapaae yóló, mulatere bepaae mulaalo ai ape,’” yalepó.

Yesuné mastard ni keró yist-tamopaae dó faróló yale fo

(Mak 4:30-32, Luk 13:18-19)

³¹ Atéró, ama atimapaae fo sale fo me yóló duraalu, “Ó hepen bemó betere Kótóné teęteróló kaae tare aḡmó mole alata, ti betḡ whįné kale *mastard* niné ke ama kutómó biliyale kaaepó. ³² Ai kale *mastard* niné keta, mepaae i yó mole niné ke kaae meipó. I niné keta mo beleḡamaletei huturaalu, ti mepaae kutómó ere nirape fea teęteróló mo doakale ni ami daatua dapó. Atépa, ai ni teįrapemó barape daaneta dua dapó,” yalepó.

³³ Atéró ama kale dere kaae, fo sale fo me yóló duraalu, “Hepen bemó betere Kótóné teęteróló kaae tare aḡmó mole alata, betḡ soné *flawa* o bula duraalu tópuḡpóló bulatere sawa ḡla *yist* kaaepó. Ai sawa ḡlanétei *flawa* o bula doasi tóputua dapó,” yalepó.

³⁴ Atéró, Yesuné so whį feapaae yó matere dokḡ fo saletamo touróló yó du betalepó. ³⁵ Ama ai ala du betaleteita, ti Kótóné kḡló whįrapené yóló muló betere fo dokonóturaalu, du betalepó. Kale fo i ape.

“Take i hae kwia fea kaaraaipatei, kinóló mulaté wóló, mió i alimókélé haęe kinóló mole forape fea, ti yaęo fo sale fonétóró yó melaalo ai ape,” yalepó.

Kale dowi nepaae dó faróló yale fo bete haęearale fo

³⁶ Téro, ai touró betere so whį fea betó mupatei taaróló, ḡ be dolopaae felepó. Atétepa, ama yó matere whįrape

ḡ beterepaae wóló duraalu, “Kutó tuḡmó dowi ne botokorapó dere fo salené bete dḡpaae yó ḡlae,” yalepó.

³⁷ Ai fo depa, ama atimapaae tokḡ mótu duraalu, “Wisi ḡla wae ke feseke té kotere whįta, ti kale Whįné Naalema ai ape. ³⁸ Kale kutóta, ti so whį fea betó mole hae tiki ai ape. Kale ḡla wae ke wisita, ti Kótóné teęteróló kaae tare aḡmó betó mole so whį ai ape. Kale dowi neta, ti dowi Satan-né naale senaale ai ape. ³⁹ Kale dowi ne du biliyale bóe whįta, ti dowi Satan-pó. Kale kutómó ere ḡla ḡlumétepa saaitere sukata, ti kale kemeyaaitere be dḡpó. Kutómó ere ḡla ḡlumétepa sere whįrapeta, ti kale *ensel*-rape ai ape.

⁴⁰ Kale dowi nerape tokḡló sipaae taae fatu dere kaae, take kemetere sukamó atéyaalo ai ape. ⁴¹ Atéró, kale Whįné Naalemané ama *ensel*-rape dotonóló, Kótóné teęteróló kaae tare aḡmó betó mole so whįró dowi ala dere so whįtamo hoseké yóló betaḡsóró, ama *ensel*-rapené tokḡsu deté kweyaalópó. ⁴² Atéró, me whį dowi ala yḡpóló dée nalatere so whįró dowi ala du betere so whįtamo si duku betere dolopaae taae deraalópó. Aimó siné duku bitu, doasi wole yóló kaketuraalu, atima serekené atimatei tukó nuku betaalo ai ape. ⁴³ Atima atéró kįlipaae ti mo donoyóló betere so whį atimané Aya Kótóné teęteróló kaae tare aḡmó, suka wisi duraalu dḡ tekée fu dere kaae, dḡ tekée fi so whį betaalópó. Whį me de wosęli daapata, ti i dere fo wosóló bete mo wisiyóló kisipa muae,” yalepó.

Doasi moni sere wisi wisi ḡlapaae dó faróló yale fo

⁴⁴ Atéró, Yesuné duraalu, “Hepen bemó betere Kótóné teęteróló kaae tare aḡmó mole alata, ti etei ala dere kaaepó. Whį betḡné ama hae kwiamó doasi *moni* sere wisi wisi ḡla bupa kikiti koló salepó. Atéró kale ḡla hyḡ muóló, ḡ bepaae heęesetamo felepó. Atéró fóló, ama bemó muó mole ḡla ḡla fea mepaae whįtamo dotonóló *moni* sóró, kale wisi wisi ḡla mole hae tiki ama dupu yalepó.

⁴⁵ Atére kaae, hepen bemó betere Kótóné teęteróló kaae tare aḡmó mole

alata, ti meleke kaae dui ɔla ɔla wisi kekɔ́lɔ́ keletapa, dotonóló *moni* sere whɛ́né dere kaaepó. ⁴⁶ Ai kale meleke kaae dui ɔla wisi mupa koló sóró fóló, ama tare ɔla ɔla mo fea dotonóló, ai kale ɔla wisinaale dupu yalepó.”

Ya sere hɔ́leke wapaae dó faróló yale fo

⁴⁷ “Fo sale fo me i ape. Ó hepen bemó betere Tale Kótóné ama tɛ́teróló kaae tare aɔ́mó mole alata, mepaae ya siré kotere whɛ́rapené ya saairaalu, atimané hɔ́leke wa wɛ́i kulupaae deróló, kae kae yarape sutere kaaepó. ⁴⁸ Atéró, kale hɔ́leke wamó dere yarape taleyaaairaalu, hɔ́leke wa tukó sóró wɛ́i fókumó turukwɛ́ mulóló, taleyóló wisire ya yopaae derótua yóo, doretei ti taae fatua yóo, yalepó. ⁴⁹⁻⁵⁰ Atétu dere kaae, take kemetere sukamókélé, ai ala yaalo ai ape. Kótóné ama *ensel*-rape wóló, wisi ala du betere so whɛ́ taleyóló kaepaae beteróo, dowi ala du betere so whɛ́ kaepaae beteróo, yaalopó. Atéró bukótamo yóló, dowi ala du betere so whɛ́ta, si duku beterepaae taae deraalopó. Aimó siné duku bitu, atimanétei yale dowi alamópóló doasi wole yóló serekené tukó nuku betaalo ai ape,” yalepó.

⁵¹ Téro Yesuné atimapaee duraalu, “Ai yale forape fea diaaɔ́ wosóló bete wisiyóló kisipa yaleé?” depa, atimané duraalu, “Épó,” yalepó.

⁵² Tétepa Yesuné duraalu, “Mosesné aseýóló muló betere fo yó mótu betere whɛ́rapepaae, Kótóné hepen bemó tɛ́teróló kaae tare aɔ́mó mole ala i ape yóló, mené yó matepa kisipare whɛ́ta, ti be tale kaaepó. Beta be talené ama wisi wisi ɔla muó mole tikimó mió sale kisi ɔlakélé, mo take mole ɔlatamo touróló, Talené ala erótu beterepó,” yalepó.

Kótóné kɔ́lɔ́ whɛ́ ɔ́ ama turuku bemó doi munipóló yale fo

(Mak 6:1-6, Luk 4:16-30)

⁵³ Yesuné ai fo sale forape yó melóló kilipaae ɔ́ ai be hulua taaróló felepó. ⁵⁴ Atéró, ama turuku bemó sókó fóló bituraalu, atimané fo wosetere bemó fo kaae sóró yó mótu betalepó. Ama atéró yó matere fomó sirayóló duraalu, “Ai

whɛ́né kisipa tiki dotoróɛ́ fale alaró kae kae eratere kelemei alarapetamo-a, né yó matepa du bitutérópó,” yalepó. ⁵⁵ I naaleta, kale be tɛ́tere whɛ́né naalema hɛ́ti meié? Ama hamata Maria ai ape. Kale Jems, Josep, Saimon, Judas, ai whɛ́rapeta, ti ama nomarape ai ape. ⁵⁶ Ama nemarapekélé, dɔ́tamo i betere ape. Ama doa ai du betere ala feata, momó sóró du bitu dérópóló, ɔ́tamo dei tuɛ́ mualepó.

⁵⁷ Atéró, Yesuné ɔ́tamo dei kisipa mutere ala kolóló, ama atimapaee duraaalu, “Be hulua feamóta Kótóné ama kɔ́lɔ́ whɛ́né doi doasi moletei, ama turuku be hulua so whɛ́ró ama fake so whɛ́tamo tuámó, ti doasi doi muni ai ape,” yalepó.

⁵⁸ Atimané ama dere fo wosóló kisipa tiki tirénireteiné ai be hulua tuámó, ama kae kae doasi fotokɔ́i kelemei alarape mo dekéro eréni, tóróti eralepó.

14

Kale wɛ́i tópurale whɛ́ Jon dale ala (Mak 6:14-29, Luk 3:19-20, 9:7-9)

¹ Atéyale sukamó, kale Kaleli hae kwia tɛ́teróló kaae tare whɛ́ Herot-né Yesuné i alarape du beterepó dere fo wosalepó. ² Ai fo wosóló ama kutó diratere whɛ́rapepaae duraalu, “Aita, kale wɛ́i tópuratere whɛ́ Jon kepaayóló biturapó. Atéru, mo kae kae doasi kelemei alarape ai erótu betere ape,” yalepó. ³⁻⁴ Ai fota, hɔ́le inipó. Herot-né Yesuné i alarape du beterepó dere fo wosaaí bitutei, i ala yalepó. Jonné Herot-paae duraalu, “Naao no Filip-né so Herodias-tei noatepa tokóló dokaleé?” yale fomótei, kale Herot-né Jon *dipula* beterepó. ⁵ Ai fo deremó, kale Herot-né Jon *dipula* beterepó daai yaleteti so whɛ́ kolóló ɔ́ wituraalu, *dipula* bemó hɔ́le beterepóló taaralepó. Ti noatepae, Jon-ta, Kótóné ama kɔ́lɔ́ whɛ́póló, so whɛ́ feané kisiparapó.

⁶⁻⁷ Kale doasi topo whɛ́ Herot-né ama hamané ɔ́ deyale be de wapa, doasi ɔ́la deyóló nuku betalepó. Até du betepa, kale so Herodias-né senaalema wóló, ɔ́la nuku betere so whɛ́rapené keletómó kilitu betalepó. Atéró kilitu betepa, Herot ɔ́ mo doa hɛ́kesené sukutepa kale so

seimalepaae duraalu, “Naao epaae noa qlakó kematepa, ti naao ai kematere qlatoróti yalo yamó melaalopóló,” doasi dirii fo yóló mulalepó. ⁸ Ai fo depa, kale so Herotasiné senaalepaae ya fóló, kale wẹi tópuratere whi Jon-né topo tukóló alae fo ene fae depa, kale senaale a fóló Herot-paae duraalu, “Wẹi tópuratere whi Jon-né topo betə tukóló nuku tómó beleróló alae,” yalepó. ⁹⁻¹⁰ Kale doasi topo whi Herot-né ai fo wosetu a mo doasi fomoné sukaletei, ama ɔla naai wale so whiné keletómó i ala mo yaalopó yóló mulale fo tikinépa, ama diki tare whirapepaae Jon-né depa tikae yóló, dotonalepó. Atétepa atima fóló, Jon *dipula* bemó betepa, depa tukóló ama topo nuku mó beleróló sóró walepó. ¹¹ Atéró, kale whiné topo du nuku tómó beleróló kale senaalepaae melatepa, ama sóró fóló, hamapaae melalepó. ¹² Atétepa, Jon-né ama yó matere whirape wóló, kale sekéné ama tupuló tiki sóró fóló douralepó. Téró atima fóló, Yesupaae i alarape yalepóló ene felepó.

*Yesuné 5,000 whimó ɔla melale fo
(Mak 6:31-44, Luk 9:10-17, Jon 6:1-13)*

¹³ Atei ala yalepó dere fo Yesuné wosetu, ai so whi betó mole tiki taaróló, ama yó matere whirape atimanale maaté wẹi nuku sóró so whi bitinire tikipaae felepó. Aimó betó muale so whi feané Yesu upaae felepó dere fo wosóló, atima betere doasi be huluarape taaróló, atamo hokolaa yaai dapóló atima hae tumó felepó. ¹⁴ Atéró, Yesu a hae tópaee taae fóló kelalemó, so whi mo hāle ɔla kaae wóló betó mupa kolóló, ama hosaa tuamó mo doasi kolené sukutepa, atimané hepo beterape wisiralepó.

¹⁵ Atéró, be felekemó diki yaaiteretamo, ama yó matere whirape a beterepaae wóló duraalu, “Də so whikélé bitini hāle tuə tikimó betepatei be dikiyalepa, felekemó tẹ mole be huluarapepaae atimané naaire qlakó dupuyaaai fópóló, dotonae,” yalepó.

¹⁶ Ai fo depa, Yesuné tokó mótu duraalu, “Imó dənə menanénipa, atima dupune fópóló de? Diaoqtei, atimané naaire ɔla melótumié,” yalepó.

¹⁷⁻¹⁸ Ti fo depa, ama yó matere whi betəné duraalu, “Dənə imó moleteita, *bred* o bula aporó yóo, ya tamo yóo yóló betə i mole ape,” depa, ama duraalu, “Ai ɔlarape epaae sóró ape,” yalepó. ¹⁹ Atéró, ama so whi feapaae ai ne tómó betae yóló atima fea betó mupa, ama kale *bred* o bula aporó sóo, ya tamo sóo yóló taruraalu, hepen-paae kese horóló Tale Kótópaae mo kée yóló, terekéeraalu yalepó. Atéró ama yó matere whirapepaae melatepa, atimamo so whimó melaté kwəalepó. ²⁰ Atéró, so whi mo fea nóló sɔtepa, buki muni feletei kale yó matere whirapené betəpaae yóló, 12 yorape deyóló fəanalepó. ²¹ Atéró, ai kale ɔla nale so whirapeta, soraperó naale senaletamo dosəani, whirape maaté dosayóló touróturaalu, 5,000 whirapepó.

*Yesu wẹi tómó daaté fele fo
(Mak 6:45-52, Jon 6:16-21)*

²² Atéró Yesuné ama yó matere whirapepaae duraalu, “Əta, i betó mole so whi atimané be séle sélepaae fópóló dotonóló walapa, wẹi tẹ utéró betaai diəpi ai nukutamo fae,” yalepó. ²³ Téró, so whi fea fópóló dotonóló kilipaae Yesu a ama wotoró du sokore aomó momayaairaaalu holalepó. A aimó wotoró betepatei, be dikiyalepó. ²⁴ Aimó betepatei, kale wẹi nuku wẹi kulu tuamó hāle fu betepa doasi wẹi asyaró besé tikitamo atima faaire tikiró waleteiné, kale nuku hapale feni, dua wóputé fu betalepó.

²⁵ Felekemó be deyə holaai deretamo, Yesu ama yó matere whirape beterepaae waairaaalu, wẹi tómó daaté wou betalepó. ²⁶ A atéró daaté wou betepa atimané a kolóló, mo doasi witu diri furu furu yóló duraalu, “Kepe ai wale ape,” yalepó.

²⁷ Atéteretamo Yesuné atimapaae duraalu, “Ita epa diə wini, hosaa diriyóló mo dua betae,” yalepó.

²⁸ Tétepa Pitané Yesupaae duraalu, “Tale-ó yəpata, ti ekélé yətamo hokolaa yaai wẹi tómó daaté waaitapa, ape yae,” depa ama duraalu “Ape,” yalepó.

²⁹ Ti fo depa, Pita wẹi nuku taaróló wẹi tópaee taae doropóló, Yesu walepaae daaté felepó. ³⁰ Téyaletai, doakale besé

tiki wale kolóló wituraalu, wẹi dolopaae buó deyaai depa ama fo fakeyóló duraalu, “Tale-ó, wẹiné ẹ felekemó aluraai dapa, tao sae,” yalepó.

³¹ Atéteretamotóró, Yesuné ama naasemó taosu duraalu, “Naao kisipa tiki mo ti tiró bitini airapó. Noatepa kisipa tiki tamo dekaaporóló mualeé?” yalepó.

³² Atéro, atimaamo wẹi nukupaae bitị holalemó, kale besẹ tiki tikalepó.

³³ Tétepa, kale ai nuku tuámó betó mole whịrape Yesu aqómó sukóló bitu, ama doi hale sóró horótu duraalu, “Yáta so whị fea tẹteróló kaae tare Tale Kótóné Naalematoró mo hịtipó,” yalepó.

³⁴ Atéro, atima ai wẹi dala tẹyóló, Kenesaret hae utéro sókó felepó. ³⁵ Ai be huluamó betó mole so whịné ẹ kolóló ita, kale Yesu airapó yóló kisipa mutu ai hae kwiamó betó mole be hulua so whịpaae Yesu wóló i betere ape, yó faralepó. Atétepa, kale kisi daae mole so whịrape atimané ẹ beterepaae dapesó wua yalepó.

³⁶ Atéro wóló betó mulu, whịrapené ẹpaae woseturaalu, i kisi daae mole so whịné naao kuti salemómaaté wolaa yópóló yae yalemó, téyae depa ẹ wolaatua yale so whịné kisi beterape fea wisitua yalepó.

15

Farisi whịrape atimané mara mole ala dorapóló yale fo (Mak 7:1-13)

¹⁻² Téro, kale mepaae Farisi whịraperó Moses-né yóló muló betere fo yó matere whịrapetamo, Jerusalem be huluamó biti wóló, Yesu beterepaae fóló woseturaalu, “Naao yó matere whịrapené dạné ayarapené mara mole ala noatepa tikitu bitu de? Atimané ẹla naairaalu, folosóró naase fukunipatei ẹla nuku betere-a, noatepa de?” yalepó.

³ Ti fo depa, Yesuné atimapaee tokó mótu duraalu, “Mo diaaqtóró diáne ayarapené mara mole ala sya fu bituraalu, Kótóné yae yóló muló betere fo noatepa tikitu betere? ⁴ Ti noatepae, Kótóné duraalu, ‘Naao hae aya wisi doi muópóló hale sóró horótu betae,’ fo erapó.

‘Mepaae whịné tamo ama hama alimané doi doróló, dowi tekani fo depata, ti sinópóló,’ mo ti daae erapó,” yalepó.

⁵ “Ai fo aseýóló mupatei, diaaq etei fo dua dapó. Whị betané ama mole ẹla ó *monikó* alimaró hamatamo tao sóró melóluq̄tei, ita Kótópaae melaaipó yaletiné, diaamo melanénipó dua dapó. ⁶ Atéturaalu, hamaró alimatamo aqómó bitu, atimaamoné doi hale sóró horatere ala iniyóló alurótu beteraapó. Diaaq ayarapené mara mole ala sya fóló du betere téné, Kótóné fo hẹle ẹla kaae aqróló alurótu beteraapó. ⁷ Diq̄ tiki tuapaae dorutei, hẹle sik̄li du betere whịrape-ó, diaaq ai du betere alamó Kótóné ama kóló whị Aisiané asere fota, ti mo diapaaetóró erapó. ⁸ Ai asere fo i ape.

‘I so whịné hẹle kólónemaaté yalo doi hale sóró horótu bitu, atimané ẹ hosaa tuámó muló bitini, kisipa keteróló mo sisópaae eró beteraapó. ⁹ Atimané ẹpaae, “Aya Tale doa whị-ó,” du betere téné ti mo hẹle du beteraapó. Atéro yó mótu betere fota, ti mo whịné tuéné kekeme nóló i ala yae yóló, yó matere fotei yó mótu beteraapó,’ erapó,” yalepó.

¹⁰ Yesuné aimó daae mole so whị feapaae ape yóló duraalu, “I dere fo bete diáne wisiyóló wosóló kisipa muae. ¹¹ Whị betere bete doratereteita, mo nokole ẹlané dorótimatei, whịné tiki tuámó kaayóló kólómó sókó wale foné betq̄ Kótóné keletómó ai whịné betere bete mo dorótua dapó,” yalepó.

¹² Tétepa, ama yó matere whịrape ẹ beterepaae wóló duraalu, “Ai Farisi whịrapené naao ai du betere fo woseturaalu, atima dei kisipa mutu betere téné naao kelere?” yalepó.

¹³ Ti fo depa ama duraalu, “Ó hepen bemó betere yalo Ayané ama biliniyale ẹlarapeta, ti ama feleketamo turó tokó saalo ai ape. ¹⁴ Ti ai whịrape atimata, keke dilikirutei mepaae whịrape ai ẹlisóró fu betera, atima atétóró du beterepóló taalae. Me keke dilikire whịné me keke dilikire whịpaae tị i mole ape yóló ẹlisóró

fupa, ti atimaamo wusurótóró dée nóló, kulu dolopaae derepaalo ai ape,” yalepó.

¹⁵ Ai fo depa Pitané duraalu, “Tale-ó, naao nokole ɔlané wh̄i dorótumipó, yale fo salené bete dɔpaae h̄akearóló yó ɔlae,” yalepó.

¹⁶ Ti fo depa, Yesuné atimapaee duraalu, “Diɔkélé ɔlo ai yale fo bete wisiyóló kisipa muni, diaaɔ kutirikélé hapólu ai ere ape. ¹⁷ Wh̄iné kɔlómó nóló, depepaee bit̄i doropole ɔlané wh̄iné tiki dorótumipó. Ai ɔlata, depepaee bit̄i doropóló nalo, di alée fua deretei diaaɔ kisipanié? ¹⁸ Téretei hosaa tuɔmó kaayóló, wh̄iné kɔlómó sókó wale foné bet̄a ti wh̄i dorótua dapó,” yalepó. ¹⁹ “Wh̄iné hosaa tuɔmó kaayóló wouraalu, wh̄i doratere alarape ti i ape. Doi ala yaai mutere dei tuékelé, wh̄i dele alakélé, wh̄iné dokore so ó so dokore wh̄itamo nópu nokole alakélé, kokopei ó seimalené kae kae nópu nokole alakélé, kikiti ɔla ɔlémi sere alakélé, wh̄i me dilikóló ama ɔla ɔla sere alakélé, fo tokóló taleturaalu kapala fo dere alakélé, me wh̄i eratere alakélé, ai alarape feané so wh̄i dorótua dapó. ²⁰ Wh̄i doratereteita, naase fukuni bólutamó ɔla nokole alané dorótumipó,” yalepó.

Kenan soné Talepaee tué tiki tirale fo (Mak 7:24-30)

²¹ Atéró Yesu ɔ ai kale Juda so wh̄iné hae tiki taaróló, Tair-ró Saidon be h̄u-luatamo felekemó mole hae kwiapaae felepó. ²² Téyalemó, ai Juda meire be h̄uluaamó betere Kenan fake so bet̄a Yesu beterepaee wóló, fo fakeyóló duraalu, “Depit-né deté yale wh̄iné Naalema Tale-ó, ɔlo senaale dowi kepe tepeyóló bitu, mo sonaalei dowi ala eróló, ama tiki doasi susupu su beterepa, naao ɔ kɔletu tao sae,” yalepó.

²³ Ai fo deté wou betepatei, Yesuné kale sopaae me fo tokó menitepa, ama yó matere wh̄irapené ɔpaae duraalu, “Ai soné dɔ sya wouraalu dotopoi fo deté wou beterepa, fɔpóló h̄okó falótumié?” yóló seɔyalepó.

²⁴ Ai fo depa ama kale sopaae tokó mótu duraalu, “Éta, Israel fake so wh̄i tuɔmó

fokó fóló betó mole hupurape tao sópóló, dotonatepa wóló i betere ape,” yalepó.

²⁵ Tétepa, kale so Yesu daalemó bukutiri teɔró bitu duraalu, “Tale-ó, ɔ naao tao sae,” yalepó.

²⁶ Ti fo depa ama kale sopaae duraalu, “Kale naale senaalené nokole ɔlatei yuwirape nópóló melatere-a wisire?” yalepó.

²⁷ Ai fo depa kale sokó duraalu, “Tale-ó, naao dere fota mo deretei, haɔrapenekélé ɔ whaatere wh̄iné bemó, ɔla nokole ni fake tómó beleróló nokole ɔla folope aɔmó sorokóta deretei nukua dapó,” yalepó.

²⁸ Tétepa, Yesuné kale sopaae tokó mótu duraalu, “Ti so-ó, ɔ bet̄a mo doasi kisipa tiki tiróló beterepa, naao ɔpaae eraasepé dere ala mió i eratere ape,” yalepó. Ai fo deretamotóroti kale soné senaalemané kisi bete mo ti wisi ipakalepó.

Yesuné 4,000 whirape ɔla melale fo

²⁹ Atéró Yesu ai hae kwia taaróló, Kaleli w̄ei k̄ɔla fóku sesek̄e fu betéró, du sorokó mole aɔpaae holóló beterepó.

³⁰ Atéró beterepó, h̄ɔleke momaare so wh̄ikélé, keke dilikire so wh̄ikélé, tiki dore so wh̄ikélé, kɔló nomone so wh̄ikélé, mo h̄ale ɔla kaae mepaae so wh̄iné beleóló ɔ daalemó mulaleta depa, atimané kisi beterepa ama wisirótua yalepó. ³¹ Kale kɔló nomóló betale so wh̄irapetei fo yóo, h̄ɔleke momaayóló betale wh̄irapekélé wisi yóo, bukutiri doyóló betale wh̄irapekélé mo wisi yóo, keke dilikiyóló betale wh̄irapekélé keke wisiyóló kolóo, depa so wh̄i feané sirayóló Israel so wh̄iné Kótóné doi hale sóró horótu betalepó.

³² Atéró, Yesuné ama yó matere wh̄irape ɔ beterepaee ape yóló duraalu, “I so wh̄i mo doa kɔlené sinitapó. Ti noatepae, atima ɔlakélé néni wote siri betepa be de sore kemeyaletiné atima tu tuɔmó wotené sisiraae faɔsóró, dotonaalo meipó,” yalepó. ³³ Ti fo depa, ama yó matere wh̄irapené duraalu, “So wh̄ikélé bitini, h̄ale tuɔ tikimó beterepa, doai betó mole so wh̄iné naaire ɔla momó mupa melaaloé?” yalepó.

³⁴ Ai fo depa Yesuné atimapaee wose-turaalu, “Diñané meteró *bred* o bularape tare?” depa atimané ɸpaae duraalu, “Wɛikeró o bularape yóo, ya belekɸatikiki sawa tėti yóo yóló betɸ i tare ape,” yalepó.

³⁵ Ti fo depa, ai betó mole so whj feapaae duraalu, “Ai hae tikimó betó muae,” yalepó. ³⁶ Téró, ama kale wɛikeró o bularaperó yarapetamo taruraalu, Tale Kótópaae mo kée yóló, terekée daalu yóló ama yó matere whjrapepaae melatepa, atimanémo so whimó ɸliralepó. ³⁷ Atéró, atima mo fea nóló sɸtepa, buki muni feletei ama yó matere whjrapené betɸpaae daseté kwɛyóló 7 yorape deóló ɸañóló mulalepó. ³⁸ Ai kale ɸla nale so whjta, soraperó naale senaaletamo dosɸani, whjrape maaté dosɸayóló touróturaalu, 4,000 whjrapépó. ³⁹ Atéró, Yesuné so whj fea dotonóló nalo ɸ wɛi nukupaae bitj holóló, Makatan be hulua felekemó ere hae kwiapaae bitj felepó.

16

Yesupaae kelemei alakó kelaalopa erae yale fo

(Mak 8:11-13, Luk 12:54-56)

¹ Téró, kale Farisi whjraperó Sadyusi whjrapetamo Yesu beterepaae wóló, ɸ kɸaae kolóló sɸ saairaalu i fo yalepó. “Kótóné ó hepen bemó mole ala kolóló, ita Talenétei eratapóló sira yaai dere kelemei alakó dɸmaletamo kelaaitapa, erótumié?” yalepó.

² Ai fo depa ama atimapaee duraalu, “Be kuluka sɸko sonaa dere ala kolóló, dóta suka wisi yaalo ai ape dua dapó. ³ Hjka be suka sokoteretamokélé sɸko dilikiyóló sonaatepa, diaaɸ i fo dua dapó. Mió doasi hali waai dapó, dua dapó. Sɸné dere ala bete diaaɸ wisiyóló kolóló kisipa irutei, mió i alimó me ala yaairemó dere alarape diñané kolóló kisipa enénipó. ⁴ Diɸ mió i alimó, dowi ala du betere so whjro nópu nuku betere so whjta monétei Kótó mo beterapóló kisipa muóppóló, mo doa yaai dere kelemei alakó eratepa, kelenée yóló ketekɸ butu betereitei, kelemei ala me kae eraalomeipó. Jonapaae erale ala kaae betɸ eratepa, diaaɸ kelaalo ai ape,”

yalepó. Atéró, ai whjrape atima betó mupatei Yesu ɸ felepó.

Farisi whjraperó Sadyusi whjrapetamoné yó mótu betere ala

(Mak 8:14-21)

⁵ Atima nukutamo ai wɛi kɸla tɸ fóló, kelalemó ama yó matere whjrapené *bred* o sini, kɸyó yóló weipakalepó. ⁶ Tétepa, Yesuné atimapaee duraalu, “Farisi whjraperó Sadyusi whjrapetamoné *bred* o tópuratere ɸla yist-né diɸ doraɸsórópa, mo hotowayóló kaae tawae,” yalepó.

⁷ Yesuné ai fo depa, atimasisitei fo kɸlaaróló duraalu, “Ti ama ai dere fota, dɸné *bred* o sóró anipa du dapó,” yalepó.

⁸ Atimasisi atéró kɸlaarótu betepa, Yesuné kisipa yóló, atimapaee duraalu, “Diɸ tómó maaté kisipa tiró betere whjrape-ó, diɸsisitei noatepa fo kɸlaaróló, *bred* o sóró anipó du bitu de? ⁹ Diaaɸ Yɸlo yale alarape kolóló, wisiyóló kisipa muni airapó. Kale 5,000 whjrapemó aporó *bred* o bula terekeyóló melaleitei-a, diñané kisipa keteraleé? Kale buki muni fele *bred* o diaaɸ betɸpaae yóló, meteró yorape ɸañaleé? ¹⁰ Ó kale wɛikeró *bred* o bularape terekeyóló, 4,000 whjrapemó melatepa, nóló buki muni feletei diaaɸ betɸpaae yóló, meteró yorape ɸañóló mulaleé? ¹¹ Yɸlo take yale fota, *bred* omó kisipa muóló iniyaletai, diaaɸ wosóló kisipa munié? Ti ai yale fota, kale Farisi whjraperó Sadyusi whjrapetamoné yist-né diɸ doraɸsóró, kisipa mutu yalepó.” ¹² Téró, atimané ai dere fo wosóló, ama yale fota, kale *bred* o tópuóppóló bulatere ɸla yist-mó initei, Farisi whjraperó Sadyusi whjrapetamoné yó matere foné dɸ atima doraɸsóró, hotowaró kaae tawae yóló irapóló kisipa salepó.

Pitané Yesupaae yɸta mo Keriso ai ape yale fo

(Mak 8:27-30, Luk 9:18-21)

¹³ Atéró, Yesu Filipainé tɸale be Sesaria Filipai doi mole hae kwiamó sókó fóló, ama yó matere whjrapepaae woseturaalu, “Mo so whjné kale Whjné Naalema-a, depó du bitu de?” yalepó.

14 Ai fo depa atimané apaae duraalu, “Mepaae so whinėta, ya kale wẹi tópuratere whıkó Jon-pó du betera. Mepaae so whinėmo, ti Elaijapó du betera. Mepaae so whinėmo, Jeremaiapó du betera. Tétepa, mepaae so whiné duraalu, Kótóné ama betá kóló whıkó duyalepó, du betera,” yalepó.

15 Ti fo depa ama atimapaee wosetu-raalu, “Ti aita atimané mutere kisipapa, diaaq kisipané e-a, depó du bitu de?” yalepó.

16 Ai fo depa Saimon Pitané duraalu, “Yaata, mo hąle betótóro tare Kótóné Naalema so whı fea tetéroló kaae tanópóló, sóro betero betere whı Keriso ai ape,” yalepó.

17 Tétepa Yesuné apaae duraalu, “Jonané naalema Saimon-ó, ya betá Kótóné wisiró betereiné mo hąné sinitu betere whı ai ape. Ti noatepae, naao ai yale fota, mo whiné apaae yó menitei, ó hepen bemó betere ąlo Ayané yó matepa dapó.

18 Tétepa, ąlo apaae i dere ape. Yaata Pitapó. I doasi kapo fake tómó be tetu dere kaae, ąlo so whı doasi fake firaalo ai ape. Atéro tetóló betepa, sukutere alané bole fotokóné bóe daalotei, ąlo tetu betere be fisikóló mo doraalomeipó.

19 Téyaalomeitei, ó hepen bemó tetéroló kaae tare tuapaae faaire be tu tukjyaaire kirape ąlo ya melaalo ai ape. Diaaq i haemó dowi ala deretei dokóló mulatepa, ti Kótóné hepen bemókélé dokóló muló betera. I haemó diaaq teraayóló hąkeamó mulatepa, ti Kótóné ó hepen bemókélé, teraayóló hąkeamó muló betera,” yalepó.

20 Téro, Yesuné ama yó matere whırapapaae dirii fo yóló mulótu duraalu, “Eta, Kótóné so whı fea tetéroló kaae tanópóló sóro betero betere whı Kerisopó fo mepaae so whıpaae momókó ąqse,” yalepó.

momaratere topo whırapenekélé, Mosesné yóló muló betere fo yó matere whırapenekélé apaae kae kae susupui ala eróló, e mo ti sukópóló daalopó. Atéro sukóló sore be de kemetepa, e momó kepaayóló betaalopó,” yalepó.

22 Ti fo depa, Pitané a tu apaae dapesó fóló duraalu, “Tale-ó, mené apaae atei kaae ala mo yaalomeipó,” yalepó.

23 Ai fo depa Yesuné Pitapaae duraalu, “Satan-ó, ya taae fae! E faai dere tu wisi naao ai dere alané sesé dapó. Naao ai dere alata, Kótóné kisipa mole ala mei, mo whiné kisipa mole ala ai dere ape,” yalepó.

24 Téro Yesuné ama yó matere whırapapaae duraalu, “Whı me detamo e sya waai kisipa mutepata, ti ama yaai kisipa mole ala taaróló, a dóló oloraaire filipaa ni, amatei beleyóló wópóló yae.

25 Ti noatepa meipó. Mepaae whı dené ama kisipané a betere bete me ala ąsórópóló, amatei hotowayóló kaae tapata, ti ai whiné ama betere bete aluyaalo ai ape. Téyaalotei, mepaae whı dené ąlo erae dere ala sya fóló eróturaalu, ama betere bete me ąla meipóló a sinitepata, ti atétere whiné ama betere bete aluni, mo ti betó tawaalopó. 26 I haemó yó mole wisi wisi ąla fea whı betané amatórótípóló tawóló beteralemó, ai whiné ama betere bete alutepa, ti me noa ąlatamo dupu yóló ama betere bete momó saaloé? Ama betere bete mo ti aluyaalo ai ape.

27 Ti noatepae, kale Whiné Naalema ama Alimané ere au wisinaaletamo ama enserapetamo wouraalu, so whı dokó feané yale alarape sumótóróti dupu melaalopó.

28 ąlo diapaae mo i dere ape. Dią i betó mole whırape mepaae sukuni hąle betepatei, kale Whiné Naalema ama tetéroló kaae tare alatamo wapa, kelaalo ai ape,” yalepó.

17

*Yesu Kerisoné a sukąalopóló yale fo
(Mak 8:31–9:1, Luk 9:22-27)*

21 Mo ai be demó kaae sóro, Yesuné ama yó matere whırapapaae duraalu, “E Jerusalem be huluamó fóló betepa, kale whı disiraperó mo so whımó Talepaae

*Yesuné ama tiki kae daane wale fo
(Mak 9:2-13, Luk 9:28-36)*

1 Naase apomiró be de kemetepa, Yesuné atamo faairaaalu, Pita, Jems-ró noma Jon-tamo atimanale mo doasi hasi fosopaae holalepó. 2 Atéro holóló

bituraalu, atimané keke tó mó tei Yesuné tiki mo kae daane wóló, ama kelepaakélé, sukané de kae yó felepó. Atéturaalu, ama deró betere kutikélé fea mo de tekée felepó. ³ Atima atéro daae mupa, Moses-ró Elaijatamo sókó wóló Yesutamo fo du betepa kelalepó.

⁴ Até tu betepa, Pitané Yesupaae duraalu, “Tale-ó, da fea imó betepa mo wisirapó. Naao kisipanétamo furu be sore epaae teyae depa, ti me ya betóo, me Ilaija betóo, me Moses betóo yaairetei, ya lo tēnaalopó,” yalepó.

⁵ Ama ai fo hāle du betepatei, mo de sākone atima husurāle dorowóló ai sākó dolomó i fo depa atimané wosalepó. “I whīta, ya lo mo doasi hosaa muóló yaala sókó fóló mole naalepó. Ama dere ala ya lo kilitu, e mo doasi hēkeserapó. Atērapa, diaa q ama dere fotóro mo wisiyóló wosae,” yalepó.

⁶ Ama ai dere fo woseturaalu, atima mo doasi winé sinitu, haemó deraapisa fóló muó molepó. ⁷ Atēpa, Yesu a wóló, atima tikimó olaayóló duraalu, “Diā wiyaqse, turukó holóló betó muae,” yalepó. ⁸ Ai fo depa atimané kelalemó, whī me daale kilini, Yesu betā ama wotoró daapa kelalepó.

⁹ Atéro, atima hasi fosómó dorowou bitu, Yesuné kale whīrapepaae fo mulótu duraalu, “Kale Whīné Naalema mo ti dóló momó kepaayóló betaaire suka teópatei, i ala depa kelalepóló, mepaae so whīpaae momókó yaqse,” yalepó.

¹⁰ Tétepa, ama yó matere whīrapené apaae duraalu, “Ti Moses-né ere fo yó matere whīrapené Elaijapi folosóro waalopó du betere-a, noa betené du bitu de?” yalepó.

¹¹ Ti fo depa, Yesuné atimapaee duraalu, “Ti aita mó dapó. Ilaija a wouta, take folosóro wisiyóló mole q̄la q̄la fea dopa, ama momó wisiróló mulaalo ape. ¹² Ai alata mo yaalotei, ya lo diāpaae i dere ape. Elaijata, ti mo walepó. Téyaletēi, ita Elaijapóló kisipa muni, atimané apaae eraai kisipa mole ala fea mo erótua yalepó. Atéyale kaae, ai whīrapené kale Whīné Naalemapaekélé kae kae sekei alarape

eraalo ai ape,” yalepó. ¹³ Ai fo depa, ama yó matere whīrapené kale wēi tópuratere whīkó Jon-mó dapóló kisipa yalepó.

Yesuné dowi kepe tepeyóló betere naale wisirale fo

(Mak 9:14-29, Luk 9:37-42)

¹⁴⁻¹⁵ Atéro, atima so whī fea betó mole tuāpaae sókó walemó, whī betā Yesu daalepaae wóló, a daalemó bukutiri tearó bitu duraalu, “Tale-ó, ya lo naale topo doturaalu, hó naase kotokq yó sóro, si dolopaae ó wēi dolopaae biliyó sua du betepa, naao kōlené sukuturaalu tao saaloé? ¹⁶ Naao yó matere whīrape beterepaae dapesó waletei, atimané wisiraairetei sūnipó,” yalepó.

¹⁷ Ai fo depa, Yesuné tokq mótu duraalu, “Diā mió i alimó betó mole so whīta, Kótópaae kisipa tiki tiróló betaaire tū wisi mupatei, kisipa tiréni, dowāae fóló kōpaae ai fu betere ai ape. Diā tū wisipaae fópóló kisipa mutu, e diātamo betale sūmó hōné sukutapa, ai naale e beterepaae dapesó ape,” yalepó. ¹⁸ Atéro, kale naale Yesu beterepaae dapesó wapa, Yesuné foné seremó, dowi kepe sókó felepó. Mo ai be demótóro ti kale naale topo doretei, mo ti wisiyalepó.

¹⁹ Téró, ama yó matere whīrape Yesu beterepaae wóló, atimasisi bitu apaae woseturaalu, “Dāné ai kale dowi kepe dóló hōkonalemó, sókó feniyaletēi, noa betené yalerópó,” yalepó.

²⁰ Ti fo depa, ama atimapaee duraalu, “Diaa q kisipa tiki tiró betere ala tómó ereteiné ai yale ape. Ya lo diāpaae mo i dere ape. Diaa q kisipa tiki tiró betere alata, sawatamo *mastard* ni ke kaae bulu, diaa q i ulupaae duraalu, ‘Hiljki fóló tumó daayae,’ depa ai ulu mo hiljki fóló daane faalo ai ape. Diaa q kisipa tikitamo mo ti tiró betepa, ti fea ala fea sūmó enérápó,” yalepó. ²¹ (-) ²² Téró, ama yó matere whīrape atima Kaleli haemó tourāle wóló bitu, ama atimapaee duraalu, “Kale Whīné Naalema dópóló mené eleké deyóló, mepaae whīrapené naase tuāpaae mulaalo ai ape. ²³ Atéro atimané a mo ti doló sukunaalotei, tamo be demó maaté doumó muóló, sore be de né ti a

momó kepaayaalo ai ape,” depa, ama yó matere wh̄irape atima deķené sukutu be-talepó.

Momatere be kaae tawaaire moni derale fo

²⁴ Atéró, nalo Yesuné ama yó matere wh̄irapetamo Kapeneam bemó sókó felemó, kale momatere bemó *takis moni* siré kotere wh̄irape Pita beterepaae wóló woseturaalu, “Diā yó matere wh̄iné momatere bemó *takis moni* mótua dépe meié?” yalepó.

²⁵ Ai fo depa, ama tokó mótu duraalu, “Épó. Mótua dapó,” yalepó. Atéró, Pita ą be tuąpaae sókó holalemó, folosóro Yesunépi Pitapaae woseturaalu, “Saimon-ó, naao noa kisipa mute? Naao kisipané i haemó betó mole doasi topo wh̄irapené kae kae ęla ęlamó *moni* suatere alaró *takis moni* siré kotere alatamo, mo atimané naalerapepaaekélé ęlae dua dépe, mo wh̄irapepaae maaté ęlae yóló, sua de?” yalepó.

²⁶ Ti fo depa, Pitané ąpaae tokó móturaalu, “Mepaae mo wh̄irapepaae maaté ęlae yóló sua dapó,” depa, Yesuné duraalu, “Atétepa, ti doasi wh̄irapené naalerapepaae ęlae yóló sinitu dapó.

²⁷ Tépateti, dąmotamo atima dei tuę muaęsórópa, ya naao kemei sóro węipaae derane fae. Atéró derąlemó ya supa, ti ai folosóro sere yané kęló dąyóló kelenaalemótamo, ⁴ *drakima moni* ke bupa kelaalo ai ape. Ai *moni* sóro fóló, dąmo wusuróné *takis* mulae,” yalepó.

18

Kótóné tęteróló kaae tare hepen be tuąmó doasi doi mole wh̄i deé yale fo

(Mak 9:33-37, Luk 9:46-48)

¹ Atéyale sukamó, Yesuné ama yó matere wh̄irape ą beterepaae wóló woseturaalu, “Hepen bemó Kótóné tęteróló kaae tare aęmó wh̄i fea betó moletei, mo doasi topo betere wh̄i-a, de?” yalepó.

²⁻³ Ai fo depa, ama betą naale beleķąamale dape sóro atima betó mole tuąmó daaló bitu duraalu, “Yąlo diąpaae mo i dere ape. Dią kisipa tiki feteyóló, etei naale ketei kaae bitinitepa, ti Kótóné

tęteróló kaae tare aępaae mo sókó faalomeipó. ⁴ Térapa, mepaae so wh̄i detamo amatei deróló i naale male kaae mo dua betepa, ti ó hepen bemó betere Kótóné tęteróló kaae tare aęmó topo wh̄i ai betere ape.

⁵ Mepaae wh̄i dené etei kaae naale male yąlo doimó, mo wisiyóló dape supa, ti ętei wisiyóló dape sirapó. ⁶ Téretei, mepaae wh̄i denétamo mepaae doi muni, ępaae kisipa tiki tiróló betere belei sókó dei so wh̄i dowi ala yópoló me ala eratepa, ti atétere wh̄iné depamó mo doakale kane fake duwóló węi kęla tuąpaae taae faluąsóró mo wisi wuąpó.

⁷ Mepaae i haemó betó mole so wh̄iné mepaae so wh̄i dowi ala yóló dée nópoló, mepaae alarape mo eraalo ai ape. Atétere wh̄i ątei mo dowi kwia saaireteimó, doasi wiyópoló yae! Ai alarape mo yaalotei, u kale wh̄i dowi ala yóló, dée naaitere tu muaęsóró yae. Me wh̄i atéró dowi ala yópoló, tę mulatere wh̄i ti doakale dowi kwia saaireteimó wió yae! ⁸ Naao naase ó hóné ya dowi ala yópoló dée nalatepa, ti atétere naase ó hó tukóló taae falae. Ti noatepae, naao naase ó hó betą daayóló, mo ti betó tawaaire be tuąpaae sókó fupa wisirapó. Naao hó ó naase tamo daayóló beterale tikimó, Talené mo ti dó tare si dolopaae taae deratepa mo dorapó. ⁹ Naao kelenétamo ya dowi ala yópoló dée nalatepa, ti atétere kele sokóló taae falae. Ti noatepae, betą keletamó bitu, mo ti betere be tuąpaae sókó fupa wisirapó. Naao kele tamo daayóló betepa, mo ti dó tare dowi sipaae Talené ya taae deraęsóró dapó.”

Fokó fole sipsip hupupaae dó faróló yale fo

¹⁰ “Yąlo diąpaae mo i dere ape. I betó mole naale momale mo doi muni belei sokótei betepa, dią teteirapepóló tęteraęse. Ti noatepae, atima kaae tare *ensel*-rape ó hepen bemó betere yąlo Aya Kótóné kelepa koló tarapó. ¹¹ (-) ¹² I dere fo wosóló, diaaę noa kisipa mute? Wh̄i betąné ama 100 *sipsip* hupurape whaanalemó, betą hupu alutepa, ama

neté yaaloé? Kale 99 hupurape du sokoremó betó mupatei taaróló, kale betá aluyale hupu kekene faalo ai ape.

¹³ Yálo diápaae mo i dere ape. Kale whiné ai aluyale hupu keletepa, ti á mo hajné sinóló betaalo ai ape. Ti noatepae, betó mole 99 *sipsip* hupurape kilitu hajtu betepatei, kale aluyale *sipsip* hupu keletepa, dere hajné mo teraae falapó. ¹⁴ Atére kaae, i kale doi muni belei sokótei so whi betákelé aluyaqsóró, ó hepen bemó betere diaaḡ Ayané doasi kisipa mutu beterapó,” yalepó.

Yápaae eratere dowi ala donoraé yóló dere fo

¹⁵ “Naao noné yápaae me dowi ala eratepa, ti yá á beterepaae fóló, diaamosisi betámó bitu no-ó, naao épaae etei kaae dowi ala eralepóló yó melae. Ama naao dere fotamo wosóló, hapale donoratepa, ti diaamo tuámó muale seḡ kemeyóló, betámó wisiyóló ai betere ape. ¹⁶ Aténi, naao dere fotamo woseni hóróló dowáae fupa, ti kale ašemó yóló muló betere fo sya furaalu, fea ala fea mo yalepóló, kelale whi tamo ó sore dapesó fóló, diá fea bituraalu, teraayóló ai seḡ wisirae. ¹⁷ Amatamo diáné dere fokélé wosenitepa, ti touró betere Keriso fake so whiné keletómó hákeamó yó melópóló yae. Atérqlemókélé, Keriso so whiné dere ma fo woseni hóratepa, ti á Keriso doi muni, hále mo whi kaae ó *takis moni* sere whi kaae beterópóló yae.

¹⁸ Yálo diápaae mo i dere ape. Naao me whi hamopaae erale dowi ala, mo yalepóló teraayóló kemeréni hále muó tapa, ti Kótóné ó hepen bemókélé dokóló ai muló betere ai ape. Naaotamo me whi hamomapaae erale dowi ala mo yalepóló teraatepa, ti Tale Kótóné ó hepen bemókélé, teraayóló muló beterapó.

¹⁹ Yálo diápaae i dere ape. Atétere kaae, diáḡ whi tamo mo betá kisipa muóló ó hepen bemó betere yálo Aya Talepaae momaturaalu, me qlakó wosetepa, ti ai wosetere qla ama mo melaalo ai ape. ²⁰ Ti noatepae, yálo doi hale sóró horaairaalu,

whi tamo ó sorekélé touróló betepa, ti atima tuámó ḡkélé beterapó,” yalepó.

Mené erale dowi kwia hále kemeratere fo sale fo

²¹ Tétepa, Pita Yesu beterepaae wóló ápaae woseturaalu, “Tale-ó, yálo noné épaae erale dowi ala hále kemeraalopóló meteró fapo enére? Weḡ keró fapomó maaté yóló súpóló taaranére?” yalepó.

²² Ai fo depa, Yesuné ápaae tokḡ mótu duraalu, “Yálo yápaae mo i dere ape. Weḡkeró félimó maaté deretei sunipa, deté fu beteró 77 félimó, ama dowi ala kemerále wópóló yae.

²³ Atéro kale ó hepen bemó betere Tal-ené teteróló kaae tare aqmó mole alata, etei ala dere kaaepó. Betá doasi topo whiné ama *moni* kwia mulóló saletei, ama kutó diratere whirapené meteró saleró taleyaai á beterepaae ape yalepó. ²⁴ Atéro, kaae sóró taletu betaalemó, betá 10,000 *kold kapa* seḡ ḡale sóró, kwia mulóló sale whi kale doasi topo whi beterepaae dapesó walepó. ²⁵ Ai whiné ama kwia mulóló sale *moni* tokḡ melaairetei sýmó tanipa, ama doasiné mepaae kutó diratere whipaae duraalu, ai whikélé, ama somakélé, naale senaalekélé, mené wae sóró dupu yópóló dotonóo, ama qla qlakélé mó fea me whiné dupu yópóló dotonóo, yae. Téro, ai *moniné* ti ama mole kwia kemeraairaalu, sóró ape yóló mulalepó.

²⁶ Ai ala yaaitepa, kale whi á ama doasi daale felekemó bukutiri teḡró bitu dua naamei fo yóló duraalu, ‘Yálo yá betemó kwia mulóló sale qla qla fea tokḡ melaalopa, sawa kaae tawae,’ du betalepó. ²⁷ Kale kutó diratere whiné fo depa, ama doasiné á kelalemó, á kolené sukuturaalu, kwia mole *moni* me qla meipóló, kale whi á hále fópóló dotonalepó.

²⁸ Téyaletei, ai kale whi ámo furaalu, ama 100 *denarias moni* kwia mulóló sale whi ḡle felepó. Ti ai whita, atimaamo betá kutó ditere whipóló kisipa muni, ama depamó botokḡ sóró taru, mo deteraayóló duraalu, ‘Yálo 100 *denarias moni* yápaae kwia mulapa, mo miótitei, hapale tokḡ ḡlae’ yalepó.

²⁹ Ai fo depa, kale whi ą bukutiri tçane doropóló, mo dua naameiné ąpaae duraalu, ‘Yąlo tokó melaalopa, sawa kaae tawae,’ yalepó.

³⁰ Téyaletei, kale whiné kaae tawaalomeipóló *dipula* be kaae tare whipaae duraalu, ‘Ama kale kwia sale *moni* tokó melatere sukamó ti ą sókó daalaasepólópa, hąle beterpóló yae,’ depa, kale whi *dipula* beteralepó. ³¹ Atétepa, mepaae atima betą kutó ditere whirapené ai ala kolóló, atimakélé dei tuę muóló sekętepa, atimané doasi topo whipaae i ala yalepóló ąpaae yalepó.

³² Atéró ene wale fo wosóló, kale doasiné ai ala yale whipaae ape yóló, ąpaae duraalu, ‘Yąta mo dowi ala yó tare kutó diratere whi ai ape. Naa ępaae mo dua naamei fo depa, yąlo ąpaae doasi kwia moleteti, me ąla meipóló taaralepó.

³³ Térapa, yąlo yą kęlené sukóló taalótu yale kaae, naakélé diaamo betą kutó ditere no hamoma kęleturaalu, ai ala iniyólópó,’ yalepó. ³⁴ Atéró, kale doasi topo whi ą fopaae buóló, u kale *dipula* be kaae tare whipaae duraalu, ‘Ama kwia mole *moni* momó tokó melópolópa, ą *dipula* beteróló, susupuróló fokosói ala deté fu betae,’” yalepó.

³⁵ Ai fo deté fóló kemetepa, Yesuné ama yó matere whirapepaae duraalu, “Naa no hamomané ąpaae erale dowi ala me ąlameipóló, mo hosaa turóné kemerénitepa, ti ó hepen bemó betere yąlo Ayané dią dokę feapaekélé ai kaae alatóró eraalo ai ape,” yalepó.

19

Soró whıtamo dokoretei tekęteremó yale fo

¹ Atéró, Yesuné ai forape yóló kemetepa, ai Kaleli hae taaróló Judia hae kwiamó fole Jordan węi tęyóló uté fakeró felepó.

² Atéró fóló betere mó, so whi feané ą sya wou betepa, atimané kisi beterape wisirótua yalepó.

³ Atéró, mepaae Farisi whirape Yesu beterepaae wóló ą hąsóké fuléró kęae ke-laai woseturaalu, “Kale yóló muló betere foné betą whiné ama so sawa hąsóké fole

ala, ó mepaae kae kae doasi dowi ala depakélé tokó falatepa Kótóné fo mulepé munié?” yalepó.

⁴ Ti fo depa, Yesuné ama tokó mótu duraalu, “Asemó yóló muló betere fo dosąyóló diaaę kisipa munié? Take keké nale alimó so whi aleturaalu, whi kae aleyóo, so kae aleyóo erapó. ⁵ Atére betené betą whi ą so dokoturaalu, ama alimaró hamatamo taaróló, ama somatamo mo betą tikitóró daayóló betaalo ai ape,” yalepó. ⁶ “Atimaamo tamotei, Kótóné dekaaporóló mo betą tikitóró alée faló betereitei, mo whiné tekeyaęsóró yae,” yalepó.

⁷ Ai fo depa, kale Farisi whirapené ąpaae duraalu, “Ti ai fo epateimo, Moses-né yóló muló betere foné duraalu, whi betané ama soma tokó falaai depata, ti so tokó falatere aę ai soné sóró fópóló, melae ere fomo, hąle noatepa yaleé?” yalepó.

⁸ Ai fo depa, Yesuné atimapaee tokó mótu duraalu, “Moses-né ai ere fota, diaaę dowęae fóló du betere alamó, so tokó falaai depa, hąle hąko tokó feni, aę sóró fópóló melae yóló ai ere ape. Ti atéró so tokó fatu betere alata, take keké nale alimó, Talené atei ala yae yóló inipó. ⁹ Yąlo diąpaae mo i dere ape. Mepaae whiné ama soma me nópu nénipatei, hąle tokó faróló, ai whi ą me kae sotamo dokotepa, ti atétere whi ą dowi ala yóló mo ti folokol-eratapó,” yalepó.

¹⁰ Ti fo depa, ama yó matere whirapené ąpaae duraalu, “So dokóló betere ala doasi hapólu ereiteiné dą so dokoni hąle betepakélé, mo wisirapóló kisipa mutapó,” yalepó.

¹¹ Tétepa, Yesuné atimapaee duraalu, “Whi fea so dokoni, hąle betenénitei, atei ala yópóló Talené ama tukóló muló betere whiné betą mo sımó enęrapó. ¹² Ti noatepae, take mepaae whirape hamané deyale sukamóte, nóluku fopei deyóo, mepaae whirape ti mo whinéitei nóluku sokóo, mepaae whirape ti Kótóné ó hepen be tuámó tęteróló kaae tare aęmó mole ala eraairaalu, so dokotere ala taaróló, Talené kutó betą diróo dua dapó. Mepaae whirapené i dere fo sya fóló, yą naao

wotoró bitu Talené ala mo sümó er-anérapóló kisipa mutepata, ti téyóppóló yae,” yalepó.

Yesuró belekqatiki naale senaale tamó
(Mak 10:13-16, Luk 18:15-17)

¹³ Téró, so whi atimané naale senaale Yesuné naase mulóló momaróppóló dapesó walepó. Téyaletei, ama yó matere whirapené ai kale naale senaale dapesó wale so whi foné sóró seséyalepó.

¹⁴ Atétepa, Yesuné duraalu, “Mepaae so whitamó i naale senaale kaae betepa, ti Kótóné teteróló kaae tare hepen bemó mole alarape saalo ai ape. Térapa, ai naale senaale atima e beterepaae wóppólópa, sesé yaqse,” yalepó. ¹⁵ Atéró, ama atimané tikimó naase mulóló momayóló kemetepa, atima ai betere tiki taaróló felepó.

Yesuró betq kokopei néli whitamó
(Mak 10:17-31, Luk 18:18-30)

¹⁶ Téró, whi betq Yesu beterepaae wóló woseturaalu, “Yó matere whi-ó, mo ti betó tare bete saairaalu, noa wisi alakó yaaloé?” yalepó.

¹⁷ Ti fo depa, Yesuné apaae duraalu, “Noa wisi alakó yaaloé? yóló, epaae wosetere-a, noatepa de? Ti wisi ala erótu betere Tale betq betepa, ai ti betere bete saatepa, ti ama yae yóló muló betere fo betq wisiyóló sya fóló eró tawae,” yalepó.

¹⁸ Ai fo depa, kale whiné duraalu, “Noa ala maaté?” depa, Yesuné apaae tokó móturaalu, “Whi me ti dóló sukunaqse, so nópu naqse, qla qlémi saqse, me whi dilikóló só deraairaalu, kapala fo yaqse erapó. ¹⁹ Naao dere alaró dere fotamoné naao hae aya wisi doi muóppóló hae aya aqmó naameyóló mo dua betae. Téturaalu, naotei ya yaala sókó fu dere kaae, naao be whi so whipaaekélé, atéró yaala sókó fu betae,” yalepó.

²⁰ Tétepa, kale kokopei whiné duraalu, “Ai yae yóló muló betere alarape betakókélé yalo tikini, betere dokq fea yalo sya fóló eró tarapa, me noa alakómo hasókó fóló yalo inire?” yalepó.

²¹ Ti fo depa, Yesuné apaae duraalu, “Naao kisiapanétamo mo betq alakókélé hasókó feni, mo turó sya fóló eratere

whi betaai kisipa mutepa, ti ya fóló, naao tare qla qlarape fea dotonóló moni sóró yoleale yóló betere whirapemó hqle melae. Atétepa, ti naao saaire qla qla ó hepen bemó mo doasi horóló mupa, saalo ai ape. Atéró melólóta, ya e sya ape,” yalepó.

²² Téró, kale kokopei whiné ai dere fo wosóló furaalu, q qla qla fea tare néli whi betereiteiné, q fomoné sinité felepó.

²³ Téró, Yesuné ama yó matere whirapepaae duraalu, “Yalo diapaae mo i dere ape. Fea qla qla mole néli whi Kótóné teteróló kaae tare hepen be tuapaae sókó faairetei mo dirirapó. ²⁴ Yalo diapaae momó i dapa wosae. Kamel hupuné ketéli dolomó sókó fenéretei, qla qla fea tare néli whi Kótóné teteróló kaae tare hepen be tuapaae sókó faairetei mo doasi dirirapó,” yalepó.

²⁵ Tétepa, ama yó matere whirapené ai dere fo wosóló atima fomo depa, apaae woseturaalu, “Noa kaae whimo aluyaqsóró, tao saaloé?” yalepó.

²⁶ Ai fo depa, Yesu atima beterepaae fetée fóló duraalu, “Atei ala fea mo whiné enénitei, Kótóné ama betq fea ala fea mo sümó enérapó,” yalepó.

²⁷ Ti fo depa, Pitané apaae duraalu, “Tale-ó, mióta dqné tare qla qla fea taaróló, ya sya walapa, naao dapaae noa qlakó melaaloé?” yalepó.

²⁸ Ai fo depa, Yesuné atimapaee duraalu, “Yalo diapaae mo i dere ape. Take i haeró sqtamo ó qla qla fea momó kae kisi aleyóló mulatere sukamóta, kale Whiné Naalema teteróló kaae tare doasi betere tikimó ama mo kae ere au wisinaale yóló betepa, kelaalopó. Téró, diq e sya wale whirapekélé ai kale 12 doasi topo whi betere tikimó bituraalu, 12 Israel fakerape taleyaalo ai ape. ²⁹ Mepaae whi dené ama be ó noma ó nema ó hama alima ó ama naale senaale ó ama kutó ó hae tikikélé fea taaróló, yalo ala eraairaalu fupa, ti ai taaróló wale qla qlamó Talené beleróló, 100 félimó melaalo ai ape. Téturaalu, ai tó mó mo ti betó tare betekélé matepa saalo ai ape. ³⁰ Téyaalotei, mepaae mió mo doasi doi mole so whirape take nalo atima

doi munire whi kaae betaalopó. Mió mepaae doasi doi muni, hãle hõko sóko deyóló betere so whi, ti take nalo mo doasi doi mole topo whi kaae betaalo ai ape,” yalepó.

20

Kutó diróló dupu serepaae dó faróló yale fo

¹ “Ó hepen bemó Kótóné tẽteróló kaae tare alata, etei ala kaaepó. Betã hae tale mo hikati ama *wain* kutó dirópóló, whirape sóró beteraai dapóló felepó. ² Atéró, kale kutó talené mepaae whirape sóró atimapaae duraalu, ‘Betã be demó ditere kutómó *denarias moni* betã melaalopa, yãlo *wain* kutó dirane faaloé?’ yóló wosalemó, téyaalopó depa, dini fópóló dotonalepó.

³ Atéró, hika 9 kilok sukakelemó, kale kutó tale ą momó fóló kelalemó, mepaae whirape so whi fea touratere tikimó hãle daae mupa kelalepó. ⁴⁻⁵ Atépa, ama atimapaae duraalu, ‘Diaaą ditere kutó sutoróti diãkélé yãlo dupu yaalopa, yãlo *wain* kutó dirane fae,’ depa, atima felepó. Atéró, 12 kilok sukakelemókélé, mepaae whirape hãle daae mupa kale dere fo kaae yóló dotonóo, kuluka 3 *kilok*-mókélé, atéró dotonóo yalepó. ⁶ Mo kuluka 5 *kilok*-mó ą momó fóló kelalemó, kale dere kaae mepaae whirape hãle daae mupa kolóló, duraalu, ‘Diã imó hãle noatepa daae mulu de?’ yalepó.

⁷ Ai fo depa, atimané duraalu, ‘Me whiné dã ama kutó dirópóló sinitépa hãle i daae mole ape,’ depa, kale whiné duraalu, ‘Diãkélé, yãlo kutó dirane fae,’ yalepó.

⁸ Atéró, be diki deretamo kale kutó talené ama kutó diratere whirape kaae tare whipaae duraalu, ‘Ai kutó diratere whirapepaae ape yóló, atimané dupu mótu, nalo ki dini wale whirapemó kaae sóró melaté fóló, folosóro wale whirapepaae kemerãle fae,’ yalepó.

⁹ Téró, kuluka 5 *kilok*-mó kaae sóró kutó diyale whirapekélé fea *denarias moni* betãtoró matepa sua yalepó. ¹⁰ Atérótóro maté fóló kemetépa, kale folosóro hikati kutó dini fele whirape atimané *moni*

horóló melaalo nisi yalemó, kale nalo wale whi melale *denarias moni*toró atima fea betã betã yóló matepa, sua yalepó.

¹¹ Atéró *moni* sóró kemetépa, kale kutó taletamo dei tuę muturaalu, *monimó* dokó dokó dere ala kaae sóró du betalepó.

¹² Atima mo hikati kaae sóró kutó dirale whirapené kale kutó talepaae duraalu, ‘Dãta, doasi suka suputamokélé, mo depe tukó wei kutó ditu betalepó. Téyaletei, kuluka mo betã sukakelemó kutó dirane wale whirapekélé, dã melale sutoróti ai melale ape,’ yóló, kale kutó taletamo fo tokótamo du betalepó.

¹³ Tétepa, ama atimakó whi betãpaae duraalu, ‘No-ó, yãlo naao *moni* tukóló menéni, mo donotóroti i matere ape. Take hikati dãmo fo dokoturaalu, yãpaae *denarias moni* betãtoró melaalopó fo yãpaae inié? ¹⁴ Térépa, mió naao *moni* sóró fae. Nalo yãlo kutó dirane wale whirapekélé, diã melale kaaetóro, atimakélé melaai kisipa mutapó. ¹⁵ Yãlo *moniné* me ala enépa, ti yãlo mo sumó enérapó. Yãlo hamokoturaalu me whipaae eratere alamó naao ętamo noatepa dei kisipa mutu de?’ yalepó.

¹⁶ Ai ala du dere kaae, nalo wale whi folosóro fío, folosóro fele whi ti nalo wóo yaalo ai ape,” yalepó.

Yesuné ą sukãalopóló sore dakoróló momó yale fo

(Mak 10:32-34, Luk 18:31-33)

¹⁷⁻¹⁸ Téró, Yesu ą Jerusalem be hu-luapaae holairaaalu, ama yó matepa wosetere 12 whirape atimasisi fu bitu tu depaae dapesó fóló, atimapaae duraalu, “Mióta dã Jerusalem be huluapaae holai i fole ape. Téteretei, kale whiné Naalema mepaae whiné eleké deyóló, so whimó Talepaae momaratere whiraperó Mosesné asęre fo yó matere whirapetamoné naase tuãmó mulale faalopó. Ai whirapenémó ątamo fo tokótamo yóló, ą só deróló, mo ti sinópóló, daairaaalu fo dokaalopó. ¹⁹ Atéró, ai whirapenémó ti Juda mei, kaae fakené naase tuãpaae mulatépa, atimané ą faleyóló doka doka yóo, fokosói ala yóló susupuróo, filipaa ni tómó oleróló dóo yaalo ai ape. Atéró mo ti

sukçalotei, sore be demó ti Talené a momó kepaaróló beteraalo ai ape,” yalepó.

Jems-ró Jon-tamomó hamané Yesupaae woserale fo

(Mak 10:35-45)

²⁰ Téró, kale Sebediné naalema tamo hamané Yesu beterepaae dapesó walepó. Atéró, wóló kale so a bukutiri tçane doropóló bitu duraalu, “Yalo i eraasepé yóló yapaee wosetere ala wisinaalekó naao eraaloé?” yóló wosalepó.

²¹ Tétepa, ama apaae duraalu, “Yalo yamó noa alakó erópóló kisipa mute?” depa, kale soné duraalu, “Naao tçeteróló kaae tare be tuamó, yalo i naale tamokó me naale naao turu naase demó beteróo, me naale naao fç naase demó beteróo, yaasepóló dapó” yalepó.

²² Ai fo depa, Yesuné kale whi tamopaae duraalu, “Diaamoné epaae ai wosetere fo beteta, diaamo kisipa inipó. Dowi ala kwia tokóló aluraairaalu, susupu soro sinaaire ala, diaamonékélé sumó senére?” depa, atimaamoné duraalu, “Damonékélé sumó senérapó,” yalepó.

²³ Ai fo depa, Yesuné atimaamopaae duraalu, “Yalo naaire wutimó belere we diaamonékélé sumó naalotei, turu naase ó fç naase demó betaaire alata, ti yalo tçeteróló kaae tanipó. Ai alata, yalo Ayané ama tçeteróló kaae taru, aimó betaaire whi tamokélé, ama mo taketitei tukóló beteróo betérapó,” yalepó.

²⁴ Tétepa, kale mepaae yó matepa wosetere naase tamo whirapené ai dere fo woseturaalu, u kale whiró nomata-mopaae fopaae yóló dei tuç mualepó.

²⁵ Atétepa, Yesuné atimapaee tourale ape yóló duraalu, “Juda mei, kaae fake tçeteróló kaae tare topo whirapené mo so whi tçeteróló kaae tawóo, atimané soro beteróo betere whirapénékélé mo so whi tçeteróló kaae taru, i ala erae du betereitei diaaq ai kisipare ape. ²⁶ Atétere kaae, di tuamókélé ai ala momókó yaçse. Aténi, di tuamótamo doasi topo whi betaai kisipa mutepa, ti so whi feané kutó diratere whi betéropóló yae. ²⁷ Whi me de doasi doi mole whi betaai kisipa mutepa, ti diçne wae soro kutó diratere whi kaae betae.

²⁸ Kale Whiné Naalema waletaita, ama kutó dirópóló mepaae whirape soro beteraai wéni, mo whiné kutóitei ama diróo, so whiné betere bete aluyaçsoro, ama betere bete hç melóló, dupuróló tao sóo yaairaalu, walepó,” yalepó.

Yesuné kele dowi whi tamo wisirale fo
(Mak 10:46-52, Luk 18:35-43)

²⁹ Atéró, Yesu a ama yó matere whirapetamo ai Jeriko be hulua taaróló fu betalemó, so whi mo feané atima sya wou betalepó. ³⁰ Atétepa, kale kele dilikire whi tamo tu demó beterémó, Yesu fu betérapó dere fo wosóló, fo fakeyóló duraalu, “Depit-né Naalema Tale doa whi-ó, damo kçlené sukuturaalu, tao sae,” yalepó.

³¹ Ai fo depa, so whi feané kale whitamopaae taalae yóló foné supatei, woseni nisiyóló, mo ti fo fakeyóló duraalu, “Depit-né Naalema doa Tale-ó, damo kçlené sukuturaalu tao sae,” yalepó.

³² Atétepa, Yesu a aimó keçyóló daalu, kale whi tamopaae ape yóló, atimaamopaae woseturaalu, “Yalo diaamopaae noa alakó erópóló de?” yalepó.

³³ Ai fo depa, atimaamoné duraalu, “Tale-ó, naao damoné kele wisiraasepóló dapó,” yalepó.

³⁴ Tétepa, Yesuné mo kçlené sukuturaalu, atimaamoné kelemó olaa yalepó. Atéró olaa yaletamotoró atimaamoné kele wisitepa, Yesu sya felepó.

21

Yesu doasi topo whi aqyóló Jerusalem be huluapaae sókó fele fo

(Mak 11:1-11, Luk 19:28-40, Jon 12:12-19)

¹⁻² Atéró, atima Jerusalem be huluapaae felekemó sókó faai, kale *Olip* du sorokó molemó tçene Betpas bemó sókó felepó. Aimó Yesuné ama yó matere whitamó dotonaai duraalu, “Diaamo u be huluapaae fóló kelenalemó, betç *donki* hupu ama maletamo halikané duló betaalo ai ape. Téyaalopa, ai hupu ama maletamo wusuró ç beterepaae taayóló soro ape.

³ Whi menétamo diaamopaae, ai hupu neyaai taayóló só fute? depa, i fo yae.

‘Talené ama kutó doasi moletei, diyóló kemetepa, momó sóró waai, kapala asiri serale fae yale tikimó sóró fulapó,’ yae,” yalepó.

⁴ Até yaleteita, take Kótóné ama kóló whjné yóló muló betere fo motóro dokonóturaalu yalepó. Ai fo i ape.

⁵ “Jerusalem be hulua so whj-ó, diaaḡ doasi topo whj ai walapa, kelae.

‘Āta fopaae buni, mo naamei whj teó utu *donki* hupuné sisó tómó betóló ai walapa, kelere?” erapó.

⁶ Atéro, Yesuné ama yó matere whj tamó fóló, atimaamopaae yae yale alatóro yalepó.

⁷ Téró, kale whj tamóné *donki* hupu ama maletamo wusuró dapesó wóló, atima feané kuti sokóló, ai hupuné sisó tómó whamenóló, ai tómó Yesu beteralepó. ⁸ Atéro, so whj feané kutirape sokóló tu tómó whamenaté fóo, mepaae so whjné ti ni tetejrape tukóló whamenaté fóo du betalepó. ⁹ Atétepa, mepaae so whj ti ātamo folosóro fóo, mepaae so whj nalo wóo du bitu, fo fakeyóló ḡ dukiróturaalu, “Hosana, Depit-né Naalema doa whj-ó, dā tao sae.”

“Talené doimó wale whj wisinaale Kótóné wisirópóló yae.”

“Mo ó taoró betere Tale Kótóné doi hale sóró horae,” deté fu betalepó.

¹⁰ Atéro, Yesu ḡ Jerusalem be hulua-paae sókó felemó, so whj feané fo tiki whaatamo ḡ busuró wou betepa, ai be huluamó betó mole so whjné woseturaalu, “Ai wale whj-a de yaleé?” yalepó.

¹¹ Ti fo depa, ḡ busuró wale so whj feané atimapaee duraalu, “Āta, Kaleli haemó tene Nasaret be hulua whjkó Kótóné fo eratere kóló whj Yesupó,” yalepó.

Yesuné momatere be dolomó hḡkó far-ale fo

¹² Atéro, Yesu ḡ momatere be dolopaae sókó holalemó, ai be dolomó whjrape ḡla ḡla dotonóló duputamó yóló su betepa, atima hḡkóló taae faralepó. Téró, kae kae be hulua whj atimané kae kae *moni* duputamó du betere whjrape bitua dere ni fakerapekélé, kale ba hḡkósere dotonóló dupu du betere whjrape bitua dere fḡloi ni fakerapekélé fea fesekeyó

mepaae whjrape dóló hokó faróló, fetée deralepó. ¹³ Atéro, ama atimapaee duraalu, “I fo aseḡyóló muló beterapó. Yalo i beta moma betḡ yaairaaalu tēnapó. Tēpatei, diaaḡ ai dere alané ḡlémi nokole whjrape betere be aḡrótu beterapó,” yalepó.

¹⁴ Téró, mepaae kele dilikire whjrapero hó momaare whjrapetamo, ai momatere be tuḡpaae wua depa, Yesuné atima wisirótu betalepó. ¹⁵ Téyaletai, ama ai dere ala wisinaale kolóo, ai momatere be tuḡmó betó mole naale senaalené fo fakeyóló, “Hosana, Depit-né Naalema-ó,” yóló du betere fo kale mo so whjmó Talepaae momaratere topo whjrapero Moses-né aseḡe fo yó matere whjrapetamoné wosóo, yóló, atima dei tuḡ muturaalu fopaae bualepó.

¹⁶ Tétepa, atimané ḡpaae woseturaalu, “I naale senaalené du betere fo-a, naao wosere?” depa, Yesuné tokḡ mótu duraalu, “Ēpó. Kale aseḡyóló muló betere fo diaaḡ dosḡayóló kisipa muni airapó. Ketei naale senaaleró tēnemó teó belere naale senaaletamoné Kótóné doi hale sóró horḡpóló yóló, Talenétéi tukóló muló beterapó,” yalepó.

¹⁷ Atéro, atima ai be huluamó betó mupa taaróló, ḡ u Betani be huluapaae fóló, diki betḡ fiyalepó.

Yesuné nose sélirale fo

(Mak 11:12-14, 11:20-24)

¹⁸ Atéro, ḡ mo hjkati u kale be huluapaae momó fesaae yóló fu betalemó, tumó ḡ mo woténé sinalepó. ¹⁹ Atépatei, ḡ fu betalemó, tumó ni nose daapa, nose daale felekepaae fóló kelalemó, dukélé woleni, ḡle sókumaaté epa kelalepó. Atépa, ai nipaae duraalu, “Du momó kaae woleyaalo mei ai ape,” yalepó. Ai fo yaletamotóro kale ni mo ti séliyó deyalepó.

²⁰ Atéro ama yó matere whjrapené ai kale ni sélitere ala kolóló siraturaalu, i ni hapale tētitei séliyale-a, neyóló yalerópóló, atimané ḡpaae wosalepó.

²¹ Ai fo depa, Yesuné atimapaee duraalu, “Yalo diḡpaae mo i dere ape. Diaaḡ kisipa tiki tamó muni, mo ti tiró bitutamó, yalo nipaae yale kaae, diaaḡkélé ai ulupaae yḡ

daale tiki taaróló, a wẹi kẹla tómó daane derepae depa, mo téyaalo ai ape. ²² Dīaaq kisipa tikitamo Talepaae mo ti tiró bitu, moma duraalu, noa ọlakó wosetepa, ti diaaq ai wosetere ọla mo saalopó,” yalepó.

Yesupaae ya né sóró beteralee yóló wosale fo

(Mak 11:27-33, Luk 20:1-8)

²³ Atéró, Yesu ẹ momatere be tipiné bopéró daaló beterepaae fóló, yó mótu betepa, mo so whimó Talepaae momaratere whiraperó mepaae whi disirapetamo wóló ẹpaae woseturaalu, “Naa ai alarape du beterópóló, ya né sóró beteralee?” yalepó.

²⁴ Ti fo depa, Yesuné atimapaee tokó mótu duraalu, “Yalokélé diẹpaae betẹ wosetere fo yaalopó. Yalo wosetere fótamo diaaq ẹpaae tokó matepa, ti ẹpaae ya né sóró beteratepa de? yóló wosale fokélé yalo diẹpaae tokó melaalo ai ape.

²⁵ Take Jon-né so whi wẹi tópurale ala momó kaayóló waleé? Ó hepen bemó betere Talené yae depa yalepé, hẹle mo whiné yae depa, yaleé?” yalepó. Ai fo depa, atimasisitei fo kẹlaaróló duraalu, “Dẹnétamo ó hepen bemó Talené yae depa yalepó enalemó, ti dẹpaae diaaq ama dere fo wosóló, ẹpaae kisipa tiki tiréni dere ala noatepa yale? fo yaalopó.

²⁶ Ti mo whiné yae depa yalepó fo uẹtei, Jon ẹ Kótóné ama fo eratere kóló whipóló so whi mo feané kisipareteiné, atima dẹ daqsóró wirapó,” yalepó.

²⁷ Atétepa, atimané Yesupaae duraalu, “Dẹ kisipanipó,” yalepó. Ti fo depa, ama atimapaee duraalu, “Mené ẹpaae i alarape yae depa dapóló, yalokélé diẹpaae yó melaalomeipó,” yalepó.

Betẹ whiné naale tamopaae dó faróló yale fo

²⁸⁻²⁹ Atéró atimapaee duraalu, “I dere fo wosóló, diaaq noa kisipa muaaloé? Whi betẹné ama naale tamo beterepó. Tépa, kale whi ẹ ama me naale beterepaae fóló duraalu, ‘Ti naale-ó, ya yalo wain kutó dirane faasepólópó,’ yalepó. Téyaleteti, kale naalené alimapaee naao kutó dirane

fole ẹ hórápó yaleteti, nalomo ama kisipa feteyóló wisirapóló dirane felepó.

³⁰ Tétepa, kale whi ama me naale beterepaae fóló, me naalepaae yale fo kaaetóró yalemó, ai naalené duraalu, ‘Aya-ó, wisirapó téyaalopó,’ yalepó. Téyaleteti ẹ feni, hýyalepó. ³¹ I kale naale tamokó mé naalené ama alimané kisipa mole ala eraleé?” depa, atimané tokó mótu duraalu, “Folosóró yale naalenépó,” yalepó. Tétepa, Yesuné atimapaee duraalu, “Yalo diẹpaae mo i dere ape. Kale *takis moni* siré kotere whiraperó nópu nokole sorapetamo Tale Kótóné tẹteróló kaae tare be tuẹpaae sókó furaalu, folosóró atimapi faalo ai ape. ³² Ti noatepae, kale wẹi tópuratere whikó Jon waleteti, mo donoi alamaaté yó melaai waleteti, diẹné ama dere fo wosóló, kisipa tirénipó. Téyaleteti, *takis moni* siré kotere whiraperó nópu nokole sorapetamoné ti ama dere fo wosóló, mo dapóló kisipa tiralepó. Atéró, atimané du betere alakélé diaaq kolólóte, mo dapóló diẹné dowi ala taaróló, kisipa feteyóló, tirénipó,” yalepó.

Wain képi kutópaae dó faróló yale fo
(Mak 12:1-12, Luk 20:9-19)

³³ Atéró, Yesuné duraalu, “Fo sale fo me kae i dapa wosae. Betẹ whiné ama haemó wain kutó diyóló, tipiné bo-laayóló atimané wain képi du dọwóló wẹi tepeyaairalu, kutu diri dukyóo, kale kutópaae ọlémi whi wale kelaai kaae tawóló betaaire be fọlo mo sikipaae horóló tẹyóo yalepó. Atéró kale whi ẹ mepaae uké faairalu, mepaae kutó diratere whirapepaae ama kutó kaae tawae yóló, atima sóró beteróló ẹ felepó.

³⁴ Atéró, kale wain du teketerere ali wapa, ama mepaae kutó diratere whirape u kale kutó kaae tare whirape beterepaae ọlumétepa sóró muló betere ọlakó senaale fae yóló, dotonalepó. ³⁵ Téyalemó, ai kale kutó kaae tare whirapéné u kutó diratere whirape me whi hẹle fokosói ala yóló susupuróo, me whi mo ti dóló sukunóo, whi me kapo duné siriyóló dóo, yalepó. ³⁶ Até itikimó, momómo kale whiné ama mepaae kutó diratere whirape dotonalemó, ai whirapekélé take

folosóro doteyale whirapepaae erale ala kaaetóro ipakalepó. ³⁷ Atéroro, nalo mo ti kemeróturaalu, kale whiné ama naale so whiné mo wisiyóló dape saalopóló kisipa muóló, dotonalepó.

³⁸ Téyaletei, kale kutó kaae tare whirapené kale whiné naalema wale kolóló, atimasisi fo kēlaaróló duraalu, ‘Ai naalenéta, ama alima sinitapa, ɔla ɔla fea ama saai du betepa, ai ɔla ɔla fea ɔané saai əkélé daalopa, siépe,’ yalepó. ³⁹ Atéroro, atimané kale naale ai kutó alépaae tao sóro taae deróló mo ti dalepó.

⁴⁰ Atépa, ai kale *wain* kutó tale wouraalu ai kutó kaae tare whirapepaae noa alakó eraalóé?” yalepó.

⁴¹ Ti fo depa, atimané ɔpaae tokó mótu duraalu, “Mó sonaalei dowi ala du betere whirape atima mo ti sinópoló ama daalo ai ape. Atéroro, ama kale *wain* du ɔlumétepa sóro wisiyóló bukóló atima sóo, kale kutó tale melóo, yópoló mepaae whirapepaae kaae tawae yaalopó,” yalepó.

⁴² Ai fo depa, Yesuné atimapaee duraalu, “Kótóné ašemó yóló muló betere fo diaaɔ dosayóló kisipani airapó.

‘Kale doakale kane fake be tētere whirapené dopa taae farale kapotei, be hulua deyaaire doasi eleké alée felepó.

Ai kelaalo kokɔi ala, Talenétei eró betepa ɔané kilituraalu, sira du betepapó,’ erapó.

⁴³ Térapa, yaalo diɔpaae i dere ape. Kótóné ama tēteróló kaae tare ala wisi diɔ tuamó moletei, ama tokó sóro du wisi-naale woleraaire so whirapaae melaalo ai ape. ⁴⁴ Whi me de ai kane fake tómó dé nukupa, ti ai whiné ama diri derakó faalotei, whi me detamo ai kane fake dorowouraalu tēyiaratepa, ai whi mo ti derakó fóló muaalo ai ape,” yalepó.

⁴⁵ Atéroro, mo so whimó Talepaae momaraterere topo whiraperó Farisi whirapetamoné ai yale fo sale forape woseturaalu, Yesuné ai yale fota, atimapaetóro yalepóló kisipa mualepó

⁴⁶ Atétepa, atimané ɔ daaire tu kikitu betaleteti, so whi feané kisipané ɔta hāle mo whi mei, Kótóné ama fo eraterere kóló

whipóló kisipareteiné, atima daqsóro witepa taaralepó.

22

So dokotere be demó ɔla deyóló nokolepaae dó faróló yale fo (Luk 14:16-24)

¹⁻² Atéroro, Yesuné atimapaee fo sale me kae yóló duraalu, “Kótóné ó hepen bemó tēteróló kaae tare aɔmó mole alata, betɔ doasi topo whiné ama naalemané so dokotere be demó ɔla deraairaalu, donoróló mulaterere kaaepó. ³ Kale whiné atéroro detere ɔla naai ape yóló ali male so whi dape sene fae yóló, ama kutó diraterere whirape dotonaletei, atima hōyóló waalomeipó yalepó.

⁴ Tétepa, ama mepaae kutó diraterere whirapemo dotonótu duraalu, ‘I detere ɔla naai ape yóló ali male so whirapaae i fo yae. Yaalo ɔlata taleyóló mulóló, *bulmakau* hupuró mepaae seraai huputamo dóló turukiyóló mulóo, mepaae ɔla ɔlakélé fea mo sumó taleyóló mulóo erapa, yaalo naalené so dokotere be demó detere ɔla naai ape yae,’ yalepó.

⁵ Téyaletei, atima ai dere fo woseni nisyóló, dapo dapo yóló, me whi ama kutópaae fóo, me whi ti ama yaai tuɔ mole alapaae fóo, yalepó. ⁶ Mepaae feni hāle betere whirapené ti ama kutó diraterere whirape fokosoi ala yóo, mepaae mo ti dóló sukunóo yalepó. ⁷ Atétepa, kale doasi topo whi ɔ fopaae buóló ama diki tare whirape u kale whirape dale whirape dóló kemeróo, atimané doasi be huluakélé si biliyóló, torokó fāle fae depa atima fóló, si biliyóo yalepó.

⁸⁻⁹ Téró, ama kutó diraterere whirapepaae duraalu, ‘Kale so dokoteremó detere ɔla sumó taleyóló muló betepatei, ai ɔla naai ape yale whirape atima i detere ɔla naaire mo sunipa taaróló, diɔ fóló, doasi bepaae fole tu demó ó sawatamo tumó mepaae so whikó keletepa, ti i detere ɔla naai faalopóló dape siré kwēae,’ yalepó.

¹⁰ Atétepa, ama kutó diraterere whirape doasi be huluapaae fóló, tutu so whi keketé kwēyóló, wisi so whiró dowi so

whıtamo hoko dape siré kweyóló, tourale tikimó, be mo ti f̄aae felepó.

11 Téyaletei, kale doasi topo whı ai ɔla naai wóló betó mole so whı kuapaae fóló kelalemó, whı bet̄a kale so dokotere be demó ɔla naairaalu, derótua dere kuti deró bitinipa kelalepó. 12 Atépa, kale doasi topo whıné ɔpaae woseturaalu, ‘No-ó, ȳa so dokotere be demó detere ɔla naai derótua dere kuti derénire noatepa yaleé?’ yóló foné salemó, kale whı haleturaalu, fokélé tekeni, hokomó sókó fi beterepó.

13 Tétepa, kale doasi topo whıné ama kutó diratere whıpaae duraalu, ‘Ai whı belamó diliki dolomó wole du bitu ama serekenétei, ɔ turukóló nuku beterópólópa, hó naase dokóló taae derae,’ yalepó. 14 Ti noatepae, so whı mo turó ape yaletei, tóróti sokósu yale so whımaaté wóló beterapó,” yalepó.

Sisapaae takis moni melae yale fo
(Mak 12:13-17, Luk 20:20-26)

15 Téró, kale Farisi whırape fóló, Yesuné ama dere fomó ɔ só deraai dapóló, fo dokóló mulalepó. 16 Atéró, atimané yó matere whıraperó Herot-né fo eratere whırapetamo Yesu beterepaae dotonóló, atimané ɔpaae duraalu, “Yó matere whı-ó, ȳa bet̄a mo fomaaté yó mótu bituraalu, Kótóné ama kiswa mole ala ó yóló muló betere fo mo sya fóló erótu betereitei, dané kisiparapó. Ti noatepae, naao fo yó móturaalu doasi doi mole so whı kolóló ȳa wini, doasi doi mole so whıpaaekélé, doi muni belei sókó deóló betere so whıpaaekélé, mo bet̄a kaae alatóró erótu beterapó. 17 Sisapaae *takis moni* matere ala wisirépé, dore? Ti naao noa kiswa mute?” yalepó. 18 Ai fo yaletei, atima dowi kiswa muturaalu, Yesuné ɔ só deraai t̄u kikitú betere ala kolóló, atimapaee duraalu, “Dorutei tó tikiné h̄ale sik̄ili du betere whırape-ó, noatepa diaaɔ ɛ só deraai t̄u kikitú bitu de? 19-20 Térapa dīané *takis* melótua dere *moni* ȳalo kelaalopa sóró ape,” yalepó. Tétepa, atimané ɔ beterepaae bet̄a *denarias moni* sóró wapa, ama atimapaee woseturaalu, “I asoró i mole doitamo-a, né?” yalepó.

21 Ai fo depa, atimané ɔpaae tokó mótu duraalu, “Aita Sisanépó,” yalepó. Tétepa, ama atimapaee duraalu, “Sisané ɔlapa ti Sisapaaetóró melae. Kótóné ɔlapa, ti Kótópaetóró melae,” yalepó.

22 Yesuné atéró dere fo woseturaalu, “Haió!” yóló sirayóló, atima ɔ taaróló felepó.

Kepaayóló betere whırape so doko-
timipóló yale fo

(Mak 12:18-27, Luk 20:27-40)

23 Atéyale be detamotóróti mepaae Sadyusi whırape Yesupaae bet̄a fo wosaai dapóló walepó. Ti ai Sadyusi whırape atima kisipanéta, suk̄ale so whı momó kae kepaayaalo meipó dua dapó. 24 Atétere whırapené Yesupaae woseturaalu, “Yó matere whı-ó, Moses-né ɔpaae etei fo yóló muló beterapó. ‘Whı bet̄a naale senaale deni, h̄ale betéró sukutepa, ti so wulia nomané dokóló naalekó detepa, ti noma betale sirimó, ai naale beterópólópó,’ erapó. 25 Téró, w̄eikeró nomarape ɔtamó betalepó. Téru, topo whı ɔ bet̄a so dokaletei, naale senaale dini, h̄ale betéró kale whı sinitepa, kale so wulia ama noma me whınémo dokalepó. 26 Téyaletei, ai kale whıkéle naale senaale dini, noma yale kaaetóró h̄ale suk̄alepó. Atétepa, kale so wulia me whınémo dokalemó, ai whınékéle naale senaale dini, h̄ale suk̄alepó. Mepaae doūró nomarapekélé atérótóró sisiraae felepó. 27 Nalo mo kemerótu, kale sokélé sinalepó. 28 Téyalepa, mió kale sinale whırape kepaayóló betaaire sukamó, kale w̄eikeró nomarapekó mé whıné ai kale so dokaaloé? Ti noatepae, aita nomarape dokó feané dokoté wale sopó,” yalepó.

29 Ti fo depa, Yesuné duraalu, “Diaaɔ ai mutu betere kisipata, kale as̄emó yóló muló betere foró Kótóné doasi bole fotokótamo wisiyóló kisipani, h̄asókó furaalu du beterapó. 30 Kale sinale whırape momó kepaayóló betaaire sukamó whıkéle so dokóo, sokélé whıtamo f̄oo ini, ó hepen bemó betere *ensel*-rape kaae betaalo ai ape. 31-32 Kale sinale whırape atéró kepaayóló betaalopóló, Kótóné dīapaae as̄emó ere fo dos̄ayóló

kisipanié? Téro ama duraalu, ‘Eta, Abraham, Aisak, Jekop-sépi atimané Kótópó,’ yalepó. Ti ai sukale so whi mo ti alu wuṣóró ti i dosayale so whirape tetéroló kaae tare Kótópó fo wuameipó. Ti aṭa, mió i betó mole so whiró take sukóló kepaayóló betó mole so whitamó tetéroló kaae tare Kótópó,” yalepó.

³³ Tétepa, so whi feané ai dere fo woseturaalu, haió! yóló sirayalepó.

Tale a waaire be de ó suka kele mené tuénipóló yale fo

(Mak 12:28-31, Luk 10:25-28)

³⁴ Téro etéyalepó. Yesuné kale Sadyusi whirapené wosetere fo mo donotóro tokó matepa, kale Farisi whirape, atima betapaae touróló atimasisi fo kelaaralepó. ³⁵⁻³⁶ Atéro, Moses-né asere fo yó matere kisipa tiki fosó fosóre whi betané a kaae kelaai su sóró woseturaalu, “Yó matere whi-ó, kale yóló muló betere foné i ala yae ere doasi topo fo-a, mé foé?” yalepó.

³⁷ Ai fo depa, Yesuné tokó mótu duraalu, “Naao Talepaae yaala sókó fóló, hekesené sinitere alata, naao hosaa bete turónékélé, naao kepe bete turónékélé, naao kisipa tiki bete turónékélé, yaala sókó fu betae. ³⁸ Ti ai alata, ama folosóro yae yóló muló betere mo doa topo ala ai ape. ³⁹ Ai kilipaae me tamo dakoróló yae yóló muló betere mo doasi topo fo i ape. Naaotei ya yaala sókó fóló hekesené sukutu dere kaae, naao be whi so whipaaekélé atéro yaala sókó fu betae. ⁴⁰ Kale yae yóló muló betere forape fearó Kótóné ama fo eraterere kóló whirapetamoné ere fota, ti i doasi topo fo tamo tómó beleró beterapó,” yalepó.

Keriso a né naalemaé yóló yale fo

(Mak 12:35-37, Luk 20:41-44)

⁴¹⁻⁴² Atéro, kale Farisi whirape betapaae tourale wóló betó mupa, Yesuné atimapaee woseturaalu, “Kótóné so whi tetéroló kaae tanópóló, sóró betero betere whi Keriso-a, né naalemaé?” yóló wosetepa, atimané tokó mótu duraalu, “Depit-né deté wale whiné deale naalepó,” yalepó.

⁴³⁻⁴⁴ Ai fo depa, ama atimapaee duraalu, “Kale Deji Kepe Wisiné Depit fotokoratepa, Depit-né apaae Tale-ó ere fo-a, me whiné

ama deale naalené deté fele naalepaaetei Tale-ó fo dua de? Té dumitei, Deji Kepe Wisiné fotokoratepa Depit-né apaae Tale-ó fo aseyóló i muló betere ape. Ai fota i ape.

‘Talené e tetéroló kaae tare Talepaae duraalu,

“Naao bóe whirape atima yalo teteirape aleróló, naao hó aqmó beteraalopa, ya yalo turu naase demó bitu kaae tawae,” erapó.

⁴⁵ Ti Depit-né apaae Tale-ó fo du bitipa, momómo ama naale-ó, dere fomo neyóló yaleé?” yalepó. ⁴⁶ Ti fo depa, whi betanékélé Yesuné ai yale fo mené tokókélé menénipó. Ai be demó kaae sóró fóló, mepaae whirapené wosetere fo me kae ini, taaróló felepó.

23

Dowi kwia saalopa kaae tawae yale fo

(Mak 12:38-39, Luk 11:43, 11:46, 20:45-46)

¹⁻² Téro, Yesuné aimó touróló betó mole so whiró ama yó matere whirapetamopaae duraalu, “Moses-né asere fo yó mótu betere whiraperó Farisi whirapetamota, kale doasi whi Moses betale sirimó bituraalu, ama yó matere ala yó tarapó. ³ Atimané yó matere fo diaaq wosóló, sya fóló erótua yae. Tépatéi, atimané ai du betere ala momókó sya fóló yaqse. Ti noatepae, atimané yó mótu betere fota wisiyóló yó mótu bitutei, sya fóló eraterere alamo dumipó. ⁴ Atimané doasi sekeji qlarape whirapené beleyópóló, dokóló atimané hulúmó belerótua dapó. Téteretei, atimanémo ai kale sekeji qla belere whirape fasóló mo sawa tao sere alakélé dumipó.

⁵ Atimané du betere ala feata, ti so whiné kolóló dukirópóló, dua dapó. Téturaalu, Kótóné fo atimané kutiri tuámó bulapóló, so whiné kolóló aunópóló, aseyóló atimané kutirimó meleke kaae beleyóo, naasemó hó kaae sóo, Kótópaae moma yaaikélé, atima mo ekelerapó yópóló, deraterere floi kuti mo ti foloróló kwiamó, mepaae auraterere qla olerótua yóo dapó. ⁶ Téturaalu, qla detere be demó

mo doasi doi mole wh̄rape bitua dere tikimótóró betaai ek̄le yóo, moma dere bemó doasi topo wh̄rape bitua detere tikimó maaté betaai ek̄le yóo dua dapó. ⁷ So wh̄i fea touratere tikimó betó mole so wh̄iné atimapaae doasi doi mole yó matere wh̄i wisi k̄leó yóló, dukiraterere kokómó dua dapó.

⁸ Atétu dere kaae, mepaae wh̄rapenē dīpaae *Rabai*, yó matere wh̄i-ó, yaqsóró yae. Ti noatepae, dī tuámó doasi topo wh̄i betatóró betepa, dī fea ti mo no-rapetóró ai betere ape. ⁹ Mepaae i haemó betó mole mo wh̄ipaaetei dīané aya-ó, du betaq̄se. Ti noatepae, dīané Aya mo betá ó hepen bemó beterapó. ¹⁰ Mepaae wh̄iné dī kilituraalu, dīpaae yó matere wh̄i-ó, yaqsóró yae. Ti noatepae, dī yó matere wh̄ita, so wh̄i fea t̄eteróló kaae tanópóló, Kótóné sóró beteró betere doasi wh̄i Keriso á betá beterapó. ¹¹ I haemó dī tuámó doasi doi mole topo wh̄i betepa, ti ai wh̄i á dīané kutó diraterere wh̄i betaalo ai ape. ¹² Ti noatepae, mepaae wh̄i dené ama doitei hale sóró horótu betepa, ti atétere wh̄iné doi haepaae só deraalopó. Téterei, mepaae wh̄i dené amatei á deróló dua betepa, ti atétere wh̄iné ama doi doasi muaalo ai ape.

¹³ Dī Moses-né as̄ere fo yó mótu betere wh̄raperó Farisi wh̄rapetamo-ó, tiki tūpaae dorutei h̄ale sik̄ili du betepa, Kótóné dī dowi kwia melaalopa, mo doasi witu betae. So wh̄i fea Kótóné t̄eteróló kaae tare bepaae sókó faai fu betepatei, faqsóró ai tū diaāq̄ dere alanétei seséyóló kinótu beterapó. Ti dīta, ai tumó sókó fumitei, aipaae sókó faai fole so wh̄i ai sesétu betere ape. ¹⁴ (-)

¹⁵ Dī Moses-né as̄ere fo yó mótu betere wh̄raperó Farisi wh̄rapetamo-ó, tiki tūpaae dorutei, tóné h̄ale sik̄ili du betepa, Kótóné doasi dowi kwia melaairetei wió yae. Mepaae wh̄rape dītamo touróló doasi fake firaai dapóló, w̄ei tómókélé, hae tómókélé, kutu beterapó. Atéró, me wh̄ikó diaāq̄ dere fo wosóló dī fake alene wapa, diaāq̄ dere ala yó melóló, ai yó matere alanétei diaāq̄ du betere dowi ala

bosenóló, mo dowi si duku beterepaae faai betere wh̄rape kaae beterotua dapó.

¹⁶ Dīkélé keke dilikire wh̄rape bitutei, me wh̄ipaae tū i mole ape yóló yó matere wh̄i kaae betepa, mo doa dowi kwia saalopa, wió yae. Ti noatepae, dīané etei fo dua dapó. Wh̄i me dené Tale Kótóné momatere be doi yóló mo dirii malo depa, ti me bete muni, Tale Kótóné momatere be tuámó mole *kold kapa* doi yóló, Kótópaae mo dirii malo yóló mulatere fo tikitepa, ti mo doasi kwia saalopó dua dapó. ¹⁷ Dī keke dilikiyóló tuékélé okokore wh̄rape-ó, doasi topo ̄la-a, noaé? Momatere beta, doasi topo ̄la ai ape. Ai *kold kapanéta*, ti momatere be wisiróló kae mulótumipó. Tétumitei, Momatere be tuámó Kótóné ala eratereteiné, ai be tuámó mole *kold kapatei* wisiróló, kae mulótua dapó. ¹⁸ Meta, diaāq̄ i fokélé dua dapó. Me wh̄iné ama dere fo diriróturaalu, Talepaae h̄ale matere ̄la belerótua dere kapo doi yóló, malo depa, ti ai bete munipó. Kale ai kapo tómó suk̄ulaa dalaai beleraterere ̄la doi yóló, dirii malo depa, ti mo dirirapó dua dapó. Ai fotamo tikitepa, mo doasi dowi kwia saalopó du beterapó. Dī keke dilikire wh̄rape-ó, mé ̄la doasi bete mule? Talepaae h̄ale matere ̄lapé ai ̄la beleraterere tiki doasi bete mule? Ti ai h̄ale matere ̄la beleraterere tikiné Talepaae h̄ale matere ̄la wisiróló, kae mulótua dapó. ¹⁹ Dī kisipa tiki okoko yóló, kekekélé dilikire wh̄rape-ó, mé ̄la-a, doasi topo ̄laé? Kótópaae h̄ale matere ̄lapé, ai ̄la mulatere tikié? ²⁰ Térapa, wh̄i me dené ama fo diriróturaalu, hupu ó mepaae ̄la beleraterere tiki doi yóló malo depata, ti kale suk̄ulaa dalaai beleraterere ̄lakélé wusuró doi yóló malo ai dere ape. ²¹ Wh̄i me dené Kótóné momatere be doi yóló dirii malo depa, ti ai momatere beró ai bemó betere sek̄etamo wusuróné doi yóló malo ai dere ape. ²² Wh̄i me dené dirii malo duraalu, hepen be doi depa, ti kale doasiné t̄eteróló kaae tare tikiró aimó betere sek̄etamoné doi yólókélé, du beterapó.

²³ Moses-né as̄ere fo yó mótu betere wh̄raperó Farisi wh̄rapetamo-ó, dī tiki

tuɔpaae dorutei, haɓe sikɓili du betereiteiné, doasi dowi kwia saalopa, mo wió yae. Ti noatepae, diaaɔ kutómó ere ɔla naase tamó epa, betɔ ti naao Kótópaae haɓe matapó. Téretei, mo doasi bete mole ala diaaɔ kisipa muni, sisópaae eróló, mo keteró beteraɔ. Ai doasi bete mole ala i ape. Fo tokótamo yóló mo donoyóló taletere alakélé, kɔlené sinóló tao sere alakélé, Kótópaae kisipa tiki tiróló, ama ala haɓe eró tareteikélé, fea diaaɔ kisipa keteró beteraɔ. Ti mepaae yóló muló betere doasi bete alarape fea wisiyóló eróturaalu, mepaae sawa alarapekélé kisipa keteréni, fea touróló erólusóró mo wisi uapó. ²⁴ Diɔ keke dilikirutei, mepaae whɔpaae tu i mole ape yóló yó mótu beteraɔ. Diɔné ɔla nukuraalu, mo sawa dokɔletamo hɔko naɔsóró, mepaae ɔla ɔla sorokóló nuku beteraɔ. Tétu bitutei, doasi *kamel* hupumo, ti diɔné kiliniyóló ɔlatamo touróló hɔko ai nuku betere ape.

²⁵ Moses-né yóló muló betere fo yó mótu betere whɔraperó Farisi whɔrapetamo-ó, diɔ tiki tuɔpaae doruraalutei, haɓe sikɓili du betereiteiné mo dowi kwia saalo ai ape. Diɔné weɓi nokole wutiró nukutamo tómaaté fukuturaalu, tuɔpaae fukutumipó. Ti ai tómó maaté fukutu betere so whɔta, ɔlémi nokole alakélé, ukusi yóló ekɔle dere alakélé mo faɔanapó. ²⁶ Keke dilikire Farisi whɔ-ó, folosóró ti kale weɓi nokole wutiró ɔla nokole nukutamo tuɔpaae hotowayóló fokae. Atétepa, ti tóta ama haɓetei fokó faalo ai ape.

²⁷ Moses-né asere fo yó mótu betere whɔraperó Farisi whɔrapetamo-ó, tiki tuɔpaae doruraalutei tóné haɓe sikɓili du betereiteiné mo doasi dowi kwia saalo ai ape. Diɔta, kale whɔ dou tómó kale deɓi ni feɓé aurale tikimó kelaalo mo kokɔre kaae erapó. Ti whɔ dou tóta kelaalo kokɔretei, whɔ mole dou tuɔ dolopaaeta, sukɔle whɔné diriró kae kae keɓaamilitamo faɔanapó. ²⁸ Diɔkélé u tuɔpaae atei kaae ala epatei, so whɔ feané diaaɔ tó tiki maaté kilituraalu, mo donoi ala du betere whɔrape nisi du beteraɔ. Diaaɔ tiki tuɔpaaeta, whɔ dilikitere alaró kae kae mo

sonaalei dowi alatamoné ai faɔane ape.

²⁹ Moses-né asere fo yó matere whɔraperó Farisi whɔrapetamo-ó, diɔ u tuɔpaae dorutei, tómó haɓe sikɓili du betepa, mo dowi kwia saaireiteimó wió yae. Diɔta, Kótóné ama fo erale kɔló whɔrape dourale tikiró, mo take donoi ala yóló sinale whɔrape dourale tikitamo hotowa yóló be teɓnóló aurótu beteraɔ. ³⁰ Atéturaalu, diaaɔ etei kaae fokélé du beteraɔ. Dɔtamo, noutererape betale alimó bitusóró, ti Kótóné ama kɔló whɔrape dóló samea sókó fatua wuɔ meipó dua dapó. ³¹⁻³² Diɔta kae whɔrape meipó. Diaaɔ ai du betere fonétei diɔ só deróturaalu, Tale Kótóné ama kɔló whɔrape dilé wale whɔrapené deté wale naalerapeta, diɔtóró ai ape. Térapa, atimané deté wale dowi ala diaaɔkélé mo ti fakeróló du betae.

³³ Diɔ whɔ sinópóló tukó nokole mo dowi wulirape-ó, diɔtamo fo tokótamo yóló dowi si duku beterepaae só deraaireitei noa yóló haɔsóko faaloé? ³⁴ Térapa, yaɓo diɔ beterepaae Kótóné ama kɔló whɔrapekélé, kisipa tiki fosó fosóre whɔrapekélé, Kótóné yóló muló betere fo yó matere whɔrapekélé, dotonótu beteraɔ. Tétu betepatei, mepaae whɔrape ti diaaɔ dóo, mepaae whɔrape filipaare ni tómó oleróló dóo, mepaae whɔrape diaaɔ fo wosetere be tuɔmó fokosói ala yóo, mepaae whɔrape atima me be huluapaae botokó fupa, diaaɔ daai sya kweyóo yaalo ai ape. ³⁵ Atéyaletéiné, donoi ala du betale whɔ Abel-né samea sókó feleteimó, kaae sóró dilé wóló, kale Barakayané naalema Sekaraiakélé momatere beró Talepaae haɓe matere ɔla sukɔlaa dalatere tikitamo tuɔmó diɔné dalepó. Ai dilé wale whɔrapené samea sókó feletei fea touróturaalu, diɔ mió i alimó betó mole whɔrapepaae doa kwia melaalopó. ³⁶ Yaɓo mo i dere ape. Take atéró whɔ dilé walemó dowi ala kwia fea touróturaalu, mió i betó mole so whɔné saalopó.

³⁷⁻³⁸ Jerusalem be huluamó, betó mole so whɔ naao teyae! Kótóné ama kɔló whɔrape diɔ beterepaae dotonótua depatei, kapo duné siróló dua yale so whɔ-

ó, kale bané ama malerape baase aq̄paae buó su dere kaae, yało diąkélé atéró dape saalopóló dua yaleteti, diaaq̄tei h̄yóló dow̄aae fua yalepó. Téyaletiné mo doasi k̄leó, Talené dią taalatepa, mió diaaq̄ be hulua ai wópu mutapa, kelere? ³⁹ Térapa, yało diąpaae mo i dere ape. Diaaq̄ ę kilini bitiré fóló, “Talené doimó wale wh̄i Kótóné wisiratepa ą hajné sinóló beterópóló yae’ dere sukamó, ti diaaq̄ ę momó kelaalopó,” yalepó.

24

Take kemetere sukamó yaaire ala (Mak 13:1-2, Luk 21:5-6)

¹ Téró, Yesu momatere be taaróló fu betepa, ama yó matere wh̄irape ątamo hokolaane fóló duraalu, “Momatere be wisinaale ai t̄yóló muló beterapa, kelere?” deté fu betalepó. ² Tétepa, Yesuné atimapaee duraalu, “Ai t̄ mole berape diaaq̄ kelere? Yało diąpaae mo i dere ape. Ai berape fea fisikó furaalu, kapo fake betąkókélé me kapotamo olokopa kelaalomeitei, mo fea kolokó fóló mupa kelaalo ai ape,” yalepó.

³ Atéró, Yesu ą *Olip* du sorokó molepaae fóló betepa, ama yó matere wh̄irape ą beterepaae wóló atimasisi bitu ąpaae woseturaalu, “Dą mok̄leyaa yóló betepa, ya walemó kilita sókó faqsórópa, folosóró noa alapi eratepa kolóló, dąné tuę yaaloé? Keme yaaire be d̄eró ya waaire be d̄etamo, dąné kisipa yópóló noa alapi eraaloé?” yalepó.

⁴ Ai fo depa, Yesuné atimapaee duraalu, “Me wh̄iné dią dilikóló k̄paae ąlisóró falaqsóró, mo hotowayóló kaae tawae. ⁵ Ti noatepae, wh̄irape mo feané dią dilikituraalu yało doi yóló, ‘Ęta, so wh̄i fea t̄eteróló kaae tanópóló, Kótóné sóró beteró betere wh̄i Kerisopó,’ depa, so wh̄i feané mo nisi yóló sya faalo ai ape. ⁶ Me tikipaae bóe du beterapó dere fokélé wosóo, mo felekemó bóe du betere alakélé kolóo duraalu, dią tuę sekeyóló wiyaq̄se. Ti noatepae, ai alarapeta mo yaalopóló tukóló muló bettereiné h̄asókó feni, mo yaalotei, kemeyaaire be d̄e ti teórapó,” yalepó. ⁷ “Me hae kwiamó betere be hulua

wh̄iró me hae kwiamó betere be hulua wh̄itamó bóe doasi daalo ai ape. Me hae kwia t̄eteróló kaae tare topo wh̄iró me hae kwia t̄eteróló kaae tare topo wh̄itamokélé bóe daalo ai ape. Atéturaalu, doasi wote aliró doasi bao dere alatamo hae kwia feapaae wou betaalo ai ape. ⁸ Ai alarape feata, ti kale sorape naale saai sisó kaae sóró nuku dere kaae dapó.

⁹ Téturaalu, dią ę sya wóló, yało ala erótu beteremó, i hae kwia feamó betó mole so wh̄iné dią h̄óróló fokosoi ala yóló, mo ti sinópóló daalo ai ape. ¹⁰ Atétere sukamó, so wh̄i mo fea kisipa tiki tiró betere ala taaróló, me wh̄i h̄óróló atimasisitei bóe daairaalu, eleké deyóló u só derane, i só derale, du betaalopó. ¹¹ Atétu betepa, mepaae wh̄irape mo fea Kótóné ama mo k̄ló wh̄i aq̄yóló wóló, so wh̄i dilikóló k̄paae faraalo ai ape. ¹² Ti noatepa meipó. I hae kwia feamó betó mole so wh̄iné dowi ala mo ti faketé furaalu, so wh̄i feané yaala sókó fóló h̄ekesené sukutu betere ala siri buóló, mo ti haepaae derepaalopó. ¹³ Tépateti, mepaae wh̄i de kisipa tiki tiró betere ala mo ti yó taté fóló, kemene fole sukamó sókó fupa, ti ai wh̄i aluni, Tale Kótóné ama mo tao saalopó. ¹⁴ Atéturaalu, Kótóné t̄eteróló kaae tare aqmó, mió wosetere kisi fo wisi i hae kwia feamó betó mole so wh̄ipaae yó maté koteremó, ita Talenétei eratapóló kisipa yaalopó. Ai ala yale k̄lipaae, ti mo kemetere be d̄e sókó waalo ia ape.

¹⁵⁻¹⁶ Atétepa, Kótóné ama k̄ló wh̄i Daniel-né mo taketi asemó yóló muló betere foné duraalu, be wópu mulaai, kelaalo mo sonaalei ąla Talené ama kae tukóló muló betere tikimó daapa kilitu, ai as̄ere fo dos̄atere wh̄i diąné wisiyóló kisipa muae. Ai ala kilituraalu, Judia hae kwiamó betó mole so wh̄i du sorokó mole tikipaae botokó fópóló yae. ¹⁷ Mo betą wh̄ikókélé siki be kemó biti até aqró bemó mole ąlakélé sene derepéni, mulópóló taaróló, botokó fae. ¹⁸ Wh̄i me kutómó daapatamo ai ala depa, ti momó fesaayóló ama bukaaire kuti sene feni, mulópóló taaróló botokó fae. ¹⁹ Atétere sukamó kale naale ere soraperó teó naale tare

sorapetamo mo doa kq̄lerapó. ²⁰ Diq̄ botokó faairetei doasi sosóli aliró s̄aa nóló betérópóló, tukóló muló betere be d̄etamo tuq̄mó eraqsóró, Talepaae momatu be-tae. ²¹ Ti noatepa meipó. Ai waaire doasi sek̄ei alata, i hae keké nale alimó kaae sóró wóló, mió i betere alimókélé, take nalo betaaire alimókélé ai kaae sek̄ei ala mo kelaalomeipó. ²² Atétere be d̄emó, waaire sek̄ei alarapetamo Kótóné h̄alekeróló tukóló mulóluq̄meisóró, ti mo bet̄a wh̄ikókélé h̄asókó fóló bituq̄meipó. Até yaqsóró, Kótóné sorokó suyóló sóró betéró betere so wh̄imó kisipa mutu, ai be d̄erape h̄alekeróló tukóló mulaalo ai ape. ²³ Atétere sukamó, mepaae wh̄iné duraalu, Kótóné so wh̄i fea t̄eteróló kaae tanópóló, sóró betéró betere wh̄i Keriso i wóló beterepa kelae depa, ó u wóló betere ape depa, mo dere nisiyóló wosóló kisipa tiraq̄se. ²⁴ Ti noatepae meipó. Mepaae dilikitere Kerisoró Kótóné ama kq̄ló wh̄ipóló, kapala fo yó matere wh̄irapetamo waalo ai ape. Atétu, kae kae ala yaairemó eratere doasi alaró kae kae kelemei alarapetamo eróturaalu, Kótóné sorokó suyóló betéró betere so wh̄ikélé kq̄paae falaai, k̄aae kolóló s̄u saalopó. ²⁵ Ai alarape yaai teópatei yaq̄lo diq̄paae ai yale ape.

²⁶ Téyaalopa, mepaae wh̄iné diq̄paae duraalu, ‘Kale sek̄é q̄ wh̄ikélé bitinire tikimó wóló i betere ape,’ depa, wosóló mo dapóló kelaai faq̄se. Ó, ‘Be dolomó i betere ape,’ depa, mo dere nisiyóló kisipa tiraq̄se. ²⁷ Ti noatepa meipó. Suka hoter-eró dere epéenétei suka doropolepaaekélé d̄eyó fu dere kaae, kale Wh̄iné Naalema atéró mo h̄akeamó wapa so wh̄i feané kelaalo ai ape. ²⁸ Diq̄né ó s̄apaae kese honalemótamo, kale ba dukaarape s̄é kw̄eyóló bopétu betepa kilitu, sinale na ó hupu mupa dapó kisipa muae.

²⁹ Ai sek̄ei alarape yale k̄lipaaetóró ‘Suka kekélé dilikiróló, wéliékélé mo d̄é yaalomeipó.

Hq̄rerapekélé torokó dorowóló, ó s̄amó ere q̄la q̄lakélé fea wore yaalo ai ape,’ erapó.

³⁰ Atétere sukamó, kale Wh̄iné Naalema mo felekemó waai dapóló kisipa yq̄póló, ó s̄amó doasi ala eratepa kelaalopó. Atéró ama doasi ere au wisinaaletamo ó s̄akomó h̄akeamó sókó wapa i hae kwiamó betóló fale so wh̄i feané kilitu, doasi moló-u yaalopó. Kale Wh̄iné Naalema ó s̄amó atéró wouraalu, ama bole doasi fotokq̄ró Kótóné ama kae ere ala wisinaaletamo ó s̄ako dolomó sókó wapa, kelaalo ai ape. ³¹ Atéturaalu, ama *ensel*-rapené ukulumó wuti mo doasi fakeyóló hale deté kuturaalu, hae kwia d̄é dokq̄ feamó ama sorokó suyóló kae betéró betere so wh̄i dape siré kw̄eyq̄póló dotonaalopó.

³² T̄erapa, mió kale ni nosené dere ala kolóló, wisiyóló kisipa muae. Sóku fóló momó h̄ulu depa kilituraalu, kale ba fo mo felekemó ai sókó wale ape fo dua dapó. ³³ Até dere kaae, ai bopeyale alarape diq̄ betere tuq̄paae wapa kilituraalu, mióta q̄ mo felekemó waairaaalu t̄u sókó walemó daapa, ai dere ape kisipa muae. ³⁴ Yaq̄lo diq̄paae mo i dere ape. Mió i alimó betó mole so wh̄i fea sukuni h̄ale betó mupatei, ai alarape mo fea yaalo ai ape. ³⁵ Ó s̄aró i haetamota, mo kemeyaalotei, yaq̄lo fo bet̄a kemekélé ini, h̄ale muó tawaalopó,” yalepó.

Wh̄iné Naalema waaire be d̄eró suka keletamo mené tuq̄nipó

(Mak 13:32-37, Luk 17:26-30, 17:34-36)

³⁶ “Até yaaire be d̄eró sukakeletamota, mo wh̄i bet̄anékelé, hepen bemó betó mole *ensel*-rapekélé, ama Naalemanékélé mo tuq̄nitei, Alimané ama bet̄a tuq̄rapó. ³⁷ Kale wh̄i Noa betale alimó yale ala kisipa muae. Kale Wh̄iné Naalema woukélé, mo ai ala kaaetóró yaalo ai ape. ³⁸ Ti noatepae, atéyale sukamó kale w̄ei doasi q̄laai teópa, atima mo wisiyóló bitu, q̄laró w̄eitamo nóló, wh̄i so dokotere alakélé, so wh̄itamo dokotere alakélé deté fu betéró, Noasépi nuku tuq̄paae bit̄i holale sukamó sókó walepó. ³⁹ Atima betere tuq̄paae ai ala sókó waairetei kisipani, h̄ale mo kq̄leaa yóló bitiré wóló, w̄ei doasi anóló, so wh̄i fea aluralepó. Kale Wh̄iné Naalema wale sukamókélé, atétu yale

kaaetóro yaalo ai ape. ⁴⁰ Whi tamo kutómó daayaalotei, me whi dapesó furaalu, me whi daalópóló taaróló faalopó. ⁴¹ So tamo *whit* o derakóló detu betaalotei, me so dapesó furaalu, me so betepa taaróló faalopó.

⁴² Ti noatepa meipó. Diã teteróló kaae tare Tale waaire suka, diã kisipanipa, mo hotowayóló kaae tawae. ⁴³ I alarapeta mo yaalopa, i dere fo bete wisiyóló wosóló kisipa muae. Betã be talené dilikitamo etei kaae sukakelemó qlémi nokole whiné ama be fulukene waalopóló, kisipa muóló bituãsóro, ti ama be fulukóló q̄la q̄la sóro fópóló, ̄a noke fió muni, siki siki yóló bituãpó. ⁴⁴ Térapa, diãkélé donoróló mo siki siki yóló betae. Ti noatepa meipó. Kale Whiné Naalema waalomei nisiyóló, kisipa keteróló betere sukamó, ̄a sókó waalo ai ape.

⁴⁵ Ti i dere fo wosóló, diãkó me whi etei kaae kekemeyóló kutó diratere whi beterémóló, diaaq̄tei k̄ae kelae. Betã be tale ̄a mepaae uké faairaalu, ama dere fo sya fóló, mo eró tare fosó fosó yóló kekemere whipaae mepaae kutó diratere so whi naao teteróló kaae taru, qlakélé mo wisiyóló melae yóló ̄a fulapó. ⁴⁶ Ai kale kutó tale doasi topo whi ̄a momó fesaae wouraalu kelerãlemó, ̄a faai bituraalu diyae yale kutórape fea ama sumó dipa, ti ai kutó diratere whi ̄a mo hajné sinaalo ai ape. ⁴⁷ Yãlo diãpaae mo i dere ape. Kale be talené ama q̄la q̄la mo fea ai seképaee naao mo hotowayóló kaae tawae yóló, ama naase tuãmó mulaalopó. ⁴⁸⁻⁵⁰ Tépaatei, ai kutó diratere whitamo dowi tué mole whi betepa, ti i ala dere kaaepó. Kale kutó diratere whiné kisipané ama doasi hapale waalomei nisiyóló, ̄atamo kutó ditere whirapetei fokosói ala yóo, topo dotere wei nokole whirapetamo fulumu yóló hq̄ko bitu, qlaró weitamó mo dekéro nóo du betaalopó. Téturaalu, ama doasi waalomei nisiyóló mokq̄leyaaró betere tuãmó, kale whi sókó wapa kilita sókó faalopó. ⁵¹ Atéro, kale whi ama doasiné fokosoi ala yóló, ama tiki mo turukée fi kale tó tikiné wisire nisiyóló sik̄li du

betere whirapetamo betãmó beteraalopó. Tétepa, aimó doasi susupu sóro kaketu bitu naao téyae yóló, atima sereke fisikó sóro doasi wole du betaalopó,” yalepó.

25

Naase tamo so seimalepaae dó faróló yale fo

¹ Téro Yesuné duraalu, “Atéyaaire sukamó, ó hepen bemó Kótóné teteróló kaae tare aqmó mole alata, i ala kaae yaalopó. Kale naasetamo so seimalerape atimané *lamp* sã dirirape sóro so dokotere be demó detere q̄la naai kale so dokaaire whitamo hokolaa yaai felepó. ² Atéro mepaae aporó fele seimale senaalerapeta, ti kisipa fosó fosó yóo, mepaae aporó so seimale ti kisipa tiki fosó fosó ini yóo erepó. ³ Kale kisipa tiki fosó fosó inire seimale sorape atimané *lamp* sã dirimó wei belepa sóro feletei, kemetepa saaitapóló mepaae *wel* wei wutimó tepeóló sóro fenipó. ⁴ Téyaleteiné, kale kisipa tiki fosó fosó yóló kekemere seimale sorape atimané *lamp* sãkélé wei belepa sóro fóo, kemetepa saaire *wel* weikélé wutimó tepeyóló sóro fóo yalepó. ⁵ Atéro, kale so dokaaire whi hapale wéni, diki deté fu betepa, atima fea noke k̄letepa noke foposaa yó molepó.

⁶ Atima atéro noke fopesaapa, diliki sũ tuqtamo whi betãné fo fakeyóló duraalu, ‘Kale so dokaaire whi i walapa, ̄atamo hokolaayaa faalopa ape,’ yalepó.

⁷ Atétepa, kale so seimalerape turukó holóló, atimané *lamp* sã dirirape wisiyóló dópóló donoralepó. ⁸ Atéro, kale kisipa tiki fosó fosó inire so seimalerapené kale kisipa tiki fosó fosó yóló, kekemere so seimalerapepaae duraalu, ‘Dãné *lamp* sã dirirape *wel* wei kemeturaalu, felekemó sukó faai dapa, diãné tare *wel* weikó dãmaletamo ̄lae,’ yalepó.

⁹ Ti fo depa, atimané duraalu, ‘Meipó. Dãné tare *wel* wei diã melatepa, ti dãné sã dirimó tepeyaaire mei yaqsóropa, mepaae *wel* wei dotonaterere whirapetamo dupune fae,’ yalepó.

¹⁰ Ai fo depa, atima *wel* wei dupune fi tikimó, kale so dokaaire whi sókó

walepó. Atétepa, kale donoróló betere so seimalerape kale so dokaaire whítamo so dokoteremó detere ɔla naairaaalu, be dolopaae horóló tɔ kinalepó.

¹¹⁻¹² Atéró beteremó, nalomo mepaae kale fele so seimalerape wóló, atimané fo fotokɔ yóló duraalu, ‘Doa whi-ó, doa whi-ó, da holaaitapa tɔ tukɔae,’ depa, ama atimapaae duraalu, ‘Yalo diɔpaae mo i dere ape, diɔ ɛ kisipanipa diɔ deé?’ yalepó.

¹³ Atérapa, diaaɔ doasi waaire be dɛrɔ suka keletamo diɔ kisipanipa, mo hotowaró kaae tawae,” yalepó.

*Doasi monipaae dó faróló yale fo
(Luk 19:11-27)*

¹⁴ “Fo me i ape. Talené tɛteróló kaae tare alata, whi betɔ ɔ me bepaae faairaaalu, ama kutó diratere whirape ɔ beterepaae ape yóló, ama ɔla ɔlarape kaae tawópóló, sóró beteratere kaaepó.

¹⁵ Téró, ama kutó diratere whirapepaae *moni* melaairaaalu, folosóró me whiné dere ala kɔae kolóló, 5,000 melóo, whi mené ama dere alakélé kɔae kolóló, 2,000 melóo, me whiné ama dere alakélé kɔae kolóló 1,000 melóo, yóló duraalu, ‘Yalo i *moniné* mepaae kutó dirótu betae,’ yóló, ɔ felepó. ¹⁶ Atétepa, kale 5,000 *moni* sale whiné ai *moniné* mepaae kutó diyóló, ama kale sale 5,000 tó mó 5,000 me beleróló salepó. ¹⁷ Atéró, me kale 2,000 *moni* sale whiné kélé mepaae kutó dité fóló, 2,000 me beleróló salepó. ¹⁸ Téyaletai, kale 1,000 *moni* sale whi ɔpaae melale *moniné* me kutó dini sóró fóló, hae dukɔyóló kikiti hyó mulalepó.

¹⁹ Atéró, kale doasi ɔ hapale wéni, bitiré fóló me sukamó momó fesaae wóló, ama kutó diratere whirapepaae kale melale *moni* taleyaalopa, ape yalepó. ²⁰ Atétepa, kale 5,000 *moni* melale whi wóló duraalu, ‘Doa whi-ó, naao ɛpaae 5,000 melaletai, kutó dité fóló, tó mó beleróló saletai me 5,000 i ape,’ yalepó.

²¹ Ti fo depa, ama doasiné ɔpaae duraalu, ‘Yalo kutó diratere whi wisinaale-ó, naao fosó fosóre alané yalo ɔpaae yae yale ala naao wisiyóló ereteiné, mepaae ɔla ɔlakélé fea naaotóró tɛteróló kaae

tawaasepólópa, ɔkélé naao doasitamo hɛkese dere ala tuɔmó betaalopa ape,’ yalepó.

²² Atétepa, kale 2,000 *moni* melale whi wóló duraalu, ‘Doa whi-ó, naao ɛpaae 2,000 melaletai, kutó dité fóló, tó mó beleróló 2,000 me saletai i ape,’ yalepó.

²³ Ti fo depa, ama doasiné ɔpaae duraalu, ‘Yalo kutó diratere whi wisinaale-ó, naao fosó fosóre alané yalo ɔpaae yae yale ala naao mo wisiyóló ereteiné mepaae ɔla ɔlakélé fea naaotóró tɛteróló kaae tawaasepólópa, ɔkélé naao doasitamo hɛkese dere ala tuɔmó betaalopa ape,’ yalepó.

²⁴ Téró, kale 1,000 *moni* melale whikélé wóló duraalu, ‘Doa whi-ó, naao dere alata, yalo tuɛrapó. Yata mo deteraai whi bituraalu, ɔla wae bilitere alakélé, ɔla wae ke terepetere alakélé dumitei, hɔle hɔko tikimókélé naao ɔla wisi sua dapó.

²⁵ Atérené ɛ wituraalu, naao ɛpaae melale *moni* yalo hae dukɔyóló hyó melaletai, i tarapa sae,’ yalepó.

²⁶ Ti fo depa, ama doasiné ɔpaae duraalu, ‘Yata, kutókélé diyaalo mo dekané sini, kutó diratere whi dowi ai ape. Ti yalo naasené ɔla wae bilini yóo, ɔla kekélé terepeni yóo, dere tikimóte i ɔla sua dapó fota, naaotei ai yale ape. ²⁷ Atétere ala naao tuɛrutei, yalo ɔpaae melale *moni* tó mó beleróló sópóló, *moni* kaae tare whirapetamo muléliyólópó. Até uɔsóró ti ɛ fesaae wouraalu, yalo melale *moni* tó mó mepaae beleróló suɔpó,’ yalepó.

²⁸ Térapa, ama ai tare 1,000 *moni* tokó sóró kale 10,000 *moni* tare whipaae melae.

²⁹ Ti noatepae, mepaae whi dené me ɔla tapa, ti Talené tó mó beleróló móturaalu, ai whiné mo dekéró tawaalopó. Mepaae whiné mo sawa tapa, ti ai sawa tareteikélé ama fasó saalo ai ape. ³⁰ Téró, ai kale deka kutó diratere whi mo dilikire tikipaae taae deratepa aimó kaketu bituraalu, amatei yale alamópóló doasi wole du betaalopó,” yalepó.

Sipsip-ró meme huputamopaae dó faróló dere fo

31 “Kale Whjné Naalema ą waaire sukamó, ama mo kae ere dę wisinaale-tamo wouraalu, ama *ensel-rapekélé*, mo fea betamó waalopó. Atéro wóló, ama tęteróló kaae tare doasi topo whj betere tikimó bituraalu, ó hepen bemó mo ama kae ere au wisitamo bitu, taleyaalo ai ape. 32 Atéro bituraalu, i hae kwiamó betó mole so whj mo fea ą betere tikipaae touręle wóló betepa, kale *sipsip* hupuró *meme* huputamó kaae tare whjné taleyóló, *sipsip* hupurape kaepaae daalóo, *meme* hupu kaepaae daalóo, du dere kaae, so whjkélé atéro taleyaalo ai ape. 33 Atéro taleyóló, kale *sipsip* hupu ti ama turu naaseró beteróo, *meme* hupurape ti ama fę naaseró beteróo, yaalopó.

34 Téro, kale doasi topo whjné kale turu naaseró betere so whjpaae etei fo yaalopó. ‘Yęlo Ayané wisiró betepa hajné sukutu betere so whj-ó, Kótóné tęteróló kaae tare aqmó mole ala take sęró haetamo aleyaaipatei, dięmó melaai dapóló, taleróló muló betere ęla saai ape. 35-36 Ti noatepae, ę wotené sinóló mupa, ęla melóo, ę węi nokoletepa, węi nópóló melóo, ę uké whj kaae betepa, diaaę bepaae wisiyóló dapesóo yalepó. ę bukaaie kutikélé meipa, diaaę melóo, ę kisiné sukóló mupa, diaaę mo hotowayóló kaae tawóo, ę *dipula* betepa, wisi kisipa muępóló dięné ę kęle wua yóo yalepó.’

37 Tétepa, kale mo donoi ala du betere so whjné ępaae i fo yaalopó. ‘Tale-ó, yę wotené sinóló mupa, ó węi nokole du betepa, dęné yęmó metéli melalé? 38 Tale-ó, yę uké whj kaae betepa, dęné dape sóo, yę bukaaie kuti meipa kuti melóo, yalepó dere-a, dęné yęmó metéli melalé? 39-40 Yę kisiné sinóló mupa, ó *dipula* betepa kisipa tiki felýępóló, dęné yę metéli kęle waleé?’ depa, kale topo whjné i fo tokę melaalopó. ‘Yęlo diępaae mo i dere ape. Diaaę mepaae wisi ala i doasi doi mole yęlo norapepaae eróturaalu, mo belei sokótei betere so whjpaaekélé erélipa, ti ępaetóro eró beterapó,’ yaalopó.

41 Téro kale fę naaseró betere so whjpaae i fo yaalopó. ‘Talené só deró

betere so whjrape-ó, dię ę betere tiki taaróló mo sukókélé feni, hęle dó tare sipaae bię fae. Ai sita, mo dowi Satan-ró ama kutó dirępóló dotęyale keperapetamo dępóló, tukóló muló betere sipó. 42-43 Ti noa betené meipó. ę wote betepa, me ęlakókélé meni yóo, węi nokole depa węikélé meni yóo, uké whj kaae betepa, diaaę dape sini yóo, bukaaie kuti meitepa kutikó meni yóo, ę hepo daróló betepa, ó *dipula* betepa wisiyóló tao sini yóo yalepó,’ yaalopó.

44 Ti fo depa, atimané ępaae etei fo yaalopó. ‘Yę wotené sinóló betepa, ó yę węi nokole depa, ó uké whj kaae betepa, ó bukaaie kuti meitepa, ó yę kisiné sukóló mupa, ó yę *dipula* betepa, dęné yę wisiyóló tao sinipó dere-a, metéli tao sinipóló de?’ yaalopó.

45 Ti fo depa, ama atimapaee i fo yaalopó. ‘Yęlo diępaae mo i dere ape. Diaaę mepaae wisi alakó i doi mole whjrapepaae erénituraalu, i betó mole belei sókóteipaaekélé erénipa, ti ępaetei erénipó,’ yaalopó.

46 Ai ala du betale so whjta kemekélé ini, mo ti sótóro tawaaie dupu saalopó. Téyaalotei, mo donoi ala du betale so whjta, ti mo titóro betó tawaaie bete saalo ai ape,” yalepó.

26

Yesu daairaaalu fo dokale ala

(Mak 14:1-2, Luk 22:1-2, Jon 11:45-53)

1-2 Atéro, Yesuné ai forape yóló keme-tepa, ama yó matere whjrapepaae duraalu, “Kale bosenyóló fele be dęmó ęla deyóló naaire be dę sókó waai be dę tamo betę hęle moletei diaaę ai kisipare ape. Ai be dęmó kale Whjné Naalema mepaae whjrapené filipaa ni tómó oleróló dępóló, atimané naase tuęmó mulaalo ai ape,” yalepó.

3-4 Téro, kale so whjmó Talepaae momaratere topo whjrapero mepaae whj disirapetamo, momaratere doasi topo whj Kaiapas-né be wisinaalepaae touręle walepó. Atima atéro wóló touró bitu, Yesu ę tawóló daai kikiti fo dokalepó. 5 Atima atéro fo dokóló mulótu duraalu, “I alata,

kale ɔla detere sukamó yaalomeipó. Ti noatepae, so wh̄i feané keletómó ai ala depa doasi foya yaqsóró, me be demó yaalopó,” yalepó.

Bet̄a soné Yesuné topomó felé k̄ɛlaa wale wel wēi suniyale fo

(Mak 14:3-9, Jon 12:1-8)

⁶ Téró etéyalepó. Yesu ɔ Betani be hu-luapaae fóló, kale dowi humu fuluné tiki dopa ama wisirale wh̄i Saimon-né bemó ɔla nuku betalepó. ⁷ Atéró beteremó, so bet̄ané doasi moniné duputere felé k̄ɛlaa wale *wel wēi alabasta* kane fakené aleale wutimó belepa tawóló walepó. Téró, kale soné ai *wel wēi* wisinaale wuti faayóló Yesu ɔ tiróló firu ɔla nuku betepa, ama topomó suniyalepó.

⁸ Atétere ala, ama yó matere wh̄irapené kolóló, dei kisipa muóló duraalu, “Ai *wel wēi* wisinaale-a, h̄oko noatepa besekéróló suniyaleé? ⁹ I felé k̄ɛlaa wale *wel wēi* wisinaale, mepaae wh̄itamo dotonóló doasi *moni* sóró, h̄ale yoleale yóló betó mole so wh̄imó móluqsóró mo wisiuapó,” yalepó.

¹⁰ Atimasisi atéró du betere fo Yesuné tuéyóló, atimapaae duraalu, “Ai soné ama ɛpaae mo kok̄oi ala wisinaale eralepa, diaaɔ ama kisipa tiki dorakesé. ¹¹ Kale h̄ale yoleale yóló betó mole so wh̄ita, ti betere dok̄o diatamo betó tawaalotei, ɛta diatamo betó tawaalomei ai ape. ¹² Ai soné kale felé k̄ɛlaa wale *wel wēi* yaɔo tikimó suniyaletaita h̄ale meipó. ɛ̄ sukutepa douratere sukamó felé k̄ɛlaa wópóló ai dilale ape. ¹³ Yaɔo diapaae mo i dere ape. I hae kwiamó betó mole so wh̄ipaae kale mió i wosetere kisi fo wisi yó maté kuturaalu, i soné ama i yale alakélé yó melaalo ai ape. Téturaalu, i kale soné i ala yalepóló kisipatóró h̄ale yó tawaalopó,” yalepó.

Judas-né Yesu eleké deale fo

(Mak 14:10-11, Luk 22:3-6)

¹⁴⁻¹⁵ Téró, kale yó matepa wosetere 12 wh̄irapekó bet̄a Iskariot be wh̄ikó Judas so wh̄imó Talepaae momaratere topo wh̄irape beterepaae fóló woseturaalu, “Yaɔo i seké diaaɔ naase tuapaae mulatepa, diaaɔ ɛmó noa ɔlakó melaaloé?”

yalepó. Ai fo depa, atimané 30 *silpa moni* dos̄ayóló ɔmó melalepó. ¹⁶ Ai sukamó kaae sóró, Judas-né Yesu ɔ mepaae wh̄iné naase tuamó moolaire tu kikitu betalepó.

Yesuró ama yó matere wh̄irapetamo ɔla nale ala

(Mak 14:12-21, Luk 22:7-14, 22:21-23, Jon 13:21-30)

¹⁷ Téró, *yist* buni fopei *bred* o deóló nukuatere be de kaae suraalu i ala yalepó. Yesuné ama yó matere wh̄irape ɔ beterepaae wóló woseturaalu, “Kale bosenyóló fele be demó deyóló naaire ɔla-a, mé bemó dané taleróló mularóé?” yalepó.

¹⁸ Ti fo depa, ama atimapaae duraalu, “Diɔ u doasi be huluapaae fóló, ai bemó me wh̄ikótamo betepa, apaae i fo yae. ‘Kale yó matere wh̄iné duraalu, ‘Apaae me ala eraai tukóló mulale be de felekemó sókó waai depa, kale bosenóló fele be demó, yaɔo yó matere wh̄irapetamo naao bemó ɔla deyóló naai dapó,’ ’ ene fae,” yalepó. ¹⁹ Atétepa, ama yó matere wh̄irape fóló, Yesuné atimapaae yae yale alatóróti yóló, kale bosenyóló fele be demó deyóló naaire ɔlarape taleróló mulalepó.

²⁰ Atéróló, be dikiteretamo Yesu ɔ ama yó matepa wosetere 12 wh̄irapetamo ɔla nukuatere ni fake tómó tiróló firu ɔla nuku beterepó. ²¹ Atéró ɔla nuku bitu, ama atimapaae duraalu, “Yaɔo diapaae mo i dere ape. Diakó bet̄a wh̄iné ɛ mepaae wh̄iné dópóló eleké deyaalo ai ape,” yalepó.

²² Ai fo depa, atima kisipa tiki fomaake yóló, dekené sukutu duraalu, “Tale-ó, ai ala dané mo yaalopóló de?” yóló, atima feané bet̄a kaae fotóro deté felepó.

²³ Ti fo depa, Yesuné atimapaae duraalu, “Aita ɛtamo bet̄amó ɔla nuku betere wh̄inétei mepaae wh̄iné ɛ dópóló eleké deyaalo ai ape. ²⁴ Ti noatepae, wh̄iné Naalemata, kale asemó yóló muló betere fo motóróti dokonóturaalu sinaalopó. Téyaalotei, Wh̄iné Naalema mepaae wh̄iné dópóló eleké deyaaire wh̄i ya bet̄a doasi kwia saaireteimó mo wió yae. Ai

whi ą hamané dewuąmeisóro, ti mo wisiuąpó,” yalepó.

²⁵ Tétepa, ą dópóló eleké deyaaire whi Judas-né duraalu, “Yó matere whi-ó, ai ala yąło yaalopóló de?” depa, Yesuné ąpaae duraalu, “Épó mo naaotóróti yaalo ai ape,” yalepó.

²⁶ Atima atéro ąla nuku bituraalu, Yesuné *bred* o bula tao sóro Tale Kótópaae mo kée yóló, terekée daalu yóló ama yó matere whirape ąlirótu duraalu, “Ita, yąło tikipa dią feané sóro nae,” yalepó.

²⁷ Téró, kale dere kaae weı belere wuti tao sóro Kótópaae mo kée yóló, atima melóló duraalu, “Dią feané i weı nae. ²⁸ Ti i weıta, so whi mo feané yale dowi ala kwia aluraai, Kótóné dią tao saalopóló tukóló muló betere fo diriróturaalu, sókó farale yąło sameapa dią feané nae. ²⁹ Yąło diąpaae mo i dere ape. I nokole képi du weı momó kae néni hąle bitiré fóló, yąło Ayané tẹteróló kaae tare aqmó dą fea betámó bitu, kisi *wain* weı naalopó. Ai be dę sókó waai teópa, ai weı me kaae néni hąle bitiré faalopó,” yalepó.

³⁰ Atéro, atima wole fo betą yóló, *Olip* du sorokó mole tikipaae felepó.

Pitané Yesu ą tuęnipóló yale fo

(*Mak 14:27-31, Luk 22:31-34, Jon 13:36-38*)

³¹ Téró, Yesuné atimapaee duraalu, “Mo mió i dikitamotóro atimané ępaee er- atere ala kilituraalu, dią fea ę taaróló botokó faalopó. Ti noatepae, até yaaire alata, ašemó i yóló muló betere fo mo dokonóturaalu yaalo ai ape.

‘Kale *sipsip* hupurape kaae tare whi yąło dupa, *sipsip* hupurape dapo dapo yó faalopó,’ erapó.

³² Téyaalotei, ę momó kepaayóló u Kaleli haepaae ępi folosóro fimó dią nalo waalopó,” yalepó.

³³ Ai fo depa, Pitané ąpaae duraalu, “Yąpaatamo mené noa kaae ala eratepa, ti mepaae whirape atima yą taaróló fupa, yąło betą yą mo taaróló faalomeipó,” yalepó.

³⁴ Ti fo depa, Yesuné ąpaae tokó mótu duraalu, “Yąło yąpaae mo i dere ape. Mo

mió i dikitamotóro wą *kakaruk* bané hale yaaipatei, naao ę tuęnipó fo sore félimó yaalopó,” yalepó.

³⁵ Ai fo yalemó, Pitané ąpaae duraalu, “Ę yątamo betámó sukutepa ti mo wisirapó. Yąło yą tuęnipó fo mo yókéle yaalomeipó,” depa, mepaae ama yó matere whirapenékéle ama dere fo kaaetóro yalepó.

Kelaalo kokqi tiki Ketsemanimó yale ala
(*Mak 14:32-42, Luk 22:39-46*)

³⁶ Téró, Yesu ą ama yó matere whirape fea kelaalo kokqi tiki Ketsemanipaae fóló, ama atimapaee duraalu, “Ę upaae momane fulapa dią imó betae,” yalepó.

³⁷ Atima atéro beteróló, Pita kale Sebediné naalema tamo atima fu bitu, ama hosaa tuąmó mo doasi dekené sukutere ala kaae sóro, sekeı kisipa muté felepó. ³⁸ Atéro ama atimapaee duraalu, “Yąło hosaa tuąmó dekené sukuturaalu, ę felekemó sukąai depa upaae momane fulapa, dią imó ę kaae tawóló bitu noke fini, ętamo momatu betae,” yalepó.

³⁹ Téró ama yó matere whirape aimó betó mupa taaróló, ą sawa tupaae fóló, haemó deraapisa fóló fió mulu momatu duraalu, “Yąło Aya-ó, i sekeı ala ępaee waqsóro seséyaaire tu mupa, ti naao sesé yae. Tépattei yąło kisipa mole ala eréni, naao kisipa mole ala betą erópóló yae,” yalepó.

⁴⁰ Téró, ą ama yó matere whirape beterepaae momó fesaae wóló kelalemó, atima fea noke foposaa yó molepó. Atépa, ama Pitapaae duraalu, “Sukakele betámó ę kaae taruraalu, momatu bitinié? ⁴¹ Dią me dowi ala yópóló sų sere alané só de- raqsóro, hotowayóló kaae taru, momatere ala yó tawae. Kepe betenéta wisi ala eraai mo doasi ketekę bupatei, tó tiki fotokę bunipó,” yalepó.

⁴² Kale yale kaae, ą momó fesaae fóló momatu duraalu, “Yąło Aya-ó, ępaee i eraaire sekeı ala waqsóro seséyaaire tu mupa, ti seséyae. Seséyaaire tu munipa, ti naao kisipa mole alatóro ępaee erópóló yae,” yalepó.

⁴³ Atéro, ą momó fesaae wouraalu ke- lalemó, atima fea kale dere kaae, noke

foposaa yó molepó. ⁴⁴ Atima atéro foposaa taaróló, ą momó sore dakoróló fesaae fóló momaturaalu, kale yale moma kaaetóróti momó yalepó.

⁴⁵ Téró, ą momayóló fesaae wóló, ama yó matere whırapepaae duraalu, “Dią ąa nóló bitu noke foposaa yó mole-a, mió dą hąle betaaire be dę dekéro mupa de? Kale Whıné Naalema dowi ala dere whırapené dópóló eleké ai deyale ape. ⁴⁶ Ę dópóló eleké deyale whı ai walapa, dią turukó horóló dą faalopa fiępe,” yalepó.

Yesu ą tawale fo

(Mak 14:43-50, Luk 22:47-53, Jon 18:3-12)

⁴⁷ Yesuné ai fo du betepatei, ama yó matepa wosetere 12 whırapekó Judas sókó walepó. ąta, kale momatere be teteróló kaae tare whırapéro so whı teteróló kaae tare whı disirapetamoné dotonale whırapetamo walepó. Atima atéro wouraalu, nópuluró bóe dele sepa- ketamo tao diliki yóló walepó. ⁴⁸ Téró, Yesu mepaae whıné dópóló eleké deyale whıné ątamo wale whırapetamo fo dokóló duraalu, “Yąlotamo kóló tukó nukupa, ti ątóró hıtipa, tawae,” ipakalepó. ⁴⁹ Atéro, kale Judas ą folosóró Yesu daalepaae sókówóló duraalu, “Yó matere whı, kóleó,” yóló, apuóló kóló tukó nalepó.

⁵⁰ Ti fo depa, Yesuné ąpaae duraalu, “No-ó, naao yaairaaalu, wale ala tėti yae,” yalepó. Tétepa, kale whırape atima hapale sókó woutóró Yesu botokó sóró tawalepó. ⁵¹ Atétepa, Yesuné ama fulumu whırapekó whı betané bóe dele sepa- ke sókó sóró, so whımó Talepaae momaratere doasi topo whıné kutó diratere whıné wosęli ąaae deralepó.

⁵² Tétepa, Yesuné ąpaae duraalu, “Naao ai sepake bulatere be dolomó momó bulae. Ti noatepae, mepaae whı denétamo sepakené whı dupa, ti ai sepakenétei ą mo ti dóló sukunaalo ai ape. ⁵³ Naao kisipané- a, yąlo Ayapaae 72,000 *ensel*-rapené ę tao sene wópóló dotonae depa, ama doton- aalomeipóló de? ⁵⁴ Yąlotamo ai ala depa, ti kale ašemó yaalopóló muló betere fo netéro dokonaaloé?” yalepó.

⁵⁵ Atéyale sukamó, Yesuné ai so whıpaae duraalu, “Diaaą kisipané ęta, *Gavman* whırapetamo bóe dóló atimané teteróló kaae tare ala fasó saai, whırape fea ąlisóró fole whı beteparaalu, ę tawóló daai sep- akeraperó nópulurapetamo tao diliki yóló wou de? Betere dokę fea diąné momatere be tipiné bopéro daaló betere tikimó ę fo yó mótu betepa, diaaą ę tanipó. ⁵⁶ Ténitei ai yale alarape feata, ti Kótóné ama kóló whırapené ašemó yóló muló betere fo motóró dokonóturaalu dapó,” yalepó. Atétepa, ama yó matere whırapené ą taaróló, atima fea botokó felepó.

Juda fakené Yesu só deraai fo tokótamo yale fo

(Mak 14:53-65, Luk 22:54-55, 22:63-71, Jon 18:13-14, 18:19-24)

⁵⁷ Atétepa, mo so whımó Talepaae momaratere doasi topo whı Kaiapas-né bemó touróló betó mupa, Yesu tawale whırapené ą dapesó felepó. Aimó kale Moses-né ašere fo yó matere whırapéro so whı teteróló kaae tare whı disirapetamo touróló betó molepó. ⁵⁸ Téyaleteti, Pita ą Yesu fi tikimó nalo taaeta deté fu- raalu, so whımó Talepaae momaratere doasi topo whıné be bopéro betere tipi tuąpaae doropóló, aimó betó mole diki tare whırapetamo bituraalu, Yesupaae noa alakó eratéro kelaai, kaae tawóló beterepó.

⁵⁹ Atéro, so whımó Talepaae momaratere whırapéro fo tokótamo yóló taleratere whırapetamoné kapala so whı dilikóló Yesu sukópóló, só deróló daaire bete kikitu betalepó.

⁶⁰⁻⁶¹ Atéro, atimané ą só deraai dapóló kapala fo yaleteti, ai foné ą só deraaire sunipa, nalo whı tamo wóló duraalu, “Ai sekęnéta, ‘Kótóné ai momatere be fisikóló sore be dęmó ama momó tęyaalopó,’ depa dąmoné wosalepó,” yalepó.

⁶² Tétepa, mo so whımó Talepaae momaratere doasi topo whı turukó holóló Yesupaae duraalu, “Ai whırapené yą só deratere fo dapa, naao atimapaee fo mekó tokó menitere-a, noatepa de?” yalepó. ⁶³ Téyaleteti, Yesu fo tekeni hąle daalepó. Atépa, kale momatere be kaae tare topo

whjné ɔpaae duraalu, “Mo titóro betó tare Kótóné keletómó yalo yɔpaae mo dirii fo i dere ape. Yɔta mo so whj fea tɛtɛróló kaae tanópoló, sóro betero betere whj Kótóné Naalema Kerisopata, ti mió dɔpaaetóro yó ɔlae,” depa Yesuné duraalu, “Épó. Naao mo dono ai dere ape.

⁶⁴ Téretei, yalo diɔ feapaae i dere ape. Take nalo waaire be demó, kale Whjné Naalema mo doasi fotokɔ bole Kótóné turu naasemó betepa kolóo, ó hepen be taaróló sɔko dolomó sóko wapa kolóo, yaalo ai ape,” yalepó.

⁶⁵ Ai fo depa, so whjmó Talepaae momaratere doasi topo whjné ama deró betere kuti bisɔayóló duraalu, “Kótó faleylóló doka doka ai du betere ape. Ti ama ɔsókó fole ala depa kelalepó yaaire meipapakó kekɔaloé? Ti Kótó faleylóló doka doka dere fota, amatei depa diɔ feané ai wosale ape. ⁶⁶ Térapa, diaaɔ noa kisipa mute?” depa, atimané duraalu, “A sinaaitere fo amatei ai dapa sinópoló yae,” yalepó.

⁶⁷⁻⁶⁸ Téró, atimané ama kele dolomó fesɔa apuróló, naase duné dóo, mepaae whjné ɔ okolope deké sóo yóló duraalu, “Kótóné so whj tɛtɛróló kaae tare whj Keriso-ó, yɔ Kótóné ama kóló whjɔpata, ti yɔ dale whj dɔpaae yó ɔlae,” yalepó.

Pitané Yesu ɔ tuénipó yale fo
(Mak 14:66-72, Luk 22:56-62, Jon 18:15-18, 18:25-27)

⁶⁹ Atéroró Pita, ai be bopéroró daaló betere tipi bolaa dolomó betepa, kale kutó diratere so seimale betɔ ɔ beterepaae wóló duraalu, “Yɔkélé u Kaleli whjkó Yesutamo betɔmó kwɛale whj ai ape,” yalepó.

⁷⁰ Ti fo depa, so whj feané keletómó Pitané kale so seimalepaae duraalu, “Naao ai dere fota, noa fo yóló déroró ɔ kisipanipó,” yalepó.

⁷¹ Atéroró, kale whj ɔ ai be bolaare dopóku tɔ serekepaae sóko durupupa, me so seimalené ɔ kolóló ai betó mole so whj feapaae duraalu, “I whj ɔkélé, Nasaret whjkó Yesutamo betɔmó kutu betale whj ai ape,” yalepó.

⁷² Ti fo depa, Pitané kale dere fo kaae Talené keletómó dirii malo yóló duraalu, “Naao ai bopetere whjta ɔ tuénipó,” yalepó.

⁷³ Atéroró sawa betale kɔlipaae, aimó daae mole mepaae whjrape Pita beterepaae wóló duraalu, “Yɔta atimatamo kutu betale whj mo ɔti ai ape. Ti noatepae, naao dere fo nakomené yɔ mo ɔtipóló ɔkeamó yó matapó,” yalepó.

⁷⁴ Ai fo depa Pitané duraalu, “Yalo diɔpaae mo i dere ape. Ai whj ɔ mo tuénipó. Yalo kapala fo depata, ti Talené ɔ mo doasi kwia melópolópó,” yalepó. Ai fo deretamotóroró wɔ kakaruk bané hale yalepó.

⁷⁵ Tétepa, Pitané Yesuné ɔpaae kale kakaruk bané hale yaaipatei, naao ɔ tuénipó fo sore félimó yaalopó yale fo kisipa muni walepó. Atétepa, Pita ɔ belapaae sóko doropóló bituraalu, mo doasi dekené sini wole du betalepó.

27

Judas képi wɛi nale fo
(Mak 15:1, Luk 23:1-2, Jon 18:28-32)

¹ Atéroró, so whjmó Talepaae momaratere topo whjrapéroró so whj tɛtɛróló kaae tare whj disirapetamo, mo ɔkatitei Yesu sukópoló daairaalu, fo taleyóló mulalepó.

² Atimané ɔ halika tikiné naase tamo dokóló, kale doasi Gavman topo whj Pailat beterepaae dapesó fóló, ama naase tuɔmó mulalepó.

³⁻⁴ Atéroró, Yesu mepaae whjné dópóló eleké deale whj Judas-né Yesutamó fo tokótamo yóló só deratere ala kolóló, amatei yale alamó dapóló, mo dowi fomaake kisipa mualepó. Atéroró duraalu, mo so whjmó Talepaae momaratere whjrapéroró so whj tɛtɛróló kaae tare whj disirapetamoné ɔ melale 30 *silpa kapa moni* u kale whjrapepaae momó melaai felepó. Atéroró atimapaee duraalu, “Me ɔsókó fele alakélé inipatei, ɔ dópóló yalo ɔletei eleké deale alané ɔ doasi dowi ala yalepó,” yalepó. Ai fo depa, atimané ɔpaae duraalu, “Dɔpaae noa yaró de? Ai alata, naaotei ai yale ape,” yalepó.

⁵ Atétepa, Judas-né ama sale *moni* ai kale momatere bepaae fesekeké faróló, amatei ą képi węi nalepó.

⁶ Atétepa, so whimó Talepaae momaratere topo whirapené kale whiné teraae farale *moni* sóró taru duraalu, “I *monita*, whi daai dupuyaleteipa, Kótópaae matere *monitamo* touraęse yóló fo mulapó,” yalepó. ⁷ Téro, atima fo taleyóló duraalu, i *monita* mepaae wale whirape sukutepa दौराऐ tiki, kale doka haené wuti aletua dere whirapené hae dupu yaai dapóló mulalepó. ⁸ Ai hae tikita, whi dópóló eleké deyalemó, melale *moniné* dupuyaleteiné ai haené doi whiné samea sókó fele haepó, miókélé hęle du betera pó. ⁹⁻¹⁰ Atéyale ala Kótóné kóló whi Jeremaia-paae yó matepa, ama aseyóló muló betere fo motóroti dokonóturaalu yalepó.

“Talené ępaae i ala yae yóló muló betere fo sya furaalu, Israel so whi atimané ą dupu yóló melale 30 *silpa moniné* doka haené wuti aletu betere whirapené hae tiki atimanétei dupu yópóló yae,” fo erapó.

Doasi topo whi Pailat-né Yesutamo fo tokótamo yale fo

(Mak 15:2-5, Luk 23:3-5, Jon 18:33-38)

¹¹ Ai ala hęle du betepa, atimané Yesukélé doasi *Gavman* whiné sóró betero betere topo whi Pailat-né keletómó daapa, ąpaae woseturaalu, “Yą Juda so whi teteróló kaae tare doasi topo whię?” depa, Yesuné ąpaae duraalu, “Naaotóro mo dono ai dere ape,” yalepó.

¹² Ai fo depa, so whimó Talepaae momaratere topo whiraperó so whi teteróló kaae tare whi disirapetamoné kae kae só deratere fo ąpaae depatei, ama me fo tokó menipó. ¹³ Tétepa Pailat-né ąpaae duraalu, “Atima kae kae forapené yą só derótu betepatei, yą fo tekeni dere-a noatepa de?” yalepó. ¹⁴ Ai fo depatei, Yesuné kale Pailat-né dere fo mo sawa tokó matere alakélé inipó. Ai ala kale doasi *Gavman* topo whiné kilituraalu, i whita atimané dere fo tokó matere alakélé mo dumipóló sira yalepó.

¹⁵ Téro, *Gavman* doasi topo whiné ba fo dokę fea atimané dua dere ala sya

furaalu, ęla detere sukamó so whi touróló, atimané kisipa mole *dipula* betero betere whikó betę hęle fópóló dotęyae depa, ti ai whitóro dotonótua dapó. ¹⁶ Atéyale sukamó, dowi ala du betere doi mole whi Barabas *dipula* betero beterepó. ¹⁷ So whi fea atéro wóló touró betepa, Pailat-né atimapaee woseturaalu, “Diaaę kisipané-a, mé whi *dipula* sokóló hęle fópóló kisipa mute? Barabas dotęyarópé, so whi feané Kerisopó du betere whi Yesu dotęyaró de?” yalepó. ¹⁸ Ti noatepa meipó. Kale Juda so whi teteróló kaae tare whirapené so whi feané Yesuné doi hale sóró horóló, dukirateremó atima dowi kisipa muturaalu, atimané ą daai kale Pailat-né ą beterepaae dapesó weirapóló kisipa mualepó.

¹⁹ Atéro, kale Pailat ą so whitamó fo tokótamo yaai bituateré tikimó betepa, ama somané fo yó fótu duraalu, “Yęlo mió mo dowi noke yaleteiné ę doasi sekę yalepa, ai dowi ala mo betękélé munire whipaae me ala momókó eraęse,” yalepó.

²⁰ Téyaletei, so whimó Talepaae momaratere topo whiraperó whi disirapetamoné so whipaae duraalu, “Barabas ipaae wópóló dotonóturaalu, Yesu sinópóló ol-eróló dae yae,” yóló, so whi feapaae sesemeratere fo du betalepó.

²¹ Tétepa, kale *Gavman* whiné sóró betero betere doasi topo whiné woseturaalu, “I whi tamokó mé whi dię beterepaae wópóló sokóló dotonaróé?” depa, atimané duraalu, “Barabas wópóló dotonae!” yalepó.

²² Tétepa, kale Pailat-né so whipaae woseturaalu, “So whi feané Kerisopó du betere whi Yesu neyęroé?” yóló wosetepa, aimó daae mole so whi feané duraalu, “Aąta, filipaa ni tómó olorae!” yalepó.

²³ Ai fo depa, Pailat-né atimapaee duraalu, “Ai whita me dowi alakélé inipatei, hęle noatepa daró de?” depa, atimané fo mo ti fakeyóló duraalu, “Aą filipaare ni tómó olorae!” yalepó.

²⁴ Tétepa, ai yó mole so whi atimané kisipa mutere ala eraęsóró, Pailat-né seséyalemókélé mo sęni, so whiné doasi foya yaaitere ala kolóló, so whi feané

keletómó weiné ama naase fukutu duraalu, “I whi delemó Kótóné matere kwiata, yalo saalomeitei, diaaqtóro saalopó. Atéro sókó fatere samea yalo naasemó yaqsóro, i fokotapa kelere?” yalepó.

²⁵ Ai fo depa, so whi feané duraalu, “Ai whi dele kwiata, Kótóné dāro dāné naale senaaletamopaae melópólópó,” yalepó.

²⁶ Téró, so whi atimané Pailatpaae dotonae yale whi Barabas hāle fópóló dotonóturaalu, mepaae diki tare whirapené Yesu fokosói alapi yóló, nalo filipaa ni tómó oleróló daai dapesó fae yóló melalepó.

*Diki tare whirapené Yesu faleyale fo
(Mak 15:16-20, Jon 19:2-3)*

²⁷ Atéro, kale Gavman whiné sóro betero betere topo whiné ama diki tare whirape betere tiki wisinaale Pretorium-paae Yesu duwóló sóro felepó. Téyalemó, diki tare whirape feané a boperóló daane walepó. ²⁸⁻²⁹ Téró, atimané ama deró betere kuti sokóló betā sonaai kuti deralepó. Atéro, mu daai képinétei doasi topo whiné deraterere topo taopóló bopeyóló, ama topomó deralepó. Téró, atimané betā dotó tiki ama turu naasemó taróló, a daalemó bukutiri tēane doropóló duraalu, “Juda so whiné topo whi-ó!” yóló faleyóló doka doka du betalepó. ³⁰ Atéro atimané a fesā apuróló, kale dotó tiki momó fasó sóro, ama topomó momó du momó du betalepó. ³¹ Atéro, atimané a doka doka du betero, sonaai kuti sókó sóro ama kuti momó deralepó. Téró, a filipaa ni tómó oloraai dapesó felepó.

*Yesu filipaa ni tómó sukāle fo
(Mak 15:21-32, Luk 23:26-43, Jon 19:17-27)*

³² Atéro dapesó fu beteremó, Sairin be hulua whikó Saimon a tumó hokolaa depa, a fasóló ai filipaa ni āpaae naaomo beleyae! yóló seyalepó. ³³ Atéro, atima betā hae doi Kolkotamó sókó walepó. Ai fo feteyóló whiné topo diri mole tikipó. ³⁴ Aimó atimané Yesumó betā hakesāi weiró mo wain weitamó hosekéróló tepeyaletēi melalemó nēni hōyalepó.

³⁵ Atéro atimané a filipaa ni tómó oleróló, kilipaae ama kuti saairaalu atimané ni kukwia teraae horóló mé whiné ni kukwia mo donotóro muni dorowapa, ti ai whinétóro sua yalepó. ³⁶ Atéro, a teó sukutu betepa, kale diki tare whirape atima kaae tawóló betó molepó. ³⁷ A oleró betere ni topomó i betené dalepóló aseýóló oleralepó. Ai aseýóló olerale fo i ape.

JUDA SO WHI TĒTERÓLÓ KAAE TARE TOPO
WHI YESU I APE

³⁸ Kale qlémi nuku betale whi tamokélé atamo betāmó, me whi ama turu naase dēro nimó oleróo, me whi fē naase dēro me nimó oleróo yalepó. ³⁹⁻⁴⁰ Mepaae ai tumó fua wuatere so whi atimané folópu kelepéyóló faleyóló doka doka duraalu, “Yāta kale momatere be fisikóló, sore be dēmó momó tēyaalopó du betale whi, naaotei yā tao sae. Yātamo Kótóné Naalemapata, ti ai filipaa ni taaróló dere ape,” du betalepó.

⁴¹ Atéro kale dere kaae, mo so whimó Talepaae momaratere topo whirapenékélé, Moses-né asēre fo yó matere whirapenékélé, mepaae whi disirapenékélé, faleyóló doka doka duraalu, ⁴² “Mepaae whirape sukaqsóro ama tao sua yaletēi, a sinaqsóro amatei tao sinitupó. Ti āta, Israel fake so whiné doasi topo whi ereteiné filipaa ni taaróló dorowapa, ti dā āpaae kisipa tiki tiraalopó. ⁴³ Ama duraalutamo, a Kótóné Naalemapóló kisipa tiki tirateremó, Kótóné a tao saai kisipa mutepa, ti tao sópóló yae,” yalepó. ⁴⁴ Yesutamo kale betāmó olerale qlémi nuku betale whi tamonékélé u whirapené dere kaae, a faleyóló doka doka dere forape dekéro du betalepó.

*Yesu sukāle ala
(Mak 15:33-41, Luk 23:44-49, Jon 19:28-30)*

⁴⁵ Téró suka tuāmó 12 kilok sukakelemó kaae sóro fóló, be kuluka derepaae 3-kilok-mó hae kwia mo fea dikiyalepó. ⁴⁶ Atéro be kuluka 3-kilok seretamo, Yesuné doasi fo fakeyóló duraalu, “Eloi, Eloi, lama sabakātani,” ai fo feteyóló, “Ē tēteróló kaae tare Kótó-ó, Ē tēteróló kaae

tare Kótó-ó, ẹ yaḷo wotoró beterópóló noatepa taaróló feleé?” yalepó.

⁴⁷ Ti fo depa, mepaae aimó daae mole so wh̄rapené ama ai dere fo wosóló duraalu, “Ama Elaijapaae ape yóló ai dere ape,” yalepó.

⁴⁸ Tétepa, atimakó wh̄i bet̄a mo hapale sururu yóló fóló, kale wépi kaae ọ́la sóró séli kẹ́laa kaae ere moi *wain* wẹ́i kale wépi kaae ọ́lamó tópuró sóró, kapemó haka sóró Yesu nópóló melaai sóró felepó.

⁴⁹ Téyalet̄ei, mepaae wh̄rapené duraalu, “Ilaija wóló tao sene walémóló kelaalopa, atéró olerópóló taalae,” yalepó.

⁵⁰ Atéró, Yesuné ama kepe bete sókó furaalu, kale dere kaae doasi fo fake yóló ẹ́ sinalepó.

⁵¹ Atéteretamotóró kale momatere be sat̄aleróló oleró betere kuti óté kaae sóró tereketé doropóló, a salepaae sókó deralepó. Téturaalu, doasi bao yale tikimó kaporapekélé terekeyóló felepó.

⁵² Atéturaalu, wh̄i dourale tikikélé turukwẹ́ fóló, mo take Kótóné ama kae sóró betere so wh̄i sukutepa douraletei, dou taaróló momó kepaayóló fua yalepó.

⁵³ Yesu atéró kepaayóló fi k̄ilipaae, ai kale kepaayale so wh̄rape mepaae so wh̄iné kolópóló, Kótóné ama kae t̄enó betere Jerusalem be huluapaae yó male felepó.

⁵⁴ Atétepa, kale diki tare wh̄rapené topo wh̄iró Yesu me ala yaḷsóró, kaae tare diki tare wh̄rapetamoné doasi bao dere alaró mepaae kae kae dere alarapetamo kolóló, atima fea winé sukóló diri furu furu yóló duraalu, “Haió! i wh̄ita, Kótóné Naalematoró mo h̄tipó,” yalepó.

⁵⁵ Téró, Yesu ẹ́ mepaae ọ́la ọ́la yaḷatepa tao sóró mótua yale sorape, Kaleli hae kwia taaróló wóló, Yesupaae eratere ala kelaai mo tumó daae mulu, kese faló beterepó. ⁵⁶ Atima ai sorape kuamó Maktala be hulua sokó Mariakélé, Jems-ró Josis-tamoné hama Mariakélé, Sebediné naalema tamoné hamakélé, atima atéró daae molepó.

Yesu dourale ala

(*Mak 15:42-47, Luk 23:50-55, Jon 19:38-42*)

⁵⁷ Be mo felekemó dikiyaai deretamo, bet̄a Arimatea be wh̄ikó néli wh̄i Josep walepó. Ai wh̄i ẹ́kélé Yesuné yó matere wh̄i betalepó. ⁵⁸ Kale sekéné Yesuné tiki saai dapóló, kale topo wh̄i Pailat-paae wosene felemó, Pailat-né ama diki tare wh̄irapepaae duraalu, “I sekéné Yesuné tiki ama sóró faaipó dapa, sóró fópóló melae,” yalepó. ⁵⁹⁻⁶⁰ Atéró matepa mo ẹ́ tekée fi *linen* kuti wisinaalené Yesuné tiki bopeyóló só fóló, mepaae suk̄ale wh̄i dourénire kane dolomó Yesuné tiki mulalepó. Téró kale dou t̄u kinaai aleyóló mulale kane fake biliraté fóló kinóló ẹ́ felepó. Ti ai kane dolota, kale wh̄i Josep ẹ́ sukutepa dourópóló, aleyóló muló betere tikipó. ⁶¹ Atétepa, kale Maktala be hulua sokó Mariaró ama yakoma Mariatamo ai kale wh̄i douró betere tiki kese faróló beterepó.

Yesuné tiki me ala yaḷsóró diki tare wh̄rapené kaae tare ala

⁶²⁻⁶³ Atéyale sisópaae dótóró s̄a nóló betaairaalu, ọ́la ọ́la taleyóló mulóló, be ẹ́tepa i ala yalepó. Kale moma dere be kaae tare topo wh̄iraperó Farisi wh̄irapetamo Pailat beterepaae fóló duraalu, “Doa wh̄i-ó, ai kale so wh̄i dilikité kutu betale wh̄i ẹ́ suk̄ai bitu be ẹ́ sore kemetepa, ẹ́ momó kepaayóló betaalopó depa, ẹ́nẹ́ wosalepó. ⁶⁴ Atéró ai kale suk̄ale wh̄iné ama yó matere wh̄rapené ama tiki ọ́lémi sóró fóló, mo wh̄ipaae ẹ́ momó kepaayóló beterepó deté kuturaalu, so wh̄i dilik̄aalo ai ape. Atéró dilik̄itere alané ama take folosóró so wh̄i dilik̄aletei teraae faalopó. Téyaḷsórópa, naao diki tare wh̄rapené ai kale wh̄i dourale tiki be ẹ́ sosemó mo wisiyóló kaae tawópóló yae,” yalepó.

⁶⁵ Ai fo depa, Pailat-né so wh̄i t̄eteróló kaae tare wh̄irapepaae duraalu, “Wh̄i douró betere tiki mo wisiyóló kaae tawópóló, mepaae diki tare wh̄irape dapesó fóló, etéró kaae tawae yóló yó melae,” yalepó. ⁶⁶ Atétepa atima fóló, kale wh̄i dou mené tuk̄iyalemóló kelaai t̄u kinale kane fakeró h̄ale daale kane kwiatamo meke eróló, tuamó siri mulóló

diki tare wh̄irapepaae kaae tawae yóló sóró daalalepó.

28

Yesu kepaayóló fele fo

(Mak 16:1-10, Luk 24:1-10, Jon 20:1-18)

¹ Téró kale s̄aa naai tukóló mulale suka kemeyóló *fula* kaae sere be demó mo h̄ikatitei, Maktala be hulua so Mariaró yakoma Mariatamo kale wh̄i dou kelaai felepó.

² Atéró, kale so tamo dou tópaee sókó faai teó fu betepatei, bet̄a *ensel* hepen bemó dorowóló, dou kinó betere kane fake tukw̄e faróló ̄a tómó beterepó. Ai kane fake tukw̄e falateremó, mo doakale bao yalepó. ³ Ama tiki mo ep̄ee d̄e kaae iruraalu, ama deró betere kutikélé mo d̄e tekée fapa kelalepó. ⁴ Ai dou kaae tawóló betó mole diki tare wh̄irapené ̄a kolóló, winé sukóló diri furu furu duraalu, sukóló mole wh̄irape aq̄yóló haemó deraapisa fóló molepó.

⁵ Téró kale so tamo sókó wapa, kale *ensel*-né atimaamopaae duraalu, “Diaamo wiyaq̄se. Diaamota, filipaa nimó dale wh̄i Yesu k̄ele walet̄ei ȳalo tūrapó. ⁶ Ti ̄ata imó muni, ̄a mulale tiki h̄alerapa kelaai ape. Ti take ama yale fotóró dokonóló, ̄a kepaayóló falapó. ⁷ At̄erapa, diaamo hapale fóló, ama yó matere wh̄irapepaae i fo yae. ̄A mo ti suk̄aletei kepaayóló, dīa nalo wópóló ̄api Kaleli haepaae furaalu, ̄atamo aimó hokolaa yóló kelaalopa, ape yale fo ȳalo diaamopaae i dere ape,” yalepó.

⁸ At̄étepa, kale so tamo wirutei mo h̄aitamo wh̄i dou taaróló, ama yó matere wh̄irapepaae yaai dapóló sururuyóló felepó. ⁹ Atéró fu betepa, Yesu hapale sókó wóló daalu k̄leó yalepó. At̄étepa, atimaamo ̄a daalepaae fóló, ama hómó apuó taru Tale-ó du betalepó. ¹⁰ At̄étu betepa, Yesuné atimaamopaae duraalu, “Wiyaq̄se! Diaamo fóló, ȳalo norapepaae diaāq̄ ̄e u Kaleli haemó kelaasepóló ape yalepó, yaai fae,” yalepó.

Diki tare wh̄irapené i ala kelalepóló yale fo

¹¹ Téró ai kale so tamo fu betepatei, kale mepaae dou kaae tawóló betale diki tare wh̄irape atima momatere be kaae tare topo wh̄irape beterepaae fóló, atimané kelale alarape fea yó melalepó. ¹² Ti fo depa, mo so wh̄imó Talepaae momatere topo wh̄iraperó mepaae so wh̄i t̄eteróló kaae tare wh̄i disirapetamo bet̄apaae touróló bitu, i ala yaalopóló taleyóló mulalepó. ¹³ Atéró fo deyóló, kale diki tare wh̄irape atimané kelale ala mo so wh̄ipaae yaq̄sóró fo mulótu duraalu, “Mené dīapaae noa ala yaleé depa i fo yae, ‘D̄a firepaae Yesuné ama yó matere wh̄irape wóló, ama tiki q̄lémi sóró falapó yae,’” yóló doasi *moniné* dupuyalepó. ¹⁴ Atéró duraalu, “*Gavman* topo wh̄iné i dere fo wosetepa, dīatamo doasi fopaae buóló me ala eraq̄sóró dīa seséturaalu, d̄anétei ama kisipa tiki feléraalopó,” yalepó. ¹⁵ Téró, kale diki tare wh̄irape doasi *moni* sóró furaalu, atimapaee yae yale fotóróti deté kw̄eyalepó. Atéró dere fo so wh̄i feané wosóló, fakerale fo mió i alimó betó mole Juda so wh̄inékélé wosóló mo kisiparapó.

Yesuné ama yó matere wh̄irapepaae yale fo

(Mak 16:14-18, Luk 24:36-49, Jon 20:19-23)

¹⁶ Téró Yesu ̄a suk̄ai bitu, ama yó matepa wosetere 11 wh̄irapepaae, ̄atamo Kaleli haemó daale hasi fosómó hokolaa yaalopó, yale fo tūeru atima felepó. ¹⁷ Atéró fóló, aimó atimané ̄a kolóló, hemée deyóló betó mulu Tale-ó du betalepó. T̄étu betalet̄ei, mepaae wh̄irapené Yesu ̄a h̄iti yale molópóló, kisipa tamo mutu beterepó. ¹⁸⁻¹⁹ T̄étepa, Yesu ̄a atima betere felekepaae fóló duraalu, “Ó hepen bemókélé i haemókélé ere ala fea ȳalo t̄eteróló kaae tanópóló, Kótóné ̄e sóró beteró beterepó. T̄erapa, dīa i hae kwiamó betóló fale so wh̄i beterepaae fóló, atimakélé ȳalo yó matepa wosetere so wh̄i beterepóló, yó maté kw̄eyae. At̄éturaalu Alima, Naalema, D̄ei Kepe Wisi, d̄ané bet̄a doimó w̄ei tópurótua yae. ²⁰ T̄étu, ȳalo dīapaae yae yóló mulale ala fea, atimanékélé wosóló s̄ya f̄ópóló yó mótu betae. Ȳalo dīa taaróló feni, d̄a fea

betamó bitiré fóló, kemene fole alimó sókó
faalopóló i yóló mulatere ape,” yalepó.

Mark

Jon-né Yesu waaire tų alerale fo
(*Mat 3:1-12, Luk 3:1-9, 3:15-17, Jon 1:19-28*)

¹ Kótóné Naalema Yesu Kerisoné kisi fo wisi etéro kaae sirapó.

² Mo take Kótóné ama fo eratere kóló whį Aisaiané aseýóló muló betere fo i ape. “Yalo fo erale fae yóló dotonatare whį yą waaire tųmó api folosóro fópóló, yalo dotęyaalo ai ape.

Ai sekéneta, yą waaire tų aleóló dono-raalopó.

³ I whį ata, so whįkélé bitinire kópu kęae fi tikimó sókó wóló daalu, fo fake yóló i fo yaalo ai ape.

“Tale waaire tų donoróló aleyae,” er-apó.

⁴ Atéyale fo dokonóturaalu, betą whį Jon walepó. Ata so whįkélé bitini kópu kęae fi tikimó sókó wóló duraalu, “Mepaae so whį de atimané yale dowi ala taaróló, tuę tiki feteyóló walemó węi tópuratepa, ti Kótóné diaaq dowi ala kwia tokóló aluraalopó,” du betalepó. ⁵ Atétere fo woseturaalu, Judia hae kwiamó betó mole so whįró Jerusalem bemó betó mole so whįtamo ą beterepaae wóló, atimané yale dowi alarape fea hąkeamó yó matepa, Jon-né atima Jordan węimó tópurótua yalepó.

⁶ Jon-né ama bukutua yale kutita, ti kale *kamel* hupu nikiné dokóló moletei bukutua yóo, ama tokélé hupu sekaęné aleyaletei sua yóo, yalepó. Ama nukua yale ęla ti ero nusuró meke węitamopó.

⁷ Atéro ama atimapaae duraalu, “Ęta folosóro wale whį i ape. Nalo yalo kılıpaae, ti mo doa fotokę bole sekę whį waalo ai ape. Ai sekę ata ę kaae mei, mo doasi sekę whį betepa, ę ą aqmó belekąamale naale kaae beterapó. Tėru, ama hó bené képi yalo teraayaairetei mo sunipó. ⁸ Yalota, dią hąle węi maaté tópurótu betteretei, amata dią Dęi Kepe Wisitamo tópuraalo ai ape,” yalepó.

Yesu węi tópurale alaró sų sale alatamo
(*Mat 3:13-17, Luk 3:21-22*)

⁹ Atéyale sukamó, Yesu ą Kaleli hae kwiamó tęne Nasaret be taaróló wapa, Jon-né ą Jordan węimó tópuralepó. ¹⁰ Téro, Yesu ą węi tópuróló hae taopaae hutu betepa, Jon-né ó sępaae kese horalemó hepen, be tų kuti tekée fu dere kaae yóló, Dęi Kepe Wisi ba hąkósere kaae Yesuné ama tikimó bių dorowapa kelalepó. ¹¹ Atéro betepa ó sımó fo tekerótu duraalu, “Yata, yalo mo yaala sókó fóló, hosaa mole Naalepó. Naa dere ala fea mo wisi alatóro dereteiné ę mo doasi hajné sukutapó,” yalepó.

¹² Téyalemó mo ai fapotóroti, kale Dęi Kepe Wisiné Yesu so whįkélé bitini, kópu kęae fi tikipaae seýóló falalepó. ¹³ Yesu ą atéro fóló betepa, be dę whį siki tamo kemeyalepó. Atėpa, Yesu ą dęe nópóló Satan-né ąpaae kae kae sų sere alarape erótu betalepó. ą aimó syaae ęlatamo betepa, me ala yaqsóro Kótóné ama *ensel-rape* dorowóló, Yesu tao salepó.

Yesuné ama yó matere whįrape ą sya ape yale fo

(*Mat 4:12-22, Luk 5:1-11*)

¹⁴ Jon *dipula* betterale kılıpaae, Yesu ą Kaleli hae kwiapaae sókó wóló, Kótóné ama kisi fo wisi so whį feapaae yó mótu betalepó. ¹⁵ Atéro yó mótu duraalu, “Talené eraaire ala ama kóló whįrapené deté wale fo mió i dokonatare ape. Téturaalu, Kótóné tęteróló kaae tare alakélé mió sókó wóló i mole ape. Tėrapa diaaq du betere dowi ala taaróló, tuę tiki feteyóló kale kisi fo wisi wosóló, kisipa tiró betae,” du betalepó.

¹⁶ Atéro, Yesu ą ai Kaleli węi fóku seseķ hutu bituraalu kelalemó, Saimon-ró noma Andrutamo hąleke wané ya su betterepó. Atimaamota, suka fea ya siré kotere whį tamopó. ¹⁷ Atėtu betepa, Yesuné atimaamopaae duraalu, “Diaamo ai ya siré koteretei taaróló, ę sya ape. Ti noatepa mei diaamoné ai ya su dere kaae so whįkélé siré kweyaasepóló, yalo diaamo sóro beteraalopa ape,” yalepó. ¹⁸ Ama ai fo deretamotóro atimaamoné kale ya siré kotere hąleke wa taaróló, Yesu sya felepó.

¹⁹ Atéro ą sawa fóló, kale dere kaae Sebedi naalema Jems-ró noma Jon-tamo

nukumó bituraalu, hãleke warape turukó feletei wisi wisiyóló nomotu betepa ke-lalepó. ²⁰ Atétu betepa, mo ai fapotóróti Yesuné atimaamopaae duraalu, “Diaamo ę sya ape,” yalepó. Tétepa, atimaamoné alima Sebediró ama kutó diratere whırapetamo nukumó betepatei taaróló, atimaamo Yesu sya felepó.

*Yesuné dowi kepe hõkonale fo
(Luk 4:31-37)*

²¹ Atéró, atima fea touyóló Kapeneam bemó sókó fóló, ai bemó kale sãa nõpóló tukóló muló betere sukamó atimané fo wosetere be dolopaae fóló, Yesuné fo yó melaai kaae salepó. ²² Téró, ai kale so whıiné ama yó matere fo wosóló duraalu, “I sekéné yó matere fota, doasi kisipare whırapené dere fo kaae dapóló, siratu betalepó. Kale Moses-né asęre fo yó matere whırapené dãpaae atéró yó mótumipó,” du betalepó. ²³⁻²⁴ Atétu betaalemó, mo ai fapotóróti kale ai fo wosetere be dolomó betã dowi kepe tepeyóló betere whıiné fo fakeyóló duraalu, “Nasaret be whıkó Yesu-ó, naao dãmopaae noa alakó eraai waleé? Dãmo noatepa dóló aluraai waleé? Yãta, dowi ala mo betãkélé munire whı wisinaale betepa, Kótóné sóró kae beteró betteretei, yãlo mo kisiparapó,” yalepó.

²⁵ Tétepa, Yesuné kale dowi kepe foné sóró duraalu, “Fo taaróló, whı tuãmó betteretei sókó fae,” yalepó. ²⁶ Ai fo deremó, kale dowi kepe sókó faairaalu, kale whı tao sóró feseróló fo fakeyóló keterętamo sókó felepó. ²⁷ Atéteremó, kale so whı atimasisitei u wosene i wosene yóló duraalu, “Ita, noa ala yalerópó. Ama i yó matere kisi fota, mo doasi topo whırapené dere fo kaae dapó. Dowi keperapenékélé, mo whıiné dere kaae, ą aqmó sukóló bituraalu, ama yae dere ala motóró dapóló,” siratu betalepó. ²⁸ Atétere ala so whı mo feané kolóló, Yesuné i ala du beterapóló kulu kulu só kotepa, Kaleli hae kwiamó betó mole so whı feané wosalepó.

*Yesuné kisi daae mole so whı wisirale fo
(Mat 8:14-17, Luk 4:38-41)*

²⁹ Atima fo wosetere be taaróló furaalu, Jems-ró Jon-tamokélé dape sóró Saimon-ró noma Andru-tamoné bepaae felepó. ³⁰ Atéró fóló beteremó, kale Saimon so-mané hamasere tiki supu kisiné sukóló mupa, Yesupaae yalepó. ³¹ Tétepa, Yesu kale so kisi dalóló molepaae fóló, ama naasemó tao sóró turukó horalemó, kale soné tiki supu du betaletei tukóló, atimamó ęla kaae sóró biliralepó.

³² Atéyale sukamó, suka doropóló be hoteretamo, mepaae kisi daae mole so whıró dowi kepe tepeyóló betó mole so whıtamo, Yesu betterepaae dapesó wóló betteraleta dua yalepó. ³³ Ai be hulua feamó betó mole so whı wóló, Yesu betere be tu sókó walemó touróló betó molepó. ³⁴ Atéró betó mupa, mepaae kae kae hepo daae mole so whıkélé wisirótua yóo, so whı tuãmó tepeyóló betere dowi keperapekélé hõkonóló sókó fatua yóo, yalepó. Kale dowi keperapené Yesu ą atei kaae whıpóló tuéreteiné mo so whıpaae fo yaqsóró Yesuné ama seséyalepó.

*Yesu ama wotoró bitu momayale fo
(Luk 4:42-44)*

³⁵ Téró, Yesu ą be dęyaaı du betteretamotei turukó holóló ai be taaróló, so whıkélé mei tikipaae fóló, momatu betalepó. ³⁶ Yesu atéró momatu betepa, Saimon-ró ama fulumu whırapetamoné ą kikitu betalepó. ³⁷ Téró, atimané ą kekóló keletepa ąpaae duraalu, “Tale-ó, so whı feané yã mopaae felerópóló kikitu betterapó,” yalepó.

³⁸ Ai fo depa ama atimapaee tokó mótu duraalu, “Dã i be taaróló, felekemó tę mole berapepaae kale fo wisi yó melaai faalopa fiępe. Ti noatepae, ęta ai kutó diyaaıraalu i wóló betere ape,” yalepó. ³⁹ Téró, ą ai Kaleli hae kwia tuãmó tę mole fo wosetere berapemó, kale fo wisi yó melaté kuturaalu dowi keperapekélé dóló hõkonótua yalepó.

*Dowi humu fuluné tiki dore whı wisirale fo
(Mat 8:1-4, Luk 5:12-16)*

⁴⁰ Atéró dowi humu fuluné tiki dore whı betã Yesu betterepaae wóló, bukutiri

tearó bitu i fo yalepó. “Yesu-ó, nao-tamo ę wisiraaí kisipa mutepa, ti wisir-aasepólópó,” yalepó.

⁴¹ Ai fo depa Yesuné kale whi kelalemó, kqlené sukutu ama tikimó naase mulóló duraalu, “Yalo ya wisiraaí kisipa mutapa, wisi yae,” yalepó. ⁴² Ai fapotóro kale whi dowi humu fuluné tiki doretei mo ti wisiyalepó. ⁴³⁻⁴⁴ Atéroró, Yesuné kale whi dotonaaí mo dirii fo yóló duraalu, “Yalo naao tiki wisiralepó fo mo so whipaae momókó deté kwęyaqse. Ya fóló, Kótópaae momatere be kaae tare whirapepaae maaté naao tiki wisiraletei yó melae. Téró, whiné tiki wisirateremó, mo take Moses-né melae yóló ere ęla male fae. Ti noatepae, ai whirapené naao tiki kilituraalu, ita Talené erapó yópóló, yó melaai fae,” yóló dotonalepó. ⁴⁵ Yesuné kale seképaee ai fo yaletéi taaróló, ama tiki wisirale fo so whi feapaae hakeamó yó melaté kwęyalepó. Atéyale tikimó, Yesu ę so whi betó mole kuamó konénipa, so whi bitinire tikipaae bití fua yalepó. Atétua yalemókélé, kae kae tikimó betó mole so whi mo hęle ęla kaae ę beterepaae wuatóro yó tarepó.

2

Yesuné tiki sukóló dęamui whi wisirale fo

(Mat 9:1-8, Luk 5:17-26)

¹ Téró nalo me sukamó, Yesu ę momó Kapeneam bepaae wóló beteremó, so whi mo feané Yesu ama bemó wóló beterapó dere fo wosalepó. ² Ai fo woseturaalu so whi dekéro wale tikimó, be dolokélé, tų sókó walekélé, so whi daayaaire tę munipó. Atépa, atimapaae ama kale fo wisi hakeamó yó mótu betalepó. ³ Yesu ę atéro yó mótu betepa, mepaae douró whirapené betę tiki dęamui whi Yesu beterepaae beleyóló walepó. ⁴ Téyaletei, so whi mo fęanuraalu kale whirape atima whi sóro faaire tę munipa, siki bepaae holóló, Yesu daale mo donotóroti kale siki be keya dolo sokóló tiki dęamui whi beseętamó turó deralepó. ⁵ Atétepa, Yesuné ai kale douró whirapené kisipa tiki tiratere ala kolóló, kale tiki dęamui whipaae duraalu, “Ti

naale-ó, naao yale dowi ala kwia fea mió yalo tokóló aluratapó,” yalepó.

⁶ Yesuné ai fo depa, kale Moses-né asęre fo yó melatere whirape atima tuę tek-itu betalepó. ⁷ “I whi ęta, Kótó kaaepó du betere foné Kótó faletu beterapó. Ti dowi ala kwiata, Kótóné betę sumó aluranérapó,” du betalepó.

⁸ Atima atéro mutu betere tuę tiki Yesuné kisipanétei mo hapale kolóló, atimapaae duraalu, “I kale yale fomó dię noatepa atei kaae tuę mutu bitu de? ⁹ Ti dięsisitei taleyae. Mepaae whiné duraalu, naao dowi ala kwia yalo aluratapó fo so whi feané enérepé, ya turukó holóló naao beseę sóro fae, fo enére? ¹⁰⁻¹¹ Téretei, i haemó betóló fale so whiné dere dowi ala tokóló aluraaire fotokę Whiné Naalemané sumó bulapóló, so whi feané tuę yópóló i dapa, ya turukó holóló naao beseę sóro bepaae fae,” yalepó. ¹² Mo ai fapotóroti, kale whi atima feané keletómó turukó holóló, ama beseę sóro felepó. Atétere ala kolóló, so whi feané sirayóló, atima Kótóné doi hale sóro horótu duraalu, “Mo take bitiré wale alimókélé, dęné etei kaae ala mo kolókélé inipó,” yalepó.

Lipaipaae ę sya ape yale fo
(Mat 9:9-13, Luk 5:27-32)

¹³ Téró etéyalepó. Yesu ę momó węi fókumó fóló beteremó, so whi mo dekéro ę beterepaae wóló betó molepó. Atépa, fo kaae sóro yó melalepó. ¹⁴ Atétu beteró, tųmó furaalu kelalemó, Alpiasné naalema Lipai ę *takis moni* saairaalu kapala tęne furu bemó betepa, ępaae duraalu, “Ya ę sya ape,” depa, kale whi ę turukó holóló Yesu sya felepó.

¹⁵ Atéro Yesu ę Lipainé bemó ęla naai fóló beteremó, mepaae *takis moni* sere whirapekélé, dowi ala dere whirapekélé, Yesuné ama yó matere whirapekélé, ama dere fo wosóló ę sya fu betere so whikélé, fea ęla nuku betalepó. ¹⁶ Atépa, Farisi whiraperó mepaae Moses-né asęre fo yó melatere whirapetamoné Yesu ę dowi ala dere whiraperó *takis moni* sere whirapetamo betámó ęla nuku betepa kelalepó. Atépa, Yesuné yó matere whirapepaae woseturaalu, “A *takis moni*

siré kotere wh̄iraperó dowi ala dere wh̄irapetamotei noatepa ɔla betamó nuku bitu dérópó,” yalepó.

¹⁷ Atéro dere fo Yesuné wosóló atimapaee duraalu, “Hepo daani h̄ale sesere so wh̄i *dokta* beterepaae fumitei, hepo daale so wh̄iró tiki dore so wh̄itamo maaté fua dapó. Atétere kaae, ɛ wale alata wisi ala dere so wh̄ipaae ape yaai anitei, dowi ala dere so wh̄ipaae ape yaai walepó,” yalepó.

*ɔla weteremó Yesupaae wosale fo
(Mat 9:14-17, Luk 5:33-39)*

¹⁸ Téró, Jon-né yó matere wh̄iraperó Farisi wh̄irapetamo atima ai sukamó ɔla weyóló h̄ale beterepó. Tépa, mepaae so wh̄i Yesu beterepaae wóló apaae woseturaalu, “Jon-né yó matere wh̄iraperó Farisi wh̄iné yó matere wh̄irapetamo ɔla weyóló bitu dere kaae, Naaó yó matere wh̄irapekélé ɔla weóló bitini dere noatepa de?” yalepó.

¹⁹ Tétepa, Yesuné atimapaee tokó mótu duraalu, “Kale nomarape atima so dokore wh̄itamo betamó bituraalu, ɔla weyóló h̄ale betaaloé? So dokore wh̄ikélé atima fea betamó betereiteiné ɔla weyóló h̄ale betenénipó. ²⁰ Téretei, me sukamó kale so dokore wh̄i atima betamó betepatei, mené ɔ tawóló só fole sukamó, atima ɔla weyóló h̄ale betó muaalopó.

²¹ Mepaae wh̄iné kisi kuti kwia sóró derɔakele kuti dakoróló nomotumipó. Atétepa, ti kale kisi kuti fe sóró fóló kóputuraalu, derɔakele kuti dotouyó sóró, mo ti bisɔae faalopó. ²² Atétere kaae, mepaae wh̄irapené kale kɔlaa wale kisi *wain* wēi hupu sekaɛné aleyale arói wutimó tepetumipó. Até enalemó, kale wēi mómu sóró faai tóputuraalu, ai kale hupu sekaɛné aleyale arói wutikélé fulukó fóló, wēikélé h̄ale besekéraalopó. Até yaqsóró, atimané kisi *wain* wēi tepeturaalu, ti hupu sekaɛné aleyale kisi wutimótóro tepetua dapó,” yalepó.

*Yesu ɔta s̄a nokole be de Talepó
(Mat 12:1-14, Luk 6:1-11)*

²³ Téró etéyalepó. S̄a nópóló tukóló muló betere sukamó, ɔ ama yó matere

wh̄irapetamo *whit* kutó tuamó kutu betalepó. Atéro kutu bituraalu, ama yó matere wh̄irapené ai kutómó ere *whit* bokóló nukulé fu betalepó. ²⁴ Atétere ala Farisi wh̄irapené kolóló, apaae duraalu, “S̄a nokole sukamóte, naao yó matere wh̄irapené atei kaae ala noatepa yópóló kaae tare? S̄a nokole sukamó kutó ditepa, mo doasi fo mulapó,” yalepó.

²⁵ Ai fo depa, ama atimapaee tokó mótu duraalu, “Depit-ró ama fulumu wh̄irapetamo wotetepa yale ala asemó yóló muló betereitei, diaaɔ dos̄ayóló tuɛ muni airapó. ²⁶ Kótópaae momaratere be Abiatané teteróló kaae tawale sukamó, Depit ɔ Kótóné be dolopaae sókó fóló, Kótóné keletómó melaairaalu muló betere *bred* otei, ɔ wotetepa sóró nalepó. Téturaalu, ama fulumu wh̄irape atimakélé matepa nalepó. Ti ai ɔlata, mo h̄ale wh̄iné nukupa, fo moleteiné kale momaratere be kaae tare wh̄irapené maaté nukua dapó,” yalepó.

²⁷ Téró, Yesuné atimapaee duraalu, “Kótóné wh̄i aleyaleitei, s̄a naai tukóló muló betere be de doi sóró horópóló ini, wh̄i tao saai kisipa mutu, ai s̄a nokole be de tukóló muló beterepó. ²⁸ Atéreteiné Wh̄iné Naalema ɔta, ai s̄a nópóló tukóló muló betere be de teteróló kaae tare Talepó,” yalepó.

3

¹ Téró me sukamó Yesu ɔ fo wosetere bepaae sókó walemó, naase dowi wh̄i betɔ betepa kelalepó. ² Kale S̄a naai tukóló muló betere sukamóte, naase dowi wh̄i Yesuné wisiratémóló kelaai, mepaae wh̄irapené kele mulóló betó molepó. Aita h̄ale mei, kale tukóló muló betere be demóte wh̄i wisiratepa, ɔ só deraai kisipa mutu yalepó. ³ Tépaitei, Yesuné naase dowi wh̄ipaae duraalu, “So wh̄i feané kolópólópa, ya turukó holóló daayae,” yalepó.

⁴ Atéro ama atimapaee woseturaalu, “S̄a nokole sukamó so wh̄i tao sere ala depa fo mulepé, dowi ala depa fo mule? Wh̄i sukaqsóró tao sere ala depa fo mulepé, wh̄i dele ala depa fo mule?” yóló

wosalemó, atimané aṗaae me fokélé tokó menipó.

⁵ Ai wh̄rapené atei kaae dore wh̄paae k̄letere ala ini, dowaae fu betepa Yesu a doasi sek̄i kisipa mutu, atimatamo fopaae buóló kale wh̄paae duraalu, “Naao naase teréḡ falae,” depa, ama naase teréḡ faralemó, kale dore naase mo wisiyó felepó. ⁶ Atéteremó, kale Farisi wh̄rapero Herot-né dere ala sya fu betere wh̄rapetamo belapaae tóḡ fóló daalu, Yesu netéro daaloé? yóló atimasisi k̄laaróló, fo dokotu betalepó.

*Mo turó so wh̄iné Yesu sya fele fo
(Luk 6:17-19)*

⁷ Téró Yesuró ama yó matere wh̄rapetamo ai be taaróló, w̄i k̄la molepaae fóló beteremó, Kaleli haemó betó mole so wh̄i mo fea a sya wou betalepó. ⁸ Yesuné ai alarape du beterapó dere fo woseturaalu, mepaae Judia hae kwiamó betó mole so wh̄ikélé, Jerusalem be hulua so wh̄ikélé, Idomia hae kwiamó betó mole so wh̄ikélé, Jordan w̄i fóku uté t̄ró betó mole so wh̄ikélé, Tair be huluaró Saidon be huluatamo felekemó betó mole so wh̄ikélé, mo fea Yesu beterepaae wou betalepó. ⁹ So wh̄i mo dekéro wóló touró betepa, ama yó matere wh̄rapepaae duraalu, “So wh̄i touró betereiné a daayaaire t̄ munipa, w̄i nuku belek̄amalekó taleyóló mulae,” yalepó. ¹⁰ Ti noatepae, mepaae folosóro hepo dalóló betó mole so wh̄i wisirale ala kolóló, atima mepaae hepo daale so wh̄ikélé wisirópóló kisipa mutu, Yesuné tikimó wolaa yaai dapóló, araletamo t̄té t̄té wou betalepó. ¹¹ Téró, mepaae dowi keperapené Yesu keletere dok̄ a daale aqmó deraapisa fóló fió mulu, fo fakeyóló duraalu, “Ȳta, Kótóné Naalemapó,” dua yalepó. ¹² Ai fo depa, Yesuné kale dowi keperapepaae duraalu, “Ḳta, Kótóné Naalemapóló, mo so wh̄paae h̄keamó momókó deté kweyaq̄se,” yóló doasi fo mulalepó.

*12 aposel wh̄rape sóro beterale fo
(Mat 10:1-4, Luk 6:12-16)*

¹³ Téró, Yesu a du sorokó mole aṗaae horóló bituraalu, ama tuḡ mole wh̄rape maaté dos̄ayóló ape depa, atima a beterepaae walepó. ¹⁴⁻¹⁵ Atéro wóló, aṗamo fulumuyóló betamó betóo, ama fo wisi yó melaté kweyóo, dowi keperape doló h̄konóo yópóló, ¹² aposel wh̄rape sóro beteralepó. ¹⁶ Atima atéro sóro beterale ¹² wh̄rapené doi etérópó. Saimon-tei, me doi Yesuné Pita mulalepó. ¹⁷ Sebedi naalema tamo Jems-ró noma Jon-tamokélé, Yesuné kisi doi Boanersis mulalepó. Ai doi beteta, Be Sapalaané naalema tamopó. ¹⁸ Andru, Filip, Batolomiu, Matyu, Tomas, Alpias naalema Jems, Tadeus, k̄lo k̄loi wh̄i Saimon, Iskariot wh̄ikó Judas atima atéro wh̄i sóro beteralepó. ¹⁹ Kale Iskariot be wh̄ikó Judas-ta, Yesu daai eleké deyale wh̄ipó.

*Yesu Belsebul-pó yale fo
(Mat 12:24-32, Luk 11:14-23, 12:10)*

²⁰ Téró, Yesu a bet̄a be dolopaae wóló beteremó, so wh̄i mo fea momómo tourale tikimó, Yesuró ama yó matere wh̄rapetamo ̄la naaitere t̄kélé munipó. ²¹ Atétu beterapó, dere fo Yesuné hamaró nomarapetamoné wosetu a keyaa fole wh̄i kaae beterapóló, atima Yesu dape saai wóló betó molepó.

²² Atépa, mepaae Jerusalem be hulua wale Moses-né as̄re fo yó matere wh̄rapené duraalu, “Dowi keperapené topo kepe Belsebul Yesu tuamó bitu a fotok̄ratepa, dowi keperape h̄konótua du beterapó,” yalepó.

²³ Ai fo du betepa, Yesuné ai kale so wh̄paae a beterepaae ape yóló atimapaee fo sale forape yóló duraalu, “Satan aṗamo bet̄a kutó ditere hamoma netéro doló h̄konaaloé? Ai kaae ala mo enénipó. ²⁴ Bet̄a doasi topo wh̄iné t̄teró betere be hulua so wh̄i atimasisitei b̄e dupa, atétere be huluarape fotok̄ buóló be-taaloé? Meipó. ²⁵ Bet̄a faketamotei b̄e dupa, ti atétere fake fotok̄ buóló be-taaloé? Mo aténénipó. ²⁶ Atétere kaae, Satan-né ama fulumu wh̄rapetamotei b̄e dupa, ti aṗtei tuamó teketapó. Atéturaalu,

fotokọ buóló betaaire sùni, àtei kemeyaalo ai ape. ²⁷ Mepaae whịné doasi fotokọ bole whị dokóló munéni, h̄le betepatei ama be fulukóló, ọla ọla senénipó. Folosóró kale whị ọpi mo dirii képiné dokó mulóló, nalo ti ama be fulukóló ọla ọla fea sùmó sóró fenérapó. ²⁸ Ȳlo dīpaae mo i dere ape. Kae kae dowi alaró Kótó faletere fotamota, ti Kótóné mo sùmó tokóló aluraalopó. ²⁹ Téyaalotei, mepaae whịné kale D̄ji Kepe Wisi faletepa, atétere so whịné dowi ala kwia mo alukélé eraalomeipó. Ai dowi ala kwia, mo h̄le muó tawaalo ai ape,” yalepó.

³⁰ Ai fota Yesuné h̄le inipó. Atimané duraalu, “Yesu ̄ tuámó dowi keperape tepeyóló bituraalu dapó,” depa, ai fo yalepó.

*Yesuné hamaró nomarapetamo
(Mat 12:46-50, Luk 8:19-21)*

³¹ Ai fo du betepa, Yesuné ama hamaró nomarapetamo wóló be belamó daae mulu, Yesupaae belapaae dere ape yae! yóló yó horalepó. ³² Tétepa, ̄ boperóló betó mole so whịné ̄paae duraalu, “Naao haeró nonaaorapetamoné ȳ k̄le wóló belamó ó daae mole ape,” yalepó.

³³ Ai fo depa Yesuné atimapaae tokó mótu duraalu, “Ti ȳlo hae ó norape-a, de maaté?” yalepó.

³⁴ Ai fo yóló, ̄ boperóló betó mole so whị kelené dokoyóló duraalu, “Ȳlo hae ó norapeta, ti dītóróti i betere ape. ³⁵ Ti noatepae, mepaae so whị de Kótóné ama kisipa mole ala erótu betepa, ti ȳlo no ó ne ó haetóróti ai betere ape,” yalepó.

4

*Ọla wae terepetere fo sale
(Mat 13:1-23, Luk 8:4-15)*

¹ Téró me sukamó ̄ w̄i fókupaae momó fóló bitu, kale fo wisi kaae sóró yó melótu betalepó. Atéró, yó melótu betepa so whị m̄ dekéro waletikimó, ̄ betek̄tepa ai so whị w̄i fókumó betó mupatei, ̄ w̄i nukupaae daane holalepó. ² Ama atéró yó matere kae kae forape fea, fo salenétóro du betalepó. ³ Ama atéró yó mótu duraalu, “Ȳlo i dere fo wosae. Whị bet̄ané ama kutópaee ọla wae

ke terepeyaairaaalu sóró felepó. ⁴ Atéró só furaalu, mepaae ke t̄ tuámó sókó deóló muó mupa barapené dósu yóló nukua yalepó. ⁵ Téró, kale whịné kutómó terepeté kuturaalu, mepaae ke kapo tómó bole haemó terepée durupua yalepó. Até yaleteti, ai hae mo apaae derepéni, kane tómó bole hae ereteiné kale ọla wae mo hapale holalepó. Téyaleteti, feleke hae tūpaae doaló derepénipó. ⁶ Atéró, kale ọla wae holóta yaleteti, mo doasi diri suka wouraalu, kale ọla kapo supuné tukó sóró séli yaairaaalu yalepó. Ti aita, kale ọlané feleke haepaae diriyóló derepénireteiné. ⁷ Mepaae keta, dowi mu daai ne dolomó terepée durupua yalepó. Atéyale ọla wae holaletei, dowi nené bopée sóró muluraalu, du wisiyóló wolenipó. ⁸ Mepaae ke ti hae wisimó terepée durupua yalepó. Atéyale ọlata mo wisiyóló holóló, du woleyalepó. Atéró, bet̄a yo sóró fóló biliyaleteti ̄lumétepa suraalumo, 30-yorape ó mepaae 60-yorape ó 100-yorape f̄anótua dapó,” yalepó.

⁹ Ai fo sale kemetepa, ama atimapaae duraalu, “Dī so whị detamo wos̄li daapa, ti i dere fo sale bete mo wisiyóló wosóló tū munérapó,” yalepó.

¹⁰ Ai fo du beteró, nalo so whị mo fea fi tikimó, ̄ ama wotoró be dolopaae fóló betepa, ama yó matere 12 wh̄raperó mepaae ̄tamo fuluyóló betó mole wh̄rapetamoné ̄paae woseturaalu, “Naao ti yale fo sale d̄a k̄ló k̄lórapa noa betené yaleé?” yóló wosalepó. ¹¹ Ai fo depa, Yesuné atimapaae tokó mótu duraalu, “Tale Kótóné so whị mo fea ama t̄teró kaae tare ala hiróló moletei, dīpaae bet̄a h̄k̄earóló i yó melatere ape. Téteretei, mepaae h̄le mo so wh̄paaeta, ti fo sale foné maaté du beterapó. ¹² Ti aita, i fo betené erapó.

‘Mió atimané kelené kilitu bitutei, ai ọla mo diriyóló tū mutumipó.

Atimané wos̄liné wosetu bitutei, mo diriyóló wosóló, bete kisipa mutumipó.

Ai alatamo ini, atimané dowi ala taaróló, kisipa feteyóló Kótó beterepaae

wapa,
ti atimané yale dowi ala kwia me
qla meipóló, hãle kemeranérápó,' ”
erapó.

13 Téró Yesuné atimapaae duraalu, “I fo sale bete diã tuéni kóló kóló depa, ti mepaae fo sale forapekélé netérómo tué yaaloé? 14 Kale qla ke terepeté kutu dere kaae, Kótóné ama fo wisi yó mótu beterapó. 15 Kale qla wae ke tũmó sorokó doropole kaaeta, mepaae whĩné Talené fo yó matepa so whĩné wosóló, tué tuãmó mulateretei, Satan-né mo hapale tokõsu beterapó. 16 Téró, kale kapo tó mó bole haemó terepée derepele qla wae kaaeta, kale fo wisi wosóló hẽkesetamo sua dapó. 17 Téretei, qla wae feleke haepaae mo ti derepéniru ere kaae, kale fo wisi hãleke sukamó maaté wosóló taalatapó. Ai kale fo wisi woseteremó, mepaae sekẽi ala ó doasi delei ala eratepa, atima téti hapaletóro dée nukua dapó. 18 Kale dowi mu daai ne dolomó terepée derale qla wae kaaeta, kale fo wisi mo wisiyóló wosóló hẽkesené sukutere whĩpó. 19 Téretei, mió i haemó bitu doasi whaaliala du betere alakélé, doasi néli whĩ betenée yóló, mutere kisipané kõpaae faróló dilikitu betere alakélé, mepaae wisi wisi qla senée yóló mutere tué kélé ă tuãmó kaayóló sókó wouraalu, kale fo wisi botokõ sóró alurótu bettereteiné du wisi oletimipó. 20 Hae wisimó terepée derepele qla wae kaaeta, ti kale fo wisi mo wisiyóló wosóló, ama tué tiki tuãmó sóró mulótua dapó. Atétere whĩta, qla wae yo betã sóró fóló biliyaleiteinéte, ɔlumétere alimó suraalu mepaae 30 yorape ó 60 yorape mepaae 100 yorape fãanótua dere kaae, mepaae so whĩ tuãmó Kótóné fo atéro du oletua dapó,” yalepó.

*Sã dalóló hãkeamó mulatere fo
(Luk 8:16-18)*

21 Téró ama atimapaae duraalu, “Sã dẽróló nuku aqmó ó me ni fake aqmó kinóló mulótimipó. Téni, ai sã dẽ so whĩ feané kolõpóló, sã daalateré ni fake tó mó fopa hãkeamó mulótua dapó. 22 Ti mió kikiti hiró betere qla feata, take nalo hãkeamó mulaterepa so whĩné tué yõpóló

erapó. Mió kinóló muló betere qla fea take nalo hãkeamó mupa, so whĩ feané kolõpóló erapó. 23 Diã mepaae so whĩ woséli daapa, ti i dere fo sale bete mo wisiyóló wosóló tué yõpóló yae,” yalepó.

24 Atéro, ama yale fo kaae atimapaae momómo duraalu, “Yãlo diãpaae i dere fota mo wisiyóló wosóló tué muae. Naa meteró qla atimamó matepa, ti Kótóné yãmókélé naao ai matere sũtóróti móturaalu, mepaae tó mó belerólókélé melaalo ai ape. 25 Whĩ me dené ama tare ɔlatamo tawóló betepa, ti atétere whĩpaae ama ai tare tó mó, Kótóné me kae beleróló melaalopó. Whĩ me denétamo me ɔlakó tanipa, ti ai sekẽné ama mo sawa tareteikélé, Kótóné momó tokõ saalo ai ape,” yalepó.

Qla wae hoterepaae dó faróló yale fo

26 Téró ama kale yale fo kaae momó duraalu, “Kótóné tẽteróló kaae tare aqmó betere alata, ti betã whĩné kutómó qla wae ke bilitu dere kaaepó. 27 Atéro biliyale kũlipaae dẽtamo ó dilikitamó fipa, ó turukó horóló betepakélé, kale biliyale qla wae tũmu haemó noaró sokotérópóló, kale whĩné ama tué mutumipó. 28 Ere qla feata, haenéte fotokõróló sókó hotapó. Tũmupi sókó horóló, sóku woleyóló, nalo ti fua dua dapó. Atéro fua yóló, tuã dolomó ti whĩné naaire ke butapó. 29 Ai kale qla ɔlumétere alimó, ti kale kutó tale ă sepaketamo fóló, ɔlumére qla siré kotapó,” yalepó.

*Mastard kepaae dó faróló yale fo sale
(Mat 13:31-35, Luk 13:18-19)*

30 Téró, atimapaae kale fo kaae momó duraalu, “Kótóné tẽteróló kaae tare aqmó mole ala diaaɔ kispã yõpóló, yãlo noa ala sũróló yó melaaloé? Me noa fo salepaae dó faróló yaaloé? 31-32 Kótóné tẽteróló kaae tare aqmó mole alata, *mastard* ni ke kaaepó. Ti *mastard* ni keta, mo sawa belekãamalete, haemó bilitepa huturaalu, ti kutómó mepaae yó mole qla fea tẽteróló, tetejrape fõlo fua dapó. Atéro, doasi tẽi fale sirimó barape daaneta dapó,” yalepó.

³³ Yesuné so wh̄ipaae fo yó móturaalu, atei kaae fo salenétóro dekeró yó mótu betalepó. Téturaalu, atima so wh̄iné wosóló kisipa yaaitere s̄utóro yó melaté fu betalepó. ³⁴ Ama fo yó matere dok̄o h̄ale mo so wh̄ipaaeta, ti fo sale fonémaaté yó mótua yalepó. Téyaleteti, ama yó matere wh̄irape atimasisi bituraalu, ti ama yó matere forape fea bete tokóló yó mótua yalepó.

*Yesuné w̄ei asya bérale fo
(Mat 8:23-27, Luk 8:22-25)*

³⁵ Atétu betero, be dikiteretamo ama yó matere wh̄irapepaae duraalu, “D̄a nukutamo uté t̄e faalopa fiépe,” yalepó.

³⁶ Ai so wh̄i atima w̄ei fókumó betó mupatei taaróló, Yesu ̄a nukumó h̄ale betepa, ama yó matere wh̄irape atima maaté felepó. Atéro fupa, mepaae nukurapekélé, atima fea betamó felepó.

³⁷ Téro ai w̄ei tuamó fu betaalemó, doakale bes̄e tikiró w̄ei asyatamo hapale sókó wouraalu, w̄ei nuku dolopaae bosene dorowóló, kale nuku mo felekemó buó deyaa yalepó. ³⁸ Até depatei, Yesu ̄a nuku sisóratere salemó toró mulóló noke fipa, ama yó matere wh̄irapené ̄a turukuróló duraalu, “Yó matere wh̄i-ó, d̄a w̄einé mió mo felekemó sóro i aluratapa, naao d̄a kolenié?” yalepó.

³⁹ Atétepa, Yesu ̄a turukó holóló, kale w̄ei asyaró bes̄e tikitamo foné sóro duraalu, “Ai wh̄aau yóló hoteretei taaróló, béyóló dono fae,” yalepó. Téyaalemó, kale w̄ei asyaró bes̄e tikitamo tukóló béyóló dono felepó.

⁴⁰ Ai fo yóló, ama yó matere wh̄irapepaae duraalu, “Dīa noatepa wiyóló diri furu furu dute? Dīa tué tiki tiróló bitini airapó,” yalepó.

⁴¹ Ai fo deremó, winé sukóló atimasisitei duraalu, “Haió! ̄a noa wh̄iné dérópó. Kale w̄ei asyaró bes̄e tikitamonékélé, ama dere fo wosóló, ̄a aomó sukóló bitupó,” yalepó.

5

*Dowi kepe betere wh̄i wisirale fo
(Mat 8:28-34, Luk 8:26-39)*

¹ Téro, atima ai w̄ei k̄ela t̄eyóló Kadarin wh̄irapené hae kwiamó sókó felepó.

² Atéro fóló, ̄a nuku taaróló hae taopaae taae felemó, bet̄a dowi keperape tepeyóló betere wh̄i, wh̄i douratere tikimó biti Yesutamo hokolaayaa yalepó. ³ Ai wh̄i ̄a mo bemó bitini, wh̄i dou tómó bitua yalepó. Atére wh̄i mené mo képiné ó dirii *sein* képinékélé ̄a dokonénipó. ⁴ Take suka fea *sein* képiné ama hóró naasetamo dokotua yalemó, ama fotok̄onéte h̄ale turukó falatua yalepó. Atéreteiné wh̄inékélé ̄a tawóló dokóló béranénipó. ⁵ Ai wh̄i ̄ata, sukatamokélé, dikitamokélé, be d̄etere dok̄o fea wh̄i dou tómó bituraalukélé, du sorokó mole tikimó bituraalukélé, doasi keteré yóló, amatei ama tiki kapo fosóné tikitua yalepó.

⁶ Atétu betere sekéné Yesu mo umó daapa ̄a sururu yóló wóló kelalemó, Yesu doa wh̄ipa kilituraalu, ama hó aomó bukutiri teyaró bit̄i derepelepó. ⁷ Atéro bitu, fo fake yóló Yesupaae duraalu, “Ȳata, ó s̄a taoró t̄eteró betere Tale Kótóné Naalemapa, naao ̄epaae noa alakó eraai waleé? Naao ̄e dele seróló susupu eraalomeipóló, Kótóné doi yóló dirii malo dumié?” yalepó. ⁸ Ai fo depa, Yesuné kale wh̄ipaae duraalu, “Dowi kepe-ó, ȳa ai wh̄i tuamó betereitei taaróló sókó fae,” yalepó.

⁹ Ti fo fóló, Yesuné ̄apaae woseturaalu, “Naao doi deé?” depa, ama tokó mótu duraalu, “Ȳalo doita Lisanipó. D̄a mo h̄ale ̄la kaae i betó mole ape,” yalepó. ¹⁰ Atéro Yesupaae atima betere tiki taaróló f̄ópóló h̄okonāose fo momó du, momó du, du betalepó.

¹¹ Ai du sokore aomó, hupurape mo h̄ale ̄la kaae kimimó daae molepó. ¹² Atépa, kale dowi keperapené Yesupaae duraalu, “D̄a ai hupurape tūapaae bit̄i derepaai dapa, naao d̄a dotonaasepe,” yalepó. ¹³ Ti fo deremó, Yesuné atimapaee téyae, depa atima kale wh̄i tuamó betaleteti taaróló sorokó furaalu, hupurape tūapaae bit̄ita yalepó. Atétepa, kale hupurape atima botokó feletikimó, kulamó doropóló w̄einé sorokó fóló, mo fea sisiraae felepó. Ai hupurape dok̄o sóro touróturaalu, 2,000-rópó.

¹⁴ Atétere ala kolóló, kale ai hupurape kaae tare wh̄irape atima botokó fóló, ipu

bemó betó mole wh̄raperó doasi be hulamó betó mole wh̄rapetamopaae i ala yalepóló ene felepó. Tétepa, kale so wh̄ atima doasi be hulua tuamó noa alakó du bitu dérópóló, kelaai felepó. ¹⁵ Atéró, atima Yesu betere tikimó sókó wóló kelalemó, dowi keperape mo h̄le ɔla kaae tepeyóló betale wh̄tei kuti wisi deróló mo kisipa wisi mole wh̄ kaae betepa kilitu, atima wiyalepó. ¹⁶ Téró, ai ala depa kelale so wh̄iné mepaae wale so wh̄paae i kale wh̄ tuamó betale dowi keperape h̄konale alaró hupurapepaae erale alatamo fea yalepó. ¹⁷ Atei fo woseturaalu, so wh̄iné Yesupaae, “Ȳa atima betere hae kwia taaróló fae,” yóló, s̄tu betalepó.

¹⁸ Ai fo deremó, Yesu ̄ nukupaae bit̄i derepaai depa, kale dowi kepe tepeyóló betale wh̄iné Yesupaae, “Ākélé ȳatamo fenére?” yóló wosalepó. ¹⁹ Tétepa, ai wh̄ ̄tamo faai waqsóro seséyóló duraalu, “Talené k̄lené sukutu ȳapaae erale ala naao hae aya, no nerapepaae yó melaai fae,” yalepó. ²⁰ Ai fo depa, kale wh̄ ̄ atéyale tiki taaróló, Dekapolis be huluarapepaae fóló, Yesuné ̄paae erale ala so wh̄ feapaae yó melalepó. Téyalemó, kale so wh̄ mo feané ai dere fo woseturaalu, haió! yóló siratu betalepó.

Suk̄le senaaleró bet̄ kisi daale sotamo wisirale fo

(Mat 9:18-26, Luk 8:40-56)

²¹ Téró, Yesu ̄ nukumó kale w̄ei momó ipaae t̄e wóló daapa, so wh̄ mo dekeró ̄ beterepaae boper̄ale wóló betó molepó. ²² Yesu ̄ atéró beteremó, Kótóné fo wosetere be kaae tare topo wh̄ Jairus wóló Yesu kelalemó doasi wh̄pa kilitu, ̄ daale aqmó deraapisa fóló muluraalu, i fo yalepó. ²³ “Doa wh̄-ó, ȳalo senaale felekemó suk̄ai depa ̄ ȳa k̄le walepa, kisi bete wisi ȳópóló, ama tikimó naao naase mulaasepóló mo miótóro d̄amo wusuró faalopó,” du betalepó.

²⁴ Ai fo depa, Yesu ̄ kale wh̄tamo wusuró fupa, so wh̄ mo feané atimaamo busuró felepó. ²⁵ Atima atéró fu betepa, 12 ba fo tuamó hepo daalu samea fu betere so bet̄ walepó. ²⁶ *Dokta*

wh̄rape feané kale so wisiraaai dapóló, fea ala fea yalemó wisini, atimané ai yale alané kale soné kisi betetei mo ti fake yalepó. Téturaalu, ama *monikélé* h̄le kemeralepó. ²⁷ Yesuné mepaae so wh̄ wisiraté kutu beterapó dere fo kale soné wosóló, ̄ so wh̄ kuamó buté buté wóló, Yesuné kuti salemó wolaayó salepó. ²⁸ Ti noatepae, kale soné ama tuéné Yesuné kutimó maaté wolaa depa, ama tiki tuamó daale kisi bete wisiyaalopó kisipa mutu wolaayalepó. ²⁹ Atéró, wolaa deretamotóro kale so ̄ samea fu betaleteti tiki-turaalu tiki felétepa ama kisi bete mo ti kemeyalepó kisipa mualepó.

³⁰ Até yale tikimó, Yesuné ama fotok̄ sókó foleteti kisiparu, ̄ so wh̄ kua dolomótei fetée fóló duraalu, “Ȳalo kutimó né wolaa yaleé?” yalepó.

³¹ Tétepa, ama yó matere wh̄rapené ̄paae tok̄ó mótu duraalu, “Mo turó so wh̄iné ȳa ai betekini betekini du beterapa, ̄ né wolaa yaleé? fo-a, noatepa de?” yalepó. ³² Tétepa, Yesuné ̄ wolaayale wh̄ kelaai kelené dok̄ du betalepó. ³³ Atétepa, kale soné ̄paae erale alamó tué muturaalu, ̄ witamo diri furu furu du bitu Yesu daale aqmó deraapisa fóló mulu, ama mo yale alatóro fea Yesupaae h̄kearóló yó melalepó. ³⁴ Tétepa Yesuné kale sopaae duraalu, “Ti senaale-ó, naao tué tiki tiró betale alané ȳa dele su betale kisi bete ai wisiyalepa, naao hosaa muni deóló dua fae,” yalepó.

³⁵ Kale sotamo ai fo du betepatei, Kótóné fo wosetere be kaae tare wh̄ Jairus-né ama be wh̄rape wóló ̄paae duraalu, “Naao senaaleta mo ti suk̄lepa, ai yó matere wh̄paae naao me fo kae ini, ama teópóló taalae,” yalepó.

³⁶ Ti fo depa Yesuné atimané ai dere fo sisópaae eróló, kale fo wosetere be kaae tare wh̄paae duraalu, “Ȳa wh̄alia yóló dei tué muni, tué tiki bet̄ tirae,” yalepó.

³⁷ Mepaae wh̄rape ̄tamo faaitapóló waqsóro seséyóló, Pita, Jems, ama noma Jon atima bet̄ ̄tamo faai dape salepó.

³⁸ Atima atéró fóló, kale fo wosetere be kaae tare wh̄iné bemó sókó felemó, so wh̄ mo h̄le ɔla kaae kale senaale bopé

tómó betó muluraalu, mo dekené sukɪ moló yóo, mepaae so whɪ ti atima hosaa tuamó dekené sukuturaalu, wole kaape maaté dorowóo, mepaae so whɪ ti hɛle fo tiki whaa yóo, du betepa kelalepó. ³⁹ Atéro, Yesu ɔ be tuapaae fóló, aimó betó mole so whɪpaae duraalu, “Diɔ fo tiki whaaró wole-utamo noatepa du bitute? Ai senaleta mo ti sukuni, kapala noke ai fire ape,” yalepó. ⁴⁰ Ama ai fo deremó, kale so whɪné ɔ dɔ nalalepó. Tétepa, Yesuné mo so whɪ fea belapaae hɔkó faróló, ɔtamo wale whɪraperó kale senaalené hamaró alimatamo betɔ kale senaale mole be dolopaae felepó. ⁴¹ Téro, Yesuné kale senaale naasemó tao sóró duraalu, “*Talita kum*” i fo feteyóló “Ti senaale-ó, yɔlo yapaae dapa turukó holae,” yalepó. ⁴² Ai fo deretamotóro kale senaale turukó horóló kweyalepó. Ai senaale ɔ betale ba fota, 12-rópó. Ai be dolomó ɔtamo daae mole so whɪné atétere ala kilituraalu, hai-ó! yóló siratu betalepó. ⁴³ Atéro, Yesuné atimapaae i ala yalepóló mepaae so whɪpaae momókó deté kweyaɔse yóló fo mulóló, kale senaalemó ɔlakó melae yalepó.

6

Kótóné kɔló whɪ ama bemó doi munire fo
(*Mat 13:53-58, Luk 4:16-30*)

¹ Téro Yesu ɔ atéyale be taaróló, ama yó matere whɪrape atima ama turuku be huluapaae felepó. ² Atima atéro fóló bituraalu, kale sɔa nóló beterópóló tukóló muló betere sukamó ɔ fo wosetere be dolopaae fóló, fo kaae sóró yó melalepó. Atéro yó melalemó, so whɪ feané ama yó matere fo wosóló sirayóló duraalu, “I whɪné ama tué tiki dotoróɔ fóló du betere doasi kelemei alarape-a, momó salerópó? ³ Ti ɔta whɪ me kae mei, kale Mariané naalema be tɛtere whɪ meié? Ama nomarapeta, Jems, Joses, Saimon, Judas-sépi atima imó bitinié? Ama nemarapekélé, dɔtamo i betó mole ape,” yóló atimané ɔ hɛle mo whɪ nisiyóló dei tué muturaalu faletu betalepó.

⁴ Ai fo depa Yesuné atimapaae duraalu, “Kótóné ama kɔló whɪ kae be huluapaae fupa ti ai so whɪné ɔ dukiróló, ama doi sóró horótu beteretei, ama kekelé so whɪró ama turuku be hulua so whɪtamóné ɔ dukiróló, ama doi mulatere ala dumipó,” yalepó. ⁵ Atéro ɔ ai bemó bituraalu, mepaae kelemei alarape erénitei, betɔ betɔ hepo daae mole so whɪ maaté ama naase mulóló, wisirótua yalepó. ⁶ Atéro, so whɪ feané ɔpaae tué tiki tirénitere noatepa dérópó kisipa mualepó. Téro, felekemó tɛté fale be hulua dokɔ Yesuné kale fo wisi yó melaté fu betalepó.

Yesuné 12 whɪrape dotɛyale fo
(*Mat 10:5-15, Luk 9:1-6*)

⁷ Ama sóró betéro betere 12 whɪrape ɔ beterepaae ape yóló, so whɪ tuamó betere dowi keperape doló hɔkonópóló, atima fotokɔ bulóló sóró beteralepó. ⁸ Atéyale kɪlipaae atima tamo tamo yóló dotonaaairaalu, etei ma fo yalepó. “Diɔ furaalu mepaae nokole ɔlakélé, *monikélé* to dolomó bulóló faɔse. ⁹ Tétu, bukaaie kutikélé me dekaaporóló sóró feni, hɔleke be betɔ horóló, dotó tiki tawóló fae. ¹⁰ Diɔ me be huluamó sókó furaalu, betɔ whɪné bemó fitepa, ti ai bemótóro bitiré fóló, me bepaae furaalu, ai be taalae. ¹¹ Kale dere kaae, diɔ me be huluamó sókó fɛlalemó, diɔ wisiyóló dape seni yóo, diaaɔ dere fokélé woseni yóo depa, diɔ faairaalu i ala yae. Ai be hulua so whɪ diaaɔ atimapaae wisi ala eraai yalemó, atimanétei hótépa taaróló felepóló kisipa yópóló, diaaɔ hɔleke bemó dakere hae terepée deróló fae,” yalepó.

¹² Atima atéro fóló, kale fo wisi yó mótu duraalu, “Diaaɔ dowi ala taaróló tué tiki feteyóló betenérápóló,” yó melaté kutu betalepó. ¹³ Atima atéro kuturaalu, mepaae so whɪ tuamó betere dowi keperape doló hɔkonótua yóo, mepaae kisi dalóló mole so whɪ *wel* wɛi dilóló wisirótua yóo, yalepó.

Jon depa tikale fo
(*Mat 14:1-12, Luk 3:19-20, 9:7-9*)

¹⁴ Yesuné erótu betere kelemei ala so whɪ feané kolóló duraalu, “Aita, wɛi

tópuratere whikó Jon mo sukópóló daletei, momó kepaayóló beterapó. Atére fokóné ama mepaae doasi kelemei alarape erótu beterapóló,” so whiné ama doi só kotere fo kale topo whi Herot-né wosalepó.

¹⁵ Atépa mepaae so whiné duraalu, “Aṭa Iaija kepaayóló beterapó,” depa, mepaae so whinémo duraalu, “Aṭa, Kótóné kóló whikó du yalepó,” du betalepó.

¹⁶ Atéro kulu kulu só kotere fo topo whi Herot-né wosóló duraalu, “Ai whita me kae mei, yało depa tukóló dale whi Jon momó kepaatu yalepó,” yalepó.

¹⁷⁻²⁰ Ai alata hałe ini, Filip-né so Herodias noma Herot-né tokóló dokalepó. Atéteremó, Jon-né kale topo whi Herot-paae, “Naao noné sotei tokóló dokotere ala fo mulapó,” yalemóte, Herot-né ama diki tare whirapepaae Jon dapesó fóló, dirii kápiné dokóló, “*Dipula* beterae,” yalepó. Atéteremó, kale so Herodias a doasi fopaae buturaalu, Jon daaitere tu kikitu betalepó. Téyaletei, Herot-né Jon a mo donoi alamaaté yó tapa, Kótóné mo kae betero betere whi wisipóló kisipa mutu, ama somané yaai dere ala seséyalepó. Ti noatepae, Herot-né Jon-né du betere fo ekęle yóló wosetu betaletei, ai foné bete ama kisipa seni, kóló kóló yalepó.

²¹ Téro, Herodias-né Jon daaire tu keketé fóló, nalo ti etei kaae tu kelalepó. Herot a deale be de wapa, ama sóro betero betere doasi whirapemókélé, ama diki tare whirapené topo whirapemókélé, Kaleli haemó betó mole doi mole whi disirapemókélé, mo doasi ęla deralepó. ²² Atima atéro ęla deyóló nuku betalemó, kale so Herodias-né senaalema sókó wóló, kęliyaletiné Herot-ró ama ęla naai wóló betó mole so whitamó doasi hękeserótu betalepó. Atéteremó a hękeseturaalu, kale topo whiné kale so seimalepaae duraalu, “Ya noa ęlakó saai tuę mute? Naao saai tuę mutere ęla yało melaalopa, ępaae yae,” yalepó. ²³ Atéro, Herot-né kale so seimaletamó mo dirii fo yóló mulótu duraalu, “Yało tęteróló kaae tare haekélé tuamó tekeyóló, ó mepaae ęla ęla kwiapaae ya

saai tuę mutepa, yało ya melaalopó,” yalepó.

²⁴ Ai fo depa kale so seimale a fóló, hamapaae woseturaalu, “Ęmó noa ęlakó melópóló ępaae yaróe?” depa, hamané duraalu, “Kale węi tópuratere whi Jon depa tukóló, ama topo du betę ęlae yae,” yalepó.

²⁵ Ti fo depa, kale senaale hamané dere fo wosóló, a kale doasi topo whi Herot beterepaae fóló duraalu, “Kale węi tópuratere whi Jon-né topo mo miótóróti tukóló, nuku tómó beleróló ęlae,” yalepó.

²⁶ Kale senaalené ai fo deremó, Herot a fomo duraalu, kutiri humula yalepó. Téyaletei, ama ęla naai wóló betó mole so whi feané keletómó, ama yóló mulale dirii fo tikinépa, téyaalopó yalepó.

²⁷⁻²⁸ Atéro, Herot-né hapale tętítóro kale whi du betere whipaae duraalu, “Ya *dipula* bepaae fóló, Jon depa tukóló ama topo du sóro ape,” yóló dotęyalepó. Tétepa kale whi fóló, Jon depa tukóló topo nuku tómó beleróló sóro wóló, kale so seimalepaae melatepa, amamo hamapaae male felepó. ²⁹ Jon atéro depa tikalepó dere fo woseturaalu, ama yó matere whirape wóló, ama tupuló tiki betę sóro whi bulatere kane dolomó douralepó.

Yesuné 5,000 whi ęla melale fo (Mat 14:13-21, Luk 9:10-17, Jon 6:1-13)

³⁰ Téro Yesuné dotęyale, aposel whirape atima a beterepaae fesaae wóló Yesu boperóló daalu, atimané yó male foró yale alatamo ępaae yalepó. ³¹ Atéro yó mótu betepa, so whi mo fea fua wua du bituraalu atima ęla naaire tękélé munipa, Yesuné atimapaae duraalu, “Da i betere tiki taaróló, so whi bitinire tikipaae ęa nóló bitę faalopa ape,” yalepó.

³² Atéro, atimasisi so whi bitinire tikipaae betaai węi nukumó felepó.

³³ Téyalemó so whi feané atima foleteti kolóló, atimatamo hokolaa yaairaaalu, Yesusépi faai dere tikipaae hae tumó so whi atimapi hapale sókó fóló betó molepó.

³⁴ Atéro, Yesusépi atima nuku taaróló, haepaae taae doropóló kelalemó, so whi mo hałe ęla kaae wóló betó molepó. Ai

so wh̄ita kaae tare wh̄i meiyóló, atima k̄leaané betó mole *sipsip* hupurape kaae betepa kilitu, Yesuné atima k̄lené suk̄lepó. Téturaalu, Yesuné atimapaee bete mole forape fea yó melaai kaae salepó.

³⁵ Atéró yó melaté fu betepatei, be mo ti dikiyalepó. Atétepa, ama yó matere wh̄irape ̄ daalepaae wóló duraalu, “Doai so wh̄i-a, wh̄ikélé bitinire tikimó betepatei, be ai diki yale ape. ³⁶ Térapa, ti felekemó t̄ mole beraperó ipu berapetamopaae ̄lakó atimanétei dupuyóló naleta yópóló, dot̄yaasepe,” yalepó.

³⁷ Ai fo depa ama atimapaee duraalu, “Atimané naaire ̄la diaātei melae,” depa, atimané ̄paae duraalu, “Atima naaire ̄la 200 *denarias moniné* s̄mó dupunére?” yalepó.

³⁸ Ai fo depa ama atimapaee duraalu, “Ti wisirapa, *bred* o bulakó meteró muléro k̄le fae,” yalepó. Ai fo depa, atimané k̄le fóló ̄paae duraalu, “*Bred* o bula aporó yóo, ya tamo yóo yóló bet̄a mulapó,” yalepó.

³⁹ Atépa ama atimapaee duraalu, “Bukóló kae kae beterae,” yalepó. ⁴⁰ Ai fo depa, ama yó matere wh̄irapené kale so wh̄irape dos̄ayóló, 100 wh̄irape bet̄apaae yóló kae beteroó, mepaae 50 wh̄irape bet̄apaae yóló, kae beteroó, yalepó. ⁴¹ Atéró beteroóló, kale *bred* o bula aporó yóo, ya tamo yóo yóló, taru hepen-paae kese horóló momaturaalu, Talepaae mo kée yóló kemetepa, kolokóraalu yóló, ama yó matere wh̄irapepaae melalepó. Tétepa atimanémo mo so wh̄imó ̄liralepó. ⁴² Atéró, ai ̄la atima mepaae so wh̄i h̄sókó dini, mo fea s̄mó nalepó. ⁴³ Atéró nóló muni fele *bred* oró ya bukitamo ama yó matepa, wosetere wh̄irapené siré kw̄eyóló, 12 yorape deyóló f̄analepó. ⁴⁴ Soraperó naale senaaletamo dos̄ani, ai ̄la nale wh̄irape maaté dos̄ayóló touróturaalu, 5,000 wh̄irapepó.

⁴⁵ Atétu beteroó, mo ai fapotóróti Yesu ̄ ai touró betere so wh̄ipi f̄ópóló kaae taru, ama yó matere wh̄irape atimapi w̄i nuku s̄oró Betsaida bepaae f̄ópóló, dotonalepó. ⁴⁶ Atéró, nalo Yesu ̄ ama wotoró bituraalu, so wh̄ipaae k̄le-ó yóló f̄ópóló dotonóló, ̄ du sorokó mole āpaae moma yaairaaalu felepó.

⁴⁷ Atéró be dikité dorowaletamo, Yesuné ama yó matere wh̄irape atima nukutamo w̄i kulu tūmó fu betepa, ̄ ama wotoró w̄i fókumó beterepó. ⁴⁸ Atéró bituraalu kelalemó, ama yó matere wh̄irape atima nuku bisiki fotok̄yóló ̄tu betepa kelalepó. Ti noatepae, atima faai fole tikiró bes̄ tiki wouraalu, fotok̄né bisiki t̄tepa, mo fotok̄yóló ̄tu betalepó. Atétu betepa, be mo d̄yaai du beteretamo Yesu ̄ atima dekeróló faai, w̄i tómó daaté walepó. ⁴⁹ ̄ w̄i tómó atéró daaté waletai atima feané kolóló, kepe wale nisiyóló wituraalu atima keter̄e yalepó. ⁵⁰ Até deretamo Yesu s̄okó wóló atimapaee duraalu, “Ita ̄pa, wiyāse. Diaā hosaa diriyóló dua betae,” yalepó.

⁵¹ Yesu atéró w̄i tómó daaté wóló, nuku tūpaae taae holalemó, kale wou betale bes̄ tiki tikalepó. Atétere ala kolóló, kale wh̄irape atima siratu betalepó. ⁵² Atéró ̄la kolokó daalu yóló nale bete atima wisiyóló kisipa muni, atimané tū tiki hapólu ipakalepó.

⁵³ Atéró, atima w̄i t̄ Kenesaret haeró fóló, kale nuku ai dulalepó. ⁵⁴ Atima atéró, nuku dulóló haepaae taae feletamotóró so wh̄i mo feané Yesu kilitu, ̄ Yesupóló kisipa yalepó. ⁵⁵ Atéró, Yesu kelale so wh̄i mo hapale fóló, ai hae kwiamó t̄ mole be hulua feamó hepo daróló betó mole so wh̄i beleyóló, Yesuné wisir̄póló, ̄ kotere tiki dokosó fua yalepó. ⁵⁶ Atéró Yesu ̄ sawa be huluarapepaaekélé, doasi be huluarapepaaekélé, ipu berapepaaekélé, kotopa so wh̄iné ai ala deté kutu betalepó. Atéturaalu, mepaae ai be hulua amó hepo dalóló betó mole so wh̄i ̄la dupuneta dere tikimó beteraleta yalepó. Atéró betó mulu, Yesupaae woseturaalu, “Naao kuti salemó maaté d̄ané wolaa yó su yaaitapóló,” dotopoi fo du betalepó.

*Yesu w̄i tómó daaté fele fo
(Mat 14:22-33, Jon 6:16-21)*

Atéró, Yesuné kuti salemó maaté wolaa yale so wh̄i fea wisitua yalepó.

7

Bólu inipatei fokotere fo (Mat 15:1-20)

¹ Atéró, kale mepaae Farisi wh̄iraperó Moses-né yóló muló betere fo yó melatere wh̄irapekó mepaae wh̄irapetamo atima Jerusalem be taaróló, Yesu beterepaae wóló ̄ bopéróló betó molepó. ² Atima atéró wóló betó mulu, Yesuné yó matere wh̄irape atima naase fokoni, ̄la nuku betepa kelalepó. Atétepa, kale wh̄irapené duraalu, “D̄ ̄la naai naase fokutu dere kaae atimakélé fokotere noatepa dérópó,” du betalepó. ³ Ti noatepae, kale Farisi wh̄iraperó Judia wh̄irapetamo atima alimarapené mara mole ala sya furaalu, naase bólu epa, ó bólu inipatei naase fokonitepa, ti atima ̄la naalomeipó. ⁴ Atéturaalu, atima ̄la dupuneta dere tikipaae fi wóló, atimané tiki bólu inipakélé w̄i tópunipa, ti atima ̄la nukua dumipó. Téturaalu, atimané alimarapené kae kae mara mole alarapekélé hotowa yóló sya fu dere kaae, atimané ̄la detere wutirape ó w̄i nokole wutirapekélé fea fokóló nukua dapó.

⁵ Atéreteiné kale Farisi wh̄iraperó Moses-né as̄ere fo yó matepa wh̄irapetamoné Yesupaae duraalu, “Naao yó matere wh̄irapené d̄ané ayarapené mara mole ala sya fóló, atimané naase fokonipatei ̄la nukua dere-a, noatepa de?” yalepó.

⁶ Ai fo depa Yesuné atimapaee tokó mótu duraalu, “Kótóné ama k̄lóló wh̄i Aisaiané dī tó tikiné sik̄lire wh̄irapemó tūe muturaalu, i fo mo donotóro as̄eyóló muló beterapó.

‘I so wh̄i atimané hosaa tūamó ̄ sóró beterénirutei, h̄le k̄lóné maaté ȳlo doi hale sóró horótu beterapó.

⁷ Atimané yó mótu betere fota, bete munipatei mo wh̄iné kisipané kekeme nóló i ala yae ó yāse du beterapó.

Atima ̄ aq̄mó bitinirutei, h̄le foné maaté Tale-ó du beterapó,’ erapó.

⁸ Ti diaāq̄ ayarapené mara mole alatóro h̄le sya fu bituraalu, Kótóné yae yóló

muló betere fo eréni, taaló ai betere ape,” yalepó.

⁹ Téró ama atimapaee duraalu, “Kótóné yae yóló muló betere fo sisópaae eróló, dīané ayarapené mara mole ala wisirapóló ai sya fu betere ape. ¹⁰ Ti noatepae, Moses-né i fo as̄eyóló muló beterapó.

‘Naao ayaró haetamo aq̄mó sukóló bituraalu, atimaamoné doi hale sóró horótu betae,’ erapó. Me fo i ape. ‘Mepaae wh̄iné ama hamaró alimatamo tekeratere fo depa, atétere wh̄i mo ti sukópóló dae.’ fo as̄eyóló muló beterapó.

¹¹ Ai fo epatei, diaāq̄ i fo du beterapó. ‘Mepaae wh̄iné ama hamaró alimatamopaae duraalu, “Ȳlo mole ̄la ̄la diaamo tao sóró móluq̄tei, Kótópaae melaleteiné dīamo werapó. Ȳlo mole ̄la feata, Koropani, ai fo feteyóló Kótó melale ̄lapóló mo so wh̄iné supa, ti fo mulapó,” ’ dua dapó. ¹² Kale mepaae wh̄iné ama hamaró alimatamo tao saairetei diaāq̄ atétere alané sesétu beterapó. ¹³ Ti dīq̄ta, diaāq̄ ayarapené mo deté wale mara mole ala sya furaalu, Kótóné fo h̄le ̄la kaae aq̄rótu beterapó. Take ai ala deté wale kaae, mió diaāq̄kélé atei kaae alarape h̄ko ai du betere ape,” yalepó.

¹⁴ Téró, Yesuné kale mo so wh̄i ̄la beterepaae momó ape yóló duraalu, “Dī feané ȳlo i dere fo mo diriyóló wosóló tūe muae. ¹⁵ Mo nokole ̄la wh̄iné tiki tūapaae durupuraalu wh̄i dorótimpó. Téni, wh̄iné tiki tūamó kaayóló sókó wale alané bet̄a wh̄i doratapó,” yalepó. ¹⁶ (-)

¹⁷ Atéró, Yesu ̄ ai so wh̄i betepa taaróló, fóló bemó beteremó, ama yó matere wh̄irape ̄la beterepaae wóló, ama kale yale fo sale fo noa betené yalerópóló ̄paae wosalepó. ¹⁸ Ai fo depa ama atimapaee duraalu, “Dīakélé, diaāq̄ kisipa tiki hapólu eruraalu, ȳlo ai yale f̄o bete tūéni airapó. Mo nokole ̄la wh̄iné tiki tūapaae doropóló wh̄i doréni deretei, dī kisipanié? ¹⁹ Ti mo nokole ̄lata, wh̄iné hosaa tūapaae sókó fumitei, depepaae doropóló, di alée fulapó,” yalepó. Yesuné ai fo ereteiné nokole ̄la fea naaitapa fo munipa, nae erapó.

²⁰ Ai fo tó mó olekeyóló atimapaae duraalu, “Whjné tiki tuámó kaayóló belapaae sókó wale alané betá whj doratapó. ²¹⁻²³ Ti whjné hosaa tuámó kaayóló wale alarape i ape. Dei tué mutere alakélé, aqni kae kae hoko nópu nokole alakélé, mené ɔla ɔlémi sere alakélé, whj dele alakélé, nópu nokole alakélé, fea ɔlamó ekéle dere alakélé, me whjtamo dei tué mutere alakélé, kapala dilikitere alakélé, mo enénire dowi alakélé, mené ɔla sené yóló dei tué mutere alakélé, me whj eraterere fokélé, seké whjipóló bopé faketerere alakélé, wisi tué muniru, sonalei hoko du betere dowi alakélé, ai dosayale alarape fea whj tuámó kaayóló wouraalu, whj dorótua dapó,” yalepó.

*Juda meire soné kisipa tiki tirale fo
(Mat 15:21-28)*

²⁴ Téró Yesu ɔ ai be taaróló, doasi Tair be hulua bopéróló tɛ mole berapepaae felepó. Atéró, ɔ betá whjné be dolomó fóló betepa, mepaae whjrapené ɔ kelaqsóro bopé yaose yaletéi, ɔ kinóló betenénipó. ²⁵ ɔ atéró beterapó dere fo betá dowi kepe tepeyóló betere senaale hamané wosóló, ɔ Yesu beterepaae hapale sókó walepó. Atéró, ɔ Yesu daale aqmó deraapisa fóló fió mualepó. ²⁶ ɔta Juda fake mei, Krik so ɔ hamané Siria haemó tɛne be Fonisiamó dealepó. Ai so Yesu daale aqmó fió mulu duraalu, “Yalo senaale tuámó betere dowi kepe naao hokonaasepé,” du betalepó.

²⁷ Ai fo depa, Yesuné kale sopaae duraalu, “Folosóro naale senaalené nokole ɔla atimapi nópóló melae. Ti noatepae, atima sumó nénipatei, yuwirape nópóló matere ala dorapó,” yalepó.

²⁸ Ti fo depa, kale soné ɔpaae tokó mótu duraalu, “Tale-ó, aita mo deretei, kale keteirapené ɔla ni fake tó mó beleróló nokole folope sorokóta deretei haqrapenékélé nukua dapó,” yalepó.

²⁹ Ai fo depa, Yesuné kale sopaae duraalu, “Naao ai dere foné naao senaale tuámó betere dowi kepe sókó felepa, dua fae,” yalepó.

³⁰ Ai fo depa, kale so ɔ ama bepaae sókó fóló senaalema kelalemó, ama tiki tuámó

betere dowi kepe sókó fóló, beseke tó mó ɔ feléyóló fió molepó.

Kɔlóró wosélitamo kine whj wisirale fo

³¹ Atéró Yesu ɔ ai Tair hae kwia taaróló, Saidon hae kwia tuámó tɛyóló fóló, Kaleli wɛi fókumó tɛ mole be Dekapolis hae kwiamó sókó felepó. ³² Yesu atéró sókó fóló berteremó, betá woséli kiyóló fokélé alure whj Yesuné wolaa yópóló, atimané dapesó wóló beteralepó.

³³ Atéró betepa, kale so whj daae mole tiki taaróló, Yesuné depaae dapesó fóló daalu, ama naase dou tamo kale whjné woséli dolopaae kesekée faróló sókó salepó. Atéró, ama naase doumó fesaa fɛ eróló, kale whjné hapemó wolaayalepó. ³⁴ Atéró, Yesu ɔ hepen-paae kese horóló fomo sókó faróló duraalu, “Epa-peta” i fo feteyóló, “Kjnetei tukwɛ fae,” yalepó. ³⁵ Ai fo deremó, kale whjné kine woséli tukwɛ fío, ama kólókelé tukwɛ fío duraalu, fo du betere whj kaae, fo kaae sóro yalepó.

³⁶ Atéró, Yesuné atimapaae erale alarape mepaae whjpaae, “Yaose,” yóló fo mulaletéi, Yesuné yale ala so whj feapaae deté kwɛyóló fakeralepó. ³⁷ So whj feané atétere fo wosetu, sirayóló duraalu, “I whjné du betere ala feata, mo kokoi ala alamaaté erótua dapó. Woséli kine whjtei tukwɛ falóo, kóló nomone whjkélé fo yóo, dapó,” du betalepó.

8

*Yesuné 4,000 whj ɔla male fo
(Mat 15:32-39)*

¹⁻² Atéró kale yale kaae, mepaae so whj mo dekéro ɔ beterepaae tourale wóló betó molepó. Atéró betó mole so whj atima naaire ɔla meipa, ama yó matere whjrapepaae ape yóló duraalu, “I so whj sore sukamó ɛtamo bituraalu, ɔlakélé néni, hɔle betaletiné atima ɛ mo doasi kolené sukutapó. ³ Ti atima mepaae so whjta, saletómó waletéiné wote siri hɔle fópóló dotonatepa, tɛ tuámó wotené sisiraae faqsóro dapó,” yalepó.

⁴ Ti fo depa, ama yó matere whjrapené ɔpaae duraalu, “Aita mo deretei, so

whjikélé meitikimó atimané naaire ɔla-a, momó mupa melaaloé?” yalepó.

⁵ Ai fo depa, Yesuné atimapaee wose-turaalu, “Ti diɔné *bred* o bulakó meteró mule?” depa, atimané ɔpaee duraalu, “Wɛikeró o bularape betɔ mulapó,” yalepó.

⁶ Tétepa, Yesuné ai betó mole so whj fea hae tikimó betae yóló, kale *bred* o bularape ama sóró taru, Talepaee mo kée yóló, momayalepó. Atéró momayóló kemetepa, Yesuné kolokó daalu yóló, ama yó matere whjrapepaae melae depa, atimanémo, kale so whjmó ɔliróló melaté kwɛyalepó.

⁷ Téro, ama yó matere whjrape atimané toróti mole ya belekɔatikikélé melatepa, Talepaee mo kée yóló, atimapaee duraalu, “I yara-pekélé nópóló, melaté kwɛyae,” yalepó.

⁸ Atéró, atima nóló sɔturaalu buki muni feletei, ama yó matere whjrapené daseté kwɛyóló, wɛikeró yorape fɔanalepó.

⁹ Atima ai ɔla nale whjrape dokɔ sóró touróturaalu, felekemó 4,000-whjrapépó.

¹⁰ Atéró kemetepa, ai betó mole so whj fɔpóló dotɛyóló, Yesu ɔ ama yó matere whjrape atima Dalmanuta hae kwiapaee nukutamo felepó.

¹¹ Atima atéró fóló betepa, mepaae Farisi whjrape Yesu beterepaee wóló, ɔpaee kae kae wosetere fo du betalepó. Aita, ɔ kɔae kolóló sɔ suraalu, naao hepen bemó mole kelemei alakó dɔmaletamo kelaai dapa, eranénié? du betalepó.

¹² Atéteremó, Yesu ɔ fomo sókó faróló atimapaee duraalu, “Diɔ mió i alimó betere so whjiné me kelemei alakó kelaai erae du betere-a, noatepa de? Tal-ené diɔpaee kelemei ala me kae eraalo meipóló ɔlo diɔpaee mo i dere ape,” yalepó. ¹³ Ai fo du beteró kemetepa, kale so whj betó mupatei taaróló, atima nukutamo wɛi fóku utéró momó tɛ felepó.

*Yist-paae dó faróló yale fo
(Mat 16:5-12)*

¹⁴ Atima atéró furaalu, mepaae ɔla uté tɛró mupatei kɛóró *bred* o bula betɔ maaté atima nukumó mupa ke-lalepó. ¹⁵ Téro, Yesuné ama yó matere

whjrape kisipa mulóló ma duraalu, “Kale Farisi whjrapero Herot-tamoné *bred* o tópuratere ɔla *yist*-ta mo doropa, wisiyóló kaae tawae,” yalepó.

¹⁶ Ai fo deremó, ama yó matere whjrape atimasisitei duraalu, “I dere fota, dɔné kale *bred* o bularape kɛyó yóló weimó ai dere ape,” yalepó.

¹⁷ Atimasisitei atéró kɛlaarótu betere fo Yesuné ama tuɛ yóló atimapaee duraalu, “*Bred* o meipóló, diɔsisitei noatepa fo tiki kɛlaarótu bitu de? Diaaɔ tuɛ tiki hapóluraalu, ai yale alarape diɔné kilitu bitutei, diaaɔ tuɛni airapó.

¹⁸ Diaaɔ kelenékélé mo kolóo, wosɛlinékélé mo wosóo yaleteti, ɔlo erale alarape diaaɔ kisipani, ai keterélirapó. ¹⁹ ɔlo aporó *bred* o bula kolokó daalu yóló 5,000-whjrape atima nalemó sɔtepa, buki daseté kwɛyóló meteró yorape deyaleé?” depa, atimané duraalu, “12 yorape deyóló fɔanalepó,” yalepó.

²⁰ “ɔlo me 4,000 whjrapemó, wɛikeró *bred* o bularape kolokó daalu yóló melóló, atima nalemó sɔtepa, buki daseté kwɛyóló meteró yorape deyaleé?” depa, “Wɛikeró yorape fɔanalepó,” yalepó.

²¹ Ai fo depa, Yesuné atimapaee duraalu, “Ti ai yale alarape fea diaaɔ kolólóte, bete diriyóló tuɛ muni airapó,” yalepó.

Betsaida bemó kele dilikire whj wisirale fo

²² Atétu beteró, atima Betsaida bemó sókó walemó, mepaae whjrapené betɔ kele dilikire whj Yesupaae ɔ wolaa yae yaairaaalu dapesó walepó. ²³ Atéró wapa, ai be hulua taaróló, dɛpaee Yesuné kale kele dilikire whj naasemó tawóló felepó. Atéró fóló, kale whjiné kelemó fesɔa apuróló, Yesuné ama tikimó naase mulóló duraalu, “Mió naao kelené me ɔlakó wisiyóló kelete?” yalepó.

²⁴ Ai fo depa, kale sekéné ama kele fisɔae faróló duraalu, “Whjrape kotereteita, ni kaae tokóló só kotapó,” yalepó.

²⁵ Ti fo depa, kale dere kaae momó Yesuné naasené kale whjiné kelemó wolaayalemó, ama kele mo ti wisituraalu, ɔla ɔla diriyóló kelalepó. ²⁶ Atéró, Yesuné

kale whi ą ama bepaae fópóló dotonótu duraalu, “Yą doasi be hulupaape feni, mo naao bepaetóro fae,” yalepó.

*Pitané yąta Kerisopó yale fo
(Mat 16:13-20, Luk 9:18-21)*

²⁷ Atéroró, Yesu ą ama yó matere whirapetamo ai be taaróló Sesaria-Filipai be hulua bopéróló tę mole be huluarape tuąmó fu bitu atimapaape woseturaalu, “Mo so whiné ę-a, depó du bitute?” yalepó.

²⁸ Ai fo depa, atimané ąpaape tokó mótu duraalu, “Mepaae so whinéta, yą kale węi tópuratere whi Jon-pó. Mepaae so whiné duraalu, yąta Elaijapó, mepaae so whiné duraalu, yąta, Kótóné ama kóló whipó du beterapó,” yalepó.

²⁹ Ai fo depa Yesuné duraalu, “Diaaą tuęné-a, ę depó du bitu de?” depa, Pitané ąpaape tokó mótu duraalu, “Yąta, so whi fea tęteróló kaae tanópóló, Kótóné sóró beteró betere whi Kerisopó,” yalepó.

³⁰ Ai fo depa, Yesuné atimapaape duraalu, “Ęta, Kerisopóló, mepaae so whipaape momókó bope yaąse,” yalepó.

*Yesuné ą sukąalopó yale fo
(Mat 16:21-28, Luk 9:22-27)*

³¹ Ai fo yóló, Yesuné ąpaape eraaire ala atimapaape kaae sóró yó mótu duraalu, “Whiné Naalema kae kae sekei ala mo saalopó. Mepaae whi disirapenekélé, kale mo so whimó Talepaape momaratere doasi topo whirapenekélé, Moses-né asęre fo yó matere whirapenekélé ęta Whiné Naalema meipóló, mo ti só deraalopó. Atétepa, mepaae whirapené ą mo ti daalotei, be de sore kemetepa, ti ą momó kepaayóló betaalo ai ape,” yalepó. ³² Yesu ąpaape eraaire ala amatei hąkearóló depa, Pitané ą tu depaape dapesó fóló, atei fo ekesé yóló, foné salepó.

³³ Ti fo depatei, Yesu ą ama yó matere whirape beterepaape fetée anóló Pita foné sóró duraalu, “Satan-ó, yą yąlo sisópaape fae. Naao ai mole tuęta, ti Kótóné yaaire alamó kisipa muni, mo whiné yaaire ala maaté kisipa mutu ai dere ape,” yalepó.

³⁴ Atéroró, ama yó matere whiraperó ai betó mole so whi featamopaape ą

beterepaape ape yóló duraalu, “Dią mepaae so whitamo ę sya waai kisipa mutupa, ti naao yaaire ala taaróló, sisópaape mulóló, yą sukąaire filipaa ni naaotei beleyóló ę sya ape. ³⁵ Whi me dené ama betere bete me ala yaąsórópóló, amatei wisiyóló kaae tapa, ti atétere whi ą ama betere betetamo turó aluyaalo ai ape. Téretei, whi me de yąlo ala eróturaalu, i kale fo wisi erótu betere tuąmó ama betere bete kameratepa, ti ai whiné betere bete aluni, mo ti muó tawaalo ai ape. ³⁶ Mepaae whi de i haemó muó mole wisi wisi ąla dekéro betąpaape du betere tuąmó, ama betere bete mo ti alutepa, ti ai wisirapóló kisipa mute? Mo meipó. ³⁷ Ama betere bete alutepa, momó saairaalu, noa ąlatamo dupu yaaloé? ³⁸ Mió i alimó dowi alaró nópu nokole alatamo du betere tuąmó me whiné duraalu, ‘Yąta, Yesu tuęru, ama ala erótu betere whié?’ yóló wosetepa ą witu halemó, ai whiró ama fotamo ą tuęnipó depa, ąpaape i fo yaalo ai ape. Kale Whiné Naalema Alimané doasi doi mole de wisinaaleró ama mo kae betere *ensel*-rapetamo wale sukamó folosóro halemó ą tuęnipó yale whipaape, Whiné Naalemanekélé ai whi ą tuęnipó yaalo ai ape,” yalepó.

9

*Yesu kae tiki daane wale fo
(Mat 17:1-13, Luk 9:28-36)*

¹ Téro, Yesuné atimapaape duraalu, “Yąlo diąpaape mo i dere ape. Dią mió i betó mole so whi mepaae sukuni hąle betepatei, Kótóné ama tęteróló betere aąmó mole ala mo doasi fotokątamó wapa kelaalopó,” yalepó.

² Atéroró apomiró be de kemetepa, Yesuné Pita, Jems, Jon-sępi atima dape sóró doasi sokore hasi fosópaape holalepó. Atéroró horóló beteremó, atimané kele tó mótei, Yesuné ama daale tiki taaróló, kae tiki daane walepó. ³ Atéturaalu, ama deró betere kutikélé, mo yako kaae de tekée fi deró betepa kelalepó. I haemó betó mole so whiné deró betere kuti de kaae aler-aaai fokotepakélé, ai kutiné de kaae alée fenénipó. ⁴ Téro aimó, atimané keletómó

kale Moses-ró Elaijatamokélé mo betere wh̄iné tiki kaae daayóló sókó wóló, Yesu-tamo fo du betalepó.

⁵ Atétere ala kolóló, Pitané Yesupaae duraalu, “Yó matere wh̄í-ó, ða fea etéro betamó beteretei mo wisirapó. Térapa, me ya betóo, me Moses betóo, me Ilaija betóo, yaaire furu be sore ðané t̄enaalopa, wisire?” yalepó. ⁶ Ai fota h̄ale ini, atima wituraalu, yaaire fo ketetepa, h̄oko fotei erapó.

⁷ Atéro daae molemó, kitikiné atima husur̄ale dorowóló, ai kitiki dolomótei fo fakeyóló duraalu, “Ita, ya lo mo hosaa mole naalepa, ama dere fo mo wisiyóló wosae,” yalepó.

⁸ Ai fo deretamotóro atimané kele kele yalemó, kale wh̄i tamo daani, Yesu ama wotoró daapa kelalepó.

⁹ Atétu betero, atima ai hasi fosó taaróló durupu bitu, Yesuné atimapaee duraalu, “I yale alarape mepaae so wh̄ipaae ðiñé mió folo hapale momókó yaq̄se. Kale Wh̄iné Naalema a dóló mo ti sukunalet̄ei, momó kepaayóló fi tikimó ti yaasepóló, mió hapale bope yaq̄se,” yalepó. ¹⁰ Ama ai yale fo wosóló, atimané mepaae wh̄ipaae ini, atimasisitei k̄laaróló duraalu, “Mo ti doló sukunóló momó kepaayóló betaalopó dere fo-a, noa fo betené yalerópó,” du betalepó.

¹¹ Atéro, atimané āpaae woseturaalu, “Kale Moses-né as̄ere fo yó matere wh̄irap̄ené Tale waai teóp̄atei, Elaijapi waalopó du betere-a, noa fo betené du bitute?” yalepó.

¹² Ai fo depa, Yesuné atimapaee tokó mótu duraalu, “Ti mo dapó. Elaijapi wóló, ɔla ɔla fea ama momó donoróló mu-laalopó. Téretei, Kótóné fo as̄ere tuamó i fo erapó. Wh̄iné Naalema, a mo doasi dele su betepa, atimané ā faleyóló só de-raalopó ere fo-a, metéli yaaireteimó ere?” ¹³ Téretei, ya lo ðīapaae mo i dere ape. Ilaija āta, mo walepó. Tétepa mepaae so wh̄iné kale yóló muló betere fo mo dokonóturaalu, atimané āpaae mo eranée yale alarape fea motórōti ai erale ape,” yalepó.

*Dowi kepe betere naale wisirale fo
(Mat 17:14-21, Luk 9:37-43)*

¹⁴ Téro Yesu ātamo fele wh̄irape fe-saae walemó, mepaae beteroóló fele yó matere wh̄irape mo so wh̄iné bopéroóló daae mupa kelalepó. Aita h̄ale mei, ai wh̄iraperó Moses-né as̄ere fo yó matere wh̄irap̄etamo foné u só derótu, i só derótu du betepa, kaae tawóló daae molepó.

¹⁵ Atétu beteremó, Yesu sókó wapa kilitu, so wh̄i feané doasi sirayóló, ātamo hoko-laa yóló k̄leó yaairaalu felepó.

¹⁶ Téro, Yesuné ama yó matere wh̄irapepaae woseturaalu, “Noa fo betemó ðīa fo tokótamo du bitu de?” yalepó.

¹⁷ Ai fo du betepa, ai wóló daae mole so wh̄i kuamó bet̄a wh̄iné duraalu, “Yó matere wh̄í-ó, ya lo naale dowi kepe bitu-raalu, ama k̄oló nomunu fo initeretei naoo wisiraasepóló, yāpaae dapesó walepó.

¹⁸ Ti noatepae, dowi kepené haepaae taae deróló haeratepa, ama sereke hatua yósóro k̄lómó dako sókó wua dapó. Téturaalu, ama hó naase, tikikélé fea sosoro falótua depa, naoo yó matere wh̄irapepaae h̄okonaasepé yalemó, atimané h̄okonaaitere sunipó,” yalepó.

¹⁹ Ai fo depa Yesuné atimapaee duraalu, “Mió i alimó tūe tiki tiréni h̄oko betó mole so wh̄irape-ó, ðīa tūe tiki tirópóló meteró sukamó ē ðīatamo betaaloé? Di-aaq̄ hapólure kisipa taaróló, wisi kisipa sópóló ē ðīatamo meteró sukamó be-taaloé? Térapa, ai naale epaae dapesó ape,” yalepó.

²⁰ Ai fo depa kale naale ā beterepaae dapesó walemó, dowi kepené Yesu kili-turaalu, t̄eti kale naale mo fotok̄in̄é tao sóro feseróló haemó haeratepa biliraté feletikimó, k̄lómó dako sókó walepó.

²¹ Atétere ala kolóló, Yesuné kale naalené alimapaee woseturaalu, “Naoo naale ai ala du betepa, ba fo meteró kemeyaleé?” depa alimané duraalu, “Mo ketemó kaae sóro deté walet̄ei, miókélé h̄ale ai yó tare ape. ²² Ya lo naale doló sukunaairaalu, ai dowi kepené sipaaekélé ó w̄epaaekélé, tao sóro taae falatua yalepó. Térapa, naoo ðamo k̄leturaalu

sumó tao senépa ti tao saasepólópó,” yalepó.

²³ Ai fo depa, Yesuné ɔpaae duraalu, “Naao ɔpaae sumó tao saaloé? dere-a, mepaae whi dené Talepaae tué tiki tiratepa, ti ai whipaae fea ala fea Talené ama sumó eranérápó,” yalepó.

²⁴ Ai fo depa kale naale alimané ama ere ala hakearóló duraalu, “Yalo tué tiki tiró betepatei doa meipa, me kwiapaae hakekeretei naao ɛ tao saasepé,” yalepó.

²⁵ Yesu ɔ ai ala du beterepaae so whi fea sururu yóló wapa kolóló, dowi kepe foné sóró duraalu, “Whiné kólóro wosélitamo kinó betere dowi kepe-ó, ya ai whi tuámó betereitei, yalo i hokonatapa, momó kae bitj weni, mo ti fae,” yalepó.

²⁶ Yesuné ai fo deremó, kale naalené tiki tao sóró feseróló kale dowi kepe keterétamo sókó felepó. Atépa, kale naalené tiki mo sukj whi ɔpa, kolóló so whi feané duraalu, “A mo ti ai sukale ape,” du betalepó. ²⁷ Atépa, Yesuné kale naale naasemó tao salemó turukó horóló daane holalepó.

²⁸ Atétu beteró, nalo Yesu ɔ be dolopaae doropóló betepa, ama yó matere whirape atimanalemaaté bitu ɔpaae duraalu, “I dowi keperape ɔané doló hokonatepa, sókó fenitere-a, noatepa dérópó,” yalepó.

²⁹ Ai fo depa, ama atimapaee duraalu, “Moma dere alané betɔ atei kaae dowi keperape sumó hokonanérápó,” yalepó.

³⁰ Téró atima ai be taaróló, Kaleli hae tuámó tɛyóló felepó. Ti atéró feleteita, Yesuné ama yó matere whirapepaae maaté kale fo wisi yó melaai kisipa mutu, mo so whiné atima betere tiki tué yaqsóro yalepó. ³¹ Atima atéró fóló bitu, ama atimapaee duraalu, “Hale mo whiné kale Whiné Naalema dópóló, whi mené eleké deyaalopó. Atéró, mo ti dóló sukunaalotei, sore be de kemetepa, ti ɔ momó kepaayóló betaalo ai ape,” du betalepó. ³² Ama atéró yale fo bete atima tuénitepa, noa betené yalerópóló, wosaai yaleteti, atima wituraalu, taaralepó.

*Doasi topo whi deé? yale fo
(Mat 18:1-5, Luk 9:46-48)*

³³ Téró, atima Kapeneam bepaee fóló, atima fiyaaire bemó bitu, ama yó matere whirapepaae woseturaalu, “Diɔ tu tuámó alale siré wou betale-a, noa fokó deté wou betaleé?” yalepó. ³⁴ Yesuné ai fo depa tumó wou bituraalu, topo whi-a de betere yóló atimasisi alale siré waletiné haletu, Yesupaae tokó matere fokélé inipó.

³⁵ Téró Yesu ɔ bitj deyóló ama yó matere 12 whirape ɔ beterepaae ape yóló duraalu, “Whi me detamo topo whi betaai kisipa mutupa, ti belei ɔyóló so whi feané kutó diratere whi betae,” yalepó.

³⁶ Atéró, ama betɔ naale belekɔamale dape sóró atima tuámó daalóló, ama apuó taru duraalu, ³⁷ “Mepaae whi denétamo yalo doimó etei kaae naale mo wisiyóló dape supata, ti ɛtei mo wisiyóló dape sirapó. Atétere whiné ɛmaaté dape sumitei, ɛ dotɛyale sekékélé dape sirapó,” yalepó.

Dɔtamo bóe dinitere whiɔ ɔané be whipó

(Luk 9:49-50)

³⁸ Téró, Jon-né Yesupaae duraalu, “Yó matere whi-ó, whi betané naao doimó dowi kepe hokutu betepa, ɔta ɔtamo betámó kotere whi meipóló, ɔané seséyalepó,” yalepó.

³⁹ Ai fo depa Yesuné atimapaee duraalu, “Atei kaae whiné ama yaaire ala yópóló sesékese. Ti noatepae, mepaae whiné yalo doimó mepaae kelemei ala erale kilipaaemo, yalo doi doróló faleyaalo meipó. ⁴⁰ Mepaae ɔtamo bóe dini dere whirapeta, ti ɔtamo mole whi ai ape. ⁴¹ Yalo diɔpaee mo i dere ape. Diɔ Keriso whi bitu, yalo ala erótu beteremó, mepaae whiné wej melatepa, atétere whi dupu hasókó feni, mo saalo ai ape,” yalepó.

*Me whi dowi ala yópóló dée nalatere ala
(Mat 18:6-9, Luk 17:1-2)*

⁴² “Mepaae whi denétamo ɔpaee tué tiki tiró betere doi muni, sókótei sókó dei so whi dowi ala yópóló dée nalatepa, atétere whi mo doasi dowi dupu saalo ai ape. Atei ala dere whi ama depamó mené doasi kane fake dulóló wej kɛlapaae taae faluqsóro wisi uɔpó. ⁴³ Naao naasenétamo ya dowi ala yópóló dée nalatepa, atétere

naase tukóló taae falae. Yà betà naase-tamo bituraalu, mo ti betaaire tikipaae sókó faasepólópó. Naase tamo daayóló beteraletikimó, me naasené naao tiki turó doasi surukókélé feni, hãle dó tare sipaae ałisóró faqsóró dapó. ⁴⁴ (-) ⁴⁵ Naao hóné yà dowi ala yópóló dée nalatepa, atétere hó tukóló taae falae. Yà betà hótamo bituraalu, mo ti betaaire tikipaae sókó faasepóló dapó. Ti noatepae, yà hó tamo daayóló beteraletikimó, me hóné naao tiki turó si duku beterepaae ałisóró faqsóró dapó. ⁴⁶ (-) ⁴⁷ Naao kelené yà dowi ala yópóló dée nalatepa, ti atétere kele sokóló taae falae. Betà keletamo bituraalu, yà mo ti betaaire tikipaae sókó faasepólópó. Ti noatepae, naao kele tamo wusuró buóló betepa, naao tiki turó hãle dó tare sipaae faqsóró dapó. Ti Kótóné teteróló kaae tare tikimó mole alata, betà keletóró daayóló bituraalu, sene fupa mo wisirapó. ⁴⁸ Ti dowi dele su betaaire tikimó kisipa mutu, ašemó i fo erapó. Aimó betere whırapeta, mokené turukóló nokoletei mo kemekélé ini yóo, sikélé surukó feni hãle dótóró tawóo yaalopó. ⁴⁹ Na ó hupu mi kęlaayaqsóró kó terepetu dere kaae, so whı fea tuámó mole dore alaró wisire alatamo sinétei biliyóló taleyaalo ai ape. ⁵⁰ Ti kóta, ęla feléróló nokole ęla wisipó. Téretei, kale kóné felé kemetepa, momó kae noayóló felé bulaaloé? Mo meipó. Térapa, ai kó wisinaale diaaę hosaa tuámó mulóló, so whıtamo hosaa muni deyóló wisi kisipatamo mo dua betó muae,” yalepó.

10

*So ó whı tokó fateremó dere fo
(Mat 19:1-12, Luk 16:18)*

¹ Téró, Yesu ę ai be taaróló Judia hae kwia tuámó kutu beteró Jordan węi uté fakerókélé felepó. Aimó sókó felemó, so whı mo fea kale duatere kaae touręle wóló betó mupa, ama dua dere alatóró yóló yó mótu betalepó.

² Atétu betepa, mepaae Farisi whırape wóló, ę sųsóró ępaae woseturaalu, “Mepaae whıné ama soma tokó fatepa fo mulepé meié?” yalepó.

³ Ai fo depa ama atimapaae tokó mótu duraalu, “Diaaę dosęayóló tuę yópóló, Moses-né diępaae noa ala yae yóló, asęre?” yalepó.

⁴ Ti fo depa atimané ępaae tokó mótu duraalu, “Mepaae whıné so tokó falaai depa, ti soné asę sóró fópóló melae yóló Moses-né asęrapó,” yalepó.

⁵ Ai fo depa Yesuné atimapaae duraalu, “Ti aita, diaaę hosaa tųruraalu dowęae fu betepa, Moses-né ai fo asęyóló muló beterałó. ⁶ Téretei mo take kaarale alimó, ‘Kótóné whıró sotamo alipakalepó.’

⁷ ‘Atéyale betené whıné ama hamaró alimatamo taaróló, sotamo dokóló atimaamo mo betà tikitóró daayaalopó.’

⁸ Atéreteiné atimaamo tamo mei, mo betà tikitóróti ai daale ape. ⁹ Kótóné atimaamo atéro betà tiki daaróló beteró betereiteimó, mo so whıné tekeróló whı kae beteróo, so kae beteróo, yaqsóró yae,” yalepó.

¹⁰ Ai fo yóló Yesu ę ama yó matere whırape atima fea bemó betó mulu, Yesupaae woseturaalu, “Naao ti yale fo dąkélé kisipa yaai dapa, bete mo ti hąkearóló yae,” yalepó. ¹¹ Ai fo depa ama atimapaae duraalu, “Whı me dené ama topo so tokó daalóló so me dokotepa, ai whıné Kótóné fo tukóló topo sotamo betere ala mo ti doratapó. ¹² Atétere kaae sonékélé, oma whı tokó daalóló, whı metamo dokotepa, atétere soné Kótóné fotei tukóló, ama omatamo betere ala mo ti doratapó,” yalepó.

*Naale senaale Yesupaae dapesó wale fo
(Mat 19:13-15, Luk 18:15-17)*

¹³ Téró etéyalepó. So whıné kale keteirape Yesuné wolaa yópóló, ę beterepaae dapesó wua yalepó. Atétepa, ama yó matere whırapené kale so whı foné sóró sesétu betalepó. ¹⁴ Yesuné atétere ala kolóló, ama yó matere whırapetamo fopaae buóló duraalu, “Ai naale senaale ę beterepaae wópólópa sesékese. Ti noatepae, atei naale senaale kaae betere so whıta, ti Kótóné teteróló betere aqmó sókó fóló beterałó. ¹⁵⁻¹⁶ So whı i naale senaale kaae aqyóló bitinitepa, ti Kótóné teteróló betere aqmó sókó

fenénipó,” yalepó. Ai fo yóló, Yesuné kale naale senaale dokọ apuósu yóló, naase mulóló atima wisiraterere fo dua yalepó.

*Doasi néli teó whıpaae yale fo
(Mat 19:16-30, Luk 18:18-30)*

¹⁷ Téró etéyalepó. Yesu ą ama kisipa mole tikipaae faai fu betalemó, whı betą sururu yóló wóló, Yesu daalemó bukutiri teąró bitu, ąpaae duraalu, “Yó matere whı wisi-ó, ę mo ti betó tawaairaalu, noa alakó yaaloé?” yóló wosalepó.

¹⁸ Ti fo depa, ama kale whıpaae duraalu, “Naao ępaae noatepa whı wisi-ó fo du de? Whı betąkókélé wisi whı bitini, Kótó ą betą mo wisirapó. ¹⁹ Ti Kótóné yae yóló muló betere alarape i ape.

“Whı daqse, so nópu naqse, ọlémi naqse, kapala fo yóló me whı só deraqse, me whı dilikóló ọla ọla ọlémi saqse. Naao hae aya wisi doi mulóppóló, atimaamo aqmó bitu, wisi ala betą erótu betae yóló, ere fo fea ti naao ai tuęre ape,” yalepó.

²⁰ Ai fo depa kale whıné ąpaae duraalu, “Yó matere whı-ó, ai alarape feata, ę mo naale beleqamalemó bitutei deté wóló, miókélé hąle yó tarapó,” yalepó.

²¹ Ai fo depa Yesuné kale whı yaala sókó fóló kelené ą kaae taru duraalu, “Mo betą ala betą ya mei ai ere ape. Térapa ya fóló, naao mole ọla ọla fea dotonóló *moni* sae. Atéro sere *moni* ti ọla ọla meiyóló yolealere so whımó ąliróló melae. Atéro melóló yaąa, ti ó hepen bemó taleróló muló betere wisi wisi ọla saasepóló dąmo faalopa ę sya ape,” yalepó.

²² Ai fo depa, kale sekę ą fea ọla ọla mole néli whı ereteiné, ama kelepaa humula yóló fomóné sukuté felepó.

²³ Téró Yesuné ama yó matere whırape kaae taru duraalu, “Doasi néli whırape Kótóné teąteróló betere aqmó sókó faairetei mo doasi hapólurapó,” yalepó.

²⁴ Ama yó matere whırapené ai dere fo woseturaalu, atima siratu betalepó. Tétepa, ama atimapaee momó duraalu, “Ti naalerape-ó, Kótóné teąteróló betere tikimó sókó faairetei, béni mo doasi hapólurapó. ²⁵ Doasi *kamel* hupu kuti

nomotere ketęli dolomó sókó fenénipó. Atére kaae, fea ọla ọla tare néli whı Kótóné teąteróló betere aqmó sókó faairetei mo doasi hapólurapó,” yalepó.

²⁶ Yesuné ai fo deremó, ama yó matere whırape atimasisitei doasi sirayóló duraalu, “Atéro hapólupa, ti noa kaae so whımo mo ti aluyaqsóro tao saaloé?” yalepó.

²⁷ Ti fo depa, Yesuné atima kaae taru duraalu, “Mo whıné atei kaae ala fea sumó enénipó. Mo whı ere kaae Kótó ą aténi, fea ala fea ama mo sumó eranérapó,” yalepó.

²⁸ Ai fo depa, Pitané ąpaae duraalu, “Dą yaąamo kweyaairaalu, dąné ọla ọla fea mo ti taaróló i wale ape,” yalepó.

²⁹ Ai fo depa, Yesuné atimapaee duraalu, “Yąlo diąpaae mo i dere ape. Whı me detamo yąlo ala eróturaalu, kale fo wisi yó maté kweyaai, ama be ó no nemarape ó hama alima ó naalemarape ó hae tiki fea taaróló wapa, ti atétere whımó i ala eraalo ai ape. ³⁰ Ama betą ọla taaróló walemótei, nomarapekélé kutórape, nemarapekélé, hamarapekélé, alimarapekélé, naalemarapekélé, berapekélé 100 tómó beleróló saalo ai ape. Téturaalu, dowi susupui alakélé saalotei, nalo waaire alimó mo ti betó tawaaire bete saalopó. ³¹ Téyaalotei, mió i alimó mepaae doasi doi mole whırape take nalo doi munire whı kaae betaalopó. Mió mepaae doasi doi muni, sókó deyóló betere so whıąa, take nalo mo doasi doi mole topo whı kaae betaalo ai ape,” yalepó.

*Yesu ą sukąairemó yale fo
(Mat 20:17-19, Luk 18:31-34)*

³² Atéro, atima Jerusalem bepaae furaalu, Yesu ąpi fi tikimó, ama yó matere whırape nalo haió! yóló sira deté fu betalepó. Tétepa, mepaae atima sya wou betere so whıkélé wiyalepó. Atéro, Yesuné ama yó matere 12 whırape tu depaae dapesó fóló daae mulu, ąpaae eraaire ala fea atimapaee momó yó melalepó. ³³ Atéro, atimapaee duraalu, “Mió dą Jerusalem bepaae i fole ape. Téteretei, kale Whıné Naalema me whıné eleké deyóló mo so whımó Talepaae momaratere whırapéro Moses-né asęre fo

yó matere wh̄irapetamoné naase tuamó mulaalopó. Téró fo tokóló só deróló, Juda mei kae fakené ̄ dópóló, melaalo ai ape. ³⁴ Atéró, atimané ̄ faletere alakélé, fes̄a apuraterere alakélé, halika tikiné fokosó sere alakélé, faleyóló haleraterere alakélé erótu beteró, nalo atimané ̄ mo ti sukópóló daalopó. Téyaalotei, be d̄e soremó dou dolomó muóló ̄ momó kepaayóló betaalopó,” yalepó.

Jems-ró Jon-tamoné Yesupaae wosale fo (Mat 20:20-28)

³⁵ Téró, kale Sebedi naalema tamo Jems-ró Jon-tamo Yesu beterepaae wóló duraalu, “Yó matere wh̄i-ó, d̄amoné ȳapaae wosetere ala naao eraaló?” yalepó.

³⁶ Ai fo depa, Yesuné atimaamopaae duraalu, “Ȳalo diaamomó noa alakó eraró de?” yalepó.

³⁷ Tétepa, atimaamoné ̄paae duraalu, “Take naao mo kae ere d̄e wisinaale h̄akearaterere sukamó d̄amo me wh̄ikó naao turu naase d̄emó beteróo, me wh̄i f̄e naase d̄emó beteróo, yaasepóló dapó,” yalepó.

³⁸ Ti fo depa, Yesuné kale wh̄i tamopaae duraalu, “Diaamoné ̄paae ai wosale fota, Talené t̄eteróló kaae tare tikimó ere ala diaamo tūeni keteruraalu dapó. Dowi ala kwia tokóló aluraai susupu sóro sinaaitere ala, diaamonékélé sumó senére? Ó ̄ w̄ei tópuraterere kaae, diaamokélé tópurópóló kisipa mute?” yalepó.

³⁹⁻⁴⁰ Ai fo depa, atimaamoné duraalu, “D̄amokélé ai ala sumó enérápó,” yalepó. Ai fo depa, Yesuné atimaamopaae duraalu, “Ȳalo tikimó doasi susupu sóro sinaaire alaró ̄ w̄ei tópuraaaitere alatamo diaamopaaekélé sumó eraalotei, turu naase ó f̄e naase d̄emó beteraaire alata, ti ȳalo t̄eteróló kaae tanipó. Ai alata, ȳalo Ayané ama t̄eteróló kaae taru, aimó betaaire wh̄i tamokélé, ama mo taketitei tukóló beteró beterápó,” yalepó.

⁴¹ Tétepa, mepaae ama yó matere naase tamo wh̄irapené ai fo woseturaalu, Jon-ró noma Jems-tamopaae doakale fopaae bualepó. ⁴² Atétepa, Yesuné atimapaae tour̄ale ape yóló duraalu, “Juda mei kaae

fake t̄eteróló kaae tare topo wh̄irapené mo so wh̄i t̄eteróló kaae tawóo, atimané sóro beteró betere wh̄irapenékélé mo so wh̄i t̄eteróló kaae taru, i ala erae du betereitei diaā ai kisipare ape. ⁴³ Atétere kaae, dīa tuamókélé ai ala momókó yāose. Dīa tuamótamo bet̄a wh̄ikó doasi topo wh̄i betaai kisipa mutepe, ti so wh̄i feané kutó diraterere wh̄i betenérápó. ⁴⁴ Wh̄i me de doasi doi mole topo wh̄i betaai depa, ti dīané wae sóro kutó diraterere wh̄i kaae betae. ⁴⁵ Ti noatepae, kale Wh̄iné Naalema waleteteita, ̄ topo wh̄i bitu mepaae wh̄irapepaae ama kutó dirae yaairaalu w̄eni, ̄ mo so wh̄iné kutó diraterere wh̄i bitu, atima aluyāosóro ama betere bete h̄ale melóló, dupuraai walepó,” yalepó.

Kele dilikire wh̄i Batimeus wisirale fo (Mat 20:29-34, Luk 18:35-43)

⁴⁶ Atéró atima Jeriko bepaae walepó. Atéró, nalo ama yó matere wh̄iraperó mo so wh̄i featamo ai doasi be taaróló fu betalemó, bet̄a kele dilikere wh̄i Timeus naalema Batimeus t̄u d̄emó bituraalu, monikó ̄lae yóló kematu du beterepó. ⁴⁷ Atétua dere wh̄i ̄ t̄u d̄emó beterepó, kale Nasaret wh̄ikó Yesu walapó dere fo wosóló, fo fakeyóló duraalu, “Depit-né deté fele wh̄iné Naalema Yesu-ó, ̄ k̄olené sukuturaalu, tao sae,” du betalepó.

⁴⁸ Ai fo du betepa, mepaae so wh̄iné taalae yóló, foné salepó. Tétepatei, kale wh̄iné woseni nisiyóló, fo mo ti fakeyóló duraalu, “Depit-né deté fele wh̄iné Naalema Yesu-ó, naao ̄ k̄olené sukuturaalu, tao sumié?” yalepó.

⁴⁹ Ai fo deremó, Yesu ̄ keiyóló daalu, “̄paae ape yae,” yalepó. Tétepa, kale wh̄irapené kale kele dilikire wh̄ipaae duraalu, “Mió ȳapaae ape dapa, wh̄aaliani, h̄aj̄tamo turukó horóló fae,” yalepó. ⁵⁰ Tétepa, kale wh̄iné ama bukóló betere kuti d̄aae faróló, ̄ Yesu beterepaae hapale t̄uwó felepó.

⁵¹ Atéró daapa, Yesuné ̄paae duraalu, “Ȳalo ȳamó noa alakó eraró de?” yalepó. Ai fo depa, kale kele dilikire wh̄iné duraalu, “Yó matere wh̄i-ó, ȳalo kelené

qla qla kelenée du beterapa, naao wisir-aasepé,” yalepó.

⁵² Ti fo depa, Yesuné apaae duraalu, “Naao tué tiki tiratere alané ya wisiralepa dua fae,” yalepó. Ai fo deretamotóro kale whjné ama kele wisitepa, Yesu sya felepó.

11

Yesu doasi topo whj aqyóló fele fo

(Mat 21:1-11, Luk 19:28-40, Jon 12:12-19)

¹ Atéro atima Jerusalem be huluapaae felekemó sókó faairaalu, Olip du sorokó mole aqmó tene Betpas beró Betani be-tamomó sókó felepó. Aimó Yesuné ama yó matere whjrapekó tamo whj dotonaai duraalu, ² “Diaamo fole be huluamó sókó fenalemó, whj betóló konire utu *donki* hupu duló betepa kelaalo ai ape. Térapa, ai hupu taayóló ipaae dapesó ape. ³ Atéro taanalemó me whjné duraalu, ‘Ai hupu neaai só fute?’ depa, apaae i fo yae. ‘Momó hapale sóró waaitei, Talené ama me kutó diyaa, kapala asiri sene fae yale tikimó sóró fulapó,’ yae,” yóló dotonalepó.

⁴⁻⁵ Atétepa atimaamo fóló kelalemó, be bela tu demó tene be tu sókó walemó, kale bopeyale hupu duló beterepó. Atépa, kale hupu taatu betalemó mepaae aimó daae mole so whjné atimaamopaae duraalu, “Diaamoné ai hupu neyaa taatu de?” yalepó. ⁶ Ai fo depa Yesuné atimaamopaae yae yale fotóro yalemó, atimané “Wisirapa sóró fae,” yalepó. ⁷ Atéro, kale hupu dape sóró Yesu beterepó sókó felemó, ama yó matere whjrapené deró betere kuti sókósu yóló, ai kale *donki* hupuné sisó tómó whamenatepa Yesu a bitj holalepó. ⁸ Atéro betóló fupa, mo turó so whjné atima kuti sorokóló tumó whamenaté fóo, mepaae so whjné sapo daa ó wolou djarape turukóló whamenaté fóo, deté fu betalepó. ⁹ Yesu a tuamó fupa, mepaae so whj folosóro fóo, mepaae so whj nalo wóo du bitu fo fakeyóló duraalu, “Hosana! Talené doimó wale whj wisinaale-ó! Talené ya mo wisiró beterapó.

¹⁰ Mo take dané ayarape deté wale whj Depit-né teteróló kaae tawale ala mió da tuamókélé sókó walapó.

Térapa, Talené ya wisirópóló yae!

Hosana, ama doi doasi ó sikipaae sóró horópóló, yae!” deté fu betalepó.

¹¹ Téro Yesu a Jerusalem beapaae sókó fóló, momatere be dolopaae felepó. Atéro, ai be dolomó muó mole qla qla fea kelené dokq du betalepó. Atétu betalemó, be dikitepa ama yó matere ¹² whjrape atima fea Betani beapaae felepó.

Yesuné momatere bemó hokqle fo

(Mat 21:12-17, Luk 19:45-48, Jon 2:13-22)

¹² Atéro fiyóló be detepa, hika ai Betani be taaróló fu betalemó, tu tuamó Yesu a wote yalepó. ¹³ Atétepa, a tumó fu bitu kese falalemó betā nose mo umó daapa kelalepó. Atépa betepaae fóló, dukó ol-erémóló kelalemó, oleni hāle sókumaaté erepó. ¹⁴ Atépa kale nipaae duraalu, “Me sukamó wouraalu whj betānekélé naao du momó kae tokóló naalomeipó,” depa ama yó matere whjrapené wosalepó.

¹⁵ Atéro, atima momó Jerusalem beapaae sókó wóló bituraalu, kale momatere be dolopaae fóló kelalemó, whjrape ai be dolomó qla qla dotonóló dupu du betepa hokó faralepó. Atéro, be kaepaae wale whjrape atimané *moni* ai be talené *monitamo* duputamo du betere ni fakeraperó ba hokósere beleróló dotonótu betere fōloi ni fakerapetamo fesekeyóló taae faralepó. ¹⁶ Téro, mepaae whjné momatere be tuā dolomótei dotonaaire qla qla beleyóló sóró fua wua du betepa, Yesuné ama seséyóló kaae sóró hokonalepó. ¹⁷ Atéro ama atimapaee yó mótu duraalu, “I aseýóló muló betere fo diaaq dosayóló tué munié?

‘Yalo beta, i hae kwia feamó betó mole kae kae tiki daae mole so whjné Talepaae betā moma yópóló tēno betere bepó, erapó.’

Ai fo epatei, diaaq du betere alané qlémi nokole whjrape touróló betere be aqrótu beterapó,” yalepó.

¹⁸ Yesuné atéro yó mótu betere fo mo so whjné wosóló siratu betere ala, mo

so whimó Talepaae momaratere topo whiraperó Moses-né asere fo yó matere whirapetamoné wosóló atima dei kisipa muturaalu, Yesu daaire tų kikitu betalepó.

¹⁹ Atétu beteró be dikitepa, atima ai doasi be hulua taaróló felepó.

*Yesuné nose sélirale fo
(Mat 21:20-22)*

²⁰ Atéró, atima mo hikati tumó fu bituraalu kelalemó, kale ni nose betekélé mo turó sélipa kelalepó. ²¹ Atépa, Yesuné take kale yale fo Pitané tué muni wapa apaae duraalu, “Yó matere whi-ó, naao foné dorale ni nose ai sélirapa kelere!” yalepó. ²² Ti fo depa Yesuné apaae duraalu, “Kótópaae tué tiki tiróló betae. ²³ Yalo diapaae mo i dere ape. Mepaae whi de kisipa tamo muni, Talepaae tué tiki tiróló i ulupaae ya ai daale tiki taaróló wēi kēla tómó daane derepae depa, mo téyaalo ai ape. ²⁴ Térapa, yalo diapaae i dere fo wosae. Diāné moma duraalu me noa ɔlakó wosetepa, ti ai wosetere ɔla naao mo serapóló tué tiki tiratepa, ti diaaɔ mo saalo ai ape. ²⁵ Diāné moma duraalu, hepen bemó betere Aya Kótóné diaaɔ yale dowi ala kwia hāle kemerópóló, mené diapaae me dowi ala erélipa, ti apaaemo kwia tokó melaai dapóló tao tani, me ɔla meipóló kisipa keterae,” yalepó. ²⁶ (-)

*Yesupaae ya né sóró betemale éyale fo
(Mat 21:23-27, Luk 20:1-8)*

²⁷ Téró atima momó Jerusalem bepaee wóló bituraalu, ɔ momatere be tipiné bopéro daaló betere tuamó kutu betalemó, mo so whimó Talepaae momaratere topo whirapekélé, Moses-né asere fo yó matere whirapekélé, mepaae whi disirapekélé, fea ɔ beterepaae walepó. ²⁸ Atéró wóló apaae woseturaalu, “Ai alarape du beterópóló ya né sóró betemaleé?” yalepó.

²⁹ Ai fo depa Yesuné atimapaee tokó mótu duraalu, “Yalokélé diapaae betá wosetere fo yaalopó. Yalo wosetere fotamo diaaɔ epaae tokó matepa, ti diaaɔ wosetere fokélé yalo tokó melaalopó. ³⁰ Ti take Jon-né so whi wēi tópurale ala, momó kaayóló waleé? Ó hepen bemó betere

Talené yae depa yalepé, mo whiné yae depa yaleé?” yalepó.

³¹ Ai fo depa, kale whirape atimasitei fo kēlaaróló duraalu, “Dāné hepen bemó Talené yae depa yalepó enalemó, ti dapaae ama dere fo wosóló apaae tué tiki tirénitere noatepae? yaalopó.

³² Atéyaɔsóró, mo whiné yae depa yalepó fo uātei, Jon ɔ Kótóné fo eratere ɔlóló whipóló so whi feané kisipareteiné atima kapo duné dā siróló daɔsóró ai fo yaalo meipó,” yalepó.

³³ Atétepa atimané Yesupaae duraalu, “Dā tuénipó,” yalepó. Ti fo depa ama atimapaee duraalu, “Mené epaae i alarape yae depa dapóló, yalokélé diapaae yó melaalomeipó,” yalepó.

12

*Kutó tale faai yale fo sale
(Mat 21:33-46, Luk 20:9-19)*

¹ Téró, Yesuné ama kale fo sale forape momó kaae sóró yó melótu duraalu, “Whi betané wain képi wae biliyaai kutó diyóló tipí bopé yalepó. Atéró, kale képi du ulumétepa tokóló fe dowāaire tiki kaponétei aleyóló mulalepó. Atéró kemetepa, kutó kaae tawóló betaaire be mo sikimó deróló tēalepó. Téró ai kutó tale ɔ me bepaee faai kutó kaae tawópóló, mepaae whirape sóró beteróló duraalu, ɔla ulumétepa sere sukamó dā bukaalopa, kutó wisiyóló kaae tawae yóló ɔ felepó. ² Atéró fóló bitu, ama biliale képi du ulumétepa sere alimó bukóló, ama saaire sų ti ama kutó diratere whi betané sene fópóló, kale kutó kaae tare whirape beterepaae dotonalepó. ³ Atéró dotonalemó, atimané ɔ tawóló fokosoi ala du beteró me ɔlakélé menéni, hāle fópóló dotonalepó. ⁴ Tétepa, kale whiné ama me kutó diratere whimo dotonalemó, ai whikélé kale dere kaae topomó kapóro dóló haleróló faralepó. ⁵ Atétepa kale dere kaae, me whimo dotonalemó ai whikélé mo ti dalepó. Tétepa, mepaae whirape mo dekéro dotonótua yalepó. Téyalemó, mepaae whirape dóló hāle susupuróo, mepaae whirape mo ti dóló sukunóo dua yalepó.

⁶ Whjrape fea atétu beteró kemeróturaalu, ama hosaa mole naale betą bitj felepó. Ai naale dotonaai duraalu, mió atima yąlo i naale aqomó bituraalu, ąpaae mo wisi ala betą eraalopóló kisipa mutu dotęyalepó.

⁷ Téyaletei, kale naale wale kilitu, kale kutó kaae tare whjrape atimasisi duraalu, 'I kutó tale sukutepa ą betale sirimó be-taire whj ai wale ape. Tétu ai kutó ama saqsóro dą saairaalu, ą daalopa siépe,' yalepó. ⁸ Atéró, atimané kale sekékélé mo ti dóló sukunóló, ai kutó tipi ąpaae taae deralepó.

⁹ Atétepa, ai kutó talené ama noa ala yaaloé? Kale kutó tale ą wouraalu ai kutó kaae tare whjrape fea mo ti dóló aluraalopó. Atéró ai kutó kaae tawópoló, mepaae whjrape sóro beteraalopó. ¹⁰ Ti i aseyóló muló betere fo diaaq dosąyóló tué munié?

'Kale be tętere whjrapené dopa taae farale kapo faketei, doasi be hulua deyaaire eleké wisinaale alée felepó.

¹¹ Ai ere ala wisinaale ąané kilituraalu, Talené eró beterapóló dukiróló sir-atu beterapó,' " yalepó.

¹² Yesuné ai yale fo sale beteta, Juda topo whjrape atima só deratapóló kisipa mutu, ą daaire tų kikitu betalepó. Aimó ą tawaai yalemó, ai touró betere so whjné atimapaee me ala eraqsóro witepa taaróló felepó.

Sisapaae takis moni matere fo
(Mat 22:15-22, Luk 20:20-26)

¹³ Atéró, nalo mepaae Farisi whjraperó Herot-né ama kisipa mole ala erótu betere whjrapetamo Yesuné dere fo bete wosóló ą só deraairaalu, kaae tawóló beterópoló dotonale whjrape walepó. ¹⁴ Atima wóló Yesupaae duraalu, "Yó matere whj-ó, yąta mo fomaaté dere whj beteretei ąané tuęrapó. Téruraalu, doasi doi mole so whjró wisi so whjtamo maaté tao sóro wisi ala eróturaalu, mepaae belei sókó deyóló betó mole so whj taalatiimpó. Téni, kale mo fo bete sya furaalu, Kótóné ama ere ala i ape yóló yó mótu beteretei ąané kisi-parapó. Térapa, ąané topo whj Sisapaae

takis moni matere ala wisirépé dore?
¹⁵ Naaó kisipané melarópé melaqseróe?" yalepó.

Ti fo depa, Yesuné tiki tuąpaee dorutei tó tikiné wisire nisi du betere whjrapené kapala dilikitu betere ala bete ama tuępatei duraalu, "Diąné ę dópóló só deraai noatepa dilikitu bitu de? Ti ai *denarias moni* yąlo kelaalopa ipaae sóro ape," yalepó. ¹⁶ Tétepa, atimané kale *denarias moni* kolópoló sóro wóló matepa, atimapaee woseturaalu, "I ere asęró mole asotamo-a, né?" yóló wosetepa, atimané ąpaae duraalu, "Aita Sisané asęró asotamopó," yalepó.

¹⁷ Ai fo depa Yesuné atimapaee duraalu, "Sisané ąlata, ti Sisapaae melae. Kótóné ąla ąla ti Kótópaae melae," yalepó. Ama ai dere fo woseturaalu, atimané haió! yóló siratu betalepó.

Kepaayóló bitu so ó whj dokaalomeipóló dere fo

(Mat 22:23-33, Luk 20:27-40)

¹⁸ Atéyale kılıpaae etéyalepó. Sukutere so whj momó kae kepaayaalomei, mo ti alutapó du betere Sadyusi whjrape Yesu beterepaae wóló i fo wosalepó. ¹⁹ "Yó matere whj-ó, Moses-né i fo aseyóló muló beterapó. 'Mepaae whjné so dokaletai naale dini hąle beteró sukutepa, ti nomanémo ai so wulia dokóló naale detepa, ti sukąle whj sirimó bituraalu, ama ąla ąla tęteróló kaae tanópoló yae,' fo erapó. ²⁰ Take węikeró nomarape beterepó. Atéró kale topo whj so dokaletai, naale senaalekélé dini hąle sukąlepó. ²¹ Atéró sukutepa, ai so wulia noma me whjnémo dokalepó. Téyalemó, ai whjkélé naale dini hąle sukąlepó. Atétepa, noma me whjnémo dokalepó. Téyalemó, ai whj ąkélé hąle sukąlepó. ²² Atétepa, kale so wulia węikeró nomarapené dokoté waletai, kale węikeró whjrape fea naale betąkélé dinipó. Téró nalo kemeróturaalu, kale sokélé sukąlepó. ²³ Atéyale so take kepaayóló wale sukamó, mé whjné ą dokaaloé? Ti noatepae, betą sotei take nomarape feané dokoté waletainépó," yalepó. ²⁴ Ai fo depa Yesuné atimapaee

duraalu, “Kótóné aseýóló muló betere foró ama fotokotamo wisiyóló tué munireteiné diá fea kópaae falapó. ²⁵ Ti sukále so whi momó kepaayóló betere sukamó, so dokotere ala yaalomeipó. Sokélé, whitamó dokotere ala mo yaalo meipó. Heppen bemó betere *ensel*-rape ere kaae, haletóro betó tawaalo ai ape. ²⁶ Sukále whi momó kepaayóló betaalopóló, Moses-né aseýóló muló betteretei, diaaq dosayayóló tué muni airapó. Hasi fosómó ni sesaape dolomó Kótóné Moses-paae duraalu, ‘Éta Abraham, Aisak, Jekop-sépi, tetéroló kaae tare Kótó i betere ape,’ erapó. ²⁷ Ti áta, mo take sukóló aluyale so whi tetéroló kaae tare Kótó mei, mió i alimó betó mole so whikélé tetéroló kaae tare Kótópó, erapó. Atépaitei diá tuéniru, hoko fo du beterapó,” yalepó.

Kótóné yóló muló betere doasi topo fo (Mat 22:34-40, Luk 10:25-28)

²⁸ Atéroló, Sadyusi whirapené Yesupaae wosetere fo fea ama wisiyóló tokó mótu betepa, Moses-né asere fo yó matere whirapekó betané Yesupaae woseturaalu, “Kótóné yae yóló muló betere forape tuamó mo doasi bete mole fo-a, mée?” yalepó.

²⁹ Ti fo depa Yesuné duraalu, “Mo doasi bete mole topo fo i ape.

‘Israel fake so whi-ó, wosae! Dá tetéroló kaae tare Tale Kótóta me kae bitini, mo betatóro beterapó.

³⁰ Térapa, Tale Kótópaae yaala sókó fole alata, tué tiki turónékélé, naao hosaa turónékélé, naao kepe bete turónékélé, naao fotokó turónékélé yaala sókó fu betae.’

³¹ Tamo dakoróló dere fo me i ape.

‘Naaotei ya yaala sókó fu dere kaae, naao be whi so whipaaekélé atéroló yaala sókó fu betae.’

I fo tamóné mepaae yae yóló muló betere forape fea tetéroló beterapó,” yalepó.

³² Ai fo depa kale whiné tokó mótu duraalu, “Yó matere whi-ó, Kótó tekeyóló tamo bitini, mo betatóro beterapó dere fota, naao mo dono ai dere ape. ³³ Ti naao hosaa turónékélé, naao tué tiki turónékélé, naao fotokó turónékélé, Talepaae yaala

sókó fu betae. Téturaalu, naaotei ya yaala sókó fu dere kaae, naao be whi so whipaaekélé atéroló yaala sókó fu betae. Ai doasi bete mole fo tamota hupu dóló Talepaae simó sukúlaa dalatere alaró mepaae ọla ọla hałe matere alatamo mo tetéroló beterapó,” yalepó.

³⁴ Téroló, Yesuné ama ai yale fo bete kale whiné mo wisiyóló tokó matepa apaae duraalu, “Yata, Kótóné tetéroló kaae tare tikipaae mo felekemó sókó faai dapó,” yalepó. Ai fo deremó, me whinékelé apaae wosetere fo kae ini, atima witepa taaralepó.

Keriso né naaleé yale fo

(Mat 22:41-46, Luk 20:41-44)

³⁵ Atéroló, Yesu á momatere be bolaare tuamó daalu so whipaae fo yó móturaalu, i fo wosalepó. “Kale Moses-né asere fo yó matere whirapené duraalu, Kótóné sóroló beteró betere whi Kerisota Depit-né naalemapó du betere fo-a, noa betené du bitute? ³⁶ Mo take Deji Kepe Wisiné Depit á fotokoratepa, ama haķearóló i fo ipakalepó.

‘Talené ę tetéroló kaae tare Talepaae duraalu,

“Naao bóe whirape ya aqmó beterópóló, yalo dóló teteraalopa, ya yalo turu naase demótóro betó tawae,” ’ erapó.

³⁷ Depit-né ama deyale naalené deyaaire naalepaaetei, á tetéroló kaae tare Tale-ó du betale-a, neyóló yaleé?” yalepó. Ama atéroló dere fo aimó touró betere mo so whiné heķesetamo wosetu betalepó.

³⁸ Téroló, Yesuné so whipaae fo yó mótu duraalu, “Moses-né asere fo yó matere whirapené dere alané diá doraqsóro, mo hotowa yóló kaae tawae. Ti atimata, so whi feané whi wisipó yóló dukiratere kokqmó, so whi touraleta dere tikipaae faairaaalu, fıloi kuti wisinaale maaté deróló fua dapó. ³⁹ Téroló, Kótóné fo wosetere berapepaae furaalukélé, mo doasi topo whirape bituatere tikimótóro betaai eķełe yóo, kale ọla detere sukamókélé, doasi doi mole topo whirape bituatere tikimótóro eķełe yóló betóo, dua dapó. ⁴⁰ Atéturaalu, kale wulia sorapekélé

dilikóló atimané muó mole ɔla ɔlakélé ɔlémi sóo, atima dukirópóló momatere alakélé mo fɔlo sɔyóló yóo, dua dapó. Atétere wh̄irapeta take taletere sukamó, mo doakale dowi kwia saalo ai ape,” yalepó.

*Wulia soné Talepaae male moni ke
(Luk 21:1-4)*

⁴¹ Atéró, me etéyalepó. Momatere bemó so wh̄i atimané tare *moni* sɔtóró Talepaae h̄ale der̄leta duraalu mepaae néli so wh̄iné ti doasi *moni* derótua yalepó. Atétu betepa, Yesu ɔ kaae tawóló daalepó. ⁴² Téyaletei, bet̄a yolealere wulia soné ama sonaai *moni* ke tamo sóró wóló deralepó. Ai *moni* keta, kale sonaai *moni* ketamo sɔnipó.

⁴³ Yesuné ai kale wulia soné der̄le wale *moni* ke kolóló, ama yó matere wh̄irapepaae ape yóló duraalu, “Ȳalo dīpaae mo i dere ape. I yolealere wulia soné der̄le wale *moni* kené so wh̄i feané der̄leta yale *moni* fea teraae falapó. ⁴⁴ Ti noatepae, mepaae so wh̄inéta doasi *moni* mupatei, tómó moletei maaté sóró wóló der̄leta yalepó. Téyaletei, i wulia sonéta ama depe dolo sesé taretei mo ti kemeróló der̄le walepó,” yalepó.

13

*Mió betere ali kemeteremó yaaire ala
(Mat 24:1-35, Luk 21:5-33)*

¹ Téró, atima ai momatere be taaróló fu bitu, ama yó matere wh̄irapekó bet̄ané ɔpaae duraalu, “Yó matere wh̄i-ó, doakale kapo fakené be wisinaale ai t̄ɛnapa kelere?” yalepó.

² Ai fo depa Yesuné duraalu, “Ai t̄ɛ mole doasi be wisinaalerape take fisikó furaalu, mió i ere kaae bet̄a kane fakekélé metamo olekepa kelaalomeipó. Mo featóró kolokó fóló muaalo ai ape,” yalepó.

³⁻⁴ Atéró, Yesu ai momatere be ópaae t̄ɛne fapa, *Olip* du sokoremó Pita, Jems, Jon, Andru atimasisi bitu ɔpaae wosetu-raalu, “Naao mió ti bope yale alarape-a metéli yaaloé? Ai yale fo mo dokón-airaalu noa alapi depa, kolóló d̄ané kisipa yaaloé?” yalepó.

⁵ Ai fo depa Yesuné duraalu, “Mepaae wh̄iné kapala fo yóló dī dilikaɔsóró, mo wisiyóló kaae tawae. ⁶ Mepaae dilikitere wh̄irape wóló, ȳalo doi yóló duraalu, ‘Èta dīané wópóló kaae tare wh̄i Keriso i ape,’ yóló, so wh̄i fea kópaae fópóló dilik̄aalo ai ape. ⁷ Bóe mo du betepa kolóló dere foró, me bemó bóe du betepapóló deté kotere fotamo wosóló, diri furu furu duraalu wiyaɔse. Ti ai alarapeta, mo yaalotei kemeyaaire be d̄ɛ sókó waai teórápó. ⁸ Me hae kwiamó betere wh̄iró me hae kwiamó betere wh̄itamó bóe daalo ai ape. Me hae kwia t̄ɛteróló kaae tare topo wh̄iraperó me hae kwia t̄ɛteróló kaae tare topo wh̄irapetamo bóe daalopó. Kae kae hae kwiapaae doakale baotere alaró, ɔla sóku alutere alitamo waalo ai ape. Ai alarapeta, sorapené naale saai sisó kaae sóró nukutere kaae dapó. Ai alarape yóló kemetepa, nalo mo doasi sekei ala waalopó.

⁹ Ai sekei alarapeta h̄asókó feni, dīpaae mo eraalopa siki sikiyóló betó muae. Ti noatepae, mepaae mo wh̄irapené dī be kaae tare wh̄irapené fo tokóló s̄ derópóló, atima naase tuámó mulóo, mepaae wh̄irapené dī fo wosetere bepaae dapesó fóló fokosói ala yóo, yaalopó. Dī ȳalo ala erateremó, t̄ɛteróló kaae tare *Gavman* doasi topo wh̄iraperó atimané sóró beteró betere topo wh̄irapetamoné keletómó sóró daalaalo ai ape. Atétere be demó, Talené dīpaae erale alarape atimané wosópóló, diaao yaaire t̄ɛ amatei mulaalo ai ape. ¹⁰ Atéró, kemeyaaire be d̄ɛ sókó waai teópa, folosóró i hae kwia feamó betó mole so wh̄ipaae mió wosetere fo wisi yó maté kw̄eyóló s̄raalopó. ¹¹ Atétepa, mepaae wh̄iné dītamó fo tokótamo yaai dapesó fupa, noa fo yaalorópóló whaalia yaɔse. Dīané fo yaai kaae seretamo, diaaɔ yaaire fo Talené yó melaalo ai ape. Diaaɔ kisipané yaalomeitei, Kótóné ama D̄ɛi Kepe Wisiné yae dere fotóró yaalo ai ape.

¹² Me wh̄iné ama nomatei mené d̄ópóló eleké deyóo, me wh̄iné ama naaletei me wh̄iné d̄ópóló eleké deyóo, naale senaalenékélé hama alima aɔmó betere

hóróló, mepaae whiné dópóló eleké deyóo, yaalopó. ¹³ Dią ąło ala erótu beterémó, so whi mo feané diątamo dei tuę muturaalu, dią hóróló bóe daalo ai ape. Téyaalotei, mepaae so whi de ępaae kisipa tiki tiróló, diriýóló bitiré fóló kemetere kwiamó sókó fupa, ti atétere so whi aluyaęsóró ąło tao saalopó.

¹⁴ Diaaę kelerąlemó, Kótóné ama kae bemótei, mo kelaalo sonaalei dowi ala du betepa, Talené doi folokoleróló, be mo wópu mulaalopó. Ai ala enénire tikimótei epa kilitu, i asęre fo dosąterere so whi diąné mo wisiyóló kisipa muae. Ai ala depa, Judia hae kwiamó betó mole so whi hasi fosópaae botokó fópóló yae. ¹⁵ Dią siki be kemó beterąlemó i seęi ala wapa kilitu, siki bemó betteretei taaróló, aęró be kemó mole ęla ęla sene derepéni taaróló botokó fae. ¹⁶ Mepaae whi kutómó daarąlemó ai ala depa, ama dąae mulale bukutere kuti momó sene feni, mulópóló taaróló botokó fae. ¹⁷ Atétere sukamó, mepaae naale ere soraperó naale senaale tare sorapetamo botokó faaire ęuni bipi ereteiné mo doa kęlerapó. ¹⁸ Térapa, ai alarape sosóli alimó ąęsórópa, moma betą du betae. ¹⁹ Ti noatepae, Atétere alimó mo doakale dowi seęę waalo ai ape. Mo take Kótóné keké nale alimó kaae sóró bitiré wóló, mió i alimókélé atei kaae dowi seęę ala mo kolókélé inipó. Téró bitiré fóló, nalopaaekélé atei kaae dowi seęę ala momó kae kelaalomeipó. ²⁰ Ai be dęrape Talené hąlekeróló tukóló mulóluę meisóró, ti so whi mo betąkókélé hąsókó fuą meipó. Talené ama sorokósu yóló kae beteró betere so whimó kisipa mutu, be dęrape hąlekeróló tukóló muló betterapó. ²¹ Ai sukamó whi mené diąpaae duraalu, ‘Kale sóró beteró betere whi Keriso ai walapa kelae!’ Ó u wóló betere ape depa wosóló, mo dapóló momókó tuę tiki tiraęse. ²² Ti noatepae, mepaae Keriso aęyóló dilikitu betere whiraperó Kótóné kóló whipóló kapala fo yó matere whirapetamo waalo ai ape. Atétu, kae kae ala yaairemó eratere doasi alaró kae kae kelemei alarapetamo eróturaalu, Kótóné sorokósu yóló kae beteró betere

so whikélé kópaae fenérémóló kęae kolóló ęu saalopó. ²³ Téyaalopa, dią dilikóló kópaae falaęsóró, siki siki yóló bituraalu mo wisiyóló kaae tawae. Ai alarape fea yaai teópatei, ąło diąpaae i dere ape.

²⁴⁻²⁵ Ai seęęi alarape wale kęlipaae ti i asęre fo dokonóturaalu, i alarapepi yaalo ai ape.

‘Suka ke aluróló dilikiróo, Wéliékélé dę iniyóo, hęrerapekélé i haepaae torokó dorowóo, yaalopó.

Téturaalu, Kótóné ama bole fotokęnétei ó ęu woreróturaalu, ęamó ere ęla ęlakélé fea wore yaalo ai ape,’ erapó.

²⁶ Atétere sukamó, kale Whiné Naalema ą ama fotokęró mo kae ere dę wisinaale-tamo ęako tuąmó sókó wapa, so whi feané kelaalo ai ape. ²⁷ Atéro wóló daalu, ama sorokósu yóló kae beteró betere so whi dape siré kweyópóló, ama *ensel*-rape dotonaalopó. Haeró ęu kwiatamo dene fale dokę feamó, betóló fale so whi dape siré kweyópóló dotonaalopó.

²⁸ Téró fo me i ape. Ni nosepaae dó faróló dere fo diaaę wisiyóló tuę yaasepóló, i dapa wosae. Nose sóku fóló, totokę momó beletepa kilituraalu, kale ba fo ali mió felekemó sókó walapó dua dapó. ²⁹ ąło i bopeyale alarape eratepa kilituraalu, kale Whiné Naalema felekemó waai, tu serekemó daapa dapóló tuę muae. ³⁰ ąło diąpaae mo i dere ape. Mió i alimó betó mole so whi fea sukuni hąle betepatei, i alarape mo eratepa kelaalo ai ape. ³¹ Ó ęaró i haetamo kemeyaalotei, ąło fo betą mo kemekélé ini, hąle muótóro tawaalopó.

ą waaire be dęró suka keletamo tuęnipó yale fo

(Mat 24:36-44)

³² Mo whi betąnékélé, hepen bemó betere *ensel*-rapekélé, Naalemanékélé, ai be dęró suka keletamo tuęnitei, i be dęmó i alarape yaalopóló, Alimané betą tuęrapó. ³³ Térapa, ą waaire be dę dią tuę inireteiné ali ali ąęsóró, betere dokę siki siki du betae. ³⁴ Kale Whiné Naalema waaireteita, i ala dere kaaepó. Betą whi metikipaae

faairaaalu, ama kutó diratere wh̄irapepaae kutó bet̄a bet̄a yóló dok̄oratapó. Atéró, be t̄u sókó walemó daayaaire wh̄ipaaekélé, mo wisiyóló kaae tawae yóló ̄a fulapó.

³⁵⁻³⁶ Ti be tale fesaae waaire suka dīa tuénipa, ai be d̄e kaae tawóló bet̄ae. Ti noatepae, suka doropolepaae ó dilikitamo ó be deyaai bané hale deretamo ó dīa noke firepaae ó suka sokoterepaae ̄a hapale sókó walemó, dīa ali ali eraqsóró kele diriyóló betaasepóló dapó. ³⁷ Ȳalo i dere fota, dīapaae maaté dumitei, so wh̄i feapaae ̄a mo waalopa, hotowayóló kaae tawae, yóló i dere ape,” yalepó.

14

*Betani bemó Yesu wel wēi dilale fo
(Mat 26:1-13, Jon 12:1-8)*

¹ Atéró, kale boseneyóló fele be d̄eró fopei *bred* o deyóló nokole be d̄etamo sókó waai, tamo be d̄e h̄ale mupa et̄eyalepó. Kale so wh̄imó momaratere wh̄iraperó Moses-né as̄ere fo yó matere wh̄irapetamoné Yesu tawóló daaire t̄u kikitua duraalu, “D̄ané ̄a neyóló tawóló daaloé?” yalepó. ² Tétepa, mepaae wh̄iné duraalu, “Itei kaae ̄la detere be d̄emó d̄ané ai ala enalemó, ti so wh̄iné h̄le sóró doasi foya enérápó,” yalepó.

³ Téró, Yesu ̄a Betani bemó dowi humu fuluné tiki dopa, take ama wisirale wh̄i Saimon-né bemó ̄la nuku beterepó. Atétepa, so bet̄ané *alabasta* kanené aleale wutimó felé k̄elaa wale *nadi wel* wēi maapa tawóló walepó. Ai wēita, doasi *moni*-né duputeretei kale soné ai wuti topo dopó faróló, Yesuné topomó suniyalepó.

⁴ Atétere ala mepaae wh̄irapené kilitu, ai sotamo dei tūe muóló atimasitei duraalu, “Ai wēi wisinaale noatepa h̄ale besekéróló suniyalerópó? ⁵ I wēita, dotonóló 300 *denarias moni* sóró mepaae h̄ale yolealere so wh̄imó móluqsóró wisiuapóló,” deteraayóló tamo foné su betalepó.

⁶ Atétu betepa, Yesuné atimapaee duraalu, “Ama epaae mo kok̄i ala wisinaale eralepa, diaāq ̄a foné sere ala taalae. ⁷ Ai yolealere so wh̄ita, suka fea

dīatamo bitu, diaāq tao saai kisipa mutere sukamó tao sua enérápó. Téyaalotei, ̄eta suka fea dīatamo betó tawaalo meipó. ⁸ Téyaaireteiné ai soné ama enére ala ai yale ape. Ama ai yale alata, ȳalo tiki douratere sukamó felé k̄elaa wisi wópóló yaaire ala s̄uralepó. ⁹ Ȳalo dīapaae mo i dere ape. Hae kwia feapaae kale fo wisi yó maté kuturaalu, i soné epaae erale alakélé tūetóró h̄ale yó taru, yó melaté kweyaalopó,” yalepó.

¹⁰ Téró Yesuné ama yó matere 12 wh̄irapekó Iskariot be wh̄ikó Judas ̄a Talepaae momaratere topo wh̄irape beterepaae Yesu daaire t̄u aleyópóló eleké dene felepó. ¹¹ Atéteremó, kale wh̄irape atima h̄ekesené sukuturaalu, Judas-mó *moni* melaai taleyóló mulalepó. Tétepa Judas ̄a bituraalu, Yesu eleké deyaaire t̄u kekitu betalepó.

*Talepaae erale ala tūe muóló nokole ̄la
(Mat 26:17-30, Luk 22:7-23, Jon 13:21-30, 1Korin 11:23-25)*

¹² Téró, kale fopei *bred* o deyóló nokole *fula* kaae sere be d̄emó i ala yalepó. Atimané mara mole ala sya furaalu, kale boseneyóló fele be d̄emó ̄la deyaai *sip-sip* hupu male dóló simó biliyóló nukua dapó. Ai ala yaai, Yesuné ama yó matere wh̄irapené apaae woseturaalu, “Kale boseneyóló fele be d̄emó deyóló naaire ̄la d̄ané mé bemó taleyóló mularóé?” yalepó.

¹³ Ai fo depa, ama yó matere wh̄irapekó tamo dotonaa duraalu, “Diaamo ai doasi be huluapaae fóló kelenalemó, t̄u tūamó bet̄a wh̄i ̄a wēi wuti beleyóló wou betepa hokolaayaalo ai ape. Téyaalopa, diaamokélé ̄atamo fae. ¹⁴ Atéró, ̄a fole be dolopaae diaamokélé fóló, ai be talepaae i fo yae. ‘Yó matere wh̄i ̄a ama yó matere wh̄irapetamo, kale boseneyóló fele be d̄emó detere ̄la naairaaalu wale wh̄irape betaaire be ke mé eré?’ yóló wosae. ¹⁵ Ténalemó, ̄la ̄la fea s̄umótóró sisóló muló betere siki be ke doasi ama diaamopaae yó melaalo ai ape. Ai be dolomó d̄ané naaire ̄lakélé taleyóló mulale fae,” yóló dot̄eyalepó.

16 Tétepa, ama yó matere whi tamo fóló kelalemó, Yesuné atimaamopaae epa kelaalo ai ape yale alatóróti, mó epa kelaalépó. Atépa, ai be ke dolomó kale bosenyóló fele be demó deyóló naaire ọla taleyóló mulalepó.

17 Téró, be dikiteretamo Yesu ọ ama yó matere 12 whirapetamo sókó walepó.

18 Atéró, atima be dolomó ọla nuku bitu, Yesuné ama yó matere whirapepaae duraalu, “Yọlo diapaae mo i dere ape. Mió ẹtamo i ọla nuku betere whirapekó betané ẹ dópóló me whipaae eleké deyaalo ai ape,” yalepó.

19 Ai fo deremó, atima tué seketepa apaae duraalu, “Yọ yọlo eleké deyaalopóló de?” yóló, atima feané betọ kaae fotóró deté felepó.

20 Tétepa, Yesuné atimapaee duraalu, “Ai ala yaaire whita, diọ 12 whirapekó mió i nuku dolomó *bred* o wẹimó tópuró su yóló nuku betere whinétei ẹ dópóló eleké deyaalo ai ape. 21 Atéró, kale Whiné Naalemapaae eraaire alata, kale ašemó ere fo mo dokonaalo ai ape. Téyaalotei, kale Whiné Naalema dópóló eleké deyaaire whi ọ betọ doasi dowi kwia saairemó wió yae! Ai whi ọ hamané dewuọ meisóró, mo wisi wuapó,” yalepó.

22 Atéró atima ọla nuku bitu, Yesuné kale *bred* o bula betọ tao sóró taru, Talepaae mo kée yóló kolokó daalu yóló, ama yó matere whirape dokoróló mótu duraalu, “Ita yọlo tikipa, sóró nae,” yalepó.

23 Téró kale dere kaae, *wain* wẹi wutikélé sóró taru Talepaae mo kée yóló, ama yó matere whirapemó matepa, atima feané betọ wutimótei nukulé felepó.

24 Atéró melóló duraalu, “I wutimó maane wẹita, Kótóné ama so whi fea aluyaqsóró tao saalopóló, diriróturaalu sunée farale yọlo sameapó. 25 Yọlo diapaae mo i dere ape. Ẹ diatamo etéró bitu, *wain* wẹi momó kae néli hale bitiré fóló, Kótóné tẹteróló kaae tare aqmó bituraalu, kisi *wain* wẹi naalopó,” yalepó.

26 Atéró, atima wole fo betọ yóló keme-tepa, Olip du sorokó mole apaae holaai felepó.

Yesuné Pitapaae naao ọ kisipanipó yaalopóló yale fo

(*Mat 26:31-35, Luk 22:31-34, Jon 13:36-38*)

27 Atéró fóló, Yesuné atimapaee duraalu, “Mió diọ ẹtamo betámó titiyóló beteretei, ẹ taaróló botokó dapo dapo yaalo ai ape. Ti ašemó i fo erapó.

‘Kale *sipsip* hupu kaae tare whi yọlo dupa, hupurape atima botokó dapo dapo yaalopó,’ erapó.

28 Téyaalotei, ẹ momó kepaayóló Kaleli haepaae ẹpi fimó, diọ nalo waalo ai ape,” yalepó.

29 Ai fo depa Pitané Yesupaae duraalu, “Mepaae whirapené yọ taaróló fupa, ẹ betọ mo até yaalomeipó,” yalepó.

30 Ai fo depa Yesuné apaae tokó mótu duraalu, “Yọlo yapaae mo i dere ape. Mo mió dilikitamo wọ *kakaruk* bané hale tamo dakoróló yaaipatei, naao ẹ tuenipó fo sore félimó yaalo ai ape,” yalepó.

31 Ti fo depa, Pitané fo diriné momó duraalu, “Atimané ẹkélé yatamo wusuró dópóló, yọlo yọ tuenipó fo mo yaalomeipó,” yalepó. Mepaae yó matere whirape feanékelé, ama ai dere fo kaaetóró yalepó.

Ketsemanimó yale ala

(*Mat 26:36-46, Luk 22:39-46*)

32 Atéró, atima kelaalo kokoi tiki Ketsemanimó sókó felepó. Aimó ama yó matere whirapepaae duraalu, “Ẹta momane fulapa diọ imó betó muae,” yalepó. 33 Atéró Pita, Jems, noma Jon, atima maaté Yesutamo felepó. Atéró, Yesuné ama hosaa tuamó mo doasi dele duraalu, sekené sukóló dei fomaake kisipa kaae sóró muté fu betalepó. 34 Atétepa, ama atimapaee duraalu, “Yọlo hosaa tuamó dekené sukutu ẹ mo felekemó sukaii dapa, diọ imó kaae tawóló betó muae,” yalepó.

35-36 Ai fo yóló, ọ atima betere tiki sawa taaróló fóló, apaae waaire seke hasókó fópóló, haemó deraapisa fóló mulu momaturaalu, “Apa-ó, epaae i eraaire sekei ala waqsóró seséyaaire tọ mupa, ti naao seséyae.

Tépatei, yało kisipa mole ala sya fóló ini, naao kisipa mole ala betą erópóló yae,” yalepó.

³⁷ Téró ą ama yó matere whįrape beterepaae momó fesaae walemó, atima noke fopesaapa kelalepó. Atépa, Pita turukuróló duraalu, “Saimon-ó, suka kele betąmó ę kaae tawóló bitini, ya noke ai firerapó. ³⁸ Kae kae sų sere alané dią me dowi ala yóló dée nalaqsóró, mo hotowayóló kaae taruraalu momatu betae. Ti noatepae, kepe betenéta mo wisi alamaaté yaai ketekę bupatei, tó tikiné dowi ala yaqsóró sesé yaaire fotokę buni, bérápó,” yalepó.

³⁹ Atéró ą fesaae fóló, ama kale yale moma kaaetóró momó yalepó. ⁴⁰ Atéró, ą kale dere kaae momó fesaae wou kelalemó, atima noke kełe depa, fopesaapa yó molepó. Atima atéró noke mo fyaletéiné, ąpaae noa fo yaalorópóló kóló kóló yalepó.

⁴¹ Atéró, ą sore dakeróló momane fi wouraalu kelalemó, noke fire alatóró yó tapa atimapaee duraalu, “Dią sęa nóló noke fitere ala hęle ai yó tare? Sųmó fyałepa mióta, kale tukóló muló betere sukakele i sókó wale ape. Kelae! mió dowi ala dere whįrapené kale Whįné Naalema dópóló, mené eleké ai deyale ape. ⁴² Mió ę dópóló eleké deyaaire whį ai walapa, turukó hóróló dą faalopa fiępe,” yalepó.

Yesu tawale fo

(Mat 26:47-56, Luk 22:47-53, Jon 18:3-12)

⁴³ Ai fo deretamotóró, ama yó matere 12 whįrapekó betą Judas sókó walepó. Ama kılımó, whįrape mo fea sepakeró nópulutamo tao diliki yóló wó tarepó. Ai whįrapeta, mo so whįmó Talepaae momaratere topo whįrapekélé, Moses-né asęre fo yó matere whįrapekélé, whį disirapekélé, atima fea betąmó fo deyóló dotonatepa walepó.

⁴⁴ Téró, Yesu dópóló eleké deyaaire whįné ą tawaaire whįrape atima kóló kóló duraalu, “Họko whįtei tawaqsóró ę fóló, yałotamo kóló tukó nukupa, ti ątóró hįti ai ape. Térapa, tawóló dokóló só furaalu, ą

botokó faqsóró mo wisiyóló kaae tawae,” yóló mulélipakalepó. ⁴⁵ Téró, kale Judas ą Yesu daalepaae mo hapale sókó fóló duraalu, “Yó matere whį-ó,” yóló kóló tukó nalepó. ⁴⁶ Atétepa, ai wóló daae mole whįrape sókó furaalu, Yesu naasemó etęe sóró fotokęyóló tawalepó. ⁴⁷ Atétere ala kolóló, Yesutamo daale whį betąné ama sepake sókó sóró, so whįmó Talepaae momaratere topo whįné kutó diratere whįné wosęli sęae deralepó.

⁴⁸ Atétepa, Yesuné atimapaee duraalu, “Ęta, *Gavman*-tamo bóe dóló so whį yało ąlisóró fulapóló ę daai nópuluró sepaketamo tao dilikiyóló woute? ⁴⁹ Ti ę suka fea momatere be belamó daalu diąpaae fo yó mótu betepa, fo tokótamo yaairaalu, diąné ę aimó tanipó. Tépatei, kale asęmó yóló muló betere fo dokonaairaalu dapa, mo erópóló yae,” yalepó. ⁵⁰ Yesu atéró tateremó, ama yó matere whįrape atima wimó ą taaróló, botokó dapo dapo yalepó.

⁵¹ Atétepa, betą kokopei whį kutikélé deréni, ama bukutere deį kuti maaté bukóló Yesu sya fu betalepó. ⁵² Atéró fu betalemó, atimané ąkélé ama bukure kuttitamo touróló tawalemó, ai kutitei atimapaee dęae melóló, ą tiki daapi hęle botokó felepó.

Juda topo whįrapené Yesu só derale fo

(Mat 26:57-68, Luk 22:54-55,63-71, Jon 18:13-14,19-24)

⁵³ Téró, atimané Yesu ą Talepaae momaratere doasi topo whį beterepaae dapesó walepó. Atéró betepa, ai doasi topo whį aqmó betere momaratere whįrapekélé, Moses-né asęre fo yó matere whįrapekélé, whį disirapekélé, fea wóló touralepó. ⁵⁴ Téró Yesu tawóló só fupa, Pita ą nalo dua tokę su deté fu betalepó. Atéró fóló, momaratere whįrapené topo whįné be bopéró daaló betere dopóku tų serekemó sókó felepó. Atéró ą ai be kaae tare diki tare whįrape betó mole kua dolomó, sosólitepa simó beterepó.

⁵⁵ Atépa, kale momaratere topo whįraperó fo tokóló taletere whįrapetamoné Yesu sukópóló daaire bete kikitu betaletéi, bete mekélé kilinipó. ⁵⁶ Atimané ą dópóló

kapala fo yóló só deraaitere fo whị feané yaletei betạ fotóró ini, mené fo kae, mené fo kae, du betalepó.

⁵⁷ Atéró, ą só deraai mepaae whị turukó holóló daalu i fo yalepó. ⁵⁸ “Mo whịné naasené tẹale be ama fisikóló, whịné tẹnénire momatere be ama sore sukamótóró momó tẹyaalopó depa, ąné wosalepó,” yalepó. ⁵⁹ Téyaletei, atima feané betạ fotóró ini, mepaae whịné dere fo kae, mepaae whịné dere fo kae du betalepó.

⁶⁰ Atétu betepa, momaratere topo whị kale fo tokóló taleratere whịrapené keletómó turukó horóló daalu, Yesupaae woseturaalu, “Yą só deratere whịrapené doa i dere fo-a, naao atimapaee tokó menitere noatepa de?” yalepó.

⁶¹ Ti fo depa, Yesuné atimapaee fo me tokó menipó. Atétepa, kale momaratere topo whịné ąpaae momó woseturaalu, “Yąta, wisi alamaaté erótu betere Talené naalema so whị tẹteróló kaae tanópóló, sóró beteró betere whị Kerisoé?” yalepó.

⁶² Ai fo depa, Yesuné duraalu, “Ai whịta, ẹtóróti i ape. Whịné Naalema mo doasi fotokọ bolé Talené turu naase ẹmó betóo, ó sạko dolomó wóo depa, diaaọ kelaalo ai ape,” yalepó.

⁶³⁻⁶⁴ Kale momaratere topo whịné ama deró betere kuti bisąayóló duraalu, “A só deraaire bete kilinipakó, ama dere ala ke-lale whị me kae kekạalóé? Ti Kótó faletere fota, amatei deremó ąné wosalepa, ąné noa kisipa mute?” depa, atimané duraalu, ą só deraaire fota amatei ai yalepa, ą sukópóló daalopó yóló mulalepó.

⁶⁵ Atéró, mepaae whịrapené ą fesąa apuróo, mepaae whịrapené ti kuti kwiané ama kele husiróló dokóló, naase duné dóo yóló, ąpaae duraalu, “Yątamo Kótóné ama whịpata, ti yą dale whị ąpaae yó ąlae,” yalepó. Atéró, diki tare whịrapenékélé, ą tao taru du betalepó.

Pitané Yesu ą tuénipó yale fo

(Mat 26:69-75, Luk 22:56-62, Jon 18:15-18,25-27)

⁶⁶ Atétu betepa, Pita ą momaratere topo whịné be boperó betere dopóku aqmó kese

horóló betepa, kale topo whịné kutó diratere so seimalerapekó betạ ą beterepaae walepó. ⁶⁷ Atéró, Pita ą sosóli depa simó beteremó, kale so seimalené ą kelené kikéró kaae taru duraalu, “Yąkélé Nasaret be whịkó Yesutamo betamó kutua yale whịpó,” yalepó.

⁶⁸ Ti fo depa, Pitané kale senaalepaae duraalu, “Naao ai dere fo beteta ẹ tuéni, kọlọ kọlórapoló,” ą witepa dopóku tu sereke felekemó bitị felepó.

⁶⁹ Atétepa, kale so seimalené Pita kolóló, aimó daae mole so whịpaae momó duraalu, “I whịkélé Yesutamo betamó kweale whịkópó,” yalepó. ⁷⁰ Tétepa, Pitané ama kale dere fo kaae momó duraalu, “E mo meipó,” yalepó. Atéró sawa betóló, kale dere kaae mepaae felekemó daae mole whịrapekó betané ąpaae duraalu, “Ti yąta, ątamo betamó kweyale whị mo hịti ai ape. Ti noatepae, naao dere fota, Kaleli be fo nakome wosetapó,” yalepó.

⁷¹ Ti fo depa, Pitané atimapaee duraalu, “Diaaọ ai bopetere whịta, ẹ tuénipó. Yąlotamo diąpaae kapala fo depa, ti Talené ẹ dópóló yae,” yóló, mo dirii ąle dere fo kaae yalepó.

⁷² Ai fo deretamótóró, kale wạ *kakaruk* bané hale tamo dakoróló yalepó. Tétepa, take Yesuné Pita ąpaae du, wạ *kakaruk* bané hale tamo dakoróló yaaipatei, naao ẹ tuénipó fo sore félimó yaalopó yaletei, kisipa muni walepó. Atétepa, ą dekené sukuturaalu, doasi wole du betalepó.

15

Pailat-né Yesu dae yale fo

(Mat 27:1-2,11-26, Luk 23:1-5,13-25, Jon 18:28-19:16)

¹ Atéró, mo hịkati so whịmó momaratere topo whịrapekélé, whị disirapekélé, Moses-né asẹre fo yó matere whịrapekélé, fo tokóló taleratere whịrapekélé, atima fea fo dokóló, mo betạ tuétóró muóló, Yesu naase tamo dokóló dapesó Pailat-né naase tuamó mulalepó.

² Atéró wóló daapa, Pailat-né ąpaae woseturaalu, “Yąta, kale Juda fake so whị tẹteróló kaae tare doasi topo whịé?” depa,

Yesuné ɸpaae tokó mótu duraalu, “Épó. Naao ai dere fota, mo dono dapó,” yalepó.

³ Ai fo deremó, Talepaae momaratere topo wh̄rapené dei tué mutu, i sekéné kae kae h̄oko alarape yalepóló, só deratere fo du betalepó. ⁴ Atétu betepa, Pailat-né ɸpaae momó woseturaalu, “Atima kae kae forapené yɸ só derótu betere fo fea naao woserutei, tokó menitere-a, noatepa de?” yalepó.

⁵ Ai fo depatei, Yesuné kale topo wh̄ Pailat-paae me fo tokó menitere ala kilitu, ama sirayalepó.

⁶ Atimané ɸla detere alimó, mara mole ala ipó. *Dipula* betero betere wh̄i betakó ba fo dokomó so wh̄iné sokae dere wh̄itoró Pailat-né sókó daalótua dapó. Atéro doteyaaí so wh̄ipaae wosóló, atimané doi dere wh̄itoró dotonótua dapó. ⁷ *Gavman*-tamo bóe dóló wh̄i dupa, *dipula* betero betere wh̄irapetamo Barabas-kélé beterepó. ⁸ Atépa, so wh̄i mo fea Pailat beterepaae wóló woseturaalu, “Naao kale duatere kaae yaaloé?” yalepó.

⁹ Ti fo depa, Pailat-né atimapaee woseturaalu, “Diaaɸ kisipané Juda so wh̄i tetéroló kaae tare topo wh̄i dotonaró de?” yalepó. ¹⁰ Fo yaleteita, momaratere topo wh̄irape Yesutamo dei tué muturaalu, ɸ daai dapesó wale bete Pailat-né ama kisiya yalepó. ¹¹ Tétepa, kale momaratere topo wh̄irapené mo so wh̄ipaae Barabas sokópóló, yae yóló sesemeratere fo deté kotepa, atimané ai fo yalepó.

¹² Ti fo depa, Pailat-né atimapaee momó duraalu, “Juda so wh̄i tetéroló kaae tare topo wh̄ipaae yɸlo noa alakó eraró de?” yalepó.

¹³ Tétepa, kale so wh̄iné fo fakeyóló duraalu, “Ai wh̄i filipaa ni tó mó oleróló dae,” yalepó.

¹⁴ Ai fo depa Pailat-né atimapaee duraalu, “ɸ me dowi ala initepatei, h̄ale noatepa daró de?” yalepó. Tétepa, kale so wh̄i feané mo ti fo fakeyóló duraalu, “Filipaa ni tó mó sukópóló olerae,” yalepó.

¹⁵ Atétepa, ai so wh̄iné Pailat ɸpaae wisi tué muópóló, Barabas atima beterepaae fópóló sokóló daalóló, Yesu mo dirii h̄alika tikinépi fokosoi ala du betero, filipaa

ni tó mó sukópóló olerae yóló, diki tare wh̄irapené naase tuamó mulalepó.

Diki tare wh̄iné Yesu doka doka yale fo (Mat 27:27-31, Jon 19:2-3)

¹⁶ Téro, kale diki tare wh̄irapené Yesu dape sóró kale topo wh̄i Pailat-né be bela wisinaalené doi Pretorium-paae dapesó felepó. Ai dopóku bolaa dolopaae mepaae diki tare wh̄irapekélé mo fea ape depa, atima touralepó. ¹⁷ Atéro daaló bitu, sonaaí kuti deróo, mu daai kēpítei topo wh̄irapené deratere topotao s̄uróló bopeyóló, ama topomó deróo yóló, ɸ faletu betalepó. ¹⁸ Atéro, atimané duraalu, “Juda so wh̄i tetéroló kaae tare doasi topo wh̄i-ó,” yóló, fesɸa apuróló dotó tikiné du betalepó. ¹⁹ Atéro, dotó tikiné ama topomó momó du momó du yóló fesɸa apurótu betalepó. Atéro atima Yesu aomó bukutiri teɸró bitu, doa wh̄i-ó yóló doi sóró horóló faletu betalepó. ²⁰ Atétu betero, atimané ɸ derale sonaaí kuti sókóló, ama kuti momó deralepó. Atéro ɸ filipaa ni tó mó sukópóló, oleraaíraalu dapesó felepó.

Yesu filipaa ni tó mó olerale fo (Mat 27:32-44, Luk 23:26-43, Jon 19:17-27)

²¹ Atéro dapesó fu betepa, Sairin be wh̄ikó Aleksandaró Rufus-tamoné alima Saimon ɸ ipu bemó biti, doasi be huluapaae faai wapa, kale diki tare wh̄irapené ɸpaae Yesu dóló oleraaire filipaa ni ɸ fasóló naao belerae yóló seɸyalepó. ²² Atéro, atimané Yesu dapesó fóló, betɸ hae Kolkotamó sókó felepó. Ai doiné beteta, topo diripó. ²³ Téro, aimó *wain* weíró kale *mur* ni fetamo hosekéróló tepeyóló n̄ópóló melaletei, ama nēnipó. ²⁴ Atéro, atimané ɸ filipaa ni tó mó sinópóló oleralepó. Atéro oleróló, ama kuti atima saairaalu, betɸ melaa yalepó. Kale diki tare wh̄irape atima betɸ betɸ yóló kapo fakemó siri eróló, sikipaae fesekée horótua yalemó, mé wh̄iné siri moletei wisiyóló muni doró wapa, ti ai wh̄iné ama kuti sua yalepó.

²⁵ Téro h̄ika 9 *kilok* sukakelemó, Yesu dóló oleralepó. ²⁶ I betené dalepóló, ɸ

wolerale ni topomó aseýóló olerale fo i ape.

JUDA SO WHĪ TĚTERÓLÓ KAAE TARE TOPO WHĪ

²⁷ Atéro, ɔlémi nuku betale whĭ tamo me whĭ Yesuné fĕ naase đeró oleróo, me whĭ turu naase đeró oleróo, yalepó. ²⁸ (-) ²⁹⁻³⁰ Atéro oloró betepa, mepaae fua wua du betere whĭrapené kĭli fépo yóló duraalu, “Yata, momatere be fisikóló sore sukamótóro momó tĕyaalopó du betale whĭpa, mió naaotei yā tao sóró, ai filipaa ni taaróló dere ape,” dua yalepó.

³¹ Kale yale fo kaae, momaraterere topo whĭraperó Moses-né asĕre fo yó matere whĭrapetamo atimasisitei duraalu, “Mepaae so whĭ sukaqsóro tao sua yale kaae, amatei ā tao sinitupó,” du betalepó. ³² “Yatamo Israel fake so whĭ tĕteróló kaae tare doasi topo whĭ Kerisopata, ti đā tuĕ tiki tiraai dapa, ai filipaa ni taaróló dere ape,” du betalepó. Téro, ātamo oleró betere whĭ tamonékélé, u whĭrapené dere kaae, faletu betalepó.

Yesu sukāle fo

(*Mat 27:45-56, Luk 23:44-49, Jon 19:28-30*)

³³ Atéro, suka tuāmó 12 kilok kaae sóró be dikiraletai, kuluka 3 kilok-mó momó đeralepó. ³⁴ Atéro, ai sukakelemó, Yesuné fo fakeyóló duraalu, “*Eloi, Eloi, lama sabakatani,*” ai fo bete feteyóló “Ĕ tĕteróló kaae tare Kótóo, ĕ tĕteróló kaae tare Kótóo, ĕ wotoró beterópóló, noatepa taaróló feleé?” yalepó.

³⁵ Ama ai dere fo felekemó daae mole whĭrapené wosóló duraalu, “Elaijapaae ape yóló, ai dere wosere?” yalepó.

³⁶ Tĕtepa, betā whĭ hapale fóló, wĕpi kaae ɔla kape sikimó haka sóró, séli kĕlaa kaae ere *wain* wĕi tópuróló melaai yalemó, mepaae whĭné duraalu, “Ilaija wóló ā tokóló só fulémóló kelaalopa, kaayae,” yalepó.

³⁷ Atéro, Yesuné fo fakeyóló, ā mo ti sukālepó.

³⁸ Atĕteretamo, kale momatere be tuāmó satale yóló oleró betere kuti, haletai ó kwiamó kaae sóró tuāmó teketé doropóló, salepaae sókó deralepó. ³⁹ Téro,

kale 100 diki tare whĭrape kaae tare doasi topo whĭ ā Yesu oleró betere tiki felekemó daalemó, ā sukāiraalu, dere fo fake wosóo, sukutere alakélé kolóo duraalu, “Haió! Āta, Kótóné Naalematei ai dirapó,” yalepó.

⁴⁰ Mepaae sorapekélé mo tumó kese anóló daae molepó. Ai sorape kuamó, Maktala sokó Mariakélé, Jems-ró Joses-tamoné hama Mariakélé, Salomekélé, atima atéro daalepó. ⁴¹ Ai sorapeta Yesu sya fóló, take Kalelimó ātamo kuturaalu, ā yā yātere ɔla melóló kaae tawale sorapepó. Mepaae ātamo Jerusalem bepaae wale sorapekélé fea atima daae molepó.

Yesu dourale fo

(*Mat 27:57-61, Luk 23:50-55, Jon 19:38-42*)

⁴² Kale Juda whĭrape atima sāa nóló betere be đĕ dótóroti sókó waaipa, miótóro kulukapaae ɔla ɔla sisóló mulatere be đĕmó ai ala yalepó. ⁴³ Tĕtepa, kuluka deretamo Israel fake so whĭné fo tokóló taleraterere whĭrape tuāmó doasi doi mole Arimatea be whĭkó Josep walepó. Ai sekĕta, Kótóné tĕteróló kaae tare ala wópóló kaae tare whĭpó. Atĕreteiné ā witere alakélé ini, halaainé Yesuné tiki melaaloé? yóló, Pailat-paae wosene felepó. ⁴⁴⁻⁴⁵ Atéro, Yesu mo sukālepó dere fo kale Pailat-né wosóló, ā kilita sókó fu sira yalepó. Tĕtu, diki tare whĭrapené doasi topo whĭpaae woseturaalu, “Yesu mo ti sukāleé?” depa, kale sekĕné duraalu, “Ĕpó. Ā mo ti sukālepó,” yalepó. Ti fo depa, kale Palaitiné Josep-paae wisirapa tokóló sóró fae yalepó. ⁴⁶ Tĕtepa, Josep-né ama betā đĕi *linen* kuti wisinaale dupuyóló, Yesu tokóló haemó mulóló, ama tiki bopeyóló dokalepó. Atéro só fóló, mené aleyóló muló betere kane dolomó douralepó. Atéro, Josep-né ai dou tu kinaaire kane fake biliraté fóló kinalepó. ⁴⁷ Atéro, Yesu dourótu betepa, Maktala sokó Mariaró Joses-né hama Mariatamo mo tumó daalu, kese faló beterepó.

16

Yesu kepaayale fo

(Mat 28:1-8, Luk 24:1-12, Jon 20:1-10)

¹ Téró, kale s̄a nokole be d̄e kemene fupa, Maktala so Mariakélé, Jems-né hama Mariakélé Salomekélé, atima felé k̄elaa wale wisi wisi ɔla Yesuné tikimó dil̄ale faai dupuyalepó. ² Atéró, *fula* kaae sere be d̄emó, h̄ika suka hoteretamo kale sorape atima Yesu mole dou tópaae felepó. ³ Atéró atimasisi fu bituraalu, “Kale dou dolo kinó betere doasi kane fake bet̄a né tukweyóló biliraté faalorópó?” deté fu betalepó.

⁴ Atima atéró mo umó wou bitu kese faralemó, kale dou dolo kinó betere doasi kane fake biliraté fóló, d̄emó muló betepa kelalepó. ⁵ Atépa, atima dou dolopaae felemó, bet̄a kokopei wh̄i d̄ei kuti wisi-naale deróló, turu naase d̄eró betepa kólóló, atima witu kilita sókó felepó.

⁶ Atétepa kale wh̄iné atimapaae duraalu, “Dīa wiyóló kilita sókó fāse. Dīta, atimané filipaa ni tómó oleróló dale Nasaret wh̄i Yesu kekitu beterapó. Āta imó muni, kepaayóló ai fele ape. Ā mulale tikikélé h̄ale ai erapa kelae. ⁷ Térapa dīa fóló, ama yó matere wh̄i Pitaró mepaae yó matere wh̄irapetamopaae i fo ene fae. Take ā suk̄ai bituraalu, yale fo motóróti dokonóturaalu, dīa w̄ópóló, folosóro āpi Kaleli haepaae ai fale ape. Térapa, dīa aipaae fupa, ā aimó kelaalopó,” yalepó.

⁸ Ai fo deremó, kale sorape atima diri furu furu yóló kilita sókó furaalu, doutó taaróló botokó felepó. Atéró, kale sorape atima aso sókó feleteiné witepa, atimané kelale alarape me wh̄ipaae inipó.

⁹ Fula kaae sere be d̄emó Yesu ā kepaayóló mo h̄ikati Maktala be sokó Maria daalemópi sókó walepó. Āta, take Yesuné weikeró dowi keperape betepa, h̄okonale sopó. ¹⁰ Téró, Maria ā fóló, Yesutamo kweyale wh̄irape dekené sukuturaalu, molómó betó mupa, ama kelale ala fea atimapaae yalepó. ¹¹ Téyalemó, atimané kale soné Yesu kepaayóló betepa kelalepóló ene wale fo wosóló, mopóló tué tiki tirénipó. ¹² Téró nalomo, ama yó

matere wh̄irapekó tamo wh̄i, doasi be hulua taaróló, me tikipaae faai fu betalemó, Yesuné ama tiki mo kae daayóló, atimaamo fu betere tuamó sókó wóló, daapa kelalepó. ¹³ Atétepa, kelale wh̄i tamoné mepaae yó matere wh̄irapepaae ā mo kepaayóló beterapó fo ene walemókélé, mo dapóló atima tué tiki tirénipó.

¹⁴ Atéró, nalo Yesu ā ama yó matere 11 wh̄irape ɔla nuku beteremó sókó walepó. Atéró wóló, atimané ā mo kepaayóló beterapó dere fo wosóló, tué tiki tiréni deremó, atima foné sóró duraalu, “Diaā kutiri hapóluru dow̄aae fóló, ē kepaayóló beterapóló ene wale fo wosóló, mopóló tué tiki tirénitere noatepa de?” yalepó.

¹⁵ Atéró, atimapaae duraalu, “Kótóné kaaróló betéró betere kae kae tiki daae mole so wh̄i feapaae i kale kisi fo wisi yó melaté kweyae. ¹⁶ Mepaae so wh̄i detamo tué tiki tiróló bitu wēi tóputepa, ti atétere so wh̄i aluyaqsóro Kótóné tao saalotei, mepaae tué tiki tirénire so wh̄i ti ama só deróló, dowi dupu melaalopó. ¹⁷⁻¹⁸ Atéró, tué tiki tiró betere so wh̄iné etei kelemei alarape eraalo ai ape. So wh̄i tuamó betó mole dowi keperape yālo doimó h̄okonótua yóo, kae kae be fo tuénirutei tuére wh̄iné dere fo kaae yóo, wh̄i dele dowi wulirape naasené tatua yóo, hereikélé naalotei sukuni yóo, hepo daróló mole so wh̄iné tikimó naase mulatepa wisi yóo, yaalo ai ape,” yalepó.

¹⁹ Atéró, Tale Yesuné atimapaae ai forape yóló kemetepa, Kótóné ā hepenpaae dapesó holóló, Talené ama turu naase d̄emó beteralepó. ²⁰ Atéró, ama yó matere wh̄irape atima hae kwia feapaae kale kisi fo wisi yó maté kweyaae felepó.

Atima atéró yó maté kotere fo so wh̄iné mo dapóló tué muópóló, mepaae kelemei alarape eraaire fotok̄o Talené atima tuapaae mo s̄urallepó.

Luk

Węi tópuratere whi Jon deyaalopóló yale fo

¹ Kótóné eraalopóló muló betere fo da tuapaae mo eró betepa, mepaae whiné kolóló aseyaalopóló. ² Ai whirape atima kọleaané aseni, yale alarape mo kelale whirapené deté wale fotóro yó maté wou betalepó. Ai whirapeta, kale fo wisi kae fotamo hoseké eraqsóro hotowayóló kaae taru, yó mótu betalepó. ³⁻⁴ Mepaae whirapené deté wale fo aseyaale kaae, mió yalokélé ai fo wisiyóló taleyóló betemó kaae sóro, mo donotóro aseyaai kisipa mutapó. Doa whi Tiopilus-ó, take mepaae whirapené yapaae yó melale fota, mo erapóló naao diriyóló tuę yaasepóló, yalo i asęterere ape.

⁵ Kale Judia hae kwia tęteróló kaae tare topo whi Herot betale alimó etéyalepó. So whimó Talepaae momaratere whi betę beterepó. Ai whita, Lipai faketei, Abaijané deté wale whi Sekaraiapó. Ama soma Elisabet-ta, momaratere topo whi Eronné deté wale sopó. ⁶ Kótóné keletómó atimaamo mo donoi soró whitamó bitu, Kótóné yóló muló betere fo aqmó sukóló, ama erae dere ala betę eraté fu betalepó. ⁷ Atéretei, kale so Elisabet atimaamo naale senaalekélé mei, ni daayóló betepa, sokélé sere yóo, whikélé otere yóo yalepó.

⁸ Atéro betere tuamó Abaija fake whirapené so whimó momarópóló, tukóló muló betere be demó Sekaraiaró ama fake whitamóné momatere be kaae tarepó. Atéru, Sekaraia a so whimó momarótu betalemó etéyalepó. ⁹ So whimó momaratere whirape atima mara mole ala sya furaalu, atimané doi mole ni fakerape fesekée deralemó, Sekaraiané doi mole ni fake dono fetée horóló muni dorowalepó. Atétepa, a kale momatere be tuapaae fóló, felé kęlaa wale fetera kaae ęla si keletómó biliyópóló, atimané a sóro beteralepó. ¹⁰ Atéro, kale felé kęlaa wale fetera kaae ęla simó sukulaa dalatere sukamó a momatere be dolopaae fóló,

simó terepetu betalepó. Atétu betepa, mepaae momayaaai wale so whi atima belamó kaae taru momatu betalepó.

¹¹ Até du betepa, Talené dotonale *ensel* wóló, kale felé kęlaa wale ęla bilitere tiki turu naase dęro daapa kelalepó. ¹² Ai *ensel* sókó walemó, Sekaraia kilita sókó furaalu, mo winé sukutu betalepó. ¹³ Tétepa, kale *ensel*-né apaae duraalu, “Sekaraia-ó, ya wiyaęse, naao du betale moma Talené wosalepó. Naao so Elisabet naale deyaalo ai ape. Téyaalopa, ama doi Jon mulae. ¹⁴ Ai naale detere kilituraalu, ya doasi hajné sukó, mo so whikélé ai naale kilituraalu, hajné sukó yóló Talepaae mo kée du betaalo ai ape. ¹⁵ Ti noatepae, Talené keletómó a mo doasi whi betaalopó. A doayóló bitukélé, *wain* węiró topo doyóló keyaa fole węitamó naalomeipó. A hamané depemó betepatei, kale Dęi Kepe Wisi a tuamó fęayóló mo sęró betaalopó. ¹⁶ Atéru, take kópaee fu betere Israel fake so whi atima tęteróló kaae tare Kótó aqmó beterópóló, ai naalené momó dapesó waalo ai ape. ¹⁷ Tale wópóló folosóro api wouraalu, ama yaaire alata, take betale whi Ilaija a keperó fotokótamo fęanuraalu du betale ala kaae, ai sekę a tuamókélé até yaalopó. Ai naale doayóló bitu, alimaraperó naale senaaletamopaae momó hosaa muópóló, atima tuę tiki feteraalo ai ape. Atéturaalu, mepaae Kótóné fo woseni dowęae fu betere so whi Kótóné donoi ala tuamó wisi kisipatamo beterópóló eraalopó. Atéturaalu, so whi fea Tale beterepaae faaire ala amatei, donoróló beteraalo ai ape,” yalepó.

¹⁸ Atéro Sekaraiané *ensel*-paae duraalu, “Atei ala mo eraalopóló yalo noayóló kisipa yaaloé? Ti ę otere yóo, yalo sokélé sere yóo, erapó,” yalepó.

¹⁹ Tétepa, kale *ensel*-né apaae duraalu, “Ęta Kótóné keletómó daalu i ala yae depa du betere *ensel* Kebriel-pó. Mió i dere fo wisi yalo yapaae yó melópóló, ama ę ya beterepaae dotonatepa wóló yátamo fo i du betere ape. ²⁰ Mió yalo i dere fo wosóló kisipa tiki tiréni depa, ti naao fo aluyaalo ai ape. Ya atépatei bitiré fóló, mió i dere fo

dokonóló eraterere sukamó ti naao fo momó yaalo ai ape,” yalepó.

²¹ Téró, Sekaraia momaterere be dolopaae holóló betepa, belamó ą kaae tawóló betó mole so whjné duraalu, “Ą mo taketi holaletei, diki du betere-a, noakó su bitu dérópó,” du betalepó. ²² Téró kale whj ą belapaae dorowóló atimapaae fo yaairetei sųni, ama fo alureteiné naasené maaté du betepa, so whjné etei kisipa mualepó. Be tuąmó Talené me alakó ąpaae nokené dere ala kaae eratepa kilitu yalepó du betalepó.

²³ Atéró, momaterere be tuąmó kutó diyópoló dąle mulale be dę kemetepa, ama bepaae felepó. ²⁴ Ai alarape yale kılıpaae ama soma Elisabet naale yalepó. Atétepa, kale so ą kelaqsóro ama bemó kinóló betepatei, wélié aporó kemeyalepó. ²⁵ Ą atéró bitu duraalu “Take ę ni daapa so whj feané faletu betaleteti, mió i be demó Talené ępaae erale wisi alané so whj feané keletómó yąlo hale kemeralepó,” yalepó.

Yesu deyaalopóló yale fo

²⁶ Téró, kale so ą naale yóló betepa, apomi wélié tuąmó Kótóné ama *ensel* Kebriel, Kaleli haemó tęne Nasaret be hulupaae dotęyalepó. ²⁷ Atéró, kale *ensel* Kebriel betą so seimale Maria beterepaae felepó. Ai sota, Depit fake whj kó Josepné dokaairaału tukóló beteró beterepó. ²⁸ Téró, kale *ensel* ą beterepaae fóló duraalu, “Talené hekesere so seimale-ó, Tale yątamo ai betere ape,” yalepó.

²⁹ Atei fo Mariané woseturaalu, etei kaae kęleó dere fo-a, noa betené dérópóló ą kisipa teketu betalepó. ³⁰ Até du betepa, kale *ensel*-né ąpaae duraalu, “Maria-ó, Kótóné ama yą mo wisiyóló kolóló hosaa mutu, yąpaae wisi ala eraai dapa, wiyaęse. ³¹ Yąta, naale yaalo ai ape. Ai naale detepa, ama doi Yesu mulae. ³² Ą doasi topo whj betepa kilituraalu, so whj feané mo ó taoró betere Kótóné Naalemapó du betaalo ai ape. Ai naaleta, take ama noumaterere Depit bitu yale kaae, so whj fea tęteróló kaae tanópoló, Kótóné amatei ą doasi whj sóro beteraalo ai ape. ³³ Ąta topo whj bituraalu, Jekop-né firale

fakerape tęteróló kaae tare ala kemekélé ini, hąle yótóro tawaalopó,” yalepó.

³⁴ Tétepa, Mariané *ensel*-paae duraalu, “Ęta, whj tamokélé konipa, ai ala neyóló yaaloé?” yalepó.

³⁵ Ai fo depa, *ensel*-né ąpaae tokó mótu duraalu, “Kale Dęi Kepe Wisi yą tuąpaae bitj waalopó. Tęturaalu, mo ó taoró betere Kótóné fotokęné yą tęteróló husuró betaalo ai ape. Ai deyaaire naaleta, me dowi alakélé muni, mo kaae naale detepa so whj feané kilitu, ita Kótóné Naalemapó fo yaalo ai ape. ³⁶ Aita yą maaté mei, naao kekelé so Elisabet-kélé seretei naale erapó. Upulé ą ni daapa mepaae so whjné atei serené naale deyaalomeipó dua yaleteti, mió ą naale epa, apomiró wélié kemeyalepó. ³⁷ Ti fea ala fea Kótóné sųmó enénipóló de?” yalepó.

³⁸ Ai fo depa, Mariané ąpaae duraalu, “Ti ęta Kótóné ama kutó diraterere so betepa, naao yale fotóro ama ępaae erópoló yae,” yalepó. Téró, kale *ensel* felepó.

Maria ą Elisabet kęle fele fo

³⁹ Atęyale be demótóro, Maria ą ęla ęla hapale sisóló ai be hulua taaróló, Judia du sorokó mole haemó tęne be hulupaae felepó. ⁴⁰ Atéró, kale so ą Sekariaró somatamo betere be dolopaae fóló, Elisabet-paae duraalu, “Fapa kęleó,” yóló apualepó. ⁴¹ Mariané Elisabet-paae ai dere fo woseturaalu, Elisabet-né depemó betere naale toróyó holalepó. Atęturaalu, Dęi Kepe Wisi ą tuąmó fąayóló sųralepó. ⁴² Atéru Elisabet-né fo fakeyóló duraalu, “Sorape fea betó mupatei, yą betą Tale Kótóné mo wisiró betepapó. Atęturaalu, naao deyaaire naalekélé ama mo wisiró betepapó. ⁴³ Ę mé so wisi betepa, ę tęteróló kaae tare Talené hama naao ę kęle waleé? ⁴⁴ Nao kęleó dere fo woseturaalu, yąlo depemó betere naalekélé hekesené sukutu toróyó holalepó. ⁴⁵ Kótóné yąpaae eraalopó yale fo wosóló, naao kisipa tiki tiralemó yą wisiró betepa, mióta yą hekesené sukęae,” yalepó.

Mariané Kótóné doi hale horótu yale wole fo

⁴⁶ Téró, Mariané duraalu,

“Yało hosaa tuąmó Talené doi hale sóró horatapó.

47 Yało hosaa turónékélé ę aluyaqsóró tao sale Kótópaae mo kée yóló hajné sukutapó.

48 Ti ęta, kutó diratere doi muni sókótei so betepatei, ama ę wisiyóló tao salepó.

Mió i be dęmó kaae sóró bitiré faaire so whį feané ę kilituraalu, ita Kótóné wisiró betere sopó yaalo ai ape.

49 Ti noatepae, mo doa fotokę bole Tale Kótóné ęmó mo doakale ala eralepó. Ama doi mo kae muluraalu, dowi ala mo betąkélé munire Talepó.

50 Mepaae so whį de Kótópaae winé sukóló ą aqmó dua betepa, ama kęlené sukutere ala mió i alimó betere so whįpaaekélé, take bitiré faaire so whįpaaekélé, hąle yó tarapó.

51 Ama doasi bole fotokęné mepaae doasi alarape eralepó.

Atéturaalu, mepaae whį de atima kisi-panétei duraalu, ‘Ęta mo doasi sekę whį beteraóló,’ bopé faketu be-tale whįrape dapo dapo yóló fępóló, hękó faralepó.

52 Mepaae tęteróló kaae tare doasi topo whįrapenę kaae tare alarape ama kemeróló, haepaae só deróo, mepaae naameyóló sókótei betere so whį ama sikipaae horóo, yalepó.

53 Mepaae wotenę sukutere whįrape ama ęla wisi melóló hairóo, mepaae ęla ęla dekéró mole néli so whį hąle fępóló dotonóo, dua yalepó.

54 Ama kutó diratere Israel fake whįrape kisi-panétei, kęlené sukuturaalu, atima tao sere ala hąle yó tarapó.

55 Talené Abraham-ró ama detę faaire naaletamopaae wisi ala eraalopó yóló mulale fo keteręni, dąné ayarapepaaekélé eralepó.

Atýale kaae, mió i alimó dąpaaekélé ama kęlenę sukutere ala hąle yó tarapó,” yalepó.

56 Téro, wélię soremó Maria ą Elisabet-tamo beteró, nalo ama bepaae fesaae felepó.

Węi tópuratere whį Jon deyałe fo

57 Téro etýalepó. Kale so Elisabet ą naale saaitere be dęmó ama naale dealepó. 58 Tale Kótóné doasi kęlenę sukuturaalu, ąpaae erale alamó Talepaae mo kée yóló doasi hękese yalepó. Atétepa, ama be whį so whįró kekelę so whįtamokélé ama dere hękese kaaetóro du betalepó.

59 Atéro kale so naale sóró beteró, bokó wale be dęmó ama tiki sekaę tukóló siriróo, kale naalenę doikélé alima Sekaraianę doi yakoróo yaai, ama fake so whį walepó. 60 Até yaaitepa, ama hama Elisabet-nę duraalu, “Meipó. Ama doita, Jon mulaai dapó,” yalepó.

61 Ai fo depa, atimanę ąpaae duraalu, “Ya fake whįkó mo betąkélé atei doi muni-ńipó,” yalepó.

62 Ti fo depa, atimanę alimapaae naasenę maaté yóló duraalu, “Naao kisi-panę ą de doi mulaaló?” yalepó.

63 Tétepa, ama atimapaae naasenę maaté yóló duraalu, asętere sóku sóró ape depa, sóró walepó. Atéro, ai kale sóró wale ęla tómó Jon doi asęyalepó. Ai doi asętere kilituraalu, so whį feané haió yóló, sirayalepó. 64 Até yaletamotóro Sekaraia ą fo aluretei momó duraalu, Kótónę doi hale sóró horalepó. 65 Atimaamonę be felekemó betó mole so whįné atétere ala kilitu, me ala kae dapóló winę sinalepó. Du sorokó mole Judia hae kwiamó betó mole so whį feapaae i ala yalepóló detę kwęyóló fakeralepó. 66 Mepaae i fo wosale so whįné “I naaleta, Tale Kótónę mo doasi fotokę bete ą tuąmó mupa kilitu, take doayóló ą noa kaae whį betaalorópó,” du betalepó.

Sekaraianę yale wole fo

67-68 Kale naale Jon-nę alima Sekaraia Dęi Kepe Wisinę fotokęratepa, Kótónę ąpaae yae depa mo so whįpaae duraalu, “Dąné Talené doi hale sóró horaalopó. Israel fake so whį tęteróló kaae tare Kótópaae mo kée du betae.

Ti noatepae, dą ama so whįpóló dupuró beterapó.

69 Ama kutó diratere whi Depit-né firale fake tuamó Kótóné whi betá sóró betero beterapó.

Ai sekéné ama fotokóné dā i hae so whi aluyaqsóro tao saalopó.

70 Ti mo take Kótóné ama kae betero betere kóló whirapené yale fo mo dokonóturaalu yalepó.

71 Dā bóe whi kuamó betepa, ama tao saalopó. Téturaalu, mepaae whiné dōwi kisipa muóló dātamō bóe dupa, ama fotokóné sesé yaalopó.

72 Dāné ayarape ama kisipa keteréni, kōlené sukuturaalu mió dā tao saaire whi dotonaalopó.

73 Ti aita hāle mei, Kótóné dāné aya Abraham-paae i ala eraalopóló mo dirii fo yóló muló betereiteinépó.

74 Take ai yóló muló betere fo dokonóturaalu, bóe whirapené dā dóló tēteraqsóro, tao sóró betero beterapó.

Atérené mió dā wikélé ini, ha-laainé Kótóné kutó betá dirótu betenérápó.

75 Ti betere dokó fea dā ama keletómó ama kae ere alaró mo donoī alatamo tuamótóro betó tawaalopó.

76 Yāta, yālo naalepó. Take nalopaae so whi feané yā kilituraalu, mo taoró betere Kótóné ama kóló whipó yaalopó.

Ti Tale waaipa yāpi folosóro wouraalu, ā waaire tū donorae yaaire whi betaalopó.

77 Téturaalu, Kótóné ama so whiné dōwi alamó melaaire kwia aluróló tao saaire ala naao atimapaee yó melaalo ai ape.

78 Ti Kótóné kōle dere ala ama hosaa tuamó fāaneteiné ai ala eraalopó.

Ti atéyaaire alata, hika teó sokotere suka dāné tikimó felétu dere kaae, Kótóné ama hepen-mó ere dē dā betere tuāpaae eraalopó.

79 Ti aita, noa yaai mei, mepaae diliki tuamó betó mole so whiró mo felekemó sukāai du betere so whitamo Kótóné hosaa muni deyóló

dua betere ala tuāpaae bitī fópóló, ai dēné yó melaalopó,” yalepó.

80 Atéro, kale naale ā doaturaalu, ama kepe tuāpaaekélé doasi fotokó bualepó. Atéru, ā Israel so whi beterepaae hākearóló sókó waairaaalu, so whi bitini hāle wópu tikimó bitiré felepó.

2

Yesu deale fo (Mat 1:18-25)

¹ Ai alarape du betale tuamó etéyalepó. Rom *Gavman* topo whi Sisa Akastus-né i hae kwiamó betó mole so whi doi siré kweyae yóló mulalepó. ² Atéro so whi doi saleteita, Siria hae kwia Kwirinius-né tēteróló kaae tapa, folosóro kaae sutóro yalepó. ³ Atétepa, kale so whi mo fea doi sópóló, atimané turuku be séle sélepaae felepó.

⁴ Atétepa, Josep ā Depit-né deté wale whi ereteiné Kaleli hae kwiamó tēne Nasaret be taaróló, Judia haemó tēne Depit-né be hulua Betelehem-paae felepó.

⁵ Ama dokaai tukóló betero betere so Maria naale epa, atimaamoné doikélé mullaai felepó. ⁶ Atéro fóló, atimaamo ai bemó betepa, kale so naale saaire be dē sókó walepó. ⁷ Ai be demó kale soné ama topo naale deyalepó. Atéro, kale naale kutiné bope yóló hupurape ōla melótua dere ni fakené aleyale nuku tómó belero beterepó. Ti noatepaae, uké wale so whiné fitere be fāaneteiné yalepó.

Ensel-rapené sipsip hupu kaae tare whirapepaae yale fo

⁸ Téro etéyalepó. Ai hae kwiamó mepaae *sipsip* hupu kaae tare whirape ai be hulua taaróló, ne yó molepaae fóló, dikitamo atima hupurape kaae tawóló betó molepó.

⁹ Atéro beterepó, Talené *ensel* betá atima betere tikimó sókó wouraalu, Talené ama ere doasi dēné atima betere tikikélé dēyó felepó. Atéteremó atima fea winé sukutu betalepó.

¹⁰ Atétepa, kale *ensel*-né atimapaee duraalu, “Diā wiyāqse, ēta i hae kwia feamó betó mole so whiné wosóló doasi hāiné sukāaire fo wisinaale ene walepó. ¹¹ Diā i haemó betó mole so whi aluyaqsóro, tao saaire whi mió i be demó

Depit-né be huluamó ai deyale ape. Aṭa, Kótóné so wh̄i fea t̄eteróló kaae tan̄ópóló, sóró betero betere Kerisopó. ¹² Diḡ fóló kelenalemó, miótóró deale naale kutiné bopeyóló hupurape ḡla melótua dere ni fakené aleale ḡla tó mó beleró betepa kilituraalu, ita kale bope yale naale h̄itipó yaalo ai ape,” yalepó.

¹³⁻¹⁴ Atéró, mo t̄etitóró kale *ensel* betḡ daalepaae ó hepen bemó betó mole *ensel*-rape mo ḡla kaae dorowóló daae mulu, Kótóné doi hale sóró horótu duraalu,

“Mo taoró betere Kótóné doasi mole doi hale sóró horae.

Kótóné ama tūené wisi ala eraaitere so wh̄ipaae hosaa muni deyóló mo dua betere ala er̄ópóló yae,” yalepó.

¹⁵ Kale *sipsip* hupu kaae tare wh̄irape betó mupatei taaróló, *ensel*-rape hepenpaae fesaae holalepó. Atétepa, kale wh̄irape atimasisi duraalu, “Talené ḡpaae yó melale ala kelaai, Betelehem be huluapaae faalopa fiépe,” yalepó.

¹⁶ Atéró, atima hapale fóló Mariaró Josep-tamo betóo, kale naalekélé hupurape ḡla melótua dere ḡla tó mó firóo, epa kelalepó. ¹⁷ Atimané kale naale kolóló *ensel*-rapené atimapaae yale fo so wh̄i feapaae deté kw̄eyóló fakeralepó. ¹⁸ Ai fo depa wosale so wh̄i feané ita, noa kaae fo yalerópóló, sirayóló tūe teketu betalepó. ¹⁹ Até du betepatei, Mariané ai dere fo wosóló, ama hosaamó muló bitu kisipa ḡla yó tarepó. ²⁰ Téró, kale *sipsip* hupurape kaae tare wh̄irape atima bepaae fesaae furaalu, kale *ensel*-rapené atimapaae i ala epa kelaalo ai ape, yale ala motóró epa kelaletiné Kótóné doi hale sóró horaté fu betalepó.

Yesu momatere bepaae yó male fele fo

²¹ Atéró kale naale sóró bitiré fóló, bokó wale be ḡemó ama tiki siriróló Yesu doi mulalepó. Aita kale so naale yaaipatei, *ensel*-né mulae yale doipó.

²² Moses-né ašemó soné naale sale tiki Talené keletómó wisiyópóló, kaae tawae ere be ḡe kemetepa, Josep-ró Mariatamo kale naale Talepaae melaii dapóló, Jerusalem bepaae dapesó felepó. ²³ Aita

ḡla meipó. Talené fo tūamó “Topo naale Talepaae melae,” ere fo sya furaalu yalepó. ²⁴ Téró, me ere fo i ape. “Betḡ soné naale senaale detepa, kale soné naale ditu yale ala Talené wisirópóló, ba ḡkósere tamo ó sukusi tamo Talemó melae,” ere fo sya furaalu at̄eyalepó.

²⁵ Até yale sukamó, Jerusalem bemó wh̄i betḡné doi Simeon beterepó. Aṭa, mo donoyóló bituraalu, Kótóné ala betḡ erótu betale wh̄ipó. Atéró, kale Israel fake so wh̄i dowi sek̄ei ala tūamó betepa, tao saaire wh̄i w̄ópóló, kale ḡei Kepe Wisi ḡtamo betḡamó beterepó.

²⁶ ḡpaae kale ḡei Kepe Wisiné etei fo yóló mun̄élipakalepó. Yḡ hapale sukuni, Talené sóró betero betere wh̄i Keriso kolóló sukḡalo ai ape. ²⁷ At̄eyale sukamó, Simeon otere ḡei Kepe Wisiné fotokḡratepa, momatere be tūapaae fóló beterepó. Atéró beterepó, kale yóló muló betere foné yae ere ala yaairaa, hamaró alimatamoné Yesu apuóló momatere bepaae sókó walepó. ²⁸ Atéró wapa, kale Simeon oterené kale naale tao sóró ama naase tó mó beleróló, Kótóné doi hale sóró horótu duraalu,

²⁹ “ḡla ḡla fea t̄eteróló kaae tare Tale-ó, naao kale yóló mulale fo mió mo dokonatereteiné naao kutó diratere wh̄i sukutepa, hosaa muni deyóló dua f̄ópóló yae.

³⁰⁻³¹ Ti noatepae, naao so wh̄i aluyaḡsóró, tao saaire ala so wh̄i feané keletómó donoróló muló betepa mió ḡalo i keletere ape.

³² Ai ḡené Juda mei, kae fake so wh̄i tūapaae Kótóné ere ala ḡkearatepa kolóló tūe yóo, Israel fake so wh̄ikélé doasi doi sóo, yaalopó,” yalepó.

³³ Téró, kale naale hamaró alimatamoné Simeon oterené yale fo wosóló, haió i yale fo-a, noa betené yalerópóló siratu betalepó. ³⁴ Kale Simeon oterené atima wisiratere fo yóló, hama Mariapaae duraalu, “I naalen̄eta, Israel fake so wh̄i fea haepaae só deróo, mepaae so wh̄i tao sóró sikipaae horóo, yaalopó. Atétere ala kilituraalu, Kótóné hiróló mole ala so wh̄i feapaae ḡkearóló yó matepa, mepaae so

wh̄iné ai dere fo wosaalomeipóló, ą só deraalo ai ape. ³⁵ Atétere alané mepaae so wh̄iné hosaa tuąmó mole tuę tiki h̄akeamó mulaalopó. Atéteremó, sepake kwia kaaené naao hosaamó deyaalo ai ape,” yalepó.

³⁶⁻³⁷ Aimó Kótóné ama betą kóló so wulia Aser fakekó Fanuel-né senaalema Anakélé beterepó. Ama wh̄ıtamo dokóló betepa w̄ikeró ba fo kemeyóló, oma sukutepa wulia bitu kemeyale ba fotamo touróturaalu 84 ba fo bitu serepó. Atéro Kótópaae kisipa tiró bitu, momatere be taaréni, dikitamokélé, d̄tamokélé, moma dere ala h̄ale yó tarepó. Atéru, ą ęla weyóló bitu, moma dere ala betą dua yalepó. ³⁸ Téro ai fapotóro kale so Ana atima beterepaae sókó wóló Kótópaae mo kée yóló, Jerusalem bemó betó mole so wh̄i aluyaąsóró dupuróló tao saaire wh̄i w̄póló kaae tare so wh̄ipaae kale naale i ape yóló yó mótu betalepó.

³⁹ Atéro, Josep-ró Mariatamoné Tal-ené yae yóló muló betere alarape yóló kemetepa, Kaleli haemó t̄ene atimané diri Nasaret be huluapaae momó fesaae felepó. ⁴⁰ Kale naale ą doaturaalu, mo doasi fotoką buóo, tuę tiki dotoróę fóló fosó fosó yóo, Kótóné ąpaae hosaa muóló yaala sókó fóo erapó.

Yesu ą teó naale belekąamale, momatere bemó betere fo

⁴¹ Téro etéyalepó. Kale bosenée fele be d̄ę sókó wapa ęla deteremó, ama hamaró alimatamo ba fo doką fea Jerusalem be huluapaae fua yalepó. ⁴² Kale naale doayóló 12 ba fomó betepa, atima dua dere kaae, ęla detere sukamó atimaamo Jerusalem be huluapaae holalepó. ⁴³ Kale bosenée fele be d̄emó ęla detere ali kemetepa, ama hamaró alimatamo bepaae fesaae furaalu, kale naale Yesu Jerusalem bemó betepatei, fole so wh̄ıtamo fele nisyóló atimaamo felepó. ⁴⁴ Téro kale soró wh̄ıtamóné kisané so wh̄ıtamo fole nisyóló atimaamokélé fu betepa, be d̄ę betą kemeyalepó. Atéro fóló kale naale atimaamoné fake so wh̄ıró fulumu wh̄ırapetamo betere tikimó kekąlepó. ⁴⁵ Até yalemó bitinipa, kekąai

Jerusalem be huluapaae momó fesaae felepó. ⁴⁶ Atéro kekitu betepa, be d̄ę sore h̄ale kemeyóló nalo kale momatere be bopére tipi tuąmó betepa kelalepó. Atéru, mepaae Juda yó matere wh̄ırapené dere fo wosóo, mepaae wosetere forapekélé yóo du betalepó. ⁴⁷ Kale naale atéro kisipa fosó fosóru atimané ąpaae wosetere fo mo donotóro toką matepa woseturaalu, wh̄ırape feané siratu betalepó. ⁴⁸ Atétere ala hamaró alimatamoné kilitu, atimaamo kilita sókó fóló hamané ąpaae duraalu, “Ti naale-ó, ayanaao d̄amo ya wh̄aaliala depa kekąle supa, noatepa atei kaae ala yaleé?” yalepó.

⁴⁹ Ti fo depa, atimaamopaae duraalu, “Yało ayané ę beterópóló ere bemó fóló betteretei diaamo tuę iniru ę kekenapó,” yalepó. ⁵⁰ Ama ai yale fo bete atimaamoné diriyóló wosóló kisipa sinipó.

⁵¹ Téro, kale naale ama hama alimatamo Nasaret be huluapaae fóló, atimaamoné dere fo betą wosóló aąmó sukóló beterepó. T̄eruraalu, Yesuné ama yale fo fea hamané kisipa keteréni, ama hosaamó muló beterepó. ⁵² Téro, Yesu ą teó doatutei kisipa tiki dotoróę fóló, fosó fosó naale wisi doatepa Kótónékélé, mo so wh̄ínékélé, h̄ęsekeyóló ąpaae hosaa mualepó.

3

W̄ęi tópuratere wh̄i Jon-né yó male fo (Mat 3:1-12, Mak 1:2-8, Jon 1:19-28)

¹ Taiperius Sisa 15 ba fo tuąmó ą topo wh̄i bituraalu, Rom hae kwia mo fea ama t̄eteróló kaae tarepó. Atéyale sukamó, Pontias Pailat ąkélé doasi *Gavman* topo wh̄i bitu, Judia hae kwia t̄eteróló kaae tawóo, Herot ąkélé doasi topo wh̄i bituraalu, Kaleli hae kwia t̄eteróló kaae tawóo, ama noma Filip-né Ituraea hae kwiaró Trakonaitis hae kwiatamo t̄eteróló kaae tawóo, Lisantias ą doasi topo wh̄i bitu, Abilene hae kwia t̄eteróló kaae tawóo, erepó.

² Anas-ró Kaiapas-tamo Kótópaae momaratere doasi topo wh̄i betere sukamó, Sekaraiané naalema Jon wh̄i bitini wópu mole tikimó betepa, Kótóné fo ą tuąpaae sókó walepó. ³ Atéro, Jon ą Jordan w̄ęi fole

hae kwiamó tẹ mole be hulua dokopaae fóló, fo yó mótu betalepó. Atéro, Kótóné fo yó mótu duraalu, “Diaaḡ du betere dowi ala taaróló, Kótópaae kisipa tiki feteyóló ape. Atétepa, yaḡo diḡ wẹi tópuraaḡo ai ape. Diaaḡ dowi alamó saaire kwia Kótóné me ḡla meipóló, haḡe kemeraalo ai ape,” deté kutu betalepó. ⁴ Mo take betale Kótóné ama kḡló whi Aisaiané aseýóló muló betere fo mo donotóróti yalepó. Ai fo i ape.

“Whi betḡ haḡe wópu mole tikimó bitu fo fakeyóló duraalu,
‘Tale waaire tḡ aleyae, ḡ waaire tḡ donoraē.

⁵ Tukwẹ derepale tiki, hae mulóló wisirae. Doasi hasi uluró du sokoreteitamo dukiyóló muluraē.

Wẹ wẹre tukélé, mo donoyóló aleyae.

Kapo ó hapisaḡa muóló dore tḡ dukiyóló taaē faróló wisirae.

⁶ Até depa, ti Kótóné so whi fea aluyaḡsóró tao saaire ala wisi so whi mo feané kelaalo ai ape,’ ” yalepó.

⁷ So whi mo fea Jon-né wẹi tópurópóló ḡ beterepaae wua depa, atimapaae duraalu, “Diaaḡ dere alata, wuliné tḡ kotere kaaē dapó. Kótóné diḡtamo fopaae butu taleyaḡsóró, mopaaē botokó faai de? ⁸ Diḡ dowi ala taaróló kisipa feteyóló tḡ wisipaaē fulapó du betere fo, haḡeamó motóró du betae. Ti noatepaaē, Abraham-ta diaaḡ ayapó du betere fomó yaḡo diḡpaaē i dere ape. I muó mole kapo fakerape Kótóné whi aleyóló, Abraham-né naale senaale beteranérápó. ⁹ Talené kaḡwei ni bete dokḡ taketi muló beterapó. Mepaaē ninétamo du wisi olenitepa, ti ai nirape fea diyóló sipaaē taaē deraai Talené ama tḡ ai ni betemó bukó tarapó.” yalepó.

¹⁰ Ai fo depa so whi feané ḡpaaē duraalu, “Ti ḡané noa alakó yaaloé?” yalepó.

¹¹ Ti fo depa Jon-né atimapaaē duraalu, “Me whi dené kuti tamo deró betepa, me kuti sokóló yaḡyaḡe whi melae. Whi me dené ḡla huýóló mupa, ti aikélé betḡ kaaē alatóró yae,” yalepó.

¹² Mepaaē *takis moni* siré kotere whirape atimakélé wẹi tópuaaē dapóló

wóló ḡpaaē woseturaalu, “Yó matere whi-ó, ḡa noa alakó yaaloé?” yalepó.

¹³ Tétepa, ama atimapaaē duraalu, “Diaaḡ *takis moni* siré kutu, bosenóló sini, sae yale sḡtóró saē,” yalepó.

¹⁴ Ti fo depa, mepaaē diki tare whirape wóló ḡpaaē woseturaalu, “ḡa noa ala yaaloé?” depa ama duraalu whiné *moni* saai, so whi tẹteréli fo yóló ó dilikóló saḡse. Naaḡ *Gavman*-né diḡ matere *monitóró* tawóló betae. I sḡ meipóló, dokó dokó yaḡse,” yalepó.

¹⁵ So whi feané Jon kilituraalu, i seké Kótóné sóró betero betere whi Keriso du yalepóló, tuḡ tekitu betalepó. Ti noatepaaē, atima Keriso mo kelaai kisipa mutu betaleteinépó. ¹⁶ Até du betepa, Jon-né atimapaaē tokḡ mótu duraalu, “Yaḡlota, diḡ wẹi maaté tópuratapó. Téteretei, mo doa seké whi betḡ waalo ai ape. Aḡa ḡ kaaē meipó. E ḡ aḡmó naale belekaḡamale kaaē betereiteiné yaḡo ama hó be dokore képi teraayaairetei mo sḡnipó. Amata, kale Dẹi Kepe Wisiró sitamoné diḡ wẹi tópuraaḡo ai ape. ¹⁷ Ama naaséné *whit* betḡpaaē eróló kane fake kaaē ḡla tómó mulóló, fumi beséné só fópóló epeýóló horatere ḡla tarapó. Tétu, mo *whit*-ta betḡpaaē eróló mulótu beterapó. *Whit* fumita, mo sukḡkélé feni haḡe dó tare sipaaē taaē deraalópó,” yalepó. ¹⁸ Atéro, Jon-né kale mió wosetere kisi fo wisi so whi feapaaē yó melóturaalu, so whiné kisipa tiki feteraaire forapekélé, yó melótu betalepó.

¹⁹ Tétu betaletei, kale doasi *Gavman* topo whi Herot-né noma Filip-né sotei ḡ dokóo, mepaaē kae kae dowi alarape yóo, du betalepó. Até du betepa, Jon-né Herot-paaē atei alarape taalae yóló, foné salepó. ²⁰ Herot-né take yale alarape tómó, me i alakélé yalepó. Kale Jon *dipula* beteralepó.

Jon-né Yesu wẹi tópurale foró Yesu deté yale whirapené doirape
(*Mat 3:13-17, Mak 1:9-11*)

²¹ Atéyale sukamó, Jon-né so whi fea wẹi tópuróturaalu, Yesukélé wẹi tópuralepó. Atéro ḡ momatu betere mó, ó hepen be tḡ tukwẹ fóló molepó. ²² Atépa, kale Dẹi Kepe Wisi ba hḡkósere kaaē Yesuné tikimó bitḡ

dorowalepó. Até deretamo, hepen beró fo fakeyóló duraalu, “Ȳṣta, ȳṣlo Naalepó. Naa dere ala wisi kilituraalu, ę mo doa hękesené sinitapó. Ti ȳṣta ȳṣlo mo yaala sókó fóló mole Naalepó,” yalepó.

²³ Téro etéyalepó. Yesu ą kutó kaae saai betale sukamó, 30 ba fo beterepó. ą atéro betepa so wh̄iné ąta, Josep-né naalema nisi yalepó.

Josep-ta, Heli-né naalemapó.

²⁴ Heli-ta, Matata-né naalemapó.

Matata-ta, Lipai-né naalemapó.

Lipai-ta, Melki-né naalemapó.

Melki-ta, Janai-né naalemapó.

Janai-ta, Josep-né naalemapó.

²⁵ Josep-ta, Matatias-né naalemapó.

Matatias-ta, Amos-né naalemapó.

Amos-ta, Naham-né naalemapó.

Naham-ta, Esli-né naalemapó.

Esli-ta, Nakai-né naalemapó.

²⁶ Nakai-ta, Mat-né naalemapó.

Mat-ta, Matataias-né naalemapó.

Matataias-ta, Semen-né naalemapó.

Semen-ta, Josek-né naalemapó.

Josek-ta, Joda-né naalemapó.

²⁷ Joda-ta, Joana-né naalemapó.

Joana-ta, Resa-né naalemapó.

Resa-ta, Serubabel-né naalemapó.

Serubabel-ta, Sealtiel-né naalemapó.

Sealtiel-ta, Neri-né naalemapó.

²⁸ Neri-ta, Melki-né naalemapó.

Melki-ta, Adi-né naalemapó.

Adi-ta, Kosam-né naalemapó.

Kosam-ta, Elmadam-né naalemapó.

Elmadam-ta, Er-né naalemapó.

²⁹ Er-ta, Josua-né naalemapó.

Josua-ta, Elieser-né naalemapó.

Elieser-ta, Jorim-né naalemapó.

Jorim-ta, Matata-né naalemapó.

Matata-ta, Lipai-né naalemapó.

³⁰ Lipai-ta, Simeon-né naalemapó.

Simeon-ta, Juda-né naalemapó.

Juda-ta, Josep-né naalemapó.

Josep-ta, Jonam-né naalemapó.

Jonam-ta, Eliakim-né naalemapó.

³¹ Eliakim-ta, Melea-né naalemapó.

Melea-ta, Mena-né naalemapó.

Mena-ta, Matata-né naalemapó.

Matata-ta, Natan-né naalemapó.

Natan-ta, Depit-né naalemapó.

³² Depit-ta, Jesi-né naalemapó.

Jesi-ta, Obed-né naalemapó.

Obed-ta, Boas-né naalemapó.

Boas-ta, Salmon-né naalemapó.

Salmon-ta, Nason-né naalemapó.

³³ Nason-ta, Aminadab-né naalemapó.

Aminadab-ta, Atimin-né naalemapó.

Atimin-ta, Arni-né naalemapó.

Arni-ta, Hesron-né naalemapó.

Hesron-ta, Peres-né naalemapó.

Peres-ta, Juda-né naalemapó.

³⁴ Juda-ta, Jekop-né naalemapó.

Jekop-ta, Aisak-né naalemapó.

Aisak-ta, Abraham-né naalemapó.

Abraham-ta, Tera-né naalemapó.

Tera-ta, Nahor-né naalemapó.

³⁵ Nahor-ta, Seruk-né naalemapó.

Seruk-ta, Reu naalemapó.

Reu-ta, Pelek-né naalemapó.

Pelek-ta, Eber-né naalemapó.

Eber-ta, Sela-né naalemapó.

³⁶ Sela-ta, Kainan-né naalemapó.

Kainan-ta, Arpaksat-né naalemapó.

Arpaksat-ta, Sem-né naalemapó.

Sem-ta, Noa-né naalemapó.

Noa-ta, Lamek-né naalemapó.

³⁷ Lamek-ta, Metusela-né naalemapó.

Metusela-ta, Enok-né naalemapó.

Enok-ta, Jared-né naalemapó.

Jared-ta, Mahalalel-né naalemapó.

Mahalalel-ta, Kainan-né naalemapó.

³⁸ Kainan-ta, Enos-né naalemapó.

Enos-ta, Set-né naalemapó.

Set-ta, Adam-né naalemapó.

Adam-ta, ti Kótóné naalemapó.

4

Satan-né Yesu dée n̄póló s̄y sale fo (Mat 4:1-11, Mak 1:12-13)

¹ Yesu ą Dęi Kepe Wisi f̄ayóló s̄yuraalu, Jordan w̄ęi taaróló wapa, Dęi Kepe Wisiné ą wh̄i bitini, h̄ale wópu mole tikipaae ąlisóro felepó. ² ą aimó betepa, dowi Satan-né ą dée n̄póló, s̄y sere alarape deté fu betepa 40 be d̄rape kemeyalepó. Atéyale be d̄emó ą ąlakélé néni wote siri bitiré fóló, kemene folepaae ą wote yalepó.

³ Atéró betepa, dowi Satan-né ɔpaae duraalu, “Yɔtamo Kótóné Naalemapata, ti i kapopaae *bred* o alée fae yae,” yalepó.

⁴ Ai fo depa Yesuné ɔpaae duraalu, “Tale Kótóné ašemó i fo erapó.

‘So whi betereteita, mo ɔla maaté nukuraalu bitinipó erapó,’” yalepó.

⁵ Atéró, kale dowi Satan-né ɔ mo ópaae hore dupaae dapesó holóló daalu, i hae kwia dokɔ tɛtéróló kaae tare alarape fea ɔpaae títitóró hapale yó melalepó. ⁶ Téró, ɔpaae duraalu, “Yɔlo yámó doasi doi muaaire alaró i haemó muó mole wisi wisi alatamo naao tɛtéróló kaae tawaasepóló melaalopó. Ti noatepae, take ɛpaae matepa taretei, mepaae yɔlo kisipa mole whirape melaai depa, ti sýmó manérápó.

⁷ Yɔlo i dere fotamo naao betɔ wosóló ɛ aqmó bitu, doa Tale-ó depa, ti i ɔla ɔla fea naaotóró tɛtéróló kaae tawaasepóló melaalopó,” yalepó.

⁸ Ti fo depa, Yesuné ɔpaae duraalu, “Kótóné ašemó ere fo i ape.

‘Tale Kótó mo betɔtóró beterapa, ɔ aqmó sinóló bitu, Aya doa Tale-ó, yóló ama ala betɔ erótu betae erapó,’” yalepó.

⁹ Téró, kale dowi Satan-né Jerusalem bemó tɛne momatere be hulua tómó dapesó holóló daaló bitu duraalu, “Yɔtamo Kótóné Naalemapata, ti haepaae tuó derepae. ¹⁰ Ti noatepae, ašemó i fo erapó. ‘Kótóné ama *ensel*-rapepaae yɔ me ɔlané doalé yaqsóro, wisiyóló kaae tawae yaalopó.’

¹¹ Me fo i ape. ‘Yɔ atimané naase tómó muni durupuraalu, me ɔlané yɔ kotóo sóro doalé yaalomeipó,’” yalepó.

¹² Ai fo depa, Yesuné kale dowi Satan-paae duraalu, “Ašemó i fokélé erapó.

‘Naao Tale Kótóné yɔ tao sirémóló kɔae kolóló sɔ saqse,’ erapó,” yalepó.

¹³ Atéró, kale dowi Satan-né Yesu dée nópóló sɔ sale kɔlipaae me tɛ mutere sukamó momó sɔ saai dapóló taaróló felepó.

Nasaret so whi Yesuné dere fo wosaalomeipó yale fo
(Mat 13:53-58, Mak 6:1-6)

¹⁴ Atéró, Yesu kale Dɛi Kepe Wisiné fotokɔratepa, ɔ Kaleli hae kwiapaae momó fesaae felepó. ɔ atéró wóló beterapó dere fo ai hae kwiamó betó mole so whi feapaae deté kweyalepó. ¹⁵ Atéró, ɔ ai hae kwiamó bituraalu, atimané fo wosetere be dokɔ fo yó maté kotopa, so whi feané ama doi hale sóro horótu betalepó.

¹⁶ Take ɔ doayóló betale Nasaret be hulupaae fóló bituraalu, kale sɔa nokole be demó ama dua dere kaae, fo wosetere be dolopaae holalepó. Atéró, Kótóné ašemó ere fo dosɔyaaairaalu turukó holalepó.

¹⁷ Kótóné ama kóló whi Aisaiané ašere *buku* bopeyóló moletei, ama dosɔyáópóló, whi mené ɔpaae melalepó. Tétapa, ai *buku* sóro dɔae faróló, ama tué mole fo kekɔlemó keletapa dosɔyale fo ipó.

¹⁸ “Talené ama Dɛi Kepe Wisi ɛ tuámó beteró beterapó. Ti aita hɔle mei, ama kale fo wisi so whipaae yó melópóló ɛ sóro beteralepó. Atéru, *dipula* kaae betere so whi hɔle fópóló dotonóo, keke dilikire so whiné keke fisɔae falóo, mepaae wae sóro sonalei ala tuámó beteró betere so whi sokóló hɔle beteróo yópóló, ɛ dotonalepó.

¹⁹ Talené so whi wisiyóló beterópóló, ama kɔlené sukutu hamokoróló hɔle tao sere ali i wale ape fo so whipaae yópóló, ɛ dotonalepó,” yalepó.

²⁰ Téró, Yesuné kale fɔloi *buku* momó bopeyóló kaae tare whipaae melóló, ɔ bitɔ deyalepó. Atéró betepa, ai fo wosetere be dolomó betó mole so whi feané ɔpaatóró keke fopolaa yalepó. ²¹ Téró, ama atimapaee momó duraalu, “Mió diaaɔ wosale ašemó yóló muló betere fota, motóro dokonalepó,” yalepó.

²² Ama yó matere fo wosale so whi feané i whiné kólómó mo kokɔi fo wisinaale dapóló, siratu betalepó. Tétu atimasisitei duraalu, “Ita, Josep-né naalema meié?” yalepó.

²³ Ai fo depa, Yesuné atimapaee duraalu, “I mara mole fo diaaɔ ɛpaae mo enérápó. ‘Dokta whi-ó, naaotei yɔ tikimó daale kisi bete wisirótimié? Ti Kapeneam be huluumó du betere alarape dɔané wosalepa,

umó erótu betale ala kaae naao i turuku bemókélé erótumié?” yalepó.

²⁴ Atéro ama atimapaee momó duraalu, “Yalo diapaae mo i dere ape. Kótóné kóló whiné ama be whi so whipaae Kótóné fo i ape yóló yó matepa, atimané mo dapóló wosetimipó. ²⁵ Yalo diapaae mo i dapa wosae. Mo take Israel haemó Ilaija betale alimó mepaae sorape atimané whi sukóló wulia betó molepó. Ai sukamó ba fo sorené wélié apo mirómó hali kinó betepa, hae kwia feamó ɔla sóku aluyóló, wote ali walepó. ²⁶ Téyaletéi, Kótóné Ilaija dotonaletéita, mo betá Israel fake sorapekó tao sópóló dotonénipó. Ténitei, Saidon hae kwiamó tene Sarepat be hulua amó betere betá wulia so tao sene fópóló doteyalepó. ²⁷ Téró, Kótóné ama kóló whi Elaisané Israel hae kwiamó dowi humu fuluné tiki doyóló betó mole so whi mo betakélé wisirénipó. Israel hae kwiamó atei kaae whirape betó mupatei, mo betakélé wisiréni, Siria hae kwiamó betere whikó Naaman maaté wisiralepó,” yalepó.

²⁸ Ai kale fo wosetere be dolomó betó mole so whi mo feané ama ai dere fo wosóló, atima doasi fopaae bualepó. ²⁹ Atéro atima hapale turukó huturaalu, ɔ belapaae hókó deralepó. Téró, ai be hulua felekemó ere kulapaae taae deraai dapóló dapesó felepó. ³⁰ Téyaai depa, ai touró betere so whi kua dolomóteí sókótamo yóló, ama faai yale tikipaae felepó.

*Yesuné dowi kepe hɔkonale fo
(Mak 1:21-28)*

³¹ Téró, Yesu ɔ Kaleli hae kwiamó tene Kapeneam be huluaapaae derepelepó. Aimó bituraalu, kale ɔa naai tukóló muló betere be demó so whi feapaae ama fo momó kaae sóró yó mótu betalepó. ³² Ama ai yó matere fo so whi feané woseturaalu, sóró beteró betere topo whiné fo kaae dapóló, siratu betalepó.

³³ Ai fo wosetere be dolomó dowi keperape tepeyóló betere whi betá beterepó. ³⁴ Ai sekéné fo fakeyóló duraalu, “He! Nasaret be hulua whikó Yesu-ó, naao dapaae noa alakó eraai waleé? Naao dɔ doraai waleé? Yata, me dowi alakélé

muni, Kótóné mo kae beteró betere whipóló, yalo kisiparapó,” yalepó.

³⁵ Ai fo depa, Yesuné kale dowi kepe foné sóró duraalu, “Fo taaróló ya ai whi tuamó betereitei, sókó ape,” yalepó. Ti fo depa, dowi kepe kale whi tuamó betaletéi, so whi feané keletómó ama tiki haepaae taae deróló ɔ sókó felepó. Atéyaletéi, kale whi ɔ doalékélé inipó.

³⁶ Atétere ala so whi feané kolóló, sirayóló atimasisitei duraalu, “I whiné yó mótu betere fota, mo kaepó. Ti ama fota, doasi fotokótamo yó matepa, dowi keperapénékélé ama dere fo mo betá wosóló, ai sókó fulapa, kelae!” yalepó. ³⁷ Yesuné i ala du beterepó fo, ai hae kwiamó betó mole so whi mo feapaae deté kweyalepó.

*Yesuné so whi feané kisi wisirale fo
(Mat 8:14-17, Mak 1:29-39)*

³⁸ Yesu ɔ ai fo wosetere be taaróló, Saimon-né bepaae felepó. Ai bemó kale Saimon-né auma sere tiki suputere kisiné sinóló mupa, atimané Yesupaae, “Naao wisiraalóé?” yóló wosalepó. ³⁹ Atétepa, ɔ kale so molepaae fóló hemene doropóló, kale soné tiki supu dere kisi bete foné salemó, kemeyalepó. Atéteretamotóro kale so ɔ turukó holóló, atimamó ɔla kaae sóró biliyóló melalepó.

⁴⁰ Be dikiyaaairaaalu, suka doropoletamo mepaae hɔle betere whirapéné kae kae hepo daale so whi Yesu beterepaae dapesó walepó. Atéro wóló betó mupa, so whi dokó feané tikimó ama naase mulótua yalemó, atimané kisi beterepae wisiyalepó. ⁴¹ So whi feané tiki tuamó tepeyóló betere dowi keperape fo fakeyóló sókó furaalu, yata Kótóné naalemapó dua yalepó. Ai fo depa, atimané ɔta hɔle whi mei, Kótóné so whi teteróló kaae tanópóló sóró beteró betere whi Kerisopó yaqsóro, kale dowi keperape foné sua yalepó.

⁴² Mo hjkati Yesu ama wotoró so whikélé bitinire tikipaae felepó. Atépa, kale so whi feané keketé kweyóló, ɔ betere tikimó sókó walepó. Atéro wóló bituraalu ɔ metikipaae faqsóro, atimatamo betaai dapóló, sesé du betalepó. ⁴³ Tétepatei, ama atimapaee duraalu, “Kótóné teteróló

kaae tare aqomó mole fo wisi i ape yóló yó maté kwęyópóló, Kótóné ę dotęyalepó. Atéreteiné ę diątamo betenéni, mepaae be huluapaae faai dapó,” yalepó. ⁴⁴ Téro, ą Judia hae kwiamó tę mole fo wosetere be dokę fea fo yó matétóro kutu betalepó.

5

Yesuné mepaae ama yó melaaire whįrape ape yale fo

(Mat 4:18-22, Mak 1:16-20)

¹ Téro etęyalepó. Me be dęmó Yesu ą Kenesaret węi fókumó daalepó. So whį mo fea hąle ęla kaae wóló tourale tikimó, hae tiki fąae fóló mulu, Kótóné fo wosetu betalepó. ² Até du betepa, węi nuku tamo ai węi fókumó duló betepa kelalepó. Ai nuku tamota, ya siré kotere whįrapené nukupó. Atimané nuku aimó dupa teraae fóló, węi fókumó hąleke warape fukutu betalepó. ³ Atétu betepa, ą nukumó bitį holalepó. Ai nuku tale, Saimon-paae duraalu, “Naao nuku ai węi kulu tuąpaae sawa hikili falae,” yalepó. Téro, ą nuku tómó bituraalu so whį feapaae fo yó mótu betalepó.

⁴ ą fo yó melóló kemetepa, Saimon-paae duraalu, “Yakó detémóló kelaalopa, nuku węi kulu tuąpaae fóló, diaaq hąleke warape węi dolopaae derae,” yalepó.

⁵ Ai fo depa, Saimon-né ąpaae duraalu, “Doa whį-ó, mió dikitamo yakó saalo nisiyóló dą depe tukó wei ala yóló deratę kwęyalemó, mo betąkókélę denipó. Téyaletei, naao derae depa ti hąleke warape dąné deraalopó,” yalepó.

⁶ Atéro, atimané hąleke warape deralemó mo doakale yarape deale tikimó, atimané hąleke warape tukó faairaaalu yalepó. ⁷ Atéteremó, atimané fulumu whįrapepaae atima tao sene ape depa wóló, mepaae yarape nuku dolopaae bulóló fu betaalemó, kale nuku tamo wusuró mo felekemó węi dolopaae buó deyaai yalepó.

⁸⁻¹⁰ Atétepa, Saimon-ró ątamo kutó diterę whįrapetamokélę, atima betąmó ya siré kotere Sebedi naalema tamo Jems-ró Jon-tamokélę, ya mo dekeró sóro muló

betere kilituraalu, haió yóló siratu betalepó. Atétepa, Saimon Pita ą Yesuné hó aqomó bukutiri teąró bitu duraalu, “Tale-ó, ęta dowi ala du betere whįpa, taaróló yą fumié?,” yalepó.

Tétepa, Yesuné Saimon-paae duraalu, “Yą wiyaqse, naao ya su dere kaae, mió kaae sóro so whį siré kwęyaasepólópó,” yalepó. ¹¹ Atétepa, atimané nukurape węi fókupaae tao sóro mulóló, atimané ęla ęlakélę mupatei taaróló ą sya felepó.

Dowi humu fuluné tiki dore whį Yesuné wisirale fo

(Mat 8:1-4, Mak 1:40-45)

¹² Téro etęyalepó. Yesu ą betą be hulamó beteremó, dowi humu fuluné tiki dore whį walepó. Atéro, Yesu betere felekemó ama kelepaa haepaae deróló bukutiri teąró bitu ąpaae woseturaalu, “Tale-ó, yąlo tiki doretei naao kisipané wisiraa depa, ti wisiraasepólópó,” yalepó.

¹³ Atétepa, Yesuné ama naase teręę faróló kale whįné tikimó wolaayóló duraalu, “Naao tiki yąlo wisiraai kisipa mutapa wisiyae,” yalepó. Téyalemó, mo ai fapotóro kale whįné dore tiki mo ti wisiyó felepó.

¹⁴ Atéro, Yesuné kale whį dotonaai ąpaae mo diri ma fo yóló duraalu, “Yąlo naao tiki wisiralepóló, mo whįpaae momókó yaqse. Yą fóló, Kótópaae momaraterę whįné naao tiki fope yópóló, yó male fae. Atéro fopeyóló naao tiki wisipa kilitu, Moses-né ere fo sya furaalu, Talepaae hąle melae ere ęla melae. So whį feané ai ala kilituraalu, ita Talené erapó kisipa muaalopó,” yalepó.

¹⁵ Yesuné mo so whįpaae yaqse yaletei, i ala yalepóló detę kwęyóló fakeratepa, so whį feané woseturaalu, atimané kae kae kisi beterape wisiróo, ama dere fo wosóo yaairaaalu, wua yalepó. ¹⁶ Atépatei, Yesu ą so whįtamo betere tiki taaróló so whįkélę bitinire tikipaae suka fea moma eneta dua yalepó.

Yesuné tiki momaare whį wisirale fo

(Mat 9:1-8, Mak 2:1-12)

¹⁷ Atéro, me sukamó etęyalepó. Ama fo yó mótu betepa, mepaae Farisi whįraperó

Moses-né asere fo yó matere wh̄irapetamo Kaleli haeró Judia haetamomó betó mole so wh̄ikélé, Jerusalem be hulua so wh̄ikélé, wóló betó molepó. Ai sukamó, so wh̄i feané kisi bete wisiraaire Talené fotokḡ sumó bolepo. ¹⁸ Atépa, mepaae wh̄irapené betā tiki momaare wh̄i besekēné dokopatei, beleyóló wóló be tuḡpaae holóló Yesu beterepaae sóró holaa kiswa mualepó. ¹⁹ Téró, kale wh̄i sóró faaire tumó so wh̄i mo fea daayale tikimó fenénipa, siki bepaae sóró holóló kea sokóló, kale wh̄i dokopatei, besekētamo Yesu daale donotóro deralepó.

²⁰ Atérop, atimané kiswa tiki tiratere ala Yesuné kolóló, kale tiki momaare wh̄ipaae duraalu, “Ti naale-ó, naao dowi alamó kwia melaai yaletēi mió i kemeratere ape,” yalepó.

²¹ Yesuné ai fo depa, Farisi wh̄iraperó Moses-né asere fo yó matere wh̄irapetamo atimasisi fo yaai tuḡ teketu betalepó. “Ti wh̄iné ḡta, Kótó kaaepó du betere foné Kótó faletu beterapó. Mo wh̄i betḡnekélé dowi alamó melaaire kwia kemeranénitei, Kótóné betā sumó enérápó,” du betalepó.

²² Atérop mutere kiswa Yesuné kolóló, atimapaae duraalu, “Noatepa diḡ atēi tuḡ mutu bitu de? ²³ Ti mé fo so wh̄i feané enére? Naao yale dowi alamó saaire kwia aluratapó enérépe, ḡ turukó holóló naao besekḡ sóró fae fo enére? ²⁴ I haemó betó mole so wh̄iné dowi ala bete tokóló aluraaire fotokḡ Wh̄iné Naalemané sumó bulapóló, kiswa yaasepóló i wh̄ipaae eratere ala kelae. ḡlo ḡpaae mo i dere ape, ḡ turukó holóló naao besekḡ sóró bepaae fae,” yalepó. ²⁵ Ai fapotóro kale be wh̄i so wh̄i feané keletómó turukó horóló ama besekḡ sóró bepaae furaalu, Kótóné doi hale sóró horaté felepó. ²⁶ Atéteremó, so wh̄i fea winé sukutu sirayóló duraalu, “Mo take etēi kaae ala depa, ḡané kolókélé ini, mió kisi ala keletapóló,” Kótóné doi hale sóró horótu betalepó.

Takis moni sere wh̄i Lipaipaae Yesuné ḡ sya ape yale fo

(Mat 9:9-13, Mak 2:13-17)

²⁷ Ai ala yóló kemetepa, Yesu ḡ betā *takis moni* siré kotere wh̄ikó ama doi Lipai *moni*

su betepa kolóló, Yesuné ḡpaae duraalu, “ḡ ḡ sya ape,” yalepó. ²⁸ Ti fo depa, ḡ turukó holóló ama ḡla ḡlakélé mupatei, taaróló ḡ sya felepó.

²⁹ Téró, Lipainé Yesu ama bepaae dapesó fóló, ḡmó doasi ḡla deralepó. *Taks moni* siré kotere wh̄iraperó mepaae so wh̄itamo fea touró bitu, ḡla nuku beterepó. ³⁰ Tétu betepa, mepaae Farisi wh̄iraperó atima betā kiswa mulu Moses-né asere fo yó matere wh̄irapetamoné Yesuné yó matere wh̄irapepaae duraalu, “*Taks moni* siré kotere wh̄iraperó dowi ala du betere wh̄irapetamo weíró ḡlatamo betāmó noatepa ḡla nuku bitu dérópó,” yalepó.

³¹ Ti fo depa, Yesuné atimapaae duraalu, “Hepo daanire so wh̄i *dokta* wh̄i beterepaae fumi, hepo daale so wh̄i maatē fua dapó. ³² ḡ waletēita, donoi ala du betere wh̄ipaae ape yaai ani, dowi ala du betere so wh̄i atimané dowi ala taaróló ape yaairaalu walepó,” yalepó.

Yesuné yó matere wh̄irape ḡla woteremó yale fo

(Mat 9:14-17, Mak 2:18-22)

³³ Atimané ḡpaae duraalu, “Jon-né yó matere wh̄irapeta, Kótópaae kiswa muóló, me féli ḡla weyóló bitu, momatua dapó. Atétere kaae, Farisi wh̄irapené yó matere wh̄irapekélé atétua dapó. Tétēpatei, naao yó matere wh̄irape ai ala ini, atima ḡlaró weítamo nokole ala suka fea ḡle yó tarapó,” yalepó.

³⁴ Tétēpa, Yesuné atimapaae duraalu, “Betā wh̄i ḡ so dokotere sukamó ama nomarape ḡla weyóló ḡle bitua de? Meipó. ³⁵ Tēyaalo meitei, me sukamó kale so dokaaire wh̄i atima betāmó bituraalu, ḡla nuku beterḡlemó, ḡ tawóló só fole sukamó atima ḡla weyóló ḡle betaalopó,” yalepó.

³⁶ Ama atimapaae yale fo kiswa sḡpóló, me fo sale etéro yalepó. “Mepaae wh̄iné kisi kuti bisḡayóló derḡakele kuti bisḡae faletēi nomotua de? Atétēpa, ti derḡakele kutiné kisi kuti ḡkulu yóló doróo, nomaletēikélé kokḡ ini yóo, yaalopó. ³⁷ Atétere kaae, mepaae wh̄irapené *wain* weí hupu sekaḡné aleyale derḡakele wutimó tepe-tumipó. Até enalemó, kale weí fotokḡné

kale hupu sekañé aleyale derçakele wuti fulukó furaalu, wekélé sunée faalopó. ³⁸ Até yaqsóro, atimané kisi *wain* wej tepeturaalu, ti hupu sekañé aleyale kisi wutimó tepetua dapó. ³⁹ Folo moi *wain* wej nokole whjrape atima kisi *wain* wej naai həkese dumipó. Ti noatepae, folo moi *wain* wej nólo toureteiné mo wisirapó, du beterapó,” yalepó.

6

Yesu ąta, ąa nokole be dej tetteróló kaae tare Talepó yale fo

(Mat 12:1-14, Mak 2:23-28, 3:1-6)

¹ Téro, ąa naai tukóló muló betere be demó, Yesu ą ama yó matere whjrapetamo *whit* kutó tuamó tejóló felepó. Atéro furaalu, ama yó matere whjrapené ai kutómó ere *whit* du kaae sóro fumi hotokóló nukulé fu betalepó. ² Mepaae Farisi whjrapené até dere ala kolóló, ąpaae duraalu, “Ąa nokole sukamó naao yó matere whjrapené atei ala yópóló, noatepa kaae tare?” yalepó.

³ Ai fo depa, Yesuné atimapaee tokó mótu duraalu, “Depit-ró ama fulumu whjrapetamo wotetepa yale ala asemó moletei, diaaq dosąayóló kisipa muni airapó. ⁴ Depit ą Kótóné be dolopaae holóló bituraalu, Kótópaae melale mo kae muló betere *bred* otei ama sóro nalepó. ą nólo, kwiapaae ama fulumu whjrapekélé matepa, atimané sóro nalepó. Ai ota, hąle mo whjné nukumi, Talepaae momaraterere whjrapené maaté nukua dapó,” yalepó. ⁵ Téro, Yesuné atimapaee duraalu, “Ąa nópóló tukóló muló betere be dej tetteróló kaae tare Taleta, ti kale whjné Naalemapó,” yalepó.

⁶ Téro, ąa nokole me be demó, Yesu ą Kótóné fo wosetere be dolopaae fóló, fo yó mótu betalepó. Atéro yó mótu betalemó, betą whj ama turu naase sinóló dopa kelalepó. ⁷ Atétepa, mepaae Farisi whjraperó Moses-né asęere fo yó matere whjrapetamoné Yesu só deraaire bete kiki-tu, kale ąa nokole be demó naase dowi whj wisiratéro kelaairaalu, kaae tawóló beterapó. ⁸ Atimané atéro mutere kisipa

ama kolóló, kale naase dowi whjpaee duraalu, “Yą so whj kuamó turukó holóló, daayae,” yalepó. Atétepa, kale whj ą so whj feané keletómó daane holalepó.

⁹ Atétepa, Yesuné atimapaee duraalu, “Yalo diąpaae betą fo wosetapó. ąa nokole sukamó noa ala yaqse yóló mule? Whj tao sóro wisiraterere alapé, dowi ala deretei? Ó whj sukaqsóro tao sere alapé ó whj betere bete doraterere alaé?” yalepó.

¹⁰ Ai so whj beterepaae kele keleyóló kale whjpaee duraalu, “Naao naase terée falae,” depa, kale whjné naase terée faralemó, wisiyalepó. ¹¹ Atéteremó, doasi fopaae buóló atimasisitei fo kęlaaróló duraalu, “Dąné ąpaae noa alakó eraaloé,” du betalepó.

Yesuné 12 whjrape sóro sóro beterale fo (Mat 10:1-4, Mak 3:13-19)

¹² Téro betą sukamó Yesu ą moma yaairaalu, du sorokó mole aqpaee felepó. Atéro, aimó Kótópaae moma deté fu betepatei, be deralepó. ¹³⁻¹⁴ Atéro be deyo hotepa, hįka ama yó matere whjrapepaae ape yóló, fea betó mupatei, 12 whjrape maaté sorokó sóro, *aposel* doi mulalepó. ¹⁵ Saimon doi mupatei, ama me doi Pita mulalepó. ¹⁶ Ama noma Andru, Jems, Jon, Filip, Batolomiu, Matyu, Tomas, Alpiasné naalema Jems-kélé, kęlo kęlore whj Saimon, Jems-né naalema Judas-kélé, Yesu dópóló eleké deyaaire whj Judas Iskariot, atima atéro whjrape sóro beteralepó.

¹⁷ Atéro, Yesu ą kale du sorokó mole tiki taaróló, ai aqmó sawa mulure tikipaae ama sóro beterale whjrapetamo derepelepó. Kale mepaae yó matere whjrapekélé, Judia hae kwiamó wale so whjkelé, Jerusalem be huluamó wale so whjkelé, wej foku felekemó tęne Tair beró Saidon betamomó wale so whjkelé, mo hąle ąla kaae wóló touró beterapó.

¹⁸ Atéro waleteta, ama dere fo wosóo, atimané kisi bete kemeróo, mepaae so whjkelé dowi kepe tepeyóló beteretei dóló hękonóo, yópóló walepó. ¹⁹ Ama fotokqné aimó betó mole so whj atimané kisi bete wisirótua yaletiné, ama tikimó wolaayaaai dapóló walepó.

Yesuné ama yó matere wh̄irapepaae dere fo

(Mat 5:1-12)

²⁰ Atétepa, Yesuné ama yó matere wh̄irape kaae taru duraalu,

“Dīa yoleale betere wh̄irapeta, ti Kótóné t̄eteró betere ala sereteiné dīa hajné sukutu betera-pó.

²¹ Dīa mió wotené sukóló mole so wh̄irapeta, take ɔla s̄umó naalopóló kisipa mutu, hajné ai sukutu betere ape.

Mió dīa dekené sukóló moló du betere so wh̄ita, take hajné sinóló be-taaireteimó, Talené wisiró betera-apa, wisi kisipa muóló betae.

²² Atéró, dīa Wh̄iné Naalema sya fu betere-mó, mepaae wh̄irapené dīa h̄oróo, kae betere-póló h̄okó falóo, dowi ala dere wh̄ipóló diaaɔ doi doróló fale yóo du betepa, ti Talené dīa wisiró betera-apa, hajné sukutu betae.

²³ Atétere sukamó h̄ekesené sukutu, t̄uwó holae. Ti noatepae, diaaɔ take saaire doasi dupu wisi hepen-mó muló betera-pó. Ti take atima alimarapéné-kélé Kótóné ama k̄óló wh̄irapepaae bet̄a kaae ala erótua yalepó.

²⁴ Téretei, néli wh̄irape dīa mo doa wió yae! Ti noatepae, diaaɔ tiki feléyóló mo dua betaaire ala taketi sóro tareteiné, nalopaae atei wisi wisi ɔla momó kae saalomeipó.

²⁵ Mió dīa mepaae wh̄i de ɔla s̄umó nóló betere so wh̄i dīa mo wió yae! Ti noatepae, take dīa wotené suk̄alo ai ape.

Mió dīa mepaae wh̄i de d̄o nóló h̄ekesetu betepa, take dīa dekené sukuturaalu doasi wole yaaireteiné mo doasi k̄lerapó.

²⁶ So wh̄i feané ȳapaae wh̄i wisi-ó, yóló dukiratere fo du betepa, k̄lerapa mo doasi wió yae. Ti noatepae, mió dīa dukiratere so wh̄i atima alimarapéné-kélé take betale kapala k̄óló wh̄irape atéró dukirótua erapó,” yalepó.

Bóe wh̄ipaae yaala sókó fu betae yale fo (Mat 5:38-48)

²⁷ “Téretei, mepaae ȳalo fo wosetere so wh̄i dīapaae i dere ape. Dīa h̄oróló bóe duraalu, dowi ala erótu betere so wh̄ipaae yaala sókó fóló h̄ekesené sukutu, wisi ala bet̄a erae. ²⁸ Mepaae wh̄i dené dīa doróló sekeratere fo depa, Kótóné atima wisirópóló, fo wisitei yae. Mepaae wh̄i dené dīapaae sek̄ei ala eratepa, Kótópaae atima wisirae yóló momarae. ²⁹ Mepaae wh̄i dené naao faamumó deké supa, metikirókélé d̄ópóló yó melae. Mepaae wh̄i dené naao tómó deró betere kuti sokotepa ti naao tuamó deró betere kutikélé seséni, sokópóló yae. ³⁰ Mepaae wh̄i dené ȳapaae me ɔlakó ɔlae depa, ama kematere ɔla melae. Mepaae wh̄i dené naao tare ɔla fasetepa, momó ɔlae fo yaɔse. ³¹ Mepaae so wh̄iné ȳapaae eranée dere ala kaae, naao mepaae so wh̄ipaaekélé erótua yae.

³² Dīapaae yaala sókó fu betere wh̄ipaae maaté yaala sókó fu betere-a, ai doasi alaé? Mepaae dowi ala dere wh̄irapéné-kélé atimané fulumu wh̄irapepaae atéró yaala sókó fole ala du betera-pó. ³³ Mepaae wh̄i dené dīapaae wisi ala erótu betepa, diaaɔkélé atimapaee wisi ala eratepa, aita doasi ala meipó. Ti aita, dowi ala du betere so wh̄iné-kélé dere alapó. ³⁴ Diaaɔtamo mepaae wh̄iné dīapaae momó tokó melópóló me ɔla melatepa, ai-a hapólure? Ti mepaae dowi ala dere wh̄irapéné-kélé momó tokóló saai ai ala dua dapó.

³⁵ Tépatei diaaɔta, bóe wh̄ipaae yaala sókó fóló wisi ala bet̄a erótua yae. Atéturaalu, naao me ɔla mótu, momó tokó melópóló kisipa muóló meni, h̄ale meló bet̄a yae. Atétepa, ti dīa mo taoró betere Kótóné dupu wisi menóló, ama naalerape betaalo ai ape. Ti noatepae, ama k̄lené sukutere alaró h̄ale tao sere alatamota, dowi ala du betere wh̄iraperó ɔpaae mo kée initere wh̄irapetamopaae erótu betera-pó. ³⁶ Diaaɔ Ayané mo so wh̄i feapaae k̄lené sukutu dere kaaetóro diaaɔkélé me wh̄ipaae atéró k̄lené sukutu betae,” yalepó.

*Me whi hqletei foné só deraqse yale fo
(Mat 7:1-5)*

³⁷ “Diaaḡ me whi taleyóló só deratere ala yaḡse. Naaotamo me whi só deratere ala initepa, ti mené diḡkélé taleyóló só deraalomeipó. Diḡné mepaae whiḡtamo foné só deréni depa, ti yaḡkélé mené só deraalo meipó. Mené yaḡpaae erale dowi ala me ḡla meipóló hḡle kemeratepa, ti diaaḡ yale dowi alakélé me ḡla meipóló hḡle kemeraalopó. ³⁸ Mepaae ḡla ḡla yaḡyaḡre so whiḡmó hḡle matepa, menékélé diḡmó hḡle melaalo ai ape. Naaḡ me ḡla melaai depa, ti deyóló mo ti faḡanóló melae. Ti noatepae, naaḡ mepaae whiḡmó mo dekeró mótu dere kaae, menékélé yaḡmó naaḡ male sḡtóró melaalo ai ape,” yalepó.

³⁹ Atéró, ama i yale fo tó mó atimapaee i fo sale yalepó. “Betḡ keke dilikire whiḡné me keke dilikire whiḡpaae tu i mole ape yóló ḡlisóró fenére? Atétepa, ti ḡ dée nukuraalu, atimamo wusuró dée nóló dolopaae derepaalopó. ⁴⁰ Betḡ *skul* naalené ḡ yó matere whiḡ tḡteraalo meipó. Téyaalo meitei, kisipa siré fóló sḡtepa, ti ḡ yó melale whiḡ kaae betaalopó.

⁴¹ Naaḡ keke dolomó doakale bole ni fake kilini, naaḡ noné kelemó sawatamo bole mometei noatepa sokaai du betere? ⁴² Naaḡ nopaae duraalu, ‘No-ó, naaḡ keke dolomó bole mome sawa sokotapa maé,’ dere noatepa de? Naaḡ keke dolomó bole doasi ni fake sokóló naaḡ keke feléruraalu, ti naaḡ noné kelemó bole mome sokotepa mo wisirapó,” yalepó.

*Wisi niné dowi du oletimipó yale fo
(Mat 7:16-20, 12:33-35)*

⁴³ “Ni wisiné dowi du oletimipó. Dowi ninékélé wisi du ulutimipó. ⁴⁴ Mo nirape fea du oletepa kolóló, ita du wisi oleteḡre nipó, ita, kokola oleteḡre nipó dua dapó. Whiḡrape feané nose du teketuraalu, mu daai képi tikimó ó hḡle hḡko ni tikimó olepa teketumipó. Mo besḡae teketukélé hḡle képimó olepa tekete? Meipó. ⁴⁵ Whiḡ wisiné hosaa tuḡmó wisi alatóró faḡayóló muluraalu, ama dere fokélé, wisi fotóró dua dapó. Dowi whiḡné ama hosaa tuḡmó faḡayóló mole alatóró dowi fo hḡkeamó depa wosetua dapó.

*Be hḡko tḡtere alaró wisiyóló tḡtere
alatomomó yale fo*

(Mat 7:24-27)

⁴⁶ Yaḡlo diḡpaae yae dere alamo diaaḡ iniyóló, ḡpaae doasi Tale-ó fo noatepa du betere? ⁴⁷ Mepaae whiḡné yaḡlo dere fo wosóló, yaḡlo yae dere alakélé wisiyóló erótu betere so whiḡ ti etei kaae alané kel-erapó. ⁴⁸ Whiḡ betḡné ama be tḡyaairaaalu, tó hae fea dukuté doropóló, hae dirimó kapo fake mulóló, ai tó mó be tḡtua dapó. Atéró tḡene be doakale hali tikiró weḡ asyatamo waalotei, ai be mo wisiyóló tḡneteiné tokḡ fenipó. ⁴⁹ Téyaalotei, whiḡ me dené yaḡlo fo wosetutei, yaḡlo erae dere ala erénitepa, ti etei ala kaaené kelerapó. Whiḡ betḡné ama be tḡyaairaaalu, tó hae kaḡayóló taae faréni, hḡle hḡko tḡnapó. Atépa, doakale hali tikiró weḡ ayatamo waletikimó, kale be tokḡ taae faróló, mo ti doralepó,” yalepó.

7

*Topo diki tare whiḡné kutó diratere whiḡ
wisirale fo*

(Mat 8:5-13)

¹ Téró, Yesuné so whiḡpaae fo yó melóló kemetepa, ḡ Kapeneam bepaae felepó. ² Ai bemó betḡ topo diki tare whiḡné ama hosaa mole kutó diratere whiḡ betḡ heponé mo felekemó sukḡai du betalepó. Ai topo whiḡné 100 Rom diki tare whiḡrape tḡteróló kaae tarepó. ³ Atépa, kale topo whiḡné Yesu wóló beteraḡpó dere fo woseturaalu, ama kutó diratere whiḡ Yesuné tao sene wḡpóló, mepaae Juda topo whiḡrapené ḡpaae ene fḡpóló dotḡyalepó. ⁴ Atima Yesu beterepaae wóló ḡpaae duraalu, “U whiḡ wisinaale mo felekemó suku-tapa, naaḡ ḡ wisiraasepóló yaḡ daḡ faalopó. ⁵ Ti noatepae, daḡ Juda fake so whiḡtamo hḡkesené sukḡló yaala sókó fole ala muluraalu, dané fo wosetere bekélé ama tḡnalepó,” yalepó.

⁶ Atétepa, Yesu ḡ atimatamo fóló, kale whiḡné be felekepaae sókó waairaaalu wou betepa, kale diki tare whiḡrapené doasi topo whiḡné ama fulumu whiḡrape Yesu-tamo tuḡmó hokolaatu, i fo yae yóló dotonalepó. ⁷ Atétepa, atima fóló, kale

topo wh̄iné Yesupaae yae yale fo yalepó. “Tale doa wh̄-ó, ą wh̄ wisi betepapakó yą ama be tuąpaae ape yaalomeipa, yą tika tumó daalu kisi bete wisi yae fo betą yae. ⁸ Ti noatepae, ękélé ę tẹteróló kaae tare wh̄i aqmó betera pó. Yąlo diki tare wh̄irape atimakélé ę aqmó betera pó. Ai wh̄irapepaae yąlo ‘Fae,’ depa fóo, ‘Yą ape,’ depa wóo, dua dapó. Yąlo kutó diratere wh̄ipaae i ala yae depa, ai alatóró ama dua dapó,” yalepó.

⁹ Yesuné i kale wh̄iné ene wale fo wosóló sirayalepó. Téró, Yesu fetée fóló ą sya wou betere so wh̄ipaae duraalu, “Israel hae kwiamó etei kaae kisipa tiki tiró betere wh̄i mo betąkélé betepa kilinipó,” yalepó. ¹⁰ Téró, kale doasi topo wh̄iné dotęyale wh̄irape bepaae momó fesaae wóló kelalemó, kale kutó diratere wh̄iné hepo bete wisiyóló, mo betepa kelalepó.

Yesuné wulia soné naale kepaarale fo

¹¹ Atéró, Yesu ą Kapeneam be hulua mó sawa betero, ama yó matere wh̄irapekélé, mo so wh̄ikélé, fea ątamo Nain be hulua paae sókó faai fu betalepó. ¹² Atéró fu betalemó, ai be hulua tipiné bopéró daaló betere tikimó sókó felemó, betą sukąle wh̄i beleyóló walepó. Ai naalené hamata, oma sukóló wulia bituraalu, ai naale betątóró kaae tarepó. Ama tiki sini beleyóló fupa, ai be hulua mó betó mole so wh̄ikélé fea ątamo fu betalepó. ¹³ Atétepa, Talené kale so kelalemó, kọlené hosaamó supa, ą daalepaae fóló duraalu, “Yą wole ekesé,” yalepó.

¹⁴ Téró, Yesu ą wóló kale sukąle wh̄i dokore besekę olaatepa, beleyóló fu betere wh̄irape feni, keįyóló daayalepó. Atétepa ama duraalu, “Ti naale-ó, yąlo yąpaae dapa turukó holae,” yalepó. ¹⁵ Tétepa, kale sukąle wh̄itei turukó holóló bituraalu, fo kaae sóró yalepó. Téró, Yesuné kale sukąle naalené hamapaae naao naale ai ape yóló melalepó.

¹⁶ Ai ala kolóló, so wh̄i fea winé sukutepa, Kótóné doi hale sóró holóló duraalu, “Kótóné mo doasi kóló wh̄i betą ama so wh̄i tao saai i wóló betere ape,” yalepó. ¹⁷ Yesuné ai ala du betera pó

fo Judia hae kwiaró ai hae kwia tuąmó betóló fale so wh̄itamo feapaae deté fóló fakeralepó.

Jon-né ama yó matere wh̄i tamo Yesu beterepaae dotonale fo

(Mat 11:2-19)

¹⁸ Atéró, kale Jon-né ama yó matere wh̄irapené Yesuné i alarape du betera póló, Jon-paae ene walepó. ¹⁹ Jon-né ama yó matere wh̄i tamopaae ape yóló, Tale beterepaae fópóló dotęyalepó. Atétepa, atimaamo fóló ąpaae wosetu-raalu, “Waalopóló bope du betale wh̄i yąpé? Wh̄i me kae wópóló kaae tawaróe?” fo ene fópóló dotonalepó.

²⁰ Atéró, kale wh̄i tamo Yesu beterepaae wóló ąpaae duraalu, “Dąmota, węi tópuratere wh̄ikó Jon-né yąpaae wosene fae depa walepa, yąta kale waalopóló bopetu betale wh̄ipé, wh̄i me kae wópóló kaae tawaaloé?” yalepó.

²¹ Atęyale sukamótóró Yesuné mepaae hepo daale so wh̄ikélé, depe dolomó dowi kepe betere so wh̄ikélé, kele dilikire so wh̄ikélé, wisirótu betera pó. ²² Atéró, ama atimaamopaae duraalu, “Diaamo fesaae fóló diaamoné wosale foró kelale alatamo Jon-paae ene fae. Mepaae kele dilikiyóló betale so wh̄iné kele fisąae fóló ọla ọla kolóo, hęleke dore so wh̄i mo sesęre wh̄i kaae kwęyóo, dowi humu fuluné tiki dore wh̄irape sesę mo betere wh̄iné tiki kaae daayóo, mepaae wosęli kinu fokélé wosenire so wh̄i wosęli tukwę falóo, mepaae sukutepa दौरaaai yale so wh̄itei kepaaróo, mepaae yoleale betere wh̄irapepaaekélé, kale mió wosetere fo wisi yó matepa wosetu betera pó fo ene fae. ²³ Mepaae so wh̄i de yąlo du betere alamó dée néni, suka fea eró tare so wh̄ita, hąiné sukópóló yae fo ąpaae ene fae,” yalepó.

²⁴ Atéró, kale Jon-né dotęyale wh̄i tamo fimó, Yesuné Jon-mó kisipa mutu, ai betó mole so wh̄ipaae duraalu, “Upulé dią so wh̄ikélé bitini kópu kąae fitikipaae fua yale-a, besęné kape fépo eratere kelaai felepé, wh̄i kuti wisinaale deróló auretei kelaai feleé? Meipó. ²⁵⁻²⁶ Ti mepaae wisi wisi kuti maaté deratere wh̄ita, topo

whị betere be wisimótóró bitua dapó. Aṭa atei ala inipa, diḡ noa ọlakó kelaai feleé? Atépatei, diḡtamo Kótóné ama ọlọ whị mo kelaai fitikimó, ti aṭa ai kutó maaté mei, mepaae kutókélé dirópóló sóró betero betera. ²⁷ Aṣemó yóló muló betere fota, i whimó kisipa mutu erapó.

‘Whị betḡ ẹpi folosóró furaalu, yḡ waaire tḡ donoraē fo ene fópóló yḡlo doteyaaalo ai ape.’

²⁸ Yḡlo diḡpaae i dere ape. I haemó betó mole soné deale whirapekélé fea betó moletei, kale wẹi tópuratere whị Jon-né tẹteró betera. Tépatēi, whị me detamo Kótóné tẹteróló kaaē tare aḡmó, belei sókó deóló betepa, ti kale wẹi tópuratere whị Jon bosenéē falapó,” yalepó.

²⁹ Mo so whị fearó *takis moni* siré kotere whirapetamo Jon-né dere fo wosóló sya fupa, atima wẹi tópurateiné Yesuné yale fo wosóló, Kótó aṭa, mo donotóró taletere Talepó du betalepó. ³⁰ Téyaletei, mepaae Farisi whiraperó Moses-né aṣere fo yó mótu betere whirapetamo Kótóné tao sóró eraai yale wisi ala atimanétei hórarepó. Ti noatepae, atima Jon beterepaae wẹi tópuairaalū feni yaletēinépó.

³¹ Téró, Yesuné duraalu, “Mió i alimó betere so whirapené du betere ala yḡlo noapaae dó faróló yaaloé? ³² Atimata, so whị mo fea touróló betere tikimó, kale keteirape atimasisitei melaa duraalu, etei kaaē ala dere naale senaale kaaené kelerapó.

‘Diḡ kiliyópóló dḡné fó wuti haleróló mepaae wole forape yaletēi, diḡ hẹkeseyóló sama kilinipó.

Diḡ deḡ duraalu moló yópóló, mepaae wole forape yaletēi, diḡ wolekélé inipó,’ yalepó.

³³ Atére kaaē, kale wẹi tópuratere whikó Jon ọlakélé, wẹikélé, neni, weyóló hḡle betepa, diaaḡ duraalu, ‘A tuḡmó dowi kepe tepeyóló betera,’ dua yalepó.

³⁴ Kale whiné Naalema ọlaró *wain* wẹitamó nokole ala kolóló diaaḡ duraalu, ‘Kelere? i whita, ọla mo dekéro nóo, *takis moni* siré kotere whiraperó dowi ala dere whirapetamo fulumu yóo, du betera,’ fo diaaḡ ai dere ape,” yalepó. ³⁵ Atei fo

diaaḡ du betereitei, mepaae so whị de Kótóné mo fo wisi wosóló sya fupa, so whị feané hḡkeamó kilitu, ita Kótóné mole fosó fosóre tuḡ sya feleteiné erapó, yalepó.

Dowi ala du betale soné Yesuné hó fokale fo

³⁶ Téró etéyalepó. Farisi whirapekó betḡné Yesupaae aṭamo ọla naai faalopó depa, fóló beterepó. ³⁷ A atéro wóló Farisi whiné bemó ọla nuku betera dere fo ai be huluaamó dowi ala du betere soné wosóló, *alapasita* kanené aleyale wutimó felé ọlḡlaa wale *wel* wẹi sóró walepó.

³⁸ Atéro wóló, a Yesuné sisópaae fóló, ama hó aḡmó hemée deyóló bitu, wole du betalepó. Atéro du betale wole kaaē Yesuné hḡleke tópaē durupu beterepó. Tétepa, kale soné ama topo nikinétei, helekóló kópurótu betalepó. Atéro, kale soné Yesuné hḡleke tamo ọlọ tukó nóló, kale felé ọlḡlaa wale *wel* wẹi ama hómó suniyalepó.

³⁹ Atétere ala betḡ Farisi whiné kolóló, ama kisipanétei duraalu, “I whita, Kótóné ọlọ whị uḡsóró, ti ama hómó olaa deremó, dowi ala dere sonétei a olaa dapó, kisipa muḡpó,” yalepó.

⁴⁰ Tétepa, Yesuné ẹpaaē duraalu, “Saimon-ó, yḡlo yḡpaaē yaaitere fo betḡ mulapó,” yalepó. Ti fo depa, ama duraalu, “Yó matere whi-ó, naao ẹpaaē yaaitere fo yae,” yalepó.

⁴¹ Ti fo depa, Yesuné ẹpaaē duraalu, “Betḡ whiné *moni* momó tokó melaai dapóló, tamo whiné kwia mulóló me whiné 500 *denarias moni* sóo, me whiné 50 *denarias moni* sóo, yalepó. ⁴² Kale whi tamóné sale *moni* talepaaē tokó melaairetei sunipa, kale whiné me ọla meipóló, taaralepó. Atéro taalatepa, atimaamokó mé whiné kale *moni* talepaaē doasi hosaa muóló yaala sókó fole ala enére?” yalepó.

⁴³ Ti fo depa, Saimon-né ẹpaaē duraalu, “Yḡlo kisipanéta, kale doasi *moni* sale whi a hẹkese yaalo ai ape,” Tétepa, Yesuné duraalu, “Naao dere fota, mo dono dapó,” yalepó.

⁴⁴ Téró, a kale so daalepaaē fetée fóló, Saimon-paaē duraalu, “I so naao

kelere? Ɛ naao bepaae waletai, yało hęleke fokópóló, naao weıkó ę menipó. Ténitei, i soné betą ama wole kaape fe ę yało hómó epa, ama topo nikinétei helekóló kópuralepó. ⁴⁵ Ɛ naao bepaae wale sukamó, yało faamumó naao kóló tukó néni, i soné betą yało hó kóló tukó nuku betalepó. ⁴⁶ Naao yało topomó *wel* weı dilénitei, i soné betą yało hęlekemó felé kęlaa wale *wel* weı dilalepó. ⁴⁷ Atéyale kaae, yało yąpaae i dere ape. I soné ama mo doasi du betale dowi alamó saai yale kwia yało hęle kemeraleteiné ama ępaae hosaa muóló doasi yaala sókó fu beterapó. Tépateti, whı me dené ama dowi ala hęle tómó maaté kemeratepa, ti ama yaala sókó fóló hękesené sukutere alakélé hęle tómó erapó,” yalepó.

⁴⁸ Téró, Yesuné kale sopaae duraalu, “Naao yale dowi alamó saaire kwia hęle kemeró beterapó,” yalepó.

⁴⁹ Ai fo depa, ątamo betąmó ęla nuku betere whırape atimasisitei, fo kęlaaróló duraalu, “I whıta, Tale kaae bitu, dowi alamó saaire kwia ama hęle kemeraalopóló dérópó,” yalepó.

⁵⁰ Tétepa, Yesuné kale sopaae duraalu, “Naao kisipa tiki tiró betere alané ya tao sóró wisiralepa, naao hosaa muni deyóló mo dua fae,” yalepó.

8

ęla wae biliterepaae dó faróló yale fo sale

(Mat 13:1-23, Mak 4:1-20)

¹ Ai ala yóló kemetepa, Yesu ą doasi be huluaró sawa be huluatamopaae fóló kale fo wisi yó móturaalu, Kótóné tęteróló kaae tare aqmó mole ala etérapóló yó maté kweyalepó. ą atéro kotere alata, ama yó matepa wosetere 12 whırapekélé feapó.

² Téró, take depe tuąmó dowi keperape betepa wisirale sorapekélé, mepaae hepo daapa wisirale sorapekélé, fea ątamo felepó. So whıné Maktala be hulua sokó Mariapó du betere so felepó. Ai sota, take weıkeró dowi keperape tepeyóló betepa, dóló hękonale sopó. ³ Kale topo whı Herotné ama be ó ęla ęla fea kaae tanópóló, sóró beteró betere whı Kusané soma

Joanakélé, so me Susanakélé, mepaae sorapekélé, mo fea ątamo felepó. Ai sorape atima *moninétei*, Yesuró ama yó matere whırapetamo tao sua yalepó.

⁴ Atéro so whı fea betąpaae tourótu betepa, mepaae kae kae doasi be huluamó betó mole so whıkéle wóló tourótu betalepó. Atépa, Yesuné ama i fo sale yalepó. ⁵ “Whı betąné ęla wae ke ama kutómó terepeté kweyaaairaaalu, sóró felepó. Atéro furaalu, mepaae kerape tųmó sorokóta yóló mupa, so whıné hęlekené tęiya tęiya yalepó. Atépa, sikimó kotere barape dorowóló, kale kerape dósu yóló nalepó. ⁶ Téró, kale whıné kutómó kerape terepeté kweyaletei, mepaae ti kane tómó dakere haemó taae doróló hapale holalepó. Téyaletei, kapo tómó dakere hae fe meiru, kale ęla wae feleke doaló derepeniyóló, hapale séliyalepó. ⁷ Mepaae ke ti dowi ne eremó taae derepelepó. Atéyaletei, dowi netamo betąmó holóló kale ke ęla wae wisi dowi nené bopeyóló aluralepó. ⁸ Mepaae hae wisimó terepée derepele ęla wae wisiyóló holóló, du oleyalepó. Ai ęla ęlumétepa sóró, 100 yorape fąanalepó,” yalepó.

Ama i fo sale yóló kemetepa, fo fotkqiné duraalu, “Whı de wosęli daapata, i dere fo wisiyóló wosóló tuę muae,” yalepó.

⁹ Tétepa, ama yó matere whırapené ępaae woseturaalu, “Naao ti yale fo sale noa betené yaleé?” yalepó.

¹⁰ Ai fo depa, ama atimapaae duraalu, “Tale Kótóné tęteróló kaae tare aqmó kinóló mole ala diaaę tuę yópóló, mené dią sóró beteró beterapó. Téretei, mepaae hęle mo so whıpaaeta, ti fo salené maaté du beterapó. Ti noatepae,

‘Take atima kelené kelaalotei, mo diriyóló koló faalomeipó.

Take atimané fo wosaalotei, bete mo diriyóló kisipa yaalomeipó,’ erapó.

¹¹ I yale fo sale bete i ape. Kale ęla wae keta, ti Kótóné fo wisipó. ¹² Kale ęla wae ke tųmó taae doropóló mupa, barape dorowóló dósu yóló nale kaaeta, mepaae whı de Kótóné fo wisi wosóló, atimané hosaa tuąmó mulatepatei, dowi

Satan wóló, kale fo wisi tokó sua du beterapó. Aita hãle mei, kale fo wisi wosóló kisipa tiratepa, Kótóné atima tao saqsóro du beterapó. ¹³ Téro, mepaae kane tó mó dakere haemó taae derepele ɔla waeta, i ala dere kaaepó. Kótóné fo hekesetamo wisiyóló woseteretei, atimané tué tuámó mulótimpó. Sawa sukamó kisipa tiki tiró bitu, woseté fu betaalotei, sekéi ala wale be demó hapale dée nukua dapó. ¹⁴ Kale dowi ne dolomó taae doropóló ɔla wae botokó sóro honiyale kaaeta, i ape. Mepaae whi de Kótóné fo wosólóte, tũmó furaalu, atima betere alamó doasi whaaliala dere alakélé, tó tikiné felé yaaire alakélé, atimané kisipa tiki tuámó muló bitu, kale fo wisi botokó sóro aluróló, du wisi oletimpó. ¹⁵ Tépte, hae wisimó taae derepele ɔla waeta, i ala dere kaaepó. Mepaae so whiné kale fo wisi kisipa wisitamo wosóló keteréni, atimané hosaa tuámó mulóló eró tareteiné, ɔla wae kaae holóló, kale fo wisi du oletua dapó,” yalepó.

Mo whi betqnekélé lamp sa kinóló munanéipó yale fo
(Mak 4:21-25)

¹⁶ “So whiné lamp sa deróló haené aleale nuku aqmó ó fitere kea aqmó kinóló munéni, so whi feané kolópoló deróló hakeamó mulótua dapó. ¹⁷ Ti so whiné kelaqsóro mió hiróló muló betere ala fea take fopa hakeamó mulatepa, so whi feané kelaalopó. ¹⁸ Téyaalopa, mió diaaq wosetere fo wisi mo wisiyóló sya fóló, erótóro tawae. Ti noatepae, mepaae so whi dené Kótóné fo wisi mo bete mulapóló tao tapa, atétere so whipaae Talené tó mó beleróló mo dekéro melaalopó. Mepaae so whi dené wosale fo wisi ama kisiapané tare nisi du bettereikélé Kótóné fasó saalopó,” yalepó.

Yesuné hamaró nomarapetamo wóló belamó daalopó yale fo
(Mat 12:46-50, Mak 3:31-35)

¹⁹ Téro etéyalepó. Yesuné ama hamaró nomarapetamo ɔ kelaai waleteti, so whi fea touraletikimó, ɔ daale felekepaae fenénipa, atima belamó kaae tawóló daae molepó. ²⁰ Atépa, mepaae whiné ɔpaae

duraalu, “Naa haeró nonaaorapetamo ɔ kelaai wóló belamó daae mulapó,” yalepó.

²¹ Ai fo depa, ama atimapaee duraalu, “Mepaae so whi de Kótóné fo wosóló erótu betepa, ti ɔlo haeró norapetamo ai ape,” yalepó.

Yesuné hali tikiró besé tikitamo foné sale fo

(Mat 8:23-27, Mak 4:35-41)

²² Téro me be demó Yesuné ama yó matere whirapepaae duraalu, “I wéi kela uté téro faalopa fiépe,” yalepó. Atétepa, atima nuku tuapaae bitj holóló, tē felepó.

²³ Atéro, atima nukutamo wéi tó mó fu bituraalu, ɔ nuku salemó toró mulóló, noke firepó. Atéro wéi tó mó fu betalemó, doakale besé tikiró wéi asyatamo wale tikimó, nuku dolopaae wéi bō dorowóló faturaaalu, wéiné atima mo felekemó alurapó, du betalepó.

²⁴ Tétepa, ama yó matere whirape fóló, ɔ turukuróló duraalu, “Doa whi-ó, mió wéiné dā mo felekemó i alurateré ape,” yalepó.

Atétepa, ɔ turukó holóló kale besé tikiró wéi asyatamopaae taalae yóló foné salemó, béyóló dono felepó. ²⁵ Atéro, ama yó matere whirapepaae duraalu, “Diā kisipa tiki tiró bitini airapó,” yalepó.

Ai fo deremó atima witepa, sirayóló atimasisitei duraalu, “I sekénéta, noa whirópó. Wéi asyaró besé tikitamokélé, ɔ aqmó bitu, ama dere fo mo betā wosetapó,” yalepó.

Dowi kepe tepeyóló betale whi wisirale fo

(Mat 8:28-34, Mak 5:1-20)

²⁶ Atéro, atima ai Kaleli wéi kela tēyóló, Kadarin hae kwiamó sókó felepó. ²⁷ Atéro, Yesu ɔ nuku taaróló hae tópaee taae felemó, ai be huluamó betā dowi kepe tepeyóló betere whi ɔtamo hokolaa yaai walepó. ɔ mo take bitiré woutei, kutikélé deréni, tiki hãle whi dou tó mó tóro bitua yalepó. ²⁸ Atéyale whiné Yesu daale kolóló, keteré yóló ama hó aqmó der-aapisa fóló fió mulu fo fakeyóló duraalu, “Mo taoró betere Tale Kótóné Naalema-ó, ɔlo ɔpaae dapa, naao ɔ momó kae

susupuraqse,” yalepó. ²⁹ Ti noatepae, Yesuné kale dowi kepepaae duraalu, ai whi tuamó beteretei taaróló sókó fae dere fomó yalepó. Ti aṭa, take mepaae whiné sein képiné dokóló mulótua yaletai, kale dowi kepené a whi bitinire tikipaae fópóló, hókó fatua yalepó.

³⁰ Yesuné apaae woseturaalu, “Naao doi deé?” depa ama duraalu, “Yaḷo doita Lisanipó,” yalepó. Ti noatepae, a tuamó keperape mo hale ɔla kaae wóló, betó moleteinépó. ³¹ Téró, kale dowi keperape atima betere tiki taaróló, mo apaae derepale dolopaae hókó deraqse yóló momó du, momó du, yalepó.

³² Ai du sorokó mole aqmó hupurape kimimó daae mupa, dowi keperapené Yesupaae woseturaalu, “Da ai hupurape tuapaae bitj faai dapa, naao dapaae fae yaaloé? depa, Yesuné wisirapa téyae,” yalepó. ³³ Atétepa, kale dowi keperape kale whi tuamó betaletai taaróló, kale hupurape tuapaae tepeyóló bitj felepó. Tétepa, kale hupurape botokó fele tikimó weiné saane kulamó doropóló, weiné sorokó fóló, fea sisiraae felepó.

³⁴ Atétepa, kale hupu kaae tare whirape wituraalu botokó fóló, doasi be huluaró ipu berapetamopaae fóló atimané kelale ala deté kweyalepó. ³⁵ Ai fo wosale so whi feané noa ala yalerópóló kelaai felepó. Atéró, Yesu beteremó sókó felemó, dowi keperape tepeyóló betale whitei tué wisi muóló, mo whi kaae kuti wisitamo betepa kilitu, atima wiyalepó. ³⁶ Téró, mepaae ai ala depa, kelale so whiné ai wale so whipaae duraalu, “I whita, dowi keperape tepeyóló betale whitei, mió a wisiyóló mo sesere whi kaae, ai beterapa kelae,” yalepó. ³⁷ Téró, ai kale Kadarin hae kwiamó betó mole so whi doasi wituraalu, Yesupaae atima taaróló fae yóló, setu betalepó. Atétepa, a faairaalu, we i nukupaae bitj holalepó.

³⁸ Tétepa, dowi keperape tepeyóló betale whiné Yesupaae akélé yaṭamo feṇére? yóló wosalepó. ³⁹ Tétepa, Yesuné a doteyaaai duraalu, “Ya etamo faalomeipa, Kótóné yapaae erale ala yó melaai naao bepaae fesaae fae,” yalepó. Atétepa, kale

whi a fóló, Yesuné apaae erale alarape ai be huluaró betó mole so whi feapaae yó melaté kweyalepó.

Yesuné betj senaaleró sotamo wisirale fo

(Mat 9:18-26, Mak 5:21-43)

⁴⁰ Atéró, Yesu a momó we i kela teyóló uté teró sókó fóló beteremó, a wópóló kaae tawóló betó mole so whi fea heketamo a boperale walepó. ⁴¹ Yesu atéró betepa, Kótóné fo wosetere be kaae tare whi Jairus wóló, Yesu kelalemó, mo doasi whipa, ama hó aqmó deraapisa fóló fió mulu, apaae mo miótóró ama bepaae faalopóló, wosetu betalepó. ⁴² Aita hale mei, 12 ba fo kemere senaale mo betatóró beteretei mo felekemó sukai depa yalepó.

Téró, Yesu tumó fu betepa, so whi feané betekj betekj deté fu betalepó. ⁴³ A atéró sókó felemó, fake fu betepa 12 ba fo kemere so betj walepó. Tétu betepatei, mo whi betanékélé ama ai kisi bete wisiraaire mo sunipó. ⁴⁴ Atére so a so whi kuamó Yesuné sisóro kikiti sókó wóló, ama tómó deró betere kuti salemó olaa yaletamótóró, ama samea fu betaletai tikalepó.

⁴⁵ Atétepa Yesuné atimapaae duraalu, “E né olaa yaleé?” yalepó. Téyalemó, ai so whi feané atima meipó depa Pitane duraalu, “Doa whi-ó, so whi feané ya te alu yóló ai daae mole ape,” yalepó.

⁴⁶ Tétepa Yesuné duraalu, “Diakó whi betane e olaa yaletikimó, yaḷo fotokó sókó felepa, e né olaa yaleé?” yalepó.

⁴⁷ Téró, so whiné keletómó kale soné ama yale ala hiranénipa, a Yesuné hó aqmó deraapisa fóló fió molepó. Atéru, ama kisi bete wisi yópóló kisipa mutu olaa yalemó, kisi bete mo hapale tétitóró wisiyalepó. ⁴⁸ Téró, kale sopaae duraalu, “Ti senaale-ó, naao kisipa tiki tiraletainé ya ai wisiyalepa, hosaa muni deyóló dua fae,” yalepó.

⁴⁹ Kale sotamo ai fo du betepatei, fo wosetere be kaae tare topo whi Jairus-né ama be whi wóló apaae duraalu, “Naao senaale mo ti ai sukale ape. Tétepa, yó matere whipaae fo me kae ini taalae,” yalepó.

⁵⁰ Ai dere fo wosóló, Yesuné kale whi Jairus-paae duraalu, “Naao senaleta wisiyaalopa, ya fomoyóló whaaliani, kisi pa tiki betá tirae,” yalepó.

⁵¹ Atéro etéyalepó. A kale fo wosetere be kaae tare topo whi Jairus-né bemó sókó fóló duraalu, “Mepaae whirape etamo faai dapóló waqse. Pita, Jon, Jems, kale senaalené alimaró hamatamo betá wópóló yae,” yalepó. ⁵² Atéro, sókó fóló ke-lalemó, kale senaale sukóló mupa molóro fo tiki whaatamo du betepa, Yesuné atimapaee duraalu, “Ai senaleta, sukuni noke firapa, diaaq fo tiki whaaró moló-utamo taalae,” yalepó.

⁵³ Ai fo depa, atima mo so whiné kisi-pané i senaleta, mo ti sukunapóló, a do nanalepó. ⁵⁴ Tetepa, kale senaalené naasemó tao sóro duraalu, “Ti senaale-ó, ya turukó holae,” yalepó. ⁵⁵ Atétepa, ama kepe bete a tuapaae momó bitij wouraalu, mo hapale tétitoró turukó holóló daayalepó. Tétepa, Yesuné atimapaee duraalu, “Me olakó nópóló melae,” yalepó. ⁵⁶ Atétere ala kolóló, kale senaalené ama alimaró hamatamo hokomó sókó furaalu, sirayalepó. Tétepa, Yesuné atimaamopaae fo mulótu duraalu, “I ala yalepóló, mepaae so whipaae momókó yaqse,” yalepó.

9

Yesuné sóro beterae 12 whirape dotonale fo

(Mat 10:5-15, Mak 6:7-16)

¹ Atéro etéyalepó. Yesuné ama dosayóló sóro betero betere 12 whirape betapaae tourale ape depa, walepó. Atéro wóló betó mupa, ama doasi fotokó bulóo, so whi tuamó dowi keperape betereitei, dóló hokonótua yóo, mepaae kae kae kisi daale so whirape wisirótua yóo, yópóló sóro beteralepó. ² Atéro atima doteyaae duraalu, “Diá be hulua dokó feapaae fóló, Kótóné tetéroló kaae tare aqmó mole ala yó melóo, mepaae hepo daale so whikélé wisiróo yaasepóló fae,” yalepó. ³ Atéro ama atimapaee duraalu, “Diá furaalu dotó tikikélé, waró yotamokélé, mo nokole olakélé, monikélé, kutikélé me

dekaaporóló momókó sóro faqse. ⁴ Diá me be huluamó sókó fenaalemó, betá whiné diá dape supa, ti ai whitamotóro fitua yóló, fole sukamó ai be taalae. ⁵ Mepaae so whiné diatamo dape sini depa, ti atimané yale alamó dapóló kisi pa muópólópa, ai be hulua taaróló faairaalu, diaaq hómó dakere hae terepée deróló fae,” yalepó. ⁶ Atéro atima fóló, be hulua dokó feamó kale fo wisi yó maté kweyóo, atima kotere be huluamó kisi muó mole so whikélé, fea wisiraté kweyóo, yalepó.

⁷ Atima ai ala deté kutu beteraepó dere fo Kaleli hae kwia tetéroló kaae tare whi Herot-né wosalepó. Mepaae so whiné kale sukale whi Jon momó kepaayóló beteraepóló deté fele fo wosetu, Herot-né ama kisi pa tiki koló koló du betalepó. ⁸ Atétepa mepaae so whiné duraalu, “Mo take betale whi Ilaija wóló biturapó. Tétepa, mepaae so whiné du, mo take betóló sukale Kótóné ama koló whirapekó, momó kepaayóló wou yalepó,” du betalepó. ⁹ Tétepa kale topo whi Herot-né duraalu, “Jon-ta, yalo diki tare whirapené depa tikalepa, aita demó dérópóló,” ama kepe faai kisi pa mualepó.

Yesuné 5,000 whirape ola melale fo

(Mat 14:13-21, Mak 6:30-44, Jon 6:1-13)

¹⁰ Téro, ama doteyale whirape atima momó fesaae wóló, atimané yale alarape Yesupaae yó melalepó. Téro, ama atima maaté dape sóro, Betsaida be huluapaae felepó. ¹¹ Atima atéro felepó dere fo so whi mo turóné woseturaalu, a sya felepó. Atima atéro a beterepaae wapa, wisirapóló dape sóro, Kótóné tetéroló kaae tare aqmó mole ala atimapaee yó melóo, mepaae hepo daapa wale so whikélé wisiróo, yalepó.

¹² Atéro, suka doropoletamo ama yó matepa wosetere 12 whirape a beterepaae wóló duraalu, “Dáta olakélé meire tikimó betera pa, i so whi felekemó te mole berapepaae fóló atimané naaire qlaró fiyaaire betamo atimanéitei kekai fópólópa, dotonae,” yalepó.

¹³ Ti fo depa, ama atimapaee duraalu, “Diaaqte, atima naaire ola melae,” depa

atimané ɸpaae duraalu, “Dɸnéta, bred o bula aporó yóo, ya tamo yóo, yóló betɸ i mole ape. Térɸpa, naao kisipané i betó mole so whjné naaire ɸlakó dɸnétei dupune fɸpóló kisipa mute?” yalepó.

¹⁴ Atéró, aimó betó muale soró naale senaaletamo dosɸani, whj maaté dosɸayóló touróturaalu, 5,000-rópó.

Tépatei, ama yó matere whjrapepaae duraalu, “Dosɸayóló 50 whjrape kae kae yóló beteraté kwɸyae,” yalepó. ¹⁵ Tétepa, ama yó matere whjrapené so whj fea taleróló beteraté felepó. ¹⁶ Atépa, Yesuné bred o bula aporó yóo, ya tamo yóo yóló taruraalu, hepen-paae kese holóló Kótópaae mo kée yóló terekée daalu yalepó. Téró, ama yó matere whjrapepaae melatepa, atimanémo so whj feamó ɸliraté kwɸyalepó. ¹⁷ Atéró, atima fea nalemó sɸtepa, buki muni feletei, ama yó matere whjrapené siré kwɸyóló, 12 yorape deyóló fɸanalépó.

Pitané Yesupaae Kótóné sóró betero betere whj Kerisopó yale fo

(Mat 16:13-28, Mak 8:27-9:1)

¹⁸ Téró, me sukamó etéyalepó. Ama yó matere whjrape atimasisi maaté moma du bitu, ama atimapaee duraalu, “Ai so whj feané ɸ-a, depó du bitu de?” yalepó.

¹⁹ Ti fo depa, atimané duraalu, “Mepaae so whjné yɸta, wɸi tópuratere whj Jonpó, mepaae so whjné ti Elaijapó, mepaae so whjné ti mo take betale Kótóné kɸló whjrapekó kepaayóló bituraalu, du beterapó,” yalepó.

²⁰ Ai fo depa, ama atimapaee duraalu, “Diɸnéta ɸ depóló kisipa mute?” yalepó. Atétepa Pitané duraalu, “Yɸta, Kótóné so whj fea tɸteróló kaae tanɸpóló, sóró betero betere whj Kerisopó,” yalepó.

²¹ Ti fo depa, Yesuné atimapaee fo fokɸiné duraalu, “Pitané ai yale fota, so whjpaee momókó yaɸse,” yalepó. ²² Téró ama duraalu, “Kale Whjné Naalema kae kae sekɸi ala saalo ai ape. Doasi whj disirapénékélé, mo so whjímó Talepaae momaratere topo whjrapénékélé, Moses-né asɸere fo yó matere whjrapénékélé, ɸ mené dɸpóló, só deraalo ai ape. Téyaalotei, ɸ momó kepaayóló betaalópó,” yalepó.

²³ Téró ama yó matere whjrapepaae duraalu, “Whj me de ɸ fole tɸmó waai kisipa mutepa, ti naao yaaire ala tɸteróló yɸ dóló oleraaire filipaa ni naaotei beleyóló, betere dokɸ ɸ sya ape. ²⁴ Mepaae so whj dené ama betere bete me ala yaɸsórópóló amatei hotowaró kaae tapa, atétere so whjné betere bete aluyaalo ai ape. Téyaalotei, whj me dené yɸlo ala eróturaalu, Talepaae naaopóló taalatepa, atétere whjné betere bete aluni, mo ti betó tawaalópó. ²⁵ Betɸ whjné i haemó muó mole wisi wisi ɸla dekéró sóró betɸpaae du betere tuɸmó ama betere bete alutepa, ti me noa dupu wisikó saaloé? ²⁶ Mepaae whj de witu halemó, ɸkélé, yɸlo fokélé tuɸnipó depa, kale Whjné Naalemakélé, Alimakélé, mo kae betere *ensel-rapekélé* ama mo kae ere dɸtamo wale sukamó, Whjné Naalemanékélé ai whj ɸ tuɸnipó, yaalópó. ²⁷ Téyaalopa, yɸlo diɸpaae mo i dere ape. Diɸ i daae mole so whj mepaae sukɸaipatei, Kótóné tɸteróló kaae tare ala mo kelaalópó,” yalepó.

Yesuné ama tiki kae daane wale fo

(Mat 17:1-13, Mak 9:2-13)

²⁸ Yesuné i forape yóló bitiré fóló, bokó waleró be dɸ kemetepa, etéyalepó. Pita, Jon, Jems, atima Yesuné dape sóró du sorokó molepaae moma yaairaalu felepó. ²⁹ Atéró holóló momatu betalemó, ama kelepaa kae daane wóo, ama deró betere kutikélé mo epée dɸ kaae yó fóo, yalepó. ³⁰⁻³¹ Atére tuɸmó, whj tamo Moses-ró Elaijatamo mo kae ere dɸtamo sókó wóló, Yesutamo fo du betepa kelalepó. Atima atéró du betale fota, Yesu ɸ i hae taaróló hepen-paae momó fesaae faaire ala dokonóló, Jerusalem bemó eraalópó du betalepó. ³² Pitaró ama fulumu whjrapetamo noke fi turukó horóló kelalemó, kale whj tamo mo doasi ere dɸ tuɸmó daalu, Yesutamo fo du betalepó. ³³ Atéró, kale whj tamo Yesu taaróló faai depa Pitané duraalu, “Yó matere doa whj-ó, dɸ fea etéró betere ala mo wisirapó. Dɸné diɸmó furu be sore tɸnaai kisipa mutapó. Me yɸmó tɸnóo, me Moses-mó tɸnóo, me Elaijamó tɸnóo, yaalópó,”

yalepó. Aita, Pita a noa fo enénitepa, kóló kóló duraalu yalepó.

³⁴ Pitané atéro fo du betepatei, sako dorowóló atima husuratepa, doasi winé sukutu betalepó. ³⁵ Ai sako dolomó i fo yalepó. “Ita, yalo Naalepó. A sókó sóró, yalo kae beteró beterapa, ama dere fo wosae,” yalepó. ³⁶ Ai fo yóló kemetepa kelalemó, Yesu a betá daapa kelalepó. Ama yó matere whirape atimané ai kelale alarape mo so whipaae ini, hiróló bitiré felepó.

Yesuné dowi kepe tepeyóló betere naale wisirale fo

(Mat 17:14-21, Mak 9:14-29)

³⁷ Atéro be deyó hotepa, atima ai du sorokó mole tiki taaróló dorowou betalemó, so whi mo hale ɔla kaae atamo tumó hokolaa yaai walepó. ³⁸ Ai so whi betó mole kua dolomó betá whi turukó holóló daalu, fo tokoróló duraalu, “Yó matere whi-ó, yalo mo betá naale naao wisirale waaloé? ³⁹ Suka fea dowi kepené a taneta depa, keteré yóló ama kóló dako sókó wua dapó. Até duraalu, dowi kepené a taaróló feni, fotokóné ama tiki fesoróló, hó naasekélé sosoro faróló mo dorótua dapó. ⁴⁰ Até du betepa, naao yó matere whirapepaae hokonaaloé? yóló wosalemó, atima sunipó,” yalepó.

⁴¹ Ai fo depa, Yesuné atimapaee duraalu, “Mió i alimó kisipa tiki tiréni, dowaae fóló kópaae fu betere so whi-ó, diá tu wisipaae fópóló e diatamo betale supa, ai naale ipaae dapesó ape,” yalepó.

⁴² Kale naale dapesó wou betepatei, dowi kepené haepaae taae deralepó. Atéro haemó mulu, fesorótu betepa, Yesuné kale keperape foné sóró duraalu, ai naale tuamó berteretei hókó faróló, alimapaee malepó.

⁴³⁻⁴⁴ Kótóné doasi fotokóné eralepóló, so whi feané kilituraalu, siratu betalepó. Yesuné atéro yale alamó so whi feané haió, i-a noa ala yalerópóló, siratu betepa, ama yó matere whirapepaae duraalu, “Yalo diapaae i yaaitere fo mo wisiyóló wosóló kisipa muae. Kale Whiné Naalema mo whirapené dópóló, mené eleké deyaalo ai ape,” yalepó. ⁴⁵ Ama

atéro yale fo kinóló moleteiné bete atima wisiyóló kisipa initepa wosaa yalemó, atima wituraalu taaralepó.

Doasi topo whi de betaaloé yale fo
(Mat 18:1-5, Mak 9:33-40)

⁴⁶ Téro, Yesuné ama yó matere whirape atimasisitei de doasi topo whi beteré yóló, u só derólu i só derólu dere ala kaae salepó. ⁴⁷ Atimané atéro mutere kisipa Yesuné kolóló, naale betá tao sóró turukó horóló a daale demó daalalepó. ⁴⁸ Téro, ama atimapaee duraalu, “Whi me dené yalo doimó etei kaae naale wisiyóló dape supa, ti etei dape sirapó. Whi me dené e wisiyóló dape supa, ti e doteyale sekétei dape sirapó. Whi me de diá tuamó naale belekamale aleyóló belei betepa, ti a doasi whi ai betere ape,” yalepó.

⁴⁹ Ai fo depa wosóló, Jon-né duraalu, “Tale doa whi-ó, betá whiné naao doi yóló dowi kepe hokonótu betepa, ata dakó meipóló kisipa mutu, dané apaae atékese yóló, sesé du betalepó,” yalepó.

⁵⁰ Ai fo depa, Yesuné apaae duraalu, “Diaa a sesé yaqse. Ti noatepae, mepaae diatamo bóe dinitere whita, ti diatamo mole whi ai ape,” yalepó.

Yesu wisiyóló dape sini yale fo

⁵¹ Téro, Yesu i hae taaróló hepenpaae dapesó holaai feleke deremó, a me tikipaae faai kisipa muni, Jerusalem be huluapaae maaté faai fotokó yalepó.

⁵² Téro, Yesu a nalo faairaaalu, mepaae whirape beró naaire ɔlatamo donoróló mullaai atimapi fópóló dotonatepa, atima Samaria hae tuamó tene bemó sókó felepó. ⁵³ Téyaletei, ai be hulua so whi feané a Jerusalem bepaae faai wale kilitu, dape sinipó. ⁵⁴ Atétere ala kilitu, ama yó matere whitamó Jems-ró Jon-tamoné apaae duraalu, “Tale-ó, i be huluamó betó mole so whi fea hepen-mó mole si dorowópóló yaé yóló kisipa mute?” yalepó. ⁵⁵⁻⁵⁶ Ai fo depa, Yesu a feté fóló atimaamo foné sóró, atima me be huluapaae felepó.

Betá whiné Yesupaae ya sya walapó yale fo
(Mat 8:19-22)

⁵⁷ Atéro atima fu betalemó, tu tuamó whi betané apaae duraalu, “Ya mopaae fupa, ti ekélé yatoró sya waalopó,” yalepó.

⁵⁸ Ai fo depa, Yesuné duraalu, “Honarapeta, atima fitere tiki yoo, barapekélé fiyaaire dépi daayoo eretei, Whiné Naalema beta toró mulóló fiyaaire tiki inipó,” yalepó.

⁵⁹ Atéro, whi mepaae duraalu, “Ya e sya ape,” yalepó. Ai fo depa, kale whiné duraalu, “Tale-ó, folosóro e yalo ayapi dourale fulapa, wisire?” yalepó.

⁶⁰ Ai fo depa, Yesuné apaae duraalu, “Sukune aore whiné ti sukune whi dourópóló, ya ti Kótóné tetéroló kaae tare aomó mole ala yó maté kweyae,” yalepó.

⁶¹ Atéro, me whinékelé duraalu, “Tale-ó, e ya sya waaitei, yalo hae ayapaae koleó fo ene faai kisipa mutapó,” yalepó.

⁶² Ti fo depa, Yesuné apaae duraalu, “Whi me de ama kutó ditu bitutei, depaae kele mulatere whiné Kótóné tetéroló kaae tare aomó mole kutó diraaire sunipó,” yalepó.

10

Yesuné 72 whirape doteyale fo

¹ Atéyale kilipaae. Talené mepaae 72 whirape sóro beteróló, a faai dere be hulua dokopaae atimapi fópóló, tamo tamoyóló doteyalepó. ² Atéro doteyaa atimapaae duraalu, “Kutómó ɔla mo dekéro ulumépatei, ai ɔla saaire whi beta dealó meipó. Térapa, ai ɔla sere ala tetéroló kaae tare Talené mepaae whirapekó ai kutopaae dotonópóló, Talepaae kemayae. ³ Diá bete haporape betere tuapaae *sipsip* hupu malerape kaae, yalo i dotonatere ape. ⁴ Diá furaalu *moni* detere bekélé, mo yokélé, hó bekélé, sóro faose. Tumó furaalu, so whipaae koleó fokélé ini, fó beta yae.

⁵ Diá beta whiné bemó sókó furaalu, Kótóné hosaa muni deyóló dua betere ala diá tuamó mulópóló yae, fo beta yae.

⁶ Ai be tuamó hosaa muni deyóló dua betere whitamó betepa, ti Kótóné hosaa muni deyóló dua betere ala ai whi tuamó muaalopó. Meipa, ti ai ala diatamo momó fesaae waalo ai ape. ⁷ Ai fitere

bemótóro bitu, atimané diámó matere ɔlaró weitamotóro nuku betae. Ti aita, diaaɔ diteremó kutómó dupu dono ai sere ape. Térapa, diá be dokó hoko fité kuni, fitere bemótóro fitua yae.

⁸ Téro, diá beta be huluamó sókó fenalemó, ai be hulua so whiné diá wisiyóló dape sóro ɔla matepa, ti ai ɔlatóro nae. ⁹ Atéro bitu, ai be huluamó kisi daae mole so whi wisirótua yae. Diaaɔ atimapaae yó mótu, ‘Kótóné tetéroló kaae tare alakélé diá beterepaae mo felekemó wale ape,’ fo yae. ¹⁰ Téyaalotei, diá beta be huluamó sókó fenalemó, atimané diá wisiyóló dape sinitépa, ti ai be bela tuamó daalu, atimapaae i fo yae. ¹¹ ‘Diaaɔ yale alamó, diané be hae dané hómó dakeretei diaaɔ keletómó i helekétere ape,’ fo yae. Diané dowaae fu betepa, Kótóné tetéroló kaae tare aomó mole ala mo felekemó waalopa, diá diriyóló kisipa muae yae,” yalepó. ¹² Atéro, Yesuné ama yó matere whirapepaae duraalu, “Yalo diapaae mo i dere ape. Kótóné i haemó betó mole so whi taletere sukamó, Sodom be huluamó betó mole so whipaae doasi sekei ala eraalotei, diá wisiyóló dape sinitere be hulua so whipaae eraaire sekei alata, mo doasi bosenóló eraalo ai ape.

¹³ Korasin beró Betsaida be huluatamómó betó mole so whi diá tuapaae doasi sekei ala waalopa, diá mo wió yae. Ti noatépae, i be hulua tamómó erale kelemei kaae, Tair-ró Saidon be huluatamómó erólusóro, ti atima mo taketitei yei kuti bukoo, kili diyoo, yóló kisipa feteyóló bituapó. ¹⁴ Téyaalotei, Kótóné fo tokóló tale dere sukamó Taia-ró Saidon be hulua so whitamopaae sekei ala eraalotei, diapaaeta, ai bosenóló mó doasi sekei ala eraalo ai ape. ¹⁵ Diá Kapeneam be hulua so whi-ó, diaaɔ kisipané diá Talené ó sapaae dapesó horaalopóló de? Meipa, doa koleó. Whi mo ti sukóló aluyaaire dolopaaetei derepaalo ai ape,” yalepó.

¹⁶ Tétepa, Yesuné ama yó matere whirapepaae duraalu, “Mepaae diaaɔ dere fo wosetere so whiné ti yalo dere fokélé wosetapó. Mepaae so whi dené diá hóratape, ti ekélé hóratapó. Téretei,

mepaae whi dené yało dere fo woseni nisiyóló hõratepa, ti ę dotęyale whikéle hõratapó,” yalepó.

17 Téró, kale dotęyale 72 whirape hękesetamo momó fesaae wóló duraalu, “Tale-ó, dąné naao doi yóló dowi keperape doló hõkonatepa, dąné dere fo mo betą wosóló fua dapó,” yalepó.

18 Ti fo depa, ama atimapaee duraalu, “Hepen bemó dowi Satan epée dę kaae fitąa deté i haepaae dorowapa kelalepó.

19 Dowi wuliró tõrapetamo diąné tęya depa, dąné bóe whi Satan-né bole fotokóné dią doraalomeipó. 20 Ti ai alata motei, kale dowi keperape dią aqmó sukóló berteremó hękeseni, hepen bemó diaaq doi aseyóló moleteimó betą dią hękesetu betae,” yalepó.

21 Atęyale sukamó, Yesu ą Dęi Kepe Wisiné fotokõratepa, doasi hajné sukutu duraalu, “Hepen beró haetamo aleóló muló betere Aya Tale-ó, *skul* yóló doasi kisipa sere whiraperó fea ala tuęre whirapetamoné kelaõsóró kinóo, ketei aõre whirapené kolõpóló, hąkearóo dere kilitu, yało yaþaae mo kée yóló, naao doi sóró horatapó. Aya-ó, aita mo naao kisipa mole alatoró erapó,” yalepó.

22 Téró, Yesuné atimapaee duraalu, “Ai ala feata, yało tęteróló kaae tanõpóló, Ayané ępaee meló berterapó. Whi betąnékélé Naalema tuęni, Alimané betą tuęrapó. Atére kaae, Alimakélé whi betąné tuęni, Naalemané betą tuęrapó. Atérené Naalemané ama Aya i ape yóló yó melaai tuę mole so whipaae yó matepa, ai so whiné maaté Alima tuęnerapó,” yalepó.

23 Téró, Yesu ą ama yó matere whirape atimanale bitu, ą atima beterepaee fetée fóló duraalu, “Mió diaaq kelené i kilitu betere ala tuę sere so whi Kótóné wisiró berterapóló, hajné sukutu berterõpóló yae.

24 Ti noatepae, yało diąpaee mo i dere ape. Mió keletere ala take betale kõlõ whiraperó topo whirapetamoné kelené deté waletai kilini yóo, diaaq wosetu betere fokélé wosenée deté waletai woseni yóo ipakalepó,” yalepó.

25 Téró, Moses-né aşere fo yó matere whi betą turukó holóló Yesu şusóró duraalu, “Yó matere whi-ó, ę mo ti betó tawaairaalu, noa alakó yaaloé?” yalepó.

26 Ti fo depa ama duraalu, “Ai aşemó noa fo ere? Ai yóló muló betere fo dosąatu, naao noa kisipa mute?” yalepó.

27 Ai fo depa, kale whiné ąpaee tokõ mótú duraalu, “Tale Kótõpaee hękesené sinóló yaala sókó fole alata, naao hosaa turónékélé, kepe turónékélé, fotokõ turónékélé, kisipa tiki turónékélé, du betae. Tétu, naaotei ya hękesené sukutu dere kaae, naao be whi so whipaaekélé, atéró hękesené sukóló yaala sókó fu betae,” yalepó.

28 Ti fo depa, Yesuné kale whipaae duraalu, “Aita, naao mo dono tokõ matapa, ya mo ti betaasepóló, ai alatoró hąle yó tawae,” yalepó.

29 Téró kale whiné ama yale fonétei ą só deranépa, ą donore whi aqyóló Yesupaae woseturaalu, “Naao ępaee be whipó dere fo-a, demó de?” yalepó.

30 Ai fo depa, Yesuné duraalu, “Whi betą i Jerusalem be taaróló, Jeriko bepaee durupu betalepó. Téyalemó, õlémi nokole whirape tų tuqmó mela muóló, ama kuti sorokóló taae faróló ą susupuróló felekemó sukąai du betepa atima felepó.

31 Atéró, Talepaee momaratere whi betą ai kale whi derepele tųmó durupuraalu kelalemó, kale whi tųmó mupa, dekeróló ą demó derepelepó. 32 Atétepa, betą Lipai fake whi ąkélé sókó walemó, kale whi sinóló mupa kolóló, dekeróló ąkélé demó felepó. 33 Téyaletei, betą Samaria whi ąkélé kale whi mole tikimó sókó wouraalu kelalemó, kõlei ala epa kilitu, ama tao saai kisipa mualepó. 34 Atéturaalu, ą kale whi mole felekepaee fóló, kale whiné doalére tikimó *wel* węiró *wain* węitamo dilóló dokalepó. Téró, kale whi ama *donki* hupu tómó berteróló fóló, uké whirape fitua dere bemó berteróló, kale whi ama mo wisiyóló kaae tarepó. 35 Téró, be dętepa hıka kale whiné ama *silpa moni* tamo sóró, kale uké whirape fitere be kaae tare whipaae duraalu, ‘Yało i matere *moniné* ą kaae taté felalemó, ai *moni* tamo kemetepa, ti

Samaria whiné Juda whi tao sale fo

ę wóló naao *moni* yało tokó melaalopa, ą mo wisiyóló kaae tawae,' ” yalepó.

³⁶ Téro, Yesuné kale Moses-né asęre fo yó matere whįpaae duraalu, “Naao kisi-pané i whįrape sorekó mé whį kale dale whįné ama be whį kaae aęyaleé?” yalepó.

³⁷ Ti fo depa, kale whįné momó tokó mótu duraalu, “Kęlené sukutu tao sale whįpó,” yalepó. Ai fo depa, Yesuné ąpaae duraalu, “Ama yale ala kaae, naaokélé yaai fae,” yalepó.

Yesu Mataró Meriatamo betere be hulu- amó betale fo

³⁸ Téro, Yesu ą ama yó matere whįrapetamo tųmó fité wóló, Mata betere be huluamó sókó wapa, Matané ątamo betaai dape salepó. ³⁹ Matané kema Mariakélé Yesuné hó aęmó bituraalu, ama dere fo wosetu betalepó. ⁴⁰ Atétu betepatei, Marta ą atima naaire ęlamó bipi du bituraalu, ama yó matere fo wisiyóló wosenipó. Atétepa, kale so Yesu beterepaae wóló ąpaae duraalu, “Tale-ó, ę yało wotoró depe tukó wei ala du betepa, ama ę tao sene wópóló, naao ąpaae dumié?” yalepó.

⁴¹ Ti fo depa, Talené ąpaae duraalu, “Ti senaale Mata-ó, yała mepaae ala noa yaaloé yóló, doasi whaalia du betereiteiné ya ai só deró betere ape. ⁴² Téretei, mo doasi topo ęla betą ya seni, yaąa ai ere ape. Mariané ama betą mo doasi topo ęlapóló kisipa muóló sóró taretei ęané fasó saalomeipó,” yalepó.

11

Yesuné Talepaae moma dere ala yó melale fo

(Mat 6:9-15, 7:7-11)

¹ Téro me sukamó. Yesu ą me tikimó bitu, moma du beterepó. Atéro, moma yóló kematepa, ama yó matere whį betąné ąpaae duraalu, “Tale-ó, Jon-né ama yó matere whįrapepaae Kótópaae momatere ala yó melale kaae, naao ęakélé yó melaasepé,” yalepó.

² Ai fo depa, ama atimapaee duraalu, “Diaaę Talepaae moma dere ala etéro yae.

‘Aya-ó, yała dowi ala mo betąkélé munire Kótó betereiteiné so whį feané naao doi wisinaale doasi mulópóló yae.

Naao tęteróló kaae tare aęmó mole ala wisi wópóló yae.

³ Be deę dokę betą betąmó ęané naaire ęla naao sųmó ęlae.

⁴ Mepaae so whįné ęapaae erale dowi ala kwia tani, me ęla meipóló hęle kemeratapa, ęané dowi ala kwiakélé naao hęle kemerae.

Téturaalu, sų sere alané ęa deé nalaęsóró, naao ęa ęlisóró fae.’ ”

⁵⁻⁶ Téro, ama atimapaee duraalu, “Diąkó betą whįné ama fulumu whį saletómó wóló betepa, ą diliki sų tuątamo ama noma beterepaae fóló duraalu, ‘No-ó, yało fulumu whį mióti sókó waleteteiné naaire ęla meitepa, yaąpaae *bred* o bula sorekó ą maletamo melaasepé fo dekeró yó tapa, noa ala yaaloé?’

⁷ Ai be dolomó betere whįné i fo yaalopó. ‘Be tų kinóló yało naale senaale-tamo fireiteiné turukó holóló, naao kematere ęla menanénipa, ępaae dotopoi fo ekesé,’ dua dapó. ⁸ Yało diąpaae i dere ape. Kale whį ą halaainé kematóró hęle yó tapa, ama fulumu whį turukó horóló kematere ęla manénipatei, mo sųmótóró melaalo ai ape.

⁹ Atérapa, yało diąpaae i dere ape. Talepaae me ęlakó kematepa, ai kematere ęla melóo, keketepa ti ai ęla mo kolóo, tų tukįyae yóló tų dupa, ti tukį yóo yaalopó. ¹⁰ Ti noatepae, mepaae kematere so whįné ti mo sua dapó. Mepaae so whįné keketepa ti ai ęla mo kilitua dapó. Mepaae so whįné tų tukįyae yóló tų dupa, atétere so whį wópóló tų tukįtua dapó.

¹¹ Diąkó me whįné diaaę naale senaalené yakópóló kematepa, ya taaróló, dowi wuli male melaaloé? ¹² Ó naao senaale naalené ba kekó ‘Ałae’ depa, ai kematere ęla taaróló, whį tukó nokole tų melaaloé? Meipó. ¹³ Dią dowi ala du betere whįrape bitutei, diaaę naale senaalemó wisi wisi ęla matere ala diaaę ai kisipare ape. Atére kaae, mepaae so whį

dené Dɛi Kepe Wisi kematepa, ó hepen-mó betere diaaɔ Aya Talené mo melaalo ai ape,” yalepó.

Yesupaae Belsebul-né fotokɔratepa dapó yale fo

(Mat 12:22-30, Mak 3:20-27)

¹⁴ Téró me sukamó etéyalepó. Dowi kepené whi betɔ kóló nomonó betepa, Yesuné dóló hɔkonalepó. Atétepa, kale dowi kepe sókó furaalu, ama fo kaae sóró deremó, ai touró betere so whi feané sirayalepó. ¹⁵ Atétepa, mepaae so whiné duraalu, “Aita, dowi keperapené topo kepe Belsebul-né fotokɔratepa, dóló hɔkonótu beterapó,” yalepó. ¹⁶ Ai fo depa, mepaae whirapené ama noa ala deró ɔ sɔ sóró kɔaae kilituraalu, ɔpaae hepen bemó mole betɔ fareyópu eratapóló dɔné kisipa yaaipa, erae yalepó.

¹⁷ Atéró mutere tuɛ tiki Yesuné kisipa yóló atimapaee duraalu, “Mepaae doasi topo whirape atimané tɛteróló kaae tare tuɔmó atimasisitei bóe dupa, ti tɛteróló kaae tare ala mo haepaae doropóló doyoó, betɔ be huluamó betó mole so whikélé atimasisitei bóe dupa, ti ai be haepaae doropóló mo doyoó yaalopó. ¹⁸ Satan ama fake atimasisitei bóe dupa, ti ama tɛteróló kaae tare ala netéró fotokɔ buaaloé? Yało i dere fota, diaaɔ ɛpaae ya dowi keperapené topo kepe Belsebul-né fotokɔratepa, hɔkonótu beterapó depa i dere ape. ¹⁹ Ti diaaɔ ɛpaae topo kepe Belsebul-né fotokɔratepa, dóló hɔkonalepó dere-a, diɔ fakenékélé dóló hɔkonótu betere ala né fotokɔratepa de? Motamo Kótóné fotokɔ bulatepa dapó depa, ti fo tokóló taletere sukamó atimanétei diɔ só deraalopó. ²⁰ Téretei, yałotamo Kótóné fotokɔné dowi keperape dóló hɔkonélipa, ti Tale Kótóné tɛteróló kaae tare aɔmó mole ala diɔ tuɔpaae wóló i mole ape.

²¹ Fotokɔ bole whiné be ó ɔla ɔla mepaae whiné doraɔsóró, sesé duraalu, kale whiné ama tɔró dikitamo tawóló, siki siki yóló kaae tapa, whi mené deraalomeipó. ²² Téretei, mepaae doasi fotokɔ bole whiné bóe sókó wouraalu, kale doasi fotokɔ bole whi dóló tɛteróló, bóe

dele ɔla ɔlakélé fea fasóló, ama bemó muó mole wisi wisi ɔlakélé fea sóró ama be whitamó ɔli yaai sóró fulapó.

²³ Whi me de ɛtamo betɔmó bitinipa, ti ɛtamo bóe dilapó. Whi me de ɛtamo bitu, ɛ fasóló ɔla ɔla betɔpaaeróló munénitepa, ai whiné yało ɔla ɔla hɔko besekératapó.

²⁴ Atéró, kale dowi kepe whiné depe tuɔmó beteretei, sókó furaalu kópui hae tikipaae ɔ feléyóló betaaire tiki kekɔairaalu fua dapó. Atéró fóló, keleanemó betaaire tiki kilinitepa, ɔ take betale be kelaai momó fesaae faai dapó dua dapó. ²⁵ Atéró ɔ sókó wóló kelenalemó, kale be wisiyóló fuóló taae faróló, wisiró betepa keletapó. ²⁶ Téró, kale dowi kepe ɔ momó fóló, mepaae dowi ala mo turó fɔane wɛikeró keperape dape sóró, kale bepaae momó bitɔ walapó. Atétepa, kale whi ɔ take bitu sawa doyaletai, mió mo ti doyoó faalopó,” yalepó.

²⁷ Atéró Yesuné ai forape du betepa, so whi fea betó mole kuamó so betɔné fo fakeyóló duraalu, “Ya deyóló awɔ male so naao hae Tale Kótóné wisiró betepa, ɔ hajné sinóló betérópóló yae,” yalepó.

²⁸ Ti fo depa, Yesuné atimapaee duraalu, “Ai dukiraterere fota mepaae whi de Kótóné fo wosóló, sya fóló erótu betere so whita, Tale Kótóné wisiró betereiteiné hajné sukutu beterapó,” yalepó.

Yesupaae me ala yaairemó dere fareyópukó erae yale fo

(Mat 12:38-42, Mak 8:12)

²⁹ Téró, so whi fea wóló touró betepa Yesuné duraalu, “Mió i alimó betere so whi dowi alané fɔanutei, ɛpaae doasi sira yaaire me fareyópukó erae du beterapó. Tépatai, me kae eraalomeipa, mo take Jonapaae erale ala kaae betɔ eratepa kelaalo ai ape. ³⁰ Ti noatepae, Ninipa so whiné Jonapaae erale fareyópu kilituraalu, ita Kótóné dotonale whipóló kisipa moipakalepó. Atéyale kaae, mió i alimó betere so whiné kélé Whiné Naalemapaae eraterere ala kilituraalu, ita Tale Kótóné dotonó betere whipó kisipa muaalo ai ape.

³¹ Betɔ Saoti hae kwia tɛteróló betere doasi topo *kwin* soné mió i alimó betó mole so whitamó fo tokóló taletere be demó, diɔ só

deraalo ai ape. Ti noatepae, ai sota hae kwia dene falepaae bití wóló, Solomon-né fosó fosói kisipa muóló yó matere fo wosaai walepó. Téyaletei, Solomon-né mole kisipa bosenóló whi betá i betere ape. ³² Téretei, Ninipa be hulua so whiró diá mió i alimó betó mole so whitamó só deraai fo tokóló taletere be demó atimanétei diá só deraalopó. Ti noatepae, atima Jonané yó mótu betale fo wosóló, kisipa tiki feteyalepó. Tépatei, Jonakélé teteróló bosenée fale mo doasi seké whi betá wóló i betere ape.

Keleta tiki fea dero betere sa supó yale fo

(Mat 5:15, 6:22-23)

³³ Mo whi betané-kélé, *lamp* sa dero-óló kinéli tikipaae ó nukuné husiróló mulótímipó. Dero-óló daalótua dere tikimótóro mulótua dapó. Mepaae so whi be dolopaae wapa, ai demó beterópóló, dero betere *lamp* sa su ai ape. Naao kele tamo wusuró wisipa, ti naao tikikélé turó dero-óló. ³⁴ Naao keleta, ti tiki turó dero betere *lamp* sa su ai ape. Naao kele tamo wusuró dilikipa, ti naao tikikélé turó dilikirapó. ³⁵ Naao tiki tuámó dó tare de diliki yaqsóro, mo hotowa yóló kaae tawae. ³⁶ Térapa, naao tiki turótamo depa, ti tiki me kwiapaae sawa dilikikélé ini, tiki featóro deyó furaalu, belapaaekélé sókó faalo ai ape,” yalepó.

Yesuné Farisi whirapepaae wiyó yae yale fo

(Mat 23:1-36, Mak 12:38-40, Luk 20:45-47)

³⁷ Yesuné ai fo yóló kemetepa, Farisi whi betané atamo ɔla naairaaalu ama bepaae dapesó fóló, ɔla nukuaterere ni fake tómó tiróló beterepó. ³⁸ Atéru, Yesu ɔla naairaaalu, atimané mara mole ala sya furaalu, folosóro ama naase fokunitepa, kale Farisi whi a hokomó sókó fu sirayalepó.

³⁹ Atétepa Talené apaae duraalu, “Aita motei, diá Farisi whiné ɔla nokole nukuró wutitamo hāle tómó ere bólu maaté fukutua dapó. Téturaalu, diaaɔ tiki tuapaaeta, ti fea ɔla senée yóló ekeletere alaró ukusitere alatamoné ai fāane ape. ⁴⁰ Diá

okokoi tué mole whirape-ó, Kótóné diaaɔ tó tikimó ere ala fea taleturaalu, u tuapaaekélé tale dumipóló de? ⁴¹ Diaaɔ nuku tuámó mole ɔla sóro yolealere so whi tao sóro melae. Atétepa, ti diaaɔ tiki tuámó ere ala fea Kótóné kilitu, mo kokorapó fo yaalo ai ape.

⁴² Farisi whirape-ó, diané kutómó ere sawa ɔlakélé naase tamo supa, dekeyóló betá Kótópaae hāle móturaalutei, mo donotóro taletere alaró Kótópaae yaala sókó fole alatamo sisópaae erótu beterepó. Atére alamó doasi sekéi ala diá tupaae waalopa, wiyó yae. Donoyóló taletere alaró Kótópaae yaala sókó fole alatamo touróló, Kótópaae hāle matere alakélé uasóro mo wisi uapó.

⁴³ Farisi whirape-ó, diá fo wosetere bepaae furaalu, doasi doi mole whirape bitua dere tikimótóro betaai ekele yóo, ɔla dotonaterere tikimó daalukélé, so whiné doasi whi wisi-ó yóo, yóló dukiraterere kokomó ai ala dua dapó. Atétere alamó diapaae doasi sekéi ala waalopa wiyó yae.

⁴⁴ Farisi whirape-ó, diáta u tupaae whi dou epatei hāle tiki aɔpa, ai tómó so whi fua wua du beterepó. Ti diáta, douró betere whi kaae aɔrapa, wiyó yae,” yalepó.

⁴⁵ Tétepa, Moses-né asere fo yó matere kisipa fosóre whiné apaae duraalu, “Yó matere whi-ó, naao ai dere forapené da mo ti só deratapó,” yalepó.

⁴⁶ Ti fo depa Yesuné duraalu, “Moses-né asere fo yó matere whirape-ó, diaaɔ so whipaae i ala yae, i ala yaɔse, du betere alata, doa sekéi ɔla so whiné hulúmó belerótu dere kaae du beterepó. Ai sekéi ɔla diaaɔ belerótu bitutei, atima fasóló tao sere alamo dumipó. Atérapa, diapaae waaire sekéi alamó wiyó yae.

⁴⁷⁻⁴⁸ Take diaaɔ noutererapené dale Kótóné ɔló whirape dourale tiki be wisiyóló tenótu beterepó. Mió atétu betere alané diaaɔ ayarapené whi dale ala wisirapóló, hākeamó yó matapó. Atéteremó diapaae doasi sekéi ala eraalopa, wiyó yae. ⁴⁹ Atéro betale alamó Kótóné ama fosó fosóre kisipa sya furaalu, i fo erapó.

‘Yalo kóló wh̄iraperó *apose*l wh̄irapetamo atima beterepaae dotonaalotei, mepaae wh̄i mo ti dóo, mepaae h̄ale susupuróo yaalopó,’ erapó.

⁵⁰ Atérapa, mo take kaae sóró dilé wale kóló wh̄irapené samearó mió diaaḡ du betere wh̄irapené sameatamomó kwia turó mió i alimó betere so wh̄i diaaḡ saalo ai ape. ⁵¹ Ita, mo dapó. Atéyaaire alata, Abel-mó kaae sóró dilé wóló, kale momatere bemó Kótópaae simó sukúlaa dalatere tikiró kae tukóló muló betere be ke tuḡmó dale wh̄i Sekaraiamó d̄ale yóló kwia feata, mió i alimó betó mole so wh̄iné saalopó.

⁵² Moses-né as̄ere fo yó mótu betere wh̄irape-ó, Kótóné mo bete mole alapaae sókó faaire so wh̄i faḡsóró tu tuk̄itere *ki* diaaḡ fasó salepó. Ti diḡta, ai tuḡmó fumitei, atima faai du betere so wh̄i diaaḡ sesétu beteraḡpó. Atétere alamó diḡ doasi sek̄ei ala saalopa, mo wiyó yae!” yalepó.

⁵³ Ai fo yóló kemetepa, Yesu ḡ felemó, kale Farisi wh̄iraperó Moses-né ere fo yó matere wh̄irapetamoné ḡ só deraairaalu, deteraai fo du betalepó. ⁵⁴ Aita h̄ale mei, ḡ ḡsókó fuléró kelaai kae kae wosetere fo du betalepó.

12

Farisi wh̄irape wisiyóló kaae tawae yóló yale fo

(Mat 10:26-33)

¹ Atéró, so wh̄i mo dekeró wale tikimó hae tiki faḡpa, folosóró Yesuné ama yó matere wh̄irapepaae duraalu, “Farisi wh̄irape tuḡmó bole *yist* diḡpaae tekaḡsóró hotowaró kaae tawae. Atimata tiki tuḡpaae dopatei, tó tikimó h̄ale wisire nisi du beteraḡpó,” yalepó. ² “Mió kilini hiró betere ala fea, take ḡḡkearatepa so wh̄i feané kolóló tuḡ yaalopó. ³ Diaaḡ diliki tuḡmó du betere fo demó depa wosóo, be dolomó dua kikiti dere fo be huluamó daalu fakeyóló depa so feané wosóo, yaalopó.

⁴ Norape-ó, diḡpaae i dere fo wosae. Mepaae wh̄irapené diaaḡ tó tikita dóló sukunaalotei, take diḡpaae me ala eraalomeipa, ai alapaae wiyaaḡse. ⁵ Wiyaa

depata, ti naao mo tikikélé, kepe betekélé, doróló mo ti dó tare sipaae deraaire fotokḡ bole Kótó beteraḡpa, ḡpaae betḡ mo doasi wiyae. ⁶ Sonaai *moni* ke tamoné aporó ba beleḡatiki dupunéraḡpó. Atére barape betḡkélé Kótóné kisipa keterótimipó. ⁷ Diḡta, ai ba beleḡatikitamo s̄uni, Kótóné ama hosaa mole doasi ḡla ai ape. Diaaḡ topo nikikélé Kótóné ama s̄umó dosḡayóló kisipareteiné diḡ wiyaaḡse.

⁸ Yalo diḡpaae mo i dere ape. So wh̄i feané kele tómó mepaae wh̄iné duraalu, Yesuta ḡ t̄eteróló kaae tare Talepó depa, Wh̄iné Naalemanékélé Kótóné *ensel*-rapené keletómó ḡ yalo fo eratere wh̄ipó yaalopó. ⁹ Téyaaalotei, wh̄i me dené so wh̄i feané keletómó ḡ Keriso fake meipó depa, ti Wh̄iné Naalemanékélé, Kótóné *ensel*-rapené keletómó ai wh̄i ḡ kisipanipó yaalopó. ¹⁰ Mepaae wh̄i dené Wh̄iné Naalema eróló foné só deratepa, ai dowi ala kwia kemeróló aluranéraḡpó. Tépat̄ei, kale D̄ei Kepe Wisiné ditere kutó faleyóló só deratepa, ai kwia mo aluranénipó.

¹¹⁻¹² Bóe wh̄irapené fo wosetere bepaae ó so wh̄i t̄eteróló kaae tare wh̄irapepaae ó *Gavman*-né sóró betero betere topo wh̄i beterepaae fo tek̄ai dapesó fupa, diḡ noa fo yaaloé yóló, whaalaa yaḡse. Ti noatepae, atétere sukamó diaaḡ yaaitere fo fea D̄ei Kepe Wisiné yó melaalo ai ape,” yalepó.

Néli wh̄iné ḡḡko ala yalet̄ei fo salepaae dó faróló yale fo

¹³ Tétepa so wh̄i fea touró betere kuamó, wh̄i betḡné Yesupaae duraalu, “Yó matere wh̄i-ó, yalo no d̄amoné ayané mómu ḡla ḡla bukóló, ḡmale melḡpólópa, naao yalo nopaae yae,” yalepó.

¹⁴ Ti fo depa Yesuné duraalu, “Ti wh̄i-ó, diaamomó ḡla ḡla bukóló melḡpóló né ḡ sóró beteraleé?” yalepó. ¹⁵ Téró ama atimapaae duraalu, “Kae kae ḡla fea sené yóló au nokole alané diḡ doraḡsóró, mo hotowaró kaae tawae. Ti noatepae, ḡla ḡla mo dekeró sóró tare alané wh̄i betero bitinipó,” yalepó.

¹⁶ Téró, ama atimapaae fo sale fo etéró yalepó. “Betḡ néli wh̄iné ama diyale ke

kutómó ɔla dekeró salepó. ¹⁷ Ai ala kilitu, ama etei kisipa mualepó. ‘Ama kutómó yó mole ɔla moolaire tiki meipóló,’ ɔ fomo du betalepó.

¹⁸ Téró ama duraalu, ‘Yalo ɔla ɔla moolaai teale be fisikóló mo doakale be teyóló yalo kutómó sere ɔlaró mepaae wisi wisi ɔlatamo mulaalopó. ¹⁹ Atéróló yalotei etei fo enérápó. E ɔla ɔla mo sumó moleine mió me kutó dini doasi ba fomó ɔa nóló hãle bitu, mole ɔlaró weitamó maaté hãtamó nukulé fu betaalopó,’ ere fo kisipa muni airapó.

²⁰ Tépatéi Kótóné ɔpaae duraalu, ‘Kisipa okokore whi-ó, naao betere bete mió dilikitamo yalo tokó sirapa, naao donoróló mulale ɔla né saaloé?’ yalepó.

²¹ Whi me dené mepaae ɔla ɔla whi tao sóró hãle móturaalu, ita Kótópaae matapóló kisipa muóló meni, ɔtóró néli whi betaai dapóló fea ɔla ekeleyóló betapaae du betepa, ti i ere fo ai whipaaetórá eraalo ai ape,” yalepó.

Naaire ɔla ó yɔyɔre ɔlamó whaalía yaqse yale fo

(Mat 6:25-34)

²² Téró, Yesuné ama yó matere whirapepaae duraalu, “Yalo diɔpaae i dere ape. Diɔ naaire ɔla meitepa, noa naaloé yóló whaalía du betaqse. Naao tikimó kisipa mutu, kutikélé noa saaloé yóló whaalía du betaqse. ²³ Nokole ɔlata, wisi ɔlatei whiné betere beteta, mo doasi ɔlapó. Kutikélé wisi ɔlatei, whiné tikita mo doasi ɔlapó. ²⁴ Barapéné dere ala kolóló kisipa muae. Atimané naaire ɔla wae biliyóo, ulumé depa sóró bepaae mulatere alakélé yóo, dumipó. Tépatéi, Kótóné atima kaae taru, betere dokó fea atimané naaire ɔla mótua dapó. Hepen bemó betere diaaɔ Ayané barape kolósu, diɔ kolósu depa, diɔ so whipaae ama hosaa mo turó mulapó. ²⁵ Diɔkó betɔ whiné ama betaaire alamó kisipa muóló whaalía duraalu, ɔ betaaire ba fo sumó fɔloranére? ²⁶ Ai sawatamo ala diɔné enénipa, ti mepaae doasi alarapemó noatapa whaalía du betere?

²⁷ Hãle yó mole nerape fuatere ala kolóló, kisipa muae. Ai ne fua kémi

bisikóló kuti nomotumitei, ama ere au wisi kelaalo mo kokɔrapó. Atére auné Solomon-né derótua yale kokó kutiné au bosene falapó. ²⁸ Diɔ kisipa tiki sawa tiró betere so whirape-ó, haemó hãle yó mole nerapeta mió maaté yóló dó simó biliraaire ɔlatei, Kótóné wisiyóló aurótua dapó. Ai nerapepaae erótu betere alakélé mo bosenóló, diaaɔ deraaire kuti Kótóné sumó melaalomeipóló de? ²⁹ Diɔné naaire ɔla ó weimó hosaa turó muóló noa naaloé yóló doasi whaalía du betaqse. ³⁰ Ti noatepae, hãle hɔko betere so whi feané ai ɔla saai dapóló ketekɔ buóló wóputu beterapó. Ti diɔné yɔyɔtere ɔla hepen bemó betere diaaɔ Ayané ama mo tuérápó. ³¹ Térapa, Kótóné teéteróló kaae tare aqmó betaai dapóló, ketekɔ buóló kikitu betepa, ti yɔyɔ du betere ɔla ɔla ama sumó melaalo ai ape.

³² Yalo *sipsip* hupu malerape-ó, diaaɔ Ayané ama teéteróló kaae tare ala ɔ wisi kisipa muóló hãtamó diɔmó hãle melaalopa, whaalía yaqse. ³³ Térapa, diaaɔ muó mole ɔla dotonóló *moni* sóró mepaae yolealere so whimó hãle melae. Atétere alané hãle muó tawóppóló, *moni* detere be wisi aletapó. Atétepa, ti wisi wisi ɔla hepen bemó hãle muó taru, kemekélé yaalomeipó. Aimó ɔlémi nokole whikélé, hoséli ó ero sinékélé, turukóló doraalomeipó. ³⁴ Mé tikimó naao wisi wisi ɔla mupa, ti naao hosaakélé aimótóró mulapó,” yalepó.

Kutó mo wisiyóló kaae tawale fo
(Mat 24:42-51)

³⁵ “Diɔ kutó dine faairaalu kuti deróló bitu, ɔrapekélé duku beteróppóló, deróló mulae. ³⁶ Ti atétere alata, mepaae kutó diratere whirape atimané doasi whi betɔ so dokotere be demó detere ɔla nale feletei fesaae wóppóló, kaae tatu dere kaaepó. Atépa, kale whi wouraalu be tu dupa, ɔ be dolopaae holóppóló, hapale atimané be tu tukɔyaalo ai ape. ³⁷ Atéró, atima teéteróló kaae tare whi wouraalu kelerálemó, ama ɔla ɔla mo wisiyóló kaae tapa, ɔ hekeseturaalu atimapaee mo wisi ala eraalopó. Yalo diɔpaae mo i

dere ape. Kale topo whi  kuti wisi deróló, ama kutó diratere whirape wópóló pi fóló, la nokole ni fake tómó kaae tawóló betaalopó. ³⁸ Kale doasi whi  be diliki tuámó ó be teó dēterepaae sókó wouraalu ama kutó diratere whirape kelerálemó, fea la la sumó donoro betepa,  hekeseturaalu atimapaee mo wisi alatóró eraalo ai ape. ³⁹ Tépatei, i dere fo mo diriyóló wosóló tuę muae. Bet be talené ama be fulukóló la la lémi saaire whi i sukakelemó waalopóló kisipa uasóró ti ama be fulukóló la la sóró fópóló kaae tawu meipó. ⁴⁰ Térapa, dikélé hotowaró donoro betae. Ti noatepae, kale Whiné Naalema waalomei nisyóló mokleyaa yóló betere tuámó waalo ai ape,” yalepó.

⁴¹ Tétepa Pitané duraalu, “Tale-ó, naao ai fo salepaae dó faróló dere fo-a, dpaae maaté dépé, so whi feapaaekélé de?” yalepó.

⁴² Ai fo depa Talene duraalu, “Bet fosó fosóre kutó diratere whi ama doasiné dere fotóró wosóló eró tapa, mepaae kutó diratere so whi paae tēteróló kaae tawae enérápó. Tétu, tukóló muló betere sukamótóró atimané naaire la maté fópóló, ama naase tuámó mulóló  fulapó. ⁴³ Téró kale doasi whi  momó fesaae wouraalu kelerálemó, ama diyae yóló fele kutó mo wisiyóló dipa kilitu, ai whipaae mo doa hekesené sinóló mo wisi ala eraalo ai ape. ⁴⁴ Ylo dipaae mo i dere ape. Kale topo whiné ama la la fea ai whipaae naao mo wisiyóló kaae tawae yóló ama naase tuámó mulaalopó. ⁴⁵ Tépatei, kale kutó diratere whiné ama etei kisipa munérápó. ‘Ylo doasi  foloti feletei hapale wómipó,’ dua dapó. Atéreteiné,  bitu mepaae kutó diratere whiraperó sorapetamo fokosói ala yóló, du betero  laró wēitamo dekéro nóló topo doyóló keyaa faalopó. ⁴⁶ Atéru kale doasi whi waalopóló kisipani, mokleyaa yóló betere tuámó  sókó wouraalu, kale whi diyóló turukópi sóró kisipa tirénire so whitamo touyóló beteropóló, hkó faraalopó.

⁴⁷ Ai whiné ama doasiné mole ama kisipa tuę irutei,  donoro bitu doasiné dirae yale kutó dirényalemó, fokosói ala yóló mo doasi susupuraalo ai ape. ⁴⁸ Téyaalotei, mepaae kutó diratere whiné atima doasiné mole kisipa bete wisiyóló sinipa, ti ai whipaae kwia mótukélé sawa tétitóró melóo, dele alakélé dekéro ini, tétitóró dóo yaalopó. Nalo kale doasi wóló, ama doasi alarape tēteróló kaae tawae yale whipaae duraalu, ylo ypaae melóló fele kutórape fea maé yóló wosaalopó. Mepaae so whiné me whipaae duraalu, ‘Dné la la kaae tawae,’ yóló huyóló mélipa, ti atima momó fesaae wou ama male suróló maé yóló wosaalopó,” yalepó.

*Fake tekeyóló, betaalopóló yale fo
(Mat 10:34-36)*

⁴⁹ “Eta i haepaae waleteita si sóró walepó. Ai si i haemó mo hapale dó holópóló, mo taketi noke upóló kisipa mutapó. ⁵⁰ Tépa, e mo kae wēi tópuaaire ala bet moletei kemeraai kaae taru, mo doasi sekené sukutu beteropóló. ⁵¹ E i haepaae waleteita, diaa kisiapané di i haemó betó mole so whitamo hosaa muni deyóló dua betaaire ala sóró walepóló de? Meipó. Ylo dipaae mo i dere ape. Eta, di fake tekeyóló beteropóló, tekenale walepó. ⁵² Atérené mió i betere alimó kaae sóró, bet bemó aporó so whi betepa, atimasisitei bóe dóló tekeyóló, sore whi kae betóo, tamo whi kae betóo, yaalo ai ape. ⁵³ Atimasisi atéro fake tekeyóló kae bitu, alimané naaletamo bóe dóo, naalené alimatamo bóe dóo, hamané senaaletamo bóe dóo, senaalené hamatamo bóe dóo, whiné hama hyama sotamo bóe dóo, hyama soné ama whi hama sotamo bóe dóo, yaalopó,” yalepó.

*Dere ala kilituraalu i ala yaalopóló
kisipa yaaire fo
(Mat 16:2-3)*

⁵⁴ Téró, Yesuné aimó touró betere so whipaae duraalu, “Suka doropolepaae skó hkolo depa kilitu, etei fo dua dapó. Mió hali waairaalu ai dere ape deretei, motóró wua dapó. ⁵⁵ Besékélé Saut dpaae wapa kilitu, mió mo dirii suka yaai dapó

deretei motóro dua dapó. ⁵⁶ Diã tó tikiné wisire nisi du betere so whĩrape-ó, i haemó dere alaró sãmó dere alatamo ti diaaę mo diriyóló kisiparapó. Mió i alimó diã tuãmó erótu betere ala diãné kilitu beterepa nalo waaire alimó yaaire ala bete diriyóló tuę initere noatepa de?

⁵⁷ Diãné dere ala diaaętei taleyóló, ita mo dono ala dapóló kisipatere noatepa de? ⁵⁸ Whĩ mené yařtamo fo tokóló só deraai taletere whĩ beterepaae dapesó fupa, diaamosisi tumó furaalu donoratepa wisirapó. Ti noa yařsóró meipó. Ama yař dapesó fóló, taletere whĩné naase tuãmó mulatepa, ai whĩnémo diki tare whĩrapené topo whĩné naase tuãpaae mulatepa, yař *dipula* beterařsóró dapó. ⁵⁹ Yařlo yařpaae mo i dere ape. Naa melópoló đale mulale *moni* fea melaletai, kale sonaa *moni* ke mo ti kemeróló menitepa, ti yař sókó feni, hařle bitiré faalo ai ape,” yalepó.

13

Kisipa fetenitepa aluyaaloóló yale fo

¹ Ai forape yóló kemeteretamo Pailatné dale mepaae Kaleli whĩrapené samea Kótópaae sukũlaa dalóló hařle matere řlatamo touróló mótu beterepó fo mepaae whĩrapené Yesupaae ene walepó. ² Ai fo depa Yesuné atimapaee duraalu, “Diaaę kisipané ai dale Kaleli whĩrapeta, mepaae hařle betó mole Kaleli so whĩné yale dowi ala bosenóló, atima mo doasi dowi ala ereteiné dalepóló kisipa mute? ³ Ténipa, yařlo diãpaae i dere fo wosae. Diaaę dowi ala taaróló kisipa fetenitepa, ti diãkélé ai whĩrape yale kaae yaalo ai ape. ⁴ Ai fo kaae, me i ape. Sailoam be huluaámó řene řłoi be kolokó dorowouraalu, mepaae 18 whĩrape dalepó. Diaaę kisipané ai whĩrapené yale dowi alané mepaae Jerusalem be huluaámó betó mole so whĩné dowi ala bosené faleteiné erapóló kisipa mute? ⁵ Aténipa, yařlo diãpaae i dere fo wosae. Diãkélé diaaę du betere dowi ala taaróló kisipa fetenitepa, ti atima yale kaae diãkélé fea dóló aluraalo ai ape,” yalepó.

⁶ Téro, ama atimapaee i fo sale yalepó. “Whĩ betané ama képi du kutómó betã

nose biliyaletai oloréro keřle felemó, du betãkélé olenipa kelalepó. ⁷ Atépa, ai kutó talené ama kutó kaae tare whĩpaae duraalu, ‘Ai nose du oloréro ba fo sore tuãmó keřleta yaletai, du mo betãkélé olere kilinipa, diyó mulae. Ti ai dowi wařsa daale niné hae feř hařle kemerópoló, noatepa kaae tawaaloé?’ yalepó.

⁸ Ai fo depa, kale whĩné řpaae duraalu, ‘Doa whĩ-ó, ba fo betã tuãmó yařlo mepaae keřlaai řla řla sóró ai ni betemó munaalopa, daalópoló taalae. ⁹ Waaire ba fo tuãmó kaae tarãlemó, olotepa ti wisirapó. Olenitepa ti diyó mulaalopó,’ yalepó.

Sã naai đale muló betere sukamó sisó fulukó tare so wisirale fo

¹⁰ Sã nokole be đemó Yesu ař fo wosaaiteř mole berapekó betã bemó Talené ala etérópoló yó mótu betalepó. ¹¹ Tétu betere mó, aimó dowi kepené sisó fulukuró betepatei, 18 ba fo kemere so beterepó. Atéruraalu, ař donoyóló betere alakélé ini, mo heméetóro tarepó. ¹² Atépa Yesuné kolóló řpaae ape yóló duraalu, “Ti so-ó, yař dokóló muló betere kisi bete mió ai kemeratere ape,” yalepó. ¹³ Atéro, kale soné tikimó naase mulaletamotóro, ama sisó fulukó taretei donone hotepa, Kótóné doi sóró holalepó.

¹⁴ Sã nokole sukamótei Yesuné ai so wisiratere ala kilitu, ai fo wosetere be kaae tare topo whĩ ař fopaae butu, aimó betó mole so whĩpaae duraalu, “Kutó diyaaire be đerapeta apo miró mulapó. Térařpa, diaaę kisi bete wisirópoló depa ti Sã nokole be đemó wéni, hařle be đerapemó wua yae,” yalepó.

¹⁵ Ai fo depa, Talené řpaae duraalu, “Diã tó tikiné hařle wisire nisi du betere whĩrape-ó, Sã nokole sukamótei diaaę *bulmakau ó donki* hupurape duló betereitei weř nõpóló dapesó fua dumie? ¹⁶ Atére kaae, Abraham-né deté yale i betere so dowi Satan-né képiné dokóló muló betepa, 18 ba fo hařle kemeyalepó. Atépa ař fópóló, Sã nokole be đemótei, yařlo teraayalepa ai ala dore?” yalepó.

¹⁷ Ama ai fo deremó, řtamo dei kisipa muóló só deraaire whĩrape atimatei hale

duraalu, wiyalepó. Téyaletéi, so whi feané ama ai dere ala kilituraalu, kokoi ala dapóló doasi hekesené sukutu betalepó.

Mastard niró yist-tamopaae dó faróló yale fo sale

(Mat 13:31-33, Mak 4:30-32)

¹⁸Téro Yesuné duraalu, “Kótóné teteróló kaae tare aomó mole ala etérapóló noa alapaae dó faróló yaaloé? ¹⁹Ti aita, i ala kaaené kelerapó. Betá whiné *mastard* ni ke sawatamo só fóló, kutómó biliyalepó. Atéro kale ni holóló, doasi ami daapa, teteimó sikimó kotere barape sirimó daaneta dua dapó,” yalepó.

²⁰Atéro, ama kale yale kaae momó duraalu, “Kótóné teteróló kaae tare aomó mole ala noatamo suróló enére? ²¹Aita, i ala dere kaaepó. Betá soné *flawa* o bula duraalu, *yist* mo sawatamo bulatereteiné doasi o bula alerótua dapó,” yalepó.

Betekene sawa tumó fae yale fo
(Mat 7:13-14,21-23)

²²Ai alarape yóló kemetepa, Jerusalem-paae fole tumó tē mole doasi be huluarapemó Yesu faai furaalu, Talené fo yó maté fu betalepó. ²³Atéro, mepaae whiné Yesupaae duraalu, “Tale doasi-ó, betá betá so whi maaté aluyaqsóro tao saaloé?” yalepó.

²⁴Ai fo depa ama atimapaee duraalu, “Diá mo sawa betekene tumó sókó faairaalu, ketekē buóló fae. Yálo diápaee mo i dere ape. So whi fea ai sawa tumó faai dapóló faalotei fenénipó. ²⁵Ai be talené ama be tū kinó betepa diá wóló belamó daalu tumó haluróló fo fakeyóló duraalu, ‘Tale doa whi-ó, dá holaai dapa tū tukiyae,’ yaalopó. Ai fo depa ama diápaee duraalu, ‘Diá maae so whirapeé?’ yaalopó.

²⁶Tétepa, diaaq i fo yaalopó. ‘Dá fea betámó bitu, qlaró wētamo náo, yá dāné tūrapemó daalu yó matere fo wosóo, du betale so whipó,’ yaalopó.

²⁷Ai fo yaalotei, ama atimapaee i fo yaalopó. ‘Dowi ala yó tare so whirape-ó, diá maae wale so whiró ē kisipanipa, taae fae,’ yaalopó.

²⁸Atétepa, diaaq Abraham, Aisak, Jekop, mepaae Kótóné whirapekélé fea ama teteróló kaae tare be tuámó betó mupa kelaalopó. Téyaalotei, diá ai be tuápaee honi, belamó dele doasi sóro wole du bitu, diaaq serekenéte i diá tukóló nuku betaalo ai ape. ²⁹Atétere be demótóro suka hotereró wale so whikélé, suka doropoleró wale so whikélé, u depaae wale so whikélé, i depaae wale so whikélé, mo fea Kótóné teteróló kaae tare be tuámó detere q̄la naairaalu, atima betaaire tiki séle séle sóro betaalopó. ³⁰Miό i alimó mepaae nalo wale so whi folosene fōo, mepaae folosóro fole so whirape nalone fōo yaalo ai ape. Yálo i dere fota, hāsókó feni, mo yaalopó,” yalepó.

Yesuné Jerusalem so whi hosaamó sirapóló yale fo

(Mat 23:37-39)

³¹Atéyale sukamótóro, mepaae Farisi whirape Yesu beterepaae wóló duraalu, “Herot-né yá daai du betepa, i be taaróló, metikipaae fae,” yalepó.

³²Ai fo depa, atimapaee duraalu, “Diá fóló, ai whi dóló nokole dowi haqpaee i fo yae. Mióro dótamota, ē mepaae kisi daae mole so whiró dowi kepe tepeyóló betere so whitamo wisiróló, sore be dené ti yálo diyaa i yale kutó fea kemeróló dālemó sókó fatapó yae.

³³Téyaalotei, mió ó dó ó duqkélé, atimané epaae me ala eratepa taaréni, hāle fó maaté yaalopó. Ti noatepae, Kótóné kóló whi kae tikimó sukutepa aq̄ni, Jerusalem bemótóro sukutepa ti mo donorapó.

³⁴Jerusalem, bemó betó molē so whirape-o, Kótóné ama fo eratere kóló whirape dóo, mepaae ama diá beterepaae doteyale whirapekélé kapo duné siróló dóo, dua yalepó. Kale bané malerape ama baase aq̄paee buósu dere kaae, diaaq naale senaale yálo atéro buó saalopóló dua yalemó, diāné hōralepó. ³⁵Térapa, mió diaaq be mo wópu maalo ai ape! Yálo diápaee mo i dere ape. E diaaq kilini hāle bitiré fóló, Talené doimó wale whi-ó, Kótóné hamokoróló tao sere alané wisirópóló yae dere sukamó ti ē momó kelaalopó,” yalepó.

14

Yesu Farisi wh̄iné bemó ɔla naai betere fo

1-2 T́eró, S̄aa nokole sukamó Yesu ʔ Farisi wh̄irapekó doi mole wh̄iné bemó ɔla naai fóló beterepó. Atépa, bet̄a hó naase tópure wh̄i Yesu betere felekemó betepa, me alakó déró kelaai kaae tawóló betó molepó. 3 Atépa, Yesuné Farisi wh̄iraperó Moses-né as̄ere fo kisipare wh̄irapetamopaae duraalu, “S̄aa nokole sukamótei wh̄i wisiratepa fo mulepé, meié?” yalepó. 4 Ai fo depa, atimané me fokélé tokó menipó. Atétepa, Yesuné kale wh̄i wisiyópóló tikimó tawóló, turukó hóróló f̄ópóló dot̄eyalepó. 5 Atéró, Yesuné atimapaae duraalu, “Dīakó wh̄i bet̄ané ama naale ó *bulmakau* hupu s̄aa nokole be d̄emótei nóku dolopaae doropóló mupa, t́eti hapale tao saalo meié?” yalepó. 6 Ai fo depa, atimané ʔpaae me fo tokó menipó.

7 T́eró, atima ɔla naai wale so wh̄irape doasi doi mole wh̄i betere tikimó betaai dapóló fole ala kilitu, atimapaae etei fo sale yalepó. 8 “Wh̄i mené ama so dokoturaalu detere ɔla naai ape depa furaalu, doasi doi mole wh̄irape bitua dere ni fake wisimó betaai ekele yāse. Ti noatepae, yā t̄eteró betere doasi doi mole wh̄irapepaae ape eretei, yā kisipani ai ape. 9 Atéró wóló betepa, diaamopaae ape yale wh̄iné duraalu, yā betaai yale tikimó i seké betérópóló, yā h̄ale tikimó betae depa, yā doasi hale saalopó. 10 Atéyāsóró, yāpaae ɔla naai ape depa furaalu, doasi doi mole wh̄irape betere ni fake āmó h̄oko betae. Atépa, yāpaae ɔla naalopa ape yale wh̄iné kilituraalu, ‘No-ó, yā i wisi tikimó bit̄i holae yaalo ai ape.’ Atétepa, yātamo bet̄amó ɔla nuku betere so wh̄iné keletómó naao doi hale sóró horaalopó. 11 Ti noatepae, mepaae wh̄i dené amatei ʔ doi sóró horatepa, atétere wh̄i ti Kótóné haepaae só deróo, wh̄i me de amatei deróló dua betepa, ti Kótóné ʔ sóró horóló doasi doi mulóo, yaalo ai ape,” yalepó.

12 T́eró, Yesuné ʔpaae ɔla naai ape yale wh̄ipaae duraalu, “Naao suka tūgmó ó dikitamo ɔla naairaaalu, naao fulumu wh̄irape ó naao norape ó fake

so wh̄irape ó yātamo felekemó betere néli so wh̄irapepaae maaté ɔla naai ape yóló dape sāse. Naootamo ai ala depa, atimapaae erale ala kaae, yāpaaekélé eraalo ai ape. 13 T́eni, ai detere ɔla naairaaalu, h̄ale yolealere so wh̄i ó tiki dore so wh̄i ó hó dore so wh̄i ó kele dilikire so wh̄i fea ape yóló dape supa, ti Kótóné yā wisiróló hale horaalopó. 14 Ti atei kaae so wh̄irapené naao erale alamó yāpaae momó tokó menanénipó. Naao ai dere alamó saaire dupu wisita, take wisi ala yóló suk̄ale so wh̄irape kepaayóló wale sukamó senérápó,” yalepó.

So dokoteremó detere doasi ɔlapaae dó faróló yale fo sale

(Mat 22:1-10)

15 Atéró, Yesuné ai dere fo wosóló, aimó ɔla nuku betere wh̄irapekó bet̄ané ʔpaae duraalu, “Kótóné t̄eteróló kaae tare āmó bitu, detere ɔla naalopóló kisipa mutu betere so wh̄ita ti Kótóné wisiró beterapa, doasi h̄ainé sukutu betérápó,” yalepó.

16 Ai fo depa, Yesuné ʔpaae tokó mótu duraalu, “Wh̄i bet̄ané ama doasi ɔla deyaairaaalu, taleyóló mulóló so wh̄i feapaae naai ape yalepó. 17 Atéró kale wh̄iné ɔla deyaaire be d̄e wapa, ɔla naai ape yale so wh̄i dapesene f̄ópóló, ama kutó diratere wh̄i dotonalepó. Atétepa, ʔ fóló atimapaae duraalu, ‘Mió ɔla taleróló muló betepa faalopa ape,’ yalepó.

18 Atéró deté kw̄eyalet̄ei, atima fole h̄ómó kutórapené bipi epa fenénipó dua yalepó. Folosóró wh̄i bet̄ané duraalu, ‘No-ó, yālo dóti dupuyóló diyaaire kutó kele faaireteiné, ʔ yātamo faalomeipó,’ yalepó.

19 Kale dere fo kaae wh̄i menékélé duraalu, ‘No-ó, ʔta yālo dóti dupuyale naasetamo *bulmakau* hupurapené dere ala kele faaireteiné yātamo fenénipó,’ yalepó.

20 Wh̄i menékélé kale dere fo kaaetóro yóló duraalu, ‘No-ó, ʔ so mo dótóro dokóló betereiteiné yātamo fenénipó,’ yalepó.

21 Atétepa, kale kutó diratere wh̄i momó fesaae wóló, wh̄irapené yale fo ama doasipaae yalepó. Tétepa, kale be tale ʔ fopaae buóló ama kutó diratere wh̄ipaae duraalu, ‘Yā mo hapale fóló ai doasi be huluaró sawatamo be huluatamopaae fole tūmó

yolealere so whikélé, tiki momaare so whikélé, kele dilikire so whikélé, hó naase dore so whikélé, fea wópóló dapesene fae,' yalepó.

²² Ti fo depa, ama yae yale alarape yóló kílípaae kale kutó diratere whiné duraalu, 'Doa whi-ó, naao epaae yae yale alarape fea yálo sýmó yaletei, mepaae whi beteraaire de hãle ai mune fale ape,' yalepó.

²³ Tétepa kale doasi whiné epaae duraalu, 'Yã doasi tɔrapemó fóló, tɔ demó betó mole so whikélé fea dape siré kweyóló wapa, ti be kerape fea sunérapó.

²⁴ Yálo yãpaae i dere ape. Mepaae whi de ɔla naalopa ape yalemó wéni yale so whirapeta, yálo doasi detere ɔla mo sawakélé hoteyaalomeipó,' yalepó.

Filipaa ni beleyóló fenitepa Yesuné yó matere whi betenénipó ere fo (Mat 10:37-38)

²⁵ Téró, so whi mo hãle ɔla kaae Yesutamo fu betepatei, Yesu fetée wóló i fo yalepó.

²⁶ "Mepaae so whi detamo ep beterepaae wouraalu, ti ama aya ó hae ó ama so, naale senaale ó ama noraperó nerapetamopaaekélé ó ama betere betekélé hóróló bóe dinitépa, ti a yálo dere fo wosóló yó matere whi betenénipó.

²⁷ Mepaae whi dené a oleraaire filipaa ni amatei beleyóló ep sya anitépa, ti atétere whikélé, yálo yó matere whi betenénipó.

²⁸ Diãkó betã whi ama kisipanétamo, doasi fɔloi be olekeyóló tɔyaairaaalu, ama tare moniné sýmó tɔnéréró kisipanépi talenérápó. ²⁹⁻³⁰ Ti noatepae, be tɔyaai folosóró bete kaaturaalu, dirii eleké bilitapó. Téteretei, kale be kemerénipa kilitu, mepaae so whiné dɔ nanóló doka doka duraalu, i sekéné mó folo tɔale betei kemerénipóló dɔ nanaalopó," yalepó.

³¹ Fo sale me i ape. Me hae kwia tɔteróló kaae tare topo whiné me hae kwia tɔteróló kaae tare topo whitamo bóe dele faairaaalu, 10,000 diki tare whiraperó me topo whiné 20,000 diki tare whirapetamo bóe dupa, 20,000 diki tare whirape dóló kemeraalopé neté yaalorópóló kale topo whi a kisipapi tekenérápó. ³² Atéró bóe

whirape mo umó wou betepatei, ama kisipanétamo atimatei betãpaae delepã, ti bóe dele ala taarópó. Mió dã bóe fiyóló dua betaalopó fo ene fae yaalopó. ³³ Atétere kaae, diãkó whi me dené ama muó mole ɔla ɔla fea me ɔla meipóló taarenitépa, ti yálo fo eratere whi betenénipó.

³⁴ "Kóta, mo feléi ɔla wisitei ama felé kemetépa, ti momó kae neyóló felé bu-laaloé? ³⁵ Atéró felé initere kóta, ɔla betepaaekélé munéni, hãle tikipaae taae fatua dapó. Mepaae whi detamo woséli dapa, ti i dere fo wisiyóló wosópóló yae," yalepó.

15

Aluyale sipsip hupupaae dó faróló yale fo

(Mat 18:12-14)

¹ Téró, mepaae takis moni sere whiraperó so whiné dowi ala dere whirapépó du betere whirapetamo Yesuné dere fo wosaai a beterepaae tourãle wóló betó molepó. ² Atépa, mepaae Farisi whiraperó Moses-né asɔre fo yó matere whirapetamoné Yesu kikiti eratere fo yóló duraalu, "I whinéta dowi ala du betere whirapetei, touróló ɔla betãmó nuku beteraapó," yalepó.

³ Ti fo depa, Yesuné atimapaee etei fo sale yalepó. ⁴ "Diãkó whi betãné 100 sipsip hupurapekó betã hupu alupa, 99 hupurape hãle tuã tikimó beteróló, alure hupu keketé kweyóló dape sumié? ⁵ Atéró, dape supã, a hɔkesené sukóló bepaee dapesó wua dapó. ⁶ Atéró, bepaee só fóló, ama fulumu so whiró be whi so whitamopaae tourãle ape yóló duraalu, 'Yálo kale aluyale hupu kekitu beteró dape salepa, diãkélé fea ep dere kaae hɔkese yae,' yaalopó. ⁷ Yálo diãpaae i dere ape. Atétere kaae, betã dowi ala du betere whi kisipa tiki feteyóló Kótó beterepaae wapa, ti hepen bemó mo doasi hɔkese dere alané i haemó dere hɔkese tɔteróló bosene falapó. Téretei, mepaae 99 so whiné duraalu, dã me dowi alakélé dumipa, kisipa tiki hãle neyóló feteyaaloé dere so whipaae hɔkese doaló dumipó," yalepó.

Aluyale moni kepaae dó faróló yale fo

⁸ Ai ala kaae me i ape. “So betané *silpa kapané* aleyale naasetamo *moni* kekó betá alutepa, ama noa ala yaaloé? Kekáairaalu są deýóló be tuámó muó mole mome wisiyóló fuóló kekóló mupa sumié? ⁹ Atéro su, ama fulumu so whjro be whj so whjtamopaae kale aluyale *moni* ke saleteiné dā hēkese yaalopa, diā fea betāpaae tourāle ape enérápó. ¹⁰ Yālo diāpaae i dere ape. Ai ala dere kaae, mepaae whj de ama dowi ala taaróló, kisipa feteyóló Kótópaae wapa, ti ó hepen bemó betere *ensel*-rape mo doasi hēkesené sinaalo ai ape,” yalepó.

Aluyale naalepaae dó faróló yale fo sale

¹¹ Atéro, Yesuné ama deté wou betere fo tómó me i fo yalepó. “Whj betané naale tamo beterepó. ¹² Téru, me deķē naalené alimapaee duraalu, ‘Apa-ó, naao yālo no dāmómó melaai muló betere ęla ęla bukóló ęmaletamo ęlae,’ depa, alimané naalema tamo tuámó bukuralepó.

¹³ Atéro kale deķē naale alimané melale ęla ęla fea sóró, mo saletó tikipaae felepó. Atéro bitu, mepaae kae kae ala hōko deté fu betero, ama kale sóró fele ęla ęla fea kemeralepó. ¹⁴⁻¹⁵ Atéro beterepó, ai hae kwiamó doasi wote ali wóló ę naaitere ęlakélé meitepa, ę fóló whj betāpaae duraalu, ‘Naao me kutókó mupa yālo di-raalopó yóló wosalepó.’ Ti fo depa, kale whjné ama hupurape kaae tawaaire kutó betā mulapa dirane fae yóló dotęyalepó. ¹⁶ Atéro fóló, kale hupurape kaae tapa mené ęmó nokole ęlakélé menipó. Tétepa, ę wotemó kale hupurape matere besęae bolo naai kisipa mutu betalepó.

¹⁷ Atétu ama take muale kisipa feteyóló, momó wisi kisipa muóló duraalu, ‘Yālo ayané ama kutó diratere whjrapeta, ęla dekéro mupa nuku betereitei, ę imó wotené sukutapó. ¹⁸ Tétereiteiné, mió ę momó yālo aya beterepaae fesaae fóló i fo yaalopó. Apa-ó, ó hepen-mó betere Kótópaaekélé, yāpaaekélé yālo wisi ala eréni, mo doasi dowi ala eralepó. ¹⁹ Atęyaleiteiné, mió ę naao naale aęréni,

kutó diratere whjrape kaae beterae,’ yaairaalu faai kisipa mualepó.

²⁰ Atéro tuę teketu betero, kale naale ę betere tiki taaróló, alima beterepaae momó fesaae felepó. Atéro kale naale mo umó wou betepa alimané kolóló, ama hosaamó suraalu, ę mo hapale sururu yóló fóló, apuó taru kóló tukó nalepó.

²¹ Atétepa kale naalené alimapaee duraalu, ‘Aya-ó, naao kele tómókélé, hepen bemó betere Aya Kótóné kele tómókélé, mo doasi dowi ala yalepó. Téyalepa, mió ę naao naale aęraęse,’ yalepó.

²² Téyaleitei, kale naale alimané ama kutó diratere whjrapepaae duraalu, ‘Diā mo hapale fóló, ęmó deraaire kuti wisi sóo, naasemó bulaaire bi sóo, hómó horaaire hęleke be sóo, yóló derae,’ yalepó.

²³ Atéro, ama kutó diratere whjrapepaae duraalu, ‘Dāné ę hēkeseróló ęla deraalopa, betā seraai *bulmakau* hupu male sene fae.

²⁴ Ti noatepae, yālo i naaleta sukęletei momó kepaayóló biture kaae erapó. Mo ti aluyale whjitei momó dape sóró biture kaae epa, mió dāné ęmó ęla deróló hēkese yaairaalu i dere ape,’ yalepó.

²⁵ Até du betepa, kale whjné topo naale kutómó daai be bela felekemó sókó walemó, *kitatamo* wole fo yóló, kilitu betere fo wosalepó. ²⁶ Até du betepa, ama kutó diratere whjrapekó betāpaae ape yóló duraalu, ‘Doa ai-a, noa alamaaté du bitu de?’ yalepó. ²⁷ Ti fo depa ama ępaae duraalu, ‘Naao no me alakélé ini, mo wisiyóló sókó waletéiné, ayanaaoné seraai *bulmakau* hupu male dóló ęla i derótu betere ape,’ yalepó.

²⁸ Ai du betere ala kilitu, kale topo naalené alimatamo doasi fopaae buóló, bepaae hotere hýyóló belamó dalepó. Atépa, alima doropóló naalema be dolopaae holópoló, bératere fo yalepó.

²⁹ Téyaleitei, ama alimapaee duraalu, ‘Kelere! Ba fo dokę fea ę naao wae sóró kutó diratere whj kaae bitu, hękélé ini naao erae dere ala yālo eró tawalepó. Téyaleitei, yālo fulumu whjrapetamo dóló nępóló, naao *meme* hupu male betākókélé menipó. ³⁰ Até yaleitei, naao ai naale hōko nępumó kutu betero naao melale wisi wisi

qla fea aluróló wapatei, naao amó seraai *bulmakau* hupu male dóló qla ai deratere ape,' yalepó.

³¹ Ai fo depa alimané duraalu, 'Ti naale-ó yata, suka fea etamo betereteiné yalo mole qla qla feata, ti naaotóro ai ape. ³² Tereiteiné da fea hekese duraalu, amó qla deralepa, ya depe sekēni hekese yae. Ti noatepae, naao no a mo ti sukale whi momó kepaayóló wóló biture kaae epa qla deratere ala taaréni, mo enérapó. Ata, aluyale whitei, momó sókó wapa dape sóro i betere ape,' yalepó.

16

Qla qla tetéroló kaae tawae yale fo sale

¹ Téró, Yesuné ama yó matere whirapepaae i fo yalepó. "Whi mené betā néli whipaae duraalu, naao qla qla kaae tare whiné wisiyóló kaae tani, hoko besekerótu beterapó depa wosalepó. ² Atei fo depa, ama sóro beterale whipaae ape yóló apaae woseturaalu, 'Naao du betere ala mené epaae ene walepa, naao yalo qla qla netéro kaae tare? Mió naao ditu betere kutó kemeraai dapa, naao tetéroló kaae taru deté wale ala fea epaae yae,' yalepó.

³ Ai fo depa kale whiné ama kisanétei duraalu, 'Yalo doasiné e melale kutó kemeratepa, mió e noa kutókó diyaaloé? Hae dukiyaaire fotokokélé buni yóo, me whipaae qla kema dere alakélé, hale yóo ereteiné, e noa ala yaalorópó. ⁴ Tépatei, e i kutó taaróló fupa, mepaae so whiné e mo wisiyóló dape sópóló, i ala betā yaai kiswa mutapó,' yalepó.

⁵⁻⁶ Atétepa, kale whiné ama doasiné qla qla kwia mulóló sale whirape betā betā ape depa, walepó. Atéro kale folosóro kwia mulóló sale whipaae woseturaalu, 'Yalo doasiné qla naao meteró saleé? depa, ama duraalu, dale 4,000 *lita olip wel* wēi salepó,' depa, kale whipaae duraalu, 'Ya hapale fóló sawa betéro, naao sale 4,000 *lita wel* wēi dale helekóló, 2,000 *lita* aseyaé,' yalepó.

⁷ Téró, kale dere kaae me whipaae woseturaalu, 'Naao yalo doasiné qla meteró saleé?' depa, kale whiné duraalu, 'Whiti

yorape 1,000 salepó,' yalepó. Ti fo depa, kale whiné apaae duraalu, 'Naao melaai sale kwia asēretei helekóló 800 aseyaé,' yalepó.

⁸ Atéro, kale qla qla talené ama sóro beterale whi wisipa meitei a dukiróló duraalu, 'I whita qlémi nuku bitutei, topo daalu fosó fosói ala maaté du beterapó. Ti i haemó betere so whi atimasisi u tao su i tao su dere ala mepaae so whiné kilitu, mo fosó fosóre so whipóló dukiraterere alané, kale de tuamó betó mole so whi tetéroló ketei aqratapó,' yalepó. ⁹ Yalo diapaae i dere ape. I haemó bituraalu, naao sere *moni* mepaae yayare so whi tao sóro hale melae. Atéro fea melóló kemeratepa, atimané ya mo ti te tare bepaae holae yóló dape saalo ai ape.

¹⁰ Mepaae whi dené sawa kutó mo wisiyóló kaae taru dirótu betepa, so whiné kilitu i sekéné kutó mo dono ditapóló kiswa tiratere whinéta ti doasi kutókélémo wisiyóló diranérapó. Mepaae so whi denétamo sawa qla mekó qlémi supa, ti doasi qlakélé qlémi senérapó. ¹¹ Atétepa, i haemó muó mole qla qla diaaq wisiyóló kaae tawaaire sunipa, mo ti muó tare wisi wisi qla diapaae kaae tawae yóló né melaaloé? ¹² Me whiné diapaae kaae tawae dere qla qlatamo diaaq mo wisiyóló kaae tanitepa, naao mo ti muó tawaaire qla yamó né melaaloé?

¹³ Betā kutó diratere whinétei, doasi topo whi tamoné kutó diranénipó. Atétepa, ti me whipaae yaala sókó fóló mulu, ama kutó diróo, me whi hóróló ama erae dere alakélé eréni yóo, yaalopó. Ai ala dere kaae, betā whinétei Kótóné kutóro mepaae *moni* saaitere kutótamo touróló diranénipó," yalepó. ¹⁴ Ai fo depa, mepaae *monimó* hosaa muóló ekelere Farisi whirapené Yesuné ai dere fo woseturaalu, faleyóló doka doka du betalepó. ¹⁵ Ti fo depa, ama atimapaae duraalu, "Diāné ai du betere ala so whiné kilitu, mo wisirapó du betepatei, diaaq hosaa tuamó kinóló mole ala ti Kótóné kolóló mo kiswa rapó," yalepó. Atétepa, ama atimapaae duraalu, "Mo so whinéta, diāné mo doasi bete mole ala dapó du

betepatei, Kótóné keletómó ti bete muni, mo sonaalérapó.

¹⁶ Kale Moses-né asere foró Kótóné kóló wh̄irapetamoné yó maté waletei, Jon betale alimókélé taaréni, h̄ale yó matétóró fu beterepó. Atétu betepa, Kótóné t̄eteróló kaae tare aqmó mole kisi fo wisi wosaai dapóló hajné sukuturaalu, so wh̄i fea aipaae alaletamo fu beterepó. ¹⁷ Ti s̄aró haetamota kemeyaalotei, Kótóné fo kwia mo sawakélé aluyaalomeipó.

¹⁸ Wh̄i me dené ama topo so tokó daaróló so me kae dokotepa, ti Kótóné fo tukóló nópu nukulapó. Wh̄i me dené me wh̄iné tokó daalale so dokotepa, ti aikélé yóló muló betere fo tukóló nópu nukulapó,” yalepó.

Néli wh̄iró Lasarus-tamoné yale ala

¹⁹ “Téró suka fea kelaalo mo kok̄oi sonaai kuti maaté derótua yóo, mo feléi wisi ɔla maaté nóo du betere néli wh̄i beterepó. ²⁰ Ai néli wh̄iné ama be t̄u sókó walemó yoleale wh̄i humu fulu daayóló bitu, suka fea ɔla kematu betere wh̄iné doi Lasarus beterepó. ²¹ Atéró bitu, ɔ wote depa kale néli wh̄i ni fake tómó ɔla nukuraalu, folope sorokóta deretei naai kisipa mutu betepa haɔrapené ama humu ɔe nukua depakélé, dow̄aae fóló beterepó.

²² Ai ala du betere tuamó kale wh̄i Lasarus sukutepa, *ensel*-rapené ɔ beleyóló fóló, Abraham betere uté t̄eró beteralépó. Atéró ɔ suk̄ale k̄ilipaae kale néli wh̄ikélé sukutepa douralépó. ²³ Téró, kale néli wh̄i mo ti dó tare simó duku bituraalu kese falalemó, kale Lasarus Abraham-tamo daapa kelalépó. ²⁴ ɔ atépa kolóló duraalu, ‘Aya Abraham-ó, naao ɔ k̄le depata, ti kale Lasarus-né naase doymó w̄ei f̄e eróló ȳalo hape siri bul̄ale w̄ópóló dot̄eyae. Ti noatepae, ɔ siné dukuraalu doasi dele sereteiné dapó,’ yalepó.

²⁵ Ai fo depa Abraham-né duraalu, ‘Ti naale-ó, aita mo deretei, naao kisipa muae. Take ȳa haemó betale sukamó wisi wisi ɔlamaaté su betalépó. Até du betepa, Lasarus ɔ dowi ɔla sua yaletei, mió ɔ imó hosaa muni deyóló h̄ekesené sinitu betepa, ȳa doasi dele ai su betere

ape. ²⁶ Téretei, d̄a imó betere wh̄i aipaae wóo, atéró betere wh̄i ipaae wóo yaqsóró, tuamó doasi fao muló betereiné d̄a aipaae t̄e wonénipó,’ yalepó.

²⁷ Ai fo depa, kale wh̄iné Abraham-paae duraalu, ‘Aya Abraham-ó, Lasarus ȳalo ayané bepaae fóló norapepaae ene f̄ópóló yae. ²⁸ Ti noatepae, ȳalo norape aporó betepa, ɔ doasi dele su betere tikipaae atimakélé waqsóró, ene f̄ópóló dapó,’ yalepó.

²⁹ Ti fo depa Abraham-né duraalu, ‘Moses-ró Kótóné kóló wh̄irapetamoné yó mótu betere fo wosóló, atima kisipa feteyóló tué tiki tiratepa, ti té ȳópólópó,’ yalepó.

³⁰ Ai fo depa, kale wh̄iné Abraham-paae duraalu, ‘Aita mo deretei, suk̄ale so wh̄i fólótamo depa, ti atimané du betere dowi ala taaróló, kisipa feteyóló waalópó,’ yalepó.

³¹ Ti fo depa ama duraalu, ‘Moses-ró Kótóné kóló wh̄irapetamoné yó mótu betere fo wosenitepa ti sinóló kepaayóló wale wh̄iné dere fokélé wosóló kisipa tiki tiraalomeipó,’ ” yalepó.

17

Dowi alamó dée nalatere wh̄i sek̄ei ala erópóló yae yale fo

(Mat 18:6-7,21-22, Mak 9:42)

¹ Téró, Yesuné ama yó matere wh̄irapepaae duraalu, “So wh̄i fea dowi ala yóló dée n̄ópóló kae kae s̄usere alarape waalo ai ape. Té yaalotei, wh̄i me dené me wh̄i dowi ala ȳópóló dée nalatepa, ti atétere wh̄ipaae doasi sek̄ei ala eraalópó. ² Diakó mé wh̄iné i betó mole naale senaale belek̄atikikó dowi alamó dée nalatepa, ti atétere wh̄iné depamó képi dulóló, doasi kapo fake oleróló w̄ei k̄lapaae taae derólúqsóró mo wisi uapó.

³ Atérapa, diaaɔ dere alarape dīanétei mo hotowa yóló kaae tawae. Naao notamo mepaae dowi ala depa, ti atékesé yóló ɔ foné sae. Ténalemótamo, naao dere fo wosóló ɔ kisipa feteyóló wapa, ti ama yale ala me ɔla meipóló h̄ale kemerae. ⁴ Bet̄a be demótei, naao noné w̄eikeró félimó ȳapaae

dowi ala eralepóló, ya beterepaae fesaae wóló, ‘No-ó, yało yaapaae weikeró félimó dowi ala eraleteiné doasi kóleó ene wapa,’ ti naaomo kwia tani, me ɔla meipóló hałe kemerae,” yalepó.

⁵ Téró, Kótóné ama fo erale fópóló doteyale whirapené duraalu, “Tale-ó, ɔané kisipa tiki doaló tiró bitinireteiné mo diriyóló tiraai dapa, naao ɔa yó ɔlae!” yalepó.

⁶ Ti fo depa Yesuné atimapaee duraalu, “Diɔ kisipa tiki tiró betere alatamo mo sawa *mastard* niné ke kaae bupa, ti i daale *malberi* nipaae naao feleke turó tokóló, doasi weı kela tuamó daane derepae depa, naao dere fo wosóló mo téyaalo ai ape.

⁷ Diɔkó betá whiné ama kutó diratere whı ɔla wae biliyaai hae dukıyóló mulale fóló, ó *sipsip* hupu kaae tane fi teó wale-tamotei kale doasiné ama kutó diratere whıpaae, ‘Ya ɔla naasepóló hapale ape,’ fo dua de? Meipó. ⁸ Doasi whiné atei fo yaalomeitei, etei fota ti enérápó. ‘Yało naaire ɔlaró weıtamopi donoróló, ɛ nuku betepa ti naao naaire ɔla donoraasepólópó dua dapó.’ ⁹ Kale kutó diratere whiné ama doasiné ɔpaae dirae dere kutó fea diyóló kemeratepa, ama doasiné ɔpaae mo kée fo dua de? Meipó. ¹⁰ Atétere kaae, Kótóné diɔpaae dirae dere kutó diyóló kemetepa, diaaɔtei diɔ bopé fake enére? ‘Dɔta, whı wisi meitei, ɔané ditere kutó diyalepó fo enérápó,’ ” yalepó.

Naase tamo whırape dowi humu fuluné tiki dopa wisirale fo

¹¹ Ai fo yóló kılıpaae Yesu ɔ Jerusalem be huluapaae sókó faairaalu, Samariaró Kaleli haetamo ɔale tuamó fu betalepó. ¹² Atéró ɔ betá be huluamó sókó felemó, dowi humu fuluné tiki dore naase tamo whırape ɔtamo hokolaa yaai wóló, mo tumó daae molepó. ¹³ Atéró daalu fo fake yóló duraalu, “Doa whı Yesu-ó, naao ɔa kólené sukutu tao sae!” yalepó.

¹⁴ Ai fo depa, Yesuné atima kelalemó kólené sukutepa duraalu, “Diɔ fóló, so whımó momaratere whırapepaae diaaɔ tiki yó melale fae,” yalepó. Atétepa, atimané tiki yó melaai tu tuamó fu betepatei,

atimané dowi humu fulu torokó fóló wisiyalepó.

¹⁵ Atétepa, atimakó betá whiné ama tiki fopeyalemó wisipa kilituraalu, momó fesaae fóló fo fakeyóló Kótóné doi sóró horaté fu betalepó. ¹⁶ Até deté wóló, Yesu daale felekemó deraapisa fóló mulu, mo kée du betalepó. ɔta, Samaria hae kwiamó wale whıkópó.

¹⁷⁻¹⁸ Tétepa, Yesuné atimapaee wosetu-raalu, “Mepaae naase tamo whırape yało wisirénié? Ita, kae fake whıtei Kótóné doi hale sóró horatapa, Naase aporó kemeyóló douro whırape-a, neyaleé?” yalepó. ¹⁹ Téró ama ɔpaae duraalu, “Naao kisipa tiki tiró betale alané ya wisiralepa, turukó holóló mo dua fae,” yalepó.

Kótóné tetéroló kaae tare ala wóló mulapóló yale fo

(Mat 24:23-28,37-41)

²⁰ Atéró, me sukamó Farisi whırapené Yesupaae duraalu, “Kótóné tetéroló kaae tare ala noa be ɔemó wapa so whı feané kelaaloé?” yalepó. Ti fo depa Yesuné atimapaee duraalu, “Kótóné tetéroló kaae tare alata, whiné kelené kolóló tué yópóló me fareyópu kae yaalo meipó. ²¹ So whı feané imó ó umó wóló betepapó fo enénipó. Ti noatepae, Kótóné tetéroló kaae tare alata, mió diɔ tuamó i wóló mole ape,” yalepó.

²² Téró, ama yó matere whırapepaae duraalu, “Take waaire be ɔrapekó betá tuamó kale Whiné Naalema kelenée du betaalotei mo kelaalo meipó. ²³ Atéró kekitu betepa, mepaae so whiné duraalu, ‘Kale Whiné Naalema umó wóló betepapó,’ ó ‘Imó wóló betepapó,’ depa, mo dere nisiyóló sya faɔse. ²⁴ Ti noatepae, kale Whiné Naalema ɔ wouta, epée duraalu hae kwia fea ɔeyó fu dere kaae yaalo ai ape. ²⁵ Ai alarape fea yaaipatei, folosóro ɔpi kae kae susupui ala supa, ti mió i alimó betó mole so whiné ama fo woseni, ɔ hıraalo ai ape.

²⁶ Take Noa betale alimó yale kaae, mió Whiné Naalema waaire alimókélé atétóro yaalo ai ape. ²⁷ Take Noa betale alimó, so whı fea ɔlaró weıtamo nokole alakélé, so whıtamo beteratere alakélé,

whi so dokotere alakélé, deté fu betepatei, Noasépi nuku tuapaae bití horalepó. Até deretamotóro, atima ai du betale ala kemene felepó. Atéturaalu, doasi wéi dukulé horóló so whi fea sisiraae felepó.

²⁸ Ai yale kaae, take Lot betale alimókélé, so whi fea wisiyóló bitu qlaró wéitamo nokole alakélé, qla qla dotonóló duputere alakélé, qla wae bilitere alakélé, be teterere alakélé, fea deté fu bitipakalepó.

²⁹ Atétu betepatei, Lot a Sodom be hulua taaróló foletamotóro hepen bemó siró kapo whaa kaae ere *sulpa* sitamo hali kaae dorowóló, so whi fea doralepó.

³⁰ Atétu yale kaae, kale Whiné Naalema mió kinóló betereitei hakeamó wapa, so whi feané kelaalo ai ape. ³¹ Atétere sukamó, whi me ama siki bemó bití hae bemó mole qla wisi saai dapóló derepaose. Kutómó daale whi momó fesaae fóló, bemó mupa wale qla momókó sene faose.

³² Ti noatepae, Lot-né soma yale ala kisipa muae. ³³ Mepaae whi de yalo ala erótutei, ama betere bete me ala yaqsóropóló, amatei hotowayóló kaae tapa, ti atétere whiné betere bete aluyaalopó. Téptei, whi me dené ama betere bete me qla meipóló taalatepa, ti ama betere bete aluni, mo ti muó tawaalopó. ³⁴ Yalo diapaae i dere ape. Dilikitamo whi tamo betá besekémó fipatei, me whi dapesó furaalu, me whi fipa taaróló faalopó. ³⁵ So tamo *flawa* o bula yaai deraketu betepa, me so dapesó furaalu, me so taaróló faalo ai ape,” yalepó. ³⁶ (-)

³⁷ Tétepa, kale yó matere whirapené Yesupaae woseturaalu, “Tale-ó, ai alarapea momó eratepa kelaalóé?” depa, ama duraalu, “Na ó hupu kelaai nokole barape sikimó sé kweyóló bopétu betepa, ti ama naaire qla kelaai mupa ai dere ape yóló kisipa yaalopó,” yalepó.

18

Tao sae yóló dotopo du betale wulia sopaae dó faróló yale fo

¹ Ai fo yóló kemetepa, Yesuné ama yó matere whirapené Talepaae momatere ala hape yó tanópóló, etei fo sale yalepó.

² “Ai doasi be huluamó fo tokóló taletere

whi betá beterepó. Ai whita, Kótó kolóló witere alakélé ini, dotoróe falepó. ³ Ai be huluamó betá wulia so beterepó. Ai so ama bóe whiné atamo fo tokóló só deraqsóro a tao sópóló, suka fea fo taletere whi beterepaae eneta du betalepó.

⁴⁻⁵ Kale soné betá fo maaté eneta du betepa, a hóturaalu i fo yalepó. ‘Eta, Kótókélé mo so whikélé, kolóló wi inire whitei, i wulia soné a tao sae yóló dotopoi fo maaté eneta yó taneteiné e hótépa a tao saalopó,” yalepó.

⁶ Téró Talené duraalu, “Kale fo tokóló taletere dowi whiné i sopaae yale fo wosóló kisipa muae. ⁷ Kótóné ama sorokó su yóló betero betere so whiné detamokélé, dikitamokélé, kematóro yó tapa, ai kematere qla ama melaalomeié?

⁸ Yalo diapaae i dere ape. Kale fo tokóló só deraaire whiné diá só deraqsóro, ama mo hapale tao saalo ai ape. Téyaalotei, kale Whiné Naalema i haepaae wale sukamó so whi fea kisipa tiki tiró betepa ke-laalorópó,” yalepó.

Farisi whiró takis moni siré kotere whitamóné yale ala

⁹ Yesuné i fo sale atimapaae yó mótu duraalu, mepaae whi atimata mo donoi ala dapóló bopé faketuraalu, mepaae so whi teteratere alamó Yesuné etei fo sale yalepó. ¹⁰ “*Taks moni* sere whiró Farisi whitamó moma yaairaa, momatere be dolopaae holalepó. ¹¹ Téró, kale Farisi whi a turukó holóló daalu amatei, amó etei kaae moma yalepó. ‘Tale Kótó-ó, eta mepaae whirape dere kaae qla qlémi nokole alakélé, nópu nokole alakélé, mepaae dere dowi alakélé, ó i daale *takis moni* sere whi kaae bitinipó. Téru yalo yapaae mo kée dapó. ¹² Eta, betá fulamóte be de tamomó qla néni, weyóló hape bitu, yalo qla qla naase tamo molete dekeyóló, betá Talepaae mótua dapó,” yalepó.

¹³ Téyaalotei, kale *takis moni* sere whi a mo tumó daalu, hepen bepaae kese horéni haepaae hemée deyóló daalu, “Tale Kótó-ó, eta dowi ala dere whipa naao qlené

sukutu, yalo dowi ala kwia kemerae,' yalepó.

¹⁴ Yalo diɔpaae i dere ape. Kale nalo momayale *takis moni* sere whjné ama dowi ala Talené kemeratepa, ɔ hajtamo bepaae feletei, me whjné ama dowi ala hale mupatei felepó. Mepaae whj de amatei ɔ deróló dua betepa, ti Kótóné ɔ sóró horaalo ai ape," yalepó.

Naale belekɔatiki Yesupaae dapesó wale fo

(Mat 19:13-15, Mak 10:13-16)

¹⁵ Téró so whj feané teó sóró betó mole naale senaale tikimó Yesuné naase mulópóló, ɔ beterepaae dapesó wua dere ala kilitu, ama yó matere whjrapené dapesó wakesé yóló, atima foné salepó.

¹⁶ Téyaleteti, Yesuné kale naale senaale ɔ beterepaae dapesó ape yóló duraalu, "Atei kaae naale belekɔatiki ɔ beterepaae wópólópa, sesékese. Ti noatepae, Kótóné tɛteróló kaae tare aɔmó betaaire alata, atei naale senaale belekɔatiki kaae fóló betenérápó. ¹⁷ Yalo diɔpaae mo i dere ape. Mepaae so whj detamo i betó mole naale senaale belekɔatiki kaae betepa, ti Kótóné tɛteróló kaae tare aɔmó sókó fóló betenérápó," yalepó.

Néli whjné Yesupaae wosale fo
(Mat 19:16-30, Mak 10:17-31)

¹⁸ Atéró, betɔ Juda topo whj wóló Yesupaae woseturaalu, "Yó matere whj wisi-ó, mo ti betere bete saairaalu, yalo noa alakó yaaloé?" yalepó.

¹⁹ Ai fo depa, Yesuné ɔpaae tokó mótu duraalu, "Betɔ whjkélé whj wisi bitini, Kótó ɔ betɔ wisirapa, naao ɔpaae noatepa whj wisi-ó fo de? ²⁰ Ti noatepae, kale tukóló muló betere fota, naao dosɔayóló ai kisipare ape. So nópu naɔse, whj daɔse, ɔlémi naɔse, me whj dilikóló kapala fo yaɔse, naao hae aya aɔmó mo dua betae erápó," yalepó.

²¹ Ai fo depa, kale whjné tokó mótu duraalu, "Ai alarape feata take ɔ ketemó bitu deté waletei, miókélé hale yótóró tarápó," yalepó.

²² Ai fo depa, Yesuné ɔpaae duraalu, "Mo betɔ ala betɔ yɔ yɔyɔrapó. Térapa,

naao muó mole ɔla ɔla fea dotonóló, *moni* sóró mepaae yolealere so whjmó melae. Atéró yɔta, hepen-mó mole wisi wisi ɔla saasepóló ɔ sya ape," yalepó.

²³ Kale hamoko whjné ai fo woseturaalu, ɔ doasi néli whj mo beterapóló kisipa mutu, kutiri humula yóló fomotamo felepó.

²⁴ Atéteremó, Yesuné ɔ kelené kikéyóló kaae taru duraalu, "ɔla ɔla fea tare whj Kótóné tɛteróló kaae tare aɔmó sókó fóló betaaire mo doasi dirirápó," yalepó. ²⁵ "Ti noatepae, *kamel* hupu ketéli dolomó sókó faaire hapóluni, sumó fenérápó. Tépateti, doasi ɔla ɔla mole néli whjrapeta, Kótóné tɛteróló kaae tare aɔmó sókó faaire mo hapólurápó," yalepó.

²⁶ Ai fo depa wosale so whjné Yesupaae woseturaalu, "Dɔ feata alunérapa, Kótóné demaaté tao saaloé?" yalepó.

²⁷ Ai fo depa Yesuné duraalu, "Mo whjné enénire ala Kótóné mo sumó enérápó," yalepó.

²⁸ Tétepa Pitané duraalu, "Dɔné be ó ɔla ɔla fea mupa taaróló, yɔ i sya wale ape," yalepó.

²⁹ Ai fo depa Yesuné duraalu, "Yalo diɔpaae mo i dere ape. Mepaae whj dené ama be ó soma ó nomarape ó hama alima ó naale senaale taaróló, Kótóné tɛteróló kaae tare aɔmó betaai dapóló fupata, ti mió i alimó bitukélé ama taaróló wale ɔla ɔla tómó beleróló, Kótóné mo dekéro matepa saalo ai ape. ³⁰ Ai ɔla maaté meitei, take waaire alimó mo ti betaaire betekélé saalo ai ape," yalepó.

Yesu ɔ sinaaire fo mó yaleteti

(Mat 20:17-19, Mak 10:32-34)

³¹ Atéró, Yesuné yó matere 12 whjrape depaae dapesó fóló bitu duraalu, "Dɔta Jerusalem be huluapaae holaai foleteti, Kótóné ama kóló whjrapené i ala yaalopóló asere fo mió mo dokonóló kale Whjné Naalemapaae eratepa kelaalo ai ape. ³² ɔta, Juda meire fake whjrapené dópóló eleké deyóló, atima naase tuɔpaae mulaalo ai ape. Atétepa, atimané ɔ doka doka yóo, haleroo, fesɔa apuróo, képi tikiiné fokosoi ala yóló, ɔ mo ti sukópóló dóo, yaalo ai ape yalepó. ³³ Téyaalotei,

sore be demó a mo ti sukaletei momó kepaayóló betaalopó,” yalepó.

³⁴ Ama yó matere whirapené ai yale fo wosóta yaletei, bete hiróló moleteiné diriyóló kisipa sini, kóló kóló du betalepó.

*Kele dilikire whi wisirale fo
(Mat 20:29-34, Mak 10:46-52)*

³⁵ Téró Yesu a Jeriko be huluapaae felekemó sókó faai tumó fu betaalemó, betá kele dilikire whi tu demó bituraalu, fua wuatere so whipaae monikó álae yóló, kema du betalepó. ³⁶ Atéró wosalemó, so whi mo fea tumó fua wua du betepa, ai so whipaae woseturaalu, “Doa ai-a, noa ala maaté du bitu de?” yalepó. ³⁷ Ti fo depa, atimané apaae duraalu, “Nasaret be hulua whikó Yesu i fole ape,” yalepó.

³⁸ Ai fo depa, ama fo fakeyóló duraalu, “Depit-né Naalema Yesu-ó, naao e kólené sukuturaalu tao sae,” yalepó. ³⁹ Atéró, mepaae folosóro fele so whiné kale whipaae momó yaai dée yóló foné salepó. Tétepatei, kale sekéné fo fakétóro dekéro yó taru duraalu, “Depit-né Naalema Yesu-ó, naao e kólené sukæ,” yalepó.

⁴⁰⁻⁴¹ Atétepa Yesu a keiyóló daalu, kale whirapepaae duraalu, “Ai whi e beterepaae dapesó ape,” yalepó. Atétepa, kale whi dapesó wóló felekemó daapa, Yesuné apaae woseturaalu, “Yálo yámó noa alakó erópóló de?” depa, kale whiné duraalu, “Tale-ó, yálo kelené ɔla ɔla kelené yóló kisipa mutapó,” yalepó.

⁴² Tétepa, Yesuné apaae duraalu, “Naao kisipa tiki tirale alané naao kele ai wisiyalepa, mió kelae,” yalepó. ⁴³ Yesuné ai fo deretamotóro kale whiné ama kele wisitepa, Yesu sya furaalu, Kótóné doi hale sóro horaté felepó. Ai ala depa kelale so whinékelé Kótóné doi hale sóro horalepó.

19

Takis moni siré kotere whi Sakius-né yale ala

¹ Atéró, Yesu a Jeriko be huluamó sókó fóló, ai be belamó fu betalepó. ² Téyalemó, *takis moni* siré kotere whirapené doasi topo whi Sakius beterepó. Aa, fea ɔla ɔlané néli whipó. ³ Ama kisipané

Yesu deró kelaai dapóló felemó, aimó mo hãle ɔla kaae so whi touróló daae moleteiné, Sakius a hãlekeruraalu Yesu wisiyóló kilinipó. ⁴ Atépa, kale whi api sururu yóló fóló, Yesu tumó wale kelaai, betá nose kaae ni siki doló holóló kaae tawóló beterepó.

⁵ Atépa, Yesu a ni betemó sókó fóló ai ni sikipaae kele horalemó Sakius daapa kolóló duraalu, “Sakius-ó, mió e yátamo naao bemó betaai kisipa mutapa, ya mo hapale dere ape,” yalepó. ⁶ Atétepa, a hapale téti dorowóló, hãkesetamo Yesu dape sóro ama bepaae felepó.

⁷ Atétepa, ai daae mole so whi feané Yesu Sakius-né bepaae fupa kolóló, atimasisi kikiti eróló duraalu, “Aa dowi ala du betere whitamotei, betaai ai fele ape,” yalepó.

⁸ Téyaletei, kale Sakius a turukó holóló Talepaae duraalu, “Tale-ó, mióta, yálo i mole ɔla ɔlarape bukóló, mepaae yolealere so whimó melóo, yálotamo so whi dilikóló mepaae monikó simó ti douro félimó tómó beleróló tokó melóo, yaai dapó,” yalepó.

⁹ Ai fo depa Yesuné apaae duraalu, “Kótóné so whi aluyaosóro tao sere ala mió i bepaae walepó. Ti noatepae, i whi akélé Abraham-né naaletóro beterepó. ¹⁰ Ti Whiné Naalema a waletaita, aluyale so whi kekóló tao saairaalu, walepó,” yalepó.

Naase tamo whirapené doasi whiné kutó diraii moni sale fo sale

(Mat 25:14-30)

¹¹ Atéró, ama ai du betere fo wosetu betepatei, a Jerusalem be hulua felekepaae sókó waletiné Kótóné tetereóló kaae tare aqmó mole ala so whiné kisipané mo felekemó sókó waaitere nisi du betalepó. Atétepa ama du betere fotamo touróló, atimapaae i fo salekelé yalepó. ¹² Atéró ama duraalu, “Hae kwia fea tetereóló kaae tare topo whirapené fake whi betá topo whi sóro beterepapa momó fesaae wóló, hae kwia ama tetereóló kaae tawaai dapóló, a felepó. ¹³ Aa atéró faairaalu, ama kutó diratere naasetamo whirapepaae ape yóló duraalu, ‘Yálo i

matere *moniné* mepaae kutó diraté fóló, tómó beleróló sóró muló betepa, momó fesaae wou kelaalopóló,' ą felepó.

14 Téyaleteti, ama be whi so whiné ai sekéné atima teteróló kaae tawaqsóró kisipa mutu, 'Kale doasi topo whipaae ene fópóló, atimakó mepaae whirape ą fi kılıpaae doteyalepó.'

15 Até yaleteti, doasiné kale whipaae naaotóró teteróló kaae tawaasepóló, yą sóró beteratapa fae depa, ą bepaae fesaae walepó. Téró, ama kutó diratere whirapepaae melale *moniné* mepaae kutó diróló, tómó beleróló meteró saleró kelaai, dapesene fae yóló, whirape doteyalepó.

16 Atétepa, ama *moni* melale whirapekó betą whi folosóró wóló duraalu, 'Doa whi-ó, take naao ępaae betą melale *moni* bosenóló, mo dekéro sóró muló beterapó,' yalepó.

17 Ti fo depa, kale topo whiné duraalu, 'Yalo kutó diratere whi wisi-ó, naao ai ere ala mo wisirapó. Ti noatepae, yalo mo sawatamo melale ęla naao mo wisiyóló kaae tawirapa, naasetamo be huluakélé naaotóró teteróló kaae tawaasepe,' yalepó.

18 Kale dere kaae whi me wóló duraalu, 'Doa whi-ó, naaota ępaae *moni* betą melaleteti, yalo mepaae kutó dité fóló, naao melale *moni* tómó beleróló aporó sóró muló beterapó,' yalepó.

19 Ti fo depa, ama topo whiné tokó mótu duraalu, 'Aporó be hularape naao teteróló kaae tawaasepóló, yalo yą sóró beteratapó,' yalepó.

20 Téró kale dere kaae, ama kutó dirale whi me wóló duraalu, 'Doa whi-ó, naao kale melale *monita*, yalo me kutókélé dini, kuti kwiané bopeyóló mulaleteti, i sóró wale ape. 21 Ti noatepae, yata mo kekepai whi bitu, mené ęlatei naao sóo, me whiné biliyale ęla naao bukóló, kwiapaae yą sóo dua dapó. Atétere ala yalo tuęruraalu, ę witepa naao yae yale ala inipó,' yalepó.

22 Ti fo depa ama topo whiné ępaae duraalu, 'Yata, kutó diratere whi dowipó. Yatamo fo tokóló yą sóo deraaitere ala ti naao dere fonétei yą ai sóo deretere ape.

23 Ti naao atei kaae kisipa mulutei, ę fesaae wouraalu hųróló sópóló *moni* mulatere tikipaae mulale fole noatepa yaleé?' yalepó.

24 Téró, kale topo whiné aimó daae mole whirapepaae duraalu, 'Ama ai tare *moni* fasóló naase tamo *moni* tare whipaae melae,' yalepó.

25 Ai fo depa, atimané kale topo whipaae duraalu, 'Doa whi-ó, ai whita naase tamo *moni* taketi sóró tarapó,' yalepó.

26 Ti fo depa ama duraalu, 'Yalo diępaae i dere ape. Mepaae ęla ęla hųróló mole whipaae ti mo dekéro beleróló melaalo ai ape. Téyaalotei, mepaae whi de ęla ęla sawa téti mupa, ti ai ęla fasó saalo ai ape. 27 Téyaalotei, mepaae yalo teteróló kaae tare aqmó betere hųróló bóe dele whirapeta, ipaae dapesó wóló, mo ti sinópóló dae,' " yalepó.

Yesu Jerusalem be huluapaae doasi topo whi aqyóló sókó wapa hale sóró horale fo (Mat 21:1-11, Mak 11:1-11, Jon 12:12-19)

28 Téró Yesuné i fo yóló kemetepa, atima Jerusalem be huluapaae furaalu, ama ęlisó felepó. 29 Atéro, ą Betpas beró Betani betamopaae sókó faai fu betalepó. Ai be hulua tamo felekemó *Olip* dupó du betere tiki erapó. 30 Aimó ama yó matere whi tamo dotonaaai atimaamopaae duraalu, "U bepaae diaamopi fae. Ai bemó sókó fóló kelenalemó, whikélé betóló kunire teó *donki* hupu duló betaalopó. Téyaalopa, ai hupu taayóló ipaae dapesó ape. 31 Atéro taanalemótamo, whi mené diaamopaae woseturaalu, 'Ai neyaaai de?' depa, ti i fo yae. 'Momó dapesó waaitei, Talené ama diyaaire kutó mupa sóró ape yale tikimó sóró fulapó yae,' " yalepó.

32 Atéro dotonatepa fóló kelalemó, atimaamopaae yale fotórómo epa kelalepó. 33 Atépa, atimaamo kale *donki* hupu halika teraatu betalemó, hupu talerape wóló atimaamopaae woseturaalu, "Ai hupu teraatu betere-a noayaaai de?" yalepó.

34 Ti fo depa atimaamoné duraalu, "Ita Talené ama diyaaire kutó mupa, seręle fae yale tikimó sóró fulapó," yalepó.

³⁵ Atéró, Yesu beterepaae dapesó wóló daaló bitu, atimaamoné deró betere f̄loi kutirape sorokóló, Yesu ̄ hupuné sisó tómó beterópóló, whamenalepó. ³⁶ Atéró ̄ ai hupu tómó betóló wapa, so wh̄i folosóró furaalu, atimané deró betere kutirape sorokóló tumó whamenaté felepó.

³⁷ Atéró, ̄ Jerusalem be huluapaae felekemó sókó faairaaalu, *Olip* du sokore āpaae doropole tumó sókó derepelepó. Aimó, ama yó matere so wh̄i mo feané Kótóné kae kae kelemei alarape eratepa kelaletéiné atima h̄kesené sukuturaalu, fo fakeyóló Kótóné doi hale sóró horaai kaae salepó.

³⁸ “Mió Talené doimó wale doasi topo wh̄i wisi-ó, Kótóné ȳ wisirópóló yae!”
“Kótóné hepen be tūmó mole hosaa muni deyóló dua betere ala so wh̄i feapaae erópóló yae.

Téturaalu, mo taoró betere Kótóné kae mole doasi doi hale sóró horae!” deté fu betalepó.

³⁹ Tétépa, ai so wh̄i kuamó betó mole Farisi wh̄irapené Yesupaae duraalu, “Naao yó matere wh̄irapepaae taalae yóló, foné sae,” yalepó.

⁴⁰ Ti fo depa ama atimapaee duraalu, “Ȳalo dīpaae mo i dere ape. Atimatamo fo ini dua betepa, ti tumó ai daae mole kaporapenétei doasi fo fake yaalo ai ape,” yalepó.

⁴¹ Atéró, Yesu ̄ Jerusalem be huluapaae felekemó sókó faai fu bitu, ai doasi be hulua tūpaae kese deralemó, mo k̄lei ala epa, ̄ doasi wole yalepó. ⁴² Atéró woleyóló duraalu, “Hosaa muni deyóló dua betaaire ala mió i be demótóró dīa beterepaae walapóló, kisipa ūsóró ti mo wisi ūpó. T̄eū̄tei, ai ala yaaire be dē kemeyaletéiné mió diaā kelené kelaqsóró, kinó beterapó. ⁴³ Téretei, nalo me be demó kale b̄oe wh̄irape atima naao bepaae dorowaairaalu, be bopéro betere tipimó hae k̄ayóló mulaté holóló, naao be bopéro betaalopó. ⁴⁴ Atére tómó atima daane holóló, dīkélé diaā naale senaalekélé tao sóró haemó hairaalo ai ape. Kane fake me tómó beleretei, atéró mulópóló taalaalomeipó. Ti noatepae,

Tale Kótóné dīa tao saai wale be dē diaā kisipani, h̄raleteinépó,” yalepó.

Momatere bemó ̄la dupu du betepa Yesuné h̄konale fo

(Mat 21:12-17, Mak 11:15-19, Jon 2:13-22)

⁴⁵ Téró, ̄ momatere be bolaare tipi tūpaae sókó holalemó, wh̄irapené ̄la ̄la dotonóló dupu du betepa f̄póló dóló h̄konalepó. ⁴⁶ Atéró, ama atimapaee duraalu, “Ȳalo beta, moma maaté yaai t̄enapóló as̄emó epatei, diaā ai du betere alané ̄lémi wh̄i betere be ārótu beterapó,” yalepó.

⁴⁷ Atéró momatere bemó, betere doko fea ama fo yó maleta du betalepó. Tétu betepatei, so wh̄imó momaratere topo wh̄irapekélé, Moses-né as̄ere fo yó matere wh̄irapekélé, so wh̄i kaae tare mepaae wh̄i disirapekélé, fea touyóló, Yesu daaire t̄u kekitu betalepó. ⁴⁸ Téyaletéi, atimané ̄ daaire t̄u me kilinipó. Ti noatepae, yó matere fo so wh̄iné wosóló, hosaamó su betaletéiné ̄ daaire t̄ukélé kilinipó.

20

Yesupaae ȳa topo wh̄i né sóró beteraleé yóló wosale fo

(Mat 21:23-37, Mak 11:27-33)

¹ Téró, me sukamó Yesu ̄ momatere be tūmó Kótóné ala etérópóló so wh̄i feapaae yó matere alaró, kale mió wosetere fo wisitamo yó mótu betalepó. Tétu betepa, mo so wh̄imó momaratere wh̄irapekélé, Moses-né as̄ere fo yó matere wh̄irapekélé, mepaae wh̄i disirapekélé, fea touyóló ̄ beterepaae walepó. ² Atéró wóló ̄paae duraalu, “Naao ai alarape ȳpóló, ȳ né sóró beteraleé?” yalepó.

³ Ti fo depa, ama atimapaee duraalu, “Ȳalokélé dīpaae wosetere fo bet̄a i dapa, ̄paae tok̄ ̄lae. ⁴ Jon-né w̄ei t̄opuratere ala ó hepen bemó yae depa yalepé, mo wh̄iné yae depa yaleé?” yalepó.

⁵ Ai fo deremó, wh̄irape atimasisitei fo k̄laaróló duraalu, “D̄anétamo, hepen bemó yae depa yalepó depa, ti d̄apaae ama dere fo wosóló kisipa tiki tiratere noatepa deé enérapó. ⁶ T̄epatei d̄ané duraalu, mo

whjné yae depa yalepó depa, ti doai wóló betó mole so whjné kapo duné dā siróló daalopó. Ti noatepae, Jonta so whjpaee yó matere Kótóné kóló whj betaletai feané kisiparapó,” yalepó.

⁷ Atétepa, atimané aḡpaae duraalu, “Jon-né wēi tópuratere ala aḡpaae né yae depa yaleró, dā kisipanipó,” yalepó.

⁸ Ai fo depa Yesuné duraalu, “Diaaḡ yaḡo wosale fo tokḡ menitepa, ti diḡné eḡpaae wosale fokélé tokḡ melaalo meipó,” yalepó.

Whj betḡné ama kutó kaae tanḡpóló sóró beteratere alapaae dó faróló yale fo (Mat 21:33-46, Mak 12:1-12)

⁹ Téró Yesuné so whjpaee ai fo deté fóló, me i fo salekélé yalepó. “Whj betḡné ama kutó diyóló *wain* képi wae biliyalepó. Atéró, ai kutó mepaae whjrapené kaae taru, ḡlumétere ḡla sóró dotonótu betae yóló, a fḡlo sukamó me be huluapaae bitj felepó. ¹⁰ Kale ḡla ḡlumétepa sere alimó, kale kutó talené ama kutó diratere whjkó betḡpaae duraalu, ya kutó kaae tare whj beterepaae mepaae ḡlumére ḡlakó serḡle fae yóló dotḡyalepó. Téyaletai, kutó kaae tare whjrapené a du beteró, ḡḡle fḡpóló dotḡyalepó. ¹¹ Téró, kale dere kaae ama kutó diratere whj me dotḡyalepó. Téyaletai, ai whjkélé atimané dóló susupuróló, haletamo ḡḡle fḡpóló dotḡyalepó. ¹² Atéró, kale dere kaae sore dakoróló whj memo dotḡyalepó. Téyaletai, ai whjkélé atimané du beteró samea sókó faróló, belapaae sóró taae deralepó.

¹³ Téró, kale *wain* képi kutó talené duraalu, ‘Mió yaḡo noa alakó yaaloé? Yaḡo yaala sókó fóló hosaa turó mole naale betḡ atima beterepaae dotonatepa, atimané a mo wisiyóló dape sóró, ama dere fo wosaalopóló kisipatu, dotḡyalepó,’ yalepó.

¹⁴ Téyaletai, kale kutó diratere whjrapené a wale kolóló, atimasisitei fo dokóló duraalu, ‘Aita, i kutó talené ama naalepó. Alima sinitapa, i kutó mepaae mómu ḡla ḡlatamo fea ama saḡsóró, dā saairḡalu, a daalopa siépe,’ yalepó. ¹⁵ Atéró, atimané a kale *wain* képi kutó tuḡmó sóró belapaae taae deróló mo ti dalepó. Atétepa, kutó tale wóló

atimapaae noa alakó eraaloé? ¹⁶ Kale kutó diratere whjrape mo ti dóló sukunóló, ai kutó mepaae whjrapené kaae tawḡpóló melaalopó,” yalepó.

Tétepa, aimó betó mole mo so whj feané ai dere fo wosóló duraalu, “Aita enénire alatei dapó,” yalepó.

¹⁷ Téró, Yesuné kelené kiké yóló kaae taru atimapaae woseturaalu, “Kótóné fo tuḡmó,

‘Mepaae be tḡtere whjrapené taae far-ale kane faketei, sóró be hulua eleké wisinaale botokoróló deyaalo ai ape,’ yóló aḡmó ere fo-a, noa betené yaleé?

¹⁸ Téyaalotei, mepaae so whj de ai kapo fake tómó kotóo sóró dée nukupa, ti ama tiki turukó fóló doalé maaté yaalo ai ape. Téyaalotei, ai kale kapo dokḡ dorowouraalu tḡiya dere so whjta, mo ti derakḡ fóló muaalo ai ape,” yalepó.

¹⁹ Tétepa, Moses-né aḡere fo yó matere whjrapéro mo so whjmó momaratere topo whjrapetamoné ama ai yale fo saleta, atimapaetóro dapóló aimótóro tawóló daai yaletai, ai touró betere so whjné atimapaae me ala eraḡsóró, witepa taaralepó.

Sisapaae takis moni melaróe yóló wosale fo

(Mat 22:15-22, Mak 12:13-17)

²⁰ Atétepa, atimané Yesuné me alakó ḡsókó fóló déro kelaai, mepaae whjrape mo ala dere whj aḡyóló kikitai kaae tawóló beterḡpóló, mepaae whjrape dotḡyalepó. Aita ḡḡle mei, a ḡsókó fóló, ama i fo mo depa wosalepóló, Rom *Gavman* topo whjné naase tuḡmó mulale faai kisipa mutu yalepó. ²¹ Atétepa, kale whjrapené aḡpaae woseturaalu, “Yó matere whj-ó, naao dere foró so whjpaee yó matere alata mota, mo dono dapó. Naao fake so whj maaté taosuraalu, mo so whj sisḡpaae erótumipó. Naaota, Kótóné tuḡ mole alatóro mo dono yó mótu betereitei dḡné kisiparapó. ²² Ti dḡné *takis moni* Sisapaae materetei-a, donorépe meié?” yalepó.

²³⁻²⁴ Atimané a só deraai dere ala ama kolóló, atimapaae duraalu, “Ai *denarias moni* yaḡo kelaalopa eḡpaae yó ḡlae yóló

matepa tao sóró duraalu, *moni* tó mó i mole asoró doitamo-a né?,” yalepó.

²⁵ Ti fo depa, atimané duraalu, “Sisanépó,” yalepó. Tétepa ama duraalu, “Sisané ɔlapa, ti Sisapaae melae. Kótóné ɔla ti Kótópaae melae,” yalepó.

²⁶ Atéró, Yesu so whi feané keletómó me alakó haşókó fuléro kelaai su saletei, a haşókókélé feni, ama atimapaae fesaayóló dere fomó, atima hokomó sókó furaalu fokélé tekini, siratei du betalepó.

Sinale whi kepaayóló so dokaaloé yóló wosale fo

(Mat 22:23-33, Mak 12:18-27)

²⁷ Mepaae sukale so whi kepaayaalo meipó, du betere Sadyusi fakekó mepaae whirapetamo Yesupaae wosetere fo yaai walepó. ²⁸ Atéró duraalu, “Yó matere whi-ó, whi betá so dokaletai, naale senaalekélé deni hałe sinitepa, noma me whiné ai so wulia dokóló naale detepa, ti ai naale noma sukale whi betale sirimó beterópóló yae fo Moses-né ašemó dápaae erapó,” yalepó. ²⁹ “Take weikeró nomarape beterepó. Atéró bitu, topo whi so dokaletai, ai sotamo naale deni, a hałe sinalepó. ³⁰ Atéró sukutepa, kale so wulia noma me whinémo dokalemó, ai whikélé naale deni, hałe sukalepó. ³¹⁻³² Nomarape fea até deté fóló, nalo mo kemerótu noma awa taalu whiné dokaletai, akélé hałe sukalepó. Atéró mo ti kemeróturaalu, kale sokélé sukalepó. ³³ Atéró, weikeró whirapené dokale so take kepaayóló wale sukamó, mé whiné dokaaloé?” yalepó.

³⁴ Ti fo depa Yesuné atimapaae duraalu, “Mió i alimó bitu, whi so dokóo, so whitamó fóo, du beterapó. ³⁵ Tétu betepatei, sukale so whi momó kepaayóló betaaire alimó atéró whi so dokotere alakélé, so whitamó beteratere alakélé, sinitere alakélé ini, hepen bemó betere *ensel* kaae betaalo ai ape. ³⁶ Téturaalu, atima kepaaró betere naale senaale ereteiné Kótóné ama naale senaaletóro betaalopó. ³⁷ Ni sesaapemó duku betere si mi dolomó yale fo Moses-né aserapó. Ata, Abraham, Aisak, Jekop-sépi fea tetéroló kaae tare Kótó beterapó. Atére foné sukale so whi aluni, kepaayóló beterapóló, haķeamó yó

matapó. ³⁸ Ti ata, sukale so whi maaté tetéroló kaae tanitei, mo betere so whikélé tetéroló kaae tare Kótó beterapó. Ti noatepae, sukale so whikélé, betere so whikélé, fea amatóro beteró beterapó,” yalepó.

³⁹ Moses-né asere fo yó matere whirape mepaaené apaae tokó mótu duraalu, “Yó matere whi-ó! naao dere fota, mo dono dapó,” yalepó. ⁴⁰ Téyaletei, ama ai yale foné atima haleturaalu, whi betanékelé apaae me wosetere fo inipó.

So whi tetéroló kaae tare whi-a né naaleé yale fo

(Mat 22:41-46, Mak 12:35-37)

⁴¹ Téró, Yesuné atimapaae duraalu, “Kótóné so whi tetéroló kaae tare whi Kerisota, Depit-né naalepó du betere-a noa fo betené de?

⁴²⁻⁴³ Ti ai fo bete Depit-né amatei, haķearóló *buk* Sam-mó aseýóló muló beterapó.

“Talené e tetéroló kaae tare Talepaae duraalu, “Yało naao bóe whirape tétei aleróló, naao hó aomó beteraalopa, kaae tawóló yało turu naase demó betae,” erapó.

⁴⁴ Ti Depit-né a tetéroló kaae tare Tale-ó du betaleteimo, ama naalepó, fo neteró yaleé?” yalepó.

⁴⁵ Téró, aimó betó mole so whi feané ama yó mótu betere fo wosetu betepatei, Yesu a ama yó matere whirape daalepaae fetée fóló duraalu, “Moses-né asere fo yó matere whirapené dere alané diá do-raşóró mo wisiyóló kaae tawae. ⁴⁶ Ti atimata, so whi feané doasi whi-ó yóló, dukiratere kokómó so whi fea touraleta dere tikipaae faairaalu, mo fɔloi kuti wisimaaté deróló fua yóo, Kótóné fo wosetere be dolopaae fukélé, mo wisi tikimótóro betaai heķese dua yóo, ɔla detere sukamókélé, topo whirape bitua betere tikimó, betaai ekęle yóo, dua dapó. ⁴⁷ Téturaalu, kale wulia sorapekélé dilikóló atimané ɔla ɔla fea ɔlémi sóo, moma duraalukélé, so whiné dukiratere kokómó fɔlo sɔyóló yóo, dua dapó. Take kemetere sukamó atétere whirapené saaire kwiata,

mepaae so wh̄iné saaire sek̄e bosenóló, mo doasi saalo ai ape,” yalepó.

21

Wulia soné moni ke der̄le wale fo (Mak 12:41-44)

¹ Téro Yesu ą momatere bemó bitu kaae taremó, mepaae néli wh̄iné Kótópaae h̄ale matere *moni* deratere dolopaae dekéró der̄leta du betalepó. ² Atétepa kelalemó, bet̄a yoleale wulia sonékélé sonaai *moni* ke belek̄amale tamo der̄le walepó. ³ Atétepa ama duraalu, “Ȳalo dīpaae mo i dere ape. I yolealere wulia soné derale *moni* kené so wh̄i feané derale *moni* taaróló, mo bosene falapó. ⁴ Ti noatepae, so wh̄i feanéta doakale *moni* mupatei, téti maaté der̄leta yalepó. Téyaletei i wulia sonéta, ama depe dolo sesé mole *moni* ketei, mo ti kemeróló der̄le walepó,” yalepó.

S̄ró haetamo kemeyaa i deremó eratere fareyópu (Mat 24:1-35, Mak 13:1-31)

⁵ Téro, mepaae ama yó matere wh̄irape atima furaalu, “Mepaae so wh̄iné Kótópaae h̄ale matere ɔla ɔlaró kapo fake wisitamóné momatere be wisinaale t̄eyale tikimó kok̄oné sininó beterepa kelae,” yalepó. ⁶ Tétepa, Yesuné atimapaee duraalu, “Diaaɔ mió i keletere ɔla ɔla feata, take waaire sukamó me kapotamo atéro wolekepa kelaalomeitei, fea fisikó fóló, haemó kolokó doropóló mupa kelaalo ai ape,” yalepó.

⁷ Ti fo depa atimané ąpaae woseturaalu, “Yó matere wh̄i-ó, ai alarape-a noa sukamó yaaloé? Noa kaae fareyópu eratepa, kolóló kisipa muaaloé?” yalepó.

⁸ Ai fo depa Yesuné duraalu, “Mepaae wh̄iné kapala fo yóló dī dilikaɔsóró, mo hotowa yóló kaae tawae. Ti noatepae, mepaae dilikitere wh̄irape wouraalu ȳalo doi yóló, ‘Kale waalopó du betere wh̄i ętórótípó. Ali mió felekemó walapó,’ depa mo nisiyóló sya faɔse. ⁹ Doasi bóe dele alaró mepaae wh̄irape atimané hae tiki atimatei t̄eteróló kaae tawaairaaalu, *Gavman* wh̄itamó bóe du beterepó dere fo

wosóló wiyaɔse. Ti noatepae, folosóró ai alarape mo yaalotei, kemeyaaire ali folo sókó waalomeipó,” yalepó.

¹⁰ Téro atimapaee duraalu, “Me hae kwiamó betó mole so wh̄iró me hae kwiamó betó mole so wh̄itamó bóe dóo, me hae kwia t̄eteróló kaae tare topo wh̄iraperó me hae kwia t̄eteróló kaae tare topo wh̄irapetamo bóe dóo, yaalo ai ape. ¹¹ Atéturaalu, hae kwia feamó doakale bao dere alakélé, doasi sek̄e alakélé, wotetere aliró hepo alitamokélé waalopó. Téturaalu, so wh̄i mo doa winé sinóló diri furu furu yaaire alaró me ala yaairemó dere fareyóputamo samó eratepa, diaaɔ kelaalopó.

¹² Ai alarape yaaiteti folosóró, mepaae wh̄iné dī dóló susupuróló, fo wosetere berapepaae dapesó fóló, *dipula* beteraalo ai ape. Atéro, dī doasi topo wh̄iraperó *Gavman* wh̄irapetamo beterepaae dapesó faalopó. Dī ȳalo ala erótu beteremó bóe duraalu ai alarape yaalopó. ¹³ Atétere alané ȳalo yó melale alarape atimané keletómó yó melópóló, dī t̄e ai mulatere ape. ¹⁴ Atimané dī só deraairaalu, fotok̄iné depa dī noa fo yaaloé, yóló whaalia yaɔse. ¹⁵ Ti noatepae, ai ala deretamo ȳalo dīpaae kisipa tiki dotoróę fole alaró atimané dere fo tokó melaaire fotamo yó melaalo ai ape. Dīané ai fo depa woseturaalu, dī só deraaitere wh̄irape folópu kolokó fóló, mo bet̄a wh̄inékelé me tokó matere alakélé yaalomeipó. ¹⁶ Diaaɔ hae aya ó norape ó fake wh̄irape ó fulumu wh̄irapénékelé, dī dópóló eleké deyaalo ai ape. Téturaalu, dī mepaae wh̄irape atimané mo ti dóló sukunaalopó. ¹⁷ Atétu, so wh̄i mo feané dītamó bóe dóló, dī h̄óraalo ai ape. Ti atétere alata, atimané ę h̄órótu dīkélé ai h̄oratere ape. ¹⁸ Téyaalotei, diaaɔ topo niki mo bet̄akókélé aluyaalo meipó. ¹⁹ Dī mo ti betaaire bete saairaalu, mo diriyóló betae.

²⁰ Diaaɔ keler̄lemó, Jerusalem be hulua bóe wh̄irapéné bopéro betepa kilituraalu, kale be hulua mió mo felekemó dóló wópu mullaai dapóló, kisipa muae. ²¹ Atétere sukamó, Judia hae kwiamó betó mole so wh̄i dī ti du sorokó molepaae botokó fóo,

mepaae doasi be hulua tuʔmó betó mole so wh̄i diʔ ai be hulua taaróló f́oo, mepaae ai hae kwiamó betóló fale so wh̄ikélé ai doasi be hulua tuʔpaae faqsóro yae. ²² Ti atétere alimó yaaire alata h̄ale meipó. I haemó betóló fale so wh̄iné yale alamó Kótóné kwia móturaalu, doasi sek̄ei ala eraalopóló, asemó ere fo dokonóturaalu, mo eraalo ape. ²³ Ti aita, Kótóné i hae kwia feamó betó mole so wh̄itamo doasi fopaae buturaalu, só ai deratere ape. Atétere be d̄emó mepaae naale ere soraperó, naale teó aw̄a nuku betere sorapetamo bet̄a k̄oleó, mo doasi sek̄ei ala saalo ai ape. ²⁴ Téturaalu, atima mepaae ti b́oe dele sep-akené dóló kemeróo, mepaae so wh̄i ti hae kwia feapaae *dipula* sóro dapo dapo yóo, yaalopó. Tétu, Jerusalem be mo ti doróló torokó faróló, Juda meire fake atimané t̄eteróló kaae taté fóló, Kótóné d̄ale muló betere kwiamó sókó fupa, ti kemeyaalo ai ape.

²⁵ Atéturaalu, s̄amó daale sukanékélé, h̄q̄rerapénékélé, wéliénékélé, kae kae alarape depa kolóo, doasi w̄ei k̄ela whaa u yóló holóo yaalopó. Atétere ala i hae kwia feamó betó mole so wh̄iné kilitu, noa ala du derópóló hosaa w̄ei w̄ei yóló wiyaalopó. ²⁶ I hae kwia feamó betó mole so wh̄iné ó s̄a wore duraalu, h̄q̄rerape torokó dorowale kilitu, i haemó noa ala du derópóló, doasi winé suk̄alopó. Tétu, diri furu furu yóló be fesaaetamo du dere kaae yaalo ai ape. ²⁷ Ai alarape yóló kemetepa, kale Wh̄iné Naalema ó s̄ako dolomó doasi bole fotok̄oro mo kae ere d̄e wisinaaletamo h̄akeamó wapa kelaalopó. ²⁸ Ai alarape kaae sóro depa kilitu, aluyaqsóro Kótóné ama dupure so wh̄i mo felekemó dapesene walapóló kisipa mutu, h̄aj̄tamo turukó holóló daae muae.

²⁹ Atéró, ama atimapaee i fo sale yalepó. Ti daale ni noseró mepaae nirapeta-moné ere ala diaaʔ kolóló kisipa muae? ³⁰ Nirape sóku fóló, tok̄o momó beletepa kilituraalu, kale ba fo ali mió mo felekemó ai sókó wale ape dua dapó. ³¹ Atei alarape kaae depa diaaʔ kilitu, Kótóné t̄eteróló kaae tare ala mió mo felekemó walapóló

kisipa muae.

³² Yaalo diaʔpaae mo i dere ape. Mió i alimó betó mole so wh̄i sukuni h̄ale betepatei, i alarape folosóro yaalo ai ape. ³³ S̄aró i haetamo kemeyaalotei, yaalo fo bet̄a mo kemekélé ini, h̄ale muó tawaalopó.

³⁴ Diʔ w̄ei nóló topo dotere alané diaaʔ tiki ó naao dere ala h̄ale ʔla kaae taae fatereteikélé, ó i haemó whaaliatu betere alakélé, diʔné hosaa tuʔmó sek̄ené sinitere alakélé du betepa, i be d̄e sókó wouraalu ya hemó duku dere kaae yaqsóro, mo hotowaró kaae tawae. ³⁵ Ti noatepae, ai yaaire alarapeta, i hae kwiamó betó mole so wh̄i mo feapaae waalo ai ape. ³⁶ Kale Wh̄iné Naalema betere tikimó diʔkélé betaalopó. T́eyaalopa, ai alarapéné diʔ só deraqsóro, betere dok̄o fea hotowayóló kaae taru, momatere ala yó tawae,” yalepó.

³⁷ Atéró, Yesu ʔ suka fea ai momatere bemó Talené ala etérapóló yó melóló, be kuluka deretamo ʔ *Olip* du sorokó molepaae fini fi wuatu betalepó. ³⁸ Atei ala du betepa, so wh̄i fea mo h̄ikatitei turukó holóló Yesuné momatere bemó yó mótu betere fo wosaai wua yalepó.

22

Judas-né Yesu eleké deale fo

(*Mat 26:1-5,14-16, Mak 14:1-2,10-11, Jon 11:45-53*)

¹ Kale bosene fele be d̄e kisipa mutu, fopei *bred* o deyóló nokole be d̄e felekemó sókó waai depa et́eyalepó. ² So wh̄imó momaratere topo wh̄iraperó Moses-né as̄ere fo yó matere wh̄irapetamo so wh̄iné kapo duné siróló daqsóro wituraalu, Yesu kikititi daaire t̄u kekitu betalepó. ³ T́eró, atima 12 yó matere wh̄irapekó bet̄a wh̄iné doi Judas Iskariot tuʔpaae dowi Satan bit̄i walepó. ⁴ T́etepa kale Judas ʔ fóló, mo so wh̄imó momaratere topo wh̄iraperó momatere be kaae tare diki tare wh̄irapéné topo wh̄irapetamo betó molepaae felepó. T́eró Yesu d̄ópóló netéró eleké deyaaloé? yóló, fo dokaai felepó.

⁵ Atéró, fo dokóló kemetepa, hekesse duraalu *moni*-né a dupuyaalopó, yóló mulalepó. ⁶ Atéró, Judas-né wisirapó depa, so whi touróló bitinitere sukamó Yesu dópóló naase tuapaae mulaaire tu kekitu betalepó.

Yesu ama yó matere whirapetamo siki bemó bitu ɔla nale fo

(Mat 26:17-30, Mak 14:12-26, Jon 13:21-30, 1Korin 11:23-25)

⁷ Kale bosene fele be de kisipa mutu, fopei *bred* o deyóló nokole be demó betá *sipsip* hupu male dóló, Talepaae simó sukulaa daróló melaaire be de sókó walepó. ⁸ Téró, Yesuné Pitaro Jon-tamo dotonaai duraalu, “Diaamo fóló, kale bosene fele be demó deyóló naaire ɔlakó taleyóló mulaai fae,” yalepó.

⁹ Ti fo depa atimaamoné apaae wose-turaalu, “Naao kisipané ai ɔla-a, damoné momó taleyóló mulópóló de?” yalepó.

¹⁰ Ai fo depa ama duraalu, “Diaamo ai be hulua tuamó sókó felemó, whi betá wehi wuti beleyóló tumó diaamotamo hokolaa yaalo ai ape. Téyaalopa a sya fóló, fole be dolopaae diaamokélé buó deya. ¹¹ Téró, ai be talepaae etei fo yae. Yó matere whiné yapaae duraalu, “Yalo yó matere whirapetamo bosene fele be demó, ɔla deyóló naaire be kekó momó donoróló muló betere?” yóló, wosae yalepó,” yalepó. ¹² Aténalemó, ama diaamopaae óté taoró doasi be ke yó melaalo ai ape. Ai be ke dolomó betaaire ni fake ó mepaae ɔla ɔlakélé fea sumó donoróló muló betepa kelaalo ai ape.

¹³ Atétepa atimaamo fóló kelalemó, Yesuné yale fo motóró epa kelalepó. Atéró bituraalu, kale bosene fele be demó atimané deyóló naaire ɔla aimó donoróló mulalepó.

¹⁴ Atéró, kale ɔla naaire suka kele sókó wapa, Yesuné yale fotóró mo epa kelalepó. Atéró *aposel* whirapetamo ɔla nokole ni fake tómó boperó bitu ɔla nuku beterepó.

¹⁵ Atéru, ama atimapaee duraalu, “E doasi seke saaire ala feleke depa, kale bosene fele be demó detere ɔla da betámó nokoletéiné e mo doasi hekesse dapó. ¹⁶ Ti yalo diapaae i dere ape. I bosene fele be demó

detere ɔla e néli hale bitiré fóló, Kótóné tetteróló kaae tare aomó mió i ɔla detere ala bete dokonatepa, ti momó naalo ai ape,” yalepó.

¹⁷ Atéró, Yesuné *kap* wuti sóró taru, Tale Kótópaae mo kée yalepó. Atéró mótu, Yesuné atimapaee duraalu, “I matere wehi tao sóró, di a fea nósu deté fóló, kemerae. ¹⁸ Ti yalo diapaae mo i dere ape. Mió i nokole *wain* képi wehi momó kaae néli hale bitiré fóló, Tale Kótóné tetteróló kaae tare ala sókó wale sukamó momó naalopó,” yalepó.

¹⁹ Téró, ama *bred* o bula tao sóró Kótópaae mo kée yóló, terekée daalu yóló anirótu duraalu, “Ita, yalo tiki diámó i matere ape. Térapa, diané e kisipa muóló nukulé fu betae,” yalepó.

²⁰ Atéró, atima ɔla nóló kemetepa, kale yale kaae wehi wuti tao sóró taru duraalu, “I *wain* wehita, Kótóné ama so whi tao saalopóló, kisi yóló mulale fo diriróturaalu, di a tao saai sunée farale yalo sameapó. ²¹ Téretei, i ni fake tómó etamo betámó ɔla nuku betere whinétei, e dópóló eleké deyaalopó. ²² Téyaalotei, Whiné Naalema i ala yópólópó yóló, Kótóné tukóló muló betere fo mo dokonóturaalu eraalo ai ape. Téyaalotei, Whiné Naalema dópóló eleké deyaaire whi betá mo doasi sekei ala saaireteiné kolerapó,” yalepó. ²³ Ti fo depa, ai ala-a né yaai dée yóló, atimasisitei u wosene i wosene du betalepó.

²⁴ Atéró kale dere kaae, ama yó matere whirape atimasisi doasi topo whi-a, de betaai dée yóló fonétei alale su betalepó. ²⁵ Tétepa Yesuné atimapaee duraalu, “Kale Juda meire fake tetteróló kaae tare topo whirapenemo so whi tetteróló kaae tanópóló, sóró betero betere whirapeta doasi néli whi bitu, so whi fea tao sóró wisi ala erótu betere whirapepó dua dapó. ²⁶ Tépetei, di a atei kaae ala ini, di a tuamótamo doasi topo whi betepa, ti mo keti kaae betóo, di a tetteróló kaae tare topo whi ti kutó diratere whi kaae betóo yae. ²⁷ Ti noatepae, ɔla deyóló nokole sukamó doasi doi mole whirapené noa ala dua de? Ti atima doasi whirape ni

fake tó mó bitu, ɔla maaté nuku beterepé, kutó diratere whi kaae bitu, ɔla biliyóló maleta dua de? Meipó. Ai doasi doi mole whirape atima ai ala dumi, ni fake tó mó bituraalu, ɔla maaté nukua dapó. Té patei, ɛta diɔ feané kutó diratere whi kaae betera pó. ²⁸ Diɔta, ɛpaae sekei ala wou betepatei ɛ taaróló botokó feni, ɛtamo betámó bitiré walepó. ²⁹ So whi tɛteróló kaae tanó póló ya lo Ayané ɛ só ró betero tu yale kaae, ya lokélé diɔ so whi tɛteróló kaae tanó póló, só ró betera tapó. ³⁰ Até dapa, ya lo tɛteróló kaae tare ala tuámó ni fake tó mó bitu, ɔla nóló, wɛi nóló du be taalopó. Atéturaalu, doasi topo whi betere tikimó bitu, 12 Israel fakerapetamo diaaɔ fo tokóló tale yaasepóló, só ró betera tapó.

Pitané yaaire alamó Yesuné yale fo
(Mat 26:31-35, Mak 14:27-31, Jon 13:36-38)

³¹ Saimon, Saimon-ó, ya lo ya paae i dere fo wosae. Mepaae so whiné *whit* ke buléro kelaai fumi sukutu dere kaae, ya tuámó noa alakó muléro kaae kelaairaa lu, Satané ya paae wosene walepó. ³² Té ya letei Saimon-ó, naao kisipa tiki tiró betere ala taaróló haepaae derepa só ró, ya lo ya mó momaralepó. Naao kisipa tiki feteyóló, ya ɛ beterepaae momó wapata, ti naao norape tao só ró fotokɔ bulaasepé,” yalepó.

³³ Té tepa Pitané ɛpaae duraalu, “Tale-ó, ya *dipula* betera tepa ti ɛkélé wusuró betero ó, sukutepakélé ti wusurótó ró sukɔ enérápó,” yalepó.

³⁴ Ai fo depa Yesuné duraalu, “Pita-ó, ya lo ya paae i dere ape. Mió i be demó wa *kakaruk* bané hale yaaipatei, naao ɛ kisi panipó fo sore félimó yaalo ai ape,” yalepó.

³⁵ Téró, Yesuné atimapa ae woseturaalu, “Ya lo diɔ dotonale sukamó *moni* butere be ó hɔleke be ó me ɔlakélé só ró fae ini, ha le fópóló doteyalepó. Té ya letei, diɔ me ɔlakó mei yaleé?” depa atimané duraalu, “Meipó,” yalepó.

³⁶ Ai fo depa, ama atimapa ae duraalu, “Mió diaaɔ *moni* detere be mupa sóo, yokélé sóo yae. Bóe dele sepa kekótamo munipa, ti diaaɔ tó mó deró

betere kuti sokóló, me whitamo dotonóló sepake betákó dupuyae. ³⁷ Ti noatepae, i fo ase yóló muló betera pó. Dowi ala dere whirape dosɔaturaalu, ɔkélé touróló dosɔayalepó. Ya lo diɔpa ae i dere ape. Ai ere fo dokonóturaalu ɛpaae mo eraalopó. Mo dapó. ɛmó kisipa muturaalu, Kótóné kóló whirapené asemó ere forape fea dokonóló ɛpaae motó ró eraalo ai ape,” yalepó.

³⁸ Téró, ama yó matere whirapené ɛpaae duraalu, “Tale-ó, dané bóe dele sepake tamo i tarapa kelere?” depa, ama duraalu, “Ai súpó,” yalepó.

Yesu Olip dumó daalu moma yale fo
(Mat 26:36-46, Mak 14:32-42)

³⁹ Atéro, Yesu ɔ belapaae só kó doropóló ama dua dere kaae, *Olip* du sokorepa ae fupa, ama yó matere whirapekélé, ɔ sya felepó. ⁴⁰ Atéro, aimó só kó fóló, ama atimapa ae duraalu, “Sɔ sere alané diɔ dowi alamó dée nala só ró pa, Talepaae momatu betae,” yalepó. ⁴¹ Atéro, ɔ atima daale tiki sawa taaróló fóló, bu kutiri teyaró bituraalu momayalepó. ⁴² Ama i moma yalepó. “Aya-ó, naao kisi pané ɛpaae i waaire sekei ala wa só ró sesé yaai depa ti té yae. Ya lo kisi pané enére ala yaalomeipa, naao yaai kisipa mole ala betɔ erae,” yalepó. ⁴³ Até tepa, ó hepen bemó betere *ensel* betɔ dorowóló ɔ tao só ró fotokɔ bulalepó. ⁴⁴ Atéro, Yesuné ama hosaa tuámó mo doa sekené sinitapa, Alimapa ae mo fotokɔi moma yalepó. Atéturaalu, ama tikimó fosono doasi fa ke kaae dorowóló, haepaae fu betalepó.

⁴⁵ Atéro momayóló kemetepa, ɔ turukó holóló ama yó matere whirape beterepa ae momó fesaae fóló kelalemó, atima dekené sukuturaalu fotokɔkélé meiyóló, noke foposaa yó molepó. ⁴⁶ Até pa ama atimapa ae duraalu, “Diɔ noatepa, noke foposaa yó mule? Sɔ sere alané diɔ ɔlisó ró fóló, dowi alapaae só dera só ró, turukó holóló Talepaae momatu betae,” yalepó.

Judas-né Yesu bóe whiné naase tuqpaae mulale fo

(Mat 26:47-56, Mak 14:43-50, Jon 18:3-11)

⁴⁷ Ama fo kemeni hãle du betepatei, so whi mo hãle ɔla kaae walepó. Kale yó matepa wosetere 12 whirapekó betã whi Judas-né Yesu kóló tukó naai, ɔ daale felekepaae walepó. ⁴⁸ Téyaletei, Yesuné ɔpaae duraalu, “Judas-ó, kale Whiné Naalema dópóló, eleké deyóló kóló tukó naai wou de?” yalepó.

⁴⁹ Até yaaire ala, Yesuné ama yó matere whirapené kolóló ɔpaae duraalu, “Tale-ó, dãné i tare sepakerapené deyaróe?” yalepó. ⁵⁰ Téró, atimakó betã whiné mo so whimó momaratere doasi topo whiné kutó diratere whiné tururó woséli sãae deralepó.

⁵¹ Tétepa Yesuné duraalu, “Ai ala me momókó yaqse!” yalepó. Atéró, Yesuné kale whiné woséli ama ere kaae eralepó.

⁵² Téró, Yesuné mo so whimó momaratere doasi topo whirapekélé, momatere be kaae tare whirapené topo whirapekélé, whi disirapekélé fea woló, ɔ tawaai boperóló daae molepó. Atépa ama duraalu, “Diaaɔ ɛta, i hae kwia tɛteróló kaae tare doasi topo whirapené kaae tare alarape fasó saai, bóe daai ɔlisóró fole whipóló, sepakeró nópulutamo tao diliki yóló, ɛ tawaai wou de? ⁵³ Take ɛ diatamo momatere be tuamó bitua yaleteti, diaaɔ ɛ daai tanipó. Ténitei, mióta, dilikire alané tɛteróló kaae tapa, diaaɔ yaaitere ala yópóló, tukóló muló betere sukakelemó dapó,” yalepó.

Pitané Yesu tuénipó yale fo

(Mat 26:57-58,69-75, Mak 14:53-54,66-72, Jon 18:12-18,25-27)

⁵⁴ Téró, atimané ɔ tawóló so whimó momaratere topo whiné bepaae dapesó felepó. Atétepa, Pitakélé Yesu sya nalo taaeta deté fu betalepó. ⁵⁵ Téyaletei, ai momatere be bolaare dopóku tuã dolomó si noke yóló, atima fea simó boperóló betó mupa, Pitakélé atimatamo beterepó. ⁵⁶ Atéró ɔ simó beteremó, kutó diratere so seimale betãné kolóló, mo ti kikéyóló kaae

taru duraalu, “I sekɛta, Yesutamo betãmó kwɛale whikópó,” yalepó.

⁵⁷ Ai fo depa Pitané duraalu, “Ti senaale-ó, naao ai bope dere whita ɛ mo tuékélé inipó,” yalepó.

⁵⁸ Atéró sawa beteró, whi me kaené ɔ kolóló duraalu, “Yãkélé atimatamo kwɛale whikóe?” depa, Pitané duraalu, “Ai whita ɛ meipó,” yalepó.

⁵⁹ Atéró, suka kele betã kemetepa kale dere kaae, whi menémo duraalu, “I sekɛta, Yesutamo betãmó kwɛale whikó irurapó. Ti ɔkélé Kaleli whitóró mo hitipó,” yalepó.

⁶⁰ Ti fo depa, Pitané duraalu, “Diaaɔ ai bope dere whita, demó déró ɛ tuénipó,” yalepó. Ai fo deretamotóró wã kakaruk bané hale deremó, ama du betale fo tukó felepó. ⁶¹ Tétepa, Tale ɔ Pita daalepaae fetée wóló, kelené kikéyóló kaae tawalepó. Até deremó, take Talené Pita ɔpaae kakaruk bané hale sore félimó yaaipatei, naao ɛ kisipanipó yaalopó yale fo kisipa muni walepó. ⁶² Atétepa, Pita ɔ belapaae sókó doropóló, mo doa dekené sini wole du betalepó.

Diki tare whirapené Yesu faleyale fo

(Mat 26:67-68, Mak 14:65)

⁶³ Atéró, Yesu botokó faqsóró, kaae tare whirapené ɔ doka doka duraalu faletere forape yóló deleta du betalepó. ⁶⁴ Atéró, ama kelepaa atimané kutiné kinóló dokóló ɔpaae woseturaalu, “Yã né daleé? Yã dale whi dãpaae yó ɔlae,” yalepó. ⁶⁵ Atéró, atimané ɔ faleyóló kae kae dowi forape du betalepó.

Pailat-ró Herot-tamoné Yesutamo fo tekqle fo

(Mat 26:59-66, Mak 14:55-64, Jon 18:19-24)

⁶⁶ Atéró, be teó dɛteretamo fo tokóló tale yópóló beteró betere whi disirapekélé, mo so whimó momaratere doasi topo whirapekélé, Moses-né asɛre fo yó matere whirapekélé, fea betãpaae tourãle walepó. Atéró touró bitu, Yesu fo tokóló taleyópóló tale dere whirape beterepaae dapesó felepó. ⁶⁷ Atéró atimané duraalu, “Yãta, Kótóné so whi tɛteróló kaae tare whi Kerisopata, ti

dapaae yó ɔlae,” yalepó. Ai fo depa, Yesuné duraalu, “Yalo diɔpaae depa diaaɔ ɛpaae kiswa tiki tiraalomeipó. ⁶⁸ Yalo diɔpaae mepaae fo wosenalemókélé, diaaɔ tokó melaalomeipó. ⁶⁹ Téretei, mo miótóro kaae sóro kale Whiné Naalema mo doasi fotokó bole Kótóné turu naase tuamó betaalo ai ape,” yalepó.

⁷⁰ Ai fo depa, atima mó feané ɔpaae woseturaalu, “Ti yata, Kótóné Naalemaé?” depa ama duraalu, “Me kae mei, diaaɔ mo dono ai dere ape,” yalepó.

⁷¹ Ti fo depa, atimané duraalu, “Me kae noa fokómo depa, wosaai de? Fo feata, ama kólómótóro sókó wapa dané ai wosale ape,” yalepó.

23

Yesu Pailat-né keletómó fo tokóló, fili-paa ni tómó olerae yale fo

(Mat 27:1-2,11-26, Mak 15:1-15, Jon 18:28-19:16)

¹ Téró, atima aimó betó mole whi mo fea turukó horóló, Yesu Pailat beterepaae dapesó felepó. ² Atéró, atimané ɔ faleyóló só derótu duraalu, “Ai whinéta, so whi feané Sisapaae *takis moni* melaqsóro sesé yóló, so whi kópaee ɔlisóro fu betera-pó. Tétu, amatei ɔta so whi tetéroló kae tare topo whi Kerisopó du betere alané dané tetéroló kaae tare alarape fea dorótu betera-pó,” yalepó.

³ Atétepa, Pailat-né Yesupaae wosetu-raalu, “Yata, Juda fake so whi tetéroló kaae tare topo whié?” depa, Yesuné duraalu, “Épó. Naaotóro dono ai dere ape,” yalepó.

⁴ Téró, Pailat-né Talepaae momaratere topo whiraperó so whi featamopaae duraalu, “I whi yalo kaae kelalemó, fo tokóló ɔ só deraaire bete mekélé mupa kilinipó,” yalepó.

⁵ Tétepa, atimané fo fakeyóló deteraainé duraalu, “Ai whiné Judia hae kwiamó betó mole so whipaae yó matere fo wosetu, fo tiki whaa deté fu betalepó. Ama Kaleli hae kwiamó kaae sóro yó maté wóló, mió ipaae ai sókó wale ape,” yalepó.

⁶ Ai dere fo wosóló, Pailat-né atimaa-paae woseturaalu, “Aata, Kaleli whié?” yalepó. ⁷ Ai fo depa, atimané duraalu,

“Ai whita, Herot-né tetéroló kaae tare hae kwiamó betera-pó,” yalepó. Atéyale sukamó Herot ɔkélé ai Jerusalem be hluamó betepa, Pailat-né Yesu Herot beterepaae doteyalepó.

⁸ Téró, Yesu atéró sókó wapa kilituraalu, ɔ mo hainé sinalepó. Ti noatepae, ama mepaae kelemei alarape erótu betera-pó deté fole fo woseturaalu, Yesuné kelemei alakó eratepa kelenée yóló, kiswa mutu betaleteiné-pó. ⁹ Atéró, kale Herot-né ɔpaae kae kae forape woseté feletei, Yesuné fo betakélé tokó menipó.

¹⁰ Atétepa, so whimó momaratere doasi topo whiraperó Moses-né asere fo yó matere whirapetamoné ɔ faleyóló só deratere fo du betalepó. ¹¹ Téró, kale Herot-ró ama diki tare whirapetamoné ɔ faleyóló duraalu, wisi wisi kuti deróló Pailat beterepaae momó fesaae fópóló dotonalepó. ¹² Upuléta, kale Herot-ró Pailat-tamo bóe dóló betaletei, mió i ala yale sukamó fulumu whi aleyóló beterepó.

¹³ Atéró, kale Pailat-né so whimó momaratere topo whirapepaaekélé, so whi tetéroló kaae tare topo whirapepaaekélé, so whi feapaaekélé ape yalepó. ¹⁴ Atéró touró betepa, ama atimapaee duraalu, “Diaaɔ i whita, take tetéroló kaae tare doasi topo whirapetamo bóe daai ɔlisóro fole whipóló, ɛ beterepaae dapesó wapa diaaɔ keletómó yalo ɔ tuamó daaló bitu, me hasókó fele alakó muléro kekalemó meipó. ¹⁵ Herot-nékélé taleyalemó, dowi ala mekélé munipa, ama dapaae ai dotonale ape. I whi mo ti sukópóló dele alata, me noa ala itikimó daai de?

¹⁶ Térapa, yalo ɔ fokosó sóro hɔle fópóló doteyaaai dapó,” yalepó. ¹⁷ (-)

¹⁸ Atimané mo betɔ kóló daae fóló fo fakeyóló duraalu, “Ai *dipula* betere whi Barabas da beterepaae wópóló dotonóturaalu, i seké dóló alurae,” yalepó. ¹⁹ Ti noatepae, ai whi Barabas-ta *Gavman* whi betaai dapóló bóe dóló whi dupa, ɔ *dipula* beteralepó.

²⁰ Pailat-né ama kisipanéta, Yesu hɔle fópóló dotonaairaaalu, so whipaae momó yalepó. ²¹ Téyaletei, atimané mo doa fo

fakeyóló duraalu, “A filipaa ni tó mó dóló olerae, a filipaa ni tó mó olerae,” du betalepó.

²² Téró, ama sore dakoróló atimapaae duraalu, “I whiné noa dowi ala yalemó daaloé? I whi daaire bete me munipó. Téreteiné, ya lo a dóló susupuróló, ha le fópóló dotonaai dapó,” yalepó.

²³ Téyaletei, atimané fo fake dekeró yó taru, doasi seyóló duraalu, “A sukópóló filipaare ni tó mó dóló olorae,” yóló, dere foné Pailat-né fokélé só deralepó.

²⁴ Atétepa, Pailat-né kisipanétei taleyóló wisirapa téyae yóló, dotopoi fo du betere so whipaae melalepó. ²⁵ Atéró, ama whi betá dóo, tetéroló kaae tare alamó topo whirapetamo bóe dóo deremó, *dipula* betera le whi ha le fópóló dotonae yalepó. Téró, Yesupaae atimané kisi pa mole ala erópóló, doasi diki tare whirapené naase tuapaae melalepó.

Yesu filipaa ni tó mó olerale fo

(Mat 27:32-44, Mak 15:21-32, Jon 19:17-27)

²⁶ Atéró atimané Yesu duóló só ró fu beta le mó, Sairin be hulua whikó Saimon ipu bemó biti doasi be huluapaae derepaai wou betepa tu tuamó hokolaa yalepó. Atéró a tawóló Yesu oleraaire filipaa ni beleróló, Yesuné sisómó fópóló yalepó. ²⁷ Atétepa, so whi mo feané a sya felepó. Atéró, sorape feané sya fu bitu kolené sinituraalu, mo dekené sukú wole fo deté wou betalepó. ²⁸ Até deté wou betepa, Yesu fetée anóló duraalu, “Jerusalem senaalerape-ó, diaa a e wolekesé, diasisitei wole yóló, diaa a naale senaalekélé wole yae. ²⁹ Ti noatepae, take waaire sukamó diaa a etei fo yaalo ai ape. Mepaae sorape naale senaale deni, ha le ni daale sorapekélé, naale senaale meiyóló ha le betere sorapekélé, naale senaale awa menitere sorapekélé, ha jné sinóló ai betere ape.

³⁰ ‘Ai sekei ala wale sukamó atimané i fo yaalopó. “I daae mole ulupaae dukó dorowóló da tetirae,” yaalopó.

Du sorokó mole hae durapepaaekélé, kaae dorowóló da husurale dere ape yaalopó,’ erapó.

³¹ Ti kisi daale nipaae atei ala depa, ti selitere nipaae noa kaae sekei ala eraalóé?” yalepó.

³² Kale Rom *Gavman*-né yóló muló betere fo tukóló dowi ala yale whi tamokélé atamo betamó dóló oleraai dapesó walepó. ³³ Atéró, atima sókó wale tikiné doita, whiné topo diripó doi mulapó. A sukópóló aimó atimané filipaa ni deyóló oleralepó. Atéró, me whi ama turu naase deró oleróo, me whi ama fe naase deró oleróo, yalepó. ³⁴ Atéró Yesuné duraalu, “Aya-ó, e dele whirapené saaire dowi ala kwia naa ha le kemerae. Ti noatepae, atimané du betere alarape atima wisiyóló kisipanipó,” yalepó. Atéró, atimané ama kuti taleyóló saairaalu i ala yalepó. Ni fakerape tao só ró fesekée horótua yalemó, me whiné doi ó siri moletei sókó dorowapa, ai whinétó ró sua yalepó.

³⁵ Atéró kale so whi fea mo tumó kese a lu yóló daae molepó. Kale tetéroló kaae tare topo whirapené Yesu faletere fo yóló duraalu, “Mepaae whi aluya só ró ama mo wisiyóló tao sua ya letei, atamo Kótóné sókó só ró, betero betere whi Kerisopata, ti amatei a tao sópóló yae,” yalepó.

³⁶ Atéró, kale doasi diki tare whirapekélé, a oleró betere tikipaae wóló daae muluraalu, faletu betalepó. Atéró, atimané amó betá kela wale *finika wain* we i a nae yóló melalepó. ³⁷ Atéró apaae duraalu, “Ya tamo Juda so whiné doasi topo whipata, ti ya sina só ró naaotei tao sae,” eneta du betalepó.

³⁸ Yesuné ama toporó betere mó oleró betere asemó i fo erapó.

ITA, JUDA FAKE SO WHI TETERÓLÓ KAAE TARE DOASI TOPO WHIPÓ.

³⁹ Téró, kale dowi ala du betepa dóló olerale whi tamokó betané a faleyóló duraalu, “Ya Kerisopata, ti naaotei ya taosu damokélé tao sae,” yalepó.

⁴⁰ Téyaletei, me fakeró oleró betere whiné me whi foné só ró duraalu, “Damó sukutereteita, mo damoné yale dowi alamó kwia tokó mótu dereteiné mo donorapó. Téretei i whita, me dowi alakélé meipatei, da fea betá ala yóló sinitapa, ya

Kótópaae winié? ⁴¹ Ti noatepae, dāmotā dāmoné yale alamó i sinitere ape. Téretei i whīta, dowi ala mo betākélé inipatei, hāle dóló oleró betērāpó,” yalepó.

⁴² Téró ama duraalu, “Yesu-ó, yā naao tēteróló kaae tare be tuāpaae furaalu, ē kisipa keterāqse,” yalepó.

⁴³ Ti fo depa, Yesuné āpaae tokó mótu duraalu, “Yālo yāpaae mo i dere ape. Miótitei, yā ētamo mo kokōné sukī be wisinaalemó fóló betaalo ai ape,” yalepó.

Yesu sinale fo

(*Mat 27:45-56, Mak 15:33-41, Jon 19:28-30*)

⁴⁴ Atéró suka tuāmó daapatei, hae kwia fea diki yalepó. Atéró dikipatei bitiré fóló, 3 kilok suka tó daane folepaae kemeyalepó. ⁴⁵ Ti noatepae, sukané dē sukāleteiné, diki yó tawalepó. Talepaae momaraterē be satāleróló oleró betere kuti ama hāletei tuāmótóró teketé doropóló, haepaae sókó deralepó.

⁴⁶ Atétepa, Yesuné fo fakeyóló duraalu, “Aya-ó, yālo kepe bete naao kaae tawasepóló, yā tuāpaae i mulatere ape,” yalepó. Atéró ama ai fo yóló kemetepa, ama fomo sókó fóló ā sukālepó.

⁴⁷ Atétepa, kale diki tare whīrapené topo whīné ai yale ala kolóló, Kótóné doi hale sóró horótu duraalu, “Mo dapó, ita mo whī wisinaale ai sukīrapó,” yalepó.

⁴⁸ Atéró, betāpaae touró betere so whīné kelale alarape atima bepaae momó fesaae furaalu, naao téyae yóló dekené sinité fu betalepó. ⁴⁹ Téyaletei, mepaae ā kisipare whīraperó ātamo Kaleli haemó betāmó betóló wale sorapetamo atima mo tumó daae mulu, ai dere alarape kaae dilikiyóló yó molepó.

Yesu dourale fo

(*Mat 27:57-61, Mak 15:42-47, Jon 19:38-42*)

⁵⁰ Atéró ai Judia hae tuāmó tēne Arimatea be whīkó Josep beterepó. Āta, mo whī wisinaale naameyóló dua betepa, Judia hae kwiamó betó mole so whī hāsókó fupa fo tokóló taleyópóló sóró beteró betere whīpó. ⁵¹ Ai sekēnéta, mo whīné dere alaró mo tikiné dere alatamomó ama

mo wisirapó kisipa mutumipó. Āta, Judia hae kwiamó tēne Arimatea be huluaamó walepó. Téru, ā Kótóné tēteróló kaae tare aqmó mole ala wópóló kaae tawóló beterepó. ⁵² Atéró, kale whī ā Yesuné tiki saaitapóló Pailat-paae wosene felepó. ⁵³ Téró, kale whīné Yesuné tiki tokóló muló bituraalu, mo dēi kutiné bopeyóló whī betākélé munénire kapo dolomó mulalepó. ⁵⁴ Atima sāa naai tukóló muló betere be dē dótóró sókó waai depa, q̄la q̄la donoróló mulatere be dēmó ai alarape yalepó.

⁵⁵ Atéró, mepaae Kaleli hae kwiamó Yesutamo wale sorape Josep-né Yesuné tiki mulaai fupa, neyóló mulatéró ke-laairaalu, atima Josep sya felepó. ⁵⁶ Téró, atimané bepaae fóló kale felé kēlaa wale fetera kaae q̄laró felé kēlaa wale *wel* wēitamo taleyóló munalepó. Téyaletei, kale yóló muló betere fo tikinépa, Talepaae moma yaai dapóló tukóló munale sukamó sāa nóló betalepó.

24

Yesu kepaayóló fele fo

¹ Fula kaae sere be dēmó, mo hīkati kale sorapené felé kēlaa wale q̄larape sisóló whī mulale dou tópaee felepó.

² Atéró atima fóló kelalemó, whī dou tū kinale kane fake biliyó faló beterepó.

³ Atépa, atima kane dolopaae buó deóló kelalemó, Tale Yesuné tiki munipó.

⁴ Atépa, neyālerópóló atima kisipa teketu beterepó, mo kasa kasai kuti deró betere whī tamo atima daae mole uté dēró sókó wóló daalepó. ⁵ Até deremó, kale sorape atima winé sinitu, kelepaa haepaae hemée deyóló betó molepó. Tépa, kale whī tamoné atimāpaae duraalu,

“Sukāle whī douró betere tikimó, betere whīné noatepa keketé kutu bitu de?

⁶ Ti noatepae, ā aimó muni kepaayóló falapó. Take diā Kaleli haemó bitu ama diāpaae yale fo diaaq̄ kisipa munié?

⁷ ‘Whīné Naalema mepaae dowi ala dere whīrapené naase tuāpaae mulaalopó. Atétepa, atimané ā filipaa ni tómó oleróló sukutepa, sore be dēmó ti ā momó kepaayóló betaalopó,’” yalepó. ⁸ Téró,

atimané ama yale fo mopóló kisipa yalepó.

⁹ Atéro, atima whi dou tópaae fi fesaee wóló atimané kelale alarape kale 11-whiraperó mepaae whirapetamopaae yalepó. ¹⁰ Ai sorapeta, Maktala sokó Mariakélé, Joanakélé, Jems-né hama Mariakélé, mepaae sorapekélé, atima fea betó mulu, kelale alarape ama *aposel* whirapepaae yalepó. ¹¹ Téyaletei, kale sorapené yale fo mo dapóló kisipa tirénipó. Ti noatepae, atimané kapala fo detere nisi yalepó. ¹² Téyaletei, Pita a mo hapale sururu yóló fóló, whi dou tómó sókó felepó. Atéro a dou dolopaae fóló kelalemó, ama tiki bopeyóló mulale dei *linen* kuti maaté demó mupa kelalepó. Atépa a momó bepaae fesaee furaalu, i noa ala yalerópóló kisipa tekété fu betalepó.

Emeas bepaae fole tu tuamó yale fo

¹³ Atéyale sukamótóro atimakó whi tamo Emeas bepaae faai tu tuamó fu betalepó. Ai Emeas be taaróló Jerusalem be huluapaae fole daleta, 11 *kilomitapó*. ¹⁴ Atimaamo tumó fu bituraalu, kale yale alarape fea suraté fu beterepó. ¹⁵ Atimaamo até deté fu betepa, Yesu tu tuamó sókó wóló, atima fea betamó fu betalepó. ¹⁶ Até yaletei, atimaamoné Yesupóló kisipa yaqsóro, me qlané atimaamoné kele seraaralepó.

¹⁷ Atéro fu bitu, Yesuné atimaamopaae woseturaalu, “Diaamo ai-a noa fo deté fu bitu de?” yalepó. Ti fo depa, atimaamo fu betaletai, kelepaa humula yóló keiyóló daalepó. ¹⁸ Atimaamo fu betere me whi Kliopas-né apaae duraalu, “I be demó yale alarape so whi feané kisiparapa, yata Jerusalem be huluapaae wale whié?” yalepó.

¹⁹ Ai fo depa ama apaae woseturaalu, “Noa alamó de?” yalepó. Ti fo depa atimaamoné duraalu, “Nasaret be hulua whikó Yesupaae erale alamó dapó. Ti noatepae, ata Kótóné kóló whi bitu, ama dere foró dere alatamo Kótóné kele tómókélé, so whi feané kele tómókélé, mo doasi fotokotamo du betalepó. ²⁰ Atéro so whimó momaraterere

topo whiraperó da tetéroló kaae tare whirapetamoné a sukópóló dae yóló, doasi *Gavman* whirapené naase tuapaae mulalepó. Atétepa, atimané a filipaa ni tómó sinópóló oleralepó. ²¹ Téyaletei, Israel fake so whi dupuróló tao saaire whipóló kisipa mualepó. Ai maaté mei, ai ala yóló betepa be de tamo kemeyóló, soreratere be de ti mió i ape. ²² Ai fotei me ipó. Da betamó kotere sorape sore mo hikati kale whi dou tópaae fóló, mepaae kelale alarape depa wosetu da kilita yalepó. ²³ Kale sorape fóló kelalemó ama tiki munipa, *ensel*-rapené Yesu kepaayóló beterapóló atimapaee yale fo fea dapaae ene walepó. ²⁴ Téro, dané fulumu whirape atimakélé fóló kelalemó, kale sorapené ene wale ala motóro epa kelalepó. Téyaletei, atimané a beta kilinipó,” yalepó.

²⁵ Ama atimapaee duraalu, “Diaamota, take Kótóné ama kóló whirapené deté wale fo wosóló kisipani, keti kaae kisipa tiki okokoru kutiri hapólu ai ererapó. ²⁶ Kótóné so whi tetéroló kaae tanópóló, sóro betero betere whi Keriso a doasi doi muaaire ala tuapaae sókó faairaalu, folosóro ai sekei alarape salepó. Ai alata hasókó faalomei, mo yaalopó ere fo dokonóturaalu yalepó. ²⁷ Mo take Moses-né asere fomó kaae sóro wóló, Kótóné kóló whirape feanékélé asere fo beteta, emótóro erapóló amatei hakearóló yó malepó,” yalepó.

²⁸ Atimaamo fole bepaae felekemó sókó faai, tu aupalomó fu betalepó. Téyaletei Yesu ata, ai be hulua boseneyóló saletópaae faai fole aq yalepó. ²⁹ Atéro a fupatei, kale whi tamoné a keiróló duraalu, “Felekemó be diki yaai dapa, da imó fiyaalopa siépe,” Depa atima fea fiyaa felepó.

³⁰ Atéro, a atimaamotamo qla naairaalu, qla nokole ni fake tómó beterepó. Atéro bitu, ama *bred* o bula beta tao sóro Alima Kótópaae mo kée yóló terekeyóló nópóló sóro malepó. ³¹ Téro, atimaamoné kele seraaretei fisaae furaalu, kale seké airapóló diriyóló kisipa yalepó. Téyaletamó atimaamoné kele qlinameróló

à aluyó deyalepó. ³² Tétepa, atimaamosisitei duraalu, “Dà tuámó wouraalu, ašemó ere fo dàmopaae yó matepa, wosóló hosaamó si kaae dukuraalu mo feléné sukàlepó,” yalepó.

³³ Atétepa, mo ai fapotóro atimaamo Jerusalem be huluapaae momó fesaee felepó. Téyalemó, mepaae 11-*apotel* whìraperó atimatamo betere so whìrapetamo fea betàpaae touró betepa kelalepó. ³⁴ Atéru, atimané kale whì tamopaae duraalu, “Ai mo dapó. Tale kepaayóló furaalu, Saimon beterepaae wapa ama mo kelalepó,” yalepó. ³⁵ Téró, kale whì tamo tų tuámó wou bitu yale alaró *bred* o bula tekeyóló atimaamo matepa, à kisipa yale alatamo atimapaee yalepó.

Yesu à ama yó matere whìrapepaae yó male wale fo

³⁶ Atéroró, ai fo du betepa Yesu atima betó mole tuámó sókó wóló atimapaee duraalu, “Hosaa muni deyóló mo dua betere ala dià tuámó mulópóló yae,” yalepó.

³⁷ Atei fo deremó, atima kisipané kepené dere nisi yóló kilita sókó furaalu, winé sinalepó. ³⁸ Atétepa, ama atimapaee duraalu, “Dià wituraalu kisipa tamo muóló, hosaa noatepa wèitu bitu de? ³⁹ Ètóró mo hìtipa, yàlo naaseró hótamo diaağ kelae. Ti noatepae, kepeta miró diritamó bunipa, è ai ala erémóló olaa yae,” yalepó.

⁴⁰ Ama ai fo yóló kemetepa, atimapaee ama naaseró hótamo yó melalepó.

⁴¹ Téyaleteti, atétere ala kilituraalu, hëkesetere alaró, siratere alatamo atima tuámó mualeteti, àta Yesupóló kisipa tirénipó. Atétepa atimapaee woseturaalu, “Dià imó bitu, naaitere òlakó mule?” yalepó. ⁴²⁻⁴³ Tétepa, atimané simó biliyale ya kwia à matepa tao sóroró, atimané kaae tapa nalepó.

⁴⁴ Atéroró ama atimapaee duraalu, “Moses-né asëre fokélé, Kótóné kóló whìrapené ere fokélé, Sam *bukmókélé*, emótóro kisipa mutu ere fo fea dokonóturaalu mo eraalopóló è diàtamo betámó bitu ai yale ape,” yalepó.

⁴⁵ Kótóné ašemó ere fo fea kisipa yópóló, ama atima kisipa wisi mulalepó. ⁴⁶ Atéroró ama atimapaee duraalu, “Kale ašemó ere fo i ape. Kótóné ama so whì fea tètéróló kaae tanópóló, sóroró beteró betere whì Kerisota, doakale sekei alaró susupui alatamo sóroró mo ti sinaalotei, tamo be dę kemeyóló sore be demó à momó kepaayaalopó. ⁴⁷ Jerusalem be huluamó kaae sóroró hae kwia feamó betó mole so whìpaae yàlo doimó i fo yó maté kwëyaalopó. Diaağ dere dowi ala taaróló kisipa feteyóló wapa, ti diaağ dowi ala kwia yàlo hãle kemeraalopó. ⁴⁸ I alarape depa kelalepóló so whìpaae yó melaaire whìrapeta, ti diàtóró ai ape. ⁴⁹ Take yàlo Ayané dià melaalopóló mulale òla yàlo diàpaae dotonaa kisipa mutapó. Téyaalopa, dià ai be huluamó bitiré fóló, mo óté taoró mole doasi fotokóné dià kuti kaae bukurãle dorowópóló, kaae tawae,” yalepó.

Yesu i hae taaróló ó sãpaae dapesó holale fo

⁵⁰ Téró atima wópóló, àpi folosóro Betani be huluapaae felepó. Téró, ama naase horóló fonétei atima wisiralepó. ⁵¹ Atéroró, atima wisiratere fo du betepatei taaróló, Alimané à hepen-paae dapesó holalepó. ⁵² Téró, atima bukutiri teğaró bitu, Doa Tale-ó, yóló ama doi sóroró horaté hëkesetamo Jerusalem be huluapaae momó fesaee felepó. ⁵³ Atéroró, atima momatere bemó bitu, Kótóné doi hale sóroró horatere ala suka fea deté fu betalepó.

Jon

Kale mo fo whi alée feletei

¹ Mo take ɔla ɔla fea keké nale alimó, kale fo hãle bitipakalepó. Ai fota, Kótó ɔtamo betámó bitipakalepó. Ai fo mo Kótó ɔtórótípó. ² Ai kale fota, mo take keké nale alimótei, Kótótamo betámó bitipakalepó.

³ Aleyóló muló betere ɔla ɔla mo fea Kótóné ɔpaae naao aleyae depa, amatóro kaarélipakalepó. Ere ó mole ɔla ɔla fea hãle kaani, amatóro kaaró beterapó. ⁴ ʔ tuámó betere bete molepó. Ai betere betené so whi fea demó beterópóló, dɛrótú betalepó. ⁵ Ai dɛné diliki tuɔpaae dɛrótú betteretei, dilikiné sukó faróló alurótimipó.

⁶ Kótóné betá whi dotonatepa walepó. Ai whiné ama doita, Jon-pó. ⁷ Jon ʔ waleteita, so whi feané ai dɛtere kilitu-raalu ɔpaae kisipa tiróló beterópóló, kale dɛtere bete i ape yóló hãkearóló yó melaai walepó. ⁸ Ai dɛterené beteta Jon ʔ meitei, so whi feapaae dɛtere bete ai ape yóló, yó melaai walepó. ⁹ I haemó betó mole so whi feapaae dɛrótú betere mo dɛ bete ʔ i haepaae sókó waairaaalu, teó wou betalepó.

¹⁰ ʔ i haemó betó, i haeró yó mole ɔla ɔlatamo Kótóné ɔpaae aleyae depa, amatóro kaaró epatei i haemó betó mole so whiné kilitu, ʔ etei kaae Talepóló kisi-panipó. ¹¹ Atéró, ʔ ama be whi so whi betere turuku bepaae waletei, atimané ʔ kale whipóló wisiyóló dape sere ala inipó. ¹² Tépatei, mepaae so whi dené Yesu dape sóo, ʔ etei kaae whipóló ama yó matere fo wosóló, ɔpaae tué tiki tiróo, yale so whita, Kótóné mo ama naale senaaletóro beterópóló, sóro betteralepó. ¹³ Ai naale senaaleta, mo so whiné naale senaaletere kaae ó whiné tó tiki fotokóné ó so omané ama hɛkesere alanékélé mei, Kótónétóro atima deyóló betteró beterapó.

¹⁴ Téró, kale fo mo whi alée fóló, dɔ tuámó kapala kuti be tɛyóló bitu dere kaae asiri betalepó. Atépa, ʔ tuámó ere ala wisinaale dɛné kelalepó. Ai ere ala

wisinaaleta, Alima Kótóné dotonale mo betá betere naale tuámó ɔanapó. Ai seké ʔ tuámóta, kɔletu hamokoróló hãle tao sere alaró mo fotamo turó bulapó.

¹⁵ Jon-né ai sekémó kisipa mutu fo fakeyóló duraalu, “Take yálo diɔpaae noa fo yaleé? ‘Nalo yálo kɔlipaae waaire whita ɛ kaae mei, ɛ yálo haené deyaaipa, ʔ mo taketi betóo, ɛkélé tɛteróló bosene fío, ere doa seké whi waalopóló bope du betaletei ɔtóró ai ape,’” yalepó. ¹⁶ Ama kɔlené sukutu, hamokoróló hãle tao sere ala wisi ʔ tuámó ɔanu, wɛi kaae feleyóló wapa dɛné mo dekéró su betalepó. ¹⁷ Ti noatepae, Kótóné kale tukóló muló betere forapeta, Moses-paae matepa, amamo so whipaae meló beterapó. Téyaletei, kɔlené sukutu hamokoróló hãle tao sere alaró mo alatomota, ti Kótóné Yesu Kerisopaae matepa, amamo dɔpaae malepó. ¹⁸ Whi mo betáné Kótó kolókéle initei, alimané hosaa tuámó betóló wale Naalené amatóro, Alima etei kaae ala ere Tale betterapóló, dɔpaae hãkearóló yó malepó.

Jon-né ama hó makemó dokore képi ama teraanénipó yale fo

(*Mat 3:1-12, Mak 1:7-8, Luk 3:15-17*)

¹⁹ Atéró etéyalepó. Jerusalem bemó betó mole Juda topo whirapené dotonale momaratere whiraperó Lipai fake whirapetamo Jon betterepaae fóló ɔpaae, “Yá deé?” yóló wosalepó. ²⁰ Atétepa, Jon-né atimapaae tokó melaaire fo hiréni, ʔ etei kaae whipóló hãkearóló i fo yalepó. “Kótóné so whi fea tɛteróló kaae tanópóló, sóro betteró betere whi Keriso ɛ meipó,” yalepó.

²¹ Ai fo depa atimané ɔpaae wosetu-raalu, “Ti yá Elaijapé deé?” depa, ama du meipó. Tétepa atimané du, “Ti yáta, take asémó ere foné waalopóló bope du betale Kótóné kóló whié?” depa, ama duraalu, “Ai whikélé ɛ meipó,” yalepó.

²² Tétepa, mo ti kemeróló atimané ɔpaae duraalu, “Naao yá depó dute? Dɔ dotɛyale whirapepaae ene faaipa, yá etei kaae whipóló dɔpaae hãkearóló yae,” yalepó.

²³ Ai fo depa, ama atimapaae tokó matere alata, mo take betale Kótóné kóló whi Aisaiané asɛre fo yó mótu duraalu,

“Whikélé bitini, hãle kópu kãae fi tikimó wóló daalu fo fakeyóló,

‘Tale waaire tũ donoyóló aleyae,’ fo maaté ene wale whĩta, ti ẽ i ape,” yalepó.

24-25 Atétepa, kale mepaae dotonatepa wale Farisi whĩrapené ẽpaae duraalu, “Yãta, so whĩ fea tẽteróló kaae tanópóló, Kótóné sóró beteró betere whĩ Keriso ó Ilaija ó Kótóné kóló whĩ betãkélé meipa, ti so whĩ naao noatepa wẽi tópurótu bitu de?” yalepó.

26 Tétepa, Jon-né atimapaee tokó mótu duraalu, “Yãlota, diã wẽi maaté tópurótu betteretei, whĩ betã diã tuãmó ai daaletei diaaã kisipanipó. 27 Ti ai sekẽta, ẽ wale kilipaae waalopóló bopetu betale whĩpó. ãta, mo doa sekẽ whĩ betepa, ẽ naale ketei kaae, ẽ aqmó bettereteiné ama hõleke bené képi yãlo teraanénipó,” yalepó.

28 Ai alarape du betaleteita, kale Jordan wẽi tẽ utéró tẽne Betani bemó du betalepó. Ai beta, Jon-né so whĩ fea wẽi tópurótu betale tikimó tẽnapó.

29 Be deýó hotopa, ai alarape yale kilipaae eteyalepó. Yesu ẽ Jon betterepaae wou betepa kolóló, Jon-né atimapaee duraalu, “I hae kwia feamó betó mole so whĩné dowi ala tokóló aluraaire Kótóné ama *Sipsip* hupu male ai walapa kelae! 30 Ẽkélé deyaai, mo taketi betere doa sekẽ whĩ yãlo kilipaae waalopóló diãpaae bopetu betale whĩta, ẽ ai ape. 31 Yãlokélé ẽ wisiyóló tuẽnitei, ẽ wale beteta, ti Israel fake so whĩné ẽ tuẽ yópóló hãkearóturaalu, yãlo wẽi tópuratere ala maaté yaai walepó,” yalepó.

32 Atéró, Jon-né ama mo kelale ala so whĩpaae hãkearóló yó mótu duraalu, “Kótóné ama Dẽi Kepe Wisi hepen be taaróló, dorowóló ba hõkósere kaae ama tikimó betepa yãlo kelené mo kelalepó.

33 Yãlokélé ẽ tuẽ wuã meitei, so whĩ wẽi tópurãle fae yóló ẽ doteyale sekẽné amatóro ẽpaae etei fo yalepó. ‘Dẽi Kepe Wisi bitĩ dorowale whĩné amata, diã fea Dẽi Kepe Wisitamo wẽi tópuraaalo ai ape,’ ” yalepó. 34 Atéró Jon-né duraalu, “Yãlo kelené mo kelale alatóro diãpaae i dapa wosae. Kótóné Naalemata me kaae mei, ẽtóró ai ape,” yalepó.

Yesuné whĩ tamopaae diaamo noa keketé yale fo

35 Atéró, fiyóló be deẽtepa Jon ẽ ama yó matere whĩrapekó tamo whĩ atima fea ẽ daatua dere tikimó momó fóló daalepó.

36 Atéró daalemó, Yesu ẽ metikipaae faai fupa kolóló Jon-né duraalu, “Kótóné ama kale *Sipsip* hupu male ai fulapa kelae!” yalepó.

37 Jon-né ai fo depa wosóló, ama yó matere whĩ tamo Yesu fimó, nalo sya felepó. 38 Atétepa, Yesu ẽ fetée daaróló kelalemó, whĩ tamoné ẽ sya wou betepa, atimaamopaae woseturaalu, “Diaamo noa kekete?” depa atimaamoné duraalu, “*Rabai*,” ai fo feteyóló “yó matere whĩ-ó, yã betere tiki momó ere?” yalepó.

39 Atéró, ama atimaamopaae duraalu, “Ape. Wapata, ti diaamoné kelaalopó,” yalepó. Tétepa atimaamo fóló, ẽ betere be kolóló, be deẽ betã ẽtamo aimó betalepó. Até dere alata, ti dou sukakelemó du betalepó.

40 Atéró, kale Jon-né dere fo wosóló, Yesu sya fele whĩ tamo meta, Saimon Pitané noma Andrupó. 41 Andru ẽ metikipaae feni, noma Saimon-pi kekãlemó keletepa duraalu, “Mesaia dãné kelalepó,” yalepó. Ai fo bete feteyóló so whĩ fea tẽteróló kaae tanópóló, sóró beteró betere whĩ Kerisopó. 42 Atéró, Andruné noma Saimon Yesu betterepaae dapesó wóló betepa, Yesuné Saimon kolóló ẽpaae duraalu, “Yãta, Jon-né naalema Saimon-pó. Mió naao kisi doita, Sipas mulatapó,” yalepó. (Sipas doi feteyóló Pitapó.)

43 Ai ala du beteró hĩka be deẽtepa, Yesu ẽ betere tiki taaróló, Kalelipaae faai kisipa mualepó. Atéró fóló, Filip betepa kolóló ẽpaae duraalu, “Filip-ó, yã ẽ sya ape,” yalepó.

44 Filipta, Andruró noma Pitatamo betere Betsaida be hulua whĩkópó. 45 Téro Filip-né Nataniel kekãlemó, hokolaa depa ẽpaae duraalu, “Mo take Moses-né asẽre Kótóné tukóló muló betere foró mepaae kóló whĩrapené asẽre fotamoné

waalopóló bopetu betale whi ðané kelalepó. Āta, Nasaret be whikó Josep-né naalema Yesupó,” yalepó.

Nataniel-né Filip-paae Nasaret bemó noa ɔla wisikó kelaalopóló de? yale fo

⁴⁶ Ai fo depa, Nataniel-né Filip-paae duraalu, “Ai Nasaret be huluamó noa ɔla wisikó sókó waalopóló de?” depa, Filip-né duraalu, “Wisirapa, naao kelaai ape,” yalepó.

⁴⁷ Tétepa, kale whi Nataniel Yesu ā beterepaae wou betepa kolóló, ɔpaae duraalu, “Israel fake whikó whi wisinaale ai walapa kelae! Ā tuamóta, kapala ala mo sawakélé munipó,” yalepó.

⁴⁸ Ai fo depa, Nataniel-né ɔpaae duraalu, “Naao ɛ netéro tuɛ yaleé?” depa, Yesuné duraalu, “Filip-né yā ape yaaipatei, nose sirimó betepa yā yalo kelalepó,” yalepó.

⁴⁹ Tétepa, Nataniel-né ɔpaae hākearóló duraalu, “Yó matere whi-ó, yāta mo Kótóné Naalemapó. Israel fake so whi teteróló kaae tare doasi topo whita, me kae mei, yātóróti ai ape,” yalepó.

⁵⁰ Ti fo depa, Yesuné duraalu, “Mió naao ɔpaae kisipa tiki tiratere beteta, yā nose soumó betepa yalo kelalepó dere fo woseturaalu dapó. Aita wisiretei, take nalopaae ti mió i keletere alakélé fea bosenóló, mo doasi alarape eratepa kelaalopó,” yalepó. ⁵¹ Ai fotamo touróló, ama me i fo yalepó. “Yalo diɔpaae mo i dere ape. Hepen be tu tukwɛ fóló mupa, Kótóné ama *ensel*-rape kale Whiné Naalemané tikimó daayóló, ɔpaae hutua ipaae durua du betepa, diaaɔ kelaalo ai ape,” yalepó.

2

Mo weiné wain weí alée fele fo

¹⁻² Atéro ai alarape yóló kemetepa, be dē tamo beteró, sore be demó, Kaleli hae kwiamó tene Kana be huluamó whi betá so dokoturaalu detere ɔla naai ape depa, Yesu akélé, hama Mariakélé, ama yó matere whirapekélé, atima fea fóló so dokotere tuamó beterepó. ³ Atéro, ai ɔla detere sukamó naai donoróló mulale *wain* weí fea nóló kemetepa, hamané

ɔpaae duraalu, “Atimané *wain* weí fea kemeyalepó,” yalepó.

⁴ Ai fo depa, Yesuné duraalu, “Ti so wisi-ó, aita atimané yaaire alapa, naao ɔpaae atima tao sae dere noatepa de? Yalo tukóló muló betere ala yaaire be dēta teorapó,” yalepó.

⁵ Ai fo depa, ama hamané kale ɔla detere ala kaae tare doasiné kutó diratere whirapepaae duraalu, “Ama diɔpaae noa alakó yae depa, ti sya fóló yae,” yalepó.

⁶ Kale Juda fake atimané mara mole ala sya furaalu, naase fokotua yaai dapóló, kanené aleale apo miró wutirape weí maanipa, felekemó daalótua erepó. Ai wutirapemó weí maatere daleta, mepaae 75 *lita*-rape, mepaae wuti ti 115 *lita*-rape supó.

⁷ Atéro, Yesuné ai kale kutó diratere whirapepaae duraalu, “Ai wutirape fea weí nóló faanae,” depa, mo ti bokóta eralepó.

⁸ Atéro, ama atimapaae duraalu, “Ai belere weirapekó mepaae tepeyóló ɔla detere ala teteróló kaae tare doasipaae male fae,” depa male felepó.

⁹ Tétepa, kale mo weinétei alée fele *wain* weí kale ɔla detere ala teteróló kaae tare whiné nalemó, mo *wain* felétóro yalepó. Ai sekéné ai *wain* weí sale tiki ā tuénitei, kale kutó diratere whirapené maaté mo weí sóro tepeyale ala kisipa ipakalepó.

¹⁰ Téro, kale ɔla detere ala kaae tare doasiné so dokore whipaae ape yóló, tu dēpaae dapesó fóló duraalu, “Whirape feané i ala dua dapó. Folosóro wisi *wain* weipi nópóló melóo, nalo mo sawa felétere *wain* weí melóo, dua dapó. Tépateti, wisi *wain* weí mulóló, nalo noatepa sóro waleé?” yalepó.

¹¹ Yesuné me ala yaairemó erale kelemei alata, Kaleli hae kwiamó tene Kana be huluamó folosóro kaae suraalu yalepó. Atéro yale alané ama ere ala wisinaale hākearatepa, ama yó matere whirapené kilituraalu, ɔpaae tuɛ tiki tiralepó.

Moma dere bemó ɔla ɔla duputamó du betale fo

(*Mat 21:12-13, Mak 11:15-17, Luk 19:45-46*)

¹² Ai alarape fea kemetepa, Yesu akélé, ama hamakélé, nomarapekélé, ama yó matere wh̄irapekélé, atima fea ai Kana be taaróló, Kapeneam be huluapaae dere-pelepó. Aimó atima mepaae be d̄erape betalepó.

¹³ Atéró, ai alarape yóló kemetepa, kale bosenóló fele be d̄e felekemó sókó waai deremó, Yesu a Jerusalem be huluapaae holalepó. ¹⁴ Atéró holóló bituraalu, a moma dere be bopére tipí tuapaae sókó holalemó, wh̄irape mo feané *bulmakau* hupurapekélé, *sipsip* hupurapekélé, ba sukusirapekélé, mepaae wh̄irape atima ni fake tómó betó mulu, kae kae fakené sóró wale *moni*-kélé duputamó yóló, u mótu i mótu du betepa kelalepó. ¹⁵ Até du betepa, kale *bulmakau* hupuró *sipsip* hupurapetamo belapaae f̄ópóló, Yesuné aimó mole halika tikiné fokosó sóró h̄okonóo, ni fake fetée deróló fesekée falóo yalepó. ¹⁶ Até du beteró, kale ba sukusirape dotonóló *moni* su betere wh̄irapepaae duraalu, “Yalo Ayapaae maaté moma yaai t̄ene betei, diaāq noatepa ɔla ɔla dotonateré tiki āgrótu bitu de? Até dere alané yalo Ayané be doratapa, diaāq ai ɔlarape fea sóró fae,” yalepó.

¹⁷ Ai ala ama yó matere wh̄irapené kilitu, kale āsemó i ere fo tué mualepó. “Kótóné ama be doraqsóro wisiyóló kaae tawaaire keteketa, e tuamó si kaae daalopó,” erapó.

¹⁸ Téró, kale Juda topo wh̄irapené apaae fo fotok̄oné duraalu, “Naaó atei kaae ala yópóló, ya né sóró beteraleé? Ya Talené sóró beteró betere wh̄ipóló kisipa yópóló, naaó d̄apaae noa kelemei alakó eraaloé?” yalepó.

¹⁹ Ai fo depa, Yesuné atimapaae tokó mótu duraalu. “I momatere be diaāq fisikó mulae. Tétepa, yalo sore be demótóro momó t̄eyóló kemeraalopó,” yalepó.

²⁰ Ai fo depa, atimané apaae duraalu, “Take ai be t̄etu betepa, 46 ba forape kemeyalepó. Téyale betei, naaó mió be d̄e soremó momó t̄eyaalopó dere fota, netéro t̄eyaaí de?” yalepó. ²¹ Yesuné ai yale fota, mo moma dere bemó initei, ama tikimó kisipa muturaalu yalepó. ²² Take

a sukóló momó kepaayóló betere k̄ilipaae ama yó matere wh̄irapené ama yale fo kisipa muni walepó. Yesuné i yale fokélé kale āsemó ere fotóro mo dokonalepóló, atimané apaae tué tiki tiralepó.

²³ Téró, boseneyóló fele be d̄e sókó wapa ɔla detere fulamó, Yesu a Jerusalem bemó beterepó. Aimó bituraalu, Kótóné eratapó kisipa yópóló kelemei alarape eratepa so wh̄i mo feané apaae kisipa tiralepó. ²⁴ Téyaletei, so wh̄i feané hosaa tuamó mole alarape ama kisiparuraalu, atimané du betere fo mo dapóló wosóló, āqmó bitinipó. ²⁵ Ti noatepae, so wh̄i feané mole tué tikiró dere alatamo kelaairetei k̄óló k̄ólópakó, mené a yó melaaié?

3

Yesuró Nikodimas-tamo yale fo

¹ Téró Farisi wh̄ikó Nikodimas beterepó. Āta, Juda fake so wh̄i t̄eteróló kaae tare topo wh̄irapetamo betamó kutó ditere doasi doi mole wh̄ipó. ² Ai wh̄i a dilikitamo Yesu beterepaae wóló duraalu, “Yó matere wh̄i-ó, yāta Kótóné dotonatepa wale yó matere wh̄ipóló d̄ané kisiparapó. Ti noatepae, Kótó yātamo bituameisóro, ti mepaae wh̄iné enénire etei kaae doasi kelemei alarape erótu bituameipó,” yalepó.

³ Ai fo depa, Yesuné apaae h̄akearóló duraalu, “Yalo yapaae mo i dere ape. Wh̄i mo betakélé hamané a detu yale kaae momó denitepa, ti Kótóné t̄eteróló kaae tare ala mo kelenénipó,” yalepó.

⁴ Yesuné ai fo depa, Nikodimas-né apaae duraalu, “Disiyale wh̄i haené depe tuapaae netéro bit̄i doropóló, momó deyaaloé?” yalepó.

⁵ Tétepa Yesuné apaae duraalu, “Yalo yapaae mo i dapa wosae. Mo bet̄a wh̄ikélé wēiró Kepe Wisitamóné deyóló muló bitinipa, ti Kótóné t̄eteróló kaae tare ala tuamó sókó fóló betenénipó. ⁶ Mo wh̄iné detereteita, ti wh̄i tiki daaitóro deyóo, D̄e Kepené deteretei, ti mo Kepe tiki daaitóro deyóo, dua dapó. ⁷ Take yalo yapaae momó denérapó yale fomó ya kilita sókó faqse. ⁸ Besé a faaire tikipaae furaalu, h̄ale hu dere maaté wosetua dapó. Téteretei,

waleró foleteitamo diaaḡ kilitimipó. Kale Kepe Wisiné deyóló beterótu betere so wh̄i feata, ai ala kaae du beterapó,” yalepó.

⁹ Ai fo depa, Nikodimas-né ḡpaae duraalu, “Ai ala netéro yaalorópó,” yalepó.

¹⁰ Tétepa Yesuné ḡpaae duraalu, “Yḡta Israel fake so wh̄i yó matere doasi doi mole wh̄itei, i dere alarape diriyóló tuḡni airapó. ¹¹ Yḡlo yḡpaae mo i dere ape. Dḡné du betere fota, mo tuḡre fotóró yóo, mo kelale alatóró yó melóo, du betepatei diḡné mo dapóló wosóló, kisipa tirénitere noatepa de? ¹² Yḡlo diḡpaae i haemó du betere alarape bope yóló yaleteti, diḡné tuḡ tiki tirótimipó. Yḡlotamo ó hepen bemó mole alarape bope yóló enalemó, ti diḡ mo kisipa tiraalomeipó. ¹³ Wh̄i mo betḡkélé hepen bepaae fenitei, hepen be taaróló, i haepaae kapala asiri dorowale Wh̄iné Naalemané ama betḡ kisiparapó. ¹⁴ Mo take Moses-né ḡle kópu kḡae fi tikimó kapa kwiané wuli aleyóló ni dée daaróló, sikipaae horóló oleralepó. Atéyale kaae, kale Wh̄iné Naalemakélé, mepaae wh̄iné atéro sikipaae só horóló oleraalo ai ape. ¹⁵ Ai fota ḡle ini, ḡpaae kisipa tiki tiratere so wh̄i fea mo ti betere bete saalopóló kisipa mutu yalepó.

¹⁶ Ti noatepae, Kótóné i haemó betó mole so wh̄i kḡlené sinóló yaala sókó furaalu, ama mo betḡ betere Naaletei i haepaae wópóló dotonalepó. Mepaae so wh̄i dené ai dotonó betere Naalepaae kisipa tiró betepa, ti atétere so wh̄i aluni, mo ti betó tawaalo ai ape. ¹⁷ Ti noatepa meipó. Kótóné ama Naalema i haepaae wópóló doteyale beteta, i haemó betó mole so wh̄itamo fo tokḡtamo yóló só derḡpóló initei, so wh̄i fea aluyaḡsóró, ama yale alané tao sópóló yalepó. ¹⁸ Mepaae so wh̄i detamo ḡpaae kisipa tiró betepa, ti ai so wh̄itamo Kótóné fo tokḡtamo yóló só deranénipó. Tépeitei, Kótóné ama mo betḡ betere Naale ḡtóró ḡtipóló ḡpaae kisipa tiki tirénire so wh̄ita, fo tokḡtamo yóló só deró beterapó. Ti noatepae, ai so wh̄i atima Kótóné mo betḡ betere Naalepaae kisipa tiki tiró bitinireteinépó. ¹⁹ Kótóné i haemó betó mole so wh̄itamo fo tokḡló só deratere bete i ape. Kale dḡtere i haepaae

wóló betepatei, dilikipaae ḡkesese duraalu, atima dowi ala ḡle du betereteiné witepa, ai dḡtere ḡkeseyóló wómipó.

²⁰ Mepaae so wh̄i detamo diliki tuḡmó bituraalu, dowi ala ḡle yó tareteiné dḡ tuḡpaae waalo ḡróló bóe du beterapó. Ti noatepae, atimané dowi ala dḡné ḡkeamó mulatepa kelaḡsóró wituraalupó. ²¹ Tépeitei, kale mo fo wosóló, donoi ala du betere so wh̄ita, ti dḡ tuḡpaae wou beterapó. Ti noatepae, atimané du betere alarape Kótóné fotokḡratepa yalepóló so wh̄i feané ḡkeamó kolḡpóló du beterapó,” yalepó.

²² Téro, atima ai fo yóló kemetepa, Yesu ḡ ama yó matere wh̄irapetamo ai Judia hae kwiamó tḡ mole belekḡatiki berapemó mepaae be dḡrape bitu, so wh̄i wei tópurótu betalepó. ²³ Téro, Jon-nékélé Salim be hulua felekemó ere Aenon haemó beterepó. Aimó wei dekéro fu betereteiné so wh̄i fea wei tópurḡpóló, ḡ beterepaae wou betepa, ama atima tópurótu betalepó. ²⁴ Ai alarapeta Herotné Jon ḡ *dipula* beteraaipa, ḡle bituraalu du betalepó. ²⁵ Atéyale sukamó, Kótóné keletómó wisirapó yḡpóló, naase fokotere alamó Juda fake wh̄ikó betḡné mepaae Jon-né yó matere wh̄irapetamo foné u só derḡle i só derḡle du betalepó. ²⁶ Atéro, Jon-né yó matere wh̄irape ḡ beterepaae wóló duraalu, “Yó matere wh̄i-ó, Jordan wei uté tḡró yḡtamo bitu, naao dḡpaae kale wh̄i ai ape yóló, yó male wh̄iné so wh̄i fea wei tópurótu betepa, mo turó so wh̄i ḡ beterepaae fu beterapó,” yalepó.

²⁷ Ai fo depa ama atimapaee duraalu, “Me wh̄iné me alakó yḡpóló ó hepen bemó betere Kótóné menitepa, ti ama kḡleaané me ala yaai dapóló, mo enénipó.

²⁸ ḡta, so wh̄i tḡteróló kaae tanḡpóló, sóró beteró betere wh̄i Keriso mei, ḡ wópóló tuḡ alerḡle wale wh̄ipóló, take yḡlo diḡpaae yale fo diaaḡtei enérápó. ²⁹ Me wh̄iné betḡ so ḡkeseyóló dokotepa, ti ai ama sopó. Ai so dokaaire seké ama fulumu wh̄iné ḡ wópóló kaae tawóló beterapó. Tḡrḡlemó, kale so dokaaire wh̄i sókó wouraalu dere fo nakome wosetepa, ḡ doasi ḡjné sukḡalopó. Atére ḡjta, mió

ę tuamó mo fąayóló mulapó. ³⁰ Ai so dokaaire whinė ama doita, suka fea sóró horaté fu betaalotei, yąło doi betą haepaae dua sókó deté doropópóló yae,” yalepó.

³¹ “Mo ó taoró dorowale whinė i haemó yó mole ọla ọlaró so whị featamota, amatóro tẹteróló bosene falapó. I haemó betere whinė ti i haemó mole ọla ọlamó kisipa mutu, ama dere fokélé i haemó mole fotóro dua dapó. Tépatei, ó hepen bemó dorowale whinėta, fea ala ama tẹteróló bosene falapó. ³² Ama kelale alaró wosale fotamo so whịpaae yó mótu betereitei, betą whinėkélé ama yó matere fo wosóló, mo dapóló ọpaae tuę tiki tirótimpó. ³³ Tépatei, mepaae so whị de Kótóné ama fo wosóló, mo dapóló kisipa tiratepa, ti ai so whinė Kótó ą mo foné bete Talepó du beteraipó. ³⁴ Kótóné ama dotonó betere whinėta, ọpaae yae dere fotóro yó mótu beteraipó. Ti noatepae, Kótóné Dẹi Kepe ą tuamó mo turó fąaneteinépó. ³⁵ Alimané Naalemapaae yaala sókó fóló muluraalu, fea ala ama tẹteróló kaae tanópóló, ọpaae malepó. ³⁶ Mepaae so whị de Naalemapaae tuę tiki tiró betepa, ti atére so whị aluni, mo ti betó tawaalo ai ape. Tépatei, mepaae ą hórótu betere so whịta, mo ti betó tare bete kelaalo meipó. Ai so whịtamo Kótóné doasi fopaae butere ala mulapó,” yalepó.

4

Samaria soné Yesutamo yale fo

¹ Yesuné ama yó matere so whị beteraairaalu, wẹi tópurótua dere so whinė Jon-né wẹi tópurale so whị bosene falapó dere fo mepaae Farisi whịrapené wosalepó. ² Atéroró, so whị wẹi tópuratere ala Yesuné initei, ama yó matere whịrapené tópurótua yalepó. ³ Ai dere fo mepaae whinė Yesu ọpaae ene wapa wosetu-raalu, ą Judia hae kwia taaróló, Kalelipaae momó fesaae felepó.

⁴ Téró, ą ama yó matere whịrape atima fea Kaleli haepaae faairaalu, Samaria hae tuamó tẹyóló fu betalepó. ⁵ Atéroró, ą ai Samaria hae kwiamó tẹne Saika be huluaamó sókó felepó. Ai Saika be hulua felekemó, Jekop-né naalema Josep-mó

tekée male hae mulapó. ⁶ Ai haemó Jekop-né dukiyale wẹi naleta dere tiki erapó. Yesu ą doasi tumó walené bé depa, ai wẹi belere tikimó ọsa nóló beterepó. Até dere alata, ọla nokole topo suka kele 12 kilok-mó yalepó.

⁷ Yesu aimó betereimó, betą Samaria so ą wẹi naairaalu wapa, ọpaae duraalu, “Naao ai wẹikó ę maletamo melaaloé?” yalepó. ⁸ Ai alata, Yesuné ama yó matere whịrape ai felekemó tẹne be huluaapaae atima naaire ọla dupune fimó du betalepó. ⁹ Atéroró, kale soné ọpaae duraalu, “Yąta Juda fake whịpa, ę Samaria sopaae wẹi netéroró kema du de?” yalepó. Ama ai yale fota, Samaria fakeró Juda faketamo ọla betamó nokole ala ó, fo dere alakélé dumipóló kisipa mutu yalepó.

¹⁰ Ai fo depa Yesuné kale sopaae duraalu, “Kótóné ọpaae hąle matere ọla naao kisipa yóo, yątamo i fo du betere whịkélé kisipa yóo irutamo, naao ọpaae ai wẹi wosuąsóró ti ama yamó mo ti betó tare wẹi móluąpó,” yalepó.

¹¹ Ai fo depa kale soné Yesupaae duraalu, “Doa whị-ó, i wẹita hae dolopaae maane doropóo, yą wẹi naaire wutikélé tawóo inipa, mo ti betó tawaaire wẹi melaalopó dere-a, momó wapa nóló melaai de? ¹² Dąné mió i nuku betere wẹita, mo take dąné noutere Jekop-né dukiyóló, amakélé nukulé wóló, naalemarapenékélé, ama *sipsip* hupuró *bulmakau* hupurapetamonékélé, nuku bitipakalepó. Tėjaletei naao ai dere fota, take Jekop-né yale ala naao tẹteróló bosene falapóló de?” yalepó.

¹³ Ai fo deremó, Yesuné ọpaae duraalu, “I wẹi nokole so ó whị feata, nokole depa momó nale waalo ai ape. ¹⁴ Tépatei, mepaae so whị de yąło matere wẹi nukupa, momó nokole dere ala mo yaalo meipó. Ita, mo dapó. I haemó mo wẹi sókó horótu dere kaae, yąło i matere mo ti betó tawaaire wẹi nokole so ó whinė tiki tuamó mo ti betere bete mulu, hąle só tawaalo ai ape,” yalepó.

¹⁵ Tépatepa, kale soné ọpaae duraalu, “Doa whị-ó, ę wẹi nokole depa dekéró naleta

dere hórapa, naao ai melaalopó dere wẹi mo miótóró ɔlae!” yalepó.

16 Ai fo depa, Yesuné kale sopaae duraalu, “Yá momó waasepóló, naao whi dape sene fae,” yalepó.

17-18 Ai fo depa, kale soné ɔpaae duraalu, “Eta whiné dokonipó,” yalepó. Tétepa, Yesuné duraalu, “Whiné yá dokonipó dere fota, mo dono deretei, naao ere ala yálo yápaae hakearóló i dere ape. Take aporó whirapené yá dokorapó. Tépatēi, mió yáta mo ai betere whita, naao whi meipó,” yalepó.

19 Tétepa kale soné duraalu, “Doa whi-ó, mió yálo yá kilitu, Kótóné ama fo er- atere kóló whipóló kisipa mutapó. 20 Take ɔané ayarape atimata, i daale hasi fosómó moma eneta du bitipakalepó. Téyaletēi, Juda fake ɔiané ɔpaae hoko tikimó moma ini, Jerusalem bemó touróló Tale aqmó sukóló bitu, moma yae du beterapó,” yalepó.

21 Ai fo depa Yesuné ɔpaae duraalu, “Ti so-ó, yálo i dere fo wisiyóló wosóló kisipa tirae. Take waaire alimó Aya aqmó sukóló bitu, ama doi sóró horatere alata, i daale hasi fosómó ó Jerusalem bemó maaté yaalo meipó. 22 Samaria so whi ɔiata, diaaq tué inire ɔla aqmó sukóló bitu Talené doi sóró horótu beterapó. Tépatēi, Juda fake so whi ɔata, mo ti betere Kótó tuéreteiné ɔ aqmó sukóló bitu, mo kée du beterapó. Ti noatepae, so whi fea aluyaqsóró tao sere alata, Juda fake tuámó kaaró beterapó. 23 Take waalopóló bope du betale be ɔ mió sókó wóló i mole ape. Mepaae whi dené mo alaró ama Kepe betetamo ɔ tuámó ɔanuraalu, Alima aqmó sukóló bitu, ama doi sóró horótu betaalopó. Atei ala du betere so whipaae Kótóné ama hekesetu beterapó. 24 Ti Kótó ɔata, mo whiné tiki kaae daani, kepetóró bettereiné ama doi sóró horatere so whiné ti mo alaró kepe bete turótamoné sóró horótu betenérápó,” yalepó.

25 Tétepa, kale soné ɔpaae duraalu, “I haemó betó mole so whi fea teteróló kaae tanópóló, sóró beteró betere whi Mesaia,

me doi Keriso waalopó fota, yálo kisi- parapó. Ai seké ɔ wouraaluta, fea ala ama ɔpaae hakeamó yó melaalopó,” yalepó.

26 Tétepa, Yesuné kale sopaae hakearóló duraalu, “Mió yáta mo i fo du betere whita me kae mei, ɔtóró hiti i ape,” yalepó.

27 Atimaamo ai fo du betepa, ama yó matere whirape ɔla dupune fi fesaae wouraaluta kelalemó, Yesu Samaria sotamo fo du betepa, atima kilita sókó felepó. Atétepa, atimakó betá whinékelé ɔpaae ai sotamo noa ala yaai, ó noa fokó du bitu de? yóló, wosetere alakélé inipó.

28-29 Téró, kale soné ama wẹi wuti aimó mupatei taaróló, ɔ u be huluapaae felepó. Atéró fóló, ai be huluamó betó mole so whipaae duraalu, “Take yálo yale alarape fea ɔpaae hakearóló yó matere whi tumó daalapa kelaai ape. Ata, Kótóné so whi teteróló kaae tanópóló, sóró beteró betere whi Keriso du yalepó,” yalepó.

30-31 Tétepa, ai be hulua so whi atima Yesu betterepaae felepó. Atima ɔ betterepaae sókó waai teó wou betepa, ama yó matere whirapené ɔpaae duraalu, “Yó matere whi-ó, ɔlakó yamaletamo nukumié?” yóló ɔetu betalepó.

32 Tétepa, Yesuné atimapaee duraalu, “Nokole ɔlata yálo i taretei, diaaq kisipanipó,” yalepó.

33 Ai fo depa, ama yó matere whirape atimasisi duraalu, “Mepaae whiné ɔlakó amó mótu yalepó,” kisipa mualepó.

34 Atétepa, Yesuné atimapaee duraalu, “E doteyale whiné ama kisipa mole ala sya furaalu, ama kutó yálo ɔraté fóló kemeratepa, ti aita yálo nokole ɔlatórótípó.

35 Diaaq etei fo dua dapó. Kutómó ere ɔla fea ɔlumé depa saaire wélié ɔuró betá hále mulapó du beterapó. Tépatēi, yálo ɔiapaee mo i dere ape. Diaaq kele fisaae horóló, kutópaee kele kele yae! Ténalemó ɔla ɔlumépa, ti saaire alimó ai betere ape.

36 Mió ɔlumére ɔla su betere whiné ama diale kutómó dupu so-ó, mo ti betere bete saaire so whikélé mió ɔla kaae ɔlumépa sóo, du beterapó. Ama ai du betere alata hále mei, ɔla wae biliyale whiró sere whitamó wusuró hekesese yaairaaluta dapó.

37 Me whiné ɔla wae biliyóo, me whiné ti

ulumétepa sóo dere ala, i dere foné mo hakearatapó. ³⁸ Mené diyale kutómótei ulumére ɔla sene fɔpóló, ɔɔlo diɔ i dotonaterere ape. Mepaae whirape doasi depe tukówei ala yóló diyale kutómó diɔta, ɔla maaté sirapó,” yalepó.

Samaria so whi turó kisipa tiki tirale fo

³⁹ Téró, kale soné ama take bitu yale alarape fea Yesuné hakearóló yó malepó, dere fo woseturaalu, ai haemó tene be huluamó betere Samaria so whi fea apaae kisipa tiki tiralepó. ⁴⁰ Atéró, ai Samaria so whi fea Yesu beterepaae wóló, ɔa dɔtamó imó betaalopa sae yóló setu betalepó. Atétepa, be de tamo ɔ atimatamo aimó betalepó. ⁴¹ Tépa, Yesuné ama yó matere fo woseturaalu, mepaae folosóro tué tiki tirale so whitamó touróló mo turó so whikélé apaae kisipa tiralepó.

⁴² Atéró, atimané kale sopaae duraalu, “Dɔné apaae tué tiki tirale alata, naao yale fo wosóló maaté mei, ama yó matere fo dɔnétoró wosóló apaae tué tiki tiralepó. Ti noatepae, ɔta i hae kwia feamó betó mole so whi aluyaqsóro, tao saaire whipóló dɔné mo diriyóló kisiparapó,” yalepó.

Yesuné doasi whiné naale kepaarale fo

⁴³ Atéró, Yesu ɔ be de tamo ai Samaria so whitamó betóló kilipaae, ɔ Kaleli hae kwiapaae felepó. ⁴⁴ Taketi Yesuné amatei ɔmó kisipa mutu etei fo erapó. “Kótóné fo eraterere kóló whi ama turuku be hulua so whiné ama doi sóro horanénipó,” yalepó. ⁴⁵ Téró, Yesu ɔ u Kaleli hae kwiamó sókó felemó, Kaleli so whiné ɔ heketetamo mo wisiyóló dape salepó. Ti noatepae, take Jerusalem bemó kale bosenóló fele be demó, ɔla deyóló naaire sukamó atimakélé fea bitu, ama mepaae alarape eratepa kelaletéinépó.

⁴⁶ Atéró, take Yesuné mo weitei, wain wei aleale Kaleli hae kwiamó tene Kana be huluapaae ɔ momó felepó. Ai bemó beteremó, ai Kaleli hae kwia tetéroló kaae tare topo whiné sóro beteró betere whiné naalema Kapeneam bemó kisiné sukóló mulapó dere fo wosalepó. ⁴⁷ Yesu ɔ Judia hae kwia taaróló, Kaleli hae kwiamó wóló beterapó dere fo kale whiné wosóló,

ɔ Yesu beterepaae wóló, ama naale mo felekemó sukɔai du beterapa, “Naao wisir-aae faalóé?,” yóló wosetu betalepó.

⁴⁸ Ai fo depa, Yesuné apaae duraalu, “Me ala yaairemó eraterere kelemei alaró mepaae sira yaaire alatamo eratepa maaté kolóló kisipa tiraai de? Diɔ ai eraterere kelemei alarape kilini depa, ti diɔ kisipa mo tiraalomeipó,” yalepó.

⁴⁹ Tétepa, kale sóro beteró betere doasi whiné duraalu, “Doa whi-ó, ɔɔlo naale sukaqsóro miótitei dɔmo wusuró faalopó,” yalepó.

⁵⁰ Ai fo depa, Yesuné apaae duraalu, “Naao naale sinaalomei, beterapa fae,” yalepó. Tétepa, kale whi Yesuné dere fo wosóló, wisirapóló ɔ felepó. ⁵¹ Atéró, fiyóló hika ɔ tu tuamó fu betalemó, ama kutó diraterere whirape tumó hokolaa yóló, apaae duraalu, “Naao naale kisi wisiyóló beterapó,” yalepó. ⁵² Ai fo depa, kale whiné atimapaee woseturaalu, “Noa sukakelemó ama tiki supu tikaleé?” depa, atimané duraalu, “Mo dótóro 1 kilok sukakelemó tukóló mo beterapó,” yalepó.

⁵³ Ai fo depa, kale naale alimané wosetu, Yesuné apaae naao naale sukɔalomeipó, yale sukakelemótóro ai wisi irapóló kisipa mualepó. Ai ala kilituraalu, ama soma atimaamokélé, ama naale senaalekélé fea Yesupaae kisipa tiralepó.

⁵⁴ Yesu ɔ Judia hae kwia taaróló, Kaleli hae kwiapaae wóló bitu, ai kelemei alata, tamo dakoróló eralepó.

5

Yesuné betɔ tiki dɔamui whi wisirale fo

¹ Atéró, mepaae be de beteró kilipaae Juda fakené tukóló muló betere be demó ɔla detepa, Yesu ɔkélé Jerusalem be huluapaae holalepó. ² Ai Jerusalem be hulua bopére tipi tu sereketa, sipsip hupurape fua wua dere tupó doi mulapó. Ai tu sereke felekemó, betɔ wei ke belerapó. Hibru whirapéné du betere foné ai wei ke doi Betesatapó. Ai wei fókumó bitita dere so whi supu yaqsóro, be belekɔatiki aporó teóló bopéro beterapó. ³ Ai te mole bemó, mepaae kele dilikire so whikélé, tiki dɔamure so whikélé, hó naase dore so

wh̄ikélé, mepaae kae kae kisi bete daale so wh̄ikélé, mo fea ai w̄ei ke bopéróló betó molepó. ⁴ (-) ⁵ Ai hó naase dore so wh̄i betó mole kuamó, kisi h̄ale daapatei, 38 ba fo kemere wh̄i betá fiyó molepó. ⁶ Atéró fiyó mupa kolóló, Yesuné duraalu, “I wh̄i-a, ere alaé?” depa, wh̄i mené duraalu, “Āta, taketitei ama ere ala ai ape,” yalepó. Tétepa, Yesuné kale wh̄ipaae woseturaalu, “Ȳa mo wisiyóló, betenée yóló kisipa mute?” yalepó.

⁷ Ai fo depa, kale tiki d̄amui wh̄iné duraalu, “Doa wh̄i-ó, ai w̄ei asya hotereteiné ę wisirópóló, né beleyóló ai w̄ei felekemó beterale derepaaié? Ękélé dua fu betepatei, atima folosóró furaalu ę taaróló fua dapó,” yalepó.

⁸ Ai fo depa Yesuné duraalu, “Ȳa turukó holóló, naao besekę sóró fae,” yalepó.

⁹ Ai fo deretamotóró, kale wh̄iné ama tiki d̄amuretei mo ti wisitepa, ama besekę tukóló sóró felepó. Atétere alata, atima s̄a naai tukóló muló betere be d̄emó yalepó.

¹⁰ Atétepa, Juda topo wh̄irapené kale wisirale wh̄ipaae duraalu, “S̄a naai tukóló muló betere be d̄emó ai ala yaqsóró fo mulapó,” yalepó.

¹¹ Ai fo depa kale wh̄iné duraalu, “Ę wisirale wh̄iné ępaae naao besekę sóró fae yaleteiné sóró fulapó,” yalepó.

¹² Ai fo depa atimané ępaae woseturaalu, “Mé wh̄iné ȳapaae besekę sóró fae yaleé?” yalepó.

¹³ Téyaletei, kale wh̄i wisiróló Yesu ę ai touró betere so wh̄i kuamó, buté buté feleteiné ę wisirale wh̄i kisipanipó.

¹⁴ Atéró, nalo me sukamó Yesuné ama wisirale wh̄i momatere bemó betepa kolóló, ępaae duraalu, “Mió naao tiki ai wisire kelere? Ȳa take sale sekę bosenóló, doasi sek̄ené ȳa só deraqsóró, mió naao ai du betere dowi ala mo ti taalae,” yalepó. ¹⁵ Téró, kale wh̄i ę ai moma dere be taaróló, kale Juda topo wh̄irapepaae Yesuné ę wisiralepóló ene felepó.

Kale mo ti betere bete Naalema ę tuámó mulapó yale fo

¹⁶ Tétepa, kale s̄a nokole sukamótei, Yesuné wh̄i wisiraterere ala dapóló, Juda

topo wh̄irapené ępaae sek̄ei ala eróló só deraai, doasi ketekę butu betalepó. ¹⁷ Atétepa, Yesuné atimapaee duraalu, “Ȳalo Aya ę ama kutó ditere ala taaréni, betere dok̄o h̄ale diyótóró tarapó. Ā atére kaae, ękélé h̄ale bitini, ȳalo kutótóró i ditu betere ape,” yalepó. ¹⁸ Yesuné ai alarape deremó, Juda topo wh̄irapené ę só deróló mo ti daairaalu, doasi ketekę butu betalepó. Até yaleteita, s̄a nokole be d̄e tukóló wh̄i wisirateremó maaté meipó. Ai alatamo touróló Kótóta, ama Ayapó dere foné ę Kótótamo betá ala erapó du betepa ę só deróló daai yalepó.

¹⁹ Téró, Yesuné atimapaee tok̄ó mótu duraalu, “Ȳalo dīapaae mo i dere ape. Naalemané ama kisipanétei, me ala yaai dapóló mo enénipó. Naalemané me kae kisi ala kaaróló dumi, Alimané du betere alatóró kolóló i du betere ape. Ti noatepae, Alimané du betere ala mo betakélé taaréni, turó Naalemanékélé du beterapó. ²⁰ Ti noatepae, Alimané Naalemapaae yaala sókó furaalu, ama dere ala fea ępaae yó mótu beterapó. Ita, mo fo dapó. Mió i dere ala bosenóló nalopaae mo doasi ala eratepa kilitu, diaaq sira yaalopó. ²¹ Ti noatepae, Alimané sukale so wh̄i kepaaróló beterótu yale kaae, Naalemanékélé ama melaai tuę mutere so wh̄ipaae mo ti betere bete mótu beterapó. ²² Ti ai ala maaté meipó. So wh̄itamo fo tok̄óló taleyóló só deratere alakélé Alimané dumitei, Naalemané yópóló, ama naase tuámó muló beterapó. ²³ Ai ala ereteita, so wh̄i feané Alimané doi sóró horótu dere kaae, Naalemané doikélé sóró horópóló erapó. Mepaae so wh̄i dené Naalemané doi sóró horénitepa, ti ę dotęyale sekę Alimané doikélé sóró horótimpó.

²⁴ Ȳalo dīapaae mo i dere ape. Mepaae so wh̄i dené ȳalo du betere fo wosóo, ę dotęyale sekępaae kisipa tiki tiróo depa, atétere so wh̄i mo ti betere bete sóró tarapó. Atére so wh̄ita, fo tok̄ótamo yóló só deréni, sukutere ala tuámó beteretei, tok̄ó sóró mo ti betaaire ala tuámó beteró beterapó. ²⁵ Ȳalo dīapaae mo dapó. Sukale so wh̄inétei Kótó Naalemané dere

fo wosaalopó. Mió ai fo wosetu betere so wh̄ita mo betaalopó. Take nalo ai ala yaaire be de h̄ale muóo, miókélé ai be de sókó wóló muóo i ere ape. ²⁶ Ti noatepae, mo ti betere bete Alima tuámó moletei, Naalema tuámó mulópóló mo taketi meló beterapó. ²⁷ Ti ̄ata, Wh̄iné Naalema betereiteiné so wh̄itamo fo tokóló tale dere ala yópóló, Alimané ̄a sóró beteró beterapó.

²⁸ Ȳalo i yale fo wosóló, dīa kilita sókó furaalu sira yaq̄se. Ti noatepae, suk̄ale so wh̄i mo feané ama fo nakome wosetu-raalu, atima mole doumó turukó holaaire be de sókó waalopó. ²⁹ Atétere sukamó wisi ala yale so wh̄i turukó holóló mo betaalopó. Téyaalotei, dowi ala yale so wh̄i atima turukó holaalotei, taleyóló mo ti só deraalo ai ape. ³⁰ Ȳalo wotoró kisipané me ala yaai dapóló mo enénipó. Fo tokóló taleyóló só deraaire alakélé, ȳalo Ayané ama dere fo sya fóló, mo donotoró taletu beterapó. Ti noatepae, ȳalo du betere alata ̄e maaté h̄ekese yaai dumitei, ̄e dot̄eyale seké ̄a h̄ekese yópóló, ama kisipa mole alatóró sya fu beterapó,” yalepó.

Yesuné amatei ̄a etei kaae wh̄ipó enénipó yale fo

³¹ “Ȳaloteitamo ̄e etei kaae wh̄ipó depa, ti ȳalo dere fo mo dapóló diaāq wosaalomeipó. ³² Mené ȳalo dere ala kilituraalu, ̄a etei kaae ala ere wh̄i wisipó du beterapó. Ama atéró dere fo wosetere wh̄iné mo dapó enére ala ȳalo mo kisiparapó.

³³ Dīané ̄e deé yóló wosaai dapóló, mepaae wh̄irape Jon beterepaae dotonó beterapó. Atétepa Jon-né kale mo foné bete i ape yóló, dīapaae yó meló beterapó. ³⁴ Ti mo wh̄iné ̄a etei kaae wh̄ipó dere fo mo dapóló, ȳalo wosaai kisipa munipó. Atépatei, Jon-né yale ala ȳalo dīapaae i dere beteta, so wh̄i fea aluyaqsóró, Kótóné tao sópóló dapó. ³⁵ Jon ̄ata, s̄a dērótu dere kaae, so wh̄i tuámó dēró beterepó. Ai s̄a h̄ale dēyó tapa, dīa ai dēmó kapala asiri hāitamo bitiré fu betaalopó.

³⁶ Jon-né ama yó melale fota, ti ̄e tuámó ere alatóró mo dono yó mótu betaalopó. Téyaaletei, ȳalo i ditu betere kutóta, ̄e dot̄eyale seké ȳalo Ayané ama ̄epaae diyóló kemerae yale kutó dirótu beterapó. Mió ȳalo i du betere alarape kolósu, Jon-né ̄e bope yóló du betale fo kolósu depa, ȳalo du betere alané ama du betale fo tēteróló bosene falapó. ³⁷⁻³⁸ ̄E dot̄eyale seké ȳalo Ayanékélé, ̄e etei kaae wh̄ipóló h̄akearóló yó mótu beterapó. Tétu betepatei, diaāq ̄epaae kisipa tirénire betené ama dere fo diaāq wosóo, ama tikikélé dīané kolóo, ama fokélé diaāq hosaa tuámó muóo inipó. ³⁹⁻⁴⁰ Diaāq kisipanéta, kale ašemó yóló muló betere fo dos̄ayóló kisipa sóró, mo ti betere bete saalopó du beterapó. Ti ašemó i ere fo feanéta, ̄e etei kaae wh̄ipóló yó matapó. Atépatei, dīa ̄e beterepaae mo ti betaaire bete sene wale h̄órótu beterapó.

⁴¹ Mo so wh̄iné h̄ale foné maaté ȳalo doi sóró horótu betepa, mo dapóló ȳalo wosenénipó. ⁴² Tétepa, ȳalo dīa diriyóló tuérapó. Diaāq Kótópaae yaala sókó fóló, h̄ekesené sukutere ala dīané hosaa tuámó muniretei, ȳalo mo tuérapó. ⁴³ ̄Eta, ȳalo Aya Kótó ̄a etei seké beterapóló dīané kisipa yópóló, yó melaai ama ̄e dotonatepa waleteti, diaāq ̄e wisiyóló dape sinipó. Atépatei, mepaae wh̄i detamo ama k̄leaané wóló bitu, ̄a etei kaae wh̄ipó depa, ti dīané ̄a mo wisiyóló dape senérapó. ⁴⁴ Mo bet̄a betere Kótóné diaāq du betere ala kolóló, dukiratere fo wosaai keteké buni yóo, diaāqte i dīa dukiratere ala yóo, du betereiteiné ̄epaae netéró tué tiki tiraaloé?

⁴⁵ Ȳalo Ayané keletómó dīané i dowi yalepóló h̄akearóló só deratere alata, ȳalo yaaitere nisi yaq̄se. Dīa tao saalopó du betale wh̄i Moses-nétóró dīa só deraalopó. ⁴⁶ Dīanétepa Moses-né as̄ere fo wosóló, mopóló kisipa tiróluqsóró, ti mió ȳalo dere fokélé mo dapóló kisipa tiróluq̄pó. Ti noatepae, ama ai as̄ere fota, ̄emótóró kisipa muturaalu erapó. ⁴⁷ Tétepa, ama as̄ere fo diaāq dos̄ayóló mopóló tué tiki tiréni depa, ti ȳalo du betere fokélé netéró wosóló, kisipa tiraaloé?” yalepó.

6

Yesuné 5,000 whi ɔla melale fo

(Mat 14:13-21, Mak 6:30-44, Luk 9:10-17)

¹ Atéro mepaae be ɔrape kemetepa, nalo Yesu ɔ Kaleli wei uté fókuro tɛ felepó. Ai wei kelané doi meta, Taiberius-pó. ² Yesu ɔ atéro fóló beteremó, mepaae kisi daae mole so whi wisiraterere kelemei alarape kelaletiné so whi mo feané ɔ sya wou betalepó. ³ Atéro, Yesu ɔ betɔ du sokore aɔpaae hololó, ama yó matere whirape atima fea betamó beterepó. ⁴ Atéyale alata kale bosenyóló fele be ɔmó, Juda fake whirapené ɔla detere ala felekemó sókó waai deremó yalepó.

⁵ Atéro, Yesuné ama kelalemó, so whi mo hale ɔla kaae, ɔ beterepaae wou betepa Filip-paae duraalu, “Doa i so whi naaire *bred* okó momó dupu yaaloé?” yalepó. ⁶ Yesuné Filip-paae atéro wosale fota, ama yaaire ala tuɛrutei, Filip-né noa fokó déró ɔ kaae kolóló sɔ suraalu yalepó.

⁷ Ai fo depa, Filip-né Yesupaae duraalu, “200 *silpa moni*-né dupu dere *bred* o i betó mole so whi fea sumó naalomei, sawa téti nenérapó,” yalepó.

⁸⁻⁹ Tétepa, Yesuné ama yó matere whikó ama doi Saimon Pitané noma Andruné Yesupaae duraalu, “I betere naalené betɔ *bali* o bula aporó yóo, ya belekamale tamo yóo, yóló i tare ape. Téreteiné doa i betó mole so whi fea anéli ɔlané sunére?” yalepó.

¹⁰ Atétepa, Yesuné atimapaee duraalu, “Ai so whi ne tómó beterópóló yae,” depa, atima betalepó. Ai tuamó betere naale senaaleró sorapetamo dosani, whirape maaté dosayóló touróturaalu, 5,000-rópó. ¹¹ Atéro, Yesuné kale *bali* o bularape fea sóró taruraalu, Talepaae mo kée yóló terekée daalu yóló, so whimó aliralepó. Ya tamokélé *bred* o yale kaaetóro yóló aliratepa, atima fea mo sumó nalepó.

¹² Atéro sɔtepa, ama yó matere whirapepaae duraalu, “Muni fele buki ɔla hale beseké yaqsórópa, fea daseté kweyae,” yalepó. ¹³ Atéro nale aporó

bred o bulanétei, buki muni fupa daseté kweyóló, 12 yorape deyóló faanalepó.

¹⁴ Ai betó mole so whiné Yesuné atei kaae kelemei ala eratepa kolóló duraalu, “I whita, i haepaae waalopóló take bopetu betale Kótóné kóló whi ɔtóró hti irurapó,” du betalepó. ¹⁵ Atéro, ai so whiné Yesupaae woseni, atima kɔleaanétei ɔ doasi topo whi sóró beteraai kisipa mualepó. Atima atéro mutere kisipa tiki bete Yesuné kilitu atima taaróló, ɔ ama wotoró betɔ du sorokore tikipaae momó bitɔ holalepó.

Yesu wei tómó daaté wale fo

(Mat 14:22-33, Mak 6:45-52)

¹⁶ Téro, atéyale sukamó kuluka be dikité dorowaletamo Yesuné yó matere whirape atima maaté Kaleli wei fókupaae derepelepó. ¹⁷ Atéro, aimó atima Yesu ɔ kaae tawóló daapatei be diki yalepó. Atétepa, kale whirape atima wei nukupaae bitɔ holóló, Kapeneam be huluapaae faairaalu, ai wei kɔla tuamó tukóló fu betalepó. ¹⁸ Atéro fu betalemó, doakale besé tiki wouraalu, doasi wei asya walepó. ¹⁹ Até depatei, atima 5 ó 6 *kilomita* ɔlemó nuku ité fu bitu kelalemó, atima nukutamo wou betepa, Yesu ɔ hokolaa yaairaalu, wei tómó daaté wou betalepó. Atétepa kilitu, atima doasi winé sukalepó. ²⁰ Tétepa, Yesuné atimapaee duraalu, “Ita ɛpa, diɔ wiyaɔse,” yalepó. ²¹ Tétepa, kale whirape atima witere ala taaróló, halaaíné Yesu dape sóró, nuku tuapaae beteraai kisipa mualepó. Atéro dape sóró, atima faaire wei fóku feleke inipatei, utéro hapale tétitóro sókó felepó.

²² Atéro, Yesuné ama yó matere whirape atima fi tikimó, ai wei fókumó betó mupa fele so whi atima fiyóló, hika turukó huturaalu etei kisipa mualepó. Imó mole betɔ nukumóta Yesu bitini, ama yó matere whirape maaté betóló felepó du betalepó. ²³ Atéro, Taiberius beró wale whirape mepaae atimané nukutamo, take Talené mo kée yóló, ɔla aliyóló nuku betale tikimó sókó walepó. ²⁴ Atéro, ai sukamótóroti mepaae whirapekélé, kale nukutamo wale whirapetamoné Yesuró ama yó matere whirapetamo kekalemó

kilinitepa, Kapeneam be huluapaae kekʻai dapóló, atima nukupaae bitʻi holóló felepó.

Yesu ʻata, mo ti betere bred opó yale fo

²⁵ Atéró, kale so whʻiné Yesu kekʻitu beteró, wʻei fóku uté tʻeró betepa kolóló ʻpaae duraalu, “Yó matere whʻi-ó, yʻa ipaae metéli waleé?” yalepó.

²⁶ Ai fo depa, Yesuné atimapaae duraalu, “Yʻalo diʻapaae mo i dere ape. Diaaʻ ʻ ʻ kekʻitu betere beteta, sira yaaire kelemei alarape eraleteimó kisipa mutu, ʻ kekʻitu betere? Mo meipó. Kale *bred* o sʻumó naleteiné diaaʻ ʻ ʻ ai keketé kutu betere ape. ²⁷ I haemó nokole mo ʻlata, ti doyóló aluyaalopó. Atéyaaire ʻlamótei, diʻa depe tukówei ala du betaʻse. Mo ti betaaire ʻlata, kale whʻiné Naalemané diʻamó melaalopa, ai ʻla mo ketekʻ buóló hajtamo sae. Atei ʻla melaaire whʻita, Alima Kótóné fopeyóló ʻtóró wisirapóló siriróló, beteró beterapó,” yalepó.

²⁸ Ai fo depa, atimané ʻpaae wosetu-raalu, “Kótóné ama dʻapaae dirae dere kutó-a, noaé?” yalepó.

²⁹ Tétepa, Yesuné duraalu, “Kótóné ama dirae dere kutóta i ape. Kótóné ama dotonó betere whʻi betʻapaae kisipa tiki tiróló betae,” yalepó.

³⁰ Ai fo depa, atimané ʻpaae duraalu, “Talené eratapóló dʻané kisipa tirópóló, naao noa kelemei alakó eraaloé? ³¹ Mo take dʻané noutererape atima hʻale kópu kʻae fi haemó kuturaalu, *mana* o betʻa nópóló ó hepen bemó derótua ipakalepóló, asʻemó yóló muló beterapó,” yalepó.

³² Tétepa, Yesuné atimapaae duraalu, “Diʻapaae yʻalo mo i dere ape. Hepen bemó derótua yale *bred* ota Moses-né menitei, yʻalo Ayané betʻa ó hepen bemó deratere mo bete mole *bred* o diʻamó mótu beterapó. ³³ Ti Kótóné ai mótu betere mo bete mole ota ó hepen be taaróló dorowóló, i haemó betó mole so whʻimó mo ti betere bete matere whʻita, ʻtórótipó,” yalepó.

³⁴ Ai fo depa, atimané ʻpaae duraalu, “Doa whʻi-ó, naao ai bope dere ota, mo

miótóró kaae sóró dʻamó melaasepé,” yalepó.

³⁵ Ai fo depa, Yesuné atimapaae hʻakearóló duraalu, “Mo ti betere bete mole ota ʻtórótipó. Mepaae so whʻi de ʻ beterepaae wapa, ai so whʻi wotekélé mo yaalomeipó. Mepaae so whʻi de ʻpaae kisipa tiki tiratepa, ti ai so whʻi wʻei nokole dere ala mo sawakélé yaalomeipó. ³⁶ Take yʻalo diʻapaae yale fo kaae, momó i dere ape. ʻ wale ala diaaʻ kelaleteti, ʻpaae kisipa tiki tiratere ala dumipó. ³⁷ Yʻalo Ayané ʻpaae matere so whʻi feata, ti ʻ beterepaae wou betaalopó. Mepaae so whʻi detamo ʻ beterepaae wapa, ti yʻalo atima fae yóló hʻokonatere alakélé mo yaalomeipó. ³⁸ Ti noatepae, ʻ ó hepen be taaróló i haepaae dorowaleteita, yʻalo kisipa mole ala yaai dapóló anipó. Téní, ʻ dotʻyale whʻiné ama kisipa mole alatóró eraairaalu woló i betere ape. ³⁹ Yʻalo Aya ʻ dotʻyale sekéné ama kisipa mole alata ipó. Ama ʻpaae melale so whʻi mo betʻakélé yʻalo aluréni, take kemetere sukamó atima fea kepaayóló mo ti beterópóló kisipa mutu ʻ dotonalepó. ⁴⁰ Ti yʻalo Ayané ama kisipa mole alata ipó. So whʻi de ama Naalemané dere ala kolóló ʻpaae kisipa tiki tiratepa, ti atétere so whʻi mo ti betótóró tawaalopó. Ai so whʻita, take kemetere sukamó yʻalo kepaaróló beteraalo ai ape,” yalepó.

⁴¹ Ai fo deremó kale Juda fake so whʻiné duraalu, “ʻata, ó hepen be taaróló dorowale *bred* opó du betere fo-a, noa betené dérópóló,” atima dei tué mutu, ʻ faletu betalepó. ⁴² Kale dere kaae atimasisitei duraalu, “I sekéta, kale Josep-né naalema Yesu hʻiti meié? Ama hamaró alimatamota, dʻané tuérapó. Tépateti, ʻ ó hepen beró dorowalepó du betere fota, noa betené dérópó,” yalepó.

⁴³ Atétepa, Yesuné atimapaae duraalu, “Diʻasisitei dei tué muóló kʻlaarótu betere fo taalae. ⁴⁴ Whʻi me de ʻ beterepaae ama kʻleaané wonénipó. Yʻalo Aya ʻ dotʻyale sekéné amatei ʻ beterepaae ʻlisóro wapa, ti wonérapó. Ai so whʻita, take kemetere sukamó yʻalo kepaaróló mo ti beteraalo ai ape. ⁴⁵ Mo take betale Kótóné kʻló whʻirapené asʻemó i fo erapó.

‘Kótóné ama so whi yó mótu betepa, ti atima fea tué yaalo ai ape.’

Yalo Ayané dere fo wosóló, kisipa sere so whita, ti ę beterepaae wua du beterapó. ⁴⁶ Mo whi betanékélé Kótó kilinitei, kale Alimatamo betóló wale Naalené betą ti Alima kolóló kisiparapó. ⁴⁷ Yalo diąpaae mo i dere ape. Whi me detamo ępaae kisipa tiki tiró betepa, ti ai whiné mo ti betó tare bete sóró tarapó. ⁴⁸⁻⁴⁹ Ti noatepae, mo ti betere bete bole ota ętórótípó. Mo take betale diaaę noutererape atima haę kópu kaae fi tikimó kuturaalu, Kótóné ó hepen bemó deratere *mana* o maaté nukua ipakalepó. Tétua yaleteti, atima bitini sukutua erapó. ⁵⁰ Atéyaleteti, ó hepen bemó dorowale betere bete bole *bred* ota i mole ape. Ai o nokole so whi sukókélé mo yaalomeipó. ⁵¹ Ó hepen bemó dorowale mo ti betere *bred* ota, ti ętórótípó. Whi me de i o sóró nukupa, ai so whi mo ti betó tawaalopó. I ota, haemó betó mole so whi mo ti beterópóló, matere yalo tiki mipó,” yalepó.

⁵² Ai fo depa, kale Juda fake so whi atimasisitei fo ęlaaróló duraalu, “Haió, i whiné ama tikitei dąpaae naasepé dere foa, netéro nópóló melaai dérópó,” yalepó.

⁵³ Tétepa, Yesuné atimapaee duraalu, “Yalo diąpaae mo i dere ape. Kale Whiné Naalemané ama tiki miró fąketamo nénitepa, ti atétere so whi tuąmó mo ti betere bete muni ai ape. ⁵⁴ Mepaae so whi dené yalo tiki miró fąketamo nukupa, ti ai so whiné mo ti betó tare bete sóró tarapó. Ai so whita, take kemetere sukamó yalo kepaaróló beteraalopó. ⁵⁵ Ti noatepae, yalo tikita ti nokole mo bete mole ęla yóo, yalo fąkekélé nokole mo bete mole węi yóo erapó. ⁵⁶ Mepaae so whi dené yalo tiki miró fąketamo nukupa, ti atétere so whi ę tuąmó betóo, ę ai so whi tuąmó betóo, erapó. ⁵⁷ Mo ti betere sekę yalo Ayané ę dotonatepa walepó. Ę betere betekélé ti yalo Aya ątórótípó. Atére kaae, mepaae so whi dené ę nokole ęlapóló nuku betepa, ti betere bete ę ereteiné ai so whi atimakélé haę betó tawaalopó. ⁵⁸ Ó hepen bemó dorowale *bred* ota, ti ę i ape. Mo take betale diaaę noutererape atimata, ó hepen

bemó derótua yale *mana* o nukua yaleteti, atima fea sukąlepó. Tépatei, mepaae i o nokole so whita, mo ti betó tawaalopó,” yalepó. ⁵⁹ I fota, Yesuné u Kapeneam-mó tęne fo wosetere be tuąmó yó mótu betalepó.

Mepaae whirape Yesu taaróló fele fo

⁶⁰ Ama yó matere whirape mepaaené ai yale fo wosóló, atimasisi ęlaaróló duraalu, “Ama ai yó matere whi fota felékélé inipa, né wosaaloé?,” yalepó.

⁶¹ Yesuné ai yó matere fo ama yó matere whirapené wosaalo meipóló ęlaarótu betepa, Yesuné ama kisipa yóló atimapaee duraalu, “Yalo i yó matere fo diaaę wosóló felénipa, ętamo dei tué mute?

⁶² Kale Whiné Naalema ą take betale tikipaae momó fesaae hotepa kilitu, diaaę noa kisipa muaaloé? ⁶³ Whiné mo tó tikita, doasi bete munitei, Dęi Kepe Wisiné betą mo ti betaaire bete mótu beterapó. Yalo diąpaae yó matere fota, Dęi Kepe fąanuraalu, mo ti betere bete mótu beterapó. ⁶⁴ Tépatei, dią mepaae kisipa tiki tirénire whirapekélé ai betere ape,” yalepó. Yesuné atéró yale fota, ępaae tué tiki tirénire whiraperó ą dópóló eleké deyaaire whitamó take kaae sale sukamótei, ama kisipa yalepó. ⁶⁵ Téro, Yesuné ama yale fo kemeni, haę yótóro taru duraalu, “Yalo take diąpaae yale fo i ape. Mepaae so whi de atima kęleaanétei, ę beterepaae waai dapóló wonénipó. Yalo Ayané ę beterepaae ęlisóro wapa, ti wonérápó,” yalepó.

⁶⁶ Ai sukamó kaae sóró, Yesuné yó matere whirape mepaae ą sya fole ala taaralepó.

⁶⁷⁻⁶⁸ Atétepa, ama yó matere 12 whirapepaae duraalu, “Diaaękélé ę taaróló faai kisipa mute?” depa, Saimon Pitané ępaae duraalu, “Tale-ó, dą me de beterepaaemo faaloé? Mo ti betaaire fota, yą tuąmó ai mole ape. ⁶⁹ Yąta, Kótóné ama fopeyóló kae betero betere whi wisinaalepóló, dąné yąpaae tué tiki tiró beterapó,” yalepó.

⁷⁰ Ai fo depa, Yesuné atimapaee tokó mótu duraalu, “Dią 12 whirapeta, yąltei

sorokó sóró kae beteró beterapó. Téptei, betə whi tuəpaae dowi kepe doropóló ai betere ape!” yalepó. ⁷¹ Ama ai yale fota, Iskariot be whikó Saimon naalema Judas-mó kisipa muturaalu yalepó. Ti Judas əkélé 12 whirapekó ama yó matere whitei, ə dópóló eléké deyaaire seképpó.

7

Yesu ɔla deterepaae fele fo

¹ Ai alarape yóló kemetepa, Yesu ə Judia hae kwiamó betó mole Juda fake whirapené ə daai du betepa, Judia hae kwiapaae feni, Kaleli hae tuəmóte i kutu betalepó. ²⁻³ Téptei, Juda fake whirapené furu berapemó ɔla deyaai tukóló muló betere be de felekemó sókó waai depa, Yesuné ama nomarapené əpaae duraalu, “Yə ai betere be hulua taaróló, naao yó matere whirapené naao erótu betere kelemei alarape kolóppóló, yə Judia hae kwiapaae fumié yóló sətəu betalepó. ⁴ Ti noatepae, betə doi mole whi betaai depa, ti ama dere ala kikit i kinóló ini, so whi feané kolóppóló həkəamó enérəpó. Atépa, ti naao ai du betere alarape i haemó betó mole so whi feané kolóppóló həkəarae,” yalepó. ⁵ Ti ama nomarapené ai yale fota, atimakélé əpaae kisipa tiréni irutei yalepó.

⁶ Ai fo depa, Yesuné atimapaae duraalu, “Diaaə yaaitere alata, həkə həkə sukamó deté fenérəpó. Téptei, ə ai ɔla deterepaae faai tukóló muló betere mo dono be de sókó waai teórəpó. ⁷ I haemó betó mole so whi feané diə hóróló bóe dele ala enénipó. Téptei, ə hóróló bóe dele ala suka fea həkə yó tarəpó. Ti noatepae, atimané du betere dowi ala bete yəlo həkəaróló yó materemó, ətəmo dei tué muturaalu dapó. ⁸ Əta, ai ɔla deterepaae faalomeipa, diə maaté holae. Ti noatepae, ə yəlo yaaire ala teóreteiné beterəpó,” yalepó. ⁹ Ama atimapaae ai fo yóló, ə Kaleli hae kwiamó sawa kae tawóló beterəpó.

¹⁰ Téyalet i, ama nomarape atima ɔla deterepaae fitikimó, nalo əkélé Jerusalem be huluapaae holalete i, so whiné ə ke-laəsró həkəamó feni, kikit i sókó fóló

beterəpó. ¹¹ Atéró, kale ɔla detere tikimó atima Juda topo whirapené ə wóló beterémóló kekəlemó bitinipa atimasisi duraalu, “Kale whi momó beterérópó?” yalepó.

¹² Ai ɔla detere tikimó touró betere mepaae so whi atimasisi kikit i deté furaaalu, “Əta, mo whi wisipó,” depa, mepaae so whiné duraalu, “Meipó. Əta, so whi fea dilikóló kapala ala yó mótu betere whipó,” yalepó. ¹³ Téyalet i, atima Juda topo whirape kolóló wituraalu, mo whi betənekélé mepaae forape həkəamó inipó.

Yesu ɔ atimané ɔla detere tikimó daalu yó melale fo

¹⁴ Atéró, kale ɔla detere be de sókó waai mepaae be de həkə mupa, Yesu ə momatere be tipi bolaa tuəpaae holóló, kale fo kae sóró yó mótu betalepó. ¹⁵ Ama atéró yó matere fomó, kale Juda topo whirape atima kilita sókó fu, sirayóló duraaalu, “I whiné atei kae fosó fosó yóló yó mótu betere fo-a, ə *skul*-paaekélé fenitei, momó kisipa sóró du bitu dérópó,” yalepó.

¹⁶ Ai fo depa, Yesuné atimapaae duraalu, “Yəlo i yó matere fota, yəlot e i kekeme nóló dumi, ə dotəyale sekéné yae yale fotóró du beterəpó. ¹⁷ Mepaae whinétəmo Kótóné kisipa mole ala sya fóló, ama ala eraai kisipa mutepa, ti yəlo i yó matere fo Kótóné ama kisipa mole ala sya fóló dépé, yəlot e i kekeme nóló déró, ai whiné amatei kəae kolóló talenérəpó. ¹⁸ Me whiné ama tuénéte i kekeme nóló yó mótu betepa, ti ama doi doasi muóppóló du beterəpó. Téptei, me whinétəmo ə dotəyale sekéné doi doasi muóppóló ama ala eratepa, ti atétere whi tuəmó mo alatóró mulu, kapala ala mo sawakélé munipó. ¹⁹ Take kale tukóló muló betere fo Moses-né diəpaae menénie? Téyalet i, diəkó betə whinékélé ai tukóló muló betere fo sya feni, tikitua dapó. Atérəpa, diəné ə noatepa daai du bitu de?” yalepó.

²⁰ Ai touró betere so whiné əpaae duraaalu, “Yə tuəmóta, dowi kepe tepeyóló ai fənanəpa, yə né daai du betepa de?” yalepó.

²¹ Ai fo depa Yesuné atimapaee duraalu, “Yalo betā kelemei ala eraleteimó diaaḡ ai siratu betere ape. ²² Tétu betteretei, diaaḡ tiki sekaḡ tukóló sirirótu betere alata, Moses-né amatóro kaae sóro inipó. Ténitei, mo take diaaḡ noutererapené du betale ala sya furaalu, s̄aa naai tukóló mulale be demótei, mió diḡané naalerapekélé tiki sekaḡ ai tikitu betere ape. ²³ Téplatei, Moses-né yóló muló betere fo diaaḡ tikaalo meipóló kisipa mutu, s̄aa naai tukóló muló betere be demótei, diaaḡ naalerape tiki sekaḡ ai tikitu betere ape. Térapa, ai s̄aa nokole be demótóro, wh̄iné tiki turó yalo wisirateremó, diḡané ɛtamo noatepa fopaae butu de? ²⁴ Diaaḡ tómó mole ala kolóló ɛ só derótu betere fo mo taalae. Mo bete mole ala donotóro taleyae,” yalepó.

²⁵ Ama ai fo depa wosóló, mepaae Jerusalem be huluamó betó mole so wh̄iné duraalu, “Juda topo wh̄irapené daai du betere wh̄i ɛtóró h̄iti meié? ²⁶ Mió ɛ so wh̄i feané keletómó daalu, ama fo h̄akeamó yó mótu betepatei, atimané ɛpaae me fokélé dumipó. Ti Yesu ɛta, so wh̄i fea t̄eteróló kaae tanópoló, Kótóné sóro beteró betere wh̄i Kerisopóló, Juda topo wh̄irapené kisiparu demólópó? ²⁷ D̄anéta, ai wh̄i wale turuku be kisiparapó. Atéplatei, so wh̄i t̄eteróló kaae tare wh̄i Keriso ɛ wale sukamó, mo betā wh̄inékéle ama turuku be kisipa yaalo meipó,” yalepó. ²⁸ Atéro Yesu ɛ moma dere be belamó daalu, fo h̄ale yótóro mótu bitu fo fakeyóló duraalu, “ɛ wale turuku bekélé ɛkélé, diaaḡ kolóló kisiparapó dere fota, mo ai dere ape. Téplatei ɛ i wóló betteretei yalo k̄leaané ani, Ayané ɛ dotonatepa walepó. ɛta, mo alatóro yó tare seké betepatei, diḡané ɛ kolóló kisipanipó. ²⁹ Ténitei, ɛta ɛtamo betámó betóló ama ɛ dotonatepa waletiné yalo ɛ mo kisiparapó,” yalepó.

³⁰ Ama ai fo deremó, atimané ɛ tawóló *dipula* beteraai yaletei, wh̄i betānékéle ɛ tane fenipó. Ti noatepae, ɛpaae ai ala eraaire be de sókó waai teópa yalepó. ³¹ Aimó touró betere so wh̄i atima ai fo du betepatei, mepaae kisipa tiró betere so wh̄iné duraalu, “So wh̄i fea t̄eteróló

kaae tanópoló, Kótóné dotonaalopó ere wh̄i wale sukamó Kótóné dapó yópoló, i sekéné eraterere kelemei alarape fea bosenóló, me noa kaae doasi ala eraaloé?” yalepó.

³² Aimó touró betere so wh̄iné Yesuné du betere alamó, atimasisi kikiti du betepa, Farisi wh̄irapené wosalepó. Atétepa, so wh̄imó Talepaae momaraterere topo wh̄iraperó Farisi wh̄irapetamoné momatere be kaae tare diki tare wh̄irapené Yesu tawóló *dipula* beterópoló dot̄eyalepó.

³³ Atétepa, Yesuné atimapaee duraalu, “ɛta f̄lo sukamó bitini, mo sawa sukamó maaté diḡtamo betóló, ɛ dot̄eyale seké yalo Aya beterepaae momó fesaae faalopó. ³⁴ ɛ diaaḡ kek̄alotei, kelaalo meipó. ɛ fóló betere tikipaae diḡ wókélé mo yaalo meipó,” yalepó.

³⁵ Ama ai dere fo wosóló, kale Juda topo wh̄irape atimasisitei, fo k̄laaróló duraalu, “Ai wh̄iné ɛ kek̄ota yaalotei kelaalo meipó, ɛ fole tikipaae diḡ wókélé yaalo meipó, du betere fota, mopaae faai dérópó? D̄a Juda fake wh̄irape Krik fo bole be huluapaae dapo dapo yóló betere so wh̄ipaae fo yó male faairaaalu demólópó. ³⁶ Ama du, ‘Diaaḡ ɛ kek̄alotei kelaalo meipó, ɛ fóló betere tikipaae diḡ wókélé yaalo meipó,’ du betere-a, noa fo betené dérópó?” yalepó.

³⁷ Ʉla deté wóló kemerótu mo doasi Ʉla deyale sukamó, Yesu ɛ turukó holóló fo fakeyóló duraalu, “Mepaae so wh̄i detamo wēi nokole depa, ti ɛ beterepaae nale wópoló yae. ³⁸ Kale as̄ere fo tuámó Kótóné i fo erapó. So wh̄i tuámó mo ti betó tare wēi f̄aturaalu, feleyóló faalo ai ape ere fo mo dokonóló, mepaae wh̄i detamo ɛpaae kisipa tiki tiratepa, ti ai so wh̄i tuḡpaae mo eraalopó,” yalepó. ³⁹ Yesuné ama ai yale fo beteta, take ɛ hepen-paae furaalu, Dēi Kepe Wisi ɛpaae kisipa tiratere so wh̄imó matepa saalopóló kisipa mutu ai fo yalepó. Aita, ama doasi doi saaire be de teópa kaae taruraalu, ai fo yale sukamó kale Dēi Kepe hapale menipó.

⁴⁰ Ama ai dere fo wosóló mepaae so wh̄iné duraalu, “Kótóné k̄ló wh̄i

waalopóló bopetu betaleteti, me kae mei átóró mo h̄tipó,” du betalepó.

⁴¹ Ai fo depa, mepaae so wh̄iné duraalu, “Āta, so wh̄i fea t̄eteróló kaae tanópóló, Kótóné sóró beteró betere wh̄i Keriso h̄tipó,” Tétēpa mepaae so wh̄iné duraalu, “Meipó. Keriso ą Kaleli haemó netéró waalopóló de?” du betalepó. ⁴² “So wh̄i t̄eteróló kaae tare wh̄i Keriso āta, Take Depit-né ama turuku be Betelehem-mó ama deté fele naale tuāmó sókó waalopóló ašemó inié?” yalepó. ⁴³ Ai fo depa wose-turaalu, Yesu ą derópóló ai so wh̄i atima fea betą kisipa muni, kisipa kae kae mutu betalepó. ⁴⁴ Téturaalu, mepaae wh̄iné ą tawóló *dipula* beteraai kisipa muatelei, wh̄i betānekélé ą tane fenipó.

Juda topo wh̄irapené Yesupaae kisipa tiki tiréni yale fo

⁴⁵ Ai alarape yóló kemeróturaalu, kale momatere bē kaae tare diki tare wh̄irape atima Yesu tawóló *dipula* beteraai dapóló feletei, momó fesaae walepó. Atétēpa, mo so wh̄imó Talepaae momaratere doasi topo wh̄iraperó Farisi wh̄irapetamoné atimapaee duraalu, “Ai wh̄i-a, dapesó wale noatepa taaróló waleé?” yalepó.

⁴⁶ Ai fo depa, kale diki tare wh̄irapené atimapaee teraae faróló duraalu, “Mo take betale alimó betą wh̄inekélé, mió i wh̄iné dere fo kaae depa mo wosenipó,” yalepó.

⁴⁷ Ai fo depa, kale Farisi wh̄irapené duraalu, “Aita, diąkélé dilikituraalu yalepa kelaē! ⁴⁸ Dąkó i betó mole momaratere topo wh̄iraperó Farisi wh̄irapetamo mo betąkélé ąpaae kisipa tiki tiró beterekó diaaą kelere? Mo meipó. ⁴⁹ Tépatei, i betó mole so wh̄i Moses-né ašere fo dosąayóló tuęni, h̄ale h̄oko betó mupa, ti Kótóné atima doróló mokoraalopó,” yalepó.

⁵⁰⁻⁵¹ Ai fo depa, take Yesu beterepaae fele Farisi wh̄ikó ama doi Nikodimas-né mepaae Farisi wh̄irapepaae duraalu, “Dąné tukóló muló betere fo sya furaalu, me wh̄iné ama i alarape yalepó dere fo wosenipatei, h̄ale h̄oko só derótua de?” yalepó.

⁵² Atétēpa, atimané Nikodimas-paae duraalu, “Yąkélé Kaleli wh̄jé? Kótóné kóló

wh̄jta, Kaleli hae kwiamó waalopó fo inipó. Ai fokó ašemó muléró kelaasepóló dosąayae,” yalepó.

⁵³ Atéró, ai tourale so wh̄i atimané be séle sélepaae dapo dapo yóló felepó.

8

So betą wh̄i metamo daaneta du betēpa, dapesó wale fo

¹⁻² Atéró fi tikimó, Yesu ą Olip du sorokó molepaae fini holalepó. Atéró fiyóló, be d̄ētepa mo h̄ikati ą momatere be tipi bolaa tuąpaae momó fóló daalemó, so wh̄i fea wóló ą bopéró betēpa, biṭi doropóló atimapaee fo yó mótu betalepó.

³ Atéró yó mótu betaalemó, kale tukóló muló betere fo yó matere wh̄iraperó Farisi wh̄irapetamoné betą so nópu nuku betēpa kolóló dapesó wóló, ai touró betere so wh̄i tuāmó daalalepó. ⁴ Atéró daaló bitu Yesupaae duraalu, “Yó matere wh̄i-ó, i sota nópu nuku betēpa kolóló dapesó walepó. ⁵ Atei ala dere sorapeta, kapo duné siróló dae yóló Moses-né ašemó erapó. Atērapa, naao me fokó enére?” yalepó. ⁶ Atimané ąpaae atéró wosale fota h̄ale inipó. ą só deraairaalu, atimasisi fo deyóló ą sų su ai fo yalepó.

Tétēpa, ą hemée deyóló bitu, naase douné haemó ašetu betalepó. ⁷⁻⁸ Atéró atimané ąpaae wosetere fo dekéró yó tapa, ą hemée taretei donone holóló duraalu, “Diąkó dowi ala mo betąkélé initere wh̄i betēpata, ti ai wh̄inépi ą kapo duné siróló dópóló yae,” yalepó. Ai fo yóló, ą momó hemée deyóló haemó ašetu betalepó.

⁹ Ama ai dere fo wosetu, mepaae teó so wh̄i nalo wópóló, otererape atimapi be séle séle fu betalepó. Atima fea atéró fi tikimó, Yesu ą betą bitu kelalemó, kale so ą daale tikimótóró h̄ale daalepó. ¹⁰ Atēpa Yesu hemée taretei donone holóló, kale sopaae duraalu, “Ti so-ó, yą só deróló daai du betale wh̄irape-a, mopaae feleé? Me wh̄inekó yą só deraleé?” yalepó.

¹¹ Ai fo depa kale soné duraalu, “Doa wh̄i-ó, mo betą wh̄ikélé imó bitinipó,” yalepó. Tétēpa Yesuné ąpaae teraae faróló duraalu, “Yąlo yą só derótumipa dua fae.

Téturaalu, naao deté wou betere dowi ala momó kae ini, mo ti taalae,” yalepó.

Yesuné ęta etei kaae whıpó yale fo

¹² Atéro Yesuné ama yale fo kaae, so whıpaae momó duraalu, “I haemó ęerótu betere ęta ti mo ętórótípó. Mepaae ę sya wale so whıta, diliki tuąmó kuni, ę tuąmótóro kweyóló, mo ti betere bete sóro betaalo ai ape,” yalepó.

¹³ Ai fo depa, kale Farisi whırape atima dei tuę mutu Yesupaae duraalu, “Naotei ya etei kaae whıpóló dere fo mo dapóló, ęané wosaalomeipó,” yalepó.

¹⁴ Ai fo depa, Yesuné atimapaae tokų mótu duraalu, “Yalotamo ę etei kaae whıpó depa, so whıné mo dapó enérapó. Ti noatepae, ę betóló wale tikiró faaire tikitamo yalótóro tuęrapó. Téretei, ę wale ala ó fole ala dią tuęnipó. ¹⁵ Diąné me whı hamoma taleyóló só deratere alata, mo whıné dere ala sya fóló du beterapó. Tépatei, yalo taleyóló me whı só deratere ala mo dumipó. ¹⁶ Yalotamo ai ala depa, ti ę yalo wotoró bitini, ę dotęyale sekę yalo Ayatamo betą kisipa muóló, fea ala wusuró dereteiné mo donomó enérapó. ¹⁷ Téretei, diaaę sya fu betere ašemó etei fo yóló muló beterapó. Whı mené fo kae ini, atimaamo wusuróné betą kaae fotóro depa, ti mo dapó du beterapó. ¹⁸ Atétu dere kaae, yalotei ę etei kaae whıpóló yó melóo, ę dotęyale sekę yalo Ayanékélé, ę tuąmó ere alatóro fea ama mo dono yó melóo, du beterapó,” yalepó.

¹⁹ Ai fo depa, atimané ąpaae wosetu-raalu, “Naao Aya momó betere?” depa, Yesuné duraalu, “Ękélé, yalo Ayakélé diaaę mo kisipanipó. Ętamo diąné kisipa uąsóró, ti yalo Ayakélé diaaę sųmó kisipa uąpó,” yalepó. ²⁰ Yesuné ama i forape du betaleteita, momatere be tipi bolaa tuąmó Kótópaae *moni* hęle maleta dere tikimó daalu, yó mótu betalepó. Téyaletei, ąpaae me ala eraaire be ę teóreteiné betą whınekélé ę tane fenipó.

²¹ Atéro, Yesuné ama yale fo kaae, atimapaae momó duraalu, “Ęta, dią taaróló fulapó. Atéro fi tikimó diąné ę kekitu betaalotei, diaaę du betere dowi ala

tuąmó dią sukęalo ai ape. Ę fole tikipaae dią mo wókélé yaalo meipó,” yalepó.

²² Ai fo depa, kale Juda topo whırape atimasisi duraalu, “Ą fole tikipaae dią waalo meipóló yale fo beteta, amatei ą daalopóló du yalepó,” yalepó.

²³ Tépatei, Yesuné atimapaae yótóro taru duraalu, “Diąta, i haemó kaayóló beterapó. Ęta, ó taoró biti dorowale whıpó. Diąta hae whı betereteiné haemó mole alatamo fulumu du beterapó. Tépatei, ęta ó taoró dorowaleteiné i haemó mole alatamo fulumu dumipó. ²⁴ Take yalo diąpaae diaaę du betere dowi ala tuąmó sinaalo ai ape yale fota, ti i betené yalepó. Diaaę yalo dere fo wosóló, ę etei kaae whıpóló kisipa tikitamo tiréni depa, ti diaaę du betere dowi ala tuąmó dią sinaalo ai ape,” yalepó.

²⁵ Ai fo depa, atimané ąpaae duraalu, “Ti ya deé?” yóló wosetepa, Yesuné duraalu, “Mo take kaae sale sukamótei, etei kaae whıpóló diąpaae deté wou betaletei me kae mei ętóróti i ape. ²⁶ Diaaę du betere alamó yalo diątamo fo tokóló dią só deraire fo mo dekeró mulapó. Tépatei, ę dotęyale sekę ąta, mo alaró mo fotamoné betepó. Ama depa yalo wosale fotóro i haemó betó mole so whı feapaae yó mótu beterapó,” yalepó.

²⁷ Atimané ama ai dere fo wosóló, ita Alima tuąmó ere alatóro yó matapóló kisipa munipó. ²⁸ Atétu betepa, Yesuné atimapaae duraalu, “Kale Whıné Naalema diąné sikipaae só horatere sukamó, ę etei kaae whıpóló diaaę kisipa yaalopó. Mió diąpaae i yó mótu betere fokélé, yalo kęleaané kekeme nóló dumi, Aya ę dotęyale sekéné yó matere fotóro dapó. ²⁹ Ai ala yópóló, ę dotęyale sekéné ę wotoró beterópóló taaréni, ę ętamo betąmó beterapó. Ti noatepae, suka fea yalo du betere alata, ę hękese yaaitere alatóro erótu beterapó,” yalepó. ³⁰ Ama atéro yó mótu betale fo wosóló, mepaae so whı ąpaae kisipa tiralepó.

Atima Abraham-né naalerapepó yale fo

³¹ Atéro, Yesuné ąpaae kisipa tiró betere mepaae Juda fake so whıpaae duraalu,

“Diaaqtamo yało yó matere fo wosóló eró tapa, ti dią mo yało yó matere so whıtóró beterapó. ³² Atéró, kale mo fo betekélé diaaą tuę duraalu, dią dokóló moletei ai foné teraayóló hałe fópóló eraalo ai ape,” yalepó.

³³ Ai fo depa atimané ąpaae tokó mótu duraalu, “Dą Abraham-né deale naalené deté wale whırapeta, mo betą whıné wae sóró kutó diratere whıkéle bitinipó. Tépatéi, naao dąpaae dią mené kutó diratere ala ini, hałe fópóló yaalopó dere fo-a, noa betené de?” yalepó.

³⁴ Ai fo depa Yesuné duraalu, “Yało diąpaae mo i dere ape. Mepaae so whı detamo dowi ala hałe yó tapa, ti ai alané wae sóró kutó diratere so whıtóró beterapó. ³⁵ Ti ai so whıta, betą whıné deale naale senaale aleóló mo ti betenénipó. Tépatéi, betą whıné naalema ą betą ai whıné amatóro deyaletéiné mo titóro betó tawaalopó. ³⁶ Atérené kale Whıné Naalemanétamo dią képiné kaae dokóló mole so whı teraayóló hałe fópóló depa, ti dią mo fótóro yaalo ai ape. ³⁷ Diąta, Abraham-né deale naalené deté wale whırape betere ala yało tuęrapó. Tépatéi, yało fo dią tuąmó muniru, diaaą ę daai ai du betere ape. ³⁸ Yało i du betere fota, yało Ayatamo bitu kelale alatóro du beterapó. Atére kaae, diąné du betere alakéle, diaaą ayané diąpaae yó matere alatóro ai du betere ape,” yalepó.

³⁹ Ai fo depa, atimané ąpaae duraalu, “Dąné ayata Abraham-pó,” depa Yesuné duraalu, “Diątamo Abraham-né naale senaale bituąsóró, ti ama yale alatóro sya fóló uąpó. ⁴⁰ Yało diąpaae yó mótu betale fota, Kótóné ępaae depa wosale fótóro du betepatei, diaaą ę daai ketekę ai butu betere ape. Ti Abraham-néta, diąné ai dere ala kaae inipó. ⁴¹ Diąné ai du betere alarapeta, diaaą ayané yale alatóro sya fu beterapó,” yalepó. Téro atimané duraalu, “Dąta, ąlémi nóló hoko deyale naalerape meipó. Dąné Ayata, Kótó ątóró beterapó,” yalepó.

Satan-né naale senaale ai ape yale fo

⁴² Tétepa, Yesuné atimapaee duraalu, “Kótó ą diaaą Ayatamo uąsóró, ti ępaae hękesené sinóló yaala sókó fole ala uąpó. Ti noatepae, mió ę i haepaae wóló diątamo i bettereita, yało kęleaané ani, Kótóné ama ę dotonatepa walepó. ⁴³ Yało dere fo diaaą wosetutei, kisipa initere noa betené de? Ti aita yało fo wosóló, eraaire kisipa dią tuąmó muniru dapó. ⁴⁴ Atérené diąta, diaaą aya Satan-né ama fake so whı bitu, ama kisipa mole ala eraai du beterapó. Ti ąta mo fo buniruraalu, mo take keké nale alimóte kaae sóró, whı dilé wou betere seképó. Atétu, ai kale fo wisi mo sawakéle ą tuąmó munipó. ąta, kapala foné alima bitu, suka fea kapala fótóro dua dapó. Ti kapala fota, ama be fopó. ⁴⁵ Yało diąpaae mo fo du betepatei, diaaą yało dere fo wosóló, mo dapóló kisipa tirótimipó. ⁴⁶ Yało etei kaae dowi ala yalepóló, diąkó betą whıné haķearóló enére? Yałotamo diąpaae mo fótóro yó mótu betepa, ti diąné ępaae kisipa tiki tiratere ala dumipó. ⁴⁷ Kótóné so whınéta, ti ama dere fo wosetu beterapó. Diąta, Kótóné ama fake so whı bitinireteiné ama fo wosetumipó,” yalepó.

Yesuné amatei ą etei kaae whıpó yale fo

⁴⁸ Tétepa, kale Juda whırapené ąpaae duraalu, “Dąné yąta, Samaria whıkó dowi kepe tepeyóló beterapó dere kapala fo de?” yalepó.

⁴⁹ Ai fo depa, Yesuné duraalu, “Ę tuąmó dowi kepe tepeyóló bitinipó. Ęta, yało Ayané doi betą sóró horótu betepatei, diaaą yało doi haepaae só derótu beterapó. ⁵⁰ Yało du betere alata, ętei doasi doi muaii dapóló kisipa muóló dumipó. Ę doasi doi mulatere alata, mené eraai ketekę butu beterapó. Ti ąta, fo tokóló taletere bete Talepó. ⁵¹ Yało diąpaae mo dapó. Mepaae so whı detamo yało fo wosóló, sya fóló erótu betepa, ti ai so whı sukókéle mo yaalomeipó,” yalepó.

⁵² Ai fo depa, atimané ąpaae duraalu, “Ya tuąmó dowi kepe faayóló mulu du betere alarape dąné tuęrapó. Ti noatepae, Abraham-kéle sukó, mepaae take betale Kótóné kóló whırapekélé sukó yalepó.

Téyaletei, naao du, yało fo sya fóló eratere so whıta, sukalo meipó ai dere ape. ⁵³ Ai fota, dané aya Abraham naao tetéro beterapóló de? Ti Abraham akélé sukó, take betale Kótóné mepaae kóló whırapekélé sukó, erapó. Térapa, naao kisipané ya depóló de?” yalepó.

⁵⁴ Ai fo depa, Yesuné tokó mótu duraalu, “Yałotamo etei doasi doi muaaire ala depa, ti so whıné mo ala dapóló kisipa muaalomeipó. Tépatei, yało Aya dią teteróló kaae tare Kótópó, du betere sekéné ama betą yało doi doasi mulatere ala du beterapó. ⁵⁵ Diaaąta, ai seké kisipanitei, yało betą ą mo kisiparapó. Yałotamo ą kisipanipó uąsóró, ti ę dią kaae kapala fo dere whı bituąpó. Téuątei, yało ą kisipa iruraalu, ama fokélé yało eró tarapó. ⁵⁶ Diaaą aya Abraham-né ę waaire be de sókó wópóló kaae taru, ą hekesené sukutu bitipakalepó. Téyaletei, ę wale ala ama kilitu, ą hajné sukóló ama hosaa muni deyalepó,” yalepó.

⁵⁷ Ai fo depa, atima Juda whırapené ąpaae duraalu, “Yaąta, 50 ba fo kemenitei, Abraham naao ai kilirapó!” yalepó.

⁵⁸ Ai fo depa, Yesuné atimapaee duraalu, “Yało diąpaae mo i dere ape. Abraham akélé hamané deyaaipatei, ę mo taketi betere whıpó,” yalepó. ⁵⁹ Atétepa, atimané kapo durape sóró ą siróló daai yaletei, ą kelaąsóró kikiti buté buté fóló, moma dere be bopére tipi taaróló, belapaae sókó doropóló felepó.

9

Yesuné kele nomone whı wisirale fo

¹ Atéro, Yesu ą tumó fu betalemó, whı betą hamané depemótei kele dilikipa deale whı betepa kelalepó. ² Atépa, ama yó matere whırapené ąpaae duraalu, “Yó matere whı-ó, i whıné kele dilikiretei, ama yale dowi alané erépé, hamaró alimatamoné yale dowi alané erémólópó?” yalepó.

³ Ai fo depa, Yesuné duraalu, “I whıné ama kele dilikire alata, ama yale dowi alané ó hama alimané yale dowi alanékélé meipó. Aita, Kótóné fotokóné ama tiki tuąmó ere ala wisiró betepa, nalo so whı

feané kolóppóló erapó. ⁴ Be deąpatei ę dotęyale whıné ama kutó dané hałe dirótu betenérápó. Mióta, be diki dere ala sókó waai ai dere ape. Atétere sukamó, whı mo betąnékélé me kutó dinénipó. ⁵ Ę i haemó hałe bituraalu, ti haemó betó mole so whıpaae deąrótu betere deąta, ti etórótipó,” yalepó.

⁶ Ai fo yóló, Yesuné fesąa haepaae sókó deróló, hae kąae sóró basa basa eróló, kale whıné kelemó dilalepó. ⁷ Atéro ąpaae duraalu, “Naao dore kele u Sailoam weı kemó fokone fae,” yalepó. (Sailoam doiné bete feteyóló dotęyalepó.) Ai fo depa, kale whı ą fóló fokalemó, mo ti wisitepa, ama bepaae momó fesaae wouraalu, ąla ąla wisiyóló kelalepó.

⁸ Atépa, ama be whı so whıró ą kele doyóló bitu, ąla ąla kema du betepa kelale so whıtamóné duraalu, “Ita, take kele doyóló bitu, ąla ąla kema du betale whı hıti irurapó?” yalepó. ⁹ Tétepa mepaaené duraalu, “Me kae mei ątóro hıtipó depa mepaaené meipó, betą kaae kelepa daale whı kae irurapó,” yalepó. Tétepa kale whıné amatei duraalu, “Take kele dilikiyóló bitu, ąla ąla kema du betale whıta me kae mei, etóro hıti i ape,” yalepó.

¹⁰ Ai fo depa atimané ąpaae duraalu, “Naao kele dilikiretei netéro wisiyaleé?” yalepó.

¹¹ Tétepa ama duraalu, “Atimané Yesupó du betere whıné hae sóró basa basa eróló yało kelemó dilóló, Sailoam weımó fokone fae depa, fokale tikimó yało kele wisiyóló mió ąla ąla keletapó,” yalepó.

¹² Ai fo depa atimané ąpaae woseturaalu, “Ai whı ą momó betere?” depa kale whıné duraalu, “A momó beteréro ękélé kisipanipó,” yalepó.

Farisi whırapené betą whıné kele neyóló wisiraleé? yale fo

¹³ Téro, atima mepaae whırapené kale kele dilikiyóló betale whı Farisi whırape beterepaae dapesó walepó. ¹⁴ Yesuné kale kele dilikire whı hae dilóló wisirale alata, ąa naai tukóló muló betere be deąmó yalepó. ¹⁵ Atépa kale Farisi whırapenékélé ąpaae woseturaalu, “Naao kele dilikiretei,

netéro wisiyaleé?” depa, ama atimapaee duraalu, “Yalo kelemó hae dilólo Sailoam weı kepaee fokone fae depa, ę fóló fokalemó yalo kele wisiyóló, mió ęla ęla keletapó,” yalepó.

¹⁶ Ai fo depa mepaae Farisi whırapené duraalu, “I whıta, Kótóné dotonale whı meipó. Ti noatepae, ęa naai tukóló muló betere be demótei, ama etei kaa kutó ditu beterapó,” yalepó. Ai fo depa, mepaae whıné duraalu, “Dowi ala du betere whıné etei kaa kelemei ala netéro eraaloé?” yóló atimasısi tekeyóló fo kae kae du betalepó.

¹⁷ Téro atima ai fo yóló kemetepa, kale kele dilikiyale whı daalepaae fetée fóló duraalu, “Ai whıné naao kele wisıró beterapa, naao ę depóló kisipa mute?” depa, kale whıné duraalu, “Ata Kótóné ama kóló whıkópó,” yalepó.

¹⁸ Tétepa, ai kale Juda whırapené ę take kele dilikiyóló betale whıtei, wisıró beterapóló kisipa tiréni, ę kae whı nisiyóló ama hamaró alimatamo dapesene fıppóló, mepaae whırape doteyalepó. ¹⁹ Atéro, kale whıné hamaró alimatamo wóló betepa, Farisi whırapené atimaamopaae woseturaalu, “Ita diaamoné kele dilikipatei deyalepó yale naale hıtié? Atéyaletei, mió ama kele wisiretei netéro yaleé?” yalepó.

²⁰ Ai fo depa, hamaró alimatamoné duraalu, “Ata dımoné naalepó. Ama kele atéro dilikipa deyaleteti dımoné kisiparapó. ²¹ Téatei, ama kele wisirale whı ó netéro wisiraleró dımokélé tuęnipó. Ti ękélé disire whıpa, ę wisirale fo amatóro yópóló ępaae wosae,” yalepó. ²² Kale whıné hamaró alimatamoné atéro yale fo hıle inipó. Yesu ęta, Kótóné so whı tetéróló kaa tanópóló, sóro betero betere whıpó dere so whı fo wosetere bepaae holaęsóro, atima Juda whırapené belapaae hókó deraalopó ere fo atimaamoné wusuróraalu, witepa yalepó. ²³ Atimaamoné ękélé disire whıpa, ępaaetóro wosae yale fota ai betené yalepó.

²⁴ Téro, Farisi whırapené kale kele dilikiyale whıpaae momó ape yóló du-

raalu, “Kótóné doi doasi muóppóló yae. I sekęta, dowi ala du betere whıpóló dıne tuęrapó,” yalepó.

²⁵ Ai fo depa kale whıkó duraalu, “Ata, dowi ala dere whı ó initere whıró ękélé kisipa inipó. Téretei, take ę kele dilikiyóló betaleteti, mió yalo kele wisiyóló keletere ala betı yalo kisiparapó,” yalepó.

²⁶ Atétepa atimané ępaae woseturaalu, “Naao kele wisiraai noa ala maaté yaleé?” yalepó.

²⁷ Ti fo depa ama atimapaee duraalu, “Take yalo dıpaae yaleteti, diaaę woseni hıralepó. Téyaletei, dıané momó noatepa wosai de? Dıkélé ama yó matere whırape betaai kisipa mute?” yalepó.

²⁸ Ai fo depa atimané ę faleyóló duraalu, “Yata, i sekęné ama yó matere whı airapó! Dıta, ti Moses-né yó matere whırape beterapó! ²⁹ Take Kótóné Moses-paae mo yalepóló dıne kisiparapó. Téatei, ai whı wale tikikélé dı mo kisipanipa, ę deró kelae!” yalepó.

³⁰ Tétepa, kale whıné atimapaee tokó mótu duraalu, “Ama yalo kele wisirale alata, mo doasi alapó. Téatei, ę wale tikikélé dı tuęnipó depa, yalo doasi sira dapó. ³¹ Ti noatepae, dowi ala du betere whırapené dere fo Kótóné wosenitere ala dıne kisiparapó. Téretei, ama tuę mole ala sya fóló, erótu betere so whıné dere fota, ti ama wosetua dapó. ³² Mo take bitiré wale alimó, atéro kele dilikipatei detere whı mené fıęaae faralepó dere fo mo wosókélé inipó. ³³ Kótóné i whıtamo dotonólúmeısóro, ti ama betı alakókélé erólúmeıpó,” yalepó.

³⁴ Ai fo depa atimané ępaae duraalu, “Yata, naao haeró ayatamoné dowi ala tuęmó deyale whınétei, yı dı yó matere whı betaai de?” yóló, ę foné sóro hókó faralepó.

Mo kelené kelepatei tiki tuęmó daale kele dilikire fo

³⁵ Kale Farisi whırapené kele wisirale whı foné sóro hókó faralepó, dere fo Yesuné wosóló, kale whı kekęlepó. Atéro kekóló, keletepa ępaae duraalu, “Yata,

Whinė Naalemapaae kisipa tiró betere?” yalepó.

³⁶ Tétepa kale whiné aḗpaae duraalu, “Doa whi-ó, e aḗpaae kisipa tiki tiraai dapa, ai whi naao eḗpaae yó aḗae,” yalepó.

³⁷ Tétepa Yesuné aḗpaae duraalu, “Aḗta, mió naao ai kelale ape. Mió yaḗtamo i fo du betere seké eḗtóro i ape,” yalepó.

³⁸ Téró kale whiné duraalu, “Tale-ó, mió e yaḗpaae kisipa tiróló i betere ape,” yóló aḗ Yesu daale aḗmó bukurai teḗró dua betalepó.

³⁹ Téró Yesuné duraalu, “E i haepaae waletaita, mepaae kele dilikire so whi wisiróo, wisire so whiné kele diliki yóo yópóló, taleyóló bukurai walepó,” yalepó.

⁴⁰ Yesu aḗtamo felekemó daae mole Farisi whirapené ama dere fo wosóló, aḗpaae duraalu, “Naao ai dere fota, daḗkélé kele dilikirapóló de?” yalepó.

⁴¹ Tétepa Yesuné atimapaae duraalu, “Diḗtamo diḗ kele dilikirapó uḗsóró, ti diḗné du betale dowi alamó diḗ só derólugaḗpó. Tétepei diaaḗ duraalu, diḗné kele wisirapó dereteiné diaaḗ dowi ala haḗle ai mole ape,” yalepó.

10

Sipsip hupu kaae tare topo whi wisata Yesuné aḗtórotipó yale fo

¹ Téró Yesuné duraalu, “Yaḗlo diḗpaae mo i dapa wosae. Mepaae whi de kale *sipsip* hupurape betere tipi tumó sókó wéni, demó fulukóló sókó hotepa, ti qlémi nokole whiró hupu doraai wale whitamo ai ape. ² Téretei, whi me de kale *sipsip* hupurape betere tumótóro sókó hotepa, ti hupu tale ai ape. ³ Kale *sipsip* hupurape me ala yaḗsóró, tu sereke kaae tare whiné ai *sipsip* hupu tale tipi tuḗpaae wópóló tu tukitepa, ti ama fo nakome hupurapené wosetua dapó. Atéroró, kale *sipsip* hupurape fea doi yósu enalemó, ama fo wosóló wapa, ti belapaae olosó fua dapó. ⁴ Atéroró, kale hupu talené ama hupurape fea belapaae dapesó doropóló, ama kilimó woleyóló fua dapó. Ti noatepae, kale hupurapené ama fo nakome wosóló tuḗrapó.

⁵ Tétepei, mo whiné fo nakome wosetu-raalu sya feni, atima botokóte faalopó. Ti noatepae, ai hupurapené aḗ kae whipóló tuḗrapó,” yalepó. ⁶ Yesuné atimapaae ai dó faróló yale fo bete atima sini, kóló kóló du betalepó.

⁷ Atétepa Yesuné atimapaae haḗkearóló duraalu, “Yaḗlo diḗpaae mo i dere ape. *Sipsip* hupu fua wua dere tu sereketa, ti mo eḗtórotipó. ⁸ E waaipatei, take wua yale whirapeta, ti qlémi nokole whiró qla qla fasóló sere whirapetamo ai ape. Tétepei, kale *sipsip* hupurapené atima dere fo wosenipó. ⁹ Kale hupurape fua wua dere tu sereketa, ti mo eḗtórotipó. Mepaae whi de e tuḗmó sókó fupa, ti me qlané aḗ doratere ala ini, tao saalopó. Atétere whita, belapaae nerape nale fua, tipi tuḗpaae hotua du betaalo ai ape. ¹⁰ Ti qlémi nokole whirapeta, haḗle wómipó. Kale *sipsip* hupurape qlémi dóló sóro fúo, hupurape dóló doróo, yaairaalu wua dapó. Téretei, e waletaita atima sukutere ala tuḗmó betereitei taaróló, ti betere bete mo turó sópóló kisipa mutu walepó.

¹¹ Kale *sipsip* hupu kaae tawóló asare whi wisinaaleta, ti mo eḗtórotipó. Hupurape me ala yaḗsóró, tao saai yaḗlo betere bete me qla meipóló e sukunérapó. ¹² Me dupu saai kisipa muóló hupu kaae tatere whita, *sipsip* hupu tale meipó. Atétere whita, hupu dóló nokole bete haḗ wale kilitu, hupurape dóló nópóló taaróló aḗ botokó faalopó. Atétepa kale bete haḗ wouraalu, *sipsip* hupurape dóló sesaape deremó, mepaae hupu botokó dapo dapo yaalopó. ¹³ Ti noatepae, ai kaae tare whi aḗ *sipsip* hupurape kisipa muni, dupu saai kisipa muóló kaae tareteiné hupurape taaróló, botokó fua dapó.

¹⁴ Eḗta, *sipsip* hupurape kaae tawóló asare whi ereteiné, hupurape yaḗlo kisipa yóo, hupurapénékélé e kisipa yóo erapó. ¹⁵ Até irure kaae, Ayané ama e kisipa yóo, yaḗlo Aya aḗ kisipa yóo, erapó. Yaḗlo betere bete me qla meipóló sukḗaireteita, *sipsip* hupurape kisipa mutu, tao saairaalu sukunérapó. ¹⁶ I tipi tuḗmó betere hupurape maaté tao saai mei, yaḗlo hupurape mepaae kae

betó mulapó. Ai hupurapekélé fea yalo dape sóró, i betó mole hupurapetamo touróló betámó beteraalopó. Tétepa, ai hupurapenékélé yalo dere fo wosaalopó. Tétu, *sipsip* hupurapekélé mo betatóro betóo, kaae tare whikélé betatóro betóo, yaalo ai ape. ¹⁷ Yalo betere bete tokó sóró sukutepa, e momó kepaayóló betaalopóló kisipa mutu, yalo betere bete matereteiné yalo Ayané ama epaae yaala sókó fóló mulapó. ¹⁸ Whi betanékélé yalo betere bete tokó seni, yalo kqleaanétei matapó. E sinitere alakélé, kepaayóló betaaire alakélé, naotei tetéroló kaae tawae yóló, yalo Ayané epaae maletéiné yalo tetéroló kaae tarapó,” yalepó.

¹⁹ Kale Juda so whiné ai dere fo wose-turaalu, atima fea betá kisipa muni, mepaaené fo kae yóo, mepaaené fo yóo, du betalepó. ²⁰ Atétu, mepaae turó so whiné duraalu, “Ai whi tuámó dowi kepe fāanuraalu, topo doyóló du betere fo diaaq noatepa wosetu bitu de?” yalepó.

²¹ Ai fo depa mepaae so whiné duraalu, “Dowi kepe tepeyóló betere whiné etei kaae fo dumipó. Dowi kepe tepeyóló betere whiné kele dilikire so whi sumó wisiranére?” yalepó.

Juda whirapené Yesupaae kisipa tiki tiréni yale fo

²² Téró, Jerusalem be tuámó Juda fakené moma dere be mo take bóe whiné do-raalotei, momó wisiróló qla deyaai tukóló muló betere be de sókó walepó. Atéro qla detere alata, sosóli alimó yalepó. ²³ Atéyale sukamó, moma dere be belamá tene Solomon-né doi mole be tokweimó Yesu a kutu betalepó. ²⁴ Atétepa, Juda so whiné Yesu boperale wóló, apaae duraalu, “Naao dāpaae yó melaai yale fo yó melaalo nisiyóló kaae tawale supa, yātamo so whi tetéroló kaae tanópóló Kótóné sóró betéro betere whi Kerisopata, ti dāpaae hākearóló yae,” yalepó.

²⁵ Ai fo depa Yesuné atimapaee tokó mótu duraalu, “Take yalo diāpaae yaletéi, diāné tué tiki tirénipó. E etei kaae whipóló diaaq kisipa tirópóló, Ayané doimó yalo i kelemei alarape du beterapó. ²⁶ Tépatéi,

diā yalo *sipsip* hupu bitinireteiné, epaee kisipa tiró bitini ai ape. ²⁷ Yalo *sipsip* hupurapené yalo fo wosetua dapó. Ai hupurape atimakélé yalo tué yóo, atimakélé e sya wóo, du beterapó. ²⁸ Yalo atimapaee mo ti betere bete matereteiné atima sukóló alukélé mo yaalo meipó. Ai so whi atima yalo naase tuámó betepa, me whiné fasó sere alakélé mo enénipó. ²⁹ Ai *sipsip* hupurape yalo naase tuámó beterale seké yalo Aya āta fotokó bole Tale bitu, fea whiraperó kae kae keperapetamo ama tetéroló beterapó. Atéreteiné atima yalo Ayané naase tuámó betepa, me whinékelé mo fasó senénipó. ³⁰ Yalo Ayané ama ere ala ó mole tuékélé kae mei, dāmo wusuró mo betā alatóro erapó,” yalepó.

³¹ Ai fo depa wosetu, kale Juda whirapené momó kapo du sóró, a siriyóló daai yalepó. ³² Atétepa, Yesuné atimapaee duraalu, “Yalo Ayané epaee erae depa, kae kae kelemei ala eralepó. Téyalepa, mé erale kelemei alarapemó, diaaq e kapo duné siróló daai de?” yalepó.

³³ Ti fo depa Juda whirapené apaae tokó mótu duraalu, “Naao ai eratere alamó ya kapo duné siriyóló daai dumipó. Yāta mo whitei, Kótópó du betere foné Kótó faletu betepa, ya daai dapó,” yalepó.

³⁴ Tétepa, Yesuné atimapaee tokó mótu duraalu, “Diāné tukóló muló betere foné diāta, kótórapepóló take yalo diāpaae inié? ³⁵ Kótóné asemó ere fo tuámó tekeyóló mepaae wosóo, me kwiapaae woseni sisopaae eróo, dere ala mo enénipó. Ama fo wosale so whipaae diāta, kótórapepó depa, ti i haepaae wópóló Alima Kótóné kae betéro betere naalepaae noa fo enére? ³⁶ Atépa, yalo Ayané e ama naalepóló sóró kae betéroló, i haepaae dotonalepó. Atérené yalo duraalu, ‘Éta Kótóné naalemapó’ dere fomó, Kótó faletapóló diaaq e só deróló hāle qla kaae aqrótu beterapó. ³⁷ Yalotamo, Ayané ama erae dere ala erénitepa, ti diāné yalo dere fo wosóló, epaee kisipa tiraqse. ³⁸ Tépatéi, yalo Ayané erae dere ala erateremó, diaaq epaee kisipa tiratere hōtepa, ti mepaae eratere kelemei alarape kisipa tirae. Atétepa, ti yalo Aya a e tuámó betóo, ekélé

à tuámó betóo, ere ala bete diaaọ wisiyóló kisipa yaalo ai ape,” yalepó. ³⁹ Ai fo depa, atimané take yale kaae Yesu tawóló *dipula* beteraai yalemó, à ai tuámótei sókó deyóló felepó.

⁴⁰ Atéro Yesu à Jordan wèi tẹyóló, ama yó mótu betere ala kaae sale tikipaae momó biṭi felepó. Aita, take Jon-né so whi fea wèi tópurótu betale tikipó. ⁴¹ Atéro fóló betteremó, so whi mo dékéro à betterepaae wóló duraalu, “Jon-néta, kelemei ala mo betakélé eratepa kilinipó. Ténitei, ama i whi kisipa muóló yale fo fea motóro erapó,” yalepó. ⁴² Atima ai betó mole tikimó, mepaae so whi fea Yesupaae kisipa tiralepó.

11

Lasarus sukqle fo

¹ Téró, Betani be whikó ama doi Lasarus à kisiné sukóló molepó. Ai be huluata, Maria ama kema Martasépi atimané turuku bepó. ² Ai so Mariata, kale kisiné sukóló mole whi Lasarus-né nemapó. Àta, Talené hqleke tómó felé kẹlaa wale *wel* wèi suniyóló, ama topo nikinétei helekóló kópurale sopó. ³ Kale whiné ama nema tamoné Yesupaae duraalu, “Tale-ó, naao hosaa mole fulumu whi kisiné sukóló mulapó,” fo yó faralepó.

⁴ Ai fo Yesuné wosóló duraalu, “Àta, ai daale kisiné ama betere ala mo ti kemeraalo meipó. Ai kisita, Kótó Naalemané Alimané ere ala wisi hakearatepa, so whi feané kolópóló erapó,” yalepó. ⁵ Martakélé, ama kema Mariakélé, atimaamoné nema Lasarus-kélé, Yesuné ama hosaa mulu, yaala sókó fóló molepó. ⁶ Atépatèi, ama noma Lasarus kisiné sukóló mulapó dere fo wosóló, Yesu à hapale feni, be de tamo hqle betterepó.

⁷ Téró ama yó matere whirapepaae duraalu, “Dà Judia hae kwiapaae momó fesaee faalopa fiépe,” yalepó.

⁸ Ai fo depa, atimané apaae duraalu, “Yó matere whi-ó, dóti atima Juda whirapené yà kapo duné siróló daai yale tikipaaetei, momó fesaae faai de?” yalepó.

⁹ Tétepa Yesuné duraalu, “Betà be de tuámó kutó diterè 12-ró suka kele munié?

De tuámó kotere whiṭa, me qlané hó kotóo sóró déekélé naalomeipó. Ti noatepae, ai whi àta i haemó ere detamo kutu betterapó. ¹⁰ Téretei, diliki tuámó kotere whiṭa, kotóo sóró dée nukua dapó. Ti noatepae, à de tuámó konitereteinépó,” yalepó.

¹¹ Yesuné ai fo yale kqipaae ama atimapaee duraalu, “Dané fulumu whi Lasarus à noke fipa turukuraai e fulapó,” yalepó.

¹² Ai fo depa, ama yó matere whirapené duraalu, “Tale-ó, àtamo mo noke fipa, ti ama hqle wisiyaalopó,” yalepó. ¹³ Yesuné amata, kale whi mo ti sukunapó yaletei, ama yó matere whirapené ti mo noke fipa dere nisiyalepó.

¹⁴ Atétepa, Yesuné atimapaee hakearóló duraalu, “Lasarus-ta, mo ti sukunapó. ¹⁵ Atei alata, dià kisipa tirópóló e àtamo betámó betepa iniyaletèiné yqlo mo kée dapó. Térapa, dà à kelaai faalopa fiépe,” yalepó.

¹⁶ Tomas-tei ama doi Didimas-pó du betere whiné mepaae yó matere whirapepaae duraalu, “Dakélé àtamo betámó sukqai faalopó,” yalepó.

Yesuné Mataró Mariatamo nema sukqlemó sekq yaqsóro tao sale fo

¹⁷ Téró, Yesu à Betani bemó sókó fóló kelalemó, kale whi Lasarus दौरó betepa, दौरó be derape kemeipakalepó. ¹⁸ Ai Betani bemó kaae sóró, Jerusalem bepaae foleteita, saletó mei, 3 *kilomita* maatépó. ¹⁹ Atérené, Juda hae kwiamó betó mole so whi mo turó Mataró Mariatamoné nema Lasarus sukqleteiné atimaamo dekené sukaqsóro, kqleó yóló moló bemó fea betaai walepó. ²⁰ Atéro, Yesu à tumó wou betterapó dere fo Matané wosóló, àtamo hokolaa yaai fupatei, Maria à bemó hqle betterepó.

²¹ Atéro fóló, tumó hokolaa yóló, Martané Yesupaae duraalu, “Tale-ó, yátamo imó bituqsóro, ti yqlo ne sukuameipó.

²² Tépatèi, naao noa alakó Kótópaae wosetepa, ti ama mo miótóro eraalopóló kisipa mutapó,” yalepó.

²³ Ai fo depa, Yesuné kale sopaae duraalu, “Naao neta momó kepaayóló betaalo ai ape,” yalepó.

²⁴ Tétepa Martané duraalu, “Take keme-tere sukamó so wh̄i fea kepaaturaalu, ąkéle kepaayaalopóló yąlo kisiparapó,” yalepó.

²⁵ Ai fo depa, Yesuné kale sopaae duraalu, “Kepaayaaireteiró betere beteta-mota, ti mó ętórótípó. Wh̄i me de ępaae kisipa tiró betere tuąmó ą sukutepa ti aluni, hąle betó tawaalopó. ²⁶ Mepaae so wh̄i de mo bitutei, ępaae kisipa tiratepa, ai so wh̄i sukókélé mo yaalo meipó. Naaoyąlo i dere fo wosóló, mo dapóló kisipa tiki tirate?” yalepó.

²⁷ Tétepa kale soné duraalu, “Tale-ó, yąta so wh̄i fea tęteróló kaae tanópóló, sóró beteró betere wh̄i Kerisopó dere fo mo dapó. Yąta i haepaae waalopóló bopetu betale wh̄i Kótóné Naalemapóló, kisipa tiratapó,” yalepó.

²⁸ Matané ai fo yóló kemetepa, ą fesaae fóló kema Mariapaae ape yóló, deępaae dapesó fóló duraalu, “Hama-ó, kale yó matere wh̄i wóló daalu, yą-ó dapó,” yalepó. ²⁹ Ai fo depa, Mariané ą hapale turukó holóló, Yesu daalepaae felepó. ³⁰ Atéyaletei, Yesu ai be huluapaae hapale sókó feni, Mata atimaamo hokolaa yóló, fo du betale tikimótóróti hąle daalepó. ³¹ Atéró, Mariapaae kęle-ó, yaai wale Juda fake so wh̄i fea ątamo be dolomó betó mualetei, ą turukó daalóló fupa, nema molóne fole nisyóló atimakélé ą sya felepó.

³² Atéró, Maria ą Yesu daale tikimó sókó fóló ą kelalepó. Atéró, ama hó aqmó deraapisa fóló fiyó mulu duraalu, “Tale-ó, yą imó bituąsóró, yąlo ne sukuąmeipó,” yalepó.

³³ Atéró, Yesuné Maria wole dere ala kolóo, ątamo wale Juda so wh̄ikélé wole yóo, depa kilitu, ama hosaa tuąmó doasi deķené sukutu betalepó. ³⁴⁻³⁵ Atétepa, ama atimapaae woseturaalu, “Diaaq ą momó douraleé?” depa, atimané duraalu, “Tale-ó, kelaasepóló ape,” yalepó. Ai fo deremó, Yesu ąkéle wole yalepó.

³⁶ Yesuné atéró wole depa kale Juda so wh̄iné duraalu, “Ama hosaa mole wh̄i sukutepa wole ai dere kelere?” yalepó.

³⁷ Téyaletei atima mepaae so wh̄iné duraalu, “I wh̄iné take kele dilikire wh̄i wisirótu yale kaae, i sukóló mole wh̄i wisi erénitupó?” yalepó.

Yesuné Lasarus kepaarale fo

³⁸ Atéró Yesu ą kale yale kaae, momó ama hosaa tuąmó doasi dele duraalu, dou tópaee walepó. Téyalemó, ą dourale kane dolo tu doakale kane fakené kinó betepa kelalepó. ³⁹ Atépa, Yesu sókó wóló duraalu, “Ai kinó betere kane fake sókó sóró mulae,” yalepó. Ai fo depa, kale sukóló mole wh̄iné nema Matané duraalu, “Tale-ó, téyaalotei ą douró betepa, be deę doyró kemeyaleteiné mió dowi kęlaa sókó waalo ai ape,” yalepó.

⁴⁰ Ai fo depa Yesuné duraalu, “Naaotamo kisipa tiki tiratepa, ti Kótóné mo kae ere ala wisinaale kelaalo ai ape, fo yąlo yąpaae inié?” yalepó.

⁴¹ Atétepa, kale kinó betere kane fake atimané sókó sóró mulalepó. Téró, Yesu ą ó sępaae kese holóló duraalu, “Aya-ó, yąlo moma dere fo naao wosóló, eratereteiné yąpaae mo kée dapó. ⁴² Ti noatepae, betere dokę fea yąlo kematere fo naao wosóló, erótu betere ala yąlo tuęrapó. Téretei, yąlo i dere fota, i daae mole so wh̄iné etei ala kilituraalu, ę naao dotonó beterapóló atima tuę tiki tirópóló dapó,” yalepó.

⁴³ Atéró ai fo yóló kemetepa, ama fo fakeyóló duraalu, “Lasarus-ó, yą ipaae tóę ape!” yalepó. ⁴⁴ Tétepa, kale sinale wh̄i belapaae tóę wouraaalu, ama hó naasekélé, kelepaakélé, boperóló mulale deę *linen* kutiné bope yóo, ama kelepaakélé kutiné husuróo, epatei sókó walepó. Atétepa, Yesuné atimapaae duraalu, “A kweyópolópa, ama tikimó ai bopere kuti teraae falae,” yalepó.

Topo wh̄irapené Yesu daairaalu, fo deyaletei

(Mat 26:1-5, Mak 14:1-2, Luk 22:1-2)

⁴⁵ Atétepa, Mariapaae kęle-ó yóló, ątamo betaai wale Juda fake so wh̄i fea Yesuné ai yale ala kolóló, ąpaae kisipa tiki tiralepó. ⁴⁶ Téyaletei, Mariapaae kęle-ó yaai wale wh̄irape atimakó mepaae

Farisi wh̄irape beterepaae fóló, Yesuné yale alarape fea yó malepó. ⁴⁷ Atéró, mo so wh̄imó momaratere topo wh̄iraperó Farisi wh̄irapetamoné mepaae taler- atere wh̄irapepaae ape yóló, touróló fo k̄laaróló atimapaee duraalu, “I wh̄iné ama du betere ala taalópóló depatei, ai wh̄iné taalaaire mo suni, Talené dapó yópóló, eraterere kelemei alarape fea du beterepó. Térapa, d̄ané noa alakó yaaloró, tuę tekeyaalopó. ⁴⁸ D̄anétamo ama i ala du beterópóló kaae tapa, ti so wh̄i feané ̄paae tuę tiki tiraalopó. Atéturaalu, Rom *Gavman* wh̄irape wóló, d̄a betere beró d̄ané t̄eteróló kaae tare hae kwiatamo fasó saalopó,” yalepó.

⁴⁹ Atéró, ai ba fomó atimakó wh̄i bet̄a ama doi Kaiapas, ̄a so wh̄imó Talepaae momaratere doasi topo wh̄i beterepó. Ai sek̄né atimapaee duraalu, “Diaā ai dere fota, dī tuę iniru whaalia depa h̄oko fo dapó. ⁵⁰ D̄a Juda fake so wh̄i fea aluyāsóró, bet̄a wh̄i sukutepa wisirapó kisipa muni airapó,” yalepó.

⁵¹ Ai fota, amatei kekeme nóló ini, ai ba fomó ̄a so wh̄imó Talepaae momaratere topo wh̄i bitu, Juda fake so wh̄i tao saairaalu, Yesu suk̄aire ala Kótóné kóló wh̄iné dere fo kaae ama tikati yóló mulalepó. ⁵² Yesu ̄a suk̄aire alata, ai Juda fake so wh̄i maaté tao saai meitei, Kótóné ama naale senaale i hae kwiamó d̄apo d̄apo yóló, kae betó moletei, fea touróló mo bet̄a faketóró aleróló betereaalopó. ⁵³ Atéyale be d̄emótóró kaae sóró, kale Juda topo wh̄irapené Yesu daairaalu, kikiti fo dokóló mulalepó.

⁵⁴ Atéreteiné Yesu ai Juda hae kwiamó momó kae h̄akeamó kuni, ai hae taaróló, so wh̄ikélé bitinire h̄ale kópu k̄ae fi hae kwia felekemó t̄ene Epraim be huluaamó, ama yó matere wh̄irapetamo fea beterepó.

⁵⁵ Atéró, Juda fake so wh̄iné kale boseneýóló fele be d̄emó ̄la detua dere be d̄e felekemó sókó waai depa, kae kae be huluaamó betó mole so wh̄i fea atima betere tiki taaróló, Jerusalem bepaae holalepó. Aita h̄ale meipó. Talené

keletómó atima wisirapó yópóló, momatere bemó kae kae fokotere ala yaai holalepó. ⁵⁶ Atéró fóló bitu kale so wh̄iné Yesu momó betererópóló kikitu betalepó. Atéró moma dere be belamá daae mulu atimasisi duraalu, “Diaā kisi- pané ̄a i ̄la deterepaae waalopé meié?” du betalepó. ⁵⁷ Aita, h̄ale inipó. So wh̄imó momaratere topo wh̄iraperó Farisi wh̄irapetamoné mepaae wh̄irapepaae duraalu, “Dīkó me wh̄inétamo ̄a keletepa, ti tawóló *dipula* beteraalopa, atimapaee ene ape yóló mulaleteiné,” ai fo yalepó.

12

Mariané felé k̄laa wale nard wel w̄eĩ turó Yesuné hómó dilale fo

(Mat 26:6-13, Mak 14:3-9)

¹ Atéró, kale boseneýóló fele be d̄emó ̄la deyaairaalu, apo miró be d̄e h̄ale mupatei, Yesu ̄a ama kepaarale wh̄i Lasarusné turuku be Betanipaae sókó walepó. ² Ai bemó atimané Yesu h̄ekeseróturaalu, ̄amó ̄la deralepó. Ama nema Lasarus-kélé ̄la nokole ni fake tómó Yesutamo betepa, ai deyale ̄la Martané atimamó ̄liróló malepó. ³ Téró, Mariané doasi *moniné* duputere felé k̄laa wale *nard wel w̄eĩ* wuti f̄apa sóró wóló, Yesuné hómó suniyalepó. Atéró ama topo nikinétei, kale *wel w̄eĩ* f̄e helek̄lepó. Atéyale tikimó, atima betere be dolokélé, felé k̄laa feýó feýóró walepó.

⁴ Téyaletei, Yesuné ama yó matere wh̄irapekó Iskariot be wh̄ikó Judasné kale so foné sóró duraalu, “Ai ̄la h̄ale noatepa besekéraleé?” yalepó. Ti ai sek̄eta, take nalo Yesu d̄ópóló eleké deyaaire wh̄ipó. ⁵ “Téró ama duraalu i felé k̄laa wale *wel w̄eĩ* wisinaaleta, dotonóló 300 *silpa moni* sóró, mepaae yolealere so wh̄imó meniyólópó,” yalepó. ⁶ Ai fo yaleteita, yolealere so wh̄i mo tao saai kisipa muóló inipó. Ti noatepae, atimané bet̄apaae touróló mulótu betere *moni* ama t̄eteróló kaae taru, ̄atei ̄lémi sua yalepó.

⁷ Ai fo depa, Yesuné duraalu, “Ai soné ama felé k̄laa wale *wel w̄eĩ*ta, Kótóné mo taketitei i ala yópólópó yóló muló betepa, ama mo wisiyóló kaae taté wóló, mió ę दौरaaire suka felekemó ai ala dapa,

seséni ama yópóló taalae. ⁸ Ti noatepae, ai yolealere so wh̄ita, dītamo suka fea betó tawaalopó. Téyaalotei, ̄eta, dekéro be demó dītamo betaalo meipó,” yalepó.

⁹ Atéro, kale Juda fake so wh̄iné Yesu Betani bemó beteropó dere fo wosóló, ̄a kelaai dapóló touralepó. Atéro touraleitea, Yesu maaté kelaai mei, Lasarus mo ti suk̄aleitei, Yesuné kepaaralepó depa, kelaairaalú walepó. ¹⁰ Atétepa, mo so wh̄imó momaratere wh̄irapené Lasarus-kélé daai dapóló fo deyaalepó. ¹¹ Ti noatepae, Lasarus kepaarale ala atima Juda fake wh̄irapené kilituraalu, mo so wh̄imó momaratere wh̄irape taaróló, Yesupaae kisipa tiki tiraté fu betepapó.

Yesu Jerusalem bepaee fele ala

(Mat 21:1-11, Mak 11:1-11, Luk 19:28-40)

¹² Atéro, h̄ika be dētepa Yesu Jerusalem bepaee wou beteropó dere fo ai ̄la naai touró betere so wh̄iné wosalepó. ¹³ A fo wosetu, ̄tamo t̄umó hokolaa yaai sapa d̄arape tao diliki yóló, i fo fakeyóló deté fu betalepó.

“*Hosana!* Talené doimó wale wh̄i wisi-naale Kótóné wisirópóló yae. Israel fake so wh̄i t̄eteróló kaae tare doasi topo wh̄i Talené wisirópóló yae,” deté fu betalepó.

¹⁴ Atéro Yesu ̄ faaairaalú, bet̄a ut̄u *donki* hupu sóró ai hupuné sisó tómó betalepó. Ama ai yale alata, kale asemó i yóló muló betere fo motóró dokonalepó.

¹⁵ “Saion be huluamó betó mole senaalerape-ó, mió dī t̄eteróló kaae tare doasi topo wh̄i ut̄u *donki* hupuné sisó tómó betóló ai walapa kelere?” erapó.

¹⁶ Ai yale alarape fea ama yó matere wh̄irape atimanékélé kelaitei, bete hapale sóró kisanipó. Ténitei, Yesu ̄ kepaayóló hepen-paae fóló, ama ere ala wisinaale h̄kearale k̄lipaae ti atimané ̄paae erale alarapeta, Kótóné asemó ere fo dokonó beteropóló kisipa mualepó.

¹⁷ Téró, kale Lasarus dou dolomó mupa, Yesuné kepaaratepa kelale so wh̄iné ai yale ala fea deté fóló fakeralepó. ¹⁸ Yesuné ai kelemei ala eralepó, depa wosale so

wh̄i mo turó ai be hulua taaróló, ̄tamo hokolaa yaai dapóló felepó. ¹⁹ Atétepa, kale Farisi wh̄irape atimasisitei duraalu, “D̄ané du betere alarape fea mo ākélé inipó. Ti ama dere alamó, i haemó betó mole so wh̄i mo feané ̄tóró ai sya fu betere kelere!” yalepó.

Yesu ̄ sinaalopóló yale fo

²⁰ Atéro, ̄la deyaai tukóló muló betere be dē sókó wapa, Kótóné doi sóró holóló moma yaai Jerusalem be huluapaae hotere so wh̄itamo, mepaae *Krik* fo bole so wh̄i atimakélé fea touyóló holalepó. ²¹ Téró, kale *Krik* fo bole so wh̄i atima Kaleli haemó t̄ene Betsaida be wh̄ikó Filip beterepaae fóló, ̄paae woseturaalu, “Doa wh̄i-ó, d̄ata Yesu kelaai walepa, naao d̄a ̄ beterepaae dapesó faaloé?” yalepó. ²² Ai fo depa Filip ̄ wóló Andrupaae depa, Andru atimaamo wusuró fóló, Yesupaae yalepó.

²³ Ai fo depa Yesuné atimapaee duraalu, “Kale Wh̄iné Naalemané ere ala wisi h̄kearaaire suka mió mo felekemó sókó waai dapó. ²⁴ Ȳalo dīpaae mo dapó. Kale *wh̄it* ke haepaae taae dere-peletei k̄laayóló alunitepa, ti ai ketóró h̄le muó tawaalopó. Téni, ai ke k̄laayóló alutepa, ti t̄umu sokóló, du mo dekéro woleyaalo ai ape. ²⁵ Mepaae wh̄i de ama betere bete me ala yaqsóró, amatei hotowaró kaae tapa, ti ai wh̄iné betere bete aluyaalopó. Tépatei, mió i alimó mepaae wh̄i dené ama betere bete doratepakélé me ̄la meipó dere wh̄ita, mo ti betó tawaalo ai ape. ²⁶ Mepaae ȳalo ala erótu betere so wh̄ita, ti mo ̄tóró sya wonérapó. Atétere so wh̄i atimakélé ̄ betere tikimótóró bet̄amó betaalopó. Mepaae so wh̄i detamo ȳalo kutó dirótu betepa, ti atétere so wh̄iné doi ȳalo Ayané sóró horóló, dukiraalopó. ²⁷ Mió ȳalo hosaa tuamó doasi sekené sukutapa, noa fokó yaaloé? Aya-ó, i be demó ̄paae eraaitere ala seséyóló ̄ tao sae fo enére? Mió ̄paae eraaire ala mo erópóló, ̄ wóló i betere ape. Aya-ó, naao ere ala wisi so wh̄i feané kolópóló h̄kearae,” yalepó.

28 Yesuné ai fo depa, hepen bemó fo fakeyóló duraalu, “Yálo ere ala wisi hãkearó betereitei, mo turó kolóló tué yópóló, yálo momó hãkearaalopó,” yalepó. 29 Ama atéro dere fo aimó touró betere so whiné wosóló, mepaaené duraalu, “Aita, be sapalaa dorowou yalepó,” depa, mepaae so whiné duraalu, “Meipó. Aita, *ensel*-né apaae fo du yalepó,” yalepó.

30 Ai fo depa Yesuné duraalu, “Aita, ę tao saai ini, diã tao suraalu yalepó. 31 Ti noatepae, i hae so whıtamo fo tokóló dowi kwia melaaire be de mió mo felekemó sókó waai dapó. I hae tetéroló kaae taru, doasi topo whı betaai dapóló wóputu betere seké mo felekemó hókó faraalo ai ape. 32 Téyaalotei, ę ó sikipaae só hor- atere sukamó, ai so whı fea ę beterepaae wópóló, alısóró waaire ala eraalopó,” yalepó. 33 Ama ai yale fota, ę sukuturaalu yaaire ala hãkearalepó.

34 Atei fo depa kale so whiné duraalu, “Kótóné asemó ere foné i so whı fea tetéroló kaae tanópóló, sóró betéro betere whı mo ti betó tawaalopó erapó. Ai fo epatei, ‘Whiné Naalema sikipaae só horaalopó dere-a, netéro de?’ Whiné Naalemapó dere fo demó de?” yalepó.

35 Ai fo depa Yesuné atimapaae duraalu, “I detéreta, sawa sukamó maaté diãtamo betaalopó. Atéyaalopa diã mepaae furaalu, tu tuãmó be dikiyaqsóro depatei fae. Mepaae so whı de diliki tuãmótamo kutu betepa, ti ę fole tikikélé ama wisiyóló kiswa yaalomeipó. 36 Mió kale de diã tuãmó etéro deró betere félitei diã ai detérené naale senaale betaasepóló, apaae kiswa tirae,” yalepó. Ama ai fo yóló kemetepa, ai so whiné ę kelaqsóro, atima betó mupatei taaróló, Yesu ę kikitı kinóló betalepó.

Juda whırapené Yesupaae kiswa tiki tiréni yale ala

37 Téro, Kótóné dapó yópóló, Yesuné mepaae kelemei alarape eratepa so whı feané kelaitei, atimané apaae kiswa tiki tirénipó. 38 Atéyale alata, Kótóné fo eratere kóló whı Aisaiané i asere fo dokonalepó.

“Tale-ó, ðané yó matere fo némaaté wosóló kiswa tiki tiraleé? Tal- ené ama fotokóné yale ala depaae maaté hãkearóló yó malee?” erapó.

39 Ti noatepae, Yesupaae atimané tué tiki tirénire beteta, Aisaiané i asere fotóro dokonóturaalu erapó.

40 “Kótóné atima kele dilikiróo, hosaakélé taróo yale beteta, atima yale ala kilitu, tué tiki feteyóló wapa, ama wisiraqsóro kiswa mutu yalepó,” erapó.

41 Yesuné ai ere ala wisinaale Aisaiané ama kelaiteiné ai fo asę ipakalepó.

42 Atéro, kale Juda topo whırape mepaae Yesupaae kiswa tiki tiralepó. Téyaitei, mepaae Farisi whırape kolóló atima wituraalu, apaae kiswa tiki tirale ala hãkearóló yó menipó. Ti noatepae, fo wosetere be tuapaae fenalemó, atima dóló hókonaqsóro kiswa mutu yalepó. 43 Ti noatepae, atimané dere wisi alamó, mo so whiné dukiratere fo wosaai ekęle duraalu, Kótóné atima dukiratere fo wosaaire ekęle ini, sisópaae erótu beterapó.

44 Téro, Yesuné fo fakeyóló duraalu, “Mepaae so whı de epaae kiswa tiki tiratepa, ti epaae maaté tirótimatei, ę doteyale seképaakélé, kiswa tiratapó. 45 Mepaae so whı dené ę keletepa, ti ę doteyale sekétóro ai keletere ape. 46 Até ereteiné ę i haepaae waiteita, epaae kiswa tiki tiró betere so whı diliki tuãmó betere ala taaróló, de tuãmó betérópóló, i haemó deró betaai walepó.

47 Yálo fo wosóló erénitere so whıta, yáloitei fo tokóló só derótımipó. Ti ę waiteita, i haemó betó mole so whı taleyóló só deraai wéni, atima aluyaqsóro, tao saai walepó. 48 Whı me de yálo fo woseni, ę hórótu betepa, ti ai whıtamo fo tokótamo yóló só deraaire ala mulapó. ę i haemó bitu, yálo yó male fonétóro take kemetere sukamó so whı só deraalo ai ape. 49 Ti noatepae, yálo yale fota, yáloitei kekeme nóló ini, yálo Aya ę doteyale sekéné epaae yae yale fotóro yalepó. 50 Yálo Ayané ama yae yóló muló betere fo yálo sya fóló erótu betepa, ti so whı fea mo ti betaaire bete saalopóló,

yało kisiparapó. Ti yało i du betere fota, Ayané ɛpaae yae yale fotóro sya fóló du beterapó,” yalepó.

13

Yesuné ama yó matere wh̄irape hó fokale fo

¹ Téró, kale bosenée fele sukamó ɔla deyaaire be de felekemó sókó waai depa etéyalepó. Yesu ɔ i hae taaróló Alima beterepaae faalopóló tukóló mulale ali walapóló kisipa mualepó. I haemó betó mole so wh̄ipaae yaala sókó fole ala deté wóló kemeróturaalu, atimapaee mió bete mo turó h̄akearóló yó melaai dapó.

² Be dikiteretamo, Yesu ɔ ama yó matere wh̄irapetamo ɔla naairaalu taletu betepa, Yesu eleké deyóló d̄ópóló, Satan-né Iskariot be wh̄ikó Saimon naalema Judas-né tuę tuamó sesemeróló t̄enélipakalepó.

³ Yesuné fea ala ama t̄eteróló kaae tanópóló, Alimané ɔ sóró betero betere ala ama kisipa yóo, ɔ Kótó betereró wale alakélé, momó fesaae faaire alakélé, ama kisipa yóo, erapó. ⁴ ɔ atérápóló kisipa mutu, ɔla nuku betaletai turukó holóló, ama tómó deró betere kuti sókó mulóló, bet̄a tawel sóró kakeralepó. ⁵ Atéró, bet̄a nuku dis dolopaae w̄ei deróló, atimané h̄oleke kaae sóró fokalepó. Atéró, ama kakerale tawel-né atimané hó helekóló kópuralepó.

⁶ Até deté wóló, ɔ Saimon Pita betoremó sókó wapa, ama ɔpaee duraalu, “Tale-ó, naaotei yało hó fokaai de?” yalepó.

⁷ Ai fo depa Yesuné ɔpaee duraalu, “Diɔpaee i erótu betere ala bete mió naao kisipanitei, take nalopaae ti kisipa yaalo ai ape,” yalepó.

⁸ Tétepa Pitané ɔpaee duraalu, “Yało hó naao mo fokokélé yaalomeipó,” depa, Yesuné ɔpaee tokó mótu duraalu, “Naao hótamo yało fokoni depa, ti ya yało fake aleyóló ɛtamo bet̄amó betenénipó,” yalepó.

⁹ Ai fo depa, Saimon Pitané duraalu, “Tale-ó, yało hó maaté fokoni, yało naaseró topotamokélé fokotepa wisirapó!” yalepó. ¹⁰ Ti fo depa, Yesuné ɔpaee tokó mótu duraalu, “Wh̄i me de ama

tiki turó w̄ei tópuóló betepa, ti hó maaté fokonérápó. Diɔ feata, w̄ei tópuatei, bet̄a wh̄i meipó,” yalepó. ¹¹ Ti noatepae, take ɔ d̄ópóló eleké deyaaire wh̄i ama kisipa iruraalu yalepó.

¹² Atéró, atimané h̄orape fokóló keme-tepa, ama deró betere kuti momó deróló ɔ betale tikimó bit̄i felepó. Atéró bitu, ama atimapaee woseturaalu, “Yało diɔpaee erale ala diɔ feané kisipare? ¹³ Diaaɔ yało doi yóló, yó matere wh̄i Tale-ó, du betere fota, ti ɛtóró ereteiné mo dono dapó.

¹⁴ Mió ɛta, diɔ t̄eteróló kaae tare Talekélé, diɔ yó matere wh̄ikélé bitu, diaaɔ h̄orape yało fokalepó. Atéyale kaae, diɔsisikélé hó u fokone i fokone du betae. ¹⁵ Yało diɔpaee i yale alata, diɔsisi bitukélé s̄uróló deté fu betaasepóló, diɔ kisipa mótu yalepó.

¹⁶ Yało diɔpaee mo i dere ape. Kale kutó diratere wh̄iné ɔ kaae tare topo wh̄i bosenóló, ɔ topo wh̄i betenénipó. Kutó dini f̄ópóló dot̄eyale wh̄inékélé ɔ dot̄eyale wh̄i t̄eteranénipó. ¹⁷ Mió i dere alarape diaaɔ kisipayóló taaréni, sya fólótamo du betepa, ti Kótóné diɔ wisiratapóló, h̄ajné sukutu betaalopó,” yalepó.

Yesuné ɔ d̄ópóló eleké deyaalopóló yale fo

¹⁸ “Yało i dere fota, diɔ feapaae dumitei, yało dos̄ayóló sóró betero betere wh̄irapemó kisipa mutu dapó. Tépat̄ei, kale asemó ere fo mo dokonóturaalu, ɛtamo bet̄amó ɔla nokole wh̄inétei ɛ d̄ópóló, eleké deyaai du beterapó.

¹⁹ Ai alarape depa diaaɔ kilituraalu, ɛta, Kótóné dotonó betere wh̄ipóló ɛpaee kisipa tiki tirópóló, ai alarape yaaipatei yało diɔpaee i dere ape. ²⁰ Mepaae wh̄i dené yało dot̄eyale wh̄i wisiyóló dape supa, ti ɛtei dape sirapó. Até dere kaae, mepaae wh̄i dené ɛ mo wisiyóló dape supa, ti ɛ dot̄eyale sek̄etei, dape sirapó,” yalepó.

²¹ Yesuné ai fo yóló kemetepa, ama hosaa tuamó doasi sekené suk̄alepó. Atétepa ama duraalu, “Yało diɔpaee mo i dere ape. Diɔkó wh̄i bet̄ané ɛ d̄ópóló, eleké deyaalopó,” yalepó.

²² Ama yó matere wh̄rape atima k̄lól k̄lól duraalu, né yaaire alamó dérópól, atimasisi u kolósu i kolósu du betalepó. ²³ Yesuné ama yó matere wh̄rapekó bet̄ Yesuné ama hosaa mole wh̄i ̄a betere felekemó titiyóló beterepó. ²⁴ Saimon Pitané u kale wh̄ipaae depané maaté yóló duraalu, “Ama ai yale fo-a, demó kisipa mutu yaleró, naao ̄paae wosetimié?” yalepó. ²⁵ Ai fo depa, Yesutamo titiyóló betere wh̄i ̄a fetée fóló ̄paae woseturaalu, “Tale-ó, naao ai yale fo-a, demó yaleé?” yalepó.

²⁶ Tétepa, Yesuné ̄paae tokó mótu duraalu, “Ȳllo bred o kwia tao sóró, nukumó belere w̄imó tópuróló melatepa naao kil-itu, ̄tóróti h̄tipóló kisipa muaalopó,” yalepó. Téró, ama kale bred o kwia sóró w̄imó tópuróló, Iskariot be wh̄ikó Saimon naalema Judas melalepó. ²⁷ Atéró Judasné bred o tao seretamotóró, dowi Satan ̄ tūpaae bit̄i walepó. Atétepa, Yesuné ̄paae duraalu, “Naao ai yaai dere ala mo hapaletei yae,” yalepó. ²⁸ Atima ai ̄la nuku betere tikimó betere wh̄rape bet̄anékélé Yesuné ama ai yale fo wosóta yaletei, bete kisipa sinipó. ²⁹ Mepaae ama yó matere wh̄rape atima kisipané Judas-ta, moni kaae tare wh̄ireteiné ̄la detere sukamó naaire ̄lakó dupune fae, ó mepaae yolealere so wh̄imó melaaire ̄lakó dupur̄le fae dere nisi yalepó. ³⁰ Téró, kale Judas ̄ bred o tao sóró, téti belapaae sókó derepelemó, be mo ti dikipa kelalepó.

Yesuné Pitapaae yale fo

³¹ Atéró, kale Judas fele sisópaae Yesuné duraalu, “Mió kale Wh̄iné Naalema tūmó ere ala wisi h̄akearatepa, so wh̄iné kolóo, Kótó ̄ tūmó ere ala wisikélé Naalempaae eratepa so wh̄i feané kolóo duraalu, Kótó tūmó ere ala wisinaale kisipa yaalopó. ³² Ai alatamo mo depa, ti ama Naalema tūpaae eratero ala wisinaale so wh̄i feané kolópoló Kótóné kaae tani, mo miótitei ama h̄akearaalopó.

³³ Ȳllo naalerape-ó, mo sawa sukamó maaté ̄ dītamó betaalopó. Take ȳllo Juda topo wh̄rapepaae yale fo kaae, mió dīpaaekélé i dere ape. Diaā ̄ kek̄alotei,

mo kelaalomeipó. ̄ fole tikipaae dī wókélé mo yaalo meipó.

³⁴ Mió ȳllo dīpaae yae yóló mulatere kisi fo i dapa wosae. Ȳllo dīpaae yaala sókó fu yale kaae, dīsisikélé atéró yaala sókó fu betae. ³⁵ Dīsisitei, atéró yaala sókó fole ala so wh̄i feané kilituraalu, dī ȳllo yó matere wh̄rape beterapóló kisipa yaalopó,” yalepó.

³⁶ Ai fo depa, Saimon Pitané ̄paae woseturaalu, “Tale-ó, ȳ mopaae faai de?” depa, Yesuné duraalu, “̄ fole tikipaae dī mióti wonénitei, take nalota, wonérápó,” yalepó.

³⁷ Kale dere kaae, Pitané ̄paae woseturaalu, “Tale-ó, ȳ fole tikipaae ̄ mióti wapa, noa yaqsóro de? Ȳ tao suraalu, ȳllo betere betekélé melóló sukutepa wisirapó,” yalepó.

³⁸ Téró, Yesuné ̄paae tokó mótu duraalu, “Naao ̄paae ȳkélé sukutepa wisirapó fo du de? Ȳllo ȳpaae mo i dere ape. W̄ kakaruk bané hale yaaipatei, naao ̄ tūenipó dere fo sore félimó yaalo ai ape,” yalepó.

14

Yesuné ama yó matere wh̄rapené kisipa sek̄ yaqsóro yale fo

¹ Téró Yesuné duraalu, “Diaā kisipa fomoyóló, hosaa tūmó doasi sek̄tu betaqsóro yae. Kótópaae kisipa tiki tiróturaalu, ̄paaekélé kisipa tiróló betae. ² Ti noatepae, ȳllo Aya betere tikimó dī betaaire be mo s̄rapó. Ai ala wūa meisóro, ti ȳllo dīpaae h̄akearóló wūapó. ̄ta, dī bit̄i waaire tiki donoróló mulótu betaai fulapó. ³ ̄ fólótamo dī betaaire tiki donoróló kemetepa, ti momó fesaae wouraalu, dīkélé ̄ betere tikimótóro bet̄amó betaai dapesó faalopó. ⁴ ̄ i faaitu betere bepaae fole tūta, ti diaā ai kisipare ape,” yalepó.

Aya beterepaae faaire tūta ̄tórótipó yale fo

⁵ Tétepa Tomas-né ̄paae duraalu, “Tale-ó, ȳ faaire tikita, d̄ k̄lól k̄lórápó. Atérapa, ȳ ai faaitere tikipaae sókó fole tū d̄ané netéró kisipa yaaloé?” yalepó.

⁶ Ai fo depa Yesuné duraalu, “Ai bepaee faaire tukélé, mo foné betekélé, so whi betere betekélé, ti mo ɛ́torótípó. Whi mo betəkélé yało Aya beterepaee faai depa, ti ɛ́ dekeróló feni, mo ɛ́ tuamótóro fenérápó. ⁷ Diaaqtamo ɛ́ diriyóló tuépa, ti yało Ayakélé mo tuénérápó. Mió kaae suraalu, diaaqtamo yało Aya kolóló, ai kisipare ape,” yalepó.

⁸ Tétepa Filip-né duraalu, “Tale-ó, Aya naao dāpaee yó matepa, ti dāné ɛ́ kolóló kisanérápó,” yalepó.

⁹ Ai fo depa Yesuné duraalu, “Filip-ó, foło sukamó ɛ́ diqtamo bitiré waleteti, diaaqtamo ɛ́ kisipanié? Mepaae whi dené ɛ́ kolóló kisipa epa, ti yało Ayakélé kisiparapó. Téptei, diaaqtamo ɛ́paee Aya yó ɛ́lae dere-a, noa fo yóló de? ¹⁰ ɛ́ yało Aya tuamó betóo, yało Aya ɛ́ tuamó betóo, eretei diaaqtamo kisipanié? Yało diāpaee yó mótu betere fota, yało kekeme nóló dumipó. Yało Aya ɛ́ tuamó bitu, ama kisipa mole ala erótu betereitei, diaaqtamo ai kelere ape. ¹¹ Yało Aya ɛ́ tuamó betóo, ɛ́ yało Aya tuamó betóo, erapó dere fo diaaqtamo wosóló, mo dapóló kisipa tiki tirae. Ai alatamo ini depa, ti yało erale kelemei alarape kolóló, kisipa tiki tirae. ¹² Yało diāpaee mo i dere ape. Whi me detamo ɛ́paee kisipa tiki tiratepa, ti ai whiné yało yale ala kaaetóro yaalopó. Ti noatepaee, ɛ́ yało Aya beterepaee foletiné take nalo diaaqtamo yało du betere alarapekélé fea bosenóló, mo doasi ala yaalo ai ape. ¹³ Naalemané Alimané ere ala bete hākearaairaaalu, me noa ɛ́lakó yało doimó ɛ́paee wosetepa, ti ai whi paee yało mo melaalopó. ¹⁴ Diā feané yało doimó me noa ɛ́lakó kematepa, ti ai ala yało mo eraalo ai ape,”

Kale Dēi Kepe Wisi diq beterepaee waalopó yóló mulale fo

¹⁵ “Diaaqtamo ɛ́paee hēkesené sukóló yaala sókó fu betepa, ti yało yae yóló muló betere fokélé diaaqtamo mo wisiyóló sya fóló, erótu betaalopó. ¹⁶ ɛ́ betale sirimó, suka fea diqtamo betó taru, diā tao sóro fotokq bulótu betaaire seké mekó yało Ayapaee dotonae depa, ama diā beterepaee mo dotonaalo ai ape. ¹⁷ Ti ai sekéta, mo ala

maaté du betere Dēi Kepe Wisipó. I hae so whiné ama dere fo wosóló, mopóló ɛ́ dape senénipó. Ti noatepaee, atimané ɛ́ kolóló kisipakélé inireteinépó. Téptei, mió ɛ́ diqtamo betóo, take nalokélé diā tuamó betóo, yaaireitei diaaqtamo ai kisipare ai ape. ¹⁸ Diā hae aya meiyóló, bokonaale naale senaale kaae beteropóló yało diā taaróló fumitei, ɛ́ diā beterepaee momó fesaae waalopó. ¹⁹ Mo sawa sukamó bituraalu, i hae so whiné ɛ́ kelaalo meitei, diānéta ɛ́ kelaalopó. Ti noatepaee, ɛ́ kepaayóló betereiteiné, diākéle mo betaalo ai ape. ²⁰ Atétere sukamóta, ɛ́ yało Aya tuamó betepa diā ɛ́ tuamó betóo, ɛ́ diā tuamó betóo, ere ala diaaqtamo kisipa yaalopó. ²¹ Mepaae whi de yało yae yóló muló betere fo aqmó sukóló bitu, sya fóló eró tapa, ti ai whiné ɛ́paee yaala sókó fu betepapó. Mepaae whi dené ɛ́paee yaala sókó fu betepa, ti yało Ayanékélé ai whi paee yaala sókó fóo, yałokélé ɛ́paee yaala sókó fóo du betaalopó. Téturaalu, ɛ́ tuamó ere ala fea yało ɛ́paee hākearóló yó melaalo ai ape,” yalepó.

²² Tétepa, kale Iskariot be whikó Judasné ama yakoma Judasné Yesupaae duraaalu, “Tale-ó, i haemó betó mole so whi feané yałokóló yó meni, dāné maaté kolópóló, yó melaalopó dere-a, noatepaee?” yalepó.

²³ Ti fo depa Yesuné duraalu, “Mepaae whi dené ɛ́paee yaala sókó fu betepa, ti yało yó matere fo wisiyóló sóro erótu betaalo ai ape. Atétere whi paee yało Ayané yaala sókó furaalu, dāmo wusuró ɛ́ beterepaee wóló ɛ́tamo betámó mo ti betó tawaalopó. ²⁴ Mepaae whi dené ɛ́paee yaala sókó fenitepa, ti yało i yó mótu betere fokélé diaaqtamo sya fóló eraalomeipó. I kale wosetu betere fota, yało kekeme nóló dumitei, ɛ́ doteyale seké yało Ayané ama fotóro yó mótu betepapó. ²⁵ I fo feata, ɛ́ diqtamo betámó bitutei yó mótu betalepó. ²⁶ Tétu betaleteti, diqtamo betámó bitu, diā tao saaire seké kale Dēi Kepe Wisi Ayané yało doimó dotonaalopó. Ai sekéné amata, diāpaee fea ala yó melaalo ai ape. Téturaalu, yało diāpaee yó mótu betale forape keteni, kisipa yó tanópóló, ama

diã yó mótu betaalopó. ²⁷ Ẹ tuãmó mole hosaa muni deyóló mo dua betere ala diãmó melóló ẹ i fole ape. Yàlo i matere hosaa muni deyóló dua betere alata, i haemó betó mole mo so whjné matere kaae meipó. Térapa, diaaḡ hosaa tuãmó sekẹtere alaró witere alatamo muaḡsóró yae. ²⁸ Ẹta, diã taaróló faalotei, diã beterepaae momó fesaae waalopó yale fota, diaaḡ ai wosale ape. Diaaḡ ẹpaae yaala sókó fole ala mupata, ti ẹ yàlo Aya beterepaae fulapó dere fo woseturaalu, hañné sukuḡpó. Ti noatepae, yàlo Aya ḡ doasi fotokḡ bole sekẹ bitu, ama ẹ tẹteró beteraḡpó. ²⁹ Take i alarape mo depa kilitu, mo irapóló diaaḡ kisipa tiki tirópóló, i alarape yaaipatei, folosóró yàlo diãpaae ai yale ape. ³⁰ Yàlo diãpaae fo me kae dekéró yaalomeipó. Ti noatepae, i hae tẹteróló kaae tare topo whj Satan ipaae mo felekemó sókó waai dapó. Téyaalotei, ama ẹ só deraaire bete mekélé mo munipó. ³¹ Tépatei, yàlo Ayapaae yaala sókó furaalu, ama erae dere alatóró yàlo erótu betereitei, i haemó betó mole so whj feané kolóló taaréni, mo kisipa sópóló dapó. Térapa, mió dḡ faalopa fiépe,” yalepó.

15

Yesu ḡta wain képiné betepó yale fo

¹ “Mo wain képi beteta, ti ẹtórótípó. Yàlo Aya ḡta, wain kutó Talepó. ² Mepaae du olenitere tetejrape ti ama tukóló taae falatu beteraḡpó. Mepaae du oletere tetejrape mo dekéró oleyópóló, yàlo Ayané mepaae séli yó moletei turukóló taae falatu beteraḡpó. ³ Yàlo take diãpaae yó mótu betale foné diã fea fokóló mo ti wisiró beteraḡpó. ⁴ Diã ẹ tuãmó betepa, ti ẹkélé diã tuãmó betaalo ai ape. Kale képi tetejrape tikimó olekenipa, ti du oleyaalomeipó. Diã ẹ tikimó olekeyóló bitinipa, ti netéró du oleyaalóé?

⁵ Mo wain képita, ti ẹtórótípó. Diãta tetejrape ai ape. Mepaae whjamo ẹ tuãmó betóo, ẹkélé ai whj tuãmó betóo epa, ti du mo dekéró oleyaalopó. Tényi, ẹtamó tekée fóló kae betepa, ti ai whjné ama me alakélé mo enénipó. ⁶ Mepaae

whjamo ẹ tikimó olekeyóló bitinipa, ti ai whj sélitepa tukóló taae falatere ni tetej kaaepó. Ai taae falatere tetejrapeta, dasóló si bilirótua dapó. ⁷ Diãkó whj me detamo ẹ tikimó olekeyóló betóo, yàlo fokélé naao hosaa tuãmó muóo iruraalu, me ḡlakó ẹpaae kematepa, ti ai whjipaae yàlo mo melaalopó. ⁸ Diã tuãmó du mo dekéró olepa, ti yàlo Ayané ama ere ala wisinaale so whj feané kolópóló hḡkearatapó. Atére ala so whjné kilitu, diã mo yàlo yó matere whjrapetóró beteraḡpóló kisipa yaalopó.

⁹ Yàlo Ayané ẹpaae yaala sókó fu yale kaae, yàlokélé diãpaae yaala sókó fole ala du betalepó. Térapa, yàlo yaala sókó fóló mole tuãmótóró hḡle betó tawae. ¹⁰ Yàlo Ayané ama erae yóló muló betere fo sya fóló eró taruraalu, ama yaala sókó fóló mole tuãmó betó tarapó. Ẹ ai ala ere kaae, yàlo erae dere fo diaaḡ wosóló erótu betepa, ti diã yàlo yaala sókó fole ala tuãmó betó tawaalopó. ¹¹ Yàlo diãpaae i yale fo feata, ẹ tuãmó mole hañtere ala diã tuãmó faaturaalu, diaaḡ hañtere ala mo ti sḡrópóló kisipa mutu yalepó. ¹² Yàlo diãpaae yae dere fo ipó. Yàlo diãtamó yaala sókó fóló mulure kaae, naao ne no diãsisikélé ai ala du betae. ¹³ Whj mené ama yaala sókó fole whjrape tao saai dapóló, ama betere bete hḡle melóló sukutepa, ti atéró yaala sókó fole alané mepaae yaala sókó fole ala fea tẹteró beteraḡpó. ¹⁴ Diaaḡ yàlo yae yóló muló betere fo erótu betepa, ti diã yàlo fulumu whjrape ai betere ape. ¹⁵ Betḡ kutó diratere whjné ḡ tẹteróló kaae tare whjné dere ala fea ama kisipa inipó. Atére betené take bitiré wouraalu, yàlo diãpaae kutó diratere whjrape-ó yaletai, ai fo momó kaae ini, mió diãpaae yàlo fulumu whjrape-ó, dapó. Ti noatepae, yàlo Ayané yó melale alarape fea diaaḡ kisipa yópóló, yàlo diãpaae hḡkearóló yó melalepó. ¹⁶ Diaaḡ ẹ sókó sóró kae beterenitei, yàlo diã sókó sóró kae beteró beteraḡpó. Ai alata hḡle inipó. Diã fóló, mo ti muó tawaaire du olerópóló kisipa mutu yalepó. Atéturaalu, yàlo doimó diaaḡ me noa ḡlakó Ayapaae kematepa, ti

ai kematere ɔla ama diámó mo melaalo ai ape. ¹⁷ Yálo diápaae yae yóló mulatere fo i ape. Diásisitei yaala sókó fole ala du betae.

Mo whiné Yesuné yó matere whirape hóróló bóe dale fo

¹⁸ I haemó betó mole so whínétamo diá hóróló bóe du betepa, ti folosóro atimané ɛ hóróló, bóe dale ala kisipa muae. ¹⁹ Diátamo i hae tale betepa wuásóro, ti i hae so whiné faketóro beterapóló kisipa mutu, diápaae yaala sókó fole ala du bituapó. I hae so whítamo touyóló betepa, yáloitei diá sókó su yóló kae beteralepó. Atére betené diátamo bóe du beterapó. ²⁰ Yálo diápaae yó melale forape kisipa muae. Kutó diratere whiné ɔ kaae tare whi ama teteróló kaae tanénipó. Atimané ɛtamo bóe dóló susupui ala erótu yale kaae, diápaakélé eraalo ai ape. Yálo yó male fotamo atimané wisiyóló wosóló erótu betepa, ti diaaɔ yó matere fokélé atimané wisiyóló wosaalo ai ape. ²¹ Ti noatepae, ɛ dotɛyale seké, atima kisipa inireteiné diá yálo so whi bitu, yálo ala erótu berteremó, atimané diápaae kae kae susupui ala erótu betaalopó. ²² ɛ i haepaae wóló, yálo fo atimapaee yó móluásóro, ti dowi alamó atima só deraaire kwia muameipó. Tépatei, atimané yale dowi alamó fo tokótamo depa, meipóló hepée falaaire tu mo munipó. ²³ Whi me dené ɛ hóróló bóe du betepa, ti ai whiné yálo Ayakélé hóróló bóe dilapó. ²⁴ Take mo betá whínékélé inire ala yálo atima kuamó eróluameisóro, ti atimané yale dowi alamó só deraaire kwia muameipó. Mió i yale kelemei alarape atimané kolólóte, ɛtamokélé yálo Ayatamokélé, bóe dóló hórálepó. ²⁵ Atimané ai du betere alata, i asere fo dokonóturaalu yalepó, ‘Me bete munipatei, atimané ɛtamo hále bóe dalepó.’

²⁶ Até du betaalotei, diá tao sóro wisiraaire seké betá waalo ai ape. Ai sekéta, ɛ fóló yálo Ayatamo bituraalu, diá beterepaae dotonaalopó. Áta, mo alané bete yálo Ayatamo betámó biti wouraalu, yálo ere ala fea etérapóló, diá tao sóro fotokɔ bulóló, yó melaaire Dɛi Kepe

Wisipó. ²⁷ Mo take kaae sale alimóte, diá ɛtamo bitiré waletiné diaaɔkélé ɛ etei kaae whipóló hakearóló yó mótu betenérápó,” yalepó.

16

¹ “Yálo diápaae i yale fo feata, diá ɛ sya fu betere ala taaróló, kópaee faqsóro yalepó. ² Atimané diá fo wosetere bepaae waqsóro dóló hókonaalo ai ape. Ai ala maaté mei, mepaae whi atima Kótóné ala eratere nisiyóló, diá mo ti sukópóló daalo ai ape. Ai ala yaaire be de mió mo felekemó sókó waai dapó. ³ ɛró yálo Ayatamo atima kisipa inire betené diápaae atei kaae alarape eraalo ai ape. ⁴ Atépatei, yálo diápaae i deté wou betere fo dokonóturaalu mo eratere sukamó, noa ala dutérópóló diá kilita yaqsóro, yálo i dere fo kisipa yaasepóló dapó. ɛ diátamo hále betereleiné take yálo diápaae etei fo inipó.

Dɛi Kepe Wisi wóló yaaire alamó yale fo

⁵ Téretei mióta, ɛ dotɛyale seké beterepaae momó fesaae fulapó. Até yaaí depa, diáko betá whínékélé, ‘Yá maae faai de?’ yóló, ɛpaae wosetere fokélé dumipó. ⁶ Yálo diápaae i forape yaletiné mió diaaɔ hosaa tuámó dekéné ai sukutu betere ape. ⁷ Tépatei, yálo diápaae mo dapó. Diápaae wisi ala eraaire tu mulóturaalu, ɛ diá taaróló fulapó. ɛtamo fenitepa, ti diá tao sóro fotokɔ bulóló tu yó melaaire seké diá beterepaae waalo meipó. ɛtamo fupa, ti yálo ɔ diá beterepaae dotonaalopó. ⁸ Ai Dɛi Kepe Wisi wouraalu, i haemó betó mole so whiné du betere dowi alakélé, Kótóné donoi ala etérópóló yó mótu betere alakélé, taleyóló kwia matere alakélé, fea ai sekéné ama hakearateremó, hoko ala du beterapóló diá hosaamó saalopó. ⁹ Ti noatepae, i haemó betó mole so whiné ɛpaae kisipa tirénitere beteta, dowi alapóló ai Dɛi Kepe Wisiné atima hosaamó seraalopó. ¹⁰ ɛ yálo Aya beterepaae fesaae foleté, momó kae diaaɔ ɛ kelaalomeipó. ɛ atéro foletiné so whi feané Talené donoi ala kisipa yóppóló, ai sekéné hakearóló yó melaalo ai ape. ¹¹ Mió i haemó teteróló kaae tare seké ama yale alamó, ɔ só deró

beterapó. Tétu, i haemó betó mole so whi tale dere alakélé hōko yalepóló, hosaamó sōpóló, ai waaire Kepe Wisiné hākearaalo ai ape.

¹² Yālo diāpaae yaai dere fo dekeró mupatei, bete diaaḡ senénireteiné fea fo enénipó. ¹³ Tépatei, kale mo fo maaté bole Kepe Wisi ḡ wólóta, mo fo bete turó diaaḡ tué yópóló, hākearóló yó mótu betaalopó. Aita, ama kekeme nóló yaalomeitei, mo ama wosale fotóro diāpaae yó melaalopó. Téturaalu, nalo waaire be demó yaaire alakélé yó melaalo ai ape. ¹⁴ Ai Deḡ Kepe Wisiné yālo mo bete mole fo diaaḡ kisipa yópóló, ama tao sóro diāpaae yó melaalopó. Téturaalu, yālo ere ala wisinaale so whi feané kolópóló, ama hākearaalo ai ape. ¹⁵ Yālo Ayané ama tēteróló kaae tare ala fea, yālokélé tēteróló kaae tarapó. Atére betené yālo fo diaaḡ kisipa yópóló, Deḡ Kepe Wisiné ama hākearóló yó melaalopóló, yālo diāpaae yalepó.

¹⁶ Mo sawa sukamó diaaḡ ḡ kelaalomeitei, sawa beteró, diaaḡ ḡ momó kelaalopó,” yalepó.

Yesuné diaaḡ hosaa sekḡ yaalotei momó haḡyaalopó yale fo

¹⁷ Ai fo depa, mepaae ama yó matere whirape atimasisitei duraalu, “Sawa sukamó ḡ kelaalomeipó. Téyaalotei, sawa sukamó beteró ḡ momó kelaalopó, dere foró ama Alima beterepaae foletéinépó yale fotamo-a, noa betené yalerópó,” yalepó. ¹⁸ Atimasisitei duraalu, “Mo sawa sukamópó yale fota, noa betené yaleró dākéle kisipani, koló kolórapó,” yalepó.

¹⁹ Ama ai yale fomó, atimané ḡpaae wosai mutere kisipa ama kolóló, atimapaee duraalu, “Sawa sukamó diaaḡ ḡ kilini bitiré fóló, sawa sukamó momó kelaalopó yale fomó, diāsisitei noatepa kēlaarótu bitu de? ²⁰ Yālo diāpaae mo i dere ape. Diāta, diaaḡ hosaa tuāmó dekené sukuturaalu, wole-u du betepa, i haemó betó mole so whi atima haḡné sukutu betaalopó. Diaaḡ hosaa tuāmó sekḡ sukutu betaalotei, momó kisipa felé yóló, haḡtu betaalo ai ape. ²¹ Sorapené naale

saaire be de sókó wapa sisó nukuraalu, ama tikimó doasi dele sua dapó. Téteretei, ama naale só mulóló, kḡlipaae naalené tiki kolóló hēkeseturaalu, ḡ doasi dele sale ala kisipa keterótua dapó. ²² Atétere kaae, mió diā dekené ai sukutu betere ape. Tépatei, ḡ momó diā beterepaae wale sukamó, diaaḡ ḡ kilitu dere haḡ mené tokóló aluranénipó. ²³ Atétere sukamó, diaaḡ ḡpaae me wosetere fokélé mo yaalo meipó. Yālo diāpaae mo dapó. Diaaḡ yālo doimó Ayapaae me ḡlakó kematepa, ti ai whipaae ama mo melaalopó. ²⁴ Take bitiré woukéle, diaaḡ yālo doimó me ḡla kematere alakélé mo inipó. Tērapa, mió bitutamo me ḡlakó kematepa, ti ai ḡla suraalu, diā tuāmó haḡtere ala mo turó fāyaalopó.

²⁵ Taketa, yālo diāpaae kinóló mole ala fo salepaae dó faróló deté waletei, nalo waaire sukamó yaaitere alata, fo salené ini, yālo Ayané ama ere ala etérápóló, mo hākearóló yaalopó. ²⁶ Ai be demóta, diaaḡ yālo doimó ḡpaae kema yaalopó. Yālo i du betere fota, diāmó yālo Ayapaae woseraalopóló dumipó. ²⁷ Téyaalo meipa, diaaḡteḡ ḡpaaetóro wosae. Ti noatepae, diaaḡ ḡpaae yaala sókó fóo, ḡta Kótótamo betóló wale whipóló ḡpaae kisipa tiki tiróo ereteiné, yālo Ayané ama diāpaae hosaa muóló yaala sókó fu beterapó. ²⁸ Take ḡ yālo Ayatamo beteró, i haepaae walepó. Mió ḡ i hae taaróló, momó yālo Aya beterepaae fulapó,” yalepó.

²⁹ Ai fo depa, ama yó matere whirapené ḡpaae duraalu, “Mióta naao dāpaae fo salepaae dó faróló dumi, mo hākearóló dapó. ³⁰ Mió dāné kisipare ala betā ipó. Fea ala naao kisiparu hākeamó yó mótu betereiteiné, mené ḡpaae momó wosetere ala kae enénipó. Atérené yāta, Kótótamo betóló wale whipóló dāné kisipa tiratapó,” yalepó.

³¹ Ai fo depa, Yesuné atimapaee duraalu, “Diā tué tiki tirópóló kaae taté waletei, mióti ḡpaae diaaḡ tué tiki ai tiratere ape! ³² Téteretei, diaaḡ be dokḡ dapo dapo yóló furaalu, ḡ wotoró betepa taaróló faaire be de mió i sókó wale ape. Téyaalotei,

ę wotoró bitini, yalo Ayatamo wusuró beterao.

³³ Yalo diapaae i yale fota, dia ę tuamó hosaa muni deyóló dua beteroóoló yaleo. Dia i haemó bituraalu, kae kae sekei ala siré fu betaalotei, i haemó mole alarape fea yalo mo ti doróló teteroó beterao. Aterapa dia furu furu ini, hosaa diriyóló dua betae,” yaleo.

17

Yesuné Alimapaae momayale fo

¹ Yesuné ai forape yale kilipaae ó hepen-paae kese holóló momaturaalu,

“Aya-ó, mió kale tukóló muló betere be de i sókó walapa, naao Naalené ya tuamó ere ala wisinaale so whi feapaae hakearóoló, naao ama ere ala wisi hakearae.

² Ti noatepae, i haemó betó mole so whi fea teteroó kaae tanóoló, naao ę sóró beteraleo. Naao epaae ai melale so whipaae mo ti betaaire bete melóoló, naao fotokę ę sumó melaleo.

³ Mo ti betere bete i ape. So whiné yaata, mo beta betere Kótóoló tuę yoo, naao doteyale whi Yesu Kerisokélé tuę yoo, dere alata, mo ti betere beteo.

⁴ Naao epaae i haemó dirae yale kutó fea yalo diyóló kemeraleteiné, naao ere ala wisinaale i haemó betere so whiné kolóoló, hakearaleo.

⁵ Aya-ó, i haekélé kaaraaipa damo wusuró bitu, naao ere ala wisi hakearótu yale kaae, mió ę i hae taaróló ya beterepaae fesaae wóló betepakélé, ai ala momó eraaseóoló dapó,” yaleo.

Yesuné ama yó matere whirapemó momarale fo

⁶ “Aya-ó, i haemó betó mole so whi kuamó, mepaae naao sóró epaae melale so whipaae ti naao ere ala wisi yalo hakeamó erótu betaleo. Atimata take naao so whi betaletai, naao sóró epaae melaleo. Atéyale so whiné naao fo mo beta wosóló, erótu betaleo.

⁷ Naao epaae melale alarape feata, ya betemó kaayóló waleóoló, mió atimané tuęrapó.

⁸ Ti noatepae, naao epaae yó melale fo fea yalomo atimapaae yó matepa, atimané mopóló wosaleo. Atéturaalu, ę yatamo betóló naao ę dotonatepa wale whioó, atimané epaae kisipa tiraleo.

⁹ Naao atima tao sóóoló, yalo momarótu beterao. Yalo i dere momata, i haemó hale betó mole so whimó dumitei, naao sóró epaae melale so whimó kisipa mutu i detere ape. Ti noatepae, atimata mo naao so whitorótipó.

¹⁰ Naao so whita, ti yalo so whitorótipó. Yalo so whi fea ti naaotorótipó. Atimapaae erale ala so whi feané kilitu, yalo ere ala wisinaale hakearaleo.

¹¹ Mió ę i haemó doa folo sukamó betaalomeitei, i whirape atimata i haemó hale betepa, ę ya beterepaae walapó. Mo kae betere Aya-ó, i whirape atima me ala yaosóró, naao ere ala tuamó beteroóoló kaae tawae. So whiné naao ere ala wisinaale kisipa yóoló, naao doasi doi mole fotokone ę tuapaae eraleo. Térapa, damo mo betaóró biture kaae, atimakélé atéroó beteroóoló, naao ę male doiné teteroó kaae tawae.

¹² ę atimatamo betamó betale sukamó, naao epaae melale doiné atima mo wisiyóló kaae tawaleo. Atéro, kaae tawale sukamó mo beta whikokélé alunipó. Kale asemó ere fo dokonóturaalu, aluyaai yale whi ę beta mo ti aluyaleo.

¹³ Mió ę ya beterepaae waai, i haemó atimatamo betere féli, ę tuamó mole haitere ala mo turó atima tuamokélé mulóoló, i forape atimapaae du beterao.

¹⁴ ę i hae tale bitiniru ere kaae, atimakélé i hae tale bitinipó. Naao epaae erae yale fo yalo atimapaae yó melalemó, i haemó betó mole so whiné atimatamo bóe dóló horalleo.

¹⁵ Aya-ó, yalo i dere momata, atima i haemó betereitei tokó sóró, naao kae tikipaae beterae yóló dumitei, dowi kepené atima doraosóró, seséyae yóló dapó.

16 Ë i hae tale bitinirure kaae, atimakélé i hae tale bitinipó.

17 Atima me alatamo hoseké yóló betaqsóró, mo fonétei atima kae sóró beterae. Naao fota me kae mei, mo bete mole fopó.

18 Ë i hae so whıtamo beterópóló, naao ę i haepaae dotonótu yale kaae, i whırape atimakélé, i haemó betó mole so whıtamo beterópóló, yało dotonatapó.

19 Atimakélé me alatamo hosekéni, mo kae beterópóló, ę mo naao alatóró eraai kisipa mutu, yałotei ę kae sóró beteratapó,” yalepó.

Yesuné i haemó betó mole so whımó momarale fo

20 “Yało i dere momata, i whırape atima maaté tao sópóló dumitei, mepaae so whı de atima yó matere fo wosóló, ępaae kisipa tiraaire so whımókélé i dere ape.

21 Aya-ó, yało i dere momata, ę ya tuámó betóo, ya ę tuámó betóo iru, mo betatóró biture kaae, atimakélé fea atérótóró beterópóló yae. I haemó betó mole so whıné ę naao dotęyale whıpóló kisipa tirópóló, atima dąmo tuámó beterópóló yae.

22 Naao ere ala wisinaale hąkearóló ępaae melaleteti, yałomo atimapaee melalepó. Até yaleteita, dąmo mo betą kisipa muóló biture kaae, atimakélé atéró beterópóló yalepó.

23 Naao ę dotęyóo, ępaae yaala sókó fóo, ere ala atimapaeeakélé eró beterapóló, i haemó betó mole so whıné kisipa yópóló, atima fea mo betą faketóró alerae.

24 Aya-ó, naao ępaae melale so whı ę betere tikimótóró betámó bitu, ę tuámó ere ala wisinaale atimané kolópóló kisipa mutapó. Ti naao ai ere ala wisinaaleta, take såró haetamo kaaraaipatei, yaala sókó furaalu, ępaae melalepó.

25 Mo donoi ala maaté yó tare Aya-ó, i haemó betó mole so whıné ya tuęnitei, yało ya tuęrapó. I whırape atimanéta, naao ę dotęyalepóló kisiparapó.

26 Naao ępaae yaala sókó fole ala atima tuámó muóo, ękéle atima tuámó betóo erópóló, yało ya etei kaae Tale beterapóló, atimapaee hąkearóló yó maté wou betalepó. Ai ala taaréni, miókélé hąle detétóró fu betaalopó,” yalepó.

18

Yesu daai tawale fo

(*Mat 26:47-56, Mak 14:43-50, Luk 22:47-53*)

1 Atéró, Yesuné moma yóló kemetepa, ama yó matere whırape atima betere tiki taaróló, Kidron ho tęyóló felepó. Ai ho uté fakeró *Olip* nirape daae mulapó. Yesuró ama yó matere whırapetamo ai ni daae mole tikimó sókó felepó.

2 Ai hae tikita, Yesu dópóló eleké deyaaire whı Judas-né ama mo tuęrapó. Ti aita, Yesuné ama yó matere whırapetamo suka fea tourąleta du betale tikipó. 3 Atéró, kale Judas ą ai ni daae mole tikimó sókó walepó. 4 Atéró wale alata, ama wotoró mei, mepaae diki tare whırapekélé, Farisi whıraperó so whımó momaraterere topo whırapené sóró beteró betere whırapetamokélé, dapesó walepó. Ai whırape atima feané mo sąkélé, *lamp* sąkélé, bóe dele ąla ąlarapekélé, fea tawóló walepó.

4 Yesuné ąpaae eraaire ala fea ama kisipa irutei, ą sókó fóló atimapaee duraalu, “Diaaq ai-a, de kekitu bitu de?” yalepó.

5 Ai fo depa atimané duraalu, “Dąta Nasaret be whıkó Yesu keketapó,” depa, ama duraalu, “Ai whıta ętóróti i ape,” yalepó. Ai wale whırapetamo Yesu dópóló, eleké deyaaire whı Judas-kélé daalepó. 6 Yesuné ai whıta, ętóróti i ape dere fo woseturaalu, atima sisóné fele tikimó, dée nalepó.

7 Atétepa, Yesuné atimapaee momó woseturaalu, “Diaaq ai kekitu betere whı-a, de?” depa, atimané duraalu, “Nasaret be whıkó Yesupó,” yalepó.

8 Yesuné kale whırapepaae duraalu, “Ai whıta, ętóró i ape yóló yało taketi diąpaae inié? Diaaqtamó ę kikitu betepa, ti i

whirape atima hãle fõpóló yae,” yalepó. ⁹Ti ai yale alata, take Yesuné “Naao epaae melale whirape mo betakélé alunipó,” yale fo mo dokonóturaalu yalepó.

¹⁰Téró, Saimon Pitané fõloi sepake be dolomó deró beteretei sókó sóró, so whimó Talepaae momaratere topo whiné kutó diratere whiné tururó woséli sãae deralepó. Ai whiné ama doita Malkus-pó.

¹¹Yesuné Pitapaae duraalu, “Naao ai sepake sóró momó be dolopaae bulae. Naao kisipané yãlo Ayané e melale wẽi wutimó beleretei yãlo naalomeipóló de?” yalepó.

Fo tekqai Yesu Anas beterepaae dapesó fele fo

¹²Téró, diki tare whiraperó atimané topo whitamó yóo, mepaae Juda topo whirapekélé yóo yóló, Yesu tawóló halika tikiné dokalepó. ¹³Atéró, atimané a folosóró Kaiapas-né nouma Anas beterepaae dapesó felepó. Kaiapas aata, ai ba fo tuãmó so whimó Talepaae momaratere whirapené topo whi beterepó. ¹⁴I seké Kaiapas-ta, take Juda so whipaae duraalu, “Dã Juda so whi me ala yaqsóró, betã whi sukutepa mo wisirapó,” yale whipó.

Pitané Yesu a kisipanipó yale fo

(*Mat 26:69-70, Mak 14:66-68, Luk 22:55-57*)

¹⁵Atéró, Yesu dapesó fupa, Saimon Pitaró ama yó matere whi metamo Yesu sya fu betalepó. Kale mo so whimó Talepaae momaratere topo whiné Yesuné yó matere me whi ama wisiyóló tuẽreteiné ai bolaare tipi tuãpaae doropóló yalepó.

¹⁶Téyaletei, Pita a ai tipi tu serekemó daapa, kale me yó matere whi momó fesaae wóló, tu kaae tare senaalepaae Pitakélé ipaae wõpóló yae, yalepó.

¹⁷Atéró, kale tu kaae tare senaalené Pitapaae woseturaalu, “Yakélé ai whiné yó matere whikóe?” depa, Pitané kale senaalepaae tokó mótu duraalu, “Eta, ai whiné yó matere whi meipó,” yalepó.

¹⁸Atéró, kale mepaae kutó diratere whiraperó mepaae doasi diki tare whirapetamo atima sosóli depa, si

nokeyóló simó boperóló daae molepó. Atéró daae mupa, Pita akélé sosóli depa, atimatamo simó daalepó.

Momaratere topo whiné Yesutamo fo tekqletei

(*Mat 26:59-66, Mak 14:55-64, Luk 22:66-71*)

¹⁹Atima atéró simó betó mupa, mo so whimó Talepaae momaratere topo whiné Yesupaae woseturaalu, “Naao yó matere whirape-a, deé? atimapaae naao noa fo yó maleé?” yalepó.

²⁰Ai fo depa Yesuné duraalu, “Yãlo fo mekó kinóló yó meni, so whi feané wosópóló, hãkeamótóro yó mótu betalepó. Yãlo yó male fota, Kale Juda fake so whi fea tourãleta dere fo wosetere beraperó, moma dere betamo tuãmótóro yó mótu betalepó. ²¹Téyalepa, naao epaae noatempa wosete? Yãlo yó matere fo wosale so whiné tuẽrapa, atimapaae wosae,” yalepó.

²²Yesuné ai fo depa, Juda topo whiné sóró beteró betere whi betã a daale felekemó daai sókó wóló, ama kelepaamó deké sóró duraalu, “So whimó Talepaae momaratere topo whipaae atei kaae fo dua de?” yalepó.

²³Atétepa Yesuné duraalu, “Yãlo me dowi alakótamo itikimó, ti i so whi feané keletómó yãlo yale ala hãkearóló yae. Téni, yãlotamo apaae mo fo itikimó, ti naao e hãle noatempa dile?” yalepó. ²⁴Atéró, Yesuné ama naase hãle dokopatei, kale whi Anas-né a Talepaae momaratere topo whi Kaiapas beterepaae fõpóló doteyalepó.

²⁵Atima ai ala du betepa, kale whi Saimon Pita a simótóro hãle daapa, mené apaae duraalu, “Yakélé ai whiné ama yó male whi meié?” depa, Pitané duraalu, “Ai whita e meipó,” yalepó.

²⁶Tétepa, momaratere topo whiné kutó diratere whi betã beterepó. Aata, take Pitané woséli tikale sekéné ama fake whipó. Ai sekéné Pitapaae woseturaalu, “Yãta, u Olip ni daae mole tikimó daapa kelale whi-a, kaeé?” yalepó. ²⁷Ai fo depa Pitané momó meipó, deretamótóro wã kakaruk bané hale yalepó.

Yesu topo whi Pailat beterepaae dapesó fele fo

(Mat 27:11-23, Mak 15:2-15, Luk 23:1-5,18-25)

²⁸ Dilikitamo ai ala deté wóló, hika be detamo Yesu a kale topo whi Kaiapas-tamo betepa, Juda topo whirapené Rom *Gavman* topo whiné bepaae dapesó felepó. Téyaletei, atima kale boseneyóló fele be demó detere ɔla naaireteiné ai be dolopaae feni, belamó daae molepó. Ti noatepae, atima Juda meire whiné bepaae fupa, ai detere ɔla naalomeipó, yaqsóro yalepó. ²⁹ Atéro, kale Pailat a belapaae tóɛ doropóló, atimapaae duraalu, “I whita, noa dowi alakó itikimó fo tokótamo yóló diaaɔ a só deraai de?” yalepó.

³⁰ Ai fo depa, atimané apaae duraalu, “Amatamo *Gavman* whiné yóló muló betere fo tikiuameisóro, ti dané yapaae dapesó uameipó,” yalepó.

³¹ Tétepa Pailat-né atimapaae duraalu, “I whitamó fo tekai depa, ti diaaɔ yóló muló betere fo sya fóló, diaaɔtei taleyaasepóló dapesó fae,” yalepó. Ai fo depa, atimané apaae duraalu, “Me whi dowi ala depa, taleyóló sukópóló dae fo *Gavman* whiné dapaae inipó,” yalepó.

³² Yesu hale bitutei, a itéro sukçalopóló taketi yóló mulale fo dokonópóló yalepó.

³³ Atéro, kale Pailat a ama bepaae momó fesaae fóló, Yesu a beterepaae dapesó ape, yóló woseturaalu, “Yata, Juda fake so whi tetéroló kaae tare topo whié?” yalepó.

³⁴ Tétepa, Yesuné apaae duraalu, “Epaee ai wosetere fota, naao kisipanétei dépe, mené e etei kaae whipóló yapaae depa de?” yalepó.

³⁵ Ti fo depa, Pailat-né apaae duraalu, “Naao kisipané eta, Juda whikó betepa de? Naao so whiro so whimó Talepaae momaraterere topo whirapetamoné ya só deraai, e beterepaae dapesó walepó. Téyalepa, naao atimapaae noa dowi alakó eraleé?” yalepó.

³⁶ Ai fo depa, Yesuné duraalu, “Yalo tetéroló kaae tare alata, i haemó diaaɔ tetéroló kaae tare ala kaae mei, yalo tetéroló kaae tare alata, mo kaepó. Etamo diaaɔ tetéroló kaae tare ala tuamó

bituqsóro, ti Juda whirapené e daai depa, yalo kutó diratere whirapené bóe duapó. Tépatéi, yalo tetéroló kaae tare alata, kae tikimó kaaróló walepó,” yalepó.

³⁷ Ai fo depa Pailat-né duraalu, “Tépatá, ya tetéroló kaae tare topo whi mo airapó!” depa, Yesuné apaae tokó mótu duraalu, “Naao epaae topo whipó dere fota, mo dono dapó. E Talené so whi tetéroló kaae tare whi topo whi betaai, i haepaae woó, e i haemó mo soné deyóo, yalepó. Atépa, mepaae mo ala tuamó betaai keteké butu betere so whinéta, yalo dere fo mo dapóló wosetu betérapó,” yalepó.

³⁸ Ai fo depa, Pailat-né faletere fo kaae yóló duraalu, “Mo fo betepó dere-a, noaé?” yalepó. Ai fo yóló, kale Pailat a Juda so whi daae mole tikipaae tóɛ doropóló, atimapaae duraalu, “A só deraaire bete tale yalemó, me alakélé mupa kilinipó.

³⁹ Téretei, diaaɔ mara mole ala sya furaalu, kale boseneyóló fele be demó ɔla detere sukamó *dipula* betere whirapekó betá fópóló, sokotua dapó. Atétua dere kaae, diaaɔ kisipané mió i ɔla detere be demó Juda so whi tetéroló kaae tare topo whi sokaró de?” yalepó.

⁴⁰ Ai fo depa, atimané apaae fo fakeyóló duraalu, “A meipó. Dané kisipanéta, Barabas da beterepaae wópólópa, doteyae,” du betalepó. Ti Barabas ata, *Gavman*-tamo alale sóro bóe du betale whipó.

19

Yesu filipaa eró betere ni tómó oleróló dae yale fo

(Mat 27:27-31, Mak 15:16-20)

¹ Téro Pailat-né Yesu dapesó fóló, ama diki tare whirapepaae fokosói ala yae yóló malepó. ² Atéro, diki tare whirapené Yesu faleturaalu, mu daai képi topo whiné deratere topo tao suróló aleyalepó. Téro Yesuné topomó deróo, sonaai kutikélé deróo yalepó. ³ Atéro, atimané momó dele momó dele yóló duraalu, “Juda so whi tetéroló kaae tare topo whi-ó, dané naao doi i sóro horatere ape,” yóló faletu betalepó.

⁴ Ai alarape yóló kemetepa, Pailat ą momó Juda so whı betó molepaae fóló duraalu, “Yąlo ama yale ala taleyalemó, ą só deraaitere bete mekéle munipa, i dapesó walapa kelae!” yalepó. ⁵ Atéro Yesu faleturaalu, ą topo whıpóló derale mu daai topo taoró sonaai kutitamo deró betepatei, belapaae dapesó dorowalepó. Atéro daapa, Pailat-né atimapaae duraalu, “Mió kale whı i daalapa kelere?” yalepó.

⁶ Atéro, kale so whımó momaratere topo whırapero atimané sóró betero betere whırapetamoné Yesu dapesó wale kilitu, fo fakeyóló duraalu, “Filipaa ni tómó olerae!” yóló eneta du betalepó. Ai fo depa, Pailat-né atimapaae duraalu, “Yąlota, ą só deraaire bete mekéle munipa, diaaętei ą filipaa ni tómó olerae,” yalepó.

⁷ Atétepa, kale Juda fake so whı feané ąpaae seýóló duraalu, “Amatei ą Kótóné naalemapó du betepa, ąné yóló muló betere foné, etei kaae fo dere whı sukópóló dae fo erapó,” yalepó.

⁸ Pailat ą taketa sawa wiyaletai, atéro dere fo woseturaalu, mo doasi winé sukąlepó. ⁹ Atéro, ą kale *Gavman* topo whıné bepaae momó fesaae fóló, Yesupaae woseturaalu, “Yą mé be huluapaae wale whıé?” yóló wosetepa, Yesuné ąpaae me fokéle tokó menipó. ¹⁰ Atétepa Pailat-né ąpaae duraalu, “Yąlo ąpaae wosetere fo naao tokó menitere-a, ą fópóló dotęyaaitere ala ó, filipaa ni tómó oleraaitere ala yópóló, ę sóró betero betere ą kisipa inié?” yalepó.

¹¹ Ai fo depa, Yesuné duraalu, “Óté taoró betere Kótóné tęteróló kaae tare fotokę ąpaae móluęmeisóró, ti naao ępaae me alakéle eróluęmeipó. Térapa, ę naao naase tuęmó mulale whıné ama yale dowi alanéta, naao dowi ala mo teraae falapó,” yalepó.

¹² Atéro, kale Pailat-né ai dere fotóró woseturaalu, ą fópóló sokaaire tu kikitu betalepó. Tétu betepa, Juda fake so whıné fo faketóró hąle yó taru duraalu, “Naao-tamo ą fópóló dotonatepa, ti ą Sisatamo betą kutó ditero whı meipó. Whı me de amatei, ą topo whı betaai dapóló wóputu

betepa, ti ai whıné Sisatamo bóe dilapó,” yalepó.

¹³ Atéro, Pailat-né ai dere forape wosetu, Yesu belapaae dapesó doropóló, Pailat ą fo tokótamo yóló taletere tikimó betalepó. Ai belané doita, kapo fake whamene tikipó. Hibru foné ti Kapata doi mulapó. ¹⁴ Ai alarape yaletaita, kale bosenyóló fele be ę ąla detere *fula*-mó, ąla dótóró deyaairaaalu, ąla ąla taleyóló mulatere be ęmó 12 *kilok* sukakelemó yalepó. Atéro, kale Pailat-né Juda so whıpaae duraalu, “Dią tęteróló kaae tare topo whı i daalapa, kelae!” yalepó.

¹⁵ Ai fo depa, atimané duraalu, “Dąné ą keletere hęrapa filipaa ni tómó oleraai dapesó fae yóló, dotopoi fo du betalepó. Tétepa, Pailat-né duraalu, dią tęteróló kaae tare topo whı ą filipaa ni tómó oleraróe?” yalepó. Ai fo depa, kale mo so whımó momaratere topo whıné duraalu, “Dą tęteróló kaae tare whıta me kae mei, Sisa betą beterapó,” yalepó.

Yesu filipaa ni tómó olerale fo
(*Mat 27:32-44, Mak 15:21-32, Luk 23:26-43*)

¹⁶ Ai alarape yóló kemene furaalu, Yesu filipaa ni tómó olerae yóló, Pailat-né atimané naase tuęmó mulalepó.

Atétepa, kale diki tare whırapené ą dapesó felepó. ¹⁷ Atéro furaalu, ą oleraaire ni fake amatei beleyóló oleraaire tikimó sókó felepó. Ai hae tikiné doita, sukąle whıné topo diripó. Hibru whırapené du betere foné ti Kolkotapó doi mulapó. ¹⁸ Aimó atimané ą filipaa ni tómó oleralepó. Atéro whı tamokéle, me whı ité ęeró oleróo, whı me uté ęeró oleróo, yalepó.

¹⁹ Atéyale kılipaae Pailat-né kale filipaa ni topomó ą i betené dalepóló etei fo aseýóló oleralepó.

ITA, NASARET BE WHİKÓ JUDA SO WHı
TĘTERÓLÓ KAAE TARE TOPO WHı YESUPÓ

²⁰ Yesu dóló olerale tikita, ai be hulua felekemó ereteiné Juda fake so whıné ai aseýóló oleró betere fo dosąatu beterepó. Ai aseýale fota, Juda so whı feané dosąayópóló, Hibru whırapené du betere fonékéle, Rom fonékéle, Krik fonékéle,

erepó. ²¹ Atéro, mo so whjímó momaratere Juda topo whjrapené Pailat-paae duraalu, “Juda fake so whj teteróló kaae tare topo whjóló, aseyaose. I whjné amatei duraalu ata, Juda fake so whj teteróló kaae tare topo whjóló, yale fo maaté aseýóló olerae,” yalepó.

²² Ai fo depa, Pailat-né duraalu, “Yalo aseýale fo momó kae fisikini, ai fotóro atéro mulóppóló,” yalepó.

²³ Atéro, mepaae diki tare whjrapené Yesu filipaa ni tómó olerale kílipaae douro diki tare whjrapené ama kutirape atima betá betá yóló salepó. Atéyaletei, Yesuné deróló sókó fatere boló kuti betá hále muni felepó. Ai kutita, me kwiatamo dekaaporóló dokoni, mo betanétóro dokorepó.

²⁴ Atéro, kale diki tare whjrape atimasitei duraalu, “I kutita, terekeyóló kukwia saalomeipó. Betá whjné saairaalu, atima dokó fea ni kwia siri mulóló, melaa yóló saalopa siépe yae,” yalepó. Ai alarape yaletaita, i asere fo dokonóppóló yalepó. Ai fo i ape.

“Yalo kutirape atima sóró, bolómó deró betere fóló kuti betá muni fupa, ni fakerape fesekée deróló salepó,” erapó.

²⁵ Atéyale kílipaae, Yesuné ama hama Mariakélé, hamané kemakélé, Klopas-ne soma Mariakélé, Maktala sokó Mariakélé, Yesu oleró betere felekemó daae molepó.

²⁶ Aimó Yesuné hamaró ama hosaa mole yó matere whjtamo daapa kolóló, hampaae duraalu, “Yalo hosaa mole hae ti so-ó, ai daale whjta, naao naale ai ape,” yalepó. ²⁷ Téro, ama ai yó matere whjpaee duraalu, “Ata naao hae ai ape,” yalepó. Ai sukamó kaae sóró, ama ai yó matere whjné Maria atamo betaairaalu, dape salepó.

Yesu sinale fo

(*Mat 27:45-56, Mak 15:33-41, Luk 23:44-49*)

²⁸ Nalo kale yaalopó yóló mulale ala fea kemeyalepóló kisipa mutu, kale aseýóló muló betere fo dokonóppóló, Yesuné duraalu, “E wj wj nokolerapó,” yalepó.

²⁹ Atéro, aimó betá kelaai wain wj wuti fanóló mupa tepeýóló, kelaai wain

wj wj kaae qlamó tópuró sóró kape siki kaae qlamó haka sóró, ama qlómó hamunalepó. Ai kape siki kaae qlané doita, *hisop*-pó. ³⁰ Atéro, Yesu ai wj nóló duraalu, “Kale eraai yale ala fea mió sumó eróló kemeralépó,” yalepó. Atéro, ama topo haepaae hemée deyóló ama kepe bete Talepaae melóló sukálepó.

³¹ Atéro kale filipaa ni tómó olerale whjrape hále olepatei, qla deyaai dále muló betere be de sókó waqsóro, i ala yalepó. Dótóro qla deyaaire be de sókó waaipa, qla qla taleýóló mulatere be demó, kale oleró betere whjrape hó diri kolokóló teketapóló, Juda topo whjrapené Pailat-paae wosene felepó. ³² Ai fo depa, kale diki tare whjrape fóló, kale folosóro ité olerale whjné hó diri kaaýóo, uté olerale whjné hó dirikélé kaaýóo, yalepó. ³³ Téyaletei, Yesu kelalemó, a taketi sukjikimó atimané ama hó diri kaaanipó. ³⁴ Aténi, atimakó betá diki tare whjné ama fisinimó wuti deyalepó. Atéyale tikimó, ama fakeró wjtamo mo wj kaae suniyóló dorowalepó. ³⁵ Ai alarape depa kelale whjné ama mo kelale alatóro hakearóló yó male fota, mopó. Ama ai du betere fo diaakélé mopóló kisipa tiróppóló, hakeamó yó mótu beterapó. ³⁶ Ai yale alarape feata, kale asemó i ere fo dokonóturaalu, yalepó. Ai fo i ape.

“Ama diri mo betakélé kaaýaalomeipó,” erapó.

³⁷ Me asere fo i ape.

“Atimané ama tikimó wutiné deyale whj kelené kikéýóló kaae tawaalopó,” erapó.

Yesu kane dolomó mulale fo

(*Mat 27:57-61, Mak 15:42-47, Luk 23:50-56*)

³⁸ Atéro, ai ala kemetepa etéyalepó. Ari-matea be whjkó Josep akélé Yesuné yó matere whjte, Juda topo whjrape kolóló wituraalu, ama tué tiki tiró betere ala hakeamó yó menipó. A Pailat beterepaae fóló, Yesuné tiki tekaaí dapóló, wosalepó. Téyalemó, kale Pailat-né apaae téyae depa, ama tiki tokóló só felepó. ³⁹ Mo take dilikitamo Yesu beterepaae fele whj Nikodimasró Josep-tamo wusuróné Yesuné tiki tokóló

só faai dere ala fea yalepó. Atéro, betā ni fē *mur*-ró mepaae felé kēlaa wale ɔlarape *aloes*-tamo hosekéro betereitei, Nikodimas-né sóró felepó. Ai ɔlané seké dāleta, 34 *kilogram*-rópó. ⁴⁰ Atéro, kale wh̄i tamoné Yesuné tiki sóró felepó. Atéro doumó mulaairaalu, *linen* kutimó mepaae felé kēlaa wale ɔlarape terepeté fóló, Yesuné tiki bopeyalepó. Aita, atima Juda wh̄irape douróturaalu dere ala sya fóló yalepó. ⁴¹ Yesu olerale tiki felekemó, betā kutó erapó. Ai kutó tuamó wh̄i mo betākélé dou erénire, kisi dou wisinaale aleyóló muló beterepó. ⁴² Ti dótóró kale Juda fake so wh̄i s̄a nóló betaaire be d̄e ereteiné kale doukélé mo felekemó epa, ɔla ɔla taleyóló mulatere be d̄emó ama tiki aimó douralepó.

20

Yesu mulale kane dolo h̄alepa kelale fo (Mat 28:1-8, Mak 16:1-8, Luk 24:1-12)

¹ Atéro, fula kaae sere be d̄emó h̄ika be teó d̄eteretamo Maktala sokó Maria Yesu mulale dou tópaae felepó. Atéro kelalemó, ɔ mulóló fokonale kapo fake tukw̄e fóló, tumó mupa kelalepó. ² Atépa, kale so ɔ Saimon Pitaró Yesuné ama hosaa mole yó matere wh̄i metamo beterepaae sururuyóló fóló duraalu, “Tale atimané mopaae sóró fóló mulaleró d̄a tūenipó,” yalepó.

³ Tétepa, Pitaró kale me wh̄itamo atima betere tiki taaróló, sururu yóló wh̄i dou tópaae felepó. ⁴ Atimaamo wusuró sururuyóló feletei, Pita taaróló kale me wh̄i ɔpi fóló, kale dou tómó sókó felepó. ⁵ Atéro ɔpi fóló, hemée deyóló kelalemó, Yesu bopeyóló mulale d̄ei *linen* kuti betā mupa kelalepó. Téyaletēi, ɔ dou dolopaae fenipó. ⁶ Atépa, nalo Saimon Pita sókó woló, kale dou dolopaae fóló kelalemó, mepaae d̄ei kutirape betā molepó. ⁷ Yesuné ama tiki bopeyóló mulale d̄ei *linen* kuti kae mulóo, ama topo boperóló mulale kuti kolokóló kae mulóo epa kelalepó. ⁸ Kale folosóró dou tópaae ɔpi sókó fóló, daale wh̄i ɔkélé nalo dou dolopaae derepelepó. Dou dolomó ai ere ala kilitu, ama tūe tiki tiralepó. ⁹ Yesu ɔ

sukóló momó kepaa yaalopóló, ašemó ere fo mo dokɔnalérapóló, kisipa sinipó.

Yesu Maktala sokó Meripaae yó male wale fo

(Mat 28:9-10, Mak 16:9-11)

¹⁰ Téró, kale wh̄itamo momó bepaae fesaae felepó. ¹¹⁻¹² Téyaletēi, kale Maria ɔ dou até belaró daalu, woletu betalepó. Atétu bitu hemée deyóló, kale wh̄i mulale kapo dolopaae kopeyalemó, *enseltamo* mo d̄ei kuti deróló, Yesu mulale tikimó beterepó. Me seké topo mulalepaae betóo, me seké hó eralepaae betóo, erepó.

¹³ Atéru, atimaamoné kale sopaae wose-turaalu, “Ti so-ó, ȳa noatepa wole du bitu de?” depa, ama duraalu, “Atimané ɔ t̄eteróló kaae tare Tale mopaae mulale feleró ɔ kóló kóló depa du bitupó,” yalepó. ¹⁴ Ai fo yóló, ɔ fetée furaalu kelalemó, Yesu aimó daapa kelaletēi, kale soné aita, Yesupóló kisipanipó.

¹⁵ Tépa Yesuné ɔpaae duraalu, “Ti so-ó, ȳa noatepa wole du bitu de? Ȳa de keketé kutu bitu de?” yalepó. Ai fo depa, kale soné ama kisipané ai kutó kaae tare wh̄i nisiyóló ɔpaae duraalu, “Doa wh̄i-ó, naotamo sóró fipata, ti ɔ sene faai dapa, mulale tiki betā ɔpaae yó melaasepé,” yalepó.

¹⁶ Tétepa, Yesuné ɔpaae “Maria-ó,” depa, ɔ daalepaae fete fóló, Ereimeiki foné fakeyóló duraalu, “Raboni-ó,” yalepó. Ai fo bete feteyóló yó matere wh̄ipó.

¹⁷ Ai fo depa, Yesuné ɔpaae duraalu, “Ē ȳalo Aya beterepaae fenipa, naoo ɔ taterē ala taalae. Ȳatei fóló, ɔ ȳalo Aya beterepaaekélé, diaaɔ Aya beterepaaekélé, ɔ t̄eteróló kaae tare Kótó beterepaaekélé, dīa t̄eteróló kaae tare Kótó beterepaaekélé, momó fesaae fulapóló, ȳalo norapepaae ene fae,” yalepó.

¹⁸ Atéro, ai kale Maktala be hulua sokó Maria ɔ fóló, ama yó matere wh̄irapepaae duraalu, “Tale ȳalo mo kelalepó,” yóló ama ɔpaae yae yale forapekélé fea atimapaee yalepó.

Yesu ama yó matere wh̄rape beterepaae wale fo

(Mat 28:16-20, Mak 16:14-18, Luk 24:36-49)

¹⁹ Téro, *fula* kaae sere be demó be diki deretamo ama yó matere wh̄rape atima kale Juda topo wh̄rape kolóló wituraalu, atima touróló betó mole be t̄rape kinóló diróló betó molepó. Atéro betó mupa, Yesu atima betó mole tuamó sókó wóló duraalu, “Hosaa muni deyóló dua betere ala dī tuamó mulóppóló yae,” yalepó. ²⁰ Ai fo yóló kemetepa, ama naasemó *ikoko* daleteiró fisinimó wuti deyale siritamo atimapaee yó malepó. Atéro, Tale kilituraalu, atima hosaa tuamó doasi hajné sukutere ala mo f̄ayalepó.

²¹ Atéro, Yesuné atimapaee momó duraalu, “Diaaḡ hosaa muni deyóló mo dua betó muae. Yalo Ayané ẹ i haepaae wópóló dotonótu yale kaae, yalokélé dī f̄ópóló dotonatapó,” yalepó. ²² Atéro, ai fo yóló kemetepa, ama fomo atima tikipaae sókó faróló duraalu, “Dei Kepe Wisi sae. ²³ Diaaḡtamo mepaae wh̄iné dowi ala kwia me ọla meipóló h̄le kemeratepa, ti Kótónékélé atimané yale dowi ala kwia h̄le kemeró beterapó. Diaaḡtamo mené yale dowi ala kwia me ọla meipóló kemeréni h̄le tapa, ti Kótónékélé atimané dowi ala kwia kemeró bitinipó,” yalepó.

Yesu ą Tomas-paae yó male fo

²⁴ Yesuné ama yó matere 12 wh̄rapekó bet̄a ama doi Tomas-tei, Didimas-pó, du betere wh̄ Yesu atima beterepaae sókó wale sukamó, mepaae yó matere wh̄rapetamo bet̄amó bitinipó. ²⁵ Atéro, kale mepaae ama yó matere wh̄rapené ąpaae duraalu, “Tale dané mo kelalepó,” yalepó.

Ai fo depa, Tomas-né duraalu, “Yalotamo ama naasemó *ikoko* dale siri kolóo, *ikoko* dale doloró fisinimó wuti deyale dolotamomó yalo naase kesekée falóo initepa, ti diaaḡ dere fo wosóló, mo dapóló yalo tué tiki tiraalomeipó,” yalepó.

²⁶ Atéro, *fula* bet̄a kemeyale k̄lipaae ama yó matere wh̄rape atima momó touróló betale sukamó, Tomas ąkélé atimatamo bet̄amó beterepó. Atéro, atima

t̄u kinóló betó mupa, Yesu ą sókó wóló atimapaee duraalu, “Diaaḡ hosaa muni deyóló mo dua betó muae,” yalepó. ²⁷ Téro Tomas-paae duraalu, “Yalo naase ipa, naao kolóló, naase kesekée falóo, yalo fisinimókélé naao naase dou kesekée falóo ene ape. Téro, mió naao kisipa tamó mutere ala taaróló, tué tiki tirae,” yalepó.

²⁸ Ai fo depa, Tomas-né ąpaae duraalu, “Ē t̄eteróló kaae tare Tale Kótóo,” yalepó.

²⁹ Ai fo depa, Yesuné ąpaae duraalu, “Naao ẹ mo kelaletéiné naao tué tiki tiratapó. Mepaae wh̄ de ẹ kilinirutei, kisipa tiki tiratepa, ti ai so wh̄ atima Kótóné wisiró beterapóló hajné sukutu betaalo ai ape,” yalepó.

³⁰ Atéro, Yesuné ama yó matere wh̄rapetamo bitu, Kótóné eratapóló kisipa yópóló, kelemei alarape mo dekéro eraletei, fea i *buk*-mó as̄nipó. ³¹ Tépatéi, Yesu so wh̄ t̄eteróló kaae tare wh̄ Kerisota, Kótóné Naalemapóló tué tiki tirópóló, i alarape fea as̄yalepó. Ti ąta, etei kaae Talepóló, ama doimó yó mótu betere fo fea dos̄ayóló tué tiki tiróturaalu, dī mo ti betere bete s̄póló yalepó.

21

Yesuné kelemei ala eróturaalu ya dekéro sale fo

¹ Atéro ai alarape kemetepa, Yesuné ama yó matere wh̄rape Taiberius w̄ei fókumó betó mupa, ą momó kolóppóló, yó male walepó. ² Aimó, Yesuné ama yó matere wh̄ Saimon Pitakélé, Tomas-tei me doi Didimas-kélé, Kaleli hae kwiamó t̄ene Kana be hulua wh̄kó Nataniel-kélé, Sebedi naalema tamokélé, ama yó matere wh̄ me tamokélé, atima fea touróló betó molepó. ³ Atéro bitu, Saimon Pitané atimapaee duraalu, “Ēta, ya sene f̄lapó,” depa, atimané duraalu, “D̄akélé fea faalopó,” yalepó.

Atéro, atima fea nukumó betóló felepó. Téyaletei, ai dilikitamo ya mo bet̄akókélé sinipó.

⁴ Atéro, Yesu ą mo h̄kati w̄ei fókumó daapa kelaletéi, ama yó matere wh̄rapené Yesupóló kisipanipó.

⁵ Tétepa, Yesuné atima fo tekeróló duraalu, “Ti naalerape-ó, yakó saleé?” depa, atimané duraalu, “Meipó,” yalepó.

⁶ Tétepa, ama atimapaae duraalu, “Diaaḡ ḡḡleke wa tao sóró, nuku mole turu naase fakeró derae. Até depa, ti mepaae ya saalo ai ape,” yalepó. Ama ai yae dere alatóró yalemó, ḡḡleke wamó ya mo dekeró deyaletikimó seḡené tukaaire mo sḡnipó.

⁷ Atéró, Yesuné ama hosaa mole yó matere whḡné Pitapaae duraalu, “Aita Talepó,” dere fotóró wosóló, Saimon Pitané tómó deratere kuti take sokóló mulaletei kakeróló, weḡipaae tuwó dere-pelepó. ⁸ Atéró, Pita ḡ weḡimó ḡlaaté fu betepa, mepaae yó matere whḡrape atima nukutamo ḡ sya fu betalepó. Atéró, atimané derale ḡḡleke wamó, ya faayóló mupatei, weḡi fókuro nuku fole tikitamo felekereteiné sḡyóló só fu betalepó. Ai weḡi fókuro nuku foletikitamo ḡḡleta, 90 mita sḡpó. ⁹ Atéró, atima i weḡi fókumó sókó walemó, aimó si duku betepa kelalepó. Ai duku betere si keletómó ya biliyó mupa kolóo, *bred* orapekélé mupa kolóo, yalepó.

¹⁰ Atépa, Yesuné atimapaae duraalu, “Diaaḡ mió sale yarape mepaaekó ipaae sóró ape,” yalepó.

¹¹ Atéró, Saimon Pita ḡ nukupaae bitḡ holóló kale ḡḡleke wa weḡi fókupaae sḡyóló sóró walepó. Aimó dere doakale yarape dosḡayalemó, 153-ró derepó. ḡḡleke wamó doa atei yarape deyaleteti, ḡḡleke wa mo sawa tukó fole alakélé inipó. ¹² Yesuné atimapaae duraalu, “Diḡ i ḡla naai ape,” yalepó. Téyaleteti, ama yó matere whḡrapené ḡ Talepóló kisipa irutei, atimakó whḡ betḡnekélé ya deé? yóló halainé wosaaitere kisipa munipó. ¹³ Atéró Yesu ḡ wóló, *bred* o bularape terekeyóló atimamó malepó. Yarapekélé atétóró yalepó. ¹⁴ Aita, Yesu ḡ sukóló kepaayóló bituraalu, ama yó matere whḡrapené ḡ kolópóló, tamo dakoróló yó melóló, mió ita, sore dakoróló yó male walepó.

Pitapaae Yesuné ḡpaae hosaa mulée yale fo

¹⁵ Atéró, atima ḡla nóló kemetepa, Yesuné Saimon Pitapaae duraalu, “Jon-né

naalema Saimon-ó, naao ḡpaae yaala sókó fole alané i whḡrapené yaala sókó fole ala bosene fale?” depa, ama duraalu, “Tale-ó, ḡpó. Yaḡo yaḡpaae yaala sókó fole alata, naao ai tuḡre ape,” yalepó. Ti fo depa, Yesuné ḡpaae duraalu, “Tépa, ti yaḡo *sipsip* hupu malerapemó, ḡla wisiyóló melae,” yalepó.

¹⁶ Yesuné kale fo kaae momó duraalu, “Jon-né naalema Saimon-ó, naao ḡpaae mo yaala sókó fule?” depa, ama duraalu, “Tale-ó, ḡpó. Yaḡo yaḡpaae yaala sókó fole ala naao ai tuḡre ape,” yalepó. Tétepa, Yesuné ḡpaae duraalu, “Yaḡo *sipsip* hupurape naao mo wisiyóló kaae tawae,” yalepó.

¹⁷ Atéró Yesuné ama kale dere fo kaae sore dakoróló duraalu, “Jon-né naalema Saimon-ó, naao ḡpaae mo yaala sókó fule?” fo sore dakoróló deremó, Pitané ama hosaa tuḡmó seḡe depa duraalu, “Tale-ó, fea ala naao kisipareteiné yaḡo ya yaala sókó fole ala naao tuḡrapó,” Ai fo depa, Yesuné ḡpaae duraalu, “Yaḡo *sipsip* hupurapemó ḡla mo wisiyóló melae.

¹⁸ Yaḡo yaḡpaae mo i dapa wosae. Take ya kokopei betale sukamóta, kuti naaotei deróló, naao faai kisipa mutere tikipaae fua yalepó. Téyaleteti, take nalopaae ya otere yóló betere sukamó, ti naao naase teréḡ faló betepa, naao kuti me whḡné deróló, ya ḡḡre tikipaaetei dapesó faalo ai ape,” yalepó. ¹⁹ Yesuné etei kaae fo yaleteti, Pita ḡ atéró sukuturaalu, Kótóné ere ala wisinaale kolópóló, ḡḡkearaalopóló kisipa mutu yalepó. Atéró Yesuné ḡpaae duraalu, “Ya ḡ sya ape,” yalepó.

²⁰ Atéró Pita ḡ fetée fóló kelalemó, Yesuné ama yaala sókó fale yó matere whḡ atimaamo sya wou betalepó. Ai whḡta, take atima ḡla nale sukamó, Yesu tikimó tiróló bituraalu, “Tale-ó, ya ḡpóló eleké deyaaire whḡ-a, deé?” yóló wosale whḡpó. ²¹ Atéró, Pitané ai wale whḡ kolóló Yesupaae woseturaalu, “Tale-ó, i wale seḡe ḡ neyaaloé?” yalepó.

²² Tétepa Yesuné duraalu, “Yaḡo kisi-pane ai whḡ ḡtamo bitiré fóló, ḡ momó fesaae wale sukamó sókó fópóló depa,

aita naao yaaire ala meipa, ya ę sya wale ala beta yae,” yalepó. ²³ Yesuné ąpaae atei fo yalemótei, mepaae Keriso no nerapené ai yó matere whi ą sukąalo meipó yalepóló, feapaae deté kwęyóló fak-eralepó. Téyaletei Yesuné ai whi ą sukąalo meipóló ini, ama kisipané ą hąle bitiré fóló ą momó fesaae wale sukamó sókó fópólópó depa, aita Pitapaae naao yaaire ala meipóló yale fomótei yalepó.

²⁴ I yó matere whita me kae mei, i alarape depa kelalepóló so whi feané tuę yópóló, hąkearóló asęyale whipó. Ai sekéné ama kolóló ai yale fo feata, mo dapóló dąné tuęrapó.

²⁵ Yesuné kae kae ala mo dekéro yaletei, ai alarape fea imó asęnipó. Mo featamo mené asę depa, ti i hae kwia tuąmó, ai fo asęre *buk*-rape moolaire tiki sųyaalomeipóló kisipa mutapó.

Aposel

Yesu hepen-paae dapesó horale fo

¹ Tiopilus-ó, take yalo folosóro aseýale buk-móta, Yesuné yale alaró yó male fotamo fea kaae sóro yó maté fóló, a hepen bepaee fele sukamó sóro fele fo ase yalepó. ² Yesu a hepen-paae faai hãle bitu, Deji Kepe Wisiné fotokoratepa, ama dosãae sóro beteró betere *apospel* whĩrapepaae i alarape yae yóló yó maté felepó. ³ A doasi dele sale kĩlipaae, mo ti dóló sukunale whĩtei kepaayóló mo whĩtóró beterapóló kisipa yópóló, whĩ siki tamo 40 be demó kale whĩrape beterepaae sóro wua du betalepó. Atéturaalu, Kótóné tẽteróló kaae tare aqmó mole ala etérópóló yó mótu betalepó. ⁴ Atéro betã sukamó a ama yó matere whĩrapetamo ęla nuku bitu, etei dirii fo yóló duraalu, “Yalo Ayané diãmó hãle hamokoróló melaalopó ere ęlamó kisipa mutu, yalo diãpaae take yalepó. Ai ęla saasepóló, Jerusalem be taaróló feni, kaae tawóló hãle betae. ⁵ Ti noatepae, Jonné diã wei hãle maaté tópurótua yaleteti, mió mo felekemó diã Deji Kepe Wisitamo tópuraaalo ai ape,” yalepó.

⁶ Téro, atima betãmó touróló bitu, atimané aãpaae woseturaalu, “Tale-ó, take dã Israel fake so whĩné dãné hae kwia tẽteróló kaae taru yale kaae, miókélé ai ala yópóló yaaloé?” yalepó.

⁷ Ai fo depa, Yesuné atimapaee duraalu, “Ai ala yaaire be dẽró alitamota, diãné kisipa yaaire ala mei, yalo Ayané ama tẽteróló kaae taru, noa kaae ala yaai depa, ti ai be demótóró erótua dapó. ⁸ Tereitei, yalo ę etei kaae whĩpóló yó matepa diaaq wosale fo Jerusalem be huluapaaekélé, Judia hae kwia kwiapaaekélé, Samaria hae kwiapaaekélé, i hae kwia dene fale dokõ feapaaekélé, yó maté kweyóló mo surópóló, yalo diã sóro i beterate ape.” yalepó.

⁹ Ai fo du beteró kemetepa, kale whĩrapené kele tómótóró Kótóné a hepen bepaee dapesó horalepó. Atéro atima

kese horótu yóló daae mupa, atimané keletómó kitiki dolomó buó deyalepó. ¹⁰ Téro, atima ó saãpaae kese horólu yóló hãle daae mupatei, deji kuti deréli whĩ tamo sóro wóló atima daae mole demó daane walepó. ¹¹ Atéro kale whĩrapepaae duraalu, “Kaleli whĩrape-ó, diã noatepa saãpaae kese horótu yóló daae mulu de? Diãtamo betepa hepen-paae dapesó horale whĩ Yesuta, momó fesaee wouraalukélé, atérótóró hepen be taaróló waalo ai ape,” yalepó.

Judas betale sirimó Matiasi sóro beterele fo

¹² Ai fo yóló kĩlipaae, kale whĩrape atima *Olip* du sorokó mole tiki taaróló Jerusalem bepaee fesaayóló felepó. *Olip* du sorokó mole tikiró doasi be hulua Jerusalem betamota saletó mei, kapala asiri fua wua dere tiki kaaepó. ¹³ Atéro fóló, atima betere siki be kepaee holalepó. Ai be kemó Pita, Jon, Jems, Andru, Filip, Tomas, Batolomiu, Matyu, Alpias naalema Jems, kãlo kãloi whĩ Saimon, Jems naalema Judas atima atéro beterepó. ¹⁴ Atimatamo Yesuné ama mo nomarapekélé, ama hama Mariakélé, mepaae sorapekélé, touyóló Kótópaae moma dere ala yó tarepó.

¹⁵⁻¹⁶ Atéyale sukamó, 120 Talepaae kisipa tiki tiró betere so whĩ touró betere tuãmó, Pita turukó horóló daalu i fo yalepó. “Yalo norape-ó, mo take Deji kepe Wisiné Depit-paae yó matepa ama ere fota, Yesu daai dere whĩrapepaae eleké deyaaire whĩ Judas-mó erapó. Atéro asemó ere fo mió mo ai dokonale ape. ¹⁷ Judas-ta, dã 12 whĩrapekó dãtamo kutó diyópóló, sóro beterele whĩpó.

¹⁸ Judas-né dowi ala yóló sale *moniné* a sinaaire hae dupuralepó. Atéro amatei yale alamó a képi wei naale tikimó tukó furaalu, haepaae topo fesaayóló doropóló depe fulukó felepó. Até yale hae tiki mepaae whĩrapené a दौरaaairaaalu, ama dowi ala yóló sale *moniné* dupuralepó. ¹⁹ Jerusalem so whĩné Judas atéro sukãlepó dere fo wosóló, atimané be foné ai hae tiki doi Akeldama mulalepó. Ai fo feteyóló samea sóro fele hae tikipó.

²⁰ Atépa Pitané duraalu, “Ai ala yaalopóló take Sam buk-mó aseýóló muló betere fo i ape.

‘Atei mo ti aluyóló ama bekélé wópu mulópóló yae.’ erapó.

Me fokélé i ape.

‘Ama diyale kutó whiné diyópóló, whi kae sóró beterae,’ erapó.

²¹ Ti fo ereteiné ai seké betale sirimó, whi mekó sóró beteraalopa siépe. ²² Take Jonné wéi tópurale alimó kaae sóró wóló, Tale Yesutamo dā fea betámó kutu beteró, ą hepen-paae dapesó fele be demó sókó wale whikó sóró beteranérápó. Atétepa, ti ai seké dātamo touyóló Yesu kepaayóló fele fo wisi yó maté kwęyaalopó,” yalepó.

²³ Téro atimané tale yaairaaalu, whi tamo Josep ama me doi Barsabas me doi Jastus-ró Matias-tamo doi mulalepó.

²⁴ Atéro beteró bitu, atima feané Kótópaae moma yóló duraalu, “Tale-ó, dā feané mole kisipa tiki naao mo kelerapa, i whi tamokó mé whiné naao kutó dirópóló depa, ti naao dāpaae sóró ąlae. ²⁵ Judas ą ama yale alamó dupu saaire tikipaae felepó. Téturaalu ama taaróló fele kutó mé aposel whiné diranépa, ti ą betale sirimó bitu dirópóló naao dāpaae yó ąlae,” yalepó. ²⁶ Atéro moma yale kīlipaae, atimaamoné doi muló betere kapo fake wutimó deróló kelé keléróló tukjyalemó, Matias-né doi moletei sókó dorowalepó. Atétepa, ą ¹¹ aposel whirapetamo touróló sóró beteralepó.

2

Pentikos be demó Dęi Kepe Wisi dotonale fo

¹ Israel so whiné ąla deyóló nukua dere Pentikos be dę wapa, atima fea betāpaae tourāle wóló betó molepó. ² Atéro betó molemó, hapale tétitóró ó sāmó doasi besé tikiné hu kaae deté dorowóló atima betere tikimó huyóló supa feané wosalepó. ³ Atéyale alanétei, so whi dokómó simi kaae dāleta yalepó. ⁴ Tétu, kale Dęi Kepe Wisi atima tikipaae atéro bitj wouraalu, seratepa kae kae be fo yaairaaalu kaae salepó.

⁵ Atéyale sukamó, mepaae kae kae hae kwiamó betó mole Kótó kolóló witu betere Juda fake whirape kapala asiri wóló Jerusalem be huluamó betó molepó. ⁶ Atéro atima besé tikiné hu kaae woseturaalu, so whi mo fea betāpaae tourāle wóló betó mulu, noa ala dutérópóló sirayalepó. Ti noatepae, atimané wosalemó, kisipa tiki tiró betere fakerapené kae kae be fo atima dokę feané mo donotóró depa wosalepó.

⁷ Atéteremó doasi siratu duraalu, “I Kaleli whirapetei, dāné be fo netéro tuę yalerópó? ⁸ Atima dāné be fo mo donotóró dere-a, netéro derópó? ⁹ Dā Partia whirapekélé, Media whirapekélé, Elam whirapekélé, Mesopotemia whirapekélé, Judia whirapekélé, Kapadosia whirapekélé, Pontus whirapekélé, Esia whirapekélé, i betere ape. ¹⁰ Frisia-ró Pampilia whirapetamokélé, Isip-ró Sairin be hulua felekemó tēne be Libia whirapetamokélé, Rom bemó wale uké whirapekélé, fea i wóló betó mole ape. ¹¹ Ai wóló tourale so whi mepaae mo Juda fake yóo, mepaae kae faketei, Juda fakené dere ala sya fóo, dua dapó. Ai fake tamokélé, Krit whirapekélé, Arabia whirapekélé, dāné be foné atimapaae Kótóné kae kae hapólui alarape eralepóló yó mótu betepa, mió dāné i wosetere ape,” yalepó. ¹² Atétere alamó, i dosāyale be hulua so whiné sira yóló atimasisi duraalu, “I ala yóló kīlipaae noa alakó sókó waai derópó,” du betalepó.

¹³ Até du betepatei, mepaae whirapené ai ala dę nalóló duraalu, “Aita wain wéi mo dekéro naletikimó topo doturaalu, ai dere ape,” yalepó.

Pitané so whipaae yale fo

¹⁴ Téro Pita ą mepaae ¹¹ whirapetamo so whi betó mole kuamó turukó holóló fo fakeyóló duraalu, “Jerusalem be whiró dā mepaae Juda whirapetamo-ó, i yale alarape bete diāpaae hākeróló yaai dapa, mo wisiyóló wosae. ¹⁵ Diaaę kisipané i whirape atima wain wéi nale tikimó topo doturaalu dapóló de? Diaaętamo atei kisipa mutepa, ti mió wain wéi nokole suka kele mei, ita hįka 9 kilok i ape. ¹⁶ I

whjrapeta, *wain* wɛi nóló dumi, atima ai du betere ala take Kótóné ama kóló whj Joel-né asɛre fo dokonatapó.

¹⁷ Kótóné duraalu, ‘Kemeyaa dere alimó, yálo Dɛi Kepe Wisi so whj fea tuɔpaae wɛi kaae sunée deraalopó. Téturaalu, diaaɔ naale senaalenékélé, Kótóné kóló so whjné dere fo kaae yaalopó. Mepaae teó whjrapenékélé, nokené kilitu dere kaae yaalopó.

Diɔ mepaae otere serenékélé, noke yaalo ai ape.

¹⁸ Até dere sukamó, Dɛi Kepe Wisi yálo kutó diratere so whj fea tuɔpaae wɛi kaae sunée deratapa atimanékélé, yálo take eraai dere alaró mió dere alatamo hɔkearóló yó melaalo ai ape.

¹⁹ Atétepa, ó sɔmó so whjné kolóló sira yaaitere alarape yálo eraalopó. Atéturaalu i haemókélé me ala yaairemó eratere ala eróo, i hae samea sókó faróló, siró sukulita-mokélé anóo, yaalopó.

²⁰ Ai ala dereteita, Talené ama mo kae ere dɛ doasi tukóló muló betere be dɛ waai teópa, suka bete feteyóló dilikiróo, wéliékélé feteyóló samea alée falóo yaalopó.

²¹ So whj dené Talené doi yóló ɛ tao sae depa, atétere so whj aluyaɔsóró mo tao saalopó,’ erapó.

²² Israel whjrape-ó, i dere fo wosae. Nasaret be whj kó Yesuta, mo hɔle whj nisiyaɔsóró, so whj feané kolóló sira yaaire alaró kelemei alatamokélé, me ala yaairemó eratere alakélé, fea erópóló, Kótóné ɔ sóró betero beteraapó. Ai alarape feata, ama eratapa diaaɔ kolóló, ai kisipare ape. ²³ Betɔ whjné Yesu eleké deyóló diɔné naase tuɔmó mulalepó. Atétepa mepaae Talené fo woseni, dowi ala dere whjrapené diɔ tao sóró ɔ fili-paare ni tó mó sinópóló oleralepó. Atéyale alata, Kótóné ama yaai kisipa mole ala dokonóturaalu erapó. ²⁴ Téyaletai, ama tiki dou dolomó kɛlaa yaɔsóró sukutere alané fotokɔ Kótónéteai aluróo, ɔ mo ti sukɔletai Kótóné momó kepaaróo, yalepó.

Ti noatepae, sukutere alané ɔ sɔyóló tawaaire mo sunipó. ²⁵ Mo take ai sekémó kisipa mutu, Depit-né i fo asɛrapó.

‘Betere dokɔ fea Tale yálo kelepaamó daapa kilitua dapó.

ɔ yálo turu naase eró betere tikimó betereiteiné ɛ me whjné woreróló só deranénipó.

²⁶ Téreiteiné yálo hosaa betemó hɛkesené sukuturaalu, yálo kólónékélé, wole fo yóló ama doi sóró horatapó.

Yálo tikikélé, take me ala ini, mo wisiyóló betaalopóló kisipa mutu, haɔtamo kaae tawóló i betere ape.

²⁷ Ti noatepae, take waaire alimó yálo tiki dou dolomó mupa kɛlaa yópóló naao taaraalo meipó.

Téturaalu, naao mo kae betero betere whj wisinaalené tiki kɛlaa yópóló taaraalo meipó.

²⁸ ɛ wisiyóló betaaire tikipaae fópóló, naao tu wisi alerapó. ɛ yɔtamo betamó betepa, naao haɔ dere ala mo faɔnótu beteraapó,’ erapó.

²⁹ Norape-ó, yálo diɔpaae mo i dere ape. Dɔné ayarape deté wale whj Depit sukutepa dourale douta, mió i be demókélé hɔle epa kilitu beteraapó. ³⁰ Téreitei Depit ɔta, Kótóné kóló whj betepa ɔpaae dirii fo yóló duraalu, ‘Naao deté faaire naalené detere naalekó betɔ yɔ betale sirimó tɛteróló kaae tanópóló yálo sóró beteraalopó,’ erapó. ³¹ Take waaire alimó yaaire ala Depit-né ama kolóló i fo asɛrapó.

‘Kótóné so whj fea tɛteróló kaae tanópóló sóró beteraaire whj Keriso doumó kɛlaa yópóló taaréni, kepaaró beteraapó.’ erapó. ³² Yesu ɔ mo ti sukɔletai, Kótóné momó kepaaró beteraapó.

Atépa dɔta, ai alarape mo depa dɔné kelené ke-lalepóló hɔkeamó yó maté kotere whjrape i ape. ³³ Yesuné ɔla ɔla fea ama tɛteróló kaae tanópóló ɔ Alima Kótóné turu naase demó beteralepó. Alimané yóló mulale ɔla Dɛi Kepe Wisi ama naase tuɔmó mulalepó. Até depa, amamo dɔpaae erale ala mió diɔné kolóo, wosókélé yóo, yalepó. ³⁴ Depit ɔta hepen-paae fenitei, take waaire alimó yaaire alamó kisipa mutu i fo yalepó.

‘Talené yało Talepaae duraalu, “Ya yało turu naase demó betae.

³⁵ Naao bóe whirape ya aomó bitu, atima belei aqraaire ala yałotei eraalopa, hałe kaae tawóló betae,” yalepó.

³⁶ Térapa, Israel fake so whi-ó, dią i dere fo mo wosae. Diąné ai filipaa ni tómó oleróló dale whi Yesutóró Kótóné ą kepaaróló da fea teteteróló kaae tanópóló topo whikélé, Talekélé, ai sóró beteralape,” yalepó.

Mo dekeró so whi kisipa feteyóló weı tópuale fo

³⁷ Pitané atéro dere foné ai wóló touró betere so whiné hosaamó mo sepake kaaené tikalepó. Téturaalu, Pitaró mepaae aposel whirapetamopaae woseturaalu, “Norape-ó, mió dané noa alakó yaaloé?” yalepó.

³⁸ Ti fo depa, Pitané atimapaae duraalu, “Dią dokq feané dowi ala taaróló, tuę tiki feteyóló betepa, Yesu Kerisoné doimó weı tópurópóló yae. Atétepata, ti Tale Kótóné naao yale dowi kwia kemeróló, ama Deı Kepe Wisi dią hałe melaalo ai ape. ³⁹ Kótóné ama eraalopóló ere fo mo dokonóturaalu, ‘Diąkélé, diąné naalerapekélé, be saletómó wale so whikélé, mepaae Kótóné ą beterepaae apé dere fo wosóló wale so whikélé, fea ai ąla mo saalopó,’ erapó.

⁴⁰ Pitané ai fotamo mepaae forape olekeyóló fotokqiné duraalu, “Mió i alimó betere so whiné du betere dowi alané dią felekemó, ai doratapa mo wisiyóló kaae tawae,” yalepó. ⁴¹ Atéyale sukamó Pitané yó matere fo wosóló 3,000 so whi dowi ala taaróló kisipa feteyóló wapa weı tópuralepó. Atima atéro wóló take betere Keriso faketamo toune walepó.

So whi mo betq kisipa muóló betale fo

⁴² Téro, ai so whi atima aposel whirapené yó matere fo mo wisiyóló wosóo, atima hamomatamo mo betq tuę muóló u tao su i tao su dere ala yóo, ąlakélé betamó nóo, Kótópaae moma dere alakélé betamó yóo, du betalepó.

⁴³ Kale aposel whirapené so whiné kolóló sira yópóló eraterere alarapekélé,

kelemei alarapekélé, me ala yaairemó eraterere alarapekélé depa, so whiné kolóló duraalu, Ita, Kótónétei eratapóló, winé sukutu betalepó. ⁴⁴ Talepaae tuę tiki tiró betere so whirape fea touróló betq kisipa mutu, atimané ąla ąla mepaae yaııare so whi tao saalopóló fo dokalepó. ⁴⁵ Atéro, atimané mepaae ąla ąlaró haetamo dotonóló *moni* sóró mepaae yaııare so whi malepó. ⁴⁶ Tétu, be detere dokq atima mo fea momatere be belamó touraletatóró yó tarepó. Atima hosaa tuamó hajné sukutere ala mulu, hękesetamo atima fea me féli mené bemó ąla nuku, me féli mené bemó ąla nuku dua yalepó. ⁴⁷ Até duraalu, Talené doi sóró horaté fu betepa, mo so whiné kolóló, aita mo donoi ala dapóló dukirótu beterepó. Ai ala du betepa, so whi aluyaqsóró Talené tao sóró Keriso so whıtamo Kótónétei betere dokq touróló sóró beteraté fu betalepó.

3

Hęleke dore whi wisirale fo

¹ Betq sukamó, Pitaró Jon-tamo Talepaae moma yaairaalu tukóló muló betere sukakelemó, kuluka 3 *kilok* moma dere bepaae fu betalepó. ² Atéro felemó, take hamané depemótei hó naase dowi whi ai be bopéro betere tipi tu sókó walemó beteraai beleyóló fu betalepó. Ai sekęta, momatere bepaae fua wua dere so whipaae *monikó* kema yópóló, suka fea whirapené beleyóló mulaleta du betalepó. Ai whi beteraleta du betale tikita, mo kelaalo Kokqı tipi tıpóló doi mulapó. ³ Kale whi atéro sóró fóló betero beterepó, Pitaró Jon-tamo moma ene faai fupa, atimaamopaae *moni* kema yalepó. ⁴ Atétepa, kale whi tamoné ą kelené kikéro kaae taru Pitané ąpaae duraalu, “Naao dąmo kelae,” yalepó. ⁵ Ti fo depa, kale whiné amó me ąlakó melaaitere nisiyóló kelené atimaamo kaae tarepó.

⁶ Atépa, Pitané duraalu, “Naao ai ke-matere ąla *silpa moni ó kold moni* ę tanitei, yało tare ąla betq ya i matere ape. Nasaret whikó Yesu Kerisoné doimó i dapa, ya turukó holóló kweııae,” yalepó. ⁷ Ai fo yóló, Pitané kale whiné turu naasemó taosóro

turukó horóló daaralepó. Até dereta-motóró ama dore hóró hó kelepetamo fotokọ buóló wisiyalepó. ⁸ Atéró, ai seké ą tuó horóló kweyaai kaae sóró, Pitaró Jon-tamo atima fea moma dere be belamá kutu betalepó. Atéró aimó ą tuó holóló taaeta deté kuturaalu, Talené doi hale sóró horaté kweyalepó. ⁹ Aimó touró betere so whị feané kale whịné Kótóné doi sóró horaté kotere ala kelalepó. ¹⁰ Atétepa, i whịta momatere be bopére tipí kelaalo kokọre tu sókó walemó bitu *moni* kema dua yaletei, netéró wisiyalerópóló siratu betalepó.

Moma dere bemó Pitané fo yó maletei

¹¹ Téró, kale whịné Pitaró Jon-tamo apuó tapa kelaai so whị mo fea, Solomon-né doi mole be belapaae tourale wóló daae muluraalu, siratu betalepó. ¹² Pitané ai ala kolóló, atimapaee duraalu, “Ti Israel so whị-ó, noatepa dią i ere alamó siratu bitute? Diaaq tuéné ita, dąmoné fotokọné ó Kótóné ala dąmoné eró tareteiné wisiralepóló de? ¹³ Abraham, Aisak, Jekop atimané Kótóta me kae mei, dąné ayarapéné Kótókélé mo betątórótípó. Ai Kótóné ama kutó diratere whị Yesu tao sóró doi mo doasi mulalepó. Ai ala ere whịtei, diąné ą mo ti dóló sukunaaire whịrapené naasepaae mulópóló Pailat-paae melale felepó. Tétepa, Pailat-né ai whị me dowi ala munipó depatei diaaq ąpaae duraalu, fópóló dotęyaąse yalepó. ¹⁴ Mo kae beteró betere donoi ala dere whị wisinaaletei diaaq hóróo, whị dupa *dipula* beteró betere whị diąpaae dotonae yóo, yalepó. ¹⁵ ąta, mo ti betere bete kaarale whịtei, diąné dóló sukunalepó. Téyaletei, Kótóné momó kepaaró beteraapó. Ai alarape feata, dąné keletómó mo yalepó. ¹⁶ Hó naase dopa dią feané kilitu betere whịta, dąmo Yesupaae tué tiki tiró betere alané ą wisiralepó. Ai tué tiki tiratere alata, Yesuné dąmopaae matepa, ama doiné i whị mo ti wisiró betereitei mió diaaq ai kelere ape.

¹⁷ Norape-ó, ąlo mo i dere ape. Diąnékélé, diaaq topo whịrapené yale kaae, Yesu Tale Kótóné sóró beteró betere whịpóló tué muni yale ala dąné tuęrapó.

¹⁸ Téptei ai yale alata, mo take Kótóné ama kọló whịrape feané ama sóró beteró betere whị Keriso doasi dele saalopó ere fo Kótóné mo ai dokonó betere ape. ¹⁹ Térapa, du betere dowi ala taaróló, kisipa feteyóló Kótópaae ape. Atetepa, ti Kótóné ama feléyóló betere ala wisi dią tuąpaae eraalo. ²⁰ Kótóné ama so whị fea tęteróló kaae tanópóló sóró beteró betere whị dią beterepaae dotonaalopa, kaae tawae. Ti ai whịta, mo taketitei dią tao sópóló sóró beteró betere whị Yesu ai ape. ²¹ Ai sekęta, Kótóné kae beteró betere kọló whịrapepaae ere fo dokonóturaalu, Talené i haemó ere alarape momó wisiróló kisi aleraaire be dę sókó wópóló kaae tarapó. Ai be dę teópa, ti ą hepen-mó hale kaae tawóló beteraapó. ²² Moses-nékélé, i fo asęrapó.

‘Tale Kótóné diąmó kisipa mutu, diąkótei ama fo eratere kọló whị sóró beteraalo ai ape. Téyaalopa, ai sekéné ama dere fo fea wosóló sya fae.

²³ Kótóné sóró beteraaire ama kọló whịné dere fo dią mepaae whịné wosóló sya fenitepa, ti atétere whị Talené ama so whịtamo touyóló betaąsóró sókó sóró kae beteraalopó,’ erapó.

²⁴ Samuel betale alimó kaae sóró bitiré wale kọló whịrapené deté wale fota, mió i alimó du betere alarapemó kisipa mutu erapó. ²⁵ Kótóné ama kọló whịrapené ere foró Talené ama i ala eraalopóló ere dirii fotamo dokonóturaalu, diąpaaetóró mo eraalopó. Mo take Kótóné Abraham-paae i fo yalepó.

‘Naao deté faaire naalerapekó betą whịpaae ąlo eratere wisi alané i haemó betó mole so whị mo fea wisiraalopó,’ erapó.

²⁶ Ai ere fo mo dokonóturaalu, Kótóné ama kutó diratere whị Yesu Keriso sóró beteraalepó. Atéró, ą dią Israel fake so whịpi tao sóró wisiraaí kisipa mutu, dią beterepaae dotonalepó. Dią dokọ feané du betere dowi ala taaróló tué wisipaae fópóló, ai sekéné amatei diaaq kisipa tiki feteraalopó,” yalepó.

4

Jon-ró Pitamo dipula beterafo

¹ Téró, Pitaró Jon-tamo kale fo wisi so wh̄ipaae yó mótu betepa, mepaae momatere be kaae tare diki tare wh̄irapené topo wh̄ikélé, Sadyusi wh̄irapekélé, so wh̄imó Talepaae momaratere wh̄irapekélé, fea atimaamo beterepaae walepó. ² Atima atéro betó mupa, Pitaró Jon-tamoné fo yó mótu duraalu, Yesu mo ti sukaletei momó kepaayóló beterafo. Térapa, Yesupaae tué tiki tiratere so wh̄ikélé kepaayóló betaalopóló yó mótu beterepó. Atéro yó mótu betepa, kale wh̄irape atima dei tué muóló fopaae bualepó. ³ Atéturaalu, ai kale wh̄irapené atimaamo tawóló fo tokóló só deraai yaleteti be diki depa, h̄ika yaairaalu dilikitamo atimaamo *dipula* sóró beterafo. ⁴ Téyaleteti, atimaamoné yó male fo wosóló so wh̄i fea Talepaae kisipa tiki tiralepó. Atéyale wh̄irape maaté dosayóló touróturaalu, 5,000-rópó.

⁵ Téró h̄ika be deŋepa, topo wh̄iraperó Moses-né asere fo yó matere wh̄irapetamokélé, Juda wh̄i disirapekélé, fea Jerusalem bepaae tourale walepó. ⁶ Atétepa, atimatamo so wh̄imó momaratere wh̄irapené topo wh̄i Anas-kélé, Kaiapas-kélé, Jon-kélé, Aleksandakélé, so wh̄imó momaratere mepaae wh̄irapekélé fea wóló touró beterepó. ⁷ Atéro, Pitaró Jon-tamo dape sóró ai wh̄irapené atimaamopaae woseturaalu. “Ai ala yópóló diaamo né sóró beterafo? ó né doimó diaamoné ai ala du bitute?” yalepó.

⁸⁻⁹ Tétepa, Deŋi Kepe Pita tuamó faayóló seŋatepa atimapaae tokó mótu duraalu, “Diŋ so wh̄i teŋeróló kaae tare wh̄iraperó wh̄i disirapetamo-ó, diŋané daŋopaae ai wosetere fota, kale hó dore wh̄i kolené sukuturaalu wisirale alamó de? ¹⁰ Tétamo depa, ti diŋané, Israel so wh̄i feanékélé, wosaasepóló h̄akearóló i dere ape. Diŋané Nasaret wh̄ikó Yesu Keriso filipaare ni tómó oleróló mo ti dóló sukunaleteti, Kótóné a momó kepaaralepó. Atéyale sekéné doimó, daŋamoné wisi erale hó dore

wh̄i i daale ape. ¹¹ Yesuta, asemó ere foné duraalu,

‘Diŋ be teŋere wh̄irapené dopa taae falatere kapo faketei, be hulua eleké alée felepó,’ erapó.

¹² Da aluyaqsóro tao saaire wh̄i me kae mo bitinipó. Yesuné doimó betá da so wh̄i fea mo wisiyóló betenérápó,” yalepó.

¹³ Atéro, kale wh̄irapené kelalemó, Pitaró Jon-tamo wikélé ini fo mo halaainé du beterepó. Atéro dere fo woseturaalu, i wh̄i tamota me *skul-kélé* iniretei, dere fo mo fosó fosó dapóló siratu betalepó. Tétu atimaamo Yesutamo kweyale wh̄i tamopóló kisipa yalepó. ¹⁴ Téyaleteti, Pitaró Jon-tamoné hó dopa wisirale wh̄ikélé atima touró betere tikimó daaleteiné u kale wh̄irape atimané me fo yaaire tu mei depa taaralepó. ¹⁵ Atétepa, Pitaró Jon-tamo kapala asiri belapaae h̄okó deróló, ai wh̄irape atima fo keŋaaralepó. ¹⁶ Atéro, keŋaaróló duraalu, “Atimaamopaae daŋé noa alakó eraaló? Jerusalem bemó betó mole so wh̄i feané atimaamoné kelemei ala eraleteti, kolóló mo tuérápó. Téreteiné daŋé ai ala hiróló kapala fo enénipó.

¹⁷ Tétepa, i fo so wh̄ipaae deté fóló faka-erapsóro atimaamopaae dirii fo yóló mulalopó. Ai Yesuné doimó so wh̄ipaae fo yó melaqse yaalopa, siépe,” yalepó.

¹⁸ Atimapi atéro fo dokoló, kale wh̄i tamo momó bepaae ape yóló duraalu, Yesuné doimó mepaae dere alaraperó ama fo yó maté kotere alatamo momó kae yaqse yóló fo mulalepó. ¹⁹ Ti fo depa, Pitaró Jon-tamoné duraalu, “Diŋané kisipané daŋamo diaaŋ dere fo wosóló sya furaalu, Kótóné fo sya foleteti taalatepa, Kótóné keletómó wisiréro diŋanéte tale yae. ²⁰ Ti daŋé kelené kelale alaró wosale fotamo yó materetei, mo taaranénipó,” yalepó.

²¹ Tétepa, kale wh̄irapené Pitaró Jon-tamopaae mepaae wiratere fo take yale tómó beleróló yóló, atimaamo fópóló doteyalepó. Atimaamopaae mepaae sekéi ala eraai yaleteti, bete atima kóló kóló depa taaralepó. Ti noa betené mei, so wh̄i feané atimaamoné erale alamó Talené doi sóró horatere kilituraalu, atima wi depa fópóló

doteyalepó. ²² Ti noatepae, i kelemei ala eróló wisirale wh̄ita, hó doyóló betepa ba fo wh̄i siki tamokélé bosenée falapó.

Talepaae kisipa tiró betere wh̄iné moma dere fo

²³ Atéró Pitaró Jon-tamo fópóló sókó daalatepa, atimaamo mepaae Keriso so wh̄i betere tikipaae felepó. Atéró fóló bitu, so wh̄imó momatere topo wh̄iraperó wh̄i disirapetamoné atimaamopaae yale forape fea atimapaee du betalepó. ²⁴ Atétepa, Keriso so wh̄iné ai fo woseturaalu, atima fea touyóló fo fake yóló Kótópaae doa kée yóló moma yalepó. Atéró duraalu, “Kótó-ó, ȳata doasi Tale bitu, ɔla ɔla fea naaotóro kaaróló t̄eteróló kaae tarapó. Tale-ó, i haekélé, ó s̄akélé, w̄ei k̄elakélé, ai sore ɔla tūamó betere ɔlaró ere ɔlatamokélé fea naaotóro alerapó. ²⁵ Nao D̄ei Kepe Wisiné nao kutó diratere wh̄i d̄ané aya Depit tūapaae s̄uratepa, ama k̄ólómó ere fo i ape.

‘Hae kwia dokómó betó mole so wh̄i noatepa fopaae buóló dei kisipa mutu betere?’

Juda fake so wh̄ikélé me bete muni-patei noatepa atima kikití fo dokotu betere?’

²⁶ I hae kwia t̄eteróló kaae tare topo wh̄irape atima bóe daai siki siki yóo, mepaae Juda fake t̄eteróló kaae tare topo wh̄irapekélé fea bet̄apaae tour̄ale wóló, Taletamo bóe dóo, so wh̄i t̄eteróló kaae tan̄ópóló, Talené sóró betero betere wh̄itamokélé bóe daai donoróo, erapó,’ yalepó.

²⁷ Ti ai ere fo mo dokonalepó. Kale Herotró Pontias Pailat-tamonékélé, Juda meire fake so wh̄iné kélé, Israel so wh̄iné kélé, nao kutó dirópóló sóró betero betere wh̄i wisinaale Yesutamo bóe dóló só deraai, doasi Jerusalem bepaae tour̄ale walepó.

²⁸ Atéyaleteita, atima tūgné kaayóló dere nisiyalemó, ai yale alarape fea Tale nao fotokóné eraalopóló, take ere fo mo dokonóló ai yale ape. ²⁹ Térapa Tale-ó, mió atimané nao kutó diratere wh̄irape susupui ala eraairaalu wiréli fo du betepa, nao tūe muae. Atétu betere tūamó d̄a wikélé ini, mo halaaíné daalu, nao fo

bet̄a yó mótu betero pólo halaaí ala d̄apaae erae. ³⁰ Nao mo kae betero betere kutó diratere wh̄i Yesuné doimó kisi daae mole so wh̄i wisiróturaalu, kelemei alaraperó doasi sira yaaire alatamo eraaire fotok̄o nao d̄apaae erae,” yalepó.

³¹ Atima ai moma yóló kemerateretamo, atima betó mole be tao sóró woreralepó. Atéturaalu, D̄ei Kepe Wisiné atima mo s̄uratepa, so wh̄ipaae Kótóné fo mo halaaíné diriyóló yó mótu betalepó.

Keriso so wh̄i u taosu i taosu yale fo

³² Kale Keriso so wh̄i atima fea ne no aoyóló bitu, mo wisi kisipa bet̄atóro muóló beterepó. Atéru, atimané mole ɔla ɔla fea ekeleyóló sini, ȳaȳare so wh̄ikélé tao sua yalepó. ³³ Kale aposel wh̄irapené Tale Yesu mó ti suk̄aletei, momó kepaayóló betero pólo yó matere fota, Kótóné ama fotok̄tamo yó melaté kutu betalepó. Atima atétu betepa, Kótóné k̄olené sukuturaalu, h̄ale tao sere ala atima feapaae eraleteiné mo h̄aitamo dua beterepó. ³⁴⁻³⁵ Ai ala iru, atima tūamó me so ó wh̄ikó ɔla ɔla ȳaȳa dere ala mo inipó. Atima tūamótei, hae tiki tare wh̄iné ama hae dotonóló *moni* sóo, be t̄ene wh̄iné ama be dotonóló *moni* sóo, yóló ai *moni* kale aposel wh̄irapené naase tūamó mulótua yalepó. Ai *monita*, mepaae ɔla ɔla ȳaȳare so wh̄imó terekeyóló ɔliróló mótua yalepó. ³⁶ Lipai fake wh̄ikó Saiprus be wh̄i ama doi Josep beterepó. Ai sek̄eta, aposel wh̄irapené Banabas doi mulalepó. Ai doiné beteta, so wh̄iné hosaa dirirótu ketek̄e bulóló fotok̄ratere wh̄ipó doi mulalepó. ³⁷ Ai wh̄i Banabas-nékélé, ama hae kwia dotonóló *moni* sóró, ai *moni* ti aposel wh̄irapené naase tūamó mulalepó.

5

Ananias-ró Sapairatamopaae erale ala

¹ Téró me etéyalepó. Wh̄i bet̄ané ama doi Ananias beterepó. Ai sek̄éro soma Sapairatamo atimaamoné hae kwia dotonóló *moni* salepó. ² Atéró sale *moni* mepaae soma atimaamo saairaalu fo deyóló, bukó mulóló, mepaae ti kale aposel wh̄irapepaae male felepó.

³ Atétepa, Pitané ɔpaae duraalu, “Ananias-ó, Satan ya tuámó bitu, Dɛi Kepe Wisipaae kapala fo noatepa yaleé? Naao hae dupu yale *moni* mepaae ya saairaalu bukó mulóló, i sóró waleteti h̄tipó deretei, kapala fo ai dere ape. ⁴ Hae kwia dotonaai h̄le mupa, ti naao haetóro molepó. Dotonóló sale *moni-kélé*, ti naao *moni-tórotipó*. Tétu, *moni* mepaae diaamo saairaalu, dekée sóró mepaae maaté Talepaae male waletiekélé wisirapó. Tépatei, naao dowi kisipa sóró yale kapala fota, mo wh̄paae ini, Kótópaatei ai ere ape,” yalepó.

⁵ Atéroró dere fo kale wh̄i Ananias-né woseturaalu, Pita daalemó haepaae muni doropóló, mo ti suk̄lepó. Mepaae so wh̄iné até yalepó dere fo woseturaalu, atima wió du betalepó. ⁶ Tétépa, mepaae kokopei wh̄irape wóló kale wh̄iné tiki kutiné bopéyóló dour̄le felepó.

⁷ Atéroró, sore sukakele kemeyóló ai k̄lipaae soma Sapaira ama wh̄paae erale ala tuéni, mok̄leyaa yóló Pita beteremó sókó walepó. ⁸ Atéroró daapa, Pitané kale sopaae woseturaalu, “Naao wh̄i diaamoné hae dupu yale *moni* i h̄itié?” yalepó. Tétépa, kale soné duraalu, “Épó. Saleteti, aitóroti h̄tipó,” yalepó.

⁹ Ai fo depa, Pitané ɔpaae duraalu, “Noatepa naao wh̄i diaamó fo dokóló, Tal-ené Dɛi Kepe Wisipaae kapala fo yóló, k̄aae kelaai dilik̄léé? Atei ala yalemó, naao wh̄i dour̄le fele wh̄irape wóló t̄y sókó walemó ai daae mole ape. Atimané ya-kélé, atéroró sóró fóló dour̄le faalopó,” yalepó.

¹⁰ Téyalemó, mo ai fapotóro kale so Pita daale tikimó haepaae muni doropóló suk̄lepó. Atétepa, kale wh̄irapené kelalemó mo ti sukupa sóró fóló, ama oma dourale tikimó ɔkélé titiróló bulalepó. ¹¹ Até yalepó dere fo, Keriso so wh̄iró ai fo wosale so wh̄itamo doasi winé sukutu betalepó.

Aposel wh̄irapené kelemei alarape erale fo

¹² Téró kale *aposel* wh̄irapené kae kae kelemei alaró so wh̄iné kolóló sira yaaire

alatamo, so wh̄i betó mole tuámó erótu betalepó. Talepaae tué tiró betere so wh̄i Solomon-né aleyale be tokw̄imó touróló bitua yalepó. ¹³ Mepaae so wh̄iné Keriso so wh̄iné dere ala kolóló, atima dere ala mo kok̄rapó yóló dukirótu betaleteti, atima ai so wh̄itamo touyóló betaalo witu betalepó. ¹⁴ Tépatei, sokélé, wh̄ikélé, Talepaae tué tiki tiróló take betere Keriso faketamo tour̄leta yaletikimó Keriso so wh̄i fakeraté felepó. ¹⁵ Atétere alamó, mepaae hepo daae mole so wh̄irape sepelewa yóló wóló, Pita ɔ fua wua dere tumó beseke tómó mulótua yalepó. Ti aita, Pita fua wua duraalu, ama suka asoné mepaae wh̄i wisirópóló kisipa muturaalu, dua yalepó. ¹⁶ Jerusalem be bopéroló t̄e mole be huluarapemó betó mole so wh̄i fea Jerusalem bepaae tour̄le walepó. Atéroró wouraalu, mepaae hepo daale so wh̄ikélé, dowi keperapené doasi susupu mótu betere so wh̄ikélé, mo fea beleyóló wapa wisirótua yalepó.

Aposel wh̄irape susupuróló dipula beteraleteti

¹⁷ So wh̄imó momarateré topo wh̄iró mepaae Sadyusi fakekó i sekéné ama fulumu wh̄irapetamoné *aposel* wh̄irapené dere alamó atimatamo dei fopaae bualepó. ¹⁸ Atéturaalu, kale *aposel* wh̄irape *dipula* sóró beteralepó. ¹⁹ Téyalemó, dilikitamo Talené ama *ensel* wóló, ai *dipula* be t̄y tuk̄yóló kale *aposel* wh̄irape belapaae dapesó derepelepó. ²⁰ Atéroró duraalu, “Diɔ fóló momateré be belamó daalu, so wh̄paae mió wosetere kisi fo wisi etérópóló yó melaai fae,” yalepó.

²¹ Téró h̄ika be dɛtepa, *ensel*-né yale fo wosóló, momateré be belamó daalu, so wh̄paae Talené fo kaae sóró yó malepó.

Atéyale k̄lipaae so wh̄imó momarateré topo wh̄iró, ama fulumu wh̄irapetamoné kale fo tokóló taletere wh̄irapepaae ape yó faralepó. Ai wh̄irapeta, Israel wh̄i disirape atimatórotipó. Ai fakerape fea wóló, mepaae diki tare wh̄irapepaae *dipula* bepaae fóló, kale *aposel* wh̄irape dape sene fae yóló dotonalepó. ²² Tétépa, fóló kelalemó, kale *aposel* wh̄irape *dipula*

bemó bitinipa kelalepó. Atépa yaai dapólo atima momó fesaae walepó. ²³ Atéro atimapaae duraalu, “*Dipula* be tuta, dané kinale alatóro epa kelalepó. Téro, tu kaae tare diki tare whirape atimakélé, kale tikimótóro daae molepó. Atépa, da tu tukiyólo kelalemó, atima bitinipó,” yalepó. ²⁴ *Dipula* be kaae tare diki tare whirapené topo whiró so whimó momaraterere whirapené topo whitamóné ai dere fo woseturaalu, ai *apospel* whirape-a, noa yalerópólo atima tué teketu betalepó.

²⁵ Atétu beteremó, whi betá wóló duraalu, “Wosae, diñé *dipula* beterale whirapeta, u momaterere be belamó daalu, so whipaae fo yó mótu betere ape,” yalepó. ²⁶ Ai fo depa, diki tare whirapené topo whiró ama diki tare whirapetamo fóló, kale *apospel* whirape tawóló sóro walepó. Atéro, dapesó wouraalu, hoko sjiyóló só ani, naamei alané dapesó walepó. Ti noatepae, so whiné kapo duné atima siriyóló daqsóro wi yalepó.

²⁷ Atéro kale whirape dapesó fóló, fo tokóló taletere whirape betó mole tikimó daalalepó. Atéyaleteita, moma dere topo whiné wosetere fo yóló taleyóppóló yalepó. ²⁸ Téro, kale so whimó momaraterere topo whiné *apospel* whirapepaae duraalu, “Dané diapaae ai whi Yesuné doimó momó kae yó melaqse yóló fo mulalepó. Téyaletei, diñé yó mótu betale fo i Jerusalem be hulua so whi mo feané wosalepó. Diaaq ai dere alané Yesu sukóppóló daleteimó, dapaae kwia tokó melóppólóppóló yóló kisipa mutu du bitu de?” yalepó.

²⁹ Ti fo depa, Pitaró mepaae *apospel* whirapetamoné tokó melótu duraalu, “Mo whiné fo sya furaalu, Kótóné fo yó matere ala taarénipó. Kótóné ama yae dere ala betá mo eranérapó. ³⁰ Diaaq ni tómó oleróló dale whi Yesu dou dolomó mupa, dané ayarapené Kótóné momó sóro ai kepaaró betere ape. ³¹ Tale Kótóné a kepaaróló ama turu naase demó doasi Topo whi beteróo, da aluyaqsóro tao saaire whikélé sóro beteróo, erapó. Ti aita noa ala yóppóló ini, Israel so whi dowi ala taaróló tué tiki feteyóló wóppóló erapó. Ai ala depa, ti dané yale dowi alamó

saaire kwia Kótóné tokóló alu eranérapó. ³² Ai yale alarape fea dané kelené kolóló mepaae so whipaae yó melótu beterapó. Ti atétere kaae Dçi Kepe Wisinékélé, dané dere fo kwia tao sóro erótu beterapó. Mepaae so whi Kótóné fo wosóló aqmó sukóló betepa, atétere so whipaae ama Dçi Kepe Wisi take meló beterapó,” yalepó.

³³ Kale fo tokóló taletere whirapené i dere fo woseturaalu, atima mó doakale fopaae buóló kale *apospel* whirape mo ti daai kisipa mualepó. ³⁴ Até du betepatei, ai tuamó Farisi whikó betá ama doi Kamaliel beterepó. Ai seké aña, Mosesné asere fo diriyóló tuéru yó matepa, so whi feané ama dere fo mo wisiyóló wosetua dapó. A atére alamó ama doi doasi mulapó. Ai whi kale fo taleraterere whirape betó mole kuamó turukó holóló duraalu, “Ai whirape belapaae kapala asiri doropóppóló yae,” yalepó. ³⁵ Atéro, kale whirapepaae duraalu, “Israel fake whirape-ó, diñé ai whirapepaae eraai kisipa mutu betere ala hapale kilitaróló ini, tuépi tekeyae. ³⁶ Ti noa betené dumitei, i ere alamó da wisiyóló kisipa saalopó. Take bitiré wale alimó, whi betá Teudasné duraalu, aña hale whi meipó. Teteróló kaae tanóppóló sóro daaló betere whipó depa, mepaae 400 whirape atamo toune walepó. Téyaletei, bóe dale sukamó atimané aña dupa, ama bóe belerale fele whirape dapo dapo yalepó. Téturaalu, ama yaai kisipa muale ala alu yalepó.

³⁷ Atéyale kilipaae *Gavman* whirapené so whi doi siré kweyale sukamó Kaleli whikó Judasné i ala yalepó. Mepaae whirape hosaa diriróló hajraté kweyóló duraalu, ‘Da *Gavman*-tamo bóe dele faalopó. Atéro atima dóló torokó faróló, atima betale sirimó dané teteróló kaae tawaalopó,’ yalepó. Téyaletei, *Gavman* whiné kale seké aña delemó, atima whirape botokó dapo dapo yalepó. ³⁸ Atérapa, mió i du betere alamókélé yalo kisipa mole fo betá diapaae i dapa, wosae. I whirapepaae me ala eréni, hale fóppóló doteyae. Atimané take nalopaae yaai dere alamó kisipa mutu, mió ai du betere alatamo mo whiné kisipa mole ala yaai depa, ti

doyóló haepaae derepaalopó. ³⁹ Téni, i dere alatamo Tale Kótó tuámó kaayóló wapa, ti diaaḡ atima dere ala sesé enénipó. Ai alatamo depa, ti Kótótamotei bóe du beterapóló diñétei kḡae kolóló kisipa yaalopó,” yalepó.

⁴⁰ Kale sekéné dere fo mepaae wh̄rapené wosóló, téyaalopóló kisipa mualepó. Atima ai fo yóló k̄lipaae kale *apospel* wh̄rape momó bepaae holae yóló, halika tikiné fokosoi ala yalepó. Atétu beteró, atimapaee fo mulóló duraalu, “Yesuné doimó diñé fo momó kae yó melaḡse,” yóló f̄póló dotonalepó.

⁴¹ Téró, kale *apospel* wh̄rape atima ai wh̄rape betere tiki taaróló felepó. Atéró atimasisi duraalu, “Yesuné doimó dḡ halika tikiné fokosó sóró susupu eraterere alakélé, hale seraterere alakélé, er̄póló Kótóné amatei, dḡ dosḡae sóró beteralepó. Ama ai ala eró betereteita, sekeḡ alarape dḡné mo s̄mó belenépa erapóló,” atima h̄kesené sukuté felepó. ⁴² Atéró, atima betere dokḡ momaterere be belamókélé, be dokḡ dokḡkélé, Yesu Keriso ḡ etei kae wh̄póló so wh̄paae h̄keamó kale fo wisi h̄le yó maté fu betalepó.

6

W̄ikeró wh̄rape sóró beterale fo

¹ Atéyale sukamó, Talepaae tué tiraterere wh̄rape mo dekéró faketé felepó. Até duraalu, aimó betó mole Krik fo bole Juda wh̄rapené Hibru fo bole Juda wh̄rapepaae ḡla taleturaalu, wisiyóló ḡli dumipóló alale su betalepó. Atéró duraalu, diḡ Hibru fo bole wulia sorapemó betere dokḡ fea nokole ḡla s̄mó ḡliróló móturaalu, dḡ Krik be fo bole wulia sorapemó meni dere-a, noatepa de yalepó. ² Atétepa, kale 12 *apospel* wh̄rapené mepaae Keriso so wh̄rape feapaae tourḡle ape yóló touró betepa duraalu, “Nokole ḡla tale yóló ḡliraterere kutó diaai, Kótóné fo yó matere ala sisópaae erateretei wisinipó. ³ Térapa, norape-ó, diḡ tuámó betó mole wh̄rapekó fopeyóló, D̄i Kepe Wisi f̄anu fosó fosó kisipa mole w̄ikeró wh̄rapekó sóró beterae. Atétepata, ti ai

kutó atimané t̄teróló kae taw̄póló atimané naase tuámó mulaalopó. ⁴ Atéróló dḡné diyaaire kutóta, ti so wh̄ tao suraalu moma dere ala yóo, Tale Kótóné fo yó melaterere ala yóo, yaalo ai ape,” yalepó.

⁵ Atéró ai wh̄rapené dere fo so wh̄ feané wosóló mo wisirapóló kisipa mualepó. Atéró so wh̄ feané fopeyóló, Stipen sóró beteralepó. Ai sek̄eta, D̄i Kepe Wisi f̄anu tué tiki tiró betere wh̄pó. Atéró sóró beterale wh̄rape ti etérópó. Filip, Prokorus, Nikanor, Timon, Parmenas, Antiok be wh̄kó Nikolas atima atéró sóró beteralepó. Nikolas ḡta Juda wh̄ meitei, Juda wh̄rapené dere ala sya fu betere wh̄pó. ⁶ Téró, kale so wh̄iné ai wh̄rape dapesó fóló *apospel* wh̄rapené naase tuámó mulalepó. Atétepa, ai wh̄rapené atima tikimó naase mulóló Talepaae moma eralepó.

⁷ Ai ala yale tikimó, Kótóné fo hae kwia feapaae yó melaté fóló fakeralepó. Jerusalem be hulua tuámó Talepaae tué tiki tiraterere wh̄rape mo ti fake duraalu, so wh̄imó momaraterere wh̄rape atimakélé, mo fea tué feteyóló tiróturaalu, kale fo wisi wosóló Yesupaae kisipa tiraterere aḡmó betalepó.

Stipen tawóló fo tekḡle fo

⁸ Téró, kale seké Stipen Kótóné ama k̄lené sukutu h̄le tao sere alaró Talené fotokḡtamo ḡ tuámó f̄anepó. Téturaalu, mo doasi kelemei alaró sira yaai dere alatamo so wh̄ fea kuamó erótu betalepó. ⁹ Atétu betepa, mepaae wh̄rape Stipen-tamo bóe dóló fopaae butu, ḡ só deraterere fo yalepó. Ai wh̄rape atimané fo wosetere be doita, wae sóró kutó diraterere wh̄ betere ala taaróló atima k̄leaané h̄le betó mole wh̄rapené fo wosetere bepó doi mulapó. Ai wh̄rape atima wale tikita, Sairin be hulua wh̄kélé, Aleksandria be hulua wh̄kélé, Silisia hae kwiamó betó mole wh̄rapekélé, Esia hae kwiamó betó mole wh̄rapekélé, atérópó. Ai fakerape atimané be huluata kae kaetei, Juda fakepó. ¹⁰ Atéyaleteti, Stipen-ta D̄i Kepe Wisi f̄anu fosó fosó yóló du betere fomó, u wh̄rapené dowi kisipa mutu du betere foné atimané ḡ só deraairete mo s̄nipó.

¹¹ Atéteremó, Stipen só deraaire tų kikituraalu, atimasisi kemei mepaae whįrapetamo fo dokóló etei kaae kapala fo yaalopa siépe yalepó. “Ai whįné Kótókélé, Moses-né ere fokélé, doka doka yóló bóe duraalu, faletere fo depa, dąné wosalepó yae,” yóló, sę yalepó.

¹² Atéro, so whįpaaekélé, Moses-né asęre fo yó matere whįrapepaaekélé, whį disirapepaaekélé, Stipen-tamo fopaae buǒpóló, sesemeratere fo deté kwęyalepó. Atéro, kale whį Stipen tawóló só fóló fo tokóló tale dere whįrapené naase tuąmó mulalepó. ¹³ Atéro daaló bitu, kale kapala fo yóló só deraai kisipa mutu betere whįrapené duraalu, “I sekénéta suka fea kale yóló muló betere fokélé faleyoó, Kótóné ama kae tęnó betere moma dere bekélé doróló doka doka yóo, deté kotapó.

¹⁴ Téturaalu, etei kaae fokélé depa dąné wosalepó. Nasaret whįkó Yesuné i be fisikóló doróo, Moses-né asęre mara mole fo dąpaae matepa, dąné sya fu betere alakélé doróo, yaalopó depa, dąné wosalepó,” yalepó.

¹⁵ Téró, ai wóló betó mole fo tokóló taletere whįrapené kale sekę Stipen kikýyóló kaae tawalemó, ama kelepa *ensel*-rapené kelepa kaae daalepó.

7

Stipen-né fo tokóló taletere whįrapepaae yale fo

¹ Téró, so whįmó momaratere topo whįné Stipen-paae woseturaalu, “Atimané yą só deraairaalu ai du betere fo-a mo de?” yalepó.

² Ti fo depa, Stipen-né atimapaae tokó mótu duraalu, “Noraperó ayarapetamó, ai fo yąlo diąpaae i dapa wosae. Mo take dąné aya Abraham ą Haran hae kwiapaae faai Mesopotemia hae kwiamó hąle betepa, kae dę fąane Kótó Abraham betere sókó weipakalepó. ³ Atéro, Abraham-paae duraalu,

“Yąta, naao be whį so whįró naao turuku betamo taaróló, yąlo yąpaae yó melaaire hae kwiapaae fae,” yalepó.

⁴ Ai fo depa, ama turuku be Kaldia whįrape betere hae taaróló, Haran be

huluapaae torókó felepó. Atéro fóló betepa, aimó kale whį Abraham-né alima sinalepó. Atéyale kįlipaae Kótóné Abraham ą dapesó wóló mió dią ai betó mole hae kwiamó beteralepó. ⁵ Kótóné Abraham-mó i hae kwia melaalopó yóló mulaletei, ai alimó hae kwia mekó menipó. Kutó diyaaire sų mo sawakélé menipó. Atéyale alimó Abraham ą naalekélé bitinipatei Kótóné ąpaae duraalu, yąró naao deté faaire naaletamoné i hae kwia saalopóló dirii fo yóló munélipakalepó. ⁶ Kótóné Abraham-paae duraalu, ‘Naao detere naalené deté fole naalerape atima fea kae fakené hae kwiamó wale whį sų betaalo ai ape. Atéro betepa, ai hae talerapené atima wae sóró kutó diratere so whį beteróló, doasi depe tukó wei alaró susupui alatamo deté fu betepa, 400 ba fo kemeyaalo ai ape. ⁷ Atépa, Israel fake wae sóró beterale be hulua whįné topo whįrape yąlo dowi kwia melóló yąlo i so whį momó dapesó woló beteraalopó. Kótó ąta, dą tęteróló kaae tare Talepóló aqmó dua sukóló betaalopó. ⁸ Naao detere naalené detere naalerape tiki sekaę tukóló sirirae. Atétepa, ti yąlo diąmó eraaire ala hąsóko feni, mo eraalopóló dirii fo yóló mulótu eratere siripó,’ yalepó. Atéro, Abraham-né Aisak deyalepó. Aisak deyóló be dę 8-ró kemetepa, ama naalemané tiki sekaę tukóló siriralepó. Téró, Aisak-né Jekop deyalepó. Jekop-né ti dąné ayarape deyóló fake firale 12 whįrape deyalepó.

⁹ Jekop naalemarapené noma deķę naale Josep-né dere alamó dei tuę muturaalu, atimané ą Isip whįrapené wae sóró kutó diratere whį beterǒpóló dotonóló *moni* salepó. Téyaletei, Josep-paae wuatere seķęi ala fea Kótóné tao sua du betalepó. ¹⁰ Téró, Josep ą Isip hae kwia tęteróló kaae tare topo whį Fero beterepaae sókó fóló beterepó. Atéro betepa, Fero-né Josepené dere ala kilitu, ąpaae hękese yǒpóló, Kótóné mo donoi ala wisi erótu betalepó. Atépa kilituraalu, Fero-né Isip hae kwiaró doasi topo whįné wisi wisi berapetamo Josep-né tęteróló kaae tanǒpóló, sóró beteralepó,” yalepó.

11 “Atéyale alimó ɔla sóku aluyóló doakale wote ali walepó. Atéturaalu Isip hae kwiamókélé, Kanan hae kwiamókélé, ɔɔné ayarape atima naaire ɔla mo meipó. 12 Atéró betalemó, ɔɔné ayarape deyale wh̄i Jekop-né Isip bemó mepaae nokole ɔla muó mulapó dere fo wosóló, ama naalemarape dotonalepó. Ti aita, folosóro kaae suraalu felepó. 13 Atéró momó felemó ti Josep-né ama nomarapepaae ɔ i ape, yóló yó melalepó. Atétepa, kale t̄eteróló kaae tare doasi topo wh̄i Fero-né Josep-né alimaró nomarapetamo tué yalepó. 14 Téró, Josep-né ama alimapaee yó fótu duraalu, ‘Yákelé naao fake so wh̄ikélé, diɔ fea ai hae kwia taaróló, ipaae torokóló ape,’ yalepó. Tétepa, 75 so wh̄i ai be torokóló walepó. 15 Jekop atéró bitiré fóló, ɔ Isip bemó sukɔlepó. Téró, ama naalemarapekélé, mo fea aimótóro sukɔlepó. 16 Atétepa, atimané tiki betá só fóló, Sekem hae kwiamó mole kapo dolomó dourɔleta, dua yalepó. Ai hae tikita take Abraham-né Hamor naalemarapetamo *moniné* dupuyale haepó,” yalepó.

17 “Até deté wóló, take Kótóné Abraham-tamo yóló mulale fo dokonaaire be ɔ feleketepa, atimané deyale naale senaale Isip bemó mo hɔle ɔla kaae fake yalepó. 18 Téró, take betale topo wh̄i Fero-ró Josep-tamo sukɔlepó. Atéyale k̄ilipaae ai sirimó betale topo wh̄i Fero-né Josep-né ɔ ai topo wh̄i betere ala tué iniruraalu kale Israel fake so wh̄i wisiyóló kaae tanipó. 19 Atéruraalu, ai topo wh̄iné Israel fake so wh̄itamo doakale bóe duraalu, Israel sorapené naale detepa, sukópóló bela tómó wapelatamo mulaleta dua yaai, atima fo dokóló mulalepó.”

20 “Atétu betere tuɔ dolomó, Moses deyalepó. Ai naaleta, Kótóné keletómó mo kae naale wisipó. Hamaró alimatamoné ai naale sóro betepa, wélié sore kemeyalepó. 21 Téró, hamaró alimatamoné wapela turó só fóló mulalepó. Atéró mupa, kale topo wh̄i Fero senaalemané whaayaai salepó. 22 Téró mepaae doasi tué mole Isip wh̄irapené Moses tué tiki fosó fosó yópóló, mepaae alarape yó

melaté felepó. Téró, ama dere fokélé, mo fosó fosó yóo, dere alakélé mo fotokɔ buóló yóo, yaaire wh̄i doayalepó,” erapó.

23 “Moses doayóló bitiré fóló, ba fo wh̄i siki tamo kemeyóló ɔ ama Israel so wh̄irape noa ala du beteréro k̄ele felepó. 24 Atéró fóló kelalemó, kale Isip wh̄i betané Israel wh̄i betá doló susupurótu betepa, kelalepó. Atétu betepa, ama fake wh̄itamo até ekeséro seséturaalu, Isip wh̄i mo ti dalepó. 25 Moses-né ama etei kisipa mualepó. Israel fake so wh̄i atimapaee doasi sek̄ei ala erótu betepa, ama fake so wh̄i tao sópóló Kótóné ɔ dotonélirapóló kisipa yaalo nisi yalemó, Israel so wh̄iné atei kisipa sinipó. 26 Téró, kale dere kaae mo h̄ika momómo fóló kelalemó, Israel wh̄i atimaamosisitei h̄ole su betepa, ama filiyóló duraalu, ‘Diaamo Israel faketa-motei noatepa h̄ole su bitu de yalepó.’

27 Ti fo yalemó, doasi fotokɔ buóló me wh̄i t̄eterótu betere wh̄iné Moses t̄e daalótu duraalu, ‘Yá ɔtamó fo tokóló talerateré alaró t̄eteróló kaae tare alatamo yópóló né sóro beterealé? 28 Naao dó kale Isip wh̄i du yale kaae, ɔkelé atéró daai waleé?’ yalepó. 29 Ai fo woseturaalu, Moses ɔ ai Isip hae kwia taaróló, Midian haepaae botokó felepó. Téró, ɔ ai bemó wale wh̄i bitu, so dokóló naale tamo deyalepó.

30 “Atéró ba fo wh̄i siki tamo kemeyóló betepa, wh̄ikélé bitire Sainai hasi fosó felekemó *ensel* ɔ beterepaae ni sesaapemó si mi sokóló ai dolomó sókó walepó. 31 Atétere ala kolóló, Moses ɔ noa ala dutérópóló kisipa teketu betalepó. Atéró, mo ti diriyóló kelaairaaalu, kale ni sesaape ere felekepaae taae felemó, ai si mi dolomótei, Talené ɔpaae i fo yalepó.

32 ‘Ēta, diɔné ayarape Abraham, Aisak, Jekop atima t̄eteróló kaae tare Kótópó’ yalepó.

Ti fo depa, ai fo dere tiki kelaai yalet̄ei, diri furu furu yóló wituraalu, kilini haepaae hemée deyalepó,” yalepó.

33 “Atépa Talené ɔpaae duraalu, ‘I hae tikita, Kótóné ama tukóló kae muló betere haepa, naao horó betere hó be sokóló taae falae,’ yalepó.

34 Térapa Moses-ó, Isip wh̄rapené yalo so wh̄paae doakale sekei ala erótu betepa wosalepó. Até du betere ala kolóló yalo atima h̄le f̄ópóló dotonale waairaaalu, yapi Isip be huluapaae f̄ópóló dotonaaí dapó,” yalepó.

35 “Moses āta atimané hó yóló, āpaae ya fo tokóló taleratare alaró t̄eteróló kaae tare alatamo yópóló, né sóró beteralee? yale wh̄pó. Ti fo yale wh̄itei, Israel fake so wh̄i t̄eteróló kaae tanópóló, Kótóné amatei sóró beteralee. Atéró beteraai ama *ensel*-né er̄ale f̄ópóló dot̄etepa, kale ni sesaapemó duku betere si mi dolomó fo sókó wóló Moses sóró beteralee. 36 Ama ai Israel so wh̄i Isip be taaróló ālisóró wóló betero bituraalu, kelemei alaró so wh̄iné kilitu sira yaaire alatamo eraté kutu betalepó. Até dere alata, kale Isip hae kwia tuamókélé, sonaaí w̄ei k̄ela tuamókélé, so wh̄i bitinire tikimó kuturaalukélé, ai alarape eraté kutu betepa, ba fo wh̄i siki tamó kemeyalepó,” yalepó.

37 “Ai Moses-nétóro Israel so wh̄paae duraalu, ‘Kótóné koló wh̄i mo ē kaaetóro dotonaaalopó. Āta dīakóteí, sóró beteraalo ai ape,’ yalepó.

38 Moses ā Israel so wh̄itamo wh̄i mei tikimó dané ayarape dapesó kutu betepa, *ensel*-né Sainai hasi fosómó mo ti betaaire fo bete āpaae matepa, amamo d̄apaae maletei mió dané i sya fu betere ape.”

39 “Téyaletei, dané ayarapené ama dere fo wosóló ā aomó sinóló bitinipó. Atimané ā h̄rapóló faai wale tiki taaróló, Isip bepaaetei momó fesaae faai kisipa mutu betalepó. 40 Atéró, kale so wh̄iné Eron-paae duraalu, ‘D̄a Isip bemó betepa, ālisóró wale wh̄i Moses ā neté yalerópa, d̄a ālisóró faaire kótórape kaekó alerae,’ yalepó.”

41 “Atéyale sukamó, *bulmakau* hupu male kaae suróló kapala kótó aleyalepó. Atéró, atimané aleyóló mulale q̄lapaaetei, hupu dóló momaturaalu, ai q̄lané doi doasi mulóló q̄la deyóló kilitu betalepó.

42 Ai so wh̄i ó samó daale wéliékélé, h̄q̄rerapekélé, sukakélé, atimané tale

aleróló doi sóró horóló moma du betero póló, Tale Kótóné ai so wh̄i taaróló sisóralepó erapó. Ai fota, mo take Kótóné koló wh̄rapené as̄ere fo mo h̄tipó.

‘Israel fake so wh̄irape-ó, dīa so wh̄i bitinire tikimó 40 ba fo tuamó bituraalu, *sipsip* hupu dóló moma deté wou betaletei āpaae inipó.

43 Dīané kuti be dolomó kapala kótó Molek-ró wh̄iné aleyale kótó Repan h̄oretamo betero aomó sukóló bituraalu, tale-ó yóló moma deté kutu ai betale ape.

Atétu betaleteiné yalo dīa Babilon hae kwia taoró wae sóró betero póló h̄kó faló ai betere ape,” yalepó.

44 “Téro, dané ayarape atima so wh̄i bitinire tikimó bituraalu, Tale Kótó ā d̄atamo mo betera póló kisipa muópóló, kuti be t̄epakalepó. Ai kuti beta, Kótóné Moses-paae etéro t̄eyae, yóló suróló yó matepa, kolóló t̄epakalepó. 45 Atéró bitiré wóló, nalo dané ayarape atimané ai kuti be beleyóló sóró waleteita, Josua-né t̄eteróló kaae tawóló betale alimó yalepó. Josua ā ama be wh̄i so wh̄itamo betere hae kwia taaróló, me hae kwiamó betaai fupa, Kótóné ai hae talerape mo fea dóló torokó faralepó. Atéyale sukamó sóró wale momatare kuti be beleyóló só kutu betero, Depit betale alimó sókó walepó. 46 Tétepa, Depit-né Kótóné ā h̄aitere ala eratepa, dané aya Jekop-né Kótó mo ti moma dere bemó betero póló kisipa mutu, amó be t̄enaai Kótópaae wosalepó. 47 Téyaletei, ama naalema Solomon-né Tale Kótóné be t̄enalepó.

48 Atéyaletei, ó sa taoró betere Tale ā mo wh̄iné t̄etere bemó bitinipó. Kale Kótóné koló wh̄iné i as̄ere fo kaaepó.

49-50 ‘Ó s̄ata, yalo t̄eteróló doasi topo wh̄i betere tikimó bitu, i haeta, ti yalo hó dée daaló betere tiki ai ape. Térapa, dīané noa kaae be t̄eyóló ē beteraai du bitu de?

Talené duraalu, Ē sa nóló betere tiki mekó ere?

Q̄la q̄la feata, yalo aleyóló muló bitini nisi du betere?” fo as̄erapó,”

⁵¹ Stipen-né duraalu, “Diąta mo dowąae fole whįrapepó. Noatepa diaaą hosaa tuąmó dowi ala fąanu, Kótóné fo wosaaire wosęlikélé kinó bitute? Diąta, diaaą ayarape bitu yale kaaetóro iru, Dęi Kepe Wisiné dere fo wosaai deretei hýyóló mo dowąae fu heterapó. ⁵² Kótóné kóló whį me deké diaaą ayarapené susupui ala erénipó, fo yaaloé? Mo fea diaaą ayarapené susupui ala erótua yalepó. Dowi alakélé inire Talené ama mo donoi Whį wisinaale waalo ai ape, yóló yó mótu betere whįrapekélé, diąné ayarapené dua ipakalepó. Atétua yale kaae, miókélé dowi ala inire whį wisinaale eleké deyóló dópóló, diaaą sesemeralepó. ⁵³ Talené tukóló muló betere fo *ensel*-rapené diąpaae yó matepa wosaleteti, diaaą ai fo tukóló sisópaae eralepó,” yalepó.

Stipen kapo duné siriyóló dale fo

⁵⁴ Ai fo dere woseturaalu, kale ai fo tokóló talerateru Juda whįrape atima mo dei fopaae buturaalu, sereke hale yalepó. ⁵⁵ Téyaleteti, Stipen ą Dęi Kepe Wisí fąaturaalu, sąpaae kese horalemó, Tale ą tuąmó ere dęró Yesutamo Kótóné turu naase dęmó daapa kelalepó. ⁵⁶ Atępa duraalu, “Kela! Hepen be tų tukwę fóló, Whįné Naalema Kótóné turu naase dęmó daapa mió yąlo kelerapó,” yalepó.

⁵⁷ Atętepa, atimané ai dere fo wosaalo meipóló, naasené wosęli kinóló fo fake yóló ą daale tikipaae mo hapale tourąle walepó. ⁵⁸ Atéró, Stipen naasemó sej sóró be tipi aąpaae taae deróló kapo duné siróló daai kaae salepó. Até yaaipatei, ama i ala depa kelalepóló yale whįrape atimané fóló kutirape sorokóló, betą kokopei whįné kaae tanópóló, ama hó betemó mulaleta yalepó. Ai whįné ama doita, Sol-pó.

⁵⁹ Atimané Stipen ą kapo duné siritępa, ama Talepaae momatu duraalu, “Tale Yesu-ó, yąlo kepe bete betą naao dape sae,” yalepó. ⁶⁰ Atéró, ą bukutiri teyaró bitį doropóló fo fakeyóló duraalu, “Tale-ó, i dere alamó naao atimané dowi ala kwia aluróló kemerae,” yalepó. Ai fo yóló kale whį ą mo ti sinalepó. Atętere alata,

Sol ąkélé aimó daalu, wisirapa téyae du betalepó.

8

Keriso so whį susupu sóró dapo dapo yale fo

¹ Atęyale sukamó, Jerusalem bemó betó mole Keriso so whįpaae doa susupu sere ala eralepó. Atei ala depa, Talepaae tuę tiki tiró betere Keriso so whį Judia hae kwiaró Samaria hae kwiatamopaae dapo dapo yóló felepó. Atętepa, kale *apotel* whįrape atima betą Jerusalem bemó betó molepó. ² Téró, mepaae Kótóné ala eró tare whįrapené Stipen दौरóló, doasi dekęné sini moló-u du betalepó. ³ Téyaleteti, Sol-né Keriso so whį doratę kweyaairaaalu, kaae salepó. Tętu, be doką ą kweyóló, Keriso so whį fea sįyóló *dipula* beterąleta du betalepó.

Filip Samaria haepaae fóló yale ala

⁴ Atéró dapo dapo yóló fele so whį fóló betó mole tikimó, mió wosetere kisi fo wisi so whįpaae yó mótu betalepó. ⁵ Filip Samaria hae kwiamó tęne be hulua-paae doropóló, so whįpaae Yesu Kerisota, Kótóné i haemó betó mole so whį tęteróló kaae tanópóló sóró beteró betere whįpóló yó mótu betalepó. ⁶ Aimó wóló touró betere so whį feané Filip-né yale foró erale kemei alarapetamo kilitu, ama dere fo wisiyóló wosaairaaalu, atima fea wosęli muló beterepó. ⁷ Atętu, so whį tuąmó tepeyóló betale dowi keperape sókó furaalu, keterę yóló sókó fua yalepó. Hó naase dore so whįró tiki dąamu yóló momaare so whįtamo wisirótua yalepó. ⁸ Atętere ala kilituraalu, ai be huluamó betó mole so whį atima mo hękesené sukutu betalepó.

Isi whį Saimon-paae yale fo

⁹ Téró, ai be huluamó whį betą Saimon beterepó. Ba fo doasimó ai sekę ą isi whį bitu, du betere alamó Samaria so whį feané sira dua yalepó. Atęteremó ą mo doasi sekę whįpóló bopé fake du beterepó. ¹⁰ Atętepa, mepaae doasi doi mole whįrapekélé, doi munire whįrapekélé, mo fea wóló ama dere fo wosóló ą dukirótu betalepó. Atętu duraalu, “I

wh̄ita, Kótóné doasi bole fotok̄o kaae bulapó,” du betalepó. ¹¹Téró, mo take ̄a isi wh̄i bitiré wouraalu, du betale ala kolóló, siratu betaletiné so wh̄i fea ai alatei sya felepó. ¹²Téyaletei, Filip-né atimapaee Kótóné t̄eteróló betere aqmó mole alaró Yesu Kerisoné ere alatamo etérópóló yó melótu betalepó. Ama atéró yó matere fo wosóló so wh̄i fea kisipa feteyóló Talepaae wapa, Filip-né atima Yesuné doimó w̄ei tópurótua yalepó. ¹³Kale wh̄i Saimon ̄akélé, tūe tiki feteyóló Talepaae wapa, Filip-né ̄a w̄ei tópuralepó. Téró, Filip kotere tiki dok̄o fea Saimon atimaamo wusuró kuturaalu, me ala yaairemó dere kelemei alaró sira yaaire alatamo Filip-né eratepa kilitu, Saimon-né sira dua yalepó.

¹⁴Jerusalem bemó betere *apospel* wh̄irapené Samaria so wh̄i Talené fo wosalepó dere wosetu atimané Pitaró Jon-tamo dot̄eyalepó. ¹⁵Téró, kale seké tamo fóló, ai Samaria hae kwiamó t̄ene be huluamó Talepaae kisipa tiki tiró betere so wh̄i D̄ei Kepe Wisi s̄ópóló momaralepó. ¹⁶Ti noa betené meipó. D̄ei Kepe Wisi atima tūapaae tepeyóló bit̄i waai teópatei, Yesu Kerisoné doimó atima w̄ei maaté tópuralepó. ¹⁷Atépa, Pitaró Jon-tamoné ai so wh̄i tikimó naase mulalemó, D̄ei Kepe Wisi atima tiki tūapaae bit̄i dorowalepó.

¹⁸Saimon-né kale *apospel* wh̄i tamoné so wh̄iné tikimó naase mulalemó, D̄ei Kepe Wisi bit̄i wale ala kolóló, atimaamomó *moni* melaai i fo yalepó. ¹⁹“Diaamoné dere ala kaae ̄alokélé, mepaae so wh̄i D̄ei Kepe Wisi s̄ópóló naase mulaai dapa, ̄epaae ai alakó eraasepóló dapó,” yalepó. ²⁰Ti fo depa, Pitané ̄apaae duraalu, “Naao *moni* ̄atamo wusuró k̄elaa yóló alu ȳópóló, yae. Ti noatepae, naao kisané Kótóné k̄olené sukuturaalu, h̄ale matere ̄la *moniné* dupu dere ārapóló de? yalepó. ²¹̄Ya d̄atamo Talené ama kutó dir̄ópóló s̄oró beteró bitinireteiné. Kótóné keletómó naao hosaa tūamó wisi kisipa munipó. ²²Térapa, dowi ala taaróló Talepaae kisipa feteyae. Atétepa, ti Kótóné naao hosaa tūamó muale dowi kisipamó kwia melaai yaitei, h̄ale aluraalopó. ²³Ti naao hosaa tūamó

dowi kisipa f̄ayóló mupa, ̄alo kelerapó. Atérraalu, dowi alanétei ̄a dokóló wae s̄oró beteró beteraapó,” yalepó.

²⁴Ti fo depa Saimon-né ̄apaae duraalu, “Ti naao ̄epaae ai yale fo mo yaqsórópa, naotei ̄mó momarae,” yalepó.

²⁵Atéró, Pitaró Jon-tamoné kelené mo kelale alaró Talené fotamo yó mótu beteró, momó Jerusalem bepaae fesaae faai felepó. Atéró, furaalu, ai Samaria hae kwiamó t̄ene be hulua tū felekemó t̄e mole berapemó kale fo wisi yó melaté felepó.

Filip-ró Itiopia wh̄itamóné yale fo

²⁶Atéró eté yalepó. Talené ama *ensel*-né Filip-paae duraalu, “̄Ȳata, Jerusalem be taaróló Kasa be huluapaae derepaai *saoti* fakeró kópu k̄aae fale hae tikimó fole tū sya fae,” yalepó. ²⁷Téró, Filip ̄a ai t̄umó fu betalemó, bet̄a Etiopia wh̄ikó nóluku soki wh̄i mo umó wapa kelalepó. Ai wh̄i ̄ata, Etiopia hae kwia t̄eteróló kaae tare topo so Kandas-né *moniró* mepaae néli ̄latamo kaae tan̄ópóló s̄oró beteró betere doasi wh̄ipó. ²⁸Ai seké ̄ata, Jerusalem bepaae Talepaae moma ene fi fesaae wou, ama *hos* hupuné s̄yóló s̄oró kotere ̄la tómó beteró Kótóné k̄oló wh̄i Aisaiané as̄ere fo dos̄até wou betalepó. ²⁹Atéró dos̄até wou betepa, Talené D̄ei Kepené Filip-paae duraalu, “̄Ya mo hapale fóló kale wh̄i beteró wou betere *hos* hupuné s̄yóló só fole ̄latamo hokolaa yóló bet̄amó faai fae,” yalepó.

³⁰Ai fo depa, Filip ̄a mo hapale fóló, kale wh̄itamo bet̄amó titi yóló fu betalepó. Atéró wosalemó, Aisaiané as̄ere fo kale wh̄iné dos̄até fu betepa, Filip-né ̄apaae woseturaalu, “Naao ai dos̄até fu betere foné bete naao kisipare?” yalepó.

³¹Ti depa kale wh̄iné Filip-paae tokó mótu duraalu, “Mené ̄epaae yó menitepa, ti netéró tūe saaloé?” yalepó. Ti fo yóló kale wh̄iné Filip-paae ̄atamo bit̄i holae depa, ̄a titiyóló bit̄i holalepó.

³²Kale Etioipiané wh̄iné dos̄até wale k̄oló wh̄i Aisaiané as̄ere fo i ape. “̄Āta, *sipsip* hupu daai duóló ̄alisóró fu dere kaae yalepó. Téró, me kale *sip-sip* hupu male niki tikitepa, keteré

initere kaae ama kóló mo noma-
lepó.

³³ Aḗpaae doakale hale seróló susupuraterere alakélé fo tokóló taletere alakélé ini, hāle só deraterere ala betā yalepó.

Aḗ naale senaale nalopaae yaai dere ala kolóló né yó melaaloé?

Ti atimané aḗ i haemó betaqsóró kisipa mutu, mo ti dalepó,” yalepó.

³⁴ Téró kale Etiopia whjné Filip-paae woseturaalu, “I asḗre kóló whjné ere fo aḗmó erépé whj me kaemó ere?” yalepó.

³⁵ Tétepa, Filip-né Aisaiané ai asḗre fomótóró kaae sóró Yesu Kerisoné mió wosetere kisi fo wisi yó maté felepó.

³⁶ Atéró, atimaamo fu beteremó tḗ tuamó wḗi ke belepa kolóló, kale sekéné Filip-paae duraalu, “Wḗi ke wisinaale ti belerapa kelae. I wḗi kemó eḗ tópuraterere dore?” yalepó. ³⁷ (-) ³⁸ Ai fo yóló, kale sekéné ama *hos* hupu néli tare whjḗpaae kejróló daayae yalepó. Atéró daapa, atimaamo wusuró ai kale wḗi ke dolopaae doropóló daalu, Filip-né kale seké wḗi tópuralepó. ³⁹ Atéró, atimaamo hae taopaae taae holalemó, mo ai fapotóró Talené ama Dḗi Kepe Wisiné Filip tokó sóró felepó. Atéró, kale Etiopia whjné Filip momó kae kilinipó. Tétepa, kale seké aḗ tumó fu bituraalu, hḗkesené sukuté felepó. ⁴⁰ Téyaletēi, kale Filip aḗkélé, kele aḗlinameróló dapesó wale ala kilinipatei, Asotas bemó sóró felepó. Atéró sóró fóló, ai tḗ dḗmó tḗ mole be huluarapemó, so whjḗpaae mió wosetere kisi fo wisi yó melaté felepó. Atéró, yó melaté fóló, Sesaria be huluamó sóró felepó.

9

Sol dowi ala deté kutu beterapó yale fo

¹ Ai ala du betere tuamó, Sol-né Talené ala eró tare whjrape atima daalopóló wiraterere fo hāle yó tarepó. Damaskus be huluapaae faai, so whjḗmó Talepaae momaraterere topo whjḗ beterēpaae felepó.

² Atéró duraalu, “Eḗ Damaskus be huluapaae faai dapa, diāné u bemó betere Juda fakené fo wosetere be kaae tare whjrapenē eḗ mo whjḗ nisiyaqsóró *fas* mekó aseýóló aḗlae. Ai *fas*-mó i kaae fo yae.

Aimó Yesu Kerisoné ala sya fole so whjḗkó betēpa, ti i Jerusalem-paae *dipula* sóró wópóló, eḗpaae sóró fae yóló aseḗ yae,” yalepó. ³ Atéró, Sol aḗ Damaskus be felekepaae sóró faai deremó, ó hepenmó Talené dḗ hapale sóró wóló aḗ daale tiki mo fea dḗyó felepó. ⁴ Téteremó aḗ haepaae deraapisa fóló mupa, saḗmó fo yóló duraalu, “Sol! Sol! Naa eḗ noatepa doróló supuraté kutu bitu de?” yalepó.

⁵ Tétepa, Sol-né duraalu, “Tale-ó, ya né de?” depa Yesuné duraalu, “Eḗta, naao doróló susupuraté kutu betere whjḗ Yesupó,” yalepó. ⁶ “Térapa, yaḗ turukó holóló Damaskus be huluapaae fae. Aimó betēpa, ti whjḗ mené naao yaaire ala yaḗpaae yó melaalopa, ama dere fo naao sya fóló yae,” yalepó.

⁷ Ai ala deremó, Sol-tamo wale whjrape atima fokélé tekeni, hokomó sóró finé daae mulu, dere fomaaté wosalepó. Téyaletēi, ai fo dere whjḗné kelepaa atima kilinipó. ⁸ Téró, Sol aḗ turukó holóló kele fisḗae horóló kele kele yalemó me oḗlakélé koló feni, kele dilikiyalepó. Atépa, aḗtamo wale whjrapenē aḗ naasemó tawóló aḗlisóró fóló, Damaskus bemó sóró felepó. ⁹ Atéró, be dḗ sosemó kele dilikiyóló bitu, oḗlakélé, wḗikélé néni, hāle betalepó.

¹⁰ Atéró betēpa, ai bemó Yesuné ala eró tare whjḗ betā Ananias beterēpó. Ai whjḗné noke naró dere kaaenē Talené aḗpaae duraalu, “Ananias-ó!,” depa, ama duraalu, “Tale-ó maé, eḗ i betere ape,” yalepó.

¹¹ Tétepa, Talené ai kale whjḗpaae duraalu, “Mo donoi tḗpóló doi mole tḗ seraa fóló, Judas-né bemó sóró fae. Atéró Tarsus whjḗ Sol momó betere? yóló wosae. Aḗ ai bemó bituraalu, eḗpaae moma ai du betere ape. ¹² Atérapa, ama noke naró dere kaaenē i ala depa, kelalepó. Betā whjḗ Ananias aḗ beterēpaae wóló ama tikimó naase mulale wapa, ama kele wisi yaairetei kolóló, ai betere ape,” yalepó.

¹³ Ti fo depa, Ananias-né duraalu, “Tale-ó, mēpaae so whjḗné eḗpaae i fo ene wuatepa, wosalepó. Ai seké aḗta, Jerusalem bemó naao kae beteró betere so whjḗ doróló mo doakale dowi ala erótu betere whjḗpó yalepó. ¹⁴ Mió ipaae wóló

betereteikélé h̄ale meipó. Jerusalem be huluamó du betere ala kaae, i be hulumókélé, naao doi yóló momatu betere so wh̄irape *dipula* saai so wh̄imó momaratere topo wh̄iné ai ala yaai fae yóló, *fas* matepa sóró walepó,” yalepó.

¹⁵ Tétepatei, Talené Ananias-paae duraalu, “Ai wh̄ita, ai ala du betale wh̄itei, mió ȳalo ala yó taruraalu, ȳalo kutó diraté f̄ópóló sóró beteratapa, fae. Ti ̄ata, take nalopaae Juda meire fake so wh̄ipaaekélé, doasi t̄eteróló kaae tare topo wh̄irapepaaekélé, Israel so wh̄ipaaekélé, ȳalo doi eraté kutu betaaire wh̄i ai ape. ¹⁶ ̄A até deté kutu betepa, ȳalo doimó ̄a mo doasi dele sóró susupui ala saalopóló, ȳalo ̄apaae yó melaalopó,” yalepó.

¹⁷ Ai fo depa, Ananias ̄a fóló, Talené ̄apaae yó male bepaae felepó. Atéró sókó fóló, kale sek̄e betere be dolopaae holóló Sol-né tikimó naase mulóló duraalu, “Ȳalo no Sol-ó, Tale Yesu Keriso ȳa i Damaskus bepaae waai wapa, t̄u tuamó sókó walepó. Atéyale sek̄éné naao ai dilikire kele momó wisiróló ̄la ̄la kolóo, D̄ei Kepe Wisi ȳa tiki tuapaae bit̄i wóló f̄anóo ȳópóló, ama ̄e ȳa beterepaae dotonatepa wóló i daale ape,” yalepó. ¹⁸ Ai fo deteretamotoró, kale wh̄iné kele dolomó ya fumi kaae ̄la sókó dorowóló ama kele momó wisiyalepó. Atéró wisi depa, ̄a w̄ei tópuralepó. ¹⁹ Atéró ̄a ̄la nóló ama fotok̄o momó bune walepó. Sol ̄a Yesuné ala erótu betere wh̄irapetamo ai Damaskus bemó mepaae be d̄erape betalepó.

Sol-né Damaskus beró Jerusalem beta-momó yale ala

²⁰ Ai be d̄emótóró kaae sóró, Juda wh̄irapené fo wosetere berapemó Yesu Keriso ̄a mo Kótóné Naalemapó yóló, so wh̄ipaae h̄akeamó yó mótu betalepó. ²¹ Atétepa, so wh̄i feané ama yó matere fo wosóló sirayóló duraalu, “I wh̄ita, take ó Jerusalem bemó Yesupaae tué tiki tiróló betó mole so wh̄ipaae doakale susupui ala eraté kutu betale wh̄i meié? ̄A ipaae waleteita, i bemó betó mole Keriso so wh̄ipaae doasi dowi sek̄ei ala eróló, so wh̄imó momaratere topo wh̄ipaae *dipula* sóró male faai wale wh̄i meié?” yalepó.

²² Téyaletei, Sol-né Talené fo eratere ala mo ti fake deté fóló mo fosó fosóre wh̄i betalepó. Atéru, Damaskus bemó betó mole Juda so wh̄ipaae Yesuta, so wh̄i t̄eteróló kaae tanópóló sóró beteró betere Kerisopóló yó matepa, so wh̄iné mo dono dapóló kisipa yalepó.

²³ Atéró, yó melaté fóló mepaae be d̄erape kemetepa, Juda wh̄irapené Sol daai kisipa mutu, atima betapaae tour̄ale wóló atimasisi kikiti fo dukutu betalepó.

²⁴ Atéyaletei, atimané ̄a daai du betere ala ama kisipa yalepó. Dilikitamokélé, d̄etamokélé, ai be bopéró betere tipi t̄u sókó wale tiki dok̄o ̄a daai, melaa yóló bit̄ita dua yalepó. ²⁵ Ai fo woseturaalu, kale mepaae Sol-né dere fo wosóló sya fu betere wh̄irapené ̄a tao suraalu, ai be bopéró betere tipi dolo sokóló dilikitamo yomó deyóló halikané duwóló deralepó. ²⁶ Téró, Sol ̄a Jerusalem bepaae holóló bituraalu, aimó mepaae Yesuné ala erótu betere wh̄irapetamo touyóló betaai yaletei, atima ̄a kelaqsóró wiyalepó. Atima wi yaleteita, ̄a Yesuné ala eratere wh̄ipóló kisipa tiréni yaleteinépó. ²⁷ Atétu betepa, Banabas-né kale wh̄i Pol *apose*l wh̄irape beterepaae dapesó fóló daaló bitu, i sek̄eta Damaskus bepaae faai fu betepa t̄u tuamó, Tale wóló daapa, ama kelené mo kilipakalepó. Téró, aimó Talené ̄apaae fo ipakalepó. Ai fo yóló Damaskus bemó bituraalu, ̄a mo wikélé ini, halaainé Yesu Kerisoné doimó fo yó mótu bitipakalepó. ²⁸ Atéró, Sol ̄a atimatamo betamó bituraalu, ai Jerusalem be huluamó so wh̄ipaae Talené fo wikélé ini, mo halaainé Yesuné doimó yó maté kutu betalepó. Atéteremó, wh̄i mené ̄a sesékélé inipó. ²⁹ Téró, Sol-né Krik be fo bole Juda so wh̄ipaae Yesu ̄ata, mo Kótóné Naalemapóló kisipa ȳópóló, fo tok̄otamo du betaleteti, mepaae Juda fake wh̄irapené Sol daairaalu du betalepó. ³⁰ Ai fo woseturaalu, Keriso norapené Sol daqsóró tao suraalu, Sesaria bepaae dapesó dorowóló, Tarsus bepaae f̄ópóló dotonalepó.

³¹ Atéró, Judia hae kwiamókélé, Kaleli hae kwiamókélé, Samaria hae kwiamókélé, Keriso so wh̄itamo bóe dóló

susupui ala erótu betaletai, mió i alimó hajné sukóló dua betó molepó. Talené Dęi Kepe Wisiné atima fotokóróló ketekę bulatepa, Yesupaae tuę tiki tiratere so whı mo ti fake deté felepó. Atéró, Kótó ąta, mo doa fotokę bole Talepóló wi kisipa mutu, hemée deyóló mo dua betó molepó.

Pitané Enias-ró Dokas-tamo wisirale fo

³² Téro Pita ą mepaae Kótóné kae betero betere so whı betó mole be hulua dokę fea keleté fóló Lida be huluamó betó mole Keriso so whıtamokélé ekei fo yóló betaai felepó. ³³ ą atéró wóló, ai bemó betą whı ama doi Enias betepa kelalepó. Ai sekę ąta, tiki dąamuyóló hąle fiyótóró mupa, 8-ró ba fo kemeyale whıpó. ³⁴ Atéró mupa, Pitané kale whıpaae duraalu, “Enias-ó, Tale Yesu Kerisoné ą mió ai wisiratapa, turukó holae. Téro naao beseke tukóló bopeyóló tupaae mulae,” yalepó. Téyalemó, kale whı ą mo hapale téti turukó holóló daane holalepó. ³⁵ Atéró, ai kale Lida be huluamó betó mole so whıró Saron be huluamó betó mole so whıtamóné tiki sinóló dąamure whı Enias wisiratere ala kilituraalu, Talepaae kisipa tiki tirótua yalepó.

³⁶ Téro, Jopa bemó Talené ala eratere sokó betą ama doi Tabitapó. Krik foné ai doi Dorkas doi mulapó. Ai so ąta, betere dokę fea hękesené sinóló yaala sókó fóló wisi ala erótu, yolealere so whımó ęla ęla hąle tao sóró matere ala fąane so wisinaalepó. ³⁷ Atétu betale sukamó, kale so ą heponé sukąlepó. Atéró sukutepa, mepaae sorapené ama tiki fokóló kutiné bopeyóló siki be kepaae mulale holalepó. ³⁸ Ai be Jopata, Lida be felekemó erapó. Atéreteiné Talené ala eratere whırapené Pita Lida bemó betera pó depa woseturaalu, atimakó whı tamo fępóló dotęyalepó. Atéró fóló Pitapaae duraalu, “No-ó ąta, mió mo dąmotamótóró hapale faai dapesene walepó,” yalepó.

³⁹ Tétepa, Pita ą atimaamotamo fóló, Jopa bemó sókó fóló, kale so sukóló mole siki be kepaae dapesó horalepó. Atéró aimó betó mole wulia sorape Pita daalepaae wóló moló-u yóló duraalu, “Ita, ai sukąle so ą sukąai bituraalu, male doasi

deróló sókó fatere fęloi kutiró mepaae deratere kutirapetamo i ape yóló,” yó malepó.

⁴⁰ Tétepa, Pitané ai sorape belapaae hękonóló ą bukutiri teyaró bituraalu, moma yalepó. Atéró moma yóló ą kale so molepaae fetée wóló duraalu, “Tapita-ó, ą turukó holae,” depa kale so kele fişąae horóló, Pita kaae taru turukó holóló bių holalepó. ⁴¹ Atéró betepa, Pitané kale soné naasemó tao sóró turukó horóló daalalepó. Atéró kale wulia soraperó Keriso so whıtamopaae kepaaayale so i ape yóló yó malepó. ⁴² Pitané kale mo ti sinóló mole sotei, momó kepaaróló beteralépó dere fo kulu kulu só kweyóló fakeratepa, Jopa be huluamó betó mole so whı mo feané wosalepó. Até yalepó dere fo woseturaalu, so whı mo fea Talepaae feteyóló kisipa tiki tirótua yalepó. ⁴³ Téro, Pita ą Saimon-tamo mepaae be dęrape betalepó. Saimon-ta, hupu sekaęné mepaae ęla ęla ale yaairaaalu, bé bé yępóló weımó fokotu betere whıpó.

10

Konilias-né Pitapaae ape yale fo

¹ Atéyale sukamó, Sesaria whıkó ama doi Konilias beterepó. ąta, ai be huluamó 100 Rom diki tare whırape kaae tare topo whıpó. Ai diki tare whırapeta, Itali hae kwiaró walepó. ² Konilias-ró ama naale senaaletamokélé, somakélé, atima mo fea Talené ala yó taruraalu, Kótó aqmó sukóló beterepó. Atéru, yoleale yóló betó mole so whımó, betere dokę fea ęla ęla hąle matere alaró, moma dere alatamo yó tarepó. ³ Atéró betą sukamó, kuluka 3 kilok ą ama be dolomó betepa, noke naró dere kaaené Kótóné *ensel* sókó wóló daane wapa, ama mo diriyóló kelalepó. Atéru ąpaae duraalu, “Konilias-ó,” yalepó.

⁴ Atéró dere fo woseturaalu, kale whı ą witamo *ensel* daalepaae kese faróló duraalu, “Tale-ó, maé?” yalepó.

Tétepa, *ensel*-né ąpaae duraalu, “Naao moma dere alaró yoleale yóló betó mole so whımó hamoko yóló hąle matere alatamo Kótóné kilituraalu, kokęné suku- napó. Atei ala dereteiné ą tuę keteréni,

ama kisipa yó tarapó. ⁵ Térapa Konilias-ó, Jopa bemó whị betạ ai betere ape. Ai whịné ama doita, Saimon-tei Pitapó du beterapó. Térapa, ai whị Jopa bepaae dape sene fópóló, diákó mepaae whị dotonae. ⁶ Ậa ama yakoma Saimon-tamo ai betere ape. Ai Saimon-ta, hupu sekaené to ó mepaae ọla ọla aleyaairaaalu bé yópóló, wẹi fokotere whịpó. Ama beta wẹi fókumó ai tẹne ape,” yalepó.

⁷ Ậpaae ai fo yóló, kale *ensel* fupa Konilias-né ama bemó kutó diratere whị tamo yóo, Kótóné ala eró tare ama diki tare whịrapekó betạ yóo, yóló ape yalepó. ⁸ Téro betepa, atimapaae kale *ensel*-né Ậpaae yale fo fea yóló, Jopa bepaae fópóló dotonalepó.

Pitané noke kaaené kelale ala

⁹ Atéro tumó fiyóló, hịka be dẹtepa, atima Jopa be huluapaae sókó faai feleke deretamo eté ipakalepó. Pita Ậ Jopa bemó 12 *kilok* sukakelemó moma yaairaaalu, kelekele dere siki bepaae holóló beterepó. ¹⁰ Atétepa, yakoma Saimon-ró somatamo aqró bemó naaire ọla donoróló muló betepa, Ậ siki bepaae holóló moma du betalemó, Ậ wote yalepó. Atépa, noke naró dere kaaené i ala depa kelalepó. ¹¹ Ó hepen be tų tukwẹ fóló doasi dẹi kuti kaae ọla douró kwia dokọ dorokọ fóló amatei dorowou betepa kelalepó. ¹² Ai dorowale kuti kaae ọla dolomó i haemó niki daani ke detere ọlaraperó barapetamokélé, hó naase daae mole ọlarapekélé, mo fea ai kuti dolomó betó mupa kelalepó. ¹³ Atépa, ó sạmó fo yóló duraalu, “Pita-ó, Ậ turukó holóló ai betó mole ọla dóló nae,” yalepó.

¹⁴ Ti fo depa Pitané duraalu, “Tale-ó, mo deretei mo take naao dẹpaae, ‘Ai ọla naose,’ yóló muló betepa ẹ werapó,” yalepó.

¹⁵ Ti fo depa, kale dere kaae momó Ậpaae duraalu, “Kótóné Ậpaae wisirapa nae dere ọla, ẹ werapó ekesé. Sóró nó betạ yae,” yalepó.

¹⁶ Ậpaae ai fo dere alata, sore félimó yóló mo ai fapotóró kale kuti ó hepen-paae momó sóró holalepó.

¹⁷ Pitané Ậpaae i yó male ala noa betené yalerópóló kisipa teketu betalepó. Atétu betepa, Konilias-né dotonale whịrape wóló, Saimon-né be momó tẹnerópóló keketé wóló, be bopéro betere tipi tų sókó walemó daae molepó. ¹⁸ Atima atéro daalu, fo tekeróló duraalu, kale Saimon-tei Pitapó du betere whịkó imó betere yóló wosalepó.

¹⁹ Pita ai yale alané bete kisipa hẹle teketu betepa, Dẹi Kepe Wisiné Ậpaae duraalu, “Saimon-ó, whịrape sorené Ậ keketé ai kutu betere ape. ²⁰ Térapa, Ậ turukó holóló aqró bepaae derepaae. Ai whịrapené Ậpaae atimatamo faalopó depa me kisipa muni, atima Ậlo dotonalepa fó betạ yae,” yalepó.

²¹ Téro, Pita Ậ doropóló kale whịrapepaae duraalu, “Diaaọ ai keketé kutu betere whịta, ẹ i ape. Térapa diạ noatepa waleé?” yalepó.

²² Ti fo depa atimané duraalu, “Dạta, kale diki tare whịrapené topo whị Konilias-né dotonatepa walepó. Ai whị Ậta, dowi alakélé enei Kótóné ala erótu betepa, Juda so whị mo feané whị wisipóló doi sóró horótu beterapó. Tépa, mo kae betéro betere *ensel*-né Ậpaae duraalu, Ậ ama bepaae wóló, naao dere fokó wosaaipa dape sene fae depa, walepó,” yalepó. ²³ Ti fo depa, Pitané atima bepaae dapesó fóló fiyalepó. Atéro, hịka be dẹtepa, kale whịrapetamo Pitakélé, mepaae Jopa bemó betó mole Keriso whịrapekélé fea felepó.

²⁴ Atima atéro, tų tuámó diki betạ fiyóló, hịka Sesaría bemó sókó felepó. Téyalemó Konilias-né fake whịrapekélé, ama fulumu whịrapekélé, mo fea touróló Pita dapesó wópóló kaae tawóló beterepó. ²⁵ Pita atéro sókó wapa, Konilias-né Ậ doasi whịpa kilitu, ama hó aqmó bukutiri tẹyaró bitị derepelepó. ²⁶ Atétepa, Pitané kale whị tao sóró turukó horóló duraalu, “Turukó holae. Dạmo wusuróta mo whịpó,” yalepó.

²⁷ Téro, Pitaró Konilias-tamo fo deté fóló be tuapaae kelalemó, so whị mo fea touró beterepó. ²⁸ Atéro betó mupa Pitané duraalu, “Dạ Juda fake diạ Juda

meire fake so whġtamo betamó fo yóló ó ɔla nokole ala yaɔse eretei diɔ feané ai kisipa ere ape. Téretei, mió Kótóné ɛpaae i ala yó malepó. Dɔ Juda fake so whġne kae kae fake so whġpaae i ala dorapó, i ala wisirapóló eratere fo yaɔse yóló ɛpaae yalepó. Atéyaleteiné mió ɛ diɔtamo betamó beaai ape dere fo wosóló hɔrapó enénipó. ²⁹ Kótóné ɛpaae ai fo yaleteiné naao ɛ dape sene wɔpóló dotonale whġrapepaae faalomeipó ini, atima dere fo betɔ wosóló i daale ape. Térapa, naao ɛ noatapa dape sene wɔpóló dotonaleé?” yalepó.

³⁰ Ti fo depa, Konilias-né ɛpaae duraalu, “Douró be dɛ kemeyaaí hɔle bitu, kuluka 3 kilok suka kelemó ɛ ɔlo be dolomó moma du betalepó. Atétu betepa, mo dɛi kuti deréli *ensel* mo hapale sókó wóló ɔlo hosaa tuamó daane walepó. ³¹ Atéro daalu ɛpaae duraalu, ‘Konilias-ó, naao hamoko yóló, yolealere so whġ tao sóró hɔle matere alaró moma dere alatamota, Kótóné ama keletómó mo donoi ala dapóló kisipa mutapó. ³² Térapa, Konilias-ó, whġ betane ama doi Saimon-tei, Pitapó du betere whġ Jopa bemó ama yakoma Saimon-tamo beterapa, dape sene fae. Ama yakoma Saimonta, hupu sekaɛné mepaae ɔla ɔlarape aleyaairaaalu, bé yɔpóló wɛimó fokotere whġ ai ape. Ama beta, ti wɛi fókumó ai tɛne ape,’ yalepó. ³³ *Ensel*-né ɛpaae ai fo depa, ai whġrapené ɔ dape sene wɔpóló, ɔlo atima hapale dotonalepó. Atétepa, ɔ atimatamo waleteiné mo kée dapó. Ti Talené keletómó dɔ fea wóló i betó moleteí, Talené ɔpaae yae yale fo wisi naao dɔpaae depa wosaai dapó,” yalepó.

³⁴ Tétepa, Pitané fo kaae sóró Konilias-paae duraalu, “ɛ Jopa bemó betepa, Talené ɛpaae yó male alané bete mió ɔlo tué yalepó. Tale Kótó ɔta, mepaae whġ tao sóró wisi kisipa mulótu, mepaae whġmo dowi kisipa mulatere Tale meipó. ɔta, dɔ mo feapaae betɔ alatóró erótua yaaire kisipa mulapó. ³⁵ I hae kwia dokɔ feamó betó mole so whġ Kótó aɔmó sukóló bitu, ama yae dere ala betɔ erópóló tɔ wisi donorótu betere so whġta, ti Kótóné ama dape saalopó. ³⁶ I fota, Kótóné dɔ Is-

rael so whġpaae yalepó. Ama kale mió wosetere kisi fo wisi etéro yó melalepó. Dɔ Kótótamo dua beterópóló Yesu Kerisoné ama yale alané dɔ hosaa muni deyóló beteró beterapó. Ti ɔta, i haemó betóló fale so whġ mo feané Talepó. ³⁷ Jon-né so whġ wɛi tópuraaelopó, fo yó male kġlipaae Kaleli haemó kaae sóró Yesu Kerisoné fo yó melaté fóló, Judia haemó sókó waleteti diɔ feané kisiparapó. ³⁸ Kótóné Dɛi Kepe Wisi Nasaret whġkó Yesu tuamó beteróló, so whġ fea tɛteróló kaae tawɔpóló ama doasi fotokɔkélé bulóló sóró beterallepó. Atéro, hae kwia dokɔ feamó kuturaalu wisi ala eróo, dowi kepe tepeyóló betere so whġkélé wisiróo yɔpóló, Kótó ɔtamo betamó kutu betalepó.

³⁹ Dɔta, Israel so whġ betere tikiró Jerusalem betamomó bitu, ama erale alarape dɔné kelené kelaleteti yó maté kutu beterapó. ɔta, atimané filipaaró betere ni tómó oleróló dalepó. ⁴⁰ Téyaleteí, ɔ sinóló dou dolomó sore sukamó mupa, Kótóné kepaaró beterapó. Atéro kepaayóló betereiteita, mepaae so whġné kolópóló yalepó. ⁴¹ Atéro bitu, sókó wua dere alata, so whġ feané keletómó ini, Kótóné ama sorokó su yóló beteró betere so whġrape beterepaae maaté sókó wua yalepó. Ti ai sókó su yóló beteró betere whġrapetamo bituraalu, ɔlaró wɛitamó nukua yale whġrapeta, ti dapó. ⁴² Téró, take ama dɔpaae i fo ene fae yalepó. ‘Kale mió wosetere kisi fo wisi yó móturaalu, ɛta Kótóné diɔ sukɔle so whġtamokélé ó betó mole so whġtamokélé, fo tokóló talerópóló, sóró daaló beterapó yóló yó melale fae,’ yalepó. ⁴³ Take Kótóné kóló whġrape dokɔ feané mepaae so whġ de ɛpaae kisipa tiki tiró betepa, atétere so whġné dowi ala kwia ama kemeróló aluraalopó erapó,” yalepó.

⁴⁴ Téró, Pitané ama fo hɔle du betepateí, Dɛi Kepe Wisi dorowóló ama dere fo wosetu betere so whġné tiki tuamó bitɔ dorowalepó. ⁴⁵ Até dere ala Jopa bemó Yesupaae tué tiki tiró bitu tiki sekaɛ tikire Juda whġrapené kelalepó. Tétu, Juda meire fakepaaeteí, Dɛi Kepe Wisi matapóló sira du betalepó. ⁴⁶ Ti noa betené

mei, atimané kae kae be fo yóló Kótóné doi hale sóró horótu betepa wosalepó.

Até dere ala kolóló, Pitané i fo yalepó. ⁴⁷ “Take dą Juda fake so whį Dęi Kepe Wisi su yale kaae, mió atimakélé ai sale ape. Atéro atima węi tópuratepa né sesé yaaloé?” yalepó. ⁴⁸ Atéro, ai so whįpaae duraalu, “Dią fea Yesu Kerisoné doimó węi tópuraaalopa ape,” yóló tópurótua yalepó. Atéyale kįlipaae Pita-paae woseturaalu, “Mepaae be dękó yą dątamo betóló fenére?” yalepó.

11

Pitané ama du betere ala hąkearale fo

¹ Juda meire fake so whįrapekélé, Kótóné fo wosóló kisipa tiralepó deté kotere fo Judia hae kwiamó betó mole aposel whįraperó Keriso norapetamoné wosalepó. ² Atéro Pita ą Jerusalem bepaae holalemó, mepaae tiki sekaę tikiru Talepaae tuę tiróló betere whįrapené Pita foné sóró i fo yalepó. ³ “Yąta tiki sekaę tikinire fakené bemó bitu, ęlaró węitamo nuku betalepó. Aita fo mole alatei naao erapó,” yalepó.

⁴⁻⁵ Tétepa, Pitané atimapaee duraalu, “Ę Jopa bemó betepa erale ala mo fea deté wóló Sesaria bemó betepa yale ala-paae sókó waalopa dią fea wosae. Ę doasi be hulua Jopamó momatu betalemó, noke naró dere kaaené i ala depa kelalepó. Doasi bukutere kuti kaae ó sąmó douřó kwia dokę dorokę fóló amatei hąle dorowóló ę betere tikimó muni dorowalepó. ⁶ Atétepa kelalemó, i haemó betó mole niki meire ke detere ęlaraperó barapetamokélé, hó naase daae mole ęlaraperó syaae ęlarapetamokélé, mo fea betó mupa kelalepó. ⁷ Atépa, ó sąmó fo yóló duraalu, ‘Pita-ó, yą turukó holóló ai ęlarape fea dóló nae,’ yalepó.

⁸ Ai fo depa yąlo duraalu, ‘Tale-ó, ai ęlarape yąlo nókélé inireteiné ai ala mo enénipó.’ yalepó.

⁹ Ti fo yalemó, kale dere kaae momó fo yóló duraalu, ‘Tale Kótóné nae dere ęlatei, werapó ekese. Talené wisipa nępóló muló betere ęla ti nae,’ yalepó. ¹⁰ Atei kaae fo

sore félimó yóló, kale ęlarape fea momó ó hepen-paae sįyóló sóró holalepó,” yalepó.

¹¹ “Atéteretamo, Konilias-né Sesaria bemó ę beterepaae dotonale whįrape sore wóló, ę betere be belamó daaipakalepó.

¹² Atéparaalu, Dęi Kepe Wisiné ępaae duraalu, ‘Yą ai whįrapetamo faaloé yóló kisipa tekeni, atimatamo fae,’ yalepó. Atétepa, i daae mole aporó norape ętamo fóló kale whį Konilias-né be dolopaae dą fea holalepó. ¹³ Dą atéro beteremó, Konilias-né dąpaae i fo yalepó. ą ama be dolomó momatu beteremó, *ensel* ą beterepaae sókó wóló duraalu, ‘Diąkó mepaae whįrape Jopa bepaae Saimon-tei Pitapó du betere whį ai beterepa dape sene fae. ¹⁴ Ama diąpaae dere foné yąřó naao naale senaaletamokélé, naao fake so whįkélé, naao be whį so whįkélé, dią aluyaęsóró tao saalopóló,’ *ensel*-né ąpaae depa, ama ępaae yalepó.

¹⁵ Ai fo epa, ę wóló yąlo fo kaae sóró du betalemó, Dęi Kepe Wisi atima tuąpaae bitį walepó. Aita, me kae kisi ala ini, mo take kaae suraalu, dą Juda so whįpaae erótu yale kaaetóro atimapaekélé eralepó. ¹⁶ Ai ala kolóló, Yesuné yale fo kisipa mualepó. Yesuné dąpaae duraalu, ‘Węi tópuratere whįkó Jon-né amata, ti dią węi hąle maaté tóपुरatei nalota kale Dęi Kepe Wisitamo tóपुरaalopó ere fo mopó.’ ¹⁷ Térapa, i ala betą wisiyóló kisipa muae. Yesu Kerisopaae kisipa tiki tiratepa, Dęi Kepe Wisi dąmó hąle mótu yale kaae Kótóné atimapaekélé, ai melale ape. Tétepatei, ę Kótó kaae betepapakó atei ala ekese yóló sesé yaaloé? Atei ala mo enénipó,” yalepó.

¹⁸ Téro, kale be whįné Pitané dere fo wosetu, atimané ą foné saletei taaralepó. Atéro Talené doi hale horótu duraalu, “Kótóné Juda meire fake so whįkélé, hoko betere ala taaróló, kepaayóló mo ti be-taire bete sępóló ai menélirapó,” yalepó.

Antiok so whį kisipa feteyale fo

¹⁹ Stipen dale sukamó su betale susupui alamó dapo dapo yóló fele whįrapekó mepaae Fonisia hae kwiapaaekélé, węiné bopéro daaló betere Saiprus hae kwia-paaekélé, Antiok be huluapaaekélé, Juda

fake so wh̄ipaaekélé, kale fo wisi yó maté kutu betalepó. ²⁰ Téyaletéi, mepaae dapo dapo yóló fele Saiprus be hulua wh̄iró Sairin wh̄irapetamo Antiok be huluamó betó mole Juda meire so wh̄ipaae Yesu Kerisoné mió wosetere kisi fo wisi yó melaai kaae salepó. ²¹ Téró, kale wh̄irape Talené atima fotok̄ratepa, so wh̄i mo feané du betere dowi ala taaróló, Talepaae kisipa tiki feteyóló wou betalepó.

²² Atétu beterapó dere fo Jerusalem bemó betó mole Keriso so wh̄iné wosalepó. Atéró woseturaalu, ai so wh̄iné Banabas ̄ Antiok bepaae f̄póló dotonalepó. ²³ Téró, ̄ Antiok bemó sókó fóló, aimó betó mole Keriso so wh̄ipaae Kótóné ama k̄lené sukutu h̄le tao sere ala atima tuamó mupa kelalepó. Atépa, Banabas hajné sukuturaalu, Kótóné ere ala dī tuamó h̄le muó tan̄póló yae yóló, fotok̄ bulóló ma fo yalepó. ²⁴ Banabas-ta, D̄i Kepe Wisiró tū tiki tiratere alatamo f̄ane wh̄i wisi naalepó. Téruraalu, mo turó so wh̄i Yesu Kerisopaae tū tiki tiralepó.

²⁵ Atétu beteró, Banabas ̄ Tarsus bepaae Sol kekene faai felepó. ²⁶ Atéró, kale wh̄i ̄ fóló Sol kekóló dape sóró atimaamo wusuró Antiok bepaae momó walepó. Wóló ba fo bet̄ atimaamo ai Keriso so wh̄itamo bituraalu, Kótóné fo so wh̄i mo feapaae yó mótu betalepó.

²⁷ Atéyale sukamó, mepaae Kótóné k̄ló wh̄irape atima Jerusalem be taaróló, Antiok bepaae dorowalepó. ²⁸ Ai wh̄irapekó bet̄ wh̄iné doi Akabas-pó. Ai wh̄i ̄ D̄i Kepe Wisiné fotok̄ratepa, turukó holóló duraalu, “Rom *Gavman*-né t̄teróló kaae tare hae kwia feapaae doakale dowi wote ali waalo ai ape,” du betalepó. Ai alata, kale Rom *Gavman* wh̄i Kaladiasné t̄teróló kaae tare alimó weipakalepó. ²⁹ Atéró, Yesuné yó matere wh̄irapené Judia hae kwiamó betó mole Keriso so wh̄i tuapaae wale doasi sek̄i alamó kisipa mutu, ai so wh̄i tao saai atima fo dokalepó. Atéró duraalu, d̄ané tare *moni* s̄tóróti deraalopóló, der̄leta du betalepó. ³⁰ Atimané atétu betaletéita, Judia hae kwiamó betó mole Keriso norape h̄le tao sóró, Jerusalem be huluamó betó mole

wh̄i disirapepaae male f̄póló, Banabas-ró Sol-tamo sóró beteralepó.

12

Kin Herot-né Jems dóló Pita dipula beterale fo

¹ Atétu betere alimó *Kin* Herot-né mepaae Keriso wh̄ipaae doakale susupui ala eróló ama diki tare wh̄irapepaae *dipula* beteraleta yae yóló mulalepó. ² Atéró, Jon-né noma Jems atima doakale b̄e dele sepakené depa tikalepó. ³ Kale *Kin* Herot-né Jems delemó Juda so wh̄i h̄kesené sinitu betalepó. Atétere ala kilituraalu, ama diki tare wh̄irapepaae Pitakélé, *dipula* beteraai, dape sene fae depa, fóló tawalepó. Atétere alata, kale fopei *bred* o bulayóló nokole alimó yalepó. ⁴ Atéró Pita tawóló sóró fóló, so wh̄i feané keletómó fo tok̄ló taleyaairaaalu, diki tare wh̄irapené naase tuapaae sóró beteralepó. Téró, ai diki tare wh̄irape atima fake doūró aleyóló beteró beterepó. Téró, Herot-né yóló mulóturaalu, kale bosenée fele be d̄ kemetepa, ti d̄ané Pita ̄ d̄póló fo tok̄ló taleyaalopó yalepó.

⁵ Pita atéró *dipula* beteró betepa, Keriso so wh̄iné Kótóné Pita tao s̄póló, momatere ala h̄le yótóró tarepó.

Pita dipula betepa, ensel-né sokale fo

⁶ Téró, kale *Kin* Herot-né h̄ika be d̄etepa, so wh̄i feané keletómó fo tok̄ló taleyaai diki tare wh̄i uté betóo, ité betóo, ere tuamó Pita *sein* képiné dokóló beteralepó. Atéró betepa, ai t̄ sókó walemó diki tare wh̄iné kaae tawóló daalepó. ⁷ Tépa, Talené ama hepen bemó kutó diratere *ensel* wóló, d̄ené Pita beteró betere *dipula* be dolo d̄eyó felepó. Atéró kale *ensel* sókó wóló, Pita-né hulúmó haróló duraalu, “Pita-ó, mo hapale turukó holae,” deremó Pitané naasemó sere *sein* képi whaalóyóló h̄letei teraae derepelepó.

⁸ Atétepa, kale *ensel*-né Pitapaae duraalu, “Naao hó beró kutitamo hapale sae,” depa, salepó. Atéró, “Naao tómó bukutere kutikélé, bukóló ̄ sya ape,” yalepó. ⁹ Pita ̄ atéró, ai *dipula* be taaróló

ensel fole tiki sya furaalu, ita ɔpaae *ensel*-né dapóló kisipa muni, noke naró dere nisi yalepó. ¹⁰ Atimaamo atéró furaalu, mo folosóró kaae tawóló daaló betere diki tare whi dekeróló tuɔmó daale diki tare whikélé, kale dere kaae dekeróló sókó felepó. Atéró furaalu, kale be hulua bopéro betere tipi tuɔmó doakale *aiyon kapa* fakené aleyóló kinó betere tukélé, ama haleti, tukwe fóló mupa, atimaamo belapaae sókó felepó. Téró, atimaamo ai tu dapo tópaae derepelemó, kale *ensel* Pita taaróló, aimótei alu yó deyalepó.

¹¹ Téró, Pitané *ensel*-né ɔpaae erale alarape fea kisipa yóló duraalu, “Mió yalo kisiparapó. Ita, noke naró dere nisi yalemó motei irapó. Kale *Kin* Herot-ró Juda so whitamó atima hekesené sukuturaalu, ɔpaae eraaire ala mo eraosórópóló, Talené ama *ensel*-né ɔ tao sene ai weirapó,” yalepó.

¹² Kale *ensel*-né ɔpaae erale ala mo diriyóló tuɔ muturaalu, Mariané bepaae felepó. Mariata, Jon-tei, me doi Mark-né hamapó. Téyalemó, so whi mo fea betapaae touróló bitu, momatu beteremó sókó felepó. ¹³ Téró, Pita ɔ wóló bela tu aoró daalu kokopórótu betepa, ai bemó kutó diratere so seimale Roda tu tukjyaai walepó. ¹⁴ Téyalemó, kale senaalené Pitané fo nakome wosóló haɔtu, tu hapale tukuni, fesaae folo bemó betó mole so whipaae kale Pita wóló a belamó daalapó fo ene felepó.

¹⁵ Ai fo deremó, kale so whiné Rodapaae duraalu, “Ti senaale ya topo doyóló keyaa fu de?” yalepó. Ai fo depa, kale senaalekó duraalu, “Meipó. Pita mo wóló até belaró daale ape,” yalepó. Tétepa, kale so whiné duraalu, “Motamo epa, ti ɔ kaae tare *ensel*-né tao su yalepa kelae,” yalepó.

¹⁶ Atima ai fo du betepa, Pita daalu tu haɔ kokopórótu betalepó. Atétu betepa, nalo kale so whi atima fóló tu tukjóló kelalemó, Pita wóló daapa kilita sókó furaalu, siratu betalepó. ¹⁷ Tétepa, Pitané ama naasenétei yóló duraalu, atimapaae fo taalae yalepó. Téró atimapaae Talené ɔ *dipula* bemó betepa, tao sóró dape só wale ala fea yó melalepó. Atétu beteró, ai so

whipaae duraalu, “I fota, Jems-ró mepaae Keriso norapetamopaae yó melae,” yóló ɔ metikipaae faai felepó.

¹⁸ Atéró hika Pita ɔ kemei fi sisópaae eté yalepó. Kale diki tare whirape atima wóló kelalemó, Pita bitinipa, ɔ neyóló sókó felerópóló, atima mo doakale fo tiki kɔlaaratu betalepó. ¹⁹ Atépa, kale doasi topo whi Herot-né ama diki tare whirapepaae duraalu, mo dekéro keketé kweyae depa, kekalei ɔ kilinipó. Tétepa, ama diki tare whirapepaae Pita *dipula* betepa kaae tawóló daalale diki tare whirapetamo fo tokóló kemetepa, mo ti sinópóló dae yóló mulalepó.

Kin Herot ama yale alamó ɔ dóló sukunale fo

²⁰ Até du beteró, suka memó Herot ɔ Judia hae kwia taaróló Sesaria hae kwia-paae doropóló, aimó mepaae be derape betalepó.

Ti *Kin* Herot-né Tair be hulua so whiró Saidon be hulua so whitamopaae doakale fopaae bualepó. Atépa, atima touróló betamó bituraalu, i fo du betalepó. “Doasi topo whi *kin*-ó, dané yaɔtamo fo sawa yaai dapa, naao be de mekó tukóló mulaaló?” depa kale sekéné duraalu, “Ti wisirapa téyaalopó” yalepó. Ti fo depa, kale so whiné *kin*-né kutó diratere whikó betɔ Blastas-paae woseturaalu, “Naao da tao suraalu doasi whi *kin*-tamo naamei fokó yaaló?” depa kale sekéné téyaalopó, yalepó. Atima atéró touróló betamó bituraalu, kale doasi topo whi *kin*-paae duraalu, “Doasi topo whi-ó, daɔtamo bóe dele ala taaróló dua wisiyóló betaalopó. Ti noatepae, kale *kin*-né tetéroló kaae tare hae kwiamó nokole ɔla wó mupa, dupu du betteretei tikaosóró kisipa muturaalu,” ai fo du betalepó.

²¹ Atéró, atimané kale tukóló mulale be de wapa, Herot ɔ *Kin*-né kuti wisinaale deróló so whi touróló betere tikimó sókó felepó. Atéró doasi topo whi betere sea-mó bituraalu, so whipaae fo du betalepó. ²² So whi feané ama dere fomó doi hale sóró horóturaalu, “Ama dere fota, kótóné fo kaae dapóló,” dukirótu betalepó. ²³ Téteremó, ai fapótóroti Talené

ensel wóló kale sekéné Talené doi sóró horéniteremó ą dóló ama tiki mokené turukó nóló mo ti sukunalepó.

²⁴ Atéturaalu, Tale Kótóné fo ai be felekemó betó mole so whi feané wosóló fakeraté felepó.

²⁵ Banabas-ró Sol-tamoné so whi tao saai sóró wale *moni* melóló Jerusalem taaróló momó furaalu, Jon-ró Mak-tamo dape sóró Antiok bepaae fesaae felepó.

13

Banabas-ró Pol-tamo Talené kutó dirópóló doteyale fo

¹ Atéro, Antiok bemó betere Keriso so whi kuamó Kótóné kóló whiraperó yó matere whirapetamo betó molepó. Ai whirape atimané doita Banabas, Simeon-tei, me doi Niser, Sairin be hulua whikó Lusias, kale *Kin* Herot-tamo betámó doayale whi Manain, Sol, atima atéro betó molepó. ² Téro kale Keriso so whi Tale aqmó dua bitu, Talené doi sóró horótu betalepó. Atéturaalu, ąlakélé weyóló betepa, Dęi Kepe Wisiné atimapaee duraalu, “Yalo tukóló muló betere kutó Banabas-ró Sol-tamoné dirópólópa, atimaamo sóró beterae,” yalepó. ³ Atima atéro, ąla weyóló hęle bituraalu, moma deté fele kęlipaae, kale whıtamo tikimó naase mulóló, fópóló dotonalepó.

⁴ Sol-ró Banabas-tamo Dęi Kepe Wisiné dotonatepa, Selusia bepaae doropóló, aimó atimaamo węi nukumó węiné bopéló daaló betere hae kwia Saiprus-paae felepó. ⁵ Atimaamo atéro ai hae kwiamó tęne be Salamis bemó sókó fóló bituraalu, Juda whirapené fo wosetere berapemó so whıpaee Kótóné mió wosetere kisi fo wisi yó melótu betalepó. Téro, Jon me doi Mark-kélé, atimaamo tao sóró kutó diyaa atima fea fóló betalepó.

⁶ Atéro, atima ai węiné bopéro daaló betere hae kwia tuamó kutu betéro Papos be huluamó sókó felepó. Aimó Juda whikó isi whıtei, Kótóné kóló whıpó du betere sekę Bar-Jisas beterepó. Atimaamo ai kale sekętamó Papos bemó hokolaa yalepó. ⁷ Kale isi whı Ba-Jisas, *Gavman* whı Sersias Polas sisó supuróló, ątamo kutu betere

whıpó. Ai *Gavman* whıta, tuę tiki wisi mulu, Banabas-ró Sol-tamopaae Kótóné fokó ą wosaaipa, yó melaai ape yalepó. ⁸ Atéyaletei, kale isi whıné Banabas-ró Sol-tamoné yó matere fo *Gavman* whıné wosóló kisipa tiki tiraqsóró, kae kae fotei du betalepó. Elimas doita, Krik be foné isi whıpó. ⁹ Téro Sol ąkélé, ama take mole doi Sol taaróló, Pol doi mulalepó. Téro, Pol Dęi Kepe Wisiné fotokratepa, Elimas kikéyóló kae taaru duraalu, “Yata, mo dowi kepené naalemapó. ¹⁰ Naaota, donoi alaró wisi alatamo bõe ai du betere ape. Yata, mo dilikitere alaró kapala fotamo fęanuraalu, Tale Kótóné donoi alaró donoi fotamo naao ai węrótu betere ape. ¹¹ Naao ai ala deremó, Talené yą deké supu, mió mepaae sawa be demó naao kele diliki yaalopó. Atéro bituraalu, sukané dękélé, naao kelaalomeipó,” yalepó.

Téyaletamotóró, ó samó diliki ą tuępaae deróló kale sekéné kele dilikiralepó. Atétepa, ą naase tawóló ąlisó faaire whikó daaléro sisité kweyalepó. ¹² Kale ai *Gavman* whıné até dere ala kilituraalu, sirayóló ą kisipa tiki tiralepó. Ti noatepae, Talené ama fo yó matere ala mopóló kisipa mutu yalepó.

¹³ Até du betéro, Pol-ró ama fulumu whirapetamo ai Papos be taaróló węi nukumó Pampilia hae kwia tuamó tęne be hulua Perka-paae felepó. Atétepa, Jon-tei Mark-pó du betere whı ą atimaamo taaróló Jerusalem bepaae fesaae felepó. ¹⁴ Atéro, atimaamo ai Perka be taaróló Pisidia hae kwiamó tęne Antiok be huluamó sókó felepó. Atéro fóló bituraalu, ąa nóló betere sukamó atimaamo Juda whirapené fo wosetere be dolopaae holóló betalepó. ¹⁵ Atimaamo atéro beterepó, kale Mosesné asęre foró Kótóné kóló whirapetamoné asęre fo dosęatu betalepó. Atéyale kęlipaae kale ai fo wosetere be kaae tare whirapené atimaamo faleyóló duraalu, “No tamo-ó, diaamoné so whı hęiratere fokó enére?” yalepó.

¹⁶ Ti fo depa, Pol ą turukó holóló fo yaai kaae su naase horóló duraalu, “Israel whiraperó dią Juda meire fake so whıtamo-ó, Kótópaae witu, naameyóló ą

aq̄mó betó mole so wh̄ipaae yālo i dere fo wosae. ¹⁷ Mo take d̄a Israel fakené Kótóné d̄ané ayarape deté faaire wh̄irape amatei sóró beteraté walepó. Atima atéró Isip bemó betepa, Talené atima so wh̄i doasi fake firalepó. Ai ala epa, Kótóné mo Taoró mole fotok̄onétei ai Isip hae tale dóló ama so wh̄i fasó sóró dapesó weipakalepó. ¹⁸ Atéró, so wh̄i bitinire tikimó kutu bitu, atimané kisipa mole ala yaairaalu, dow̄aae fu betepa, Kótó ap̄aae feteyóló w̄p̄póló kaae tawóló bitiré felepó. Até yalemókélé, feteyóló wénitepa, h̄ale kaae tarepó. Atétepa, ba fo wh̄i siki tamo keme ipakalepó. ¹⁹ Téró, Tale Kótóné atima beteraaire Kanan hae kwia h̄ale muni, w̄ikeró fakené t̄eteróló kaae tapa dóló tok̄q̄ faaróló, ai hae kwia Israel fake so wh̄imó mo ti malepó. ²⁰ Isip hae kwia-paae fele ba fomó kaae sóró wóló, w̄ikeró doasi be hulua doló torok̄q̄ fale ba fomó sókó wouraalu, 450 ba fo kemeyalepó. Ai alarape deté wóló k̄lipaae Kótóné kale Israel wh̄iné b̄oe topo wh̄i sóró daalaté weipakalepó. Até deté wóló, Kótóné k̄lól wh̄i Samuel betale alimó sókó walepó.

²¹ Atéró, Kótópaae atima kaae tawaaire topo wh̄ikó sóró beterae yóló wosetu betalepó. Tétepa, Kótóné Benjamin fake wh̄ikó Kisya naalema Sol topo wh̄i *Kin* sóró beteralepó. Ai wh̄i doasi *Kin* betepa, ba fo wh̄i siki tamo kemeyalepó. ²² Téyalet̄ei, nalo Kótóné Sol taaróló ̄a betale sirimó Depit topo wh̄i *Kin* sóró beteralepó. Kótóné Depit k̄aae kelalemó, ̄a wh̄i wisinaalepa, i fo yalepó. ‘Jesi naalema Depit-ta, mo wh̄i wisinaalepó. ̄Āta, yālo kisipa kaae muluraalu, yālo erae, dere ala mo fea ama erótu betaalopó,’ yalepó.

²³ Yesuta, Depit-né deyale fake wh̄ikó bet̄ané deyalepó. Atéyale Yesu ̄a Kótóné Israel fake so wh̄i mo ti aluyaqsóro tao saaire wh̄i dīa beterepaae dotonaalopóló muló betere fo mo eróturaalu, ai dotonó betere ape. ²⁴ Mo take Yesuné ama kutó kaae sóró diyaai epatei, folosóro Jon-pi wóló, Israel so wh̄i feapaae Kótóné fo tūé ȳp̄póló yó mótu betalepó. Atéró yó mótu duraalu, ‘Dīané du betere dowi ala taaróló kisipa tiki fetepa, ti yālo dīa w̄ei

tópuraalopó,’ du betalepó. ²⁵ Téró, Jonné ama diyale kutó kemeraairaalu, i fo yalepó. ‘Diaāq̄ tūéné ̄eta, kale waalopó du betale wh̄i nisi yāq̄se. ̄Eta, diaāq̄ kaae tawóló betere wh̄i meipa, i fo bet̄a wosae. ̄Āta, yālo k̄lipaae waalo ai ape. Ti ̄eta, ̄a kaae wh̄i wisi bitinireteiné ama hó bené k̄epikélé yālo teraayaaire mo s̄unipó.’

²⁶ Yālo norape-ó, dīata Abraham-né deyóló fakerale naaleraperó Kótópaae wituraalu, ̄a aq̄mó sukóló betere Juda meire fake so wh̄iné deyóló fakerale so wh̄itamo da fea aluyaqsóro dapesó faalopó, ere fo Kótóné mo ai eró betere ape. ²⁷ Jerusalem bemó betó mole so wh̄iró atimané topo wh̄irapetamoné Yesuta, d̄a aluyaqsóro tao saaire wh̄ipó tūé munipó. Téró, Kótóné k̄lól wh̄irapené as̄emó ere fo *fula* dok̄q̄ fea dos̄atu bitutei wosóló kisipa munipó. Kale as̄emó ere fotei dokonóturaalu, atimané ̄a mo ti sukópóló dae yóló só deralepó. ²⁸ Atimané Yesu daai kisipa mutu, ̄a tūamó me dowi ala kwiakó muléró tale yalet̄ei, me ala mupa kilinipó. Atépatei, atimané Pailat-paae duraalu, ‘̄Ā sinópóló dae,’ yóló s̄etu betalepó. ²⁹ Ai alarape yóló kemetepa, kale as̄emó ere fo mo dokonóturaalu, filipaa ni tómó olepa, tokóló dour̄ale felepó. ³⁰ Téyalet̄ei, Kótóné ̄a dou dolomó mupa kepaaralepó. ³¹ Atéró kepaayóló bitu, take betale Kaleli be taaróló, Jerusalem bepaae ̄atamo wale wh̄irapené ̄a kepaayóló betere ala kelalepó. Atéyale ala kelale wh̄irapené d̄a Juda fake so wh̄ipaae yó mótu beteraapó.

³² Kótóné d̄ané ayarapepaae duraalu, yālo dīamó take i ala eraalopóló mulale fo wisi d̄ané dīapaae mió i yó matapa wosae. ³³ Mo take Kótóné d̄ané noutererapepaae duraalu, ‘Dīakélé diaāq̄ deté faaire naale senaalekélé, atima aluyaqsóro tao saalopóló muló beterepó,’ Ai fo dokonóturaalu, Kótóné Yesu ai kepaaró betere ape. Ti ai yóló muló betere fota, *buk Sam sapta* 2-mó as̄rapó. Kótóné duraalu,

‘Yāta, yālo naalepó. Mió ̄e naao aya alée felepó,’ erapó.

³⁴ Atéru, Yesuné tiki dou dolomó kẹ́laa yóppóló taaréni, kepaaró beterapó. Atéyaalopóló, mo take asẹ́mó erapó. Ai fo i ape.

‘Yálo Depit-paae hẹ́le melaalopóló, kae muló betere ọ́la ama ere fo dokonóturaalu, yámó mo melaalopóló,’ erapó.

³⁵ Ai fo kaaetei, Sam-mó duraalu, ‘Naaota, kale dowi alakélé, inire whị wisiné tiki hẹ́le dou dolomó kẹ́laa yóppóló kaae tawaalo meipó, fo asẹ́yóló muló beterapó,’ erapó.

³⁶ Ti noatepae, Depit doasi so whị kuamó Talené kutó dité fu beteró sukẹ́le whịtei, sinitepa atimané alimarapetamo betámó douróló ama tiki ai kẹ́laa yale ape. ³⁷ Depit-ta até yaleteti, ama Naale wisinaale, ti Kótóné dou dolomó mupa kẹ́laa yóppóló kaae tani, ama kepaaralepó.

³⁸ Térapa norape-ó, dẹ́nẹ́ i yó matere fo wisi mo wisiyóló wosóló kisipa tiki tira. Ai whịné dẹ́nẹ́ dowi alamó saai yale kwia ama tokóló taae faralepó. ³⁹ Kale Moses-né asẹ́re foné dẹ́nẹ́ dowi ala tokóló kemeróló, whị wisi beteranipó. Téretei, Yesuné dẹ́ kepaayóló betaaire fo wisi yó materetei wosóló kisipa fetetepa, ti dẹ́nẹ́ dowi alamó kwia saairetei tokóló kemeraalopó. ⁴⁰ Kótóné kọ́lọ́ whịrapené i ala yaalo ai ape yale fo diẹ́paae eraş́sóró, mo wisiyóló kaae tawae. Ai fo i ape.

⁴¹ ‘Diẹ́ faletere whịrapené i dere fo wosae. Yálo ai depa kolóló sira deté fu beteró deté fu beteró, sinituraalu aluyae. Yálo doasi ala yaalopóló me whịnékélé diẹ́paae depa, wosóló tué tiki tiraalo meipó,’ fo asẹ́yóló muló beterapó,” yalepó.

⁴² Ai fo du beteró Pol-ró Banabas-tamo ai fo wosetere be taaróló faaitepa, kale be whị so whịné duraalu, “Diaamo momó kale fo wisikó uté waaire *fula*-mó yó melale waasepólópó,” yalepó. ⁴³ Atima ai fo wosetere be taaróló, belapaae sókó felepó. Téró, Banabas-ró Pol-tamo fupa Juda so whịró Juda meire fake so whịtei, Juda so whịné dere ala yó tare so whịtamo kale whịtamo sya wapa, atimaamoné duraalu, “Diẹ́ Kótóné kọ́lené sukuturaalu,

hẹ́le matere ala tuámó betó tawóppóló yae,” du betalepó.

⁴⁴ Téró, me *fula*-mó fo wosetere be dẹ́mó ai be huluamó betó mole so whị Kótóné fo wisi wosaairaalu, wóló betó molepó.

⁴⁵ Atétepa, atimaamoné yó mótu betere fo wosó tawóló betó mupa, mepaae Juda whịrapené kolóló, atimané dere fo wosaai ai ala uş́sóró wisi uş́póló dei kisipa muraalu, Pol-ró Banabas-tamoné dere fo tẹ́teróló, kae kae fo du betalepó.

⁴⁶ Atétepa, Pol-ró Banabas-tamo né halaainé duraalu, “Kótóné fo dẹ́moné diẹ́paae yó melaai yalemó, diẹ́ wosetere hó yalepó. Tétepa, mió dẹ́moné diẹ́ sisó eróló, Juda meire fake so whị betó molepaae i kale fo wisi yó melaairaalu fulapó. Ti aita hẹ́le mei, diẹ́ Kótóné mo ti betere ala sere hóre aş́rapó. ⁴⁷ Talené dẹ́mopaae i ala yae yóló mulalepó.

‘I hae kwia feamó betó mole Juda meire fake so whị diliki tuámó betepa dẹ́rọ́ppóló yálo diẹ́ sóró beteralopó.

Ai dẹ́nẹ́ hae kwia dokọ́ feamó betó mole so whị aluyaş́sóró tao sene fae erapó,’ ” yalepó.

⁴⁸ Kale ai Juda meire fake so whị atima ai fo woseturaalu, mo doakale hajné sinóló, Talené fo hale sóró horótu betalepó. Talené ama taketi mo ti betere bete saalopóló muló betere so whị feané ai fo wosetu ẹ́paae tué tiki tiralepó.

⁴⁹ Tétu, Talené fo wosóló hae kwia feapaae fakeralepó. ⁵⁰ Atétepa, Juda whịrapené topo whịrapepaaekélé, mepaae Juda meire fake sorapekó Kótópaae winé sukóló betó mole doi mole sorapepaaekélé, Pol-ró Banabas-tamo fopaae buóppóló, sesemeraté kweyalepó. Até deté kweyóló atimaamo ai be hulua tuámó betereitei, taaróló hókó faralepó.

⁵¹ Atétepa, faairaalu diaaş́ dere dowi alamó dẹ́mo i fole ape yóló, atimaamoné hó bemó ere hae terepeyóló Ikoniam bepaae felepó. ⁵² Téró, furaalu Talené ala eró tare whị tamo tuámó Dẹ́i Kepe Wisi fẹ́anuraalu, mo doa hẹ́kesené sukuté fu betalepó.

14

Pol-ró Banabas-tamo Ikoniam-mó Kótóné fo yó maletēi

¹ Téró, Ikoniam bemó Pol-ró Banabas-tamo dua dere kaae, Juda wh̄rapené fo wosetere be dolopaae holalepó. Téró, atimaamoné mo wisiyóló yó matere foné, Juda so wh̄ró Juda meire fake so wh̄tamo hosaamó suraalu, mo dekéro so wh̄ kisipa tiralepó. ² Téyaletēi, kisipa tiki tirénire Juda so wh̄iné ai dere fo h̄ yóló, mepaae h̄le betó mole Juda meire fake so wh̄iné Keriso so wh̄tamo fopaae buǵpóló sesemeralēpó. ³ Atétepatei, Pol-ró Banabas-tamoné woseni, faleyóló Talené fo bet̄a halaaíné daalu, f̄lo sukamó yó maté fu betalepó. Atéro, yó mótu betepa, Kótóné ama k̄lené sukuturaalu, h̄le tao sere fo wisi kapala fo nisi yaǵsóró, kolóló sira yaaitere alaró kelemei alatamo erǵpóló, Talené atimaamopaae mo s̄rapó. ⁴ Ai be huluaamó betó mole so wh̄ bukótamo yóló, mepaae Juda wh̄rapetamo muóo, mepaae ti Yesuné fo yó matere *apose*l wh̄rapetamo muóo, yalepó. ⁵ Atéro k̄lipaae, Juda so wh̄kélé mepaae Juda meire so wh̄kélé, mepaae topo wh̄rapekélé, bet̄apaae touró bitu, Pol-ró Banabas-tamo kane duné siriyóló daalopó yóló fo deyalepó. ⁶ Até yaai yaletēi, kale wh̄ tamo daalopó dere fo woseturaalu, ai be taaróló Likonia hae kwiamó t̄ne be Listra be huluaró Derbe be huluatamomó kutu betalepó. ⁷ Atéro, Kótóné ama mió wosetere kisi fo wisi yó maté kweyalepó.

Pol-ró Banabas-tamo Listra bemó fo yó maletēi

⁸ Téró, Listra be huluaamó bet̄a wh̄ hamané depemóte i h̄leke dowi beterepó. Atéro, ̄ mo sawa turukókélé feni, betere tikimótóró h̄le betó tarepó. ⁹⁻¹⁰ Atéturaalu, Pol-né yó matere fo mopóló wosó tarepó.

Pol-né ai wh̄ kikéro kaae tawalemó, ama kisipa tiki tiró betere alané ̄ s̄mó wisiranerapóló kisipa mutu ̄paae duraalu, “Ȳ turukó holóló, naao dore h̄leke donoyóló daayae,” yalepó. Tétepa, kale wh̄ turukó holóló kweyaa i kaae salepó.

¹¹ Ai so wh̄iné Pol-né yale ala kolóló Likonia be foné “Haió, ita, mo kótó tamotei dorowóló mo wh̄ alée fóló d̄ tuamó i betere ape,” yalepó. ¹² Atéro atima kisipané Banabas-ta, ti atimané kótó Susi nisiyóló, ai doi mulóo, Pol-ta fo dere wh̄ betepa, atimané fo fosó fosó dere kótó Hermes nisiyóló, kótó Hermes doi mulóo, yalepó. ¹³ Atéro, atimané kótó Susipaae moma dere beta, doasi be t̄ aupalo demó t̄nepó. Ai moma dere be kaae tare wh̄kélé, mo so wh̄kélé, atima mo fea wóló Pol-ró Banabas-tamopaae hupu dóló momaraairaaalu, w̄ *bulmakau* hupuraperó ne fuané aleyóló depa dere meleketamo sóró, ai be hulua bopéro betere tipi t̄ serekemó sókó walepó.

¹⁴ Até du betere fo Pol-ró Banabas-tamoné wosóló ai ala yaǵsóró sesé duraalu, atimaamoné deró betere kuti bis̄ayalepó. Atéro bis̄ayóló sururu yóló fóló, kale be wh̄ so wh̄ wó mole kua dolomó fo fake yóló duraalu, “Dīané aita noa ala du bitu de? ¹⁵ D̄mo Kótó mei, d̄ fea bet̄a tiki daale wh̄ i ape. D̄mota, kale mió wosetere kisi fo wisi dīpaae yó melaairaaalu, sóró wale wh̄ tamo i ape. Térapa, ai betekélé munire kapala kótópaae hupu dóló moma dere ala taaróló, mo ti betere Kótó, haekélé, s̄kélé, w̄i k̄lakélé, ere ̄la ̄lakélé, fea aleyóló muló betere Kótópaae bet̄a kisipa tiki tiróló betae. ¹⁶ Mo take bitiré wale ba fo dok̄ hae kwia feamó betó mole so wh̄iné kisipa mutere ala yaai dow̄ae fu betepa, Talené atimapaae até ekesé yóló sesé ini, atimané tué mole ala yǵpóló taalalepó. ¹⁷ Téyaletēi, Kótóné amatei ̄ mo beterapóló kisipa muǵpóló, dī tao sóró wisi ala eróturaalu, d̄mó hali alikélé suka alikélé, ba fo alikélé, fea Talené ̄lotu beterapó. Ti até dere alata, dī hajné sukóló beterǵpóló Kótóné ama eratapó,” yalepó. ¹⁸ Atimaamoné ai be wh̄ so wh̄paae atei ala wisinipa ekesé yóló sesé yaletēi, mo dow̄ae felepó. Téturaalu, felekemó atimaamopaae hupu dóló momaraai yalepó.

¹⁹ Téró, mepaae Fisiria hae kwiamó t̄ne Antiok beró Ikoniam betamomó betó mole

Juda wh̄rape atima fea Listra be hulua-paae tourāle walepó. Atéro touró bituraalu, Pol-ró Banabas-tamopaae fopaae buópóló sesemeratere fo yalepó. Atéro, kapó duné siriyóló daletikimó, Pol mo ti sinale nisiyóló kale sekérapené ama tiki s̄iyóló sóró, ai be hulua bopéro betere tipi t̄u aq̄paae taae deralepó. ²⁰ Atéro mupa, Talepaae kisipa tiró betere wh̄rape bopéroló daae mupa, kale seké ̄ turukó holalepó. Atéro, ̄ dale bepaaetei momó felepó. Téro, ai h̄ika ti Banabas atimaamo Derbe bepaae faai felepó.

Pol-ró Banabas-tamo Siria hae kwiamó t̄ene Antiok bepaae fesaae fele fo

²¹ Atimaamo ai be huluamó Kótóné mió wosetere kisi fo wisi yó melale tikimó, so wh̄ mo dekéro Talepaae kisipa tiralepó. ²² Até du betero nalo atimaamo momó Listra be huluamókélé, Ikoniam be huluamókélé, Antiok be huluamókélé, Talepaae kisipa tiró betere so wh̄ atima ere alatóro yó tanópóló, ketekéro fotok̄tamo bulatere fo yó melaté felepó. Atéro, yó mótu duraalu, “Dīané kisipa tiki diriyóló bitu, Tale Kótóné t̄eteróló daale aq̄paae sókó faaitepa, ti doasi sek̄i ala tūamókélé bitiré fu betaalopó,” yalepó. ²³ Téro, Pol-ró Banabas-tamo mepaae be hulua dok̄o Keriso so wh̄ kaae tanópóló, Keriso dirire wh̄ disirape sóró beterotua deté kw̄yalepó. Atétua yóló, atima ̄la weyóló bituraalu, Talepaae kisipa tiró betere so wh̄mó atimané tūé tiki tiratere alamó Talené atima wisiyóló kaae tanópóló momaralepó. ²⁴ Atimaamo ai so wh̄mó momaróló, Pisidia hae kwia tūamó fóló, momó kale Pampilia haemó sókó walepó. ²⁵ Aimó atimaamo Perka be hulua so wh̄paae Talené mió wosetere kisi fo wisi yó melóló, Itali bepaae felepó.

²⁶ Ai w̄ei fókumó t̄ene Atelia bemó atimaamo w̄ei nukumó Antiok bepaae walepó. Ai bemóta, take atimaamo Talené kutó dirópóló Keriso so wh̄né Kótópaae momaróló sóró beteralepó. Atéro, Kótóné ama k̄leturaalu, tao sóró dirae yale kutó diyóló kemeróló, kale bepaae momó fesaae walepó. ²⁷ Atimaamo atéro fóló bituraalu, kale Keriso so wh̄ mo fea

touróló betó mupa, Kótóné atimaamo fotok̄ratepa erale alarape fea yó melalepó. Atéro yó melótu duraalu, Juda meire fake so wh̄né Kótópaae kisipa tirópóló, Kótóné amatei t̄u tuk̄iyóló mulalepó yalepó. ²⁸ Ai forape yóló, Yesuné ala eró tare so wh̄tamo doa f̄lo sukamó bitiré felepó.

15

Jerusalem bemó tourale fo

¹ Mepaae Judia hae kwiamó betó mole wh̄rape Antiok bepaae dorowóló, ai bemó betere Keriso norapepaae etei fo yó mótu betalepó. “Dīa Moses-né as̄ere fo aq̄mó bituraalu, diaāq tiki sekā tikini depa, ti Kótóné dīa mo ti aluyaqsóro tao saalo meipó,” du betalepó.

² Kale wh̄rapené ai fo du betepa, Pol-ró Banabas-tamoné ai wh̄rapetamo mo doasi fo tok̄tamo yóló atei kaae fo yó makesé yóló foné u só derótu i só derótu du betalepó. Até du betero, Antiok Keriso so wh̄né Pol-ró Banabas-tamo yóo, mepaae tūé tiki tiró betere Keriso wh̄rape yóo, yóló Jerusalem bepaae dot̄yaaí sóró beteralepó. Ti aita, Kótóné ama *aposel* wh̄raperó wh̄ disirapetamopaae i du betere fo moé? yóló wosene f̄póló yalepó.

³ Téro, Keriso so wh̄né atima dotonatepa furaalu, Fonisia hae kwiaró Samaria hae kwiatamomó i fo yó melaté felepó. “Kale Juda meire fake so wh̄ atimata, Talepaae tūé tiki feteyóló betó mulapó,” deté fu betalepó. Ai fo dere woseturaalu, ai be huluamó betó mole Keriso norape atima hajné sukutu betalepó. ⁴ Téro, atima Jerusalem be huluamó sókó felemó, kale *aposel* wh̄rapekélé wh̄ disirapekélé, Keriso so wh̄kélé, atima mo wisiyóló dape salepó. Téro, Pol-ró Banabas-tamoné Kótóné atimaamo fotok̄ratepa erale alarape fea atimapaae yó melalepó.

⁵ Téyaletei, mepaae Farisi fakekó Talepaae kisipa tiró betere Keriso wh̄rape turukó holóló duraalu, “Ti ai Juda meire fake so wh̄ Moses-né as̄ere fo aq̄mó sukóló betóo, atimané tiki sekā tukóo, yópóló yae,” yalepó.

⁶ Atétepa, kale *aposel* wh̄raperó wh̄ disirapetamo fea ai fo donoraai betapaae

touraŕale walepó. ⁷ Atima ai forape du beteró kemetepa, Pita turukó holóló duraalu, “Norape-ó, kale Juda meire fake so whi Kótóné ama kisi fo wisi yaŕo kólóné eratepa, wosóló tuę tiki tirópóló, mo taketi Kótóné da tuamó ę sókó sóró beteraletei diaaę kisiparapó. ⁸ So whi feané tuę tiki tuamó mole ala keletere Kótóné Juda meire fake so whi dape sere ala yó móturaalu, Deji Kepe Wisi da melale kaaetóro atimakélé malepó. ⁹ Ama dapaee kae ala eróo, atimapaee kae ala eróo, ini, atima tuę tiki tiratere alanétei, atimané hosaa tuamó mole dowi ala tokóló taae faróló wisiralepó. ¹⁰ Térapa, diaaę Kótó surémóló kęae kelaaairaalu, ai Keriso so whiné huŕumó sekei ala noatepa belerótu de? Mo take dané ayarapénékélé, danékélé, atei kaae sekei ala beleyaaire mo sunipó. ¹¹ Dané atei kaae fo mo enénipó. Tale Yesuné ama kólené sukuturaalu, aluyaqsóro haŕe tao sere alané da tao su dere kaae, atimakélé atétóro dapó,” yalepó.

¹² Téró ai touró betere so whi fea fo tekeni, Banabas-ró Pol-tamoné dere fo wosaai, dua betó molepó. Atéroró betó mupa, Kótóné atimaamopaae kae kae kelemei alaró me ala yaai deremó eratere alatamo Juda meire fake so whi kuamó eraté kweyale fo yó mótu betalepó. ¹³ Atimaamoné ai fo yóló kemetepa, Jems a turukó holóló duraalu, “Norape-ó, yaŕo i dere fo wosae. ¹⁴ Folosóro kaae su, Kótóné ama kólené sukuturaalu, Juda meire fake so whi ama fake beteraai kisipa mutu, ere ala take Simeontei me doi Pitáné dapaee yalepó. ¹⁵ Take Kótóné ama kóló whirapénékélé ai tuę muturaalu, i fo aseýóló muló beteraapó.

¹⁶ I ala yóló kemetepa, Depit-né teýale be fisikó fóló moleteti, ę wóló yaŕo momó teýaalopó. Mepaae kęlaa yóló doýale ęla ęlarapekélé fea yaŕo aleyóló mulaalopó.

¹⁷⁻¹⁸ Fisikóló momó teýaalopó dere fota, ti Juda meire fake so whiró mepaae dosęani tukó fale so whitamó Talepaae wópóló teýaalopóló erapó.

Ti noatepae, ai ala eraalopóló ere Tal-ené ama fo dokonótu ai ere ape.

¹⁹ Térené yaŕo kisipané kale ai Juda meire fake so whi Kótópaae tuę tiki tiratepatei, dané atimapaee doasi sekei ala eraalo meipó. ²⁰ Atei ala ini, atima etei kaae ma fotei aseýóló dotęyaalopaae. ‘Kapala kótópaae moma yóló detere hupu ó na naęse. Mené so ó whi ęlémi nokole alakélé, hupu ó na depamó képi duwóló sukuteretei nokole alakélé, na ó hupu samea nokole alakélé, mo yaęse,’ yaalopó. ²¹ Ti noa betené dumipó. I fota, mo taketi Moses-né asęre fo atima betere be huluarapemó yó melaté waleteti, feané tuęrapó,” yalepó.

²² Atéroró, aposel whiraperó Keriso whi disirapetamokélé, mo Keriso so whikélé, fea betapaae touróló, atimakó whi tamo Antiok bepaae dotonaaai sóró beteraai tale yalepó. Téró, kale so whiné Pol-ró Banabas-tamo atima fea fópóló Judas me doi Barsabas-ró Sailas-tamo sóró beteraalepó. Ai whi tamota, ai bemó betó mole Keriso so whi dapesó fu betere whi tamopó. ²³ Téró, ai dotęyaaire whirapené só fópóló, i fo aseýalepó.

“Da aposel whiró whi disirapetamota, diaaę norape i ape. Da feané dię Antiok bemó Talepaae kisipa tiró betere Juda meire fake norapepaaekélé, Siria hae kwiamó betó mole norapepaaekélé, Silisia hae kwiamó betó mole norapepaaekélé, mo doa kęleó, dapó.

²⁴ I dere fota, dakó mepaae whirape dię beterepaae wóló yale foné diaaę kisipa sekei yalepó depa, dané wosalepó. Ti ai whirapeta, da Keriso so whiné dotoréni, atima koleýané dię beterepaae wóló, atimané kisipa mole fo ai ere ape.

²⁵ Norape-ó, até dere alamó da fea betapaae touróló bitu, dakótei, whi tamo sóró beteróo, dané hosaa mole no Banabas-ró Pol-tamo yóo, yóló dię beterepaae ai dotonaterere ape.

²⁶ Ti ai whi tamota, dané Tale Yesu Kerisoné fo yó melaté kotepa atimaamo daqsóro wini, halaaainé Kótóné kutó diraté kotere whi tamopó.

²⁷ Térapa norape-ó, ðané aseýale fo kaaetóro Judas-ró Sailas-tamoné kólónékélé yó melaalopa wosae.

²⁸ Ðané tuęnékélé, Ðei Kepe Wisinékélé, i ala kolóló mo wisirapóló kisipa moleteiné i fo betą dapa, wosae.

²⁹ Kapala kótópaae momatere hupu ó nakélé, Hupu ó na sameakélé, na ó hupu depamó képi duwóló sinitereteikélé, mené so nópu nokole alakélé, mo yaqse. Atei alarape initepa, mo wisirapó. Ðiđ fea mo doa kęleó,” dapó.

³⁰ Téró, kale dotęyale whįrape Antiok bemó sókó fóló, ai kale Keriso so whį mo fea betąpaae touróló betó mupa, kale *fas* malepó. ³¹ Atéro, ai bemó betó mole Keriso so whįné ai *fas*-mó aseýale foné atima hosaa diriralepó. ³² Judas-ró Sailas-tamokélé, Kótóné kóló whį tamo ereteiné Keriso so whį fotokóróló ketekę bulatere fo mo dekeró yalepó. ³³ Atétu beteró, atimaamo aimó betó mole Keriso so whįtamó mepaae be ðęrape betalepó. Atéro, momó atimaamo dotonale Keriso so whį beterepaae fópóló dotonaai duraalu, “Kótóné diaamo hosaa muni deyóló dua betere ala erópóló yae,” yóló dotonalepó. ³⁴ (-) ³⁵ Atétepa, Pol-ró Banabas-tamo Antiok bemó bitu, atimaamonékélé mepaae whįrapenékélé, so whįpaae Talené fo yó melóo, Keriso so whįpaae Yesuné dere ala etérópóló yó melóo du betalepó.

Pol-ró Banabas-tamo tekeyóló fele fo

³⁶ Atétu beteró, nalo me sukamó Pol-né Banabas-paae duraalu, “Ðąmo take folosóro Talené fo yó maté kweýyale be huluarapepaae ðané no nerape netéro beteréro keleté kweýyaa faalopó,” yalepó. ³⁷⁻³⁸ Atéro, Banabas-né Jon me doi Mark-kélé, atimaamotamo faai yaletéi, Pol-né ą faalo meipó yalepó. Ti noatepae, take folosóro Pampilia bemó Talené kutó diraalopó yalemó, ą hýyóló atimaamo taaróló fesaae feleteinépó. ³⁹ Atimaamo atéro dóroi du beteró tekeyóló Banabas-né Jon-tei, me doi Mark dape sóro weýiné bopéro daaló betere hae kwia Saiprus-paae weýi nukumó faai felepó. ⁴⁰ Tétepa, Pol-né ątamó faaitere whį Sailas dape sóro

atimaamo faaitépa, Keriso norapené duraalu, “Talené kęlené sukutu, hąle tao sere alané diaamo wisiyóló kaae tanópóló yae,” yóló dotonalepó. ⁴¹ Téró, atimaamo Siria hae kwiaró Silisia hae kwiatamo tuąmó Kótóné betąpaae touróló betó mole Keriso so whį fotokę bulaté felepó.

16

Timoti Pol-tamo fele fo

¹ Pol ą Derbe be huluapaae fóló nalo Listra be huluamó sókó felemó, ai bemó Yesuné ala eró tare whį betą ama doi Timoti beterepó. Ama hamata, Juda fakekó Talepaae kisipa tiró betere sotei, alimata Krik fake whįpó. ² Ai Listra be huluamó betó mole Keriso noraperó Ikoniam be huluamó betó mole norapetamoné Timotita, Keriso whį wisinaalepóló dukirótu beterepó. ³ Pol-né Timotikélé ątamó kweýyaa tuę muturaalu, Timotiné tiki sekaę tukópóló yalepó. Ti aita hąle mei, Timotiné alimata Krik fake whįpóló ai be hulua so whį feané kisipareteiné Juda fake dée nalaqsóro yalepó. ⁴ Atima atéro, ai be huluarape dokę kuturaalu, Jerusalem bemó betó mole whį disiraperó *aposel* whįrapetamoné Keriso so whįné wosóló, aqmó beterópóló aseýale fo dosąyóló yó melaté felepó. ⁵ Atéro yó matere fo woseturaalu, ai be hulua dokqmó betó mole Keriso so whį Talené alamó fotokę bualepó. Até dere kilituraalu, mepaae hąle betó mole so whį atima Talepaae kisipa tiraleta yaletéiné be ðętere dokę Keriso so whį fakeraté fu betalepó.

Pol-né nokenaró dere kaaené Masedonia whį kelale fo

⁶ Pol-ró ama fulumu whįrapetamo Esia hae kwiapaae kale fo wisi yó melaté faqsóro Ðei Kepe Wisiné sesé depa taaróló, Frisia hae kwiaró Kalesia hae kwiatamomó maaté yó maté felepó. ⁷ Atéro, atima Misia hae kwiaró Bitinia hae kwiatamo ðąlemó sókó wóló, Bitinia hae kwiapaae faai yaletéi, Yesuné ama dotonale Ðei Kepe Wisiné aipaae faqse yóló sesé yalepó. ⁸ Atétepa, atima Misia hae kwia dekeróló Troas bepaae

derepelepó. ⁹ Atéro, dikitamo Pol-né nokenaró dere kaaené Masedonia whikó wóló kema yóló turaalu, “Dá Masedonia hae kwiamó betó mole so whi tao sene ape,” yalepó. ¹⁰ Até dere ala kolóló, mo ai fapotóróti dá turukó horóló, kale Masedonia hae kwiapaae faairaalu, ɔla ɔla sisóló mulalepó. Ti noatepae, Kótóné mió wosetere kisi fo wisi Masedonia so whipaae yó melale fópóló, dá dotɔtapóló kisipa mualepó.

Lidia Kótópaae kisipa tirale fo

¹¹ Atéro, dá faairaalu Troas bemó wɛi nuku soro Samotres bepaae fóló, aimó fiyalepó. Téro ai hika ti dá Neapolis bepaae felepó. ¹² Neapolis be hulua taaróló Filipai be huluamó sókó felepó. Ai be huluata, kale Rom *Gavman*-né doasi topo be ereteiné Masedonia hae kwia tuámó doi mulapó. Dá ai bemó betepa, mepaae be ɔrape kemeyalepó.

¹³ Saa nóló fo wosetere be ɔmó, dá ai be hulua bopéro betere tipi tuapaae sókó fóló derepelepó. Atéro, tipi aqró fole wɛi fókumó, Juda fake so whiné momaneta dere tiki kelaai felemó, mepaae sorapekélé, wóló betó mupa kelalepó. Atépa, dá doropóló, Kótóné fo yó melaairaalu kaae salepó. ¹⁴ Téro, ai yó matere fo wosetu betere sokó betané doi Lidiapó. Ai so ɔ Taiyatira be whi soné sonaai kuti mepaae so whitamó dotonóló *moni* su beterepó. Ai so Lidia ɔta, Kótó aqmó naameyóló dua bitu, Talené doi soro horótu beterepó. Atére so Pol-né yó mótu betere fo wosópóló, Kótónétei ama hosaa feteralepó. ¹⁵ Atéro, kale sokélé, ɔtamo betámó betere ama fake so whikélé, atima fea wɛi tópuralepó. Atéyale kɔlipaae kale soné ɔapaae duraalu, “Diaaɔ tuénétamo ɛ Talepaae kisipa tiro beterapó depa, ti diɔ sawa be ɔmó ɛtamo betaalopa ape,” yóló dirii fo depa dá ama dere fo wosóló felepó.

Pol-ró Sailas-tamo dipula betemale fo

¹⁶ Me sukamó dá momaneta dere tikipaae felemó, tumó betá wae soro kutó diratere so seimale hokolaa yalepó. Ai sota, dowi kepené fotokɔratepa nalopaae yaaire ala kolóló i ala mo yaalopó dere

fo mo dokonateremó doasi *moni* soro ɔ tɛteróló kaae tare whirapepaae maleta dua yalepó. ¹⁷ Ai so seimalené Pol-sépi dá sya wou fo fake yóló duraalu, “I whirape atimata, Mo ó Taoró daale Kótóné kutó diratere whirapepó. Atimata diɔ mo ti aluyaqsoro tao saaire ala wisi i ape, yóló diɔpaae yó matere whirapepó,” yalepó. ¹⁸ Be ɔtere dokɔ kale soné kale fo kaaetoro du betepa, Pol ɔ hɔtepa fetée wóló dowi kepe foné soro duraalu, “Yesu Kerisoné doimó dapa, yá ai senaale tuámó betteretei taaróló sókó fae,” yalepó. Mo ai fo deretamotoro dowi kepe kale senaale taaróló sókó felepó.

¹⁹ Até dere ala kale senaale talerapéné kilitu, atima take du betale kaae *moni* saai dere tu tikalepó kisipa mualepó. Téturaalu, Pol-ró Sailas-tamopaae doasi fopaae buóló atimaamo naasemó etée soro tawalepó. ²⁰ Atéro, atima soro betero betere whirapetamo fo tekairaalu, so whi ɔla dotonótua dere tikipaae felepó. Atéro Rom *Gavman*-né fo tokóló taleyópóló soro betero betere whirapéné keletómó daalóló duraalu, “Atimaamota, Juda whinétei ɔané be hulua dorópóló disirótu beterapó. ²¹ Atimaamonéta, dá Rom *Gavman*-né yaqse yóló fo muló betere fo tukóló i ala yae yóló yó mótu beterapó,” yalepó.

²² Téro, kale senaale talerapéné dere alamó so whi mo fea atimatamo muni folo, Pol-ró Sailas-tamo só deratere fo du betalepó. Até du betepa, kale fo tokóló tale dere whirapéné susupuratere whirapepaae atimaamoné kuti sokóló biyané fokosói ala yae yalepó. Ti fo depa, atimaamoné deró betere kuti sorokóló taae faróló fokosoi ala yalepó. ²³ Ai ala du betero, *dipula* be kaae tare whiné naase tuapaae mulóló, ɔpaae mo dirii fo yóló duraalu, “I whi tamo botokó faqsoro mo wisiyóló kaae tawae,” yalepó. ²⁴ Téro, kale sekéné yale fo wosóló, ɔ wituraalu kale whi tamo mo be ke tuɔ dolopaae beterafe felepó. Atéro, atimaamo botokó faqsoro ni fake dolopaae hɔleke tamo deróló dulalepó.

²⁵ Atéro bitu, mo dikitamo 12 *kilok* Pol-ró Sailas-tamo Kótópaae wole fo dere

alaró momatamo deté fu betalepó. Atétu betepa, mepaae *dipula* bemó betó mole wh̄irapené wosó tarepó. ²⁶ Téyalemó, mo doakale wii bao wóló be tao sóró worerale tikimó, ai *dipula* be t̄ukélé, h̄aitei turukw̄ę fóló wh̄irape dulótua yale *sein* képirapekélé, fea whaaló yóló h̄aie teraae felepó. ²⁷ Atépa, kale *dipula* be kaae tare diki tare wh̄i turukó holóló kelalemó, *dipula* be t̄u mo fea turukw̄ę fóló mupa kelalepó. Atépa kilitu, ai wh̄irape mo fea dapo dapo yóló fele nisi yóló ama sepakéné ātei ama daai yalepó. ²⁸ Até depa, Pol-né fo fake yóló duraalu, “Naaotei ya doraai kisipa muaq̄se. D̄ata, botokó feni, mo fea i betó mole ape,” yalepó.

²⁹ Ti fo depa, kale diki tare wh̄iné mepaae wh̄irapepaae s̄a sóró ape yóló *dipula* be dolopaae fóló kelalemó, u ere alamó ā Pol-ró Sailas-tamo betere aqmó deraapisa fóló muni dere felepó. ³⁰ Atéró, kale wh̄i tamo dapesó fóló belamó daalo bitu, “Doa wh̄i tamo-ó, ē aluyaqsóró tao s̄póló, noa alakó yaaloé?” yalepó.

³¹ Ti fo depa kale wh̄i tamoné āpaae tokó mótu duraalu, “Ya Tale Yesu Kerisopaae kisipa tiki feteyóló tiratepata, ti Kótóné yākélé, naao fake so wh̄ikélé, mo fea aluyaqsóró tao saalo ai ape,” yalepó.

³² Atéró atimaamoné Talené fo āpaaekélé, ama bemó betó mole so wh̄i feapaaekélé, yó melalepó. ³³ Téró, mo ai dilikitamótóro kale wh̄i atimaamo daale tikimó dowaléyale tiki w̄ei fokoralepó. Atéró mo t̄etitóro kale wh̄i ākélé, ama naale senaale sokélé, mo fea w̄ei t̄opuralepó. ³⁴ Atéró, kale wh̄iné Pol-ró Sailas-tamo ama bepaae dapesó fóló, ɔla melalepó. Téturaalu, kale seké ākélé, ama naale senaalekélé, somakélé, atima fea Tale Kótópaae kisipa tiki tiróló bituraalu, h̄ainé sukóló h̄ekese du betalepó. ³⁵ Téró, h̄ika be d̄etepa, kale fo tokóló tale dere wh̄irapené diki tare wh̄irapepaae duraalu, “Kale *dipula* be kaae tare wh̄ipaae ai kale wh̄i tamo f̄ópólópa, dot̄eyae,” fo ene f̄ópóló dotonalepó. ³⁶ Atéró wóló ai fo depa, kale *dipula* be kaae tare wh̄iné Pol-ró Sailas-tamopaae duraalu, “Kale fo tokóló tale dere wh̄irapené diaamopaae dua wisiyóló

fae yó āló betepa, diaamo fae,” yalepó.

³⁷ Ti fo yalet̄ei Pol-né ai wh̄irapepaae duraalu, “D̄amo kikiti sókó daaróló mo faalo meipó. Ti noa betené mei, d̄amokélé Rom faketaimo touróló doi betamó mole wh̄itei, diaaɔ d̄amotamo fo tokóló wisiyóló taleni, h̄akeamó so wh̄iné keletómó d̄amo h̄aie h̄oko doló sameatamo *dipula* beteralepó. Até yalet̄ei d̄amopaae kikiti sókó daalóló fae dere wisirapóló de? Ai ala wisinipa, mo atimatóro wóló d̄amo sokotepa wisirapó,” yalepó.

³⁸ Ai fo depa, kale diki tare wh̄irape fóló, topo wh̄irapepaae ene felepó. Ai fo woseturaalu, atima kisipané Pol-ró Sailas-tamo kae fake nisi yalet̄ei, Rom faketaimo touró betepapó depa, woseturaalu atima wiyalepó. ³⁹ Atéró atimané Pol-ró Sailas-tamopaae dua naamei fo yóló duraalu, “Diaamo h̄aie f̄ópóló *dipula* sokotapa, i be hulua taaróló dua faasepe,” yalepó. ⁴⁰ Atétepa, Pol-ró Salasitamo *dipula* be taaróló Lidiané bepaae felepó. Atéró fóló kelalemó, aimó Yesu Kerisopaae kisipa tiki tiró betere hamomarape touró betepa kelalepó. Atépa atimaamoné atimapaae Talené ala tuamó diriyóló betepapóló, ketek̄e bulatere fo du betepó atimaamo felepó.

17

Pol-ró Sailas-tamo daai yale fo

¹ Pol-sépi atima Ampipolis be huluaró Apolonia be huluatamomó bosenóló, Tesalonaika be huluamó sókó felepó. Ai be huluamó Juda fake so wh̄iné fo wosetere be t̄enepó. ²⁻³ Téró, ai fo wosetere bemó Pol-né ama dua dere kaae *fula* soremó maaté ā fóló Kótóné fo dos̄ayóló duraalu, Keriso susupu sóró suk̄aitei momó kepaa yalepó fo asemó eretei mo dokonóturaalu, ai yale ape. Ai fo yóló duraalu, yālo dīapaae du betere wh̄i Yesuta, me kaae mei, Kótóné so wh̄i t̄eteróló kaae tanópóló sóró betepó betere Kerisomó dapó du betalepó. ⁴ Mepaae mo turó Kótó aqmó sukóló betó mole Krik fo bole so wh̄i Pol-ró Sailas-tamoné dere fo mopóló kisipa mutu, atimaamotamo muni felepó. Até yale kaae, mepaae doi mole

sorapekélé, mepaae tóróti Juda so whíkélé ai alatóro yalepó.

⁵ Tétepa, Juda whirape dei tué murturaalu, so whi ɔla dotonóló duputua dere tikimó, mepaae dowi ala du betere whirape dosayóló dape siré kweyóló bóe dóló hɔle sɔpóló sesemeratere fo yalepó. Atéro ai whirapené kale whi tamo so whi feané keletómó sɔyóló só faai, kisipa mutu Jeson-né be bopéroló duraalu, “Pol-ró Sailas-tamo aimó betepa ipaae tóɛ derae,” yalepó. ⁶⁻⁷ Ti fo yalemó, kale seké tamo kilinitepa, Jeson-ró mepaae Keriso norapetamo sɔyóló só fóló ai be hulua kaae tare topo whirape betere mó beterele felepó. Atéro betero betepa, so whiné fo fake yóló duraalu, “I hae kwia feamó kuturaalu, so whiné betere ala doraté kutu betere whirape mió imó wóló betepa, Jeson-né dape sóró firó beterepó. Téro, dané topo whi Sisané muló betere fo tukóló, tɛteróló daale topo whi me Yesupó du beterepó,” yalepó. ⁸ Ai fo dere woseturaalu, mo so whíkélé, doasi topo whirapekélé, atima fea ai dere fo bete kóló kóló duraalu, kae kae sekéi kisipa mualepó. ⁹ Atéro, kale topo whirapené Jeson-sépipaae duraalu, diɔ dotɛyaalopa moniné dupu yae depa, atima fópóló dupu yalepó.

Beria bemó yale ala

¹⁰ Téro, até yale dikitamo kale Keriso norapené Pol-ró Sailas-tamo Beria bepaee fópóló dotonalepó. Atéro atimaamo ai bemó sókó fóló Juda whirapené fo wosetere bepaee felepó. ¹¹ Beria whirape atimané dere alata, Tesalonaika whirapené dere ala kaae ini, atimata mo kisipa mulu wisi ala dua yalepó. Beria whirapénéta, Pol-ró Sailas-tamoné yó mótu betere fo wosóló mo doasi hekesetamo keteké buóló i ala dua yalepó. Atimaamoné yó mótu betere fo dono démóló kaae kelaai, betere dokɔ Kótóné fo mole asɛ keletétóro fu betalepó. ¹² Téro, kale Krik fo bole whiraperó Juda so whirapetamo mo turó Talepaae tué tiralepó. Mepaae doi mole Krik sorapekélé, téyalepó. ¹³ Téro, Tesalonaika

bemó betó mole Juda whiné Pol-né Kótóné fo Beria bemó yó mótu beterepó dere fo woseturaalu, atima Beria bepaee felepó. Atéro, fóló Beria so whiné Pol-ró Sailas-tamopaae fopaae buópóló sesemeratere fo du betalepó. ¹⁴ Atei fo wosetu, mo ai fapotóro mepaae Keriso norapené Pol wei fóku seseké fópóló dotonalepó. Téyaletei, Sailas-ró Timoti-tamo ai Beria bemó beterepó. ¹⁵ Atétepa, Beria whiné Pol dapesó fóló, Atenis bemó dotɛyóló atima momó fesaae faaitépa, Pol-né Sailas-ró Timoti-tamopaae ɔ beterepaae hapale ape yae yalepó.

Pol Atenis bemó betale fo

¹⁶ Téro, Pol ai Atenis bemó kale whitamó kaae taru, ai be huluamó whiné aleale kapala kótórɔpe hɔle ɔla kaae yó mupa kilitu, ama kisipa tiki mo doasi seké yalepó. ¹⁷ Até dere ala kilitu, ɔ Juda whiné fo wosetere bepaee fóló bituraalu, mepaae Juda so whiró mepaae Kótópaae winé sukutu, dua betó mole Krik so whitamó atima ai alamó fo kɛlaaraleta du betalepó. Téturaalu, mepaae aimó touróló ɔla dotonótu betere so whitamónékélé be de dere dokɔ fo kɛlaaraleta du betalepó. ¹⁸ Ai be huluamó, doasi kisipare fake tamo Epikurian fakeró Stoik fake-tamo beterepó. Atépa, Pol-né kale mió wosetere kisi foné Yesu ɔ mo ti sukɛletei momó kepaayóló beterepóló yó melóo, ɔpaae kisipa tiki tiratere so whi ɔ kepaatu yale kaae kepaayaalopóló yó melóo, du betalepó. Atéro yó matepa, ai kale fake tamóné ɔtamo fo tokóló só deraai kaae salepó. Ai fakerapekó mepaaené duraalu, hɔko fo du betere whiné noa fokó yaai du bitu derópó yalepó. Mepaaené duraalu i whinéta da kisipa inire kótóné fo er-aaí derópó yalepó. ¹⁹ Tétu betero, kale Areopakus fake tourɛleta dere tikipaae atimané Pol dapesó fóló betero bitu, ɔpaae woseturaalu, naao so whipaae ai yó maté kutu betere kisi fo damale kisipa yaaipa yae. ²⁰ Naao dere fota mo wosókélé ini, kisi fo depa dapa, ai foné bete dapaae hɔkɛaróló yó melaasepé yalepó. ²¹ Atenis be whiró mepaae be torókóló wóló betó mole whirapetamo atima suka

fea mepaaekélé feni, mo hãle betó taru atimané kae kisi ala yaairaaalu dere fokélé yóo, wosókélé yóo, du beterepó.

22 Atépa kale Areopakus whĩrape tourãleta dere tikimó, whĩrape betere kuamó Pol ą disó holóló duraalu, “Ti Atenis be hulua whĩ-ó, diąta, betere dokó mo wisiyóló moma yó tare whĩ betepa, yãlo kelalepó. 23 Dią betó mole tuąmó ę kuturaalu kelalemó, diaaą moma dere kapo fakemó etei kae fo aseýóló muló beterepó. ‘Ita, dąné kisipa inire Kótópaae moma dere kané fakepó,’ erepó. Ti diaaą ą derópóló kóló kóló irutei, ą aqmó dua bitu, momatere Kótó diąpaae i yó matapa wosae.

24 Ai Kótóta, i haeró haemó yó mole ęla ęlatamo fea ama alerapó. ąta ó såró i haetamoné Tale bitu, ęla ęla fea ama teteróló kae tarapó. Térené ąta, mo whĩné naasené teterere moma dere bemó bitinipó. 25 Kótóta Tale betepa, ą mepaae ęla ęla yąyątepa, dąné tao sóró manére? Dą so whĩ beteró betere foró fea ęla ęlatamo dąmó hãle mótu betepapó. 26 Mo take betą whĩnétei, i hae kwia feamó betó mole so whĩ deteyóló fake firópóló Talené ai whĩ aleyalepó. Téturaalu, atima betaaire hae kwiarapekélé, atima betaaire ba fo alikélé, mo fea amatei tukóló muló betepapó. 27 Kótóné atéretei hãle ini, so whĩné ą kekóló kolópóló kisipa muturaalu erapó. So whĩné ą kelaai ketekę butupa, ti mo kelaalo ai ape. ąta dą so whĩ betere tiki saletópaae bitini, dą fea betere felekemó ai betere ape. 28 Ti noatepae, dą betere beteta ą tuąmótóró muluraalu, ama dą fotokę eratepa betepapó. Dią mepaae fo doląatere whĩrapené duraalu, ‘Dąta, ama naale senaale betepapó.’ fo aseýóló muló betepapó.

29 Téreteiné, whĩné naasené aleyóló muló betere *kold kapané ó silpa kapané* ó kaporapené aleale ęlapaaetei, noatepa kótópó du bitu de? Ti Kótóta, whĩné kisipa fosó fosóre alané aleyóló muló betere ęla kae aąnipó. 30 Take betale alimó mokęleyaa yóló bitu du betale alamó, Kótóné kwia tokę menipó. Atétu betaletei mió Kótóné mo doakale fotokęi fo yóló

mulóturaalu, hae kwiamó beteró fale so whĩ mo feané du betere dowi ala taaróló, tuę tiki feteyóló betae fo erapó. 31 Ti noatepa meipó. Betą sukamó Kótóné ama sóró daaló betere whĩné so whĩ mo feané yale ala mo dono tale yópóló ai be dę ama tukóló kae muló betepapó. Até yaairaaalu, ą hãle whĩ nisi yaqsóró so whĩ feané kisipa yópóló ą mo ti sukąletei momó kepaaróló beterepó,” yalepó.

32 A kepaayóló betepapó dere fo wose-turaalu, mepaae so whĩné faleýóló kae kae fo yaletei, mepaae so whĩné duraalu, “Naao ai dere fota, me be dęmó diriyóló wosaalopó,” yalepó. 33 Ai fo depa, Pol ą fo tale dere tiki taaróló felepó. 34 Betą betą whĩ Pol-né yó matere fo mopóló wosóló tuę tiki tiralepó. Atima kuamó kale Areopakus whĩkó Dionisius-ró betą so Damaris-tamokélé, Pol sya wóló, Talepaae tuę tiki tiralepó. Mepaae so whĩkélé tuę feteyóló tiralepó.

18

Korin bemó yale ala

1 Atéró kılıpaae, Pol Atenis be hulua taaróló, Korin be huluapaae felepó. 2-3 Téro, aimó Juda whĩkó Pontus bemó deyale whĩ Akuila betepa kelalepó. Ai sekęta mo dóti Rom *Gavman*-né doasi whĩ Kaladias-né Juda fake terekenatepa ą ama soma Prisila-tamo, Itali hae kwia taaróló walepó. Atépa, Pol ą ai soró whĩtamo beterepaae felepó. Akuilaró soma Prisila-tamo be teterere kuti dokotere soró whĩtamo betepa, Pol ąkélé ai kutó kisipa ereteiné atima fea betąmó bitu, ai kutó diyaai yalepó. 4 Atéró, Pol ą fo wosaae tukóló muló betere be dę dokę fea Juda whĩrapené fo wosetere bepaae fóló, Juda so whĩró Krik so whĩtamo fea betąpaae touróló bitua yalepó. Atéró bitu Talené alamó fo tiki kęlaaróló, Pol-né ama dere ala sya wópóló kisipa muturaalu, Talené ala hąkearótu betaalepó. 5 Téro, Sailas-ró Timoti-tamo Masedonia hae kwia taaróló Korin bepaae wapa, Pol ą kae kae kutó taaróló, Kótóné fo yó matere ala betą yó tawalepó. Pol-né Juda fake so whĩpaae etei fo yó mótu betaalepó. “Yesuta

mo hãle whĩ mei, Kótóné so whĩ fea tẽteróló kaae tanópóló, sóró daaló betere whĩpó,” du betalepó. ⁶ Téyaletei, Juda whĩrapené Pol-né yó matere fo atima kae foné tẽteróló ą doka doka yóló eratere fotei du betalepó. Atétepa, Pol ą turukó holóló ama kuti terepetu duraalu, “Diaaą dowi ala tokóló aluraaire fo wisi depatei, dią wosetere hõ dapó. Take dią doasi sekõi ala supa ti ai yało mei, diaaą yale alanétei dią alu yaalo ai ape. Térené mió ę Juda meire fake so whĩ beterepaae kale fo wisi yó male fulapó” yalepó.

⁷ Téró, Pol ai fo wosetere be taaróló ai felekemó betere whĩ Titius Jastus-né bepaae felepó. Ai sekõta, Kótópaae doasi wituraalu, aqmó dua sukóló betere whĩpó.

⁸ Téró, Juda fakené fo wosetere be kaae tare topo whĩ Krispas-kélé, ama somakélé, naale senaalekélé, atima fea Yesupaae tuę tiki feteyóló tiralepó. Ai sekõné mepaae Korin bemó betere so whĩpaae Talené fo yó male tikimó atima mo fea tuę tiki feteyóló tiratepa, wõi tópurótua yalepó.

⁹ Betą dikitamo nokoné dere kaae Talené Pol-paae duraalu, “Ya wiyóló dua hãle betaąse. Halaainé daalu, kale fo wisi yó matere ala hãle yó tawae. ¹⁰ Ti noatepae, ęta yaątamo betąmó betereteiné me whĩné yaąpaae me dowi ala eróló doraalo meipó. Ai be huluaamóta, ępaae kisipa tiki feteyóló tiraaire so whĩ betereteiné atima feata yało so whĩpó,” yalepó. ¹¹ Talené ąpaae ai fo depa, Pol ai bemó Kótóné fo yó mótu betepa, ba fo betą kemeyóló me ba foné wélié apo miró kemeyalepó.

¹² Kaliota Akaia hae kwia tẽteróló kaae tanópóló Rom *Gavman*-né sóró daaló betere whĩpó. Ama atéró kaae tapa, kale Juda so whĩ mo fea touróló Pol-tamo fopaae buturaalu fo tokóló só deraai dapesó wóló beterelepó. ¹³ Atéró, daapa Pol só deraai Kaliopaae duraalu, “I whĩnéta so whĩpaae Kótópaae momat-uraalu, etéró yae yó mótu, kale ašemó ere fo tukóló kópaae fõpóló dere fotei du beterepó,” yalepó.

¹⁴ Atei fo depa, Pol-né atimapaee tokó matere fo yaai yalemó, Kalioné Juda so whĩpaae duraalu, “Ti i whĩné *Gavman*-né

muló betere fo tikitere ala ó mepaae sawa hãsóko fole ala uąsóró, ti diąné dere fo wosóló fo tokóló tale uąpó. ¹⁵ Téretei, diąné ępaae wosene wouraalu, hãle fomó ó doi deremó maatépó dereteita, dią Juda whĩrapené yóló muló betere fopa, diąsisitei tale yae. Atei alamó yało diąné dere fo taleyóló eraalo meipó,” yalepó. ¹⁶ Ti fo yóló, atima ai fo teketere bemó beteretei belapaae hõkó faralepó. ¹⁷ Ai kale fo tokóló taletere be belamótei kale so whĩné fo wosetere be kaae tare whĩ Sostenes tawóló fokosói ala yalepó. Atétepa, kale kaae tare whĩ Kalioné ai dere alamó fo mekélé ini, hãle ąla nisiyalepó.

Akuila, Prisila, Apolos-sépi atimané yale ala

¹⁸ Pol ą Akuila-sépi somapiti atima ai Korin bemó be dęrape dekéró betalepó. Take ama Tale Kótópaae yóló mulótu duraalu, yało topo niki mió folo hapale tikaalo meipóló mulalepó. Atéró yóló mulale be dę kemetepa, ama topo niki Kenkria bemó tikalepó. Atéró atima faai furaalu, Keriso no nerapepaae kęleó yóló Akuila-ró Prisila-tamokélé atima fea wõi nukumó Siria hae kwiapaae faai felepó. ¹⁹ Atéró, atima Efesus bemó sókó fóló, ai bemó Prisila-ró Akuila-tamo betepa taaróló, Pol ą maaté Juda fakené fo wosetere bepaae fóló, Juda whĩrapetamo Talené ala etérópóló du betalepó. ²⁰ Ai fo woseturaalu, kale so whĩné ąpaae ya dątamo betaalopó depatei, ą fulapó yalepó. ²¹ Atéró, ą faai Juda so whĩpaae kęleó yóló duraalu, “Me sukamó Kótóné ę dią beterepaae wõpóló tę mulatepa, ti momó fesaae wonérapó,” yalepó. Ai fo yóló kale sekę Efesus be taaróló wõi nukumó felepó. ²² Téyóló, Sesaria bemó sókó fóló ai be taaróló, Jerusalem bepaae holóló Keriso so whĩpaae kęleó deté Antiok bepaae derepelepó.

²³ Ai bemó mepaae be dęrape betéró, nalo Antiok be taaróló, Kalesia hae kwiaró Frisia hae kwiatamomó tę mole be hulua dokę feapaae felepó. Atéró kuturaalu, Yesuné ala du betere so whĩrape diri

yóló beterpóló ketekę bulatere fo deté kwęyalepó.

²⁴ Pol ą até deté kutu betepa, betą Juda whįkó Aleksandria bemó deyale whį Apolos Efesus bemó sókó walepó. Ai sekęta, *skul* yóló kisipare whį betereine Talené ašemó ere fo mo wisiyóló kisiparapó. ²⁵ Apolos take mené Talené ala etérópóló ąpaae yó matepa, kisipa iruraalu yó mótu betalepó. ąta, Jon-né węi tópuratere alamaaté kisipa epatei, Yesuné yale ala mo doakale ketekę buóló so whįpaae mo donotóró yó mótu betalepó. ²⁶ Téró, ą Juda whįrapené fo wosetere bepaae fóló mo halaaíné kaae sóró yó matere fo Akuilaró soma Prisila-tamoné wosalepó. Atétu, mepaae fo bete ąpaae mo wisiyóló yó melaairaalu, atimaamoné bepaae dape salepó. Atéró bituraalu, Kótóné fo bete tokóló yó mótu betalepó.

²⁷ Atétu beteró, nalo Apolos Akaia hae kwiapaae faai depa, Efesus Keriso so whįné ą ketekę bulatere fo, Akaia Keriso so whįné ą mo wisiyóló dape sǫpóló, fea fo aseyalepó. Atéró, ai asey sóró węi nukumó fóló malemó, tuę tiki tiró betere so whįné ą mo wisiyóló dape salepó. Aimó bituraalu, Kótóné kǫlené sukutu tao supa, ąpaae tuę tiki tiratere so whį Apolos-né doasi tao sere ala du betalepó. ²⁸ Apolos-né Yesuta hąle whį mei, Kótóné so whį tęteróló kaae tare whįpóló tuę yǫpóló, Juda so whį feané keletómó Kótóné ašemó ere fo yó mótu betalepó. Atéró yó mótu duraalu, “Yesuta, dą fea tęteróló kaae tanǫpóló, Kótóné sóró beteró betere whįpó,” yalepó. Atéró, yó male foné Juda whįrapené yó matere fo tęteralepó.

19

Pol Efesus bemó Kótóné fo yó maletęi

¹ Atéró, Apolos ą Korin bemó betepa, Pol ą du sorokó mole haemó fu beteró Efesus bemó sókó felepó. Aimó, mepaae Talené ala erótu betere whįrape betó mupa kelalepó. ² Atępa atimapaae duraalu, “Dią Yesupaae tuę tiki tirale sukamó, Dęi Kepe Wisi saleé?” yóló wosalepó. Tétepa ąpaae tokǫ mótu duraalu, “Meipó. Dą ai Dęi Kepe Wisi beterpó fokélé wosenipó,” yalepó.

³ Ai fo depa, Pol-né atimapaae momó woseturaalu, “Ti dią noa kaae ala yóló węi tópualeé?” depa atimané duraalu, “Dąta, Jon-né węi tópurale kaae yóló tópuralepó,” yalepó.

⁴ Ai fo depa, Pol-né duraalu, “Jon-né węi tópurale alata, dowi ala taaróló kisipa feteyóló wale so whį tópurótua erapó. Atéró, węi tópurótu duraalu, ę wale kįlipaae betą sekę whį waalopa, di-aaę dowi ala taaróló, ai whįpaae kisipa tirae. Ti ai whįné doita, Yesu ai ape,” yalepó. ⁵ Atima fea ai fo wosóló, Tale Yesuné doimó węi tópualepó. ⁶⁻⁷ Atéró, Pol-né atima tikimó naase mulalemó, kale Dęi Kepe Wisi atima tuąpaae bińi wóló fotokǫratepa, kae kae be foné yóo, Kótóné kǫló whįrapené dere fo kaae yóo, du betalepó. Ai węi tópurale whįrape touróturaalu, 12-rópó.

⁸ Téró, Pol ą Juda fakené fo wosetere bepaae fóló mo halaaíné daalu yó mótu betepa, wélié sore kemeyalepó. Atéró, ai be whį so whįpaae Kótóné tęteróló daale aǫmó mole ala mopóló kisipa muǫpóló, diriiné wisiyóló yó mótu betalepó. ⁹ Téyaletei, mepaae so whį Pol-né yó matere fo wosaalomeipóló dowąae furaalu, hąkeamó Yesu Kerisoné ala eratere fotamo bóe dóló faletu betalepó. Até depa, ai fo wosetere be taaróló Yesuné ala eratere whįrape maaté dapesó fóló, Tiranus-né doasi be dolomó, betere dokǫ fea kale fo wisi bete tokóló kęlaarótu betalepó. ¹⁰ Atętere alata, ba fo tamo tuąmó bituraalu, du betalepó. Atéró, yó mótu betale tikimó Esia hae kwia tuąmó betó mole Juda so whįkélé, Juda meire fake so whįkélé, mo fea Tale Kótóné fo wosalepó.

¹¹ Kótóné Pol fotokǫratepa, mo kae kae kelemei alarape erótu betalepó. ¹² Até dere ala kilituraalu, mepaae kisi daale so whįró dowi keperape tepeyóló betó mole so whįrapetamo wisirǫpóló kisipa mutu, kąanaterę kutiró fosono helekętere kuti kwiatamo só fóló, Pol-né tikimó wolaa yó seneta yalepó. Atéró, ai kuti só fóló kale hepo daale so whįró dowi kepe betere so whįtamoné tikimó olaa dua depa, hepo

wisi yóo, dowi keperapekélé sókó fóo, dua yalepó.

¹³ Atéro, mepaae Juda whirape atimanékélé, kale dowi keperape tepeyóló betó mole whirapepaae duraalu, “Pol-né yó mótu betere whi Yesuné doimó yálo yápaae dapa, yá whi tuámó betteretei, taaróló sókó fae,” dua yalepó. ¹⁴ Téró, Kale Juda whikó so whimó Talepaae momaraterere topó whi Skipané naalemarape weikeró betterepó. Ai naalerape atimanékélé, atei kaae ala du betalepó. ¹⁵ Ai ala du betalemó, betá sukamó i ala yalepó. Kale whiné tiki tuámó tepeyóló betere dowi kepené atimapaee tokó mótu duraalu, “Yesuró, Pol-tamota, yálo tuérapa, diá deé?” yalepó. ¹⁶ Ai fo yóló, kale dowi kepe tepeyóló betere whi kale naalerape tikipaae tųwó horóló, dekei ala yalepó. Atéro mo ti dóló sininóló, kale weikeró whirape atima kutikélé fea sorokóló taae fatepa, sameatamo belapaae tiki daapi hále sókó fóló, botokó dapo dapo yalepó.

¹⁷ Até yalepó dere fo kale Efesus bemó betó mole Juda so whiró Krik so whitamóné wosetu, atima winé sukóló Tale Yesuné doi hale sóró horótu betalepó. ¹⁸ Até deremó, mepaae mo dekeró so whi Yesupaae kisipa tiki tiróturaalu, atimané take du betale dowi alarape so whi feané keletómó Talepaae yó mótu betalepó. ¹⁹ Téturaalu, atimané kale hupu sekaémó isi whirapené dere ala aseýóló muló betere buk-rapemó mole ala sya fu betere whirape atimakélé, mo fea wóló, ai buk-rape sóró wóló so whi feané keletómó si biliráleta du betalepó. Ai buk-rape dupuyale *moni* dokó sóró, 50,000 *silpa kapa moni* né dupuyalepó. ²⁰ Ai alarape yóló, so whi fea Talené fo wosóló fakeróturaalu, hae kwia feapaae ama fo doasi fotokó mo sųralepó.

²¹ Atéyale kilipaae Pol ą Masedonia hae kwiaró Akai hae kwiatamo tuámó teýóló Jerusalem bepaae faai yalepó. Atéro, fóló nalo ti ą u Rom be huluapaae faai kisipa mualepó. ²² Téró, Pol tao sóró kutó diterere whi tamo Timotiró Erastus-tamo Masedonia hae kwiapaae fópóló dotonalepó.

Atéro Pol ama wotoró Esia hae kwia tuámó sawa sukamó kutu betterepó.

Efesus bemó Talené ala eratere whitamó bóe dale fo

²³ Atéyale sukamó, mepaae mo so whirapené Tale Yesu Kerisoné ala eratere so whitamó dei kisipa mutu, kae kae eratere fo yóló bóe daai kaae salepó. ²⁴ Ai be huluamó *silpa kapané* ąla ąla aleterere whiné doi Demitrias betterepó. Ai Efesus be huluamó kapala kótó Atemis-paae moma dere be doasi tēnapó. Kale whi Demitrias-ró mepaae mo betá kaae kutó diterere whirapetamoné *silpa kapa-néte*i, kapala kótó so Atemis sųróló, belekātiki aleyóló mepaae mo so whitamó dotonóló doasi *moni* sua yalepó. ²⁵ Kale whi Demitrias-né ama dere ala kaae du betere whirapekélé, mepaae betá kutónéte, kae kae kutó diterere whirapekélé, tourąle ape yóló duraalu, “Norape-ó, ąané doasi *moni* sere alata, ti i Atemis kótó sųróló aleterere ąlané seretei diaaq ai kisipa ere ape. ²⁶ Kale whi Pol-né i so whi mo fea kópaae fópóló kisipa mutu, mo dere nisiyóló wosópóló i fo yalepó. Whiné naasené aleterere kótórapeta, mo kótó meipó yale fo diaaq wosóo, ąané kolóo, ai yale ape. Ai fota, ąa Efesus be hulua so whipaae maaté ini, Esia hae kwia tuámó betó mole so whi feané ai wosalepó. ²⁷ Pol-né ai dere foné ąa *moni* sere kutómó maaté dumitei ąané fo wosetere bekélé, doasi kótó Atemis sokélé, so whi feané bete muni hále ąla aąróló dorópóló dapó. Take Esia hae kwiamó betó mole so whiné kélé, i hae kwia feamó betóló fale so whiné kélé, ąané kótó so Atemis aąmó sukóló bitu, ąpaae betá momatua yaleté, mió Pol-né dere foné ąané kótó soné doi doróló folokole eraai dapó,” yalepó.

²⁸ Atéro dere fo woseturaalu, so whi fea mo dowi fopaae buóló fo fakeyóló duraalu, “ąa Efesus be hulua whiné kótó so Atemis-ta doasi fotokó bole kótó wisinaalepó,” yalepó. ²⁹ Téró ai be huluamó betó mole so whiné dei tué mutu mo doakale fo whaa du betalepó. Atéro Masedonia be hulua whi tamo Kaius-ró Aristarkus-tamo Talené fo eratere Pol-tamo wóló betepa,

whirape fea fóló kale whıtamo sıyóló só walepó. ³⁰ Atéro kale whı tamo tawóló daaló betere tikipaae Pol ąkélé faai yaleteti, mepaae Yesuné ala eró tare norapené sesé yalepó. ³¹ Ai maaté mei, mepaae Esia hae kwiamó doasiné kuto derópóló sóró betero betere Pol-né ama fulumu whırapené ąpaae so whı touró betere tuąpaae faąse yalepó.

³² Atéro touró betere so whı atima ai wóló betere bete atima kisipa ini, kóló kólóiné betó molepó. Atéro betó muluraalu, mepaaené dere fo kae, mepaaené fo kae du betalepó. ³³ Atétu betepa, Juda whırapené Aleksanda-paae naao diriyóló fo ene fae yóló teté fóló so whı touró betere tikimó daarąle felepó. Atéro fo yaairaalu, ama naase horaleteti so whıné kisiparutei ąta bóe dele ala kaaraterere whı nisi yalepó. ³⁴ Téyaleteti, nalo atimané ą kelalemó Juda whıpa kisipa kilitu, fo fakeyóló duraalu, “Dąné Efesus be hulua so whıné doasi fotoką bole topo kótó so Atemis-póló,” hąle detétóro fu betepa, suka kele tamo kemeyalepó.

³⁵ Atétu beteró, betą *Gavman*-né asęterere kutó dirópóló beteró betere whı, so whı kuamó turukó holóló duraalu, “Ti Efesus so whı-ó, Efesus be hulua so whıné kótó so Atemis-ró ama momaterere betamo tetéróló kaae tatere alata, ti i be hulua so whıné eretei, hae kwiamó betó mole so whı mo feané kisiparapó. Ai kótó Atemis so sıyóló aleale kane faketa, ó hepen-mó i bepaae dorowale ala kisipa inié? ³⁶ Ti aita, mené kapalapóló doraaire ala meipa, dią so whırape bóe dóló hęle sere ala hapale kilitaróló ini, dua betae. ³⁷ Diąné ai dapesó wóló daaló betere whı tamota, dąné momaterere bemó mole ąla ąla ąlémi sóró ó kótó so Atemis doraterere fokélé inipatei, diaaą hąle dapesó wóló daaló ai betere ape. ³⁸ Demitrias-ró ama betą kutó diterere whırapetamoné mepaae whı só deraai kisipa mutepa, ti *Gavman*-né fo tokóló talerópóló sóró beteró betere whırape ai betó mole ape. Ti *Gavman* whırapeta, ai ala yópóló sóró daaló beterapó. ³⁹ Motamo fo mekó yaai kisipa mutepa, ti dąné tukóló muló betere be

dęmó yaalopó. Ti noatepae, dąné yóló mulale fo sya furaalu, ai ala yaalopó. ⁴⁰ Atei kaae doasi bóe dóló foya dere alamó *Gavman* whırapené dąpaae doasi sekęi ala eraalopó. Atéterere alamó *Gavman*-né mo doasi fo mupatei, dąné tukóló ai du betere ape. Atimané dąpaae ai fo noa betené du bitu de? depa, dąné yaaire fo meipó,” yalepó. ⁴¹ Kale ai *Gavman*-né kutó diraterere whıné ai fo yóló kemetepa, atimapaee fae yalepó.

20

Pol Masedonia hae kwiaró Krik hae kwiatampaae fele fo

¹ Téro, kale so whı fo tiki whaa du betaleteti kemetepa, Pol-né Yesuné ala erótu betere whırape tao sóró fotoką bulóló diri eraterere fo yalepó. Atéro atimapaee kęleó yóló, ą Masedonia hae kwiapaae felepó. ² ą ai hae kwia tuąmó Keriso so whı ketekę bulóló fotokąratere fo dekeró yó melaté fóló nalo kemene furaalu, Kirik hae kwiapaae sókó felepó. ³ ą ai bemó betepa, wélié sore kemeyalepó. Atéyóló nalo ti ą węi nukumó Siria haepaae faai yaleteti, kale Juda whırapené ą daalopó dere fo woseturaalu, taaróló momó Masedonia hae kwiapaae hae tųmó faai yalepó. ⁴ Atéro faairaalu, Beria whıkó Pirus naalema Sopatakélé, Tesalonaika whı tamo Aristarkus-ró Sekundus-tamokélé, Derbe whıkó Kaius-kélé, Timotikélé, Esia hae kwiaró wale whıtamo Tikikas-ró Tropimus-tamokélé, atima atéro felepó. ⁵ Téro, ai kale whırape atimapi fóló, Troas bemó Pol-sępi dą kaae tawóló beterepó. ⁶ Atéro dą Juda whırape atimané mara mole ala sya furaalu, fopei *bred* o bula yóló ąla detere be dę kemetepa, węi nuku sóró Filipai be taaróló, Troas bemó mepaae whırapetamo hokolaa yaai furaalu, nuku tómó aporó diki fité felepó. Téro, dą fea touyóló Troas bemó węikeró be dę betalepó.

Troas bemó Yutikus kepaarale fo

⁷ Atéro *fula* kaae sere be dęmó, dą so whı fea ąla naairaalu betąpaae touróló betó mupa, Pol-né ai so whıpaae fo yó

maté fu betepatei, be mo ti dikiralepó. Hika be dętepa ą ai be taaróló me bepaae faai kisipa muturaalu, dilikitamokélé hęle yó maté fu betalepó. ⁸ Dą touróló fo yó mótu betere siki be kemó, sę hęle ęla kaae wolée molepó. ⁹ Aimó betę kokopei whi ama doi Yutikus-ta, dę sókó wóppóló muló betere tųmó bituraalu, Pol-né yó mótu betere fo wosó tarepó. Pol-né ama yó matere fo mo fęlo sįyóló yó maté fu betepa, kale sekę noke kęlené sukutu betalepó. Atéturaalu, kale whi dukó fóló, biliyó salepó. Atéró biliyó saleteita, tamo be ke teraae horóló, sore be kemó yalepó. Téró kale whi biliyó sóró mupa dą doropóló kelalemó, sukóló molepó. ¹⁰ Atépa, Pol ą doropóló Yutikus-né bopé tómó deraapisa fóló mulu, ama naasené apuó sóró duraalu, “Turukó holaaitei kapala asiri ai firapa whaalia ekesé,” yalepó. ¹¹ Téró, Pol ó siki be kepaee momó holóló atima *bred* o kolokóló ęliyóló nalepó. Atéró, kale sekęné fo momó yó maté fu beteró, be dętepa hika ą felepó. ¹² Kale kokopei whi Yutikus momó kepaayóló betepa, whirapené bepaae dapesó fóló atima hosaa muni deyóló hęyóló betalepó.

Pol ą faairaaalu Efesus Keriso whi disirapepaae kęleó yale fo

¹³ Atéró mepaae whirape dąpi folosóró węi nukumó Asosi bepaae faai felepó. Pol-né dąpaae atéró fae yóló, dątamo Asosi bemó hokolaa yaairaaalu, ą hae tųmó felepó. ¹⁴ Dą ątamo ai Asosi bemó hokolaa yóló ą nukupaae dape sóró, Mitilini bepaae felepó. ¹⁵ Téró dą aimó fiyóló, hika ti węi nukumó węiné bopéro daaló betere hae Kios dekeróló felepó. Téró diki me nuku tómó fiyóló ai hika ti dą tuąmó tukóló fóló Samos hae felekemó epa dęró dekeróló felepó. Téró, diki mekélé kale dere kaae nuku tómó fiyóló, ai hika ti dą Miletus bemó sókó felepó. ¹⁶ Atéró Pol ą Esia hae kwiamó kutu betepa suka kele kemeyaqsóró, Jerusalem bemó *Pentikos* be dęmó dere ala kelaai ą ai Efesus be bosenóló mo hapale faai kisipa mualepó.

¹⁷ Atéró dą Miletus bemó sókó fóló bituraalu, Efesus Keriso whi disirapepaae ą beterepaae touręle ape, yó faralepó. ¹⁸ Atima atéró dorowóló betó mupa, atimapaee duraalu, “Ęta, Esia hae kwiamó folosóró sókó wale sukamó kaae sóró wóló, diątamo betąmó bitu yale alarape feata, ti dią feané kisiparapó. ¹⁹ Ęta, so whi aqmó dua sukóló bituraalu, Tale Kótóné ama kutó betę mo keteķę buóló, wole kaapetamo du betalepó. Atéteremó, Juda whirapené ę daairaaalu kemei fo dokotu betaleteita, ai alané ę noa kaae whi beteréro sų sóró kęae kilitu yalepó. ²⁰ Atéatei, Kótóné dią tao saaire fo wisi yęlo hiréni, ę mo hękeamó daalukélé, diąné be dokę dokękélé, Talené fo dią tuę yóppóló yó mótua yaleteti, dią feané kisipa ai ere ape. ²¹ Juda so whipaaekélé, Kirik so whipaaekélé, diąné du betere dowi ala taaróló, Tale Yesupaae kisipa tiróló mo dua betae yóló hękearóló ai yó male ape.

²² Tęrapa, mió kale Dęi Kepe Wisiné Jerusalem bepaae sęyóló dapesó fóló betepa, ępaae noa alakó eraaloró ę tuęnipó. ²³ Be hulua dokę fea fo yó maté kotopa, kale Dęi Kepe Wisiné ępaae duraalu, sekęi alaró *dipula* beteratere alatamo yąpaae eraalo ai ape yale fo betę yęlo kisiparapó. ²⁴ Atérené, ę sukaqsóró yęlo tó tikimó wiyaalo meipó. Tale Yesuné ępaae dirae yóló male kutó betę diróturaalu, so whipaae Kótóné dąpaae yaala sókó furaalu, hęle tao sere fo wisi betę yó maté fóló tukóló muló betere dąlemó sókó faai dapó.

²⁵ Mió yęlo kisipa fatepa, Kótóné tęteróló daale aqmó mole ala dią tuę yóppóló yęlo yó matepa, wosetu betale whirape diaaę yęlo kelepaa momó kae kelaalo meipó. ²⁶ Térené yęlo diąpaae hękearóló i dere ape. Mió i alimó dią tuąmó whi me dené i fo wisi taaróló dowi ala ene fupa, ti aita, ępaae kwia muni diaaętei ai ape. ²⁷ Ti Kótóné ama yaai kisipa mole ala mekó hiréni, mo turó yęlo diąpaae ai yó melale ape. ²⁸ Diąta, Kótóné ama Dęi Kepe Wisiné ama *sipsip* hupu wisiyóló kaae tanóppóló sóró ai beteró

beterapa, ai hupurape wisiyóló kaae taru, diąkélé mo wisiyóló kaae tawae. Yesuné ama sameané dupure Kótóné so whị betą mo dua wisiyóló kaae tawae. ²⁹ I dere fota noa betené dumipó. Ẹ fole sisópaae dowi bete haḡrape dią tuąpaae wóló, Kótóné *sipsip* hupurape dóló nale waalo ai ape. ³⁰ Diąkó mepaae whịné kale Yesuné ala eró tare whịrape dei nópóló eratere alané, kale mo fo wisi kópaae wéróló, dią ąlisóró kae tuąpaae faraalo ai ape. ³¹ Até yaqsóró, dią mo wisiyóló kaae tawae. Atei ala yaairemó dią kisipa muló beterópóló ba fo sore ẹ diątamó bituraalu ai yale ape. Dẹtamokélé, dikitamokélé, yó maté fu bitu woletamo du betalepó.

³² Téro mióta, dią Talené ama kọlené sukuturaalu, haḡle tao sere alané dią wisiyóló tao sópóló i dere ape. Ai fonétei, diaaḡ kisipa tiratere ala fotokqróló, Kótóné ama wisi wisi ọla dią ama kae sóró beteró betere so whịmó ai mótu betere ape. ³³ Yalo diąné *silpa kapa ó kold kapa* ó kutikélé senée yóló au nokole ala inipó. ³⁴ Yalo fotokónétei kutó diyóló, yalo yayḡare ọla ọlakélé, ó yalo fulumu whịrapemókélé mótua yaletai diaaḡ ai tuḡre ape. ³⁵ Yalo ai dua yale alata, ọla ọla fea ḡané naasenétei depe tukó wei ala yóló sirapóló, diaaḡ kolópóló ai yale ape. Até duraalu, mepaae atimanétei kutó diyóló nénire so whị tao sóró haḡle melae. Ti noatepae, Tale Yesuné duraalu, ‘Ọla ọla haḡle tao sóró matere whịné haḡ kisipatamo matere alané matepa sere whịné dere hekesese teḡteró beterapó’ ere fo kisipa muae,” yalepó.

³⁶ Téro, Pol-né ai fọ yóló kịlipaae atima bukutiri teyḡró bituraalu, ama moma yalepó. ³⁷ Atéro ą faaitepa, kale so whị feané Pol apuó taruraalu kọló tukó nóló wole du betalepó. ³⁸ Atétepa, kale sekéné duraalu, yalo kelepaa diaaḡ momó kae kelaalo meipó yale fo kisipa mutu, atima doasi dekené sinitu wole du betalepó. Atétu beteró, atimané ą dapesó fóló, wei nukumó beteralepó.

21

Pol Jerusalem-paae fele fo

¹ Téro, ḡa atimapaee kọleó yóló atima taaróló wei nukupaae bitị fóló weiné bopéróló daaló betere hae Kos felekemó sesekę felepó. Téro furaalu, wei tómó diki betą fiyóló, hịka Rodes hae weiné bopéróló daaló betere tiki felekemó sesekę fóló, Patara bepaae sókó felepó. ² Aimó betą wei nuku Fonisia hae kwiapaae faai fupa, ḡa ai nukumó bitị holóló felepó. ³ Atéro ḡa furaalu, weiné bopéróló daaló betere hae kwia Saiprus hae fẹ naase fakeró epa kele falaté fóló, Siria hae kwiamó teḡne Tair bemó sókó felepó. Ai Tair beta, take ḡané i nukuné sóró wale ọla ọla sorokóló mulaai yale be huluapó. ⁴ Téro, ai bemó mepaae Yesuné ala eró tare whịrape betepa, ḡa atimatamo weikeró be deḡ betalepó. Atéro betepa, ai bemó betó mole whịrape atima Deḡ Kepe Wisiné fotokqratepa, Pol-paae duraalu, yḡ Jerusalem bepaae faḡse yóló seséyalepó. ⁵ Tétu beteró, aimó betaai yale be deḡrape kemetepa ḡa ai be taaróló faai felepó. Atéro faai fupa, kale Yesuné ala eratere whịrape atimané somarape naale senaalekélé, mo fea ḡatamo doropóló wei fóku atikḡa tómó bukutiri teyḡró bituraalu, Talepaae moma yalepó. ⁶ Atétu beteró ḡa faairaalu kọleó yóló ḡa fea aputu beteró ḡa wei nukumó bitị hotopa, atima momó bepaae fesaae felepó.

⁷ ḡa atéro ai Tair be taaróló fóló, Tolemais bemó sókó felepó. Ai bemó betó mole Keriso norapepaaekélé kọleó yóló, be deḡ betą atimatamo betalepó. ⁸ Atéro, hịka ḡa ai be taaróló Sesaria be huluamó sókó felepó. Ai bemó, take atimané so whị ọla taleróló melópóló beterale weikeró whịkó betą Filip beterepó. Ai sekęta, kale mió wosetere kisi fo wisikélé yó matere whị betepa, ḡa ątamo fiyalepó. ⁹ Ai sekéné ama douro senaale seimalerape fea Kótóné fo eratere kọló sorape betó molepó.

¹⁰ ḡa ai bemó mepaae be deḡrape dekeró betepa, Kótóné ama kọló whịné doi Akabas Judia hae kwiaró dorowalepó. ¹¹ Ai whị ḡa beterepaae wóló daalu Pol-né to tao sóró kale sekéné ama naaseró hótamo dokóló duraalu, “Talené Deḡ Kepe Wisiné

i fo dapó. ‘I to taleta, Jerusalem bemó betere Juda wh̄irapené tawóló i ala kaae yóló, Juda meire fakené naase tuámó mu-laalo ai ape,’ yalepó.

¹² Ai fo depa woseturaalu, ðanékelé, mepaae ai be wh̄i so wh̄inékelé, Pol-paae Jerusalem bepaae holaqse yóló sesé yalepó. ¹³ Téyalemó ama ðapaae duraalu, “Diñané noatepa atei kaae alamó wole-u yóló yało hosaa supuréli ala dute? Ẽta, susupuróló *dipula* beteratere alamaaté erópóló Talené ę sóró betenénipó. Ẽ sukutere alakélé yópóló sóró beteró bettereiné yało Tale Yesu Kerisoné doimó Jerusalem bemó sukaii dapó,” yalepó ¹⁴ Ðané ą Jerusalem-paae faqsóró sesé yalemó, ama ðané dere fo woseni, fo kae depa taaróló duraalu, “Ti wisirapa Talené ama yaai tuę mole ala betą yópóló yae,” yalepó.

¹⁵ Atéyale k̄lipaae ðané ọla ọla sisóló Jerusalem bepaae holalepó. ¹⁶ Tétepa, mepaae Yesuné ala eratere Sesaria wh̄irape ða fea touyóló atimané ða Nason-né bepaae dapesó felepó. Nason-ta, Saiprus be hulua wh̄ikó mo taketi Talepaae kisipa tiki tiróló betere wh̄ipó.

Pol Jerusalem bemó sókó wale fo

¹⁷ Atéro ða Jerusalem bemó sókó holalemó, Keriso norapené ða heketamo mo wisiyóló dape salepó. ¹⁸ Atéro, fiyóló h̄ika Pol-kélé, ða mepaaekélé, Jerusalem bepaae Jems kele felemó, ą mepaae Keriso wh̄i disirapetamo beterepó. ¹⁹ Atépa, Pol-né atimapaee k̄leó fo yóló Kótóné ą fotokratepa, amamo Juda meire fake so wh̄ipaae erale ala mo fea yalepó.

²⁰ Tétepa, kale wh̄irapené Tale Kótóné doi hale sóró horótu ąpaae duraalu, “No-ó, Yesu Kerisopaae kisipa tiki tiró betere Juda so wh̄ita, mo h̄ale ọla kaae i betere ape. Ai so wh̄ita, Moses-né asere fokélé eraai mo doakale ketekę bulapó. ²¹ Térapa, mepaae i betó mole Juda wh̄irapepaae metikipaae wale wh̄irapené i fo du beterapó. ‘Pol-né Juda meire fake so wh̄i kuamó betó mole Juda so wh̄ipaae Moses-né asere foné diaaq naalerape tiki sekaę tikae ere taalae yóo, ayarapené mara mole

alakélé, sya faqse yóo,’ deté kutu beterapó depa wosalepó. ²² Térapa, ai alarape mó dere ala nisi yaqsórópa, ða noa ala yaaloé? Atimané ya ipaae wóló beterapó dere fo mo wosaalo ai ape. ²³ Atérapa, ðané tuę mole fo betą i dapa wosae. Ða i betere douro wh̄irape atima Tale Kótópaae dirii malo yóló atimané topo niki tikaalo meipóló muló beterapó. ²⁴ Ai wh̄irapetamo yakélé touyóló fóló atimané Juda so wh̄iné keletómó, yaai dere ala yópóló naaotei atima dupu erae. Atéro atimané topo niki tukóló momatere be dolopaae fupa, ti wisirapó yaalopó. Ai ala depa atimané kilituraalu, i wh̄ita, kale tukóló muló betere fo tikitere wh̄i meipó yaalopó. Téturaalu, naao yalepó dere fomó atima fopaae butu betere ala kapala airapó kisipa muaalopó. Tétu yaata, Moses-né asere fo aqmó sukóló bituraalu, ai fo tikitere wh̄i meipó yaalopó. ²⁵ Téretei me fo i ape. Yesupaae kisipa tiki tiró betere Juda meire fake so wh̄i ðané fo muló betere ọla naqsóró, i fo asęyóló faralepó. Kapala kótópaae moma yaai dele hupu ó na, ó sameakélé, depamó képi duwóló sukunatere hupu ó nakélé, mené so ọlémi nokole alakélé mo yaqse yalepó. Ai forape feata, ða fo dokóló betą tuę muóló atimapaee asęyóló faralepó,” yalepó. ²⁶ Téro, fiyóló h̄ika Pol-sépi atima douro wh̄irape momatere be dolopaae faairaalu, folosóró dua dere alarape yalepó. Atéro fokotere alarape feata, kale tukóló mulale be ðemótóro kemeyaalopóló ali male felepó. Atéro tukóló mulale be ðę sókó wapa, atimamó kale momatere be kaae tare wh̄irapené *sipsip* hupu daalopó yóló mulalepó.

²⁷ Téro, kale weikeró be ðę felekemó kemeyaai deremó, Esia hae kwiamó betó mole Juda so wh̄iné Pol momatere be belamó daapa kelalepó. Atépa, ai wh̄irapené Pol tao taru, mepaae so wh̄i sesemeratere fo yalepó. ²⁸ Atétu, fo fake yóló duraalu, “Israel fake so wh̄i-ó, ða tao sae. I wh̄inéta, hae kwia feamó betó mole so wh̄ipaae yó matere foné ða Israel so wh̄itamokélé, Moses-né asere fotamokélé, ðané momatere

betamokélé, fopaae buópoló bóe delaté kotapó. Téturaalu, ðané mo dowi alakélé, inire be wisi Kirik wh̄rapekélé, ai dapesó wóló daae mole ape. Até dere alané i be doróló folokole ai eratere ape,” yalepó. ²⁹ Atimané ai fo yaleteita, Efesus wh̄jó Tropimus Pol-tamo ai be huluamó daapa kelaletiné Pol-né ai momatere bepaee dapesó fele nisiyóló yalepó.

³⁰ Atéro, fopaae fo doasi depa, Jerusalem so wh̄iné woseturaalu, fea sururu yóló wóló betapaae touróló bóe duraalu, fo tiki whaa du betalepó. Atéu beteró, Pol a moma dere be dolomó betepa, şiyóló só wóló ai be bopéro betere tipí belapaae hokó derólós tu kinalepó. ³¹ Atéro daapa, atimané Pol daai Jerusalem-mó doasi bóe duraalu, fo whaa du betteretei Rom *Gavman*-né diki tare wh̄rapené topo wh̄iné wosalepó.

³² Téturaalu, kale sekéné ama diki tare wh̄raperó mepaae topo wh̄rapetamo atima sururu yóló, ai whaa du betterepaae dorowalepó. Téteremó, ai bóe du betale so wh̄iné doasiró ama diki tare wh̄rapetamo wale ala kilitu, Pol du betaleteti, taalalepó.

³³ Atétepa, kale diki tare wh̄rapené topo wh̄i Pol daale felekepaae fóló duraalu, *sein* képi tamoné ama naase tamo dokae yóló ai so wh̄ipaae woseturaalu, i wh̄i a deé? Ama noa alakó depa yaleé yóló wosalepó. ³⁴ Ai fo deremó, mepaae so wh̄iné dere fo kae yóo, mepaae wh̄rapené dere fo kae yóo yóló, doasi fo tiki whaa yalepó. Atétere foné diki tare wh̄rapené toponé Pol só deratere fo bete wisiyóló wosenipó. Atétepa, kale topo wh̄iné diki tare wh̄rapepaae duraalu, Pol diki tare wh̄rape touróló betere tikipaae dapesó fae yalepó. ³⁵ Téro, Pol diki tare wh̄rapené be hola tó dóló hutu betepa, so wh̄i feané a daairaalu ketekę butu betalepó. Atétepa, diki tare wh̄rapené topo wh̄iné ama diki tare wh̄rapepaae Pol beleyóló sóró holae yalepó. ³⁶ Atétepa, mo turó so wh̄i sya fu bitu, doasi fo fake yóló duraalu, “A mo ti sukópóló dae,” deté fu betalepó.

Pol-né so wh̄ipaae yale fo.

³⁷ Diki tare wh̄rapené Pol atimané be dolopaae sóró faaitepa, ama diki tare wh̄iné topo wh̄ipaae duraalu, “Yalo yátamo me fokó enére?” yalepó. Ti fo depa, kale wh̄iné apaae woseturaalu, “Ya Krik fo bole wh̄ié? ³⁸ Yata, mepaae kemeyale be ðemó 4,000 wh̄rape alísó fóló, so wh̄i bitinire tikimó *Gavman* wh̄itamó bóe daale Isip wh̄i meié?” yalepó.

³⁹ Ti fo depa, Pol-né apaae duraalu, “Eta, Juda fake wh̄i doasi doi mole be hulua Silisia hae kwiamó tene Tarsus be wh̄ikópó. Tétepa, ai so wh̄ipaae yalo fo yaai dapa, naao noa kisipa mute?” yalepó.

⁴⁰ Ti fo depa, topo wh̄iné Pol-paae yae yalepó. Tétepa, a ðisó horóló be hola tómó daalu, naase horóló Hibru wh̄rapené du betere foné yalepó.

22

¹ Téro ama atimapaee duraalu, “Noraperó ayarapetamo-ó, diaaq kisipané eta dowi ala du betere wh̄i nisi yaqsóró, yalo ðiapaae hakeamó i dapa wosae,” yalepó.

² Téro, Pol-né Hibru wh̄rapené du betere be foné deremó, fo tekeni dua betó molepó. Tépa, kale sekéné atimapaee i fo yalepó.

³ “Eta, Juda wh̄itei e deyale beta, ti Silisia hae kwiamó tene be hulua Tarsuspó. Téyaletei, e holóló i Jerusalem bemó doayalepó. Atéro betepa, kale doi mole yó matere wh̄i Kamaliel-né e *skul* yó malepó. Ama e atéro yó móturaalu, kale Moses-né asere foró ðané ayarapené mara mole alatamo mo wisiyóló yó matepa, yalo mo diriyóló kisipa salepó. Atéyale be ðemó, Kótóné ala eraai mió diaaq ai bole ketekę kaae yalokélé yalepó. ⁴ E até du bitu, Yesu Keriso sya fu betere sokélé wh̄ikélé susupuróló mo ti sukópóló daairaalu doakale sekei ala eróló *dipulakélé* betteraleta du betalepó. ⁵ Yalo yale alata, ai so wh̄imó momaratere topo wh̄iró fo tokóló taleraterere wh̄rapetamoné kisipareteiné atima yalo dere fo woseturaalu, mo dapó enérapó. Ai wh̄rapené e Damaskus bemó betó mole nomarapepaae asę sóró fae depa, yalo sóró felepó. Ti ai asęta, Damaskus bemó betó mole

Keriso so whi tawóló Jerusalem bemó susupuróló *dipula* beteraai sóró waaire tu mulópoló yalepó.

⁶ E atéro fu betalemó, 12 kilok felekemó saai depa Damaskus bepaee sókó faai deremó, samó de doasi dorowóló yalo tiki husiralepó. ⁷ Até dereteiné e haepaae dóló taae deróló mupa, ai de tuamó fo fakeyóló duraalu, ‘Sol! Sol! Naa e noatepa, susupuraté kutu bitu de?’ yalepó.

⁸ Tétepa yalo duraalu, ‘Tale-ó, ya né de?’ yalemó, ama epaae duraalu, ‘Eta, Nasaret whikó naao susupurótu betere whi Yesu i ape,’ yalepó. ⁹ Tétepa, etamo wale yalo fulumu whirapené ai de kelaletei, epaae dere fo bete atimané diriyóló wosenipó.

¹⁰ Atétepa yalo epaae woseturaalu, ‘Tale-ó, mió yalo noa alakó yaró de?’ depa, Talené epaae duraalu, ‘Turukó holóló Damaskus bepaee fae. Fóló, aimó naao yaaire ala yalo tukóló muló betereitei, beta whiné yapaae yó melaalo ai ape,’ yalepó.

¹¹ Ai dené yalo kele dilikiraletiné tu fenitepa, yalo fulumu whirapené e naase tawóló alisoró Damaskus bepaee felepó.

¹² Ai be huluamó whi betané doi Ananias e beterepaae walepó. Ai sekéta, Moses-né asere fo mo wisiyóló tueru eró tare whi betepa, Damaskus bemó betó mole Juda so whiné a mo doasi kisipa dotoróe fale whi wisipó du beterepó. ¹³ Ai seké e fire felekemó daane wóló duraalu, ‘No Sol-ó, naao kele fisaae horóló kelae,’ yalemó, mo ai fapotoró yalo kele momó wisiyalepó.

¹⁴ Téró, ama epaae duraalu, ‘Dané ayarapené Kótóné tué mole ala naao tué yópóló ya sóró ai daalale ape. Dowi ala betakélé, inire whi kolóo, ama kolómó sókó wale fokélé, wosóo, yópóló ya ai sóró daalale ape. ¹⁵ Naaota, ama yó matepa kelale alaró wosale fotamo so whi feapaae yó maté kweyópóló erapó. ¹⁶ Térapa, ya noatepa hale bitu de? Yesu Kerisoné doimó naao dowi ala kwia kemerópóló wei tópuai turukó horóló epaae kema yae,’ yalepó.

¹⁷⁻¹⁸ Atéro e Jerusalem be huluapaae wale be demó fo wosetere bepaee fóló moma du betalemó noke kaaené Tale

kelalepó. Atéro ama epaae duraalu, ‘Ya hapale turukó horóló Jerusalem be taaróló fae. Ti noatepae, i Jerusalem bemó atimapaae Yesuné ala etérópóló yó materetei atimanémo wisiyóló wosaalo meipó,’ yalepó.

¹⁹ Ai fo depa, yalo epaae duraalu, ‘Tale-ó, ti mo deretei, ai be hulua so whi atima feané yalo yale ala kolóló kisiparapó. E atimané fo wosetere be dokó feamó yapaae kisipa tiki tiróló betó mole Keriso so whi susupuróló, *dipula* betereitei yaletai atimané mo kisiparapó.

²⁰ Naa ala etérópóló hakeamó yó mótu betere whi wisi Stipen dale sukamó, ekélé daalu a dilapó depa yalo duraalu, ‘Téyae,’ yalepó. Ai whirapené Stipen duraalu, atimané tómó bukóló kotere kutirape e daale tikimó sorokóló mulatepa kaae tawóló daayale whi etórótípó,’ yalepó.

²¹ Téyalemó, Talené ama epaae duraalu, ‘Yalo ya Juda meire fake so whi betó mole be hularape saletópaae dotonatapa fae,’ yalepó.

Pol a Rom Gavman-tamo doi mole whipó yale fo

²² Kale so whi Pol-né dere fo woseté feletei, Juda meire fake so whipaaekélé, yó male fae dere fo woseturaalu, fo fake yóló i fo yalepó. ‘Atei kaae whi imó datamo betaalo meipa, dóló alurae,’ yalepó.

²³ Atéturaalu, atimané tómó bukó mole kutirape sókó mulóló dokómu buó sóró opaae fesekée horóló fo fake du betalepó.

²⁴ Atétepa, kale diki tare whirapené topo whiné duraalu, ‘Doai so whiné fo tiki whaa du betere noatepa déró, ai seké diki tare whirape beterepaae dapesó holóló, halika tikiné fokosoi ala yóló dae. Téturaalu, i dere fo bete noa betené déró epaae wosae,’ yalepó. ²⁵ Tétepa, kale whirapené Pol naasemó bulaakó sóró daaló bitu, halika tikiné fokosoi ala yaai yalepó. Atétepa, Pol-né ai diki tare whirapené topo whipaae duraalu, ‘Rom Gavman-né so whi tuamó doi mole whi fo tokóló tale inipatei, fokosói ala yóló dae fo ere?’ yalepó.

²⁶ Ti fo depa, kale diki tare whirapené topo whiné a kaae tare topo whipaae i

fo yalepóló ene felepó. Atéro duraalu, “I wh̄ta, Rom *Gavman*-né fake so wh̄tamo betamó doi mole wh̄patei du betepa, naao yaai dere ala kisipa faróló yae,” yalepó.

²⁷ Tétepa kale doasi topo wh̄j wóló Pol-paae woseturaalu, “Ȳ Rom wh̄ié,” depa, ama tokó mótu duraalu, “Épó,” yalepó.

²⁸ Ti fo depa kale topo wh̄iné duraalu, “Ȳlo doi Rom fake so wh̄tamo touróló mulaairaalu, doakale *moni*-né dupu yalepó,” yalepó. Ai fo depa Pol-né tokó mótu duraalu, “Ȳta atéretei, ę ti Tarsus bemó deyaletiné Rom wh̄j betepapó,” yalepó.

²⁹ Ai fo depa, woseturaalu, ę daai yale wh̄rape mo hapale h̄kili fóló tumó daane felepó. Kale doasi topo wh̄iné Pol ęta, Rom fake so wh̄j tuamó doi mole wh̄itei *sein* képiné dokirapóló ę witu yalepó.

Juda wh̄rapené Pol-tamo fo tekęle fo

³⁰ Téro, h̄ka be deęepa, kale diki tare wh̄rapené topo wh̄iné Pol daai du betere fo tale yaairaalu, ę *dipula* beteraletei sokóló so wh̄imó momaraterere wh̄rapené topo wh̄raperó, fo tokóló taletere wh̄rapetamo touręle ape yalepó. Atéro wóló betó mupa, Pol dapesó fóló atima betó mole tuamó daalalepó.

23

¹ Atéro, Pol-né kale fo tokóló taletere wh̄rape kaae taru duraalu, “Ȳlo norape-ó, ę take bitiré waletei ȳlo Kótóné keletómó wisiyóló bitiré wouraalu, ama erae dere ala fea eraté walepó. Atéturaalu, mió ȳlo hosaamó me sekę muni, mo dua muni deyóló betepapó,” yalepó. ² Pol-né ai fo depa, so wh̄imó Talepaae momaraterere topo wh̄j Ananias-né Pol-tamo felekemó daae mole wh̄rapepaae duraalu, “Ai sekę folópu derękae,” yalepó. ³ Ti fo depa, Pol-né ępaae duraalu, “Ni bolópaee kęlaa epatei, tó sekaęné wisire nisi dere wh̄j naao dere alamó, Kótóné ȳtei dekę saalopó. Kale ašemó yóló muló betere fo sya furaalu, ętamo fo tokóló taleyaai bitutei naao kólónétei mepaae wh̄paae ę daae dere

foné, kale yóló muló betere fo naotei ai tikitere ape,” yalepó.

⁴ Ai fo depa, mepaae ę felekemó daae mole wh̄rapené duraalu, “Ȳ winié? Naao ai dere foné so wh̄imó momaraterere topo wh̄j faletapó,” yalepó.

⁵ Ti fo depa Pol-né duraalu, “Ȳlo norape-ó, ę so wh̄imó momaraterere topo wh̄j betere ę tuénipó. Ti noatepa mei, ašemó i fo erapó. Dię kaae tare doasi topo wh̄paae me dowi fo yaose, yóló fo moletei ȳlo tuęrapó,” yalepó.

⁶ Ai fo tokóló taletere wh̄rape mepaae Sadyusi fake yóo, mepaae Farisi fake yóo, yóló betepapóló ama kisiparu, Pol-né fo fake yóló duraalu, “Ȳlo norape-ó, ȳlo apata Farisi wh̄j eru ękélé Farisi wh̄pó. Ę fo teketeremó sóró i daalo betereitea, sukęle wh̄j momó kepaayaalopó ere fomó kisipa tiki tiróló ę hajné sukutu betepa, atimané ętamo fo tokóló só deraai ai du betere ape,” yalepó. ⁷ Ai fo depa woseturaalu, kale Farisi wh̄raperó Sadyusi wh̄rapetamo arale sóró atima tuamó tekétamo yalepó. ⁸ Ti noa betené mei, kale Sadyusi wh̄rapenéta, sukutere wh̄j momó kepaayaalo meipóló kisipa mulu, *ensel*-raperó keperapetamokélé bitinipóló kisipa mulapó. Tépatei, Farisi wh̄rapenéta, sukutere wh̄j momó kepaayaalopó dere fo mopóló kisipa yóo, *ensel*-rapekélé betepapóló kisipa yóo, keperapekélé betepapóló kisipa yóo, erapó.

⁹ Até du betepa, Moses-né așere fo yó matere Farisi wh̄rape atima turukó holóló fo fakeyóló duraalu, “I wh̄j tikimó me dowi alakélé, munipatei, dęné ę hęle noatepa só deróló, daai du bitu de? Ama dere alaró dere fotamota, ti *ensel*-né ó kepené yae depa démólópó,” yalepó. ¹⁰ Ai fo du beteró so wh̄j tuamó bukótamo yóló bóe du bituraalu, Pol dóló seį seį yóló ama tiki turukée fóló munępa, kale topo wh̄iné kilitu, Pol-mó whaalia doasi yalepó. Atéru, kale sekęné ama diki tare wh̄rapepaae diaaę fotokótamo doropóló, Pol dapesó atima betere bepaae betereęle fae yalepó.

¹¹ Atéyale dikitamo, Tale Pol beterepaae wóló duraalu, “Pol-ó, até dere alamó ya wi ini, diri yólótei daayae. Atéro bitu, yało ala etérópóló so whj feapaae Jerusalem be huluamó erótu yale kaae, Rom be huluamókélé, mo erále fae,” yalepó.

Pol daai deyatei fo

¹² Téró, ai hika mepaae Juda whjrape atima betapaae tourále wóló, Pol tawóló daairaalu kikiti fo deyalepó. Atéro duraalu, dané Pol a daai hále betepa, da ularó weıtamo naalo meipó. Motamo dané a mo ti dóló aluratepata, ti ıla naalopóló mo dirii malo yóló mulalepó. ¹³ Atéro, Pol daai fo dokale whjrape touróturaalu, whj siki tamo tómó mepaae whjrapekélépó. ¹⁴ Ai whjrape atima fóló, so whjmó momaratero topo whjro whj disi disirapetamopaae i fo yalepó. “Da fo deyóló dirii malo yóló duraalu, dané Pol dupa ti ularó weıtamo naai, mió a hále betepa ti weyóló betaalopó fo yóló mulalepó. ¹⁵ Térapa mió dijanékélé, fo tokóló taleratero whjrape feanékélé, diki tare whjrapené topo whj dilikóló i fo yó falae. Pol-né yale fo bete da mo wisiyóló wosenireteiné da mo diri yóló wosaaipa, dapesó dere ape fo yó falae. Atéteremó a dorowapa, ti tu tuamó melaa yóló daaipó,” yalepó.

¹⁶ Ti fo du betepa, Pol-né ama nema naalemané wosóló diki tare whjrapené bepaae fóló Pol-paae duraalu, “Yaata, atimané tumó melaa muóló daaipó fo ai du betere ape,” yalepó.

¹⁷ Tétepa, Pol-né diki tare whjrape kaae tare whjkó betapaae duraalu, “I naalené dijané topo whjıtamo fo yaai dapa, a dapesó fae,” yalepó.

¹⁸ Ti fo depa, kale whjné kale naale topo whj beterepaae dapesó fóló duraalu, “Kale *dipula* betere whj Pol-né i naale yıtamo yaaire fo mulapa dapesó fae depa, i wale ape,” yalepó.

¹⁹ Tétepa, topo whjné kale naale naasemó tao sóró tu depaae dapesó fóló, kale naalepaae woseturaalu, “Naao epaae noa fo yaai waleé?” yalepó.

²⁰ Ti fo depa kale naalené duraalu, “Juda whjrapené yapaae i fo yaalo ai

ape. Pol-né dere fo bete mo diriyóló wosaaipa, a fo tokóló taletere bepaae dó dapesó dere ape depa, aita mo mei, tumó melaa yóló Pol daai kapala fo ai dere ape. ²¹ Whj siki tamo kemeyóló mepaae tómó beleróló whjrapené a daai tumó melaa muaai du betepapó. Téyaairaalu, ai whjrape atima Pol dóló ti ularó weıtamo naairaalu, mió hále weyóló betepapó yalepó. Atéyaairaalu, atimané yapaae wosetere fomó naao noa fokó deró kelai wosó tawóló ai betere ape,” yalepó.

²² Ai fo depa kale topo whjné kale naale dotonaai, epaae fo mulóló duraalu, “Naao epaae etei fo yalepóló mepaae so whjpaee mo yaqse,” yalepó.

Pol Sisarepaae dipula só fele fo

²³ Ti fo depa, kale topo whjné ama aomó bitu mepaae diki tare whjrape kaae tare whjrapekó tamopaae ape yóló duraalu, “Diaamo fóló 200 diki tare whjrape tale yóló sóró beteróo, *hos* hupu tómó beteró faaire 70 diki tare whjrape sóró beteróo, bóe dele wuti tawóló faaire 200 diki tare whjrape sóró beteróo, dilikitamo 9 *kilok* Sesaria bepaae faai donoróló fae. ²⁴ Atéro faairaalu, Pol betóló faaire *hos* hupukókélé, tale yóló beterae. Atéro diq furaalu, tu tuamó Pol mo wisiyóló kaae taté fae. Atéro dapesó fóló, *Gavman* whj Feliks beteremó sókó fae,” yalepó.

²⁵ Atéro diki tare whjné topo whjné *fas*-mó i fo aseypalepó.

²⁶ “Eta, Kaladias Lisias-né doasi *Gavman* topo whjné Feliks yapaae i dere ape. Ya mo doa kóleó.

²⁷ Juda whjrapené i whj tawóló daaitépa, e yało diki tare whjrapetamo doropóló kelalemó, a Rom fake so whjıtamo doi mole whjpa kilituraalu, dané atimané naase tuamó betepa fasó salepó.

²⁸ Atéro daai depa, noa betené déro yało wosairaalu, Juda fake atimané fo tokóló taleratero whjrape beterepaae dapesó felepó.

²⁹ Téyaaletei, Juda whjrapené fo tokóló taletere tikimó a sukópóló daaire betekélé, ó *dipula* beteraaire betekélé yało kilinitepa dapesó felepó. Juda

wh̄irapené muló betere fo tikitu betepa dapó dere fo bet̄a ȳalo wosalepó.

³⁰ Ai fomótei, atimané ȳ daairaalu kikití fo deyóló tū tūmó melaa muaai dere fo ȳalo woseturaalu, ȳa beterepaae ai dotonaterere ape. Téraapa, atimané ȳ só deratere fo naao keletómókélé ȳópóló, ȳa beterepaae ai dotonaterere ape,” yalepó.

³¹ Kale topo wh̄iné yale fotóro diki tare wh̄irapené sya fóló dikitamotei Pol dapesó Antipatris bemó sókó felepó. ³² Aimó fiyóló h̄ika, mepaae diki tare wh̄irape ti bepaae momó fesaayóló wapa, kale hos hupurape tómó beteró fele wh̄irape bet̄a ti Pol dapesó Sesaria bemó sókó felepó. ³³ Téro, kale diki tare wh̄irape *Gavman* topo wh̄i betere Sesaria be huluamó sókó felepó. Atéro, kale *fas-kélé*, melóo, Pol-kélé, kale topo wh̄iné naase tūmó mulóo yalepó. ³⁴ Tétépa, kale wh̄iné *fas* dos̄ayóló Pol-paae woseturaalu, “ȳa mé hae kwiamó wale wh̄jé?” yalepó. Ti fo depa Pol-né ȳpaae tokó mótu duraalu, “Ȳta, Silisia hae kwiaró wale wh̄kópó,” yalepó. ³⁵ Ai fo depa, kale wh̄iné duraalu, “Ti wisirapa, ȳa só deraai dere wh̄irapené keletómó naao fo bete wosaai atima ipaae wópólópó,” yalepó. Ai fo yóló ama diki tare wh̄irapepaae duraalu “Pol kale Herotné doi mole doasi be wisinaalemó beteróló kaae tawae,” yalepó.

24

Pol Feliks-né keletómó fo tek̄ale fo

¹ Téro aporó be dē kemetepa, so wh̄imó momaraterere wh̄irapené topo wh̄i Ananias-ró wh̄i disirapetamo yóo, me atima tao sóro fo tekenaterere wh̄i Tertulus yóo, yóló atima Sesaria bepaae derepelepó. Atima atéro, kale *Gavman* doasi wh̄ipaae Pol só deraai dere fo yalepó. ² Atéro Pol-paae ape yóló wóló daapa, atimané fo eratere wh̄i Tertulus turukó holóló Feliks-né keletómó Pol só deróló dere fo etéro yalepó. “Doa wh̄i-ó, naao tet̄eróló kaae tare aqmó da me ala ini, hosaa muni deyóló mo dua wisiyóló h̄ajtamo bet̄erapó. Ti noatepae, take da i hae kwia feamó betó mole

so wh̄i h̄oko betalet̄ei, naao da betere ala wisi eraleteiné mió da fea mo dua wisiyóló i betó mole ape. ³ Téro, be hulua feapaaekélé, atimané dere ala feakélé, naao da wisiyóló bet̄erópóló tao sóro bet̄eró bet̄eretei tūeru, ȳapaae mo doa kée yóló dukirótu bet̄erapó. ⁴ ȳa fóturu ȳaqsóro dané ȳatamo doa fo yaai dumitei, i fo sawa bet̄a dapa wosae.

⁵ Ai wh̄inéta, i hae kwia feamó betó mole Juda so wh̄i kuamó bóe d̄ópóló fopaae bulaté kutu bet̄erapó. Atétu, atima kae Nasaret fakepó. Téro Pol ȳta, ai fake so wh̄i kuamó doasi topo wh̄i bituraalu, atima ȳlisó fu bet̄erapó. ⁶ Téturaalu, ama dané moma dere be doraairaalu wapa, dané ȳ tawalepó. ⁷ (-) ⁸ Dané ȳtamo fo tokóló taleyaai dere bet̄eta, naao ai wh̄ipaae mo wisiyóló wosetepa, ti fo fea amatei depa naao kisipa yaalo ai ape,” yalepó.

⁹ Até yóló, Pol só deratere Juda so wh̄iné Tertulus-né dere fo mopó ȳópóló duraalu, “Ai dere fo feata, mo dapó,” yalepó.

¹⁰ Ai fo depa, kale *Gavman* topo wh̄iné Pol-paae naasené yóló ȳpaae naao fo yae depa, Pol-né duraalu. “Naao i hae kwia feamó betó mole so wh̄itamo fo tokóló taletu betepa, doasi ba fo keme yalet̄ei, ȳalo kisiparapó. Téné, mió atimané ȳ só deratere fo tokó móturaalu, naao keletómó ȳ feléi kisipatamo yaai dapó. ¹¹ Ȳ Jerusalem bepaae Talepaae moma yaairaalu fele be demó, kaae sóro mió imó sókó wouraalu, ¹² be dē i kemeterere ape. ȳalo i dere fo mo dépe kapala dutéro naao mo h̄akemó kelenérápó. ¹² Mió ȳ só deraai du betere Juda so wh̄iné ȳ me wh̄itamo moma dere bemó ó fo wosetere bemó ó bela tūmó ó metikimókélé, me wh̄itamo fopaae fo depa, kolóló dumipó. ¹³ Mió atimané ȳtamo fopaae buló só deraai fo tokóló taleyaai deretei, i bet̄ené dapóló fo wisi mekó depa naao wosaalo meipó. ¹⁴ Aténé ȳta, dané ayarapené Kótó aqmó dua bitu, Yesu Kerisoné ala sya i fu bet̄erapó. Atéruraalu Moses-né as̄ere foró Kótóné k̄óló wh̄irapené ere fotamo aqmó sukóló bituraalu, mopóló kisipa tiróló sya fu bet̄erapó. ¹⁵ Ai betó mole wh̄irapené

take waaire alimó Kótóné atimapaee eraaire wisi alamó hajné sukóló biture kaae əkélé mo betə kaae alatóró yóló beterapó. Ti noatepae, wisi ala dere so whíkélé, dowi ala du betere so whíkélé, Kótóné ama kepaaraalopó ereteiné. ¹⁶ Atéreteiné, suka fea mo whjné keke tómókélé, Kótóné keke tómókélé, hosaa tuámó me sekə muni, həkəamó mo donoyóló dua i fu betere ape.

¹⁷ Be hulua dokə fea ę atéro kutu betepa, mepaae ba forape keme deté felepó. Atéro momó ę Jerusalem bepaae wouta, *moni* sóró yolealere so whj tao sóró melóo, Talepaae hęle melatere alakélé yóo, yaairaalu walepó. ¹⁸ Yęlo ai alarape yóló ę moma dere be dolopaae faai yaletēta, kale momaratere be kaae tare whjné ę fopeyóló duraalu, ‘Yę me ala munipa fae,’ depa faai yalepó. ę mepaae so whjrapetamo touyóló betere alakélé, so whj bóe delatere alakélé depa, atimané kilinipó. ¹⁹ Téretei, Esia hae kwiaró wale Juda whjrapené ę só deraai kisipa mutu yaletēiné, atima ipaae wóló naao keletómó ę só derólugsóró ti mo wisi wuępó. ²⁰ Esia hae kwiaró wale Juda whjrape ętamo fo tokóló taleyóló só deraai wenitepata, ti i daae mole whjrapené yęlo yale dowi ala etérópóló déró kelaai atimapaee wosae. ²¹ Atéyale sukamó ę turukó holóló daalu fo fakeyóló duraalu, Kótóné sukutere whj momó kepaaraalopóló kisipa tirateremó atimané ętamo fo tokóló só deraai ai du betere ape,” yalepó.

²² Yesuné tų wisipaae fole ala Feliks-né mo diriyóló kisipa eruraalu, Juda so whjpaee duraalu “Doasi topo whj Lisias ę ipaae dorowapata, ti ękélé, dę fea betámó bituraalu taleyaalopó,” yalepó. ²³ Feliks-né betę diki tare whjrape kaae tare whjpaee duraalu, “Pol wisiyóló kaae tarutei ę bemó tų kinóló beteréni ama fulumu whjrapené mepaae yę yęre ęla ęlakó male wapa téyópoló yae,” yalepó.

²⁴ Téró mepaae be dęrape kemetepa, Feliks ama soma Drusilatamo walepó. Drusilata Juda fake sokó ama omatamo atéro wóló bituraalu, diki tare whjrapepaae Pol dape sene fae depa, dape sene felepó. Atéro wóló bitu,

Pol-né Yesu Kerisopaae tuę tiki tiratere ala etérópóló yó matepa, kale sekęró somatamoné wosetu betalepó. ²⁵ Pol-né atimamopaae Yesuné alamó mo dono yóló fole ala wisiró, tó tikiné dere ala fea dua wisiyóló kaae tatere alatomokélé, take nalopaae betę sukamó Kótóné dęné dere ala fea taleyaaire be dę waalopóló dere fokélé du betalepó. Feliks-né ai dere fo woseturaalu, ę witepa Pol-paae duraalu, “Mió sųpa fae. Take nalopaae me dęmó tę mutepa, ti yęlo yępaae ape yaalopó,” yalepó. ²⁶ Feliks-né Pol-né dere fo wosai ekeęle yóló hękese yaletēta, hęle mei, Pol-né *monikó* melópoló kisipa muturaalu, ama dere fo wosetua, momómo *dipula* betęřleta dua du betalepó.

²⁷ Atéro, ba fo tamo kemeyóló kęlipaae Porsius Festus Feliks betale sirimó sóró beteralépó. Tétepa, Feliks-né Pol *dipula* hęle betęřpóló taaralépó. Aita noa betené ini, kale Juda so whjné tuę tiki felé eraai kisipa muturaalu, betepa taaralépó.

25

Pol Festus-né keletómó fo tekęle fo

¹ Téró, kale whj Festus-né ama tęteróló kaae tawaaire hae kwia tuámó tęne be Sesaria bemó sókó wóló, be dę sore kemetepa ai be taaróló Jerusalem bepaae holalépó. ² ę atéro fóló beterémó, so whjmó Talepaae momaratere topo whjraperó Juda topo whjrapetamoné Festus-paae Pol só deraai fo fea yalepó. ³ Ti fo yóló ępaae woseturaalu “Naao dę feléi kisipa muaire alakó eróturaalu, ai whj i Jerusalem bepaae wópoló, dotonaasepe,” yalepó. Atimané atéro yale fota, Pol Jerusalem bepaae hotepa tųmó melaa yóló daai kisipa mutu yalepó. ⁴ Tétepa kale topo whj Festus-né atimapaee duraalu, “Pol ę Sesaria *dipula* bemó me ala yaęsóró kaae tawóló beterapó. ękélé, imó sawa betóló momó Sesaria bepaae faai asiri horalépó. ⁵ Térapa, diaaę kisipané ai whj tuámó me dowi alakó mupa, ti dię be kaae tare whjrape ętamo Sesaria bepaae fópoló dotonaasepe. Atétepa, ti atimané ama yale ala hękearatepa, ti aimó fo tokóló tale yaalopó,” yalepó.

⁶ Festus  Jerusalem bemó 8 ó 10-ró be dęrape kemetepa ti  Sesaria bepaee derepelepó. Atéro hįka be dętepa, kale whį fo tokóló taleraterere bemó bituraalu, Pol dape só ape, yóló fo tokóló tale yaai yalepó. ⁷ Tétepa, Pol dapesó wóló daapa, Jerusalem beró dorowale Juda whįrape atima Pol daalepaae bopęrale wóló daae molepó. Atępa, atimané tamo fo tokóló taleraterere fo betekélé meipatei, kae kae só deróló dere dowi forape dekéro hęko du betalepó.

⁸ Tétepa, Pol-né atimapaae i fo yalepó. “Ylo atima Juda whįrapené muló betere fo tukóló, ó atimané moma dere bekélé, ó tęteróló kaae tare *Gavman* whį Sisané fo muló betere alakélé, doraterere ala mo inipó,” yalepó.

⁹ Ti fo depa, Festus-né Juda so whįné kisipa felé yópóló kisipa mutu, Pol-paae duraalu, “Fo tokóló taletere ala ylo ó Jerusalem bemó yaalopa, y ópaae honére?” yalepó.

¹⁰ Ai fo depa, Pol-né paae duraalu, “Ę i betere fo tekęterere beta, Sisané fo tekęterere bepó. Térené fo tekęterere ala imótóró depa ti sųrapó. Ai Juda fake whįrapepaae ylo me dowi alakélé eréniretei naao mo kisi-parapó. ¹¹ Ę tumótamo me dowi ala kwia mupa, ti ę ylo yale alamó kwia mótu, sinaaipa, dępóló yae. Téretei, mepaae Juda whįné bete meipatei hle ę só deraai depata, ti mepaae whįné Juda fakené hękesere ala eraai ę mené naase tumó mulaairetei Rom *Gavman*-né ai tų munipó. Térené Rom *Gavman* Sisané ylo fo tokóló taleyópóló Sisa doi dapó,” yalepó.

¹² Atętepa, kale whį Festus  tao su mepaae kisipa matere whįrapetamopi fo betmó yóló duraalu, “Sisané naao fo wosępólópó yóló kisipa mutupata, ti Sisa beterepaae faasepóló dotęyaalopó,” yalepó.

Festus-né Agripapaae Pol-né yale fo du betaletei

¹³ Ai ala yóló mepaae be dę kemetepa, *Kin* Agriparó ama nema Bernais-tamo Sesaria bepaee wóló, Festus  doasi whį sóró betero betereiteiné paae mo kée yóló ekéi fo wisi yaai felepó. ¹⁴ Atimaamo

Sesaria bemó be dęrape dekéro bituraalu, Festus-né Pol-né yale alarape fea yó mótu betalepó. Atéro duraalu, “I whįta, mo take Feliks-né *dipula* beteraleteitóró hle betepa taaló betera-pó. ¹⁵ Take ę Jerusalem bemó betere sukamó so whįmó momaraterere topo whįró Juda whįrape tęteróló kaae tare whį disirapetamo ę beterepaae wóló, Pol só deraaire fo ene walepó. Atéro duraalu, ama yale alamó kwia mótu só derae yalepó.

¹⁶ Ti fo depa, ylo atimapaae duraalu, d Rom fakené fo tokóló tale inipatei, hle susupuraterere ala hęko dumipó. Térapa, di mepaae whįné tamo fo tokóló tale-turaalu, dné keletómó diaaq só deraterere fokélé, ama yale fokélé, depa wosaalopó,” yalepó. ¹⁷ “Atéro kale whįrape d fea wóló, ai hįkatoró fo teketerere bepaee fóló, atimapaae Pol dapesó ape yalepó. ¹⁸ Téro, Pol só deraai wóló betó mole whįrape wóló, i whį etei kaae dowi ala depa dapóló bete mole fokó yaalo nisi yalemó inipó.

¹⁹ Atętepa, atimané Kótópaae moma dere ala kae yóo, Pol-né kale sukle whį Yesu momó kepaayóló betera-pó yóló dere fo kae yóo, dere fomó dóroi yóló dere formaaté wosalepó. ²⁰ Atętepa, ai fo bete wisiyóló keklemó, tų me munipa, ylo Pol-paae y só deraterere fo Jerusalem bemó fo tokóló wosaalopa, y ópaae holaaloé? yóló wosalepó. ²¹ Tęyalemó ama duraalu, Sisané fo tokóló tale erępóló depa,  Sisa beterepaae dotonaairaału węi nuku kaae tawóló i betero betere ape,” yalepó.

²² Ai fo depa, kale *Kin* Agripané duraalu, “Ękélé ama dere fo betekó wosaai dapó,” yalepó. Ti fo depa Festus-né duraalu, “Dó hįka be dętepa ama dere fo bete naao wosaasepe,” yalepó.

Pol Agripané keletómó daayale fo

²³ Atéro hįka be dętepa, Agriparó Bernais-tamo *kin*-né kuti deróló walepó. Atéro wapa, kale *Gavman*-né sóró daaló betere topo whįraperó ai be hulua kaae tare doasi whįrapetamo atima fea wóló touraterere bepaee derepelepó. Atéro betepa, Festus-né diki tare whįrapené doasipaae Pol dape sene fae depa, dapesó

wóló daalepó. ²⁴ Téro, Festus-né duraalu, “Doa *Kin* Agriparó doasi wh̄irapetamo-ó, diḡané i wh̄i kelaē. Juda so wh̄i feanékélé, Jerusalem be hulua so wh̄inékélé, i be wh̄i so wh̄inékélé, ai wh̄itamo fopaae buturaalu, epaae fo tokóló taleyóló só deraai du betere wh̄i ai ape. Tétu, atima fo fakeyóló epaae duraalu, ai wh̄i momó beterópóló meipa mo ti dóló alurae du betere wh̄i ai ape. ²⁵ Yálo kisipa fatepa, i wh̄i tuḡmó ḡ sukópóló daaire betekélé, mo meipó. Téretei amatei, Sisané ama fo wosóló taleyópólópó yaletéiné yálo ḡ Rom *Gavman* Sisa beterepaae dotonaaai yalepó. ²⁶ Té yaairaalu, ḡané doasi topo wh̄ipaae etérápóló asē yaai dere dowi ala kwia mekó yálo kilinipó. Tépatei, yálo ḡale noa fo asē yaaloé? Téreteiné, doa wh̄i Agripa yḡta, ti doasi tēteróló daale topo wh̄ipa, naaotei fo bete donoróló wisiraterē fo wosaai dapó. ²⁷ Ti noatepae, ama yale alarape fea asēmó eróló sóró fupata, ti wisirapó. Aténi, *dipula* wh̄i *Gavman* wh̄i beterepaae ḡale ḡko dotonaterē ala tḡ munipó,” yalepó.

26

¹ Ai fo du beteró kemetepa, Agripané Pol-paae duraalu, “Naaō yale alarape fea naaotei yae,” depa, ama naase horóló atimané ḡ só deraterē mo nisi yaḡsóró, kaae sóró yalepó.

² “Doasi *Kin* Agripa-ó, ai Juda wh̄irapené ḡ só deraterē fo yálo me dowi alakó yalemó dere nisi yaḡsóró, naao keletómó ḡ ḡkesetamo atima dere fo tokó melaai dapó. ³ Ti noatepae, yḡta ḡ Juda so wh̄iné mara mole alakélé, atimané dóroi du betere fokélé, naao mo wisiyóló kisi-parapó. Téreteiné, yálo i dere fo betḡ naao wosaasepóló dapó.

⁴ Ḣ mo take ketemó yálo turuku bemó bituraalu, yale alaró Jerusalem be hulua amó bituraalu yale alarapetamokélé, mió i deté kutu betere alarapekélé, mo fea Juda wh̄irape atima kisi-parapó. ⁵ Ti ḡta mió kisi wale wh̄i mei, take bituraalu yale alarape fea atimané tuḡ ereteiné yálo noa alakó depa, atimané kilitikimó ti atimané enérápó. Kale Farisi wh̄irapeta, Kótóné

ala eraai mo doakale ketekē bole faker-apetamo titiyóló betḡ kutó yale wh̄i ḡ i ape. ⁶ Take Kótóné ḡané ayarapepaae etei ala mo eraalopóló ere fo yálo mopóló kisipa tiraterē alamó atimané mió ḡtamo fo tokóló só deraai ai du betere ape. ⁷ Kale ḡ 12 Israel fakerape dokḡpaae, Tale Kótóné i ala eraalopó yóló mulale fo mo dokonatepa kelaai ḡitamó beterapó. Tétu, ḡtamokélé, dikitamokélé, betere dokḡ fea Kótóné dirae ere kutó betḡ dirótu beterapó. Agripa-ó, ai ala du beteremó ai Juda so wh̄iné ḡtamo ḡletei fopaae buló só deraai dapó yalepó. ⁸ Sukutere wh̄i Kótóné ama momó kepaaróló beteratapó dere fomó, diḡ noatepa sira du bitu de?

⁹ Take yálokélé, ai Nasaret wh̄ikó Yesu Kerisoné doimó du betere ala taalópóló sesé dere ala yaairaalu, yálo tuḡné mo wisi ala nisiyóló ḡ mo doakale ketekē buale wh̄ipó. ¹⁰ Yálokélé ai kaae kisipa mutu, Jerusalem bemókélé, atei alatoró yalepó. So wh̄imó momaraterē topo wh̄irapené Keriso so wh̄i sóró *dipula* beterḡleta yae depa, ai ala dua yalepó. Téturaalu, mepaae so wh̄i mo ti daairaalu epaae wosetepa, yálo ‘Téyaalopa sae,’ dua yalepó. ¹¹ Be ḡ dere dokḡ ḡ Keriso so wh̄i Juda wh̄iné fo wosetere berape dokḡ yóló, betó mole so wh̄i tawóló sóró susupu eraairaalu beterḡleta dua yalepó. Atéturaalu, atimané Talepaae dowi fo yópóló, doakale dowi susupui ala erótua yóló, ḡ doasi fopaae butu, botokó fóló kae hae kwiamó betó mole so wh̄ikélé sya kweyóló susupurótua yalepó.

¹² Yálo até dere alamó so wh̄imó momaraterē topo wh̄irapené yálo dere ala wisirapóló atimané ḡ sóró daalóló Damaskus bepaae dotonalepó. ¹³ *Kin* Agripa-ó, atimané ḡ atéró dotonatepa fu betalemó, tḡ tuḡmó 12 *kilok* sukakelemó sḡmó mo ama kae ḡné ḡkélé, yálo fulumu wh̄irapekélé, ḡ fea daale tiki ḡeralepó. Ti ai ḡta, sukané ḡkélé ai kaae meipó. ¹⁴ Ai ḡnétei, ḡ fea dóló beseké yóló haemó muó molemó, betḡ foné Erameike fo yóló duraalu, ‘Sol! Sol! naao noatepa ḡ susupuraté kutu bitu de? Naaō ai dere alata, kale *bulmakao* hupu ḡkotere wh̄i

dósuyóló nuku dere kae, naao dere alané yátei, susupu saalo ai ape,' yalepó.

¹⁵ Tétepa yálo ɔpaae woseturaalu, "Tale-ó, yá né de?" depa, Talené ɔpaae duraalu, "Éta, naao susupuraté kutu betere whi Yesupó. ¹⁶ Térapa yá turukó holóló, naao hɔleke donoyóló daane holae. Mió ɛ yá beterepaae wóló i daaleteita, yá yálo kutó diratere whi bitu, naao keletere ala yó maté kwɛyópoló sóró beteraale walepó. Téturaalu, nalo yálo ɔpaae me ala yó melaalopó. ¹⁷ Atétu, yá naao fake so whinékélé, Juda meire fake so whinékélé, yá daqsóro ɛ yátamo wusuró betaalopó. ¹⁸ Yálo ɔpaae ai eratere alata, yá fóló kale keke dikire so whi keke fisaae faraalopó. Téturaalu, atima diliki tuámó betereitei taaróló ɛ tuɔpaae waalopó. Atima kale Satan-né tetéroló kaae taretei taaróló, Kótó beterepaae wapa, ti atimané dowi ala yálo tokóló kemeraalopó. Até depata, ti ai so whi ɔpaae tué tiki tiróló betó mole so whi kuamó, betámó beteraalopó,' yalepó.

¹⁹ Térapa, *Kin* Agripa-ó, i dere forape feata, yálo ó hepen bemó noke naró dere kaaené depa kelale ala taaréni, hɔle tué yó tareteiné yálo i fo tukóló me ala enénipó. ²⁰ Ai alarape fea, mo folosóro Damaskus be hulua so whipaaepi yó melóló nalota, ti i Jerusalem bemó betó mole so whipaae yó melale walepó. Téturaalu, Judia hae kwiapaaekélé, Juda meire so whi betere hae kwiapaaekélé, mo fea Kótóné fo tué yópoló yó melaté kwɛyalepó. Dowi ala fea taaróló, tué tiki feteyóló Kótó beterepaae wapa ti tó tikimó dere nisi yaqsóro, mo ala dapó yópoló, naao dere alané hakearae.

²¹ Yálo ai fo yó matere betené Juda whirape wóló moma dere be dolomó ɛ tawóló daai yalepó. ²² Téyaletei, Kótóné ɛ tao sere ala take kaae sale be demó deté waleteti, mió i daale tuámókélé ai alatóro hɔle yó tapa i daale ape. Atéreteiné, mió diá doasi doi mole whiraperó doi munire whirapetamo betó mole tuámó yálo kelale ala i yó mótu betereiteita, me kae kisi fo meipó. Mo take Moses-ró Kótóné kóló whirapetamoné i ala yaalopó ere fo mo dokónótu erale ala i yó mótu betere ape.

²³ Ai whirapené ere fo i ape. Tetéroló kaae tanópoló sóró daaló betere whi Keriso doakale dele sóró mo ti sukɔalotei, momó kepaayóló betaalopó. A atéroló kepaayóló bitu, Kótóné ɛ tao saaire fota, diliki tuámó ɛ erótu betere kaae ama Juda so whiró Juda meire fake so whitamopaae yó mótu betaalopóló erapó. Ai ere fota, mió i yó mótu betere ape," yalepó.

²⁴ Pol-né ai fo deremó Festus-né ama du betere fo tetéroló fo fake yóló duraalu, "Pol-ó, naao ai du betere fota, yá doakale *skul* du betale tikimó naao topo doturaalu ai dere ape," yalepó.

²⁵ Ti fo depa, Pol-né ɔpaae tokó mótu duraalu, "Doa whi Festus-ó, ɛ topo doyóló dumi, mo bete mole fotóro yálo i dere ape.

²⁶ Kale *Kin* Agripané i du betere foraperó dere alatamo bete mo fea ama diriyóló kisiparapó. Atérené wi yóló ini, mo halainé ɔpaae du beteraapó. Ti noatepae, ai ala feata hiyóló yaaire ala meipóló kisipa mutu dapó. ²⁷ *Kin* Agripa-ó, kale Kótóné kóló whirapené ere fo naao dosayóló mopó yóló tué tiki tiróló beteraapóló yálo mo diriyóló kisiparapó," yalepó.

²⁸ Ai fo depa, Agripané Pol-paae duraalu, "Naao ai dere foné miótitoró yálo tué tiki hapale feteyóló Keriso whi beteraaloé?" yalepó.

²⁹ Ti fo depa Pol-né ɔpaae duraalu, "Miótitoró kisipa feteyóló Keriso whi betaai depakélé, me be demó betaai depakélé, ti me ɔla meipó. Téreteiné yálo i dere fota, ɔpaae maaté dumi, mepaae ai daai mole so whi feapaaekélé, ɛ betere kaae betéropóló kisipa mutu, Talepaae moma du beteraapó. Tépateti ɛ i ere kaae *sein* képiné dokotere ala betá erópoló moma erótumipó," yalepó.

³⁰ Pol-né ai fo deremó kale *Kin* Agriparó ama nema Bernais-tamokélé, kale *Gavman* whiné sóró betéro betere whikélé, atimatamo betó mole so whikélé, fea turukó holóló belapaae felepó. ³¹ Atima atéroló belapaae tó ɛ fóló daae muluraalu atimasisi fo tiki kɔlaaróló duraalu, "I whi sukópoló daaire ala ó *dipula* beteraaire ala betekélé munipó," yalepó.

³² Téró, Agripané Festus-paae duraalu, “Ai whiné amatamo Sisané doi yóló ama fo talerópólópó uameisóró, ti mióti fópóló ɣalo dotonólupó,” yalepó.

27

Pol wẹi nukumó Rom bepaee fele fo

¹ Atimané ɗa Itali hae kwiapaae wẹi nukumó fópóló, taleyóló tukóló muló betepa, Pol-tamo mepaae *dipula* whirapekélé, diki tare whirape kaae tare whiné naase tuámó mulóló doteyaai yalepó. Ai kaae tare whi Julias-ta, Sisané ama kae beteró betere diki tare whi doi mole fakekópó. ² Téró, ɗa fóló Adramitium be whiné nukutei Esia hae kwiamó wẹi fóku sesekẹ kotere nuku duló betepa, ɗa sóró felepó. Ai nukumó Masedonia hae kwiamó tene be Tesalonaika be hulua whikó Aristarkus-kélé, ɗatamo felepó.

³ ɗa atéro fóló wẹi tómó fiyóló hika Saidon bemó sókó felepó. Ai bemó nuku daaróló Julias tué wisi muturaalu, Pol ama fulumu whirape betere tikipaae ɗa ɣaɣare ɔlakó melópóló kweyae yóló dotonalepó.

⁴ Téró, ɗa ai Saidon be hulua taaróló felemó, ɗa faaire tikiró doakale besé tiki wouraalu faai dere sunipa, Saiprus hae kwia fakeró wẹi fanoko sesekẹ besé wale tiki kinaté felepó. ⁵ Téró, ɗa Silisia beró Pampilia betamomó mole wẹi kẹla tuámó tukóló fóló, Lisia hae kwiamó tene be Maira bemó sókó walepó. ⁶ Téró ɗa ai bemó sókó fóló, kale diki tare whirape kaae tare whiné Aleksandria be hulua amó Itali be huluapaae faaire nuku duló betepa kelalepó. Atépa, ɗa ai nukumó beteró felepó. ⁷ Téró, ɗa beséné dere alamó dua wóputé fu betepatei, be ɗerape dekéro kemeyalepó. Até deté furaalu, Nidus be kese faté felemó doasi besé tikiné fenénipa, ɗepaae bolokó felepó. Atéro, weiné bopéro daaló betere hae kwia Krit tuámó wẹi fókumó tene Salmone bemó sókó felepó. ⁸ Téró ɗa mo doasi besé tikiné fenénipa, hae duné kinaté mo dua wóputé wẹi fanoko sesekẹ fu betalepó. Téró Lasea be felekemó betɗa wẹi sukóló mulale fale tiki wisinaale doi mole nuku dulótua dere tikimó sókó felepó.

⁹ Atéro, wóputé fu betepatei, be ɗerape dekéro hɗe kemeyalepó. Téró, kale Juda whirapené ɔla weyóló betere be ɗe kemene folepaae, beséro sosóli alitamo felekemó waai yalepó. Atei kaae be demó wẹi tómó nukutamo kotere ala mo wisinipóló kisipa mutu, Pol-né nuku só kotere whirapepaae i fo yalepó. ¹⁰ “Ti be whi-ó, ɗa mió doai sosóli ró besé alitamo tuámó fupata, ti ɗakélé, i nukukélé ɔla ɔlakélé, mo fea tuɗa tikimó aluyaalopó,” yalepó. ¹¹ Ti fo yaletai, kale diki tare whirape kaae tare whiné nuku taleró nuku só kotere whitamóné dere fo wose-turaalu, Pol-né dere fo sisópaae eralepó. ¹² Kale ai wẹi sukóló mulale fale tikimó ɗa sosóli ali kemeyópóló kaae tawóló betaai yaletai sosóliné betenénipa, fo tiki kẹlaaróló tale yalepó. Atéro mo turó whirapené duraalu, ai hae tikimóte me be hulua Finiks-mó betaai faalopó depa felepó. Ti ai wẹi nuku durɗleta dere tiki Krit haeta, *saot-ró west-tamo* upaae ene fóo, *norti-ró west-tamo* ipaae ene wóo epa tuámó erapó.

Doasi besé tikiró hali tikitamo wale fo

¹³ Atima atéro uté *saot-ró fakeró* maaté sawa béi besé wapa, kale nuku duló betere halika teraayóló atima Krit wẹi fóku sesekẹ faairaalu felepó. ¹⁴ Téró atima mo tupaae fenipatei, hasi bosenóló wẹi tómopaae dorowale doakale fotokɔi besé tikiné doi *norti-ist* besé sókó wouraalu kale nuku tao sóró feteraai yalepó. ¹⁵ Ai besé tikiné nuku tao sóró wẹi kulu tuapaae taae fatepa, besé walepaaetei, ɗalesumó hóné sukalepó. Atétepa, ama kẹleaané sóró fópólópó nuku bisiki tao diliki yóló hɗe betó mupa, beséné amatei sóró fu betalepó. ¹⁶ Téró, besénétei sóró fóló weiné bopéroló daaló betere hae kwia Kaoda-mó sókó felepó. Atéro ai hae tikiné kale besé kinóló fanokomó sesekẹ furaalu, kale belekɗamale nuku doasi nukumó dulaaairaalu wolopeté felepó. ¹⁷ Téyale tikimó beséro hali tikitamo wouraalu, fotokóné fenénipa kale nuku sóró doasi nuku tómó beleralepó. Atéro halika tikiné atima betere doasi nuku tekée faqsóró, ó kwiaró a kwiatamomó sɣyóló dokóo, tuámókélé

sɣyóló dokóo, yalepó. Aita nuku hapale hõko furaalu, atikamó dée tane fóló atima doraqsóro wituraalu yalepó. Kale wɛi tómó ama kõleané fõpóló nuku keɣraté fole kuti kwia wɛipaae deróló duralepó. Ai wɛi kulu tuamó tukure halepané doita, Sirtis-pó. ¹⁸ Téró, fiyóló hɣkakélé doakale besé tikiró wɛi asyatamoné dā felekemó sóro deratepa, nuku fé yõpóló ai muó mole ɣla ɣla sóro wɛipaae kaae sóro teraayalepó. ¹⁹ Sore eratere be demó dā mo felekemó alunépa, kale nuku kotere ɣla ɣlatei tao suyóló wɛipaae teraayalepó. ²⁰ Atéru, sukakekélé hõrekélé mo sawa keleni, besé tiki betā hāle wómaaté tapatei be derape dekéro kemeyalepó. Atétepa, dā betaaire kisipa mei, mo sukāaire kisipa betā muóló betó molepó. ²¹ Atére alamó kale be whɣrape atima bitiré wale dokõ ɣlakélé néni, wote siri betó molepó. Atéru, Pol turukó holóló duraalu “Ti be whɣ-ó, take yało Krit hae kwia taaróló faalo meipó yale fo diaaɣ wosuqsóro, ti dā etei kaae seké sóo, diaaɣ ɣla ɣlakélé wɛipaae teraa yóo, wuā meipó. ²² Téretei mió yało diāpaae mo dapó. Dā i betó mole whɣkó wɛimó aluyaalo meipa, betā kisipa muóló faalopa sae. I nuku betā wɛi tuamó doyaalopa dā wi dere ala ini, hosaa diriyóló betae. ²³ Ẹ Tale Kótóné ama kutó dirõpóló sóro beteró betere whɣreteiné, take dilikitamo hepen bemó kutó diratere *ensel* ɛ felekemó daane walepó. ²⁴ Atéro, ɛpaae i fo yalepó. ‘Pol-ó, ya wi yaqse. Kótóné kõlené sukutere ala yałamo mulu, Sisané keletómó daalu fo tokóló tale inipatei, yałó ai nukumó betere whɣrapetamo alu yaalo meipó,’ yalepó. ²⁵ Térapa, ti be whɣ-ó, diā i wɛiné dere alamó wiyóló diri furu furu yaqse. Tale Kótóné ama kutó diratere *ensel*-né ɛpaae yale fo motóro eraalopóló kisipa mutu, yało hosaa muni deyóló hāiné sukóló i betere ape. ²⁶ Téyaalotei, i nuku betā ti wɛiné bopéróló daaló betere hae kwia felekemó tukure halepamó dene fóló doyaalo ai ape,” yalepó.

Wɛi nuku doyale fo

²⁷ Téró, dā Adriatik doasi wɛi kɛla tuamó fu betepatei, 14 be derape ke-

meyalepó. Ai 14 be de dilikitamo 12 *kilok* kale nuku só kotere whɣrapené tuéné mió kale wɛiné bopéróló daaló betere hae kwiapaae felekemó sókó faai dapó kisipa mualepó. ²⁸ Atei kisipa mutu, halepa feleke déro kelaai sawa sekei ɣla deralepó. Téyalemó, wɛi dolopaae doropóló hae olaane derepele dāle dokõ salemó 37 *mita* epa kelalepó. Atéro sawa fóló tumó kale dere kaae momó deróló salemó 27 *mita* epa kelalepó. ²⁹ Atéteremó, kale nuku hapale furaalu, wɛi dolomó daae mole kapomó dene folo dā felekemó doranépa witu, sekei ɣlarape nuku salemó douro duwóló deralepó. Atéro, furaalu, be hapale deɣõpóló moma deté fu betalepó. ³⁰ Kale nuku só kotere whɣrapené wɛiné atima sóro aluraqsóro botokó faaire tu keketu i ala yalepó. Atimané mepaae whɣrape dilikóló atima faai kale sekei ɣlarape nuku topomó duróló deratapóló, belekāmale nukuné halika teraatu betalepó. ³¹ Téyaletai, Pol-né kale diki tare whɣrapené topo whɣró ama diki tare whɣrapetamopaae duraalu, “Ai whɣrape atimatamo i nuku tuamó bitini depata, ti dā fea wɛiné dóló aluraalopó,” yalepó. ³² Atétepa, kale diki tare whɣrapené nuku belekāa tiki duló betere képi wɛi dolopaae turukóló taae deralepó.

³³ Téró be dețeretamo Pol-né ai whɣrapepaae duraalu, “Diā *fula* tamo tuā wɛiné dere alamó aso sókó fóló bitu, ɣla sawakélé olaa yóló bitinipó. ³⁴ Atéyaletéiné mió yało diāpaae ɣla nae yóló se dere fo i dere ape. Diā wotené sukaqsóro fotokõ buõpóló ɣla dekéro nae. Diāta, wɛiné mo betā whɣkókélé aluréní, wisiyóló dua sókó fóló betaalo ai ape,” yalepó. ³⁵ Ai fo yóló kɣlipaae *bred* o bula sóro taru atimané keletómó Tale Kótópaae mo kée yóló kolokó daalu yóló, ā kaae sóro nalepó. ³⁶ Atétere ala kilitu, whɣrape fea hosaa muni deyóló hāıtamo atimakélé sóro nalepó. ³⁷ Dā ai nukumó betale whɣrape dokõ suraalu, 276 whɣrapepó. ³⁸ Atima ɣla nóló kemeróló kelalemó, kale nuku seké epa fé yõpóló *whit* o yorape wɛipaae sóro teraayalepó.

³⁹ Atéro folo, hɣka be dețepa, betā

hae kwia epa kelaletai ai hae tiki atima wisiyóló kisipa inipó. Atéró ai hae kwia ere tikipaae kese faralemó, wēi sukóló mulale fale atikā wisinaale keletēpa aimó nuku dakerāle faalopó yalepó. ⁴⁰ Atéyaaairaalu, kale sekēi ɔlarape duló betere halika tikirape turukóló wēi dolopaae taae deralepó. Téró kale nuku só kotere ni fake dokore halika tikikélé teraayalepó. Kale nuku besēné sóró fópóló duló betere kuti kwiarapekélé, teraayóló mulaletēi, momó ó nuku kwia fójró woloralepó. Atéró, atima wēi fóku atikā tópaae sókó faai felepó. ⁴¹ Téyalemó, kale nuku furaalu, wēi tuāmó sokore halepamó deyóló k̄aae saletikimó tokóló faaitere mo sunipó. Atépa doasi wēi asyané, kale nuku sale mo terekeyóló taae falepó.

⁴² Atétepa, kale diki tare wh̄irapenē *dipula* wh̄irape botokó wēi ɔlaae faqsóró mo fea dóló aluraai tuē mualepó. ⁴³ Té yaai yaletēi, atima kaae tare wh̄iné Pol sinaqsóró kisipa mutu, diki tare wh̄irapenē yaai yale ala sesé yóló taalalepó. Atéró, kaae tare wh̄iné duraalu, diā mepaae wēi ɔlaae fole kisipare wh̄irapeta, ti wēi ɔlaae fae yalepó. ⁴⁴ Mepaae wēi ɔlaae fole ketere wh̄irapeta, ti ai nuku terekée fele ni fake halake dolomó bulóló ɔlaae fua yae depa, atima fea ai fotóró sya fóló, wisiyóló sókó felepó.

28

Pol Malta haemó betere fo

¹ Dā sókó fele wēi fókuta, wēiné bopéró daaló betere hae Maltapó. ² Ai Malta so wh̄iné dā mo wisiyóló dape sóró simó beterelepó. Aita, doasi sosóli ali tuā dolomó hali nale tikimó sosóliné dā sukutēpa, simó tiki dirirótu betalepó. ³ Pol ai felekemó yó mole si detāame betāpaae yóló simó bilirótu beterelepó, wh̄i tukó nokole wuli male si detāame dolomó buói si supumó sókó wóló Pol-né naasemó tukó naalepó. ⁴ Atétepa, kale ai be tale so wh̄iné wuliné Pol-né naasemó fō yó tapa kolóló, atimasisitei duraalu, “Ai wh̄ita, wh̄i dilé kotere wh̄i erurapó. Atétereteiné

dowi ala dere kwia tokó matere kótóné ɔ wēiné dóló aluréni, taaróló mió imó wuliné ai dele ape,” yalepó. ⁵ Tépa, kale wh̄iné ama naase fépo yalemó, kale wuli male si dolopaae taae dere felepó. Até yaletēi, Pol ɔ naase tópuóló dotopo dere alakélé inipó. ⁶ Téró, ai daae mole so wh̄iné Pol-né naase dotopo yóló tóputere ala ó dukó fóló sukutere ala kelaai kaae tawóló daapatei, suka kele doasi keme yalepó. Kale sekē me alakélé initere ala kilitu, atima kisipa tiki momó feteyóló duraalu, i wh̄ita kótóteipó yalepó.

⁷ Téró, Malta hae tēteróló kaae tare topo wh̄i Puplias-né ama hae ai wēi fóku felekemó erepó. Ai sekēné dā ama bepaae mo dua wisiyóló dape sóró kaae tawalepó. Atéró, ɔtamo betēpa be dē sore kemeyalepó. ⁸ Dā atéró beterelepó, kale sekēné alima topo supu dere kisiró diasatamoné sukóló mupa, Pol-né ɔ kēle fóló momaróló naase mulalemó, kale wh̄i wisiyalepó. ⁹ Até dere ala kilitu, ai bemó kisi daayóló muó mole so wh̄i mo fea Pol beterepaae wóló betó mupa, ama wisirótua yalepó. ¹⁰ Atéterē ala kilitu, ai so wh̄iné dā dukiróló doasi wh̄i aɔralepó. Téró, dā ai be taaróló faaitēpa, dā yaɔɔre ɔla ɔla fea atima melalepó.

Pol Rom bemó sókó fele fo

¹¹ Dā ai bemó wélié sore beterelepó faairaalu, nuku kekālepó. Téyalemó Aleksandria wh̄irapenē nuku sosóli ali ereteiné hāle muló betēpa, dā ai nukumó bit̄i felepó. Ai nuku kwiamó, betā be dēmó deale kótó naale tamo Kastaró Poluks-tamo suróló aleale aso dakeró beterelepó. ¹² Téró dā Malta taaróló fóló, me wēiné bopéró daalo betere haemó tēne Sirakus be huluamó sókó fóló, aimó be dē sore daayalepó. ¹³ Atéró, dā ai be hulua taaróló fóló, Resium be huluamó sókó felepó. Aimó fiyóló h̄ika ti dā u *saot* fakeró besé wapa, taaróló fóló tū tuāmó fiyalepó. Atéró fóló, Puteoli be huluamó sókó felepó. ¹⁴ Téró wēi nuku taaróló mepaae Keriso norapenē dā dape sóró atimatamo be dē wēikeró betalepó. Dā atéró beterelepó, nalo ti mo hae tūmó fóló Rom be huluamó sókó faai

felepó. ¹⁵ Téyalemó, Rom bemó betó mole Keriso no nerapené dā wou beterapó dere fo woseturaalu, mepaae so wh̄i atima dātamó hokolaa yaai ɔla dotonóló dupu dere tiki Apius-paae walepó. Mepaae uké wale wh̄irape fiyópóló be sore tēnó betere tikimó hokolaane walepó. Atéyaai mo umó wapa Pol-né atima kilitu, Talepaae mo kée yóló haj yalepó. ¹⁶ Téró dā Rom bemó sókó fóló, *Gavman* wh̄iné Pol ɔ ama wotoró kae bemó beteróló diki tare wh̄i betā ɔ kaae tawóló beterepó.

Pol ɔ diki tare wh̄iné kaae tapatei Talené fo yó maletēi

¹⁷ Téró be dē sore kemetepa, Pol-né Juda topo wh̄irapepaae tourāle ape yóló betó mupa duraalu, “Norape-ó, yało so wh̄ipaae dowi ala mekó erēni yóo, dāné ayarapené mara mole alakélé, dorēni yóo epatei, atimané ɛ Jerusalem bemó hałe tawóló *dipula* beterópóló, Rom *Gavman*-né naase tuāmó i muló betere ape. ¹⁸ Téró, Rom *Gavman* wh̄iné fo tokóló talerālemó, ɛ doló sukunaai dere dowi ala kwia mekó munipa, fópóló dotonaaai yalepó. ¹⁹ Téyaletēi, Juda wh̄irapenē meipa *dipula* beterae dere fomó, yało ti wisirapa Sisané yało fo tokóló taleyópóló Sisa doi yalepó. Yało atéyale alata, yało so wh̄itamó fo tokóló atima só deraai kisipa mutu ini, atimané ɛ haletēi *dipula* beterae depa yalepó. ²⁰ Ai fo haķearóló diāpaae yaairaalu, ape yalepó. ɛ *sein* képiné i dokóló muló betereiteita, kale Israel fake so wh̄i Kótóné tao saalopóló hajtamó betere ala mo dokonale betenē ɛ *sein* képiné dokóló i betere ape,” yalepó.

²¹ Ai fo depa, kale wh̄irapenē ɔpaae duraalu, “Mepaae Judia hae kwiaró wale norapenē naao i dowi ala yalepó yóló, dāpaae *fas* asē yóló ɔlatere ala ó kólóné ene wale alakélé inipó. ²² Atépatei, dāné mió naao kisipa mole fo betā wosaai dapó. Ti noa betenē dumi, be hulua feamó betóló fale so wh̄iné duraalu, dā i fake tuāmó bukótamo yóló kae bit̄i fale so wh̄i dorapó depa dāné wosetu beterapó,” yalepó. ²³ Ai fo ķęlaaraai, atima momó touraaire be

dē tukóló mulalepó. Ai kale tukóló mulale be dē sókó wapa, take folosóró wale wh̄irapetamo mepaae kae wale tikimó, so wh̄i mo fea hałe ɔla kaae Pol betere bepaae wóló touralepó. Atéro betó mupa, Pol-né Kótóné tēteróló kaae tare aǫmó mole ala etérapóló yó mótu, Moses-né asēre foró Kótóné kóló wh̄irapetamoné ere fotamo yó mótu betalepó. Téró ai fo mo dokonóturaalu, Yesu mo ai wale ape yóló hikati kaae soró yó maletēi be dikiralepó. ²⁴ Ai fo woseturaalu, mepaae so wh̄i Talepaae tuē tiki feteyóló tiraletēi, mepaae tuē fetenipó.

²⁵ Atéturaalu, atimasisitei kae kae kisipa muóló foné u só derótu i só derótu du betepa, Pol-né fo kemerótu i fo yalepó. “Dēi Kepe Wisiné diāné ayarapepaae Kótóné ama fo wisi yó móturaalu, Kótóné ama kóló wh̄i Aisaiané kólómó mo fo erapó.

²⁶ ‘Ya fóló, yało so wh̄ipaae i fo yae.

Take diaaǫ yało fo wosaalotei foné bete wisiyóló kisipa muaalomeipó.

Take diaaǫ yało dere ala mo kelené kelaalotei, ai alané bete diaaǫ kisipa yaalomeipó.

²⁷ I so wh̄iné hosaa hapólu eru, atimané wosēliné wosaaireteikélé, mo hapólu rapó.

Atima kelené bete wisiyóló kelaǫsóró kele hukunó beterapó.

Atimané wosēliné wosenalemó, bete wisi wisiyóló wosóo, atimané tuē tekeyóló bete kisipa duraalu, ɛpaae feteyóló wapa, yało wisiróo yaǫsóró hapólu ró beterapó,’ erapó.

²⁸ Térapa, i ala betā diāné tuē muópóló dapa wosae. Kótóné ama mo doasi tao sere alata, kale Juda meire fake so wh̄i beterepaae dotonó betereitei diaaǫ kisipa yae. Térené take ai so wh̄iné wosóló tuē muaalopó,” yalepó. Atimané Pol-né ai dere fo woseturaalu, atima ɔ taaróló faai yalepó. ²⁹ (-)

³⁰ Ba fo tamo tuāmó Pol ɔ betere be amatei, dupu deté fóló beterepó. Atétu, ɔ beterepaae wua dere so wh̄i mo fea wisiyóló dape soró ekei fo dua yalepó.

³¹ Téturaalu, Kótóné tēteróló daale aǫmó

mole alaró Tale Yesu Kerisotamoné ala etérópóló diriyóló halaainé daalu yó mótu beterepó. Ama atéró yó mótu betepa, whi mené sesé dere ala inipó.

Rom

¹ I așeta, Yesu Kerisoné kutó diratere wh̄i Pol-né dapó. Kótóné ama fo wisi yó maté kweyópóló, ă beterepaae ape yóló, ę aposel wh̄i sóró beteralepó. ² Yesu Keriso ă waai teópatei, Kótóné kóló wh̄irapené so wh̄i tao saaire fo wisi waalopóló, yóló mulale fo ama kae muló betere buk-mó aseýóló mulélipakalepó. Ai fota me kae mei, Kótóné ama naalemamó erapó. ³⁻⁴ Ȧ mo tiki daaleteita, ti Depit-né deté wale wh̄iné deyaletéiné erapó. Mo kae beterótu betere Dēi Kepe Wisiné ă Kótóné Naalema mo doasi fotokq bole wh̄ipóló so wh̄i feané kisipa yópóló hăkearaletéita, ă sukăletei momó kepaayale alané eralepó. Ȧ me kae mei, dă țeteróló kaae tare wh̄i Yesu Kerisotórótípó. ⁵ Yesuné ama doi doasi muópóló, Kótóné ăpaae matepa amamo hamokoróló dăpaae aposel kutó melalepó. Atéyaletéita, Juda meire fake so wh̄i fea Yesu Keriso beterepaae wóló, ăpaae kisipa tiki tiróló ama fo aqmó sukóló beterópóló, ai fo yó maté kweyae yóló, dă sóró beteralepó. ⁶ Diăkélé Yesu Kerisoné ă beterepaae ape yóló, ama fake so wh̄itamo touró betereteiné mo ama so wh̄itóró beterapó.

Pol Rom-paae faai yale fo

⁷ Yălo i dere așeta, Rom bemó betó mole Kótóné yaala sókó furaalu ă beterepaae ape yóló, sóró kae beteró betere so wh̄ipaae dapó. Têrapa, dăné Aya Kótóró Tale Yesu Kerisotamoné hamokoróló tao sere alaró hosaa muni deyóló mo dua betere alatamo, diă feapaae erópóló yae.

⁸ Yălo folosóró dere fo i ape. Diă Talepaae tuę tiki tiró beterapóló, i hae kwiamó betó mole so wh̄iné deté fupa yălo wosalepó. Diă fea atéró betepa, ę Yesu Keriso tuămó bitu, ę țeteróló kaae tare Kótópaae mo kée du beterapó. ⁹ Kótóné ala eróturaalu, yălo hosaa tuămó doasi ketekę buóló, ama naalemané fo wisi so wh̄i feané wosópóló i yó mótu betere ape. Ai Kótóné keletómó, betere dokq yălo diă kisipa keteréni, diămó moma hăle eró

taretei ama mo kisiparapó. ¹⁰ Atéró moma deté wou betteretei, mió mo dokonóturaalu ę diă beterepaae wópóló, Kótóné ama tu aleraai kisipa mupa, ti ai ala mo erópóló du beterapó.

¹¹ Dēi Kepe Wisiné ę tuăpaae hamokoróló erale ala wisi diă fotokq buóló beterópóló, yălomo diă melaai ę diă beterepaae mo wonée du beterapó.

¹² Ȧ diă beterepaae wonée du bettereteita, hăle meipó. Diaaq Talepaae kisipa tiki tiró betere alané ę ketekę bulóo, yălo kisipa tiki tiró betere alané diăkélé ketekę bulóo yaai kisipa mutu waai dapó. ¹³ Ne norape-ó, yălo i dere fo diăné kisipa yaasepóló diriyóló wosae. Ȧ mepaae Juda meire fake tuăpaae fóló, Kótóné ala eróló du olerótu yale kaae, diă tuăpaaekélé ai ala eraai kisipa mutu wonée du betteretei mepaae alané sesé deté wóló, miókélé ai alatóró hăle du beterapó.

¹⁴ Ȧta, Krik fo bole wh̄iró kae be fo bole wh̄itamokélé, skul yóló doasi kisipa sere wh̄iró skul ini mo hăle betere wh̄itamopaaekélé i fo wisi yó matere ala Talené ępaae dirae yóló melale kutó ereteiné taaréni, feapaae mo eraai doasi ketekę bulapó. ¹⁵ Atére betené, diă Rom bemó betó mole so wh̄ipaaekélé kale fo wisi yó matere ala ę wini, halaainé yó melaai mo doasi ketekę bulapó.

¹⁶ Ti ai fo wisi tuămóta, Kótóné ama fotokq boleteiné ai fo wosóló tuę tiki tiró betere so wh̄i fea aluyaqsóró, tao saaire fopóló kisipa mutu, ę wini halaainé yó mótu beterapó. Ai fo wisi folosóró Juda fake so wh̄ipaae yó melóló, nalo ti Juda meire fake so wh̄ipaae i yó mótu betere ape. ¹⁷ I fo wisinéta, Kótóné keletómó mo donoi so wh̄i betteratere ala i ape yóló, hăkearóló yó mótu beterapó. Ti ai donoi alata, kaae sóró deté fóló kemene folepaaekélé me alané sumitei, kisipa tiki tiratere alané betă sua sua dapó. Ti aita, așémó ere fo kaaepó. “Mo donoi so wh̄ita, kisipa tiratere alanétóró bitiré faalopó,” erapó.

Kótó fopaae butu erótu betere ala

¹⁸ Têpatei, i haemó betó mole so wh̄iné Kótó betere kisiparutei, bitini nisiyóló

ama fo wosaalo h̄oróló, kae kae du betere dowi alané kale bete mole mo fo wisi aluróló husirótu beterapó. Atétu betepa Kótó hepen bemó bitu, ai dowi alatamo fopaae boletei so wh̄i feané kolópoló, h̄akearótu beterapó. ¹⁹ Ti ama ai fopaae butere alata h̄ale mei, Kótó ̄ etei kaae Tale beterapóló so wh̄iné kisipa yópoló, amatei ̄ h̄akearóló yó mótu betalepó. ²⁰ Mo take Kótóné i haeró yó mole ̄la ̄latamo kaarale alimó kaae sóró bitiré wale so wh̄inékelé, mió i alimó betó mole so wh̄inékelé, Kótó ̄ tuamó ere ala kelené kelenénipó. Tépatéi, ama aleyóló muló betere ̄la ̄la kilituraalu, i ere ̄la ̄la feata, mo ti betere Kótóné doasi fotokóné alerapóló kisiparapó. Atére betené fo tokótamo yóló taletere alimó, Kótópaae ȳa betere kisipa iniru yalepóló, ama kisipa felératere fokélé mo yaalomeipó.

²¹ Ti noatepae, Kótó atimané kisipa irutei, Talepóló ama doi doasi muópoló hale horatere ala ó mo kée dere fokélé dua inipó. Téturaalu, atimané mole tué tikikélé okoko iru, hosaakélé mo tóru yóló diliki yó falepó. ²² Ti atimanétei d̄ata, tué tiki fosó fosó yóló dotoró̄ f̄ale wh̄irape beterapó du betepatei, atima okokoi wh̄i alée fóló beterepó. ²³ Atéru, sukókélé ini, ama kae ere d̄e wisinaale f̄ane Kótó betepatei, kelené kilinipóló taalóturaalu, kelené keletere ̄la ̄latei, Kótó s̄uróló wh̄iné naasené aletua yalepó. Ti ai aletua dere ̄lata, wh̄i ó ba, na, hupu, wuli, aita sukutua dere ̄larapetei s̄uróló aleóló aso daaróló, atimané Kótópóló momatua yalepó.

²⁴ Atétu betale betené atima hosaa tuamó ekele yóló du betere dowi ala mo ti fakeyóló so ó wh̄i hamomatamotei nópu nokole ala du betepa, Kótóné sesé ini, mo ti deté fu beterópoló taaralepó. Atétepa, h̄ale deté fu betale mo sonaalei dowi alané atima tikitei folokoleróló, u dor̄ale i dor̄ale du betalepó. ²⁵ Atéturaalu, Kótóné mo fo wisi taaróló, kapala fotei tao tawalepó. ̄la ̄la fea aleyóló muló betere Tale betepatei ̄ aqmó sukóló bitini, ama aleyóló muló betere ̄la suka, kósupó, hupu, na, hasi, ni atimané talepóló aqmó

sukóló bitu, ai ̄la ̄lané h̄ekesere ala eróló momatu betalepó. Ai ̄la ̄la feata, Kótóné aleóló muló betereteiné ama doi bet̄a hale sóró horóló, mo kée fo du betenér̄apó.

²⁶ Atima atei ala h̄ale du betepa, mepaae mo sonaalei dowi alakélé ekele yóló h̄ale deté fu beterópoló, Kótóné seséni taaralepó. Sorape atima wh̄itamo dere ala taaróló, so hamomatamotei dowi ala du betalepó. ²⁷ Soné ai dere ala kaae, wh̄irapenékélé sotamo dere ala taaróló, wh̄i hamomatamotei yaaire dowi ala atimané hosaa tuamó si kaae dukuraalu, ekele yóló du betalepó. Wh̄iné yópoló Kótóné muló betere donoi t̄u mupatei taaróló, wh̄i hamomatamotei sonaalei ala du betaletéimó, Kótóné matere dowi kwia atimané tikimótóro su betalepó.

²⁸ Ai ala tómó, Kótó ̄ etei kaae Tale beterapó tué ini, h̄ale ̄la nisiyóló taae faraletéiné atima mo okokoi tué mulóló, ené inire ala h̄oko deté fu beterópoló taaralepó. ²⁹ Atétepa, du betale dowi ala atima tuamó f̄ayóló s̄uraletéi i ape. Donoi ala ini, h̄oko dere alakélé, so nópu nokole alakélé, ̄la ̄la mo dekéro senée dere alakélé, mepaae dere sonaalei dowi alakélé, h̄ale yó tarepó. Téturaalu, mepaae wh̄iné mole wisi wisi ̄la ó du betere alakó enée yóló dei tué mutereteikélé, wh̄i dele alakélé, h̄ole sere alakélé, wh̄i dilikitere alakélé, me wh̄ipaae dei kisipa mutere alakélé, betere dok̄ h̄ale yó tarepó. ³⁰ Tétu me wh̄i kikití eratere fokélé, mo h̄akeamó yóló sininatere fokélé, Kótó h̄oróló b̄oe dele alakélé, fo wosóló aqmó bitini, dow̄aae fole alakélé, nene duraalu bopé faketeré alakélé, me wh̄iné amatei ̄ doi sóró horatere alakélé, h̄ale du beterapó. Aita atimané tuénétei kae kae dowi ala kaaróo, hama alimané dere fokélé woseni dow̄aae f̄oo, duraalu dapo. ³¹ Tétu, wisi tué mutere alakélé, kisipa tiki tiratere alakélé, yaala sókó fole alakélé, k̄olené sukutere alakélé, atima tuamó mo munipó. ³² Kótóné ama mo donotóro taleturaalu, atei kaae ala du betere so wh̄ita, mo ti sukópoló dae ere fo atimané tué irutei, dowi ala h̄ale yó tawóo, atei kaae ala du betepa mepaae

whjné kilitu, ai alata mo wisirapa yae yóo du beterao.

2

Kótóné fo tokóló mo donotóro taletere ala

¹ Atérapa, diã mepaae so whjné du betere ala taleyóló só derótu betere so whj-ó, fo tokóló taletere sukamó diã hãsóko faai kisipa mutu, me fo tokó matere alakélé mo yaalomeipó. Ti noatepae, atima du betere ala kaae diaaokélé du betereiteiné, atima só deróturaalu diãkélé ai só derótu betere ape. ² Ai ala du betere so whjta, Kótóné hãle hõko taleyóló só deréni, atimané mo yale ala Kótóné mo donotóro taletu betereitei ðané kisiparapó. ³ Diã mo whjné mené dere ala taleyóló só derótu betere-a, atimané ai dere ala kaae diaaokélé du betepa, Kótóné mo donotóro taletere tuãmó diãkélé hãsóko faalopóló de? ⁴ Meta, Tale ã mo wisi alatóro erótu betere Kótó bitu, diã hãsóko fóló dowi ala depa kwia hapale tokó meni yóo, diã tũ wisipaae fõpóló kaae taté fóo, du betere ala diã kisipani, hãle õla kaae aqórolo faletu betere? ãta wisi alamaaté erótu betere Tale ereteiné, diã dowi ala taaróló tũ wisipaae fõpóló, kaae taté fu betere ala diaaok kisipa ini airapó?

⁵ Tépatéi diaaok hosaa tãru, dowãae fóló dowi ala hãle yó taremó Kótó ã fopaae butu, kwia melaaire ala diaaokteitei betãpaae yóló muté ai hutu betere ape. Atéro kwia matere alata, ama mo donoyóló taletere ala hãkearaterere be ðemó yaalopó.

⁶ Kótóné asẽmó i fo erapó.

“Betã betã so whj atimané yale alamó Kótóné kwia mo donotóro melatepa saalopó,” erapó.

⁷ Mepaae so whjné wisi alatóro hãle yó taru, Kótóné ama kae ere ðe wisi-naalekélé, wisi doi muaaire alakélé, ãtamo betãmó betó tawaaire alakélé, senée yóló wóputu betere so whjãpaae Kótóné mo ti betere bete melaalo ai ape. ⁸ Téretei, mepaae so whj kale mo fo wisi wosóló aqmó bitini, atimatei hẽkese yaaire dowi ala sya fóló, du betere

so whjãtamo Kótó ã fopaae butu, kwia melaalo ai ape. ⁹ Atéturaalu, dowi alatóro du betere so whj fea dei fomaake kisipa muópóló, Kótóné sekẽi ala folosóro Juda fake so whjãpaae eróo, nalo ti Juda meire fakepaae eróo, yaalopó. ¹⁰ Téyaalotei, wisi ala du betere so whjãpaae ti Kótóné ama kae ere ðe wisinaalekélé, wisi doi muaaire alakélé, hosaa muni deyóló dua betere alakélé melaalopó. Ai alata, folosóro Juda fake so whjãpaae melóló, nalo ti Juda meire fakepaae melaalo ai ape. ¹¹ Ti noatepae, Kótó ãta me fake so whjãpaae wisi ala eróo, me fakepaaemo dowi ala eróo dumi, mo betã kaae alatóro erótua dapó.

¹² Mepaae so whj Kótóné ama tukóló muló betere fo tuẽ inipatei, dowi ala du betepa, ti ai tukóló muló betere fo hãle mupatei, Talené atima só deróló mo ti aluraalopó. Atétere kaae, mepaae so whj fea Kótóné ama tukóló muló betere fo tuẽ irutei, dowi ala du betepa, ti ai tukóló muló betere fonéitei só deraalo ai ape. ¹³ Ti noatepae, Kótóné ama tukóló muló betere fo hãle wosetu betere so whjãpaae mo donoi so whjópó yaalomeitei, sya fóló erótu betere so whjãpaae ti mo donoi so whjópó enérápó. ¹⁴ I dere fota mo dapó. Juda meire fake so whjãpaae kale tukóló muló betere fo mené dosãayóló yó meni, atima kõleaanéitei ita wisi alapó, ita dowi alapóló tuẽpa, ti Kótóné ama tukóló muló betere foné eraaire ala atimané hosaa tuãmó asẽretei hãkearatapó. ¹⁵ Atéturaalu, atimané me dowi ala depa, ti hosaa tuãmó atimatei só deróo, me sukamó yale ala tuẽnéitei talerãlemó, me ala yale kisipa munitépa, ti atima só derénipó kisipa muóo, dua dapó. Atétere alané Kótóné i ala yae, i ala yaqse ere fo atima hosaa tuãmó asẽretei hãkearatapó. ¹⁶ Ti ai alata, Kótóné so whj feané hosaa tuãmó hiróló mole alarape taletere be ðemótóro Kótóné Yesu Kerisopaae tale yae depa, amamo tale yaalopó. Kale fo wisi yãlo yó móturaalu me fo kae dumi, ai fotóro yó mótu beterao.

Kótóné tukóló muló betere fo Juda fake atimanékélé tikitua dapó

17 Térapa, diã Juda fake so whi-ó, yało i dere fo mo wosae. Diaağ kisipané diãta, Juda fake bitu, kale tukóló muló betere fopaae tuę tiki tiróló, Kótótamo fulumu yóló betamó betere so whipóló bopé faketu bitu de? 18 Kale tukóló muló betere fo tuamó mo bete mole foró doasi kisipare alatamo diaağ diriyóló kisipa sóró, Kótóné ama yaai kisipa mole ala betekélé sumó tuęruraalu, kae kae ala fea taleyóló, mo bete alata i ape du betere? 19-20 Ti diã feata, Kótóné tukóló muló betere fo tuamó bete mole alarape fea bulapóló kisipa mutu, kele dilikire whirape ałisóró fóló tu yó melóo, diliki tuamó betere so whi demó beterópóló dęróo, okokoi kisipa mole so whi donotare ala yóo, keteirape yó matere whi betóo erapó du bitu de? 21 Ti diãné ai yó mótu betere fo-a, diaağkélé sya fóló du bituraalu de? Diãné mepaae so whi ma duraalu, qlémi nağse du betere-a, diãkélé qlémi nukumié? 22 Diaağ mepaae so whi ma fo duraalu, nópu nağse du betere-a, diãkélé nópu nukumipóló de? Diã kapala kótópaae moma yaai aleale ęła hórótu betere so whi-ó du betere-a, diã momatere bemó muó mole ęła qlémi sinituraalu de? 23 Diã kale tukóló muló betere fo tuęrapóló bopé faketu betere so whi-ó, diaağ ai ere fotei tukóló, Kótóné doi folokoleróló dorótumié? 24 Diaağ du betere alata, ašemó i ere fo kaaepó.

“Diaağ du betere alané Juda meire fake so whi tuamó Kótóné doi wisi mo ti doró beterapó,” erapó.

25 Kale tukóló muló betere fo sya fóló erótu bitutamo, tiki sekağ tukóló sirótu betepa, ti bete mulapó. Tęni, kale tukóló muló betere fo sya feni tikitu betepa, ti tiki sekağ tikinire whi ağrapó. 26 Téretei, mepaae tiki sekağ tikinire whiné kale tukóló muló betere fotamo sya fóló erótu betepa, ti tiki sekağ tikire whiné dere ala kaae yaalo meipóló de? 27 Atępapa, diã tiki sekağ tukóo, kale tukóló muló betere fokélé tuę yóo irutei, ai fo tikitu betepa, ti tiki sekağ tikinirutei kale tukóló muló betere fo sya fóló erótu betere whirapená diã só deraalo ai ape.

28 Mepaae Juda fake whi hałe tó tikiné

maaté dąta, Juda fakepó du betepa, ti ai whi ą mo Juda fake whi meipó. Ti mo tó tiki sekağ tikitu betere alata, me bete munipó. 29 Mepaae whi detamo ama hosaa tuamó Juda whi betepa, ti ą mo Juda whi ai ape. Ašemó ere fo maaté sya fóló mo siriró betepa, aita bete ala meipó. Dęi Kepe Wisiné hosaa tuamó siriró betere whiãta, mo siri eró beterapó. Atei kaae whi doi sóró horatere alata mo whinė dumi, kótóné betą ą sóró horótu beterapó. Kótóné betą ą sóró horótu beterapó.

3

Mepaae alané Kótóné eró tare wisi ala aluranénipó

1 Tępapa, Juda fake kolósu, Juda meire fake kolósu depa, noa wisi alané Juda meire teraae fale? Ó atima tiki sekağ tikitere ala tuamó noa ke wisikó bule?

2 Aita mo kae kae ala fea atimapaee meló betereteiné teraae falapó. Ti folosóró meló betere topo ala i ape. Kótóné mo ama fotoró atimapaee wisiyóló kaae tawae yóló, melóló atima sóró beteralepó.

3 Ti mepaae Juda fake so whi ąpaae tuę tiki tirénitere betené noa ala yaaloé? Ai dere alané Kótóné ama so whipaae eró tare wisi ala doróló aluranére? 4 Mo meipó. So whi feané dere ala taletepa, kapala fo bupatei, Kótó ą betą mo fotoró bulapó. Aita, ašemó i ere fo kaaepó.

“Naao dere fokélé mo donotoró yóo, fo tokóló taletere alakélé, naao kisipa mole ala sya furaalu mo donotoró dapó yóo, yópóló yae,” erapó.

5 Dąné hąko du betere dowi alané Kótóné mo donoi ala so whiné kolópóló haķearatapa, dąné noa fo enére? Dąné du betere alamó Kótó ą fopaae buturaalu kwia matepa, hąko ala dapó yaaloé? Ti atei kaae mutere tuęta, mo whiné mole tuępóló i dere ape. 6 Kótó ąta, hąko ala dumipó. Atei kaae ala wuąsóró, ti i haemó betó mole so whi featamo netéró fo tokóló tale uąé? 7 Mepaae so ó whiné etei kaae fo enępapó. “Yało kapala ala du betepa, ti Kótóné ama bete mole alaró mo kae ere dę wisinaaletamo haķearóló, mo ti fakerótu beterapó. Atétu betepatei, noatepamo

Kótóné ẹ dowi ala dere whịpóló, só derótu betere?” enérápó. ⁸ I dere fotamo mopa, ti etei kaae fo enérápó. “Wisi ala sókó wópóló, dą dowi ala dekéro yaalopa sae!” Dąné atei kaae hoko fo du beterapóló, mepaae so whịné dą doi doróló erótu beterapó. Mepaae whịnékélé atei fo dete fupa wosalepó. Talené atei kaae so whị só derótu betere alata, mo donopó.

Donoi whị mo betakélé bitinipó

⁹ Téraapa, atei kaae dere forape wosetu-raalu, dą noa kisipa munére? Kótóné dą Juda fake wisiyóló kilituraalu, Juda meire fake siwiyóló tao sumipóló kisipa mute? Ai ala mo dumipó. Dą Juda fakekélé, Juda meire fakekélé, fea betą alatóró ereteiné dowi alané dokóló muló beterapó. ¹⁰ Aita, asemó ere fo kaaepó.

“Donoi ala dere whị mo betakókélé bitinipó.

¹¹ Mo betą whịnékélé etei kaae Kótó beterapó kisipa muóo, mo betą whịnékélé Kótó kelaai dapóló ketekę buóló kekọo, mo dumipó.

¹² So whị mo fea tų wisi taaróló kọpaae fóló, atima feané du betere ala bete muni, mo ti doyo falapó.

Wisi ala dere whị mo betakókélé bitinipó. Mo meipó,”

¹³ “Atimané du betere fota, whị dou tukętepa dei kęlaa sókó woutere kaae yoo, atimané dere fokélé whị dilikóló kapala fotóro yoo, atimané kólómó du betere fokélé, whị tukó nóló sukunaterere dowi fe bole wuliné whị dóló sukunótu dere kaae, yoo du beterapó,”

¹⁴ “Atimané me whị yóló sininóló só deraterere foró, whị hakesaaraterere fotamo atima tuąmó ẹanuraalu, hąle yótóro tarapó,”

¹⁵⁻¹⁷ “Atima whị daai ketekę buóló kekepatamo furaalu, bekélé, ọla ọlakélé fea doroo, so whịkélé susupuroo yóló fi tikimó, nalo wale whịné atima kaketu betepa kelaalo ai ape. Atéturaalu, hosaa muni deyóló mo dua betere ala atima mo kisipanipó.”

¹⁸ “Ai so whị atimané du betere alamó, Kótóné kwia melaalopóló witere alakélé mo dumipó,” erapó.

¹⁹ Kale tukóló muló betere fota, hąle whịrapepaae dumitei, ai fo aąmó sukóló betere so whịpaae dapóló kisipa mutapó. Atére betené i haemó betó mole so whị feané yale ala betakélé hąsókó feni, mo donotóro taletere sukamó, dąné yale dowi alamó dąpaae wosetepa, me fokó hiréni, mo dono dapó fo betą enérápó. Téturaalu, mo betą whịnékélé atei ala inipóló, Kótópaae me tokọ matere fokélé mo enénipó. ²⁰ Atéreteiné Kótóné mo betą whịpaaekélé, yaąta kale tukóló muló betere fo wisiyóló erótu betaleteiné donoi ala du betale whịpó fo mo yaalomeipó. Ti ai tukóló muló betere fonéta, dą fea dowi ala dere so whítóro beterapó kisipa muópóló, dąpaae hąkearóló yó mótu beterapó.

Tuę tiki tiratere alané donoi so whị beteratapó

²¹ Tépatei, Kótóné tukóló muló betere fo mupatei, mió ama so whị donoratere ala hąkearó betepa kelerapó. Ai ala yaalopóló, kale tukóló muló betere foró kóló whịrapetamoné asemó erapó. ²²⁻²⁴ Ti Juda fake ó kae fakekélé me ala kae inipó. Dą fea dowi ala yó tareteiné Kótóné ama ere de wisinaale mo yaąrapó. Atépatei, dą fea Kótóné hamokoróló hąle tao sere alané donoi so whị beteralepó. Ai tao sere alata, Yesu Kerisoné ama betere bete melóló, dą dupuró beterapó. ²⁵ Ti Kótóné Yesu sukópóló meló betere alata, so whıtamo fopaae bole ala kemeróturaalu erapó. A atéro sukąle ala mopóló tuę tiki tiratere so whıtamo Kótóné fopaae butere ala momó kae yaąsóró, mo ti kemeró beterapó. Ai ala ereteita hąle mei, ama donoi ala so whị feané kolópóló, hąkearóturaalu yalepó. Ti noatepae, take bitiré wale so whịné du betale dowi alamó, kwia hapale tokọ meni, dua kaae taté fu betalepó. ²⁶ Ama ai ala yaleteita, mió i alimó betere so whịné ama donoyóló taletere ala kilitu, a mo donoi Tale betoo,

Yesupaae kisipa tiratere so whi donorerere Tale betoo ere ala kisipa yopolo hakearalepo.

²⁷ Teraa, so whi feane hale bope fake dere alata, noa wisi ala yale tikimo bope fake yaalo? Noa ala sya feleteine bope faketerere ala hepée faralee? Aita, Kotoné tukolo muló betere fo sya fele alané ini, Kótópaae beta tué tiki tiraleine yalepo.

²⁸ Ti noatepaae, dane kutirimó muló bitu eró tare mo bete mole ala beta i ape. Kotoné mepaae so whipaae dia donoi so whipo dere fota, kale tukolo muló betere fo sya foló erotu berteremo dumipo. Tétumitei, Koto apaae kisipa tiki tiratere alamó beta dapaae mo donoi so whipo enerapo. ²⁹ Ti Kótóta, Juda fake so whi maaté tetorolo kaae taru, Juda meire fake so whi kaae tanipolo kisipa mute? Meipo. Ata, Juda meire fake so whikélé fea tetorolo kaae tare Koto berterapo. ³⁰ Ti noatepaae, tiki sekae tikire whiro tikinire whitamó wusuró beta kaae tué tiki tiro betepa kilitu, atima fea ama so whi berteropoló, ai beta Kotonétoró donorolo, berterotu berterapo. ³¹ Tué tiki tirae yolo dane yo motu betere foné Kotoné tukolo muló betere fo bete munire ola arotu betere? Mo meipo. Ti ai tukolo muló betere fokélé mo bete mulapolo, dane du berterapo.

4

Abraham kisipa tiro betepa donoi whipo erapo

¹ I yale fomó, da Juda fakené noutere Abraham-paae Kotoné noa ala eratepa ama kololo kisipa salepolo dane noa fo yaalo? ² Motamo Abraham-né du betale wisi ala kololo, Kotoné apaae mo donoi whipo uasoro, ti a bope faketerere ala uapo. Tépaitei, whi betanékélé Kotoné keletomó bope fake dere ala mo enenipo. ³ Ti bukmo noa fo asyolo muló betere?

“Kotoné Abraham-paae i ala eraalopoló mulale fo wosolo, ama mopolo tué tiki tirale ala Kotoné kilituraalu, apaae me alakélé muni, mo donoi whipo” erapo.

⁴ Beta whi mené kutó dirateremo matere duputa, koleyolo hale motumitei, ama diale kutomó matapo. ⁵ Ti mo whineta ai ala dua deretei, me whine apaae mo donoi whipo yopolo kisipa mutu, me wisi ala ini, dowi ala dere so whi donorerere Kótópaae tué tiki tiratere kilitu, ai whine ama dowi ala kwia tokolo alurolo, mo donoi whipo dua dapó. ⁶ I dere fo kaae, Depit-nékélé aserapo. Me whine ama ditere kutó kololo dumi, Kotoné mo donoi whipo dere fo wosetu, a haine sukutu berterapo. Ai ere fo i ape.

⁷ “Mepaae whine Kotoné fo tikitú berteremo, melaai yale kwia hale kemeroo, atimané mepaae dowi alakélé Talené ama husuroo, ere whirapeta, mo haine sukutu berterapo.

⁸ Mepaae whine ama yale dowi alamó Talené kwia mo melokélé yaalomeipo, dere fo wosetere whi a haine sukutu berterapo,” erapo.

⁹ Mepaae whi Talené wisiralepolo haine sukutere alata, tiki sekae tikire whipaae maaté eroturaalu, tikinire whipaae eranipolo kisipa mute? Mo meipo. Ai fake tamo wusurapaae beta kaae alatoro eraaló ai ape. Ti dane noa fo yo maté walee? Abraham-né Talepaae tué tiki tiratepa kilituraalu, apaae me alakélé muni, mo donoi whipo yalepo. ¹⁰ Apaae ai fo ereteia, tiki sekae tikire whi betepa yalepe, tikaai hale betepa yalee? Aita, tiki sekae tukolo betepa ini, tikaai yalepo. ¹¹ Mo take Abraham a tiki sekae tikaai paitei, Kótópaae tué tiki tiro betere kilitu, apaae mo donoi whipo erapo. Até itikimo, nalo ama tiki sekae tukolo sirirelipakalepo. Aita, a mo donoi whipo ere fo mo erapo yopolo, hale muló berterapo. Abraham a ai ala ereteine mepaae tiki sekae tikinirutei Kótópaae tué tiki tiro betere so whine aya berterapo. A atereiteia hale meipo. Atimané tué tiki tiro betere ala Kotoné kilitu, mo donoi so whipo yopolo erapo. ¹² Ti Abraham ata, tiki sekae tikire whirapene ayakélé berterapo. Ai ala maaté mei, a tiki sekae tikaai paitei, tué tiki tirale ala sya fu betere so whine ayakélé berterapo.

¹³ Kótóné Abraham-paae duraalu, “Yaró naao naalené deté faaire naaletamomó i hae tiki mo turó melaalopóló,” yóló munélipakalepó. Ai alata, Kótóné tukóló mulale fo sya fóló eraleteiné sini, Talepaae tué tiki tiratepa donoi whípó yale alané salepó. ¹⁴ Ti noatepae, tukóló muló betere fopaae kisipa tiratere so whíné ama eraalopó yóló mulale ɔlatamo supa, ti tué tiki tiratere ala ke buni yóo, Talené ama eraalopó yóló muló betere fokélé bete muni yóo, ere aɔratapó. ¹⁵ Ti noatepae, mepaae so whíné kale tukóló muló betere fo sya fu bitutei, tukóló dowi ala depa, Kótó ɔ fopaae buturaalu, kwia mótua dapó. Ai tukóló muló betere fo kisipa inire whjrapené ai fo tikitepa, ti kale fo tikitapó fo dumipó.

¹⁶ Atérapa, Kótóné ama eraalopó yóló mulale fo dokonóló eratere alata, Kótó ɔpaae kisipa tiratere so whíné ama hamokoróló hɔle tao sere ala sɔpóló mótua dapó. Ti ama eraalopó yóló mulale fo dokonóturaalu, Abraham-né deté faaire naale senaalepaae erópóló yalepó. Ti Abraham-né naale senaaleta de maaté? Aita, kale tukóló muló betere fo kaae tawae yóló, melale fakepaae maaté eraalomeitei, Abraham-né tué tiki tirale ala sya fu betere so whjpaakélé eraalopó. Ti ɔta, ɔ tué tiki tiró betere so whíné ayapó. ¹⁷ Aita, i asere fo kaaepó. “Yalo ya haemó betóló fale kae kae tiki daae mole so whj feané aya beteratapó,” Ti ɔta, ama kisipa tirale Kótóné keletómó ɔané aya beterapó. Ai Kótóta, sukɔle so whj momó kepaaróo, me ala yaai teópatei, mo erapó dere Tale betóo erapó.

¹⁸ Kótóné Abraham-paae eraalopó yale ala eraaire ɔpa meitei, mo eraalopóló Talepaae kisipa tiki tiraletéiné, kae kae tiki daale so whíné aya alée felepó. Ti ai alata, Talené ɔpaae duraalu, “Ó sɔpaae kese horóló hɔre dosɔyaae. Naao deté faaire naale senaaleta, ai ere ala kaaetóro yaalopó,” yale fo mo dokonalepó. ¹⁹⁻²⁰ Abraham ɔ 100 ba fo betóló kemeyaletéiné mo ti otere yóo, soma Serakélé sere yóo erepó. Atéru, naale senaale deyaaire fotokɔ mo buni,

atimaamo otereró seretamo betere ala diriyóló tuépatei, Talené ɔpaae eraalopó yale fo mo eraalopé neyɔalorópóló béyóló haepaae derepéni, mo eraalopóló ketekɔ buóló tué tiki mo ti tiró bitu, Kótóné doi hale horótu betalepó. ²¹ Aita hɔle mei, Kótóné eraalopó yóló mulale fo ama fotokɔné mo sumó eranérápóló kisipa mutu, ama tué tiki tiratere ala mo ti fotokɔ bualepó. ²² Atéreteiné Kótóné ɔpaae “Yɔ mo donoi whj aleróló beteratapó,” erapó. ²³⁻²⁴ Atéro donoi whípó ere fota, Abraham ɔ maaté tao sóro wisirótu initei, ɔ nalo betaaire so whjkélé wisirótu erapó. ɔ tɔteróló kaae tare whj Yesu ɔ mo ti sukɔletei, momó kepaaróló beterale Kótópaae ɔ feané tué tiki tiratepa, ti ɔpaaekélé donoi so whípó yaalo ai ape. ²⁵ Ti ɔané dowi ala tokóló aluraai Kótóné naalema ɔpóló melóo, ɔ me dowi alakélé muni, mo donoi so whípó yaairaaalu, ɔ momó kepaaróló beteróo erapó.

5

Hosaa muni deyóló hajné sukɔaire ala

¹ Atéreteiné ɔ Yesu Kerisopaae tué tiki tiró betepa, Kótóné ɔpaae me alakélé muni, mo donoi so whípó erapó. Atérené mió ɔ tɔteróló kaae tare whj Yesu Kerisoné yale alané ɔaró Kótótamo bóe du betaletéi kemeróló, hosaa muni deyóló dua beterapó. ² ɔ Yesupaae tué tiki tiró betepa, Kótóné hamokoróló hɔle tao sere ala ɔpaae erópóló, ama ɔ dapesó fóló, ai ala tuamó sóro beteróo beterapó. Tépa, ɔ Kótóné ama kae ere ɔ wisinaale tuamó betaalopóló kisipa mutu, mo kée yóló hajtamo kaae tawóló i betere ape. ³ Nalo ɔpaae ai eraaitere ala maaté kelaai dumi, mió ɔpaae i erótu betere sekɔi ala tuamó bitukélé, mo kée yóló hajtu beterapó. Ti ai sekɔi alané ɔ haepaae só deréni, hɔle beletétóro fu betere alanéte i hajtere ala kaarótu beterapó. ⁴ Atétere alané Talené ala eratere whj wisi beterótu beterapó. Atéro whj wisi bitu, take nalopaae Kótóné wisi ala eratepa kelaalopóló, dere haj kaaratapó. ⁵ Take nalopaae wisi ala kelaalopóló hajtamo kaae taté fu betaletéi,

sinipóló fomo kisipa muaalo meipó. Ti noatepae, Kótóné ama yaala sókó fole ala dāné hosaa tuḡpaae tepeyóló fāanalepó. Kótóné ama ai yaala sókó fole ala dāné tuḡ dere teita, ama dāmó melale Dēi Kepe Wisiné eralepó.

⁶ I dere fo wosae. Dā Kótó tuḡniru, dowi ala du betere so whi me ala yaaire fotokḡ bunipa, dā tao saairaalu mo dono be dēmótóro Yesu Keriso sukḡlepó. ⁷ Mepaae whi de mo donoi whi tao saai dapóló sukutere ala suka fea yó tani, betḡ betḡ sukamó maaté depa keletapó. Atétere kaae, mo donoi whi wisinaale tao saai dapóló, mepaae whi sukḡairetei mo hapólurapó. ⁸ Tépatēi, Kótóné ama dāpaae yaala sókó fole ala etéró hḡkearóló yó matapó. Dāné dowi ala hḡle yó tapa, ai yó tare dowi ala tokóló aluraairaalu, Yesu Keriso sukḡlepó.

⁹ Ḃ sukuturaalu, sókó fele sameané dā donoi so whi beteró bettereiné take nalo Kótó ḡ fopaae butu matere kwia dāné saḡsóró, ama tao saaire ala yaalomeipóló de? Mo tao senérápó. ¹⁰ Take dāta Kótóné ama bóe whi betterēi, ama naalema sukuturaalu bóe firóló, betḡmó beteró beterapó. Mió ḡ kepaayóló bettereiné dḡkélé mo ti beterópóló, ama ai eró betere alané mo yaalomeipóló de? ¹¹ I fota, take nalo yaaire alamó maaté dumitei, mió dā tḡteróló kaae tare whi Yesu Kerisoné yale alané dḡró Kótótamo bóe fiyóló, betḡmó bitu, mo kée yóló hḡiné sukutu beterapó.

Adam-né ere ala tuḡmó sukḡo, Yesuné ere tuḡmó kepaayóo erapó

¹² Térapa, betḡ whiné yale alané i haepaae dowi ala wópóló tu tukjyalepó. Atéyale dowi alané sukutere ala kaaróló, so whi fea sukuté fu betalepó. Ti noatepae, so whi fea dowi alatóro du betaletēinépó. ¹³ Kale tukóló muló betere fo sókó waai teópa, ti dowi alapi i haemó moipakalepó. Ai tukóló muló betere fo sókó waaipa, so whiné du betere dowi ala Kótóné fea taleyóló dosḡanipó. ¹⁴ Atépatēi, Adam betale alimó kaae sóró so whi sukuté wóló, Moses betale alimó betere so whikélé fea sukutere alané

tḡteróló kaae taru, hḡle sukutétóro fu betaletépó. Ti Kótóné yóló mulale fo Adam-né tukóló ere dowi ala kaae, ai so whiné initei, atimakélé mepaae dowi ala hḡle deté fu betēpa, sukutétóro fu betaletépó. Ti Adam-né yale alata, nalo waaire whi betḡné yaaire alatóro sḡróló erapó.

¹⁵ Tépatēi, Talené hḡle matere ala kolósu, ama fo tukóló yale dowi ala kolósu depa, mo betḡ kaae meipó. Téyaletei, Kótóné hamokoróló tao sere alaró betḡ whi Yesu Kerisoné hamokoróló hḡle matere wisi alatamo, so whi feapaae mo turó sḡralepó. Atéyale alané folosóro yale ala mo teraae falapó. ¹⁶ Kale yale fo momó dapó. Kótóné hḡle matepa sere alaró betḡ whiné yale dowi alamó sere sekḡi alatamo betḡ kaae meipó. Betḡ whiné yale dowi alamótei, so whi fea taleyóló só deralepó. Atépatēi, so whi feané fo tukóló yale dowi ala mo dekéró yó tapa, Kótóné hḡle matere alané so whi feapaae diḡ me alakélé muni, mo donoi so whipóló beteró beterapó. ¹⁷ Ti noatepae, betḡ whiné fo tukóló yale alamó sukutere ala ai whi tuḡmó sókó walepó. Atéyaleteiné so whi feapaae sukutere ala tokó melóló, ai alané so whi fea tḡteróló kaae tarepó. Kótóné hamokoróló tao sere alaró hḡle matere donoi doitamo sere so whiḡta, ti betḡ whi Yesu Keriso tuḡmó mo ti betere bete sóró tḡteróló kaae taté fu betaalópó. Atétu sukutere alané tḡteróló kaae taretei, mo ti bosené falapó.

¹⁸ Atére betené betḡ whiné fo tukóló yale dowi alamó kwia móturaalu, so whi fea só deró beterapó. Atépatēi, me whiné ti fo wosóló mo betḡ donoi ala wisinaale ereteiné so whi feapaae me ala muni, mo donoi so whipóló, mo ti betere bete mótu beterapó. ¹⁹ Ti noatepae, kale yaḡse yóló mulale fo betḡ whiné tukóló yale dowi alamó, so whi fea dowi ala yale whitóro alée felepó. Atére kaae, betḡ whiné fo wosóló sya fele alané so whi fea me alakélé muni, mo donoi so whi beteraalópó.

²⁰ Kale fo tukóló du betale dowi ala mo ti fakeyópóló, Talené ama mepaae folosóro melale fotamo touróló, kale tukóló muló betere fokélé melalepó. Téyalemó, dowi

ala mo ti faketepa, ai ala aluraai Kótóné hãle hamokoróló tao sere alakélé mo ti fakeralepó. ²¹ Aita hãle meipó. So whi fea dowi alané tẽteróló kaae tapa sukuté fu yale kaae, mió dã tẽteróló kaae tare whi Yesu Keriso tuãmó betepa, Kótóné hamokoróló hãle tao sere alané tẽteróló kaae taru, dãpaae me alakélé muni, mo donoi so whipóló, mo ti betere bete mótu betaai erapó.

6

Dã dowi alamó sukóló, Yesu tuãmó momó kepaayóló beterapó

¹ Térãpa, mió dãné noa fo yaaloé? Kótóné ama hamokoróló hãle tao sere ala mo ti fake yópólópa, dã dowi ala hãle yó tawae fo enére? ² Ai fo mo enénipó. Ti taketa dã dowi ala tuãmó mo sukóló molepó. Atéreteiné ai ala tuãmó dã momó kae netéro bitiré faaloé? ³ Ti dã fea wẽi tópuale alata, Yesu Keriso tuãpaae doropóló, ã sukãle ala tuãmó tópualepóló kisipa mutumié? ⁴ Ti dã atéro wẽi tópuale alata, ãtamo betãmó sukóló ã tuãmó douralepó. Ti hãle meipó. Alimané mo kae ere dẽ wisinaale tuãmó bole fotokóné Yesu Keriso kepaarótu yale kaae, dãkélé kisi betere bete sóró ãtamo betãmó bitiré faairaalu yalepó.

⁵ Ti Yesu sukutu yale kaae dãkélé, ãtamo sukutepa ti ã momó kepaatu yale kaae, dã feakélé kepaayóló betaalopó. ⁶ Ti noatepae, ai upulé ala du betale whiãta, ãtamo filipaa ni tómó oleróló daletei dãné kisiparapó. Atãyale beteta, dowi alané dã momó tẽteróló kaae tawaqsóró, tó tikiné dowi ala yaai bole fotokõ kemerópóló, ãtamo sukãlepó. ⁷ Ti noatepae, mepaae sukutere whi ti dowi alané momó kae dokóló muni, teraae fóló hãle beterapó.

⁸ Ti mió dã Yesu Kerisotamo betãmó sukunapóló kisipa mutepa, ti ãtamo betãmó betaalopóló kisipa tiki tiró beterapó. ⁹ Ti noatepae, Yesu Keriso ã sukóló kepaayóló beteretei, momó kae sukãalomeipó. Sukutere alané ã tẽteróló kaae tawaaire sunire ala dãné kisiparapó. ¹⁰ ã sukãle beteta, dowi alamó ãpaae

erótu betale sekẽi ala mo ti kemeraairaalu, betã félitóró sukãletei ã momó kae sukãalomeipó. Atéro mió ã betereteita, Kótóné ala eraairaalu, beterapó.

¹¹ ã atétu yale kaae, dowi alané diã tẽteróló kaae tawaletei, mo ti kemeróló diãkélé sukõ, Yesu Keriso tuãmó bituraalu, Kótótamo mo betãmó betóo, erapóló kutirimó muló betae. ¹² Térãpa, diaaõ mo tó tikiné ekẽleyóló yae dere ala sya furaalu, du betere dowi alané diã tẽteróló kaae tawaqsóró yae. ¹³ Diaaõ hó naase, ó tiki fea, tó tikiné ekẽleyóló du betere dowi alapaae mulaõse. Ti diãta, mo sukãle whiãtei momó kepaayóló beterãpa, betã whiné ama fosói tõ ó sepake me whiné kutó diyópóló mótu dere kaae, Kótóné ama eraai kisipa mole donoi ala wisinaale erópóló, diaaõ hó naase, ó tikikélé mo turó Kótópaae melae. ¹⁴ Ti mióta, diã kale tukóló muló betere foné tẽteróló kaae tare aõmó bitini, Kótóné hãle hamokoróló tao sere alané tẽteróló kaae tare aõmó beterapó. Téreteiné dowi alané diã momó kae tẽteróló kaae tanénipó.

Take dowi alané wae sóró beteretei, mió donoi alané kutó diratere whiã beterapó

¹⁵ Térãpa, mió dãné noa fo yaaloé? Dãta, kale tukóló muló betere foné kaae tare aõmó bitini, Kótóné hamokoróló hãle tao sere alané kaae tare aõmó beterãpa, dowi alatóró deté fu betaalopó fo enére? Mo meipó. ¹⁶ Yã me tẽteróló kaae tare whiã beterepaae fóló, ama dirae dere kutó naao dirótu betepa, ti yã ai whiné wae sóró kutó diratere whiã beterapóló kisipa muae. Yãtamo dowi alané wae sóró kutó diratere whiã betepa, ti ai alatóró deté fóló, sukutere alapaae sókó faalopó. Yãtamo Talené fo aõmó bitu, ai mo ala wisi sya fóló erótu betepa, ti donoi ala dere whiã betaalopó. ¹⁷ Take diã dowi alané tẽteróló kaae tapa, ai dowi alané kutó deratere so whiã betalepó. Atépa, diãpaae kale fo wisi yó móturaalu, i fonéta diã kaae tawaalopa, aõmó betae yóló yó maletei diãné wosalopó. Ai fo wisi diaaõ hosaa tuãmó muló bitu, ketekẽ buóló erótu betereteimó yãlo Kótópaae mo kée enérãpó. ¹⁸ Taketa, diã dowi alané dokóló muló beteretei, teraae

faróló mió donoi alané wae sóró kutó diratere so whi ai betere ape.

¹⁹ Diã mo i hae whi bituraalu, yało i yó mótu betere mo bete mole fo wisi diã diriyóló tuę yaaire sunireteiné kisipa yaasepóló, mo whiné dere alapaae dó faróló i dapa wosae. Taketa, diãné hó naase dowi alapaae mulóló, ai alané wae sóró kutó diratere so whi bitu, dowi alatóró mo ti fakeraté fu betalepó. Atétu yale kaae, mió diãné hó naase ó tiki fea Kótópaae hãle menóló, ama donoi alané wae sóró kutó diratere so whi betae. Atétepa, ti Kótóné mo kae so whi beteraté fenérápó. ²⁰ Take diã dowi alané wae sóró kutó dirótu betale sukamó, donoi alané teteróló kaae tare tuámó bitipó. ²¹ Mió i betere alimó haleturaalu, take diãné du betale ala kisipa fatepa, take yale ala tuámó me noa wisi alakó bupa kelere? Take ai deté wale alané duputa, ti sukutere ala kaaró ai betere ape. ²² Taketa, dowi alané diã dokóló muló betteretei teraae faróló, mió Kótóné ama kutó dirópóló wae sóró beteró betere so whi beterapó. Atéro Kótóné ama kae ere wisi ala tuámó bitiré fole duta, mo ti betó tawaaire bete sóró betaalopó. ²³ Ti noatepae, dowi alané ama kutó diratere so whipaae matere duputa, sukutere alapó. Téptei, dã teteróló kaae tare whi Yesu Keriso tuámó betepa, Kótóné mo ti betó tawaaire bete hamokoróló hãle mótu beterapó.

7

So whitamó dokóló betere alapaae dó faróló dere fo

¹ Norape-ó, yało i dere fota, Kótóné tukóló muló betere fo kisipare whirapepaae dapó. Whi sukuni betepa, ti kale tukóló muló betere foné teteróló kaae tare aqmó beterapó ere fo diaaq kisiparapó. ² Betã suróló dere fo i ape. Whiné dokore so ama oma sukuni hãle betepa, me whitamó dokaairetei fo mulapó. Ama omatamo sukóló wulia beteremó, me whiné dokotepa ti fo munipó. ³ Whiné dokore sotamo oma betepatei taaróló whi me kaetamo fupa, so whi feané ai so nópu nukulapó dua dapó. Téptei, oma

sukitkimó wulia me whitamó dokotepa, ti nópu nokole sopó enénipó. Ti noatepae, whiné dokore ala kemeyalepó.

⁴ Térapa norape-ó, soró whitamó dokoterepaae dó faróló yale fo bete i ape. Dã Yesu Keriso tuámó betepa, ã mo ti dóló sukunóturaalu, dãkélé ãtamo sukãlepó. Ti aita hãle meipó. Folosóró kale tukóló muló betere foné dokaleteti mo ti kemeróló, sukóló momó kepaayóló betere whiné dã dokóló, ni du wisi oletu dere kaae, dã tuámó wisi ala epa kilituraalu, Kótóné ama doi doasi mulópóló erapó. ⁵ Take dã tó tikiné teteróló kaae tawale alimó, kale tukóló muló betere fonétei tó tikiné ekeletere ala mo ti fakeyópóló, sesemeralepó. Atéro sesemeratepa du betale alané dã tuãpaae olerale duta, ti sukutere alapó. ⁶ Take tukóló muló betere foné dã dokóló bitu, Talené ala eróturaalu, kale aseýóló muló betere fo maaté sya fóló erótu betalepó. Take até dua yale alata, dã sukuturaalu mo ti kemeralepó. Mió kisi alata, ti Dëi Kepe Wisiné dã fotokq bulatepa, Talené ama ala erótu beterapó.

Dowi alané dã só deraai wóputu betere ala

⁷ Térapa, mió dãné noa fo yaaloé? Kale tukóló muló betere fo-a, dowi alapó enére? Mo meipó. Ai tukóló muló betere foné epaae dowi ala i ape yóló yó melóluameisóró, ti dowi ala kisipa uameipó. Ti tukóló muló betere foné mené ęla senée yóló au naqse fo uameisóró, ti au nokoleteti dowi alapóló tuę muameipó. ⁸ Ti ai tukóló muló betere foné tẽ mulatepa, dowi ala ẽ tuãpaae sókó wóló, kae kae wisi wisi ęla senée yóló au nokole ala kaaralepó. Ai fo sókó waaipa, ti dowi ala sukóló mulu, so whipaae me ala eraaire fotokq mo bunipó. ⁹ Kale tukóló muló betere fo sókó waaipa, ẽ mo beterepó. Téptei, kale yaqse yóló muló betere fo sókó wóló, dowi ala sukóló mupatei, kepaaróló beteraleteiné ẽ dóló sukunalepó. ¹⁰ Kale yaqse yóló muló betere foné mo ti betere bete melaalo nisi yalemó, sukutere alatei epaae eralepó. ¹¹ Kale yaqse yóló muló betere foné mulale tẽmó dowi ala ẽ tuãpaae sókó wóló, fotei

dowi alané nópulu kaae tao sóró ę dilikóló dolóló sukunalepó. ¹² Atérené kale tukóló muló betere fota, me dowi alatamo hoseké ini yóo, kale yaqse ó yae ere fokélé doni, mo donoi ala wisipóló Kótóné ama kae tukóló mulóo erapó.

¹³ Ti kale tukóló muló betere fo wisi-a, sukutere ala alée fóló ę dóló sukunaleé? Mo meipó. Ténitei, dowi ala yalo tuę yópóló, dowi alané kale wisi tao sóró, ę tuamó sukutere ala kaaralepó. Atétu dowi alata, mo dowi ęlapóló so whinė kisipa yópóló, kale yaqse yóló muló betere foné hakearatapó.

¹⁴ Kale tukóló muló betere fota, Kótó ę mo kepetóro bituraalu, amatei tukóló muló beterapóló, dané kisiparapó. Tépateti, ę mo hae whi betereteiné dowi alané wae sóró kutó diratere whi i betero betere ape. ¹⁵ Yalo du betere ala yalotei kisipanipó. Ti noatepae, enere wisi alamo yalo dumi, yaalo hore alatei hoko du beterapó. ¹⁶ Ti yaalo hore ala yalo du betereteiné kale tukóló muló betere fo kolósu, yalo du betere ala kolósu depa, mo wisirapóló kisipa mutapó. ¹⁷ Ti ai alata, yalotei kekeme nólo dumi, dowi ala ę tuamó moleteiné du beterapó. ¹⁸ Atéru, wisi ala mo betakélé ę tuamó munipóló kisipa mutapó. Wisi ala ę tuamó munipó dere fota, yalo mo tó tikimó wisi ala munipóló dapó. Ti noatepae, yalo kisipané wisi ala enépateti, yaaire mo sunipó. ¹⁹ Yalo yaai kisipa mole wisi alamó dumi, yaalo hore dowi alatei yalo haje yó tarapó. ²⁰ Téturaalu, yaalo hore alatei du betepa, ti yalo kekeme nólo dumi, ę tuamó mole dowi alané du beterapó.

²¹ Ti yalo du betere ala tuamó i ala epa kolóló kisiparapó. Yalo wisi ala yaai kisipa mutere sukamó, dowi alakélé ę tuamó mupa kelerapó. ²² Ti noatepae, Kótóné tukóló muló betere fo kilituraalu, yalo tuę tiki tuamó mo kée yóló hekesetu beterapó. ²³ Atépateti, yalo hó naase, tiki tuamó dowi alané ama kisipa mole ala erótu betepa kelerapó. Ai alané yalo tuę tiki tuamó donoi alatamo bóe du beterapó. Atéturaalu, yalo hó naase, tiki tuamó yó tare dowi alané ę dokóló *dipula* kaae,

beteró beterapó. ²⁴ Yalo tikita, dowi alané i turukée fole ape! Yalo mo tó tikiné ę sukutere alapaae şiyóló só foleteti, né tao saaloé? ²⁵ Ti da tetéroló kaae tare whi Yesu Keriso tuamó bitu, Kótóné epaae erótu betere alamó mo kée du beterapó.

Atétu betepatei, yalo tuę tiki tuamó ti ę Kótóné tukóló muló betere foné wae sóró kutó diratere whi betóo, tó tikita ti yalo yó tare dowi alané wae sóró kutó diratere whi betóo erapó.

8

Dei Kepe Wisiné mo ti betere bete mótu beterapó

¹ Térapa, mió Yesu Keriso tuamó betere so whi Kótóné fo tokóló só deratere ala mo yaalomeipó. ² Ti noatepae, dowi alaró sukutere alatamo fotokóné ę dokó muló beterepó. Atéretei, Yesu Keriso tuamó betepa, mo ti betere bete matere Dei Kepe Wisi fotokóné ę teraae faróló, haje beteralepó. ³ Ti noatepae, kale tukóló muló betere foné da tao saai yaleteti, mo tó tikiné dere ala tuamó betereteiné tao saaire sunipó. Atépa, Kótóné ama naalematoró dowi ala du betale whi aoyóló sukópóló doteyalepó. Aita haje mei, so whiné yale dowi alamó melaai yale kwia tokóló aluraai yalepó. A atéro sukturaaalu, tó tikimó mole dowi ala ama só deróo, ai dowi alamó melaai yale kwiakélé ama tikimótei sóro aluróo yalepó. ⁴ Atéro só deraleteti haje meipó. Tó tikiné yae dere ala sya feni, Dei Kepe Wisiné yae dere ala sya fu betere so whi da tuapaae kale tukóló muló betere foné eraai du betale donoi ala eróló mo surópóló yalepó. Ai ala eró betere so whi data, ti dané tó tikiné yae dere ala dumi, Dei Kepe Wisiné yae dere alatoró du beterapó.

⁵ Tó tikiné yae dere alatoró sya fu betere so whi atimané kisipa tikikélé, ti tó tikiné hekesere alapaaetóro muló beterapó. Tépateti, Dei Kepe Wisiné yae dere ala du betere so whi atimané tuę tikikélé, ti Dei Kepené yaai hekesere alapaaetóro muló beterapó. ⁶ Tó tikiné yaaitere ala maaté kisipa mutu betere so whi ta, sukutere ala tuamó beterapó. Tépateti, Dei Kepe Wisiné

yae dere ala tuę mutu betere so whi ti Kótótamo bóe fióló mo ti betere bete sóró hosaa muni deyóló mo dua beterapó. ⁷ Ti noatepae, tó tikiné ekęlere ala yaai kisipa mutu betepa, ti Kótótamo bóe du beterapó. Atétere alané Kótóné tukóló muló betere fo aqmó bitini yóo, ai fo eraaire fotokękéle buni yóo, erapó. ⁸ Tó tikiné yae dere ala sya fu betere so whinė Kótó hęese yaaire ala mo eranénipó.

⁹ Tépatei, Kótóné Dęi Kepe Wisi dię tuęmó betepa, tó tikiné yae dere ala sya fóló ini, Dęi Kepe Wisiné yae dere ala sya fóló du beterapó. Mepaae whi de tuęmó Yesu Kerisoné Dęi Kepe Wisi bitinipa, ti Yesu Kerisoné so whi meipó. ¹⁰ Naao mo tikita, dowi alané dóló sukunóo, naao kepe beteta, ti Kótóné donorate alané kepaaróló beteróo, erapó. ¹¹ Yesu Keriso kepaaróló beteralale sekęné melale Dęi Kepe Wisi dię tuęmó betepa, Kótóné Naalema kepaarótu yale kaae, ai Kepepaae dię kepaaróló beterae depa, diaaq mo tó tikikéle kepaaróló, mo ti beterópóló yaalopó.

¹² Térapa norape-ó, Kótóné dę tao sóró eró betere wisi alamó dąnémo ąpaae tokę melaaire kwia mulapó. Atéreteiné dąné tó tikiné ekęlere alané noa alakó dąpaae eró betepa, dąnémo ama erae dere ala sya fóló eraaloé? Até mo enénipó. ¹³ Ti noatepae, tó tikiné yae dere ala sya fupa, ti dię mo sukęalopó. Tépatei, Dęi Kepe Wisi fotokęné dię tao supa, ti dięné tó tikiné yaaire dowi ala diaaq doló sukunatepa, ti dię mo betaalopó. ¹⁴ Ti noatepae, Kótóné Dęi Kepe Wisiné ąlisóró fu betere so whita, ti Kótóné ama naale senaaletóró beterapó. ¹⁵ Ti dię matepa sale Kepeta, momó wae sóró kutó diratere whi beteróló, wiratere Kepe meni, Kótóné ama naale senaaletóró aleróló beterótu betere Kepe matepa salepó. Ai Kepe Wisiné dę tao sóró i fo yae depa, dąné fo fakeyóló, “Apa-ó! Aya-ó!” du beterapó. ¹⁶ Ai Dęi Kepe Wisi dąné kepetamo touyóló betęmó bitu, dąta Kótóné ama naale senaaletóró beterapó du beterapó. ¹⁷ Mió dątamo ama naale senaaletóró betepa, ti Kótóné ama eraalopó ere ala wisi dokonóturaalu,

Yesu Kerisopaae materetei dąkéle saalopó. Take Kótóné ama kae ere dę wisinaale tuęmó dąkéle Yesu Kerisotamo betęmó beterópóló, ą sekęi ala su yale kaae, mió dąkéle sekęi ala siré fu beterapó.

Kótóné ere dę wisinaale tuęmó betaalopóló hajtu betere ala

¹⁸ Kótóné mo kae ere ala wisinaale dę tuępaae hękearóló, eratere ala kelaai dapóló kisipa mutu, mió dąpaae i erótu betere sekęi ala mo sawa ęla alerótu beterapó. ¹⁹ Aleyóló muló betere ęla ęla feané Kótóné ama naale senaaletóró i ape yóló hękearaterere kelaai dapóló, hajtamo bitu, kele kele du beterapó. ²⁰ Kótóné aleóló muló betere ęla ęla fea fomaakei ala tuęmó beteralalepó. Ai alata, atima kisipanétei ini, ai ala tuęmó beteralale sekęné ama kisipa mole ala sya fóló erapó. ²¹ Atéru, Kótóné aleyóló muló betere ęla ęla fea doróló aluraai mió dokóló mulapó. Atéretei, take Kótóné ama naale senaaletóró dokoretei teraaayóló ama kae ere dę tuęmó feléyóló betere ala atimakéle saalopóló kisipa mutu, hajtamo kaae tawóló beterapó.

²² Kótóné aleyóló muló betere ęla ęla fea touyóló so naale saai sisó nóló kaketu dere kaae, take keké nale alimó kaae sóró deté waletai, mió i betere alimókéle kaketerere ala hęle yó taretei dąné kisi-parapó. ²³ Ama aleyóló muló betere mo ęla maaté mei, dę tuęmókéle, Dęi Kepe Wisi betereteiné dele doasi sóró kaketu beterapó. Ti aita hęle mei, Dęi Kepe Wisita folosóró ęlumétere ęla iki nukutere kaae erapó. Atéreteiné dę Kótóné naale senaaletóró aleróló dape saaire be dę hapale analée yóló kaae taté fu beterapó. Ai be dęmó Talené dę dupu yaletuiné i daale tiki taaróló, kae tiki wisi saalopóló hajtamo kaketu beterapó. ²⁴ Ti Kótóné ama dę tao sóró wisiróló beteró betere beteta, take nalopaae eraaire wisi ala kelaalopóló kisipa mutu, hękesetamo kaae taté fu beterópóló tao salepó. Atépatei, mepaae whinė wisi alatamo kelené kolóló tuępa, ti ai ala ama sóró tareteiné kelenée dere fo momó kae enénipó. ²⁵ Tépatei, mepaae ala mió dąné sóró tani, take nalo saalopóló

kisipa mutu, kaae taté fu betere ala hõni, hãle bitiré fu betaalopó.

²⁶ Atétu betere kaae, moma yaaire fottokõ buni béruraalu, ðané hosaa tuãmó ere ala kólóné enénipa Ðei Kepe Wisiné ða tao suraalu, akélé deletamo ketekẽ buóló, Kótópaae momarótu beterapó. ²⁷ Atétu betepa, ðané hosaa tuãmó ere ala taletu betere Kótóné Ðei Kepe Wisiné mole kispakélé kolóló mo tuêrapó. Ti noatepae, kale Ðei Kepe Wisiné Kótóné yaai kisipa mole alatóró sya furaalu, ama kae beteró betere so whi tao sóró Talepaae momarótu beterapó.

Kae kae sekẽ alané ða doraqsóro, Kótóné fotokõné tẽteró beterapó

²⁸ Ti noatepae, Kótópaae yaala sókó fu betere so whipaae kae kae ala erótu betere tuãmó Kótóné atima tao saai wisi ala erótu betteretei ðané kisiparapó. Ti ai so whita, ama kisipa mole ala eraai akã betterepaae ape yalepó. ²⁹ Ti noatepae, mo taketitei ama kisipare so whita, Naalema biture kaaetóró beterópóló, amatei atima wisiraté faai dapóló, tukóló mulélipakalepó. Atéreteita hãle mei, ama ne nomarape kuamó akã topo naale beterópóló erapó. ³⁰ Mo taketitei ama kisipané akã betterepaae wópólópó yóló sóró betterale so whitóró akã betterepaae ape yalepó. Atéyale so whipaae me alakélé muni, mo donoi so whipóló betteralepó. Atéró sóró betterale so whi tuãpaae ti ama kae ere ðẽ wisinaale eróló mo ti suró beterapó.

³¹ Atérapa, ama ai eró betere doasi alamó, mió ðané noa fo yaaloé? Ti Kótó akã, ðapaae me ala eraqsóro tao sere sekẽ betterapa, né ðatamo bõe dóló só deraaloé? ³² Kótóné ama naalema mepaae whiné ðaqsóro sesé dere ala ini, ða fea tao saairaalu, apaae eraaire ala erópóló, atimané naase tuãmó mulalepó. Ða tao suraalu ama naalema melale kaae, ðané mepaae yaãterere alakélé ama hamokoróló tao sóró hãle melaalomeipóló kisipa mute? Meipó. Ama mo melaalopó.

³³ Kótóné ama so whipóló sókó sóró kae beteró betteretei, né atimatamo fo tokóló só deranére? Ti Kótónétóró mo

donoi so whipó du beterapó. ³⁴ Ti atimata, me alakélé muni, mo donoi so whipóló Kótónétei sóró beteró betterapa, né só deraaloé? Yesu Keriso akã mo ti sukãletei, Kótóné momó kepaaróló fea ala tẽteróló betere tiki, ama turu naase ðemó betteralepó. Aimó bituraalu, ða só deratere ala yaqsóro, tao saaire fo Alima Kótópaae du beterapó. ³⁵ Yesu Kerisoné ðapaae yaala sókó furaalu, eratere wisi ala mo eraqsóro, né sesénere? Me sekẽ alané ó hosaa tuãmó mole sekẽ alané ó Yesuné doimó betepa sere susupui alané ó ulla sóku alutere alimó wote dere alané ó kuti meiyóló tiki hãle betere alané ó mepaae ða dóló sukunatere kae kae ulla ullané ó whi mo ti dóló sukunatere alanékélé sesénenipó. Mo meipó. ³⁶ I fo kaae asemókélé erapó.

“Tale-ó, ða naao ala erótu betteremó, ðapaae ðia daalopó dere fo betere dokõ fea hãle yó tarapó.

Ti ðata, *sipsip* hupurape daai halikané kaae duló beterapóló,” erapó.

³⁷ Ai dosãayale alarapené ða mo ti deratere ala enénipó. Mo bõe dóló be torokõ falatu dere kaae, ai alarape ðané tẽteróló teraae faaire alata, ðapaae yaala sókó furaalu wisi ala erale whi Yesu Kerisoné yale ala tuãmó bitu, ti mo sumó enérápó. ³⁸⁻³⁹ Yãlo i dere fota, mo dapóló tuẽ tiki tiraaire fopa wosae. Sukutere alané ó betere alanékélé, *ensel*-rapené ó dowi keperapenékélé, mió i betere alimó du betere alané ó take waaire alimó yaaire alanékélé, kae kae fotokõ bole keperapené ó sa taoró betere ularapenékélé, mo apaae derepale dolomó betó mole ularó Kótóné aleóló muló betere ulla ulla featamoné, Kótóné ama yaala sókó fale ala, ða tẽteróló kaae tare whi Yesu Keriso tuãpaae tepyóló, amamo ðapaae yaala sókó furaalu, wisi ala mo eraqsóro, ai dosãayale alarapené seséyaaire mo sunipó.

9

Kótóné ama mole kisipatóró sya fóló dere ala

¹⁻² Yãlo i dere fota kapala mei, akã Yesu Keriso tuãmó bitu, mo dapó. Akã ðekẽné

sukuturaalu, yało hosaa tuąmó delei ala hałe yó taretei, Deį Kepe Wisiné kolóló mo dapó du beterapó. ³ Yało no nerape Israel fake so whį atima ę betere kaae wisiyóló beterópóló tao suraalu, ę Yesu Kerisotamo betamó betere ala tekeyóló kae beteratepa ti wisirapóló kisipa mutapó. ⁴ Ti ai Israel fake so whį Kótóné dape sóró ama naale senaale berteróo, ama kae ere ala wisinaale atimané kolópóló yó melóo, Kótóné ama so whįpóló atimatamo mo dirii fo dokóló mulaté wóo, ama tukóló muló betere fokélé atimapaae melóo, momatere bemó Talené doimó mepaae alarape erótu betae yóo, ama wisi ala atimapaae mo eraalopóló, yóló mulaté wóo erapó. ⁵ Ti atimata, Israel fake kaarale whįrapené deté wale so whįpó. Ai fake sonéta, so whį teteróló kaae tawaaire whį Yesu Keriso mo whį tiki daai dealepó. Ti Yesu ąta, fea ala fea teteróló kaae tare Kótó berterapa, ama mole doi wisinaale mo ti muó tanópóló, sóró horótu betae. Mo kée! Táyópóló yae.

⁶ Kótóné atimapaae i ala eraalopó ere fo haşókó felepóló kisipa mute? Mo meipó. Ti noatepae, kale whį Israel-né deyale naalerape fea betó moletei, atima Israel faketóro bitinipó. ⁷ Abraham-né deale naale senaale betó moletei, fea ama doi mole naale senaaletóro bitini, mepaae ti ama doi munire naale senaale berterapó. Aşémó i fo mulapó. Kótóné Abraham-paae duraalu,

“Aisak-né deyaaire naale senaale maaté ti mo naao naale senaale ai ape,” erapó.

⁸ Ai ere fo bete i ape. Abraham-né ama naale tamo dealetei, mo whįné naale senaale detere ala sya fóló deale naaleta, ti ama naale meipó. Kótóné Abraham-paae eraalopó yale fo dokonóturaalu deale naaleta, ti Kótóné ama doi mole naale senaalepó erapó. ⁹ Ti Kótóné ama mo eraalopó yóló mulale fo i ape.

“Ę momó fesaae wouraaluta, mió yało i tukóló mulatere be demótóro Sera ą naale mo sóró betepa kelaalopó,” fo ipakalepó.

¹⁰ Ai maaté mei, Rebekanékélé ąané noutere Aisak-tamo betą be demó naale

tamo deipakalepó. ¹¹⁻¹² Ai kale naale tamo betą be demó deyaaipatei, atimaamoné me wisi ala ó dowi ala initei, Kótóné ama mole kisipa sya furaalu, sókó su yóló kae beteraaire ala mo ti muó tanópóló, kale sopaae i fo ipakalepó.

“Naao topo naaleta, deķę naalené kutó diratere whį betaalo ai ape,”

Ti Kótóné ama so whįpóló sóró berteratere alata, whįné dere ala kolóló dumitei, Talené ama kisipa mole alatóro sya fóló dua dapó. ¹³ Ai fo kaaetóro aşemókélé erapó.

“Yało hosaa mo turó Jekop-paae muluraalu, Iso yało heķeseni hóralepó.”

¹⁴ Atérapa, mió ąané noa fo yaaloé? Kótó ąta, whįné du betere ala donoyóló tale dumi, hoko taletere Kótópóló kisipa mute? Mo meipó. ¹⁵ Ti Kótóné Moses-paae i fo erapó.

“Yało tao saai kisipa mole whįtóro kęleturaalu tao saalopó. Ti kęletere alata, yało kisipa mole whįpaaetóro dua dapó,”

¹⁶ Ti Kótóné tao sóró erótu betere alata, whįné mole kisipa ó ketekę buóló ditere kutó kilituraalu dumitei, Kótó ą tuąmó ere kęletere alané tao sóró erótua dapó.

¹⁷ Kale aşeyóló mole Kótóné fo tuąmó topo whį Feropaae i fo erapó.

“Naao du betere ala tuąmó yało bole fotokę haķearatepa, i hae kwiamó betó mole so whį feané kolóló, yało doi sóró horópóló, Isip hae naao teteróló kaae tawae yóló ya topo whį sóró berteró berterapó,” erapó.

¹⁸ Ti Kótóné ama kęleaané kęleturaalu tao sere whį tao sóo, mepaae so whį hosaa ąaróló dowąae fole ala eraai depa, ti mo dowąae falóo, du berterapó.

¹⁹ Diąkó betą whįné ępaae etei kaae fo enérpó. “Ai fotamo mo epa, Kótóné ąané yale dowi alamó ąą só deratere ala, noatepa du betere? Ti atétepa ama kisipa mole ala yaqsóro, mené sesé yaairetei mo sųnipó,” ²⁰ Ti ya noa kaae whį bitu, Kótópaae bi kęatere fo dute? Kale doka haenétei wuti aletu betere whįpaae “Naao noatepa ę etéro hoko aleyaleé?” fo enére?

²¹ Kale wuti aletere whįné ama betą hae bula kęayóló mo ęla deyaaire wuti aleyóo,

mepaae hãle hõko ɔla deyaairetei aleyóo dua dapó. Ti ama ɔla ereteiné ama kisi-pané alenére ɔlatóro sũmó alenérápó.

²² Atétere kaae, Kótó ɔ fopaae buturaalu ama doraai taketi bukóló kae beteraleso whĩ kwia melaai kisipa mualepó. ɔ atéro fopaae butu, kwia matere alaró fotokõtamo so whĩ feané kolóppóló hapale hãkearóló ini, dua kaae taté fu betere alamó dãné noa fo yaaloé? ²³ Aita hãle mei, Kótóné ama kae ere dę wisinaale tuãmó fãane wisi wisi ala ama kɔletu tao saaire so whĩné tuę yóppóló ere alamó dãné noa fo yaaloé? Ai so whĩta, Kótóné ama kae ere dę tuãmó beteróppóló, taketi tukóló muló beteraapó. ²⁴ Atére so whĩta me kae mei, dãtórótípó. Ti dã Juda fake maaté ɔ beterepaae ape ini, Juda meire fake so whĩkélé ɔ beterepaae ape erapó. ²⁵ Yãlo i dere fo kaae, Hosea *buk-mókélé* Kótóné ama i fo erapó.

“Mepaae yãlo so whĩ mei, kae fake so whĩpaae yãlo so whĩpó yóo, take hosaa muni yale sopaaetei yãlo hosaa mole sopó yóo, yaalo ai ape.”

²⁶ Atére kaae,

“Atima yãlo so whĩ meipó yale tikimótei diã mo ti betere Kótóné naale senaalepó yaalo ai ape.”

²⁷ Aisaiané Israel so whĩmó kisipa mutu, fo fakeyóló i fo erapó.

“Israel fake so whĩ mo hãle ɔla kaae betó mupatei, betã betã so whĩ ti aluyaqsóro tao saalo ai ape.

²⁸ Ti noatepae, Talené i haemó betó mole so whĩné yale dowi alamó kwia melaairetei hãsóko feni, hapale tétitóro mo turó melaalo ai ape.”

²⁹ Ti i bope yale ala Israel so whĩpaae eraaitepatei, mo take Aisaianékélé asęyóló muló beteraapó.

“Hepen bemó betó mole bóe dele *enselrape* teteróló kaae tare Talené dã tao sóro, ama naale senaale beteróluqmeisóro, ti dã Sodom beró Komora betamo doróló wópu mulótu yale kaae uãpó,” erapó.

Israel fake so whĩ Talepaae kisipa tirénire ala

³⁰ Atérapa, mió dãné noa fo yaaloé? Juda meire fake so whĩ atimapaee Kótóné mo donoi so whĩpó yóppóló, me wisi alakélé initei, Kótópaee betã kisipa tiki tiratere ala kilituraalu, mo donoi so whĩpó erapó. ³¹ Téyaleteti, Israel fake so whĩné kale tukóló muló betere foné erae dere ala eratepa kilitu, mo donoi so whĩpó yóppóló, ketekę buóló du betaleteti, donoi so whĩpó yaaire dãlemó sóko fenipó. ³² Ti noatepae, atima tuę tiki tiratere ala ini, kale tukóló muló betere fo sya fupa saalopóló kisipa mutu wóputu betaletetiné sini ipakalepó. Ti atimatei kale kotóo sóro dée nalatere kane fakemó kotóo sóro dée nukua yalepó. ³³ Ti atima ai ere alata, i asęmó mole fo kaaetóro erapó.

“Kotóo sóro dée nalatere kane fake Saion haemó yãlotei i mulatapa kelae. Ai kane fakemó so whĩ kotóo sóro dée nukua yaalopó.

Mepaae so whĩ dené ai seképaee kisipa tiki tiratepa, ti atétere so whĩ hãle dere alakélé mo yaalomeipó,” erapó.

10

¹ No nerape-ó, Israel fake so whĩ aluyaqsóro yãlo hosaamó suraalu, Kótóné tao sópóló momarótu beteraapó. ² Ti noatepae, atima Kótóné ala eraai ketekę boletei yãlo kelené diriyóló kolóló mo kisi-parapó. Tépaetei, ai bole ketekęta, ama fo bete wosóló diriyóló tuę iru meitei hãle du beteraapó. ³ Ti noatepae, Kótóné hãle matere donoi ala atima tuęniru, atima dere wisi alamó Kótóné mo donoi so whĩpó yóppóló kisipa mutu, wóputu betaletépó. Téturaalu, Kótóné donoi so whĩpóló beterótu betere aqomó sukóló bitini, dowãae fu betaletépó. ⁴ Ti kale tukóló muló betere foné eraai yale ala fea mo dokonóló, Yesu Kerisoné amatóro eróló kemeralepó. Atére alata, mepaae so whĩ de ɔpaae kisipa tiki tiratepa, Kótóné me alakélé muni, mo donoi so whĩpó yóppóló erapó.

⁵ Kótóné mo donoi ala dere so whĩpó yóppóló, kale tukóló muló betere fo erótu beteremó Moses-né i fo erapó.

“Me whjnéta mo kale tukóló muló betere fo sya fu betepa, ti ai foné erae dere ala fea hotowaró sya fóló erótu beterópóló yae,” erapó.

⁶ Tépaitei, tué tiki tiratere so whjpaae me alakélé muni, mo donoi so whjpo dere fo i ape. “Diaaq hosaa tuamó etei kaae kisipa muaqsé. ‘Demaaté hepen-paae faaloé?’” dere fota, Yesu Keriso i haemó beterópóló dapesó dorowonére? ⁷ Me fo i ape. “Demaaté mo apaae derepaaloé?” dere fota, Yesu Keriso sukóló moletei i haemó beterópóló, mé whj hae dolopaae doropóló dapesó honére? ⁸ Até enénipa, Kótóné noa fo aseyóló muló betere? “Kale mo fo ya betere tikimó ai mole ape. Ai fota, naao kólómókélé buóo, naao hosaa tuamókélé muóo, ai ere ape.” Ti ai fota, me kae mei, dané diapaae Yesu Kerisopaae kisipa tiki tiróló betae yóló yó mótu betere fotórótípó. ⁹ Ti ai bete mole fo i ape. Mepaae whjpaae naao kólónétei, “Yesu ata, da tetéroló kaae tare Talepó,” yóo, a mo ti sukaletei Kótóné momó kepaaró beterapóló kisipa tiki tiróo depa, ti so whj aluyaqsóro ama tao saalopó. ¹⁰ Ti noatepae, naao hosaa tuamó apaae kisipa tiki tiróo, me alakélé muni, mo donoi whjpo yóo, naao kólónékélé a etei kaae Tale beterapó dere fo wosetu, ama ya aluyaqsóro tao sóo yaalo ai ape. ¹¹ Ai dere fo kaaetóro asemókélé erapó.

“Mepaae whj de apaae tué tiki tiró betepa, atére whj haleróló só deraalomeipó.”

¹² Ti noatepae, Juda fake so whjkélé, Juda meire fake so whjkélé, tetéroló kaae tare Tale mo betatóro bitu, me fake tao suraalu me fakemo sisópaae erótumipó. Mepaae so whjné apaae Tale-ó, e tao sae depa, ti wisi ala faane Talené hamokoróló tao sóro wisi eraalo ai ape. ¹³ Ti noatapae,

“Mepaae so whj dené ata, etei kaae Tale beterapóló kisipa mutu, ‘Tale-ó, e tao sae,’ depa, ti atétere so whj mo fea aluyaqsóro ama tao saalopó.”

¹⁴ Mepaae so whj atima kisipa tiró bitinire Talepaae Tale-ó, e tao sae fo netéro yaaloé? Me whjné ata, etei kaae Tale beterapóló yó matere fo wosenitepa,

apaae nétéro kisipa tiki tiraaloé? Ai fo wisi yó matere whj meitepa, ti atima nétéro wosaaloé? ¹⁵ Kale fo wisi yó melale fópóló mené dotonéni depa, ti atimanémo ai fo netéro yó melaaloé? Ai fo kaaetóro asemó erapó.

“Kale fo wisi yó maté kotere whjrape dore tikikélé hōni, koteretei kilitu mo kokóné sukutapó.”

¹⁶ Tépaitei, mepaae Israel fake so whjné kale fo wisi wosóta dua yaleteti, ai fo aqmó sukóló bitinipó. Ti Aisaiané i fo aseyóló muló beterapó.

“Tale-ó, dané yó male fo némaaté wosóló tué tiki tiraleé?” erapó.

¹⁷ Atépaitei, kale fo wisi yó matepa wosetere alané ti tué tiki tiratere ala kaaratapó. Ai fo wisita, Yesu Kerisoné me whjpaae yó melae dere fotóro yó matepa so whj feané wosenérapó. ¹⁸ Tépaitei, yalo diapaae wosetere fo i ape. Ai yó male fo atimané wosenié? Mei, mo wosipakalepó. I ere fo kisipa muae.

“Ai kale fo hae kwiamó betó mole so whj feané wosópóló deté kwēalepó.

Ai fo wosóló, atimanémo i hae kwia feamó betere so whjpaae yó maté kwēóló mo suralepó,” erapó.

¹⁹ Kale yale kaae diapaae momó wosetere fo i ape. Israel fake so whjné kale fo wisi wosóló kisipa inié? Folosóro Mosesné asemó Kótóné i fo erapó.

“Mo doi munire so whjpaatei yalo wisi ala eratepa kilituraalu, dapaae eróluga alatei atimapaee eratapóló diaaq dei tué muaalo ai ape.

Diā fopaae buópóló, yalo fo tuénire so whjpaae wisi ala eraalopó,” erapó.

²⁰ Aisaia a halainé daalu i fo erapó.

“E kelaai kekenitere so whjnétei e kolóló tué yalepó.

E kisipa yaaitapóló yó alae fo ini yale so whjpaatei e etei kaae Kótó beterapóló yó malepó,”

²¹ Tépaitei, Kótóné Israel fake so whjmo kisipa mutu, ama i fo erapó.

“Betere dokō fea atima yalo dere fo wosóló aqmó bitini, dowāe fu betere so whj yalo dape saairaalu, naase bukó tapatei, atimané yalo dere fo

woseni, mo ti dowṣae fu beterapó,” erapó.

11

Kótóné mepaae toróti Isarael fake so whi kqleyalepó

¹ Atérapa, yaḷo diṗpaae wosetere fo i ape. Kótóné ama so whi hóróló mo ti taaraleé? Mo meipó. Ti ɛkélé Israel fake i betere ape. Ẽta, Abraham-né deale naalené deté wale whi Benjamin fakené deale whipó. ² Atima teó deyaaipatei, mo taketi Kótóné ama kisipa yale so whi hóróló mo ti taarénipó. Ti Elaijané yale ala ašemó moletei kisipa muae. Kótóné Israel fake só deróló kwia melópóló kisipa mutu, Elaijané i fo erapó.

³ “Tale-ó, naao fo eratere kóló whirape atimané dóo, yaṗpaae moma yaai aleóló muló betere kane fakekélé fisikóló taae falóo yalepó.

Téturaalu, ɛ betṗ ḥṣókó fóló betepa, mió atimané ɛkélé dóló aluraai du beterapó,”

⁴ Ai fo depa, Kótóné Elaijapaae noa fo ipakaleé?

“Kapala kótó Baal-paae bukutiri teṗró tale-ó yóló, moma initere 7,000 whikélé atimané daṣsóró ɛpaaetóro moma yópóló, yaḷo atima tao sóro kae beteralepó,” erapó.

⁵ Take ai ala ere kaae, mió i alimókélé Kótóné ama kisipa mole ala sya furaalu, hamokoróló ḥale tao sere alané mepaae toróti so whi amatei sókó sóro kae beteró beterapó. ⁶ Ti ama so whi atéro kae beterale alata, Kótóné ama hamokoróló ḥale tao sere alané erapó. Ti aita, whiné dere wisi ala kolóló inipó. Motamo wisi ala deremó uṣsóró, ti Kótóné ama hamokoróló tao sere ala ḥale ɔla aṗ uṗó.

⁷ Atérapa, mió noa ala ere? Israel fake so whiné saai dapóló ketekṗ buóló kekitu betale ɔla sinipó. Téyaletei, Kótóné ama so whipóló sókó suyóló kae beterale so whiné maaté salepó. Mepaae so whiné hosaa ti Talené amatei ṗaralepó. ⁸ Atére ala ašemó erapó.

“Atimané kisipa tikikélé, Kótóné mo ti keyóróló okokoróo, kelenékélé

me ɔla kelaṣsóró dilikiróo, wosṣlinékélé dere fo wosaṣsóró mo ti kinóo yaleteti, mió i alimókélé ai alatóro ḥale erapó,”

⁹ Depit-nékélé i fo asṗrapó.

“Atimané ɔla nokole alata, atima daaitere he alée fóo, kotóo sóro dée nalatere kane fake alée fóo duraalu, atimatei só deróló kwia melópóló yae.

¹⁰ Atima kelenékélé me ɔla kelaṣsóró kele mo ti dilikiróló, atimané sekṗ beleyóló furaalu, sisó mo ti kṗae wale nisi deretei ḥale yó tanópóló yae,” erapó.

Hṗle botokore ni, dṗlo nitamo olekeyale fo

¹¹ Térapa, yaḷo diṗpaae i dere fo wosae. Atima atéro dée naleteti mo ti muó tawaleé? Mo meipó. Téni, atima dowi ala maaté du betepa, Kótóné tao sere ala Juda meire fake so whipaae erótu beterapó. Israel fake so whiné ai ala kilituraalu, atimapaae eróluṗ alatei kae fake so whipaae eralepóló, atima kisipa sópóló Kótónétei eralepó. ¹² Juda fake so whi atima Talené fo wosetere hýyóló dowi ala du betaletiné, Kótóné ama wisi wisi ala i haemó betó mole so whipaae erótu beterapó. Ai erótu betere ala Juda fake so whipaae melaai yaleteti, Juda meire fake so whipaae malepó. Ai Juda fake so whi mo turó Talepaae momó fesaae waletimó, i haemó betó mole so whipaae waaire wisi wisi alata, take folosóro erale wisi ala bosenóló, mo dekéro fṗayóló saalo ai ape.

¹³ Diṗ Juda meire fake so whipaae i dere fo wosae. Ẽta, diṗ tuṗmó Talené fo erópóló aposel whi sóro beteró betereteiné, ama ala yaḷo diṗpaae eróló fakerótu beterapó.

¹⁴ Aita ḥale mei, yaḷo fake so whiné diṗ tuṗmó du betere wisi ala kaae, dṗkélé enée dere so whi mepaae Talené tao sópóló kisipa mutu, ketekṗtamo erótu beterapó.

¹⁵ Ti noatepae, Talené Juda fake so whi kapala hóróló sisópaae eraletiné, i haemó betó mole so whi Kótótamo bóe fiyóló betṗmó beterapó. Ai ala mo epa, ti atima dape sere be demó sukóló mole so whi kepaarótu dere kaae eraalomeipóló de?

¹⁶ Ti folosóro bulatere *flawa* o k̄aae sóro kwia Talepaae matepa, ai matere kwia Talené amapóló wisiróló kae mulóturaalu, mepaae h̄ale mulaleteikélé fea amapóló kae muló betera. Atétu dere kaae, ni bete Talepaae matepa, Talené amapóló wisiróló kae mulóturaalu, ni tetejkélé kae ai muló betere ape.

¹⁷ Ti dīta, mo d̄alo *Olip* ni tej mei, h̄ale botokore *Olip* ni tej tukó sóro mo d̄alo *Olip* ni tetejrapetamo daalópóló, mepaae tetejrape tukó faróló, t̄alemó olekeyalepó. Ti ai olekeyale ni tej horatere f̄eta, kale bete daale *Olip* tikimó kaaróló mótua dapó. ¹⁸ Atérapa, dī olekeyale tetejrapené mepaae h̄ale ere tetejrape t̄eteróló bopé fakeyaq̄se. Dītamo bopé faketepa, ti ȳalo i dere fo wosóló kisipa muae. Bete diriyóló daalópóló dī tetejrapené fotokq̄ró bitini, tetejrape daalópóló, betené fotokq̄ró betera. ¹⁹ Ti me wh̄iné etei fo enérápó. “Ē etéró olekeyóló daalópóló, mo tetejrape tukó faralepó,” ²⁰ Aita mo deretei, atima tū tiki tiréni yaleteiné Kótóné tukó faróló, diaaq̄ kisipa tiki tiró betere alané dī olekeyóló daalapó. Atérapa, me wh̄i t̄eteróló bopé faketera ala ini, winé sukutu Kótó aqmó betae. ²¹ Ti noatepae, Kótóné ama d̄alo ni tetejrape k̄le duraalu bokq̄ sóro taaréni, mo tukó faralepó. Atéyale kaae, dīkélé tukó faraalomeipóló de?

²² Ti Kótó āta, k̄leturaalu taosóro wisi ala eróo, dowi ala deremó deteraayóló kwia matere alakélé yóo dapóló kisipa muae. Yesupaae kisipa tiki tiréni, haepaae derepele so wh̄ipaae Kótóné dowi kwia melóo, dī āpaae kisipa tiró betepa ama k̄lené sukutu tao sóo yaalopó. Atérapa, dī ama tao sere ala taaróló feni, ai wisi ala tūamó h̄ale betó tawae. Aténitepa, ti Kótóné dīkélé tukóló taae faraalopó. ²³ Ti ai kale tukó farale tetejrape atima tū tiki tiréni, dow̄aae fu betere ala taaróló, momó kisipa feteyóló āpaae tū tiki tiratepa, ti kale tukó farale t̄alemó Kótóné momó sumó olekenérápó. ²⁴ Ti noatepae dīta, h̄ale botokore *Olip* ni tej tukó sóro, d̄alo *Olip* ni t̄alemó olekeyaaitere ala mo hapólupatei olekerápó. Kale mo

d̄alo *Olip* ni tej tukó farale t̄alemó momó olekeyaaitere hapólu ini, ama mo sumó olekenérápó.

Kótóné Isarael so wh̄i tao saalopóló yale fo

²⁵ Norape-ó, dī bopé faketuraalu mepaae so wh̄i só deraq̄sóró, kinóló mole ala diaaq̄ kisipa yaasepóló, h̄akearóló i dapa wosae. Talené mepaae Israel fake so wh̄i atima hosaa mó ti t̄aró betere ala h̄ale epa, ti mepaae Juda meire fake so wh̄i Talené ama d̄ale muló betereitei fea sumótóró ā beterepaae wapa, atima hosaa t̄areitei Talené momó feteraalopó.

²⁶ Atéturaalu, Israel fake mepaae turó aluyaq̄sóró tao saalo ai ape. Ai fo kaae āsemó erapó.

“Tao saaire wh̄i Saion be taaróló wouraalu, Jekop fake so wh̄iné Kótó sisópaae erale ala kemeraalopó.

²⁷ Atima aluyaq̄sóró ȳalo tao saalopóló muló betere dirii fo i ape.

Atimané dowi ala ȳalo tokq̄ló aluraalopó,” erapó.

²⁸ Juda fake so wh̄i atima kale fo wisi h̄óróló sisópaae eratereteiné dītamo bóe du betera. Atima Juda fake so wh̄iné kale wosetere fo wisitamo atéró bóe du betepatei, Kótóné ama so wh̄ipóló sorokó su yóló kae betero betereiteiné ama hosaa mole naale senaalopóló, yaala sókó fu betera. Ti aita, take noumatereraepaae i ala mo eraalopó yóló mulale fo sya furaalu du betera. ²⁹ Ti noatepae, Kótóné ama so wh̄ipaae h̄ale matere ala ama tū feteyóló momó tokq̄ sóo, ama kutó diraa ai ape depa wale so wh̄ipaae, dī fae yóló h̄okonatere alakélé yóo dumipó. ³⁰ Juda meire fake so wh̄i dī take betale alimó Kótóné fo aqmó sukq̄ló bitini, ama fo tikitu betalepó. Tétu betaleteti, mió Juda fake so wh̄i Kótóné fo aqmó sukq̄ló bitini, dow̄aae fóló du betale alané Kótóné dī k̄lené sukutu tao saaire tū mulalepó. ³¹ Atére kaae, mió Kótóné dī k̄lené sukutu tao sale alané take atimakélé k̄letu tao s̄póló, mió Kótóné fo tukóló dow̄aae fu betera. ³² Atéró dow̄aae fu betepa, Kótóné k̄lené

sukutu atima mo fea tao saairaa, fo tukóló dowi ala du betere tuámó beterapó kisipa muópoló, so whi fea ai ala tuámó sóró beteralépo.

Kótóné doi sóró horatere ala

³³ Kótóné dotoróe fóló mole tué tiki betéró fea ala bete tuére alatamo ama kaepó.

Téruraalu ɔla ɔla fea tale dere alaró ama du betere alatamo né taleyóló kisipa yaaié?

³⁴ “Talené ama mole kisipa turó né kisipa ere?

Kótóné ama du betere ala wisiyóló yópoló né yó maleé?

³⁵ Mé whiné Kótóné ɔpaae momó tokó melópoló, me ɔlakó melaleé?” erapó.

³⁶ Ti noatepae, Talené so whikélé, yó mole ɔla ɔlakélé mo fea amatóro kaaró beterapó. Ai ɔla ɔla fea ama fotokóné teteróló kaae tapa yó mulapó. Betere ɔlanékélé, ere ɔlanékélé ama kisipa mole alatóro erópoló erapó. Atérapa, ai sekéné ama doasi doi hãle muó tanópoló yae. Mo kée! téyópoló yae.

12

Dɔné betere bete turó Kótópaae hãle matere ala

¹ Térapa norape-ó, Kótóné dɔ kɔlené sukutu tao sóró erótu betere wisi ala kilitu, hupu ó na simó sukúlaa daaróló Talepaae mótu dere kaae, diɔ mo bitutei, diaaɔ hó, naase, tué tikikélé, hosaakélé fea Talepaae hãle melaasepóló i dere ape. Atétepata, Talené ala erótu mo kae so whi beterepa, ama kolóló hɛkeseyóló senérapó. Ti aita, Talené diɔpaae hãle eró betere alamó kisipa mutu, ama doimó mo donotóro dirótu betere kutó ai ape. ² Tétu, i haemó betó mole so whiné du betere ala diɔné tokóló ini, take muale dowi kisipa taaróló, mió wisi kisipa muóló betae. Atétepa, ti Talené kisi whi aleróló beteraalo ai ape. Atéro bitu, kae kae ala fea diɔnétei taleyóló ita, Talené ama yaai kisipa mole alapóló kɔae kolóló, tué yaalopó. Kótóné kisipa mole alata, mo ala wisinaale, dɔ mo

whiné eratepa, ti ɔ mo hɛseke yaalo ai ape. Ama kisipa mole ala mepaae ɔɔɔni, mo sumótóro mulapó.

³ Ti noatepae, Talené hamokoróló ɔpaae melale kutó diróturaalu, diɔ feapaae i dere ma fo wosae. Kótóné ɔpaae kisipa tiki tiratere ala yópoló, diɔ feamó betɔ betɔ yóló ɔliró beterapó. Atérapa, dere ala fea ɔlotóro sumó enérapóló, me whi só deróló bopé fakeni, Talené ɔ tuɔpaae sɔratepa i kutó sumó dinérapóló kisipa muae. ⁴ Dɔ so whi fea mo betɔ tikitóro daalapó. Ai betɔ tikimó hó naase, kae kae tiki fea daaletei, ai tikirape feané betɔ kaae alatóro dumi, kae kae ala dua dapó. ⁵ Atéru ere kaae, dɔ fea Yesu Keriso tuámó mo betɔ tikitóro daayóló beterapó. Dɔ Keriso so whi fea olekeyóló betɔ tikitóro daaleteiné no netóro beterapó. ⁶ Dɔ feané Kótóné ala erópoló, amatei hãle hamokoróló kae kae kutórape dokɔralepó. Mepaae whi Kótóné kɔló whi bitu, Talené fo i ape yóló yó matepa, ama tué tiki tiró betere bete mole fo donotóro sya fóló erótu beterópoló yae. ⁷ Talené kutó diratere so whirape bipi yaɔsóró, tao sere kutó meló betepa, ti ai kutótóro dirótu betae. Mepaae so whipaae Kótóné fo yó matere ala meló betepa, ti so whipaae yó matere alatóro du betae. ⁸ Mepaae so whipaaetamo Talené ala erótu betereitei taaréni, yó tanópoló ketekɛ bulatere ala meló betepa, ti ketekɛ bulatere fotóro du betae. Mepaae so whipaae so whi tao sóró hãle matere ala yópoló meló betepa, ti nalo kwia saai dapóló kisipa muóló meni, hãle sae yóló meló betɔ yae. Mepaae so whipaae so whi teteróló kaae taru ɔlisóro fole ala meló betepa, ti kisipa ai alapaaetóro mulóló, mo hotowaró kaae tawae. Mepaae so whipaaetamo so whi kɔlené sukutu tao sere ala meló betepa, ti kutiri teraae fóló, hãtamo tao sere ala du beterópoló yae.

Ne nopaae yaala sókó furaalu mo alatóro erótu betae

⁹ No nepaae hãle tó tikiné maaté yaala sókó feni, hosaa tuámó mo alatóro muluraalu, yaala sókó fu betae. Atétu, dowi ala mo ti sisópaae eróló, wisi ala betɔ

botokó sóró tawae. ¹⁰ Diaaḡ no nepaae yaala sókó fóló, u tao su i tao su dere ala h̄le yó tawae. Naao no hamomané wisi ala du betepa, naao doi haepaae deróló ama doi sóró horóló, ḡ dukirótu betae. ¹¹ Talené ala erateretei, deokayóló h̄ni, Deḡ Kepe Wisiné diaaḡ kepe bete tuamó ketek̄e bulatepa, diaaḡ ama ala erótu beteretei si kaae h̄le dó tanópoló yae. ¹² Take nalo Talené d̄paae wisi ala mo eraalopóló kisipa mutu, sek̄ei ala wapakélé me ɔla meipóló h̄le belée taru, hajné sukóló momatere ala bet̄a suka fea yó tawae. ¹³ Kótóné ama kae beteró betere so wh̄i mepaae ɔla ɔla yaḡatepa, naao moletei bukóló h̄le melae. Mepaae uké wale so wh̄i naao bepaae wisi kisipatamo dape sóró ɔla melóló firae.

¹⁴ Mepaae so wh̄iné dīpaae kae kae sek̄ei ala eratepa, Talepaae atima dorae fo ini, tao sae yóló wisiraterere fotei yae. ¹⁵ Hajné sukutu, mo kée du betere so wh̄itamo dīkélé hajtere ala yóo, dekené sukutu moló du betere so wh̄itamo dīkélé moló yóo, du betae. ¹⁶ Diaaḡ no netaamo bet̄a kisipa muóló dua betóo, bopé fake dere ala ini, doi muni sókó deyóló betó mole so wh̄itamo fulumuyóló bet̄amó betóo dere ala h̄o yaḡse. Naaotei ya fea ala fea tuḡre wh̄ipóló, naao kisipanétei mepaae so wh̄i só deratere ala mo yaḡse.

¹⁷ Mepaae wh̄iné dīpaae me dowi ala eratepa, ḡpaae momó tokó matere ala ini, so wh̄i feané keletómó mo wisi ala maaté erótu betae. ¹⁸ So wh̄i featamo mo bet̄a kisipatoró muóló, naao hosaa muni deyóló betere ala enépa, ti naao dere ala mo dua bituraalu du betae. ¹⁹ Norapeó, menétamo dīpaae sek̄ei ala eratepa, kwia tokó matere ala ini, Kótó ḡ fopaae buturaalu, ai kwia ama melópoló taalae. Ti noatepae, Talené ašemó i fo erapó.

“Mepaae wh̄inétamo dowi ala eratepa, ti kwia tokó matere kutóta yaḡlopó,” erapó.

²⁰ Atérapa, kwia tokó meni,

“Naao bóe wh̄itamo wotetepa, ti ɔla melóo, weḡi nokolepa, ti weḡi melóo yae.

Ti naao ḡpaae ai eratere wisi alané ama hosaamó saalopó.

Atéró eratere ala ti ama topomó si kelerape hupó kaae horóló muaalopó,” erapó.

²¹ Dowi alané ya só deraḡsóró hotowaró kaae taru, wisi alanétei dowi ala t̄eteróló alurópoló yae.

13

T̄eteróló kaae tare wh̄irape aḡmó betae

¹ So wh̄i fea t̄eteróló kaae tare *Gavman* wh̄irapené dere fo wosóló, dīa fea atima aḡmó sukóló betó muea. Ti noatepae, ai wh̄irape fea atéró so wh̄i t̄eteróló kaae tanópoló, mo wh̄iné sóró beteréni, Kótónétei ai t̄eteróló kaae tare kutó melóo, ai wh̄irapekélé sóró beteróo erapó. ² Atépatei, mepaae wh̄itamo ai t̄eteróló kaae tare wh̄irape aḡmó bitini, bóe du betepa, ti ai wh̄irapetamo maaté dumitei, Kótóné eró betere alata-mokélé bóe dilapó. Atéró bóe dele alamó atima só deróló dowi kwia melaalopó. ³ Ti noatepae, mepaae donoi ala du betere wh̄irapeta, kale t̄eteróló kaae tare wh̄irape kolóló wi dumitei, fo tukóló dowi ala du betere wh̄irape ti witua dapó. Kale t̄eteróló kaae tare wh̄irape kolóló dīa wini, halaainé betaai kisipa mutepa, ti wisi ala du betae. Atétepa, ti atimané ya wh̄i wisipóló dukiraalo ai ape. ⁴ Ti atima, Kótóné kutó diratere wh̄i bitu, dīa wisiyóló beterópoló, wisi ala erótu betere wh̄irapepó. Tépatei, dīa dowi ala du betepa, ti mo wi yae. Ti noatepae, ama ai tawóló kutu betere sepake h̄le tarapóló kisipa mute? Ti ḡta, Kótóné kutó diratere wh̄i bitu, dowi ala dere so wh̄itamo fopaae buóló kwia matere ala yópoló, Kótónétei ḡ sóró beteróo beterapó. ⁵ Térapa, d̄a so wh̄i fea kale t̄eteróló kaae tare *Gavman* wh̄irape aḡmó betae dereteita, i betené dapó. Naao mo dere alamó kwia melóo, naao iniyale alamókélé hosaa tuamó mole kisipanétei dīa só deróo yaḡsóró, atima aḡmó betenérápó.

⁶ Me i alamókélé dīa wituraalu, *takis moni* mótua dapó. So wh̄i t̄eteróló kaae

tare *Gavman* wh̄irapeta, Kótóné kutó diratere wh̄irape bitu, betere dokọ fea so wh̄i t̄eteróló kaae tare alatóró deté fu beterapó. ⁷ Mepaae doasi doi mole wh̄irapepaae eraaire ala mupa, ti feané mo erae. Ai alarape i ape. Atimané dīapaae *takis moni* etéró ɔlae depa, ai s̄utóró melóo, mepaae tó mó beleróló ɔlae depakélé melóo, mepaae ala t̄eteróló kaae tare wh̄i betepa, ti ai wh̄i kolóló witu, ɔ aqmó betóo, mepaae t̄eteróló kaae tare wh̄i doasi doi mupa, ti ai wh̄i mo doasi doi muó póló hale horóo du betae.

A waaire be d̄e felekerapa, ne nopaae yaala sókó fu betae

⁸ Mepaae wh̄iné nalo tokọ melaai dapóló sale ɔla kwia mupa, ti ai kwia hale muó tawaqsóró hapale tokọ melae. Ti yaala sókó fole ala bet̄a kwia tokọ melóló kemeraaire ala meipa, ne notamo yaala sókó fole ala hale yó tawae. Ti noatepae, mepaae wh̄iné ama be wh̄i so wh̄ipaae yaala sókó fole ala du betepa, ti kale tukóló muló betere foné yae dere ala mo ai dokonatere ape. ⁹ Kale tukóló muló betere forape i ape.

“Nópu nokole ala yaq̄se, Wh̄i dóló suku-naq̄se, Ọlémi naq̄se, Mené ɔla senée yóló au naq̄se,” erapó.

Mepaae tukóló muló betere forape fea husiró betere mo topo ala i ape.

“Naaotei ȳa yaala sókó fu dere kaae, so wh̄i feapaae atéró yaala sókó fu betae.”

¹⁰ Mepaae wh̄iné ama ne nopaae yaala sókó furaalu, wisi ala eratepa, ti atima doratere ala mo yaalomeipó. Atéró yaala sókó fole ala du betepa, ti kale tukóló muló betere foné yae dere ala mo turó dokonatapó.

¹¹ Mió i bitu du betere ala bete diriyóló kisiparu, yaala sókó fole ala du betae. Ti noa betené dumi, d̄a Talepaae kisipa tirale be demó kaae sóró bitiré wóló, mió d̄a tao sóró dape saaire be d̄e mo felekemó sókó walapó. T̄erapa, noke firetei turukó horóló kele diriyóló betae. ¹² Mió kale be d̄e sókó wouraalu, diliki mo felekemó kemeraai dapó. T̄erapa, diliki tuq̄mó bitu du betere ala tu d̄epaae mulóló, bóe daai

wase dakorótu dere kaae, kale d̄e tuq̄mó mole ala wisi dīané bopémó dakeró betae.

¹³ D̄a d̄e tuq̄mó kisipa wisi muóló betere so wh̄iné dere ala kaaetóró du betae. Dīa so wh̄i fea fo dokóló dowi w̄eji nokole alaró so nópu nokole alatamokélé, so ó wh̄i nópu nokole alaró kae kae sonaalei alatamokélé, h̄ole sere alaró dei tuq̄ muóló alale sere alatamokélé momókó yaq̄se. ¹⁴ Ai dos̄ayale dowi alarapekélé, mepaae naao tó tikiné ek̄elere alakélé netéró yaaloé yóló tuq̄ teketu bitini, d̄a t̄eteróló kaae tare wh̄i Yesu Keriso bet̄a kuti kaae deróló betae.

14

Kisipa tiró betere ala dirire wh̄iró fotokọ buni bére wh̄itamo

¹ Kótóné i ala yae ó yaq̄se fo h̄akearóló inipa, me wh̄iné ama kisipa tiró betere ala b̄eruraalu, ama tuéné etei kaae ala dopa yaalomeipó dere kilitu, taleyóló só deraq̄se. T̄eni, mo nopóló dape sae. ² Me wh̄i ama kisipa tiki tiró betere alané fea ɔla s̄umó nenérápóló nóo, me wh̄iné ama kisipa tiki tiratere ala fotokọ buni b̄eruraalu, kutómó bilitere mo ɔla maaté nóo, dua dapó. ³ Fea ɔla nokole wh̄iné kutómó bilitere ɔla maaté nokole wh̄itamo dei kisipa mutu, ɔ eróló belei aq̄raq̄se. Atétu dere kaae, fea ɔla n̄enitere wh̄iné fea ɔla nokole wh̄ikélé só deraq̄se. Ti noatepae, ai wh̄ita, Kótóné ama naalepóló dape sóró beteró beterapó. ⁴ Ȳa noa kaae wh̄i bitu, me wh̄iné kutó diratere wh̄i só deróló taletere ala du bitute? Ai wh̄i ɔ t̄eteróló kaae tare wh̄inétóró taleyóló ɔ só deróo, só deréni yóo, enérápó. Ti noatepae, me wh̄iné ɔ só deratere ala yaalomeitei, diriyóló beterópóló Talené bet̄a fotokọ bulatere ala enérápó.

⁵ Mepaae wh̄iné bet̄a be d̄e Talené ama d̄ale muló beterapóló kisipa muóo, me wh̄iné mepaae be d̄ekélé fea bet̄a kaaepóló kisipa muóo du beterapó. Dīa bet̄a bet̄a so wh̄iné noa kaae be d̄e mo dono be d̄epóló kisipa mutepa, ti ai kisipatóró sya fenérápó. ⁶ Me wh̄iné bet̄a be d̄e mo doasi be d̄epóló kisipa mutepa, ti ɔ t̄eteróló kaae tare Talepaaetóró kisipa mutu dapó. Mepaae wh̄i hupu, na, ba, nukupa, ti

à tẹteróló kaae tare Talepaaetóró kisipa mutu, mo kée yóló nukulapó. Mepaae néni were whíkélé Kótópaetóró kisipa mutu, mo kée yóló we dapó. ⁷ Ti noatepae, dąkó mo betą whíkélé ama kisipa mole ala yaai dapóló ama kọlenétei betóo, betą whi sukutepakélé, ama kọlenétei sukóo dumipó. ⁸ Dą betere alakélé, sukutere alakélé, ti Talené ama kele tómotóró erapó. Térapa, dą hąle betepa ó sukutepakélé, Talené ama so whitóró beterapó.

⁹ Ti Yesu Keriso à sukóló momó kepaayóló betereiteita, ti betere so whiró sukąle so whitamó tẹteróló kaae tare Tale betaairaaalu, erapó. ¹⁰ Aąta, atére Tale beterapa, naao noné dere ala ó mole tuę tiki taleyóló, dorapóló noatepa só derótu betere? Ó dią mepaae so whinékélé diaaq no nené ere ala kolóló, diąta, ę kaae mei beleipóló só derótu bitute? Ti noatepae, dąné du betere ala Kótóné tale yópóló, dą fea à beterepaae betą betą yóló fóló, daaneta yaalopó. ¹¹ I fo aseýóló muló beterapó.

“Ęta mo Tale bitu, yało i dere fo hąsókó feni, mo yaaitere fotóró diąpaae dapa wosae.

So whi mo fea ę beterepaae wóló bukutiri teąró bitu, yaąta etei kaae Tale beterapó fo mo yaalo ai ape,” erapó.

¹² Atéturaalu, dą so whi dokọ feané du be-tale ala Kótóné taletepa, dąné yale alarape ama keletómó daalu, dąnétei dosąayóló eneta yaalopó.

¹³ Téyaalopa, dąné ne noné dere ala taleyóló u só derąle i só derąle du betereitei mo taalae. Tényi, naao du betere alanétei naao no nené tuę doróló dée nalaąsóró, naao dere ala ti tuę tekeyóló yae. ¹⁴ Ti ęta, Tale Yesu Keriso tuąmó bitu, fea ọla naairetei fo muni, featóró nenérapóló yało mo diriyóló kisiparapó. Tépateti, mepaae whi ama kisipané mepaae ọla doreteiné naalomeipó depa, ti ai whi ą were ọla mo nenénipó. ¹⁵ Yesu Keriso sukóló tao sale no hamoma naao ọla nokole alané doraąsóró yae. Mepaae naao no ne were ọla noko-leteiné atima tuę tiki doróló sekeratepa,

ti ya tuąmó yaala sókó fole ala mo munipó. ¹⁶ Naao mo wisi ala depatei, me whiné naao dere ala kolóló ą dée nukupa, ti naao ą dée nanalepóló ya eratere fo yaąsóró, naao dere ala kisipa tekeyóló yae. ¹⁷ Ti noatepae, Kótóné tẹteróló kaae tare tuąmó, ọla nokole alaró *wain* wẹi nokole alatamo doasi bete munipó. Tépateti, Dęi Kepe Wisiné dą tuąpaae erótu betere mo donoi alakélé, hosaa muni deyóló mo dua betere alakélé, hąiné sukutere alakélé, i alarape feata, ti doasi bete mulapó. ¹⁸ Atéreteiné mepaae whi dené Yesu Kerisoné ala eróturaalu, i dosąaté wale alarapetamo du betepa, ti Kótókélé hękese yóo, mo so whinékélé wisi ala dapóló ya dukiróo yaalopó.

¹⁹ Térapa, diaaq mepaae du betere alané hosaa muni deyóló mo dua betere ala epa, ti dą feané Talené ala eraté fóló, mo dirii whi betaaire ala betą ketekę buóló eróló fakeraalopa siępe. ²⁰ Kótóné so whi tuąpaae erótu betere ala mepaae ọla nokole alané doraąsóró yae. Nokole ọla fea doni, nenérapó. Tépateti, naao ọla nokole alané mepaae were whi dée nalatepa dorapó. ²¹ Hupu, na, ba, *wain* wẹi nokole ala ó mepaae dere alanékélé, naao no dée nenérapóló kisipa mutepa ti taalae.

²² Térapa, ọla nokole ala, ó wetere ala, ó kae kae be dęmó me ala yaąsóró dąle mole alakélé, me noa kaae ala naao mopóló kisipa tiki tiró betepa, ti yaąró Kótótamo tuąmó betą erópóló yae. Mepaae whiné wisirapóló kisipa muóló dere alanétei ą só derénipó depa, Kótóné wisiró beterepóló hąiné sukutu beterapó. ²³ Tépateti, mepaae whi de tuę tamo mulu, Talepaae tuę tiki tiró betere ala sya furaalu, wisirapó kisipa muni họko nukupa, ti ai whi dowi ala dapó. Ti dąné du betere ala fea tuę tiki tiró betere alatóró sya fóló initepa, ti dowi ala dapó.

15

¹ Dą tuę tiki tiratere ala fotokọ bole so whiné dą kisipa felé yaaire ala maaté ini, mepaae tuę tiki tiró betere ala bére so whiné ené inire ala tao sóró eratepa

mo wisirapó. ² Dá dokọ feané ne no hamoma hekesse yópóló, wisi ala eraté fu betenérápó. Atétepa, ti ama tuę tiki tiró betere ala mo fotokọ buturaalu, ą dirii whị bitiré faalopó. ³ Ti noatepae, Yesu Kerisonékélé amatei ą kisipa felé yaaire ala ini, dapaae wisi ala eróturaalu ą sekęi ala salepóló asemó erapó.

“Mepaae so whinė yą faleyóló dowi fo du betaleteita, mo epaaetóro eralepó,” erapó.

⁴ Ti noatepae, take aseýóló muló betere fo feata hąle ini, dąné dosąayóló kisipa sópóló erapó. Aita Talené ala eró taruraalu, ama asere foné matere ketekę dá tuąmó boleteiné take dapaae wisi ala eraalopóló hajné sukutu beterapó.

⁵ Térapa, hąle yó tare alaró ketekętamó matere Kótóné dią Yesu Keriso sya fu betepa, dią fea mo betą kisipatóro muóló betere ala erópóló yae. ⁶ Até iruraalu, dią feané hosaa tuąmó betą kisipatóro muóo, betą fotóro yóo deremó, dá teteróló kaae tare whị Yesu Kerisoné Alima Kótóné doi hale horaalopó.

⁷ Atérapa, Kótóné doi hale horaairaalu, dá teteróló kaae tare whị Kerisoné dią dape su yale kaae, diaaqkélé mepaae no ne hamoma wisiyóló dape sae. ⁸ Ti noatepae yąlo i dere fota, kale Juda fake kaarale noumatererapepaae yóló mulale fo mo dokonóturaalu, Kótóné ama ere fo so whinė mopóló diriyóló kisipa yópóló, Yesu Keriso ą Juda fake so whinė kutó diratere whị alée felepó. ⁹ Ti Yesuné ai ere alata, Kótóné atima Juda meire fake so whị kọlené sukutu tao salepóló, ama doi doasi mulópóló erapó. I dere fo kaae asemókélé erapó.

“Atéreteiné ę Juda meire fake tuąmó bitu, yąlo naao doi doasi mulóo, naao doimó wole fo wisi wisi yóo, du betaalo ai ape.”

¹⁰ Ai fo kaae me i ape.

“Juda meire fake so whị-ó, diąkélé ama so whıtamo touyóló hajné sukutu betae.”

¹¹ Kale fo kaae me i ape.

“Dią Juda meire fake so whị-ó, i haemó betó mole so whị featamo Talené

doi hale sóro horatere wole forape du betae.”

¹² Ai fo kaae Aisaianékélé erapó.

“Jesi betemó kaayóló sókó holaaitere whinė i hae kwia feamó betó mole so whị teteróló kaae tawaalopó.

Atépa, Juda meire fake so whị atimapaee take ama wisi ala eraalopóló haj kisipa mutu, ąpaae tuę tiki tiróló betaalopó,” erapó.

¹³ Take dapaae wisi ala eraalopó du betere Kótópaae diąné tuę tiki tiró betepa, ti ama hosaa muni deyóló dua betere alaró hajné sukutere alatamo diąpaae eróló mo surópóló yae. Atéturaalu, kale Dęi Kepe Wisiné dią fotokoratepa, take nalopaae Kótóné dapaae wisi ala eratepa kelaalopóló dere haj mo ti fąayóló sųturaalu, feleyóló fópóló yae.

Pol Juda meire fakepaae Talené fo yó male feletei

¹⁴ Yąlo norape-ó, dią tuąmó wisi ala fąayóo, mo fo bete turó diaaq kisipa yóo, kisipa tikikélé mo fosó fosó yóo ere ala yąlo kisiparapó. Tėru, diąsisi ketekę bulóturaalu, ma fo u du, i du dere alakélé mo enérápóló kisipa mutapó.

¹⁵ Mepaae doasi bete mole forape diaaq kisipa epatei, mo ti diriyóló tuę yaasepóló, ę halaaainé diąpaae momó ai aseýale ape. Ti noatepa meipó. Ę Juda meire fake so whị kuamó, Yesu Kerisoné kutó diratere whị bitu, ama fo wisi yó maté kwęyópóló ai kutó Kótóné hamokoróló epaae hąle melóló ę sóro beteralepó.

¹⁶ Até ereteita, mo so whımó Talepaae momaratere whırapené kęlaa wisi wópóló simó sukųlaa dalótu dere kaae, Kótóné kale fo wisi Juda meire fake so whıpaae yąlo erótu beterapó. Aita hąle mei, ai fo wisi wosóló sya fupa, ti Dęi Kepe Wisiné atima wisiróló kae beteratere ala Kótóné kilitu, ita hąle matere ęla wisipó yópóló kisipa mutu, du beterapó. ¹⁷ Ę Yesu Keriso tuąmó bitu, Kótóné ama so whıpaae i erótu betere mo bete mole kutópóló dukiróló hale horótu beterapó. ¹⁸ Mepaae yąlo initere ala diąpaae yaalomeitei, Juda meire fake so whị Kótóné fo aqmó sukóló beterópóló, teteróló kaae tare whị

Kerisoné ę fotokoratepa, yalo foró yale alatamo diąpaae i dere ape. ¹⁹ Kale Dęi Kepe Wisiné ę fotokoratepa, kae kae kelemei alaró doasi sira yaaire alatamo eróturaalu, Jerusalem bemó kaae sóró yó maté fóló, Ilirikum hae kwiamó sókó felepó. Téturaalu, Kerisoné fo wisinaale mo turó yó maté kweyalepó. ²⁰ Mo take yalo enée yóló muté wale kisipa i ape. So whı teteróló kaae tare whı Keriso tuę inire be huluapaae kale fo wisi yó maté kweyaai yalepó. Atéyaleteita, hãle mei, me whıné diyale kutó kwia kemeróló ditu dere kaae, yaaire hôtepa yalepó. ²¹ I dere fo kaae ašemókélé erapó.

“Aťa etei kaae whıpóló mené yó matepa kilini yale so whınétei ą kolóo, etei kaae whıpó depa woseni yale so whıné ama fo wosóló ą kisipa yóo yaalo ai ape.”

²² Ę taktitei dią beterepaae waai yalemó, ai alarapené bi bi duraalu wénipó.

Pol Rom-paae faai tale yaleteti

²³⁻²⁴ Tépatei, i hae kwiamó tę mole be hulua dokó fea Talené fo yó maté kweyóló sųreteiné mió me kutó diyaaire tę munipa, ba fo dokó fea yalo dią kełe wonée du betalepó. Téyaleteti, mió me kutó diyaaire tę munipa, Spen hae kwiapaae faai wouraalu, dią keleté waai kisipa mutapó. Ti ę dią beterepaae sókó wóló, mepaae be dę diątamo ekei yóló beteró, nalo ę faaire tikipaae fupa, mepaae yayare ęlarape diąné tao saasepóló dapó. ²⁵ Até yaai waairaalu, mió Jerusalem bemó Kótóné kae beteró betere so whıpi tao sene fulapó. ²⁶ Ti noatepae, Jerusalem bemó Kótóné kae beteró betere so whı kuamó, mepaae yolealere so whı hãle tao suraalu, Masedonia hae kwiaró Akaiia hae kwiata-momó Kótóné ama kaae beteró betere so whı atima kisipanétei hękesetamo *moni* derãleta yalepó. ²⁷ Atéró atima wisi kisi-patamo derãleta yale *monita*, take folosóró Juda fakené atimapaae erale wisi ala kwia mulapó. Ti ai kwiata, folosóró Juda fakené Juda meire fake so whı atimané kepe tuąpaae Talené wisi ala eralepó. Atéyale alamó, Juda fakepaae momó tokó móturaalu, atimamo tao sóró yąyare ęla

matepa, mo wisirapó. ²⁸ Aita, ępaae diyae yale kutó ereteiné atima hãıtamo ai *moni* sere ala kolóló, ę Spen hae kwia-paae faai wouraalu dią keleté waalopó. Ti ai *monita*, folosóró doteyale *aposel* whırapené ditere kutómó oleyale du ai ape. ²⁹ Ę dią beterepaae wale sukamó, so whı teteróló kaae tare whı Kerisoné eratere wisi ala ę tuąmó fąayóló mo sųratepa, diąpaae eraai waalopóló kisipa mutapó.

³⁰ Térapa, no nerape-ó, dą teteróló kaae tare whı Yesu Keriso tuąmó betere alaró Dęi Kepe Wisiné matere yaala sókó fole alatamo ę tuąmó moleteiné diąpaae sętere fo dapó. Ti noatepae, yalo yaaire ala yaqsóró sekei alané sesétu beterepa, diąkélé ętamo ai seke tuąmó bitu, Kótóné ę tao sųpóló momatu betae. ³¹⁻³² Ti ęmó momaraaitere ala i ape. Judia fake Kótóné fo woseni hãle betó mole whırapené ę daqsóró momaróo, Jerusalem bemó kae beteró betere so whı tao sóró melaaire *moni* atima wisi tuętamo sųpóló momaróo du betae. Téturaalu, Kótóné ama kisi-pané ętamo dią beterepaae wópóló depa, ti wóló, dą fea ekei yóló sãa wisi nóló beterópóló, momatu betae. ³³ Térapa, hosaa muni deyóló mo dua betere ala mótu betere Kótó dią featamo beterópóló yae. Mo kée. Tęyópóló yae!

16

Pol-né ama fulumu whırapepaae kęleó yale fo

¹⁻² Kenkria be huluoamó betó mole Keriso so whıné kutó diratere so dąné ne Fibi-ta, mo so wisipó. Atérapa, Kótóné kae beteró betere so whıné mepaae so whı mo wisiyóló dape su dere kaae yóló, ąkélé Tale tuąmó betere sopa, mo wisiyóló dape sae yóló i dere ape. Atéturaalu, ą me ala ó me ęlakó yąyã depa, ti diaaq ą tao sae. Ti noatepae, ąta so whı fea tao suraalu, ękélé mo wisiyóló tao su betere sopó.

³ Yesu Kerisoné doimó ętamo betąmó kutó diratere so Pirisilaró oma Akuilata-mopaae kęleó yae. ⁴ Ti atimaamo mené dęłépatei witere ala ini, ha-laainé ę tao su betalepó. Atéteremó,

yǎlokélé mepaae Juda meire fake Keriso so wh̄inékélé, atimaamoné yale alamó Talepaae mo kée du betepapó.

⁵ Atimaamoné bemó tourǎleta du betere Keriso so wh̄ipaaekélé kǎleó yae. Yǎlo hosaa mole no Epainetus-paaekélé kǎleó yae. Ti ǎta, Esia hae kwiamó betó mole so wh̄i Yesu Kerisoné doimó Keriso betaaipa, folosóró ǎpi Keriso betale wh̄ipó.

⁶ Diǎ tao saai kisipa mutu, depe tukó wei kutó diale so Mariapaae kǎleó yae.

⁷ ǘ fake wh̄i ǘ yale kaae, *dipula* beterele seké Adronikus-ró ama soma Junias-tamopaae kǎleó yae. Ti atimaamota, ǘ Yesu Keriso tuǎmó betaaipa folosóró Keriso bitu, kale *aposel* wh̄irape betere tuǎmó mo doasi doi mole soró wh̄itamopó.

⁸ Tale tuǎmó bitu, yǎlo mo hosaa mole no Ampliatu-paae kǎleó yae.

⁹ Dǎ Yesu Keriso tuǎmó bituraalu, betǎ kutó ditere wh̄i Urabanus-ró yǎlo mo hosaa mole no Stakis-tamopaae kǎleó yae.

¹⁰ Yesu Keriso tuǎmó betepa, kǎae kolóló wh̄i wisipó du betale seké Apelesipaae kǎleó yae. Aristobulus-né be wh̄i so wh̄ipaaekélé kǎleó yae.

¹¹ Yǎlo fake wh̄i Herodion-paae kǎleó yae. Narsisus-né bemó betó mole mepaae Tale tuǎmó betere so wh̄ipaae maaté kǎleó yae.

¹² Tale tuǎmó bitu, mo depe tukó wei kutó ditu betale so tamo Tipaenaró Triposa-tamopaae kǎleó yae. Me yǎlo mo hosaa mole ne Tale tuǎmó bitu, mo doasi depe tukó wei kutó ditu betale so Persis-paaekélé kǎleó yae.

¹³ Tale tuǎmó betepa, sókó sóró kae beró betere wh̄i Rufus-ró hamatamopaae kǎleó yae. Ti ama hamata, yǎlo hae kaae bitu, ǘ tao su betale sopó.

¹⁴ Asinkritus, Flekon, Hermes, Patrobas, Hermas-sépi, atimatamo betó mole mepaae norapepaaekélé kǎleó yae.

¹⁵ Filolokus, Julia, Nereus-ró ama nematamokélé, Olimpás-kélé, atimatamo betere Talené kae betero betere so wh̄i

feapaaekélé kǎleó yae.

¹⁶ Kótóné ama kae betero betere so wh̄i bitu, kǎleó yóló apuóló, diǎsisitei kǎló u tukó nuku, i tukó nuku du betae. I bemó betó mole Keriso fake so wh̄inékélé diǎ feapaae kǎleó i dere ape.

¹⁷ No nerape-ó, diǎpaae yó male mo bete mole fo wisi mupatei, mepaae kae kae hǎko fo yó matere wh̄irapené diǎ betámó betereitei tekeróló, diaaǎ du betere wisi ala taaróló, diǎ dée nalaǎsóró, tika kae bitu, ai wh̄irape mo hotowaró kaae tawae. ¹⁸ Ti noatepae, atei ala du betere wh̄irapeta, dǎ tǎteróló kaae tare wh̄i Yesu Kerisoné kutó diréni, atimané yaaire ala maaté ekeleyóló du betepapó. Atéru, mo bete mole fo diriyóló tuǎnire so wh̄i dilikóló hǎle mulóturaalu, mo felei foró dukiratero fotamo du betere wh̄irapené diǎ kǎpaae falaǎsóró wisiyóló kaae tawae.

¹⁹ Diǎ fea Kótóné fo wosóló aǎmó sukóló betó mulapó dere fo, i bemó betó mole so wh̄i feané wosalepó. Diǎ ai ala erapóló deté fole fo yǎlo woseturaalu, ǘ mo doa hǎiné sukutu betepapó. Tǎrapa, dowi ala mulapóló, só derané inire so wh̄i bitu, wisi ala betǎ yaai, kisipa fosó fosóre so wh̄itoró betae.

²⁰ Mo hosaa muni deyóló dua betere ala mótu betere Kótóné Satan tǎteróló, diaaǎ hó aǎmó betereitei ala mo felekemó yaai dapó. Dǎ tǎteróló kaae tare wh̄i Yesu Kerisoné hamokoróló hǎle tao sere ala diǎ tuǎpaae erǎpóló yae.

²¹ ǘtamo betǎ kutó ditere wh̄i Timotinékélé, yǎlo be wh̄i Lusias, Jeson, Sosipata, atimanékélé diǎpaae kǎleó dapó.

²² I fo asǎrale wh̄i ǘ Tertius dǎ tǎteróló kaae tare Tale tuǎmó bitu, yǎlo diǎpaae kǎleó dapó.

²³ ǘkélé, mepaae imó betó mole Keriso so wh̄ikélé, dǎ fea touróló ǎla nukua dere be tale Kaius-né diǎpaae kǎleó dapó. I doasi be huluumó *moni* tǎteróló kaae tare wh̄i Erastus-ró dǎné no Kuartus-tamoné diǎpaae kǎleó dapó. ²⁴ (-)

²⁵ Yesu Kerisoné yale ala i ape yóló, mió yǎlo yó mótu betere fo wisi diaaǎ wosetu betepa, Talené ama ai fonéitei

diã diriyóló beterópóló, fotokọ sýmó bu-
lalérápó. Atére alamó ama doi doasi
muópóló yae. ²⁶ Ai ala wisata, mo take
bitiré wale whịrapené kilini, kinóló mo-
letei mo ti betó tare Kótóné ama fo eratere
kóló whịrapepaae i fo asẹ yae depa asẹ
ipakalepó. Aita hẹle meipó. So whị feané i
fo dosayóló kisipa duraalu, kinóló muale
ala i haemó betó mole so whị feané Yesu
Kerisopaae tuẹ tiki tiróló ẹ aqmó bitu, ama
ala eraté fu beterópóló hẹkearó beterapó.
²⁷ Atére Kótó betẹ fea ala fosó fosóre bete
tale beterapa, ama doasi doi hẹle muó
tanópóló, dẹ Yesu Keriso tuamó bitu, hale
sóró horótu betae. Mo kée, téyópóló yae!

1 Korin

¹ Kótóné mole kisipa sya furaalu, Yesu Kerisoné ama fo yó male fópóló, ę *aposel* whi sóró beteraai, Talené ę beterepaae ape yale whi Pol-né dapó. Dąné no Sostenes dąmo wusuró bituraalu i dere ape.

² Yąlo i dere aęeta, Korin be hulu-amó Yesu Kerisoné sameané fokóló kae beteróló, Kótóné touró betere so whi diąpaae dapó. Dią atéro beteraleteita dowi ala ini, ama mo kae ala betą erótu beterópóló, ę beterepaae ape yalepó. Aita, dią maaté mei, hae kwia dokọ feamó betó mole so whikélé Yesu Kerisopaae tao sae du betere so whi dią ere kaaetóró erapó. Ti ai seké ąta, dąkélé atimakélé fea tẹteróló kaae tare Talepó.

³ Dąné Aya Kótóró dą tẹteróló kaae tare whi Yesu Kerisotamo tuąmó kaaeróló wale hamokoróló hąle tao sere alaró hosaa muni deyóló mo dua betere alatamo, dią tuąpaae erópóló yae.

Talepaae mo kée dere fo

⁴ Ti diąta, dą tẹteróló kaae tare whi Yesu Keriso tuąmó betepa, Kótóné hamokoróló hąle tao su betereiteimó betere dokọ Kótópaae yąlo mo kée du beterapó. ⁵ Ti noatepae, dią ę tuąmó bitu kaekae ala erópóló, ama fo yó matere alaró ai fo bete mo diriyóló kisipatere alatamo Kótóné dią mo suró beterapó. ⁶ Ti aita hąle meipó. Dąné diąpaae Yesu Kerisoné ama yale ala i ape yóló yó matere fo diaaą wosaletéiné, Talené dią tuąmó mo ala eró betepa kil-ituraalu, ita mo bete mole fopóló kisipa mualepó. ⁷ Atéreteiné, dą tẹteróló kaae tare whi Yesu Keriso hąkeamó wale ke-lai dapóló, dią ketekę buóló kaae taté fu beterapó. Téturaalu, Talené ala eraairetei yąyąni, kae kae ala fea erópóló Dęi Kepe Wisiné hąle matere ala dią tuąpaae mo suró beterapó. ⁸ Atépa, dą tẹteróló kaae tare whi Yesu Keriso wale sukamó, dią me alakélé munire so whi beterópóló amatei dią fotokọ bulaté fóló kemene fole kwia-paae sókó faalo ai ape. ⁹ Kótóné diąró ama

Naale Yesu Kerisotamo fulumu yóló betą kisipa muóló beterópóló, ę beterepaae ape yalepó. Atéyale Kótóné ama eraalopó dere ala fea hąsókó feni, motóró dokonóló erótua dapó.

Keriso so whi fake tekeyale ala

¹⁰ Norape-ó, yąlo diąpaae i dere fota dą tẹteróló kaae tare whi Yesu Keriso tuąmó bitu, dią fake terekeni betą kisipa muóló mo betą alatóró du beterópóló, ama doimó yąlo dią tao su ma fo i dere ape. ¹¹ Yąlo no nerape-ó, diąsisi arale sóró fake teketu beterapó dere fo mepaae Koloené be whiné ene wapa wosalepó. ¹² Yąlo dere foné bete i ape. Diąkó mené duraalu, ęta Pol-né yó matere fo sya fulapó, mené du Apolos sya fulapó, mené du Sipas (Pita) sya fulapó, mené du so whi tẹteróló kaae tare whi Keriso sya fulapó, du betere fo yąlo wosalepó.

¹³ Diaaą ai du betere ala-a, dą tẹteróló kaae tare whi Keriso terekeyóló kae kae fake betere? Dią tao saai Pol filipaa ni tómó olerale? Dią węi tópuraletei-a, Pol-né fake so whi beteraai yaleé? Mo mei ai ape! ¹⁴ Dią mepaae so whi węi tópuratere ala yąlo ini, Krispas-ró Kaius-tamo betą tópuraleteiné mo kée fo du beterapó. ¹⁵ Yąlo mo kée dere fo bete i ape. Dią mepaae whiné duraalu, ęta Pol-né doimó węi tópualepó dere fo yaaire tų munéni yaletéiné dapó. ¹⁶ Kisipa keteyale fo me i ape. Stepanas-ró ama fake so whitamo betą yąlo węi tópuraletei, mepaae so whi yąlo tópurénipóló kisipa mutapó. ¹⁷ Ti noatepae, dą tẹteróló kaae tare whi Kerisoné ę dotonaleteita, so whi węi tópurópóló ini, so whi feapaae ama fo wisi yó melópóló yalepó. Ai fota, mo whiné mole fosó fosói kisipané yó mótumipó. Ti noa ala yaqsóró meipó. Mo whiné kisipané fosó fosóyóló yó matere foné, dą tẹteróló kaae tare whi Keriso ę filipaa ni tómó sukóló dą tao sale foné bole doasi fotokọ aluraqsóró dapó.

Kerisota Kótóné fosó fosóre kisiparó fotokątamoné betepó

¹⁸ Ti noatepae, sukóló mo ti aluyaaire so whirapené ni tómó sukąlepó dere fo

woseturaalu, bete muni hãle hõko fo nisi du beterapó. Tépatei, aluyaqsóro tao sere so whi ðanéta, Kótóné ai fo doasi fotokõ bulapóló kisipa mutu beterapó. ¹⁹ Ti noatepae, i fo aseýóló muló beterapó.

“Fosó fosóre so whiné kisipa tiki yãlo doróo, mepaae so whirapené doasi kisipare alakélé yãlo okoko eróló mo ti doróo yaalopó,” erapó.

²⁰ Ða tao saai fosó fosói kisipa mole whi-a, de betere? *Skul* yóló doasi kisipa sere whi-a, de betere? Mió i alimó bitu, du betere alané bete kisipare whi-a, de betere? Mo meipó. I haemó betere whirapené mole fosó fosói kisipata, Kótóné ama yale alané keteirapené kisipa aqróló, mo ti okokoralepó. ²¹ Ti noatepae, so whiné i haemó mole fosó fosói kisipané Kótóné ala bete kelaai kikitu beteretei, kelaqsóro Kótóné ama fosó fosóre ala sya furaalu, atimané kisipa fomaakeralepó. Atére Kótóné ama fo wisi mepaae so whiné bete muni hãle hõko fopóló faletu betepatei, ai fo wosóló tué tiki tiratere so whi aluyaqsóro Kótó a wisi kisipatamo tao sua yalepó. ²² Juda fake so whiné dere fo mopóló kisipa tirópóló, kelemei alakó erae yóo, Juda mei Krik fo bole so whiné fosó fosói kisipa bete kekitua yóo du beterapó. ²³ Tépatei ðanéta, ti so whi teteróló kaae tare whi Keriso filipaa ni tómó sukãle fo betã yó mótu beterapó. Atéro yó matere fo woseturaalu, Juda fake so whi atima dei tué mutu aita kelemei ala wisi mei, hõko alapóló atima dée nukua yóo, Krik fo bole so whiné bete munire fopóló faletua yóo, du beterapó. ²⁴ Tépatei, Juda fake so whikélé, Krik fo bole so whikélé fea Kótóné a beterepaae ape yalepó. Atéyale so whiné ða teteróló kaae tare whi Keriso sukãlepó dere fo woseturaalu, aãta Kótóné fotokõró ama fosó fosói kisipatamo bole bete ai ape du beterapó. ²⁵ Ti noatepae, whiné Kótóné dere ala kilituraalu, bete muni kapala hõko alapó du betepatei, ai alané mo whirapené fosó fosóre kisipa teraae falapó. Mepaae whirapené Kótóné du betere ala kilituraalu, keteirapené dere ala kaae aqrápó du betepatei, ai alané mo

whiné bole doasi fotokõ teraae falapó.

²⁶ No nerape-ó, ðiã Talené a beterepaae ape yaleteti, take ðiã noa kaae so whi betepa yaleró, diaaqteí kisipa muae. Mo so whirapené ðiã fea kãae kolóló, fosó fosói kisipa mole whirape ó néli whirape ó mo doasi topo whiné naale senaalerape bitinipó. ²⁷ Tépatei, i haemó mepaae doi munire alarape Kókóné tao suraalu i haemó betó mole fosó fosói kisipa mole whirapené kisipane ala sisópaae eráló haleralépó. Téturaalu, mepaae i haemó fotokõ buni bére ala tao suraalu, fotokõ bole ala só deróló haleralépó. ²⁸ I haemó doi munire alakélé, bete muni hãle hõko du betere alakélé, mo inire alakélé fea Kótóné sorokó suraalu, mo doasi doi mole ala só deróló hãle õla aqralepó. ²⁹ Ti ai ere alata, noa ala yaqsóro meipó. So whi mo betãnekélé, Kótóné ama keletómó bopé fakeyóló nene yaqsóro erapó. ³⁰ Yesu Kerisota, ðamó fosó fosói ala melaai, Kótónéteí a ai alané bete alée faralepó. A tuãmó bole fosó fosói ala wisi i ape. Ða a tuãmó betepa, Kótóné donoi so whipó yóo, ama ala erópóló sóro mo kae beteróo, ðané dowi ala Yesuné sameané dupuróló ða hãle beteróo erapó. ³¹ Atéreteiné, i fo aseýóló muló beterapó.

“Mepaae so whi bopé fakeyóló nene yaai depa, ti Talené ama eró betere alamó betã a ðukiróló bopé faketu betae,” erapó.

2

¹ Norape-ó, e ðiã beterepaae wóló, Kótó a etei kaae Tale beterapóló ðiãpaae yó móturaalu, whiné wosóló feléyópóló yãlo fosó fosói foné ó fosó fosóre kisipané inipó. ² Ti noatepae, e ðiãtamo betale sukamó mepaae ala yãlo kisipané enépatei, me ala kisipa inire whi aqyóló beterepó. Atéru, Yesu Keriso betã etei kaae whipóló ere foró a filipaa ni tómó sukãle fótamo betãtóro, yó melaai kisipa mualepó. ³ E ðiãtamo wóló betale sukamó, béyóló otãalere alakélé, witere alakélé iruraalu, diri furu furutamo Talené fo yó mótu betalepó. ⁴ Talené fo wisi yó móturaalu, so whiné wosóló felérapó

yóppóló, yálo fosó fosói kisiparó fotamoné yó menipó. Téni, Dèi Kepe Wisiné fotokóné erótu betere ala diaaḡ haḡeamó kolóppóló, yálo haḡe yó betḡ mótu betalepó. ⁵ Ti aita, diḡ mo whjné fosó fosóre alapaee tuḡ tiki tiréni, Kótóné fotokóné erótu betere alapaee betḡ kisipa tiróppóló yalepó.

Dèi Kepe Wisiné matere fosó fosói kisipa

⁶ Tépatei, Kótóné ama bete mole mo fo wisi dḡ dirii kisipa mole so whjpaee yó matepa woseturaalu, ita mo fosó fosói fo wisipó du beterapó. Dḡné ai yó mótu betere fota, mió i alimó betere whj ó atima tḡteróló kaae tare topo whjrapené dere fosó fosói fo kaae meipó. Ti ai whjrapéro atimané du betere alata mota, mo haḡe ɔla kaae alée fu beterapó. ⁷ Dḡné atei kaae fo mo yó meni, Kótóné kinóló mole fosó fosói fo betḡ yó mótu beterapó. Ti ai fota, dḡ Kótóné ama kae ere dḡ tuḡmó beteróppóló, mo take sḡró haetamo kaaraaipatei, mo so whjné kelaḡsóró kinóló munélipakalepó. Tépatei ai ala dḡpaee mo eraalopó. ⁸ Mió i alimó betó mole so whj tḡteróló kaae tare topo whjrapené, ai kinóló mole fosó fosói ala mo kisipanipó. Ai alatamo atimané tuḡ uḡsóró, ti Kótóné ama kae ere dḡ wisinaale faane Tale ḡ filipaa ni tómó oleróluḡmeipó. ⁹ Tépatei, i fo aseyóló muló beterapó.

“Kótóné ḡpaee yaala sókó fu betere so whjpaee eraaire ala ama ta leróló muló betteretei, betḡ whjné kelenékélé kolóo, wosḡlinékélé wosóo, hosaa tuḡmókélé mulóo mo inipó,” erapó.

¹⁰ Atépatei, ai kinóló mole alarape dḡné kolóppóló, Kótóné dḡ tuḡmó beteró betere Dèi Kepe Wisiné haḡearalepó.

Téturaalu, so whjné hosaa tuḡmó mole ala taleyóló, Kótóné ama mo apaae derepale fo bete mo whjné fosó fosóre alané tuḡ enénipa, Dèi Kepe Wisinétei ai kinó betere alarape bete tokóló haḡearótua dapó. ¹¹ Ti noatepae, me whjné mole tuḡ tiki né kelere? Ai whjné ama kepené betḡ tuḡrapó. Atére kaaetóro, Kótóné mole kisipakélé me whjné tuḡni, ama Kepené betḡ kisiparapó. ¹² Talené dḡ matepa sale Kepeta, i haemó betere

kepe mei, Kótóné hamokoróló haḡe matere ala wisi dḡné kisipa yóppóló, ama dotḡyale Kepetóro dḡné salepó. ¹³ Ti dḡné i du betere fota, mo whjné yó male fosó fosóre kisipané dumitei, Kótóné Dèi Kepe Wisiné dḡpaee yó matepa, dḡnémo diḡpaee i dere ape. Dèi Kepe Wisiné erótu betere ala yó móturaalu, ama dḡpaee etéro yó melae dere fotóro sya fóló, i du betere ape. ¹⁴ Kale Dèi Kepe Wisi bitinire whjné, ti Kótóné Kepené yó matere fo mo dapóló wosetumipó. Ti noatepae, ai fo bete Dèi Kepe Wisiné yó matepa, ti sḡmó kisipanérápó. Kepe Wisi bitinire whjné ai fo wisi haḡe hḡko fo nisiyóló, bete wisiyóló kisipanénipó. ¹⁵ Kale Dèi Kepe Wisi betere whjné ti fea ala ama sḡmó taleyóló kisipanérápó. Tépatei, ai Kepe Wisi betere whjné ama dere ala me whjné ḡ taleyóló só deranénipó. ¹⁶ Etei kaae fo erapó.

“Mé whj Talené ama kisipa kaae muluraalu, ḡpaee naao kisipa mole alarape i ape yóló, ḡ yó manéré?” erapó.

Tépatei, Talené sóro beteró betere whj Kerisoné mole kisipa dḡ tuḡmókélé mulapó.

3

Kerisoné ala diriyóló tuḡniru alale seretei

¹ Norape-ó, yálo diḡpaee Talené fo yó móturaalu, Dèi Kepe Wisi betere so whjpaee yó matere fo kaae yó manéptei, diḡ tó tikiné ekḡlere ala du bettereteiné, mo so whj kaae betterepó. Yesu Keriso tuḡmó keteirape kaae betepa, ai dḡlemótóro yó mótu betalepó. ² Diḡ diri ɔla naaire sḡni, keteirape kaae betepa, mo dirire so whjmó matere ɔla kaae meni, ketei matere awḡ kaaetóro malepó. Miókélé diḡ dirii ɔla naaire sḡnipó. ³ Ti diḡta, tó tikiné ekḡlere ala haḡe yótóro tarapó. Ti noa betené yálo i fo de? Mepaae whjné dere ala kolóló, diḡsisi u tḡterótu i tḡterótu yóló dei tuḡ mutere alaró arale sere alatamo haḡe yó tarapó. Tétu, diaaḡ tó tikiné ekḡlere ala sya fu betteretei mó haḡearóló yó matapó. Diaaḡ ai du betere

alata, hãle mo so whĩné dere ala kaaepó. ⁴ Ti noatepae, me whĩné duraalu, ę Pol-né dere fo sya fulapó, mené du, ę Apolos sya fulapó du betere-a, hãle mo whĩné dere ala kaae diaaękélé dumipóló de?

⁵ Ti Apolos-a, noa whĩé? Ę Pol-kélé noa whĩé? Dãmotã, Talené kutó diratere whĩ maaté bitu, ama fo diãpaae maleteiné diã ąpaae tuę tiki ai tiró betere ape. Talené amatei kutó terekeyóló whĩ dokę betã betã yóló matere kaae, dãmopaae malepó. ⁶ Atéreteiné, ęla wae yãlo biliyóo, Apolos ą ti ęla wisiyóló holópoló węi deróo yaletai, ai ęla wae wisiyóló horatere alata, ti Kótóné amatóro eratapó. ⁷ Ti ęla wae bilitere whĩró węi derótu betere whĩtamota, mo hãle ęla aęrapó. ęla horótu betere Kótó betã mo doasi ai ape. ⁸ ęla wae bilitere whĩró węi deratere whĩtamóné betã alatóro eraai kisipa mutu, kutó ditu beterapó. Atétere kutó Talené taleyóló, me whĩné ama diyale kutó sũtóró dupu melóo, me whĩné diale kutómókélé atérótóro melóo, yaalopó. ⁹ Ti noatepae, dãmota Kótóné ama betã kutó diratere whĩ betepa, diãta Kótóné ama kutóro tẽtere betamo kaaepó.

¹⁰ Kótóné ama hamokoróló ę hãle tao saleteiné, fosó fosóre whĩné be tẽtu dere kaae tẽyaairaalu, kaae sóro hae eleké yãlo deyalepó. Atéro deyale eleké tómo me whĩné be tẽtu beterapó. Atéro be tẽtere whĩrape dokę feané hõko tẽni, mo hotowaró kaae taru tẽnerapó. ¹¹ Ti noatepae, ai tẽne be eleké taaróló, me whĩné eleké kae denénipó. Ti ai be tẽtere elekéta me kae mei, Yesu Kerisopaae dó faróló erapó. ¹² Mepaae whĩné ai kale dere eleké tómo be tẽturaalu, *kold kapa*, ó *silpa kapa* ó doasi *moniné* duputere kane ó ni fake ó hãta sóku ó kape ó we dako sórotamo tẽtu betepa, ti Talené ama taletere be dẽmó, whĩrape dokę feané diyale kutó kãae kolóló hãkearaalo ai ape. ¹³ Ti ai be tẽtere whĩ dokę feané diyale kutó Talené ama taletere be dẽmó, mé whĩné diri ęla sóro tẽyóo, mé whĩné béi ęla sóro tẽyóo eréro siné dóló hãkearatepa, kelaalopó. ¹⁴ Mé whĩné tẽale betamo siné dénitepa, ti ama diyale kutómó dupu wisi saalo ai ape.

¹⁵ Mé whĩné ama tẽyale betamo siné doló kemeró betepa, ti ama diyale kutómó me dupu saalomeipó. Ti ą aluyaęsóró Talené tao saalotei, ama kuti ó mepaae ęla ęla fea siné doló tiki hãle fu dere kaae yaalopó.

¹⁶ Diãta, Kótópaae momã dere be tẽnuraalu, Kótóné Dęi Kepe Wisi diã tuãmó ai betere kisipanié? ¹⁷ Kótópaae momatere betamo, mepaae so whĩné fisikóló dorótu betepa, ti Kótóné ai so whĩkélé doraalopó. Ti noatepae, Kótópaae momã yópoló tẽne beta, me dowi alatamo hosekényi, mo ama alatóro erópoló kae tẽno betere momatere be ti diãtóró ai ape.

¹⁸ Diaaętei diãta, fea ala bete kisipare so whĩ nisi yaęse. Mió i alimó betó mole so whĩné kisipané i sekéta mo fosó fosórapó depa, ti ai whĩ ą me ala tuę inire whĩ kaae bitu, Talené ala betã sya fu beterópoló yae. Atétepa, ti mo fosó fosóre whĩ betaalo ai ape. ¹⁹ Ti noatepae, i haemó betere whĩrapené mole fosó fosói kisipa Kótóné kilituraalu, ita bete muni hõko alapó du beterapó. Aita, i ašemó mole fo kaaepó.

“I haemó fosó fosói kisipa mole whĩrapené so whĩ dilikitu betere alané denólótu betere alamó Kótóné atimatei daalopó,” erapó.

²⁰ Ai fo kaae me i ape.

“I haemó betó mole fosó fosóre whĩrapené tuę tikita, me bete muni hãle ęla kaae aęretei Talené ama mo tuęrapó,” erapó.

²¹ Tẽrapa, mo i hae whĩné diãmó meló betere ęla ęlakélé, take nalopaae yaaitere alakélé, fea diã Yesu Keriso tuãmó betepa meló betepa, mepaae whĩrape doiyóló bopé fake dere ala du betaęse. ²² Diãpaae ai meló betere ęlata, Pol ó Apolos ó Sipas (Pita) ó mió i ere hae tiki ó betere alakélé, ó sukutere alakélé ó mió du betere alakélé, ó take nalopaae yaaitere alakélé fea Talené diãmó meló betereteiné ai ęla ęla taleta, ti diãtórótipó. ²³ Ti diãkélé, dã tẽteróló kaae tare whĩ Kerisoné ama so whĩtóró betóo, Yesu ąkélé Kótó aęmó ama naalema betóo, erapó.

4

Dãta Kerisoné kutó diratere Aposel whĩ

beterapó

¹ Térapa, diǵané dǵa noa kaae whǵ bitu déró, i dere fo wosóló kisipa muae. Dǵata, so whǵ tǵeteróló kaae tare whǵ Kerisoné kutó diratere whǵ bitu, Kótóné kinóló mole mo fo wisi wisiyóló kaae taru, so whǵ feapaae hǵakeamó yó mótu beterópóló dǵa sóró beteralepó. ² Téró mepaae whǵiné, me whǵpaae i kutó ó ǵla wisi mo tawae depa, ti mo wisiyóló kaae tanérápó. Nalo ama diyale kutó talené kelerǵalemó, hǵoko dini mo donotóró dipa, ti mo wisirapó yaalopó. ³ Yǵalo hǵasókó fóló yale ala diǵané ó mepaae fo tokóló taletere whǵrapené taletepa, ǵ whaalía inipó. I dere fota, mo dapó. Ǽ hǵasókó fóló du betere ala yǵalotei tale dumipó. ⁴ Kótóné keletómó ǵ hǵasókó fóló yale ala yǵalo hosaa tuǵamó munipóló kisipa mutapó. Tétu, yǵalotei ǵ taleyóló me hǵasókó fele ala munipó depa, ti ǵ me ala initere whǵipóló dumipó. Yǵalo du betere alata, Talené ama betǵ taletu beterapó. ⁵ Atérapa, so whǵiné du betere ala taleyaai Talené tukóló muló betere be dǵe teópatei, diaaǵ me whǵ taleyóló só deréni, Talenétóró yǵpóló kaae tawae. Aǵ wale sukamó so whǵiné diliki tuǵamó kinóló du betere ala hǵakearóló dǵe tuǵamó mulóo, so whǵiné me ala yaairaalu hosaa tuǵamó kikití mutu betere kisipa tikikélé hǵakearóo, yaalopó. Atétere sukamó, so whǵ feané yale wisi alamó Kótóné atima dupu betǵ betǵ yóló matepa saalopó.

⁶ Atérapa ne norape-ó, Apolos dǵamoné diǵa tao saai kisipa mutu, yale ala fea, diǵapaae ašémó ai deté wale fota, diaaǵ kisipa sópóló sǵróló yalepó. Ti noa betené meí, Juda fakené mara mole fo i ape.

“Talené ašeyóló muló betere fota, mo whǵiné kisipa mole alatamo touróló yaǵse,”

ere fo bete diaaǵ kisipa yaasepóló, du betere alapaae dó faróló dǵamoné yó malepó. Atéyale ala diǵané wisiyóló kisipa depa, ti me whǵiné doi sóró horóo, me whǵiné doimo só deratere alata, bopé faketerere ala yaalomeipó. ⁷ Ti noatepae, yǵ kolósu me whǵ kolósu yóló, me whǵ kaepó du betere-a, né kae kae yóló beterale? Nao ai sóró tare ǵlata, yǵa mené menipóló

kisipa mute? Ai ǵlatamo naao sóró tarapóló kisipa mutepa, ti naaotei salepóló kisipa mutu noatepa bopé faketu betere? Téní, diǵané ai mole ǵla ǵlata, mené diǵamó meló betterapa, bopé faketerere ala mo taalae.

⁸ Diaaǵ senére ǵla ó enére ala fea yǵayǵare nisiyalemó, diǵa mo sǵ ai ererapó! Diǵata, ǵla ǵla fea yǵayǵani, mo néli whǵrape ai bitirapó! Dǵané diǵa tao sini, diǵa tǵeteróló kaae tare doasi topo whǵrape ai bitirapó! Diǵa tǵeteróló kaae tare doasi topo whǵrape bituǵasóro, ti dǵakélé diǵatamo betǵamó tǵeteróló kaae tare whǵ bitu, hǵkeseterere ala du bituǵapó! ⁹ Ti noatepae, yǵalo kisipané *aposel* whǵrape dǵata, Korin bemó betó mole so whǵiné keletómó Kótónétei dǵa doi muni mo belei ǵla kaae aǵrapó. Ti dǵata, bóené be nóló so whǵ feané keletómó doasi hale seróló daairaalu, dokóló muló betere aǵrapó. Atére ala i haemó betó mole so whǵinékelé, hepen-mó betó mole *ensel*-rapenékélé, kolǵpóló hǵakeamó hale seralepó. ¹⁰ Dǵata, dǵa tǵeteróló kaae tare whǵ Kerisoné ala erótu, kisipa okokoi whǵrape aǵpa, diǵata Keriso tuǵamó bitu, ama ala erótu betere fosó fosóre whǵrape aǵrapó! Dǵa fotokǵ buni, bére whǵrape betepa, diǵa doasi fotokǵ bole whǵrape ai betererapó! Diǵa doasi doi mole whǵrape betepa, dǵata belei sókótei i betó mole ape! ¹¹ Take bitiré wóló, mió i betere alimókélé, ǵla meiyóló wotetamo betere alakélé, wǵi nokole dere alakélé, dowi bisinaai fi kuti deróló betere alakélé, mo doasi susupu sere alakélé, dǵa be meiyóló hǵoko fité kotere alakélé, hǵale yó tarapó. ¹² Dǵa naaire ǵla ó fitere bemó kisipa mutu, dǵané fotokǵnétei depe tukówei kutó ditu beterapó. Mepaae whǵiné dǵa só deróló faletere fo depa, atimapaee Talené diǵa wisirópóló yae fo betǵ yóo, dǵapaae doasi susupui ala eratepatei tokǵ meni, me ǵla meipóló hǵale bele yóo, du beterapó. ¹³ Mepaae whǵrapené dǵa eratere fo depa, dǵané atimapaee mo naamei fo maaté dua dapó. I haemó betó mole so whǵiné dǵa kilitu, doi muni mo dowi taae fatere ǵla kaae aǵraté waletéi, miokélé ai alatóró hǵale yó tarapó.

14 Yalo i așetu betere fota, diã hale yópóló dumitei, diã yalo mo hosaa mole naale senaale kaae bettereiné, diã kópaae faqsóró ma fo dapó. 15 Diã Kerisoné ala erótu betere tuámó, kaae tare whĩrape mo hale ɔla kaae betó mupatei, diãné ayata dekeró bitinipó. Ti noatepae ęta, dã teteró kaae tare whĩ Yesu tuámó bitu, ama fo wisi yó maleteiné ę diaaɔ aya alée felepó. 16 Atéreteiné, diãné yalo dere ala kolóló sũróló yaasepóló, diã ketekę bulóló ma fo i dere ape. 17 Ti noa ala yaai meipó. Yalo mo yaala sókó fu betere naale Timoti ę diã betterepaae ai dotonaterere ape. Ti aita hale mei, Tale tuámó bitu, tuę tiki tiróló Talené ala eró tare whĩ wisipó. So whĩ teteróló kaae tare whĩ Yesu Keriso tuámó bitu, yalo du betere ala diaaɔ kisipa kete yaqsóró, ama diãpaae yaalopó. Ti be hulua dokę feamó betere Keriso so whĩpaae yó maté kutu betere foró yalo yó matere fotamo wusuró mo betã alatóró erapó.

18 Ę diã betterepaae waalomei nisiyóló, diã mepaae so whĩ doasi kisipare whĩ aɔyóló bopé faketu beterapó. 19 Atétu betepatei, Talené ama kisipanétamo ę diã betterepaae wópóló depa, ti mo felekemó waalo ai ape. Atéró wóló bitu, ai bopé faketu betere whĩrapené dere fo maaté wosaai mei, ai fo tuámókélé noa kaae fotokę buléro kęae kelaai dapó. 20 Ti noatepae, so whĩpaae Kótóné teteróló kaae tare aɔmó mole ala eróturaalu, mo whĩné foné maaté ini, Kótóné ama fotokęnetóró erótua dapó. 21 Ę aipaae wouraalu, diã supuraai biyãtamo waalopé, yaala sókó furaalu naameyóló mo dua apeloé? Diaaɔ kisipané mé alakó diãpaae eraai ape yóló kisipa mute?

5

Nópu nokole whĩ keriso faketamo touyóló bitini, kae beterópóló hokę falae

1 Diã tuámó, betã whĩné ama alimané dokale sotei ę dokalepó dere fo wosalepó. Atéró ayané dokale sotei dokotere alata, mo nópu nokole alatóró ai dere ape. Ti Kótó tuę inire whĩnékélé atei kaae mo sonaalei ala dumipó. 2 Aita dowi ala du

betepatei, diaaɔ kisipané wisi ala dapóló bopé faketu beterapó. Ai ala deremó, diã dekené sukuturaalu, atétere whĩ diãtamo touyóló betaqsóró, hokó faluqsóró mo wisi uapó. 3 Ti ę diãtamo bitini kae betepatei, dã fea tuámó mo betã kepetóró bettereiné ę diãtamo beterapó. Ti ę kaae betóo, diã kae betóo epatei, ę aimó biture kaae, ai ala yale whĩ yalo mo só deró beterapó. 4-5 Diã fea dã teteróló kaae tare whĩ Yesuné doimó touróló betóo, yalo kepekélé diaaɔ kepetamo betãmó betóo, Tale Yesuné ama matere fotokę sũmó buóo epa, ti ai whĩ ę Satan-né naase tuámó mulae. Atétepa, ti ama tó tiki doraalotei, Tale waaire be demó, ama kepe bete tao saalo ai ape.

6 Ti ai whĩ hokó faréni, hale betepatei wisirapóló bopé faketerere ala mo dorapó. Mo sawatamo ɔla *yist-nétei flawa* o bula doasi tópuratere ala diaaɔ kisipa inié? 7 Diãta, kisi *flawa* o kaae ai betere ape. Térapa, *yist* bunire kisi *flawa* o kaae alée fóló betaasepóló, upulé *flawa* omó bulótua yale moi *yist* sokóló tae falae. Ti noatepae, dãné yale dowi alamó Kótóné dã kwia melaai yaleteti, hãsóké faróló, *sipsip* hupu male Kótópaae hale melóló sukunapó. Atéyale sekéta me kae mei, dã teteróló kaae tare whĩ Keriso ai ape. 8 Atéremó, Talepaae mo kée yóló ɔla deturaalu, take *flawa* omó bulale moi *yist* sokóló tae falae. Ai *yist*-ta, dowi tuę mutere alaró du betale kae kae sonaalei dowi alatamopó. Ai ala taaróló, *yist* bunire otóró deóló naalopó. Tétu, u dei tuę mulutei tó tikiné hale sikili dere ala ini, Talené mo alatóró erótu bettereita, ti kale *yist* bunire o kaaepó.

9-10 Take yalo diãpaae folosóró așémó, nópu nokole so whĩtamo fulumu yaqse yale fota, i haemó betó mole nópu nokole so whĩ ó ɔla ɔla mo dekeró senée yóló ekele du betere so whĩ ó me whĩ di-likóló ɔla ɔla su betere so whĩ ó kapala kótópaae momatu betere so whĩtamo fulumu yaqse yóló inipó. Keriso so whĩnétei ai dosayale alarapetamo du betepa, ti atétere so whĩtamo fulumu yaqse yóló yalepó. Ti i haemó betó mole mo so whĩ

tué mutu yálo i fo uşóró, ti mé tikikómo dowi ala munipa, aipaae bitı fae fo uşé? ¹¹ Yálo i dere aşeta, mepaae so whıne dişpaae şta naao Keriso nopó du bitutei, nópu nokole ala ó ęla ęla senée yóló ekęle dere ala ó kapala kótópaae momatu betere ala ó whıne doi doróló eraterere fo ó topo dotere węi mo dekéro nóló keyaa fole ala ó me whı dilikóló ęla ęla ęlémi sere alakélé fea du betepa, ti ai so whıtamo fulumu dere ala momókó yaşse. Tétu, betámó ęla nokole alakélé mo yaşse.

¹² Keriso so whı mei, belapaae haęle betere so whıne dere ala taleyóló só derae fo Talené dşpaae inipó. Ti taletere alata, Keriso so whı dişisi maaté yae erapó. ¹³ Ti haęle belapaae betó mole mo so whı taletere alata, Kótóné betę enérápó. Térapa,

“Diş tuámó dowi ala haęle yó tare whı diştamó touyóló betaşsóró kae beterşpóló, hşkó falae,” ere fo diaaş kisipa yaasepóló i dere ape.

6

Keriso no hamoma fo tokóló só deraşse

¹ Dişkó me whıtamo mepaae ęlamó arale supa, Kótóné kae beteró betere so whı dişisi wisiranépatei taaróló Kótó tuęnıre whırapené tale yópóló sóró fu betere ala wisire? ² Take nalopaae i haemó betó mole so whı feané dere ala, Kótóné kae beteró betere so whıne taleyaalopó ere fo diaaş kisipanié? Ti dişnétamo i haemó betó mole so whıne dere ala diaaş taleyşpóló, Talené yóló muló betepa, ti diş tuámó ai du betere mo sawa alakélé tale enénipóló kisipa mute? ³ Take nalopaae *ensel*-rapené du betere ala dşné taleyaalopó ere fo diş kisipanié? Ti atei kaae doasi hapólui ala dşné şumó enérapa, i haemó mo sawa alatei dişisi alale sóró bóe du betere ala şumó wisiranénipa de? ⁴ Térapa, Keriso so whı diş tuámó atei kaae arale sóró bóe dupa, ti dişkó mepaae doi munire so whınekélé şumó taleyóló donoranérapa, atei kaae so whı sóró beterae. ⁵ Yálo i dere fota, diş haleyşpóló dapó. Talepaae tué tiki tiró betere so whı dişisi alale su betere ala taleyóló wisiraaire fosó fosó

kisipa mole whıké diş tuámó bitinipa du betere? ⁶ Dişisi ateró donoréni, Kótópaae tué tiki tirénıre so whıne keletómó mepaae no ne hamoma só deraairaalu, fo tokóló taletere *Gavman* whırapepaae taleyae du ai betere ape!

⁷ Diş me dupu saai kisipa mutu, mepaae ne notamo fo tokóló só derótu betereteiné, Talené ala erateretei taaróló, mo ti haepaae derepale ala haękearatapó. Mepaae whıne yşpaae erale sekęi alaró kapala dilikóló naao ęla ęla sere alata-mota, dupu saai dapóló fo teķeni, me ęla meipóló taalatepa mo wisirapó. ⁸ Aténi, dişné mepaae so whı dilikóló atimané ęla ęla sóo, atimapaae sekęi ala eróo, du betereteita, diaaş no nepaetei du beterapó.

⁹⁻¹⁰ Dowi ala du betere so whı Kótóné tęteróló kaae tare tuámó betaalomeipó ere fo diş kisipa munié? Nópu nokole so whı ó kapala kótópaae momatere so whı ó whıne dokore so ó so dokore whı kae sotamo nópu nokole so whı ó whı hamomatamo ó so hamomatamotei nópu nokole so whı ó whıne tiki dotonóló *moni* sere whı ó ęlémi nokole so whı ó néli whı betaai wisi wisi ęla dekéro senée dere so whı ó węi mo dekéro nóló keyaa fole so whı ó me whı eraterere so whı ó so whı dilikóló ęla ęla su betere so whı fea, Kótóné tęteróló kaae tare aşmó betaalopó dere fo mo nisiyóló wosaşse. Aita, kapala fo dapó. ¹¹ Ai dosşayale alarapeta, diş mepaae whıne mo du betaletei, dş tęteróló kaae tare whı Yesu Kerisoné doimó fokóló kae beteróo, ama so whıpóló sóró kae beteróo, me ala muni mo donoi so whı beteróo, ere alata, dş kaae tare Tale Kótóné Dęi Kepe Wisiné erapó.

Nópu nokole dowi alamó ere fo

¹² Mepaae whıne duraalu, “Kae kae ala fea fo muni, yálo mo şumó enérápó,” du beterapó. Tépatei, mepaae alané dş tao şumipó. “Kae kae ala fea yaaire fo muni, yálo mo şumó enérápó,” du betepatei, mepaae alané ę tęteróló kaae tawaşsóró, ai ęlané wae sóró kutó diraterere whı momó kaae betaalo meipó. ¹³ Mara mole fo i ape. “Mo ęlata, wotetepa nóo, depeta,

ti ɔla naai daayóo erapó,” Tépatéi, ɔlaró depetamo ti Kótóné doróló mo ti aluraalopó. Talené ɔané tiki aleyaletaitea, nópu nópóló ini, ama kisipa mole ala betá erópóló erapó. ɔané tikikélé Talené ama dupuyóló wisiró betereteiné, amatórotipó. ¹⁴ Kótóné ama doasi bole fotokóné ɔa tɛteróló kaae tare Tale sukáletei momó kepaaróló beteralepó. A atétu yale kaae, ɔakélé ama kepaaróló beteraalopó. ¹⁵ Whiné mo tikimó hó naase daalure kaae, ɔiá touróló betere so whi feata, ɔa tɛteróló kaae tare whi Kerisoné tikitóro daalapóló kisipanié? Ti Kerisoné tikimó olekere so whitei, nópu nokole sotamo olekeyóló betá tiki daatere ala wisire? Aita mo enéi ala meipó. ¹⁶ Mepaae whiné nópu nokole sotamo fitepa, ti atimaamo mo betá tikitóro alée foletéi ɔiá kisipanié? Ti noatepae, i fo asɛrapó.

“Atimaamo tiki betámó touratepa, ti betá tikitóro alée faalopó.”

¹⁷ Tépatéi, mepaae whi de Taletamo olekeyóló betámó betepa, ti ai whiné keperó Talené kepetamo mo betá alatóro erapó.

¹⁸ ɔiá nópu nokole ala tuámó bitini, ai ala sisópaae eróló botokó fae. Mepaae kae kae dowi alata, hále tómó maaté deretei, nópu nokole alata, mo naao tikitei doróló folokolerótu beteraapó. ¹⁹⁻²⁰ ɔiáné tikita, Kótóné ɔiá melale ɔei Kepe Wisiné momatere be tɛnapó. Talené ɔiá melale ɔei Kepe Wisi ɔiá tuámó beteraapóló kisipa mutumié? Ti diaaɔ tiki taleta ɔiá mei, Talené mo doasi ɔlané dupurapó. Atérapa, me noa kaae ala yaaitepa, ti Kótóné doi doasi mulatere ala betá du betae.

7

Soró whitamó dokotere ala tuámó ere ala

¹ Asemó diaaɔ ɛpaae wosale fo mió ɔiáppaae i tokó matapa, wosae. Mepaae whi so dokotere ala taaróló, hále betepakélé mo wisirapó. ² Tépatéi, ɔalo ɔiá keletepa ɔiá betere tuámó nópu nokole ala mo turó fɛaneteiné, whirape fea mo atimané sotamotóro betóo, sorapekélé atimané whitamotóro betóo depa, ti mo

wisirapó. ³ Soró whitamó dokore tuámó soné tikiné hekesere ala ama omanétóro eróo, whiné tikiné hekesere ala ti ama somanétóro eróo, du betae. ⁴ Ti soné tikita, amatóro mei, omané tiki yóo, whiné tikikélé amatóro mei, somané tiki yóo, erapó. ⁵ Soró whitamó dokore tuámó, whi ó soné ama tikiné hekesere ala yaai wosetepa, hýyóló sesé yaɔse. Aténi, soró whitamó atimaamosisi betá kisipa muóló, Talepaae moma yaairaaalu, fo dokóló be ɔe tukóló mulae. Atéro betero, tukóló mulale be ɔe sókó wapa, kale dere kaae momó touyóló betae. Ti noatepae, diaaɔ tikiné hekesere ala tɛteróló kaae tawaaire fotokó buni bépa, Satan-né ɔiá dée nalaɔsóro dapó. ⁶ ɔalo i dere fota, yae yóló ere fo meitei, diaaɔ kisipané wisirapó depa, ti sya fóló enérapó. ⁷ Whi fea so dokoni ɛ ere kaae hále betepa aikélé doni, wisirapóló kisipa mutapó. Tépatéi, whi dokó feapaae Talené kae kae ala meló beteraapó. Me whiné dere ala kae yóo, me whiné dere ala kae yóo erapó.

⁸ Téró, whiné dokonire soraperó so dokonire whitamopaaekélé, wulia so whippaaekélé, i dere ma fo wosae. E so dokoni hále biture kaae, ɔiakélé atéro betaai depa ti doni, mo wisirapó. ⁹ Tépatéi, wotoró bitu ama tikiné hekesere ala tɛteróló kaae tawaaire fotokó sunipa, ti so whitamó dokaaí depa ó whi so dokaaí depa ti dokonérapó. Ti noatepae, ama tikiné hekesetere ala yaai ama hosaa tuámó si duku dere kaae yaɔsóro whi so dokotepa, ó so whitamó fenépa doni, mo wisirapó.

¹⁰ Dokó mole so whippaae i dere fota ɔalo kisipané dumitei, Talené yae yóló muló betere fo i ape. Whiné dokore so naao whi tokó falaɔse. ¹¹ Sonétamo whi tokóló fupa, ai so whi kaetamo dokoni hále beterópóló yae. Téro, ama omatamo dowi kisipa mutu taaróló faai yaletéi momó fesaae wóló, atimaamo yale ala fea wisiróló touyóló betae. Soné ai dere kaae, whinékelé soma tekaɔsóro yae.

¹² ɔiá mepaae so whippaae iniyale fo i dereteita, Talené yae ere fo meitei, ɔalo kisipa mole fo dapó. Betá Keriso noné ama

soma Talepaae tué tiki tiró bitinirutei, ama omatamo betere ala wisipa, ti ai so tokó falaqse. ¹³ Sonékélé, ama whi Talepaae tué tiki tiró bitinitei sotamo betere ala wisipa, ti ai whi tokóló faai kisipa muaqse. ¹⁴ Ti noatepae, tué tiki tiró betere soné oma kisipa tiki tiró bitinipatei Talené ai so kae betero betereiteiné, ama omakélé kae beteratapó. Atére kaae, tué tiki tiró betere whiné somakélé Talepaae kisipa tiró bitinipatei, Talené ai whi kae betero betereiteiné, sokélé kae betero beteratapó. Ai ala uameisóro, ti diané naale senaalekélé Talené keletómó wisiyóló bitini, hãle hoko bituapó. Téuqtei, atimaamo Talepaae kisipa tiró betereiteiné, naale senaalekélé kae beteratapó.

¹⁵ Tépatei, soró whitamó dokore tuámó Talepaae tué tiki tiró bitinire soné whi tokóló faai dowaae fupa, ti fópóló yae. Atétepa, tué tiki tiró betere so ó whi atimaamo dokonireiteiné, whi a so kae dokotepa ó sokélé whi kaetamo fupa wisirapó. Ti noatepae, da soró whitamó dokóló bitu, hosaa muni deyóló mo dua betero pólo Kótóné dapaae ape yalepó. ¹⁶ Tué tiki tiró bitinire whiné dokore so-ó, naao whi mo ti aluyaqsoóro tao senéretei ó tao senéniretei netéro kisipa yaaloé? Tué tiki tiró bitinire so dokore whi naakélé so mo ti aluyaqsoóro tao senéretei ó tao senéniretei netéro kisipa yaaloé?

¹⁷ Tépatei, Kótóné a beterepaae ape yale whi fea me noa kaae ala epa, apaae ape itikimó, ai alatóro erópóló yae. Ai diri ma fota, diapaae maaté dumitei, hae kwia dokó feamó betó mole Keriso so whipaaekélé du beteratapó. ¹⁸ Mepaae whi de tiki sekaq tikipa Talené a beterepaae ape itikimó, ti ai alatóro erópóló, tiki sekaq tikinire whi aqyóló betaqse. Mepaae whi de tiki sekaq tikinipa, ti ai alatóro erópóló yae. ¹⁹ Tiki sekaq tikitere alaró tikinire alatamo me bete munipó. Kótóné tukóló muló betere fo sya fóló erótu betere ala betá doasi bete mulapó. ²⁰ Diã so whi fea noa kaae ala du betere tuámó betepa, Kótóné a beterepaae ape itikimó, ti ai ala tuámótóro hãle betó tawae. ²¹ Diã wae sóro kutó diratere so whi betepa, Talené

a beterepaae ape itikimó, ti me q̄la meipa whaalia yaqse. Diã wae sóro kutó diratere so whi betere ala taaróló, mo hãle betaaire tu mupa, ti wisirapa, atétóro betae. ²² Ti noatepae, mepaae so whi de wae sóro kutó diratere so whi bitipa, ti i kisipa muae. Talené a beterepaae ape yale sukamó, diã teraayóló hãle ai betero betere ape. Atére kaae, mepaae so whi atima kolené hãle betepa, Talené a beterepaae ape imó, ti Kerisoné wae sóro kutó diratere so whi beteratapó. ²³ Diãta, Talené ama doasi qlané dupuyóló betero betepa, hãle mo whiné wae sóro kutó diratere so whi alée fóló betaqse. ²⁴ No nerape-ó, diã dokó fea noa kaae ala du betepa, Talené a beterepaae ape tikimó, ti Kótóné ama keletómó ai ala tuámótóro hãle betó tawae.

²⁵ Yało i dere fota kokopei whirape ó so seimale whitamó dokoteremó dapó. I fota, Talené yae ere fo dumitei, ama e q̄leturaalu tao sóro betero betereiteiné yało dere fo mopóló diané wosenérápó. ²⁶ Noa betené i fo dumitei, mió i alimó kae kae wou betere sekei alamó kisipa mutu, diã mió ai betere kaaetóro hãle betepa mo wisirapóló dapó. ²⁷ Diã so dokopa, ti tokó falaai kisipa muaqse. So dokonipa, ti so dokaai keketu betaqse. ²⁸ Tépatei, diã kokopei whi so dokaai kisipa mupa, ai dowi ala dumipó. Diã seimale sorapekélé whitamó faai depa, ti aikélé dowi ala meipó. Tépatei, mió i alimó soró whitamó dokore tuámó doasi sekei ala waalopóló kisipa mutu, diãpaae ma fo i dere ape.

²⁹⁻³¹ Norape-ó, yało i dere fota, Talené kutó diraaire be de f̄lo inireiteiné dapó. Mió kaae sóro so dokore whirape, so dokonire aqyóló betóo, dekené sukutu moló du betere so whi ti whi sukuni hãle betere so whi aqyóló betóo, mepaae h̄kesené sukutu betere so whi h̄kesene initere so whi kaae betóo, mepaae q̄la q̄la duputu betere so whi ti q̄la q̄la dupu initere so whi aqyóo, mepaae so whi i haemó mole q̄la q̄la sóro taru, mepaae kutó ditutei ai q̄la qlapaae hosaa muóo, yaqsoóro yae. Ti noatepae, mió dané kelené i kilitu betere haeró q̄la qlatamota, alu deté fu beteratapó.

³² Yalo diappaee i dere fota, diɔ Talené ala eróturaalu, mepaae alatamo bipi yóló, whaali yaqsóró dapó. So dokonire whíta, Talené kisipa feléyóppóló ama alatóró eraai kisipa mutu beterapó. ³³ Téretei, so dokore whíta, ama soné kisipa feléyóppóló i haemó mole alatóró eraaire kisipa mutu beterapó. ³⁴ Atéreteiné ama tué mo betatóró muni, tamo mulapó. Whiné dokoni hɔle biti soró seimale sotamota, Talené ama kutó diraaire kisipa betɔ mulapó. Téturaalu, ama tikiró kepetamoné Talené ala betatóró eraaire ketekɔ bulapó. Tépatéi, whiné dokore sota, omané kisipa feléyóppóló i haemó mole ala eraaire kisipatóró mulapó. ³⁵ Yalo i dere fota, diɔ so dokaqsóró sesétu dumitei, Talené ala eróturaalu, mo betɔ tuétóró mulu, wisiyóló eraasepóló dapó.

³⁶ Mepaae whiné tamó ama dokaai tukóló beteró betere so seimale doasi ba fomó hɔle bitiré faqsóró, dokaai kisipa mutepa, ti wisirapa dokóppóló yae. Ti so dokotereteita, dowi ala meipó. ³⁷ Tépatéi, me whiné ama tuéné hɔkesere so seimale mepaae whiné ɔpaae dokae yóló sɔni, amatei hɔle betaai dapóló kisipa mutepa, ti aikélé wisirapó. ³⁸ Térapa, whiné ama hɔkesere so seimale dokotepa, ti mo wisi ala dapó. Tépatéi, mepaae whiné ama hɔkesere so seimale dokonu hɔle betepa, ti ama ai dere alané so dokore whiné dere ala mo bosenó beterapó.

³⁹ Whiné dokore so ama oma sukuni hɔle betepa, ti me whítamo fenéni omatamo hɔle dokorapó. Tépatéi ama oma sukutepa, ama tuéné ɔ me whi kaetamo faaitepa, ti hɔle whítamo feni, Talepaae tué tiki tiró betere whítamotóró fupa wisirapó. ⁴⁰ Tépatéi, yalo kisipané hɔle wulia betere sorape kolósu, folosóró whi sukutepa kae whítamo dokore sorape kolósu depa, wulia betere ala mo wisiyóló hɔkesetamo beterapó. Yalo i dere fota, Kótóné Dɛi Kepe Wisiné yó matepa dapóló kisipa mutapó.

8

Kapala kótópaee momatere ɔla nokolemó dere fo

¹ Yalo i dere fota, kapala kótópaee momayóló hɔle matere ɔlamó dapó. Mepaae bete mole alarape dɔ feané kisipa siré waletéi, mió dɔné mo diriyóló kisiparapó. Fea ala fea atima tuétapó du betepatei, atima doasi whi aɔyóló bopé faketu beterapó. Tépatéi, yaala sókó fole alané ti so whi wisiróló, kae beteraté fu beterapó. ² Mepaaené kisipané fea ala ama bete wisiyóló tuétapó du betere whíta, mepaae ala mo diriyóló kisipanipó. Atétere whi fea ala turó kisipa yaaire teórapó. ³ Tépatéi, Kótópaee yaala sókó fu betere whíta, Kótóné mo wisiyóló kisiparapó. ⁴ Térapa, kapala kótópaee momatere alamó i dapa wosae. I haemó kae kae kapala kótó sɔróló aleyale ɔla me bete muni yóo, Kótóta me kae bitini, mo betatóró betóo eretei, dɔné mo diriyóló kisiparapó. ⁵ Ti noatepae, so whiné mepaae i haemó ere ɔla ɔla ó sɔmó dae mole ɔla ɔla kilitu, kótórapekélé, talerapekélé, dekéro betó mulapó dua dapó. ⁶ Hɔle betó mole so whiné ai fo du betepatei, dɔ Keriso so whinéta, Kótó me kaae mei, mo betatóró beterapóló kisiparapó. Ai Kótóta, dɔné Aya bitu, i haemó yó mole ɔla ɔla fea amatóró kaaróo, dɔkélé ama kisipa mole ala eróppóló aleyóló beteróo, erapó. Atére kaae, dɔ tɛteróló kaae tare whi me kae bitini, Yesu Keriso mo betatóró beterapó. Fea ɔla ɔlaró wisi wisi alatamo Kótóné ɔpaae aleyae depa, amatóró aleyóo, dɔné betere betekélé ɔ tuámó muóo ereteiné, ama ala dɔné hɔle eraté fu beterapó.

⁷ Dɔnéta, ai alarape diriyóló kisiparetei, mepaae teó wale Keriso so whiné ti diriyóló kisipanipó. Atére so whi atima kapala kótópaee momatua yaletéi, ti dowi alapóló kisiparapó. Ti noatepae, atimané tué béruraalu kapala kótópaee matere ɔla nukupa, ti atimané tué tiki mo doraalopóló kisipa mulapó. ⁸ Atépatéi, ai ɔla nokole alané dɔ Kótó betere felekepaae dapesó fumipó. ɔla néni wetere alanékélé dɔ doraalo meipó. Atére dere kaae, ɔla nokole alanékélé dɔ wisiyóló beteraalo meipó.

⁹ Tépatéi, naao kisipanétamo taleyóló

naaitēpa ó we yaaitepa ti wisirapó. Tétutei, naao tuę sya fóló du betere alané mepaae tuę tiki dirini, bére so whi dée nalaqsóró mo hotowaró kaae tawae. ¹⁰ Ti noatepae, ai kapala kótópaae moma dere bemó ọla nuku betepa, mepaae tuę tiki dirinire so whiné dią kisipa dirire so whi sya wóló, kapala kótópaae matere ọla naalo wini, halaainé nukupa atima dée nalaalomeipóló kisipa mute? ¹¹ Dią fea ala tuęrapó du betereteiné, kale kisipa dirinire notei dorótu beterapó. Ti ai so whiata, da teteróló kaae tare whi Keriso sukuturaalu tao sale no nepó. ¹² Atéró du betere dowi alané, tuę tiki bére no nepaae sekei ala eróló dorótu beterapó. Atéturaalu, da teteróló kaae tare whi Kerisopaaekélé dowi ala erótu beterapó. ¹³ Yalo atéró, ọla nokole alanétamo no nerape dée nanóló dowi ala depa, ti ę hupu ó na momó kae naalomeipó. Ti noa yaqsóró mei, yalo dere alané atima dée nalaqsórópó.

9

Mo keriso so whiné Aposel whirape tao senérapó

¹ Diaaq kisipané mepaae dere alarapené ę dokóló muni teraae fóló bituraalu, yalo enére ala fea sumó enénipóló de? Diąné ęta, Talené dotęyale *apospel* whi bitinipóló kisipa mute? Da teteróló kae tare whi Yesu yalo kilinipó ere? ę Tale tuąmó bitu, diyale kutómó botokale ọlata, ti diątóró ai betere kisipanié? ² Mepaae so whiné ę kilituraalu, atima tao sópóló Kótóné dotęyale *apospel* whipóló kisipa mutumipó. Tépatei, ę dią tuąmó bitu yalo diyale kutó kilitu, i sekęta *apospel* whi mo htipó enérapó. Ti noatepae, Talené ama fo yalo diąpaae mo wisiyóló yó maletéiné, dią tuąmó ai oleru du wisinaale diaaqte i kaae kolóló, ita, Talené *apospel*-né yale alané erale dalepóló kisipanérapó.

³ Yalo dere ala taleyóló ę só deraai du betere whirapené dere fo mo nisi yaqsóró, diąpaae dapa wosae. ⁴ Ti da *apospel* whirapeta, Talené ama kutó dirane fae yóló dotęyalepó. Atéreteiné dané naaire ọlaró weıtamo mené da tao sóró

matepa dore? ⁵ Mepaae *apospel* whirape ó, Talené nomarape ó Sipas-sépi atimané dere kaae, damokélé Talepaae tuę tiki tiró betere so dokóló, sotamo wusuró Talené ala eraté kotere dore? ⁶ Mepaae *apospel* whirape atima kutó dini hałe betepa, Banabas damo Talené kutó diróturaalu, mo naaitere ọla kutókélé damoné maaté sumó dinérapóló kisipa mute? Talené kutó dirateru so whi feanétóró dinérapó.

⁷ Bóe dele *ami* whirape atimané nokole ọlaró bóe dele ọla ọlatamo atimanétei dupu dua de? Mepaae whiné ama kutómó biliyale *wain* képi du ọlumétepa sóró nukumié? Mepaae whi atima whaateru *meme* hupuné awa tepeyóló nukumié? ⁸ Yalo i deté wale fota, mo whiné mole kisipa sya fóló dapóló de? Ti yalo ai deté wale fo kaae, kale tukóló muló betere fonékélé, dumié? ⁹ Ti noatepae, Moses-né kale tukóló muló betere fo asere tuąmókélé i fo kaaetóró erapó.

“Kale *bulmakau* hupuné *whit* o du teiya deté kuturaalu, mepaae sorokóta deretei ą nópóló, kulumu faaraqse,” Ti Kótóné ai ere fo-a, mo *bulmakau* hupumó kisipa mutu yaleé? Mo meipó. ¹⁰ Ai fota, da tao saai kisipa mutu erapó. Ti noatepae, kutó sóró ọla wae bilitere whiró ọla ọlumétepa sere whıtamo nalo bukóló saai kisipa mutu, atimaamo wusuró depe tukó wei ala du beterapó. ¹¹ Mepaae whiné ọla wae bilitu dere kaae, da dią tuąmó bitu, diaaq kepe bete tao sóró wisirateru ala du betalepó. Atére kaae, mo kutómó ọla ọlumétepa sóró me whıtamo bukutu dere kaae, da wote yaqsóró mo ọla diaaq tao sóró matere ala dore? ¹² Talené kutó dirateru whirape tao sóró ọla matere alatamo donopa, ti da tao sóró matere alakélé mo turó donorapóló kisipa mutapó. Atéró matere ọla dané senépatei taaralepó. Aita hałe mei, da *moni* ó me ọla saaire kutó diteru nisiyóló, Kerisoné ama fo wisi wosaire tu seséyaqsóró yalepó.

¹³ Mepaae momatere be kaae tare whirapené momatere bepaae sóró wale ọla buki atimané nukua deretei, diaaq kisipanié? Atétere kaae, Talepaae hałe melóló simó sukulaa dalateru tiki kaae

tare wh̄irapenékélé, atima nenére ɔla kwiapaae nukua erapó. ¹⁴ Atétere kaaetóro, kale fo wisi yó matepa wosetere so wh̄irapené, ai fo yó matere wh̄irape atimané ɔɔɔare ɔla ó nokole ɔla tao sóro melae yólo Talené tukólo muló beterao.

¹⁵ Tépaitei, ɔ ɔɔɔare ɔla diaaɔ tao sóro melaaire donopatei, saalo meipó yalepó. ɔalo i asetu betere alata, diáne ɔ ɔɔɔare ɔla melópólo dumitei, ai fo wisi diaaɔ wisiyólo wosópólo kisipa mutu, ɔ haɔtamo yó mótu betalepó. Ai fo wisi ɔalo diapaae yó maleteimó dupu salepólo, mepaae wh̄irapené ɔ eratere fo yaqsóro kisipa mutu yalepó. Ti mepaae wh̄iné ɔalo haɔle yó mótu betere ala seséturaalu, ɔ tao sóro *moni* ó me ɔla melaqsóro ɔ miótitei sukutepa wisirapólo kisipa mutapó. ¹⁶ Tépaitei, Kótóné fo wisi ɔalo yó materemó ɔ bopé faketerere ala enénipó. Ti noatepae, Talené ama erae dere fo taaréni, mo yó manérápó. Ai fo wisitamo ɔalo yó menitepa, ti ɔpaae eraaire sekɔi alamó mo doasi wirapó. ¹⁷ Mepaae wh̄iné ai fo wisi ɔpaae yó melae yólo sɔni, ɔalo kisipanéitei yó mótu betepa, ti ɔalo saaire dupu wisi mulapó. Talené ɔpaae dirae yale kutó ɔalo kisipané diréni, mené sɔteremó dirótu betepa, ti me dupu muni, haɔle erae ere fo maaté sya fu beterao. ¹⁸ Ti ɔalo ai saalopó dere dupu-a, noa ɔlaé? Aita Talené fo wisi haɔle yó materemó, tao sóro matere ɔla saaire donopatei sinipó. Tétu, Talené fo wisi feléi kisipatamo haɔle yó matere alata, ti ɔalo dupu wisi ai ape.

¹⁹ ɔta, mené wae sóro kutó diratere wh̄i bitinitei, ɔalo kisipané enére ala betá du beterao. So wh̄i mo turó Yesu Kerisoné fake beteroópólo kisipa mutu, ɔalotei ɔ atimané wae sóro kutó diratere wh̄i aoyólo i betere ape. ²⁰ Juda fake so wh̄i Yesu Kerisoné fake beteraai kisipa mutu, ɔ Juda fake betere kaaetóro betalepó. ɔta, Moses-né asɔyólo muló betere foné tɔterólo kaae tare aqmó bitini, ai fo sya fu betere so wh̄i Yesu Kerisoné fake beteraai dapólo, ɔ ai fo sya fu betere so wh̄i aoyólo betalepó. ²¹ Moses-né asɔyólo muló betere fo tuénire fake so wh̄i Yesu Kerisoné fo wosólo, ama fake

beterópólo, ɔ ai fo tué inire wh̄i aoyólo yó mótu betalepó. ɔalo i dere fota, Kótóné tukólo muló betere fo munipólo dumitei, ɔ Kerisoné tukólo muló betere foné tɔterólo kaae tare aqmó beterao dapó. ²² Tué tiki tiró bitutei, bére so wh̄i atima tué tiki diriyólo tiró betere so wh̄i kaae beteraai kisipa mutu, ɔ tué tiki bére so wh̄i aoyalepó. ɔ so wh̄i tuámó bitu, atimané kae kae du betere alatóro sya fóló du betaleteita, ti so wh̄i mo turó aluni, Talené tao sópólo kisipa mutu yalepó. ²³ ɔalo i du betere alata, kale fo wisi so wh̄i feané wosólo fakeróo, ai fo wisiné erótu betere wisi wisi ala ɔpaaekélé eratepa sóo, yaa kisipa mutu du beterao.

²⁴ Mepaae ɔla ɔla saai wh̄i fea sururu yólo fotei, daɔle muló betere tikimó sóko fole wh̄iné betá dupu sua deretei, diaaɔ kisipanié? Atétu dere kaae, ɔla ɔla saairaalu ketekɔtamo sururu yólo fu betae. ²⁵ Atei kae kae melaa dere wh̄irape haɔle bitini, atimané tiki fotokɔ buópólo ɔla nokole alakélé, kae kae dere alakélé, hapólupatei, betere dokɔ sɔ sɔyólo, mo wisiyólo sya fu beterao. Atétere wh̄irapené su betere topo taota, sawa sukamó maaté muóló doyaalotei, dané saalopólo i bope du betere ɔlata, dokélé ini, mo ti muó tawaalopó. ²⁶ Atérapa, mepaae wh̄i furaalu kisipa tekeyólo feni, haɔle hokó tɔtamo yólo fu dere kaae, Talené ala ɔalo hokó erótumipó. Naase dele wh̄iné naasetamo duraalu, haɔle hokó tikimó dini, mo kelepaamótóro du dere kaae, ɔ Talené ama daɔle muló betere tikimó sóko faai haɔle fu beterao. ²⁷ Atétere kaae, ɔalo dere alakélé tikiné hekesere ala hokó yaqsóro, ɔalo tiki ɔalotei hapólui ala tuapaae mulóturaalu, wae sóro kutó diratere wh̄i kaae, tɔterólo kaae tarapó. Aita, noa yaqsóro meipó. Mepaae wh̄iné ɔpaae duraalu Talené fota, so wh̄ipaae mo wisiyólo yó maletei, ai tuámó ɔa haqsóko feleteiné naao doimó mulale dupu saalomeipó yaqsóro dapó.

10

Dée naqsóro Isarael fakené deté wale ala dosɔayólo kisipa muae

¹ No nerape-ó, ita noa ala yaqsóro dumipó. Dá Juda fake firale nouterapepaae erale ala diaaḡ kisipa yaasepóló i dapa wosae. Atima fea kitikiné ḡlisóro fu betepa, ai kitikitóro sya fóló, kale doasi wēi kēlakélé tuámó tukóló mo hae tiki ḡlepa atima tēyóló fipakalepó. ² Atima Moses-tamo touyóló kitiki aḡmó fóo, wēi kēla tuámó tukóló fóo yaleteita, atima fea Moses tuámó wēi tópipakalepó. ³⁻⁴ Atima fea Talené Kepené dere ala tuámó sḡró dorowale mo betḡ ḡlatóro nóo, wēikélé mo betḡtóro nóo, yalepó. Ti noatepae, mo whjné kelené kelenire Kepe atimatamo kwēalepó Ai Kepe tuámó ere kane fake dolomó sorokó wale wēi nukua yalepó. Ai betere bete matere wēi sorokó wale kane faketa, ti me kae mei, dá tēteróló kaae tare whj Kerisotórotipó. ⁵ Téyaletei, atima mepaae turó so whjné dere ala Kótóné kolóló ḡ ḡkesenipó. Atéyale betené atima sisiraae fupa, so whj bitini ḡle kópu kḡae fi tikimó ḡko dourótua yalepó.

⁶ Atima atéro sisiraae feleteita, tué tiki turóné dowi ala yaai ekēle du betale alané erapó. Mió ḡkélé atima yale kaae yaqsóro, tó tikiné ekēlere ala ḡané hosaa tuámó mulaqsóro kisipa mulatere fo i dere ape. ⁷ Mepaae so whj atima kapala kótópaae momatu yale kaae, mió diaaḡkélé yaḡse. Ti noatepae, aḡmó i fo erapó.

“Talené so whjta, Kótó tuénire so whjamo touyóló bitu, kapala kótó doi sóro horóturaalu, doasi ḡla deyóló nuku betalepó. Atéturaalu, atima fea sama sóro keyaa fole wēikélé mo dekéro nóo, sotamo nópu nokole alaró kae kae dowi alatamo ḡkeseyóló ḡko yóo, du betalepó,”

⁸ Atima mepaae nópu nuku betale alané, betḡ be ḡmótei 23,000 so whj sukālepó. Atima atétu betale kaae, ḡkélé yaqsóro i dere ape. ⁹ Atima mepaae so whjné Tale kḡae kelaai sḡ saleteiné, Talené dowi wulirape dotonóló atima dóló sisiraae faralepó. Atérapa, ḡanékelé Tale sḡ sere ala yaḡse yóló dapó. ¹⁰ Mepaae so whj atima ḡlisóro fole whjrapetamo dokó dokó

depa, Talené whj dóló kemerótu betere *ensel* dotonóló, so whj mo turó dóló kemeralepó. Atérapa, ḡḡkélé atéyaqsóro me whjamo dokó dokó dere ala yaḡse.

¹¹ Take betale so whjpaee eraté wale alarape mepaae so whjné dosḡayóló witu-raalu kisipa sḡpóló, mené aseýóló muló beterapó. Keké nale alimó kaae sóro i ala yaalopó deté wale forape mo dokonóló, mió i kemetere alimó ḡpaae mo erótu betepa kelerapó. ¹² Térapa, mepaae so whj de me dowi alané dée néni diriyóló beterapó dere so whj ḡḡ, dée naqsóro, mo wisiyóló kaae tawae yóló, ḡḡla fo i dere ape. ¹³ Dowi ala yḡpóló sḡ sere ala ḡḡpaae maaté dumi, i haemó betó mole so whj feapaaekélé wua dapó. Tépatēi, Kótóné so whj tao su betere ala ḡle yó taru, ḡḡpaae ai erótu betere sḡ sere ala mo dekéro eréni, diaaḡ belenére sḡtóro erótu beterapó. Mepaae dowi ala yḡpóló sḡ supa, ḡḡ dée néni fotokḡ buóló, ai seké beleyḡpóló, Kótóné ama so whj tao sere ala ḡle yó tareteiné, ḡḡ wisi tikipaae sóko faaire tḡ munaalopó.

Yesuné tikiró fḡketamo nukuraalu, kapala kótópaae kisipa muóló detere ḡlatamo touróló naḡse

¹⁴ Térapa, ḡḡlo hosaa mole ne norape-ó, kapala kótópaae momatu betere ala tuámó bitini, mo tika kae betae. ¹⁵ ḡḡ fosó fosói kisipa mole so whjamo betepa, ti ḡḡlo i dere fo taleyóló kisipa yae. ¹⁶ Talené ḡ wisiróturaalu, sóko farale sameatóro ḡ fea touyóló bitu, mo kée yóló nukua dumié? Mo betḡ *bred* o bulatóro terekeyóló nuku dere kaae, Kerisoné ama tikimó erale wisi wisi ala ḡḡ feané sumié? ¹⁷ Ti noatepae, ḡḡ fea mo betḡ o bulatóro terekeyóló nokoletéiné so whj fea mo betḡ tikitóro daale ala ḡḡkearóló yó matapó.

¹⁸ Israel so whjné du betale ala ḡḡané kisipa muae. Talepaae momaturaalu, kapo tómó biliraterere ḡla mepaae so whjnékelé nukua yalepó. Atéyaleteita, ai momaratere ala Talené wisirateretei atimakélé sirapóló ḡḡkearó betere ala diaaḡ kisipanié? ¹⁹ Mo whjné naasené Kótó sḡrólo aletu betere ḡlaraperó ai kapala kótópaae ḡle matere alatamo, mo

bete mulapóló yálo diápaae du betere? Meipó. ²⁰ Tépatei, Kótó tuénire so whiné kapala kótópaae hãle matere q̄lata, mo Kótópaae meni, dowi keperapepaee mótu beterapó. Atétere q̄latamo diaaḡ nuku betepa, ti ai keperapené du betere ala diápaae tekaalopó. ²¹ Taletamo betã kisipa muóló, nokole w̄ei nukuraalu, dowi keperapetamo betã kisipa muóló nokole w̄eikélé touróló nenénipó. Talené doi sóró horótu detere q̄la noó, dowi keperapené doi sóró horóturaalu detere q̄lakélé nóo dere alata, wisini mo dorapó. ²² Ti dã ama so whi bitutei, dowi kepetamokélé fulumu du betere alata, Talené dãtamo doasi fopaae buḡpóló sesemerótu beterapó. Ti aita, Talené ama bole fotokḡró d̄ané bole fotokḡtamo s̄urapóló de?

Kisipa tiró betere so whiné yaaitere ala mené seséni, atima s̄umó enérápó

²³ Fea kae kae ala yaaire fo muni s̄umó enépatei, ai dere alarapené so whi wisiyóló beterḡpóló tao senénipó. Kae kae yaaire ala feata, fo muni s̄umó enépatei, mepaae alané Tale tuãmó bitu kisipa tiki tiratere ala wisiraté fumipó. ²⁴ Mepaae ala duraalu, diã maaté wisiyóló betaaire alamó kisipa muni, mepaae so whikélé wisiyóló beterḡpóló kisipa mutu, erótu betae.

²⁵ Hupu na dotonatare tikimó du-puteretei naairaalu, netéyale q̄laé yóló woseni, hḡko nó betã yae. ²⁶ Ti noatepae, i fo aseýóló muló beterapó.

“I haeró ere q̄la q̄latamo feata, Talené amatórótípó.”

²⁷ Mepaae tué tiki tirénire so whiné diápaae q̄la naai ape depa, fóló naairaalu neté yale q̄laé yóló woseni, hḡko nó betã yae. ²⁸ Tépatei, mepaae whiné duraalu, “Ita kapala kótópaae momayale q̄lapó,” depa ti naḡse. Ti ai whi ḡ haleturaalu, ama tué tiki doyaḡsóró dapó. ²⁹ Yálo i dere fota, naao kisipa sekeýóló kḡpaae faḡsóró dumitei, yãpaae ai fo yale whiné naao dere ala kilitu, ḡ kisipa sekeýaḡsóró dapó. Ti yálo kisipané yaaitere ala du betepatei, mepaae so whi atima tuéné yálo dere ala taleýóló ḡ noatepa só derótu betere? ³⁰ Mené ḡpaae q̄la naai ape depa

ai q̄la naairaalu, Talepaae mo kée yóló nuku beterapó. Atéro nukupatei, mepaae whiné yálo q̄la nokole alamó, ḡ noatepa só derótu betere?

³¹ Atérapa, diaaḡ q̄la nokole ala ó w̄ei nokole ala ó mepaae dere alarape fea so whiné kilituraalu, Kótóné doi betã doasi muḡpóló yae. ³² Atéturaalu, Juda fake ó, Krik fo bole fake ó, Kótóné so whi fea dée nalaḡsóró me noa kaae ala depa, ti tué tekeyóló yae. ³³ Ti yálo dere alakélé hḡko dumi, so whi feané wisirapó yḡpóló, tué tekeyóló du beterapó. Ti noatepae, yálo du betere alata, ḡ maaté wisiyóló betaai kisipa muóló dumi, Kótóné so whi fea aluyaḡsóró, wisiyóló beterḡpóló tao saaire ala betã du beterapó.

11

¹ Téturaalu, Yesu Kerisoné yale ala yálo s̄uróló du bitu dere kaae, yálo dere alakélé d̄ané s̄uróló yae.

Talepaae momaturaalu etéro yae yóló dere fo

² Diã Talené ala eróturaalu, d̄ané diápaae yae yóló male alarape diaaḡ kutirimó muló, wisiyóló s̄ya fóló erótu betereteimó, mo kée yóló yálo diã dukirótu beterapó.

³ Dã whi feané topota, so whi t̄eteróló kaae tare whi Keriso betóo, soné topo ti whi betóo, Kerisoné ama topo ti Kótó betóo eretei, diaaḡ kisipa yaasepóló i dere ape. ⁴ Mepaae whi dené Talepaae momatere alaró Talené kḡló whirapené ere fotamo yó matere sukamó, ama mo topo me q̄lané husiratepa, ti ḡ t̄eteróló kaae tare topotei haleratapó. ⁵ Mepaae so dené Talepaae momaturaalu, ó Talené kḡló so bitu, ama fo yó matere sukamó, kutiné ó me q̄lané ama topo husirénitepa, ti ḡ t̄eteróló kaae tare topotei haleratapó. Ama topo husiréni hãlepatei, Talepaae moma depa, ti ama topo niki sakere aḡrapó. ⁶ Mepaae so denétamo ama topo niki me q̄lané husiraalo hḡtepa, ti hãlekeróló tikinérapó. Ama topo niki turó saketepa, ó tikinalemó ḡ halenérapóló kisipa mutepa, ti me q̄lané husiranérapó. ⁷ Ti whiḡta, Kótóné ama kae ere d̄eró

asotamo suróló alereteiné, momatere ala ó fo yó matere ala yaai, ama topo me qlané husiranénipó. Téplatei, so betere alata, whi tao sóró hale horaairaalu erapó. ⁸ Ti noatepae, take soró whitamó kaarale sukamó, whi so tuamó kaani, sotei whi tuamó kaaró beteraipó. ⁹ Atére kaae, Kótóné whi alereteita, so tao sópóló ini, soné whi tao sópóló, kisipa mutu erapó. ¹⁰ Atére alaró *ensel*-rape betere alatomomó kisipa mutu, sorape atima fea whi aqmó beteraipóló kisipa yópóló, ama topo me qlané husiranérapó.

¹¹ Téplatei, Tale tuamó bitu so whi meiyóló ama wotoró betóo, whikélé so meiyóló ama wotoró betóo, inipó. ¹² Ti noatepae, take sota whi tuamó sókó wóo, miómo soné deyóo whi deyóo du beteraipó. Téplatei, ai alarape feata, Tale tuamótóro kaarótu beteraipó. ¹³ Yálo i dere fō wosóló diaaḡtei taleyae. Sorape atima topo me qlané husirénirutei, Kótópaae momatepa ai wisire? Mo meipó. ¹⁴⁻¹⁵ Whiné ama topo nikitamo fḡloratepa, ti ḡ hale yóo, soné ama topo niki fḡloratepa, ti ḡ dukiróo yópóló, erapó. Ti aita, ama ere alapóló kisipa yópóló, erapó. Ti noatepae, soné fḡloi topo nikita, ama tiki husuróló eró beteraipó. ¹⁶ Mepaae whinétamo i dere fo woseni, hḡróló dowḡae fu betepa, ti atei kaae so whipaae dané ó kae kae hae kwiamó betó mole Keriso fake so whinékélé me ala yaaire tu kae muni, dḡ feané mo betḡ alatóro yó tarapó.

Talené qla nokole alamó ere fo

¹⁷ Yálo diḡpaae i ala yae, i ala yaḡse yóló i dere fota, diaaḡ du betere alamó wisirapóló yálo diḡ dukiróturaalu dumipó. Ti noatepae, diḡ touróló du betere alané so whi só deróló dorótu betereiteiné, mepaae dere wisi ala tḡteró beteraipó. ¹⁸ Yálo diḡpaae folosóro dere fo i ape. Diḡ tourótua dere sukamó, fea betḡ kisipa muni, fake tekeyóló kae kae betó mulapó dere fo yálo wosalepó. Diḡ tuamó ai ala mo du dapóló kisipa mutapó. ¹⁹ Diḡ fea betḡ kisipa muni, me fakené dere ala kae, me fakené dere ala kae du betereitei, Kótóné kḡae kolóló, i faketa mo donorapó deretei mo so whiné kolópóló

hḡkearatapó. ²⁰ Diḡ fea betamó touróló bitu nokole qlata, Talené ama erale alamó, ama doasi doi mulóturaalu nokole aḡnipó. ²¹ Ti noatepae, diḡ atéro qla nukuraalu, so whi fea wópóló kaae tani, mepaae so whi hḡko hapale nukua dapó. Diḡ qla betamó bitu mepaae whi wotené sukḡo, mepaae whi wḡi dekéro nóló keyaa fōo, du beteraipó. ²² Ti diḡ mo qlaró wḡitamó naaire mo be tḡnipa de? Atétu betere alané Kótóné touróló betero betere so whi hḡle qla aḡróo, mepaae qla qla meire so whi halerótua yóo, du beteraipó. Diaaḡ ai du betere alamó, yálo diḡpaae noa fo yaaloé? Aita, wisi ala dapóló yálo diḡ dukiranére? Mo meipó.

²³⁻²⁴ Ti noatepae, Talené ḡpaae yó matepa yálo diḡpaae yó male fotei, momó i dere ape. Tale Yesu dḡpóló eleké deale dikitamo *bred* o tao sóró Talepaae mo kée yóló, kolokó daalu yóló mótu duraalu, “Ita, yálo diḡ tao suraalu, matere tikipa diaaḡ nukuraalu, yálo yale alamó ḡ kisipa keteréni, tuḡ yó taru nae,” yalepó. ²⁵ Atéro qla nóló kemetepa, qla nuku yale kaaetóro wḡi belere wuti tao sóró duraalu, “I wḡita, yálo sókó falaaire samea Kótóné ama so whi tao saalopóló ere kisi fo dirirótu beteraipó. Térapa, diḡ i wḡi nukua dere dokḡ yálo yale ala tuḡ yó taruraalu, i ala hḡle deté fu betae,” yalepó. ²⁶ Ti noatepae, betere dokḡ i *bred* oró wḡitamó nukulétóro fu betaalopó. Atétere alané, Tale sukḡle ala hḡkeamó yó maté fóló, ḡ wale sukamó sókó faalopó.

²⁷ Atérapa, mepaae so whi denétamo Talené *bred* o ó wḡi kisipa tekeyóló nénitepa, ti Talené ama tikiró sameatamo bete muni, hḡle qla aḡratereteiné, dowi ala dapó. ²⁸ Ai qlaró wḡitamó nokole alata, doasi bete mole qlapóló kisipa muóló, folosóro ḡ tuamó mole ala tuḡnétei taleyóló nukupa, ti mo wisirapó. ²⁹ Ti noa yaḡsóro meipó. Mepaae whi dené ai wḡiró qlatamo nukuraalu, Talené tikipóló kisipa muóló neni hḡle hḡko nuku betepa, ti Talené ḡ só deraaire ala amatei eratapó. ³⁰ Atétu betere alané diḡ tuamó mepaae so whi turó fotokḡ buni, bé yóo, mepaae mo kisi daayóo, mepaae so whi

mo ti sisiraae fóo du beterapó. ³¹ Tépatēi, dāné ḥṣókó fóló du betere ala dānétei taleyóló donoratepa, ti Talené dā só deraalomeipó. ³² Dāné du betere ala Talené ama taleyóló dā i haemó ḥḗle betó mole so wh̄tamo touróló só deraḡsóró, dāné du betere dowi ala taaróló tū wisipaae fópóló donoróturaalu, ama dā deké su beterapó.

³³ Atérapa, ḡḗlo ne norape-ó, Talené ḡlaró w̄ḡtamo nokole sukamó, so wh̄j fea betāmó tourḡle wapa naasepóló, kaae tawae. ³⁴ Diḡ mepaae so wh̄tamo wotetepa, ti mō ḡla diaaḡ bemó nóló wonérápó. Ti diḡ atéro fea touróló bitu, du betere ala Talené taleyóló diḡtei só deraḡsóró dapó. Ẹ aipaae wale sukamó, ḡḗlo i dere fo tómó mepaae diḡ donoratepa fókélé yaalopó.

12

Mepaae so wh̄j tao sópóló, D̄j Kepe Wisiné ḡḗle matere ala

¹ No nerape-ó, Talené D̄j Kepe Wisiné ḡḗle matere alarape diḡ tuḡni, ḡlóló ḡlóló ḡḡsóró i dapa wosae. ² Diḡ Keriso be-tai ḡḗle betale alimó, fókélé initere kapala kótoraepaae tuḡ tiki tirópóló, netéro mepaae alané diḡ kópaae ḡlisóró felerópó. ³ Diḡ ai ala ereteiné ḡḗlo diḡpaae i dere fo wosae. Kótóné D̄j Kepe Wisiné mepaae so wh̄j fotokḡratepa, “Yesu mo ti dorópóló yae,” fo mo enénipó. Mepaae so wh̄j D̄j Kepe Wisiné fotokḡrenitepa, ti “Yesuta, dā t̄ḡteróló kaae tare Talepó,” fo mo enénipó.

⁴ Talené ama ala erópóló, mo betḡ D̄j Kepe Wisinétei kae kae ala erópóló, so wh̄j feapaae ḡḗle dokḡrótu beterapó. ⁵ Mepaae Keriso so wh̄jné Talené ama so wh̄j tao saaire ala kae kae mupatei, ai alarape fea t̄ḡteróló kaae tare Tale mo betḡtóró beterapó. ⁶ Ai betḡ Kótónétóró so wh̄j fea tuḡmó kae kae alarape fea erótu beterapó.

⁷ Talené so wh̄j mo fea wisiyóló beterópóló, D̄j Kepe Wisiné ama erótu betere kae kae wisi ala ḡḡkearóturaalu, so wh̄j feapaae betḡ betḡ yóló dokḡrótu beterapó. ⁸⁻¹⁰ Betḡ D̄j Kepe Wisinétei, me wh̄j paae ti mepaae Keriso so wh̄j fosó

fosóre ala yó melópóló melóo, me wh̄j paae ti Kótóné mo bete mole fo tuḡ yópóló, yó melaaire ala melóo dere alata, mo betḡ D̄j Kepe Wisinétoró erótua dapó. Me wh̄j paae ti Kótóné doasi kelemei ala mo eraalopóló, tuḡ tiki tiratere ala melóo, me wh̄j paae kae kae kisi bete wisiratere ala melóo, me wh̄j paae kelemei ala erópóló doasi fotokḡ melóo, me wh̄j paae Kótóné ama ḡlóló wh̄j beteróo, me wh̄j paae ti fea dere ala taleyóló, ita dowi kepené dapó, ita Talené Kepe Wisiné dapóló ḡḡae kolóló tuḡ dere ala melóo, me wh̄j paae ti kae kae be fo dere ala melóo, dua dapó.

¹¹ Ai dosḡayale alarape feata, mo betḡ Kepenétóró eratapó. Tétu ama kisipané enére alatóró sya furaalu, so wh̄j feapaae betḡ betḡ yóló dokḡrótu beterapó.

Betḡ tikimótei kae kae ḡlarape daale fo

¹² Mo wh̄jné tikimó hó naase kele mepaae kae kae ḡla fea daae moletei, tikita ti mo betḡtóró daalapó. Atére kaae, dā t̄ḡteróló kaae tare wh̄j Keriso ḡ tikimó dā fea olekeyóló mo betḡ tikitóró daalapó.

¹³ Ti noatepaae, betḡ D̄j Kepe Wisiné dā fea w̄ḡi tópuróturaalu, Juda fake so wh̄j kélé, Krik fo bole so wh̄j kélé, wae sóró kutó diratere so wh̄j kélé, atima ḡḡlené betere so wh̄j kélé, fea mo betḡ tikitóró alée faralepó. Até duraalu, so wh̄j fea w̄ḡi nokole depa betḡ w̄ḡi nuku dere kaae, dā fea betḡ D̄j Kepe Wisitóró sópóló malepó.

¹⁴ Wh̄jné mo tikimó betḡ ḡla maaté daani, kae kae ḡla fea daae mulapó. ¹⁵ Hóné duraalu, ḡta naase meireteiné ai tikitamo olekenipó depa, ti hó ḡ fesekée fóló kae daale? Tēni, tikimótóró olekerapó. ¹⁶ Wos̄liné duraalu, ḡta kele meireteiné tikitamo olekenipó depa, ti wos̄li ḡ ḡḡae fóló, kae daale? Tēni, ḡ tikimótóró olekerapó. ¹⁷ Tiki turótamo keletóró daaḡsóró, ti wosetere ala netéro wuḡé? Tiki turótamo wos̄litoró daaḡsóró, ti ḡḡḗla sere ala netéro wuḡé? ¹⁸ Ti tikimó daale kele, naase, hó mepaae kae kae ere ḡla fea Kótóné ama kisipané etéro eraalopó yale alatóró eró beterapó. ¹⁹ Ai ḡlarape featamo betḡ ḡlatóró daaḡsóró, ti tikipó fo netéro

wuaé? ²⁰ Ti hó naase, kele, kae kae ɔlarape fea daae moletei, betɔ tikimótóro olekéé mulapó.

²¹ Kelené naasepaae duraalu, “Me ala yaairaalu, ɛ ya yaɣɣanipó,” fo enénipó! Toponékélé hópaae duraalu, “Me ala yaairaalu, ɛ ya yaɣɣanipó,” fo enénipó! ²² Atei fo ini, ɗané tikimó mepaae daae mole sawa doi munire ɔlarape meitepa, ti ɗané tiki mo wisiyóló betere ala enénipó. ²³ ɗané tikimó daae mole mepaae kelaalo kokɔ inire ɔlarape kokɔ yópóló, ɗané aurótua dapó. ɗané tikimó daae mole mepaae keletepa haletere ɔlarapeta, ti kutiné kinótua dapó. ²⁴⁻²⁵ Mepaae keletepa hale initere ɔlarape, ti ɗané mo hotowayóló kinótimipó. Tépatei, Kótóné so whjné tiki aleturaalu, mepaae doi munire ɔlaraperó doi mole ɔlarapetamo dei kisipa mutu, bóe dóló fake tekeyaqsóro, doi munire ɔlarapekélé Talené tao sóro doi muaaire ala eralepó. Tétu, tikimó daae mole ɔlarape betɔ kisipa muóló, u tao su i tao su du beterópóló, Kótóné atéro touróló daalalepó. ²⁶ Ai ɔlarape betɔkótamo seké supa, ti featóro seké sóo, mekó doasi doi mulatere ala depa, ti mepaae ɔlarapekélé fea touyóló, hekesetamo mo kée yóló haj yóo, du beterapó.

²⁷ Atétere kaae, diɔ fea ɗa tɛteróló kaae tare whj Kerisoné tikimótóro olekereiteiné, diɔ fea ama tikitóro daalopó. ²⁸ Kótóné touróló beteró betere so whj tuámó folosóro Kótóné fo erópóló, dotɛyale aposel whjrape sóro beteróo, ai sisópaae Kótóné fo yó matere kóló whjrape sóro beteróo, ai sisópaae yó matere whjrape sóro beteróo, ai sisópaae doasi kelemei alarape eraaire so whj sóro beteróo, ai sisópaae kae kae kisi bete wisirópóló sóro beteróo, ai sisópaae mepaae kae kae ala dere tuámó bipi depa tao saaire so whj sóro beteróo, mepaae dere ala mo donotóro deté fu beterópóló sóro beteróo, ai sisópaae mepaae so whj kae kae be fo yópóló, sóro beteróo, erapó. ²⁹ Ti ai so whj featóro Kótóné dotɛyale aposel whjrape betere? Atima featóro Kótóné fo eratere kóló so whj betere?

Meipó. ³⁰ Atima featóro Kótóné fo yó matere so whj betere? Atima feanétóro doasi kelemei alarape erótua de? Mepaae so whjné kisi bete wisiratere Kótóné atima feapaaetóro melaleé? Kae kae be fo-a, atima feané du betere? ɗeji Kepené yó matere kae kae be fo fetere ala feané dua de? Mo meipó. ³¹ Ti so whj fea tao saaire ala betɔ senée yóló ekele du betae. Talené kae kae ala eraaire tɔ wisi mió yało diɔpaae i dere ape.

13

No nerapepaae hosaa muóló yaala sókó fole ala

¹ ɛ tuámótamo so whjpaee yaala sókó fole ala munirutei, Talené ala eróturaalu, mo whjné bole kae kae be fo ó enserapené be foné du betepa, ti hɔle fo whaayóló so whj wisinarótu beterapó. ² ɗeji Kepe Wisiné ɛ fotokɔratepa, Kótóné kóló whjrapené dere foró kinó betere fotamo fea yało tué yóo, Kótóné bete mole fo so whjpaee yó melóo, mepaae hasi fosópaae ai daae mole tiki taaróló, kaepaae daane fae yaaire tué tiki tiratere alakélé sɔmó yóo epatei, yaala sókó fole alatamo ɛ tuámó munipa, ti ɛ mo hɔle ɔla kaaené kelerapó. ³ Yało mole ɔla ɔla fea yolealere so whj tao sóro melóo, Talené ala eróturaalu mepaae so whj tao saai dapóló kisipa mutu, yało tikikélé mené simó sukɔlaa dalópóló melóo duraalutei, yaala sókó fole ala ɛ tuámó munipa, ti Talené ɛmó me dupu melaalomeipó.

⁴ Mepaae so whjpaee yaala sókó fu betere so whjta, kae kae sekéi ala wapakélé, me ɔla meipóló dua beleyóo, naameyóló mo dua bitu wisi ala betɔ eróo, du beterapó. Yaala sókó fole whjné me whjné dere ala kilitu, ɛkélé etei kaae ala enée yóló dei kisipa muóo, nene yóló bopé fake yóo, doasi whjpoló kisipa mutu mepaae so whj só deróo, mo enénipó. ⁵ Yaala sókó fole so whjné, mepaae so whjné inire alamó hɔko haleratere ala ini yóo, atima kisipa felé yaaire ala maaté ini yóo, fopaae butere ala hapale ini yóo, mepaaené eratere dowi ala kwia tokɔ melaaire kisipa muni yóo, erapó.

⁶ Mepaae yaala sókó fu betere so wh̄ita, dowi ala tuamó h̄keseni, mo bete mole ala wisimó bet̄a mo kée yóló h̄kesetu beterapó. ⁷ Yaala sókó fu betere so wh̄iné atima ne norapepaae sekei ala eraqsóró sesé yóo, Talené tao saalopóló kisipa mutu, tuę tiki tiratere ala taaréni, betere dokq̄ h̄ale yó tawóo, take nalopaae Talené d̄apaae wisi ala eraalopóló kisipa tiróo, kae kae sekei ala wapakélé haepaae derepéni, betere dokq̄ h̄ale beléetóró tawóo, du beterapó.

⁸ Kótóné kqló wh̄i bitu, ama fo erótu betere alakélé me sukamó taalóo, kae kae du betere be fokélé kemeyóo, doasi kisipa sere alakélé kemeyóo yaalotei, yaala sókó fole ala bet̄a mo kemekélé ini, h̄ale muótóró tawaalopó. ⁹⁻¹⁰ Ti noatepaae, mo bete mole fo d̄ané tuępatei, mo turó tuęni yóo, d̄a Kótóné kqló wh̄i bitu, ama d̄apaae yó male fo d̄anémo mepaae so wh̄ipaae mo turó yó meni yóo du beterapó. Tépat̄ei, mepaae alarape Talené ama mo turó eratere alimó, mepaae eréni h̄ale kwia mole alarapekélé fea aluraalopó. ¹¹ ę ketei kaae betale sukamó, yało dere fokélé keteiné fo kaae yóo, tuękélé keteiné tuę kaae muóo, mepaae ala bete diriyóló tuę deté fole alakélé, keteiné dere ala kaae yóo, yalepó. Téyalet̄ei, ę doa yóló wh̄i bitu, take ketemó deté wale ala mo ti taaralepó. ¹² Mió d̄ané i kilitu betere alata, bete diriyóló kilini, aso asore *klas*-mó kelepaa kilitu dere kaae erapó. Tépat̄ei, nalo kelepaa k̄aetamo duraalu, ti mo diriyóló kelaalopó. Mióta, mepaae ala d̄ané tuęretei, mepaae wisiyóló tuęnipó. Talené ę mo turó diriyóló tuęru ere kaae, take yałokélé tuę yaalopó.

¹³ Mió i alimó mole doasi bete alarape i ape. Tuę tiki tiratere alakélé, take nalopaae Talené d̄apaae wisi ala eraalopóló hajtu betere alakélé, yaala sókó fole alakélé, ai alarape tuamó mo doasi bete mole alata, ti yaala sókó fole alapó.

14

Talené kqló wh̄iné dere foró kae kae be fotamo yópoló h̄ale matere ala

¹ Yaala sókó furaalu, D̄ei Kepe Wisiné h̄ale matere alarape mo ketekę buóló su betae. Tétu Kótóné kqló wh̄i bitu, ama fo yó matere alata, mo doasi topo alapa, mo wisiyóló sae. ² Ti noatepaae, mepaae so wh̄i dené du betere kae kae be fota, mo so wh̄ipaae dumitei, Kótópaetóró du beterapó. Atéro kinóló mole alarape ama kepe tuamó du betepatei, so wh̄i feané ai dere fo wosóló bete tuęni kqló kqlórapó. ³ Tépat̄ei, mepaae Kótóné kqló so wh̄iné mo so wh̄ipaae Talené fo i ape yóló yó móturaalu, so wh̄i diriyóló beterópoló fotokq̄ bulóo, halaainé beterópoló ketekę bulóló ma fo yóo, whaaliala duraalu fomaake kisipa mutere so wh̄i kisipa felératere fo yóo, du beterapó. ⁴ Wh̄i me dené kae kae be fo du betepa, ti atétere wh̄i ątei wisiyóló beterate ala du beterapó. Tépat̄ei, Kótóné kqló so wh̄iné, ti so wh̄i feapaae Talené ere fo i ape yóló yó mótu betepa, ti Kótóné fake so wh̄i fea diriyóló beterópoló tao su beterapó. ⁵ Dią so wh̄i feané kae kae be fo depa, mo wisirapóló kisipa mutapó. Tépat̄ei, Talené kqló wh̄irapené dere fo dią feané depa, mo wisirapó. Kótóné kqló wh̄irapené yó mótu betere alané kae kae be fo du betereitei t̄eteró beterapó. Tépat̄ei, Kótóné touróló beteró betere so wh̄i diriyóló beterópoló, kae kae be foné du betereitei bete mené feteyóló yó matepa wisirapó.

⁶ Térapa, no nerape-ó, ę aipaae wóló kae kae be foné du betepa, ti yało dią netéro tao saaloé? Tépat̄ei, Kótóné mepaae kinóló mole alarape diąpaae h̄akearóló yó matepa, ó Kótóné so wh̄i mokq̄leyaa yóló betaqsóró ere ala bete fea yó matepa, ó Kótóné kqló wh̄i bitu ama fo yó matere ala ó Kótóné bete mole fo etérópoló yó mótu betepa, ti ai alarapené dią mo s̄umó tao saalopó. ⁷ Wole fo duraalu, mo wh̄iné aleale fó wuti ó *kita* kaae q̄la *harp* wisiyóló dupa, ti so wh̄i feané wosóló felé yaalotei, h̄oko dupa, ai hale wosetere so wh̄iné noa wole fo du dérópoló, kqló kqló yaalopó. ⁸ Atétere kaae, bóe daai haletua dere ukulumó wuti wisiyóló dini h̄oko depa, ti bóe dele wh̄irape atima bóe faairaaalu, netéro

siki siki yaaloé? ⁹ Diiáq dere alakélé ai ala kaaené kelerapó. Diñané dere fo so whjné kisipare foné initepa, ti ai fo bete netéro kisipa yaaloé? Atéro dere fota, so whj bitinire tikimó wotoró bitu dere fo kaae aqrapó. ¹⁰ I haemó kae kae be fo buó moletei, me fokó bete munire fo kae buni, mo fea bete mole fotó bulapó. Ai be fo talerape atimané foné bete kisiparetei dā feané mo tuérapó. ¹¹ Mepaae whjné dere be fo yalo wosóló bete wisiyóló sinitépa, ti be fo kae bole whjné ę kae be fo bole whj nisi yóo, yalokélé ai whj ą kae be fo bole whj nisi yóo, du beterapó. ¹² Ti diā tuāmókélé atei kaae alatóro du beterapó. Dęi Kepe Wisiné hāle matere ala saai dapóló, diā doasi ekele ai du betépa, Kótóné touróló betéro betere so whj diriyóló betératere alata, doasi bete mulapa, keteke buóló sae.

¹³ Atére betené, mepaae kae kae be fo du betere whjné dere fo bete amatei feteyópoló Talepaae momarae. ¹⁴ Ti noatepae, yalo be fo kaené dere momata, kepené maaté du beterapó. Tépaitei, yalo tuę tikita, ti kaepaae mole aqrapó. ¹⁵ Térapa, yalo noa alakó yaaloé? Yalo moma duraalu, kepetamo yóo, yalo tuęnékélé yóo, wole fo duraalu, yalo kepetamo yóo, tuęnékélé yóo enérapó. ¹⁶ Naa kepetamo turóné Kótópaae mo kée yóló ą hale horótu betépa, ti naa du betere fo bete wosenireteiné, “Mo kée, téyópoló yae,” fo hāle netéro yaaloé? ¹⁷ Ti naa mo kée fo du betépaitei, ai foné u whj tao sóro diriyóló betérotumipó.

¹⁸ Ti diā feané kae kae be fo du betépaitei, yalo kae kae be fo dere alané diā mo teraae faleteiné Kótópaae mo kée du beterapó. ¹⁹ Tépaitei, Kótóné touróló betéro betere so whj tuāmó, yalo ama fo yó móturaalu, so whjné wosóló bete kisipa yaairétoró aporó fo kwiatamo yó matepa, ti mo wisirapó. Téni, so whjné wosóló kisipa enénire 10,000 fo kukwia kae kae be foné depa, ti netéro wosóló kisipa yaaloé?

²⁰ No nerape-ó, diā keteirapéné tuę kaae mutu betaqse. Diā dowi ala yaaire kisipa muni, awą nokole naale senaale kaae aqyóló betae. Tétu, diñané mole tuę

tikikélé, mo dirire so whjné tuę kaaetóro muóló betae.

²¹ Kale tukóló muló betere fo tuāmó Talené i fo dapó.

“Yalo so whjpaee kae kae be fonékélé, be kaemó wale whjrapené kólónékélé i so whjpaee yaalotei, yalo dere fo bete atimané mo wosókélé yaalomeipó.”

²² Térapa, ai kae kae be fo du betere alata, tuę tiki tiró betere so whjné kolóló tuę yópoló dumitei, tuę tiki tirénire so whjné kilitu, ita Talené me ala yaairémó dapóló kisipa yópoló dapó. Tépaitei, Kótóné kóló whjrapené ere fo i ape yóló yó mótu betere alata, tuę tiki tirénire so whj tao su dumitei, tuę tiki tiró betere so whj tao suraalu dapó. ²³ Atéreteiné Kótóné fake so whj feané kae kae be fo du betéremó, mepaae ai be fo tuęni, kóló kólóre so whj ó tuę tiki tirénire so whj diā betérepaae wóló, diaaą du betere ala kilituraalu, diā keyaa fole so whj aqrapó yaalomeié? ²⁴ Diā fea Kótóné kóló so whj bitu, ama fo i ape yóló yó mótu betépa, kale mo fo bete tuę tiki tirénire so whj ó mepaae mo fo tuęnire so whj wouraalu, so whjné dere alané ama hosaamó suraalu, ą dowi ala du betere whjpoló mutere kisipané ą só deraalopó. ²⁵ Talené ai whjné du betere ala taleyóló, ama hosaa tuāmó kinóló mole ala hakearaalopó. Atéterémó, ą deraapisa fóló fió mulu, so whj feané keletómó Kótóné doi hale horóturaalu, “Kótó diā tuāmó mo ai betere ape!” yaalopó.

Talepaae mo dono tuę sya fóló moma yae ere fo

²⁶ No nerape-ó, diaaą kisipa yópoló dāné diāpaae me noa fo yaaloé? Diā fea touróló bitu, mepaae so ó whjné ama kisipare wole fo yóo, mepaae so ó whjné so whj feané wosóló kisipa yópoló, Talené fo yó melóo, mepaae so ó whjné kinóló mole ala Kótóné ąpaae yó matepa, amamo so whjpaee yó melóo, mepaae so whjné kae kae be fo yóo, mepaae so ó whjné kae be foné deretei bete feteyóo, depa mo wisirapó. Ti ai dosąayale alarapeta,

Kótóné fake so wh̄i fotok̄o buóló beteraaire alatamo epa, ti enérápó. ²⁷ Mepaae so wh̄iné kae be foné yaaitepa, ti so wh̄i feané dere fapo ini, sore ó tamo so wh̄iné bet̄a bet̄a yóló enérápó. Atéro dere fo me so ó wh̄iné bete feteyóló, so wh̄ipaae h̄akearóló yó manérápó. ²⁸ Ai fo feteyaaire so ó wh̄i bitinipa, ti Kótóné fake so wh̄i tuámó kae kae be foné h̄akeamó ini, Kótópaae maaté ama kikiti depa, mo wisirapó.

²⁹ K̄oló wh̄iné Kótóné ama fo Keriso so wh̄ipaae yó matepa, ti tamo ó sore wh̄inépi yó melópoló yae. Atéro kemetepa, ti wosale so wh̄iné ai fo bete k̄aae kolóló hotowaró talenérápó. ³⁰ Me wh̄iné yó matere fo wosetu betere so wh̄i tuámó D̄ei Kepe Wisiné i fo yae yóló yó matepa, ti ai fo yó mótu betere ala kapala taaróló, ai so ó wh̄iné fo yópoló t̄e melae. ³¹ Ai so wh̄i fea kisipa sóró fotok̄o buóló beterópoló, Kótóné k̄oló so wh̄irape atima dok̄o fea bet̄a bet̄a yóló Talené fo yó melanérápó. ³² Kótóné k̄oló so wh̄i tuámó betere keperapené yaai kisipa mole ala mo donotóró yópoló, ai k̄oló so wh̄inétóró t̄eteróló kae tarapó.

³³⁻³⁴ Ti noatepae, Kótóné so wh̄i tuapaae h̄oko ala kaaréni, hosaa muni deyóló mo dua beterate ala kaaraterere Tale beterapó. Be hulua dok̄o feamó Kótóné ama kae beteró betere so wh̄iné du betere kae, fo wosetere sukamó dīa sorape fo tekeni, mo dua betepa wisirapó. Kale tukóló muló betere foné sorape wh̄i aqmó betae ere fo sya furaalu, mo dua betenérápó. ³⁵ Atima ai yó matere fo bete k̄oló k̄oló depa, ti bepaae fóló atima omarapaae wosenérápó. Ti noatepae, so wh̄i touró betere tuámó soné fo depa, ti aita donoi ala mei, mo hale dere alapó.

³⁶ Ti Kótóné fo-a, dīa tuámó keké naleé? Ó ai fo wisi ai be huluamó betere so wh̄i dīapaae maaté yó maleé? ³⁷ Wh̄i me dené dīa tuámó ama kispáné ā Kótóné fo eraterere k̄oló wh̄i ó D̄ei Kepe Wisiné eraterere kae kae ala sumó enérápó kisipa mutepa, ti yālo i as̄etere fo ti Talené ama dīapaae yae dere fo dapóló kisipa enérápó. ³⁸ Tényi, mepaae wh̄inétamo i as̄etere fo

h̄ale ɔla aqróló sisópaae eratepa, ti Talené ai wh̄ikélé sisópaae eróló, h̄ale ɔla kae aqraalopó.

³⁹ Térapa, no nerape-ó, mepaae so wh̄ipaae kae kae be foné ekése yóló sesé yaqse. Tényi, Talené k̄oló so wh̄iné yó mótu betere fota, ti mo doasi alapa, keteke buóló yó mótu beterópoló yae. ⁴⁰ Tétu, dīané mepaae noa kae ala yaai depa h̄oko ini, kisipa tekeyóló mo donotóró sya fóló enérápó.

15

Yesu momó kepaayale fo

¹ No nerape-ó, yālo dīapaae take yó mótu betale fo wisi diaaɔ kisipa keteyaqsóró momó yaai dapó. Kótóné ama fo wisita, bete mulapóló diaaɔ mo wisiyóló wosaleteiné, dīa ai fo tó mó daalu apaae tué tiki tiró beterapó. ² Ai fo wisiné dīa alu yaqsóró tao su beterapó. Yālo dīapaae yó male fo wisitamo hotowaró tao tapa, ti dīa ai tao sere ape. Tényi depa, ti diaaɔ kisipa tiki tiraterere ala bete munire aqratapó.

³ Talené ai fo wisi mené epaae yó matepa, aita mo doasi bete mole fopóló kisipa mutu, yālomo dīapaae yó malepó. Ai fo i ape. Kótóné as̄emó ere fo dokonóturaalu, dané dowi ala tokóló aluraai so wh̄i t̄eteróló kae tare wh̄i Keriso ā suk̄alépó. ⁴ Atéro ā दौरóló, sore be d̄e kemetepa, kale as̄emó ere fo dokonóturaalu, Talené ā kepaaróló beteralépó. ⁵ Atéro kepaayóló, Pitané ā kolópoló yó melóo, ai k̄ilipaae ti kale 12 yó matepa wosetere wh̄irapepaaekélé yó melóo, yalépó. ⁶ Atéyale sisópaae 500 bosenóló mepaae tó mó beleróló, betere no nerape fea touró betere tikimó, ā h̄akeamó sókó walepó. Até yale so wh̄i mepaae sisiraae feletei, mo turó so wh̄i ti h̄ale betó mulapó. ⁷ Ai sisópaae Jemspaae yó male wóló, nalo ti Kótóné dot̄eyale aposel wh̄irape feapaae yó male felepó. ⁸ Mo kemerale wouraalu, soné naale deyaaire be d̄e teópatei, h̄oko be d̄emó detu dere kae, Yesuné ā i ape yóló, epaae yó male walepó.

⁹ Ẽkélé Talené dotɔyale *aposel* wh̄itei, mepaae *aposel* wh̄irape betere aq̄mó doi muni, mo belei sokótei beteraṗó. Ti noatepae, Kótóné fake so wh̄i yaḷo susupuróló dowi ala erótu betaleteiné, ɛ *aposel* wh̄i beteraaire sunipatei, Talené ɛ sóró beteralepó. ¹⁰ Téṗatei, Kótóné hamokoróló haḷe tao saleteiné ɛ etei kaae wh̄i i betere ape. Ama ɛ atéro tao sale ala haḷeni, ɛ tuṗpaae mo doasi ala eró beteraṗó. Ai ala epa kisipa mutu, yaḷo diale kutóné mepaae *aposel* wh̄irapené diale kutó mo bosenée felepó. Ti aita, yaḷo fotokṓné initei, Kótóné hamokoróló haḷe tao sere ala ɛ tuṗmó muluraalu, yaleṗó. ¹¹ Térapa, yaḷo ó atimané diṗpaae yó male fota, me kae meipó. Da feané i yó mótu betere fo wisitoró mopóló diṗané wosóló kisipa tiraleṗó.

Sukutere wh̄i momó kepaayaaire fo

¹² Daṗané diṗpaae Talené fo yó móturaalu, so wh̄i tɛteróló kaae tare wh̄i Keriso mo ti sukṗletei, Kótóné ɛ kepaaró beteraṗóló yó male fo diṗané wosaleṗó. Atéyaḷetei, diṗkó mepaae so wh̄iné duraalu, sukṗle wh̄i momó kepaayóló betaalomeipó dere fo-a, diṗané mo fo dapóló de? ¹³ Sukutere wh̄itamo kepaayaalomeipó kisipa mutepa, ti so wh̄i tɛteróló kaae tare wh̄i Kerisokélé kepaayóló bitinipóló kisipa muae. ¹⁴ Keriso ɔtamo kepaayóló bitinipa, ti daṗané yó mótu betere foró diaaṗ kisipa tiró betere alatamo bete muni, haḷe ɔla kaae aṗratapó. ¹⁵ Ai ala tómó, Kótó ɛ etei kaae Tale beteraṗóló daṗané yó mótu betere fo, kapala fotei yó mótu bitirapó kisipa muae. Ti noatepae, so wh̄i tɛteróló kaae tare wh̄i Keriso mo ti sukṗletei, Kótóné ɛ momó kepaaró beteraṗóló, daṗané diṗpaae yó mótu betaḷepó. Ti sukṗle wh̄i momó kepaayaalomeipó fotamo mo du betepa, ti Kerisokélé Talené kepaaró bitinipó enérápó. ¹⁶ Ti noatepae, sukṗle wh̄itamo kepaayóló bitinipa, ti so wh̄i tɛteróló kaae tare wh̄i Kerisokélé kepaanipóló kisipa muae. ¹⁷ Kerisotamo kepaaró bitinipa, ti diaaṗ kisipa tiki tiratere alakélé bete muniru, diaaṗ du betere dowi ala tuṗmó diṗ haḷe betó tarapó. ¹⁸ Keriso

ɔtamo atépa, ti ɔ tuṗmó betepa sukṗle so wh̄ikélé mo ti alurapó enérápó. ¹⁹ Nalo betaaire alimó da kepaayóló betepa, Kerisoné daṗpaae wisi ala eraalopóló haḷtu beteraṗó. Atéṗatei, mepaae so wh̄iné mió i alimó maaté wisi ala kelaalopó dere fotamo mo du betepa, ti daṗpaae doasi sekéi ala eraaiteremó, mo doasi wirapó.

²⁰ Téṗatei, so wh̄i tɛteróló kaae tare wh̄i Keriso ɛ sukṗletei Kótóné mo kepaaró beteraṗó. Atéreteita, sukutere so wh̄ikélé kepaayóló beteraṗóló, kutómó ɔla folosóro ɔlumétere kaae, ɔpi kepaayaleṗó. ²¹ Ti noatepae, betṗ wh̄iné yale dowi alané sukutere ala da so wh̄i tuṗpaae sókó waleṗó. Até yale kaaetóro, betṗ wh̄iné yale alané ti kepaayóló betere ala kaaratapó. ²² Ti daṗa, Adam-né kaarale fake ereteiné, da fea sukutua dapó. Atétu dere kaae, Kerisoné ama fake so wh̄i fea ti ɔ tuṗmó betereiné kepaayóló betaalopó. ²³ Atéyaalotei, ai ala haḷe hoṗo ini, ama mole tuṗtóro sya furaalu, yaalopó. Aita, kutómó ɔla folosóro ɔlumétu dere kaae, Keriso ɔpi kepaayóló beteraṗó. Atérené nalo ɛ fesaae wale sukamó, ti ama so wh̄ikélé fea ɔre kaae kepaaróló beteraalopó. ²⁴ Téro, Kerisotamo bóe du betere topo wh̄irapekélé, atimané tɛteróló kaae tare alarapekélé, atima so wh̄ikélé, atimané bole fotokṓkélé, fea doróló k̄lipaae, ti ama so wh̄i tɛteróló kaae tare ala Alima Kótóné naase tuṗmó munaalopó. Atéteretamotóro, mo kemeyaaitere be de sókó waalopó. ²⁵ Ti ama tɛteróló kaae tare ala haḷe deté fóló, ama bóe wh̄i mo ti dóló kemeratere sukamó sókó faalopó. ²⁶ Atéro bóe dilé fóló, mo ti kemeróturaalu, daaire bóe wh̄ita, ti sukutere alapó. ²⁷ Ti fea ala fea Kerisoné ama tɛteróló kaae tanóṗóló, Kótóné ama naase tuṗmó mulaleṗó. Ti ai fea alapó dereteita, ama Naalené naase tuṗmó mulale seké Kótó ɛ Naalemané tɛteróló kaae tare aq̄mó bitiniretei mo haḷkearapó. ²⁸ Ai ala yóló kemetepa, fea ala tɛteróló kaae tawae yale Kótóné ama naalema ɛ aq̄mó beteraṗóló yaalopó. Ai alata, fea ala Kótóné amatóro tɛteróló kaae tawaai erapó.

²⁹ Sukutere wh̄i kepaayaalomeipó dere

fotamo mopa, ti sukutere so whi wisi bepaee fópóló kisipa mutu, mepaee whirape wei tópuratere ala noatepa du betere? Sukutere whi kepaayaalomeipó dere fotamo mopa, ti wei tópuratere ala hale ɔla kaae aɔrapó. ³⁰ Sukale so whitamó kepaanitepa, ti da i kutó diyaai kae kae bóe whi betó mole tikipaae betere dokó noatepa fua wua du betere? ³¹ Yalo no nerape-ó, diɔ da teteróló kaae tare whi Yesu Keriso tuamó betepa, ama diɔ tuamó erótu betere wisi ala kilituraalu, Talepaae yalo mo kée yóló, ɛ bopé faketu beterapó. Yalo i dere fota, mo dapó. Diɔ tao saai kisipa mutu, Talené ama fo wisi eraté kotere dokó ɛ mo felekemó sukitei hasókó fua dapó. ³² ɛ Epesus bemó whi dó nokole syaae kaae ɔla aɔre whirapené yalo du betere ala seséturaalu, ɛtamo doasi bóe du betalepó. Atéyaleteita, i haemó mole wisi wisi ɔla saai kisipa mutu, imó ti noa ɔla wisikó senére? Sukutere whi kepaayaalomeipó dere fo mo depa, ti diɔné yó tare mara mole fo sya furaalu, “Dóta da sukaireteiné, mió betɔ ɔlaró weitamó mo dekeró naalopa sae!” enérápó.

³³ Mené diɔ kópaae ɔlisóro faɔsóro yae. Du betere mara mole fo betɔ i ape.

“Wisi ala dere whirape dowi ala dere whirapetamo tamoyóló betamó kotepa, ti atimané dowi ala yapaae tokó melaalopó.”

³⁴ Diɔ topo doyóló keyaa furaalu, hoko du betere dowi ala mo ti taaróló, kisipa wisi muóló, take yale ala momó fesaae fóló yae. Ti noatepae, Kótó tuéni hale betere so whi diɔ tuamó betó moletei kilitu diɔ haleyae.

Kepaayóló kae tiki daayóló betaaire fo

³⁵ Atépatei, mené i kaae fo enérápó. “Kale sukale so whi momó netéro kepaayaaloé? Atéro noa kaae tiki daayóló waaloé?” yóló wosenérápó.

³⁶ Aita, kisipa okokoi whiné dere fo kaae aɔrapó. Ti noatepae, kutómó mo ɔla wae bilitereteimó kisipa muae. Whiné bilitere ɔla waeta, haemó kelaayóló u tuamó bole kené ti tumu sókó hotua dapó. Haemó biliteretei kela initepa,

ti tumu horaalomeipó. ³⁷ Diaaɔ ɔla wae bilituraalu, ɔla nokoletéi mo turó bilini, *whit* ó bupi ó besaae ke maaté bilitua dapó. ³⁸ Atéteretei ai ɔlarape huturaalu, Kótóné kisipané daalópóló yale tikitóro daatua dapó. Ai biliyale ɔlarape fea mo ama tiki daaitóro hutua dapó. ³⁹ Fea ɔlarapéné daae mole tikita betɔ kaae mei, so whiné tiki ama kae daayóo, hupu ó na mepaae betó mole ɔlarapéné tiki ti ama kae daayóo, bané tiki ama kae, yané tiki ama kae, yóo erapó. ⁴⁰ Samó daae mole ɔlarapéné tiki ama kae, haemó ere ɔlarapéné tiki ama kae yóo erapó. Samó daae mole ɔlarapéné tiki mo kokoi de wisinaale yóo, haemó yó mole ɔlarape kelaalo kokore ala ama kae yóo, erapó. ⁴¹ Sukané de wisinaale ama kae, wéliéné de wisinaale ama kae, hɔrerapéné de wisinaale ama kae, mepaae hɔrené de mo doasi yóo, mepaae hɔrené de mo sawa yóo, erapó.

⁴² Sukutere whi momó kepaatukélé, atei kaae alatóro yaalopó. Mo tiki sukóló douratepa kela yaalotei, kepaaratere tiki momó kae doyóló alu yaalo meipó. ⁴³ Sukuturaalu, tiki tuamó hale dere alaró doasi doi munire alatamo mupa sukóló dourateretei, momó kepaaróló beteratere ala ti mo de wisinaale tuamó beteraalopó. Sukuturaalu fotokó buni, bére ala tuamó sukutepa dourateretei, mo doasi fotokoi ala tuamó kepaaraalopó. ⁴⁴ Sukutepa douratere mo tó tikita, hae tiki ereteiné kela dua dapó.

Téretei, momó kepaatere tikita, kepené dere ala tuamó daaleteiné mo ama kaepó. I haemó mo tiki daalure kaae, take nalo kepaayóló betaaire sukamókélé, kepené ere ala tuamó mo kae tiki daayóló betaalopó. ⁴⁵ Atéreteiné asémó i fo erapó.

“Folosóro wale whi Adam a mo whi tiki daayóló sókó walepó.”

Nalo kemerótu wale whi Adam ata, sukóló kepaaturaalu, ti so whi betere bete matere kepené tiki daale whi alée felepó. ⁴⁶ Kepe tiki daale whi folosóro sókó wéni, mo tiki daai whi folosóro wóló, ai kinipaae ti kepe tiki daale whi sókó walepó. ⁴⁷ Folosóro wale whita, i haené aleale whi betaletei

nalo ti hepen-mó betere whi walepó. ⁴⁸ Haené aleale whiné ama deyóló fake firale so whita, ti ama tikitóro daayóo, hepen bemó wale whiné ama deyóló fake firale so whi ti ama hepen tikitóro daayóo erapó. ⁴⁹ Dá haené aleale whiné tiki daalure kaae, hepen bemó wale whiné tiki kaae dákélé daayaalopó.

⁵⁰ No nerape-ó, yálo diápaae i dere fo wosae. Dá sukutepa, ti i daale tiki-tamo Kótóné teteróló kaae tare tuámó bití faalomeipó. Atére kaae, dá sukóló kepaayóló furaalu, dāné i dorótu betere tikitamo turó feni, mo dokélé iniyaaire tiki daayóló betaalopó. ⁵¹ Kinóló mole ala yálo diápaae hákearóló i dapa wosae. Dá Keriso so whi mo fea sukçalomeitei, betere whikélé sukále whikélé, mo fea take daale tiki taaróló, mo kae tiki daayaalopó. ⁵² Kemeróturaalu ukulumó wuti haleteretamo, dāné mió i daale mo tiki taaróló, dá mo fea kae tiki daane wale alata, epée fitáa du dere kaae yaalo ai ape. Ti noatepae, kale ukulumó wuti hale deretamo, sukále whi kepaayóló do initere tiki daayóo, dá fea i daale tiki taaróló, kae tiki daayóo yaalopó. ⁵³ Ti noatepae, doyóló sukutu betere tiki tómó dokélé ini, mo ti betere tiki kuti derótu dere kaae yóo, sukutere ala sukunitere alané husuróló aluróo, yaalopó. ⁵⁴ Doyóló sukutere tiki tómó mo betere tiki kuti kaae deróo, sukutere ala sukunitere alané husuróo deretamo, asémó i ere fo mo dokonaalopó.

“Talené ama bóe whi dóló teteraleiteiné, kale sukutere alakélé ɔla kaae nó deróló aluralepó,” erapó.

⁵⁵ Me asere fo i ape.

“Sukutere ala-ó, so whitamó naao bóe dóló atima teterale ala momó mule? Sukutere ala-ó, Wuliné whi detu dere kaae yóló sukunale ala-a, momó mule?” erapó.

⁵⁶ Wuliné whi tukó nóló sukunótu dere kaae, dowi alané dá sukópóló dua dapó. Dowi alané dá mo ti só derópóló, Kótóné tukóló, muló betere foné dowi ala fotokó bulótu beterapó. ⁵⁷ Atépatei, dowi alaró sukutere alatamoné dá só deróló teteréni,

dá Tale Yesu Keriso tuámó betepa, ai ala teterópóló, Kótóné ama dá fotokó mo sumó mótu beterapó. Atétereteimó, Talepaae mo kée du betenérápó.

⁵⁸ Térapa, yálo hosaa mole no nerape-ó, diá Talené ala tuámó betepa, mepaae sekei ala ó dilikitere alané diá só de-raqsóro, mo diriyóló betae. Ti noatepae, diá Tale tuámó bitu ditere kutóta hále alu yaalomei, dupu saalopóló kisipa mutu, betere dokó mo keteké buóló ditu betae.

16

Kótóné so whi tao saai moni derateremó ere fo

¹ Mió i dere fota, Jerusalem bemó betó mole so whi tao saaire *moni*-mó dapó. Kalesia hae kwiamó tē mole be huluamó betó mole Keriso fake so whipaae yae yale alarape kaae, diaaqkélé yaasepóló i dere ape. ² Fula dokó kaae sere be demó, diá feané meteró *moni* supa, ti kwiapaae naao sere sū dālemótóro sokósu yóló, kae mulótua yae. Ti noa yaai meipó. ³ *È* aipaae wale sukamó, *moni* derae yaqsóro kisipa mutu i dere ape. ⁴ *È* aipaae wóló diátamo bitu, diaaq sóro beteratere whirape Jerusalem bemó betó mole so whiné tué yópóló, atimané sóro faaitere asé yálo eróló melaalopó. Diāné atéro hále tao sóro matere *moni* Jerusalem bepaae sóro fópóló dotéyaalopó. ⁵ Dá talerálemó, epaae yákélé atimatamo faalopó depa, ti yálo atima dapesó fenérápó.

Pol-sépiné i ala yaai kisipa mutapóló yale fo

⁵ Folosóro *è* Masedonia hae kwiapaae fóló, nalo ti diá beterepaae waalopó. Ti *è* momó fesaae wale alata, Masedonia hae kwia tuámó tēyóló diá beterepaae waalo ai ape. ⁶ *È* diá beterepaae wóló háleke sukamó ó sosóli ali turó aimó diátamo betaai kisipa mutepa, ti betenérápó. Atéro diá taaróló *è* mepaae fupa, ti *è* yáyaře ɔla diāné melaasepólópó. ⁷ Ti noa betené meipó. Mió dá diá beterepaae wóló, mo sawa be demó maaté beteró fole hōrapó. Tēreteiné, Talené ama kisiipané fōlo be demó diátamo beterópóló depa, ti

ę diątamó betaai hękesé dapó. ⁸ Térétei, kale *Pentikos* be dęmó ęla deyaaire ali sókó waai teópa, ti ę Epesus bemó kaae tawóló betaalopó. ⁹ Ti noatepae, Talené ama doasi ke bole kutó diyaaire tę moleteiné, aimó bitu ama kutó diraalopó. Téyaalotei, ai kutó diyaąsóró sesétere whįrapekélé, dekeró betó mulapó.

¹⁰ Timoti aipaae wapa, diaaą ąpaae me sekęi ala eratepa ą wiyaąsóró hotowayóló kaae tawae. Ti ąta, ę dere kaae Talené kutó dirótu betere whį ai ape. ¹¹ Tęrapa, me whįné ą dape sóró kaae tatere ala hõni, dią feané wisiyóló dape sae. Téro, ą momó fesaae waai depa, ti diaaą ąpaae hosaa muni deyóló haıtamo dua fae yóló, ę beterepaae wópóló dotęyae. Timoti ą ipaae momó fesaae wouraaalu, ama wotoró wéni, ę beterepaae wale Keriso norapetamo wópóló kisipa mutapó.

¹² Mió dąné no Apolos-né dere alamó i dere ape. Yąlo ąpaae ai wale norapetamo dią beterepaae fae yaletęi, tę mutere sukamó waai dapóló taralepó.

¹³ Mené dią dilikóló kópaee falaąsóró, hotowayóló kaae tawae. Téturaalu, kale mo fo wisi wosóló, Talepaae kisipa tiratere ala tuąmó diriyóló betae. Atéru, mené diątamó bóe dupa wini, halaaíné fotokę buóló betae. ¹⁴ Fea ala duraalu, yaala sókó fole ala tuąmó bitu yae.

¹⁵ Akaia hae kwiamó betó mole so whį kuamó Stepanas-ró ama be whį so whıtamota, folosóró kisipa feteyóló Keriso betaletęi, diaaą ai kisipare ape. Ai so whıta, Kótóné kae betero betere so whį tao saairaalu, mo doa ketekę bulapó.

¹⁶ No nerape-ó, dią atei kaae ala dere so whıró mepaae dątamó toune wóló, wisi kisipa mulu Talené kutó diratere so whıtamó aqmó dua betae yóló ma fo i dere ape. ¹⁷ Diaaą mole ęla kwiapaae ę tao sóró melaai yaletęi, Stepanas, Fotunatas, Akaikus, atimané mole ęla ę tao sóró male waletęimó, mo hękesé yalepó.

¹⁸ Ti noatepae, atimané ę tao sale alané yąlo kepe hękesé duraalu, diaaą kepekélé hękeseyalepó. Atei kaae wisi ala dere whırapeta, so whį feané dukiranérápó.

Kemerótu kęleó yale fo

¹⁹ Esia hae kwiamó betó mole Keriso fakerapené diąpaae kęleó i dere ape. Akuilaró ama soma Prisila-tamonékélé, atimaamoné bepaae tourótua dere Keriso no nerapekélé Tale tuąmó bitu, diąpaae hosaa mo turó muóló kęleó dapó. ²⁰ Imó betó mole no nerapenékélé, diąpaae kęleó dapó. Kótóné ama kae betero betere so whıné dere ala sya fóló, diąsisitei apuóló kóló tukó nuku betae.

²¹ Diąpaae kęleó yóló i dere aęta, ę Polné mo yąlo naasenétóró dapó.

²² Mepaae whį dené Talepaae yaala sókó fole ala initepa, ti ai whį Talené mokorópóló yae. Tale-ó, yą dą beterepaae ape!

²³ Dą tęteróló kaae tare whį Yesuné hamokoróló hąle tao sere ala diąpaae erópóló yae.

²⁴ Ę dą tęteróló kaae tare whį Yesu tuąmó bitu, yąlo dią feapaae yaala sókó furaalu i dere ape. Mo kée, téyópóló yae.

2 Korin

¹ Ëta, Kótóné ama kisipa mole ala sya furaalu, so whị tẹteróló kaae tare whị Yesu Kerisoné kutó dirópóló dotẹyale *aposeł* whị Pol-né dapó.

I dere așeta dạné no Timoti dạmo wusuró bituraalu, diạ Akaia hae kwiamó Kótóné kae beteró betere so whịró, ai hae kwiamó tẹne Korin bemó betere Kótóné fake so whịtamopaae dapó.

² Dạné Aya Kótóró dạ tẹteróló kaae tare Tale Yesu Kerisotamoné hamokoróló hẹle tao sere alaró, hosaa muni deyóló dua betere alatamo diạpaae erópóló yae.

Kótóta kọleturaalu tao sóró hẹi kisipa mulatere Talepó

³ Dạ tẹteróló kaae tare Tale Yesu Kerisoné Alima Kótóné doi hale sóró horópóló yae. Ti ẹta, kọlené sukutere ala kaaratere Aya bitu, sekei ala wapakélé kisipa feléróló tao su betere Kótó beterapó. ⁴ Dạné sekei alarape feata, ama tao sóró dạ kisipa felérótua dapó. Kótóné dọpaae ai ala erótua dereteita, mepaae so whị kae kae sekei tuámó betepa, Kótóné dọpaae ai male kisipa feléraletere alané atimamo tao sópóló erapó. ⁵ Ti noatepae, Yesupaae erale doasi susupui ala feleyóló furaalu, dọpaaekélé mo dekéró wou beterapó. Atétu, dạné sekei alakélé Yesu Kerisoné tao sóró, dạ kisipa felératere ala mo dekéró erateretei ẹaturaaalu, feleyóló mepaae so whịpaaekélé fu beterapó. ⁶ Dạ sekei ala su betereteita hẹle mei, diạ feléyóló betóo, aluyaqsóró tao sóo, yópóló dapó. Atétu, Talené dạ tao sóró kisipa felératepa, ti diạkélé feléyóló betaalopó. Dạmo Kótóné kisipa felératere ala depa, ti aita, diạ feléyóló beterópóló dapó. Dọpaae wou betere susupui ala kaae, diạpaaekélé wapa, ti ai eratere feléi alané ai susupui ala hẹle belée tanópóló, diạ fotokọ bulatapó. ⁷ Diạ take mo wisiyóló betaalopóló, dạné mo diriyóló kisiparapó. Ti noatepae, dọpaae wou betere susupui ala kaae, diạkélé ai su betere ape. Atétere

kaaetóró, dọpaae erótu betere kisipa felératere ala diạkélé saalopó.

⁸ No nerape-ó, dạ Esia hae kwiamó betepa, erale sekei alarape diaaọ kisipa yaasepóló dapó. Mo doasi sekei alané dạ só deró betaleteiné, beleyaaire mo sụnipó. Atéru dạ mo sukutere dọlemó beterapóló kisipa mualepó. ⁹ Ita mo dapó. Dạné hosaa tuámó mo turó muale kisipata, dạ mo sukóló mole nisi yalepó. Téyaletei, dọpaae ai erale ala dạné sụnó belenére nisi yaqsóró, sukẹle so whị kepaarótu betere Kótópaae kisipa tirópóló yalepó. ¹⁰ Dạ felekemó mo ti dóló aluraletei, ama dạ tao su yale kaae, nalopaaekélé atérótóró tao saalopó. Tétu diaaọkélé dạ tao sóró momarótu betepa, ti Talené dạ aluyaqsóró tao sere ala hẹle yó tareteiné dạ hẹtamọ ẹpaae kisipa tiró beterapó. ¹¹ So whị feané dạ tao sóró momatu betere ala mo dokonóturaalu, Talené hamokoróló hẹle tao sereteimó dạ so whị feané ẹpaae mo kée yaalopó.

Polo-né folosóró yaai kisipa muale ala fisikóló taarale fo

¹² Dạ i haemó betó mole so whị kuamó kutukélé, diạ Keriso so whị kuamó kutukélé, Kótó tuámó wale mo kae ere alaró tó tikiné ini, kisipa mo turóné dere alatamo dạ tuámó mupa, so whị feané kelalepó. Atéró kutu yale ala dạné kisipa faróló taletepa hẹko ala ini, feané keletómó mo donoi ala yalepóló dạ hẹturaalu, bopé fake dapó. Atétu betaletei i haemó mole kisipa sya fóló ini, Kótóné hamokoróló hẹle tao sere ala sya furaalu yalepó. ¹³⁻¹⁴ Ti noatepae, dạné diạpaae i așe dere fota, hapóluni, diaaọ dosąayóló sụnó kisipanérápó. Dạné du betere ala mepaae diaaọ kisiparetei, mepaae diạ kisipanipó. Téretei, take nalopaae ti diaaọ mo turó tuẹ yaalopóló kisipa mutapó. Take dạ tẹteróló kaae tare whị Yesu wale sukamó dạné diạ kil-itu, hẹyóló bopé fake yaaire kaae, diaaọkélé dạ kilituraalu, hẹyóló bopé fake yaalopóló, kisipa mutu i dere ape.

¹⁵ Ai betené, ẹ mepaae faai folosóró diạ betereró waairaaalu, ọla ọla taleyóló

mulalepó. Até yaleteita, yalo yó matere fo tuamó bole wisi ala diã tamo félimó sôpóló yalepó. ¹⁶ Ɛ Masedonia hae kwia-paae furaalu, diã keleté wóo ę momó fesaee woukéle diã keleté wóo, yaai yalepó. Atéro ę aipaae wapa, ti diaaq ę tao sóro Judia hae kwia-paae dotonaasepóló kisipa mualepó. ¹⁷ Yalo ai muale kisipata, bete munipa hoko yaleé? Ó i haemó mo whiné kisipa kaae mulu, ępó téyaalopó dutei, momómo meipó du dere kaae yaleé?

¹⁸ Téní, Kótóné ama yaalopó dere ala motóro du dere kaae, ðané diãpaae yó mótu betere fota, ępó, dutei meipó, fo kae dumipó. ¹⁹ Ti noatepae, diã kuamó ę Pol, Sailas, Timoti, ða sore whirapené Kótó Naalema Yesu Keriso i kaae whipóló, diã tuamó yó móturaalu, ama ępó dutei meipó, dere fokélé erapóló diãpaae yaleé? Ai fo ini, Kótóné ama eraalopó deté wale fo fea Yesu tuamó dokonóturaalu, ępó, téyaalopó fo betã deté konapó. ²⁰ Ti noatepae, Kótóné ama mo eraalopó yóló muló betere forape fea, ða tetéroló kaae tare whi Keriso tuamó mo dokonóturaalu, ępó, fotóro mulapó. Atéreteiné, Kótóné doi doasi mulóló, ða Yesu tuamó bitu mo kée, téyópoló yae, fo dua dapó. ²¹⁻²² Ðakélé, diãkélé, ða tetéroló kaae tare whi Keriso tuamó diriyóló beteratere alata, Kótóné amatóro dua dapó. Ða Kótóné ama so whipóló sóro beterótu, topomó wel wëi suni yóo, ða mo amapóló siriróo, take ðapaae wisi ala eraalopó kisipa muópoló, ama Ðei Kepe Wisi ðané hosaa tuamó beteróo, erapó.

²³ Kótóné keletómó yalo mo fo i dere ape. Ɛ fesaee wou ai Korin beró diã foné siré waai yaletéi, dei kisipa muaşóro taaralepó. ²⁴ Ðata, diaaq kisipa tiki tiratere ala tetéroló kaae tare doasi aoyóló bitu dumipó. Tépatéi, diã hajyóló beterópoló kisipa mutu, ða diãtamo kutó betámó ditu beterapó. Ti noatepae, diaaq kisipa tiki tiratere alané betã diã mo diriyóló beteranérapó.

2

¹ Ɛ diã beterepaae waai kisipa mualeteit, take yalo diã deteraayóló foné supa, di-

aaq hosaa tuamó seke su yale kaae, momó yaşóro taaralepó. ² Ti noatepae, yalotamo diã foné sóro só deróló sekei kisipa mulatepa, ti ę həkese yaaitere alamo, né eraaloé? ³ Yalo diãpaae aseyaale fota, ę diã beterepaae wale sukamó həkesei ala eraai yale so whinéteit, ępaae doasi sekei ala eraşóro yalepó. Ɛ tuamó mole haj diaakélé saai kisipa mutu, yalo dere fo mo wosóló sya fenérapóló kisipa tiralepó. ⁴ Ti noatepae, yalo diãpaae aşeturaalu, hosaa tuamó doasi dekeyóló wole dua yalepó. Ita, diã dele sóro hosaa supu yópoló dumiteit, yalo diãpaae mo turó yaala sókó fole ala kisipa yópoló dapó.

Dowi ala yale whiné ama dowi ala kwia hãle kemerae yale fo

⁵ Whi me dené me whi hosaa tuamó sekei ala erélipa, ti ę maaté hosaamó sôpóló ini, diã feapaaekélé eralepó. Aita dowi alateit, mo ti doróló aluratere ala meipó. ⁶ So whi feané ai whi foné sóro haleraleteit supa, mió momó ini taalae. ⁷ Ai whi ą seke duraalu mo ti haepaae derepaşóro ama yale dowi ala kwia tani, me ęla meipóló kisipa keteróló, ą tao sóro ketekę bulóló fo wisiteit yae. ⁸ Atéro diãné yaala sókó fole ala ama kisipa yópoló, ąpaae hãkeamó yae yóló diãpaae i dere ape. ⁹ Yalo diãpaae yae yale fo fea diaaq wisiyóló wosóló sya fuléro kaae kelaai kisipa mutu aseyaalepó. ¹⁰ Diãnétamó me whiné dowi ala kwia tani kisipa keteratepa, ti yalokélé ai whiné yale dowi ala kwia tani, hãle kemeratapó. Ai whiné me dowi alatamo itikimó, ti diã wisiyóló beterópoló tao saairaalu, yalokélé Kerisoné keletómó kemeraalepó. ¹¹ I dere fota hãle mei, Satan-né dilikóló ðané dere ala doraşóro dapó. Ti ðata, hãle mokęleyaayóló bitini, Satan-né so whi doraai dilikitu betere ala ðané mo kisiparapó.

Talené ama yóló muló betere fo wisi tuamó ama kae ere ðę faanapó

¹² Ɛ Troas bemó betere so whipaae ða tetéroló kaae tare whi Kerisoné fo wisi yó melaai felemó, ai fo yó melópoló Talené

tę doasi muló betepa kelalepó. ¹³ Aimó kutó diyaai yaleteti, ęalo no Taitus bitinire betené ęalo hosaa muni derepéni kisipa sekętepa, ai so whįpaae kęleó fomaatę yóló ę Masedonia hae kwiapaae felepó.

¹⁴ Tępatei dę Keriso tuęmó betepa, Kótóné ama bóe whį dóló tęteróló sale ęlapóló betere dokę hękeamó hękesetamo dapesó fu beterapó. Atétere alané me ęla felé kęlaa wisi woutere kaae, Kótó ę etei kaae Tale beterapóló so whį feapaae yó mótu beterapó. Atéreteimó, Kótópaae mo kée du betenęrapó. ¹⁵ Kerisoné Kótópaae hęle matere ęla tuęmó sókó wale kęlaata ti dępó. Ti ai kęlaata, aluyaęsóró tao sere so whįpaaekélé, sukóló mo ti aluyaaire so whįpaaekélé wou beterapó. ¹⁶ Dę i fo yó matere whįrapeta, mo ti alu du betere so whįné kulumumó ti sini ęla kęlaa kaae wóo, aluyaęsóró Kótóné tao su betere so whįné kulumumó, ti mo betere felé kęlaa wóo, du beterapó. Atei kaae hapólui ala mé whįné sümó enére? ¹⁷ So whį feané *moni* saai kisipa mutu, Kótóné fo yó mótu dere kaae, dęné dumipó. Ai ala ini, Kótóné keletómó ama dotęyale whį aęyóló Keriso tuęmó bitu, mo wisi kisipatamo mo fotóró yó mótu beterapó.

3

¹ Dęnétei dę yó matere whįpóló dukiratere fo momó yaai dępóló de? Ó dęta etei kaae so whįpó kisipa yópóló aseyóló matepa só fole whįrapené dere kaae dęné de? Mepaae whįrapené dere kaae, dę etei kaae whįpó yópóló, ašekó eróló diępaae yó melaai, ó diaaę dę melópóló wosetere nisi de? ² Aita ti diętóró iru, dęné hosaa tuęmó aseyeteiné so whį feané kolóló dosęanęrapó. ³ Dięta, dę tęteróló kaae tare whį Kerisoné aseyeteiné diaaę du betere ala so whįné kilituraalu, ita Pol-sépiné diale kutómó oleyale dupóló hękearatapó. Aita mo aseytere węiné ini, mo ti betó tare Kótóné Kepe Wisiné eró beterapó. Ai aseyta, mo kane fake tómó ini, so whįné hosaa tuęmótóró erapó.

⁴ Ai ala erémólópóló tuę tamo muluraalu dumi, Kótóné keletómó dę tęteróló kaae tare whį Kerisoné dę fotokęratepa, mo ere

alatóró halaainé dępó. ⁵ Ai alata, dęnétei kaayóló ipakó, dęné yalepó fo enénipó. Aita, Kótó ę tuęmó ere alané dę sęratepa du beterapó. ⁶ Ti Kótóné ama kutó diratere whį bitu, ama so whį tao saalopóló mulale dirii kisi fo eróppóló, ama fotokę dępaae mo sęralepó. Ai fota, asęné ini, Dę Kepe Wisiné eró beterapó. Ti noatepae, asęre foné dę dóló sukunateretei, Dę Kepenéta, dęmó mo ti betere bete mótu beterapó.

Kale kisi fo tuęmó ama mo kae ere dę wisinaale fęanapóló ere fo

⁷ Take Moses-né Kótóné ala eróturaalu, kane fake tómó aseyale fo yó malepó. Ai foné so whįpaae sukutere alatei eralepó. Ai alata, dę wisinaaletamo weipakalepó. Ai dęta, alu deté faaipatei Moses-né kelepaa dęyó faleteiné, kele detęliru Israel fake so whįné ama kelepaa diriyóló kilini ipakalepó. ⁸ Mió Dę Kepe Wisiné erótu betere alatamo wale dęné take ai alatamo wale dę mo ti bosenó bitinipóló de? ⁹ Kale tukóló muló betere fo sya furaalu du be-tale alané, so whį fea taleyóló só deró beterepó. Ti ai alata, Talené dę wisinaaletamo weipakalepó. Téyaleteti, mo donoi so whįpó dere ala tuęmó wale dęné kale folosóró wale dę mo ti bosenó beterapó. ¹⁰ Ti take alatamo wale dę kolósu, mió ere alatamo wale dę kolósu depa, mió ere alané dę mo doasi ereteiné take wale dę hęle ęla kaae aęró beterapó. ¹¹ Take mo hęleke sukamó maaté yóló alu deté fele alata, dętamo walepó. Téyaleteti, mo ti deté fu betaaire alatamo wale dęta, mo doasipó.

¹² Take nalopaae dę atei wisi ala tuęmó betaalopóló kisipa mutu dę wini, halaainé Talené ala i erótu betere ape. ¹³ Moses-né kelepaaamó ere dę alu deté foleteti, Israel so whįné kelaęsóró, kutiné husurótua ipakalepó. Mió dęné ai yale kaae enénipó. ¹⁴ Tępatei, take atimané kutiri hapólu ipakalepó. Atére kaae, take atimané kutiri husirale kuti miókélé hęle iru, take tukóló mulale fo dosęatepakélé, atima tuę hapólutóró yó tarapó. Ai husiró betere kuita, mené dęae faranénitei, Keriso tuęmó

betere alané betə ɖaae faranérapó. ¹⁵ Mió i alimókélé, Moses-né asɛre fo dosɔatu betepatei, atima kisipa tiki hapóluru, hosaakélé hɛle tɛre alata, kutiné kelepaa husuró betere kaae erapó. ¹⁶ Tépatei, mepaae so whi de Talepaae kisipa feteyóló wapa, ti ai husiró betere ala kuti kaae ɖaae fótu beterapó. ¹⁷ Tale ɔta, mo Kepetóroó beterapó. Talené ama Kepe betere tikimó me alané dokoni, teraae fóló hɛle beterapó. ¹⁸ Mió kutiné kelepaa husirénire so whi ɖapaae Talené ama ere ɖe wisinaale erótu beterapó. Ai ɖe ɖané kaae tapa, ti mepaae so whiné ɖa tuámó ai ere ala kelenérapó. Tétu, ɖakélé Talené ama aso kaae beterópóló, ama wisiraté fu beterapó. Ti ai ɖe wisi erótu betere Kepeta, Tale ɔtórótípó.

4

Mo haené aleale wutimó doasi ke bole ɖlarape derapóló ere fo

¹ Atérené, Kótóné ama ɖa kɔleturaalu, tao sóró melale kutó hýyóló taaréni, hɛle dirótu beterapó. ² Atéturaalu, kikiti kinóló dere alakélé, enénire halei alakélé, kapala dilikitere alakélé, Kótóné fo doróló wɛratere alakélé, ɖané mo dumipó. Ai ala ini, Talené ama mo fo yó mótu beterapóló, so whiné hosaamó sɔpóló, Kótóné keletómó mo hɛkeamó erótu beterapó. ³ ɖané i yó mótu betere fo wisitamo mepaae so whiné wosaairetei hapóluyóló husuró betepa, ti aita mo ti aluyaaire so whi ai ape. ⁴ Ti mió i alimó tɛteróló kaae tare kapala kótóné Talepaae kisipa tiki tirénire so whiné ai fo wisi tuámó ere ɖe wisinaale kelaɔsóró, atimané kisipa hapóluróló husiralepó. Ti aita hɛle mei, kale fo tuámó Kótóné aso kaae betere whi Kerisoné ere ɖe wisinaale kelaɔsóró erapó. ⁵ Ti noatepae, ɖané i yó mótu betere fota, ɖatei doi sóró horótu dumi, Yesu Keriso ɔ Talepóló ama doi sóró horótu beterapó. Atérené ɖa Yesuné ala eróturaalu, ɖiɔ tao sóró diaaɔ kutó diratere whirape i betere ape. ⁶ Ti noatepae, “Diliki tuámó ɖeyó fae,” yale Kótónétóroó ɖané hosaa tuapaae ɖeralepó. Ai ɖeta, ɖa tɛteróló kaae tare whi Keriso ɔtóró

ereteiné ɖané ɔ kaae tapa, ti Kótóné ama ere ɖe wisinaale kisipa enérapó.

⁷ Tépatei, ai bope deté wale ke bole ɖlarapeta, mo haené aleyale wutirapemó deró beterapó. Ti fea ala ɖa tuámó kaayóló dumi, Kótóné ama fotokɔ ɖa tuapaae sɛratepa dapóló, so whiné kisipa yópóló erapó. ⁸ Kotere tiki dokɔ sekɛi ala ɖapaae erótu betepatei, ai alarapené ɖa haepaae deróló, mo ti só derótimpó. ɖa noa ala yaalorópóló kóló kóló epatei, ɖané kisipa mo ti fomaake inipó. ⁹ Talené ala erateremó, ɖapaae susupui ala erótu betepatei, Talené ɖa taaló bitini, tao su beterapó. Mepaae so whiné ɖa só deróló dorótu betepatei, mo ti dorótimpó. ¹⁰ Yesu ɔ kepaaróló beteraale fotokɔ ɖa tuámó mupa so whi feané hɛkeamó kolópóló, ɔ sukɛle ala ɖané tikimó mupa kutu beterapó. ¹¹ Ti noatepae, sukuni ɖa betere whirape Yesuné ala erateremó ɖa dóló aluranépatei, ama betere bete ɖané mo tó tikimó mupa so whiné hɛkeamó kolópóló, yó maté kutu beterapó. ¹² Ti Talené ala erótu betereiné sukutere ala ɖa tuámó mupatei, ɖiɔ tuámóta, mo ti betere bete moleteiné ɖiɔ mo beterapó.

¹³ Aɛmó i fo erapó.

“Talepaae kisipa tirale betené yɔlo ai fo yalepó.”

Ai fo yale whi ɔ kisipa tiki tirótu yale kaae, ɖakélé atéru, ɖiɔpaae i yó mótu betere ape. ¹⁴ Tale Yesu kepaarale sekéné ɔ kepaarótu yale kaae, ɖakélé kepaaróló ɔ betere tikimó ɔtamo touróló betámó beteraalopóló kisipa mutapó. ¹⁵ ɖané ɖiɔ tao su betere alata, ɖiɔ mo wisiyóló beterópóló kisipa mutu du beterapó. Até dereteiné, Talené so whi hamokoróló hɛle tao siré fóló, mo ti fakeraalopó. Atéturaalu, ai so whi atimanémo, Kótópaae mo kée dere fo dekéro yó tapa, ti mo kae ɖe fɛane Kótóné doi doasi saalopó.

¹⁶ Atéyaalopóló kisipa mutu, ɖané ditere kutó fomo duraalu taaraalomeipó. ɖané mo tó tikita, do deté fu betereitei, ɖané kepe tuapaae ti betere dokɔ kisi whi aleraté fu beterapó. ¹⁷ Ti noatepae, ɖapaae erótu betere sekɛi alarapeta,

håleke sukamó maaté muaaireteiné dåné sũmó belenérápó. Ai sekęi alarapenétei, take nalo mo ti muó tawaaire dę wisinaale dąpaae eraalopó. Ai eraaire ala wisi kolósu, mió su betere sekę kolósu depa, mo håle ęla aęrapó. ¹⁸ Atéreteiné dąta, dåné kelené kelere ęla kaae tani, kelenire ęla kaae tarapó. Ti noatepae, kelené keletere ęlata, mo håleke sukamó maaté muaalotei, kilinitere ęlata, ti mo håle muótóro tawaalopó.

5

Dą mo ti betaaire be hepen-mó erapóló ere fo

¹ I haemó dą betere kapala furu be fisikó fupa, ti me ęla meipó. Ti noatepae, mo ti be Kótóné dąmó hepen-mó tęnó beterapó. Ti ai beta, mo whįné naasené tęnipó. ² Ai bepaae faai dą i haemó håle bitu, mo kuti derótu dere kaae, hepen bemó tęne be atéro derąnéé yóló doasi kisipa mutu beterapó. ³ Ti atei kuti deratere be dęmó, mepaae whįné dą tiki daapi hålepa kelaalomeipó. ⁴ Dą i haemó kapala furu bemó bitu, sekęi ala beleté furaalu, i be taaróló fenée yóló doasi kisipa mutu beterapó. Ti dą daapi håle betaai kisipa muni, dą betaaire hepen beta, kuti derótu dere kaae deranéé du beterapó. Téturaalu, mo ti betere alané sukutere ala ęla kaae nó deróló, ama tikitóro alée faalopó. ⁵ Kótóné dą atéro aleyóló beteró betereteita, ti i bope yale mo ti betaaire tiki wisi saalopóló kisipa mutu erapó. Ti aita, nalopaae eraaire ala mo turó saalopóló kisipa muópóló, Kótóné dąpaae Dęi Kepe Wisi melalepó.

⁶ Térené, dą i haemó mo tó tikitamo håle bitu, Taletamo betąmó bitinipó. Atéptei, take nalo Taletamo betąmó betaaire ala dåné diriyóló kisiparu whaaliani, betere dokę dåné kisipa tiró beterapó. ⁷ Dą mió i betereteita, kelené keletere ala sya furaalu ini, tuę tiki tiratere ala sya foleteiné beterapó. ⁸ Dą i daale tiki taaróló, Taletamo betąmó betaaire kisipa mupatei, ai ali sókó waai teópa, dą wisi kisipatamo kaae taté fu beterapó. Ti nalopaae ai ala mo eraalopóló kisipa mutu, dą halaainé

beterapóló i dere ape. ⁹ Térapa, dą i betere tikimó ó kae tikimó betepakélé, me ęla meipó. Ti Tale ą kisipa felé yaaire ala betą dåné doasi ketekę buóló du betenérápó.

¹⁰ Ti noatepae, dą tęteróló kaae tare whį Keriso so whį taleyaai betere tikimó betepa, dą so whį fea taleyópóló, betą betą yóló daaneta yaalopó. Atépa, dåné yale ala fea hąkeamó taleyaalopó. Atéturaalu, dą mo i tiki daayóló bitu yale wisi alamó, ti wisi dupu melóo, hąko yale alamó ti dowi dupu melóo, yaalopó.

So whįró Kótótamo bóe fióló betąmó beteratere ala

¹¹ Térapa, so whį feané du betere alamó Talené kwia melaairetei hąsókó feni, mo yaalopóló dą wituraalu, so whįpaae dowi ala taaróló, tuę tiki feteyae yóló, dotopo du beterapó. Ti dą betere alata, Kótóné mo hąkeamó kelerapó. Atére kaae, diaaękélé dą etei kaae whį beterapóló diriyóló kisipa eranée du beterapó. ¹² Dåné diąpaae i dere fota, diaaę dą dukirópóló dumitei, dåné du betere ala kilitu, dią hąi yópóló dapó. Tétu, hosaa tuąmó ere ala kilini, tó tikimó ere ala kilitu betere whįrapené dą erateremó, atimapaae tokę melaaire fo i dere ape. ¹³ Dątamo topo doyóló keyaa fole whįrape aępa, ti Kótóné ala eróturaalu dapó. Motamo wisi kisipa mole whįrape aępa, ti dią tao saairaalu dapó. ¹⁴ Dåné i du betere ala feata, Kerisoné ama yaala sókó fole ala wisiné dą ketekę bulatepa dapó. Ti noatepae, so whį mo fea tao saai betą whįtóro sukąlepó. Téturaalu, ama so whįkélé fea ątamo betąmó sukąlepó. ¹⁵ Ti so whį fea tao saai ą sukąle alata, betere so whį maaté wisiyóló betaaire ala ini, atima tao saai sukóló kepaayale sekęné ama kisipa mole ala betą erópóló yalepó.

¹⁶ Atérené dą mió i alimó kaae sóro bitiré furaalu, mepaae so ó whį i haemó mole kisipa sya fóló, etei kaae so whį beterapóló dåné tale dumipó. Ti taketa, dåné i haemó mole kisipa sya fóló, dą tęteróló kaae tare whį Keriso atéro tale yaletei, mió dåné momó kae dumipó. ¹⁷ Térapa, mepaae so whį Keriso tuąmó

betepa, ti ai so whi Kótóné kisi kaaróló beteró betepapó. Atétere alata, take betale ala mo ti kemeróló, mió kisi ala tuamó ai betere ape. ¹⁸ Atéró betere atere ala feata, ti Kótó betere mó kaayóló walepó. Dáró Kótótamo bóe du betaletai, Kótóné Keriso sukópóló maletiné bóe firóló touralepó. Atére kaae, mepaae so whikélé Kótótamo bóe fiyóló dua betere ala dapaae malepó. ¹⁹ Aita hãle mei, i haemó betó mole so whiné Kótótamo bóe du betepa, Kerisopaae erale alané atima yale dowi alamó Kótóné kwia melaai yaletai taaróló, bóe firalepó. Tétu, Kótóné so whítamo bóe fiyóló betámó beterate fo yó maté kweyópóló, dá sóró beteralépó. ²⁰ Atérené, mió dá Kerisoné ama fo eraterere whirape i betere ape. Diã so whi Kótónétamo bóe fiyóló touyóló betaaire fo ama diãpaae yaalopó yale kaae, “Kótótamo bóe fiyóló betae,” yóló Kerisoné doimó ðané diãpaae dirii ma fo i dere ape. ²¹ Yesu dowi ala inire whítei, Kótóné á dowi ala dere whi aqralepó. Ti aita hãle ini, dá Yesu Keriso tuamó betepa, Kótóné ama so whi donoraaire ala dokonótu, dá mo donoi so whi aleróló beteralépó.

6

¹ Dá Kótótamo betámó ama kutó diraterere whi bitu, diãpaae Kótóné hamokoróló hãle tao sere ala eratepa, ai ala hãle ɔla kaae ðepaae mulaqsóró, diãpaae ma fo i dere ape. ² Ti noatepae, ama i fo dapó.

“So whi yãlo hãle hamokoróló tao sere alimó diaaq epaae tao sae dere fo yãlo mo wosóo, diã aluyaqsóró tao saai tukóló mulale be ðemótóró yãlo diã tao sóo yalepó,” erapó.

Yãlo diãpaae mo i dere ape. Mió i sukamóta, so whi aluyaqsóró Kótóné hamokoróló hãle tao su betepapó. Ai ala yaaire be ðe me kae mei, mo miótóró i ape.

Pol doasi sekę sale fo

³ Ðané so whi tao saai erótu betere ala mepaae whirapené bete muni, hqko ala nisiyóló faletu só deraqsóró, mepaae so whi Kótópaae waaire tų sesé yóló dée nalaterere ala ðané mo dumipó. ⁴ Aténi, dá

Kótóné kutó diraterere whi bituraalu ditu betere kutó diaaq kolóló, i whirapené mo donoi ala dapóló kisipa yaasepóló i dapa wosae. Ita doasi depe tukó wei kutópatei hãle diyó taruraalu, sekęi alakélé, ɔla ɔla yãyãtere alakélé, whaalia dere alakélé, wou betepatei ðané hãle belée tarapó. ⁵ Dá kotere tiki dokę fea doasi foya dere alakélé, dóló susupuraterere alakélé, *dipula* beterate alakélé, erótua dapó. Dá nokekélé wisiyóló fini, wotetamotei doasi depe tukó wei kutó hãle ditu betepapó. ⁶ Atétu, dá me dere dowi alatamo hoseké ini, mo donoi kisipatóró muóo, bete mole ala mo wisiyóló kisipa yóo, me whipaae sętere ala ini, wisi kisipatamo naameiné mo dua kaae taté fóo, du betepapó. Tétu, hosaa turóné yaala sókó fole ala yópóló, Ðęi Kepe Wisiné dá fotokę eratepa, ai ala diã so whi feapaae erótua dapó. ⁷ Kótóné fotokętamo mo fotóró duraalu, fo wisi yó mótua dapó. Tétu, Kótóné so whi donoraterere alata, bóe dele whiné turu naasené tų tawóo, fę naasené wuti tawóo dere kaae iruraalu, ai donoi ala ðané tarapó. ⁸ Mepaae whiné ðané diterere kutó kilitu dá dukiróo, mepaae whiné ti eraterere fo yóo, dua dapó. Mepaae whiné ðané diterere kutó dorapóló mepaae so whipaae yóo, mepaae whiné ti mo wisi kutó ditu betepapó yóo, dua dapó. Dá mo ala dere whi betepatei, mepaae whiné ti dá kapala atima dilikitere whirape aqrótu betepapó. ⁹ So whi feané dá kisipa epatei, dá teó kisi wale whirapepaae eraterere ala kaae dua dapó. Dá mo felekemó sukunépatei, hãle bitiré fu betepapó. Dá fokosói ala yóló susupu eraletai, mo ti dóló sukunénipó. ¹⁰ Dá deķęné sukutu betepatei, betere dokę hękese yó tarapó. Dá fea ɔla ɔla munire whirape betepatei, ðané du betere alané so whi fea néli whi beterótu betepapó. Dá ɔla ɔla munipatei, fea ɔla mole whirape betepapó.

¹¹ Korin bemó betó mole no nerapeó, diãtamo ðané hosaa mo turó muluraalu, ðané mole kisipa mo fea diãpaae hãkeamó ai yale ape. ¹² Ðané diãpaae yaala sókó fole ala ðané tao tani, mo turó erótu betepatei, diaaq dapaae yaala sókó

fole ala ti kinóló tao tarapó. ¹³ Diã yálo naale senaale kaae betereteiné, diaaokélé dápaae hosaa mo turó muóló, yaala sókó fole ala u mótu i mótu yaasepóló, yálo diãpaae i dere ape.

Kisipa tiró betere so whị tirénire whịtamo touyaqse ere fo

¹⁴ Diã Talepaae kisipa tiró betere so whịrape kisipa tirénire so whịtamo touyóló, dere ala fea betámó yaqse. Ti noatepae, donoi ala kolósu, dowi ala kolósu depa, betá ala ere? Ti dẹmó kotere so whịró dilikitamo kotere so whịtamo netéro fulumu enére? ¹⁵ Dã tẹteróló kaae tare whị Kerisoró dowi keperape tẹteróló kaae tare kepe Belial-tamo touyóló betá kisipa muaaloé? Tuẹ tiki tiró betere so whịró, tuẹ tiki tirénire so whịtamo betá ala ere? ¹⁶ Kótóné doi hale horóló moma dere beró kapala kótó sụróló aleale ọlarapetamo mo betá ala erapóló kisipa mute? Ti noatepae, dã Keriso so whịta, mo ti betere Kótóné momatere be tẹnapó. Ai yale fo kaae ašemó Kótóné i fo erapó.

“E atimatamo betámó bitu, atima fole tikipaae ekélé faalopó. Tétu, e atima tẹteróló kaae tare Kótó betóo, atima ti yálo so whị betóo, yaalopó.”

¹⁷⁻¹⁸ Mo doasi fotokọ bole Talené i fo dapó. “Ai so whịtamo hosekéro beteretei taaróló diã kaae betae. Atéru, mepaae naqse yóló fo mulale ọla mo olaayaqse. I dere fotamo diaaọ sya fupa, ti yálo diã dape saalopó.”

Mo doasi fotokọ bole Talené i fo dapó.

“E ti diaaọ Aya betóo, diã yálo naale senaale betóo yaalopó,” erapó.

7

¹ Hosaa mole no nerape-ó, Talené dápaae ai wisi alarape eraalopóló muló betere fo hãle mulapa, kae kae dowi alané diaaọ tiki ó kepe doraqsóró, ai kaae dowi ala tuámó hosekéro bitini, tika kae betaalopa sae. Atéro Kótó kolóló wituraalu, ą aqmó sukóló bitiré fóló, Talené ama mo kae ere wisi ala maaté eróló, mo ti fakeraté fu betae.

Pol hajné sukqle fo

² No nerape-ó, dápaae diaaọ hosaa munire aqrapa, mióta diãné dápaae hosaa mutere ala yaasepóló i dere ape. Ti noatepae, dãné mepaae so ó whịpaae me dowi ala eréni yóo, dãné du betere alané atima mepaae so whị dée naaire tu munéni yóo, dãné dere ala diaaọ tokóló yópóló, ó diãné mepaae wisi wisi ọla saai diã dilikini yóo, yalepó. ³ Yálo i dere fo diã só deraai kisipa mutu dumipó. Yálo take yale fo kaae diãpaae dãné hosaa mo turó moleteiné dã tekeni diã sukutepa ó betepa, ti dã fea betá alatóró du betenérápó. ⁴ Diaaọ yálo i dere fo wosóló, mo sya faalopóló kisipa mutu e whaaliala ini, bopé fake yóló hajtu beterapó. Kae kae seke dápaae wou betepatei, diã Talepaae tuẹ tiróló wisi ala hãle yó tareteimó, e haj yóló wisi kisipatamo Talepaae yálo mo kée du beterapó.

⁵ Dã Masedonia hae kwiapaae wóló bitu, Talené ala eratepa mepaae whinė dãné dere ala yaqsóró tu fea mo seséyalepó. Atétu, mepaae whịrapené dątamo bóe dóló hõle sóo, dãné kepe tuapaaekélé, wituraalu whaaliala yóo, yaleteiné dãné tiki sã nalóló bitinipó. ⁶ Téyaletei, Taitus dã beterepaae wale alané, fomoyóló haepaae doropole so whị tao sóró keteke bulótu betere Kótónétei dã tao sóró haj dere ala eralepó. ⁷ Ai alané maaté mei, diaaọ ą tao sóró haj dere ala eratepa, amamo dápaae ene waleteiné dã tao sóró haj eralepó. Diaaọ e kelenée du betereteikélé, diaaọ hásókó fóló yale alamó diãné hosaamó su dekené sukutu betereteikélé, epaae erótu betere alamó diaaọ whaaliala du betereteikélé, fea dápaae ene walepó. Ai fo wosetu, e tuámó haj dere ala mo turó fãayalepó.

⁸ Yálo diãpaae anale ašemó ere fonétamo diã dekei kisipa moipa, yálo atei kaae fo noatepa yaleé? yóló kisipa mutumipó. Taketa atei kisipa mo mualetei, mió e haj kisipa mutapó. ⁹ Ti ai hajta diã deketere alamó ini, ai fo dosąaturaalu diã sawa sukamó maaté hosaamó sóró dekeyaletiné yalepó. Atéteremó diã donoi tųpaae fole kilitu, e haj du beterapó. Ti noatepae, diãné deke yale alata,

dané yale foné diã mo ti doréni, Kótóné ama kisipa mole ala eraleteiné tũ wisi-paae feletei kisipa muæ. ¹⁰ Kótó tuãmó kaaróló wale deķę dere alané dowi ala taaróló, Talepaae kisipa fetetere ala eratapó. Atéturaalu, kisipa fetetere alané, ti aluyaqsóro tao sere ala kaaratapó. Take deķęi kisipa mualetei, yało mió kisipa fatepa, mo donoi ala ereteiné Talepaae mo kée du beteraþó. Téþatei, i haemó kaarale deķęi alané ti sukutere ala kaaratapó. ¹¹ Kótó tuãmó wale deķęi alané diã tuãpaae erale alarape i ape. Kótóné ala eraai butere ketekękélé, me dowi ala inipatei, hałe só deratere kapala fo so whjné mo nisi yaqsóro, ketekę buóló haķearótu betere alakélé, dowi alatamo fopaae butereiteikélé, mené diã doraqsóro wisiyóló kele muló betere alakélé, diã dątamo betenée du betale alakélé, so whj wisiyóló beteraþóló ketekę bulótu betere alakélé, mené dowi ala deretei haķeamó kemeróþóló, donoraai bole ketekękélé, kale deķę dere alané eraleþó. Yało ašemó yale forape diaaę dosąayóló ai fo mo wosóló sya feleteiné mió diã tuãmó yało foné saai dere ala muniretei haķearaleþó. ¹² Take yało diãpaae ašemó yale fota, dowi ala dere whjmó kisipa mutu, ó ai dowi ala eratere whjmó kisipa mutu inipó. Téni, Kótóné keletómó dąné dere fo mopóló wosóló eraaire ketekę diaaętei kisipa yóþóló yaleþó. ¹³ Ai alarapené dą mo tao sóro ketekę bulaleþó.

Ai ketekę tómó diã feané Taitus-né ama kepe tuãpaae felératere ala eraleteiné ą mo haıtamo fesaae wale ala kilitu, dąkélé mo doa haıyaleþó. ¹⁴ Yało diã dukirótu ąpaae yale fo motóro dokonótu, ą wisiyóló dape saleteiné ę hale ini, feléi kisipa mutapó. Dąné diãpaae yó matere fo fea motóro du dere kaae, dąné diã dukirótu Taitus-paae yale fo ama mo irapóló kisipa yaleþó. ¹⁵ Taitus aipaae wapa diã winé sukutu diri furu furu yóló, naameiné diaaę ą mo wisiyóló dape saleþó. Take ama atéro ene wale fo diaaę mopóló kisipa mutu wosóló, sya fele ala mió ama kisipa duraalu, diãpaae yaala sókó fole ala mo ti faıtapó. ¹⁶ Yało i dere fo fea diaaę wosóló

mo eraalopóló, yało kisipa tiróturaalu, ę mo doa haıné sukutapó.

8

Haıtamo hałe matere ala yóþóló ketekę bulatere fo

¹ Ne norape-ó, Masedonia hae kwiamó tę mole be huluamó betó mole Keriso fakerape Kótóné hamokoróló hałe tao sóro male ala diaaę kisipa yaaseþóló i dere ape. ² Ti ai so whj atima kęae kelaai mepaae sekę wou betaletei, heķesetere ala mo turó faayóo, mepaae ęla ęla ó *moni* meiyóló yoleale betóo epatei, atimamo hamokoyóló *moni* mo dekéro deraleþó. ³⁻⁴ Atéro mo dekéro derąleta yaleteiné sókó faai yale dąle mo ti bosene feleþó. Aita, atima kęleanétei Judia hae kwiamó Kótóné kae betero betere so whj tao saai kisipa mutu, mepaae so whjné hamokoróló hałe derale *monitamo* touróló, atima mole ęlakélé haıtamo derai kisipa mutu, melaaire tę mulae yóló dąpaae dotopoi fo yaleþó. Ti aita, so whj hamokoyóló hałe tao suraalu yale alapóló, yało diãpaae i dere ape. ⁵ Dąné kisiþané atima sımó eneraþóló kisipa muale ala mo ti bosenóló, atimané yaai dere alakélé, ęla ęlakélé, betere betekélé, fea Talené naase tuãmó mulaleþó. Atéro nalo ti atimakélé dątamo touyóló Kótóné kisipa mole ala eraai yaleþó. ⁶ Atérené, Korin bemó betó mole so whj dąné ai ala yóþóló, Taitus ą diã beterepaae fae yóló seıyaleþó. Ti aita, Taitus-né ama taketi kaae sóro diale kutó ereteiné, mió ą diã beterepaae wapa, Talené hamokoróló tao sere ala diaaę eróló mo ti kemeróþóló yaleþó. ⁷ Térapa, diaaę tuę tiki tiratere alakélé, fo wisi yó matere alakélé, mo bete mole ala kisipa dereteikélé, mepaae ala eróturaalu, doasi ketekę bole alakélé, dąpaae yaala sókó fu betere ala alakélé mo wisirapó. Atétere kaaetóro hamokoróló tao suraalu, atéro hałe matere alakélé mo wisiyóló yae.

⁸ Yało i dere fota, diãpaae i ala yae yóló dumi, Masedonia whjrapené mepaae whj tao saai butere ketekę kolósu, diaaę butere ketekę kolósu yóló, diã tuãmó mo

yaala sókó fole ala muluraalu, déró k̄aae kelaai dapó. ⁹ Ti noatepae, d̄a t̄eteróló kaae tare wh̄i Yesu Kerisoné hamokoróló tao sere ala diaaḡ ai kisipare ape. Ti ̄ doasi néli wh̄i betereitei, dīa tao saai kisipa mutu, yoleale wh̄i alée feleteiné dīa néli wh̄i beteralepó.

¹⁰ Dīané yaaitere alamó kisipa mutu, dīapaae yaḡo kisipa matere fo i dere ape. U kemeyale ba fomó mepaae kae kae be hulua Keriso fake so wh̄iné *moni* deraaipa, diaaḡpi folosóro deróo yalepó. ¹¹ Diaaḡ atéro diale kutó ketek̄etamo kaae su yale kaae, miókélé ai alatóro deté fóló kemerae. Atéro melaai kisipa mutepa, ti diaaḡ mole s̄utóro melae. ¹² Diaaḡ mole s̄utóro wisi kisipatamo matepa, ti Tale ̄ hēkese duraalu, ama kisipa feléyaalopó. Mepaae wh̄iné melaaitere ̄la munipa, ti Talené me ̄lakó menipóló dei kisipa muaalo meipó.

¹³ D̄ané kisipané mepaae wh̄irape atima ̄la ̄la mo dekéro muluraalu, dīa sawa t̄eti moleteiné sek̄e tūamó beteraai dumi, fea bet̄a alatóro yóló betaai i dere ape. ¹⁴ Mió dīa ̄la ̄la mo dekéro moleteiné, atima yāȳatere ̄la dīané melóo, nalo dīamo yāȳatēpa atimané dekéro moletei dīa melóo yóppóló dapó. Atéro u tao su, i tao su depa, ti mo fea bet̄a ala yólótóro betaalopó. ¹⁵ Atétere alata, ašemó i ere fo kaaepó.

“Mepaae mo dekéro sale wh̄iné ̄la buki muni feni, mo s̄umótóro nóo, mepaae mo tórōti sale wh̄i wote ini, mo s̄umó nóo, yalepó,” erapó.

Taitus Korin bepaae dot̄eyale fo

¹⁶ Yaḡo dīa tao s̄oppóló, ̄ ketek̄e bulale Kótóné Taitus-paaekélé ai kaae ala eró betepa, Kótópaae yaḡo mo kée du beteraapó. ¹⁷ Atéreteiné, ̄ d̄ané fae depa waalo meitei, mo taketi dīa beterepaae waai du betaletéiné waalopó. ¹⁸ D̄ané no wh̄i bet̄a Taitus-tamo wóppóló dotonatapó. Ai wh̄ita, mió wosetere fo wisi erateremó, Kótóné kae betéro betere so wh̄iné dukirótu beteraapó. ¹⁹ Ai ala maaté mei, kale h̄ale melale *moni* sóró, d̄atamo Judia hae kwiamó betó mole so wh̄imó male f̄oppóló, Kótóné kae betéro betere Keriso so wh̄iné

̄a sóró beteralepó. Atéro h̄ale matere *monita*, Talené doi sóró horóturaalu, ai so wh̄i tao saaire ketek̄e kolóppóló kisipa mutu, d̄ané hotowayóló t̄eteróló kaae tawaai dapó. ²⁰ So wh̄i tao suraalu, h̄ale melale doasi *moni* d̄apaae diaaḡ hotowaró kaae tani, ̄lémi serapóló mepaae wh̄iné d̄a eratere fo yaḡsóro kisipa mutu dapó. ²¹ Ti noa betené dumipó. Talené kele tómkélé, mo so wh̄iné kele tómkélé, d̄ané du betere ala mepaae wh̄irapené kilitu, mo donoi ala dapó yóppóló kisi mutu, hotowayóló kaae tarapó.

²² D̄ané no me wh̄ikélé atimaamotamo dotonaaai dapó. ̄ k̄aae kelalemó, mepaae d̄ané yae dere ala fea ai sek̄éné mo ketek̄etamo dua yalepó. Diaaḡ mo wisi ala yaalopóló kisipa mutu, ama take bole ketek̄e tómo miókélé ̄ Talené ala eraai mo doasi ketek̄e bulapó. ²³ Taitus ̄ta, ̄tamo titiyóló kutó bet̄amó diyóo, dīa kuamó bitu bet̄a kutó diyóo, dere wh̄i beteraapó. D̄ané no me wh̄i tamota, ti Kótóné kae betéro betere so wh̄iné sóró betéro beteraapó. Mepaae so wh̄iné ai sek̄e tamoné ditere kutó kilitu, d̄a t̄eteróló kaae tare wh̄i Kerisoné doi doasi hale sóró horatapó. ²⁴ T̄erapa, Keriso fake so wh̄i feané diaaḡ yaala sókó fole ala h̄akeamó kolóppóló, ai sore wh̄irapepaae mo erae. Atétepa, ti diaaḡ dere alamó d̄ané dukurótu betere fo mopó enérapó.

9

¹ Kótóné kae betéro betere so wh̄i tao sae yóló, deté wale fo wosóló, yaaire ketek̄e dīa bunipakó, yaḡo dīapaae momó yaaloé.

² Ti so wh̄i tao saai diaaḡ bole ketek̄e yaḡo mo wisiyóló kisiparapó. Dīa ai ala yaai doasi ketek̄e boleteiné take kemeyale ba fomó kaae sóró, dīa dukiróturaalu, Masedonia hae kwiamó betó mole so wh̄ipaae dīa Akaia hae kwiamó betó mole so wh̄imó h̄ale melaaire *moni* deraai du beteraapó fo yaḡo deté kw̄alepó. Ai fo woseturaalu, ai be huluamó betó mole so wh̄i atimanékélé *moni* deraai hosaa tukalepó. ³ Diaaḡ h̄ale matere alamó d̄ané dīa dukirótu betere fo bete muni nisiyaḡsóro, kale bope yale sore norapepi

aipaae dotonatapó. Yalo atimapaee, diã donoróló betepa kelaalopó yale fo diã tuãmó motóró epa kolópoló yae. ⁴ Ti noa yaqsóró dumipó. Mepaae Masedonia whirape etamo wouraalu, diã donoróló bitinipa kilitu, ðané diã dukirale fo kapala irapó deremó, ðakélé diãkélé mo doasi hale yaqsóró dapó. ⁵ Téyaqsóró, kale norape atimapi folosóró diã beterepaae dotonatepa wisirapóló kisipa mutapó. Ti noatepae, diaaã hamokoróló hãle melaalopó yale *moni* deróló kemerópóló kisipa mutu i dere ape. Ai ala depa, ti seteremó dei kisipatamo meni, wisi kisipatamo hamokoróló hãle melaalopó.

Hãle matere alata, kutómó ðla wae dekéro bilitu dere kaae dapó

⁶ I dere fo wosóló kisipa muae. Mepaae whiné ðla wae sawa tóróti bilitepa, ti ðla sere alimókélé sawatóró saalopó. Mepaae whiné ðla wae dekéro bilitu, ti ðla sere alimókélé mo dekéro saalopó. ⁷ So whi dokõ betã betã setepa dei kisipatamo meni, atima kisipané meteró melaai depa, ti ai sutóró melópoló yae. Ti noatepae, hosaa tuãmó hekesetamo matere whi Kótóné mo hekeserapó. ⁸ Atétu, Kótóné hamokoróló hãle tao sere ala diãpaae suratepa, betere dokõ fea diã mepaae noa kaae wisi ala yaai depa, ti me ðla yaãani, mo sumó enérápó. ⁹ Asemókélé i fo kaae erapó.

“Ama wisi wisi ðla yoleale yóló betó mole so whimó aliralepó.

Ama so whi tao sóró donorate alakélé kemeni, hãle yótóró tarapó,” erapó.

¹⁰ ðla waeró mo nokole *bred* otamo matere Kótóné diaaã biliyaaire ðla wae fakeróo, ðla ulumetépa dekéro sóo dere kaae, Kótóné so whi tao sóró donorate alané du wisikélé diaaã mo ti fakeróo yaalo ai ape. ¹¹ Téturaalu, diaaã kae kae ala duraalu, mepaae so whi hamokoróló tao sópóló, Talené diã mo suraalo ai ape. Diãné atéro hãle matere ðla ðanémo sóró kale yoleale so whimó matepa, Kótópaee atimané mo kée fo yaalopó.

¹² Kótóné so whi tao sóró diaaã ai eraterere alata, atima yaãterere ðla mótua

dapó. Ai maaté mei, Kótópaee doasi kée dere fokélé wëi kaae faayóló felée fu beterapó. ¹³ Diaaã atéro Talené ala eróturaalu, mepaae so whi tao sóró erótu betere ala mepaaené kilitu, ita Kerisoné fo wisi sya fóló aqmó bituraalu, hamokoróló tao sere ala ðapaaekélé, mepaae so whipaaekélé, eratepa kelae yóló, Kótóné doi hale horaalopó. ¹⁴ Kótóné hamokoróló tao sere ala diã tuãpaae faano betereiné Talepaae momaturaalu, atimané hosaa mo turó diãpaae muóló yaalopó. ¹⁵ Kótóné hamokoróló hãle meló betere ala wisinaale mo whiné etérápóló bete turó tokóló enénipó. Atéreteimó, apaae mo kée fo du betae!

10

Pol Talené kutó dirateremó kae kae eraterere fo yaletai

¹ E diãtamo betãmó betale sukamó, e fo kóló kóló yóló wire whi aõretei, kae tikimó bitu ti wini, halaainé asetu beterapóló e eraterere fo ai du betere ape. Téptei, Talené fo aqmó sukóló betere alaró witamo naameiné dua betere alatamo Kerisoné epaae eratepa, e ai ala tuãmó bitu, e Pol-né diãpaae i yae dere fo wosóló, mo yaasepóló dapó. ² Ti e diã beterepaae wale sukamó, mepaae so whiné kisipané ðã i haemó mole ala sya furaalu, Talené ala eraterere nisiyóló, ðã eraterere so whi e halaainé foné saqsóró, diã miótitei donoróló betae yóló i dere ape. ³ Ti noatepae, ðã i haemó hãle bituraalu dele bóeta, i haemó mo whiné dele bõe kaae meipó. ⁴ ðané bõe dele ðla ðlakélé, mo bõe dele ðla ðlata, Kótóné doasi fotokõ faaneteiné Kótótamo bõe duraalu, ere dirii sa fisikóló doranerapó. ⁵ Mepaae so whiné Kótó a etei kaae Tale beterapóló kisipa yaqsóró sesé duraalu, kae kae fosó fosói foró, bete mole ðla aõraterere alatamoné sa kaae depa, ðané fisikóló dorótu beterapó. Téturaalu, ðã tetéroló kaae tare whi Kerisoné ala eraai mole kisipa kópaee faqsóró, ðané tué tiki turó Yesuné tetéroló kaae tare aqmó mulópoló, mo hotowaró kaae tarapó. ⁶ Diã Talené fo wosóló,

aq̄mó sukóló bitu sya fóló erótu betepa, ti mepaae ai fo wosetere h́yóló dow̄aae fu betere so wh̄i fea d̄ané só deróló kwia melaai d̄a siki siki yóló betenérápó.

⁷ Dīata, mo tómó ere ala maaté kilitu beterápó. Mepaae wh̄iné āta, Kerisoné wh̄i beterápó depa, ti d̄akélé āre kaae Kerisoné wh̄itóró betereitei ama kisipa yóppóló yae. ⁸ Ita, dīa só deróló doraaí dumitei, Keriso tūamó diriyóló betere atere ala d̄ané t̄eteróló kaae tanóppóló, Talené d̄apaae melalepó. Atérené ē haleni, halaainé dīapaae h̄akeamó i du betere ape. ⁹ Ȳalo dīapaae āsemó i dere fota, dīa wiratere nisi yaq̄se. ¹⁰ Ti noatepae, mepaae wh̄irapené duraalu, “Ama āsemó deteraai fo du betepatei, ā woló betamó bitu dere fota, ti kisipa inire wh̄iné fo kaae h̄oko du beterápóló,” erótua dapó. ¹¹ Atei kaae eratere fo dere so wh̄iné, d̄a kae tikimó bitu āsemó dere fo kolósu, d̄a aipaae wóló mo dere ala kolósu depa, me ala kae mei, mo bet̄a alatóró epa ke-laalopó.

¹² Mepaae wh̄irape atimané ditere kutómó atimatei doi sóró horótu dere kaae d̄ané dumipó. Ti atimané du betere ala atimatei taleyóló atimata, etei kaae wh̄irape beterápó du beterápó. Tétu, atimané dere ala k̄aae kolóló u kolósu, i kolósu du betere alata, wisi tūe muluraalu dumipó. ¹³ Atima atépatei, d̄ata mo d̄ané diale kutómótóró bopé faketu beterápó. Ti d̄ané i ditu betere kutóta, Kótóné d̄apaae diyae yale d̄alemótóró dituraalu, d̄a bopé faketu beterápó. Ai d̄ale muló betere kutó tūamó dīakélé ai bole ape. ¹⁴ D̄a fo wisi yó maté kuturaalu, dīa beterepaae ūameisóró, ti etei kaae bopé fake dere ala ūameipó. Tépatei, Kerisoné fo wisi dīapaaekélé yó male waletéiné d̄a mo donomó bopé fake dapó. ¹⁵ D̄ané diyale kutó mupatei, kae wh̄iné diyale kutómó d̄a bopé fake dumi, mo d̄ané ditere kutómótóró bopé faketu beterápó. Ti dīané kisipa tiró betere ala faketé fupa, d̄a dīa tūamó bitu ditere kutókélé mo ti fakeraai kisipa mutu, Talepaae tūe tiróló h̄ajtamo i betere ape. ¹⁶ Talené mió i wosetere fo wisi d̄ané erateretei

dīa tūamó faketepe, ti dīa betere tiki mo uteró betó mole so wh̄ipaaekélé yó maaté kw̄eyaaí kisipa mutapó. Mené diyale kutómóteí, d̄ané yalepóló h̄ale bopé fake yaq̄sóró, mepaae wh̄irapené yó menire tikipaae yó maté kw̄eyaaí dapó. ¹⁷ Tépatei, “Mepaae wh̄i bopé fakeyaaí depa, ti Talené fotok̄o ā tūapaae s̄uraletéiné diyalepóló,” enérápó.

¹⁸ Ti me wh̄iné ama diale kutó amatei fopeyóló, ātei dukiratepa, bete munipó. Tépatei, Talené me wh̄iné diyale kutó taleyóló wisirápó depa, ti ai wh̄iné kutó wisi diremó dapó.

11

Aposel aq̄re wh̄irapené dere alata, Polné dere alatamo s̄unipóló yale fo

¹ Ȳalo du betere fota bete muni, h̄oko du betere fotei wosaasepóló i dere ape. Tépatei, ai h̄oko fo mo taketi ȳalo deté wou betepa, diaāq̄ woseté walepó. ² Ȳalo bole ketek̄eta, dīa dokaai tukóló betero betere wh̄i mo ātamotóró fulumu yóppóló, Kótóné matere ketek̄ené ȳalo dīa mo wisi yóló kaae taru, ma fo i dere ape. Me wh̄iné folokole erénire so seimale kaae betepa, Kerisoné amatóró dokóppóló kisipa mutu, ȳalo dīa tukóló beteralepó. ³ Tépatei, wuliné fosó fosóí kisiipané Ipi dilikóló dée nalatu yale kaae, dīané tūe tikikélé mené k̄opaae ālisó faq̄sóró ȳalo doasi whaalia du beterápó. Ti noa betené mei, dīa Keriso ātamotóró dokaai, bet̄a kisipa muóló betero ppóló dapó. ⁴ Ti ȳalo whaalia dereteita, h̄ale meipó. D̄ané dīapaae Yesu ā etei kaae wh̄ipóló yó maletéi, mepaae wh̄i dīa beterepaae wóló Yesuta, etei kaae wh̄i beterápóló h̄oko fo yó matepa, diaāq̄ mopóló wosetu beterápó. Atétere kaae, take diaāq̄ sale D̄ei Kepe Wisi betepatei, me kepe kae saalopóló de? Take d̄ané dīapaae yó male fo wisi mupatei taaróló, kisipa tiki okokore wh̄iné dere kaae, mió dīa kae yó matere kisi fo wosaai ekeletu beterápó. ⁵ Ti ai wh̄irape atimata, doasi doi mole *aposel* wh̄irapepó du betepatei, atimané ē t̄eteró bitinipó. ⁶ Ti so wh̄i feapaae Talené fo ȳalo fosó fosó yóló yó melóppóló mené ē yó menitei, bete mole

fo yało mo kisiparapó. Ai ala diąńékélé kisipa yópoló, kae kae ala fea haąkeamó erótu betalepó.

⁷ Kótóné fo wisi yó móturaalu yałotei ę deróo, dią tao sóró horóo, du betalepó. Tétu, yało diąpaae *monikó* ąlae yóló kema ini, hałe yó mótu betaletei-a, diąpaae dowi alakó erótu betaleé? ⁸ Aita, dią seke yaqsóró kisipa mutu, kae be hulua Keriso fake so whjné matere *monitei* yało ąlémi kaae sóró, ę betaaire be ó ąla dupu yóló nukuraalu, dią tao saaire kutó betą dité fu betalepó. ⁹ ę diątamo betale sukamó dią seke yaqsóró, ę yaąątere ąla diąpaae ąlae yóló wosetere fokélé inipó. ę yaąątere ąlata, Masedonia hae kwia taaróló, ętamo wale norapené tao sóró mótua yalepó. ę me ąla yaąątepatei, dią seke yaqsóró woseni, Talené kutó hałe dirótóró tawalepó. Nalopaaekélé ai alatóró enérapó. ¹⁰ Ti Kerisoné bete mole mo fo ę tuąmó moleteiné diąpaae diriyóló i dere ape. ę me dupu sini, ai fo wisi hałe yó materemó, yało i bopé faketerere ala Akaia hae kwiamó betere whjrapekó betąńékélé bete munire ala aąraalomeipó. ¹¹ Yało diąpaae etei kaae dere fo-a, noa betené dapóló kisipa mute? Yało diąpaae yaala sókó fole ala initepa de? Meipó. Diąpaae yaala sókó fole ala ę tuąmó moletei, Kótóné ama mo kisiparapó. ¹² Kae fo yó matere whjrapené du betere alata, so whjné atima dukirópoló dapó. Aita, ąńé dere alaró atimané dere alatamo betą ala erapó yópoló, bopé fake du beterapó. Atei ala yaaire tu mularóró ą *moni* sini, kutó hałe diró tawaalopó.

¹³ Ti ai whjrapeta, Kerisoné dotęyale mo *apospel* whjrape mei, so whj dilikóló kapala kutó diratere *apospel* whjrape bitutei, Kerisoné kutó diratere nisi yópoló, aątu beterapó. ¹⁴ Ai kaae alamó ą kilita sókó fenénipó. Ti noatepae, Satan ą ą tuąmó betere *ensel* aątu beteretei, ąńé kisiparapó. ¹⁵ Atétere kaae, ama kutó diratere whjrapekélé mo donoi kutó diratere whjrape aątu betere ala kilitu, ą kilita sókó fumipó. Ti atimané ai du betere alamó saaire dowi dupu haąsókó feni, mo donotóró melaalopó.

Pol ąpaae sekei ala erateremó bopé fakeyale fo

¹⁶ Yało yale fo kaae momó dapa i wosae. Dią mepaae whjné ę kisipa okokoi whj betere nisi yaąse. Diaąątamo ę kisipa okokoi whj beterapó kisipa mutupa, ti ę bopé faketeraalu, okokoi whjné dere fo kaae, sawa i dapa wosae. ¹⁷ Fea ala yało sumó enérapóló bopé faketeraalu dere fota, Talené dere fo kaae meitei, kisipa okokoi whjné dere fo kaae dapó. ¹⁸ I haemó betó mole whjrapené nene yóló bopé faketerere ala feané sya fóló du betepa, ti ękélé nene yóló bopé fakeyaalopó. ¹⁹ Ti fosó fosóre whj diąta, mepaae kisipa okokoi whjné du betere ala yaqsóró seséni, heąsesereteiné yópoló, kaae tarapó. ²⁰ Ti diąńé mo du betere alatóró i ape. Mepaae whjné dią wae sóró kutó diratere whj beteróo, diąńé wisi wisi ąla atima saai dią dilikóo, dią me ala tuńńire whj aąróló, atimané tuńń mole ala eróo, atima doasi doi saai dapóló dią hepée faróló atimapi folosene fóo, atimané dią okolope deké sóo, dua dapó. Ai alarape eratepa, atimapaee atékese yóló foné sini, dią hałe betó mulapó. ²¹ Ti ą béréteiné atei kaae ala diąpaae er- anénipóló, ę haletu i dere ape.

Kisipa okokoi whjné dere fo kaae i dapa wosae. Mepaae whj dené ama du betere alamó ą bopé fake yaaitepa, ti ękélé bopé fakenérapó. ²² Atima Hibru fake so whjné dere ala sya fu betere so whj betere? Atima atépa, ti ękélé Hibru whjótóró beterapó. Atima Israel hae tale betepa, ti ękélé Israel hae taletóró beterapó. Atima Abraham-ńé deté wale whjrape betepa, ti ękélé Abraham-ńé deté wale whjótóró beterapó. Atima Kerisoné ala eratere whj betere? Atépa, ti ę keyaa furaalu hąko dere fo i ape. Yało ai kutó ditere alané atima fea mo teraae falapó. ²³ Yało i dere fota, topo doyóló keyaa fole whjné fo kaae hąko dapó. Atima Kerisoné kutó diratere whj betere? Atépa, ti yało ditere kutó kolósu, atimané ditere kutó kolósu depa, atima yało mo bosenáo beterapó. Ti yało dité wale kutó atimané diyale kutótamo suni, ę mo doasi depe

tukó wei kutó ditu betalepó. Ti ęta, mo dekeró félimó *dipula* beterótua yóo, fokosoi ala yale tikimó ęalo tiki mo turukée fóo, ę mo felekemó sinitei kepaayóo dua yalepó. ępaae ai erótu betale hapólui ala kaae, atimapaee erénipó. ²⁴ Juda fak-ené ę aporó félimó halika kaae ęlané ęalo tikimó daletei dokę sóró touróturaalu, 39-rópó. ²⁵ Sore fapo atimané ę biyęné fokosói ala yóo, betę be demó ti kapo duné siriyóo, sore félimó ti ę betere węi nuku fetée fóló do yóo yalepó. Tétu ę doasi węi kęla tómó ęlaae kutu betepa, be deę betęró diki betętamó kemeyalepó. ²⁶ ę betę bemótóró bitini, be hulua dokę fiyósu deté kutu betalepó. Atéturaalu, doasi fole węi tikiné ę aluranépatei, tęyóló fua yóo, ęlémi whęrapenékélé ę denépatei, atima betere tuęmó fóo, mo ęalo be whęnékélé ę denépatei fua yóo, Juda meire fake whęnékélé ę denépatei atima tuęmó bitiré fóo, doasi be huluamó bitukélé, ipumó bitukélé, doasi węi kęla tómó fukélé, Keriso norape aęre whęrapetamo bitukélé, ę mo dóló aluranépatei, bitiré fóo yalepó. ²⁷ ę kutó dituraalukélé depe tukó wei ala yóo, kutó ditétóró fu betereteiné nokekélé fini yóo, woteró węi nokoletamo epatei, hęle fitua yóo, kutikélé ó sikélé meiyóló sosóliné sukęo dua yalepó. ²⁸ Ai alarape tómó, Kótóné kae beteró betere Keriso fake so whę noa tuęmó wisi yóló betaalóe yóló, doasi whaalua duraalu, ę doasi sekę beleté fu beterapó. ²⁹ Diękó me whę Talené ala eraaire fotokę meiyóló bétépa, ti ękélé bératapó. Diękó me whę dowi alapaae ęlisóró fóló dée nukupa, ti ękélé dei kisipa mutu haletapó.

³⁰ ę bopé fake yaaitamo kisipa mutepa, ti ę tuęmó fotokę mei, bére ala so whę feané kolópoló, bopé faketera ala mo hękeamó yó manérápó. ³¹ ęalo i dere fota, mo kapala dumipó. Betere dokę so whę feané doi sóró hurótu betere Tale Yesuné Alima Kótóné ęalo i du betere fo mo dapóló ama tuęrapó. ³² ę Damaskus bemó betepa, botokó faęsóró topo whę Aretasiné be kaae tanópoló, sóró beteró betere whęné ę tawópoló, ama diki tare whęrape kale be bolaare dopóku tuę dokę

sóró beteralepó. ³³ Téyaletai, mepaae norapené ę yomó deyóló halika duóló deralepó. Atéyaletaita, ai be hulua bopére dopóku sikimó, deę saai muló betere dolomó sókó faraletainé atimané ę tani, hęsókó felepó.

12

Pol-né ama nokené kaae kelale ala

¹ ę i bopé faketu betere ala taaréni, hęle deté fu betenérápó. Ti bopé faketera ala tuęmó me ke bunitei, Talené ępaee nokené kaae yó melale alaró kinó betere alatamo hękearaletai betę diępaee i dapa wosae. ² Ita mió yale ala dumitei, i ala yóló betepa, 14-ró ba fo kemeyalepó. Ai ala kelale whę ę ama tiki turó fele ó, kepe maaté feleró ę tuęni, Kótóné betę kisiparapó. Ai whę ę Keriso tuęmó betepa, mené ó hepen bepaae dapesó huturaalu, sękélé sę taoró ere tikikélé taaróló, mo hepen bepaaetóró dapesó holale whę ęalo tuęrapó. ³⁻⁴ Ti ai sekęta, mo kelaalo kokęi bepaae dapesó horóló beteraletai ęalo kisiparapó. ę atéró huturaalu, ama mo tiki turó felepé kepe maaté feleró ę tuęni, Kótóné betę kisiparapó. Mené fo depa ai sekęné ama wosalemó, bete etérápóló mo hae whęné yókélé enénipó. Ai fo hae so whępaee uętei, yaęsóró Talené doasi fo mulapó. ⁵ Atei ala ere whępóló kisipa mutu, ę bopé fake uętei, ęalotei ę bopé fakenépa taaróló, ę hae whę bitu, ęalo bére alarape betę dięné kisipa yaasepóló i dere ape. ⁶ ęalo kisipanétamo bopé faketera ala yaaitepa, ti ęalo mo yale alatóró dereteiné ę topo doyóló okokoi whęné dere fo kaae uęmeipó. Ti ęalo yó mótu betale mo foró du betale alatamo dięné kęae kolóló tuę yópoló, bopé faketera ala enépatei, ę doasi doi mole whę nisi yaęsóró taalatapó.

⁷ Talené doasi kinó betere ala ępaee hękeróló yó maletainé ę topo whę bitu bopé fake yaęsóró, Satan-né dotęyale kepené dowi mu képiné kaae, ę susupurópoló Kótónétei ai tę mulalepó. ⁸ Até yaletainé ęalo tikimó doasi dele supa, Talepaae ai ala tokóló taae falae yóló sore félimó yalepó. ⁹ Téyaletai ama ępaee duraalu, “Ai sekęi ala naao

sımó beleyópóló, yálo hamokoróló hãle tao sere ala yã tuãpaae mo sũraalopó. Ti noatepae, mo whĩné enéni bére ala tuãmó yálo fotokõ so whĩ feané kolópóló, mo hãkeamó erótua dapó,” yalepó. Atétereine Kerisoné fotokõ ẽ tuãmó hãle muó tanópóló, yálo enéni bére alapóló tuẽ muturaalu, ẽ hãiyóló bopé faketerere ala taaréni, hãle yó tawaalopó. ¹⁰ Atétereine Kerisoné ala mo ti fakeraairaaalu, bére ala tuãmó bitukélé, mepaaené ẽ eraterere fo du betepakélé, doasi sekẽi ala tuãmó bitukélé, Talené ala erótu betepa sere sekẽ tuãmókélé, doasi hapólui ala tuãmó bitukélé hãitamo betepapó. Téru, mepaae bei ala tuãmó bitukélé fotokõ hãle bulapó.

Pol-né Korin so whĩ doasi whaaliatu yale fo

¹¹ Ti yãlotei ẽ kisipa okokoi whĩné dere fo kaae yaleteita hãle mei, diaaõ du betere alanétei ẽ ai ala dere whĩ aõratepa yalepó. Yálo du betere alamó diaaõ ẽ ðukiraterere fo uãsóró ti mo wisi uãpó. Ti noatepae, ẽ belei sokótei kolósu, ai doasi doi mole *aposel* whĩrape kolósu depa, atimané ẽ tẽteró bitinipó. ¹² Ti ẽ diã tuãmó bitu, me ala yaairemó dere alarapekélé, sira yópóló eraterere alarapekélé, mo whĩné enéniere doasi kelemei alarapekélé, fea eró taté fu betalepó. Ai alarape kilitu, ita mo *aposel* whĩné dapó enérapó. ¹³ Ti ẽ mepaae be huluaamó Kótóné touróló beteró betere so whĩpaae erale ala kolósu, diãpaae erale ala kolósu depa, me noa alakómo diãpaae erénié? Atimapaekélé, diãpaaekélé, betã kaae alatóro erótua yalepó. Ti ẽ yãyãterere õla tao sae yaai yaleteti, diã sekẽ yaõsóró ini, taaralepó. Kae kae Keriso so whĩpaaeta dua yaleteti, diãpaae inire ala dorapó kisipa mutepa, ti diãné kwia tani, hãle kemerae.

¹⁴ Ẽ mió sore dakeróló diã kẽle waai i du betere ape. Ẽ aimó wóló bitu, be ó nokole õla diã sekẽ melaalomeipó. Ti noatepae, diaaõ me õlakó melópóló waai dumitei, diã mo no apu aleyóló betãmó betaai kisipa mutu, walapó. Ti naale senaalené hama alima tao saai dapóló mepaae õla õla betãpaae yóló mutumitei,

hama alimané naale senaalemó õla õla mulatere dua dapó. ¹⁵ Atétere kaae, ẽ mo hẽkesetamo diã tao saairaalu yálo õla õlakélé, yálo betere betekélé melaalopó. Yálo diãpaae mo turó yaala sókó fu betepatei, diãnémo ẽpaae yaala sókó fole ala sawa tómó maaté dere-a, wisire? ¹⁶ Diaaõ ẽ hẽkese inire aõpatei, yálo diãpaae me sekẽi ala erénipó. Tépatei, ba ó nané nale wópóló, õla wisi mulótu dere kaae, diãné *monikó* ẽ melópóló kisipa mutu, yálo diã dilikãle aõrapó. ¹⁷ Diã tao sópóló yálo dotẽyale whĩrapené ó yãlokélé diã dilikóló, diaaõ noa wisi wisi õlakó saleé? ¹⁸ Taitus ã ðané no me whĩtamo diã beterepaae wópóló, yálo sãyóló dotẽyalepó. Até yale be ðémó, Taitus-né diã dilikóló mepaae õlakó saleé? Talené ala eróturaalu, ðamo wusuró betã tuẽ muóló, betã alatóro erótua inié?

¹⁹ Ti yálo diãpaae aõtu betere fo diaaõ dosãaté waleteti-a, mené ðã só deraõsóro seséturaalu dapóló kisipa mute? Meipó. ðané i du betere fota Keriso tuãmó bitu, Kótóné keletómó mo i dere ape. ðané hosaa mole no nerape-ó, ðané i du betere ala feata, diã fotokõ buóló beterópóló dapó. ²⁰ Ti noatepae, ẽ aipaae wale sukamó, diã mo wisiyóló betepa kelené dere ala diã tuãmó ini yóo, diãnékélé ẽ tuãmó epa kelené dere ala ẽ tuãmó inipa kelaalomolópóló, ẽ doasi witu betepapó. Ẽ diã beterepaae wóló kelenalemó, diã tuãmó hõle fokélé, me whĩné dere alamó dei tuẽ mutere alakélé, fopaae buóló hõle sere alakélé, fake teketerere alakélé, dowi fopaae butu me whĩ yóló sininatere alakélé, kikiti eraterere fokélé, dowãae fóló bopé faketerere alakélé, wisiyóló bitini, hõko betere alakélé, ai alarape fea diã tuãmó epa kelaõsóro, ẽ doasi whaaliatu betepapó. ²¹ Ẽ diã beterepaae wale sukamó diaaõ ai dere ala kilitu, ẽ tẽteróló kaae tare Kótóné keletómó, ẽ momó halenérapóló wi dapó. Mo take dowi ala du betale so whĩné mepaae hosekýóló du betale dowi alakélé, nópu nokole alakélé, enéniere sonaalei dowi alakélé taaréni, hãle yótóro tapa kilitu, ẽ deķẽ yaõsóro whaalia duraalu dapó.

13

*Diā Yesu Kerisopaae kisipa mo tirō
beterémóló diaaq̄tei k̄aae kelae*

¹ Mió yālo diā sore dakeróló k̄ele waai i dere ape.

“Mepaae so wh̄iné ḥ̄asókó fóló dere alarape taleturaalu, betā wh̄iné dere fo maaté woseni, tamo ó sore wh̄iné i ala mo depa kelalepó dere fo wosóló, ti taleyóló donoranérápó,” erapó.

²⁻³ Ẽ tamo dakeróló diā k̄ele wale sukamó, dowi ala dere so wh̄ipaae etei kaae sek̄ei ala eraalopóló diāpaae yalepó. Mió ẽ kae tikimó bitukélé betā kaae fotóró momó i dapa wosae. Kerisoné du betere fo yālo mo dapóló diaaq̄ kisipa yaasepóló, ẽ wouraalu take dowi ala deté wale so wh̄iró mepaae dowi ala du betere so wh̄itamo kwia matere ala k̄oleturaalu taaréni, mo melaalopó. Ti Keriso āta, diā tuāmó mole dowi alarape donoraaitere ala ā béni, fotok̄o mo turó bulapó. ⁴ Ti i dere fota, mo dapó. Keriso ā fotok̄o buni bére wh̄i aq̄yóló, atimané ā filipaare ni tómó daletei, Kótóné fotok̄oné ā mo beterapó. Atére kaae, dā fotok̄o buni bére wh̄irapetei Kótó ātamo betāmó bettereteiné ama fotok̄o dā tuāpaae s̄uratepa, diā tao saai Talené kutó ḥ̄ale diraté fu beterapó.

⁵ Diā Yesu Kerisopaae tué tiki tiró betere ala diaaq̄tei k̄aae kólóló taleyae. Aténalemó, Yesu Kerisopaae kisipa tiratere ala inipa, ti yā ā tuāmó bitinipóló kisipa muae. ⁶ Ti diaaq̄ dā k̄aae kolóló talenalemó, Yesu Kerisopaae tué tiki tiró betere ala epa, ti diaaq̄ mo ḥ̄akeamó kelenérápóló kisipa mutapó. ⁷ Diā me dowi ala yaqsóró, Kótópaae suka fea ḍané momarótu beterapó. I dere fota, Talené dā k̄aae kolóló, wh̄i wisipó deremó so wh̄iné dā dukirópóló dumitei, ḍané ḥ̄oko dere alamó só deró betere wh̄irape aq̄pa, diāta mo donoi ala wisi du betere wh̄i betaasepóló dapó. ⁸ Kale bete mole mo fotamo ḍané bōe dóló me ala enéni, ai fo wisi fakeratere ala betā enérápó. ⁹ Dā fotok̄o buni b̄epatei, diā mo doasi fotok̄o buóló betepa, ti dā mo ḥ̄ajrapó.

ḍané diāmó momarótu betere alata, diā ḥ̄aepaae derepeletei, momó Talené ala eraté furaalu, diā mo ti diriyóló beterópóló dapó. ¹⁰ Atére betené, ẽ diā betterepaae waai teópatei, yālo i aṣ̄tere fo kolóló diāsisu bitu, mepaae diā tuāmó ere alarape donoraasepóló i dere ape. Ti noa yaqsóró mei, Talené ẽpaae ama so wh̄i t̄eteróló kaae tawae ere fo sya furaalu, ẽ aipaae wale sukamó diā deteraayóló foné saqsóró dapó. Ti Talené ẽ diā t̄eteróló kaae tawópóló sóró betteraleitea, diā doróló só derópóló ini, tao sóró wisiraté f̄ópóló yalepó.

Kemeróturaalu k̄leó yale fo

¹¹ No nerape-ó, mo kemeróturaalu diāpaae k̄leó i dere ape. Me ḥ̄asókó fole ala diā tuāmó muni, Talené ama ala mo donoyóló erae ere ḍālemótóró sókó faasepóló, hotowaró erótu betae. Aṣ̄emó yālo diāpaae i yae dere fotóró mo wosóló, diā fea mo betā kisipatóró mulu, ḥ̄osaa muni deyóló mo dua betó muae. Atétepa, ti yaala sókó fole alaró ḥ̄osaa muni deyóló dua betere alatamo, matere Kótó ā diātamo betaalopó.

¹² Diā Kótóné mo kae beteró betere so wh̄i bitu, diāsisu yaala sókó fóló, aputu betae. ¹³ Imó ẽtamo Talené kae beteró betere so wh̄i feané diāpaae k̄leó dapó.

¹⁴ Dā t̄eteróló kaae tare wh̄i Yesu Kerisoné ḥ̄amokoróló ḥ̄ale tao sere alakélé, Kótóné yaala sókó fole alakélé, D̄ei Kepe Wisiné eratere u yó mótu i yó mótu dere alakélé, diā feapaae eró tanópóló yae.

Kalesia

¹ Ẽta, Kótóné ama fo yó male fópóló doteyale *apospel* whị Pol-né diạ Kalesia hae kwiamó tẹ mole be huluamó betó mole Keriso fake so whịpaae așe i dere ape. Ẽta, mepaae whịrapené dotonatepa ó mo whịné kisipané kekeme nóló i kutó dine fae yóló dotonatepa wéni, Yesu Kerisoró ą kepaarale Alima Kótótamoné i kutó dine fae yóló dotonalepó. ² Yalo i dere așeta, ę wotoró bitu dumi, mepaae Keriso norape ętamo betámó betó mole whịrape dą feané diạ Kalesia hae kwia dokómó betó mole Keriso fake so whịpaae dapó.

³ Dạné Aya Kótóró Tale Yesu Keriso-tamoné hąle hamokoróló tao sere alaró hosaa muni deyóló mo dua betere alatamo diạ tuąpaae erópóló yae. ⁴ Mió i alimó mole dowi alané doasi fotokóné dą so whị dokoló mulașsóró, Yesuné ama betere bete melóló dupuraleteiné dą hąle fópóló eralepó. Aita, dạné Aya Kótóné kisipa mole ala sya furaalu eró beterapó. ⁵ Kótóné ama doi betą hale sóró horóló, doasi doi mo ti muó tanópóló yae. Mo kée. Teyópóló yae!

Talené kisi fo wisita, me kaae mei mo betątóró mulapóló ere fo

⁶ Yesu Kerisoné hąle hamokoróló tao sere alané Kótó ą beterepaae ape yalepó. Atéyale sekę taaróló, kae kisi fo wisi wosaai hapale kisipa feteyóló fole kilituraalu, aita enei ala meitei dapóló ę kilita sókó fulapó. ⁷ Mepaae whịrapené diạpaae mió wosetere kisi fo wisi i ape yóló yó matepa, ti aita kale wosetere fo wisi mei ai ape. Aita, Yesu Kerisoné mió wosetu betere kisi fo wisi me kae fotamo hosekéróló doróo, diaaę kisipakélé kópaae falóo, yaalopóló kisipa mutapó. ⁸ Dạnékélé, ó hepen bemó betere *ensel-nékélé*, Kótóné mió wosetere fo wisi take dạné diạpaae yó male kaae ini, kae fotei fo wisipóló yó matepa, ti ai whị mo ti só deróló alu yaaire tikipaae fópóló yae. ⁹ Take dạné diạpaae yale fotei momó i dapa wosae. Whị me dené diaaę woseté

wou betere kisi fo wisi kaaetóró yó meni, fo me kae yó matepa, ti atétere whị só deróló mo ti alu yaaire tikipaae fópóló yae.

¹⁰ Yalo i du betere fo ó du betere ala mo whịrapené kolóló, i whịné mo wisi ala dapóló dukirópóló dépé? Kótóné kilitu mo wisi ala dapó yópóló du betere? Mo whịrapené kisipa tiki felé yaaire alatamo yalo du bituąsóró, ti ę Yesu Kerisoné kutó diratere whị bituą meipó.

Pol aposel whị sóró beteraai Kótóné ą beterepaae ape yale fo

¹¹ Norape-ó, diaaę mo wisiyóló kisipa yaasepóló yalo i dere fo wosae. Yalo diạpaae yó mótu betale mió wosetere kisi fo wisita, mo whịné kisipanétei kaarale fo meipó. ¹² Ai fo wisita, me whịné depa yalo wosóló ó me whịné ę yó matepa kisipa sóró dumitei, Yesu Kerisoné amatóró ępaae hąkearóló yó matepa kisipa yalepó.

¹³ Ẽ take Keriso whị betaairu, Juda fakené Talepaae momatu betere ala sya fóló du betalepó, dere fo diaaę wosóló ai kisipare ape. Atétu, yalo mo doa ketekę buóló du betale alata, Kótóné so whịpaaekélé susupui ala eróo, Yesu Kerisoné ala wisikélé mo ti doróo du betalepó. ¹⁴ Yalo ayarapené mara mole ala sya furaalu, Juda fakené Talepaae moma dere ala etéró yae yóló, doasi kisipare yó matere whịrapené dą teó whịrape yó malepó. Atétu, betere tuąmó ętamo betámó doayale Juda whịrape fea betepatei, yalo kisipa sale alané atima mo teraae felepó. Atéru, yalo ayarapené mara mole ala mo doa ketekę buóló sya fu betale whị ę i ape. ¹⁵ Atétu betaletei, ę teó deyaaiipa sóró kae beterale Kótóné, ama hąle hamokoróló tao suraalu ą beterepaae ape yalepó. Tétu, Kótó ą wisi kisipatamo ama naale ę tuąmó hąkearóló yó malepó. Atéyale sukamó, ępaae etei ala eralepóló me whịtamo inipó. ¹⁶ Atéró betepa, Kótóné ama Naalema noa kaae whịrópóló kóló kóló yașsóró, amatei ą ę tuąpaae yó malepó. Até yaleteita, Juda meire fake so whịpaae Yesu Kerisota, etei kaae whịpóló yó maté kweyópóló kisipa mutu, eralepó. ¹⁷ Ai ala yale be demó, i

kaae ala yaletai noa betené yalerópóló, ę betaaipa folo sóró beterafe *aposef* wh̄irape Jerusalem bemó betó mupa kefe fenipó. Aténi, ępaae ai ala erale be demótóróti Arabia hae kwiapaaepi fóló, nalomo ti Damaskus bepaae fesaayóló felepó.

¹⁸ Atéroró bitiré fóló, ba fo sore kemetepa, ę Pita wisiyóló kisipa inireteiné kisipa yaai, Jerusalem bepaae horóló ętamo betepa, 15-ró be de kemeyalepó. ¹⁹ Aimó ętamo mepaae *aposef* wh̄irape betepa kilinitei Talené noma Jems betę betepa kelalepó. ²⁰ Yęlo i aętu betere fota kapala mei, Kótóné keletómó mo i dere ape. ²¹ Atéroró betale k̄lipaae ti ę Siria hae kwiaró Silisia hae kwiatamopaae felepó. ²² Até yale sukamó Judia hae kwia dokómó betó mole Keriso fake so wh̄iné ę kolóló kisipanipó. ²³⁻²⁴ Ténitei, yęlo i ala du beterafó dere fo maaté atimané wosipakalepó. Téturaalu ęta, take de Keriso fake so wh̄itamo bóe dóló susupui ala eróo, Yesu Kerisopaae kisipa tiki tiratere alakélé doróo du betale wh̄itei, miómo Yesupaae kisipa tiki tiraaire fo wisi so wh̄i feapaae yó maté kutu beterafó dere fo woseturaalu, Kótóné doi hale sóró horótu beterepó.

2

Mepaae aposef wh̄irapené Pol wisiyóló dape sale fo

¹ ę ba fo 14-ró betero kemetepa, Jerusalem be huluapaae momó horalepó. Até yale sukamó Banabas dęmo wusuró huturaalu, Taitus-kélé dapesóró de fea horalepó. ² ę atéroró feleteita, yęlo kęleaané feni, Kótóné yęlo kisipa tiki tuępaae i ala ene fae depa felepó. Juda meire fake so wh̄ipaae yęlo yó maté kutu betere mió wosetere kisi fo wisi etéroró i ape yóló, yó melaai horalepó. Téyaletai, ai fo so wh̄i feapaae yó meni, Keriso so wh̄i betó mole tuęmó doi mole wh̄irapepaae maaté yó malepó. Atéroró doi mole topo wh̄irapepaae yó melaiteita, hęle meipó. Yęlo take ditu betale kutókelé, mió i ditu betere kutókelé, me bete muni nisiyóló, mepaae wh̄irapené eratere fo yaqsóró yalepó. ³ ętamo betere wh̄i Taitus ęta

Juda meire fake wh̄i betereiteiné ępaae yę tiki sekaę tikae yóló ęnipó. ⁴ Ti aita hęle meipó. Mepaae wh̄irape kapalatei, norape aęyóló de tamo bitu, Yesu Kerisoné yale alané de teraayóló feleyóló betere ala kikiti kelaai walepó. Aita, de wae sóró kutó diratere wh̄i beteraai kisipa mutu, yalepó. ⁵ Até yaletai, atimané i ala yae yóló ę du betere fo wosóló, téyaalopó dere fokélé inipó. Ti aita, noa ala yópóló kisipa mutu yaleé? Mió kale wosetere kisi fo wisi diaaę wosóló ita, mo doa bete mole fopóló dię tuęmó muó tanópóló yalepó.

⁶ Jerusalem bemó doasi doi mulapó du betere wh̄irape-ó doi munire wh̄ita, yęlo me ęla meipóló kisipa mualepó. Ti noa betené meipó. Kótóné ama dęné tó tikimó ere ala kolóló, ita doasi doi mole wh̄ipóló doi mulatere ala dumipó. Ai wh̄irapené yęlo yó male fo wosetu mo dono dapóló, atimané me fo kae beleróló inipó. ⁷ Aténi, Juda so wh̄ipaae mió wosetere kisi fo wisi Pitané ęmó yó maté konérapóló Kótónéitei ę sóró beterafe, kale doasi doi mole wh̄irapené kolóló kisipa yalepó. Até yale kaaetóroró, Juda meire fake so wh̄ipaae yó maté kweyópóló, Talené ę sóró beterafeiteikélé atimané kolóló kisipa yalepó. ⁸ Ti Pita Juda fake so wh̄i tuęmó *aposef* wh̄i bitu, Talené fo yó mótu betepa, ai ala tuępaae Kótóné ama fotokę bulalepó. Atétu yale kaae, Juda meire fake so tuęmó *aposef* wh̄i bitu, ama fo yó mótu betepa Kótóné ę fotokę bulalepó. ⁹ Jerusalem bemó betó mole so wh̄irapené Keriso alamó be belerafó du betere wh̄irape Jems, Pita, Jonsepi atimané Kótóné ama ępaae melale hamokoróló hęle tao sale ala kilituraalu, Banabas dęmoné mo donoi ala dapóló kisipa mutu wisiyóló dape salepó. Atéroró dęmo Juda meire fake so wh̄i tuępaae fóo, atima ti Juda fake so wh̄i tuępaae fóo, yaairaaalu de fea fo kęlaaróló, wisirapóló mo betę kisipatóroró mualepó. ¹⁰ Atéroró, dęmopaae i fo betę yalepó. “Diaamo fo yó maté kuturaalu, ai be huluarapemó yoleale yóló betó mole so wh̄i tao sere alakélé hęle yó tawae,” yalepó. Ti aita, yęlo ketekę buóló mo taketi hęle yó tare

alapó.

Pol-né Pita foné sale fo

¹¹ Téró Pita Antiok be huluapaae wóló betere sukamó, ama haşókó fele ala yało aþaae teraae faróló, a foné salepó.

¹² Ti noa betené meipó. Mepaae Jemsné dotonatepa wale Juda whırape waai teópa, a Juda meire fake whırapetamo bitu, ęla nukua yalepó. Até yaleteti, kale whırape Antiok beþaae wale sukamó, Pita a Juda meire faketamo ęla betamó naletei taaróló, kae bitı felepó. Até yaleteita, kale tiki sekaę tukóló siriró betere whırapené keletómó Juda meire fake whırapetamo ęla betamó nukupa noa kisipa muaalorópóló wituraalu yalepó.

¹³ Pitané da fea Keriso fake so whı mo betę alatóró erapó du bitutei, ama yale alané fake tekeyóló Juda fake kae aęróo Juda meire fake kae aęróo eralepó. Ai hoęo ala mepaae Juda fakenékélé sya felepó. Ai hoęo ala fakeyóló Banabas-nékélé yalepó.

¹⁴ Mió wosetu betere bete mole fo wısi mupatei, atimané dere ala kae depa kilitu, atima feané keletómó yało Pitapaae duraalu, “Yaata Juda whıtei, Juda whıné dere alatóró ini, Juda meire fake whıné dere ala kaae du beterapó. Atéyaletaimo, Juda meire fake so whıpaae da Juda whıné mara mole ala sya fıpóló noatepa sętu betere?”

¹⁵ Daata dowi ala dere Juda meire fake whı bitini, mo Juda fake whıné mara mole ala tuamó deyale whırape bitu, i fo dané mo kisiparapó. ¹⁶ Whı me dené kale yóló muló betere fo mo wisiyóló sya fıló erótu betepa, Kótóné ai whıpaae ya mo donoi whıpó fo yaalo meipó. Téyaalo meitei, Yesu Kerisopaae kisipa tiki tiratere ala betę kilitu, Kótóné mo donoi whıpó fo enérápó. Atére betené Kótóné dapaaekélé whı wisipó yópóló kisipa mutu, Yesu Kerisopaae betę kisipa tiki tiró beterapó. Kale yóló muló betere fopaae dané kisipa tiróló sya fumipó. Ti noatepae, kale yóló muló betere fo sya fıló erótu betere whıpaae Kótóné me alakélé muni, mo donoi ala dere whıpó fo yaalo meipó.

¹⁷ Da Keriso tuamó betereteiné ama dapaae mo donoi so whıpó yópóló wóputé

fu betere tuamó dané du betere dowi ala haęearatepa, dané noa fo yaaloé? Kerisoné dowi ala wisirapa, deté fae fo enére? Mo meipó. ¹⁸ Kale tukóló muló betere fo aęmó sukóló betere alané Kótóné keletómó, wısi ala dere whı beteraairetei mo diripa kisipa mutu, yałotei ai tu mo taaralepó. Até yaleteti, yało momómo duraalu, kale tukóló muló betere foné da wısi ala dere whı beteraalopó depata, ti Kótóné tukóló muló betere fo yałotei tikitapóló haęearatapó. ¹⁹ Ti noatepae, kale tukóló muló betere fo mo turó yało kisipa yaleteiné ę sukale whı aęralepó. Atéreteiné, kale sukale whı ai fo aęmó momó kae netéro betaaloé? Meipó. Kótóné ama ala eróturaalu, atamo mo ti beterópóló, kale tukóló muló betere foné ę dóló sukunalepó. ²⁰ Eta, Yesu Kerisotamo filipaa ni tómó taketi sukóló i mole ape. Atéyaletiné ę momó kae bitini, Keriso a ę tuamó beterapó. Mió haemó i betere yało mo tikita, ti epaae yaala sókó fıló, tao suraalu ama betere bete hałe melale whı Kótóné naalemapaae kisipa tiki tiró betereteiné i betere ape. ²¹ Ti Kótóné ama hałe hamokoróló tao sere ala, yało me bete munire ęla aleróló, depaae mulanénipó. Ti noa betené i fo du meipó. Kale tukóló muló betere fonétamo da mo donoi so whı beteróluęsóró, ti Yesu Kerisoné ama betere bete besekéróló, a hałe sukalepó fo uapó,”

3

Yesu Kerisopaae ó tukóló muló betere fopaae diaaę tuę tiki tiró beterémóló kaae kelae

¹ Kalesia hae kwiamó betó mole kisipa okokoi so whı-ó! Mé whıné hosę foné diaaę kisipa tiki feteróló, dię mo ti okokoraleé? Yało diapaae kale fo wısi yó móturaalu, Yesu Keriso filipaa ni tómó oleralepóló yó male fo diaaę wosóló diané kelené mo kilitu yale kaae, ai kisipare ape. ² Yało diapaae wosetere fo betę i ape. Kale Deı Kepe Wısi saletei-a, tukóló muló betere fo sya fele tikimó salepé, mo fo wısi wosóló kisipa tiki tiraletiné saleé? ³ Diané kisipa tiki-a, noané mo ti okokoró

betere? Kaae suta, ti kale Dęi Kepe Wisiné fotokqratepa kaae saletei, kemene fole kwiapaae sókó faairaalu, mo whjné bole fotokqné sókó fenérapóló kisipa mute? ⁴ Dię Yesu Kerisopaae tuę tiki tiróló ama ala eró taremó sekęi ala wapatei, me ęla meipóló hęle beleté fu betaleteimó saaire dupu hęle ęla kaae taalaai kisipa mute? Ti ai doasi sekęi ala beletu betaletei bete munipa hęle yaleé? ⁵ Kótóné ama dię melale Dęi Kepe Wisiró kelemei ala eraleteitamoa, kale yóló muló betere fo diaaę sya fele betemó melalepé, kale wosetere kisi fo wisi wosóló kisipa tiratere alamó melaleé?

⁶ Kale whj Abraham-paae erale ala mo wisiyóló kisipa muae. I fo aseyóló muló beterapó.

“Kótóné ępaae yale fo mo eraalopóló kisipa tiki tirale ala kolóló, i whjta me dowi ala ini, mo donoi whjópó,” erapó.

⁷ Térapa, mepaae so whj de Kótóné fo wosóló ępaae kisipa tiki tiratepa, ti atétere so whj Abraham-né naale senaaletóró beterapóló kisipa muae. ⁸ Juda meire fake so whjné Talepaae kisipa tiki tirateremó, Kótóné mo donoi so whjópó yaairetei, taketi ašemó erapó. Dęné mió i wosetu betere fo wisitóró mo take Abraham-paae itéro ipakalepó.

“I hae kwia dokqmó betó mole so whj fea ępaae eraaitere alané wisiraalopó,” erapó.

⁹ Atére betené mepaae so whj de Talepaae kisipa tiki tiratepa, ti kisipa tiki tiratere sekę Abraham wisirótu yale kaae, atéro kisipa tirale so whjkélé Kótóné wisirótu beterapó.

¹⁰ Kótóné ama tukóló muló betere fo erótu betere alapaae kisipa tiki tiró bitinire so whj fea, ti Kótóné doratere ala aqmó ai betere ape. Ti noatepa mei, Kótóné i fo aseyóló muló beterapó.

“Mepaae so whj detamo Kótóné *buk*-mó tukóló muló betere fo mo fea sya fóló eró tanitepa, ti Kótóné atima mo doraalopó,” erapó.

¹¹ Ti noatepae, kale ašemó yóló muló betere fo i ape.

“Kótóné keletómó mo donoi so whjta, ti kisipa tiki tiratere alané betę bitiré fu betenérapóló,” fo erapó.

Kótóné tukóló muló betere fo eraté fu betaleteimó, mo betę whjpaaekélé Talené mo donoi so whjópó enéniretei mo hękearapó. ¹² Ti Kótóné tukóló muló betere fo sya fóló erótu betere alata, ti kisipa tiki tiratere tuęmó kaatumipó. Tétumitei, kale ašemó i ere fo kisipa muae. “Mepaae whjta mo tukóló muló betere fo sya fóló erótu betepa, ti ama ai du betere ala tuęmótóró ę beteraté faalopó,” erapó.

¹³ Kale tukóló muló betere foné doratere ala dępaae eraęsóró, Keriso ę filipaa ni tómó sukuturaalu, dę tao sóró dupuralepó. Atéturaalu, doratere ala mo turó ępaae eralepó. Ti noatepae, ašemó i fo erapó.

“Mepaae whj de ni tómó oloratepa, ti ai whj Talené mo ti mokoróló doró beterapó,” erapó.

¹⁴ Abraham-paae eraalopóló mulale fo mo dokonóturaalu, eratere wisi ala Juda meire fake so whjnékélé sępóló kisipa mutu, Yesu Kerisoné ama dę tao sóró dupuró beterapó. Atéreteita, dęné ępaae kisipa tiki tiratepa, ama melaalopóló mulale Dęi Kepe Wisi sępóló erapó.

Kótóné folosóró i ala eraalopó ere fo melóló, nalo ti tukóló muló betere fo male ala

¹⁵ Norape-ó, ęęlo diępaae i du betere fo bete diriyóló kisipa yaasepóló, dęné suka fea du betere alapaae dó faróló i dapa wosae. Mo whjné dirii fo dokóló muló betepa, nalo me whjné ai fo tokęló aluratere ala ó me kae fotamo olokeratere ala mo enénipó. ęęlo diępaae i yaai dere fokélé atére kaetórótípó.

¹⁶ Kótóné Abraham-ró ama deyaaire naaletamopaae i ala mo eraalopóló ašemó yóló muló beterapó. Kótóné ama *buk*-mó, “Naao deté faaire naalerapepó,” fo inipó. Ai fo uęsóró ti whjrpe feapaae erapó fo uępó. Ai fo ini, “Naao deyaaire naalené deté faaire naalepó,” ere fota, mo betę whjmó kisipa mutu erapó. Ai whjta, Yesu Keriso ętórótípó. ¹⁷ ęęlo du betere foné

bete i ape. Abraham-paae mo eraalopóló dirii fo dokóló muló betepa, 430 ba fo kemeyalepó. Atéyale kílípaae kale tukóló muló betere fo sókó walepó. Nalo ai sókó wale foné Kótóné folosóró yale dirii fo tokóló alurótimpó. Ai fotamo aluratepa, ti ai fo tuámó so whípaae eraalopó ere wisi alakélé aluranérapó. ¹⁸ I dere fota noa betené dumipó. Kótóné nalopaae eraalopó yóló muló betere wisi ala kale tukóló mulale fo tuámó sókó wuṣóró, ti Kótóné ama eraalopó yale fo tuámó sókó wuṣmeipó. Até yaletéi, Kótóné Abraham-paae eraalopóló ere fo mo dokonóturaalu, hamokoróló hḷe melalepó.

¹⁹ Térapa, kale tukóló muló betere fo-a, noa betené melaleé? Ai fota, so whíné du betale dowi alamó kale folosóró yale dirii fotamo touró beteraipó. Ai alata, mo ti eréni, Abraham-paae eraalopó ere fo dokonóló ama deté waaire naale wópóló kaae taru erapó. Ai tukóló muló betere fota, so whí feané kisipa yópóló *ensel-rapené* Kótóró so whítamoné tuḷ whípaae melalepó. ²⁰ Fake tamóné tuḷ whíné betḷ fake maaté tao su me fakemo taalatumipó. Tépatéi Kótó ḷta, mo betḷtóróti beteraipó.

²¹ Kale tukóló muló betere foné Kótóné i ala mo eraalopó yóló muló betere fotamo bóe dóló sesétu betere? Mei, ai ala mo dumipó. Kale tukóló muló betere fonétamo mo ti betaaire bete melóluṣóró, ai foné me dowi ala munire so whí beteroḷuṣpó. ²² Téuṣtei, Kótóné *buk*-mó aseýóló muló betere foné i fo erapó. I haemó betóló fale so whí mo fea dowi alané dokóló, *dipula* bemó kaae beteroḷ beterepó. Aita, hḷe mei, Kótóné ama so whípaae eraalopó yale ala mo dokonóturaalu, Yesu Kerisopaae kisipa tiró betere so whípaae melópóló erapó.

²³ Kisipa tiki tiratere ala hḷakearóló sókó waaipa, kale tukóló muló betere foné ḷḷ *dipula* kaae sóró beteroḷ beterepó. ²⁴ Betḷ whí me tikipaae fimó ama naale senaale me whíné kapala kaae tatu dere kaae, Kótóné kale tukóló muló betere foné ama so whí ḷḷ Yesu Keriso beterepaae ḷlisóró fópóló, kapala asiri kaae tawae yóló sóró beteralepó. Ti aita hḷe meitei, ḷané Yesu

Kerisopaae kisipa tiróló betepa, Kótóné ḷḷ mo donoi so whí beteroḷpóló yalepó. ²⁵ Mióta, kale kisipa tiki tiratere ala sókó wóló, take kale tukóló muló betere foné ḷḷ tḷeteróló kaae taretei, momó kae kaae tani, mo kemeró beteraipó.

Kótóné naale senaaletóró beteraipóló ere fo

²⁶ Diḷ fea Yesu Kerisopaae kisipa tiki tiró betereiné Kótóné ama mo naale senaaletóró ai betere ape. ²⁷ Ti noa betené mei, so whí wḷi kemó buó ditu dere kaae, diḷ fea Yesu Keriso tuámó wḷi tópuró beteraipó. Atéreteiné kuti derótu dere kaae, Yesu Keriso diaaḷ ai deró betere ape. ²⁸ Atéru, Juda fake ó Juda meire fake, wae sóró kutó diratere so whí ó diḷ mo hḷe betere so whí ó diḷ fea fake teketu betereitei me ḷla meipó. Mió diḷ fea Yesu Keriso tuámó bitu, mo betḷ alatóró erapó. ²⁹ Diḷ Yesu Kerisoné ama so whítamo betepa, ti diḷ Abraham-né deale naale senaaletóró betereiné Kótóné Abraham-paae eraalopó yóló mulélipakale fo motóró dokonóturaalu, eraaire wisi ala diḷpaaekélé eraalopó.

4

¹ Yḷlo i du betere fo bete mo whíné dere alapaae dó faróló dapa wosae. Betḷ néli whíné naalema alimané teraae fele mómu ḷla ḷla fea muó mupatei, kale naale ḷ ketepa, ḷ kaae tare whírape aḷmó bitu, ama kutó diratere whí sḷ beteraipó.

² Kale naale alimané teraae fele ḷla ḷla amatei tḷeteróló kaae tawópóló tukóló mulale be ḷḷ sókó waaipa, ti alimané sóró beteraitei whírapiené kale ḷla ḷla fea kaae tawaalopó. Mepaae whíné kale naalekélé kaae tapa, ḷ ai whí aḷmó bitiré fu betaalopó. ³ Take ḷḷ atéró ketei naale senaale kaae betale alimó, i haemó ayarapené yó maté wale mara mole alané ḷḷ tḷeteróló kaae taru, wae sóró kutó diratere whí beteraté wou betalepó. ⁴⁻⁵ Téyaletéi, Talené ama tukóló muló betere be ḷḷ sókó wapa, ama naale i haemó betere soné deýópóló dotḷyalepó. Ai naale ḷ kale tukóló muló betere fo aḷmó betere so whí dupuraairaaalu, ḷ ai fo aḷmó sukóló

betalepó. Atéyale alata, dā Kótóné ama naalerapetóró bitu, ama wisi wisi ɔla sǒpóló kisipa mutu erapó. ⁶ Ti noa betené meipó. Diā fea Kótóné naale senaaletóró betepa, ama naalema Yesu betale sirimó beteraaire Dēi Kepe Wisi dāné hosaa tuāmó beterópóló doteyalepó. Ai Dēi Kepe Wisi dā tuāmó betereteiné dāné kǒlómó Alima Kótópaae “Apa, Aya-ó” du beterapó. ⁷ Atéreteiné, mió diā wae sǒró kutó diratere wh̄i momó kae bitini, mo ama naale senaaletóró betereteiné Kótóné Yesupaae eratere wisi wisi ala, diāpaaekélé eraalo ai ape.

Pol-né Kalasia so wh̄imó kisipa mutu yale fo

⁸ Kótóné ama aleyóló muló betere ɔla ɔlatei Kótópóló aǒmó sukóló betepa, ai ɔlarapené diā wae sǒró kutó diratere so wh̄i betalepó. Atétu betale alata kapala kótó ai ape. ⁹ Taketa atéyaletei, mió diā mo Kótó tuérápó. Tépatei, Kótóné ama diā mo tuérápó. Atérapa, diā ai bete munire hǒko alarape aǒmó betaai momó fesaae fute? Diā atimané wae sǒró kutó diratere so wh̄i momó betaai de? ¹⁰ Ti yālo i dere fota hāle dumipó. Diaaǒtei mepaae be dē mo doasi bete mulapóló, be dērapekélé, wéliérapekélé, alirapekélé, ba forapekélé, kae tukóló mulótua dapó. ¹¹ Yālo diā tao saai dapóló doasi ketekē buóló du betale ala bete munire nisi erótu betepa, yālo diāmó kisipa mutu, ę mo doasi whaaliatu beterapó.

¹² Norape-ó, i dere fo wisiyóló wosae. Take diāné du betere ala yālo sūróló du betepa, diāné ępaae me sekēi ala erénipó. Atéyalepa, mió diāmó yālo du betere ala sūróló du betae. ¹³ Ę me tikipaae faai yaletēi hepo daayóló bitu, folosóró sukamó kale mió wosetere fo wisi yālo diāpaae yó maletei diāné ai kisipare ape. ¹⁴ Ę tikimó daayale heponé diāpaae sekēi ala eraletēi, diāné ę dei kelené kólóló faletere fokélé inipó. Ai ala ini, diāné ę Kótóné ensel aǒróló mo wisiyóló dape salepó. Ó kale Yesu Keriso ǎ wisiyóló dapesu dere kaae, ę mo wisiyóló dape salepó. ¹⁵ Diaaǒ take du betale doasi

hēkesei ala mió netéyaleé? Diāné ępaae doasi ɔletere ala mulu, kele sokóló me wh̄i matere ɔla uǎsóró, yālo kele kisi daaleteiné diāné kele sokóló ę bulólugaǒpó. Mepaae wh̄iné wosetepa, ti diāné ępaae erale ala fea yālo enérápó. ¹⁶ Mió yālo diāpaae mo bete mole fo yó matereteiné ę diāné bóe wh̄i aǒrótu betere?

¹⁷ Ai wh̄irapenéta, diā atimatamo touróló beteraai dapóló, doasi ketekē buóló atima mara mole alarape yae yóló sętu beterapó. Tépatei, atimané diāpaae ai eraai du betere alata, mo wisinipó. Ti aita, diā dātamo betāmó beteretei tekeróló, atimané dere ala sya wǒpóló, du beterapó. ¹⁸ Mepaae wisi ala yaai, kisipa mutu butere ketekēta, ti doni mo wisirapó. Diā ętamo betere sukamó maaté wisi ala eraai ketekē buni, ę alupa diāsis bitukélé ketekē buóló, ai alatóró yó tapa, mo wisirapó. ¹⁹ Yālo hosaa mole naale senaale-ó, Yesu Keriso diaaǒ betere bete tuāmó sǒró beteranée yóló mutere kisipané yālo hosaa betemó dere suputa, sorape naale sisó nukuraalu dere dele kaae momómo dapó. ²⁰ Diaaǒ du betere ala yālo wosaletēiné ę sekēi kisipa muóló fomo duraalu, diā neyóló tao saaloé du beterapó. Tétereteiné yālo i dere hapólui fo taaróló, ę diātamo betāmó bitu, naameiné dua uǎpóló, kisipa mutapó.

Hekaró Seratamopaae dó faróló dere fo

²¹ Kale tukóló muló betere fo aǒmó betaai kisipa mutu betere wh̄irape-ó, ai fo tuāmó mole fo diā wisiyóló kisi-panié? ²² Ti noatepae, i fǒ aseyóló muló beterapó. Abraham-né ama naale tamo deipakalepó. Me naale ti ama kutó dirǒpóló wae sale soné deyóo, me naale ti ama mo soné deyóo, ipakalepó. ²³ Kale kutó diratere soné naaleta, ti mo sorapené naale detere kaae yólótóró dealepó. Tēyaletei, ama mo soné naaleta, ti mo eraalopó yóló muló betere fo dokonóturaalu deipakalepó. ²⁴ I fota take mo yale alatei, mió yālo fo sale fopaae dó faróló i dapa wosae. Ai so tamota, kale dokóló mulale dirii fo tamo sū sǒró dapó. Me dokóló muló betere dirii fo, ti

Sainai hasi fosómó kaaróló sókó walapó. Ai dirii fo so kaae bitu, wae sóró kutó diratere naale senaale ditu beterapó. Ai sұratere sota, Hekar-pó. ²⁵ Hekar-ta, ti Arabia hae kwiamó daale Sainai hasipaae dó falatapó. Mió tene be hulua Jerusalem-ta, ti kale Sainai hasi fosó kaae bitu, ama naale senaale wae sóró kutó diratere so whı́tóro beterapó. ²⁶ Tépatēi, me kae taoró tene Jerusalem be huluata, wae sóró kutó diratere so whı́ kaae mei, mo be hu-luapó. Aita, dā deale so dāné haetórótípó. ²⁷ Ti noatepae, i fo aseýóló muló beterapó. “Naale senaale deni, ni daale so-ó, fo fakeýóló hēkesēi fo du betae.

Naale sisó nélitere so hajné sukutu betae.

Ti noatepa meipó. Ni daapa sisópaae eró betere soné deale naale mo dekéro betóo, whı́tamo betere soné detere naale senaale mo teraae fóo erapó,”

²⁸ Norape-ó, diāta, kale Aisak detu yale kaae, ama eraalopó yóló mulale fo mo dokonóturaalu deyale naale senaale ai betere ape. ²⁹ Até yale sukamó mo whı́né detere kaae yóló deyale naalené Dēi Kepe Wisiné fotokōné deyale naalepaae susupui ala eralepó. Até yale kaae, miókélé betā alatóró du beterapó. ³⁰ Téretei, Kótóné buk-mó noa fo aseýóló muló betere?

“Kale wae sóró kutó diratere soró ama naaletamo hōkó falae,” fo erapó.

Ti noatepae,

“Kale kutó diratere soné naaleró mo soné naaletamo alimané ɔla ɔla tuāmó bukuraḡsórópa, hōkó falae,” fo aseýóló muló beterapó.

³¹ Atérapa, norape-ó, dāta kale wae sóró kutó diratere soné deale naale senaale kaae bitini, mo soné deale naale senaaletóro ai betere ape.

5

Keriso tuāmó me alané dokoni, feléýóló betere ala

¹ Dā mené wae sóró kutó diratere whı́ kaae, dokóló muló betepa, Yesu Kerisoné teraayóló hāle beteraleteita, ama kisipa mole ala erópóló erapó. Térapa, mepaae whı́rapené diā wae sóró kutó diratere whı́

beteraaitepa, ai ala tuāpaae momó kae bitı́ feni, fotokḡ buóló diri yóló betae.

² Ęta Pol-né dapa, yało i dere fo diāné mo wisiyóló wosae! Mepaae whı́né diāpaae tiki sekaḡ tikae yóló seḡtere fo diaaḡ wosólótamo tikitepa, ti Yesu Kerisoné diā tao saaire wisi ala diaaḡ ai tikitere ape. ³ Kale yale fo momó i dere ape. Whı́ me dené ama tiki sekaḡ tukópóló kisipa mutepa, ti mepaae tukóló muló betere forape fea mo turó sya fóló enérápó. Mepaae ala maaté eróturaalu, mepaae alamo erénitepa, ti tu muni, ai mo dorapó. ⁴ Diā mepaae whı́né kale tukóló muló betere fo sya fu betepa, Kótóné me dowi ala munire so whı́pó yópóló kisipa mutepa, ti Yesu Kerisotamo tekeyóló ai betere ape. Atéturaalu, Kótóné ama hamokoróló hāle tao sere ala wisikélé diaaḡ ai taaló betere ape. ⁵ Tépatēi dāta, kale Dēi Kepe Wisiné fotokḡratepa, kisipa tiki tiraté fu betereiné take nalopaae Kótóné mo donoi so whı́pó yópóló kisipa mutu, hēkesetamo i betere ape. ⁶ Ti noatepae, Yesu Keriso tuāmó bitu, tiki sekaḡ tukóló siratere ala ó siri erénitere ala me bete munipó. Kótópaae kisipa tiki tiratere ala dā tuāmó moletei hākearóturaalu, mepaae no nerapepaae yaala sókó fole ala betā mo doasi bete mole ala ai ape.

⁷ Diā me ɔla saai sururu yóló fóló, dāle muló betere tikimó sókó faai yaletei némo sesé yaleé? Atéro sesétu betere alata, mo bete mole fo diāné wosóló sya faḡsóró, ai du betere ape. ⁸ Ti diāpaae ai dotopoi fo du betere fota, diā ḡ beterepaae ape yale seké meipó. ⁹ Wuliné apita, sawa ɔlatei fulukó furaalu, mo wuli tiki dorótu dere kaae, ai whı́rapené diāpaae yó matere foné ai du betere ape. ¹⁰ Diā me kae fo woseni, yało i dere fo betā wosóló sya faalopóló ę Tale tuāmó bitu kisipa tiratapó. Mepaae whı́ de doasi doi mole whı́ ó doi munire whı́né diaaḡ tué tiki kōló kōlóratepa, atétere whı́ doasi dowi kwia saalo ai ape. ¹¹ Norape-ó, yałotamo tiki sekaḡ tikae fo depa, ti atimané ępaae susupui ala noatepa hāle erótu betere? Yało atei kaae fo yó meluḡsóró, Yesu ni tómó sukālepóló yó matere fo wosetere hōróló sisópaae

eraterere ala uameipó. ¹² Diā kópaae falaai du betere whīrapeta, atimané tiki sekaē tukóló siriraterere ala maaté ini, mo turó tukóló taae fatepa ti mo wisirapó.

¹³ Yālo no nerape-ó, me ɔlané diā dokóló muló betaqsóró, teraae fóló hāle beterópóló, Kótóné ā beterepaae ape yalepó. Atéro teraaeyóló hāle betero beterepa, diaaɔ tó tikiné ekɛlere dowi ala yaaire tɛ melaɔse. Aténi, diā tuāmó yaala sókó fole ala duraalu, u taosu i taosu dere ala betā yó tawae. ¹⁴ Kale tukóló muló betere forape mo fea i doasi fo tuāmó bulapó. Ai fota i ape.

“Naaotei yā yaala sókó fu dere kaae, naao be whī no nepaaekélé atéro yaala sókó fu betae,” erapó.

¹⁵ Ai ala ini, yuwitamo hōle suraalu u tukósu i tukósu dere kaae depata, ti atétere alané diaaɔtei diā dóló kemeraqsóró, mo hotowa yóló kaae tawae.

Dei Kepe Wisiné fotokqró betepa dā beterapó ere fo

¹⁶ Térapa, yālo i dere fo wosae. Kale Dei Kepe Wisiné yae dere ala sya fóló erótu betae. Atétepa, ti diāné tó tikiné ekɛle yóló yaai du betere dowi ala mo yaalomeipó.

¹⁷ Ti noatepae, dāné tó tikiné ekɛle yóló du betere alané kale Dei Kepe Wisiné eraai dere alatamo bóe du beterapó. Kale Dei Kepe Wisiné kélé ama ala eraairaaalu tó tikiné eraaire alatamo bóe du beterapó. Ai ala tamo atimaamotei bóe dupa, ti diāné tó tikiné ekɛle yóló yaaitere ala mo enénipó.

¹⁸ Tépatēi, Dei Kepe Wisiné ama erae dere alatamo naao sya fóló du betepa, ti kale tukóló muló betere foné tɛteróló kaae tare aqmó yā betenipó.

¹⁹⁻²¹ Tó tikiné ekɛle yóló du betere alarape so whī feané kisiparetei dosaatapa wosae. Nópu nokole alakélé, me dowi alatamo hoseké dere alakélé, enénire mo sonaalei dowi alakélé, kapala kótó ó mepaae alarapepaae kisipa tirótu betere alakélé, isi whīné du betere alakélé, mepaae so whītamo dei kisipa mutu, hamoma hōraterere alakélé, hōle sere alakélé, me whīné dere ala kilitu, ɛkélé até enée yóló dei kisipa mutere alakélé, mo dowi fopaae butere alakélé, doasi doi

mole so whīpó yópóló du betere alakélé, mo turó so whī betepatei mepaae tóróti so whī fake tekeyóló betere alakélé, fake tuāmó teketere alakélé, mepaae whīné dere wisi ala kilitu, ɛkélé até uapóló dei kisipa mutere alakélé, dowi wēi nóló topo dotere alakélé, so whī fea touróló bitu dowi wēi nóló du betere dowi alakélé, ai dosāyale alarapekélé, mepaae dosāni yale dowi alarapekélé, tó tikiné ekɛle yóló du betere ala ai ape. Diā dowi tūpaae faqsóró, yālo diāpaae take yale ma fo kaae momó i dapa wosae. I dosāyale dowi ala du betere so whī Kótóné tɛteróló betere ala tuāmó beterénipó.

²²⁻²³ Tépatēi, niné du wisi oletu dere kaae, Dei Kepe Wisi so whī tuāmó bitu, i alarape erótu betepa kelaalo ai ape. Ne nopaae yaala sókó fole alakélé, hosaa tuāmó hāitu betere alakélé, hosaa muni deyóló mo dua betere alakélé, mené sekei ala eratepatei me ɔla meipóló, Kótóné ama kisipa mole ala erópóló, kaae tawóló dua betere alakélé, wisi kisipa muóló kōlené sukutere alakélé, mepaae so whīpaae wisi ala eratereteikélé, mepaae whīné ama eraalopó dere ala hāsókó feni, motóró eratereteikélé, naameyóló mo dua betere alakélé, whīné tó tikiné enée dere ala yaqsóró amatei ā tɛteróló kaae tareteikélé, i dosāyale alarape mo betākókélé Kótóné ama tukóló muló betere foné yaɔse yóló fo muló bitinipó. ²⁴ Yesu Kerisoné ama dape sóró betero betere so whīné tó tikimó bole ekɛleró kisipanétei senée dere alatamo alurópóló, ātamo filipaa ni tó mó oleró beterapó. ²⁵ Dā betere beteta, kale Dei Kepe Wisitóró ai ape. Térapa, ātamo betāmó titiyóló furaalu, ama dere ala sya fóló yaalopa siépe. ²⁶ Dānétei ɛta, doasi doi mole whīpóló bopé fake dere alakélé, me whī dowi kisipa muópóló sesemeraterere alakélé, mepaae whīné mole wisi wisi ɔla kilituraalu, ɛkélé ai ala enée yóló, u só derótu i só derótu dere alakélé, i dosāyale alarape fea dāné yaɔse yóló i dere ape.

6

Dowi ala dere wh̄i t̄u wisipaae f̄ópóló tao sae ere fo

¹ No nerape-ó, mepaae wh̄iné du betere dowi ala dīané kelené keletepa, D̄ei Kepe Wisiné yae dere ala sya fu betere so wh̄iné ai wh̄iné ama dere dowi ala taaróló, wisi ala momómo yópóló dua naamei ma fo yae. Tétutei, ai alané dīakélé dée nalaairaaalu s̄u sere ala eraqsóró, hotowa yóló kaae tawae. ² Yesu Kerisoné yae yóló muló betere fo eróturaalu, dīa tūapaae wou betere sek̄ei ala dīasisi u taosu i taosu du betae. ³ Me wh̄i ̄a me bete munipatei, ama kisipané ̄a doasi doi mole wh̄ipó du betepa, ti ̄a amatei dilikitu betera. ⁴ No nerape-ó, dīané ai du betere alata wisi ala dépé, dowi ala déró diaaq̄tei k̄aae kolóló taleyae. Mepaae wh̄irapené du betere ala kolósu naao dere ala kolósu yóló k̄aae kelaq̄se. Aténi, naao ditere kutó bet̄a k̄aae kolóló wisirapóló kisipa mutupa, ti yā h̄ekeseturaalu haj̄yóló betenérápó. ⁵ Ti noatepae, Talené d̄a bet̄a bet̄a so wh̄iné diyópóló tukóló muló betere kutó dekani, ai kutó amatóro dité fu betérópóló yae.

⁶ Mepaae Talené fo yó matere wh̄iné yó matere fo wosetu betere so wh̄iné wisi wisi ̄la, mepaae bukóló kale fo yó matere wh̄i ̄amo tao sóro matepa mo wisirapó.

⁷ Mené dīa dilikitere ala yaqsóró yae. Mo bet̄anékelé Kótó faletere ala mo enénipó. Ti noatepae, mepaae wh̄iné noa ̄la wae bilitepa, ti ama ai bilitere ̄latóro ̄lumétepa sua dapó. ⁸ Mepaae wh̄iné tó tikiné felé yaaitere ala sya foletiné ̄la wae kaae bilipa, ti tó tikimó kaaróló mo ti doróló aluyaaaitere ala saalo ai ape. Mepaae wh̄iné D̄ei Kepe Wisiné ama du betere ala wisi kolópóló erótu betepa, ti D̄ei Kepe wisiné ai wh̄imó mo ti betó tawaaire bete melaalopó. ⁹ D̄ané du betere wisi ala h̄oyóló taaréni, h̄ale detétóro fu betae. Ti noatepae, d̄ané du betere alatamo h̄ale yó tapa, ti ̄la ̄lumétere alimó ̄la wisi su dere kaae yaalopó. ¹⁰ Térapa, so wh̄i mo feapaae d̄ané wisi ala erótu tao saaire t̄u mupa, ti tao saalopa siépe. Téturaalu, Talepaae

kisipa tiki tiróló betere so wh̄ita, ti d̄ané ne no mo bet̄a faketéro betereiteiné atima wisiyóló tao senérápó.

Tiki sek̄e tikitere alata doasi bete muni, Keriso suk̄ale ala bet̄a ti doasi alapó

¹¹ Dīapaae i ̄latere ašeta, yālo naasenétei mo doasi yóló ai erapa kelae.

¹² Tó tikimó ere ala kilitu, wh̄i wisipóló dukiraterere fo wosaai ek̄ele du betere wh̄irapené dīapaae tiki sekaq̄ tikae yóló dotopo du betera. Ti ai du betere alata, h̄ale mei, Yesu Keriso filipaaró betere ni tómo suk̄alepóló yó mótu betereiteimó, atima susupui ala eraqsóró kisipa mutu ai du betere ape. ¹³ Ai kale tiki sekaq̄ tikire wh̄irape atima Kótóné tukóló muló betere fo feamo betere dok̄o sya fóló erótumipó. Térétei, atima ere kaae, dīakélé tikimó siriratepa, atimané dere fo bet̄a wosetapóló, atima bopé fake yaai kisipa mutu s̄etu betera. ¹⁴ Yālo dere alamó ̄ bopé faketuraaalu, yālotei yālo doi hale sóro horatere ala yaalomeipó. Aténi, d̄a t̄eteróló kaae tare wh̄i Yesu Keriso oleró betere filipaa ni bet̄a kisipa muóló, ita mo doasi bete mole alapóló bopé fake yaalopó. Ti i haemó yó mole ̄la ̄la fea ni tómo oleróo, yālo ai ̄la ̄larape saai ek̄ele yaqsóró ̄kélé ai ni tómo oleróo yalepó. ¹⁵ Tiki sekaq̄ tikitere ala, ó tikinire alata, me bete munipó. Mo bete mole alata, ti Kótóné ama kae kisi kaaró betere ala bet̄a mo bete mulapó. ¹⁶ Ai ala wisi sya fu betere so wh̄i feapaae Kótóné hosaa muni deóló mo dua betere alaró k̄lené sukóló tao sere alatamo erópóló yae. Atére so wh̄ita, Kótóné ama naale senaale Israel fake ai ape.

¹⁷ Yālo mo kemerótu dere fo i ape. Yesuné ama ala erateremó erale sirirape bet̄a yālo tikimó mulapa, mepaae wh̄iné ̄ eróturaalu, dere kae kae sek̄ei ala mo s̄upa taalae.

¹⁸ No nerape-ó, d̄a t̄eteróló kaae tare wh̄i Yesu Kerisoné hamokoróló h̄ale tao sere ala dīané kepe bete tūapaae erópóló yae. Mo kée. Táyópóló yae!

Efesus

¹ Ëta, Kótóné ama kisipa mole ala sya furaalu, Yesu Kerisoné fo erale fae yóló doteyale whi *apotel* Pol-né dapó. Yálo i dere așeta, diã Efesus be hulúamó Talené kae sóró betero betere so whi Yesu Keriso tuamó bitu, ama ala eró tare so whipaae dapó. ² Dãné Aya Kótóro dã tetetóro kaae tare whi Yesu Kerisotamoné hãle hamokorólo tao sere alaró hosaa muni deyólo mo dua betere alatamo diã tuapaae erópólo yae.

Keriso tuamó betepa Dẽi Kepe Wisinẽ hãle mótu betere ala

³ Dã tetetóro kaae tare whi Yesu Kerisoné Alima Kótóné dã hepen bemó naalema tuamó betepa kilitu, ama hepen be tuamó muó mole wisi wisi ala dãnẽ kepe bete tuapaae eró betepapó. Atẽrapa, Kótóné ama doi betã hale sóró horótu betae. ⁴ Ti noatepae, i haeró yó mole qlatamo aleyaai teópatei, dã ama keletómó me dowi alakélé ini, mo kae so whi betepópólo, dã ama so whipólo sókó sóró Yesu Keriso tuamó betepapó. ⁵ Atẽreteita hãle meipó. Dã betaaipatei dãpaae yaala sókó furaalu, ama kisipanẽ yaaire ala hãsókó feni, motóro dokonóturaalu, Yesu Kerisoné yale alanẽtei, dã Kótóné ama naale senaaletóro alerólo beteraaire ala ama taketitei tukólo munẽlipakalepó. ⁶ Dã atẽro ama yaala sókó fale naale tuamó betepa, ama mo kae ere dẽ fãane hamokorólo tao sere ala dãpaae hãle meló betereiteinẽ, ama doi betã hale sóró horótu betae. ⁷⁻⁸ Dã ã tuamó betepa, Kótóné ama hãle hamokorólo tao sere ala mo ti fãaneteinẽ, dãnẽ yale dowi alamó melaai yale kwia ama tokóló aluróturaalu, ama fãkenẽ dã dupurólo betepapó. Ai ala tómó tuẽ tiki fosó fosóre alaró fo bete diriyólo tuẽ dere alatamo mo turó melalepó. ⁹ Atẽro, ama eraai kisipa mole ala kinólo moletei, dãnẽ kolólo tuẽ yópólo hãkeamó yó melalepó. Ai yó melale alarape menẽ apaae yae yóló șeni, mo ama kisipa mole alatóro naalema Yesu

Kerisoné erópólo yalepó. ¹⁰ Ai alarape teo erótu bitutei, ama eraaire ala fea eraté fóló kemerãle furaalu, ama tukólo mulale sukamótóro ó hepen bemó betó mole so whiró i haemó betó mole so whitamo fea betãpaae tourólo, betã topo whinétóro tetetóro kaae tapa, ã aqmó betepópólo eraalopó. Ai sekẽta, ti Yesu Kerisotórotipó.

¹¹ Dã ã tuamó betepa, ama sókó sóró kae betero betereitea, hãle meipó. Mo taketi fea ala ama mo eraalopó yóló mulaletei motóro dokonóturaalu, dã mo ama naale senaaletóro beteraai tukólo mulalepó. ¹² Atẽyaaleitea hãle mei, Yesu Kerisoné dãpaae wisi ala eraalopólo, folosóro apaae kisipa tiró betere so whi dã mepaae so whinẽ kilitu, Kótóné ama kae ere dẽ wisinaale erapa kelae, yóló ã dukirópólo erótu betepapó. ¹³ Diã aluyaqsóro tao saaire mo bete mole fo wisi wosetepa, Kótóné diãkélé dãtamo tourólo Yesu Keriso tuamó betepapó. Ti apaae kisipa tiki tiratepa ama so whipólo, diaaã tikimó mo diriĩ siri mulóturaalu, ama melaalopólo tukólo mulale Dẽi Kepe Wisi mo melalepó. ¹⁴ Ai Dẽi Kepe Wisi melaaleitea, takẽ Kótóné dãpaae wisi ala mo eraalopólo kisipa muópólo melalepó. Kótóné ama dupuyale so whi mo wisiyólo betaaire tikipaae dapesó faai hãle betepa, kale Dẽi Kepe Wisi dãtamo hãle betótóro tawaalopó. Tẽpa, so whinẽ ai ere ala fea kilitu, ita Kótóné mo kae ere dẽ wisinaale erapólo, ama doi doasi mulaalopó.

Pol-nẽ Talepaae mo kée yóló moma yale ala

¹⁵ Atẽre betenẽ diã Yesu Kerisopaae kisipa tiki tiró bitu, Kótóné ama kae betero betere so whipaae yaala sókó furaalu, wisi ala erótu betepapó depa yálo wosalepó. ¹⁶ Atẽyale sukamó kaae sóró, Talepaae mo kée yóló, yálo diãmó momaraté wou betere ala kisipa ketereni, miókélé hãle yó tarapó. ¹⁷ Yálo diãmó momarótu betere ala i ape. Dã tetetóro kaae tare whi Yesu Kerisoné alimata, mo kae ere dẽ fãane Kótó betepapó. Atẽre Kótóné diaaã kepe tuapaae fosó fosói ala eróo, kinó betere ala hãkearóo, yópólo momatu betepapó. Aita hãle mei, ã etei kaae Talepólo dãnẽ

kisipa deté fópóló dapó. ¹⁸⁻¹⁹ Yálo momarótu betere ala me i ape. Kótóné ama ere de diaaḡ hosaa tuḡmó daale kelené kolópóló dapó. Take diḡpaae eraalopa ape yóló bope yale ala wisi diaaḡ kelené diriyóló kolóló tuḡ yóo, take ama de tuḡmó betaai dape saalopóló kisipa mutu, kae beteró betere so wh̄ita, Kótóné ama ke bole ḡla wisipóló tuḡ yóo, ḡ ḡpaae tuḡ tiki tiró betere so wh̄i tao sóró eratero mo kae bole fotokḡkélé kisipa yóo, yópóló momarótu beterapó. ²⁰ Ti ai fotokḡta, Yesu Keriso mo ti sukḡletei Kótóné ama momó kepaaróló beterale doasi fotokḡ kae ai ape. ḡ atéro kepaaróló, hepen be ere tikimó ama turu naase demó beteralepó. ²¹ ḡ beterale tikita, tḡteróló kae tare alakélé, ama tḡteróló kae tare tuḡmó me wh̄ipaae tḡteróló kae tawae yóló, sóró beteratere alakélé, doasi fotokḡ bole alakélé, doasi hae kwia tḡteróló kae tare alakélé, mió i alimókélé, take betaaire alimókélé, doasi doi matere alarape fea Yesu Kerisoné ama doi mole alané tḡteróló mo ti teraae falapó. ²² Fea ala feata, Kótóné Yesu Kerisoné tḡteróló kae tare aḡmó beterópóló eróo, ama so wh̄iró atima tao sóró eratero alatamo fea amatoró tḡteróló kae tanópóló topo wh̄i sóró beteróo yalepó. ²³ Ai so wh̄ita, mo ama tikitóro daaleiteiné fea ala du betere tuḡpaaekélé, kae kae ere ala tuḡpaaekélé, ama tikimó ere alatoró fḡayóló suró beterapó.

2

Dḡ Yesu Kerisotamo kepaaróló beterale fo

¹ Ti take Kótóné yóló muló betere fo diaaḡ tukóló du betale dowi ala tuḡmó sukóló molepó. ² Take diḡta, i haemó mole kae kae du betere ala sya fóló yóo, tó sḡ tuḡmó tḡ mole tiki tḡteróló kae tare kepené dere ala sya fóo du betalepó. Ai kepeta, miókélé Kótóné fo tikitu betere so wh̄i tuḡmó bitu, ama kisipa mole alatoró erópóló du beterapó. ³ Take ḡkélé fea ai ala du betere so wh̄itamo bitu, tó tikiné ekḡleyóló dowi ala yó tarepó. Atéturaalu, tó tikiné yaai hḡkesetere alaró mo hae

wh̄iné mole tuḡtamo maaté sya fu betalepó. Atétu, so wh̄i mo wh̄iné detu dere kae, ḡkélé atéreteiné Kótó ḡ fopaae butu melaaire kwia senére so wh̄i beterapó. ⁴⁻⁵ ḡané yale dowi alané ḡ sukóló mu-patei, Kótó ḡ tuḡmó kḡlené sukutere ala mo fḡanuraalu, ama ḡpaae mo doasi yaala sókó faleteiné, Kótóné so wh̄i tḡteróló kae tare wh̄i Kerisotamo ḡkélé kepaaróló beteralepó. Até yale alata, amatei diḡ ḡle hamokoróló tao salepó. ⁶ ḡ atéro, Yesu Keriso tuḡmó betereteiné Kótóné ḡ kepaaróturaalu, ḡkélé ḡtamo betḡmó kepaaróló, Kótóné ama tḡteróló kae tare tiki hepen-mó Yesu Keriso sóró beteróturaalu, ḡkélé ḡtamo betḡmó beteralepó. ⁷ Ti aita ḡle mei, ḡ fea Yesu Keriso tuḡmó betereteiné nalo bitiré faaire alimó Kótóné ḡpaae yaala sókó furaalu, ama ḡle hamokoróló tao salepó. Ai ala tuḡmó mo doasi ke boletei yó maté fu betepa ḡané kolóló kisipa yópóló erapó. ⁸ Ti noatepae, diaaḡ tuḡ tiki tiró betere ala kilituraalu, Kótóné ama ḡle hamokoróló diḡ tao salepó. Ti diḡnétei diḡ tao sere ala ini, Kótóné ama tao sere ala diḡmó ḡle malepó. ⁹ Ti aita, noa betené meipó. Me wh̄iné ama erale wisi alané yalepóló, bopé fake yaḡsóro yalepó. ¹⁰ ḡ Yesu Keriso tuḡmó betepa, Kótóné ama fosó fosói kisi-pané ḡ kisi wh̄i aleróló beteralepó. Atére beteta, Kótóné ama yaai kisipa mole ala wisi ḡané erópóló, mo taketitei taleróló munélipakalepó.

Keriso tuḡmó mo betḡ faketéro aleró beterapó

¹¹ Térapa, take diḡ Juda meire fake deóló betepa, tiki sekaḡ tukóló siriró beterapó du betere wh̄irapené duraalu, ḡta tiki sekaḡ tikipatei, diḡ tikinipóló só deróló erótu betere fo diaaḡ ai i kisi-pare ape. Ti tiki sekaḡ tukóló sirirótu betere alata, mo wh̄iné naaseneitei erótu beterapó. ¹² Diḡ atéro betale sukamó Yesu Kerisotamo betḡmó bitini, kae betale ala kisipa muae. Israel hae talerapené diḡ atimatamo toune waḡsóro sesétepa, diḡ wale so wh̄itóro bitu, Kótóné ama so wh̄i tao suraalu, eraalopó ere ala wisi

senére so whi bitinipó. Diã atéro bitu, take waaire be demó dapaae i ala wisi mo eraalopóló tuékélé muni yóo, i haemó bituraalu Kótóné dã teteróló kaae tarapó tuékélé muni yóo, eretei diaağ kisipa muae. ¹³ Ti taketa, diã mo tika kae betaletei, ama fãkené dupuyóló dapesó wóló, Kótó betere felekemó Yesu Kerisotamo betãmó beteralépó.

¹⁴ Ti Yesu Keriso aña, hosaa muni deyóló dua betere bete Tale ereteiné so whi tekeyóló fake tamo betepa, bõe amatei firóló mo betã faketóro beteralépó. Téturaalu, ai fake tamo tuãmó ere satale fisikóló taae faralépó. ¹⁵ Atéro fisikaleteita, ama tikimó erale alané kale tukóló muló betere fokélé, ai fo tuãmó mole forapekélé, etéro yae dere forapekélé fea tokóló aluralépó. Ama yaai kisipa mole alata ai tamo fake a tuãmó mo betã whitóro aleróló, bõe mo ti firaai yalépó. ¹⁶ Ai kale betã tiki tuãmó fake tamo wusuró betepa, ama filipaa ni tómó erale alané Kótótamo bõe du betaletei, touróló betãmó beteroo, kale fake tamo du betale bóekélé kemeroo yalépó. ¹⁷ Atéro a wóló, diã saletómó betó mole so whiro, felekemó betó mole so whitamopaae bõe dele ala taaróló, dua betae yalépó. ¹⁸ Ti noatepae, dã fakeró diã faketamo fea touyóló Yesu Keriso tuãmótóro bitu, Alima beterepaae sókó faaire alata, Dçi Kepe Wisiné betã fotokqratepa fenérápó.

¹⁹ Ti taketa diã kelepaa kilini, wale so whi betaletei, mió diã Kótóné so whitamo touyóló be taletóro alée fóló, mo ama naale senaale beterao. ²⁰ Kótóné ama naale senaale betere beta, hãle hae tómó tẽnipó. Ai be diriyóló daalópóló, mo diri eleké biliyóló, ai tómó be tẽtu dere kaae, aposel whiraperó Kótóné ama fo eraterer kóló whirapetamo ti be iru eleké kaae deyoo, Yesu Keriso aña, mo doasi hulua yapo eleké kaae deyoo, erapó. ²¹ Be teterer ɔla ɔla fea hulua elekémó beleróló be diriyóló daalatu dere kaae, Talené ama yale alané dã fea a tuãmó touróló bitu, ama mo kae tẽne momatere be daalópóló tẽté hutu beterao. ²² Atẽtu dere kaae, diãkélé fea a tuãmó betereiteiné Kótó a

betaaire be wisi daalópóló tẽté hutu beterao. Atéro teterer bemó Dçi Kepe Wisi betereiteiné Kótó a beterao.

3

Pol Juda meire fake tuãmó kale fo wisi yó mótu betale ala

¹ Atereiteiné aña, diã Juda meire fake so whipaae Yesu Kerisoné fo wosópóló, erótu betepa dipula sóro betero betere whi Polné dapó.

² Kótóné ama hãle hamokoróló tao sere ala diã feané tuẽ yópóló, epaae teteróló kaae tawae depa, kaae tarapó dere fo diãné wosetu yalépó. ³ Kótóné ama diã feapaae mo eraalopó yóló mulale ala take so whi feané kolóló tuẽni, kinóló moletei Kótóné epaae hãkearóló yó matepa, diãpaae sawa hãlekeróló ai aseyalépó. ⁴ Atẽyalapa, yãlo i dere fo diãné dosqaturaalu, Kótóné ama so whi teteróló kaae tare whi Kerisoné yale ala kinóló mole bete yãlo tuẽre kaae, diãnekélé tuẽ yaasepóló dapó. ⁵ Ti ai beteta, mió Dçi Kepe Wisiné Kótóné ama kae betero betere aposel whiraperó Kótóné ama fo eraterer kóló whirapetamopaae yó male kaae, mo take bitiré wale whirapepaae hãkearóló yó menipó. ⁶ Ti ai kinóló mole ala i ape. Juda meire fake so whiné kale mió wosetere kisi fo wisi wosóló, Yesu Keriso tuãmó betepa, Kótóné ama Israel so whipaae melaalopóló tukóló muló betere ɔla, Juda meire fake so whinekélé sóo, diã ai Juda faketamo betã tikitóro daayóló betoo ereteiné, atimapaee eraalopóló muló betere ala diãpaaekélé eratepa sóo yaalo ai ape.

⁷ Kótóné ama bole fotokq hãkearóturaalu, ama hamokoróló tao sere ala epaae hãle melalépó. Atereiteiné mió kale wosetere kisi fo wisi yãlo yó melópóló, a ama kutó diraterer whi sóro beteralépó. ⁸ Mepaae Kótóné so whi betó mupatei a betã doi muni, mo belei sókótei betepa, Kótóné ama hãle hamokoróló tao sere ala eróturaalu, epaae i kutó dirae yóló melalépó. Ai melale kutóta, Juda meire fake so whipaae Yesu Keriso tuãmó mole mo doasi ke bole ala wisi turó yó melópóló

ę sóró beteralepó. ⁹ Tétu, i haeró yó mole ęla ęlatamo kaarale Kótó tuámó, take bitiré wale alimó kilini kinó betere ala bete mió so whi feané tuę yópóló, ępaae kaae tawae yóló ę sóró beteralepó. ¹⁰ Ama yaai kisipa mole alata etérópó. Mió ama fake so whi tuámó erótu betere alané hepen ere tikimó betó mole teteróló kaae tare keperó fea ala teteróló kaae tanópóló male fotokótamoné Kótóné ama kae kae ere fosó fosói ala hakearatepa tuę yópóló erapó. ¹¹ Atéyaleteita, mo taketi Kótóné ama eraalopóló tukóló munélipakale ala dę teteróló kaae tare whi Yesu Keriso tuępaae erale alané dokonó beteralepó. ¹² Atéró ę tuámó bituraalu, ępaae kisipa tiki tiró betereiteiné Kótó beterepaae faaire tu mené sesénipa, halaaíné fó betę yae. ¹³ Térapa, dię tao su betere alamó ępaae i erótu betere sekei alarape kilituraalu, dię fomo yóló haepaae derepaęse. Ti noatepae, ama kae ere dę wisinaale dięné mo saaireiteiné ai sekei alarape erótu beteralepó.

Efesus so whimó mamarale fo

¹⁴⁻¹⁵ Aya Kótóné ama ai doasi wisi ala eró betereiteiné ę bukutiri teęró bitu, dięmó momarótu i betere ape. Ti ó hepen bemó betere naale senaaleró, i haemó betere naale senaaletamo feané Aya ę betę beteralepó. ¹⁶ Atére Aya betere felekemó bukutiri teęró bitu, momatu betereitei i ape. Mo kae ere ala wisinaale ę tuámó ęanuraalu, dięné kepe bete tuępaae ama Dęi Kepe Wisiné fotokę bulópóló momarótu beteralepó. ¹⁷ Atétereiteita hęle meipó. Dię ępaae tuę tiki tiró betepa, Yesu Keriso ę dięné hosaa tuámó beteralepóló kisipa mutu dapó. ę atéró betepa, ni feleke haepaae doropóló diriyóló daatu dere kaae, dię Kótóné ama yaala sókó fole ala tuámó beteralepóló dapó. ¹⁸ Dięró Kótóné wisiróló kae beteralepó betere so whitamo fea ama bulatere fotokęné Kerisoné dępaae doasi yaala sókó fole ala mo turó diriyóló tuę yópóló dapó. ¹⁹ Ti ai yaala sókó fole bete turó dę mo whiné tuęnitei diaę tuęnékélé, hosaa tuámókélé mo diriyóló tuę duraalu asa yópóló dapó. Até duraalu, Kótó ę tuámó ęayóló sęre

kaae, dię tuámókélé ęayóló sęrópóló momarótu beteralepó.

²⁰ Ti dę tuámó ama erótu betere fotokęnitei, dęné kisipané eranée dere alaró moma duraalu wosetere alatamo ama sýmó eranérapó. ²¹ ę atei kaae whi betereiteiné, dę Yesu Keriso tuámó ama fake so whi bitu, ama doi wisinaale mió i alimókélé, take betaaire alimókélé, hale sóró horaté fu beteralepóló yae. Mo kée! Téyópóló yae!

4

Yesutamo olekeyóló mo betę tikitóro daale ala

¹ ęta, Talené ala erótu betereiteiné *dipula* betereitepa bitu, yęlo diępaae ma fo i dapa wosae. Diaę du betale ala taaróló, Talené ę beterepaae ape depa wóló, ama so whitóro betereitepa wisi ala betę erótu betereite. ² Talené ama teteróló kaae tare aęmó bitu bopé faketerere ala ini, ama eraai kisipa mole ala erópóló, naaotei yę teteróló mo dua betereite. Téturaalu, naao no netamo naameyóló dua bitu, me hęsókó fole ala ó me sekei ala eratepa hapale tokę meni, mo dua kaae taté fu betereite. ³ Téturaalu, kale Dęi Kepe Wisiné dię Keriso so whi fea mo betę kisipatóro mulóló beteralepó betereitei, dięné doróló fake tekeyaęse. Aténi, hosaa muni deyóló mo dua betere alané dię fea dokóló mo betę faketeróro beteralepóló yae. ⁴ Diępaae eraalopó yale wisi ala saai ape depa yale hęta, mo betę hęitóro mulure kaae, dę fea mo betę tikitóro daayóo, Dęi Kepe wisikélé betęitóro beteralepó. ⁵ Atéru, dę teteróló kaae tare Tale betęitóro betepa, ępaae tuę tiki tiratere alakélé, ama doimó węi tóputere alakélé, mo betęitóro erapó. ⁶ Dę teteróló kaae tare Kótóta, betęitóro betepa dę fea ama naale senaale beteralepó. Atéru, fea ala amatóro teteróló kaae tawóo, mo take bitiré wale alimókélé, mió i alimókélé, take nalo waaire alimókélé, deté fu betere ala fea ę tuámótóro yóo, mepaae ere ala tuámókélé ęitóro beteralepó, erapó. ⁷ Atépatei, Yesu Kerisoné ama kisipa mole ala sya furaalu, ama hamokoróló hęle tao sere ala dę feamó dokęróro melalepó. ⁸ Atére betené Kótóné i fo aseyóló muló beteralepó.

“A kepaayóló mo ópaae huturaalu, wae sóró ama kutó diratere whirape naase tamo dokóló dapesó furaalu, mepaae wisi wisi ɔla ama fake whirape aliróló melalepó,” erapó.

⁹ Ti a “Ópaae holalepó” dere fo noa betené dérópóló, diɔ kɔló kɔló yaqsóró i dapa wosae. “Ópaae holalepó” dere fota, folosóró a mo haepaae derepelepó.

¹⁰ Atéró, kepaayóló momó ópaae huturaalu, fea tiki ɔtóró sɔróló, hepen berapekélé tɛteróló, mo ó taoró betemale sekéta me kae mei, kale hae aɔpaae derepele whi ɔtórótípó. ¹¹ Atéturaalu, ai sekéné amatóró i kutórape taleróló malepó. Mepaae whirape ama fo erɔle fópóló *apose*l doi melóló sóró beteróo, mepaae so whi Kótóné ama fo eratere kɔló whi sóró beteróo, mepaae so whi ti Kótóné fo wosenire so whi yó melópóló sóró beteróo, mepaae ti Kótóné so whi tɛteróló kaae tare *pasta* whi sóró beteróo, mepaae ti kale fo wisi yó matere whi sóró beteróo, erapó. ¹² Atéyaleteita, Kótóné ama so whiné mepaae so whipaae eraaire wisi ala etéró yae yóló yó maté fu beterópóló, yalepó. Atétere alané ama so whi Kerisoné tikitóró daayóló mo dirii so whi beteraté fenérapó. ¹³ Atétu, da fea Talepaae tué tiki tiró betóo, Kótóné naalema etei kaae whípóló bete mole fo diriyóló kisipa yóo duraalu, mo betɔ fake alée fóló mo dirii so whi betaalopó. Atéró bitiré furaalu, Keriso a me ala yaɔɔani mo turó faane whi wisinaale biture kaae, da kélé até yaalopó.

¹⁴ Atéró dirire whi betereteimó, keteirapené dere ala kaae da momó kae yaalo meipó. Beséró wɛi asyatamoné ni tiki upaae só fu, ipaae só wou dere kaae, u fo wosene i fo wosene yaalomeipó. Ti mepaae whirapené dowi ala yaai mole kisipa u tuɔpaae hiró bitu, ha le tó mó so whi dilikóló, kae kae yó matere fomó kisipa tiraalo meipó. ¹⁵ Aténi, yaala sókó fóló mo bete mole fotóró duraalu, da tɛteróló kaae tare Topo whi Yesu Keriso tuámó doaté horóló, dané kae kae dere alakélé, fea ama dere alatamotóró sɔyaalopó. ¹⁶ A atéró betereteiné, a tuámó

bole fotokɔné whiné tiki feleke diritamó olekere kaae, da fea mo betɔ tikitóró daayóló beterapó. Atéru, Talené da paae diyae yale kutó dirótu betepa, ti da yaala sókó fole tuámó doa deté faalopó.

Talené de né deyóló beteró betere naale senaale kaae betere ala

¹⁷ Térapa, da fea Tale tuámó bituraalu, ya lo i dere ma fo sya fóló mo erae. Kótóné fo woseni ha le betere so whi atima wisi ala yaaire kisipa muniru hɔko betere kaae, diá kélé ai ala momó kae yaɔse.

¹⁸ Atima hosaa taruraalu, wisi tuékélé munireteiné tikikélé dilikiyóló Kótóné mo ti betere ala tuámó bitini, tika kae beterapó. ¹⁹ Atéró, dowi alané hosaa tóruró bettereteiné, atima dere dowi ala taalaaire kisipa muni, tó tikiné feléyóló yaaire ala betɔ ha le yó tarapó. Ai ala tó mó mepaae kae kae sonaalei alakélé ha le yó taté fu beterapó. ²⁰ Té patei, diɔ Yesu Keriso kisipa deté waleteta, atimané du

betale ala sya fóló yale tikimó inipó. ²¹ Yesu Kerisoné mo bete mole fotóró mené depa diaaɔ wosóo, a tuámó betepa mené diɔpaae yó melóo, yale fo diɔné wosetu yalepó.

²² Take diɔné du betale alamó tué murturaalu, atimané diɔpaae yó malepó. Tó tikiné diɔ dilikitepa ekɛleyóló du betale alané diaaɔ kɛlaaretei tiki derɔakele kuti kaae sokóló taae falae. ²³⁻²⁴ Téturaalu, diaaɔ tué tiki kae muóló, kisi kuti derótu dere kaae, kisi whi derae. Ti ai kisi whita, Kótó tuámó mo donoi alaró kae ere de wisinaaletamo faanure kaae yóló beterópóló, kaaró beterapó.

²⁵ Atérapa, ai du betere kapala alarape mo ti taaróló, diaaɔ be whi so whipaae diɔ dokɔ feané mo alatóró erótu betae. Ti noatepae, hóró naasetamo tikimó botokó wóló, betɔ tikitóró daalure kaae, da Keriso so whi fea touróturaalu, mo betɔ tikitóró beterapó. ²⁶ “Ya fopaae buturaalu, dowi ala yaɔse,” Naa me whitamó atéró butere fopaae ha le bupatei, be de ha le kemeyaqsóró yae. ²⁷ Téturaalu, diaaɔ betere ala tuɔpaae Satan-né ama tué mole ala eraqsóró tɛ mullaɔse. ²⁸ Mepaae qlémi nuku betale whirape ai ala mo

taaróló, atima naasenétóró kutó kae dióló ọ́la nọ́póló yae. Atéró ditere kutómó botokotere ọ́la mepaae yą́yą́ dere so whímó melọ́póló yae.

²⁹ Dią́né dere foné mepaae whị́ do-raqsóró naao dere fo woseturaalu, ą́ tuą́mó mole sekę́ ó yą́yą́re ala wisiraaire fo betą́tóró yae. Dią́nétamo ai ala depa, ti ai fo wosetere so whị́kélé tao senérápó. ³⁰ Take Kótóné dią́ dupuróló beteró betereiteita, ópaae dapesó holaalopóló tuę́ muọ́póló, me ọ́la seperótu dere kaae, Kótóné dią́ ama so whị́póló dą́le mulóturaalu, ama Dẹ́i Kepe Wisi dią́ tuą́mó beteró beterápó. Atérapa, dią́né du betere alané Dẹ́i Kepe Wisi dekę́né sukutu sekę́ yaqsóró yae. ³¹ Téní, dei fomaake kisipa mutere alakélé, hapale fopaae buturaalu dere alakélé, mo hą́le fopaae butere alakélé, họ́le suraalu fo faketere alakélé, eratere fokélé, mepaae so whị́paae kae kae dei kisipa mutere alakélé, fea taalae. ³² Téturaalu, wisi tuę́ betą́ muóló, wisi alatóró eróo, kọ́lené sukutu u tao su i tao su yóo, du betae. Atéturaalu, dią́ Yesu Keriso tuą́mó betepa, Kótóné diaaą́ yale dowi ala kwia kemerótu yale kaae, dią́paae dowi ala eratere whị́né kwiakélé hą́le kemerae.

5

¹ Dą́ta, Aya Kótóné ama hosaa turó muóló, yaala sókó fale naale senaale betereiteiné ama dere alatóró dą́né sų́róló enérápó. ² Ti noatepae, felé kẹ́laa wisi Kótó beterepaae fọ́póló simó sukų́laa dalatu dere kaae, Yesu Kerisoné dą́paae yaala furaalu, ama betere bete hą́le melóló suką́lepó. Atéreteiné dą́ yaala sókó fole ala tuą́mó bitu, dą́né ne nopaaekélé atéró yaala sókó fu betenérápó.

³ Tétu, dią́ Keriso fake so whị́ tuą́mó nópu nokole ala ó, mepaae họ́ko alatamo hosekéróló du betere ala ó me ọ́la wisi dekéró senée yóló, ekę́le dere ala mo yaqse. Ti noatepae, ai alarapeta, Kótóné ama kae beteró betere so whị́né yaaire ala meipó. ⁴ Ai dosą́ayale alarape mepaae i ape. Nópu naai kisipa mutu, hą́le mulatere alakélé, tuę́ tekeyóló ini, hą́le họ́ko

dere fokélé, so whị́ tekanóló dọ́ nalatere fokélé, momókó yaqse. Ti noatepae, aita dą́né enénire alapa, Kótópaae mo kée fo betą́ du betae. ⁵ I fota, mo dapa diriyóló wosae. Nópu nokole so whị́kélé, kae kae dowi ala hosekéró du betere so whị́kélé, néli whị́ betaairaaalu wisi wisi ọ́la dekéró senée dere so whị́kélé, Yesu Kerisoró Kótótamoné tẹ́teróló kaae tare aqmó mole wisi wisi ala mo saalomeipó. Ai dosą́ayale alarape yó tare so whị́ta, Kótó aqmó sukóló bitu, ama doi hale sóró horéni, ai alarape aqmó betó moleteiné, ai ọ́la ọ́larape ti atimané Kótó aleró beterápó. ⁶ Térapa, mepaae whị́né bete muni hą́le fo duraalu, dią́ dilikaqsóró yae. Ti noatepae, atei kaae ala deremó, Kótó ą́ fopaae buturaalu, ama fo tukóló ai ala du betere so whị́paae kwia mótu beterápó. ⁷ Térapa, dią́kélé atimané ai du betere ala yaqsóró betą́mó touyóló bitu, mepaae dere ala momókó yaqse.

⁸ Ti taketa, dią́ diliki tuą́mó betaleteti, taaróló mió Talené ama ere dę́ tuą́mó ai beterapa, ai dę́né deyóló beteró betere naale senaaletóró betae. ⁹ Ti noatepae, wisi niné du wisi oletu dere kaae, dą́ dę́ tuą́mó betepa, ti ai dę́né du olerótu betaalo ai ape. Kae kae wisi ala eratereteikélé, me ala muni, mo donotóró dere alakélé, kapala fo mei motóró dere fokélé, fea ti dę́né dutóró ai ape. ¹⁰ Téturaalu, dią́né dere alamó Kótó ą́ hę́kese yaaire ala démóló, diaaą́tei ką́ae kolóló tuę́ yae. ¹¹ Tétu, diliki tuą́mó betere so whị́rapené du betere alata, du wisi oletumipa atima beterepaae feni, atimané kikiti hiróló du betere alatei so whị́ feané kolóló tuę́ yọ́póló hą́kearae. ¹² Ti noatepae, Kótóné fo tikitu betere so whị́ tuą́mó kikiti hiróló du betere ala mené teraatepa haletóró yaalopó. ¹³ Tétu betepatei, ai hiróló du betere ala fea dę́né hą́kearatepa, so whị́né kelenérápó. ¹⁴ Ti dę́néta, fea ọ́la fea kolọ́póló dę́rótu beterápó. Atére betené i fo dapó.

“Dią́ noke fire so whị́rape-ó, dią́ sukóló moletei kepaayóló betepa, ti Yesu Kerisoné dią́paae dę́raalo ai ape,” dua dapó.

¹⁵ Térapa, dią́ kisipa okokore whị́ kaae

hoko bitini, kisipa dotoroꝝ fóló mole whi biture kaae, mo hotowaró betae. ¹⁶ Mió ðata, dowi ala du betere alimó i betepa, Kótóné ama wisi ala eraaire tẽ mupa, ti ai be ðẽ dokõ fea eraté fu betae. ¹⁷ Atéturaalu, kisipa tiki okoko yóló hoko bitini, Talené ama kisipa mole ala betã kaae kolóló tuẽ muæ. ¹⁸ Topo doyaai kisipa mutu *wain* wei mo dekeró naqse. Atéro topo doturaalu, so whi feané keletómó kae kae sonaalei dowi ala kaaratapó. Atei ala ini, Ðei Kepe Wisi diã tuãmó fãanópóló yae. ¹⁹ Atéro bituraalu, Kótóné *buk*-mó aseýóló muló betere wole fokélé yóo, mió betere so whi feané tuẽre wole fokélé yóo, mepaae so whipaae Ðei Kepe Wisiné yó matere wole fokélé yóo duraalu, u yó mótu i mótu du betae. Atéro, dere wole fo diaaꝝ kólónékélé, mo hosaa tuãmókélé haítamo Talepaae feléi wole fo du betae. ²⁰ Betere dokõ fea du betere alamó, ðã tẽteróló kaae tare whi Yesu Kerisoné doimó Alima Kótópaae mo kée! du betae. ²¹ Ti Yesu Keriso aíta, doasi doi mole whi betepapóló wituraalu, diãsisí me whi aqmó bitu dere fo u wosetu i wosetu du betae.

Dokore so whipaae dere ma fo

²² Térapa, whiné dokore sorape-ó, diã ðã tẽteróló kaae tare Tale aqmó sukóló biture kaae, diaaꝝ whi aqmó betae. ²³ Ti noatepae, Yesu Kerisoné ama fake so whita, ama tikitóro betepa, a topo bituraalu, atima aluyaqsóro tao su betere whi biture kaae, whi ama soné topo betepapó. ²⁴ Atérapa, Yesu Kerisoné ama fake so whi a aqmó sukóló biture kaae, whiné dokore sorape diã fea ala duraalu, diaaꝝ whi aqmó bitu depa mo wisirapó.

²⁵ Diã so dokore whirape-ó, Yesu Kerisoné ama fake so whipaae yaala sókó furaalu, ama betere bete mótu yale kaae, diãné sopaae yaala sókó fóló, wisi ala erótu betae. ²⁶ A atéro sukãleteita haíle mei, ama dokaaire so ama fonétei wei tópuróló fokale tikimó me dowi alakélé muni, mo kae so beteralepó. ²⁷ Atétu, ama so me dowi alakélé muni, ama ere ðené kelaalo mo kokõre so beterópóló du betepapó. ²⁸ Atére kaae, so dokore

whirape diãné tiki wisiyóló kaae taru dere kaae, diãné so wisiyóló kaae taruraalu, yaala sókó fu betae. Mepaae whiné somapaae yaala sókó fóló, wisi alatamo erótu betepa, ti amatei a yaala sókó fu betepapó. ²⁹ Whi betãnekélé ama tiki hóróló bóe dele ala dumi, wotetepa ðla nóo, me ala yaqsóro amatei hotowayóló kaae tawóo dere ala so whi feané du betepapó. Atétu dere kaae, Yesu Kerisoné fake so whi amatóro mo wisiyóló kaae tarapó. ³⁰ Ti noatepae, ðata ama tikitóro betereiteiné ama wisiyóló kaae tarapó. ³¹ Atére betené i fo aseýóló muló betepapó. “Whiné ama hama alima taaróló sotamo dokotepa, ti atimaamo mo betã tikitóro daayóló betaalopó,” erapó.

³² I dere fo beteta tómó muni, mo apaae derepalapó. Tépatéi, yaío i dere fo Yesu Kerisoró ama fake so whitamó tuẽ mutu-raalu dapó.

³³ Ti mo deretei, diã so dokore whi fea diaaꝝtei diãné tiki yaala sókó fu dere kaae, diãné sokélé wisiyóló kaae taru yaala sókó fóo, sorape diãkélé diaaꝝ whi aqmó bitu, wisi ala eróo du betae.

6

Hae ayaró naale senaaletamopaae dere ma fo

¹ Naale senaale-ó, diã Talené ere fo sya fóló diaaꝝ hae ayané dere fo mo betã wosóló erótu betae. Ti aita mo dono ala dapó. ² Diaaꝝ hae aya wisi doi mulópóló, diãné wisi alatóro du betae. Ai tukóló muló betere forape kaae sóro dosãaté wapa, Talené diãpaae wisi ala eraalopó ere foró tukóló muló betere fotamo sũru folosóro mulapó. ³ Diãné hae aya aqmó betae yóló muló betere fotamo sya fóló erótu betepa,

“Ti diã i haemó fõlo sukamó bitiré fóló, mo wisi alatóro deté fu betaalopó,” erapó.

⁴ Diã naale senaale ali-ó, diaaꝝ naale senaale atima fopaae buópóló hasekaai ala eraqse. Aténi, atima Talené fo tuãmó doayóló naale senaale wisi beterópóló, ama fo etéro eraalopóló, ma fotamo dua yó maté fu betae.

Tęteróló kaae tare whįraperó wae sóró kutó diratere whįrapetamopaae ere fo

⁵ Dią wae sóró kutó diratere whįrape-ó, dią Yesu Kerisoné dere fo wosóló, ą aqmó biture kaae, i haemó dią tęteróló kaae tare whįrape kilitu wiyóló aqmó betae. Atétu, atimané yae dere fo wosóló wisi kisipatamo erótu betae. ⁶ Atétu, dią wae sóró kaae tare whįrapené dią whį wisipóló dukirópóló, atimané keletómó maaté kutó hatepaa yóló dini, atima alupakélé ó betepakélé, betą alatóró yae. Ti Yesu Kerisoné wae sóró kutó diratere whį kaae bitu, Kótóné ama kisipa mole ala eróturaalu, diaaq hosaa tuąmó ketekę buóló dirótu betae. ⁷ Atéturaalu, ita mo whįné kutópóló tuę muni, Talené kutópóló tuę mutu, diaaq hosaa turóné ketekętamó dirótu betae. ⁸ Ti noatepae, wae sóró kutó diratere whį ó hąle mo betere whį noa kaae wisi ala ó wisi kutó dirélimó, ti alamó Talené dupu melaalopó ere fo diaaq wosóló ai kisipare ape.

⁹ Tęteróló kaae tare whįrape diąkélé, atimapaae i yae dere ala kaaetóró duraaalu, diaaq kutó diratere whįrapepaae mo wisi ala erae. Atimapaae dią i kutó wisiyóló dirénitepa, diąpaae i kaae sekęi ala eraalopó wiréli fo yaqse. Atimakélé diąkélé, fea tęteróló kaae tare Tale ó hepen bemó betereitei, diaaq ai kisipare ape. Ti ai sekęta, mepaae so whįpaae wisi ala eróo, mepaae so whįpaaemo hąko ala eróo dere Tale bitini, mó betą kaae alatóró eratere Talepó.

Kótóné dąmó matere boé dele ąla waseró sepaketamo tawae

¹⁰ Yąlo mo kemeróturaalu dere fo i ape. Dią Tale tuąmó bitu, ama bole fotokę sóró betae. ¹¹ Satan-né ama yaai kisipa mole dowi ala eraqsóró seséturaalu, bóe dópóló Kótóné matere ąla ąla taaréni, mó fea deróló siki siki yóló daayae. ¹² Ti ai bóe dele alata, mo wutiró dikitamo sóró mo so whįtamo bóe dae yóló dumipó. Dąné bóe dele alata, i haemó diliki tuąmó dere ala tęteróló kaae tare topo keperapetamokélé, atima doasiné i ala yae yóló, sóró beteró betere keperapetamokélé, kae kae fotokę bole keperapetamokélé bóe

dóo, tó są tuąmó hepen kaae ere tikimó betó mulu, dowi ala eraai doasi fotokę butu betere keperapetamokélé, bóe dóo du beterapóló dapó. ¹³ Tęrapa, bóe whįné dowi ala eraaire be dę wapa, dią daale tiki taaróló botokó feni, bóe whįné yąle dią tikimó sene waqsóró sesé yaaire ąla ąla fea, Kótóné diąmó melaletei deróló betae. Atéru, bóe whį wópóló siki siki yóló, kaae tawóló daayae. ¹⁴ Atéró fotokę buóló daalu, mo fo ti to kaae sóo, bóe whįné yąle bopémó saqsóró, bóe wase dakerótu dere kaae, Kótóné dą melale donoi ala bopémó dakeróo, Talené ala erąle faairaaalu, kale kisi fo wisi hąleke be kaae horóo, mo so whįró Kótótamo bóe firóló, hosaa muni deyóló mo dua beteratere fo wisi dąné hosaa tuąmó mulóo epa, dią siki siki yóló betenęrapó. ¹⁵⁻¹⁶ Ai alarapetamo touróturaalu i alakélé yae. Dowi kepené dą siritu betere si dokole yąlené dą tikimó saqsóró sesé dere bóe waseta, tuę tiki tiratere alapa, ai ala wase kaae fosókó tawóló daayae. ¹⁷ Kótóné dą aluyaqsóró tao sere alata, bóe daai derótua dere topo tao kaae deróo, kale Dęi Kepe Wisiné fosóratere sepake tawóló daayóo yae. Ai sepaketa, ti Kótóné ama fo wisipó. ¹⁸ Atéruraalu, kale Dęi Kepe Wisiné dią fotokęratepa, betere dokę fea kae kae dere alapaekélé, kae kae wale sekęi alamókélé, Kótópaae i ala erae yóló momakélé yó tawae. Atei kaae dere moma kutirimó mulóló tuę yó taru, dią noke kęle ini, kele diriyóló bituraalu, Kótóné kae beteró betere so whįkélé fea tao sępóló momaratere ala hąle yó tawae. ¹⁹ Atétu, kale fo wisi yąlo yó melaaire sukamó Talené ama fo bete ępaae yó melópóló ęmókélé momarae. Atétepa, ti ę halaaainé daalu, kale fo wisi yó matereteiné Kótóné ama hiróló mole ala hąkearaalopó. ²⁰ Ai fo wisi yó melópóló sóró beteró betere whįtei, atima ę sein képiné dokóló *dipula* beteró beterapó. Ti aita, ępaae dirae yóló melale kutó ereteiné ę wikélé ini, halaaainé daalu yó melaai dapa, ęmó momarótu betae.

Kemeróturaalu kęleó dere fo

²¹ Yálo mo hosaa mole no Tikikasta, Talené ala erótu betere whị wisipó. Amata, yálo du betere alaró ẹ betere alatamo etérapóló, diápaae depa wosóló tué yaasepóló, ẹ diá beterepaae ai dotonaterere ape. ²² Ti ẹ doteyaa dere beteta, ẹ betere ala diáne kisipa yóo, diá ketekẹ buópóló, ama fotokọraterere fo yóo, yópóló dotonaa dapó.

²³ Diá ai be huluamó betó mole no nerape-ó, ẹ tẹteróló kaa tare whị Yesu Kerisoró Alima Kótótamo tuámó kaayóló wale hosaa muni deyóló mo dua betere alakélé, tué tiki tiraterere tuámó kaayóló wale yaala sókó fole alakélé, diá feapaae erópóló yae. ²⁴ Ẹ tẹteróló kaa tare whị Yesu Kerisopaae yaala sókó fole ala yó tare so whị feapaae Kótóné hẹle hamokoróló tao sere ala erópóló yae.

Filipai

¹ I dere așeta, Yesuné kutó diratere wh̄i Pol-ró Timotitamóné dīa Filipai be huluamó Tale Yesu Kerisoné kae beterō betere so wh̄irapepaaekélé, Keriso so wh̄i t̄eteróló kaae tare wh̄irapepaaekélé, mepaae Keriso fake so wh̄i sekēi ala depa taosu betere wh̄irapepaaekélé, dapa wósae.

² D̄ané Aya Kótóró Tale Yesu Keriso-tamo tūamó kaaróló wou betere h̄ale hamokoróló tao sere alaró hosaa muni deyóló mo dua betere alatamo dīapaae erótu beterōpóló yae.

Mo kée yóló Talepaae momayale fo

³⁻⁴ Yālo dīa tūé yó taruraalu, ę t̄eteróló kaae tare Kótópaae mo kée yóló moma yó tare dok̄o ę h̄ekesené sukutu, dīa feamó momarótu beterōpóló. ⁵ Ti noatepae, take ę dīa beterepaae sókó wóló Yesuné mió wosetere kisi fo wisi dīatamo fea bet̄amó titiyóló bitu, yó maté fu betepa diaaę ę tao siré wóló miókélé ai alatórō yó tapa, mo kée yóló h̄ajné sukutu beterōpóló. ⁶ Dīa tūapaae ai erótu betere wisi ala kaarale sek̄nétei mo ti eraté fóló tūamó taaréni, Yesu Keriso wale sukamó sókó fóló kemeraalopóló, yālo mo diriyóló tūerapó.

⁷ Dīa fea yālo hosaa tūamó muluraalu, diaaę du betere ala kolóló ę h̄ekesené sukutu betere alata doni, mo wisirapóló kisipa mutapó. Ti noa betené meipó. Ę *sein* képiné dokóló *dipula* bitukélé ó belapaae mo kuturaalukélé, Kótóné mió wosetere fo wisi h̄ale fo nisyóló só deróló aluyașóró, mo diriyóló tūé mūópóló momó du momó du yó tapakélé, Kótóné ama h̄ale hamokoróló tao sere ala dīa feané ępaaekélé eróo, yālokélé dīapaae eróo, du betere ala h̄ale yó tarapó. Ti atérō titiyóló bitu du betere ala kilituraalu, ę h̄ekesené sukutapó. ⁸ Yesu Kerisoné yaala sókó fu betere ala ę tūamó muluraalu, dīatamo betenée yóló hosaamó su beterōpóló. Até enée yóló mutere kisipa Kótóné kolóló ama mopó enérápó.

⁹ Yālo dīamó momatu betere bete i ape. Kótóné ama ere alata, tó mó mole nisi yașóró, ę betemó kaaróló wale ala wisi-naale mo turó kisipa duraalu, diaaę yaala sókó fu betere ala mo ti fakeraté f̄ópóló momarótu beterōpóló.

¹⁰ Dīa até deté fu bituraalu, kae kae yaaire alarape mupatei, mo bete mole ala tūé yópóló momarótu beterōpóló. Ai du betere alata, me alatamo hosekényi, mo wisi alamaaté yó taté fóló, Yesu Keriso wale sukamó me alakélé muni, mo donore so wh̄i beterōpóló yópóló, momarótu beterōpóló. ¹¹ Yesu Keriso tūamó kaaróló sókó wale ala wisi nokole ęla ke bulure kaae, dīa tūamó mo donoi ala wisi atérō buóló f̄apa so wh̄i feané kilitu, Kótóné ama kae ere dē wisinaale mulapóló ama doi hale horaalopó.

Pol dipula beterales alané Talené fo yó melairetei fakeralepó

¹² T̄erapa norape-ó, ępaae erale alané Kótóné mió wosetere fo wisi kejrényi, mo ti fakeraté fu betalet̄ei diaaę tūé yaasepóló i dapa wosae. ¹³ Ę Yesu Kerisoné fo erótu betale alamó, atimané ę *sein* képiné dokóló *dipula* beteralet̄ei, topo wh̄i bitua dere be wisimó betó mole diki tare wh̄iraperó mo wh̄irape featamoné kolóló kisipa yalepó. ¹⁴ Talené ala tūamó betó mole mepaae norapené ę *sein* képiné dokóló *dipula* beterales ala kolóló, atima wiyóló taarényi, halaainé bituraalu, Kótóné fo eraai doasi ketek̄e butu beterōpóló.

¹⁵ T̄étu betepatei, mepaae wh̄irapené dei tūé muóló alale suraalu, Yesu Kerisoné dere ala i ape yóló yó mótu betóo, mepaaené ti mo wisi tūétórō muóló yó melóo du betereitea, mo dapó. ¹⁶ Ai wisi tūé mulu yó mótu betere wh̄irapené kale mió wosetere fo wisi eraairaalu, ę *dipula* beterō beterōpóló tūeru, yaala sókó fóló yó mótu beterōpóló. ¹⁷ T̄étu betepatei, kale dei tūé mutere wh̄irapené hosaa tūamó atima doi sórō horaaire kisipa mulu, Yesu Kerisoné ala eratere așyóló yó mótu beterōpóló. Ti aita h̄ale mei, ę *sein* képiné dokóló *dipula* betepa, ępaae sekēi ala eraalo nisyóló, du beterōpóló. ¹⁸ T̄epatei ka-pala ala depakélé, ó mo dere alakélé ó kae

kae ala depakélé, aita me ɔlameipa, mo doasi topo ala betɔ i ape. Yesu Kerisoné dere ala i ape yóló so whi feapaae yó mótu betere alata, mo doasi bete mulapó. Atétu betere alamó ɛ hajné sukutu betteretei taaréni, mo hɔlé yótóro tawaalopó.

19 Ti noatepae, diɔné moma yó tare alaró Yesu Kerisoné doteyale Dei Kepe wisitamoné tao sóro erótu bettereimó, ɛpaae erale ala fea deté wóló kemene wouraalu, ti ɛ *dipula* betteretei taaróló, hɔlé fópóló sokaalopóló kisipa mutapó. 20 ɛ betepa ó sukutepakélé Talené ha-laaratepa halenipó. Aténi, take bitiré wou yale kaae, mió yɔlo tikimó erótu betere ala so whiné kilitu, Yesu Kerisoné doi hale sóro horateretei kelenée kisipa mutu betterapó. 21 Ti noatepae, yɔlo kisipané ɛ betere beteta, ti Yesu Keriso ɔtórótípó. ɛ sukutepakélé me ɔlameipóló mo kée yaalopó. Mió i hɔitu betere ala bosenóló mo doa hajné sukutu betaalopóló kisipa mutu, mo kée du betterapó. 22 ɛ etéro hɔlé bitirétamo fu betepa, ti yɔlo i ditu betere kutó mo du oleraalo ai ape. Ti etei kisipa motei, tɔ tamo moleteiné mé tɔpaae faaloró ɛ mo diriyóló tuénipó. 23 Atéro mutere kisipané yɔlo tiki tuámó tekéetamo dapó. Tépatéi, yɔlo kisipané mo doasi alata, ɛ sukóló fóló Yesu Kerisotamo betepa, ti mo wisirapó kisipa mutapó. 24 Ténépatéi, yɔlo diɔ yɔyɔre ala tao saairaalu, ɛ diɔtamo betere ala doni, mo wisirapó. 25 ɛ sukuni, diɔ featamo betámó bitiré faaireteiné diɔ hajné sukuturaalu, diaaɔ tué tiki tiratere alakélé mo diri deté faalopóló kisipa mutapó. 26 Atéturaalu, ɛ diɔtamo betámó bettereitiné, ɛ kilitu Yesu Kerisoné yale ala wisimó ɔ dukiróturaalu haɔtere ala diɔ tuámó mo ti fɔayaalopó.

27 Me noa alakó ɛpaae eratepakélé diaaɔ ai du betere ala taaréni Yesu Kerisoné mió wosetere fo wisi sya fóló eratere whítóro betae. Atépa, diaaɔ ɛ alupa yale ala ó ɛ diɔ betterepaae wapakélé kelerɔlemó me ala kae ini, mo betɔ alatóro epa kelaalopó. Diɔ fea betɔ kisipa muóló diriyóló betóo, diɔ mo betɔ whi kaaetóro bitu, Talepaae tué tiki tiratere ala etérópóló yó melóo, du betteretei yɔlo

kisipa yaalopó. 28 Atéru, diɔtamo bée du betere whirapené diɔpaae kae kae sekei alarape eratepakélé wiyaalomeipó. Atétere ala atimané kilitu, Kótóné dɔ mo ti doróo, atima aluyaɔsóro tao sóo, yaairemó dere fareyópupóló atima kisipa yaalopó. 29 Ti noatepae, Kerisoné ala eróturaalu, ɔpaae tué tiki tiratere ala maaté yópóló ini, ama doimó doasi sekei alakélé sópóló melalepó. 30 Ti ɛ Kótóné ala erótu betteremótei, ɛpaae kae kae sekei ala eraletei diaaɔ kelalepó. Miókélé betɔ kaae sekétóro su betterapó dere fo diaaɔ ai wosetere ape. Diɔpaaekélé atei alatóro erótu betterapó.

2

Kerisoné ama yale ala sɔróló enérápóló ere fo

1-2 Diɔ Yesu Kerisotamo touyóló betámó bettereitiné keteké bulatere ala eróo, ama yaala sókó fole alané dɔ haj kisipa mulóo, Dei Kepe Wisi dɔ fea tuámó bettereitiné mo betɔ alatóro eróo, kolené sukutu naameyóló mo dua betóo epa, ti ɛ mo doa haj yópóló, i ala yaasepóló dapó. Diɔ fea Talené ala eróturaalu kae kae tué muni, dere alakélé yaala sókó fole alakélé, keteké bole alakélé, mo betɔ alatóro yaasepóló dapó. 3 Diaaɔ me ala duraalu, ɛtóróti doasi whi betaai dapóló kisipa mutu, u tɛterótu i tɛterótu dere ala ó me bete munipatei ɛ betɔ mo whi wisi betterapóló kisipa muaɔsé. Téni, naaotei yɔ tɛteróló dua bitu, mepaae so whi dukiróló atima aɔmó betterapó kisipa muae. 4 Diaaɔ séle séle dere alamaaté kisipa muóló kaae tani, diɔné dere ala wisiyóló kaae taru dere kaae, mepaae so whikélé tao sóro atima kisipa mole alakélé wisiyóló kaae tawae.

5 Diaaɔ hosaa tuámó mole kisipata, Yesu Kerisoné kisipa kaaetóro muóló betae.

6-7 Ti ɔta, ama ere ala kae mei mo take betere Kótó bitu, ama ere alakélé Kótótamo betɔ ala eretei, atéro bitirétóro fu betaaitapóló kisipa muni, amatei ɔ belei alée fóló, mo kutó diratere whi sɔ betalepó.

Atéro betepa, mo so whiné ɔ kilituraalu, mo whipóló kisipa mualepó.

Atéro ama dere ala fea amatei  haepaae deróló beterepó.

⁸ Atéru, Kótóné fo aqomó sukóló bitiré fóló sukutere alapaae sókó felepó.

 atéro sukuturaalukélé mo whi sukutu dere kaae ini, atimané paae kisipa tiki mo fomaakei ala eróló, filipaaró betere ni tómó suklepó.

⁹ Amatei  atéro derale betené, Kótóné  tao sóró fea ala fea ama tteróló kaae tanópoló beteróturaalu, kae kae doasi doirape mupatei, ama doi doasi Tale mulalepó.

¹⁰⁻¹¹ Até yale betené mené Yesuné doi depa, hepen bemó betó mole *en-sel-nékélé* i haemó betó mole so whinékélé, i hae aqoró betó mole so whinékélé, ama doi woseturaalu, bukutiri teqaró bitu, Yesu Keriso ta Talepó yaalopó.

Téturaalu, Alima Kótóné ama ere ala wisinaale hkeamó mulaalo ai ape.

Di tumó hrené d kaae dyó falópoló yae

¹² Térapa, alo mo hosaa mole no nerape-ó, Kótóné ama di tupaae eraai kisipa mole ala wisi ai erótu betere ape. Di tamo betmó bitu, diaaq alo dere fo wosóló eraté wale kaae, mió  alupa disisi bitukélé, Kótópaae wiyóló  aqomó sukóló bitu, di aluyaqsóró tao sere ala du wisi oleyópoló eraté fu betae. ¹³ Ti noatepae, Kótóné kisipa mole ala sya furaalu, ama fo wosóló eraaire kisipa wisiró ketektamo amatei di tupaae mo surótu beterepó.

¹⁴ Di Talené ala eróturaalu, mené dere ala kilitu hko dapóló eratere foró fonétei u só derótu i só derótu dere alatamo momókó yaqse. ¹⁵⁻¹⁶ Ti aita hle mei, me alatamo hosekényi mo wisi ala maaté du betere so whi betepa kilitu, Kótóné naale senaale beterepó yópoló i dere ape. Di atéro betepa, mió i alimó betó mole so whi wuliné tu kaae kotereteinényi atima dere alakélé mo sonaalérapó. Di atei kaae so whi tumó bitu, mo ti betaaire fo wisi so whi feané wosópoló hkeamó yó mótu betepa, ti di ó smó daae mole hre dru

ere kaae, atima tumó drótu betenérápó. Atépa, ti Yesu Keriso wale sukamó,  bopé fakeyóló halaa yaaire beteta, ti di tumó alo diale kutó hle ini, du wisi olerapó yópoló kisipa mutu dapó. ¹⁷ Atépatei, diaaq tu tiki mo ti tiró bitu Kótóné ala eraté fópoló, Talené fo dipaae eraté felepó. Atéyale alata, *wain wi felé klaa* Talené kulumupaae fópoló sipaae sunée falótu dere kaae, alo betere bete di tao suraalu sukutepa ti me la mei, ditamo hiné sukóló mo kée yaalo ai ape. ¹⁸ Atérapa, dikélé  dere kaae hiné sukutu mo kée du betenérápó.

Timotiró Epararataitas-tamo dotonaai yale fo

¹⁹ Tépatei, d tteróló kaae tare whi Yesuné kisipanétamo Timoti di beterepaae wópoló epa, ti  hapale wópoló dotyaaí kisipa mutapó. Ti ta, diaaq du betere ala kolóló paae ene wapa wosetu,  hiné sukai dapó. ²⁰ Ti Timoti ta, di mo wisiyóló beterópoló kisipa mutu betere whipó. Ama kisipa kaae mole whi mekókélé tamo imó bitinipó. ²¹ Ti noatepae, i betó mole so whi feata, Yesu Kerisoné ala eraai kisipa muni, mo atimané yaaitere alamaaté kisipa mutu beterepó. ²² Téretei, Timotinényi ama du betere ala diaaq kae kolóló kisiparapó. Ti ta, bet naale ama alimatamo kutó betmó ditu betere kaae, dmo wusuró Talené mió wosetere fo wisi ketek buóló erótu beterepó. ²³ Atérenényi paae eraaire alapi kolóló, klipaaeta ti  di beterepaae hapale téti dotyaaí kisipa mutapó. ²⁴ Téró, kélé Talepaae tu tiki tiróló bitu, di beterepaae mo hapale waai kisipa mutapó.

²⁵ Atéyaaitei, alo no Epararataitas di beterepaae fesaae wópoló, mo dotonaai kisipa mutapó. Ti ta mo whi mei, dmo bet kutó ditere whi bitu, Talenényi alamó bóe daai tamo titi du betere seképoló. Ti ta,  sek yaqsóró, mepaae yre alarape tao sene wópoló diaaq  beterepaae dotyale whi wisinaale ai ape. ²⁶ Ti ama di fea kelenée kisipa mupatei, diaaq Epararataitas  kisinényi

sukóló mulapó yale fo wosaletéiné ama tué sekeyalepó. ²⁷ Ti aita mopó. A mo felekemó sukāai yaletéi, Kótóné kōlené sukuturaalu tao sale alata, āpaae maaté erénitei, ē dekené sukutere ala dekaa-poróló muaqsóró Kótóné ēkélé kōlené sukutu, ā tao sóró kepaaraleteiné mo kée dapó. ²⁸ Atéreteiné, ā mo miótitei diā beterepaae wópóló dotēyaairaalu, kisipa mutapó. Ti hāle mei, diaaā ā kolóló hāiné sukó, ēkélé whaalía du betereitei sawa feléyóló betóo, yaai dapó. ²⁹ A wapata, diā Talené ala tuāmó hāiné sukutu bitu, kōleó yóló ā mo wisiyóló dape sae. Atéturaalu, atei kaae whī doasi doi muópóló hale sóró horae. ³⁰ Ti noatepae, Yesu Kerisoné ala eraai wóputu bituraalu, ā mo felekemó sukāai yalepó. Ti noa betené meipó. Diaaā ē tao senéplatei, tao saaire tū meipa, ama ē tao sene wóló, ama betere betemó kisipa muni, sukutepakélé me ōla meipóló ē tao sere ala betā du betalepó.

3

Tó tikiné dere alamó dāné kisipa tirótumipó ere fo

¹ Yālo norape-ó, kemeróturaalu dere fo i ape. Tale tuāmó bituraalu, hāiné sukutu betae. Take yālo aseyle fo kaae momó i dereteita, sekenipó. Me alané diā só deraqsóró seséturaalu i dere ape. Ai haārapené diā tukó naqsóró mo hotowayóló kaae tawae.

² Ti atimata, dowi alamaaté hāle yó taruraalu, whīné tikimótei siri eróló, tiki dorótu betere whīrapepó. ³ Ti noatepae, take Kótóné ama so whīpóló tiki sekaē tukóló sirirótu yale kaae, mió dākéle ama so whīpóló siriró beterepó. Dā atéro betere so whī Kótóné Dēi Kepe Wisiné fotokōratepa, ā aqmó sukóló bituraalu, doa Tale-ó yóló hale sóró horótu beterepó. Ti dāta, me ala ó me whī kolóló bopé fake dumitei, dā tēteróló kaae tare whī Yesu Kerisoné doi hale sóró horóturaalu, ama ere alamó dā bopé faketu beterepó. Atétu, i haemó ayarapené kae kae mara mole alaró tó tikimó du betere alatamo mupatei, ai alarape mo bete mulapóló dāné tué tiki tirótumipó.

⁴ E atei kaae tó tikimó bopé fake yaaire bete doasi mulapó. Mepaae whī dené ama du betere alarape bete mulapóló kisipa tiki tiratepa, ti yālo i haemó dere alanéitei atimané du betere ala fea mo teraae felénérápó. ⁵ Ti ēta, hōko deale whī mei, yālo haené deóló bitiré wóló, bokó wale be dē sókó wapa, ti yālo tikimó siriralepó. Eta, be kae whī mei, mo Hibru be fo bole Israel whīkó Benjamin fakepó. Eta, dā Hibru so whīné ayarapené mara mole ala taarēni, mo wisiyóló sya fu beterepó. Atéro bitu, Kótóné yóló muló betere fo dosāyóló bete mo wisiyóló sya fu betaletéiné ē betā Farisi whī beterepó. ⁶ Atéturaalu, me kae kisi alané dāné ayarapené du betale ala aluraqsóró, mo ketekē buóló Keriso fake so whītamo bōe dóló susupurótu betalepó. Atéturaalu, Kótóné tukóló muló betere fo yālo eraté fu beterepó so whīné kilitu, me ala hāsókó fele whīpó fo ēpaae mo inipó.

⁷ Atétu betale whīte, take yālo doi muale alarape taaróló mió Yesu Kerisoné ala sya fóló eróturaalu, ai alarape fea hāle ōla aōralepó. ⁸ Ai alamaaté meitei, ē tēteróló kaae tare whī Tale Yesu Keriso āta, mo bete mole alané Talepóló, ā tué yaaitere ala doasi ketekē buóló deté furaaalu, mepaae ōla ōla fea bete muni, mo hāle taae fatere ōla kaaené kelerapó. Ti Yesu Keriso ā yālo Talepóló sóró betereóturaalu, yālo tare ōla ōla fea taaróló, mo ti kisipa keteralepó. ⁹ Kale tukóló muló betere fo sya fóló yālo erótu betaletéimó, Talené ēpaae donoi whīpó yópóló kisipa tirótumipó. Tēni, Yesu Keriso tuāmó bitu āpaae tué tiki tiratere kilitu, Kótóné ēpaae donoi whīpó eranée yóló doasi kisipa mutapó. Ti ai donoi alata, Yesu Kerisopaae tué tiki tiratere betené Kótó tuāmó wou beterepó. ¹⁰ Yālo hosaa tuāmó Yesu Keriso mo diriyóló kisipa yaai dapó. Atéru, ā sukóló momó kepaayale fotokō kisipa yóo, ama tikimó sale kae kae sekei ala ēpaaekélé eratepa sóo, ā mo dowi hale sóró sukutu yale kaae, ēkélé atéro sukāai tué mutereiteiné Talené ē mo surópóló kisipa mutapó. ¹¹ Téró, ā momó kepaayóló mo ti betere bete su yale

kaae, ɛkélé atéro momó kepaayóló mo ti betaaire bete saalopóló kisipa mutu dapó.

Dɔle molemó sókó faai sururu yóló fole ala

¹² Ti Talené ama ɛpaae eraai tukóló mulale alarape fea mió sóró tani, teórapó. Kótóné yálo du betere alakélé wisirótu betereitei mo ti wisiréni, teópó. Yesu Kerisoné ɛ tuɔpaae eraaire ala mupa, ama ɛ tawóló dape salepó. Até yaletéiné, ama ai eraaire ala hále muaɔsóró ɛ dekeyóló hále bitini, ai ala saairaalu doasi keteké butu beterapó. ¹³⁻¹⁴ Norape-ó, yálo ai saai du betere alata, mo turó sóró tanipóló kisipa mutapó. Tépatéi, yálo du betere ala betá i ape. Take deté wale alarape kisipa keteróló, tukóló muló betere dɔlemó sókó faairaalu, ketekétamo folepaaetóro fu beterapó. Aita hále mei, ɛ Yesu Keriso tuámó betepa, Kótóné ɛpaae hepen bemó mole ala wisi saai ape eretei saairaalu, muló betere dɔlemó sókó faai keteké buóló fu beterapó.

¹⁵ Talené ala mo diriyóló tuére so whi dɔ fea, atei kisipatóro muóló betae. Diákó mepaae whiné yálo i du betere fo tuámó me fokó há sókó falapóló kisipa mutepa, ti atére alakélé diaaɔ kisipa yópóló, Kótóné hákearaalopó. ¹⁶ Atéyaaiipa kaae taru, dɔné kisipa sere dɔlemótóro erótu betaalopa sae. ¹⁷ Norape-ó, mepaae whirapéné yálo du betere ala kolóló sya wou betere kaae, diákélé atétóro yae. Dɔné yó matere fo wosóló sya fu betere so whiné dere ala kolóló tué muae. ¹⁸ Ti noatepae, take yálo diɔpaae yó maté wou betale fo kaae, miókélé diɔpaae momó woletamo i dere ape. Mepaae so whiné dere alané Yesu Keriso dóló olerale nitamo bóe du beterapó. ¹⁹ Ti ai whirape atima ai ala deté fóló, mo ti aluyaaire tikipaae sókó faalopó. Atima teteróló kaae tare kótóta, ti ɔla naai ekɛlere ala ai ape. Atima haleni, mo sonaalei alatei, bete mulapóló bopé faketu beterapó. Atimané kisipa tikikélé haemó mole alapaae mutu beterapó. ²⁰ Tétu betepatei, dɔné turuku beta hepen ereteiné so whi aluyaɔsóró tao saaire Tale Yesu Keriso ɔ hepen be taaróló i haepaae wópóló, dɔ faairaalu keteké buóló kaae

tawóló beterapó. ²¹ Ti ai seké tuámóta, fea ala ama teteróló kaae tawaaire fotokɔ mo turó bulapó. Dɔ i haemó mo whiné daale tiki taaróló, ama mo kae daale dɛi tiki wisinaale kaae daalópóló eraalopó.

4

¹ Yálo hosaa mole no nerape-ó, diɔpaae yaala sókó fóló mulu yálo diɔ mo kelenée du beterapó. Ti diɔta, sururu yóló fóló, folosóró fole whiné topo tao suraalu, háiné sukutu dere kaae, diaaɔ du betere ala kolóló ɛ mo háiné sukutapó. Atéyaalopa, yálo diɔpaae ai yale fotóro sya furaalu, Tale tuámó mo diriyóló atérótóro betae.

Alale sere alamó yale ma fo

² Yálo ne Yuodiaró Sinteketamo-ó, diaamositei u teterótu i teterótu dere ala taaróló, Tale tuámó mo betá kisipatóro muóló betaeyóló diaamopaae mo dirii ma fo i dere ape. ³ Atimaamota atérapa, sekéi ala ɛtamo wusuró beletu betere whi no kamale-ó, yálo yápaae ai so tamo mo wisiyóló tao sae yóló i dere ape. Atimaamota, Klemen-kélé, mepaae ɛtamo betá kutó ditere so whikélé, dɔ fea Talené mió wosetere fo wisi eraairaalu, betámó bóe belerále fu dere kaae yale so tamopó. Ai so whiné doita, mo ti betó tare *buk*-mó asɛrapó.

⁴ Betere dokɔ fea diɔ Tale tuámó bituraalu, háiné sukutu betae. Momó dapa wosae, háiné sukutere ala hále yó tawae. ⁵ Tale felekemó ai betepa, so whi feapaae diaaɔ mo dua naameyóló du betere ala erótu betae. ⁶ Diɔ mepaae ɔla ó alarape netéro yaaloé? yóló whaalía du betaɔse. Tényi, diaaɔ yáɔtu betere ala fea Kótóné erópóló, ɔpaae yó móturaalu mo kée yóló, moma dere ala betá yó tawae. ⁷ Atétere betené diɔ Yesu Keriso tuámó betepa, me alané diaaɔ hosaaró tué tikitamo doraɔsóró Kótóné hosaa muni deyóló dua betere alanéitei, diɔ tipi yóló kaae tawaalopó. Ai hosaa muni deyóló dua betere ala wisinaale mo doasi sikipaae horeteiné fea so whiné tué yaaire mo sunipó.

⁸ Norape-ó, mo kemerótu i dere fo wosae. Mo ala dereteikélé, wisi kisipa maaté mole so whiné dere alakélé, mo donoi alakélé, me alatamo hoseké inire alakélé, kelaalo mo kokoi alakélé, so whiné kolóló dukiraaire alakélé, ai dosayale alarape taleralemó, naao yaai dere alatamo betá kaae epa, ti kelaalo mo kokoreteiné dukiraaire alapoló kisipa mutepa, ai ala erótu betae. ⁹ Yálo diápaae yó matepa wosale fo ó asemó yale fo ó yálo hále ekei depa wosaletei, ó yálo mo du betere ala kelené kelaleteikélé fea sya fóló erótu betae. Até depa, ti hosaa muni deóló mo dua betere ala matere Kótó diátamo betaalo ai ape.

Hále tao sóró matere alamó mo kée dere fo

¹⁰ Take diaaḡ ę kḡleturaalu, tao sere ala deté waleteti sawa taaróló bitiré wóló, momó tao sereteiné mo kée yóló ę Tale tuamó bitu, hájne sukutapó. Ti ita mo dapó. Take diaaḡ ę tao suḡtei, tao saaire tu me munipa tao sinipó. ¹¹ I dere fota, ę me ḡla yaḡḡtepa dumitei, mepaae kae kae sekęi alarape wapakélé me ḡla meipóló, hepée taae faróló bitiré wou betaletéiné mió ę kisipa sóró asarapoló dapó. ¹² Atéró ḡla ḡla sumó mupa betere alakélé yálo kisipa yóo, yaḡḡre tuamó betere alakélé, kisipa yóo erapó. ḡla sumó nukulé fío, munipa hále bitiré fío, kae kae felei ala ó sekęi ala wapakélé, faleyóló betaaire kisipa saletéiné mo sumó hále betenérápó. ¹³ Ti ę fotokḡ mótu betere sekę tuamó bituraalu, ai dosayale alarape fea yálo mo sumó enérápó.

¹⁴ Tépaitei, ępaae wou betale sekęi alarape diaaḡ kolóló hosaamó suraalu, dḡ feané tikimó eratapóló kisipa muóló ę tao su betale alata, mo wisirapó. ¹⁵ Ti ai alamaaté mei, ę Masedonia hae kwia taaróló diḡ Filipai bemó betó mole so whi beterepaae wua yóló, kale mió wosetere kisi fo wisi yó melaai kaae salepó. Atéyale sukamó, mepaae be hulua Keriso fake so whiné ę tao sóró u mótu i mótu dere ala ini, diḡné maaté ę tao su betale ala diaaḡ ai kisipare ape. ¹⁶ Ti noatepae, ę Tesalonaika bemó betepa yaḡḡ du betale ḡla ḡla diaaḡ

ę tao sóró dotonótua yó tarepó. ¹⁷ Ti i dere fota, diḡné ęmó me ḡlakó melḡpóló dumitei, diaaḡ take saaire dupumó kisipa mutu dapó. ¹⁸ Diaaḡ Epararataitas-paae ęmó melale fae yale ḡla ḡla fea yálo sumó saletéiné mió mo dekéró mulapó. Aita ęmó maleteti, Talepaae hále móturaalu simó bilitepa felé kḡlaa hotere kaae depa, Kótó ę felé kisipa mutu beterapó. ¹⁹ Yesu Keriso tuamó Kótóné ama kae ere dę wisinaale faane wisi wisi ḡla mo turó mulapó. Atére wisi ḡla ę tḡteróló kaae tare Kótóné diḡ yaḡḡretei fea mo sumó melaalopó.

²⁰ Dḡné Aya Kótó ḡta, ama kae ere dę wisinaale tuamó betereteiné ama doi doasi mulatere ala kemekélé ini, mo ti muó tanḡpóló yae. Mo kée.

Mo kemeróturaalu kḡleó yale fo

²¹ Yesu Keriso tuamó kae beteró betere so whipaae kḡleó yae. Ętamo betámó betó mole Keriso ne norapénékélé diápaae kḡleó dapó. ²² Kótóné ala erḡpóló ama kae beteró betere so whiné diápaae kḡleó deretei, so whi fea tḡteróló kaae tare doasi topo whi Sisané bemó betere so whinéta, mo doa kḡleó dapó.

²³ Térapa, Tale Yesu Kerisoné hále hamokoróló tao sere ala diḡné kepe bete tuapaae erḡpóló yae. Mo kée.

Kolosi

1-2 E Pol-ta, Yesu Kerisoné ala erale fópóló, Kótóné ama tuéneitei, *apotel* whi sóró beteralepó. I dere ašeta, đané no Timoti đamo wusuró bitu, diđ Kolosi bemó betó mole no nerapepaae dapó. Diđ Yesu Keriso tuámó betepa, Kótóné ama so whipóló kae beteró betereiteiné diaađ ama ala hađe eró tarapó. Đané Aya Kótóné hamokoróló hađe tao sere alaró hosaa muni deyóló mo dua betere alatamo diđpaae erópóló yae.

Talepaae mo kée yóló moma yaleteti

3 Đa tetéroló kaae tare whi Yesu Kerisoné Alima Kótópaae momaturaalu, diđ keteréni kisipa hađe yó taru, Kótópaae mo kée du beteralepó. 4 Ti noatepae, diđ Yesu Kerisopaae kisipa tiki tiró bitu, Kótóné kae beteró betere so whipaae yaala sókó fu beteralepó dere fo đané wosalepó. 5 Diaađ tué tiki tiratere alaró yaala sókó fole alatamo hađe dumitei, take nalopaae eraaire wisi ala hepen bemó mulapóló kisipa mutu du beteralepó. Ti ai eraalopó dere alata, mené diđpaae bete mole fo i ape yóló yó male fo wisi wosale betené kisipa yalepó. 6 Take mené kale fo wisi diđpaae yó matepa wosaleiteiné, Kótóné bete mole mo fo tuámó bole ama hađe hamokoróló tao sere ala mo turó diaađ kisipa yalepó. Atéyale sukamó kaae sóró, ai fo diđ tuámó fakeraté fóló du wisi oleté walepó. Atére kaae i hae kwia feamó betó mole so whi tuámókélé ai fo wisi du oleyóló fakerótu beteralepó. 7 Ai fo wisita, Epapras-né diđpaae yó matepa wosalepó. Ai seké ađa, đa betđ kutó diratere hosaa mole no bitu, đané diđ tao saalopó yale kaae, Kerisoné ala wisiyóló eró taru, ama diđ taosu beteralepó. 8 Téru, kale Đei Kepe Wisiné diđ tuápaae eratere yaala sókó fole ala diđnémo mepaae so whipaae erótu beteralepó fo đapaae ene walepó.

9 Atére betené, diaađ du betere ala đané wosale be đémó kaae saleitei, miókélé diđmó moma dere ala hađe eró tarapó. Kótóné Đei Kepe Wisiné diaađ kepe bete

tuápaae mo bete mole fo diriyóló kisipa dere alaró ama kisipa mole ala eraaire fosó fosói kisipatamo diđ tuápaae mo ti surópóló, momarótu beteralepó. 10 Ti đané momatu betere alata, diđ Talené ama so whi sutóro beteralepóló du beteralepó. Diđ atei so whi bitu, diaađ du betere alakélé fea ama kisipa feléyaaire ala eraalopó. Tétu, kae kae wisi ala deremó du wisi oleyóo, Tale a etei kaae Kótópóló kisipa deté fóo yaalopó. 11 Diđ Talené ala er- aai hōni, hađe eraté fóló wisi kisipatamo dua kaae taté fópóló, Talené ama kae ere ala tuámó bole fotokōné diđ suraalopó. 12 Diđ Ayané tetéroló kaae tare ađmó mole đe wisinaale tuámó, Kótóné kae beteró betere so whimó ama muló betere ɔla wisi diđkélé atimatamo betámó bitu sópóló, Ayané diđ suratepa hađtamo ađpaae mo kée yaalopó. 13 Dowi kisipatamo hōko tetéroló kaae tare diliki tuámó đa betepa, Kótóné tao sóró ama hosaa mole naalené tetéroló kaae tare ađmó beteralepóló dape salepó. 14 Đa a tuámó atéro betereiteiné dowi alané đa dokóló mupa, ama dupuróló hađe fópóló eralepó. Atétu, đané dowi alamó saai yale kwia fea ama hađe kemeró beteralepó.

Yesu Kerisoné ama ere alané mepaae whi ó ere ala fea bosené falapó

15 Yesu Kerisota, mo whiné kelené kilinire Kótóné a ere ala kolópóló hađkearó betere asotóro beteralepó. Téru, ɔla ɔla fea aleyaaipatei, a mo taketi hađe bitu, fea ala ama tetéroló a topo whi beteralepó. 16 I haemókélé, ó hepen bemókélé yó mole ɔla ɔla mo fea Kótóné Yesu Keriso tuámótóro kaarélipakalepó. Đané kelené kelere ɔla ɔlakélé, kelenire ɔla ɔlakélé, tetéroló kaae tare doasi topo keperapekélé, atimané tetéroló kaae tare alarapekélé, atima ađmó bitu, mepaae ala tetéroló kaae tare keperapekélé mepaae kutó tetéroló kaae tare whirapekélé fea amatóro alipakalepó. Aleyóló muló betere ɔla ɔla fea Kótóné ađpaae aleyae yóló ama naase tuámó mulatepa alipakalepó. Ti ai ɔla ɔla fea aleyóló muló betereiteita, Yesu Kerisoné ama kisipa mole alatóro

erópóló erapó. ¹⁷ Fea ɔla fea aleyaaipeitei, ɔ mo taketi haɓe bitipakalepó. Aleyóló muló betere ɔlakélé, betó mole ɔlakélé fea ɔ tuámó yó moletei, atima dokɔ feané yaai dere ala du beterapó. ¹⁸ Yesu Keriso ɔ topo bitu, da Keriso fake so whi ama tikitóro betepa, ama tetéroló kaae tarapó. Ti folosóro ɔ sukóló momó kepaareteiné daɓkélé ɔ yale kaaetóro yaalo ai ape. Atéreteiné mió ɔ fea ala fea tetéroló folosóro fale topo whi beterapó. ¹⁹ Ti noatepae, Kótóné ama ere ala mo turó ɔ tuámó faanópóló wisi kisipatamo eralepó. ²⁰ Atéturaalu, Kótóné Yesu Keriso tuámó erale alané hepen bemókélé ó i haemókélé fea alatamo touyóló betámó wisiyóló beterópóló, ama naalema filipaa ni tómó sókó fararale sameané bóe firalepó.

²¹ Take diɔ Kótótamo betámó bitini kae bitu, diaaɔ du betale dowi alané tué tuámótei Kótótamo bóe du betalepó. ²² Tépeitei, mió Keriso ɔ mo whi tiki daayóló sukáleteiné bóe firóló diɔ Kótótamo betámó beteralepó. Ti aita, Kótóné keletómó me alakélé muni, mo kae so whi betóo, haɓókó felepóló só deraaire bete munire so whi betóo, yópóló yalepó. ²³ Ti Take diaaɔ woseté wou betale fo wisipaae kisipa tiró beteretei taaréni, miókélé ai fo tuámó diriyóló bitu, nalopaae mo wisi ala kelaalopóló haɓtamo kaae taté bu betepa, ti Talené keletómó ama kae beteró betere so whi ai ape. Ai fo wisita, mepaaené diɔpaae yó matepa wosóo, Kótóné i hae kwia dokómó beteró betere so whi feapaae yó maté kweyóo, ɔ Pol-kélé ai fo yó melópóló kutó diratere whi sóro beteróo yalepó.

Pol ɔ so whi tao saaire kutó dirótu betale ala

²⁴ Yesu Kerisoné so whi ta ama tikitóro betepa, atima tao saairaalu, ama tikimó doasi seké salepó. Ama tikimó ai sale sekéi ala kwia daaleitei, mo ti kemeraairaalu, mió yaɓokélé diɔpaae kale fo wisi yó mótu beteremó, mepaae whirapené epaae sekéi ala eraleteimó mo kée du beterapó. ²⁵ ɔta, Kótóné ama so whi tao sóro kutó diratere whi bitu, ama bete mole fo mo

turó diɔpaae yó melópóló, Talené ɔ sóro beteralepó. ²⁶ Ai fota, mo taketi bitiré wale so whiné kelaɔsóro kinóló moletei, mió Kótóné kae beteró betere so whiné kolópóló haɓkearó beterapó. ²⁷ Juda meire fake so whi tuámó kae beteró betere so whipaae ai kinóló mole ala, de faanu ke wisi bulapóló tué yópóló Kótóné ama kisipanéitei haɓkearalepó. Ai ke bole wisi ɔlata, diɔ tuámó betere whi Yesu Keriso ai ape. Ai seké diɔ tuámó betereteiné, take nalopaae wisi de tuámó betaalopóló haɓtamo beterapó.

²⁸ Diɔ fea Yesu Keriso tuámó me ala haɓókó feni, mo donore so whi betepa, Kótóné keletómó yó melaai kisipa mutu, Yesu ɔ etei kaae whipóló dané yó mótu beterapó. Tétu, diaaɔ du betere hoɓo ala taaróló wisi tuɔpaae fae yóló ma fo yóo, Kótóné matere fosó fosói kisipatamo ama bete mole fo etéropóló yó melóo, du beterapó. ²⁹ Ai ala yaalopóló kisipa mutu, Yesu Kerisoné ama kutó ketekétamo depe tukówei ala i du betere ape.

2

¹ Diɔ Kolosi bemó betó mole Keriso so whikélé, Laodisia bemó betó mole so whikélé, yaɓo kelepaa kilinire no nerapekélé, Talené tao sópóló kisipa mutu, ɔ depe tukówei ala du beteretei diaaɔ kisipa yaasepóló i dere ape. ²⁻³ Yaɓo yaai kisipa mutere ala i ape. Atima haepaae derepéni, yaala sókó fole alané atima fea dokóló, mo betɔ tuétóro mulu, keteké buóló beterópóló dapó. Aita haɓe mei, mo bete mole fo sóro taru, Kótóné ama hiró betere ala wisi mo turó tué yópóló du beterapó. Ai hiró betere ala haɓkearale whi ta, me kae mei, Keriso ɔtórótípó. Kótóné fosó fosói kisiparó bete mole ala wisitamo ɔ tuámó kinóló mulapó. ⁴ Yaɓo diɔpaae i dere fota, mepaae whiné diɔ dilikituraalu, kisipa tiki tiranére fo depa mo nisiyóló sya faɔsóro dapó. ⁵ Ti noatepae, ɔta diɔtamo betámó bitini, tika kae bitutei diɔ kisipa keteréni, yaɓo hosaa tuámó tué haɓe yó tarapó. Yesu Kerisopaae diaaɔ tué tiki mo ti diriyóló tiratere alakélé, mepaae du betere alakélé hoɓo ini, donotóro du

beterapó dere fo yało woseturaalu, mo kée yóló ę hajné sukutu beterapó.

Dąta mo hae whjné dere ala sya fumi, Yesu Kerisotamo betąmó beterapó

⁶ Take diaaę Yesu Keriso dią tęteróló kaae tare Tale beterótu yale kaae, mió ama fo wosóló ą tuąmó bitu, ama erae dere alatóró sya fóló erótu betae. ⁷ Atétepa, ti diaaę betere bete mo turó Yesu Keriso tuąpaae muló betteretei ni feleke haepaae durupu dere kaae yaalopó. Dią ą tuąmó atéró bitu, take mepaae whjrapené diąpaae yó melale mo fo bete tuę yó taru, ąpaae tuę tiki tiratere ala mo ti faketé fóló, mo dirii whj betenérápó. Talené diąpaae ai erale alarapemó kisipa mutu, mo kée dere fo dekéró yó tawae.

⁸ I haemó doasi kisipa mole whjrapené mepaae bete munire fotei, bete mole fo aęróló dią dilikóló mo fo wisi taaróló, kapala fo du betere tuąmó atimatamo betteraai wae saęsóró hotowaró kaae tawae. Ti atei kaae fota, Yesu Keriso tuąmó kaayóló dumitei, mo whjné tuęre alaró i haemó tęteróló kaae tare fotokę bole kepetamoné kaarótu beterapó.

⁹ Ti noatepae, Yesu Keriso ą mo whj tikitoró daalutei, mo Kótótóró bettereteiné, Kótóné ere ala ą tuąmó mo sųró beterapó. ¹⁰ Atépa, diąkélé Yesu Keriso tuąmó bettereteiné mepaae ala yaęani, ama ere ala dią tuąmó fąanóló mo sųró beterapó. Atéru, ó sųró i haetamo tuąmó betere mepaae tęteróló kaae tare keperaperó doasi doi mole keperapetamokélé, fea ama tęteróló kaae taru, ą topo whj beterapó. ¹¹ Mo take bitiré wale Juda fake whjné mo tiki sekaę tukóló sirirótu yale kaae, dią Yesu Keriso tuąpaae bitj wale sukamó ama so whjóló siriró beterapó. Ti ai siritu, mo whjné naasené eréni, Keriso ą filipaa ni tómó sukąleteiné ąné tó tikimó bole ekęlere ala tukóló taae faralepó. ¹² Dią węi tópualeitei, Yesu Kerisotamo betąmó douralepó. Yesu Keriso ą mo ti sukąletei momó kepaaróló betterale Kótópaae ąné tuę tiki tiró bettereteiné, diąkélé kisi betere bete sųpóló ątamó betąmó kepaaróló betteró beterapó.

¹³ Diąné tó tikiné ekęlere ala tukóló taae falaai hałe muóo, take dowi ala du betóo, yale betené dią sukóló molepó. Tépa, Kótóné diąkélé Yesu Kerisotamo betąmó kepaaróló betteróturaalu, ąné dowi alamó saai yale kwia mo fea ama tokóló aluralepó. ¹⁴ ąné yale dowi alamó ą só deraai dapóló kwia betąpaaeróló muté huturaalu deąle dukų Kótóné Yesu Keriso filipaa ni tómó oleróturaalu mo ti doróló aluralepó. ¹⁵ Atéyaletéiné kale tęteróló kaae tare keperaperó doasi doi mole topo keperapetamoné tare bóe dele ęla ęla Kótóné fasó salepó. Atéró Yesu Keriso filipaa ni tómó sukuturaalu so whj feané keletómó atima só deróló mo doasi haleralepó.

¹⁶ Atérapa, mepaae whjné dią só deraaairaaalu, nokole ęla ó węi ó tukóló mole be deę ó kisi wélié sókó wapa ęla deteremó ó kutó diyaęsóró tukóló muló betere be deękélé, wisiyóló sya fumipóló só deratere fo momókó wosaęse. ¹⁷ Ti ai dosąayale alarapeta mo ala mei, Kótóné ąpaae eraaire wisi alané aso maaté erélipakalepó. Mo bete mole ęlata, ti Yesu Kerisopó. ¹⁸ Mepaae so whj tuąmó bopé faketera ala bulutei, naameyóló dua betere aę yóo, *ensel*-rape aęmó bitu, atima doi sóró horóo, du beterapó. Térapa, dią Talené muló betere ęla wisi saasepóló, atei ala ekęle yóló du betere so whj momókó sya faęse. Atei kaae so whj atima i doasi ala kelalepóló, fęlo sųyóló deté fu beterapó. Atima tuękélé Dej Kepe Wisiné meni, hęko bete munire kae kae dowi kisipa maaté faaturaalu, bopé faketu beterapó. ¹⁹ Yesu Keriso ąta, tikiné topo betepatei, atima atétu betere alané ątamo betąmó olekenipó. Dąta ama tiki bitu, ai topomó bole fotokęné tiki turó diriyóló daalępóló olekeratere feleke diriró beterapó. Atépa, ai tiki doatere alata Kótóné amatei erótu beterapó.

²⁰⁻²¹ Dią i haemó mara mole alarape tęteróló kaae tare keperapené dere fo sya fóló du betaletéi, Yesu Kerisotamo betąmó sukąle alané mo ti kemeró beterapó. Téreteiné mió dią ai ala tuąmó betepapakó, “I ęla naęse! ó I ęla tawaęse!

ó i ɔla olaa yaɔse!” yóló ere fo aɔmó bitu, sya fóló eraaloé? Mo meipó. ²² Ti noatepae, mo whiné tuénétei i ala yaɔse ó i ɔla naɔse yóló yó mótu betere fota, bete muni mo aluyaalopó. ²³ Atei kaae ala du betere so whi atima kisipa mole ala sya fóló, Tale aɔmó etéro betaalopóló yó melóo, bopé fake du bitutei naameyóló dua betere aɔyóo, atima tikimó felé dere ala ini, mo hapólui ala maaté yóo, du beterapó. Atére alata, fosó fosó ere fo aɔpatei, dɔ hae whiné dowi ala yaai ekɔlere ala sesé yaaire fotokɔ mo bunipó.

3

Kerisotamo kepaayóló betereteiné tu wisi sya fae ere fo

¹ Diɔta, Yesu Kerisotamo betámó kepaayóló betera, diaaɔ hosaa mo turó ó hepen be tuámó mole alapaaetóro muló bitu, kisipa yó tawae. Ti aimóta, Yesu Keriso ɔ Kótóné turu naase eró betere fakeró beterapó. ² I haemó mole alapaae kisipa muni, ó hepen bemó mole alapaae maaté kisipa mutu betae. ³ Ti noatepae, Yesu Keriso sukɔle sukamó diɔkélé ɔtamo sukóló, mió diaaɔ betere bete Yesu Kerisotamo Kótó betere tuámó kinóló mulapó. ⁴ Diɔ betere bete Yesu Keriso ama ere dɔ wisinaaletamo sókó wale sukamó, diɔkélé ai dɔ tuámó betepa so whi feané kelaalo ai ape.

⁵ Térapa, dɔ so whiné tó tikiné i haemó mole alarape yaai ekɔlere ala mo ti dóló alurae. Aita, so nópu nokole alakélé, sonaalei dowi alatamo hosekétere alakélé, me ɔla senée yóló au nokole alakélé, dowi kisipa mutere alakélé momókó yaɔse. I haemó mole wisi wisi ɔla senée yóló ekɔletere alata, kapala kótópaae moma dere aɔrapó. ⁶ So whiné ai alatamo hɔle du betepa, ti Kótóné fopaae buturaalu dowi kwia melaalopó. ⁷ Take diɔ mo hae whi doi muóló betale sukamóta, ai dosɔayale alarape sya fóló du be-talepó. ⁸ Téyaletéi mióta, ai du betale dowi alarape derɔakele kuti sokóló taae fótu dere kaae, mo ti taae falae. Ai alarape i ape. Fopaae butere alakélé, fopaae buturaalu me whipaae eraterere dowi alakélé,

dei kisipa mutu me whipaae eraterere sekei alakélé, me whi eróló doi doraterere alakélé, dowi teka fokélé, mo taalae. ⁹⁻¹⁰ Téturaalu, diɔ take daayóló betale tikiró yale alatamo sókóló taae faróló, mo bete mole fo tué siré furaalu, kisi whi aleraté fu beterapó. Ai kisi whi kaarale sekéné asotóro betera, diɔsisi kapala fo yaɔse. ¹¹ Dɔ mió i betere kisi ala tuámó mepaae whi Juda fake betepa ó Juda meire fake betepakélé, me ɔla meipó. Mepaae whi tiki sekaɔ tukóló siriró betepa ó siriró bitinipakélé, me ɔla meipó. Krik be fo buni, kae hae kwiamó wale whi ó me ɔla kisipani, mo belei sókó deyóló betere whikélé, kutó dirópoló wae sóro betero betere whikélé, ó wae sini mo hɔle betere whikélé, me ɔla meipó. Mo doasi bete mole alata me kae mei, dɔ fea tuámó betere whi Yesu Keriso ɔtóro ai ape.

¹² Atépa, Kótóné diɔ yaala sókó furaalu, mo kae so whi beterópoló sókó su erapó. Térapa, mepaae so whipaae yaala sókó fu kɔlené sukutere alakélé, mo wisi ala maaté eratereteikélé, deróló mo dua betere alakélé, ama enére ala taaróló, naame yóló mo dua betere alakélé, fopaae butere ala hapale ini, sekei ala hɔle beleyóló kaae taté fu betereteikélé, ai dosɔayale alarape feata, kuti derótu dere kaae yóló betae. ¹³ Mepaae whi hɔsókó fóló dere alamó sekei kisipa muóló, foné hapale só deraterere ala ini, me ɔla meipóló kisipa keteróló, sekeitei beleté fu betae. Ti noatepae, Talené diaaɔ dowi ala fea me ɔla meipóló kemerótu yale kaae, mepaae whiné diɔpaae me kwia muló betepa, me ɔla meipóló hɔle kemerae. ¹⁴ Ai alarape fea tɔteró betere doasi bete mole ala i ape. Kutiné tiki turó husirótu dere kaae, ne nopaae kɔlené sukóló yaala sókó fole ala betɔ hɔle yó tawae. Ti ai yaala sókó fole alanéta, kale dosɔaté wale wisi alarape fea touróló dokorapó. Atére alané dɔ fea wisi kisipa muóló beterópoló, mo ti suró beterapó.

¹⁵ Atéru, Yesu Kerisoné mótu betere hosaa muni deyóló mo dua betere alané diaaɔ hosaa tuámó mole kae kae ala fea taleyóló tɔteróló kaae tanópoló yae. Ti noatepae, Talené diɔ fea ɔ beterepaae

ape yóló, mo betã tikitóro daaróló betero betepapó. Atére alata, diaaõ mole kisi-pakélé mo betãtoró muóló betepópóló er-apó. Térapa, diaaõ hosaa tuãmó Talepaae mo kée dere ala suka fea hãle yó tawae. ¹⁶ So whi bemó suka fea bitu dere kaae, Yesu Kerisoné ama fo diaaõ hosaa tuãmó mo ti muóló surópóló yae. Atéru, Talené ala eraairaalu, mo wisi kisipatoró muóló, u yó mótu i yó mótu dere alakélé, tu wisi sya foletéi hãsóko fólo dée naaitere tuãpaae faqsóro, ma fo u du i du dere alakélé hãle yó tawae. Tétu, Kótópaae wole fo duraalu, ama *buk*-mó aseýóló muló betere wole fokélé yóo, mió i alimó du betere wole fokélé yóo, mepaae so whipaae Deji Kepe Wisiné yó matere wole fokélé yóo duraalu, haítamo diaaõ hosaa turóné Kótópaae mo kée du betae. ¹⁷ Atétu, diaaõ mepaae dere ala ó dere fokélé fea ðã tetepóló kaae tare whi Yesu Kerisoné doi doasi mulóturaalu, ai sekéné ama doimó Aya Kótópaae mo kée du betae.

Keriso so whi atima naale senaale tamowisiyóló betae yóló dere ma fo

¹⁸ Diã whiné dokore sorape-ó, diaaõ dere ala mo Talené so whiné dere ala kaaetóro yaasepóló, diaaõ whirapené dere fo wosóló aqmó betae.

¹⁹ Diã so dokore whirape-ó, diaaõ sorapepaae hapólui ala ó deteraai fo ini, yaala sóko fole alatóro yó tawae.

²⁰ Diã naale senaale-ó, diaaõ hae ayané dere fo wosóló aqmó betae. Atétere ala Talené kilituraalu, ã hãkesetu betepapó.

²¹ Naale senaale alimarape-ó, diaaõ naale senaale atima fomaake kisipa muaqsóro hasekãai ala eraõse.

²² Kutó dirópóló wae sere whirape-ó, i haemó diã tetepóló kaae tare whirape aqmó bitu, atimané erae dere ala fea erótu betae. Atimané kisipa tiki felé yópóló, atima keletómó maaté kutó hatepaa yóló ini, betepa ó alupakélé, betã alatóro yó tawae. Atimané diãpaae dirae dere kutó diróturaalu, wisi kisipa betãtoró muóló, Talepaae witamo dirótu betae. ²³⁻²⁴ Diã tetepóló kaae tare whita mo

whitei, yãlo i ditu betere kutómó Talené dupu wisi melaalopóló, wisi kisipatamo ketekẽ buóló dirótu betae. Ti naao ai ditere kutóta, yã tetepóló kaae tare whi Yesu Kerisoné kutópóló kisipa muae. ²⁵ Téretei, Talené keletómó diaaõ me dowi alatamo depa, ti ai alamó mo dowi duputóro tokó melaalo ai ape. Ti noatepae, Kótóné taleturaalu, mepaae whirape tao sóo, mepaae whirapemo só deróo ini, mo betã kaae alatóro eraalopó.

4

¹ Wae sóro kutó diratere whi tetepóló kaae tare whirape-ó, diãkélé tetepóló kaae tare doasi hepen bemó betepapóló kisipa mutu, Kótóné donoi ala eróturaalu, diaaõ wae sóro kutó diratere whirape atimakélé, diãkaae mo whitóro betepapa, wisi alatóro erótua yae.

Mepaae dere alarape hotowaró duraalu moma yae dere fo

² Diaaõ momaturaalu, noke keleiné ini, kele diriyóló bitu, hosaa tuãmó Talepaae mo kée yóló betere dokõ fea moma dere ala hãle yó tawae. ³ Téturaalu, Tale Kótóné ama kinóló mole fo so whi feapaae yó melaaire tu tukiyópóló, ðãpaaekélé moma dere ala hãle yó tawae. Ti ai kinóló mole foné, Yesu Kerisoné diã Juda meire fake so whikélé tao saalopó. Atéyaaire fo wisi yó maté kutu betepa, atimané ã *dipula* sóro i betero betere ape. ⁴ Talené fo yãlo yó matepa, so whi feané wosóló bete mo wisiyóló kisipa yaaire fotóro yó melópóló momarótu betae. ⁵ Keriso meiyóló, hãle belapaae betere so whitamó diaaõ mepaae ala duraalu, Talené matere wisi kisipatamo ama ala eraaire be ðẽ mepaae hãle kemeraqsóro, ama alatóro erótu betae. ⁶ Atéturaalu, mepaae mo so whitamó diaaõ dere fokélé, Talené hamokoróló tao sere ala mo fãayóló suru, naao ai dere fo atima feané wosetepa, kó felé kaae dapó yópóló yae. Atéturaalu, mepaae so whiné diãpaae kae kae wosetere fo depa, tokó melaaire fo kóló kóló ini, mo donotóro tokó melaalopó.

Mo kemeróturaalu kóló dere fo

⁷ Yálo mo hosaa mole no Tikikas-né ę betere ala etérapóló diápaae yaalo ai ape. Ti ąta, ętamo Talené kutó diratere whį wisinaale betepa, dią beterepaae wópóló dotęyaai dapó. ⁸ ą atéro wouraalu, ąané du betere alakélé diápaae yóo, dią fotokę bulatere alakélé yóo, yópóló dotonatapó. ⁹ Diaaę be whįkó ąané mo hosaa mole no Onesimas-kélé, Talené kutó diratere whį wisinaale Tikikas-tamo wópóló dotęyaai dapó. ąané imó du betere ala fea ti atimaamoné diápaae yaalo ai ape.

¹⁰ ętamo betámó *dipula* betere whį Aristarkus-né diápaae kęleó dapó. Banabas-né belema Mark-nékélé diápaae kęleó dapó. Ai sekęmó kisipa mutu yálo take diápaae yale fo diaaę kisiparapa, ą wisiyóló dape sae. ¹¹ ąą tęteróló kaae tare whį Yesuné yakoma Yesu doi mupatei, Jastus-pó du betere whįnékélé diápaae kęleó dapó. Talené tęteróló kaae tare tuámó mole ala erótu betere whįrape kuamó ętamo kutó ditere Juda fake whįrapekó sore betą beterapó. Aita Mark, Jastus, Aristarkus atimané yálo kisipa felérótu betalepó. ¹² Dią be whįkó Yesu Kerisoné kutó diratere whį Epapras-né diápaae kęleó dapó. Betere dokę ama diámó momatu betereitei i ape. Kótóné dią fotokę bulóo, ama diápaae eraaire ala turó eróló suróo, Kótóné ama kisipa mole ala mo turó diaaę tuę yóo yópóló, ketekę buóló momarótu beterapó. ¹³ Yálo diápaae mo i dere ape. Ai sekęné diámókélé, Laodisia beró Hierapolis be huluatamomó betó mole Keriso so whįpaaekélé, me sekei ala eraqsóro, ama hosaamó suraalu kutó ditu beterapó. ¹⁴ ąané hosaa mole no *Dokta* whį Luk-ró Demas-tamoné diápaae kęleó dapó. ¹⁵ Laodisia bemó betó mole ąané Keriso ne nopaaekélé, kale so Nimparó ama bemó touróló bitua dere Keriso so whįtamopaaekélé, yálo kęleó dapó yae.

¹⁶ Yálo i dotonatere asę diaaę dosąayóló kemetepa, ti Laodisia Keriso so whįnékélé dosąayópóló melae. Yálo atimapaee dotonale asę diaaękélé dosąayae.

¹⁷ Artipus-paae Talené yápaee dirae yale kutó diróló, mo ti kemerae yae.

¹⁸ ęta, Pol-né dapó. Yálo diápaae kęleó yóló i asętere fota, mo yálo naasenétóro ai erapa kelae. ę *sein* kępiné dokóló *dipula* betereitei kisipa keteréni, kisipatóro hąle yó tawae. Kótóné hąle hamokoróló tao sere ala dią tuámó mulópóló yae.

1 Tesalonaika

¹ I dere asęta, ę Pol-nę dapó. Sailas-ró, Timotitamokélé dę fea betamó bitu-raalu, dię Tesalonaika be huluamó betó mole Keriso so whįpaae i dapa wosae. Dię Keriso fake Aya Kótóró Tale Yesu Kerisotamoné ala tuamó betepa, Kótóné ama hamokoróló tao sere ala wisinaaleró hosaa muni deyóló mo dua betere alatamo dię tuamó mulópóló yae.

Tesalonaika so whį Talepaae tuę tiki tiró betepa, Pol-nę mo kęe yale fo

² Dię fea dęné kutiri tuamó muó taru, mo kęe yóló Talepaae moma dere ala hęle yó tarapó. ³ Atéró, Aya Kótóné keletómó moma yó tare alata, diaaq kisipa tiki tiró betere alané kaarale kutórapekélé, kęlené sukóló yaala sókó fole alané kaarale depe tukó wei alakélé, take nalo waaire sukamó, Tale Yesu Keriso tuamó wisi ala mupa kelaalopóló kisipa mutu, hókélé ini, hęle eró tare alamókélé, mo kęe yóló Talepaae moma du beteropó.

⁴⁻⁵ Kótóné yaala sókó fu betere norape-ó, Talené dię fopeyóló sókó suyóló beteró betereitei, dęné tuęrapó. Ti noatepae, mió wosetere kisi fo wisi dęné diępaae Kótóné fotokqtamo yó matepa dięné woseturaalu, hęle tó tikiné maaté wosetere ala inipó. Mo bete mole fopóló Dęi Kepe Wisi dię tuamó fęayóló sųreteiné diaaq hosaa betemó salepó. Dię wisiyóló beterópóló kisipa mutu, dę diętamo betaleteti dięné ai kisipare ape. ⁶ Atéturaalu, dępaaekélé, Talepaaekélé, dua yale dowi sekęi ala kaae, diępaaekélé erótua yalepó. Atétepatei, me ęla meipóló hepęe taae faróló, Dęi Kepe Wisiné matere hęitere ala mulu, kale fo wisi mo wisiyóló wosetu betaletépó. ⁷ Atére ala Masedonia hae kwiaró Akaia hae kwiatamomó Yesupaae kisipa tiróló beteropó dere fo wosetu, atimakélé, atéró betaai dapóló kisipa mualepó. ⁸ Talené ama fo wisi, dię betere tikimó kaayóló, Masedonia hae kwiaró Akaia hae kwiatamopaaekélé yó melaté fóló fakeralepó. Atéturaalu, dię Tale

Kótópaae kisipa tiki tiró beteropó dere fo hae kwia feamó betó mole so whįné wosalepó. Atęyaleteiné dęné me kae enénipó. ⁹ Ti noatepae, ai be huluamó betó mole so whį diaaq dę wisiyóló dape sale ala atimanéitei mepaae so whįpaae yalepó. Dię kapala kótóné ala erótu betaleteti taaróló, ti betere Kótóné ala eraai walepó. ¹⁰ Atéru, ama kepaaróló hepen-mó beteró betere Naale wópóló kaae tawóló beteropó dere fokélé so whį feané wosalepó. Ti ai sekę ęta, Kótóné fopaae buturaalu kwia melaaire ala dępaae eraęsóró, tao su betere whį Yesupó.

2

Pol Tesalonaika be huluamó fo yó maté kwęale fo

¹ Norape-ó, take dę diętamo sawa hęleke sukamó bitu, eraai wale ala hęsókó feni, mo eraleteti diaaq ai kisipare ape. ² Take diaaq bepaae waai, Filipai be huluamó betepa erale sekęi alaró, halerale alatamo dięné kisiparapó. Téteitei, dęné Aya Kótóné dę tao su betepa, halainé diępaae ama fo wisi yó mótu betaletépó. Ai ala du beteremó, mepaae whįrapené dę daai ketekę butepatei, wiyóló taaręni, hęle yó matere ala betę du betaletépó. ³ Ti noatepae, dęné diępaae du betere bete mole fota, hęko ala tuamó kaayóló ini, mopóló diaaq sya faasepóló dapó. I foné dię dilikóló me ęla saai ó dię doraaire kisipa muluraalu dumi, motóró i dere ape. ⁴ Tęni, Kótóné ama fo wisi yó melópóló, dę ama fopeyóló sóró beteró betepa, ama fo wisi dęné diępaae i yó mótu betere ape. Dęné i du betere ala, mo whįrapené kilitu, wisi ala dapóló dę dukirópóló dumitei, dęné hosaa tuamó mole ala kęae keletere Kótóné kolóló, wisirapó yópóló du beteropó. ⁵ Dęné diępaae Kótóné fo yó móturaalu, dięné me ęla ęla saai dapóló fonęitei dię hęle mulóló, dilikiniyale ala diaaqkélé kisipa yóo, Kótónékélé kisipa yóo erapó. Ti noatepae, dęné du betere ala feata, Kótóné ama kele tómotóró du beteropó. ⁶ Ti dęné i du betere alata, diaaq ó mepaae whįrapenékélé wosóló dę dukirópóló dumipó. Ti dęta, Kerisoné

ama soro betero betere yo matere whirape bituraalu, da fiyaaire be o naaitere q̄a dīapaae tao sae yaalopolo yalet̄ei, dīa sek̄e yaqsoro kisipa mutu taaralepo.

⁷Teturaalu, beta soné ama naale senaale awa nopoló dua bitu dere kaae, da dīatamo naameiné dua beterepo. ⁸Dané dīa yaala sókó fole ala mo turó mulu, Kótóné kisi fo wisi yo matere ala maaté ini, dīa tao saai wisi kisipatamo dané betere betekélé malepo. Ti noatepae, dīa dané hosaa mo turó mole ne no alée feleteinépo. ⁹Norape-ó, da dīatamo bituraalu yale alarape fea kisipa muae. Kótóné fo wisi yo motu bitu, mepaae dané naaire q̄a o be dīapaae maaté sek̄e eraalomeipolo kisipa mutu, detamokélé, dikitamokélé, danétei doasi depe tukó wei ala du betalet̄ei diaaq̄ ai kisipare ape.

¹⁰Tétu, dīa kisipa tiki tiró betere so whi tuamó da betale ala dīanékélé Kótónékélé, kololó ai kisipare ape. Kótóné ama soro kae betero betere whirapéné dere ala yoo, mo donoi ala maaté dere whirape betoo, me dowi alakélé munire whi betoo, erepo. ¹¹Ti noatepae, whi betané ama naale senaale kaae tatu dere kaae, dané dīa dokó fea atéro kaae taté fu betalet̄epo. ¹²Até yalet̄ei dīa Kótóné ama tetéroló kaae tare alaró ama kae ere ala wisitamo tuamó betaai ape yalepo. Atéru, ai sekéné mo ama so whi su beteropolo kisipa mutu, dané dīa fotokoroló ketek̄e bulatere fo yoo, sek̄ei alané só deraqsoro hajratere fo yoo, duraalu, setere ala du betalet̄epo.

¹³Teturaalu, miokélé Kótópaae mo kée yo tare alata, noa betené meipo. Dané dīapaae yo matepa, wosetu betale fota, mo whiné fo yo matapolo kisipa muni, Kótóné ama fotoró yo matapolo hosaamó salepo. Ai fota, dīa tué tiki tiró betere so whi tuamó muluraalu, ai fonétei Kótóné ama kisipa mole erótu beterepo. ¹⁴Norape-ó, Judia haemó Yesu Keriso tuamó betere Kótóné fake so whipaae erale sek̄ei alamó kisipa muae. Ti atimapaee ai erale susupui alata, atima Judia fakenétei eralepo. Atétu yale kaae, diaaq̄ be whinétei, dīapaaekélé ai alatoró eralepo. ¹⁵Ti ai Judia whirapénéta,

Tale Yesu Keriso doo, Kótóné ama q̄oló whirapekélé dolo kemeroo, dakélé i fo wisi atimapaee yo melaqsoro hokó faloo yalepo. Juda fake mei, kae fake so whi mo ti aluyaqsoro Kótóné tao sopolo dané atimapaee kale fo wisi yo motu betepatei, atimané sesetu betalet̄epo. Atétere alané so whi featamo boe doo, Kótokélé fopaae buloo, yalepo. ¹⁶Atéturaalu, atimané ai du betere dowi ala mo ti muté hutu betepa, Kótóné fopaae buoló kwia melaai doasi ketek̄e butu betale ala kemerale wouraaalu mo ai melale ape.

Pol q̄ Tesalonaika so whi k̄ele fenée du betalet̄ei

¹⁷Térapa norape-ó, dāta dīatamo betamó betaai yalemó, boe dolo foya yalet̄einé da kae betoo, dīa kae betoo, ai ere ape. Tereitei, dané dīa kisipa keteró bitini, hale kisipa yo tarapo. Téruraalu, dané dīa kelenée yoló kisipa mutu, dīa beterepaae waaire tu kikitu betale supó. ¹⁸Ti noatepae, da dīa beterepaae waaai dapolo e Pol-né tu dekéro kikitu betalet̄ei, Satan-né da waaire tu seséyalepo. ¹⁹⁻²⁰Ti noatepae, take waaire alimó wisi ala kelaaí dapolo hajné sukutere beteta, me q̄a kae mei, dīatorótipo. Tale Yesu q̄ waaire sukamó da fea atamo betamó betó muluraalu, noa ala epa kilitu da hajné sukóló bopé fake yaaloé? Ti atéro hajné sukóló bopé fake yaaitere alata, dīatoró kilitu, doasi doi soro hajné sukāalopó. Atéro, mepaae q̄a wisi saairaalu whi fea sururu yoló folet̄ei, beta folosoro sókó fole whiné topo tao soro h̄kesené sinitu bopé faketu dere kaae, danékélé dīa kilitu atei kaae ala yoló, mo kée yaalo ai ape.

3

¹Téro da Atenis be huluaamó betó mulu, dīa netéro betereropolo, da whaaliatu betalet̄epo. Tétu, dasisi taleyoló damo i Atenis bemó bituraalu, Timoti dīa beterepaae ai doteyale ape. ²Dané no Timoti q̄ta, Yesu Kerisoné mió i wosetere kisi fo wisi so whipaae eroló fakeraté fopoló, datamo betamó bituraalu, Kótóné kutó diratere whipó. Ti ai sek̄e dīa beterepaae dotonatereteita, hale meipo.

Diaaꝓ kisipa tiki tiróló beteretei, mió ai wou betere sekęi alarapené haepaae só deraꝓsóró ą diꝓtamo bitu, diꝓ fotokꝓ bulatere ala yóꝓóló ai dotonale ape. ³ Mió dą feapaae i erótu betere sekęi alarape, mené dąpaae eratepa, beleyóꝓóló Talenétei tukóló muló beteretei diaaꝓ mo kisiparapó. ⁴ Ti i dere fota kapala mei, dą take diꝓtamo bituraalu, doasi sekęi ala mo waalopóló diꝓpaae inié? Ai yale fo motóró dokonóturaalu yale alata, diaaꝓ mo wisiyóló tuęrapó. ⁵ Atétere betemó, diꝓné kisipa tiki tiró betere ala netéréró, ai sekęné kęle wóꝓóló ai dotonale ape. Ti noatepae, kóꝓpaae fóꝓóló dée nalatere sekęné diꝓ dée nanóló, dąné diꝓpaae erale alarape hąle besekéróló doralemóló whaaliatapa kęle wóꝓóló kale sekę ai dotonale ape.

Timotiné ene wale fo wosetu, Talepaae mo yaletei

⁶ Téyaletei, Timoti momó dą beterepaae fesaae wóló i betere ape. Atéró ama diꝓ betere alaró, diꝓné tuę tiki tiróló yaala sókó fole alatamo du beterapó ene wale fo wosetu, dąné mo kée du beterapó. Ai sekę ą mo miótóró dą beterepaae sókó wóló i fo yalepó. Betere dokꝓ fea diꝓné dą tuę yó taru, wisi kisipa muóló betóo, dąné diꝓ kęle wolée du betere kaae, diaaꝓkélé dą kęle fenée du beterapóló dąpaae ene wóo, yalepó. ⁷ Norape-ó, diꝓ atétu beterapó dere fo wosaleteiné dą imó bituraalu, kae kae susupui alaró, sekęi alatamo wou betepatei, diaaꝓ kisipa tiki tiró beterapó, dere fo woseturaalu, dąné hosaa muni deyóló, mo kée fo du beterapó. ⁸ Ti noatepae, diꝓ Talené ala tuꝓmó mo diriyóló bitiré waletei, miókélé hąle betótóró tarapó, dere fo woseturaalu, mo kée yóló dąkélé hajné sukutu beterapó. ⁹ Dą Kótóné keletómó bituraalu, diꝓné du betere ala kolóló hajné sukutere ala mo turó faanapó. Atére alamó, Kótópaae mo kée dere fo yaairetei sųnipó. Ti noatepae, hajné sukutere ala dą tuꝓmó mo sųró beterapó. ¹⁰ Diaaꝓ tuę tiki tiró betere tuꝓmó, mepaae yaꝓꝓare

alarape diꝓ tao sóró yó male waai, dikita-mokélé dętamokélé dąné mo dirii moma yó tarapó.

¹¹ Térapa, mió dą diꝓ beterepaae waaire tuꝓta, dąné Aya Kótóró Tale Yesutamoné aleróꝓóló yae. ¹² Dąné diꝓpaae yaala sókó fu dere kaae, diaaꝓ yaala sókó fole alakélé, mo ti faayóló węi feleyóló futere kaae yóꝓóló, diꝓsisitei u yó mótu i yó mótu du betae. Téturaalu, mepaae so whįpaae yaala sókó fole alakélé Talené amatóró eróꝓóló yae. ¹³ Tale Yesuró ama kae beteró betere whįrapetamo wale sukamó, dąné Aya Kótóné keletómó me ala munipa kilitu, mo ama kae betere so whįpóló, Kótóné amatei diaaꝓ hosaa diriróꝓóló yae.

4

Kótóné dą betere ala kilitu, ą hękeseyóꝓóló etéró betae yóló dere ma fo

¹ Norape-ó, dąné diꝓpaae kemeróturaalu dere fo i ape. Kótóné keletómó wisirapó yóꝓóló, etéró betae yóló take dąné diꝓpaae yó mótu betalepó. Ai yale fo mo dapóló diaaꝓ wosóló eraté ai wou betere ape. Dą fea Tale Yesu tuꝓmó bitu, ai du betere alatóró fakerae yóló, mió dąné diꝓ ketekę bulatere fo i dere ape. ² Ti noa betené meipó. Tale Yesuné fea ala amatóró sųmó tęteróló kaae taru, dąpaae erae depa, dąnémo diꝓpaae i ala yae yóló, yó mótu betale forape diaaꝓ ai tuęre ape.

³ Atéreteiné, diꝓ fea dowi ala mo betąkélé muni, mo kae so whį beteróꝓóló Kótóné ama kisipa mutu beterapó. Térené, whįné so ęlémi nokole alakélé, soné whį ęlémi nokole alakélé, diꝓpaae yaꝓse yóló dapó. ⁴ Térapa, diꝓné kisipa tiki séle séle wisiyóló tęteróló kaae tare ala mo so whįnékélé, Kótónékélé kilituraalu, mo kae beteró betere so whį beterapóló dukiróꝓóló diꝓné tó tiki diaaꝓtei wisiyóló kaae tawae. ⁵ Kótó tuęni, mo hąle betere so whįné, au nóló ęlémi naairaalu eķęle dere ala kaae yaꝓse. ⁶ Ti atéró ęlémi nuku betere alata, me whįné kelaalomeipóló kinóló naao no ęlémi nó matere ala mo yaꝓse. Atei dowi ala deremó, Talené doasi kwia melaalopó. Téyaꝓsóró, atei kaae ala

momókó yaqse yóló, take dāné diā kisipa mulóló ma fo ai yale ape. ⁷ Ti noatepae, wisi alaró dowi alatamo hosekéyóló beterópóló Kótóné dā ą beterepae ape fo ini, mo ama kae sō whī beterópóló ape yalepó. ⁸ Térāpa, whī me denétamo i du betere ma fo woseni nisiyóló hórótu betepa, ti mo whīné dere fo hórótumitei, diā Dēi Kepe Wisi mótu betere Kótóné fotei hórótu beterapó.

⁹ Téró, diaaq mo notamo dere kaae hēkesené sinóló yaala sókó fu betere ala yópóló, Kótónétei yó male ala diāné kisi-parapó. Atérené dāné diāpae me noa fo kae asē yaalomeipó. ¹⁰ Ti aita, mo dapó. Masedonia hae kwiamó betó mole Keriso norapepae diaaq yaala sókó fu beterapó. Tépatēi, ai ala mo ti fakerae yóló dāné diā ketekē bulatere fo i dere ape.

¹¹⁻¹² Diaaq betere dokó du betere ala fea mo hāle betere whīrapenē kilituraalu, atimané i du betere alata, mo wisirapó fo yópóló yae. Diaaq yaḡātu betere ęla me whīné melópólópó yóló dekaýóló hāle bitini, diā mo dua bitu kae depe tukó wei ala du betae. Dāné diāpae yae yóló, yó male alatóróti sya fóló mené yaaire alamó kisipa muni, diaaq yaaire ala betā kisipa muóló du betae.

Tale wouraaalu yaaire alamó ere fo

¹³ Norape-ó, sukāle so whī atima netē yaalorópó yóló, kóló kóló du betaqsóró, diāpae i dapa wosae. Take waaire alimó mo wisi ala kelaalopó yóló kisipa muóló, hāiné sukutu betae. Mo so whī ai ala kisipa muniru, doa deķenē sini molótu dere kaae, diaaqkélé yaqsóró kisipa mutu dapó. Ti atimané wole dere alata, ama kaepó. ¹⁴ Yesu mo ti sukāletei, momó kepaayóló beterapó dere fo dāné woseturaalu, tuē tiki tiró beterapó. Atéreteiné, mepae Yesuné ala tuāmó betepa, sukutere so whīkélé, Yesutamo betāmó Kótóné dapesó waalopó ere fomó dā kisipa tiki tiró beterapó. ¹⁵ Talené dāpae i ala eraalopóló ere fo dānémo diāpae i dapa wosae. Tale waaire be dē teópatei, sinale so whī taaróló, dā sukuni hāle betó mole so whīrapepi folosóró faalomeipó. ¹⁶ Ti noatepae, Tale ątóróti

ó hepen be taaróló dorowouraalu, i ala yae yóló fo fakeyóló yóo, doasi topo *ensel*-né fo yóo, Kótóné ukulumó wuti haletere ala yóo, yaalopó. Ai ala deremó, Keriso beteró sinale so whīpi turukó holaalo ai ape. ¹⁷ Atéyale sisópae ti dā sukuni hāle betó mole so whī tokó sóró, sako tuāmó atima sinale so whītamo hokolaayóló, fea touyóló huturaalu, hāle tó tuāmómo Tale-tamo hokolaa yaalopó. Atéro holóló, suka fea dā Taletamo betāmó mo titóro betó tawaalopó. ¹⁸ Atéyaalopa, i dere foné, diā fotokó butere ala yópóló diāsisitei u yó mótu i yó mótu du betae.

5

¹⁻² Térāpa, norape-ó, waaire ali ó be dērape diāné kisipa inipapakó, dāné diāpae asēyaalomeipó. Ti noatepae, Tale waaire be dēta, dikitamo ęlémi nokole whī woutere kaae yóló waairetei, diaaq mo diriyóló ai tuēre ape. ³ Mo so whīné duraalu, “Dāpae me ala eraalomei, mo dua beterapó,” fo du betepatei, betā soné naale saai, sisó nukutere kaae, atimapaekélé eraalopó. Téturaalu, be ęla ęla doratere ala mo hapale tétitóro sókó wóló, kilita eraalo ai ape. Atéyaaire alata, mo hāsókó faalomeipó.

⁴ Téyaalotei, norape-ó, diā diliki dolomó mokęleyaayóló betepapakó, ęlémi nokole whī sókó walemó me whī kilita sókó fu dere kaae, diā atéro kilita sókó faalomeipó. ⁵ Diā feata, dēro sukamoto tuāmó betó mole so whī ai betere ape. Dāta, dikitamo ó diliki dolomó betere so whī meipó. ⁶ Térāpa, dā mepae noke fire whī kaae fió muni, kele diriyóló betere so whītóro bitu, dānétei dā betere bete mo hotowaró kaae tanérapó. ⁷ Ti noatepae, atima dikitamo noke fitere so whīta, ti fitua yóo, topo dotere wēi nokole so whīkélé dilikitamo nóló topo doyóló hęko bitua yóo, dapó. ⁸ Dāta, dētamo betere so whīpa, dā betere bete dānétei hotowayóló kaae tawóló bitiépe. Téruraalu, bóe daai kuti wase su dere kaae, kisipa tiki tiró betere alaró yaala sókó fole alatamo atéro sóró betaalopó. Talené dā aluyaqsóró tao saaire alamó tuē muturaalu hāiné

sukutere alata, bóe daai deratere dirii topo tao kaae deróló betenérápó. ⁹ Ti noatepae, dā so whīta, Kótó ą fopaae buturaalu, kwia melóló susupu eraai dapóló, sóró beterénitei, Tale Yesu Keriso tuąmó betepa, tao sóró wisiraaı kisipa mutu sóró beteralepó. ¹⁰ Dā tao saai ą sukąleteita, dā mo betere so whī ó sukąle so whīkélé fea ątamo betąmó beterópóló kisipa mutu, yalepó. ¹¹ Térapa, mió diąné ai du betere alatóró hąle yó taruraalu, dią Talené ala tuąmó mo dirii Keriso so whī betaasepóló, diąsisi u tao su i tao su yóló, ketekę bulatere alakélé mo ti deté fu betae.

Mo kemeróturaalu i alarape yae yóló dere ma fo

¹² Norape-ó, Talené ala tuąmó bitu, dią tęteróló kaae taruraalu, depe tukó wei kutó ditu betere whīrapené dere ma fo wosóló, atima aqmó sukóló betae yóló i dere ape. ¹³ Térapa, atima ai kutó ditu betereteimó, dią yaala sókó furaalu, atimané doi sóró horótu betae. Atéru, diaaq no netamo hosaa muni deyóló dua betó muae. ¹⁴ Norape-ó, mepaae kutó dini, dekayóló hąle betere so whīpaae dirii ma fo yóo, hąsókó fole ala yaqsóró witu, fo tekeni kekóló fi betere so whī tao sóró ketekę bulóo, fotokę buni, bére so whī tao sóo, yae. Tétu, mepaae so whī hąsókó fole ala depa, hapale foné só deréni, dua kaae taté fío, mepaae dere ala so whī feapaae eróo dua yae. ¹⁵ Téturaalu, mepaae so whīné yąpaae me dowi ala eratepa, naaomo ąpaae tokó matere ala momókó yaqse. Téni, suka fea diąsisitei wisi ala yó taru, u tao su i tao su dere ala, mepaae hąle betó mole so whīpaaekélé eraté fu betae.

¹⁶⁻¹⁸ Kae kae noa kaae ala dią tuąpaae eratepakélé taaréni, hąiné sukutere alakélé, momatere alakélé, Talepaae mo kée dere fokélé hąle yó tawae. Ti noatepae, Kótóné ama kisipané dią fea Yesu Keriso tuąmó bitu, ai alarape yópóló kisipa mulapó.

¹⁹⁻²⁰ Kale Dęi Kepe Wisiné dó tare si surukó faréni yóo, Kótóné kóló whīrapené so whīpaae yó matere fo bete munire ęla aqróló faleyóo du betaqse. ²¹ Ai dere fo

fea wisirémóló kąae kolóló, taleyóló mo bete mole fo maaté wosóló eró tawae. ²² Ai du betere kae kae dowi alané dią só deraqsórópa, hotowayóló kaae taruraalu, woleyóló betae.

²³ Tétu, hosaa muni deyóló dua betere ala eratere Tale Kótóné amatei, diaaq betere ala mo turó wisiróló, mo kae betere so whī beterópóló yae. Ti atétere alata, diaaq kepekélé, asoró mo tikitamokélé, mo turó me dowi alatamo hosekéni, mo donoi so whī bitiré fóló, dā tęteróló kaae tare whī Yesu Keriso wale alimó sókó fópóló yae. ²⁴ Diąpaae ape du betere sekéné ama diąmó eraalopó du betere ala hąsókó feni, mo eraalo ai ape.

²⁵⁻²⁶ No nerape-ó, Talené dā tao sópóló, momatere ala du betae. Aimó betó mole no nerapepaae kęleó duraalu, dowi ala mo betąkélé munire so whīné apuóló kóló tukó nokole ala du betae. ²⁷ I asęta, ai be huluamó betó mole Keriso no nerape feané wosópóló, dosąayae yóló Talené keletómó, yąlo diąpaae i dere ape.

²⁸ Dā tęteróló kaae tare whī Yesu Kerisoné hamokoróló hąle tao sere ala wisi dią tuąmó mulópóló yae.

2 Tesalonaika

¹ I dere așeta, ę Pol, Sailas, Timotikélé dą fea betamó bituraalu, dąné aya Kótóró Tale Yesu Kerisotamoné yó tare ala tuamó betere Tesalonaika Keriso so whįpaae dapó.

² Dąné Aya Kótóró Tale Yesu Kerisotamo tuamó kaaróló wou betere hąle hamokoróló tao sere ala wisiró, hosaa muni deyóló mo dua betere alatamo dią tuamó muó tawópóló yae.

Talené eratere alamó Kótópaae mo kée yóló moma dere fo

³ Norape-ó, dąné diąmó tuę muturaalu Kótópaae betere dokọ fea mo kée du betere fota, mo donopó. Ti noatepae, diaaą kisipa tiki tiróló betere alaró diąsisi yaala sókó fóló hękesené sukutere alatamo mo ti fakeraté fu betereiteiné. ⁴ Tęrapa, dią tuąpaae kae kae susupui alaró sekei alarapetamo erótu betepatei, dią hýyóló dekani, Kótóné ala hąle eró taru kisipa tiki tiraté fu betere ala kilitu, dą Kótóné Keriso fake so whį betó mole tuamó kuturaalu, diaaą du betere ala atimapaee yó melóló dukirótu beterapó.

⁵ Dią tuamó ai erótu betere ala Kótóné taleyóló dowi alamókélé, wisi alamókélé, kwia materetei mo donorapóló kisipa mutapó. Atéró, talerąlemó dią Kótóné ama tęteróló kaae tare aqmó mo sumó betenére so whįpóló kisipa muaalopó. Ti Kótóné ama tęteróló kaae tare aqmó betaaireteimó dią doasi sekei ala su beterapó. ⁶ Kótó ąta, fo tokótamo yóló taletere ala hąsókókélé feni, mo donotóróti taleyóló dupu mótu betere Talepó. Mepaae whįrapené diąpaae me sekei ala eratepa, ti diąpaae ai eratere ala kaae, Kótóné amamo atimapaekélé tokọ melaalopó. ⁷ Téyaalotei, diąpaae mió ai erótu betere sekei ala siré fu betaqsóró, Kótóné sesýóló feléi ala eraalopó. Dąpaaekélé ai kaae alatóróti eraalopó. Ti ai alata, Tale Yesu hepen be taaróló dorowouraalu, hąle duku betere

simiró ama doakale fotokọ bole *ensel-rapetamo hąkeamó dorowale sukamó so whį feané kelaalo ai ape.* ⁸ Kótó ą mo beterapóló tuę muni, dą tęteróló kaae tare Tale Yesuné mió wosetere fo wisi wosóló sya fóló erénitere so whįta, ti Kótóné dowi dupu melaalo ai ape. ⁹ Atétere so whįné saaitere duputa, kemekélé ini mo sótóró tawaaire dupu suraalu, mo ti doraalo ai ape. Ti ai so whįta, Tale betere felekemó bitu, ama ere dę wisinaale tuamó bole fotokọ doasi kelaqsóró, atima kae beterópóló hokó faraalopó. ¹⁰ Ti ai alata, metéli yaaloé? ą waaire be dęmótóró yaalopó. Ai be dęmó ama kae beteró betere so whį tuamó ama ere ala wisinaale hąkearaalopó. Tęturaalu, ąpaae kisipa tiki tiraté wou betale so whįné Tale kilitu, ą dukiróló sira yaalo ai ape. Dąné diąpaae yó male bete mole fo wosóló, tuę tiraté waletiné diąkélé ai so whįtamo touyóló betaalopó.

¹¹ Ai alarape mo yaalopóló kisipa mutu, dią Kótóné ą beterepaae ape ere so whį sýtóró beterópóló, betere dokọ dąné moma yó tarapó. Tęturaalu, diaaą tuę tiki tiró betere betené kaarale mo du betere alaró, yaai kisipa mole ala wisitamo Kótóné ama fotokóné dią sųratepa, diąné mo erópóló momarótu beterapó. ¹² I du betere momata, dą tęteróló kaae tare Kótóró Tale Yesu Kerisotamoné hamokoróló tao sere ala sya furaalu, ama dią tuamó erótu betere ala kilitu, dą kaae tare whį Yesuné doi hale horóo, diąkélé ą tuamó bitu, ama ere ala wisi hąkearóo, yópóló dapó.

2

Kótótamo bóe du betere whį waalopóló ere fo

¹ Norape-ó, dą tęteróló kaae tare Tale Yesu Keriso wóló betepa, dą ą beteremó touróló betaaire alamó kisipa mutu i dapa, wosae. ² Mepaae whįné diąpaae duraalu, “Pol sépiné așémó Tale waaire be dę take ai wale ape,” dere fo wosóló mo dere nisiyóló tuę tiki tiraąse. Atei kaae fo dąné așémókélé ó mo kólónékélé inipó. Aita, Kótóné ama kóló whįpóló kapala

dilikitere whīrapené dere fopa, whaalia yóló, diri furu furu yaqse. ³ Mepaae whīné kae kae dere alaró kapala dilikóló dere fotamo wosóló mo dapóló sya faqse. Ti noatepae, atéyaaire be de waii teópatei, i haemó betó mole so whīné Tale aqmó betereitei hóróló, bóe dele ala du be-taalopó. Kótóné ama yóló muló betere fo aqmó bitini, tikitu betere whīta, mió kinóló betereitei, take mo hākeamó betepa kelaalopó. Atétere whī doraai tukóló muló betere alata, mo hāsókó feni, motóróti eraalo ai ape. ⁴ Ai whīné, i haemó betó mole so whīné Kótó-ó yóló momatu betere alatamo bóe dóló, ama doitei sóró horaalopó. Téturaalu, ā Kótóné momatere bemó amatei ā sóró beteróló duraalu, ēta Kótótóró hītipó yaalopó.

⁵ E diātamo betāmó bituraalu, i alarape eraalo ai ape yóló du betale fo diaaq kisipanié? ⁶ Ti ai kale whī so whī feané keletómó sókó waqsóro, mené ā sesétu betereitea, diaaq ai tuēre ape. Ti atétu betereitei hāle mei, take ama tukóló muló betere be demótóróti hākearatepa kolópoló du beterapó. ⁷ Ti noatepae, kale yóló muló betere fo tikitu betere fotokqta, mió hāle yó tareitei hākeamó ini, kinóló du beterapó. Até deté fu betepatei, ā waqsóro mené sesétere ala yó tarapó. Ai sesétu betere sekéta, take nalo mené ā tokó saalopó. A tokó saai teópa, ti ama ai sesétu betere alatóro hāle yó tawaalopó. ⁸ Atétu betepa, Kótóné kale yóló muló betere fo faletu betere seké hākearóló sókó wapa, Tale Yesu wouraalu kóló momonéitei, dóló hepée taae falóo, ama tikimó yóló wale kokqī alané ā mo ti doróo yaalopó. ⁹ Téturaalu, kale yóló muló betere fo faletu betere seké wouraalu, Satan-né du betere ala kaaetóroti yóló waalopó. Kapala dilikóló dere alamóitei so whīné mo dapóló kisipa tirópoló, kae kae kelemei alarapekélé eróo, Kótónéitei eratapóló kisipa muópoló eratere alakélé eróo, so whī feané kolóló sira yaaitere alakélé eróo, yaalo ai ape. ¹⁰ Téturaalu, ai sekéné ama kae kae dowi alané, sukóló mo ti aluyaaire so whī, dilikóló kópaee faraalopó. Atéro aluyaaai dereteita, atima

aluyaqsóro tao saaire mo bete mole fo woseni hōraleteinépó. ¹¹ Atétere betené atima kale kapala fotei mo nisiyópoló, Kótóné doasi fotokqī dilikitere ala doton-aalopó. ¹² Atétepa, dowi ala mo ekele yóló duraalu, mo bete mole fo wosóló tué tiki tirénire so whī fea só deraalopó.

Talené ala tuqmó diriyóló betae yóló dere fo

¹³ Tépeitei, Talené ama hosaa mole norape-ó, betere dokq fea dāné diāmó kisipa muturaalu, Kótópaee mo kée du betere fota doni, mo wisirapóló kisipa mutapó. Ti noatepae, take kaae sale sukamóitei diā Kótóné ama so whīpóló sókó sóro kae beteró beterapó. Téruraalu, me dowi alatamo hoseké yaqsóro kale Deī Kepe Wisinéitei, diā tao sóro kae beteróo, diaaq mo fo bete wosóló kisipa tiróo, du betereiteiné Kótóné diā aluyaqsóro tao su beterapó. ¹⁴ Diā ai ala tuqmó beterópoló, mió i wosetu betere fo wisinéitei ā beterepaee ape yalepó. Atéro yale fota, hāle mei, dā tēteróló kaae tare Tale Yesu Kerisoné ama doasi ere de tuqmó beterópoló yalepó. ¹⁵ Térapa norape-ó, tué tiki diriyóló bituraalu, dāné diāpaee yó male fo kolóné ó asemó yaletitei kisipa keteréni, mo wisiyóló wosóló tuéruraalu erótu betae.

¹⁶ Dā tēteróló kaae tare Tale Yesu Kerisoró Aya Kótótamoné dāpaee yaala sókó fu beterapó. Téturaalu, ama hamokoróló hāle tao sere alanéitei, dā fomóné sukóló haepaae derepaqsóro, tué tiki diriratere ala mo ti eró tawóo, take nalo waaire alimó wisi ala tuqmó betaalopóló kisipa mutu, hosaa muni deyóló hāiné sukóló beterópoló eróo dere alata, Talené amatei erópoló yae. ¹⁷ Ti ai seké tamóné diā ketekē bulóló fotokqratepa, wisi alaró wisi fotamo betere dokq fea yó tanópoló yae.

3

Pol-sépi atimamó momarae yale fo

¹ Norape-ó, yālo kemeróturaalu dere fo diāpaee i dapa wosae. Dā diātamo bitu, Talené fo mo bete mulapóló, hāle

betere so whĭné wosóló mo hapale fak-
eraté fu yale kaae, dā i betere bemókélé
ai alatóró du beterópoló, dāpaae mo-
marótu betae. ² Téturaalu, dei tuę mulu
dowi ala du betere whĭrapené dāpaae
me sekęi ala eraqsóró momatu betae.
Ti noatepae, mepaae so whĭ tuę tiki
tiró bitinipó. ³ Tépatei, Talené ama du
betere wisi ala hāle yó taru, dowi ala
erótu betere sekéné diā doraqsóró, diā
ama seséyóló fotokq bulaalopó. ⁴ Dā
Talepaae tuę tiki tiró bitu, diāpaae erae
dere fo diaaq wosóló mió erótu betere
kaae, nalokélé hāle deté fu betenérápóló
kisipa mutapó. ⁵ Diaaq hosaa ó kisipa
kae alapaae muaqsóró, Kótóné ama yaala
sókó fóló mole tuāmótóró muluraalu, Yesu
Kerisopaae wou betale sekęi ala ama
beleté fu betale kaae, diaaqkélé ai alatóró
deté fu betepa, Talenétei bete mole ala i
ape yóló, yó mótu beterópoló yae.

Dekayóló hāle betaqse yóló dere ma fo

⁶ Norape-ó, Tale Yesu Kerisoné doimó
dāné diāpaae i ala yae yóló i mulatere
ape. Dāné diāpaae yó mótu betale fo-
tamo, mepaae Keriso norapené wosóló
sya fóló eréni, deka yóló hāle betó mole
whĭrapetamo touyóló bitini, atima kae
beterópoló diā kae betae. ⁷ Ti noatepae,
dāné i du betere ala diaaq kolóló sūróló
du betepa, ti ai ala doni, donorapóló di-
aaqtei ai tuęre ape. Ti dā diātamo be-
tale sukamó deka yóló hāle bitu, mepaae
whĭrapené q̄la hāle nukuani, dupuyóló
nukua du betalepó. ⁸ Até yaletēta, dāné
naaitere q̄lamó diā sekeyaqsóró, dikita-
mokélé dętamokélé, dāné naaitere q̄lamó
kisipa mutu depe tukó wei ala du be-
talepó. ⁹ Dāné até dua yaletēta, diaaq dā
taosóró matere q̄la nenépatei, dāné dere
ala diaaq kolóló sya fópóló kisipa mutu
yalepó. ¹⁰ Ti dā diātamo betale sukamó,
diāpaae i ala yae yóló, etei dirii ma fo
yalepó. “Mepaae whĭtamo kutó dini,
deka yóló hāle betepa, ti atétere whĭmó
naaitere q̄lakó melaqse,” fo ai yale ape.

¹¹ Diākó mepaae whĭrape kutó dini hāle
bitutei, kutó ditu betere nisiyópoló dakeró
beterapó dere fo dāné wosalepó. ¹² Atei

kaae so whĭpaae dā Tale Yesu Keriso
tuāmó bitu, i ala yae yóló seĭ fo i dere ape.
Hāle hōko betere ala taaróló, tamoyóló
bitu, diaaq q̄la nokole sūtóró kutókélé
atéro diyae. ¹³ Térapa, mió diā depe tukó
wei kutó ditu betere norape-ó, diaaq ai
du betere ala wisi taaréni, ai alatóró yó
tawae.

¹⁴ Mepaae whĭ denétamo dāné i ašemó
ere fo sya fóló erénitepata, ti atétere
whĭné noa alakó déró kelaasepóló mo
wisiyóló kaae tawae. Ti noatepae, ama
dere alamó ątóró hale yópólópa, ątamo
betāmó betere ala ó kotere alakélé ini,
ą ama kae beterópoló diā kae betae.
¹⁵ Tétutei, ąpaae diaaq bóe whĭpaae
eraterē ala kaae ini, diaaq notóró
beterópoló, atei ala ekese yóló ąpaae dirii
ma fotei yae.

Mo kemerótu kqleó yale fo

¹⁶ Téró ąalo kemeróturaalu dere fo i
ape. Betere dokq fea diaaq noa alakó
yaaitepa, ti hosaa muni deyóló dua betere
bete Talené diāpaae eróturaalu, Tale diā
featamo betāmó betó tawópóló yae.

¹⁷ Ita, ąalo naasenétei aseyóló diāpaae
kqleó dere fota, ę Pol-né dapó. ąalo be
hulua dokq feapaae faletua dere aę diaaq
kilituraalu, ita Pol-né naasené erapóló tuę
muópóló dapó. Itei kaae naase daapa
kilitu, ętóró hĭtipóló kisipa yae.

¹⁸ Térapa, dāné Tale Yesu Kerisoné ama
hāle hamokoróló tao sere ala wisinaale diā
featamo mulópóló yae.

1 Timoti

¹ Ẹta dā aluyaqsóro tao sale Kótóro dā take mo wisiyóló betaaire bete Tale Yesu Kerisotamoné kale fo wisi erāle fae yóló doteyale whi Pol-né i asę dere ape.

² Ti i dere fota, Yesu Kerisoné ala tuamó beteropóló, yālo deyóló betero betere naale Timotipaae dapa, dāné Aya Kótóro Tale Yesu Kerisotamo tuamó kaaróló wó tare hāle hamokoróló eratere alakélé, kōlené sukóló tao sere alakélé, hosaa muni deyóló mo dua betere alakélé, yāpaae erópóló yae.

Tukóló muló betere fo yó matere whirapené dere fo wosaqse yale fo

³ Ẹ Masedonia hae kwiapaae faairaaalu, yāpaae i ala yae yóló sętu betale fo kaae momó dapa wosae. Mepaae whirapené kapala fotei Kótóné fo i ape yóló yó mótu betereitei foné sóro sesé du betaasepóló, yā Epesus be taaróló feni, aimótóro betae dere fota hāle meipó. ⁴ Mepaae dolāa fo ó noutererapené doi mole alarape wosaairaaalu ketekę butu betaqsóro sesé du betaasepóló, dapó. Ai alarapenéta, Kótóné so whi mo betā kisipa muóló betereni, kae kae kisipa muóló betere ala kaarótu beterapó. Atétere alané Kótóné erae dere ala erótumitei, mo kisipa tiki tiratere alané betā Kótóné kutó dirótu beterapó. ⁵ Yālo yāpaae i alarape yae yóló sę dere fota, noa ala yaasepóló dumipó. Dā fea yaala sókó fole alatóróti du betaai dapó. Ti ai yaala sókó fole ala kaaratere beterape i ape. Hosaa tuamó me alatamo hosekényi, mo wisi alatóróti muóo, mepaae yale dowi alarape hākeamó yó melóló mo wisi kisipa betā muóo, tuę tiki tiratere alakélé tómo ini, mo ti tiróo, du betereiteiné yaala sókó fole ala kaarótu beterapó. ⁶ Mepaae whirapeta bete muleire fo wosaairaaalu, i bete mole fo wisi taaróló ai fele ape. ⁷ Ti ai whirape atimata, Kótóné kale yóló muló betere fo yó matere whi betaaitapó du betereitei, atimané yó mótu betere foró ai fo betetamo atima wisiyóló tuę irumeitei, hāle foné

maaté mo diriyóló kisiparapó du beteraapó.

⁸ Ti Kótóné yae yóló tukóló muló betere fo mepaae whiné mo donoyóló erótu betepa, ti doni mo wisirapó. ⁹⁻¹¹ Ti Kótóné ama i ala yae yóló muló betere fota, mo donoyóló fole whirapené dosāyópóló tukóló muló bitinitei, Kótóné yóló muló betere fo tukóló dowi alarape du betere whirapené dosāyópóló tukóló muló betereitei dāné kisiparapó. Ti ai whirapené du betere alarape i ape. Yāqse yóló muló betere fo tikitere alakélé, tēteróló kaae tare whirape aqmó bitini hōratere alakélé kótó bitinipóló ama ala eraalo hōtereteikélé, mo sonalei dowi ala du betereiteikélé, wisi ala ini, dowi alatóro hāle yó tareteikélé, kótóné fo wosetere alaró āpaae momatere alatamo initereteikélé, hae aya ó mo so whi dóló sukunatere alakélé sotamo, nópu nokole alakélé, so ó whi hamomatamotei nópu nokele alakélé, kutó diratere whi beteraai dotonóló duputere alakélé, kapala fo dere alakélé, me whipaae i ala eraalopó yólótei mo erényi, dilikitere alakélé, mepaae kae kae dere alarapenékélé, Kótóné fo wisitamo bóe dóló só derótu betere ala mo dorapó. Mepaae whirapené yó mótu betere foró kale mió wosetu betere fo wisitamo betā alatóro epa mo wisirapó. Ti ai fota, mo wisi alamaaté erótu betere Kótóné āpaae naao wisiyóló kaae taru, so whipaae yó melale fae yalepó.

Talené Pol hamokoróló tao suraaalu erale ala

¹² Ẹ fotokọ bulale seké dāné Tale Yesu Kerisoné ama kutó dirótóro tawaalopóló kisipa mutu, ę fopeyóló sóro betero betereiteiné, yālo mo kée du beterapó. ¹³ Take ęta, Kótóné doi doróló faletere whi betóo, ama so whi dóló susupuratere alakélé yóo, hapale fopaae buóló hęle fo dere whi betóo epatei, Talené kōlené sukuturaalu ę tao salepó. Ti noatepae, ę āpaae kisipa tiki tirényi yaletené kóló kóló iru, ai alarape hōko du betalepó. ¹⁴ Dā tēteróló kaae tare Talené hāle hamokoróló tao sere ala wisinaale āpaae mo dekéro eró tawóo, ai alatamo touróturaalu Yesu

Keriso tuamó kaayóló wou betere kiswa tiki tiratere alaró yaala sókó fu betere alatomokélé, epaae eróo du betalepó.

¹⁵ I fota, so whi feané wosóló mo bete mole fo dapóló tué tiki tiraaire fopa, wosae. Yesu Keriso i haepaae waletaita, dowi ala du betere so whi aluyaqsóro tao saai walepó. Yalo du betale dowi alané mepaae so whiné du betale dowi ala tetéroló mo doasi dowi ala du betalepó.

¹⁶ Atéyale betené take yalo du betale dowi alamó Yesu Kerisoné ama e kwia matere ala folo hapale ini, kolené sukuturaalu kaae taté fóló, nalo tao salepó. Ti até yale beteta, hale meipó. Take nalo Talepaae tué tiki tiróló, mo ti betó tawaaire bete saaire so whiné epaae erale ala tué muturaalu Taleta, atei kaae Tale beterapóló tué muópóló eralepó. ¹⁷ Térapa, da tetéroló kaae tare mo doasi topo whita sukókélé ini yóo, whi betanékelé mo kilini yóo, iruraalu, mo ti hale betó tare Kótó betatóro beterapa, mo ama kae ere ala wisinaale eraté furaalu, ama doi doasi doi mulópóló yae. Mo kée! Teyópóló yae.

¹⁸ Yalo hosaa mole naale Timoti-ó, Kótóné mepaae whirapepaae yó matepa atimanémo, ya tué muóló yale fo kaae mió yalokélé yapaae i asemó dere fo wisiyóló dosayóló kiswa sya fae. Naaotamo ai fo wisiyóló sya fóló eró tapata, ti dané bóe whitamó bóe wisiyóló dóo, tué tiki tiratere alakélé yó tawóo, naao tiki tuapaae me hasókó fole alakélé muni yóo, yaalo ai ape. ¹⁹ Mepaae whirapeta, ai alarape sya fóló eréni, hóratereteiné kale wéi nuku fetée fóló dotu dere kaae, atimané tué tiki tiraté fu betale alakélé haepaae derepelepó. ²⁰ Atéyale whirapekó whi tamo Haimeneasiró Aleksandatamo beterapó. Ai sekétamoné du betere alané Kótóné doi wisinaale doratere ala hale deté fu betaqsóro, yalotei Satan-né naase tuapaae mulalepó. Ti atéyaleiteita hale meipó. Atimaamo sekei ala suraalu, atimaamonétei yale alamó dapóló kiswa feteyóló, Kótópaae wópóló eralepó.

2

Talené doi sóro horatere ala etéro yae

yóló yó male fo

¹⁻² I haemó betó mole so whi feamó momaróturaalu, tetéroló betere topo whirapemókélé, atimané mepaae alarape tetéroló kaae tanópóló sóro betéro betere whirapemókélé momarótu betae. Atéro momaróturaalu, Kótópaae me alakó erae yóló wosetere fokélé yóo, mepaae so whi Kótóné tao sópóló momaratere alakélé yóo, Talepaae mo kée dere fokélé yóo, du betaasepóló dapó. Ti noa ala yópóló dumipó. Da Kótóné mo ama kae betéro betere so whi bituraalu, ama ala erótu betepa mepaae whirapené bóe dóló sesétere ala yaqsóro, mo dua betéropóló momatu betae. ³ Ti atéro momatu betere alata doni, mo wisipa da aluyaqsóro tao su betere Kótóné kolóló, donoi ala du beterapó kiswa mutapó. ⁴⁻⁶ Ti Kótóné amata, so whi feané mo fo bete wisiyóló tuépa, aluyaqsóro tao saai du betere ape. Ti noatepae, Kótóta betatóro bituraalu, Kótóro so whitamó tuamó betere whi Yesu Keriso ata, mo whitóro beterapó. So whi feané kilituraalu ita Kótónépó yópóló, kale tukóló mulale be demótóro so whi fea sukóló aluyaqsóro tao suraalu, ama betere betené duputamoróló sukalepó. ⁷ Atére ala bete yó melópóló, Kótóné e sóro betéro beterapó. I du betere fota, kapala mei mo fo dapó. Juda fake mei, kae fake so whipaae kale doasi topo whiné fo i ape yóló yó matere *aposolo* whi betóo, Kótóné kutó dirane fae yóló dotonatepa ama kutó diratere whi betóo, kale mo fo betekélé so whi feané wosóló kiswa tiki tirópóló yó matere whi betóo erópóló, Kótónétei e sóro beterallepó.

⁸⁻¹⁰ Yalo i dere ma fota, dia whirapené Talepaae momaturaalu, momatere bemómaaté ini, kae kae hoko tikimókélé du betae. Atéturaalu, fopaae buóló hle sere ala ini, mo ama kae betéro betere so whi bitu, naase horóló Talepaae momatu betéropóló dapó. I dere ma fo kaae dia sorapepaaekélé dapa wosae. Dia Tale aqmó sukóló bitu, ama doi hale sóro horóló momatu ai beterapa, diaaq tó tikimó deraai doasi *moniné* duputere kuti ó meleke ó au yaaire *kold kapané* aleale

qla qla ó mepaae topo niki dokotere qla qlapaae doasi kisipa muaqsé. Diq Kótóné fo wosetere sukamó ó momayaairaaalu, whiné au nópóló deratere kuti deréni, Talené ala sya fu betere sorapené kuti derótu dere kaae yóló deratepata, ti mo so whi feané kolóló mo donoi kuti deró beterapóló kisipa muaalopó. Diaaq tó tiki maaté auraaí kisipa muni, tó tikiné dere wisi alané tiki tuapaaekélé aurótu betae. Ai ala epa Kótóné kilitu, kelaalo mo kokqrapó yópóló yae.

11-12 Diqtamo betó mole Keriso sorapené Talené ala tué yaai dere alata, ti kaae tare whi aqmó sukóló hipa fi dua beterópóló yae. Mepaae sorapené whi yó matere ala ó whi teteróló kaae tatere ala ini yóo, whiné dere fokélé tikini yóo yóló, whirape aqmó sukóló mo dua beterópóló yae. ¹³ Ti noa betené meipó. Folosóro Kótóné Adam-pi aleyóló nalo so Ipi alipakalepó. ¹⁴ Wuliné soró whitamó dilikale sukamó whi Adam dilikinitei, kale so Ipi dilikipakalepó. Tétepa kale soné mo dere nisiyóló, wosóló sya feleteiné dowi ala ipakalepó. ¹⁵ Atépatei, sorape atimata mo kisipa tiki tiratere ala yóo, yaala sókó fole alakélé yóo, ama mo kae beteró betere sorape bituraalu, mo donoi alakélé deté fu betóo iru, naale senaale deté fu betepakélé Talené atima aluyaqsóro tao saalopó.

3

Teteróló kaae tare whi disiró dikon whirapetamomó dere fo

¹ I dere fota, mo tué tiki tiróló be-taire fopa wosae. Mepaae whi detamo Kótóné so whi teteróló kaae tawaaire whi betaai kisipa mutupata, ti ai whiné mo kutó wisinaalepóló diyaai tué mutu dapó. ²⁻³ Kótóné so whi teteróló kaae tawaaire whi sóro beteraaitepata, ti i alarape sya fóló du betere whi sóro beteranérapó. So whi feané keletómó me alakélé ini, mo wisiyóló dua betóo, betq sotóro dokóló betóo, topo doyóló keyaa fópóló, *wain* wéi mo dekéro nélitere whi betóo, mepaae ala yaairaaalu hapale ini, teteróló mo dua kisipa tekeyóló yóo, so

whi feané kolóló wisi ala dere whi beterapó yópóló dua betóo, uké wale so whi wisiyóló dape sóro firatere whi betóo, Kótóné fo yó melaai fosó fosóre whi betóo, topo dotere wéi nóló keyaa fenitere whi betóo, fopaae buóló hqle sere ala hapale ini, mo dua naame yóló betere whi betóo, me whitamó fonétei u só derótu i só derótu yóló dokó dokó ini, mo dua betóo, *monimó* ekéle yóló hosaa fake initere whi betóo epa, ti atére whi sóro beterae. ⁴⁻⁵ Atéro bituraalu, ama so naale senaale mo wisiyóló teteróló kaae tapa, naale senaalenékélé alimané dere fo wosóló mo dua bitu, ama alimané doi sóro horaaitere alamaaté du betepa, ti atei kaae whi mo sumó sóro beteranérapó. Mepaae whinétamó ama so naale senaale wisiyóló teteróló kaae tawaaire kisipa initepa, ti Kótóné so whikélé netéro wisiyóló kaae tawaaloó? ⁶ Teó wale Keriso whitei so whi kaae tanópóló sóro beteraqse. Ti noatepa meipó. Atei kaae whiné kaae taru q so whi teteróló kaae tare doasi whipóló, bopé faketu betepa, Kótóné fo tokqtamo yóló Satan só deróló kwia materetei atétere whi qkélé saqsóro dapó. Téyaqsóro, belapaae hqle betere so whitamokélé mo dua bitu, wisi ala du betepa, ti ai whiné so whi kaae tanópóló sóro beterae. Ti noa ala yaqsóro dumipó. Ama yale dowi alamó, q haleturaalu Satan-né hemó daqsóro dapó. ⁷⁻⁹ *Dikon* whirape sóro beteraai depata, ti u kale whirape du betere kaae, atimané dere ala so whi feané kolóló i whita mo wisirapó depa, ti ai whi *dikon* sóro beteranérapó. Kapala fo dekaaporóló ini yóo, topo dotere *wain* wéi dekéro nokole alakélé ini yóo, kapala mepaae whirape dilikóló *moni* sere ala ini yóo, hosaa tuqmó me ala muni tué tiki tiróló bitu, take kinóló muale bete mole fo diriyóló yó tare whi sumó sóro beteranérapó. ¹⁰ Atéro sóro beteraai, ama dere alapi kaae kel-erqlemótamo, ama ditere kutó ó dere ala hqsókó fóló me dowi ala initepa, ti Kótóné ki diyópóló sóro beterae.

¹¹ Atére kaae, kale *dikon* whirapené somarapekélé mo so whiné kilituraalu ita, mo so wisipó yópóló yae. Atimané mepaae

so whi eratere fo ini yoo, *wain* wei mo dekeró neni mo toróti noo, fea ala du-raalukélé hoko ini, mo wisiyoló yó tawoo, du betere so beterópóló yae.

¹²⁻¹³ Diqnetamo whi betakó *dikon* sóro beteraai depa, ti so betatóro dokoo, ama naale senaalekélé, atamo betamó betere so whikélé, mo wisiyoló tetéroló kaae tawoo epa, ti atei kaae whi sumó sóro beteranérápó. Ai sóro beteratere whirapené kutó mo wisiyoló dité fu betere kilituraalu, i whirapeta mo wisi ala du beterapóló doi sóro horateremó wikélé ini, halaatere ala mo ti fakeraté fóló asane furaalu, Yesu Kerisopaae kisipa tiró betere whirape betaalo ai ape.

¹⁴⁻¹⁵ Eta felekemó diq beterepaae waai kisipa mutupatei, e waaire tu mepaae alané sesépa, diq fea hoko bitini, mo wisiyoló Kótóné naale senaaletóro beterópóló i asetu betere ape. Kótóné so whi fea ti betá bemó betere su ai betere ape. Atéro touróló betere so whita, mo ti betó tare Kótóné kale mo fo wisi hale muaqsóro, be mo diriyóló daalópóló hulua elekéro iru elekétamo kaae, ai dere ape. ¹⁶ I dere bete mole fota, so whi feané mo diriyóló tuere fopa wosae. Kótóné ama mo doa ere ala wisinaale hale tómó mole kwia maaté dané kisiparetei, kinóló mole bete turó netéro kisipa yaaloé?

Ti a mo so whiné kolópóló mo whi tiki daayóló woo,
so whiné a kilitu mo whimaaté nisi yaqsóro,
Kótótóro beterapó yópóló Deji Kepe Wisinétei eróo,
ensel-rapenékélé a mo koloo,
kae kae tiki daae mole so whinékelé a kisipa yópóló yó maté kweyoo,
hae kwia feamó betóló fale so whiné ama dere fo wosóló kisipa tiki tiróo,
Kótóné ama kae ere de tuamó beteraai dapesó holoo, erapó.

4

Timotipaae i ala yaero yale ma fo

¹ Kale Deji Kepe Wisiné hakeamó yó mótu betere fo i dapa wosae. Kemeyaaire sukamó mepaae so whirape Kótópaae tué

tiki tiró betereitei taaróló, kapala dilikitere keperapené i fo yae yóló yó mótu betere whirapené dere fo wosóló sya faalo ai ape. ² Ai fo yó mótu betere whirapeta, kapala fo bole whirapetei, Talené fo yó matere whirape aqrapó. Atéro yó mótu betere whirapeta, atimané deté fu betere dowi alané haletere ala ó witere ala ini, atima hosaa mo toruyóló hale q̄la nisiró beterapó. ³ Atimané mo so whipaae so dokotere alakélé yaqse yoo, mepaae nokole qlakélé naqse yoo du beterapó. Ti ai naqse yóló sesétu betere qlata, mo fo bete tueruraalu Kótópaae tué tiki tiróló betere so whiné mo kée yóló nópóló Kótónétei ai q̄la q̄la aleyóló muló beterapó. ⁴ Ti noatepa meipó. Kótóné aleyóló muló betere q̄la feata, dorapóló taae faréni, mo wisirapóló Talepaae mo kée yóló nenérápó. ⁵ Ti noatepa meipó. Kótóné fo dosayóló tueruraalu moma yó tareteiné fea q̄la Talené wisiróló, ama kae tukóló muló beterapó.

⁶ Ti yata, tué tiki tiraaire fo wisi mepaae whirapené yó matepa wosóló, ai fo wisi tuamó doayalepó. Téyaletéiné yalo yapaae kale yale forape Kereso no nerapené wosópóló yó mótu betepa, ti ya Yesu Kerisoné Kutó diratere whi wisi betaalo ai ape. ⁷ Térapa, Kótóné ala aluraairaaalu, mepaae bete munire kae kae dolqa foró, so disirapené bete munire fotamo du betepa, mo nisiyóló sya faqse. Tényi, Kótóné ala wisinaale betá ya tuapaae erópóló, naotei fotokq̄ bulatere alatóro yó tawae. ⁸ Ti noatepaae, hale tó tiki fotokq̄ buópóló deté fu betere alata, ti sawa haleke sukamómaaté yóló kemeyaalotei, Kótóné ama ere ala wisi ya tuamó moleteiné kae kae ala ya tuapaae eratepa, ai eratere ala tuapaaekélé, wisi alatóro erótu beterapó. Ti mió da i haemó betere alimó mo ti betere bete sóro tawoo, take nalo waaire alimókélé wisi alatóro mupa koloo yaalopó.

⁹ Yalo yapaae i dere fota, so whi feané wosóló mopóló tué tiki tirópóló dapó. Take waaire alimó dané mo wisi ala wisi kelaalopóló kisipa mutu, mo ti betó tare Kótópaae kisipa tiratapó. ¹⁰ Ti ata, so whi

fea aluyaqsóro tao saaire Kótó betereteiné mo apaae tuę tiki tiró betere so whırape betą tao su beterapó. Atétu betere alamó tuę muturaalu, da ketekę buóló depe tukó wei ala i du betere ape.

¹¹ Yało i yó melale forape so whı feané wosóló deté fu beterópóló yó mótu betae. ¹² Mepaae whırapené ya teó kokopei whıpóló kisipa mutu, naao yó mótu betere fo wosaalomeipóló faleyaqsóro, naao du betere fokélé, betere alakélé, yaala sókó fu betere alakélé, kisipa tiki tiró betere alakélé, me dowi alatamo hosekényi, mo kae betere ala Keriso so whı feané kolóló, mo wisirapóló naao du betere ala sya wóló du beterópóló yae. ¹³ Ẹ ya beterepaae waai teópatei, mepaae kae kae alarape fea naao taaróló, Kótóné asęmó yóló muló betere fo betą so whı feané wosópóló haķeamó dosayáo, so whı dekayóló haepaae derepaqsóro ketekę bulatere fokélé yó melóo, Kótóné bete mole fo i ape yóló, yó matere alakélé taaréni mo yó tawae. ¹⁴ Atétu bitu, kale Keriso so whı tętéróló kaae tanópóló sóro beteró betere whırapené naao tikimó naase mulóló momarótu betepa, Kótóné me whıpaae i fo yae depa yale sukamó, Dęi Kepe Wisiné wisi ęla wisi yámó haķe melalepó.

¹⁵ So whı feané naao ai du betere wisi ala wisi fakeraté fu beteretei kolóló, mo wisirapó yópóló kisipa keterényi, ai alapaaetóro ketekę buóló erótu betae. ¹⁶ Téturaalu, naao betere alaró yó mótu betere fotamo mo hotowayóló kaae taru, naao ai yó tare ala dekayóló taaréni, haķe yótóro tawae. Ai alatamo yó tapa, ti yaķélé, naao yó mótu betere so whıķélé aluyaqsóro, tao saalopó.

5

Whı disiraperó wulia sorapetamo, wae sóro kutó diratere whırapekélé feapaae i ala yae yale fo

¹ Yaťa teó whıpa, ma fo duraalu mepaae whı disirape foné sóro deteraainé ini, mo naao ayapaae dere ma fo kaae dua yae. ² Teó kokopei whırapepaaekélé, naao no apupaae eratere ala kaaetóro

eróo, mepaae so disipaaekélé mo naao haepaae dere ala kaae eróo, teó seimale sorapepaaekélé, mo naao ne apupaae dere ala kaaetóro eróo duraalu, mo wisi kisipa betą muóló erótu betae.

³ Naale senaale mei, mo doasi yaýaťu betere wulia sorape keterényi mo wisiyóló tao sua yae. ⁴ Tétu betą wulia soné ama naale senaale ó ama naale senaalené deale naale senaale betepata, ti ai naale senaalené Kótóné ala eróturaalu, atimané hama alima kaae tatu yale kaae, atimané auma serekélé atéro kaae tapa, ti Kótóné mo wisirapó kisipa muaalopó. ⁵ Téretei, mepaae wulia so tao saaire so whı bitini, mo yaýaťu bitutei Kótópaae tuę tiki tiróló, take nalo betaaire alimó wisi ala wisi kelaalopóló kaae tawóló bitu, dilikitamokélé, dętamokélé, Kótópaae tao sae yóló moma yó tarapó. ⁶ Tétu betepatei, mepaae wulia so ama tó tikiné ekęlere alamaaté du betepata, ti ai so a mo betepatei sukune whı aęrapó. ⁷ I ala yae yóló du betere forapekélé, mo so whı feané wosóló sya fópóló yae. Ti noa yópóló dumipó. Mepaae Keriso so whıné wisi ala dumipóló eratere fo yaqsóro dapó. ⁸ Mepaae whırapenétamo ama kili whı so tao sóro kaae tani yóo, ama soró naale senaaletamokélé wisiyóló kaae tani yóo depa, ti atétere whıné Kótópaae tuę tiki tiró betere ala amatei faleyóló, i wisi ala inipóló dere fo yaosóro, mo whırapené du betere alakélé tętaraasepóló dapó.

⁹ Dią Keriso so whıné mepaae wulia betere sorape ęla ęla yaýaťepa, tao saaire fo i dapa wosae. Diaaę mepaae wulia sorape tao saairaalu, doi mole tikimó betą wulia so 60 ba fotamo kemenipa, ti kale sorapené doi mole tikimó touróló mulaęse. ¹⁰ Motamo ama oma aęmótóro bitu, wisi ala erótu betale doi mole so betepa, ti ai soné doi asęnérapó. Ti ai erótu betale wisi alarapeta etérópó. Naale senaale wisiyóló kaae taté fu betale alakélé, uké wale whırape wisiyóló dape su betale alakélé, mepaae sorapené naale senaalené di dasutu dere kaae, Kótóné so whı tao sóro erótu betale wisi alakélé, mepaae kae kae sekętere so whı tao suayale alakélé,

kae kae du betere wisi alatamo touróló du betepata, ti atei kaae wulia soné doi asenérápó.

11 Tétu, mepaae wulia betere teó sorapené doi mepaae doi mole wulia sorapetamo touróló mulaqse. Ti noa yaqósó dumipó. Atima Yesu Kerisoné kutó diraalopóló yóló mulale fo teteróló, nalomo whi kaetamo furaalu, tikaqósó dapó. 12 Atéro whitamó furaalu, folósó yóló mulale fo tikale betené dowi dupu saqósóropó. 13 Ti ai alamaaté meitei, atima kutókélé dini, dekaýóló hãle bitu, mené bepe bitiré kotere alamaaté dua dapó. Atéro hqko bitiré kuturaalu, kutó ditere nisi yópóló dere alakélé, mepaae so whi eraterere fokélé, mo enénire fokélé hqko deté kutu beterapó. 14 Mepaae wulia betere teó sorapepaaekélé, ma fo i dapa wosae. Me whiné diq dokóló naale senaale deyóló diqané be ó nokole q̄la ó mepaae qlarapekélé wisiyóló kaae tapa, dqané bóe whi Satan-né dq Keriso fake so whi faleýóló só deraaire t̄ muayósó yae. 15 Mepaae wulia sorapeta, ti kale t̄ wisi taaróló Satan-né ala eraairaalu, ai t̄ ai sya fele ape.

16 Mepaae kisipa tiki tiró betere soné ama kekelé sotamo atima tuamó betepa, ti ai soné atei wulia so mo wisiyóló kaae tanérápó. Ti noayaqósó meipó. Kale Keriso so whirape atima mepaae kekelé meire wulia sorape tao suraalu, kekelé betere wulia sorapetamo bipi yaqósó, kekelé betó mole wulia sorapeta, ti atima kekelénétóro tao sua yópóló yae.

17 Fo meta i ape. Kale Keriso so whi teteróló kaae tanópóló, sóro beteró betere whirape atima Kótóné so whi mo wisiyóló dapesó fu betepata, ti atima doi mulatere ala mo ti tómó beleróló mo doa doi mulópóló yae. Atéplatei, mepaae teteróló kaae tare whirape atimané diyópóló tukóló muló betere kutóta, ti Kótóné fo yó mótu betere alaró Keriso whi keteq̄ bulatere fotamo eró tare whirape, ti mo doa doi mulópóló hale sóro horótu betae. 18 Ti noatepae, i aseyóló muló betere fo tuq̄ muae. Kale *bulmakau* hupurapené whiti ne ó *bali* ne

ke whiné naairetei sókó fópóló, t̄iya t̄iya duraalu mepaae ke naqósóropóló kulumu faaraqse. Ai dere fo kaae me i ape. Kutó diratere whiné ama diale kutómó dupu sópóló melae fo aseyóló muló beterapó. 19 Térapa, me fo i ape. Beta whiné duraalu, kale teteróló kaae tare whiné i dowi ala depa kelalepó, dere fo wosaqse. Motamo, tamo ó sore whiné kelalepó depa, ti ai kale dowi ala yale whi so whi feané keletómó foné sae. 20 Ti noa yópóló meipó. Mepaae whirapekélé ai dere ala kolóló wiyópóló.

21 Yalo i dosayale alarape yae yóló yapaae du betere fo hasókó feni, mo eró taruraalu naao hosaa mole so whipaaemo wisi ala eróo, mepaae so whipaae kae ala eróo yaqse. Tétu, mené dere fo bete wisinipatei taleturaalu, atimané take du betale alamó kisipa mutu, miókélé i ala mo du yalepóló tao sere ala ó só deratere ala momókó yaqse. Ti i dere fota, Kótóné kele tómókélé, Yesu Kerisoné kele tómókélé, ama kae sóro beteró betere *ensel*-rapené kele tómókélé, yalo yapaae i ala mo yae yóló i mulatere ape.

22 Mepaae whi Kótóné so whi teteróló kaae tanópóló sóro beteraai depata, ti hapale hqko sóro beteréni, ama betere alapi k̄ae kolóló, sawa kaae taté fae. Térqlémó, ama dere alatamo mo wisipa, ti ama tikimó naase mulóló sóro beterae. Mepaae whirape dowi ala du betepa, naotamo ai ala ekesé yóló sesétere fo initepata, ti yqkélé ai dowi ala kwia ai sere ape. Téyaqósóro, naao du betere wisi ala me dowi alatamo hosekényi, mo wisi alamaaté du betere whi betae.

23 Téruraalu, yq̄ suka fea daló tare kae kae kisiró depe tuamó daale kisi betetamo wisiyópóló, mo w̄imaaté néni *wain* w̄eikélé sawa téti nukua yae.

24 Mepaae so whi atimané hqkeamó du betere dowi alata, so whi feané kolóló tuérápó. Atéreteiné ai du betere dowi alamó fo tokqtamo yóló kwia saaire be dq̄ teópatei, atima só deró beterapóló, so whi feané kolóló tuérápó. Mepaae so whi atimané kinóló deté fu betere dowi ala take fo tokqtamo yóló taletere

sukamó hakearatepa kelaalopó. ²⁵ Atétere kaae, mepaae hakeamó deté fu betere wisi alakélé, ti so whi feané kelerapó. Mepaae kikiti deté fu betere wisi alarapekélé ti so whi feané keletómó hiranénipó.

6

¹ Kutó dirópóló wae sóró betero betere whirape feapaae dere fo i ape. Kótóné doiró dané yó mótu betere fotamo mepaae so whiné faleyóló doka doka yaqsóro, ai whirape atima wae sóró dupuyale whi aqmó sukóló bitu, kutó mo wisióló diraté fu beterópóló yae. ² Mepaae wae sale whi talerapeta, ti Keriso whirapepó. Ai whirapeta, kale wae sale whirape atimané nopóló kisipa muóló, atima aqmó betere hýyóló deka kutó dini, mo doa keteké buóló dirópóló yae. Ti noatapa meipó. Atima ai ditu betere kutómó botokotere qlata, ti Kótópaae kisipa tiki tiróló betere Keriso no apunétóro naalo ai ape. Térapa, i yae yóló du betere fo yó móturaalu, mo dirii ma fo du betae.

Moni-mó hosaa muaqse yóló ere fo

³ Mepaae whirapenétamo kapala fotei Kótóné fo i ape yóló yó mótu betepata, ti ai whiné Tale Yesu Kerisoné yó matere fo wisiró Kótóné ala i ape yóló yó matere fotamo sya fumipó. Ti ai whiné ama dere alata, wisirapóló bopé faketu betereiteiné betá alakókélé mo kisipanipó. Ama nomarapetamo betá tué muóló bitini, mo sawa fomótei doasi fo nisiyóló dóroi du betere alaró u teterótu i teterótu dere alatamo du betereiteiné ama kisipa tiki wisini, mo dorapó. ⁴ Atéturaalu, mepaae whiné dere ala kolóló ekélé até enée yóló dei kisipa mutereiteikélé, kae kae qlamó alale suraalu hle sere alakélé, me whi dei tué muópóló kae kae eraterere fokélé, me whiné me dowi ala depa kilinitei, yalemolópóló hletei eraterere fokélé, dua dapó. ⁵ Ti ai alarape du betere whirapeta, mo foné bete sawakélé atima tuámó muni, mo dowi kisipatóro muluraalu atimasisitei hle fomaaté yó tarapó. Téturaalu, Kótóné ala erateretei doasi *moni* sere tu mole nisiyóló du beterapó.

⁶ Tépatéi, Kótóné ala erótu bitu mepaae qla qla mo dekéro saaitapóló kisipa muni, téti suraalu, ita Talené matere qla supóló supata, ti mo doasi ala ai ape. ⁷ Ti noatepae, dá haené depemó betero i haepaae wouraalu mo betá qlakélé tawóló wénitu dere kaae, dá i hae taaróló fukélé me qla tawóló faalomeipó. ⁸ Téyaalopa, dá mió bituraalukélé nokole qlaró deraaire kutitamo téti mupata, ti mo kée yóló wisi tué muóló betenérápó. ⁹ Mepaae so whinétamo é doasi *moni* sóró néli whi betenée yóló kisipa mutupata, ti dowi alamó dée nópóló su sere alané kisipa okokoróló qlisóro fulapó. Téturaalu, na hemó duku dere kaae dowi alané atima dóló sukunótua dapó. Atéro doasi *monimó* ekéle yóló néli whi betenée du betere alanétei kae kae hqko alaró dowi alatamo kaaróló, so whi doakale hapisaa sélimó durupu dere kaae, dowi alané atima betere bete mo ti doróló só derótu beterapó. ¹⁰ Ti noatepae, kae kae du betere dowi alata, ti doasi *monikó* senée yóló ekéle du betere alané kaarótu beterapó. Mepaae so whi doasi *moni* saaitapóló keteké buturaalu, Kótópaae kisipa tiki tiratere ala taaróló kópaae ai fu betere ape. Ti aita, atimané yale alanétei betere bete mo doróló dei fomaake kisipa mutu beterapó.

Pol-né Timoti fotokq bulóturaalu yale fo

¹¹ Kótóné ala erótu betere whi wisióló, ai du betere alarapené ya doraqsóro botokó fóló i alarape sya fu betae. Me dowi alakélé muni, mo donoyóló fole alakélé, Kótóné ala wisitóro eraté fu betere alakélé, tué tiki tiróló bitu naao no netamo yaala sóko fu betere alakélé, me sekei ala wapatei me qla meipóló fotokq buóló Kótóné alatóro eró taru, naameyóló mo dua betae. ¹² Atéro Kótópaae kisipa tiki tiróló bitu, ama ala erótu betere bóe whiné ai wisi alatamo bóe dupata, ti fotokq buóló du betae. So whi feané keletómó naao duraalu, Kótópaae tué tiki tiróló beterapó yale sukamó Kótóné, ya mo ti betere bete tuapaae bití ape, yalepó. Téyalepa, ai ti betere bete mo diriyóló tao tapatei fóló, kemene fole kwiamó

sókó faasepóló dapó. ¹³⁻¹⁴ Fea kae kae betere ɔlaró ere ɔlatamo betere bete mótu betere Kótóné kele tómókélé, Pontias Pailat betere felekemó halaainé daalu, mo donoi fomaaté yale seké Yesu Kerisoné kele tómókélé, i ala yae yóló mulatere fo ɔsókó fole ala ó dowi ala yalepóló só deratere alakélé ini, mo hotowayóló eraté fu beteró, dɔ tɛteróló kaae tare Tale Yesu Keriso wale sukamó sókó faasepóló, ɔalo ɔpaae mo dirii ma fo i yóló mulatere ape. ¹⁵ Tale waaire be dɛta, mené ali tanitei, Kótóné ama tukóló muló betere be demótóró waalopó. Fea ala feata, ti amatóró tɛteróló kaae taru, mo wisi alamaaté faanuraalu i haemó betó mole doasi topo whɔraperó mepaae ɔla ɔla tɛteróló kaae tare talerapetamo tɛteró betere Taleta ɔtórótípó. ¹⁶ A betɔ mo kaayólókélé ó kemekélé ini, mo ti betó tare Kótó beterapó. A ama kae ere dɛ tuámó betepa, mo whɔ betɔkélé, ɔ betere felekepaae fenénipó. Mo whɔ betɔné kolókélé inireteiné miókélé ɔ kelenénipó. Ai seké ɔtóró dukiróló, mo doasi fotokɔ bole doi kemekélé ini, mo ɔle muó taté fu beterópoló yae. Mo kée! Térópoló yae.

¹⁷ I haemó doasi *moni* tare néli whɔrapené i ala yópoló, ma fo i yóló mulatere ape. Atimané ai tare doasi *monimó* bopé faketuraalu, take nalo ai *moniné* atima tao saalopóló kisipa mutu betaqsóro yae. Ti noatepae, ai *monita*, ti muó tawaaire ɔlapakó kisipa tiki tiraalomeipó. ɔla ɔla fea mótu betere beteta, ti Kótótóró beterapó. Ai Kótóné hamokoróló damó ɔla ɔla fea sumó mótu beterapó. Atéró matere ɔla ɔla suraalu, mo kée yóló dɔ ɔhɔné sukóló só tarapó. Tétu beterapa, take nalo waaire alimó dapaae mo wisi ala eraalopóló kisipa mutu, ɔpaae betɔ kisipa tiki tiróló beterópoló yae. ¹⁸ Atimapaae diɔ doasi *moni* tare néli whɔ biture kaae, diaaɔ du betere wisi alamaaté diɔ tuámó faanu néli whɔ beterópoló yae. Atéró bitu, diaaɔ tare ɔla ɔla bukóló mepaae ɔyɔre so whɔmó hamokoróló ɔle mótua yae. ¹⁹ Atétu betere alanétei, take waaire alimó mo diriyóló beterópoló, doasi bete muaaire

wisi wisi ɔla muté muté horaalo ai ape. Téyaalopa, atima mo ti betere bete mo diriyóló taru du beterópoló, i ala yae yóló yó mótu betae.

²⁰ Timoti-ó, ɔ melale ɔla wisi me alané ó me whɔné doraqsóropa, hotowayóló kaae tawae. Me bete munire ɔle ɔko fotei, so whɔné mo bete mole fo nisiyópoló kisipa tiraaire fo depa, aita Kótóné bete mole fotamo bóe dilapa, kisipa keteróló sisópaae erae. ²¹ Mepaae whɔrapené ai fo mo dere nisiyóló Kótópaae tué tiki tiróló beteretei taaróló ai fele ape. Térapa, ɔalo mo hosaa mole no-ó, Talené ɔle hamokoróló tao sere ala ɔ tuámó muó tanópoló yae.

2 Timoti

¹⁻² I dere așeta, Kótóné ama tuęre ala sya furaalu, dotonale *aposel* whi Pol-né dapó. Yało hosaa mole naale Timoti ya paae Aya Kótóro Tale Yesu Kerisotamo tuamó kaaróló wou betere kolené sukuturaalu hałe tao sere alakélé, hosaa muni deyóló mo dua betere alakélé, ya tuamó muó tanópóló yae.

Talené fo aqmó sukóló bitu erótu betae ere fo

³ Yało ayarape deale whirape me dowi ala ini, tuę wisi muluraalu, Kótóné ama ala eraté wale kaae, mió yałokélé Yesu Keriso tuamó mo ti betere bete mulapóló kisipa mutu, ę ama kutó i dirótu betere ape.

Tétu dețamokélé, dikitamokélé, ya kisipa keteréni, momatóró yó taruraalu, Talepaae mo kée dapó. ⁴ Naao kelemó dorowou betere wole kaapemó kisipa mutu, ę hajné sukai ya kełe wolée i du betere ape. ⁵ Yało tuę mutupa naao tuę tiki tiratere alata, tómó ini, folosóro naao auseré Lois-ró naao hae Yunis-tamo tuamó iru yale kaae, mió ya tuamókélé mo atérápóló kisipa mutapó. ⁶ Atérapa, naao tikimó yało naase mulale sukamó Kótóné yapaae melale ala mo hałe muaqsóropa, si mi holópóló flitu dere kaae, mo doa ketekę buóló erótu betaasepóló, ma fo i dapa wosae. ⁷ Ti noatepae, Kótóné da melale kepe beteta, wiratere kepe ménitei, da mo halaaiyóló, yaala sókó fole ala yoo, da tuamó kae kae mole kisipa tiki hașókó fóló dowi ala yaqsóro, mo wisiyóló tețeróló kaae tawoo yópóló, fotokę bole kepe wisi melalepó.

⁸ Térapa, so whi feané keletómó da tețeróló kaae tare Talené ala etérópóló yó móturaalu, halaaíné erótu betae. Ama ala erótu betepa, *dipula* bemó betero betere whi ę kilitukélé hale yaqse. Téni, kale mió i wosetu betere fo wisi yó mótu betepa, ę su betere sekę kaae mené yapaaekélé eratepa, belée tawae. Ti ai sere sekęta, Kótóné damopaae mótu betere fotokę

tuamó betepa, ti sumó belenérápó. ⁹ Ti ai sekéné amatei da aluyaqsóro tao sóro ama kae betero betere so whi betero póló ę beterepaae ape yaleteita, ti dané me wisi ala dere kolóló initei, Kótóné ama mo eraalopó yóló muló betere ala sya furaalu, hałe hamokoróló tao salepó. Da atéro Yesu Keriso tuamó betepa melale hałe hamokoróló tao sere alata, i haeró șatamo aleyaaipatei meló beterapó. ¹⁰ Ai alata, da tao sere whi Yesu Keriso wale sukamó haķeamó eratepa, so whi feané kelalepó. Ti ai sekénéta, sukutere ala ama sóro mo ti aluróo, mo ti betó tawaaire ala de tuamó mupa so whiné koloo yópóló, mió i wosetere kisi fo wisi yó mótu betereiné haķearalepó. ¹¹ Mió i wosetu betere kisi fo wisi kae kae be huluamó betó mole so whiné wosópóló Kótóné fo i ape yóló yó meloo, bete mole fokélé yó meloo yópóló, amatei ę dotęyaairaaalu sóro beteralepó. ¹² Atétu betere alamó ę sekę su betepatei, wiyóló haletere alakélé dumipó. Ti noatepae, ę tuę tiki tiróló betere sekęta, yało mo diriyóló tuęrapó. Atéru, mo hotowayóló kaae tawae yale ala mió i betere alimókélé amatei kaae taté fóló, take kemene fole sukamókélé ama mo sumó kaae tanérápóló kisipa mutapó.

¹³ Yało yó matepa wosale fo mo diriyóló tuę mulu, naao yó mótukélé ai fo kaaetóroti yó mótu betae. Atéro yó móturaalu, Yesu Keriso tuamó bitu, kisipa tiki tiratere alakélé, yaala sókó fole alakélé, yó tawae. ¹⁴ Mené yapaae wisiyóló kaae tawae yóló melale ęla wisi me ala yaqsóro da tuamó betere Deı Kepe Wisiné ya fotokęratepa, mo hotowayóló kaae tawae.

¹⁵ Esia hae kwiamó betó mole whirape feané ę taaróló fupa, Fikelus-ró Hermosenes-tamokélé ę taaróló feletei naao ai tuęre ape.

¹⁶ Onesiporus-ró ama be whitamopaae Talené kolené sukóló tao sere ala erópóló yae. Ti noatepae, ę *sein* képiné dokóló *dipula* bemó betepa kilitu, atima wiyóló hale ini, wisi ala eraté fu betepa, ę kisipa feléyóló betalepó. ¹⁷ A Rom be hulua-paae wóló, ę momó beterérópóló kelaaı kikitu wikélé ó hókélé ini, mo ketekę buóló

keketé kutu beteró nalo ę kelalepó. ¹⁸Take Tale waaire be demó ama kolené sukóló tao saaire ala wisinaale ąpaae erópoló yae. Dąmo Epesus bemó betepa, ama ę tao suraalu, kae kae ala eraletei naao ai tuęre ape.

2

¹⁻² Tęrapa, Yąlo naale-ó, Yesu Kerisoné hąle hamokoróló tao sere ala tuąmó fotokę buóló betae. Atéró bitu, so whį feané keletómó yąlo yó mótu betepa wosale fo naao mepaae mo wisi ala yó tare whįrapepaae i kale fo wisi mo wisiyóló kaae tawae yóló sóró beterae. Ti ai whįrapeta, hąle whįrape meitei, mo so whįpaae Kótóné fo yó melaai mo sųre whįrapetóró sóró beterae. ³ Dąta, Yesu Kerisoné sóró beteró betere diki tare whį wisirape sų betepa, sekeį ala wapakélé me ęla meipa, dąmo betąmó titiyóló bitu, hąle belée tawae. I haemó betó mole diki tare whįrapené dere ala tuę muae. ⁴Atima tęteróló kaae tare whįné kisipa tiki feléraaire alatóró yó taru, mo so whįné kae kae du betere alatamo hosekýóló dumipó. ⁵Atétu dere kaae, mepaae whįrape sururu yóló furaalu, i yae yóló muló betere fo wisiyóló sya fenitepata, ti kale folosóró fole whįrapené derótua dere topo tao saalomeipó. ⁶Kutó dituraalu, depe tukó wei ala du betere whįnéta, folosóró ęlumé dere ęla amapi senęrapó. ⁷Yąlo i dere fo bete wosóló, noa fo betené dérópóló kisipa tekeyae. Atétepata, ti ai forapené bete Talené yąpaae yó melaalopó.

⁸Yąlo i yó mótu betere kisi fo wisita, kale Depit-né deté wale whį Yesu Keriso sukóló momó kepaayóló beteraóló du betere fo mo diriyóló wosóló, kisipa muae. ⁹Ai fo erótu betere, ę mo dowi ala yale whį kaae *sein* képiné dokóló *dipula* bitu, mo sekeį su beteraóló. Téretei Kótóné fota *sein* képiné dokóló munipó. ¹⁰Atęrapa, Kótóné sorokó su yóló kae beteró betere so whįrapeta, Yesu Kerisoné tao sóró mo ti betó tawaaire dę tuąmó beteraóló kisipa mutu, ę kae kae sekeį ala sótóró tarapó.

¹¹I dere fota, mopóló kisipa tiraaire fopa wosae.

Dą ątamo sukutepa, ti dą momó kepaayóló ątamo betąmó betaalopó.

¹²Mió i betere alimó dąpaae sekeį ala wapakélé, hepée taae faróló fupa, ti take nalo waaire alimókélé, fea ala fea ama kaae tare kaae, dąkélé ątamo betąmó bitu, tęteróló kaae tawaalopó.

Dąnéta ą tuęnipó depa, ti amakélé dąpaae diąkélé ą tuęnipó fo yaalo ai ape.

¹³Dąnéta ama ala erótu betereitei hýyóló taalatepa, ti ama dąné dere kaae yaalomeitei, ama yó tare ala hąle yótóró tawaalopó.

Ti noatepae, ama ere ala amatei doróló me kae ala enénipó. Ama du betere ala wisitóró hąle yó tarapó.

Kótóné ama kutó diratere whį wisipó yępóló kutó wisiyóló dirae ere fo

¹⁴Kótóné fo wisi erótu betere so whįrapené kisipa keteraąsóró yó maté fu betae. Tétu, hąle mo sawa fomótei doasi bete mole fo nisiyóló alale sóró u só derótu i só derótu yaąsóró, Kótóné keletómó mo dirii ma fo du betae. Ti noatepae, atei bete munire fo wosetere whįrapené kisipa tiki dorótu beteraóló. ¹⁵Naao Kótóné kutó ditu betereitei, hąko dirateremó haleyaąsóró, mo bete mole fo wisi donotóró yó mótu betae. Atétepata, Kótóné naao ai ditu betere kutó wisiyóló kaae kolóló mo whį wisipóló dukiratere fo yępóló, mo doa ketekę buóló erótu betae. ¹⁶Kótó sisópaae eróló, hąle hąko forape wosaaitapóló faęse. Ti noatepa meipó. Atei fo du betere so whįta Kótó kisipa keteróló sisópaae mulóló mo ti aluraté faalo ai ape. ¹⁷Ai whįrapené yó matere fota, dowi humu fakeyóló kęlaaté furaalu, whįné tiki turó dorótu dere kaae, so whį feané kisipa tiki mo ti doraalo ai ape. ¹⁸Ai fo yó mótu betere whįrapekó Haimeniasisró Piletus-tamo kale mo fo wisi taaróló ai fele ape. Ti atimaamoné etei fo du beteraóló. Dą Keriso so whįta, take kepaayóló betereitei, momómo kae kepaayaalomeipó du beteraóló. Atétere foné mepaae so whįné tuę tiki tiró betere ala mo dorótu beteraóló. ¹⁹Tétepatei, Kótóné mo ti muó tawaaire bete tukóló

muló betere kapo fake tó mó tei i fo aseýóló muló beterapó.

“Talené ama naale senaleta, ti amató ró tué rapó.”

Fo me i ape.

“Talené ama ala eró tu betere so whi feata, ti ama so whi pa, dowi ala mo taaróló kae betae.”

²⁰⁻²¹ Betá néli whiné ama doakale tene be dolomó, *kold kaparó silpa kapatamoné* aleale wisi wisi ɔla muóo, mepaae mo ni fakeró haetamoné aleale ɔla ɔlakélé muóo, erapó. Atére ɔla ɔla mepaae mo wisi kutó maaté diyaairaalú bukóló kae mulóo, mepaae ɔla ɔla, ti hãle hõko kutó diyaai saaitapóló kae mulóo, dua dapó. Mepaae whi dené hãle bete munire ala sisópaae mulóló, me alakélé munipa, ti mepaae kae kae wisi ala ai whiné sũmó eranérápóló kisipa mutu, Talené taleyóló kae beteró beteratápó.

²² Teó so whiné ekẽle yóló du betere dowi ala yãpaaekélé eraqsóró, mo hotowayóló kaae tawae. Atéró, Kótóné so whi atima hosaa tuãmó mo wisi kisipa betá mulu, Talepaae momatu betere so whitamó yãkélé betãmó bitu, mo donoi alamaaté yó tawóo, tué tiki tiratere alakélé yóo, yaala sókó fóló hosaa muni deyóló dua betóo iru, ketekẽ buóló eraté fu betae. ²³ Topo doyóló okokoi kisipa mole whirapené u só derótu i só derótu dere kaae momókó yaqse. Ti noatepae, atétere alané hõle sere ala kaarótu betteretei naao ai tuére ape. ²⁴ Ti atei kaae ala Talené kutó diratere whiné dere ala meipa, mo yaqse. Téni, so whi featamo mo dua naameyóló bitu, Kótóné fo wisi betá yó melatere fosó fosóre whi betae. Menétamo yãpaae dowi ala eratepa, apaae kwia tokó melaai kisipa muni, mo donoi ala betá erótu betae. ²⁵ Kótóné kutó diratere whirapetamo bóe du betere whirapepaae Kótóné fo wisi mo dua naameyóló yó mótu betae. Ti ai bóe du betere alata, hãle meipó. Satan-né ama kisipa mole ala erópóló, atima ama hemó ai daló betere ape. Atérapa, ai yó matere fo wisi woseté furaalu, Kótóné atima kisipa tiki feterópóló dua yó mótu betae. ²⁶ Atéró feteratepa, mo foné bete diriyóló

tuéturaalu momómo kisipa wisi muóló, Satan-né hemó doló mualetei sokóló hãle fõpóló eraalopó.

3

Kemetere be ðemó Kótó hõróló bóe daaitere ala

¹⁻⁵ I dere fo mo diriyóló wosae. Kemeyaaitere alimó mo dowi sekẽi ala wapa so whi feané i alarape du betaalo ai ape. Atimatei atima yaala sókó fole ala yóo, *monimó* ekẽle dere ala yóo, bopé fake dere ala yóo, amatei a hale horatere ala yóo, dowi teka fo yóo, atimané hae aya aqmó sukóló bitini yóo, mené wisi ala eratepatei mo kée dere fo ini yóo, Kótóné ama kae beteró betere so whi bitini yóo, mepaae so whipaae yaala sókó fole ala ini yóo, me whitamó hõle saletei hapale kemeraaire tué muni, dowãae fole ala yóo, eratere fo yóo, atimané ekẽlere ala tẽteréni yóo, kõle dere alakélé ini, susupuratere alamaaté eróo, me whipaae wisi ala eraai tué muni yóo, mo no apu nisirutei eleké deyóló dóo, yaaitere ala kisipa tekeyóló ini hõko yóo, mené kolóló dukirópóló nene dere ala yóo, tó tikiné yaaitere ala ekẽle yóló duraalu, Kótópaae yaala sókó fole ala ini yóo, atima Kótóné ala eratere whirape aqrutei ai ala eraaire fotokõ meitepa, atimanétei hõyóló taaralepó. Atei ala du betere so whitamó fulumu yóló bitini tika kae betae.

⁶ Ai ala du betere whirapené wisi ala yaai tué munire sorapené bepaae kikití dua sókó fóló kale sorapené kisipa tiki doróló i ala yae yóló yó mótu beterapó. Ti ai sorape atima du betere dowi alané atima só deróló atimané kisipa tikikélé beséne ni upaae só fua ipaae só wua dere kaae, kae kae dowi ala yaai ekẽle yóló du beterapó. ⁷ Atimané kale fo wisi saalopóló su betepatei mo foné bete wisiyóló kisipa mutumipó. ⁸ Take Moses-né Kótóné fo i ape yóló yó mótu betepatei, Janes-ró Jamperes-tamoné ai fotamo bóe du bitu yale kaae, ai whirapénékélé mo fotamo bóe du bitu, dowi ala yaaire kisipatóró fãanuraalu, Talepaae tué tiki tiró betaaire ala sũnipa, Kótóné atima taaralepó. ⁹ Kale u whi tamopaae yale kaae, ai whirapené

họko ala du betere bete so whi feané kolópóló hakearatepa fọlo sukamó deté fu betaalomeipó.

Pol-né Timotipaae i ala yae yóló ketekę bulale fo

¹⁰⁻¹¹ Tépatéi, yálo yó mótu betere fokélé, ę betere alakélé, yálo yaai tuę mutere alakélé, kisipa tiki tiró betere alakélé, seke beleté fu betere alakélé, yaala sókó fole alakélé, sekei ala wapatei hepée taae faróló hále yó tare alakélé, susupui ala erótu betepakélé, kae kae su betere sekei alakélé, ę Antiok beró Ikoniam betamomó betepakélé, Listra bemó betepakélé, ępaae kae kae susupui ala erótu betaletei, fea naao ai tuęre ape. Ai alarapené ę só deraşóró Talené ę tao salepó. ¹² I fota mo dapó. Mepaae whi detamo Yesu Keriso tuamó bitu, Kótóné ala eraai kisipa muóló erótu betepatei mo whirapené atimapaae sekei ala erótu betaalopó. ¹³ Ai ala erótu betere whiraperó mepaae wisi ala du betere nisi dere whirapetamo atimatei dilikitu yale kaae, atimané mo so whikélé dilikitu beterapó. Atimané atéro du betere dowi ala mo ti faketuraalu, atima mo do-raalopó. ¹⁴⁻¹⁵ Atimata ai ala du betepatei, yáta kaepa, yápaae ai fo yó melale so whirape naao tuęru atimané yó melale fo tuętóró yó tawae. Kótóné mo ama kae aseýóló muló betere fota, yá mo ketemó bitu woseté waletéi naao mo tuęrapó. Ti yá Yesu Kerisopaae kisipa tiki tiraté fu betereteiné aluyaşóró ai fonétei mo tao saaire bete wisiyóló tuę yópóló, yó melanérapó. ¹⁶ Kótóné asemó yóló muló betere fo feata, ama bole fomo sókó far-aleteiné eró beterapó. Ti aita noa ala yópóló meipó. Kótóné ala erateré whiné kae kae wisi ala erótu beterópóló kisipa mutu, yóló muló beterapó. ¹⁷ Tétu, ai fonétei mo so whipaae yó matere ala yóo, dowi ala depa foné sere ala yóo, me họko ala depa donorate ala yóo, Kótóné ama donoi alamaaté mo şumó wisiyóló eraté fóo enérapó.

4

¹ Kótóné kele tómókélé, dą betere so whiró sukále so whitamó fo tokótamo

yóló tale yaaire whi Yesu Kerisoné kele tómókélé, ą waaire be dęró ama tęteróló betere alatamomó tuę muturaalu, yálo yápaae i ala yae yóló dirii fo i dere ape. Kale fo wisinaaleta so whi feané wosópóló i ape yóló yó mótu betae. ² Ai fo yó melaai tukóló muló betere be demókélé, ó mo hále be demókélé, naao yó melaaire fo ali ali yaşóró taleyóló kisipa muóló betae. Atétu, mepaae whirapené hásókó fupa donorate ala alakélé yóo, me dowi ala depa taalae yóló, foné sóró ketekę bulatere fotei yóo du betae. Atéro yó matere fo wisiyóló sya fenitepa, foné sóró hapale só deréni, dua kaae taté fu bitu, kale bete mole fo betą mo hotowayóló yó mótu betae. ³ Ti noatepae, mepaae whiné kale mo bete mole fo wisi yó mótu betepatei, so whiné wosetere hóraaire ali waalo ai ape. Ai fo wisi wosetere hóróló, atimané yaai kisipa mole ala sya furaalu, diané yó mótu betere fo wosaalo hóróló atima woséliné ekele yóló wosetu betere fo wosaaitapóló, atei kaae fo yó matere whirapepaae ape depa, atima fea wóló touraalopó. ⁴ Ti mo bete mole fo wisi atima wosetere hóróló sisópaae eróló, bete munire doląa fo wosaairaaló ekele yaalopó. ⁵ Ai alata mo du betaalotei, yápaae kae kae ala wapa, furu furu ini, kisipa diri iruraalu halaaiyóló betae. Mepaae sekei ala wapakélé belée taruraalu, kale mió wosetere fo wisi betą yó mótu bitu, Kótóné yápaae erae yóló muló betere ala fea taaréni eró tawae.

⁶ Ti noatepae, mo so whiné Talepaae momaturaalu, kale *wain* węi momatere kapo fake tómó sunée derótu dere kaae, yálo betere bete mió i kemeratere ape. Ti ę i hae taaróló faaire be dę mió i sókó waaitere ape. Kale bóe dale alakélé yálo mo wisiyóló dóo, sururu yóló fóló sókó fópóló muló betere dąlemó sókó fóo, Yesu Kerisopaae tuę tiki tiratere alakélé hále yó tawóo yalepó. ⁷⁻⁸ Téyaletéiné mió yálo doimó muló betere topo tao mulapó. Ti aita hále topo tao meitei, dą feané yale alamó fo tokótamo yóló mo donotóró taletere Talené ita, mo donoi ala du betere whi i ape yóló melaaire topo taopó. Ti

aita, yałomaaté saalomeitei, Tale waaire be de soko wopolo kaae tate fu betale so whi feane saalopo.

Pol-ne Timotipaae hapale ape yale fo

⁹⁻¹² Fo me i ape. Ya e beterepaae hapale waasepolo. Ti noatepae, Demas a i haemo du betere alamó hosaa muturaalu, e taarolo Tesalonaika bepaae ai fele ape. Tetu, Kresens-kelé Kalesia bepaae foo, Taitus-kelé Dalmesia bepaae foo depa, Luk beta etamo i betere ape. Ti Mark ata, e Talene kutó diratepa tao su betere whi wisipa, ya wou a dapeso ape. Tikikas ata Epesus bepaae fopolo, yalo doteyalepo. ¹³ Tetu, yalo bukutere kuti Troas bemó yalo no Karpus-tamo mupa walepa, ya wou soró ape. Yalo bopeyolo mulale asetera sokurape soró wou, kale hupu sekaene aleale asetera sokurapekelé ai mulapa, taarolo weni, mo soró ape.

¹⁴ Kapa dirine qla qla aletu betere whi Aleksandané doasi boe dolo epaae sekei ala eralepo. Ateyale kwiata, apaae Taleneitei toko melaalopo. ¹⁵ Ai sekene dane yo motu betere fotamo doasi boe dalepa, yutamokelé boe dolo me dowi ala eraqsoro mo hotowayolo kae tawae.

¹⁶ Etamo fo tokotamo yolo so deraai kaae soró taleyale sukamo me whine e tao sere fo yaai ani, atima feane e taarolo felepó. Atimané atei ala yale kwia Talene alurpolo yae. ¹⁷ Tepatei, Tale etamo betamo daalu fotoko sumo bulaleitea, kale fo wisi yalo mo diriyolo eratepa Juda fake mei, kae fake so whi feane wospolo eralepo. Teteremo, atimané e mo felekemo dolo aluraitei, Talene tao salepo. ¹⁸ Mepaae whirapene kae kae dowi ala epaae eraqsoro, Talene e tao soró ama tetarolo betere hepen bemó ere ala wisi tuamo betaropoló, mo wisiyolo dapeso folo beteraalopo. Ama doi beta mo doasi doi muo tate fopolo yae. Mo kee! Teyopoló yae.

Mo kemerotu kqleo yale fo

¹⁹ Prisila-ro oma Akuila-tamopaaekelé, Onesiporus-ro ama kekelé so whitamopaaekelé kqleo yae. ²⁰ Erastus Korin bemó betoo, Tropimus a Miletus bemó hepone sukolo

muoo epa taarolo walepo. ²¹ Yata, sosoli ali waaipatei, ipaae hapale waasepolo dapó. Yupulus-nekelé, Pudens-nekelé, Linus-nekelé, Klodianekelé, mepaae Keriso norape feanekelé, yapaae kqleo dapó.

²² Teraapa, Tale naao kepe bete tuamo bitu, ama hale hamokorolo tao sere ala ya tuamo surpolo yae.

Taitus

¹ Ẹ Kótóné kutó diratere whi bitu, Yesu Kerisoné doteyale *apotel* whi Pol-né dapó. Atéro doteyaleiteita hãle mei, Kótóné ama sorokó su yóló betero betere so whiné Talepaae tué tiki tiróo, kale bete mole fo tué yóo, yópóló ẹ doteyalepó. Ai bete mole mo fo wisi diriyóló kisiparu, tué tiki tiróló Talené ala eraté fu betera-pó. ² Ti tué tiki tiratere alaró mo bete mole fo diriyóló kisipare alatamota, take nalopaae mo wisi ala tuámó be-taalopóló, mutere tué tó mó belerapó. Ti ai alata, kapala fo mo sawakélé eneitere Kótóné sãró haetamo kaaraai teópa, mo taketitei yóló munélipakalepó. ³ Dã aluyaqsóró tao su betere Kótóné ama fo wisi ẹpaae mo wisiyóló kaae taru, so whipaae yó male fae depa, yãlo yó maleteiné Kótóné ama mo eraalopóló tukóló muló betere be demótóró ama yóló mulale fo hãkearalepó.

⁴ Taitus-ó, yãlo i dere așeta, dãmo wusuró mo betã fotóró wosóló Talepaae tué tiki tiró betere alakélé betã ala ereteiné yã yãlo hosaa mo turó mole naalepa i dere ape. Dãné aya Kótóró dã tao sóró wisiró betere whi Yesu Kerisotamoné hamokoróló tao sere alaró hosaa muni deóló dua betere alatamo yã tuãpaae erópóló yae.

Atimané diyaaai yale kutórape ke-merópóló Tatus Krit-mó beterafe fo

⁵ Ẹ faairaalu, yã weiné bopéro daaló betere hae Krit-mó betero loló fele bete i ape. Mepaae diyóló kemeréni, kwia mupa taarale kutórape naao donoróló diyóló kemeróo, ai hae kwiamó tẽ mole be huluamó betere Keriso so whi tẽteróló kaae tawaaire whi disirape sóró betera-tẽ kweyóo, yópóló taaróló felepó. ⁶ So whi tẽteróló kaae tawaaire whi disi sóró betera-tepa, i ala ere whi sóró beterae. Me dowi ala yalepóló só derenitere whi betóo, sokélé mo betãtóró dokóo, ama naale senaalekélé Talepaae tué tiki tiró betóo, mepaae so whiné ama naale senaale hama

alima aqmó bitini dowãae fóló, atimané tó tiki felé yaaire ala du betepa, só der-aterere fo ini yóo, dere whi sóró beterae. ⁷ Atéro beteraere whiãta, Kótóné ama dirae yale kutó tẽteróló kaae tareteiné mepaae whiné me dowi ala yalepóló só der-aterere fo ó mepaae whiné dere fo woseni dowãae furaalu, ama kisipa mole alatóró sya fole whi ó hapale fopaae butere whi ó *wain* wẽi mo dekéro nokole whi ó hapale fopaae buturaalu hõle sere whi ó doasi *moni* saai ekẽleru, kapala ala du betepa, ti atẽtere whi beteranenipó. ⁸ Ai dosãayale alarape ini, uké whi wisiyóló dape sóo, wisi ala maaté yaai ekẽle yóo, ama tikiné ekẽlere ala ini, ą amatei tẽteróló kaae tawóo, ama dere ala fea mo donotóró yóo, Talené ama ala erópóló, kae betero betere whi betóo, yaaitere alarape taleyóló mo bete mole alatóró yó tare whi betóo epa, ti so whi tẽteróló kaae tanópóló, sóró beterae. ⁹ Tẽrapa, kale bete mole mo fo mené yãpaae yó melaleteti diriyóló tuẽru, mepaae so whi ketekẽ bulóo, ai fotamo bóe du betere so whi donoróo, enere whitóró sóró beterae.

¹⁰ Ti hãle hõko whi sóró beteraqse dere fota, ti i betené dapó. Kale mo fo wisi-tamo bóe du betere whiãrapekélé, bete muni hãle hõko fo du betere whiãrapekélé, kapala fo yóló so whi dilikitu betere whiãrapekélé fea betó mole tuámó tiki sekaẽ tikae du betere whiãrape mo dekéro betó moleteiné dapó. ¹¹ Atimané du betere alata, enenire fotei ai yó mótu betere ape. Aita hãle dumi, kapala so whi dilikóló *moni* saai du betera-pó. Atéro yó mótu betere foné betã whiné ama soró naale senaaletamokélé, ama fake whiãkélé, atima fea betã be dolomó betó moletei ai dorótu betere ape. Atẽtu betere ala momó kae yaqsóró, mo taalae yóló foné sae. ¹² Ti ai Krit haemó betó mole whiãrape atimané fo eratere kóló whi betãné i fo erapó. “Weiné bopéro daaló betere Kiriti haemó betó mole so whi fea kapala fo buóo, hupu haqne dere kaae, dowi ala hãkeamó hõko yóo, dekaýóló bitu ọla maaté dekéro naai ekẽle yóo, du betera-pó,” ¹³⁻¹⁴ Atimané fo eratere kóló whiné i alarape du betepa

kelalepó dere fota ti mo dapó. Térapa, Taitus-ó, naao teteróló kaae tare so whi atimané tué tiki mo diriyóló tirópóló, Juda fake so whiné dolğa foró kale mo bete mole fo hýrale whirapené i ala yae dere fotamo wosaqsóró, mo deteraa yóló atima foné sóró ma yae. ¹⁵ Mepaae wisi tuétóró mole whi atimané dere alaró dere fotamokélé, mo wisiyóló du betera. Téretei, mepaae whi tué tiki tiró bitiniru, atimané hosaa tuámó dowi kisipa mupa, ti ama dere foró dere alatomokélé wisini, mo turó dorapó. Ti i dere fota, mo dapó. Atimané tué tikiró hosaa tuámó mole alatomota, wuliné api fulukó fóló ęla wisi dorótu dere kaae, dowi alané atima mo ti doró betera. ¹⁶ Ti Kótó tuęrapó du betepatei, atimané dere alané ti Kótó tuęnipóló hękeamó yó matapó. Atima mo sonaalei ala du betere so whi betóo, dere fokélé woseni, tikóo du bitu, wisi ala yaaire mo sunipó.

2

Sere otere ó teó so whipaae Talené bete mole fo etéro yó manerapóló ere fo

¹ Naao fo yó móturaalu, kae kae fotamo touróló yó meni, Kótóné mo bete mole fotóró erótu betae. ² Atéro yó móturaalu, mepaae hęle Keriso maaté betere whi disirape atimané dere ala sawa tétitóró yóo, nokole ęlakélé kisipa tekeyóló tétitóró nóo, so whiné atima dere ala kilituraalu, mo donoi ala dapóló doi mulóo, atimané mepaae ala yaai fopaae hapale buni, hotowaró kaae taru, tué tekeyóló yóo, Talepaae tué tiki tiratere alakélé, yaala sókó fole alakélé, Talené ala taaréni, hęle yó tare alakélé mo diriyóló kisiparu, erótu betere whitóró beterópóló, ma fo yae.

³ Até dere kaae, so disirapepaaekélé, atimané dere ala Talené so whiné dere alaró du beterópóló yae. Téturaalu, so whi eratere fo ó *wain* węi dekeró naai eęęle ini, mo wisi fo maaté yó mótu beterópóló ma yae. ⁴ Téturaalu, ai so disirapenemo mepaae teó sorape atimané whiró naale senaaletamopaae yaala sókó fole ala du beterópóló, etéro yae yóló yó

manerapó. ⁵ Atimané me ala yaai fopaae butere ala hapale ini, hotowaró kaae taru, tué tekeyóló mo wisi alaró yóo, bemó ęla bilitere alakélé, naale senaale kaae tatere alakélé, be kaae tatere alakélé, mo kelaalo kokęi alaró hosaa tuámó me kisipa muni, mo wisi kisipa betę muóló, atimané whi aęmó beterópóló ma fo yae. Ama fo yae deretei hęle meipó. Atimané du betere ala mepaae so whiné kilituraalu, Kótóné fo bete muni nisiyóló doka doka yóló faleyaqsóró dapó.

⁶ Whi disiró so disitamopaae yale fo kaae, teó whipaaekélé atimané mepaae ala yaai tué tekeyóló hotowaró yópóló, ma fo yae. ⁷ Naao du betere wisi ala so whiné kolóló, atimané tokóló yópóló, yó mótu folosóró naaopi yae. Atéro, naao yó matere fomo kae yóo, dere alakélé kae yóo ini, mo betę alaró erópóló yae. Téturaalu, i ala tómó mole ala kaae aęréni, mo bete mole alapóló tué muóló yó mótu betae. ⁸ Atétepa, ti naao yó matere fo atimané wosaalomeipóló, mené só deratere ala enénipó. Ti noa yaqsóró du meipó. Yętamo bóe du betere whirapené dę hęsókó fole ala initepa kilitu, atimané yale fomó atimatei hale yópóló dapó.

⁹⁻¹⁰ Atéturaalu, wae sóró kutó diratere so whirapepaaekélé atima teteróló kaae tare whi aęmó bitu, atimané tué tiki felé yópóló kutó wisiyóló dirae yóló ma fo du betae. Kutó diratere whirapené atima teteróló kaae tare whiné dere fo woseni dowęae fóo, atimané mepaae ęla ęlakélé ęlémi sóo yaqsóró yae. Aténi, atima teteróló kaae tare whirapené me ęla ęlémi nokole ala ini yóo, erae dere alakélé mo wisiyóló eróo depa kilituraalu, kutó diratere whi wisipóló tué muaalopó. Atéro atimané mepaae alarape duraalu, i dere ma fo sya fóló eratepa, ama fo woseturaalu, ama fo wisita mo bete mulapóló, Tale dukirópóló dapó.

¹¹ Ti noatepae, so whi aluyaqsóró Kótóné ama hamokoróló tao sere ala mió i alimó betere so whi feané kolópóló hękearó betera. ¹² Kótó bitini nisi yóló du betere alaró i haemó eęęleyóló du betere alatamo yae yóló sętepa, ai

ala mo yaalo meipó yóo, mió i betere alimó mepaae ala yaai kisipa tekeyóló yóo, mepaae dere alakélé mo donotóro yóo, Kótóné ama ala hãle eró tawóo yópóló, ai fo wisinétei dápaae yó mótu betepapó. ¹³ Dã noa wisi ala kelaai hẽkesetamo kaae tawóló betere? Dã tao sere whĩ Yesu Keriso ąta, dã tẽteróló kaae tare doasi Kótó betepapóló, ama kaae ere dẽ wisinaaletamo wale ala kelaairaaalu, dã hãjtaamo kaae tawóló i betere ape. ¹⁴ Dã dowi alané dokóló muló betepa, ai sekẽné ama betere betené dã dupuróló ą sukãleteita, hãle meipó. Dã dowi ala mo sawakélé muni, mo ama so whĩtóró bitu, mo wisi alamaatẽ ekẽle yóló deté fu beterópóló, erapó.

¹⁵ Atẽrapa, ai dosãayale alarapetamo naao yó mótu betepa, ti mo wisirapó. So whĩné mepaae hõko alarape taalae yóló foné sóo, du betere wisi ala taaréni ketekẽ bulóo yae. Ti yãta, Talenétei ama ala erópóló, sóro beteró betepa, mepaae so whĩné yã belei aleróló só deratepa, ai dere fo woseni, ai bete mole fo yó matere ala betã du betae.

3

Mo wisi ala betã erótu betae ere fo

¹⁻² So whĩ tẽteróló kaae tare *Gavman* whĩraperó mepaae ala kaae tanópóló sóro beteró betere whĩrapetamo aqmó betae yóló Kótóné so whĩpaae ma fo yae.

Atẽturaalu, atima kale tẽteróló kaae tare whĩrapené yae dere ala sya fóló eróo, mepaae wisi ala ketekẽ buóo, me whĩ eraterẽ fokélé ini yóo, mepaae so whĩtamo naameyóló mo dua betóo, me whĩ hamo-mané kisipa sekẽ yaqsóro dere ala kisipa tekeyóló yóo, bopé fake ini, deróló dua betóo erópóló ma fo du betae.

³ Take betale alimó dąkélé kisipa okoko yóló hõko bitu, ai fo wisi wosóló aqmó bitini, dowãae fóló du betale alané dã dilikitu betalepó. Atẽtepa, dãné tó tikiné ekẽle du betale alaró kaae du betale feléi alatamoné dã dokóló wae sóro kutó diraterẽ whĩ beteró beterepó. Dãné no nené dere ala kilitu, dąkélé ai ala enéẽ yóló dei kisipa muturaalu, dãné atima

hõróo, atimanékélé dã hõróo, deté fu betalepó. ⁴ Tẽpatei, dã tẽteróló kaae tare Kótóné ama ere wisi alaró yaala sókó fole alatamo hãkearale sukamótóróti, dã aluyaqsóro ama tao salepó. ⁵ Ti ama dã tao saleteita, dãné me donoi ala depa kolóló initei, ą kolené sukutu tao sere bete bitu, tao salepó. Tẽturaalu, Talené ama fokóló dã ama naale senaale deyóló beteroo, Dẽ Kepe Wisiné kisi whĩ aleróló beteroo erapó. ⁶ Talené ai Dẽ Kepe Wisita, dã so whĩ fea tao sere whĩ Yesu Keriso tuãmó betepa, Talené dápaae mo turó suniyalepó. ⁷ Atẽre alata, Talené ama hamokoróló tao sóro, mo donoi so whĩpó ereteiné dã ai mo ti betere bete sóro taru, ama wisi wisi ala Yesumó matere kaaetóro dãmókélé matepa saalopóló hãjtaamo kaae taté fu beterópóló erapó. ⁸ Ai fota, mo bete mulapóló tuẽ tiki tiraaire fopa, mió Kótópaae tuẽ tiki tiró betere so whĩkélé ketekẽ buóló mo wisi alatóro du beterópóló, ai fo naao mo diriyóló tuẽru, donotóro yó mótu betepa, mo wisirapó. Ti ai dosãatẽ wale alarape feata, wisi alatóro ereteiné so whĩ fea tao sóro wisiranerapó.

⁹ Tẽpatei, kisipa okokoi whĩrapené dóroi duraalu hãle hõko dere fokélé, dã deyaairaaalu deté wale noutererape dosãatẽ wou betale alakélé, Moses-né yóló muló betere fomó alale sere alaró hõle sere alatamoné dere fo mo wosaqse. Ai alarapené, so whĩ tao sóro wisiraaire bete mo munipó. ¹⁰ Diã betã kisipa muóló betere ala mepaae whĩné tekeratepa, taalae yóló foné sae. Atẽro foné senaalemó, naao dere fo wosenitepa, kale yale kaae momó foné sae. Tẽnaalemókélé mo ti wosenitepa, momó kaae ini, ama enéere ala deté fu beterópóló mo ti taalae. ¹¹ Atẽtere whĩta, dowi ala ą tuãmó fãanuraalu, dowãae fóló du betere alané amatei ą ai só derótu betere ape.

Mo kemeróturaalu Pol-né Taitus-paae ape yale fo

¹² Artemas ó Tikikas yãlo yã beterepaae ai dotonatapa, ątamo yã betere mó sókó wapa, ti yã dãmó Nikapolis be huluamó hokolaa yaalopa fae. Ti mió i waaire sosóli

alita, dāmo ai bemó betepa kemeyópoló faai kisipa mutapó. ¹³ Fo tokótamo depa tao sóró fo eratere whi Senas-ró Apolos-tamo uké furaalu sóró faaire mepaae ɔla ɔlakó yāyātepa, ti atimaamo tao sóró melae yóló i dere ape. ¹⁴ Yātamo aimó betere dā Keriso fake so whi atima betere dokɔ nokole ɔla ó mepaae so whi tao saaire ɔla ɔla yāyāni, mó sūmó mulópoló, kutó ketekę buóló diae yóló ma fo du betae.

¹⁵ Imó ętamo betó mole so whiné yāpaae kɔleó dapó. Talepaae kisipa tiki tiró bitu, dāpaae yaala sókó fu betere so whipaae kɔleó yae. Térapa, Talené hamokoróló tao sere ala diā feapaae erópoló yae.

Filimon

1 Ẽta, Yesu Kerisoné ala yó mótu beteremótei, *dipula* beteró betere whi Pol, dāné no Timoti dāmo wusuró bitu dapó. Ita, dā fea betā kutó ditere whi Filimon-paae dapó.

2-3 Dāné ne Apiapaaekélé, dā Kótóné alamó betāmó bóe beleraterere whi Artipus-paaekélé, Filimon naao bepaae tourāle wua du betere Keriso so whi feapaaekélé, dāné Aya Kótóró Tale Yesu Kerisotamoné hāle hamokoróló tao sere ala wisiró hosaa muni deyóló mo dua betere alatamo diā tuāmó mulópóló yae.

Talepaae mo kée yóló moma yale fo

4-5 Ẽ tēteróló kaae tare Kótópaae momaterere sukamó yā kisipa yó taru, Talepaae mo kée fo du beterapó. Ti noatepa meipó. So whi feané yāta, Tale Yesu Kerisopaae kisipa tiki tiró betóo, Kótóné wisiróló kae beteró betere so whi feapaaekélé yaala sókó fóo, du beterapó deté fole fo yālo wosetereteiné dapó. 6 Naao tuē tiki tiraterere ala mepaae so whipaae yó materetei atima tuāmó mo du oleyópóló yālo yā momarótu beterapó. Atétu, Keriso tuāmó mole wisi wisi ala fea dāné sóró tarapóló mo diriyóló tuē yaalopó. 7 No-ó, Kótóné wisiróló kae beteró betere so whipaae naao wisi ala erótu betaleteiné, atimané kisipa felérótua yalepó. Naao atéro yaala sókó fole alané yālo hosaa diriróló, ę mo doa hajné sukunótua yalepó.

Pol-né Onesimas wisiyóló dape sópóló yale fo

8-10 Téryalepóló, dāmo Keriso tuāmó bituraalu, yālo yāpaae i ala yae yóló ha-laainé enéptei, taaróló yaala sókó fole ala betené yāpaae dua woseratapó. Ẽta Pol-né dapó. Ẽ otere yóló bitiré fóo, miókélé Yesu Kerisoné ala erótu beteremó *dipula* sóró beteró betóo iruraalu, yālo naale Onesimas-mó kisipa mutu woseratapó. Ẽta, mo dirii képiné dokóló *dipula* betepa, ą yālo naale aleyóló beterepó.

11 Take bitiré wouraalu, ama yā fasóló naao erae dere ala fea ama wisiyóló eréni, hāle hōko beterepó. Atéyaletei, mió dāmo wusuróné dere fo wosóló, dāmo aqmó sukóló bituraalu, erae dere ala fea ama sūmó eranérapó.

12 Ti ąta, mo yālo hosaa mole naaletei, yā beterepaae wópóló momó dotonatapó.

13 Yesuné fo wisi yó mótu betalemó, *dipula* bemó dirii képiné dokóló beteró betepa, naao ę tao su betere kaae, yā betere sir-imó ą bituraalu, ę tao sópóló ętamo betaai kisipa mualeti taaróló yā beterepaae dotonatapó. 14 Atéro ą ętamo bituątei, naao ai ala yae dere fo woseniruraalu, ą yālo tanénipó. Naao ąpaae eraaire ala yālo yā sęrateremó ini, naao kōleaané ąpaae hosaa muóló wisi ala eraasepóló, naao naase tuāmó i mulaterere ape. 15 Kale seké ą yātamó betaletei, yā taaróló kae biti fele beteta, ti take yātamó betāmó mo titóro beterópóló, kapala asiri kae beterótu yalepó. 16 I sekęta naao kutó diraterere whi betepatei, ai tómó mió naao hosaa turó mole nopóló wisiyóló dape sae. Ti noatepae, ąta mo whikélé betóo, Keriso nokélé betóo ereteiné ą mo yālo hosaa mole notóro beterapó. Téreteiné naao ą kilituraalu, ąpaae hosaa mo turó mulaalo ai ape.

17 Atérené naaotamo dāmo Kótóné alamó betā kutó ditere whipóló kisipa mutupa, ti naao ę wisiyóló dape saai yale sū ą wisiyóló dape sae. 18 I sekęnétamo me dowi ala ó naao ọlakó ọlémi sale kwia mupa, ti yāloitei tokó melaalopa, ępaae yae. 19 Ẽta, Pol-né mo yālo naasenétei i asę dapa kelae. Ai kale kwia yāloitei melaalo ai ape. Ti yā betere beteta, naaotei tuē muae. Yālo yāpaae erale ala eróluąmeisóro, ti yā atéro bituąmeipó. Atéyale alané yāpaae kwia mupa hākearóló uątei, me ọla meipóló taalatapó. 20 No-ó, dāmo wusuró Talené ala tuāmó bituraalu, yālo ené yóló mutere kisipa mió naaomo ępaae eraasepólópó. Atétepa, ti dāmo Yesu Keriso tuāmó bitu, yālo kisipa tiki felératerere ala yaalo ai ape. 21 Yālo dere fo naao mo wosóló eraalopóló kisipa muturaalu, yāpaae i asęterere ape. Ti

noatepa meipó. Yálo i eraasepé dere fo naao mo wosóló eróturaalu, naaomo tómó beleróló eraalopóló kisipa mutapó.

²² Téró, fo meta i ape. Ẹta waalopa, fiyaaire tiki betá donoróló mulae. Ti noatepae, naao Talepaae momayale ala Kótóné wosóló, take dāmo wusuró betámó bitu yale kaae, miókélé atéro betámó betaai kisipa mutapó.

²³ Yesu Kerisoné ala erótu betepa, ẹtamo betámó *dipula* sóró beteró betere whị Epapras-nékélé yápaae kọleó dapó.

²⁴ Ẹtamo betá kutó ditere whịrape Mark, Aristarkus, Demas, Luk ai whịrape atimanékélé diápaae kọleó fo i dere ape.

²⁵ Tale Yesu Kerisoné ama hẹle hamokoróló tao sere ala wisinaale, naao kepe bete tuámó mulópóló yae.

Hibru

Whjné Naalemané ensel-rape teteró beterapó

¹ Mo take bitiré wouraaalu, Kótóné fo kae kae tumó, ama kóló whjrapepaae mo dekeró félimó depa, atimanémo dā Juda fakené noutererapepaae dua ipakalepó. ² Téyaletei, mió i kemeratere alimó, ti Kótóné dere fo ama Naalemané dāpaae yalepó. Ti fea ɔla ɔla ai naalené amatóro sɔpóló yóo, sɔró haetamo ó ere ɔla ɔlakélé fea ama aleyópoló, Kótóné ai sekéné naase tuamó mulóo, yalepó. ³ Kótóné ama mo kae ere dɛ wisinaale ai naale tuamó dɛyó faletei, mo so whj feané kolópoló hakearó beterapó. So whjné ai naale kilitu, ama alima ere alatóro erapóló tuénérápó. Sámó ó i haemó betere ɔla ó ere ɔla feané du betere ala hāle deté fu beterópoló, ai naalené doasi fotokɔ bole foné hāle eratétóro fu beterapó. So whj feané dowi ala fokóló kemetepa, ɔ hepen-paae fóló, wisi wisi ala fea teteróló betere Doasi betere turu naase demó betalepó. ⁴ Atéturaalu, Kótóné ɔ mulale doiné *ensel-rape* mulale doi teteró biture kaae, ɔ sóró beterale alanékélé, *ensel-rape* sóró beterale ala mo bosenóló teraae falápó.

⁵ Ti noatepae, Kótóné i fo erapó.

“Yāta, yālo Naale betóo, ɛ mió naao Aya alée fóo, i dere ape.”

Me fo ipó.

“ɛ ama Alima betóo, ɔ yālo Naale betóo yaalopó,” ere fo-a, mé *ensel-paae* yaleé?

⁶ Téró ai fo kaae, Kótóné ama topo naale betā i haepaae dapesó wouraaalu, i fo dapó. “Kótóné *ensel-rape* fea ɔ aɔmó sukóló bitu, ama doi betā hale sóró horótu betae,” erapó.

⁷ Tépatei, Talené ama *ensel-rapemó* tué muturaalu, i fo dapó.

“*Ensel-rape* ama fo erāle fópóló, besé tiki alée falóo, ama kutó diratere whjrape simi alée falóo dua dapó,” erapó.

⁸ Tépatei, kale Naalemamó tué mutu i fo erapó.

“Kótóo, naao so whj teteróló kaae tare ala kemekélé ini, hāle yó tawóo, naao so whj teteróló kaae tawaaire alakélé, mo donoi alané kaae tawóo yaalopó.

⁹ Naao hosaa mo donoi alapaae muóo, dowi ala yā mo hýyóo yalepó.

Atéyaleteiné, yā teteróló kaae tare Kótónétóro yā mo taoró beteróturaalu, naao fulumu whjrape ti yā aɔmó beterópoló, hā fāane *wel* wēi naao topomó suniyóló, yā sóró beteralepó,” erapó.

¹⁰ Tétu, ama i fokélé dapó.

“Tale-ó, mo take keké nale alimó bete kaayóló fótuku mulóturaalu, haeró sātamo naao naasenétóro alerapó.

¹¹ Ai aleyóló muló betere ɔla feata, doyóló aluyaalotei, yā ti hāle betó tarapó.

Ai ɔla ɔla feata, deróló sókó fatere kuti derāakele yóló turukó fu dere kaae, doyóló mo ti kemeyaalopó.

¹² Whjné deró betere derāakele kuti sokóló ó me ɔla bopetu dere kaae, mió i ere sɔró haetamo naao bopée sóró, kuti kisi kae derótu dere kaae, kisi sɔró haetamo aleyóló mu-laalopó.

Téyaalotei, yāta ai ere kaaetóro hāle betó taru, bitiré faaire ba fo mo kemekélé yaalo meipó,” erapó.

¹³ Me fo i ape.

“Naao bóe whjrape fea yālo dóló teteróló, naao hó aɔmó beteraaire be dɛ sókó wópóló, yā yālo turu naase eró betere tikimó kaae tawóló betae,” ere fo-a, Kótóné mé *ensel-paae* yaleé?

¹⁴ Ti *ensel-rape* feata, Kótóné kutó diróturaalu, mo ti betaaire so whj tao sene fae yóló, dotɛyale keperape meié?

2

Wisiyóló kaae taru, kale fo wisi wosae ere fo

¹ Térapa, dā feané wosale mo bete mole fo keteróló, dā kópaae faqsóró ai fo kutiri mulóló, mo hotowaró kaae tawaalopóló i

dere ape. ² Ti noatepae, mo take Talené ama fo so wh̄ipaae yó melale fae yóló, *ensel-rapepaaepi* melalepó. Me wh̄inétamo ai fo tikitepa, ó sya feni h̄óratepa, ti ai wh̄ipaae dowi kwia mo donotóro mótua yalepó. ³ Mió ðanékelétamo Talené doasi tao sere ala keteróló, h̄ale ɔla kaae aɔratepa, ti ðakélé netéro h̄asókó faaloé? Ti ai doasi tao sere alata, Talené amatóro folosóro so wh̄ipaae yalepó. Ai fo wosale so wh̄i atimanémo, mopóló ðapaae diriyóló yó melalepó. ⁴ Ai wh̄irapené yó matere fo mopóló tuę tiki tirópóló, atimané yó male fotamo touróló kótóné, me ala yaairemó eratere alarapekélé, kolóló siratere alarapekélé, kae kae kelemei alarapekélé fea eralepó. Atéturaalu, Kótóné ama kisipa mole ala sya fóló, Ɖei Kepe Wisiné h̄ale matere alakélé atimamó dokóroló mo s̄uralepó.

Yesu ɔ ama no nerape kaae alée fele fo

⁵ Take nalopaae ða bit̄i faalopóló i bopetu betere tikita, *ensel-rapepaae* t̄eteróló kaae tawae inipó. ⁶ Tépaitei, Talené fo as̄ere tuamó wh̄i mené etei kaae fo erapó.

“Mo wh̄i-a, noa kaae doasi bete mupa ɔpaae kisipa mutu betere?

Wh̄iné naalemakélé hosaa muóló kaae tare-a, ɔ noa doi mole wh̄i betepa de?

⁷⁻⁸ Naao ɔ i haemó beteralesukamó, *ensel-rape* aqmó beterópóló yalepó.

Téyaitei, doasi doi mole alaró, mo kae ere ðę wisinaaletamo ɔpaae eróló, ɔ sóro horalepó.

Téturaalu, fea ala amatóro t̄eteróló kaae tawópóló, naaotei eralepó,” erapó.

Kótóné ai alarape fea ama t̄eteróló kaae tare aqmó mulaitei, mo betakókélé h̄ale munipó. Atére ala mió ðané kelené kilinipó. ⁹ Tépaitei, Yesupaae eró betere ala kisipa muae. Taketa, Talené *ensel-rape* aqmó mo sawa sukamó beteraitei, ama tikimó susupu sóro sukale betené, mió Talené ɔ topo wh̄i beteróturaalu, doasi doi mutere alaró mo kae ere ðę wisinaaletamo ɔpaae eró betepa kelerapó. Aita, Kótóné hamokoróló h̄ale tao sere ala

ðapaae eróturaalu, sukutere ala ðapaae waqsóro, mo turó ama tikimótóro serapó.

¹⁰ Kótó ɔta fea ala bete tale bitu, fea ɔla ɔlané ama kisipa mole alatóro erópóló, aleyóló muló beterapó. Atére sekéné ama mo dekeró betó mole naale senaale aluni, mo kae ere ðę tuapaae ɔlisóro faaire wh̄i Yesu ɔ mené dóló sukunópóló yalepó. ɔ atéro sekę siré fóló, asane feleteiné so wh̄i tao saai mo s̄ure topo wh̄i beterapó. Tí Kótóné ɔpaae ai eró betere ala fea ðané kilituraalu, mo dono ala erapóló kisipa mutapó. ¹¹ Me alatamo hosekényi, Talené ama kae betéro betere so wh̄iró atima fokóló kae beteraitei sekétamo, Kótóné mo betɔ faketóro aleró beteraiteiné Yesuné atimapaae no nerape-ó yaaire ɔ hale dumipó. ¹² Ama i fo dapó.

“Yalo no nerapené naao doi tuę yópóló, yalo h̄akeamó yóo, touró betere so wh̄i feané keletómó naao doi sóro horóturaalu, wole fokélé yóo yaalopó,” erapó.

¹³ Me dere fo i ape.

“Yalo ɔpaae tuę tiki tiraalopó,” erapó.

Ai fo kaae ama momó dapó.

“Ēkélé, Kótóné ama ɔpaae melale naale senaalekélé, ða fea i betere ape,” erapó.

¹⁴ Ti Kótóné ɔpaae kaae tawae yóló melale naale senaaleta, mo hae wh̄itóro beteraiteiné, ɔkélé atima daale mo tikitóro alée felepó. Aita h̄ale mei, sukutere fotokɔ bete tale Satan doraai yalepó. ¹⁵ Tétu, sukaqsóro witere alané wae sóro dokóló muló betere so wh̄i ɔ sukuturaalu, teraayóló h̄ale fópóló eralepó. ¹⁶ Ti ama ai ere doasi alata, *ensel-rape* tao saai ini, Abraham-né deté fele naale senaale tao saai yalepó. ¹⁷ Atére betené Yesu ɔ Talené ala eróturaalu, so wh̄i kolené sukóló, tao sóro momaratero topo wh̄i bitu, so wh̄iné du betale dowi alamó, Kótóné atima kwia melaqsóro sesé yaairaalu, ɔ ama no nerapené daale tikitóro alée felepó. ¹⁸ Ti noatepae, s̄u sere alaró kae kae susupui alatamo siré fóló mo asareiteiné, mepaae so wh̄i dowi ala yópóló s̄u sere sukamó, atima dée naqsóro ama mo s̄umó tao senérapó.

3

Yesuné Moses tẹteró beterapó ere fo

¹ Tẹrapa, dowi ala fokóló kae beteró betere no nerape-ó, ðakélé ðiakélé Kótóné hepen bepaae faai ape yóló mo betą kaae fotóró erapa, ðiané tuę tiki mo turó Yesupaaetóró muló betae. Ti ąta, Kótóné ama fo yó melópoló dotęyale whi betóo, ðamó momaraterere topo whi betóo erapoló ðané i du betere ape. ² Moses-né Kótóné ama fake so whi mo wisiyóló kaae taru yale kaae, Yesunékélé ą sóró betterale sekéné ąpaae erae yale ala fea mo turó eraté fu betalepó. ³ Betą be tẹtere whiné be wisinaale tẹpa, so whiné ai be siratua dapó. Tépateti, ai be tẹyale whi dukiraterere foné be wisinaale tẹnapóló, siraterere ala tẹteró beterapó. Atétu dere kaae, Yesuné doasi doi mole alané Moses-né doi muale ala, mo bosene falapó. ⁴ Be fea tẹneteti ama kọleaané daani, whiné tẹyóló mulótua erapó. Atére kaae, ọla ọla fea Kótóné amatóró aleyóló muló beterapó. ⁵ Ti Moses ą Kótóné kutó diraterere whi bitu, Talené so whi mo wisiyóló kaae taté fu bitipakalepó. Tétu, ama du betere alata, take nalopaae Talené mo eraalopóló, ama hąkearóló yó mótu bitipakalepó. ⁶ Téyaletei, Keriso ą Kótóné naalematoró bitu, Talené ama fake so whi fea mo hotowayóló kaae taté fu beterapó. Atétu, take nalo waaire be ðemó Talené ðapaae wisi ala eraalopóló, hątamo kaae taru, halaaíné ama ala hąle eró tapa, ti ða Kótóné ama fake so whitóró beterapoló kisipa muae.

Kisipa tirénire so whipaae wisiyóló kaae tawae ere fo

⁷⁻⁸ Atéreteiné Dęi Kepe Wisiné i fo dapó. “Whi bitini hąle kópu kąae fi tikimó, Kótóné diaaą noutererape sų sóró kąae kelalemó, ama dere fo woseni, dowąae fóló hosaa tą ipakalepó. Atéyale kaae, mió diaaąkélé ama fo-tamo wosetepa, ðiané hosaa tą yaąsóró yae.

⁹ Diaaą noutererape atima atéró kuturaalu, 40 ba fo tuąmó ę kąae kolóló sų siré fu betepa, yąlo erótu betale ala atimané kilitu betalepó.

¹⁰ Atéyale betené ai alimó betale so whıtamo fopaae butu, yąlo i fo yalepó.

‘Atimané hosaa mo turó kae tikipaae muluraalu, yąlo erótu betere ala mo tuękélé inipó,’

¹¹ Atétepa, ę fopaae butu etei dirii fo yóló mulalepó.

‘Yąlo hosaa muni deyóló dua betere ala tuąmó, atima sókókélé mo waalomeipó,’ ” erapó.

¹² No nerape-ó, ðiakó mepaae whiné hosaa tuąmó mole dowi alaró, mo ti betere Kótópaae tuę tiki tirénitere alatamo iru, Kótó taaróló faąsóró, hotowaró kaae tawae. ¹³ Téturaalu, miópó du betere be ðę kemeyaaei epatei, dowi alané ðiđ ðilikóló diaaą hosaa tąraąsóró, betere doką ðiđsisi ketekę u bulótu i bulótu du betae.

¹⁴ Folosóró kaae suraalu, ðané tuę tiki tirale ala tuąmó taaréni, mo diriyóló bitiré fóló, kemene fole kwiamó sókó fupa, ti Keriso tuąmó mole ala ðanékelé serapó.

¹⁵ Kótóné ai fo ereteiné ðané u deté wale fo momó i dere ape.

“Whi bitini hąle kópu kąae fi tikimó, diaaą noutererapené Kótóné dere fo woseni, hosaa tąyóló dowąae fu betale kaae, mió ðiakélé ama fo wosetepa, diaaą hosaa tą yóló dowąae faąsóró yae.”

¹⁶ Talené atimapaae yale fo wosaalo hýyóló dowąae fele so whi-a, deé? Aita, Isip hae taaróló, Moses-né dapesó fele so whitórótipó. ¹⁷ 40 ba fo tuąmó, Kótóné fopaae bualetei-a, detamo maaté yaleé? Aita dowi ala yaletéiné kópu kąae fi tikimó, hąle sisiraae fele so whitórótipó.

¹⁸ Kótóné ama dirii malo duraalu, “Yąlo hosaa muni deyóló dua betere tikimó, atima betąkókélé mo sókó waalomeipó,” ere fo depaae maaté yaleé? Aita, ama fo tikitu betere so whipaaetóró erapó. ¹⁹ Ti atima Kótóné dua betere ala tuąpaae sókó fenire beteta, Kótóné fo wosóló, tuę tiki tiréni yaletéiné erapó.

4

Kótóné so whi sąa nópóló tukóló muló betere be ðę mulapoló ere fo

¹ Ti Kótóné ama so whi s̄aa nóló bit̄i wópólópó ere fo kemeni, h̄ale mulapó. Atérapa, ai tūapaae bit̄i faairetei d̄a h̄asókó faqsóró, witamo hotowaró kaae tawae. ² Ti noatepae, mené atima Juda fake so whi paae yó melale fo wisi d̄apaaekélé yó melalepó. Atimané ai fo wosóta yalet̄ei, mopóló tūé tiki tiréni yale betené atima tūamó me dukélé olenipó. ³ Ti ai fo mopóló mió tūé tiki tiró betere so whi d̄ata, Kótóné ama s̄aa nokole tikipaae sókó fu beterapó. Tépat̄ei, kisipa tirénire so whi paae Kótóné i fo erapó.

“Atétepa, ę fopaae buturaalu, etei dirii fo yóló mulalepó. ‘Ȳalo s̄aa nóló betere tikipaae atima wóló betókélé mo yaalomeipó,’ ” erapó.

Take Moses betale alimó Kótóné ai fo mo epatei, s̄aró haetamokélé, ere ęla ęlakélé, fea Kótóné ama aleyóló kemerélipakalepó.

⁴ Ti noatepae, w̄eike be d̄emó Kótó ę s̄aa nale fo mepaae as̄e tūamó eretei dos̄atepa tūénérápó.

“Kótóné ama diyale kutó fea kemeróló, w̄eike be d̄emó ti ę s̄aa nalepó,” erapó.

⁵ Kale yale fo momó i dapa, wosae.

“Atima ȳalo s̄aa nóló betere tikipaae wóló betókélé mo yaalomeipó,” erapó.

⁶ Atére betené mió mepaae so whi s̄aa nóló betaalopóló, i bopetu betere tūamó sókó fóló betenérápó. Ti take betale so whi Talené fo wisi mené yó matepa wosetua yalet̄ei, ai fo aqmó sukóló bitini, tikit̄u betalet̄einé s̄aa nóló betere ala tūapaae sókó fenipó. ⁷ Atéró bitiré fóló, mepaae ba forape keme itikimó, ti Kótóné be d̄e kae d̄ale mulóló, miópó doi mulóturaalu so whi paae i fo yae yóló, Depit-paae ipakalepó.

“Mió ama fotamo wosetepa, ti diaaę hosaa t̄ayóló dow̄aae fu betaqsóró yae,” erapó.

⁸ Ti noatepae, Josuané Talené so whi s̄aa nalóló beterólusóró, ti nalo me be d̄emó Kótóné s̄aa nóló betaalopó fo ūameipó.

⁹ Atérené Kótóné ama kutó kemeróló ę s̄aa naleteita, take ama so whi s̄aa nóló beteraaire alamó kisipa mutu ereteiné, dīa ai s̄aa nóló betere ala tūapaae bit̄i

fenérápó. ¹⁰ Ti noatepae, Kótó ę ama kutó diyóló kemeróló, s̄aa nóló bitu yale kaae, mepaae so whi de Kótóné s̄aa nóló betere tikipaae sókó fupa, ti so whi kélé atimané ditere kutókélé taaróló, s̄aa nóló h̄ale betenérápó. ¹¹ Atérapa, atima Kótóné fo tukóló dow̄aae fu betere ala s̄ya furaalu, d̄akélé dée naqsóró, ai s̄aa nóló betere tikipaae ketek̄e buóló sókó faalopa siépe.

¹² Ti Kótóné fota, beteró betere fotok̄tamo f̄ayóló mo s̄urapó. Ai fota, tamo fakeró fosó daale b̄oe dele sepakené fosókélé mo teraae falapó. Atéru, whiné asoró kepetamo tūamó tekeyóló sonaae f̄oo, diri tamo olekereteikélé tūamó tekeyóló sonaae f̄oo, dua dapó. Atérené whiné hosaa tūamó ere alaró mole tūé tikitamo, Kótóné ai fonétei k̄aae kolóló talenérápó. ¹³ Kótóné aleyóló muló betere ęla ęla fea ama keletómó hiró bitini, mo fopa h̄akeamó mulapó. Atére sek̄éné keletómó, d̄ané du betere ala fea mo bet̄akélé hiraalomeipo.

Yesuta Talepaae momaratere topo whi beterapó ere fo

¹⁴ D̄a tao sóró momarótu betere doasi topo whi Kótóné naalema Yesu ę s̄a tūamó fóló hepen-mó beterapa, ama fo wisi d̄ané wosóló mopóló ępaae tūé tiki tiratere ala taaréni, mo ti tiró betae. ¹⁵ Ti d̄ata, mo hae whi betereiné mepaae sek̄ei ala ó dowi ala yópóló s̄u supa, diriyóló daayaaire fotok̄ mo bunipó. Tépat̄ei, d̄amó momarótu betere topo whiné ai alarape fea ama hosaamó suraalu, d̄a tao senérápó. Ti mió d̄apaae i wou betere sek̄e ó dowi ala yópóló, s̄u sere ala fea ępaaekélé wua yalepó. Téyalet̄ei, ę dowi ala mo bet̄akélé inipó. ¹⁶ Atérapa, d̄apaae sek̄ei ala wale sukamó d̄a k̄oleturaalu, ama tao sópóló hamokoróló h̄ale tao sere ala t̄eteróló kaae tare tikipaae faaire wini, halaaíné faalopa siépe.

5

¹ So whimó Talepaae momaratere topo whi sóró beteraai, whirape fea fopeyóló bet̄a whitóró sóró beterótua dapó. Ai whīta, so whiró Kótótamo tūamó bitu, so whiné yale dowi ala Kótóné tokóló

alurópóló, simó sukúlaa dalatere alaró hãle matere alatamo dua dapó. ² Ti kóló kólóru, kópaae fole so whi dã tao saai ai tuã whi akélé hae whitóró ereteiné naameyóló mo dua bitu enérápó. ³ Ti akélé dowi ala dere whi beterapóló kisipa mutu, ama yale dowi alapi Talené wisirópóló, simó sukúlaa dalóo, nalo ti mo so whiné dowi ala wisirópóló sukúlaa dalóo, dua dapó.

⁴ Mepaae whi momatere topo whi betaai doi sere alata, ama kãleaané enénitei, Kótóné Eron-paae ape yóló momaratere topo whi sóró beterótu yale kaae, Kótónétóró ai whi sóró beteranérápó. ⁵ Atére kaae, Keriso a doasi doi saai kisipa mutu, amatei momaratere topo whi bitinipó. Téni, Kótóné aãaae duraalu, “Yãta, yãlo naalepó. Èta, mió naao aya alée fulapó,” erapó.

⁶ Ai fo kaae, me asẽ tuãmó i fo dapó. “Melkisedek a momaratere whi bitu deté fele ala naao tẽteróló kaae taru, momatere ala hãle yó taté fu beterópóló, yãlo yã sóró i beteratere ape,” erapó.

⁷ Yesu i haemó bitiré fele sukamó, a sinaqsóró tao saaire seképaee me sukamó a wole yóo, me sukamó a tao sae yóló moma fakeyóló yóo dua yalepó. A atéró Tale aqmó sukóló betaleteiné ama erae yóló kematere moma Kótóné wosóló, mo eralepó. ⁸ Ti a Kótóné naalema bitutei, sekẽ hãle beleté feleteiné Kótó aqmó sukóló betere ala mo asane felepó. ⁹ Ai ala deté fóló, a momaratere whi wisi bitĩ felepó. Atétu, ama fo wosóló eratere so whi fea aluni, mo ti betó tanópóló, tao su betere bete tale alée felepó. ¹⁰ Ti aita hãle mei, Kótóné aãaae duraalu, “Melkisedekné deté fele ala tuãmó yã momatere whi beteratapó,” yale betené yalepó.

Talené ala taaróló sisópaae eratepa mo wió yae dere fo

¹¹ I bopeyale alarape dekeró moletei diãpaee uãmó, ai fo bete diaaã wosaaire hapólureteiné, diãpaee yaairekélé dirirapó. ¹² Ita mo fo dapó. Diã mo take kaae sóró Kótóné ama bete mole fo woseté waletéiné, mió diã Kótóné fo yó matere

whĩrape mo sumó bituãpó. Até uãtei, ama bete mole fo diã tuẽ inipa, take kaae sóró yó malepaee fesaae fóló, mené diã momó yó manérápó. Diã dirii ɔla naaire suni, keteirape mo awãtóró naai ekeletu dere kaae erapó. ¹³ Mepaae so whi de awãtóró ekeleyóló nuku betepa, ti ai so whi mo ketei kaae bitu, Kótóné mo donoi ala erateretei tuẽni, kóló kólórapó. ¹⁴ Tépatéi dirii ɔlata, disire so whiné nõpóló muló beterapó. Atére so whi ti Talené fo wosetere dokõ fea ama alatóró eró tareteiné asa duraalu, dowi alaró wisi alatamo sumó kãae kolóló, talenérápó.

6

¹⁻² Atére betené Kerisoné ala i ape yóló, teómó kaae suraalu, yó matere fo momó kae yó melaalomeipó. Até yaletéi taaróló, mió mo dirii fo diãpaee i dapa wosae. Take kaae sóró yó melale fota, whĩrapené be tẽteróturaalu, folosóró iru eleké detu dere kaae yóló, yó male alarape i ape. Sukutere alapaae ałisóró fole dowi ala taaróló, tu wisipaae fole alakélé, Kótópaae tuẽ tiki tiratere alakélé, wẽi tópuratere alakélé, me whi Talené kutó dirópóló, ama tikimó naase mulatere alakélé, sukutere so whi kepaayóló betaaire alakélé, so whi feané yale ala taleyóló mo ti muó tawaaire kwia melaalopó ere fokélé, take folosóró kaae suraalu yó maté waletéi, momó kae yó melaalomeipó. ³ Kótóné wisirapa, dirii fo yó melae depa, ti dãné mo yó menanérápó.

⁴⁻⁶ Mepaae so whi atima diliki tuãmó beteretei taaróló, dẽ tuãpaee bitĩ fóo, hepen bemó mole wisi wisi ɔla atima sóró asa yóo, Dẽi Kepe Wisiné erótu betere alakélé atima sóo, Kótóné bete mole fo tuãmó bole wisi ala atima kisipa yóo, take waaire alimó tẽteróló kaae tawaaire fotokõkélé atimané tuẽ yóló asa yóo ere so whĩtei, Talené ala taaróló fupa, ti momó kae kisipa feteyóló fesaae wonénipó. Téturaalu, atima ai du betere alané Kótóné naalema so whi feané keletómó doasi hale seróló, a filipaa ni tómó momó oleratere aãrapó.

⁷ Hali wouraalu, wisi fe bulatere haemó ɔla wisiyóló holóló, ai kutó talené ɔla supa, ti ai hae tiki Kótóné wisiraalopó. ⁸ Tépatéi, ɔla wisiyóló huni, mu daai képiró dowi netamo hotere hae ti fe buni, dowi deké bulapó dua dapó. Atére haeta, ai kutó talené doróló, kemeróturaalu simó néli biliyaalopó.

⁹ Dáne hosaa mole no nerape-ó, i deté wale fota, diɔ tuɔmó ere alamó dumipó. Ti diɔta, Talené ama so whi aluyaqsóro tao sale ala tuɔmó betere ala dáne kisiparapó. ¹⁰ Ti Kótó ɔta, so whi feané du betere alarape hɔko taleyóló kwia mótumipó. Atérapa, diaaɔ ama kutó diratere alakélé, Kótó ɔpaae yaala sókó furaalu, ama kae beteró betere so whi tao sere alakélé, nalo tao siré faaire alakélé, fea ama tuɔ yó taru, kwia mo donotóro melaalopó. ¹¹ Talené diɔ dokɔ feapaae melaalopó yale ɔla mo saasepólópa, ketekɔ buóló mió diaaɔ ai du betere alatóro hɔle yó taté fóló, kemene fole kwiamó sókó fae. ¹² Diɔ Kótóné ala erótu betteretei deka yóló taaréni, mepaae so whi atima tuɔ tiki tiratere alaró sekɔi ala wapatei, hɔle yó tare alatamo su beterapó. Diɔkélé ai ala yaasepóló, atimané dere alatóro sɔróló yae.

Kótóné eraalopó dere ala hɔsókó féni mo eraalopó

¹³⁻¹⁴ Kótóné ama eraalopó yóló mulale fo Abraham-né mopó yópóló, Tale ɔ tɔteró betere Doasi me bitinipa, amatei ɔ doi yóló dirii malo duraalu,

“Yɔlo yɔ wisiratereteiné, naao detere naalené deté fole naale senaalekélé doakale fake firatere ala hɔsókó féni, mo yaalopó,” ipakalépó.

¹⁵ Atétepa, Abraham ɔ whaaliani, dua kaae taté fóló, nalo Kótóné ɔpaae melaalopó yóló mulale ɔla mo salepó.

¹⁶ Me whiné mepaae so whipaae i ala eraalopóló mulatere fo diriróturaalu, atimané doi yóló dirii malo dumi, atima tɔteró betere doasi whiné doi yóló, ó Talené doi yóló malo dua dapó. Atéro dirii malo dereteita hɔle mei, nalomo ai fo inipóló foné u só derótu, i só derótu yaqsóro dapó. ¹⁷ Ti Kótóné ama eraalopó dere fo diriróturaalu, amatei ɔ doi yóló

dirii malo yaleteita hɔle meipó. Ama ai eratere ala saaire so whiné ama yóló mulatere fo kisipa feteyóló taaréni, mo dokonatapó kisipa muópóló yalépó. ¹⁸ Ti Kótóné ama eraalopó yóló mulale foró dirii malotamo epatei taaróló, ama kisipa feteyóló me kae ala eranénipó. Kótóné ai ala yaleteita hɔle mei, dɔ dowi alamó kwia sóro aluyaqsóro, Talené tao sóro mo wisiyóló beteraalopó yale fo wosóló hosaa tuɔmó muló bitu, tuɔ tiki tiraté fu betere so whi dɔ ketekɔ buópóló yalépó. Ai so whita, ti dɔtóro i ape. ¹⁹⁻²⁰ Take nalo dɔ mo wisiyóló betaalopóló haɔtu betere ala mepaae sekɔ ó whaalaa dere alané só deróló doraqsóro, ai haɔtere alané dɔ diriróló, turuku kaae derapó. Ai turukuta, hɔko tikimó dini, satɔle yóló kuti oleró betere tiki bosenóló, Kótóné mo kae aleyóló muló betere be ke tuɔmó erapó. Ai be ke tuɔpaae so whi nalo wópóló, dɔ tao sere whi Yesu ɔpi folosóro sóro falapó. Ai sekɔta, Melkisedek betale kaae, so whimó momaratere topo whi alée fóló, ai ala hɔle deté fu beterapó.

7

Melkisedek momaratere topo whi betere fo

¹ Ti Melkisedek ɔta, Salem be hulua tɔteróló kaae tare topo whi betóo, mo taoró betere Kótópaae momaratere whikélé betóo, ipakalépó. Abraham ɔ mepaae topo whirapetamo bóe fóló, bóe whirape dóló kemeróló momó fesaae wouraalu, tuɔmó Melkisedek-tamo hokolaa yóló, Abraham wisiratere fo erapó.

² Atétepa, Abraham-né ama bóe dóló sale ɔla ɔla naase tamo moletei dekeyóló, betɔ Melkisedek-mó melalépó. Melkisedek-né doi bete tamo mulapó. Folosóro doiné bete, “Donoi ala dere topo whipó,” Me doi bete, “Salem be hulua tɔteróló kaae tare topo whipó,” Ai doi feteyóló, “Hosaa muni deyóló dua betere ala tɔteróló kaae tare topo whipó,” erapó. ³ ɔ deyale soró whitamóné doikélé, ɔ kaayale noutererapéné doikélé, ɔ deyale be dekéle, sukɔle be dekéle, ašemó muni, Kótóné

naalema biture kaae, ʔ so whimó momaratere topo whi hʔle betó tarapó.

⁴ Ai seké ʔ doasi whipóló ere ala tué muae. Dʔné noutere Abraham-nékélé ama bóe dóló sóró wale naase tamo ʔla ʔla dekeyóló betʔ Melkisedek meló beterapó. ⁵ Kótóné ama tukóló muló betere fo tuámó i ala yae erapó. Lipai fake whirapekó so whimó momarópóló sóró betero betere whirapené mo so whiné mole naase tamo ʔla ʔla dekeyóló, betʔ siré kweyae yóló munélipakalepó. Ti atéro kotere whirapekélé, matere so whikélé, atima fea Abraham-né deté fele fake no nerape epatei, atima tuámókélé siré kweipakalepó. ⁶ Melkisedek-ta, Lipainé deale whi meitei, Abraham-né naase-tamo ʔla ʔla dekeyóló betʔ ʔ melalepó. ʔta, Kótóné wisi ala eraalopó yóló mulale whitei, ai ʔla ʔla matepa sale seké Melkisedek-né ama foné ʔ wisiralepó. ⁷ Ita mo dua dere alapó. Doasi whiné ʔ aqmó betere whi ama foné wisirótua dapó. ⁸ Atétere kaae, so whiné naase tamo ʔla ʔla dekeyóló betʔ siré fu betepatei, ai whirape sukutua yalepó. Atéyaletei, kale doasi whi Melkisedek-né naase tamo ʔla dekeyóló betʔ ama saletei, ʔ sukalepó fo munipó. ⁹ Mené etei kaae fo sumó enérápó. Naase tamo ʔla ʔla moletei, betʔ dekeyóló siré kotere whi Lipai ʔ Abraham tuámó, ni du ke kaae bolepó. Atépa, Abraham-né ʔla ʔla dekeyóló betʔ Melkisedek-mó matepa, Lipainé amakélé meló beterapó. ¹⁰ Ti Melkisedek-ró Abraham-tamo hokolaa yaleteita, Lipai ʔ deyaai ama tikimó teó bupa yalepó.

Melkisedek momaratere whi betale kaae, Yesukélé momaratere whi betó tarapó

¹¹ Lipainé deale whirape mo so whimó momatere topo whi betere tuámó Kótóné tukóló muló betere fo sókó walepó. Tétu, atima ai alimó momarótu betale alané Kótóné so whi mo ti wisirólusóró, momaratere topo whi me kae waalopó fo uameipó. Ti ai momaratere topo whi, Eron-né deale naalené deté fele whi mei, Melkisedek bitu yale kaae du betaalopó, erapó. ¹² Ti noatepae, mo so

whimó Talepaae momaratere whirapené du betere ala taaróló, Talené me kae alatamo tukóló mulatepa, ti ai ala sumó enérápó. Meitepa, ti enénipó. ¹³ Ai ere fo dokonó betere whi, Lipai fake mei, kae fake whipó. Ai fake mo betʔnekélé so whimó Talepaae simó sukulaa dalóló, momatere ala inipó. ¹⁴ Dʔ teteróló kaae tare whi Yesu ʔ Juda fakené dealepóló, so whi feané kisiparapó. Ti betʔ Juda fake whikó so whimó momaratere topo whi betaalopóló Moses-né asemó inipó. ¹⁵ Melkisedek betale sirimó, whi me kae-tamo sókó hotepa, ti dʔné i deté wou betere fo bete mo hʔkearatapó. ¹⁶ Ti noatepae, ai whi ʔ so whimó Talepaae momaratere topo whi sóró beteraleteita, Lipainé deté fele whirape maaté sóró beteranérápó, ere fo sya furaalu inipó. Ai seké ʔ tuámó doasi fotokʔ bulu, mo ti betó tareteiné dóló sukunaaire sunipa, Talené ʔ momaratere topo whi sóró beteralepó. ¹⁷ Ti ai fo kaae me asʔ tuámó i fo erapó.

“Yʔta, momaratere topo whi Melkisedek-né du betale ala naao teteróló kaae taru, yó taté fu beterópóló, yʔlo yʔ sóró beteratapó,” erapó.

¹⁸ Kale folosóró yóló mulale fota, me ala yaaire suni bépa, hʔle ʔla kaae aqróló taalatapó. ¹⁹ Ti noatepae, kale tukóló muló betere foné so whiró Kótótamo betʔmó wisiyóló beterópóló, mo turó wisiranénipó. Kale folosóró yale ala taaróló, mió Talené ama so whi wisiyóló beteraalopó ere foné betʔ Kótó betere felekepaae ʔlisóró fenérápó.

²⁰ Ti ʔ momatere whi sóró beteróturaalu, dirii malo yóló sóró beteralepó. Téyaletei, mepaae momaratere whirapeta, hʔle foné maaté sóró beterótua dapó. ²¹ Téyaletei, Kótóné i seké momaratere whi sóró beteróturaalu, ʔpaae i malo yalepó.

“Talené ama kisipa feteyaalomei, yʔ so whimó momaratere whi mo ti betó tanópóló, yʔlo yʔ sóró beteratapó,” erapó.

²² Ti atéro dirii malo yaletiné Yesu ʔ Kótóné ama so whi tao saalopóló, yóló mulale fo diriraterere bete alée felepó. Ama

so whi tao saalopóló kisi yóló mulale foné folosóro yale fo teraae falapó.

²³ Ti mo so whimó momaraterere whirape dekéro bitiré waletai, ai whi sukutepa, me whinemo tetéroló kaae tatua yalemó, ai whirapekélé fea sukutua yalepó.

²⁴ Téyaletei, Yesu a mo ti betó tareteiné, so whimó momarótu betere ala hãle yó taté fu beterapó. ²⁵ Atérené Kótótamo betámó betaai kisipa mutu, Yesuné ama yale ala tuámó fu betere so whi mo ti beterópóló, Yesuné ama mo sumó tao senérapó. Ti noatepae, a ta so whiró Kótótamo tuã whi bitu, Kótópaae atima tao sae dere fo hãle yótóro tarapó.

²⁶ Yesu a atéroló, momaraterere topo whi bitu, da yãyãre ala fea ama mo sumó tao sóro eranérapó. Ti a ta, Kótóné mo kaae beteró betereteiné mené a só deraaire bete muni yóo, a me dowi alatamo hosekényi yóo, dowi ala du betere so whitamó betámó bitini, kaae betóo, ó sãró hepen betamokélé fea amatóro tetéroló kaae tawóo erapó. ²⁷ Mepaae momaraterere topo whirape betere dokó fea atimané dowi alapi kemerópóló, *sipsip o bulmakau* hupu simó sukulaa daróló, nalo ti mo so whiné dowi alamó sukulaa dalaterere ala suka fea hãle yó taté fu beterapó. Atima ai dere ala kaae, a tuámó me noa dowi alakó mupa atéyaaloé? Ti ama betere bete Kótópaae mo betã félimótóro melóló, mo so whiné dowi ala kwia ama tokóló aluróló wisiralepó. ²⁸ Ti kale tukóló muló betere fo sã furaalu, mo hãe whitei, momaraterere topo whi sóro beterótua yalepó. Téyaletei, nalo sókó wale dirii malo fo tuámó ti Talené naalema momaraterere topo whi sóro beteralepó. Ai whi a ta, me alakélé mo yãyãni, so whi tao sere alatóro hãle yó tanópóló, Kótóné a mo turó sãrólo beteralepó.

8

Yesuta momaraterere topo whi bitu, mió kisi ere fo diriró betere Talepó

¹ Dané i deté wou betere fo tuámó bete mole mo topo fo i ape. Da tao sóro momaraterere etei kaae topo whita, hepen bemó Doasiné tetéroló kaae tare tikimó,

ama turu naase eró betere demó fóló be-talepó. ² Take kaae sóro tẽyale momaterere kuti bemó, Talené ama kãe ere ala erótu beterapó. Ai beta, mo whiné naasené tẽni, Talené amatóro tẽnapó.

³ Ti mepaae mo so whimó momaraterere topo whirapené Talepaae hãle materere alaró simó sukulaa dalaterere alatamo yópóló, Talené sóro beterótua dapó. Atétere kaae, mió da tao sóro momarótu betere sekékélé, Kótó beterepaae hãle faalomei, me ɔla sóro ti sumó fenérapó. ⁴ Atamo i haemó bituãsóro, ti so whimó momaraterere whi bituãmeipó. Ti noatepae, Kótóné tukóló muló betere foné Talepaae hãle melae ere fo sã furaalu, mótua dere whirape sóro beteró beterapó. ⁵ Ai whirape atimata, ó hepen-mó ere mo ti momaterere be sãrólo, i haemó tẽne mo kuti bemó Talené ala erótu beterapó. Mosesné ai momaterere kuti be tẽyaaitepa, Talené apaae i ma fo erapó.

“Naao ai be teturaalu hõko tẽni, damo hasi fosómó bitu, yãlo yãpaae yó melale be sãtóro mo hotowaró tẽyãe,” yóló ipakalepó.

⁶ Téyaletei, Talené ama so whi tao saalopóló, yóló mulale dirii fo Yesu a tuámó erótu beterapó. Atére kaae, i haemó mepaae momaterere whirapénékélé ai ala du beterapó. Tépateti, mió kisi yóló mulale dirii foné take yóló mulale fo teraae falapó. Atére kaae, Yesuné Kótóné so whi tao sóro ditu betere kutóné atimané ditu betale kutó mo teraae falapó. Ti ai kisi dirii fo tuámóta, Kótóné ama so whipaae eraalopóló, mulale wisi ala fãanuraalu, take yale ala mo hãle ɔla aɔrólo beterapó.

⁷ Ti noatepae, Talené take folosóro yale dirii fotamo mo sãrapó uãsóro, ti nalo ama eraaire me dirii fo kaae uãmeipó. ⁸ Tépateti, Kótóné ama so whi fopeyalemó, mepaae hãsóko fole ala kolóló i fo yalepó.

“Eta, Talené i dapa wosae. Take waaire ba fomó Israel so whiró Juda so whitamó yãlo tao saai, kisi dirii fo kaae yóló mulaalopóló diãpaae i dere ape.

- ⁹ Ti mió yalo kae yóló mulaaire kisi dirii fota, take atimané noumaterape Isip hae kwiamó betepa, yalo dapesó wale sukamó, yóló mulale dirii fo kaae meipó. Atimané yalo yóló mulale fo sya fóló eró tanitepa, yalo atima tao saai yaleteti taaróló, sisópaae eralepó.
- ¹⁰ Ẽta, Talené i dapa wosae. Ai ala yóló k̄lipaae Israel so wh̄itamo yalo etei dirii fo yóló mulaalopó. Yalo tukóló mulatere fo tikaqsóró, atimané tué tiki tuámó mulóo, hosaa tuámókélé aseyóo yaalopó. Téturaalu, ẽ atima t̄eteróló kaae tare Kótó betóo, atima ti yalo so wh̄i betóo yaalopó.
- ¹¹ Atétere alimó, me wh̄iné ama be wh̄i so wh̄ipaae ó ama nomapaae duraalu, ‘Tale tué muóló betae’ dere fo momó kae yaalomeipó. Ti noatepae, ai be demó mepaae sókó deyóló betere so wh̄ínékélé, doasi doi mole so wh̄ínékélé ẽ mo tué yaalopó.
- ¹² Atétepa, yalo k̄leturaalu, atimané du betere sonaalei alaró mepaae dowi alatamomó, kwia melaai yaleteti yalo kisipa keteróló aluraalopó,” erapó.
- ¹³ Ti Talené ama i yóló mulaaire dirii fota, “Kisipó” doi mulóturaalu, take folosóró yóló mulale dirii fo bete muni h̄ale ɔla kaae aɔpa, kisi foné mió mo felekemó kemeróló aluraai dapó.

9

I haemó kapala t̄ene kuti bemó momatu betere ala

¹ Take folosóró diaaɔ noutererapepaae Talené ama ala eróturaalu, ɔpaae momatere alakélé etéro yae yóló yó melóo, ama ala eraaire momatere bekélé etéro t̄eyae yóló yó melóo, ipakalepó. ² Atétepa, so wh̄iné Talepaae moma yaairaalu, kuti be t̄eyóló, u tuámó be ke tamo aleyóló munélipakalepó. Folosóró sókó fole be ke ti arai kutiné sat̄ale erepó. Ai be kemó ti *lamp* s̄a daalóo, ɔla mulatere ni fakeró Talené keletómó mulótua dere *bred* otamo muóo erepó. Ai be kené doita, Kótómó kae tukóló muló betere tikipó. ³ Me aleyóló

muló betere be keta, hapólui kutiné sat̄ale erepó. Ai be kené doita, Kótóné ama ala bet̄a eraai mo kae tukóló muló betere tikipó. ⁴ Ai be ke tuámó felé k̄laa wale fetera kaae ɔla biliyaaire tiki *kold kapané* aleyóló daalóo, Kótóné ama so wh̄ipaae wisi ala eraalopóló ere dirii fo aseyóló buló betere *bokis-kélé* mulóo erepó. Ai *bokis* husiróló *kold kapa* datek̄aró beterapó. Ai *bokis* dolomó, *kold kapané* aleale wutimó *mana* o deróló mulóo, Eron-né dotó tiki aš̄ sokoretei mulóo, Kótóné dirii fo aš̄ere kane fake tamokélé bulóo erepó. ⁵ Ai *bokis* tómó, Kótóné ama mo kae ere de f̄aane *serupim ensel*-rape s̄uróló aleale ɔla me uté daayóo, me ité daayóo erepó. Ai *serupim ensel*-tamóné baase dorok̄ó faróló so wh̄iné dowi ala kemer̄leta dere tiki husiró beterepó. Atére alarape fea bete etérapóló, mió mo turó dané enénipó.

⁶ I bope yale ɔla ɔla fea atéro taleyóló muló betepa, mo so wh̄imó Talepaae momaratere wh̄irape folosóró ere be kemó, atimané ditere kutó diyaai, hutua yalepó. ⁷ Tétua yaleteti, mo u tuámó ere be kepaee ti so wh̄imó Talepaae momaratere doasi topo wh̄i ɔ maaté bet̄a ba fomó, mo bet̄a félitóró fua yalepó. Téturaalu, ai be kepaee naase h̄ale feni, *bulmakauró meme* hupu sameatamotóró sóró fua yalepó. Atétua yaleteta, Talené atima kwia melaqsóró seséturaalu, ama yale dowi alapi Talepaae melóo, nalo ti mo so wh̄iné dowi alapóló tuéni, mo ala nisiyóló du betale dowi alamó melóo, dua ipakalepó. ⁸ Mió ai be h̄ale t̄epa, Kótóné mo kae ala ere be tuápaee sókó faaire t̄u h̄ale ai kinapa kelae yóló, so wh̄ipaae Dēi Kepe Wisiné h̄akearóló yó mótu beterepó. ⁹ Ti take Talepaae me ɔla h̄ale matere alaró hupu simó suk̄ulaa dalatere alatamoné ai ɔla sóró wale so wh̄iné hosaa tuámó mole sek̄ei ala mo ti wisiranénire ala mió i alimó betere so wh̄iné tué yópóló, h̄akearóló yó matapó. ¹⁰ Atéro, ɔla nokole alakélé, w̄ei nokole alakélé, Kótóné wisirapó yópóló, kae kae ala yóló w̄einé fokutu betere alakélé feata, mo tó tiki maaté wisiróturaalu du beterepó. Talené ama dā t̄eteróló kaae tawaaire kisi alané tó tiki

maaté wisiróló ai du betere alarape fea mo ti kemeraalopó.

Yesu Kerisoné samea sunée farale ala

¹¹ Mió dǎpaae i eró betere wisi alarape eraai, Keriso ǎ so whǐmó Talepaae momaraterere topo whǐ bitǐ furaalu, folosóro ǎ doasi momaterere kuti be wisimó buó dealepó. Ai beta, i haemó mo whǐné naasenékélé ó mepaae ǎla ǎla aleale sukamókélé tǎni, mo taketi Tale ǎ betere tikimó hǎle tǎne bepó. ¹² Keriso ǎ Kótóné ai kae tukóló muló betere tikipaae sókó faairaalu, *meme ó bulmakau* hupu malené samea sóro feni, suka fea mo ti muó tanǒpóló, ama samea mo betǎ félimótóro melóló, ǎ ai be tuǎpaae sókó felepó. Tétu, so whǐ fea dowi alané dokóló mupa, ai sameané teraayóló mo ti betó tanǒpóló dupuró beterapó. ¹³ Mepaae whǐ dené Kótóné yaǒse yóló mole fo tukóló, nalo ama ala eraai momaterere bepaae faǒsóro doasi fo mulapó. Atérené *meme ó bulmakau* wǎ hupu sameané ó *bulmakau* so utǎ hupu simó biliyale fapo terepeyóló, ai yale alapi kemeranérápó. Atéró, nalo ti Talené ala eratepa fo muni, mo sumó eranérápó. Ti ai alarape feata, hǎle tó tiki maaté fukuturaalu dapó. ¹⁴ Téyaleteti, ai du betale alarape bosenóló, mo ti betere Dǎi Kepe Wisiné Keriso ǎ fotokǒratepa, me alakélé munire betere bete wisinaale Kótópaae hǎle melalepó. Dǎné hosaa tuǎmó mole dowi alané sukutere alapaae ǎlisóro fu betepa, Kerisoné ama sameané sumó kemeranérápó. Atére beteta, mo ti betere Kótóné ama ala dǎné erǒpóló yalepó.

¹⁵ Keriso ǎ atéyale betené Kótóné so whǐ tao saalopóló, kisi yóló mulale dirii fo eraaire tuǎ whǐ alée felepó. Aita hǎle mei, Kótóné ǎ beterepaae ape yale so whǐné ama eraalopóló mulale mo ti muó tawaaire ǎla wisi sópóló yalepó. ǎ atéró sukǎle alata, folosóro ere dirii fo aǒmó bitu, dowi ala du betale so whǐ dokóló moleteti, teraayóló hǎle fǒpóló, dupurótu erapó.

¹⁶ Me whǐ ǎ sukuturaalu, ama mómu ǎla taleyóló sae yóló mulaterere fo kisipa muae. Ai whǐ ǎ sukuni hǎle betepatei, ama ǎla

ǎla hapale taleyóló sumipó. ǎ sukutepa, nalo ti ama yóló mulale fotóro sya fóló senérápó. ¹⁷ Ti noatepae, kale whǐné ama yóló mulaterere fo sya furaalu, ǎ sukuni hǎle betepa, ama ǎla ǎla taleyóló saalomeitei, ǎ sinitepa ti senérápó. ¹⁸ Atétu dere kaae, Kótóné ama so whǐ tao saalopóló folosóro ere dirii fota, *sipsip ó bulmakau* hupu samea sókó faraleteiné diriralepó. ¹⁹⁻²⁰ Kótóné yae yale fo fea Moses-né mo so whǐpaae yóló kemetepa, i ala yalepó. *Bulmakau* hupu malené samearó mo weǐtamo belere tikipaae fóló, mo sonaare *sipsip* hupu nikiró *hisop* ni teteǐtamomó tǒpuró sóro asǎre sókumókélé so whǐné tikimókélé, apuralepó. Ai ala yóló kemetepa, i fo yalepó.

“Ita, Kótóné ama tukóló muló betere dirii fo sya fóló, eró tawae yóló diriróturaalu, eraterere samea i ape,” yalepó.

²¹ Ai ala kaae, Talepaae momayaairaaalu tǎne kuti bemókélé, ai be tuǎmó Talené ala eraai mole ǎla ǎlamókélé, Moses-né ai samea sóro apurótua ipakalepó. ²² Ita, mo dere alapó. Kótóné tukóló muló betere foné fea ǎla fea Talené ama ǎlapóló dǎle mulóturaalu, sameané betǎ fokonérápó. Samea sókó farénitepa, ti dowi ala tokǒló aluranénipó.

²³ Hepen bemó ere ala sǎróló, i haemó aleale mo ǎla ǎla Talené amapóló dǎle mulóturaalu, samea dilótua yaleteti mo donorapó. Tépateti, hepen bemó mole mo alarape fokaa, ti i haemó mole ǎla bosene fale ǎla wisinaalené sumó fokonérápó.

²⁴ Ti Keriso ǎ sukóló kepaayóló furaalu, hepen be sǎróló i haemó mo whǐné tǎyale bepaae sókó feni, mo hepen bepaaetóro sókó felepó. Atéró fóló, Kótó betere felekemó bitu, mió ǎ dǎ so whǐ tao sere tuǎ whǐ beterapó. ²⁵ Kale momaterere be tǎteróló kaae tare topo whǐta, whǐné tǎyóló ama kae tukóló muló betere be tuǎpaae ba fo dokǒ mo betǎ féli furaalu, ama samea sóro feni, hupuné samea sóro fua dapó. Ai whǐrapené dere kaae, Keriso ǎ hepen-paae momó fu, momó fu ini, mo betǎ félimótóro ama tiki Talepaae hǎle melóló, sókó felepó. ²⁶ Keriso ǎ hepen

bepaae dekeró félimó fuasóro, ti i haemó ere ɔla ɔla fea keké nale alimó kaae sóro, sekɛi ala dekeró félimó beleté fu bituapó. Téni, i kemetere alimó ɔ Kótó beterepaae mo betɔ félitóro sókó fóló, dowi ala mo ti kemeróturaalu, ama betere bete Talepaae hɔle malepó. ²⁷ Dɔ so whɛta, Talené ere fo dokonóturaalu, bitiré fóló betɔ fapotóro sukutua dapó. Atéro sukɔle kɛlipaae, ti dɔné yale ala Talené taleyaalopó. ²⁸ Dɔ betɔ féli sukutere kaae, so whɛ feané dowi ala tokóló aluraai, Kerisoné ama betere bete Talepaae mo betɔ félimótóro melalepó. Atéro mió ɔ momó waaireteita, dowi ala tokóló aluraai waalomeitei, ɔ wópóló kaae tawóló betere so whɛ tao sóro mo ti wisiyóló beteraai dapesene waalopó.

10

So whɛné dowi alamó Yesuné betere bete mo betɔ félitóro male ala

¹ Kótóné tukóló muló betere fota, mo ti muaaire ala mei, take nalo waaire wisi wisi alané aso maaté erapó. Atére betené kale tukóló mole fo sya furaalu, ba fo dokɔ hupu dóló moma yó tare alané Kótó betere felekemó bitɛ faaire so whɛné sekɛi ala mo ti wisiranénipó. ² Ai alanétamo so whɛné hosaa tuamó mole kisipa tiki fea mo betɔ félitóro wisirólugsóro, ti atima etei kaae dowi ala yalepóló, atimatei Talepaae momaraterere ala dekeró yó ta uameipó. Ti noatepae, atima etei kaae dowi ala yalepó tuɛ muameipó. ³ Atérené ba fo dokómó hupu dóló momatere ala hɔle deté fu betere kilitu, dowi ala kemeni, atima tuamó hɔle mulapóló hɔkhearóló yó matapó. ⁴ Ti noatepae, wɔ *bulmakau ó meme* hupu sameané dowi ala tokóló mo aluranénipó.

⁵ Atérené Keriso ɔ i haepaae wóló i fo yalepó.

“Hupu dóló momatere alaró hɔle matere alatamo naao hɛkese inipa, naotei ɛ mo whɛné tiki daaróló beteralépó.

⁶ Simó sukɔlaa daróló momatere alaró dowi alamó Talepaae hɔle matere alatamo kilituraalu, naao kisipa felénipó.

⁷ Atétepa yɔlo duraalu, ‘ɛ tɛteróló kaae tare Kótóo, kale bopeyóló mole asɛ tuamó ere fo mo dokonóturaalu, naao kisipa mole ala eraai ɛ wóló i betere ape,’ ” erapó.

⁸ Folosóro ama duraalu,

“Kótóné tukóló muló betere foné i ala yae yóló mupatei, hupu dóló simó sukɔlaa dalatere alaró Talepaae matere alatamokélé, dowi alamó matere alakélé, fea naao kolóló hɛkesenipó,” erapó.

⁹ Ai alarape yale sisópaae ama duraalu,

“Naao kisipa mole ala eraairaalu, ɛ i wale ape,” yalepó.

Atéro, folosóro hupu dóló du betale alarape tokóló taae faróló, ai sirimó ɔ sukɔle ala mo ti yó tanópóló eralepó.

¹⁰ Yesu Kerisoné ama tiki Talepaae mo betɔ félitóro hɔle melóló sukɔleteiné, Talené ama kisipa mole alatóro sya furaalu, dɔ ama so whɛpóló mo kae beteralépó.

¹¹ Be dɛtere dokɔ fea momatere be kaae tare whɛrapené Talepaae hupu dóló momaraterere ala hɔle yó tarapó. Atétere alané dowi ala mo ti tokóló aluranénipó. ¹² Tépatéi, mió i bopetu betere momaraterere doasi topo whɛ Yesuné dɔné dowi ala tokóló aluraairaalu, ama betere bete Talepaae mo betɔ félitóro hɔle malepó. Atéyale kɛlipaae ɔ ama alima Kótóné turu naase eró betere tikimó fóló betalepó. ¹³ Ai alarape kemeróló, mió ɔtamó bóe du betere whɛ fea ama tɛteróló só deraaire ala betɔ Kótónétei erópóló, kaae tawóló beterapó. ¹⁴ Ti noatepae, mo betɔ félimótóro ɔ sukuturaalu, Talepaae ama hɔle male alané wisiróló, mo kae so whɛ betó tanópóló yalepó.

¹⁵⁻¹⁶ Dɛi Kepe Wisinékélé Talené ai ere ala dɔpaae yó móturaalu, folosóro i fo dapó.

“Ai alarape yóló kɛlipaae yɔlo atima tao saairaalu, yóló mulatere diri fo i ape.

Yɔlo tukóló muló betere forape atima hosaa tuamó mulóo, atima kisipa keteni tuɛ yó tanópóló yɔlotei eróo yaalopóló,” Talené erapó.

¹⁷ Ai fo tómó me beleróló duraalu,

“So whi Kótóné fo aqomó bitini, atima kisipa mole ala maaté sya fu betere alaró mepaae dowi alatamomó kwia meni, yalo aluróló kisipa keteraalopó,” erapó.

¹⁸ Ai dowi alarape feata, Talené mo ti kemeró betera, hupu dóló Talepaae matere ala momó kae hãle noatepa yaaloé?

Talené ala taaréni, hãle eró tawae ere fo

¹⁹ Térapa, no nerape-ó, dãpaae Yesuné ama samea sókó faló betereiteiné Kótóné mo kae ere be tuãpaae faaire wini, mo halaaíné sókó fenérápó. ²⁰ Taketa, ai be ke satãle yóló oleró betere kuti tuãmó sókó fua yalepó. Mió Yesu sukóló ă mo ti betere bete matere kisi tũ alée faleteiné ă tuãmótóró sókó fenérápó. ²¹⁻²² Ai ala maaté mei, Kótóné fake so whi tao sóró, momaraterere doasi topo whikélé betera, dă ăpaae tuę tiki tiróló bitu, hosaa tuãmó hãjtamo Kótó betere felekepaae fenérápó. Atéturaalu, dãné i dowi ala yalepóló hosaa tuãmó sekei kisipa muteretei ama sameané fokóló feléróo, dãné tikikélé mo kikisi weiné fokóo, ereteiné mo halaaíné fenérápó. ²³ Ti noatepae, Kótó ăta, dă so whipaae eraalopó dere wisi ala hãsókó fóló taaréni, mo eraalopóló dãné so whipaae du betereitei taaróló haepaae derepaalomei, hãjtamo yó tawaalopa sae. ²⁴ Dãné no nepaae yaala sókó fole alaró wisi alatamo fakeyópóló, keteke u bulótu i bulótu dere alatamo netéró yaaloé yóló, tuę teketu betae. ²⁵ Mepaae so whi atima Keriso fake tourótua dere tikipaae wale hótú dere kaae, dă momókó yaqse. Tėni, Talené dă dape saaire be dę felekemó walapa, betere dokq ama ala erateretei taaréni, keteke u bulótu i bulótu dere ala mo ti fakeróló deté fu bitiépe.

²⁶ I bete mole mo fo dãné wosóló tuęrutei dowãae fóló, dowi alatamo hãle yó tapa, ti ai ala kemerópóló Talepaae melaaire q̄la me kae munipó. ²⁷ Kótótamo atéró bóe duraalu, du betere dowi ala hãle yó tapa, Talené fo tokótamo yóló só deraaitere alaró ai whirape dalaaire sitamo kolóló, mo wió yae. ²⁸ Take mepaae whiné Moses-né asęyóló muló betere fo

tukóló yale ala, tamo ó sore whiné kolóló mopó depa, ti ai whi kq̄letere ala ini, mo ti sinópóló dua ipakalepó. ²⁹ Mepaae so whi dené Kótóné naalema belei q̄la kaae aqróló tęiya tęiya yóo, Talené ama fo dirirale sameané fokóló kae betero betepatei, ai samea hãle q̄la kaae aqróo, Talené ai whi hãle hamokoróló tao supatei, ai ala erótu betere Kepe Wisi faleyoó depa, ti atétere whi ă kwia saairetei hãsókó faalopóló de? Ti folosóró Moses-né yale fo tikitepa, dowi kwia mo salepó. Atéyaletei, mió ai alarape dere whiné saaire kwiata, folosóró sale kwia bosenóló mo doasi saalopó. ³⁰ Ti noatepae,

“Kwia tokq̄ matere ala hãsókó feni, mo yalotei yaalopó,” yale sekęta, dãné kisiparapó.

Me fo i ape.

“Talené so whiné du betere ala mo amatoró taleyaalopó,” erapó.

³¹ Mo ti betere Kótóné naase tuãpaae foleteita, wi alapa mo wió yae.

³² Diãta, mo take bitiré wale sukamó, Kótóné fo woseté waletiné diã tuãmó dęyó falapó. Atéremó, diãpaae kae kae sekei ala wapatei, diã wiyóló botokó feni, mo diriyóló betale ala kisipa muae. ³³ Ai maaté mei, me sukamó diã so whi feané keletómó sóró daalóló, susupui alaró haleraterere alatamo eróo, me sukamó diã sere seke kaae, diaaq̄ no nerapepaaekélé eratepa, diãkélé atimatamo betãmó titiyóló daalu beleyóo, dua yalepó. ³⁴ Atére kaae, atimané diaaq̄ ne norape *dipula* beteratepa, kq̄le duraalu, atima tao sua yalepó. Atimané diaaq̄ mole qlakélé fasó supa, mo ti muó tawaaire q̄la wisinaale saai dapóló hãjturaalu, atima sópóló taalatusa yalepó.

³⁵ Térapa, ai ala deté furaalu, diaaq̄ kisipa tiki tiró betereitei hãle q̄la kaae taae farėni, mo hotowaró tao tawae. Atétepa, ti mo dupu wisinaale saalo ai ape. ³⁶ Kótóné ama kisipa mole alatamo eratepa, ti ama diãmó melaai dapóló bopere q̄la saasepólópa, diãné kisipa tiki tiróló, diaaq̄ du betere alatoró hãle yó tanérápó. ³⁷ Ti noatepae, Talené i fo erapó.

“Mo hãleke sukamó waalopó ere seké  waaitere be dę hĩliki faréni, ai be demótóro mo waalopó.

38 Téyaalotei, yãlo donoi alatóro erótu betere whĩta, ti kisipa tiki tiratere alanétóro betaalopó.

Ama kisipa tiró betere ala momó wotãale depa, ti ai whĩtamo yãlo kisipa felé yaalo meipó,” erapó.

39 Tépateti, dã atei kaae wotãale yóló aluyaaire so whĩtamo touyóló bitini, paae kisipa tiki tiró betepa, dã aluyaaşóro Kótóné tao serapó.

11

Kisipa tiratere alané mo betenérápó

1 Tué tiki tiróló betere so whĩné nalopaae yaaire wisi ala mió kilinitei, take mo kelaalopóló diriyóló kisiparuraalu, haĩtu beterapó. 2 Mo take betale so whĩné atei ala deremó, Kótóné mo wisirapóló atima dukiró beterapó.

3 Kótóné i ala yó fae depa, ere la ó betere la lakélé fea motóro yó fi-pakalepó. Ti mió kelené keletere la la feata, kelere la sóro aleni, ama fotokę bole fonétóro kaaró beterapóló, dã Talepaae tué tiki tiró betereiteiné mo diriyóló kisiparapó.

4 Ebel  tué tiki tiró bituraalu, Talepaae mo wisiyóló hãle maletiné noma Kein-né male la teterélipakalepó. Ti Ebel  kisipa tiki tiró bitu matere la Talené kilitu, wisirapóló  dukiróló mo donoi whĩpó erapó. Ebel ta, take sukupatei, Talepaae ama kisipa tirale ala aşemó mulu, dãpaae hãle du beterapó.

5 Inoke Talepaae kisipa tiki tirale betené  sukuni, itéro mo betepatei, Talené hepen-paae dapesó horapó. Mepaae whĩrapené  kekãlemó, Kótóné dapesó feleteiné mo koló fenipó. Kótóné buk-mó duraalu, Inoke  hepen-paae faai i haemó hãle bitu, Kótóné ama kisipa mole ala erótu betepa,  mo hękesené sinipakalepó. 6 Mepaae kisipa tirénire so whĩné Kótó  hękese yaaire ala mo er-anénipó. Ti noatepae, mepaae so whĩ de Kótó beterepaae wapa, ti  mo beterapóló kisipa tiróo, Kótó  i betere ape yóló yó

melaalopóló ketekętamó kekitu betere so whĩ kilitu, Kótó  mo hękeserapó.

7 Talené Noapaae take naao kilini yale ala nalopaae mo eraalopó yale fo Noané mopóló kisipa tiralepó. Atéru,  tuãmó Kótópaae mo kae wi yóló, ama naaleraperó atimané sorapetamo yóo, ama soma atimaamo yóo yóló betã aluyaaşóro, tué tiki tiró bitu nuku alipakalepó. Atéyaleiteiné ai alimó betale so whĩné dowãae fóló du betale ala mo só deralepó.  atéro tué tiki tiratere ala Kótóné kilitu, mo donoi whĩpó yaaire doi melalepó.

8 Talené nalopaae Abraham  melaaire hae kwiapaae fõpóló, dotęyaa i paae ape yalepó. Ai fo depa,  faaire tiki kisipa inirutei, tué tiki tiró betere alané Kótóné dere fo mo betã wosóló felepó. 9 Kótóné Abraham paae yale fo mo eraalopóló tué tiki tiróló,  melaalopó ere hae tikimóte i uké whĩ kaae bitu, kuti be torokóló tęté kutu betalepó. Ama naale Aisak-kélé, Jekop-kélé, ama ere fo dokonóturaalu, ai hae tiki saaire whĩrapetei, Abraham  yale kaaetóro deté kutu betalepó. 10 Abraham-ta,  betere haemó kisipa muni, take nalopaae dirii la sóro tene mo ti bemó betaalopóló kisipa mutu, kaae tawóló bitipakalepó. Ai be tęyaa i dãle sóo, be tęyóo yale sekęta, Kótó tórótípó.

11 Abraham  mo ti otere yóo, soma Serakélé hãle ni daayóló sere yóo epatei, tué tiki tiró betere ala Talené kilitu, naale deyaaire fotokę bulalepó. Ti ai ala eraalopó yóló mulale sekéné fo mopóló kisipa tiki tiraleiteiné yalepó. 12 Ai betã whĩte i  otereyóló mo felekemó sinaai du bitutei, ama deale naalené kaaróló, naale senaale mo hãle la kaae deté felepó. Ai naale senaaleta, şamó daale hęreró wę i atikãtamó kaae ereteiné dosãyaaire mo şunipó.

13 I dosãyale whĩrape atima fea kisipa tiki tiratere ala hãle deté fu betepatei, sukutua yalepó. Ti atima hãle betale alimó kale melaalopóló muló betere la atimané sinitei, mo umó teó wou betepa, tuéné maaté kolóló mo kée deté fu betalepó. Atétu, atimané duraalu, “Dãta

haemó betepatei, i hae tale mei, uké whi kaae i betere ape,” du betalepó. ¹⁴ Atei kaae fo dere whirape atima mo ti betaaire hae tiki kekitu beterapóló hakearóló yó matapó. ¹⁵ Ti atimané atei kaae dere fótamo, take taaróló wale hae tikimó uasóró, ti atima turuku bepóló kisipa mutu, momó fesaae fole ala uapó. ¹⁶ Aténi, mo ti betaaire hae wisipaae fenée kisipa mutu beterepó. Ai hae tikita, me kae mei, mo hepen betórótípó. Atéreteiné atima Kótópaae duraalu, yaṭa ḁa ṭeṭeróló kaae tare Talepó depa, ai fo wosetu Kótó ḁ haleni, mo dono dapó kisipa mutapó. Ti noatepae, ai be huluata atima mo wisiyóló beterópóló, ama taketi donoróló muló beterapó.

¹⁷ Abraham-né kisipa tiki tiró betere ala Kótóné kḁae kolóló, sḁ sale sukamó, Abraham ḁ kisipa tiró bitu, ama naalema Aisak dóló simó sukḁlaa dalóló Talepaae ḁale melaai yalepó. Kótóné ḁpaae wisi ala eraalopó yale fo tuṛutei, ama mo betḁ betere naale daai yalepó. ¹⁸ Take Kótóné ḁpaae duraalu,

“Naao naale Aisak-né detere naalené naao doi muaaire fake firaalopó,” erapó.

¹⁹ Ti Abraham-né ama ai ala yaleteita, mo ti sukutere whi Kótóné ama sḁmó kepaaraalopóló kisipa mutu yalepó. Até yaletei, ama naalema Aisak ḁ sukóló momó kepaayale whi kaae aḁpa dape salepó.

²⁰ Aisak ḁ Talepaae kisipa tiró bituraalu, ama naale Jekop-ró Isotamo nalopaae betaaire alamó kisipa mutu, foné atimaamo wisiralepó.

²¹ Atéyale kaaetóró, Jekop ḁ Talepaae tuṛé tiki tiró bitu, ḁ felekemó sukḁairaalu, ama dotó tiki tómó tiróló daalu, naalema Josep-né naale tamo foné wisiróló, Talepaae mo kée yóló momayalepó.

²² Josep kisipa tiróló bitu, ḁ sukḁaire be ḁe feleke depa, kale Israel fake so whi Isip hae kwia taaróló, torokḁ faalopóló kisipa mutu, atimapaee ama diri sóró fae yalepó.

²³ Isip hae kwia ṭeṭeróló kaae tare topo whiné Israel so whiné naalerape dae yóló tukóló mulélipakalepó. Ai fo epatei, Moses-né hamaró alimatamo wini,

Talepaae betḁ tuṛé tiki tiró bitu, ai naale wisinaale daḁsóró, wélié sore tuḁmó ḁ hyḁ mulalepó.

²⁴ Moses doayóló Talepaae kisipa tiki tiró bitu, ḁ topo whi Fero senaalemané naalepó yaḁse yóló fo mulalepó.

²⁵ Moses ḁ sawa sukamó maaté tó tikimó felétere dowi ala yaai kisipa muni, Kótóné so whipaae erótu betere sekḁi ala ḁpaaekélé erópóló kisipa mutu, Talené so whitamotei toune felepó.

²⁶ Moses ḁ so whi ṭeṭeróló kaae tare sekḁ Kerisoné ala erótu beteremó, faleyóló haleratare ala kolósu, Isip haemó mole wisi wisi ḁla kolósu yalemó, Kerisotamo betere ala mo doasi ke boleteiné take nalopaae Kótóné dupu wisi melaalopóló kisipa mutu, ḁ ai ala sya felepó.

²⁷ Moses ḁ Talepaae kisipa tiró bitu, kale Isip hae kwia ṭeṭeróló kaae tare topo whi fopaae buóló, ḁpaae sekḁi ala eraḁsórópóló wini, Isip kwia taaróló felepó. Ti noatepae, aita kelené kelenire sekḁi ama kelereteiné, ama yaai dere ala betḁ ḁale yó taruraalu yalepó.

²⁸ ḁ Talepaae kisipa tiró bitu, Kótóné dotḁyale whi dele *ensel*-né Israel fakené topo naalerape daḁsóró, bosene fele be ḁemó ḁla detere alaró wḁ *sipsip* hupu malené samea dilatere alatamo, Talené ḁpaae yae ala deté fu betalepó.

²⁹ Kótóné so whi Talepaae kisipa tiró bitu, sonaai wḁi kḁla tuḁmó tukóló, mo ere hae tiki kaaemó atima ṭeyóló felepó. Tétepa, Isip fake atimakélé Israel fake yale kaae ṭeyóló felemó, wḁiné atimatei mo ti alurélipakalepó.

³⁰ Talepaae kisipa tiró bitu, Israel fake so whi wḁikeró be ḁemó, Jeriko be hulua bopére dopóku bolaa aḁró bopé yóló kutu betalepó. Atéyalemó, kale doasi dopóku ama kḁleaanétei kolokóló derepelepó.

³¹ *Moni* saairaalu nópu nuku betale so Rahab ḁ Talepaae kisipa tiró bitu, kale bóe sḁ fele whirape ama bepaae wisiyóló dape salepó. Téyaletéiné Talené fo tukóló dowḁae fu betale so whi fea dóló kemeróturaalu, ḁ betḁ ḁasókó felepó.

³² Atimané ai yale alarapemó yaḁlo kae me noa fo yaaloé? Kale doasi doi mole

kisipa tirale wh̄rape Kideon, Barak, Samson, Jepta, Depit, Samuel, mepaae Kótóné k̄óló wh̄rapené yale alakélé fea dīpaae dekéro ūṭei, yaaitere be de dekéro munipa taalatapó. ³³ Ai wh̄rape atima Talepaae kisipa tiró bitu, mepaae ṭeteróló kaae tare topo wh̄rapetamo bóe dóló atima ṭeteróo, so wh̄ mo wisiyóló kaae taru donoi ala eróo, Talené atimapaee melaalopó yale ɔla mo sóo yalepó. Atéró Talepaae kisipa tiró bituraalu, wh̄ dó nokole haɔ *layon*-rape k̄ulumu faaralepó. ³⁴ Wh̄ dokole doasi simi surukó fóo, wh̄ dele fosói sepakekélé ḥsókó fóo, dua erapó. Atima mo wh̄ bépatei, Kótóné doasi fotok̄o bulalepó. Tétu, atima bóe duraalu doasi fotok̄oné kae kae hae kwiamó wale bóe wh̄rape dóló mo ti kemeratepa, mepaae ḥsókó fele wh̄rape ti botokó dapo yalepó. ³⁵ Mepaae sorape atimané naale senaale ó omarape suk̄ṭetei, momó kepaaratepa atimatamo bet̄amó bitua yalepó. Mepaae so wh̄ atima kisipa tiró betepa, mené doasi susupui ala eróturaalu, dī teraayóló faraalopa, Talepaae dowi teka fo yae yóló s̄ṭua yalepó. Ai ala depatei, atima sukutepa, momó kepaayóló Taletamo wisiyóló betaalopóló kisipa mutu, atei kaae fo yaalo meipó, dua ipakalepó. ³⁶ Mepaae so wh̄ faleyóló fokosoi ala yóo, mepaae so wh̄ ti dirii képiné dokóló *dipula* beteróo dua yalepó. ³⁷ Mepaae so wh̄ kapo duné dóo, mepaae ti ni tikitere *saw* fosóné fosóné tūamó tekéetamo yóo, mepaae bóe dele sepakené dóo, dua ipakalepó. Mepaae so wh̄ ḥko kuturaalu kutikélé nokole ɔla ó bekélé meitepa, *sipsip* ó *meme* hupu sekaɔ bukutua yóo, Atima mo yoleale betepa, susupui alaró kae kae dowi alatamo eróo dua yalepó. ³⁸ Atima atei kaae sek̄e su betale so wh̄ kolósu, i haemó betó mole mo so wh̄ kolósu depa, sek̄e sere so wh̄iné atima mo belei aqróló teraae falapó. Sek̄e sere so wh̄ atima torokó kuturaalu, kópu k̄aae fi tikimókélé, hasi fosómókélé, kapo dolomókélé, hae dolomókélé, ḥko fité kutua ipakalepó.

³⁹ Ai dos̄ayale so wh̄ atimakó mo bet̄a wh̄inékelé Talené melaalopó yale

ɔla sinipatei, kisipa tiró betere ala kilitu, Talené mo wisirapóló atima dukiralepó. ⁴⁰ Atimapaee erale alaró d̄paae eratere alatamo, touróló eraté fóló mo ti kemerópóló, Kótóné atimapaee erale ala bosenóló, d̄paae eraaire ala wisinaale ama tukóló mulalepó.

12

Kótóné ama naale senaale k̄opaae fupa, donoróló deké sua dapó

¹ Térapa, Kótóné doasi alarape eratepa kelalepóló u bope deté wale so wh̄iné d̄a bopéro beterapó. Atérapa, Talené atima tao sóro erale alamó kisipa tiratere kilitu, d̄a sururu yóló furaalu, mepaae bi pire ɔla ɔla taae falóo, d̄a hapale dée n̄póló ekeleperatere dowi ala taalóo, yaalopó. Tétu, Talené muló betere d̄alemó sókó faairaalu, naase ḥṭe sururu yóló fótóro tawiépe. ² Atéró furaalu, kisipa tiratere alakélé amatóro kaaróló, mo ti kemeratere alakélé Yesunétóro dua dapó. Térapa, d̄ané kelené ai sek̄e ɔtóro kikéyóló kaae tawiépe. Ti take nalopaae ḥṭere ala mo eratepa kelaalopóló kisipa mutu, ai sek̄e ɔ filipaa ni tómó doasi sek̄e ala sóo, halei ala eratepakélé me ɔla meipóló ḥṭe siré fóo yalepó. Atéyale k̄lipaae ɔ hepen-paae fóló, Kótóné fea ala ṭeteróló kaae tare tikimó, ama turu naase demó betalepó. ³ Ti take dowi ala dere wh̄rapené Yesutamo bóe duraalu, sek̄e ala ɔpaae eratepatei, ḥṭe beleté fu betalepó. Atérapa, dīpaaekélé sek̄e ala eratepa, dīa fo moyóló haepaae derepaqsóro, ama ai ere alatóro kisipa muae.

⁴ Mepaae wh̄rapené dowi ala fakerótu betepa, atei kaae dowi ala dorapóló dīané sesé deremó, dīa dóló samea sókó fatere ala ini, teópó. ⁵ Ti dīṭa, Talené ama naalepóló ketek̄e bulótu, ere fo diaaɔ kisipa keteró beterapó. Ai fo i ape.

“Ȳṭo naale-ó, Talené ȳa donoróturaalu dóló supuratepa, ai bete munire ala dere nisi yaɔse.

Aita, diaaɔ du betere dowi alamó dīa foné sirapa, sek̄e duraalu, h̄yóló taalaɔse.

⁶ Ti noatepae, Talené ama hosaa mulu yaala sókó fu betere so whi donoróturaalu dóló supuróo, ama naalepóló dape sere naalerape atimané hāsókó fole alamó kwia melóo, dua dapó,” erapó.

⁷ Diapaae sekei ala erótu betepa, ti aita diā Talené ama naale donoróturaalu dere alapóló kisipa mutu, beleté fu betae. Ti mé naalekó donoi tūpaae fōpóló, ama alimané foné sóró dele ala dumie? ⁸ Kótóné naale senaale fea hāsókó fupa donoróturaalu, supuróló dua dapó. Diā hāsókó folemó, Talené dóló supurénitepa, ti diā ama naale senaale bitini, hōko naale senaale ai ape. ⁹ Ai fotamo olekeyóló me dere fo i ape. Dā fea kōpaae fole sukamókélé, mo hāle betere sukamókélé, sekei ala beleyópóló fotokō bulóturaalu, i haemó betere ayarapené dā donoróló supurótua deretei kisipa muae. Atétere alata, atimané mo dono dapóló kisipa mualepó. Ai ala mo ti bosenóló, dāné kepe tēteróló kaae tare Ayané dā donoróturaalu dóló supuratepa, ti ama erópóló ā aqmó sukóló betenérápó. ¹⁰ I haemó betere dāné mo ayarapené dā tū wisipaae fōpóló kisipa mutu, donoróturaalu sawa sukamó maaté dóló supurótua dapó. Tépaitei, dā Kótóné ama kae ere wisi ala tuāmó beterópóló kisipa mutu, dā kōpaae fupa ama donorótu beterápó. ¹¹ Donoi tūpaae fōpóló, supuraterere sukamó felé dumi, supu dua dapó. Téyaalotei, ai alané donoróló asa dere so whi, take nalopaae hosaa muni deyóló mo dua betere alaró, mo donoi alatamo atima tuāmó epa ke-laalopó.

¹² Térapa, sekei alané diā fótururóló Talené ala diaa erótu beteretei haepaae derepaqsóro, bére hó naase fotokō bulaterere ala du betae. ¹³ Diaa doalére hó mo ti doyaqsóro, diā kwēyaaire tū mo wisiyóló aleyae.

Kótó hōróló sisópaae eraqsóro hotowaró kaae tawae

¹⁴ So whi featamo bóe dóló hōle sere ala ini, Kótóné ama hosaa muni deyóló dua betere alaró ama kae ere alatamo, diā tuāpaae erópóló, ketekē butu betae.

Ti Kótóné ama mo kae ere ala munire so whi, Tale mo kelaalomeipó. ¹⁵ Diāko me whi ama hēkesere ala sya furaalu, Kótóné hamokoróló hāle tao sere ala hāsókó faqsóro yae. Tétu, diaa ne notamo mutere dowi hasekai kisipa so whi feapaae tokóló, me whi doraqsóro, mo hotowaró kaae tawae. ¹⁶ Diāko mepaae so whi nópu nokole ala ó Kótó faleyóló hōko betale whi Iso kaae betaose. Ti Iso āta, alimané mómu ōla ōla saaire topo naaleitei, ā wotepa ai mómu ōlané betā be demó naaire ōla nomatamo dupuyalepó. ¹⁷ Atéyale kīlipaae kale sekéné ama alimapaae ākélé wisiraterere fo yae yóló woletamo yaitei, alimané ama dere fo mo wosenipó. Atétepa, ā woletamo yalemókélé, ama tuē tiki feteyaaire sūni, mo hapólu yalepó.

¹⁸ Take Talené so whi fea touyóló bitu, kelené kolóló olaa dere hasi fosó erepó. Ai hasi fosómó si dōo, be mo diliki yóo, doasi beséro hali tikitamo wóo, mepaae mo winé sini alakélé eróo, dua yalepó. Ti diāta, atére hasi fosópaae wénipó. ¹⁹ Ai hasi fosómóta, ukulumó wuti hale yóo, mené fo fakeyóló depa wosóo duraalu, atima atei kaae fo wosetere hōrapa, me yaose du betalepó. ²⁰ Ti noatepae, Talené atimapaae yóló mulóturaalu,

“Ai hasi daale felekepaae so whi ó hupu, na ó kae kae ōla fupa, ti kapo duné dóló sukunae,”

ere fo atima wosaletéine faalo wiyalepó.

²¹ Moses-né ai hasi fosómó mo winé sini ala du betepa kolóló, i fo erapó.

“E mo winé sukuturaalu diri furu furu dapó.”

²² Ti diāta, atéyale hasi fosómó wóló bitini, mió diā betere hasiné doita, Saionpó. Ti diā wóló ai betere tikita, hepen bemó Kótóné ama tēteróló kaae tare doasi Jerusalem be huluapó. Ti diāta, *enselrape* ni sóku kaae mo dekéro touró bitu, hēkesetu betere tuāmó wóló ai betere ape. ²³ Aita, Talené ama topo naale senaalepóló sóró beteró betere so whi fea touró betere tikipó. Ti ai so whiné doita, hepen-mó asēyóló muló beterápó. Ti diāta, so whi feané dere ala taletere

Kótó beterepaae wóló, ama take donoróló betereale so whjné keperape betere tikimó, ai betere ape. ²⁴ Diąta, ama so whj tao saalopóló yóló mulale kisi fo dirirale tuą whj Yesu beterepaae walepó. Ti ai sekéné ama samea so whjné tikimó apuróturaalu yale foné Abel-né sameané dorae yale fo teteró betera-pó.

²⁵ Diąpaae ai fo du betere seké diąné sisópaae eraqsóro yae. Ti noatepae, Kótóné kutó dirale mo hae whjné so whjpaae duraalu, “Diaaą hoko du betere ala taarénitepa, ti Kótóné kwia melaalopó,” dere fo woseni, sisópaae eraleteiné dowi kwia matere ala atimané mo salepó. Atérapa, hepen bemó betere sekéné dere fo sisópaae erateremó, atimapaee ai erale ala mo bosenóló, dąpaae melaaire dowi kwia netéró hąsókó faalóé? ²⁶ Take Talené ama fo yalemótei hae wore ipakalepó. Téyaleteti, mió ama i ala yaalopóló muló betera-pó.

“Taketa, hae maaté yalo woreraleteti, mió ti sąró haetamo wusuró woreraalopó,” erapó.

²⁷ Momó woreraalopó dere fo bete i ape. Wore ini, dirire alaró ąla ąlatamo ti enópóló, Kótóné aleyóló muló betere ąla ąla whaaló yóló wore deretei, ti ama woreróló mo aluraalopó.

²⁸⁻²⁹ Kótóné ama teteróló kaae tare alata, mené wore worekélé mo eranénipó. Ti dąta, atére ala tuąpaae fóló betera-pa, Talepaae mo kée yóló, dą witamo ą aqmó sukóló bitu, hękese yaaire ala betą du betaalopa sae.

“Ti noatepae, dą teteróló kaae tare Kótó ąta, ąla ąla fea doló kemeratere si są betera-pó,” erapó.

13

Mo kemeróturaalu ketekę bulatere fo

¹ Mepaae no netamo yaala sókó fole ala hosaa mo turóné yó tawae. ² Uké wale whj diaaą bepaae wisiyóló dape sóró, ąla melóló firatere ala taaréni, mo yó tawae. Ti noatepae, take mepaae whjrape atima mo kọleaa whjné *ensel*-rapetei, mo whj nisiyóló dape sua erapó. ³ Mepaae no nerape *dipula* betere, ti diąkélé atimatamo

dipula betere aą yóló, atima kisipa hąle yó tawae. Tétu, mepaae whjrapené naao no nepaae sekei ala eratepa, diąkélé ai seke sere aą yóló, atima kisipa hąle yó tawae.

⁴ Soró whjta mo dokotere alata, mo donoi alapa dią feané hale horótu betae. Whjro sotamo dokore ala folokole yaqsóro, so whj kaetamo fiyóo, whjkelé so kaetamo fiyóo momókó yaqse. Ti noatepae, atei kaae nópu nokole alaró kae kae nópu nokole alatamo du betere so whjta, Kótóné taleyóló dowi kwia melaalopó. ⁵ Dią betere tuąmó *moni* mo doasi bete mole ąla nisiyóló diąné tué tiki turó ai ąlapaae momókó mulaqse. Téní, meteró ąla ąla mupa, ti aitoró sąpóló kisipa muae. Ti noatepae, Kótóné duraalu, “Ę diątamo betereitei taaróló, metikpaae mo faalomeipó. Téturaalu, yalo dią tao su betere alakélé hąle yótóro tawaalopó,” erapó.

⁶ Ai fo wosetu dą whaaliani, halaainé i fo dua dapó.

“Talené ama ę tao sóró mo wisiyóló kaae tareteiné, mo whjné ępaae noa kaae sekei ala eratepa ę wiyaalomeipó.”

⁷ Take Talené alamó folosóro fóló, diąpaae Kótóné fo i ape yóló yó melale whjrape atima Talepaae kisipa tiró bitu du betere ala kąae kolóló, noa kaae du wisi olepa, ti ai ala diąnekélé sąróló yae. ⁸ Yesu Kerisoné ere alata, take bitiré walepaaekélé, mió i betere alimókélé, nalo betaaire alimókélé, mo betą kaae alatóro hąle yó tarapó.

⁹ Térapa, mió diaaą wosetu betere fo wisi taaróló, kọpaae falaairaalu, mepaae whjrapené kae fo yó matepa, mo dere nisiyóló wosaqse. Kótóné keletómó wisirapó yópóló, ąpaae moma yóló nuku betere ąlané atima fotokọ bulóló wisiraaire fotokọ bunipó. Tépateti, dą fotokọ buóló wisiyóló beterepóló, Talené hamokoróló tao sere ala dą tuąpaae eratepa, ai ke bole alané betą dą mo wisiranerapó. ¹⁰ I haemó mo so whjmó Talepaae momaratere whjrapené dąné momatere kapo tómó bilitere ąla naaire sąnipó.

¹¹ Mo so whimó Talepaae momaratere topo whi *bulmakau* hupu samea sóró Kótópaae momaraai, mo kae tukóló muló betere be kepaae fóló, so whiné dowi ala kemerópóló ai samea dilótua dapó. Tétua deretei, mo hupuné tikita, ti so whi betere tiki taaróló, be bela demó sukúlaa dalótua dapó. ¹² Atétere kaae, Yesuné ama sameanétóro so whiné dowi ala kemeróló, mo kae so whi beteróturaalu, a doasi sekéi ala sóró doasi be hulua bolaare dopóku aqmó sukálepó. ¹³ Térapa, ama tikimó sale halei ala dápaaekélé erópóló, be taaróló a sukále tikipaae faalopa fiépe. ¹⁴ Ti noatepae, da mo ti betaaire doasi be hulua mekó i haemó tenipó. Téretei, take da mo ti betaaire doasi be hulua kelaai kisipa mutu, da kaae tawóló i betere ape.

¹⁵ Térapa, Yesuné da fotokó bulatepa, mo wisi ɔla Kótópaae mótu dere kaae, Kótóné ama doi sóró horatere ala suka fea yó tawaalopa sae. Ti da tetéroló kaae tare Kótó a etei kaae Tale beterapóló, ama doi sóró horatere alata, kutómó ɔla wisi su dere kaae erapó. ¹⁶ Mepaae ɔla ɔla yayɔtere so whi tao sóró matere alaró eratere wisi alatamo kisipa keteréni, hale yó tawae. Ti atei kaae alata, Talepaae hale matere ɔla wisi kaaepóló Kótó a mo hekeserapó.

¹⁷ Diá Keriso so whi kaae tare whirapené dere fo wosóló, atimané tetéroló kaae tare aqmó betae. Take nalo Talené atimapaee so whi netéro kaae tawaleé? yóló wosetepa, atima etéro kaae tawalepóló tokó melaalopó. Atima kutó hekesetamo diyópóló atimané dere fo wosóló sya fae. Ai ala initepa, ti atimakélé kisipa seketamo dituraalu, atimané ditere kutóné diá tao sere alakélé yaalomeipó.

¹⁸ Talené da tao sópóló momarótu betae. Dáne du betere ala dáneitei taleyalemó, so whi dilikitere ala me bunipó. Dáne du betere ala fea so whiné taleyóló, mo dono ala dapó yópóló, i ditu betere ape. ¹⁹ Yálo diápaee i dere fota, e diátamo betaai hapale wópóló, momarae yóló dapó.

²⁰ Kótóné so whi tao sóró mo ti muó tawaaire fo, Yesuné ama sameané diriróló mulalepó. Atéreteiné, bóe firóló mo

dua betere ala kaarótu betere Kótóné, da tetéroló kaae tare whi Yesu a momó kepaaró beterapó. Atéro kepaarale seké ɔta, Talené *sipsip* hupurape kaae tare doasi fotokó bole topo whi beterapó. ²¹ Ai Kótóné ama kisipa mole ala diaaɔ mo sumó erópóló, amatei wisi wisi alaró wisi tuétamo diá tuápaee mo sɔraalo ai ape. Atétu, Kótóné a hekesese yaaire ala Yesu Kerisoné da tuápaee erópóló yae. Ai sekéné doi doasi mulóló, hale sóró horatere ala hale deté fu betae. Mo kée téyópóló yae.

²² No nerape-ó, yálo halekeróló i dere aseta, diaaɔ wosóló kisipa yaaitere su i dere ape. Térapa, Kótóné ala etéro erae yóló asemó keteké bulóturaalu, i deté wou betere ma fo wosaalo hó yaose.

²³ Dáne no Timoti *dipula* sókó wóló beterapóló, diápaee i dere ape. A e beterepaae hapale wapa, ti damo wusuró diá kele waai kisipa mutapó.

²⁴ Diá tetéroló kaae tare whiraperó Kótóné mo kaae betéro betere so whi featamopaae yálo kóleó dapó yae. Itali hae kwiamó wale Keriso so whinékelé diápaee kóleó dapó. ²⁵ Talené ama hamokoróló tao sere ala diá fea tuámó muó tanópóló yae.

Jems

¹ I dere așeta, Kótóró Tale Yesu Kerisota-moné kutó diratere wh̄i Jems-né dapó. Dī Kótóné ama 12 fake so wh̄irapetei torokó faróló, kae kae tiki daae mole so wh̄i kuamó betó mole no nerapepaae kōleó fo i dere ape.

Sek̄i alané d̄gné tuę tiki tiiró betere ala k̄qae kolóló s̄u sirapó

² Ȳalo hosaa mole no nerape-ó, mepaae kae kae sek̄i alarape dīapaae wapa, ita ę k̄qae kelaai dapóló h̄ajné sukutu betae. ³ Ti noatepae, ai wou betere sek̄i alarapenéta, diaaę Kótópaae tuę tiki tiró betepa k̄qae kólóló s̄u ai sere ape. Ai s̄u sere alanéta, diaaę du betere wisi ala taaréni, yótóróti tawópóló fotokó bulótu betereitei, dīgné ai tuęre ape. ⁴ Ti atétu betere alanétei, diaaę hosaa tuamó wisi ala mulu, wh̄i wisinaale beteraté fole ala tuamó tikini, h̄ale deté fóló kemene fole kwiamó sókó f̄ópóló yae. Téturaalu, me alakókélé ȳaȳani, mo turó s̄u yaalo ai ape. ⁵ Dīkó mepaae so wh̄i detamo Kótóné ala eraairaalu fosó fosói kisipa tiki wisi ȳaȳtepa, ti mo turó mótu betere Kótópaae wosae. Atétepa, Kótóné wosóló taaréni, ę mo hamokore sek̄e betereiteiné dī feamó mo melaalo ai ape. ⁶ Téyaalotei, mepaae wh̄iné Kótópaae woseturaalutamo ępaae i ala eraalopé neȳalorópó yóló kisipa tamomuni, mo ępaaetóróti kisipa tiki tiró bitu wosae. Ti atei kaae kisipa tamo mutere so wh̄ita, bes̄éné w̄ei upaae só fua, ipaae só wu-ateré kaaené kelerapó. ⁷ Atei kaae kisipa mutere wh̄iné Talepaae kematere ęla mo bet̄akókélé saalo nisi yaęse. ⁸ Ti ai sek̄éné ama kisipa tamo moleiteiné, ama dere alarape fea diriyóló bitu ini, h̄ale tómó dakeró bitu dua dapó.

⁹ ęla ęla meiyóló h̄ale yoleale betere Keriso nota, doasi doi mulapóló h̄ajturaalu bopé faketu betae. ¹⁰ Țta atétu betaalotei, fea ęla ęla tare néli wh̄ita, doasi doi muni, sókó dei beterepóló bopé faketu betae. Ti noatepae, néli wh̄iné

ama dere alata, kale h̄ale yó mole ne fua hapale dulukó fu dere kaae yaalo ai ape. ¹¹ Atétere kaae dirii suka duraalu, suka supuné ere ęla sóku botó yóló dulukó durupuraalu, ama ere au kelené kelaalo kokó yaleteti dotua dapó. Atétere kaae, néli wh̄iné ama du betere ala deté fu betepatei, alu deté fu betaalo ape.

¹² Wh̄i me de ępaae doakale sek̄i ala wapatei, haepaae derepéni, beléetóro tare wh̄ita, Kótóné wisiró betereiteiné h̄ajné sukutu beterepó. Ti noatepae, ai sek̄i alané k̄qae kelaai s̄u siré fu beteró kemene folepaaekélé haepaae derepéni, diriyóló daapa, ti atétere wh̄i sururu yóló fu folosóro sókó fole wh̄iné topo tao su dere kaae, mo ti betere bete saalo ai ape. Ti ai betere beteta, Kótóné ępaae yaala sókó fole so wh̄imó melaalopóló, taketi ere ęlapó.

¹³ Me dowi ala yópóló s̄u seremó me wh̄iné duraalu, ita ępaae Kótónéitei eratapó fo ekesé. Ti noatepae, Kótó ę dowi ala yópóló, me alané s̄u seni yóo, amakélé me wh̄i dowi ala yópóló s̄u sóo, dumipó.

¹⁴ Tétumitei, hupu d̄ópóló he t̄enóló ama ekeęleyóló nokole ęla he dolomó mulótu dere kaae, d̄a so wh̄i dokó feané hosaa tuamó mutere kisipanéitei dowi ala yaai ekeęleyóló, au nuku beterepó. ¹⁵ Atéró au nóló kisipa sere alané sorape naale derótu dere kaae dowi ala kaaratapó. Atéró naale yóló ęlumétepa ditu dere kaae, ti kale dowi ala foparóló h̄akeamó depa kilitua dapó. Atéró kale naale doayóló mo doasi wh̄i bitu dere kaaeta, dowi ala faketuraalu sukutere ala kaaratapó.

¹⁶ Ȳalo hosaa mole ne norape-ó, mené kapala fonéitei dī dilikaęsóró yae. ¹⁷ D̄ané Aya ę ó hepen bemó ere d̄e wisinaale tuamó bituraalu, d̄a i haemó betere so wh̄ipaae wisi alaró wisi ęlatamo betere dokó fea mo turó mótua dapó. Ai sek̄éné ama dere alata, wh̄i sukamó daatepa aso h̄aleketu, f̄lotu dere kaae dumipó. Betere dokó fea ama erótu betere alata, mo bet̄a kaae alatóróti eró tarapó. ¹⁸ D̄ané kale mo fo wisi woseté fu betereiteiné, ama naale senaale beteraai dapóló, amatei d̄a sóro beteralepó. Taketi Tal-

ené ama kaaróló muló betere ɔla fea yó mupatei, ɔɔta folosóro doasi topo ɔla beterópóló yóló kisipa mutu, deyóló beteralepó. Atéreteiné ɔɔta mo ama so whítóro beterapó.

Dere fo wosóló taaréni, sya fae

¹⁹ Yálo hosaa mole no nerape-ó, i dere fo mo wisiyóló wosóló tué muae. Diá feané kale fo wisi woseturaalu, deka ini, keteké buóló mo wisiyóló wosae. Mepaae fo yaairaalu, hapale hɔko ini, mo dua tué tekeyóló yóo, me whiné yá fopaae buópóló sesemeratere fo depakélé, kisipa tekeyóló me ɔla meipóló mo dua betóo, yae. ²⁰ Ti noatepae, mo whiné atéro fopaae butere alané Kótóné ama mo donoi naale senaale beteranée yóló mole kisipa eranénipó. ²¹ Térapa, Kótóné keletómó mo kelaalo sonalei dowi alaró i hae kwiamó mole kae kae dowi alatamo momó kae ini, mo ti taaróló kisipa keterae. Atéturaalu Kótóné fota, ɔɔ aluyaɔsóro tao saaire fopa, ɔla wae hae wisimó bitu dere kaae, naao tiki tuápaae derepópóló mo keteké buóló sae.

²² Kale fo hãle woséliné maaté wosóló taalatepa, ti naaotei kapala yá ai dilikitu betere ape. Ai ala ini, ama yápaae erae du betere fotóróti mo eró tawae. ²³ Mepaae whi dené Kótóné fo wosóta deretei, ama yae dere ala mopóló erénitepata, ti etei ala dere kaaepó. Whi betané ama kelepaa *klas*-mó fopeyóló, á faaire tikipaae fulapó. ²⁴ Atéro furaalu, ama kelepaa etei daapa kelalepóló kisipa yó tani, mo hapale téti keterótua dapó. ²⁵ Téretei, Kótóné ama tukóló muló betere fo dokonaletéiné so whi dokóló moletei hãle fópóló erótu beterapó. Mepaae whi dené ai fo wosóló kisipa keteréni kutirimó mulóló eraté fu betepa, ti até dere whiné ama du betere ala tuámó Kótóné á wisiraalopó.

²⁶ Téretei, mepaae whi denétamo á Kótóné ala erótu betere whipó du bitutei, ama dere fo fea wisiyóló tué tekeyóló ini, dowi fotamo dekaaporóló du betepa, ti ama ai dere fonéte i á dilikóló, Kótóné ala erótu betereteikélé mo hãle ɔla kaae aleratapó. ²⁷ Dãné Aya Kótóné keletómó so whiné Talené ala eróturaalu, kae kae

alatamo hosekényi, mo donoi alata, i ape. Bokonaale naale senaaleró wulia sorapetamo seké yaɔsóro tao sóo, depa, ti Kótóné ama mo donorapóló kisipa muaalopó.

2

Doi mole whi wisiyóló dape suraalu, doi munire so whi sisópaae eraqse ere fo

¹ Yálo no nerape-ó, ɔɔ teteróló kaae tare Tale Yesu Kerisota, Kótóné ama kae ere ɔɔ wisi naale á tuámó faanapó. Atéro betepa ɔɔ ápaae tué tiki tiróló betere so whiné, mepaae doasi doi mole whirape dape suraalu, mepaae sókóte i betere so whirape wisiyóló dape sinitere ala yaqse. ²⁻⁴ Atéturaalu, diá betápaae touratere sukamó *kold kapané* aleyale bi naasemó bulóló kutikélé kelaalo kokɔi deróló wale whi wisiyóló dape sóro ni fake wisimó beteróo, dowi deráakele kuti deróló wale yoleale whimo tumó daayae ó é betere aɔ keya tómó hɔko betae yóo, dere-a diá Talere kaae kele fosóru, tale du bitute? Daaá atétere alanéte i dowi kisipa mutu me whi só deratere whi sɔ ai betere ape.

⁵ Yálo hosaa mole no nerape-ó, i dere fo mo wisiyóló wosae. I haemó betó mole so whirapené duraalu, ai whirapeta, me ɔlakélé meiyóló mo yoleale yóló beterapó dua dapó. Tépetei, ai whi kisipa tiki tiratere ala mo turó yópóló Kótóné amatei sorokó su yóló kae beteró beterapó. Atéru, Kótópaae yaala sókó fu betere so whirapené ti Kótóné teteróló betere ala sópóló yóló muló betere fo dokonóturaalu, take atimané mo saalopó. ⁶ Tépetei, diaaá yale alané atima yoleale yóló betere whirape hale seróló só ai derale ape. Kale doasi *moni* tare néli whirapené noa alamaaté diápaae erótua déro, diaaáte i tué tekeyae. Diá dilikóló diaaá tare ɔla sua yóo, diátamo fo tokótamo yóló só derótua yóo dere-a, némaaté dua de?

⁷ Ai whirapeta, diaaá tikimó muló betere Talené doi wisinaale dorótu betere ape.

⁸ ɔɔ teteróló kaae tare Tale doasi whiné asémó yae yóló muló betere fo wisinaale

i ape. Naaotei ya yaala sókó fu dere kaae, mepaae so wh̄paaekélé atéro yaala sókó fu betae. Atétu betepata, ti mo wisi ala ai du betere ape. ⁹ Tétu bitutei, me wh̄mo wisiyóló dape sóró wisi ala eróo, me wh̄mo wisiyóló dape sini yóo depata, ti kale yóló muló betere fo tukóló dowi ala ai dere ape. Atéturaalu, ai kale yóló muló betere fonétei ya só deró beterapó. ¹⁰ Ti noatepae, Kótóné yae yóló muló betere fo fea mo wisiyóló sya fóló erótu bitutei, bet̄a alakó haşókó fóló depata, ti Kótóné yae yóló muló betere forape turó ai tikire ape. ¹¹ Ti noatepae, fo yóló mulóturaalu, so qlémi naqse dere sekénétei wh̄i daqse fokélé tukóló muló beterapó. Mepaae wh̄iné so qlémi nokole ala ini, wh̄i dele alamaaté depa, ti ai wh̄ita kale yóló muló betere fo tikitu betere wh̄i ai betere ape.

¹² Mepaae wh̄iné tamó i yae yóló tukóló muló betere fo sya fóló erótu betepa, ti ai wh̄i me dowi alané só deréni, wisi kisipa bet̄a muóló haşle fópóló eraalo ai ape. Atéro haşle fópóló erateré alané take waaire sukamó doasiné yóló muló betere fo kolósu dané du betale alaró du betale fotamo kolósu yóló taleyaalopó. Téyaalopa, diaaq dere foró du betere alatamo hotowayóló kaae taru, kisipa tekeyóló du betae. ¹³ Ti noa yaqsóro meipó. Mepaae wh̄iné me wh̄i kqleteré alakélé ini, dupumaaté saalopó du betepa, take doa Talené taletere sukamó aapa kqleteré alakélé ini, ama yale dowi alamó kwia tokó mótu mo donotóro melaalo ai ape. Téyaalotei, mepaae wh̄i dené me wh̄i kqlené sukuturaalu me qla meipóló taalatepata, ti ama yale dowi alamó dupu melaai yaletei, t̄eteróló aluraalo ai ape.

Tuę tiki tiratere ala sya fóló mo erae

¹⁴ Yaşlo norape-ó, wh̄i bet̄ané duraalutamó a ta Kótópaae tuę tiki tiró beterapó du bitutei, ama me wisi alakó initepa, ti ama ai du betere ala wisirapóló tuę mute? Atei kaae tuę tiki tiratere alané a aluyaqsóro şumó tao senénipó. ¹⁵⁻¹⁶ Motamo mepaae no ó nené ama deraaire kutiró naaire qlatamo meipa kilirutei, dişkó bet̄a wh̄iné aapa duraalu,

“Yaş mo wisiyóló fóló qla nóló, noke fitukélé wisiyóló fiyae,” fo dutei, ama yaşare qlarape tao sóró menénitepata, ti naao ai dere ala fea wisirapóló kisipa mute? ¹⁷ Atérapa, naao mo dere alakélé tuę tiki tiratere alatamo şurópóló dekaaporóló ini, tuę tiki tiró betere alamaaté epa, ti ai tuę tiki tiró betere ala sukóló mo haşle qla kaaené kelerapó.

¹⁸ Térapa, wh̄i mené etei kaae fo yaalo ai ape. “Naao du yaş Kótópaae tuę tiki tiró beterapó fota ai dapa, yaşokélé wisi ala erótu betereitei kaae kelaai daşmo i ala yaalopó. Wisi ala mekókélé initei, naao tuę tiki tiró betere ala kelaalopa, epaae yó aşae. Yaşokélé Kótópaae tuę tiki tiratere ala naao kelaasepóló, wisi ala eróturaalu yaşpaae yó melaalopó,” fo enérapó. ¹⁹ Mo bet̄a Kótótóroti beterapóló, naao tuę tiki tiró betereitei, ti wisirapó. Kale dowi keperapénékélé Kótó mo beterapó kisipa muturaalu, wiyóló diri furu furu ai du betere ape.

²⁰ Kisipa tiki okoko yóló betere wh̄irape-ó, diaaq me wisi alakó inituraalutei tuę tiki tiratere alamaaté epata, bete muni mo haşle qla kaaené keleşpa diriyóló tuę muópóló, yaşlo me noa alakó yó melaaloé?

²¹ Dané noutere Abraham-né yale ala tuę muae. Ama naale Aisak Talepaae haşle melaairaalu, Kótópaae haşle matere qla sukulaa dalaai aleyóló muló betere kane fake tó mó beleralepó. Atépa Kótóné kólóló, “A ta, mo donoi wh̄ipó,” erapó. ²² Ti ama kisipa tiki tiróló betere alaró du betale alatamo touróturaalu yale ala kólóló kisipa muae. Ama yale alanétei Kótópaae tuę tiki tirale ala mo turó eralepó. ²³ Até yaleitei, ašemó yóló muló betere fo mo dokonóturaalu erapó. Abraham-né Kótóné dere fo wosóló tuę tiki tiró betepa, Kótóné kolóló i wh̄ita, mo donoi wh̄ipó, fo yóló mulalepó. A atéro betere ala kilituraalu, i wh̄ita Kótóné mo ama hosaa mole fulumu wh̄i ai betere ape dua yalepó. ²⁴ Ti ai yale ala tuę muae. Kótóné mepaae wh̄iné tuę tiki tiró betere alamaaté kolóló, i wh̄ita mo donoyóló fole wh̄ipó fo dumi, kale wh̄iné dere alakélé kolóló i wh̄ita, mo donoyóló fole wh̄ipó du beterapó.

²⁵ Até yale kaae, kale nópu nuku be-tale so Rahab-né kale bóe są fele wh̄irape ama bepaae dape sóró firóló, ai kale be hulua wh̄iné atima daṣóró kae turó f̄ópóló dot̄eyale ala Kótóné kolóló i sota, mo donoyóló fole sopó yóló mulalepó. ²⁶ Atérené sukune wh̄i tuámó kepe bete bitinire kaae, Kótópaae kisipa tiki tiróló bitutei, wisi ala initepa, ti ai kale sukune wh̄i aṣrapó.

3

Hape mo hotowaró t̄eteróló kaae tawae

¹ Ȳalo norape-ó, dīakó me wh̄i Kótóné fo yó matere ala wisiyóló kisipa inirutei, ḁa fea fo yó matere wh̄ipóló ḁale ḁoko yó mótu betaṣe. Ti noatepae, Talené fo yó matere wh̄irape ḁata, mepaae fo ḁasókó fóló yó melótu beteremó, nalo ama tale-turaalu mo doa kwia melaairetei diaaṣ ai kisipare ape. ² ḁa fea kae kae ḁasókó fole alané dée nalatua ḁapó. Me wh̄iné ama dere forape ḁasókó fóló dée nanénitepa, ti ḁ me alakélé ini, mo wh̄i wisinaale bitu, ama betere bete turó amatei wisiyóló kaae tanérapó.

³ Atérraalu, kale *hos* hupu ḁa wh̄iné faai kisipa mutere tikipaae f̄ópóló *hos* hupuné ama hape t̄eteraaire dirii ḁa kolómó hamunótua ḁapó. Ai hamunale ḁlanétei, wh̄iné kisipa mutere tikipaae f̄ópóló, ama tiki turó donorótua ḁapó. ⁴ Meta i ape. Kale mo doakale w̄ei k̄lamó kotere doasi nuku tué muae. Ti ai nukuta doasi ḁa muó, ama fole alakélé besé tiki fotok̄nétei faló depatei, kale nuku só kotere wh̄iné ama faai fole tikipaae f̄ópóló, mo sawatamo néli fetetepa kutua ḁapó. ⁵ Atéru ere kaae, wh̄iné tiki tuámó daale hapeta sawatamo ḁlatei, bopé fake duraalu ḁta doasi ḁlapó dua ḁapó. Mo sawatamo si kelenétei kaaróló doakale si fakeyóló dukuraalu, ḁa ḁa fea kuló doko-letei tué muae. ⁶ Atétere kaae, ḁa wh̄i tiki tuámó kae kae ḁlarape daaletei ḁané hape bet̄ata, mo si kaaetóróti dukuraalu, kae kae dowi ala kaarótu betere ḁlapó. Kale wuliné api fulukó furaalu, naaitere mi dorótu dere kaae, hapenétei ḁané tiki turó dorótua ḁapó. Kale sawa si kelenétei

fakeyóló doasi si duku dere kaae, hapené wh̄iné betere bete turó dorótu beterapó. Ai hapemó dokole si-a momó ḁeyaleé? Mo apaae derepale dolomó dó tare dowi simó ai ḁeyale ape.

⁷ Fea kae kae betó mole na, hupu, wuli, kou, ó ba, doa w̄ei k̄la tuámó betó mole ḁlakélé feata, wh̄iné whaayóló bérótua yó, mió i alimókélé whaayóló béróo du beterapó. ⁸ Téteretei, hape bet̄ata wh̄iné dere fo wosóló aṣmó beterópóló mené béránénipó. Ti hapeta, dowi ala yaai ketek̄ bulu, wh̄i dóló sukunatere herei kaae buóló f̄anuraalu, ama yaaitere ala taaréni ḁale yótóro tarapó.

⁹ Ti ḁané kolómó sókó wale fonétei, ḁa t̄eteróló kaae tare Taleró Alimatamoné doi hale sóró horótu bitutei, Kótóné ama aso s̄uróló aleyale so wh̄ikélé foné só deróló dorótu beterapó. ¹⁰ Bet̄a kolómótei Tal-ené doi sóró horatere fo yóo, wh̄i fale yóló doi doratere fo yóo, ai du betere ape. Ȳalo norapé-ó, aita mo enei ala meitei, diaaṣ ai du beterapa taalae. ¹¹ Bet̄a w̄ei ḁalemótei, wisi w̄eiró dowi atuk̄ w̄eitamo wale? ¹² Ȳalo norape-ó, nose tikimó *Olip* du ó kae ni du oleyaaloé? *Wain* k̄epimó nose du oletua de? Meipó. Dowi atuk̄tamo wale w̄ei ḁalemó wisi w̄ei sókó wómipó.

Haemó mole fosó fosói kisiparó Tale betemó wale fosó fosói kisipatamó

¹³ Dīakó mé wh̄i Kótóné bete mole fo mo wisiyóló tué muluraalu, ama kisipa mole ala eraai fosó fosóere? Atéro mole kisipa wisi, so wh̄i feané kolópóló wisi alarape ḁakeamó erótu betae. Téturaalu, Kótóné tué wisi tuámó kaaróló sókó wale mo dua hemée deyóló bitu du betere wisi alané ai fosó fosóere ala ḁakearatapó. ¹⁴ Tépatei, diaaṣ hosaa tuámó dei kisipa muóló alale suraalu, ḁkélé u wh̄i kaae doasi betaai ḁapó kisipa mutepa, ai wisi ala nisiyóló bopé fake yaṣe. Atétu betereteiné kale mo bete mole fo kapala nisiyóló faletu beterapó. ¹⁵ Atei kaae fosó fosói kisipa mutereteita, ó hepen bemó kaayóló dorowómitei, i haemó betere dowi keperapené mulatere kisipa ai ape. Ti ai kisipata, ḁei Kepe Wisiné kaaréni,

i haemó mo whjné kaaraterere kisipapó. ¹⁶ Ti noatepae, ętóró doasi topo whj be-taaitapóló, ama yaaitere alamaaté kisipa muóló alale su betere tuámó hęle hęko alarape duraalu, kae kae dowi alarape sókó wapa kelaalo ai ape.

¹⁷ Téretei, hepen bemó kaayóló dorowou betere fosó fosói kisipa tikińe dere alata etérópó. Me kisipatamo hosekėni mo betę alatoróti yó tare alata, mo folosóró bete mole ala ai ape. Ai alané sisópaae fopaae fokélé ini, mo dua betere ala yóo, mepaae whjné tuę tiki sekę yaqsóró tuę tekeyóló dua du betere ala yóo, doasiné dere fo wosóló aqmó sukóló dua betere ala yóo, kęlené sukóló wisi alamaaté eraterere ala yóo, mepaae doa doi mole whjrapepaae eraterere ala kaae, hęko sókó dei betó mole so whjpaekélé betę alatoróti eróo dere alata, me kapala fotamo dekaaporóló ini, mo fotóróti buluraalu dua dapó. ¹⁸ Hęle sere ala taaróló, mo dua betaalopó yóló hęle flitere whjrapeta, hosaa muni deóló mo dua betere ala tuámó bitu, kutómó ęla wae wisi bilitu dere kaae du beterapó. Atéró ęla ęlumétepa su dere kaae, so whj feané me alakélé muni, mo donoi alatoró yaalo ai ape.

4

Kótóné tęteróló kaae tare aqmó dua betae

¹ Dię tuámó fopaae buturaalu, hęle sere alaró huri dere alatamo-a, noa betené kaarótu betere? Aita hęle kaani, kae kae alakó enée yóló eķęle du betere alanėtei diaaę tuę tiki tuámó bóe dolótu betepa, hęle sere alaró huri dere alatamo ai du betere ape. ² Diaaę mepaae ęlakó senée yóló kisipa mutu betepatei sini yóo, dięné au nóló whj du bitutei diaaę kisi-pane senée dere ęla mo sini yóo, dię huri yóló fopaae buturaalu hęle su betóo, du beterapó. Diaaę kisipa mutere ęla saaitapóló Kótópaae wosenitereteiné ai senée dere ęla sumipó. ³ Diaaę Kótópaae me ęlakó ęlae yóló wosetu betepatei, ai ęla sumipó. Ti noatepae, dięné eķęle yóló senée du betere ęla saairaalu ępaae wosetu betepa

ama matepa sórómo, diaaę eķęlere ala yaai mole kisipa ama kilitu mótumipó.

⁴ Dię i haemó kae kae du betere alatamo nópu nuku betere so whjrape-ó, i haemó du betere alatamo fulumu du betere betené Kótó hęróló bóe du beteretei diaaę kisipanié? Mepaae whj de i haemó mole alatamo fulumu kisipa mutupa, ti Kótóné bóe whj ai alée fole ape. ⁵ Kótóné asemó yóló muló betere fo i ape. Dę tuámó betere Dęi Kepe Wisiné dę Kótóné ama dokore sopa, whj me kaetamo fulumu ini, ętamotoró fulumu yóló beterępóló doasi ketekę butu beterapó, ere fo-a bete munipa hęle aseýaleé? ⁶ Téretei, Talené dę ama hęle hamokoróló tao su betere tómó beleróló miókélé hęle tao suatoró yó tarapó. Atétere betené i fo aseýóló muló beterapó.

“Bopé fake du betere so whj atima yaai dere ala yaqsóró Kótóné sesé yóo, haemó sókó deyóló betere so whj ti ama hęle hamokoróló tao sóo, du beterapó,” erapó.

⁷ Kótóné ama diępaae eraai kisipa mutere ala erępóló, ama tęteróló betere aqmó sukóló mo dua betae. Dowi ala yępóló dée nalaterere topo daale kepené dię dée nępóló sę sere ala ai du betepa, sesėtu betae. Atėtepata, ti dię taaróló ę botokó faalo ai ape. ⁸ Atéró dię Kótó betere felekepaae bitj wapa, ti ękélé dię betere felekepaae wóló betaalopó. Dię dowi ala du betere so whj-ó, diaaę bólure naase wisiyóló fukutu betae. Tuę tiki dekaaporóló betó mole so whj-ó, dięné mutere dowi kisipa taaróló, wisi kisipa betę diaaę hosaa tuámó muóló betó muae. ⁹ Atéró, diaaę du betere dowi alamó kisipa mutu, deķęné sukóló moló yóló wole du betae. Dię hękeseturaalu dę nokole ala taaróló, fomaake kisipa mutu deķęné sukutu moló du betae. ¹⁰ Atéturaalu, Talené keletómó diaaętei mo dua sókó deyóló betepa, ti amatei dię sóró horaalo ai ape.

¹¹ Norape-ó dięsisitei eraterere fo yaęse. Whj me denétamo ama no só deraterere fo ó eraterere fo depata, ti Kótóné yae yóló tukóló muló betere fotei, faleturaalu taleyóló só deratapó. Ti diaaę atéró kale tukóló

muló betere fo taletu betepata, ti atétere sukamó diꞑ ai fo aꞓmó sukóló bitini, ai fotei teteróló taleyóló só derótu beterapó. ¹² I ala yae u ala yaꞓse yóló tukóló muló betere fo bete Tale mo betatóróti bituraalu, so whꞑ feané yale ala fea amatei taleyóló kwia melaalo ai ape. Ai sekéné amatei so whꞑ aluyaꞓsóró tao sere ala yóo, mo ti doratere alakélé eróo enérápó. Téyaalopa, naao be whꞑ so whꞑ taleyóló só derótu betere fo-a, ya Tale kaae bituraalu du bitu de?

Bopé faketuraalu, nalopaae i ala yaalopóló foné hꞑle hꞓko yaꞓse

¹³ Térapa, i dere fo mo wisiyóló wosae. Diꞑ mepaae whꞑrapené etei kaae fo dua dapó. Mió ó dó dꞑ me doasi be huluapaae fóló bituraalu, *moni* saai kae kae kutórape ditu betepa, ba fo betꞑ kemeraalopó dua dapó. ¹⁴ Ti diaaꞓ dó yaaire ala tuꞑ inirutei du beterapó. Diꞑné betere beteta, noa ala kaaené kelere? Hꞑka epo mupa suka sókó huturaalu, epo hapale turukó falótu dere kaae, diꞑné betere betekélé ai ala erapó. ¹⁵ Ti ai yaalopó dere fo taaróló, i fo depa wisirapó. Talené ama kisipa mole alapata, ti dꞑ bitiré furaalu, ai ala mo yaalo ai ape. ¹⁶ Ti diaaꞓ atei ala yaalopó du betere fota, diꞑ bopé fake duraalu dapó. Atéró du betere fo feata, ti dowi alapó. ¹⁷ Térapa, mepaae whꞑné eranére wisi ala mupatei erénitepa, ti aita dowi ala ai ape.

5

Néli whꞑné mepaae yolealere whꞑrape sekꞑi ala eraꞓse ere fo

¹ Atérapa, diꞑ doasi wisi wisi ꞓla tare néli so whꞑrape-ó, diaaꞓ i dere fo wosae. Diꞑpaae waaire sekꞑi alamó kisipa muturaalu, wole yóló moló du betae. ² Diꞑné tare wisi wisi néli ꞓlarape fea kꞑlaa yóló, kutikélé ero siné turukóló mo ti ai doró betere ape. ³ Diꞑné tare, *kold kaparó silpa kapatamokélé* hoti dakóló ai do yale ape. Take taletere sukamó kale hotinétei diꞑ só deróturaalu, diaaꞓ tiki mi mo siné kaae dukulé fu beteró kemeraalopó. Até yaaireteita, diaaꞓ wisi wisi néli ꞓlarape ukusituraalu, betꞑpaae yóló muté hutu betaletéiné. Atéyaaire be dꞑ

teópatei, mió kaae sóró sekꞑ ai su betere ape. ⁴ Diaaꞓ kutórapemó yó mole ꞓla ulumétepa siré kotere whꞑrapené saaire *moni* turó meni, mepaae kwia diaaꞓ kemei dekée sale *moninétei* diꞑ só deróturaalu, fo fake yóló ai du betepa wosae! Ai kutómó ꞓla siré kotere whꞑrape atimané dupu sꞑnipóló dere fo Talené ama mo wosetu beterapó. ⁵ Diꞑ i haemó bitiré wale sukamó wisi wisi ꞓlarape diꞑmaaté ekꞑleyóló nukulé ai fu betale ape. Até deté fu betaletéiné, daaire hupu whaaturaaalu, seraayópoló ꞓla wisiyóló mótu dere kaae, diaaꞓ du betale alanétei diaaꞓ tiki ai botokorótu betale ape. ⁶ Atéturaalu, diꞑ néli whꞑrapené me dowi ala inire whꞑrapetei, diaaꞓ só deróló du betaleté. Diaaꞓ atétepa, atima sesé yaairekélé mo sꞑnipó.

Sekꞑi ala eratepa haepaae derepéni, hꞑle belée tawae

⁷ Yꞑlo norape-ó, Tale waaire be dꞑ teópa, mo dua bitu kaae taté fu betae. Kutó ditere whꞑné kutómó ꞓla wae biliyóló sukaró halitamo wópoló kaae taruraalu, ama ke kutómó ꞓla wisi saai kisipa mutu, kaae tawóló betere ala kisipa muae. ⁸ Atétu dere kaae, Tale mo felekemó waalopa, diꞑkélé mo hotowayóló kaae taruraalu diriyóló betae. ⁹ Norape-ó, diaaꞓ mepaaené dere fo wosetere hóturaalu, no hamoma dokó dokó yaꞓse. Diaaꞓtamo ai ala depa, ti fo tokótamo yóló diꞑkélé só deraalo ai ape. Atéró tale dere sekꞑ, ti mo felekemó sókó waii tꞑ serekemó ai daale ape.

¹⁰ Norape-ó, take betale Kótóné kꞓló whꞑrapené Talené fo erótu beteremó doasi sekꞑ wapa me ꞓla meipóló beleté fu bitipakalepó. Atérapa mió diꞑpaaekélé sekꞑi ala wapa, atimané yale ala kaaetóró sya fóló yae. ¹¹ Take betale whꞑrapepaae sekꞑi ala wou betepa, faleyóló bitu Kótóné erae dere ala yó taté fu betale whꞑrape atimané yale ala kisipa mutu, dꞑ mió betere so whꞑné atima doi hale sóró horóturaalu, Talené tao sóró wisiró betere whꞑrapepó du beterapó. Kale whꞑ Job-paae kae kae sekꞑi ala wapatei, faleyóló bitiré fóló nalo

kemene folepaae Talené ɔpaae erale ala diaaɔ ai kisipa ere ape. Tale ɔta, kɔlené sukuturaalu, dɔ so whi tao sere ala mo turó fɔanapó.

¹² Norape-ó, ó hepen bemó betere Talené doi yóló ó i haemó ere ala doi yóló ó mepaae ɔla ɔlarape doi yóló diɔné dere fo diriróturaalu malo momókó yaɔse. Diɔné motóró yaaitepata, ti ɛpó, yaalopó fotóróti yae. Motamo meipó duraalu, ti mo meipótóró yae. Ténitamo, naao yale fo fotokɔróturaalu, kae kae fotamo dekaa-poróló depata, ti ai yale fomó Kótóné ya só deraalopó.

Tuɛ tiki tiróló dere moma

¹³ Diɔkó mepaae whi detamo me sekɛi alané só deraai depata, ti ai whiné Talepaae moma yópóló yae. Mepaae whi detamo hainé sukutu betepata, ti ai whiné Talené doi hale sóró horatere wole forape du beterópóló yae. ¹⁴ Diɔkó mepaae whitamo hepo daae mupa, ti amatei kale Keriso so whi tɛtéróló kaae tanópóló sóró beteró betere whirapepaae momarale wópóló yae. Atima wóló ɔ boperóló daalu, ama tikimó Talené doimó wel wɛi dilóló moma erópóló yae. ¹⁵ Ti atima Talepaae tuɛ tiki tiró bitu momatepa, ai whiné hepo mo wisi yaalopó. Atéturaalu Talené ɔ kepaaraalopó. Ai whinétamo me dowi alakó ipata, Talené ama yale dowi ala kwia me ɔla meipóló hɔle kemeraalopó. ¹⁶ Atérapa, diaaɔ hepo bete wisirópóló, diɔné du betere dowi ala diɔsisitei u yó mótu i yó mótu yóló, momatere alakélé u erɔle i erɔle du betae. Mo donoi alamaaté du betere whiné dere momata, fotokɔ boleteiné hɔsókó feni, dokonótu mo eraalo ai ape.

¹⁷ Ti Ilaija ɔkélé dɔ kaae mo whi bitutei, atima betere haepaae hali waɔsóró ketekɛ buóló momatóró yó tawalepó. Atétu betaletiné, ba fo sore kemeyóló dou ba fo tuɔmó halikélé ani, hɔle bitiré fipa kalepó. ¹⁸ Atéró bitiré fóló, momómo hali wópóló momayalemó, hepen bemó betere Kótóné hali momó anóló, atima betere haemó ere ɔla ɔla sokipakalepó.

¹⁹⁻²⁰ Yaalo norape-ó, diɔkó whi betɔ kale mo fo wisi taaróló kópaae fupa, mené ɔ momó dapesó wapa i dere fo kisipa muae.

Mepaae whiné atétere whipaae no-ó, yaɔta kó tɔpaae ai fulapa, tɔ wisi i mole ape yóló yó matepata, ti atétere whiné ama noma dowi alané mo ti alutere tikipaae faɔsóró tao sóo, mo dekéró yó tare dowi alakélé mo ti aluróo, yaalo ai ape.

1 Pita

¹ I dere asęta, Yesu Kerisoné dotęyale *apospel* whę Pitané dapó. I fota, Pontus, Kalesia, Kapadosia, Esia, Bitinia, i dosęayale hae kwiarapepaae dapo dapo yóló betó mole so whępaae dapó. Ti dięta, Kótóné ama sókó su yóló kae beteró betereiné, i haemó uké wale so whę kaae ai betere ape. ² Atéru, Aya Kótóné dię kaaraai teópa, ama tuęnétei mo ama so whętoró beterópoló sokósu erapó. Kótóné ama so whępóló atéro kae beterale alata, Dę Kepe Wisinétei eró beterapó. Aita, noa ala yaai ini, Yesu Kerisoné ama dere fo wosóló sya fóo, dię Talené ama so whępóló dęle mulótu, Yesuné samea apuróo yópoló erapó. Kótóné ama hamokoróló hęle tao sere alaró hosaa muni deyóló mo dua betere alatamo, mo turó dię tuępaae eraté fu beterópoló yae.

Nalo mo ti betere bete saalopóló hęitamo Kótóné doi sóró horótu betae

³ Dę tęteróló kaae tare whę Yesu Kerisoné Alima Kótóné doi doasi mulópoló, hale sóró horae. Ama dę doasi kęleyóló tao suraalu, kisi so whę deyóló beteralépó. Atétere alata, Kótóné Yesu Keriso kepaaróló beteraleteiné, take waaire alimó dępaaekélé Talené mo ti beteraaire ala wisi eraalopóló hęitamo bitiré fu beterópoló erapó. ⁴ Atéro bitu, Kótóné dępaae eraaire wisi alaró melaaire ęlatamo hepen bemó ama mo wisiyóló kaae tarapó. Ai wisi wisi ęlata aluyóló doni, mo ti hęle muó tawaalopó. ⁵ Take kemetere alimó dę aluyaęsóró, Kótóné mo ti betaaire ala hękearaai donoró betere be dę teópatei ępaae tuę tiki tiró betepa, me alané dę doraęsóró Kótóné ama fotokę wase kaae diru, sesétu beterapó. ⁶ Mió i betere alimó, kae kae sekęi alané dię kęae kólóló sę seremó dekęné sukutepatei, mió ai waaire wisi ala saai dapóló kisipa mutu, dię doasi hęitu beterapó. ⁷ Ti diępaae ai wale sekęi alané diaaę tuę tiki tiró betere ala mo erapó yópoló, kęae kolóló sę sirapó. Doasi *moni* sere ęla

kold kapa simó biliyóló mo ęla alerótu dere kaae, sekęi alané diaaę kisipa tiki tiró betere ala kęae kolóló sę su beterapó. Kisipa tiki tiratere ala kolósu, *kold kapa* kolósu depa, kisipa tiratere ala doasi bete moleteiné *kold kapata*, ti doyóló mo aluyaalopó. Yesu Keriso wouraalu hękearatere sukamó, atéro tuę tiki tiró betere so whę feané kilitu, ita Talené ama kae ere dę wisinaaleró fotokętamo eratapóló doasi doi mulóló, hale sóró horaalo ai ape. ⁸ Take bitiré wou diaaę ę kelené kilinirutei, ępaae hosaa muóo, miókélé kelené kilinipatei, kisipa tiróo erapó. Atéru, Kótó tuęmó bole hę wisinaale dię tuęmó ęanetei, ai bete etérápóló me whęné yó melaairetei mo sęnipó. ⁹ Ti noatepae, tuę tiki tiraté fóló kemene furaalu, saaire kwia ti mió diaaę mo su beterapó. Ti aita me kae mei, dię aluni tao sóró mo ti betaaire bete ai ape.

¹⁰⁻¹¹ Ai kale bopeyale tao sere alata, mo take Kótóné fo erale kóló whęrapepaae kale Dę Kepe Wisiné Kerisopaae eraaire ala i ape yóló yó matepa, atimanémo mo so whępaae deté wou bitipakalépó. Ai fo dokonóturaalu, Kerisopaae sekęi ala mo eróo, ai kęlipaae hepen bemó doasi doi mulatere alaró mepaae wisi alatamo ępaae eróo yaletei, mepaae ala ti eraai teórapó. Ai ala eraai teópa, kale kóló whęrapené me noa alatamo touróló eraalorópoló kaae tawóo, ai ala metéli eraalóe yóló kaae taru, bete kekitu betóo, ipakalépó. Ai kale kóló whęrapené bopeyale Kótóné hamokoróló tao sere ala mo dokonóturaalu, diępaae eratepa diaaę mo su beterapó. ¹² Talené ama kóló whęrapepaae i fo hękearóló erapó. Diaaę ai ditu betere kutóta, dię maaté tao saai dumi, take nalo betaaire so whękélé tao saaire kutó ai ditere ape yalépó. Mió ai kale fo wisi yó matere whęrape, ó hepen bemó betere sekęné dotonale Dę Kepe Wisiné fotokęratepa, atimanémo diępaae yó melalépó. Ai fota me kae mei, take betale Kótóné kóló whęrapené yó melale fotórótípó. Ai ala bete *ensel*-rape atimakélé tuę inireteiné, atima kelenée du beterapó.

Kótóné kele tó mó mo kae so whi betae

¹³ Térapa, diaaḡtei diḡ tḡteróló kaae taru, Talené ala eraaire tuḡ betḡ muóo, Yesu Keriso ḡ haḡeamó wouraalu diḡ hamokoróló tao saaire alapaae betḡ hosaa muóo iru, siki siki yóló ama ala betḡ erótu betae. ¹⁴ Take diḡ mo fo bete tuḡni ḡko bitu, tó tikiné eḡeḡe yóló du betale bete munire ala momó kae yaḡse. Téni, diḡ ḡ beterepaae ape yale sekḡ ḡ mo kae biture kaae, diḡkélé atéru, naale senaale hama alimané dere fo mo betḡ wosóló, aḡmó betere kaae yae. ¹⁵ Tétu, diḡpaae ape yale Kótó ḡta, me dowi alakélé muni mo kae biture kaae, diḡkélé me dowi alatamo hosekényi mo kae bitu, ama ala wisi maaté erótu betae. ¹⁶ Ti noatepae, aḡmó ere fo i ape.

“Ḣ me dowi alatamo hosekényi mo kae beterepa, diḡkélé ḡ ere kaae mo kae betae,” erapó.

¹⁷ Diaaḡ Aya-ó, dḡ tao sae du betere sekḡ ḡta, so whi feané du betere ala taleturaalu, mepaae so whi wisiyóló kolóo, mepaae so whi wisiyóló kilini yóo, dere Tale meipó. ḡta mo feapaae betḡ kaae alatóró erótu betere Tale beterepa, diḡ i haemó uké wale so whi kaae bitu, ḡ kolóló witamo ama ala betḡ erótu betae. ¹⁸⁻¹⁹ Ti noatepae, take diaaḡ ayarapené yó tawale mepaae bete munire alarape diaaḡ tokóló ḡko deté faḡsóró, Kótóné diḡ dupuyóló tao salepó. Diḡ atéró dupuyaleteita, doyóló aluyaaire ḡla *silpa kapa ó kold kapané* dupuni, mo whiné *sip-sip* hupu fopeyóló tikimó siri ó me ala inire hupu male Talepaae matere kaae, Keriso ḡ sukuturaalu sókó fele mo doasi ke bole sameanétóró, diḡ aluyaḡsóró dupuyalepó. ²⁰ Atei wisi ala Yesuné ama erḡpóló, haeró ere ḡlatamo kaaraai irutei, Kótóné ḡ sókó sóró tukóló kaae betereḡlipakalepó. Téyaḡteitei, mió i kemetere alimó ama diḡ tao saai dotḡyale whiḡpóló, so whi feané ḡ kolḡpóló haḡkearó beterepó. ²¹ Kótóné Yesu Keriso kepaaróló hepen bemó, mo kae ere dḡ wisinaale tuḡmó betereḡ beterepó. Yesu Kerisoné ama ai yale alané diḡ Kótópaae tuḡ tiki tiró beterepó. Téri, take nalo Kótóné diḡpaae eraaire wisi alaró

kisipa tiki tiratere alatamo Kótó tuḡmó ai ere ape. ²² Diaaḡ mió Kótóné bete mole mo fo wosóló sya foḡteimó, diḡné dowi ala fea fokóló wisiró beterepa, diaaḡ no nepaae yaala sókó foḡe ala diḡné hosaa mo turóné du betae. ²³ Ti noatepae, diḡ Kótóné ama naale senaale deyóló betereḡ beterepó. Atéreteita, ḡḡlaa yóló alutere kené deni, ḡḡlaa initere kené derapó. Ti ai keta me kae mei, betere bete mulu Kótóné mo ti muó tare fonétóró diḡ kisi so whi deyóló betereḡ beterepó. ²⁴⁻²⁵ Ti noatepae, “So whi fea i haemó betere alata, ne sélitu dere kaae yóo,

atimané tikimó ere au wisinaalekélé haemó yó mole ne fua kaae yóo, erapó.

Nekélé hapale séli yóo, ne fuakélé hapale dulukó fóo deretei, Talené ama fota, ti ḡḡle muótóró tarapó,” erapó.

Aita me kae mei, mepaae whiné diḡpaae yó male fotóró ai ape.

2

¹ Atérapa, Keriso so whi diḡsisi me so whiḡpaae dei tuḡ mutere alakélé, me whi dilikitere alakélé, wisire nisiyóló tó tikiné ḡḡle sikḡli dere alakélé, mepaae whiné dere wisi alamó dei tuḡ mutere alakélé, me whi hamoma kae kae eratere fo yóló, só deratere alakélé, fea diḡ tuḡmó muaḡsóró yae. ²⁻³ Ti Yesu ḡta, etei kaae Tale wisi beterepóló diaaḡ ḡḡae kolóló ai kisiparapa, diḡ mo teó deyóló betere naale senaale awḡ naai eḡeḡe du dere kaae, Kótóné diḡ aluyaḡsóró tao sere ala wisi mo ti doa yḡpóló, Dḡi Kepe Wisiné matere ḡla betḡtóró eḡeḡe yóló nukulé fu betae.

ḡta mo ti betere kane epa, dḡta ama sókó sóró kae betereḡ beterepó

⁴ Ti Yesu Kerisota, be hulua eleké dere kane fake kaae daalu, betere bete ḡtóró ereteiné, diḡ ḡ beterepaae walapó. Mo so whinéta, ai kane fake ḡḡle ḡla kaae taae fatepa, Kótóné ama ti be tḡtere kane fake wisipóló, ḡ tokḡ sóró kae betereḡ beterepó.

⁵ Atérapa, whiné mo be tḡtu dere kaae, diḡ Kótóné ama ala eratere be daalḡpóló, diḡkélé ai kane fake kaae ereteiné, ḡ

beterepaae wóló, ai ti betere kane fake tómó olekeyóló t̄etu beterapó. Aita, wh̄iné kelené keletere be meitei, Kótóné mo kae t̄ene momatere be daalu, dīa fea ama kae beteró betere momaratere faketéó aleró beterapó. Atéró, dīa Yesu Kerisoné fotok̄ratepa, so wh̄iné mo ɔla Talepaae h̄ale mótu dere kaae, D̄ei Kepe Wisiné d̄a tūpaae eratepa, d̄anémó Talené doi hale horóló, ama ala erótua dapó. Ai alarape Kótóné kilitu, mo wisirapóló ̄a doasi h̄kesetu beterapó. ⁶ Ti noatepae, as̄e tūamó Talené i fo dapó.

“̄E betere be hulua Saion-mó be t̄eyaai fótukuróló kane fake wisinaale ɔ̄lotei fopeyóló sókó sóró i mulat-apa kelae.

Mepaae so wh̄i detamo ̄paae tūé tiki tiró betepa, ti ai so wh̄i hale dere alakélé mo yaalomeipó,” erapó.

⁷ Tūé tiki tiró betere so wh̄i dīanéta, ai kane fake wisinaale mo doasi bete mulapó, dua dapó. Té̄patei, tūé tiki tirénire so wh̄imó kisipa mutu, i fo as̄erapó.

“Be t̄etere wh̄irapené dorapóló h̄ale ɔla kaae taae farale kane faketei, be t̄eyaaire kane fake wisinaale alée felepó,” erapó.

⁸ Me fo i ape.

“Ai kane fakené wh̄i kotóo sóró, dée nalóo, dua dapó,” erapó.

Atéró dée nokole alata, h̄ale mei, Kótóné ama fo wisi wosóló sya feni dereteiné, atima dée nukua dapó. Aita, h̄ale mei, Kótóné i ala yaalopóló, ere fo dokonóturaalu dapó.

⁹ Atima ai ala erapa, dīa take diliki tūamó betteretei taaróló, mo kae ere d̄e wisinaale tūamó betaai ape yale sekéné doi hale horópóló, dīa ama sókósu yóló kae beteró beterapó. Téru, dīa t̄eteróló kaae tare topo wh̄i Yesuné tūé mole ala eróturaalu, momaratere so wh̄i betóo, ama kae betere t̄eteróló kaae tare ala tūamó so wh̄i betóo, Kótóné mo ama so wh̄itóró betóo, erapó. ¹⁰ Taketa, dīa Kótóné so wh̄i bitinitei, mió ama so wh̄itóró betóo, take Kótóné dīa k̄leyóló tao sinitéi, mió ama k̄leturaalu, tao sóo, erapó.

¹¹ ɔ̄alo mo hosaa mole no nerape-ó, dīa i haemó uké wale so wh̄i kaae betterapa, tó tikiné ek̄leyóló du betere dowi ala ɔ̄asóró, tika kae betae yóló, dīapaae mo dirii ma fo i dere ape. Ti ai dowi alanéta, diaāq tiki tūamó betere kepetei só deróló dorótu beterapó. ¹² Dīa i haemó mo so wh̄itamo hosekényóló ai betterapa, mo wisi alatóró erótu betae. Mo h̄ale betere so wh̄iné dīa dowi ala dapóló ai só derótu betere ape. Ai fo du betere so wh̄i atima dīané dere wisi ala kilitu, kisipa feteyóló Talepaae wapa, Kótó d̄a betterepaae wale sukamó atétere so wh̄inétei, ama doi doasi munaalo ai ape.

Doasi topo wh̄iró t̄eteróló kaae wh̄irapetamo aqmó betae

¹³⁻¹⁴ Ti Tale ̄ata, fea ala amatóró t̄eteró betterapa, dīa ama doi sóró horaai, i haemó mepaae kae kae ala t̄eteróló kaae tanópóló sóró beteró betere wh̄irape aqmó betó muae. Téru, t̄eteróló kaae tare topo wh̄i aqmókélé betóo, ai sekéné dotonaterere mepaae ala t̄eteróló kaae tare wh̄irape aqmókélé betóo, yae. Ti ai wh̄irapeta, dowi ala du betere so wh̄imó dowi kwia melóo, wisi ala du betere so wh̄i ti dukiróo ɔ̄póló, sóró beteró beterapó.

¹⁵ Ti noatepae, Kótóné ama kisipanéta, diaāq du betere wisi alanétei, ai topo dore wh̄irapené dīa só deróturaalu du betere h̄oko forape alurópóló kisipa mutapó. ¹⁶ Ti dīata, dowi alané dokóló *dip-ula* kaae beteró bitini, h̄ale betere wh̄i ai betterapa, atérótóró betae. Atéró h̄ale betterapóló kisipa mutu, diaāq me dowi ala yaai mole tūé tiki so wh̄iné kelāsóró, me alané dīa t̄eteró kaae tanipó dere foné husurāqse. Aténi, Kótóné ama kutó diratere so wh̄itóró betae. ¹⁷ So wh̄i feapaae fo ó mepaae alarape erótu, atima mo wh̄ipóló kisipa muóló, mo donoi alatóró erótu betae. Atéturaalu, dīa fea bet̄a alatóró iru, kisipa tiki tiró betere hamo- matamo hosaa mo turó mulu, yaala sókó fu betae. Kótó ̄ata, doasi Tale betterapa, ̄a kilitu wiyóló betae. Téturaalu, kale t̄eteróló kaae tare topo wh̄iné doikélé sóró horótu betae.

18 Wae sóró kutó diratere so whi-ó, diã tẽteróló kaae tare whirapené dere fo wosóló, atima aqómó betó muae. Naameyóló mo dua bitu, wisi ala dere whirape aqómó maaté bitini, mepaae deteraa ere whirape aqómókélé dua betae. 19 Ti noatepae, me whi dowi alakélé inipatei, mené  fokosói ala depa, ai sekçi alané  só deréni, Kótó mo beterapóló kisipa mutu, hle beletétóró fu betepa, ti wisi ala dapóló ai whi dukiranérapó. 20 Tépatéi, me whi ama yale dowi alamó  fokosói ala depakélé hle beleté fu beteremó so whiné  dukiranénipó. Diaa wisi ala deremó mené dipaae eraterere sekçi ala hle beleté fu betepa, ti Kótóné keletómó mo wisi ala dapóló dukiranérapó. 21 Di Talené  beterepaae ape yaleteita, ai ala yaasepóló yalepó. Ti noatepae, ama yale ala diné kolóló suróló yóppóló kisipa mutu, di tao suraalu Keriso  doasi sekçi salepó. 22 mó kisipa mutu i fo asçrapó.

“ta, dowi ala mo betkélé ini yóo,
so whi dilikóló kapala fo sawakélé ini
yóo, yalepó,” erapó.

23 Atimané  só deróló mo dowi faletere ala depatei, amamo atimapaee tokó matere ala mo inipó.  doasi sekçi suraalu, diaa çpaae etei kaae ala eralemó, yao dipaae tokó mótu, i ala eraalopó fo inipó. Tokó matere ala taalaturaalu, mo donoyóló talere sekçné  kaae tawóppóló, ama betere bete Kótóné ama naase tumó mulalepó. 24 Dné dowi ala yaai mutere kisipata, ti whi mo sukutu dere kaae sukóo, Talené mo donoi ala yaairaalu, ti whi mo biture kaae betóo, yóppóló, dné dowi ala ama tikimó sóró,  filipaa ni tómó suklepó. Téturaalu, ama tikimó kae kae susupu saleteiné, dowi alané di sukunaai yale ala mo ti kemeró beterapó. 25 Ti dita, *sipsip* hupu fokó fu dere kaae, take di kóppaae feletei, mió di momó ai hupu kaae tare whi aqómó betaai, fesaae walepó. Ai sekçi ta, diné kepe betekélé tẽteróló kaae tare whipó.

3

Dokore so whipaae dere ma fo

1-2 Atére kaae, whiné dokore sorape dikélé diaa whirape aqómó betae. Ti noa ala yaai meipó. Di dokore whirape mekó Talené fo wosóló tuç tiki tirénipa, diaatei i ala yae yóló sç yaçse. Téní, diné dere ala me alatamo hosekényóo, Tale mo beterapóló  aqómó bitu, mo wisi ala maaté yóo dere kilituraalu, atima kleaanétei kisipa feteyóló Talepaae tuç tiki tiranérapó. 3 Mepaae so whiné, di sorape diaa tó tikimó ere au kil-itu, mo kokçrapó yóppóló tó tiki maaté aurótu betaçse. Kae kae çlané diné topo niki dokóo, *kold kapané* aleyale naase bi ó depa dere meleke ó oleratere kao ó doasi *moniné* duputere kuti wisinaale horóo deretei, doasi bete mole nisiyóló atei kaae çla çlané aurótu betaçse. 4 Téní, di kokç yóppóló dere auta, ti mo hosaa tumó eróppóló yae. Ti aita, naameyóló mó dua betere ala naao kepe tumó epa Kótóné kilituraalu, ita mo bete mole kokçi au erapóló kisipa mutapó. Ti atei kaae kokçi auta, doyóló alu deté feni, mo ti yó tawaalopó. 5 Take mo kae beteró betere sorapekélé nalo Kótóné atimapaee wisi ala eraalopóló kisipa mutu, atei kaae kokçi au dua ipakalepó. 6 Ti Serané oma Abraham-paae  tẽteróló kaae tare whi-ó yóló, oma aqómó bitu yale kaae, mepaae mo kae beteró betere sorapekélé, atimané whi aqómó bitipakalepó. Sera  atéro oma aqómó bitu yale kaae, di wiyóló furu furu ini, wisi alatóró eraté fu betepa, ti Serané ama senaalerapetóró ai betere ape.

7 Di so dokore whirape-ó, sorapepaae yale fo kaae, dipaaekélé i dere ape. Di diaa sotamo betmó bitu, sota whitamó sni bérappóló kisipa mutu, tao sóró wisi ala maaté erótua yae. Ti noatepae, naao so diaamo wusuró Talené hamokoróló hle matere mo ti betere bete saaireteiné, diaamoné momatere ala me alané seséyaçsóró, ma fo i dere ape.

Mepaae sekçi ala eratepa tokó meni, wisi ala bet erótu betae

8 Kemerótu dere ma fo me i ape. Me çlamó arale sóró huri dere ala ini, di fea mo bet tuç muóló, dua betó muae. Atéru, me whi hamoma sekçi supa, ó dekené

sukutepa, ti diaaḡ hosaamókélé suraalu, kḡle yóló tao sae. Tétu, diḡtei deróló mo dua bitu, no netamo yaala sókó fu betae. ⁹ Menétamo diḡpaae dowi ala eratepa, diaaḡmo atimapaae tokḡ melaḡse. Ti noatepae, Talené ama wisiraterere ala diḡané sḡpóló kisipa mutu, ḡ beterepaae ape yalepó. Atérapa, mené diḡ eraterere fo depakélé tokḡ meni, Talepaae atimatei wisirae fotei yae. ¹⁰ Ti noatepae,

“Diḡ mepaae so whḡ de wisiyóló ḡseketamo bitiré faai depa, ti ai so ó whḡ ama dere dowi foró kapala fotamo ini, kisipa tekeyóló mo hotowaró betenérápó.

¹¹ Tériu, dowi ala yaaire tuḡpaae feni, woleyóló wisi ala maaté du bitu, hosaa muni deyóló mo dua betae. Aita, mo doasi topo alapa, Talené diḡ tuḡpaae erḡpóló, ketekḡ butu betae.

¹² Ti noatepae, donoi ala du betere so whḡta, Talené wisi kisipatamo kaae tawóo, atimané dere momakélé wosóo, dua dapó. Tépatei, mepaae so whḡiné du betere dowi alamó Kótó ḡ felé inipa, ama atima sisḡpaae erótua dapó,” erapó.

¹³ Diaaḡ wisi ala yaai ketekḡ bupa, ti né diḡ doraaloé? ¹⁴ Tépatei, diaaḡ mo donoi ala deremótei, mené diḡpaae sekḡi ala eratepa, me ḡla meipó, Talené ḡḡ wisiró beterapó kisipa muae. Ti aḡémó i fo erapó. “Atima me sekḡi ala kolóló witeretei diḡané kilitu, ai alamó diḡ wiyaḡse,” erapó.

¹⁵ Téní, diaaḡ hosaa tuḡmó Keriso ḡta, ḡḡ tḡteróló kaae tare Talepóló, diḡ ḡ aḡmó sukóló betae. Atépa, mepaae whḡiné diḡpaae woseturaalu, take nalo wisi ala kelaalopóló suka fea ḡḡtu betere-a, noa betené de? depa, atimapaae tokḡ melaaire fo donoróló tawaae. Atimané atéró wosetere fo tokḡ móturaalu, ḡkélé Talené aleyóló beteró beterapóló kisipa mutu, naameiné mo dua yae. ¹⁶ Ti noa yḡpóló meipó. Diḡ Keriso tuḡmó bitu, du betere wisi ala mepaae whḡiné kilitu, dei tuḡ muóló diḡ só deraalotei, nalo atimané yale ala kisipa duraalu, ḡḡko ala yalepóló atima haleyaalopó. Até yḡpóló diaaḡ hosaa tuḡmó me ala dekaaporóló

muni, mo wisi tuḡtamo mo alatoróti erótu betae. ¹⁷ Diḡ dowi ala deremó sekḡi supa, aita dukiraterere ala meipó. Kótóné ama kisipa mole ala wisi erateremó diḡpaae sekḡi ala eratepa, ti wisirapóló kisipa muae. ¹⁸ Ti noatepae, donoi ala initere so whḡiné dowi ala kwia tokóló aluraairaalu, kale donoi ala dere sekḡi Keriso ḡ mo betḡ félitóro sukḡletei, momó kae sukḡalomeipó. ḡ atéró sukḡleteita, diḡ dapesó fóló, Kótótamo betḡmó beteraai yalepó. ḡ sukḡpóló dele alata, ti mo hae whḡ tiki daayóló betepa daletei, momó kepaayóló beteraleteita, ti mo kepené dere ala tuḡmó kepaaralepó. ¹⁹ ḡkélé kepetóro bitu, kepené dere ala sya fóló, kale *dipula* beteró betere keperapepaae fo yó melale felepó. ²⁰ Ti ai keperapeta, Noané nuku aleyale sukamó Kótóné fo tikitu betepa, ama atima hapale kwia matere ala ini, dua kaae taté fu bitipakalepó. Ai alimó betale so whḡ mo fea wḡiné aluróló, 8-ró so whḡ maaté ḡsókó fóló, wḡiné sóro kutu betepa atima aluyaḡsóró, Kótóné tao serapó. ²¹ Ti take Noa betale alimó, wḡiné so whḡ aluraleteita, ḡḡ mió i alimó Yesu tuḡmó wḡi tóputere so whḡ aluyaḡsóró, Kótóné tao saaire alapaae dó faróló erapó. Ti wḡi tóputere alata, tó tikimó ere bólu fokaai dumitei, ḡḡné hosaa tuḡmó mole tuḡ tiki Kótóné ama keletómó mo wisirapó yḡpóló, ḡḡle mulótu beterapó. Ti Yesu Keriso ḡ kepaayóló betereiteiné diḡ aluyaḡsóró tao su beterapó. ²² Ai sekḡi ḡ hepen-paae fóló, Kótóné turu naase ḡémó betepa, *enselrapekélé*, mepaae ala tḡteróló kaae tare doasi doi mole keperapekélé, doasi fotokḡ bole keperapekélé fea ḡ aḡmó sukóló betó mulapó.

4

Seḡi ala wapakélé Talené ala betḡ ḡḡle erótu betae

¹ Tériapa, Keriso ḡ mo hae whḡ tiki daayóló bitu, doasi sekḡi ala serapa, diḡkélé ama muale tuḡ kaaetóro muóló siki siki yóló betae. Ti noatepae, mepaae whḡi sekḡi ala supa, ti ama du betale dowi ala momó kae enénipó. ² Ai sekḡi ala sale whḡi i haemó ḡḡle bituraalu, tó tikiné

ekelere dowi ala yaai kisipa muni, Kótóné kisipa mole ala eraai bitiré faalopó. ³ Ti noatepae, diã take Kótóné fo woseni hãle betale sukamó, mo hãle betere so whĩ atima kisipané yaaitere ala sya fóló du betale kaae diaaokélé du betalepó. Ti atei ala diaaok sumó yalepa, mió mo ti taalae. Ti hãle betere so whĩné dere alarapeta, i ape. Hãkeamó mo sonaalei nópu nokole alakélé, au nokole alakélé, wẽi dekéro nóló dere dowi alakélé, touróló ɔla deteremó ɔlaró wẽitamo dekéro nokole alatamokélé, hãle hõko du betere kae kae dowi alakélé, kuturaalu hõko deté kotere dowi alakélé, bete muni sonaalei kapala kótópaae moma dere alakélé, fea deté fu beterapó. ⁴ Atima beteró betere sere ɔla ɔlatamo hãle hõko sonaalei ala du betereteiné, hãle besekérótua dapó. Ai ala diãnékélé tokóló initepa, atimané diã faleyóló kae kae eraterere forape mo dekéro du beterapó. ⁵ Ti ai ala du betere so whĩ taleyaaire ala hãsóko feni, mió betere so whĩró sukãle so whĩtamo taleyaai donoró betere sekéné taleturaalu, atimapaee diãné yale ala fea yae depa, me alakó hiraaire tũ muni, mo fea hãkeamó enérápó. ⁶ Atére betené, sukãle so whĩ atima sukãai hãle betepatei, mené kale fo wisi atimapaee yó malepó. Ti aita hãle mei, i haemó tó tikiné dere ala sya fóló, taletu betere so whĩ taleyóló só deróo, kepené dere ala tuãmó betepa, Kótóné ama taletere ala atimapaee eraleteiné mo betóo yaalopó.

⁷ Mió i haemó mole alarape fea kemetere be de felekemó sóko waai dapó. Térapa, Talepaae momatere ala mo wisiyóló yaasepóló diaaok kisipa mo diriyóló bitu, tó tikiné yaaitere ala yaqsóro mo hotowaró tẽteróló kaae tawae. ⁸ Fea ala tẽteró betere doasi topo ala i ape. Diaaok hosaa mo turóné diãsisi yaala sóko fu betae. Ti noatepae, yaala sóko fole alanéta, fea dowi ala munire aqróló husiratapó. ⁹ Diaaok bepaae wale uké whĩrape dape suraalu me fo ini, mo wisi kisipatamo dape sae. ¹⁰ Diã feané kae kae wisi ala erópóló, Kótóné diã hãle matere ala wisi séle séle dokqralepó. Atérapa,

Kótóné yãpaae noa alakó eró betepa, ti naaomo hãle hamokoróló matere ala taaréni, so whĩ mo wisiyóló tao sóro erótua yae. ¹¹ Mepaae whĩnétamó, Kótóné fo yó mótu betepa, hãle hõko fotamo touréni, Kótóné ama mo fotóro kutirimó mulóló, mo hotowaró yó mótu betae. Mepaae whĩnétamó Kótóné so whĩ tao saai depa, ti Kótóné a matere fotokõné tao sóro erótua enérápó. Ti aita, diaaok kae kae du betere ala fea mepaae so whĩné kilituraalu, ita Yesu Kerisoné yale alané erapóló Kótóné doi hale sóro horópóló dapó. Ti aãta, mo kae ere de wisinaaleró doasi fotokõtamo bole Talepa, ama doi hale horóló suka fea mo ti muó tanópóló yae. Mo kée. Teyópóló yae.

Kerisopaae erale sekẽi ala kaae, yãpaaekélé eratepa kilita sóko faqse

¹² Yãlo hósaa mole no nerape-ó, me whĩné diãpaae susupui ala eratepa, aita diãné tuẽ tiki tiró beteretei kãae kilitu dere alapa, kisi ala nisiyóló diã kilita sóko faqse. ¹³ Téní, take Kerisopaae erale sekẽi ala kaaetóro, mió diãpaaekélé ai eratapa, mo kée yóló hãiné sukutu betae. Ti noa ala yaai mei, take nalo Keriso wale sukamó, ama kae ere de wisinaale hãkearatepa kilitu, mo kée yóló doasi hãiné sukãalopóló kisipa mutu dapó. ¹⁴ Kerisoné doi diaaok tikimó dakeró betereteiné, mené diã faleyóló eraterere fo depa, Talené ya wisiró beterapóló kisipa muae. Ti noatepae, Kótóné mo kae ere de wisinaale fãane Kepe Wisi diã tuãmó beteró beterapó. ¹⁵ Tépatẽi, diãkó me whĩnétamó whĩ dóló sukunatere ala ó, ɔlémi nokole ala ó, kaae tare whĩrapené fo tukóló kae kae dere dowi ala ó, mené dere ala fasóló deremó diãpaae sekẽi ala eratepa, aita Keriso so whĩné dere ala meipóló haleturaalu wi yae. ¹⁶ Tépatẽi, Kerisoné ala erótu beteremó, mené diãpaae sekẽi ala eratepa, hale yaqse. Téní, diaaok tikimó Kerisoné doi moleteiné dapa, Kótóné doi betã hale sóro horótu betae. ¹⁷ Ti noatepae, dã Kótóné ama naale senaale bitu du betere ala tale yaaire be de kaae sere aqrapó. Ama taleyóló kwia matere

ala kaae suraalu dāpaaepi eróló, nalo kemerótu ti Kótóné ama fo woseni, dowāae fóló tikitu betere so whīpaae, mo doasi sekēi ala eraalo meipóló kisipa mute? ¹⁸ I fo erapó.

“Donoi so whītamo sekēi ala su betepa, Talené ama tao saaire ala hapólupa, ti Kótóné fo woseni, dowāae fóló dowi ala yó tare so whī tao saaire ala mo doasi hapólunipóló kisipa mute?” erapó.

¹⁹ Térapa, Kótóné ama kisipa mole ala erateremó, sekēi ala su betere so whī diā kaaróló betemale sekēné ama diā tao saalopóló kisipa mutu, āpaae tuē tiróló wisi ala betā yó tanérapó.

5

So whī kaae tare whī disiraperó teyó whīrapetamopaae dere fo

¹ Diā tuāmó betere so whī tēteróló kaae tare whī disirapepaae dirii ma fo i dapa wosae. Ēkélé diā ere kaae, so whī tēteróló kaae tare whī disi bitu, Kerisopaae erale sekēi ala yālo kelené mo kelaletēi, so whīpaae yó mótu beterapó. Atéru, Kótóné ama kae ere dē wisinaale so whīné kolópóló hākearaterē be demó, ēkélé ai dē wisinaale saaire whī bitu, diāpaae dere ma fo i dapa wosae. ² Kótóné ama so whī tēteróló kaae tawae yóló diā sóró ai beteró betepa, ai so whī me ala yaqsóró mo hotowayóló kaae tawae. Me whīné diāpaae i ala yae yóló sētere fo woseni, Kótóné ama kisipané diaaḡ yópólópó ere ala betā tuē muóló, wisi kisipatamo erótu betae. Doasi *moni* saai dapóló ekēle dere ala ini, so whī hāle tao saaire ketekē betā bulu du betae. ³ Talené diāpaae kaae tawae ere so whī kaae taru, diā doasi topo whī aḡyóló kaae tani, mepaae Keriso so whīné diaaḡ du betere wisi ala kolóló diā sya wópóló, wisi ala diaaḡpi kaae sóró yae.

⁴ Atéró betepa, Kótóné *sipsip* hupu kaae tare topo whī ā sókó wouraalu, Kótóné ama kae ere dē fāane doi mole topo tao diāmó matepa saalo ai ape. Ti ai kokḡi au wisinaale ere topo tao dokélé ini, mo ti muó tawaalopó.

⁵ Diā teó whīrape-ó, kale whī disirape Tale aḡmó sukóló biture kaae, diākéle ai whī disi aḡmó betae. So whī diāsisi u tēterótu i tēterótu ini, naameyóló dua betere ala kuti kaae deróló betae. Ti noatepae, aḡemó i fo erapó.

“Mepaae bopé faketerē so whīné yaaitere ala Kótóné ama sesé yóo, naameyóló dua betere so whī ti ama hamokoróló tao sóo, dua dapó,” erapó.

⁶ Térapa, Kótóné ama kisipa mole sukamó diā tao sóró dukirópóló, ama fotokḡné tēteróló betere aḡmó naameyóló mo dua betae. ⁷ Diāta, Kótóné hosaa mole naale senaale betereteiné, ama diā mo wisiyóló kaae tarapa, diaaḡ enée yóló whaalā du betere sekēi ala fea ama wisi eraté fu beterópóló āpaae melae.

⁸ Diaaḡ tó tikiné du betere ala hotowaró tēteróló kaae taru, kele diriyóló betae. Kale whī dó nokole bete haḡ *laiyon*-né whī dóló naai keketé kutu dere kaae, diāné bóe whī Satan-né diā doraaire tū keketé kutu beterapó. ⁹ Ai sekēné ama kisipa mole ala diāpaae eraqsóró, wisiyóló kaae taru, Talepaae tuē tiki tiró betere alané dirii tipi kaae yae. Ti noatepae, ai kaae sekēta, diāpaae maaté mei, i hae kwia feamó betó mole diāné no nerapekélé betā kaae sekētóró su beteretei diaaḡ kisipa muae.

¹⁰ Ti diā Yesu Keriso tuāmó betepa, Kótóné ama hamokoróló tao sere ala, mo dekéro erótu beterapó. Ai ala du betere Kótóné kae ere dē wisinaale tuāmó betaasepóló, diā ape yalepó. Sawa sukamó diā mepaae sekē siré fu betepa, atéyale sekēné diā haepaae derepēni diriyóló beterópóló, amatóro diā fotokḡ bulóló, mo ti sūraalopó. ¹¹ Ti āta, mo doasi fotokḡ bole Tale betepa, so whī feané ā dukiraterē ala hāle yó tanópóló yae. Mo kée. Teyópóló yae.

Mo kemeróturaalu kḡleó dere fo

¹² Yālo kisipané Sailas āta yālo mo no bitu, Talené ala eró tare whī wisipó. Atéru, ama ē tao supa, yālo diāpaae mo hālekeróló aḡyalepó. Yālo ai yale aḡeta, Kótóné hamokoróló tao sere ala diāné

tuę yópoló yó melóo, Talené ala erópoló ketekę bulóo yalepó. Tęyalepa, Dię ama ai hamokoróló tao sere ala tuąmó diriyóló betae.

¹³ Talené sókó su yóló diątamo betąmó beteró betere no nerape atima Babilon be huluamó bitu, diąpaae kęleó dapó. Yesuné yale ala tuąmó yąlo naale sųtóró betere whį Mark-nékélé diąpaae kęleó dapó. ¹⁴ Diąsisi yaala sókó furaalu, kęleó yóló aputu betae. Talené hosaa muni deyóló dua betere ala Keriso tuąmó betó mole so whį dią fea tuąmó mulópoló yae.

2 Pita

¹ I așeta, Yesu Kerisoné ama kutó dirópóló dotęyale *apospel* whi Saimon Pitané dapó. Yesu Keriso ąta mo Kótótóro bitu, dą aluyaqsóro tao su betere whipó. Téru, ama ere mo donoi ala sya furaalu, mo doasi ke bole betą kaae kisipa tiki tiratere ala dąmókélé, diąmókélé matepa salepó.

² Kótóro dą tęteróló kaae tare whi Yesu-tamo diriyóló kisipa dereteiné, atimaa-moné erótu betere hamokoróló hąle tao sere alaró hosaa muni deyóló dua betere alatamo mo turó dią tuąmó mulópóló yae.

Kótóné ą beterepaae ape ere fo diriyóló kisipa muae

³ Kótó sya fóló ama ala eróturaalu, fea ala yąyą yaqsóro ama doasi fotokóné dąpaae mo sųró beterapó. Ti aita, ama kae ere dęró wisi alatamo fąanu, dąpaae ape yale sekę ą kisipa deté fole betené su beterapó. ⁴ Ai doasi fotokoi ala dąpaae eróturaalu, etei kaae bete mole alarape diąpaaekélé eraalopóló muló beterapó. Ai eraalopóló ere fo wosóló, dąné tuę tiki tiratępa, ti Kótó ą tuąmó ere ala wisinaaletóro dąpaae tokó melóo, i haemó betó mole ső whirapené ekęle yóló hoko du betere sonaalei dowi ala dąpaae tokó meni yóo, yaalopó.

⁵ Atéro doasi ala ere betené, diaaq tuę tiki tiró betere ala tómó beleróló wisi ala mo ketekę buóló du betae. Ai wisi ala tómó, Talené ama bete mole fo diriyóló tuę yae. ⁶ Ai ala tómó, tó tikiné ekęlere ala yaqsóro tęteróló kaae tawae. Ai ala tómó, sekęi ala wapakélé hąle beletétóro fu betae. Ai ala tómó, Kótó tuąmó ere ala wisi sųróóló du betae. ⁷ Ai ala tómó, diaaq ne no kęleturaalu, hosaa muóló betae. Ai ala tómó, mepaae so whi kęlené sukóló hosaa mo turóné yaala sókó fu betae. ⁸ Ti ai alarape dią tuąmó muluraalu fakeraté fu betępa, ti dą tęteróló kaae tare whi Yesu Keriso tuę deté faalopó. Atęruraalu, dią hąle bitini, Talené ala eraté fóló, dią tuąmó mo du wisi woleyaalopó. ⁹ Tępatei,

mepaae whi tuąmó ai alarape munipa, ti mepaae bete mole ala ama diriyóló kilini, kele dilikirapó. Atęru, ama take yale dowi ala Talené fokóló kemeró betereitei kisipani, mo ti kisipa keteró beterapó.

¹⁰ Atęrapa yąlo no nerape-ó, diąta Kótóné ama sókó su yóló ą beterepaae ape yale so whitamo betąmó biturapa, diaaqteit hotowayóló kelae. Ti noatepae, diaaq ai alarapętamo deté fu betępa, ti dią dée nóló haepaae derepęni, mo diriyóló bitiré faalopó. ¹¹ Atéro bitiré furaalu, dą aluyaqsóro tao sale whi Yesu Kerisoné ama mo ti mole ala tęteróló kaae tare tuąmó dią beterópóló, ama mo hękesętamo wisiyóló dape saalopó.

Kótóné kęló whirapené asęre fo

¹² Kale bete mole mo fo diąné wosóló diriyóló tuę yóo, diąpaae yae yóló bope yale alarapekélé diaaq tuę yóo epatei, kisipa keteni tuę yó tanópóló diąpaae yaairetei ę hõni, hąle yó tawaalopó. ¹³ Ę sukąairaalu kapala asiri haemó i daale mo tikita, kuti be fisikaai kapala asiri tęnure kaae, ę i haemó kapala beterapó. Ę sukąai hąle bitutei, yąlo i bope yale alarape diaaq kutiri tuąmó hąle muó tanópóló momó du momó du deretei, mo dono dapóló kisipa mutapó. ¹⁴ Ti noatepae, dą tęteróló kaae tare whi Yesu Kerisoné ępaae yą betere kuti be mo felekemó fisikaai dapóló, hąkeamó yó maletei yąlo kisiparapó. ¹⁵ Yąlo mió i du betere forape ę sukųtikimó diąné kisipa keteni, tuę yó tanópóló ę doasi ketekę buluraalu, asęró fotamo diąpaae i du betere ape.

¹⁶ Ti dą tęteróló kaae tare whi Yesu Keriso ą doasi fotokętamo waalopóló, dąné diąpaae yó melale fota dąné kekeme nóló hąle doląa fo kaae inipó. Ama mo kae ere ala wisinaaletóro dąné kelené mo kelaletęi diąpaae yalepó. ¹⁷ Ti Alima Kótóné ama mo kae ere dę wisinaale tuąmó naalema betępa kolóló, i fo yalepó. “Ąta, yąlo hosaa mo turó mole naale ai ape. Ama du betere alamó ę mo doasi hękesené sukutu beterapó,” erapó. Alimané ai fo yaletęiné, ą tuąmó mo kae ere dę hąkearóturaalu, ą doasi doi mulatere ala yalepó. ¹⁸ Ai fota, ama kae ere

hasi fosómó dā Yesutamo bituraalu, hepen bemó Kótóné ai fo deretei mo dānétóró wosalepó.

¹⁹ Ai hasi fosómó yale fo woseturaalu, take betale Kótóné kóló wh̄rapené yale fo Yesu tuámó mo dokonatapóló dāné mo diriyóló kisiparapó. Diliki tuámó d̄eró betere s̄a d̄eyó taru ere kaae, diaaḡ kisipa ai kóló wh̄rapené ere fopaaetóró muló bitu, diāné hosaa tuámó be d̄eyó hotu dere kaae yóo, h̄jka d̄eyó tare h̄ḡre kolóo yaaipatei, ti ai eró betere alapaaetóró kelené kikéyóló kaae tapa mo wisirapó. ²⁰ Ai deté wale forape tómó, me doasi bete mole dirii fokélé i dapa wosae. Kótóné ama kóló wh̄rapené yale fo as̄ḡ tuámó moletei, atima kisipané kekeme nóló inipó. ²¹ Atimané yale fota, mo wh̄iné kisipa sya furaalu kaaróló ini, D̄ei Kepe Wisiné kale kóló wh̄rape fotok̄ratepa, so wh̄ipaae Kótóné fo i ape yóló yó maaté kweyalepó.

2

Kemeratere be d̄emó so wh̄i dilikóló k̄ḡpaae falatere wh̄rape mo ti dowi kwia saalopó

¹ Téyaletei, atéyale alimó Kótóné fo yó matere kóló wh̄rape nisi ȳḡpóló kapala fo yó matere kóló wh̄rapekélé beterepó. Téyale kaae, mió diḡ tuámókélé atéró kapala fo yó matere wh̄rape betaalopó. Ai wh̄rapené Talené fo yó matere aḡyóló, so wh̄i dilikóló doraaire fotei yó melaalo ai ape. Téturaalu, atima dupu yale sekéné atima t̄ḡteróló kaae tapatei, atima Talené dupu yóló t̄ḡteróló kaae tanipó yaalo ai ape. Atétere betené atima kwia móturaalu, dóló aluraaire t̄ḡ atimanétei aletu beterepó. ² Atimané ai du betere mo sonaalei ala diḡ mepaae so wh̄iné sya fóló yaalo ai ape. Atéremó, mepaae belamó h̄ḡle betere so wh̄iné mo bete mole fo sya fole ala faleyaalopó. ³ Atéró kapala fo yó mótu betere wh̄rapené diaaḡ ḡla ḡla saairaalu, diḡ dilikóló kapala seraai fo atimanétei kekeme nóló yaalo ai ape. Atimané atei kaae yale dowi alamó, atima fea só deróló mo ti doraairaalu Tale ḡ noke fini, kwia melaai ama taketi taleyóló muló beterepó.

⁴ Ti noatepae, *ensel*-rapekélé dowi ala depa Kótóné k̄ḡle duraalu bokḡ sini, dowi kwia saaire dolopaae taae deralepó. Aita h̄ḡle mei, Talené ama taleyaaire be d̄ḡ sókó waai teópa kaae taru, dowi diliki tuámó bitiré fu beterepóló, mo apaae derepale osono dolomó *dipula* beterepó. ⁵ Mo take betale so wh̄rapekélé, Kótóné k̄ḡle duraalu dowi kwia matere ala bokḡ sóró taarénipó. Kótóné ama mo donoi ala i ape yóló yó mótu betale sek̄ḡ Noaró mepaae w̄ikeró so wh̄itamo bet̄ḡ Kótóné tao sipa kalepó. Téyaletei, ai so wh̄iné Kótóné fo wosóló sya feni dow̄ḡae fu betepa, Kótóné mo doasi w̄ei anóló so wh̄i fea doróló alurélipakalepó. ⁶ Atéró bitiré fóló, nalo Kótóné Sodom be huluaró Komora be huluatamo siné doló kemeróló, kili alée faralepó. Kótóné ai ala eraleteita, nalo betaaire so wh̄iné kélé ama fo wosóló sya feni dow̄ḡae fu betepa, atei kaae kwia melaalopóló tué ȳḡpóló eralepó. ⁷ Téyaletei, Sodom be huluamó betó mole so wh̄i Kótóné dóló aluróturaalu, Lot sinaḡsóró ama tao salepó. Ti Lot ḡta, mo donoi wh̄i bitu, ḡtamo betó mole so wh̄iné kae kae du betere sonaalei dowi alaró Talené fo woseni tikitu betere alatamo kilituraalu, ḡ hasek̄ḡa kisipa mutu felé yóló bitinipó. ⁸ Ti ḡtamo betó mole so wh̄iné yaḡse ere fo tukóló, dowi ala dó mió yóló h̄ḡle yó tapa kolóo, dowi fokélé wosóo du betaleteiné, mo donoi ala du betale wh̄i Lot ḡ felé kisipa muni, ama hosaa tuámó deletamo bitiré fu betalepó. ⁹ Até yale ala kilituraalu, dowi ala du betere so wh̄i Kótóné kwia melóo, ama ala erótu betere so wh̄i sek̄ḡi alané só deraḡsóró tao sóo, dere ala Tale ḡ mo asaru mo donotóró dua dapó. Atéró kwia matere ala taaréni, h̄ḡle yó taté fóló ama taletere be d̄emó sókó faalopó. ¹⁰ Ti ama kwia matere alata, mepaae dowi ala yaai ek̄ḡle du betere so wh̄iró Talené ama t̄ḡteróló kaae tare aḡmó betere h̄ḡyóló dow̄ḡae fu betere so wh̄itamo, ti Talené mo doasi hapólui ala erótu betaalopó. Ai ala du betere so wh̄rape mo halaaíné atima bopé fakeyóló nene duraalu, Talené ama kae ere d̄ḡ f̄ḡane *ensel*-rape faletu beterepó.

11 Tépatei, *ensel*-rapené bole fotokõné ai kapala fo yó mótu betere wh̄rapené bole fotokõ t̄eteró beterapó. Atére *ensel*-rape Kótóné keletómó mo kae ere d̄ f̄ane sek̄rape faleyóló só derótimpó. 12 Ai kapala ala yó matere wh̄rapené mole tué tikita, mo wh̄iné mole tué tiki kaae muni, mepaae betere ɔla hupu ó haɔ atima tué muni h̄le h̄ko betó mole kaae, ai wh̄rapekélé atérápó. Ti na huputa, wh̄iné dóló nõpóló Talené aleyóló beteró beterapó. Ai wh̄rapené i kale sek̄rapené bole doasi fotokõ bete tué iniruraalu, atima Tale doka doka yóló eratere fo dua dapó. Wh̄iné h̄le h̄ko betó mole ɔla naró huputamó dóló nuku dere kaae, ai ala du betere wh̄rape Kótóné dóló aluraalopó.

13 Aita mepaae so wh̄i dorale alamó, Kótóné atima kwia melaalopó. Atimané tó tikimó feléyaaire dowi ala ek̄leyóló, be d̄tamotei h̄keamó du beterapó. Atéro du betere alané, dītamó touyóló bitu ɔla deyóló nokole sukamó, diaaɔ doiró du betere wisi alatamo folokoleróló dorótu beterapó. 14 Ai so wh̄rape atima nõpu naaire tué muluraalu, me so ó wh̄i kelené kolóló au nukua dapó. Atei kaae dowi ala ek̄leyóló du betereitei mo kemekélé ini, h̄le yó tarapó. Mepaae wh̄i wisi ala yaaire tué meiyóló, bére so wh̄i dowi ala yópóló, atimané ɔlisóró fua dapó. Mepaae so wh̄i dilikóló wisi wisi ɔla sua yaletiné ai ala atima mo asarapó. Ai ala du betere wh̄rape ti Talené mo doróló moka-raairaaalu, tukóló muló beterapó. 15 Ai wh̄rapeta, kale Beor naalema Balam dowi h̄ko ala duraalu doasi *moni* saai ek̄le du yale kaae, atimakélé donoi t̄ taaróló kópaae felepó. 16 Ti Balam ɔ t̄ tuamó keyaa fole wh̄i kaae fu betepa, ɔ faqsóró sesé duraalu, ama *donki* hupunéitei mo wh̄iné fo kaae yóló ɔ foné sipakalepó. Atéyaletéita, Balam-né ama yale dowi ala h̄kearótu yalepó.

17 Ti ai wh̄rapené du betere alata, mo fole w̄i dik̄tu dere kaae yóo, dirii suka dere alimó s̄ko dilikitepa hali waai dapóló wh̄rape h̄seke yóo du betepatei, bes̄né hali kaepaae sóró fu dere kaae atimané dere alakélé atérápó. Atétu betere

wh̄rape atima diliki tuamó mo ti betó tanópóló, Talené tukóló muló beterapó.

18 Ai wh̄rape atima me bete munipatei, wisi ala dapóló atimatei doi sóró horóló, bopé faketu beterapó. Kapala ala tuamó betó mole so wh̄itamó touyóló betaletéi, mo dótitoró ai ala taaróló wale so wh̄i tó tikiné ek̄lere ala sya fóló dowi ala yópóló, ai wh̄rapené atima kapala dilikóló ɔlisó fulapó. 19 Ai wh̄rapené mo so wh̄ipaae d̄ané dere fotamo diaaɔ wosóló sya fupa, ti dī mené kutó diratere so wh̄i betaalo meipó du beterapó. Ai fo du betere wh̄rape atimatei, mo sonaalei dowi alané wae sóró kutó diratere wh̄i beteró beterapó. Mepaae wh̄itamó me alané ɔ t̄eteróló kaae taru ɔlisóró kutu betepa, ti ɔ ai alané wae kutó diratere wh̄i ai betere ape.

20 Téru, mepaae so wh̄i i haemó mole mo sonaalei dowi alané dokóló muló betepa, d̄ aluyaqsóró taosóró t̄eteróló kaae tare wh̄i Yesu Keriso tué yaletiné, atima ter-aayóló h̄le beterelepó. Atéretei taaróló, take du betale dowi alapaae momótamo fesaae fupa, ti mió betere alané take betale ala t̄eteróló ɔ mo ti dorótu beterapó.

21 Mepaae so wh̄i Talené ala eróturaalu, donoi t̄ sya feni h̄le h̄ko betepa, ti dorapó. Tépatei, mepaae so wh̄ipaae Kótóné ama yae yóló kae muló betere fo wisi mené atimapaae yó matepa tué yóló, donoi t̄ sya feletei taalóo, kale fo wisikélé h̄le ɔla kaae taae falóo depa, ti ai so wh̄i atima betere ala mo turó dorótu beterapó.

22 Ai so wh̄iné du betere alata, i mara mole fo tamoné s̄uratapó. “Yuwiné ama soraaitéi momó nukua dapó,” Me i fokélé erapó. “Hupu biki biki epa mené ɔ w̄i fokoteretei momó fesaae fóló biki biki dua dapó,” erapó.

3

Tale waaire be d̄

1 Ȳlo mo hosaa mole no nerape-ó, mió ȳlo dīpaae tamo dakeróló i as̄ dere ape. Folosóró yale as̄ró mió i dere as̄tamota, dīané kutiri tuamó wisi ala yaaire tué h̄le muó tanópóló, diaaɔ kisipa disiróturaalu, dapó. 2 Ti h̄le meipó. Kótóné take mo kae beterele kóló wh̄rapené yale foró, d̄

alu yaqsóro tao sóro teteróló kaae tare sekéné ama *aposel* whirapepaae yae yóló yó melale fotamo, diaaḡ kisipa keteréni, tuḡ yó tanópoló dapó.

³ Yalo diḡpaae folosóro dere fota, nalo kemetere alimó tó tikiné du betere dowi ala sya furaalu, Tale faletu betere so whi wóló, Talené ala eratere so whi faleyaalopó. ⁴ Téturaalu, atimané etei kaae fo yaalo ai ape. “A waalopóló, tukóló muló betere fo-a metéli yaaloé? Dḡn é ayarape sukḡle alimótei kaae sóro wóló, Kótóné ama kaarale ḡla ḡla fea me ala kae ini, kale alatóró ḡle erapó,” yaalopó. ⁵ Tépatéi, folosóro Kótóné ama foné sḡró haetamo kaarélipakalepó. Kótóné hae alaturaalu, wei tuḡmó hae sókó holae depa, wei betḡpaae maane fóló, hae sókó holi-pakalepó. ⁶ Ai alimó ere hae tikiró ḡla ḡlatamo fea Talené ama fonétei belere wei anóló dorae depa, mo dorélipakalepó. Ai yale ala fea atimané tuḡrutei, dowḡae fóló ai fo sisópaae erótu beterapó. ⁷ Ti Kótóné ama ḡla ḡla kaarale fonétei, mió i alimó ere sḡró haetamokélé siné doló aluraalopóló tukóló muló beterapó. Tétu, Kótó tuḡni hóróló betó mole so whikélé, Talené taleyóló kwia mótu siné doló aluraaire be dḡ sókó wópoló, ḡla ḡla kaarótu yale kaae, ai fonétóro dḡle mulóló, kaae tarapó.

⁸ Térapa, yalo hosaa mole no nerape-ó, i ala betḡ kisipa keteréni, diaaḡ kutiri tuḡmó muó tanópoló yae. Talené ala eróturaalu, 1,000 ba fo kolósu, betḡ be dḡ kolósu depa, me ala kae ini, mo betḡ alatóró erapó. Kótóné ama keletépa 1,000 ba fota, betḡ be dḡ kaae aḡrapó. ⁹ Mepaae so whiné kisipanéta, Talené ama eraalopó yóló mulatere ala kese kese dere nisi dapó. Ti ḡta atéro kese kese dumi, so whi mo betḡkókélé aluyaqsóro kisipa mutu, diaaḡ du betere dowi ala taaróló, fea ḡ beterepaae wópoló, ama dua kaae taté fu beterapó.

¹⁰ Téretei, Tale ḡ momó fesaae waaire be dḡta, ḡlémi nokole whi wou dere kaae yaalo ai ape. Sḡró sḡmó yó mole ḡlatamo aluróturaalu, doasi be sapalaa hale kaae yóo, haeró haemó yó mole ḡla ḡlatamo fea

siné doló kemeróo, yaalopó. Téturaalu, i haemó yó mole ḡlakélé fea siné doló kemeróló, hae tiki mo ḡluraalopó. ¹¹ Ti ḡla ḡla feata atéro aluraalopa, diḡ noa kaae so whi betaai kisipa mute? Ti diḡta, Kótóné ama mo kae betéro betere so whi ereteiné ama ala erótu betépa mo wisirapó. ¹² Diḡ atéro mo kaae so whi bitu, Kótóné tukóló muló betere be dḡ kelenée yóló ketekḡ butu betere alané, Tale waaire be dḡ hapale felekeratapó. Atétere be demó, sḡmó ere ḡlaró i haemó yó mole dirii ḡla ḡlatamo, mepaae siné doló wei kaae alée faraalopó. ¹³ Téyaalotei dḡta, Talené ama haeró sḡtamo kisi kae aleyaalopó ere fo tuḡ muturaalu, ai donoi ala mole be kelaai dapóló ketekḡtamo kaae taté fu beterapó.

¹⁴ Atérapa, yalo hosaa mole no nerape-ó, diḡta ai alarape kelaai kaae tarapa, Tale tuḡmó bitu, me só deraaire ala ó haletere ala ini, ama bóe firó betereiteiné, ḡtamo betḡmó betaai kisipa mutu, ketekḡ buóló mo dua betae. ¹⁵ So whi atimané du betere dowi ala taaróló, Tale ḡ beterepaae wópoló ama kaae taté fu betereiteita ḡle mei, so whi aluyaqsóro tao saairaalu kaae tarapó, kisipa muae. Ti i fo kaae, dḡn é hosaa mole no Pol-paae Kótóné fosó fosói kisipa matepa amakélé asḡrapó. ¹⁶ Pol-né so whipaae dotonale asḡmó me fo kae ini, yalo i du betere fo kaaetóro erapó. Ama yale asḡrape tuḡmó mepaae ere fo bete tuḡ yaaire mo hapólurapó. Mepaae mo ḡló ḡlóre so whiró Talené ala tuḡmó diriyóló bitinire so whitamóné, Kótóné mepaae asḡ tuḡmó ere fo wérótu dere kaae, Pol-né asḡre fokélé atimané bete tokóló donotóro yó meni, wérótu beterapó. Atétere alané atimatei doraaire tuḡ aletu beterapó.

¹⁷ Térapa, yalo hosaa mole no nerape-ó, i ala yaalopóló bope yale ala diaaḡ wosóló ai tuḡrapa, Kótóné tukóló muló betere fo aḡmó bitinire so whi ḡópaee fu betere alané diḡ ḡlisóro faqsóro, mo hotowaró kaae tawae. Ti noa yaqsóro meipó. Diḡ Kótóné ama bete mole ala tuḡmó mo diriyóló betereitei taaróló, haepaae derepaqsóro dapó. ¹⁸ Tépatéi, dḡ aluyaqsóro tao sóro teteróló kaae tare whi Yesu Kerisoné hamokoróló ḡle tao sere

alaró ą kisipa deté fole alatamo dią tuąmó
mo ti fakeraté fu betae. Mió i betere
alimókélé, take betaaire alimókélé, ama
doi hąle muó tanópoló, sóró horótu betae!
Mo kée, téyópoló yae!

1 Jon

Mo ti betere bete mole fo

¹ Mo take keké naale alimótei kaae sóró bitiré wale whi, diãpaae hãkearóló i dere ape. Ai whiné ama dere fo ðané mo wosóo, kelenékélé mo kolóo, ðané wisiyóló fopeyóló naasenékélé olaa yóo, yalepó. ðané i dere fota, ai mo ti betere fo bole whi Yesu diã kóló kóló yaqsóro hãkearóló ðapó. ² Ai kale mo ti betere bete ãta, Alimatamo betóló ðã beterepaae hãkearóló sókó wapa, ðané mo kelalepó. Atéro hãkearãle wapa ðané kelale mo ti betere bete ã i ape yóló, ðané mió diãpaae yó i matere ape. ³ Diãkélé ðãtamo betã kisipa mutu dere ala fea touyóló yaaí ðané kelale alaró wosale fotamo yó i matere ape. Até du betere alata, ti ðãsisi maaté bitu ini, Alimaró Naalema Yesu Kerisotamokélé ðã fea touyóló, betã kisipa mutu dere ala du beterapó. ⁴ ðané i asẽ dereteita, haí dere ala ðã tuãmó mo ti fãayópóló du beterapó.

Talené ama ere ðẽ tuãmótóro betae

⁵ Ama ðãpaae yó male fo diãpaae hãkearóló i dapa wosae. Kótó ãta mo ðetóro fãanuraalu, ã tuãmó diliki ere ala mo sawakélé munipó. ⁶ ðã diliki tuãmó bitutei, hãle foné maaté ðãta Kótótamo mo betã kisipa mutu, dere alarape du beterapó depata, ti kale mo fo bete ðané hosaa tuãmó muniruraalu kapala fo du beterapó. ⁷ Tépateti, Yesu ã Talené ðẽ tuãmó biture kaae, ðãkélé ai ðẽ tuãmó betepa, ti ne notamo mo betã kisipatóro mutu, dere ala fea du beterapó. Atétepa, ama Naalema Yesu Kerisoné fãkené ðané dowi ala fea fokóló aluró beterapó.

⁸ ðané duraalutamo ðã tuãmó dowi ala me munipó depata, ti kale mo fo ðã tuãmó muniruraalu ðãtei ai dilikitu betere ape. ⁹ ðané yale dowi alatamo kemerae yóló Kótópaae hãkeamó yó matepa, ti ama eraalopó ere fo hãsóko feni, ama mo donoi ala sya furaalu, ðané du betere dowi ala tokóló aluraalopó. Téturaalu, ðã fea dowi

alatamo hosekeró betaqsóro, ama fokóló mo ti aluraté fu betaalopó. ¹⁰ ðané duraaalutamo, ðãta dowi ala mekélé munire so whi beterapó depata, ti Kótó ã kapala fo bole sekẽ aqratapó. Atétere alané Kótóné ama mo fo ðã tuãmó sóro mulalénipó.

2

¹ Yãlo hosaa mo turó mole naale senaale-ó, diã me dowi ala yaqsóro kisipa mutu, asẽ i dere ape. Tépateti, whi me detamo dowi ala depata, ti ai dowi alané ðã só deraqsóro, mo donoi ala du betere whi Yesu Kerisoné, tao sere fo ama Alima Kótópaae du beterapó. ² ðané du betere dowi alamó Kótó ã fopaae butu, melaai yale kwia ðãpaae melaqsóro sesé duraalu, Yesuné ama tikimó seróló ã sukãlepó. Atére alata, ðané du betere dowi ala maaté sóro aluraai initei, i hae kwiamó betó mole so whiné dowi alakélé tokóló kemeraai yalepó.

³ ðané ama ere fo wosóló sya fu betepa, ti Yesu Keriso ã mo diriyóló kisiparapóló tuẽ mutapó. ⁴ Whi me dené duraalu, yãlo ã mo wisiyóló kisiparapó du bitutei, Kótóné ere fo wisiyóló sya feni depata, ti kapala fo du betereteiné kale mo bete mole fo ai whi tuãmó munipó. ⁵ Tépateti, me whi dené Kótóné ama fo sya fóló eró tapata, ti atétere whi tuãmó Kótóné ama yaala sóko fole ala fãayóló mo suró beterapó. ⁶ ðã ã tuãmó betere ala etéro kãae kolóló kisipa enérápó. Whi me dené duraalu, ãta Kótó tuãmó beterapó depata, ti ai whiné ama dere alakélé Yesuné yale ala kaaetóro enérápó.

⁷ Yãlo hosaa mole no nerape-ó, yãlo diãpaae yae yóló i asẽtere fota, kisi fo kae dumipó. Mo take kaae sale alimótei, Kótóné yae yóló muló betepa diaaã woseté wale fotórotipó. Ti ai yóló muló betere fota, take ðané diãpaae yó matepa, diaaã woseté walepó. ⁸ Tépateti, Kótóné yae yóló muló betere kisi fo yãlo diãpaae i asẽ dere ape. Ti ai yae yóló dere foné du ã tuãmó muóo, diã tuãmókélé muóo epa so whirapené kilitu, aita mo alapó enérápó. Ti noatepae, doasi ðẽ sóko wóló

dęró betereteinę diliki kemeratę fu beterapó.

⁹ Whį me denę ąta dę tuąmó beterapó du bitutei, ama Keriso no ne hóróló bóe du betepata, ti ai whį ą diliki tuąmó hąle ai betere ape. ¹⁰ Whį me denę ama ne nopaae yaala sókó fole ala mupa, ti ai whį ą dę tuąmó betereteinę me alanę ą dęe nalatere ala mo enénipó. ¹¹ Tęretei, whį me de ama no ne hamoma hóróló bóe du betepa, ti ai whį ą diliki tuąmó bitu ą kotere alakélę, diliki tuąmótóró kutu beterapó. Atęreteinę ą kotere tiki ama kelenę kelenénipó.

¹² Yąlo hosaa mole naale senaale-ó, diaaę yale dowi ala fea Yesunę ama yale alanę hąle sóró kemeró beterapóló diąpaae asę i dere ape.

¹³ Ayarape-ó, mo take kekę nale alimó hąle betó tare sekę diaaę kisiparapóló yąlo diąpaae asę i dere ape.

Dią teó whįrape-ó, dowi Satan-tamo bóe dóló Talenę fotoknę diaaę ą tęteró betepa, yąlo diąpaae i asę dere ape.

Yąlo hosaa mole naale senaale-ó, Aya diąnę kisipareteinę yąlo diąpaae i asę dere ape. ¹⁴ Ayarape-ó, mo take kaae sale alimó hąle betere sekę diąnę kisipareteinę yąlo diąpaae asę i dere ape.

Teó whįrape-ó, dią doasi fotokę buóo, dią tuąmó Kótónę fo muóo, diąnę dowi Satan doló tęteróo, ereteinę yąlo diąpaae asę dapó.

Haemó mole ęla ó alapaae hosaa muóló yaala sókó fu betaęse ere fo

¹⁵ I haemó mole ęla ęlapaae ó dere alarapepaae hękesetu hosaa mo turó mutu betaęse. Whį me detamo ai ala du betepa, ti atętere whį tuąmó Aya Kótónę yaala sókó fole ala munipó. ¹⁶ Ti noatepae, i haemó mole alarape i ape. Whįrapenę ekęleyóló du betere dowi alakélę, kelenę kolóló au nokole alakélę, mepaae du betere alaró ęla ęlatamo mole doasi néli whįpóló bopę faketu betere alakélę, fea Aya beteremó kaayóló wómitei, i haemó kaaróló du beterapó. ¹⁷ I haeró haemó muó mole ęlakó senęe yóló ekęle dere

alatamota keme yaalotei, Kótónę ama kisipa mole ala sya fóló erótu betere so whįta sukókéle ini, mo ti hąle betó tawaalopó.

Kerisotamo bóe dóló kapala fo yó matere whį waalopóló ere fo

¹⁸ Yąlo hosaa mole naale senaale-ó, mió dą mo kemetere sukamó beterapóló kąae kolóló kisipa yaaitere ala i ape. Kale Kerisotamo bóe dele whįrape wou beterepó dere fo diaaę wosalepó. Ti ai whįrapeta, mió wóló i betere ape. Atętere ala kilituraalu, kale kemetere suka felekemó walapóló kisipa muaalopó. ¹⁹ Ai whįrape atima take dątamo betaletęi, dą taaróló fele beteta, dą fake meiru yalepó. Motamo dą faketóró uąsóró, ti dątamo fea betąmó betó mulapó. Té uątei, atima dą taaróló fele betenę atima mo betą whįkókéle dąkó meipóló hąkearalepó.

²⁰ Tępatei diąta, dowi ala mo betąkélę munire whį Yesu Kerisonę ama so whįpóló Dęi Kepenę dąle muló betereteinę kale mo fonę bete dią feanę ai kisipare ape. ²¹ Yąlo diąpaae i dere asęta, kale mo fonę bete dią kisipanipóló dumipó. Tępatei, ai fo diaaę mo turó kisipa yóo, ai fo tuąmó kapala fo mo sawakélę buni yóo, eretei diaaę kisipa epa dapó. ²² Doasi kapala fo du betere whį de? Yesuta, Kótónę so whį tęteróló kaae tare whį meipóló bóe du betere whįpó. Atętere whįta, Alima Kótóró Naalema Yesu Kerisotamo bitinipóló faletu betere whį ai ape. ²³ Whį me denę Naalema bitinipóló sisópaae eratapata, ti Alimakélę bitinipóló sisópaae eratapó. Mepaae whį denętamo Naalema mo beterapóló kisipa tiratępa, ti atętere whįnę Alimakélę mo beterapóló kisipa tiratapó.

²⁴ Tęrapa, mo take kaae sale alimótei, diaaę woseté wale fo dią tuąmó muó tanópóló yae. Ai fo dią tuąmó muó tapa, ti dią Naalemaró Alimatamo tuąmó betó tawaalo ai ape. ²⁵ Ai ala tuąmó betępa, ama dąpaae mo eraalopóló ere fo i ape. Sukutere alakélę ini, mo ti betó tawaalopó erapó.

²⁶ Yąlo i dere asęta, dią dęe nalaairaalu, kópaae ąlisóró fu betere whįrapenę du

betere ala diaaḡ kisipa yópoló i dere ape. ²⁷ Diḡ tuḡmóta, Deḡ Kepe Wisi taketi beteroḡ betereiteiné, diḡ yó melaaire whḡ me kae yaḡḡanipó. Ti noatepae, kale Deḡ Kepe Wisiné fea ala bete diḡpaae yó mótu beteraḡpó. Ai Deḡ Kepe Wisiné diḡ tuḡmó ai eró betere dḡleta kapala mei, mo ti eró beteraḡpa, ama diḡpaae yó matere fo sya furaalu, Yesu Keriso tuḡmó betó tawae.

Kótóné naale senaalepó ere fo

²⁸ Térapa, yaḡo hosaa mole naale senaale-ó, Yesu Keriso feḡaae wale sukamó dḡ hale dere ala ini, halaainé betepa kolópolópa, diḡ Yesu Keriso tuḡmó betere ala hḡle yó tawae.

²⁹ Diaaḡ kisipané Yesu Keriso ḡta, donoi ala du betere whḡ wisinaale beteraḡpó kisipa mutupa, ti mepaae so whḡné du betere wisi ala kilituraalu, ita Kótóné naale senaale beteraḡpóló kisipa muae.

3

¹ Dḡta, Kótóné ama naale senaale ereteiné, Aya Kótóné dḡpaae mo doasi yaala sókó fale ala muluraalu erapa kelere! Ai fo ereteiné dḡ mo ama naale senaaletóro i betere ape. I haemó betó mole so whḡné Kótó tuḡnireiteiné atima dḡkélé tuḡnipó. ² Yaḡo hosaa mole no nerape-ó, dḡta Kótóné mo ama naale senaaletóro beteraḡpó. Take nalopaae dḡ noa kaae so whḡ betaaloró mió dḡ kisipanipó. Tépaitei, ḡ sókó wale sukamó mió ere ala kaaetóro yóló wapa dḡné kelaaireiteiné, dḡkélé ḡ kaaetóro alée fóló betaalopóló kisipa mutapó. ³ Take nalopaae ateḡ ala mo yaalopóló, Yesupaae kisipa tiki tiratere so whḡ feata, Yesu ḡ me dowi alatamo hoseké inire whḡ wisi biture kaae, atimakélé dowi alatamo hoseké inire so whḡ betaairaalu, atimanéitei taletu beteraḡpó.

⁴ Mepaae so whḡ de dowi ala du betepa, ti yaḡse yóló Kótóné tukóló muló betere fo tikitu beteraḡpó. Ti dowi alanéta, Kótóné tukóló muló betere fo munire ḡratapó.

⁵ So whḡné du betere dowi ala tokóló aluraai Yesu Keriso waleteti diaaḡ ai kisipare ape. Ti ḡta, dowi ala mo sawakélé munire whḡpó. ⁶ So whḡ de Yesu Keriso tuḡmó

betepa, ti atére so whḡ dowi ala du betaalo meipó. Mepaae so whḡ de dowi ala hḡle deté fu betepa, ti ai so whḡné ḡ kolókéle ini yóo, kisipakélé ini yóo, erapó.

⁷ Yaḡo hosaa mole naale senaale-ó, mepaae whḡrapené diḡ dilikóló kópaee ḡlisó faḡsóro yae. Mepaae whḡ de mo donoi ala du betepa, ti Yesu Keriso ḡ mo donoi whḡ biture kaae, ai whḡkéle atéro beteraḡpó. ⁸ Whḡ me detamo dowi ala du betepa, ti Satan ḡ tuḡmó bitu yae depa du beteraḡpó. Ti noatepae, take kaae sale alimóitei Satan ḡ dowi ala bete tale bitu, so whḡ dowi ala yópoló sesemeraté wou betalepó. Kótóné Naalema wale beteta, Satan-né ai du betere ala doraai walepó. ⁹ Mepaae so whḡ de Kótóné ama ala tuḡmó deyóló beteroḡ betepa, ti ai so whḡ dowi ala deté faalo meipó. Ti Kótóné wisi ala kaaratere ke ḡ tuḡmó boleteiné me dowi yó tanénipó. Ti noatepae, Kótóné atima deyóló beteroḡ betereiteiné. ¹⁰ Ita Kótóné naale senaale ó Satan-né naale senaalepóló kḡae kolóló tuḡ yaaitere ala i ape. Mepaae so whḡ donoi ala initepa ó no nepaae yaala sókó fole ala initepa, ti atére so whḡ Kótóné naale senaale bitinipó.

Ne notamo yaala sókó fu betae ere fo

¹¹ Diaaḡ mo take kaae sale alimóitei, kaae sóro woseté wale fo i ape. Dḡné ne no hamomatamo yaala sókó fole ala du betenéraḡpó. ¹² Kale whḡ Kein ḡ dowi kepené yae dere ala sya furaalu, ama noma dóló sukunótu yale kaae, diaaḡkéle ateḡ kaae ala yaḡse. Ti noa betené Kein-né ama noma dóló sukunaleé? Ama yale ala do yóo, nomané yale alamo dono yóo, yale betené nomatei dalepó. ¹³ Yaḡo no nerape-ó, i haemó betó mole so whḡné diḡ hḡróló bóe dele ala depa, ai noa ala du dérópóló, diḡ kilita sókó faḡse. ¹⁴ Dḡta, ne no hamomapaae yaala sókó fole ala du betereiteiné sukutere ala tuḡmó betaleteti taaróló, mo ti betere ala tuḡpaae fóló beteraḡpóló kisipa muaalopó. Whḡ me de yaala sókó fole ala initepa, ti atére whḡ sinitere ala tuḡmó hḡle beteraḡpó. ¹⁵ Whḡ me dené ama no ne hḡróló bóe dupa, ti atére whḡ ḡ whḡ dele whḡpó. Whḡ

dele wh̄rape tūmóta, mo ti betere bete muniretei diaaḡ ai kisipare ape.

¹⁶ Yaala sókó fole alané bete ḡané kisipa yaaire ala i ape. Yesu Kerisoné ḡa tao suraalu, ama betere bete ḡale melóló sukḡlepó. Até du yale kaae, ḡanékelé ḡané betere bete ne no tao suraalu ḡale melóló sukunérápó. ¹⁷ Wh̄i me de fea ḡla s̄mó muluraalutei, ama no k̄letu mepaae ȳȳare ḡla taosóro meni depa, ti atétere wh̄i tūmó Kótóné yaala sókó fole ala nétéró muaaloé? ¹⁸ Ȳḡo hosaa mole naale senaale-ó, ḡané ḡale tó k̄lóné ó foné maaté yaala sókó fole ala ini, hosaa tūmó mo alatóro muluraalu, me wh̄i tao sóro eratere ala yaalopa sae. ¹⁹⁻²⁰ ḡanéḡamo ai ala du betepa, ti ḡa mo fo tūmó beterapóló kisipa yaalopó. ḡa ḡasókó fole alané hosaa tūmó seḡené mo ti só deraḡsóro, ne nopaae yaala sókó fole ala depa Talené keletómó hosaa muni deyóló dua betere ala enérápó. Ti noatepae, Kótóné fea ala ama tūḡ iruraalu, ḡané hosaa tūmó mole seḡe alarape fea ama teḡeró beterapó.

²¹ Ȳḡo hosaa mole no nerape-ó, ḡané hosaa tūmó mutere kisipané ḡa só derénitepa, ti Kótóné keletómó halaainé diriyóló daanérápó. ²² ḡané ama yóló muló betere fo wosóló sya fóo, ama kisipa mole alakélé eróo, du bettereteiné ḡané mepaae ȳȳatere ḡla ḡpaae wosetepa, ti ama mo melaalopó. ²³ Ama yae yóló muló betere fota i ape. Kótóné ama Naalema Yesu Kerisopaae kisipa tiki tiró bitu, ḡané ne nopaae yaala sókó fu betepa, ti aita ama ḡapaae yae yóló muló betere ala ai sya fole ape. ²⁴ Mepaae wh̄i de Kótóné ama yae yóló muló betere fo sya fu betepa, ti atétere wh̄rape Kótó tūmó betóo, Kótó ḡkélé atima tūmó betóo, erápó. Tale ḡa tūmó beterapóló tūḡ dere alata, ama ḡa tūmó betterale Ḋeḡi Kepe Wisiné yó matepa, ḡané ḡ kisipanérápó.

4

Kótóné dotḡale Keperó kae keperapetamo k̄ḡae kolóló tūḡ yaaitere ala

¹ Ȳḡo hosaa mole no nerape-ó, kae kae keperape fea so wh̄i tūmó ai betó mulapa, ai keperapené dere fo wosóló mo dapóló kisipa tiki tiraḡse. Aténi, ai keperapeta Kótóné dotonatepa walepé wh̄i me kaené dotonatepa walerópóló mo wisiyóló k̄ḡae kolóló tale yae. Ti noatepae, Kótóné fo eratere k̄lóló wh̄ipóló dilikitere wh̄rape i hae kwiamó mo deḡeró wóló ai betó mole ape. ² Kótóné dotonale Kepe méro k̄ḡae kolóló kisipa yaai dere alata, i ape. Mepaae wh̄rapené duraalu, Yesu Keriso ḡta, Kótóteḡi mo wh̄iné tiki daayóló walepó dere keperapeta, ti Kótóné dotonale Kepe ai ape. ³ Atépatei, Yesu Kerisota Kótóteḡi mo wh̄iné tiki daayóló wénipó dere keperapeta, ti Kótóné dotonale keperape meipó. Aita, Yesu Kerisotamo bóe dóló so wh̄i dilikitere wh̄iné keperape waalopó depa take ḡiḡané woseté waletei, mió i haepaae mo wóló ai betere ape.

⁴ Ȳḡo hosaa mole naale senaale-ó, ḡiḡta Kótóné ama deyóló beteró betere naale senaaletóro ai betere ape. Atéru, ḡiḡ tūmó betere Kepené bóe dóló ama bole fotok̄ḡné ai kapala fo du betere wh̄rape tūmó betere keperape teḡeró beterapó. ⁵ Ti ai wh̄rape atimata, i haemó kaayóló bettereteiné atima kisipakélé i haemó mole kisipatóro mulapó. Atérené, haemó betó mole so wh̄inékelé atima dere fotóro wosóló sya fu beterapó. ⁶ Ḋata, Kótó tūmó kaayóló bettereteiné, mepaae Kótó kisipare so wh̄iné ti ḡané dere fo mopóló wosetu beterapó. Tépatei, Kótó tūmó bitinire wh̄rapenéḡta, ti ḡané dere fokélé mopóló wosetimipó. Ti ita mo fo dere Kepe Wisiró kapala fo dere kepetamo taleyóló kisipa yaai dere ala ai ape.

Kótóné ḡapaae yaala sókó fu dere kaae, ḡanékelé mepaae so wh̄ipaae yaala sókó fae

⁷ Ȳḡo hosaa mole no nerape-ó, ḡané ne notamo mo yaala sókó fole ala du betaalopa sae. Ti noatepae, yaala sókó fole alata, Kótó tūmó kaayóló walapó. Ne nopaae yaala sókó fu betere so wh̄i feata, ti Kótóné deóló beteró betere naale senaale bitu, Kótó mo diriyóló kisiparapó. ⁸ Mepaae wh̄i de tūmó yaala sókó fole ala munipa, ti atétere wh̄iné Kótó mo tūḡnipó.

Ti noatepae, Kótó ʔta yaala sókó fole ala bete ereteinépó. ⁹ Kótóné ɖapaae yaala sókó fóló mole ala haʔkearóturaalu, ere ala i ape. ɖa ʔ tuʔmó beterópóló, ama mo betʔa betere Naale i haepaae wópóló dotɖyalepó. ¹⁰ Kótóné ama yaala sókó fole alané bete i ape. Folosóro ɖané Kótó ʔpaae yaala sókó fole ala inipó. Ténitei, amapi ɖapaae yaala sókó furaalu, ɖané dowi ala kwia tokóló aluraai, ama Naalemané betere bete haʔle melóló sukópóló, dotonalepó. ¹¹ Yaʔlo hosaa mole no nerapeó, Kótóné amapi kaayóló ɖapaae yaala sókó fole ala haʔle yó tareteiné, ɖanékelé ne notamo mo yaala sókó fole ala depa ti mo wisirapó. ¹² Mo betʔa whiné Kótó kolókelé inipó. Ténitei, ɖané ne nopaae yaala sókó fole alatamo du betepa, ti Kótó ɖa tuʔmó bitu, ama yaala sókó fole alakélé ɖa tuʔmó mo sýró beterapó.

¹³ Ti ama Kepe Wisi ɖa tuʔmó betereine, Kótó ʔ ɖa tuʔmó betóo, ɖa ʔ tuʔmó betóo, erapóló ɖané kisiparapó. ¹⁴ Alima Kótóné ama Naalema i hae kwiamó betó mole so whi aluyaʔsóro, tao sere whi beterópóló dotonale ala ɖané mo kelalepóló, haʔkearóló so whipaae i du betere ape. ¹⁵ Mepaae so whi denétamo Yesu Kerisota Kótóné naalemapóló diriyóló kisiparu, mepaae so whipaae haʔkeamó yó matepa, ti ai so whi Kótó tuʔmó betóo, Kótókelé ai so whi tuʔmó betóo erapó. ¹⁶ Atéru Kótóné ɖapaae yaala sókó fole ala ɖané tuʔreteiné, ʔpaae hosaa muóló tiró beterapó.

Ti Kótó ʔta yaala sókó fole alané bete Tale beterapó. Whi me de yaala sókó fole ala tuʔmó betepa, ti atétere whi Kótó tuʔmó betóo, Kótó ʔkelé ai whi tuʔmó betóo, erapó. ¹⁷ ɖa Kótó tuʔmó atéro betepa, yaala sókó fole ala ɖa tuʔmó mo turó ʔʔayaalopó. Atéro bitu, take kemetere alimó fo tokóló taletepa ɖa wikélé ini, mo halainé daayaalopó. Ti noatepae, Yesu Keriso ʔ ama Alimané kisipa mole ala erótu betale kaae, ɖaʔkelé i haemó haʔle bitu, Yesuné ama kisipa mole ala erótu betereine ɖa ʔ kaaetóro beterapó. ¹⁸ Yaala sókó fole ala du betere so whi tuʔmó witere ala mo sawakélé

bunipó. Tépateti, witere whiʔta ama du betere alamó dowi kwia saalopóló kisipa mutu dapó. Ti atéro witere so whi tuʔmó Kótóné yaala sókó fole ala ʔʔani teórapó. Ai ala epatei, Kótóné yaala sókó fole ala ʔʔaturaalu, witere ala alurótu beterapó.

¹⁹ Folosóro Kótóné amapi ɖapaae yaala sókó faleteiné ɖané ʔpaaekélé, ne nopaaekélé yaala sókó fu beterapó. ²⁰ Whi mené duraalu, ʔ Kótópaee yaala sókó fu beterapó du bitutei, ama no ne hóróló bóe du betepa, ti ʔ kapala fo dere whi ai ape. Ti noatepae, whi me dené ama kilitu betere no nepaae yaala sókó fole ala initepa, ti kelepaa kilinire Kótópaee yaala sókó fole ala mo enénipó. ²¹ Ti Kótóné ɖapaae yae yóló muló betere fo i ape. Kótópaee yaala sókó fu betere so whinéta, no nepaaekélé yaala sókó fu betenérápó.

5

Yesu Keriso Kótóné Naalemapóló kisipa tirae ere fo

¹ Yesuta, Kótóné so whi tɖeteróló kaae tare whi Kerisopóló kisipa tiki tiratepa, ti atétere so whiʔta, Kótóné deyóló betero beterapó. Mepaae so whi Alimapaae yaala sókó fole ala du betepa, ti atétere so whiné ama naale senaalepaaekélé yaala sókó fu beterapó. ² ɖané Kótó ʔpaae yaala sókó furaalu, ama yóló muló betere fo sya fu betepata, ti Kótóné ama naale senaalepaae yaala sókó fu beterapóló ɖané kisipa enérápó. ³ Kótóné ama yóló muló betere fo sya fóló ai fo aʔmó mo dua betere alata, ti Kótópaee yaala sókó fole alané bete ai ape. Ai fo sya foleteita, mo hapólunipó. ⁴ Ti noatepae, Kótóné deyóló betero betere naale senaalené i haemó mole alatamo bóe dóló tɖeteró beterapó. Ti aita, Yesu Keriso mo beterapóló ɖané kisipa tiki tiró betereine i haemó mole ala fea mo ti dóló tɖeteró ai betere ape. ⁵ Noa ala ere so whiné i haemó mole alatamo bóe dóló tɖeteró betere? Yesu Keriso ʔta, Kótóné Naalemapóló kisipa tiki tiróló betere so whiné maaté ai ala tɖeteró beterapó.

⁶ Yesu ʔta Kótóné Naalemapóló haʔkearaterere alata, wɖiró sameatamo

tuamó walepó. Aṭa, mo wẹi tuamó maaté wéni, samearó wẹitamo tuamó walepó. Kale Dẹi Kepe Wisi ẹ mo foné bete betereteiné, amakélé Yesu ẹta, Kótóné Naalemapóló yó mótu beterapó. ⁷ Até yale alata, sore ọlarapené etéro hẹkearóló yó matapó. ⁸ Kale Dẹi Kepenekélé, wẹinekélé, sameanékélé, i sore ọlarape atima feané mo betẹ fotóro dua dapó. ⁹ Mo whịné etei kaae ala depa kelalepóló dere fo ẹané wosóló mo dapóló kisipa tirótua dapó. Tépateti, Kótóné ama Naalené ere alamó kisipa mutu, hẹkearóló ere foné mo whịné dere fo tẹteróló teraae falapó. Ti noatepae, Kótóné ẹta, mo foné betereteiné. ¹⁰ Kótóné Naalemapaae kisipa tiki tiró betere so whịné hosaa tuamó, Kótóné ama hẹkearóló dere fo mopóló kisipa mutapó. Tépateti, mepaae whịné Kótóné dere fo wosóló tuẹ tiki tirénitepa, ti atétere so whịné Kótó ẹ kapala fo bole sekẹ aṣrapó. Ti noatepae, Kótóné ẹta ama Naalepó, dere fo wosóló tuẹ tiki tirénitereteiné. ¹¹ So whị feané wosóló kisipa tiki tirópóló, Kótóné hẹkeamó ere ala i ape. Kótóné ama mo ti betere bete ẹ meló beterapó. Ai ti betere beteta, ama Naalema tuamó mulapó. ¹² Kótóné Naalema Yesu Kerisotamo betamó titiyóló betere so whịta, mo ti betere bete sóro tarapó. Ama Naalematamo titiyóló betenire so whịta, mo ti betere bete sóro tanipó.

Yesu Kerisoné ala tuamó betae yóló mo kemerótu dere fo

¹³ Yalo i dere aṣẹta, Kótóné Naalema Yesu Kerisoné doimó bitu, ẹpaae kisipa tiki tiró betere so whịpaae mo ti betere bete ẹané sóro tarapóló kisipa yaasepóló i dere ape. ¹⁴ Ẹ witere ala ini, Kótó betere felekepaae fóló halaainé wosaai dere ala i ape. Ẹnétamo ama kisipa mole ala eraai me ọlakó kematepa, ti ama mo wosetua dapó. ¹⁵ Ẹné wosetere ala ama mo matapóló kisipa tiratepa, ti ẹpaae noa ọlakó wostepa ama melaalopó.

¹⁶ Me whịné ama no netamo sukóló mo ti alu enénire dowi ala du betere keletepa, ti Kótóné ama betere bete melópóló Talepaae moma eranérapó. Yalo

i dere fota, alu enénire dowi ala dere so whịmó kisipa mutu dapó. Tépateti, mo ti sukutere tikipaae falaaire dowi alata, ti ama kae mulapó. Ai aluyaaire tikipaae faaire dowi ala dere so whịmó momarae yóló dumipó. ¹⁷ Kótóné yóló muló betere fo tikitere alata, ti ai dowi ala ai ape. Tépateti, mepaae dowi alané so whị sukutere tikipaae ẹlísó fumipó.

¹⁸ Kótóné deyóló betéro betere so whịta, dowi ala hẹle deté fumipóló ẹné kisi-parapó. Ti ai so whị me ala yaṣsóro, Kótóné ama deyóló betéro betere Naalené mo wisiyóló kaae tareteiné, dowi kepené ẹ doranénipó. ¹⁹ Ẹta, Kótóné ama naale senaaletóro beteretei ẹné kisi-parapó. Tépateti i haemó betó mole so whịró yó mole ọla ọlatamo dowi kepené tẹteróló kaae tare aṣmó mulapó. ²⁰ Kótóné Naalema Yesu Keriso i haepaae waleteti, ẹ so whị feané ẹ tuamó mole ala bete kisipa yóo, ẹné Kótó ẹkélé mo alané betepóló kisipa yóo, yópóló waleteti ẹné tuérapó. Ẹta, mo alané bete tale Naalema Yesu Keriso tuamó beterapó. Aṭa me kae mei, Kótótóro bitu, mo ti betere bete talepó.

²¹ Yalo hosaa mole naale senaaletóro, ẹ Kótó taaróló, i haemó kae kae betó mole kapala kótópaae faṣsóro, mo wisiyóló kaae tawae.

2 Jon

¹ I dere asęta, Kótóné so whį tęteróló kaae tare whį disiné Talené sókó sóró kae beteró betere soró ama naale senaaletamopaae dapó. ę Talené mo ala tuąmó bitu, yało diąpaae yaala sókó fu beterapó. Ti ai alata, yało maaté ini, mo fo bete tuęre so whįnékélé betą kaae alatóró du beterapó. ² Ti noatepae, mo fo bete Tale miókélé dą tuąmó bitu, take nalokélé hałe bitiré faaireteiné diąpaae yaala sókó fu beterapó.

³ Atęrapa, dą mo foró yaala sókó fole alatamo tuąmó betepa, Alima Kótóró ama Naalema Yesu Kerisotamo tuąmó kaaróló wale hamokoróló tao sere alakélé, kęlené sukutere alakélé, hosaa muni deyóló dua betere alakélé, dą feapaae erópóló yae.

⁴ Aya Kótóné dąpaae erae yóló muló betere mo fo naao naale senaalené sya fóló erótu beterapó dere fo woseturaalu, ę mo doa hajné sukutu beterapó. ⁵ Tęrapa, yało hosaa mole so wisi-ó, yało yaąpaae duraalu ne no hamomatamo dą yaala sókó fole ala enęrapóló i asętere ape. Ti ai yae yóló muló betere fota, kisi fo kae mei, mo take kaae sale alimótei woseté wale fotórópó. ⁶ Yaala sókó fole alané beteta i ape. Kótóné ama yóló muló betere fo aąmó bitu, sya fóló erótu betere alapó. Mo take kaae sale alimótei diaaą woseté wale foné duraalu, ne no hamomapaae yaala sókó fu betae erapó.

⁷ Yesu Keriso i haepaae mo whįné tiki daayóló wénipóló, so whį dilikóló kapala fo yó matere whįrape mo turó i haemó sų ai ere ape. Atętere whįrape atimata, so whį dilikóló Yesu Kerisotamo bóe ai dele ape. ⁸ Atęrapa, diaaą diale kutómó saaire dupu wisi aluni, turó saasepóló mo hotowayóló kaae tawóló betae. ⁹ Mepaae whį de so whį tęteróló kaae tare whį Kerisoné yó matere fo taaróló, kae fo wosetepata, ti atętere whį Kótómó betąmó bitinipó. Tępatei, whį me de Kerisoné yó matere fo mopóló wosóló eró tapa, ti até dere whį Alimaró Nalematamo fea

betąmó ai betere ape. ¹⁰ Mepaae whįtamo dią beterepaae wóló mo fo yó meni, kae fo yó matepa, ti atętere whį naao bepaae dape sere ala ó kęleó dere fokélé yaąse.

¹¹ Mepaae whįné atętere whį ama bepaae wisiyóló dape supata, ti ai whįné ama du betere dowi ala yópóló, ketekę ai bulatere ape.

¹² Yało diąpaae yaaire fo mo turó mupatei, naasené *fas*-mó asę dere hótepa, taalatapó. Ti noatepae, ę dią beterepaae wóló kelepaa kęaetamo yóló bitu ekei fo depa, haj dere ala dą tuąmó mo faayóló sųrópóló kisipa mutu dapó.

¹³ Kótóné sókó sóró kae beteró betere so naao hamané naale senaalené diąpaae kęleó, dapó.

3 Jon

¹ I dere așeta, Keriso so whi țeteróló kaae tare whi disi mo fo tuamó bitu, yało hosaa muóló, yaala sókó fu betere no Kaius-paae dapó.

² Yało hosaa mole no-ó, yało yaámó Talepaae momarótu betere ala i ape. Naa kepe bete tuamó wisi ala irure kaae, naao tó tikimókélé me kisi daani, mo wisiyóló bitu, mepaae dere ala fea yópóló kisipa mutu, momarótu beterapó. ³ Mepaae Keriso norape ę beterepaae wóló, ya mo bete mole fo tuamó bitu, ai fotóro eraté fu beterapó dere fo wosaletéiné, ę doasiné hajné sukutu beterapó. ⁴ Yało naale senaale diğ mo fo tuamó bitu, ai fo sya fóló erótu beterapó dere fo woseturaalu, dere hajné kae kae alamó dere haj mo bosenée falapó.

⁵ Yało hosaa mole no-ó, mepaae naao tuénire whirapekélé, Talené ala eróturaalu, Keriso norapepóló tao su betere alata, mo wisirapó. ⁶ Ya tuamó yaala sókó fole ala mulu, ai whirape wisiyóló dape sale fo atimané i betó mole Keriso so whipaae ene walepó. Térapa, me sukamókélé atéro Talené kutó diratere whirape ya beterepaae wapa, Kótóné ama hamokoróló matere ala sya fóló, atimané yağğ dere ęla sumó melóló, atima faaire tikipaae fópóló yae. Aita, mo wisi ala dapó. ⁷ Ti atima be taaróló, Talené doi eraté kotepa, Tale tuénire so whiné atima yağğatere ęla tao sere alakélé inipó. ⁸ Atérapa, dğ fea touyóló Talené mo bete mole fo eróturaalu, atei kaae whirape mo wisiyóló dape sóro, tao sere ala depa mo wisirapó.

⁹ Keriso so whipaaeta, fea fo așeyóló dotonaletéi, ai so whi țeteróló kaae tawaai ekele du betere whi Diotrepes-né dğné dere fo mopóló woseni, dowaae felepó. ¹⁰ Atérapa, ę aipaae wapa, ti ai sekéné dğné doi doróló folokolerótu betere fo diğpaae yaalopó. Ai ala maaté mei, mepaae Keriso norapekélé wisiyóló dape sini yóo, mepaae whiné dape saai kisipa

mutupa, ti ai so whi atima Keriso so whitamó touyóló betașsóró hğkó falóo, du beterapó.

¹¹ Yało hosaa mole no-ó, atei kaae dowi ala șuróló ini, mepaae dere wisi ala ti șuróló yae. Mepaae whi de wisi ala du betepa, ti Kótóné ama whitóro beterapó. Mepaae dowi ala du betere whiné ti Kótó mo kolókélé inipó. ¹² Demitrias-né du betere ala so whi feané kilitu, ę mo whi wisipó du beterapó. Kale mo fonékélé, ama wisi ala dapóló hğkearótu beterapó. Ti ama dere ala dğnékélé mo wisiyóló kolóló, mo betğ kaae fotóro dapó. Dğné kelale ala diğpaae i deretei, motóro dapóló kisipa muae.

¹³ Yało diğpaae yaai dere fo dekéro mu-patei, așemó dere hğtepa taalatapó. ¹⁴ Ti noatepae, ę diğ beterepaae wóló, diğtamo kelepa kğaetamo yaai, mo felekemó waai kisipa mutapó.

Kótóné hosaa muni deyóló mo dua betere ala diğ tuamó mulópóló yae. Imó betó mole ne norapénékélé diğpaae mo doa kğleó dapó. Aimó betó mole no nerape atima dokğ feapaae mo doa kğleó, dapó yae.

Jud

¹ I dere așeta, Yesu Kerisoné kutó diratere wh̄i Jems-né noma Jud-né dapó. Talené ă beterepaae ape yóló, Alima Kótóné hosaa muóló yaala sókó fóo, Yesu Kerisoné dapesene waai wisiyóló kaae tawóo, ere so wh̄ipaae dapó.

² Ti Kótóné k̄leturaalu h̄ale tao sere alakélé, hosaa muni deyóló dua betere alakélé, yaala sókó fole alakélé, mo turó diă tuamó mulópoló yae.

Kótó h̄ratere wh̄rapené dere alamó dowi tikipaae faaire ala

³ Yalo hosaa mole no nerape-ó, dă fea aluyașóró Kótóné tao sere ala bete diăné tuę yópoló, așyaa ketekę bualepó. Téyaletei, Talené ama kae betero betere so wh̄ipaae tuę tiki tiratere fo mo wisiyóló kaae tawae yóló, mo betă felimótóró melalepó. Ai fo wisi tokóló aluróló mené kae fo depa, taalae yóló foné saasepóló i dere ape. ⁴ Ti noatepae, mepaae wh̄rape kikití wóló diă kuamó betereiteiné dapó. Ai wh̄rape atimané mió ai du betere ala yaai teópa mo taketitei, Kótóné só deró beteraóló așemó erapó. Ti atimata, Kótóné ala erénitere wh̄rape bitu, Kótóné hamokoróló tao sere ala h̄ale ęla așróló, nópu naaitere ala fo munipa yae du betera-pó. Atéturaalu, dă teteróló kaae tare mo doasi Tale Yesu Keriso betatóró betepatei, atima ă așmó betaalo h̄róló ama doi doróló faletu betera-pó.

⁵ Mió yalo i yaaitere fo fea diaaș tuępatei, mo diriyóló tuę yaasepóló, momó i dapa wosae. Talené ama so wh̄i Isip hae kwiamó betepa, ama tao sóró dapesó waleteti, nalo ama dere fo wosóló tuę tiki tiréni yale so wh̄i mo ti dóló sisiraae faralepó. ⁶ Meta, Kótóné mepaae *ensel*-rapepaae kaae tawae yóló melale kutó taalóturaalu, atima betere tikikélé taaralepó. Atétepa, atima Kótóné dirii *sein* képiné dokóló diliki tuamó mo ti *dipula* betero betera-pó. Aita h̄ale mei, Talené ama taleyaaire doasi be dę

sókó wópoló, kaae taru betero betera-pó. ⁷ Meta, Sodom beró Komora betamokélé, ai be hulua tamo felekemó tę mole doasi be hularapekélé, doró betereitei kisipa muae. Ai berape hulua mó betó mole so wh̄iné nópu nokole alaró kae kae sonaalei dowi alatamo mo dekéro h̄ale yó tapa, Talené kwia melalepó. Mió i alimó betere so wh̄iné ai yale ala tuę muóló, nalo waaire alimó Talené dowi kwia matere so wh̄i mo ti dó tare simó beteratepa, doasi dele saalopóló kisipa muópoló erapó.

⁸ Ai ala ere kaaetóró, yalo diăpaae yale kapala fo yó matere wh̄rape atima nokené i ala kelalepó du bitutei, nópu nokole alané atimané tikitei doróló folokoleróo, doasi teteróló kaae tare wh̄rape așmó bitini dowăae fóo, hepen bemó betere sekerapekélé faleyoó, du betera-pó. ⁹ Tétepatei, doasi topo *ensel* Maikel ă halaaíné Satan-paae etei kaae só deratere fo inipó. Moses-né tiki sini né saaloé yóló atimaamo seș seș yaleteti, Maikel-né Satan foné sóró só deréni, “Talené amatei yă foné sóró, só derópoló yae,” fo betă erapó. ¹⁰ Topo *ensel*-né atei faletere fo dumitei, diă tuamó ai betó mole wh̄rape atima diriyóló tuę inire alarape fea faletu betera-pó. Tétu, atima topo daanire ęla hupu ó yuwiné dere ala kaae, tó tikiné ekeșeyóló h̄ale h̄oko du betere ala atima mo wisiyóló kisiparu, dere alanéitei atima mo dorótu betera-pó.

¹¹ Ai wh̄rape atima doló sukunaaire tuęni, h̄ale h̄oko du betere alata, Kein ă dowăae fóló noma du yale kaaetóró ai du betere ape. Kale wh̄i Balam ăkélé doasi *moni* saai ekeșeyóló kôpaae fu yale kaae, ai wh̄rapekélé tuę tekeni, *moni* saai dapóló ekeșe duraalu ai fele ape. Kale wh̄i Kora-kélé Kótóné sóró beterale topo wh̄i Moses așmó betere h̄oyóló dowăae fupa, Talené atima doló alurótu yale kaae, ai wh̄rapekélé atéro doraalopó. Téyaalopa ai wh̄rape atima wiyó yae!

¹² Ai wh̄rape atima haleni, Keriso so wh̄i diășisi yaala sókó furaalu, ęla deyóló nokole sukamó atimakélé Keriso wh̄rapepóló halaaíné, diătamó ęla betămó nukua dapó. Ai wh̄rape tuamóta,

i ala kaae erapó. Tumó kapo fosó ó ni serake kikiti holó tare kaae, diꝥ doraaire ala atima tuꝥmó bulapó. Meta, *sipsip* hupu kaae tare wh̄rapené hupurape wisiyóló kaae tani, ɔla atima maaté nuku dere kaae ai wh̄rapené du betere ala atérápó. Hali waairaaalu, saꝥo diliki deretei halimo wéni, beséné kae tikipaae só fu dere kaae dua dapó. Meta, ni du woletere alimó keleralemó, du betakélé woleni, ama felekekélé haepaae derepéni yóló hꝥle tómó beleru, kale ni mo ti sélitu dere kaae atimané dere alaró betere alatamo atérápó. ¹³ Meta, doasi wéi dokole sukamó dakeró ɔla ɔla holopetamo sóró wóló wéi fókumó mulótu dere kaae, mo sonaané yóló halei alatei, atima mo halaaíné du beterapó. Meta, samó hꝥre hꝥko kutu dere kaae, atima mo dowi diliki dolomó atéro beterópóló, eró beterapó.

¹⁴⁻¹⁵ Adam-né deale naalené deté feletei dosꝥaturaalu, apo mi dakoróló deale wh̄i Inokepaae Kótóné i fo yae yóló ipakalepó. “Talené ama kae beteró betere *ensel*-rape mo hꝥle ɔla kaae ꝥtamo ai walapa ke-lae. So wh̄i feané ama ala eréni, kae tuꝥ sya fóló dowi ala duraalu, Tale faleyóló deteraaire fo du betaleteimó, taleyóló só deraai waalopó,” erapó. ¹⁶ Ai wh̄irape atima Kótóné ala sya faalomeipóló, doka doka yóló faleturaalu, tó tikiné ekꝥlere ala sya fóló dowi ala du beterapó. Tétu, atimatei doi sóró horóló bopé faketu beterapó. Mepaae so wh̄iné atimamó me alakó erópóló kisipa mutu, foné so wh̄i hꝥle mulóló dukiraterere fo du beterapó.

Kótóné ala erótu beteretei taaréni, hꝥle eró tawae

¹⁷ Tépatéi, yꝥlo hosaa mole no nerape-ó, dꝥ tꝥteróló kaae tare wh̄i Yesu Kerisoné dotonale *aposel* wh̄rapené take nalopaae i ala yaalopóló, diꝥpaae yó melale fo tuꝥ muae. ¹⁸ Ai wh̄rapené diꝥpaae i fo yalepó. “Take kemeterere sukamó Kótóné ala faletu betere so wh̄i atima tó tikiné ekꝥlere ala sya fóló, dowi ala maaté du betaalopó,” erapó. ¹⁹ Ti ai ala du betere wh̄irape tuꝥmó Dꝥi Kepe Wisi bitini, mo hae wh̄iné mole tuꝥró dere alatamo maaté sya furaalu, diꝥ tuꝥmó fake tekerótu beterapó.

²⁰ Tépatéi, yꝥlo hosaa mole no nerape-ó, diꝥ Talené ama so wh̄i bitu ꝥpaae tuꝥ tiki tiró beteretei mo ti fakeyópóló, ama mo kae ere fo wisi sya fóló erótu betóo, Dꝥi Kepe Wisiné diꝥ fotokꝥratepa Talepaae moma yóo, du betae. ²¹ Dꝥ tꝥteróló kaae tare wh̄i Yesu Kerisoné kꝥletu, tao sóró mo ti betere ala tuꝥpaae dapesó faaire be dꝥ kaae taru, diꝥ Kótóné yaala sókó fole ala tuꝥmó betó tawae.

²²⁻²³ Atéru, mepaae so wh̄i kisipa tamo muluraalu tuꝥ tiki tiraterere ala wotꝥalepa, kꝥletu tao sae. Téturaalu, mepaae mo felekemó sipaae faaitere so wh̄i atima aluyaꝥsóró tao sóo, sukꝥle wh̄iné yei kuti bukaalo hꝥtu dere kaae, mepaae so wh̄i atimané tó tikimó ekꝥleyóló du betere son-aalei ala diꝥpaae tekaꝥsóró, wiyóló tika kae bitu kꝥleyóló tao sóo yae.

Kótóné doi doasi mulatere fo

²⁴ Diꝥ dée naꝥsóró tao senére sekéné doi doasi muópóló, hale sóró horae. Ti diꝥ ai sekéné ama kae ere dꝥ tuꝥpaae dapesó fóló, me alakélé muni mo doasi hꝥi fꝥanuraalu ꝥtamo betꝥmó betenérápó. ²⁵ Dꝥ tꝥteróló kaae tare Tale Yesu Keriso tuꝥpaae erale alané so wh̄i aluyaꝥsóró tao su beterapó. Atére Kótó mo betꝥtóró beterapa, ama doi doasi mulae. Tétu, mo kae ere dꝥ fꝥane alakélé, ama mo kae ere ala wisinaalekélé, doasi fotokꝥkélé, fea ala tꝥteróló kaae tare betekélé, mo ꝥpaaetóró erópóló yae. Mo take keké nale alimókélé, mió i betere alimókélé, nalo betaaire alimókélé, ama doi doasi hꝥle muó tanópóló, sóró horótu betae. Mo kée, téyópóló yae!

Kinóló mole ala hąkearaletei

¹ I dere fota, Kótóné Yesu Kerisopaae mo felekemó yaai dere alapa, naao kutó diratere so whinė tuę yópóló, kinóló moletei hąkearóló yó melae, yóló malepó. Ai fo Yesuné wosóló, ama kutó deratere whį Jon beterepaae *ensel* dotonalepó. ² Atétepa, Jon-né ama kelale ala so whį feané tuę yópóló, amamo aseyalepó. Ai fota me kae mei, Kótóné dere foró Yesu Kerisoné ama yale alatamo etérapóló yó male fopó. ³ Take i ala yaalopóló i aseyre fo hąkeamó dosąatu betere whį Kótóné wisiró beterepa, hajné sukutu beterepóló yae. Ai dosąatere fo wosóló, hosaa tuąmó mulatere so whįkélé, wisiró beterepóló hajné sukutu betenérápó. Ti ai yó male alarape dokonóló yaaire be de mo felekemó sókó waaı dapó.

Talené doi hale horatere foró kęleó dere fotamo

⁴ ęta, Jon-né Esia hae kwiamó betó mole weikeró Keriso fake so whįpaae dapó.

Miókélé betóo, takekélé bitiré wóo, nalo waaire alimókélé hąle betóo, yaaire sekéró kale tęteróló kaae tare doasi betere tiki felekemó betere weikeró keperapetamo tuąmó kaaróló wale hamokoróló hąle tao sere alaró, hosaa muni deyóló dua betere alatamo diąpaae erópóló yae. ⁵ Ti Yesu Kerisoné yó matere fota, ama mo kelale alatóró du beterepó. Ti ąta, mo sukąletei kepaayóló betaaire so whįmó, tu aleróló folosóró fóló betere whįpó. Atéturaalu, i haemó betó mole topo whįrapekélé mo fea amatóró tęteróló kaae tarapó.

Ai sekéné amatóró diąpaae yaala sókó furaalu, da dowi ala tuąmó betepa, ama sameanétei teraayóló hąle fópóló eró beterepó. ⁶ Téro da ama tęteróló kaae tare aqmó sóró beterepóló, Alima Kótóné ama ala erópóló, so whįmó momaratere whį sóró beterepóló. Téreteiné, ai sekę ama mo kae

ere ala wisiró doasi fotokątamo mo hąle muó tanópóló yae! Mo kée, tępóló yae!

⁷ I dere fo wosae! ą ó hepen bemó ere sąkotamo wapa, so whį mo feanékelé, take ą duraalu wutiné deyale whįrapenekélé, kelaalo ai ape.

Atéteremó, i hae kwia feamó betóló fale so whinė doasi wole u yaalopó. Ti ai alata, motóró yaalo ai ape. Mo kée, tępóló yae!

⁸ Téro Tale Kótóné duraalu, “ęta, *Alaparó Omekatamopó*. Ai fo feteyóló, kaae sereteiró kemeratereteitamota, ti mo ętórótípó. Take bitiré waleteikélé, mió betereiteikélé, take nalo betaaireiteikélé, ętóró bitu, fea ęla ęla tęteróló kaae tare sekę ętórótípó,” yalepó.

Whinė Naalema aępa kelale fo

⁹ ęta, diaaę no Jon-né dapó. Da fea Yesu tuąmó bitu, sekę sere alakélé, ama tęteróló kaae tare aqmó betere alakélé, hõni hąle belée tare alakélé, da fea betąmó deté fu betere whįpó. Yesuné yale ala i ape yóló yó melóo, Kótóné fo eróo, yalemó atimané ę weiné bopéró daaló betere hae Patmos-mó beterepóló. ¹⁰ Atéro betepa, Talené be demó Deį kepe wisiné fotoką tuąmó bitu, yąlo kęlipaae doasi fo fake ukulumó wutiné hale kaae depa wosalepó. ¹¹ Atéro dere foné duraalu, “Naao keletere ala fea bopeyóló mole sókumó aseyóló, weikeró Keriso fake so whįpaae falae. Ai berape i ape. Efesus, Smerna, Perkamum, Taiyatira, Sardis, Piladelpia, Laodisia, i dosąayale be huluamó betó mole Keriso so whį feapaae aseyóló falae,” yalepó.

¹² Ai fo du betepa, né déró sisópaae fetée fóló kelalemó, *kold kapané* aleale weikeró są dirirape kelalepó. ¹³ Atépa, ai są dirirape duku betere tuą dolomó whį betą Whinė Naalema kaae daapa kelalepó. Atéro, deróló sókó fatere fęloi kuti deróló, *kold kapané* aleale toné ai kuti tęteróló bopémó sepa kelalepó. ¹⁴ Ama toporó nikitamota, mo yako kaae de wisi-naale yóo, ama kelekélé si mi kaae holóo,

depa kelalepó. ¹⁵ Ama hóta, ti *brons kapa* siné dóló whaare kaae yóo, ama dere fokélé, węi dou kątaturaalu dere hu kaae depa wosalepó. ¹⁶ Ama turu naasené węikeró hęrerape tawóo, ama kólómó bóe dele sepake fosó tamo daai sókó wóo, ama kelepaakélé, sukané dę kaae yóo, epa kelalepó.

¹⁷ Yąło ą kilituraalu, ę ama hó aqmó sukąle whi kaae deraapisa fóló molepó. Atéro mupa, ama turu naasené ę wolaa yóló duraalu, “Yą wiyaęse. Kaae sereteikélé, kemetereteikélé, mo ętórótípó. ¹⁸ Ęta, mo ti betere sekępó. Ę take sukąletei, momó kepaayóló mo titóro betó tarapó. Téruraalu, sukutere alaró sukąle so whıtamo betere tų ki yąło i tare ape.

¹⁹ Térapa, naao kelale alakélé, mió i alimó keletere alakélé, nalo betaaire alimó yaaire alakélé aseya. ²⁰ Yąło turu naasemó mupa, naao kelale węikeró hęreraperó *kold kapané* aleale węikeró są dirirapetamo kelale bete i ape. Kale hęrerapeta, ti u węikeró be huluarapemó betó mole Keriso so whi tao sępóló, dotonale węikeró *ensel*-rapepó. Kale węikeró są dirirapeta, ti węikeró be huluaamó betó mole Keriso so whıpó,” yalepó.

2

Efesus Keriso so whıpaae aseýóló farale fo

¹ “Efesus be huluaamó betó mole Keriso so whi tao sępóló dotęyale *ensel*-paae i fo aseýóló falae.

Turu naasené kale węikeró hęrerape taruraalu, *kold kapané* aleale węikeró są dirirape daae mole tuąmó kutu betere sekéné dere fo i ape. ² Dią hókélé ini, mepaae du betere alarape yąło tuęnipóló de? Dią hókélé ini, depe tukó wei ala hąle yó tare alakélé, kale dowi ala yó tareteikélé, whırape diątamo betąmó betaęsóró hókó fatu betere alakélé, yąło tuęrapó. Mepaae whırapené duraalu, ‘Dąta, Talené dotonatepa wale *apotel* whırapepó,’ dere fomó, diąné atima kąae kolóló duraalu, ‘Diąta kapala fo bole whırapepó dere

alakélé kolóló, yąło mo tuęrapó.’ ³ Dią yąło so whi betepa, mepaae sekęi ala ó faletere alarape wou betepatei dią hýyóló dekani, yąło doimó hąle yó tarapó. ⁴ Tépateti, yąło keletepa wisinire ala betą i ape. Take kaae suraalu diaaę yaala sókó fu betale ala mió taaló beterapó. ⁵ Térapa, take diaaę yaala sókó fu betale ala taaróló, mió dią haepaae ai derepalapa kisipa muae. Atétu, diaaę kisipa tiki feteyóló take du betale ala momó yae. Dią ai alatamo initepa, ti ę dią beterepaae wóló diąné dęrótu betere są yąło tokę saalopó. ⁶ Téretei, diaaę du betere alamó yąło i yaaitere fo betą mo wisirapó. Nikolas whırapené hótu betere kaae diaaękélé atétu beterapó. ⁷ Mepaae whi me de wosęli daapa, ti Dęi Kepe Wisiné kae kae Keriso so whıpaae du betere fo feané wosępóló yae. Whi me de tų wisipaae faai fupa, me sekęi alané sesé depakélé hepée taae faróló wale whıta, Kótó betere ke-laalo mo kokęi tikimó daale kepaayóló mo ti betaaire ni du wisi nępóló yąło melaalopó,” yalepó.

Smerna Keriso so whıpaae aseýóló farale fo

⁸ “Smerna be huluaamó betó mole Keriso so whi tao sępóló dotonale *ensel*-paae i fo aseýóló falae.

I dere fota, kaae sereteiró kemerąle foletitamóné bete Tale ą mo ti sukąletei, momó kepaayóló betere sekéné dapó. ⁹ Diąpaae kae kae sekęi alarape wou bituraalu, yoleale yóló betere ala yąło tuęretei, doasi dirii ęla wisinaale betą diąné sóró tareteiné, dią doasi néli whi kaae ai betere ape. Mepaae so whi atima Juda fakepó du betereitei kapala fo dapó. Ti atimata, Satan-né fo wosetere fake bituraalu, dią erótu betere fo yąło kisiparapó. ¹⁰ Diąpaae sekęi ala waaiemó wiyaęse yóló, ma fo i dapa wosae. Dią betere ala kąae kelaairaalu, Satan-né dią mepaae so whi *dipula* beteraalo ai ape. Atéro *dipula* betero betepa, sekęi ala siré fu bituraalu, naase tamo be dęrape kemeyaalopó. Dią dupakélé me ęla

meipóló, tuę tiki tiraté fu betepa, ti atétere whırapemó bóené whı dolóló kemeratere whıné deratere topo tao su dere kaae, ęalo mo ti betere bete melaalo ai ape. ¹¹ Mepaae whı de wosęli daapata, kale Dęi Kepe Wisiné Keriso fakerapepaae i dere fo wosópóló yae. Whı me de tu wisipaae faai fełalemó sesétepakélé, hepée taae faróló wapata, ti atétere whı ą tamoróló sukutere alané doraalo meipó.”

Pergamum Keriso so whıpaae aseýóló farale fo

¹² “Perkamum be huluamó betó mole Keriso so whı tao sópóló dotonale *enselpaae* i fo aseýóló falae.

Fosó tamo daale bóe dele sepake tare sekéné dere fo i ape. ¹³ Dięta, Satan-né ama tęteróló kaae tare tikimó betereitei ęalo kisiparapó. Dię atéro bitutei, ęalo doimó du betere ala taaréni, hęle yó tarapó. Take ęalo ala erótu betale whı Antipas dale alimó, dięné ępaae tuę tiki tiratere ala taaréni, hęle yó tawaleitei ęalo tuęrapó. Ti dięta, Satan betere be huluamó ai betere ape. ¹⁴ Tépatei, diaaę dere mepaae ala ęalo keletómó wisinireitei i ape. Dię betó mole kua dolomó, mepaae so whı Balam-né hęko yó mótu betale ala kaae du beterapó. Balam-né Balak-paae Israel fake so whı dowi ala yópóló, etéro yae yóló yó melalepó. Balak-né Israel fake so whı kapala kótópaae moma yóló matere ęlaró nópu nokole alatamo yópóló, ęlisóro fıpakalepó. ¹⁵ Atétu betere kaae, dię mepaae whırapekélé Nikolas whırapené yó matere ala sya fu beterapó. ¹⁶ Térapa, diaaę ai du betere ala taaróló, kisipa tiki feteyóló betae. Diętamo ai ala initepa, ti ę dię beterepaae hapale sóko wóló, dię ai ala du betere whırapetamo ęalo kólómó sóko wale sepakené bóe daalopó. ¹⁷ Mepaae whı de wosęli daapata, kale Dęi Kepe Wisiné Keriso fakerapepaae du betere fo wosópóló yae. Whı me de tu wisipaae faai fenalemó sesétepakélé, hepée taae faróló wapa, ti atétere whımó ęalo hyó muló betere mepaae

mana o nópóló melaalopó. Téturaalu, kisi doi aseýóló muló betere dęi kane fakekélé melaalopó. Ai kane fakemó asęre doita, hęle mo whıné tuę yaalo meitei, ai kane fake sere whıné maaté tuę yaalopó.”

Taiyatira Keriso so whıpaae aseýóló farale fo

¹⁸ “Taiyatira be huluamó betó mole Keriso so whı tao sópóló, dotonale *enselpaae* i fo aseýóló falae.

I dere fota, Kótó Naalema ama kele mo si kaae dó taru, hęlekekélé kale *brons kapa* siné dóló kasa kasa kaae ere sekéné dapó. ¹⁹ Diaaę yaala sóko fole alakélé, diaaę tuę tiki tiratere alakélé, ęalo doimó mo so whı tao sóro erótu betere alakélé, sekę wapatei beléetóro tare alakélé, diaaę mió du betere alané take kaae suraalu yale ala bosene faletei, fea ęalo tuęrapó. ²⁰ Tépatei, kale so Jesepel ą fıópóló mo taketitei hęko faréniyólópó. Ai soné amatei ą Kótóné fo eratere kóló sopó du beterapó. Téturaalu, ama yó matere fonéitei, ęalo kutó diratere whırape nópu nokole ala yóo, kapala kótópaae momatere ęla nópóló ęlisóro fıo, du beterapó. ²¹ Ai soné nópu nuku betere ala taaróló, kisipa feteyóló wópóló kaae taté fu betepatei, wéni mo dowęae fu beterapó. ²² Até du betereiteiné, ą dele sóro fıtere tikimótóro fıyo mulópóló, taae deraalopó. Téturaalu, ątamo nópu nuku betere whırapekélé kale soné atimapaae yó melale dowi ala taaróló, tuę tiki feteyóló anitepa, ti atimakélé kale so dere kaae, dele sópóló taae deraalopó. ²³ Ai soné ama naale senaalekélé sinópóló, ęalo mo ti daalopó. Ai ala depa, Keriso fake so whı feané kilitu, ęta, so whıné hosaa tuęmó mole alaró tuę tikitamo taleyóló, atimané yale alamó mo donotóro tokę matere Tale beterapóló kisipa yaalo ai ape. ²⁴ Dię mepaae Taiyatira be huluamó betó mole Keriso so whı kale soné yó matere fo wosóló sya feni yóo, Satan-né mo apaae derepale

kinóló mole ala kisipa sini yóo, ere so whįpaae yąło sekęi ala kae eraalo meipó. ²⁵ Téyaalomeipa, ę wale alimó sókó faasepóló, diaaq ai du betere wisi alatóro hąle yó taté fo betae.

²⁶ Whį me de tų wisipaae faai fenalemó, me sekęi alané sesé depakélé, hepée taae faróló, kemene fole kwiamó sókó fupa, ti atétere whį i hae kwiamó betó mole so whį fea tęteróló kaae tanópoló, yąło sóró beteraalopó.

²⁷ Ašemó ere fo i ape.

‘Topo whįné tatere *aiyon kapa*-né aleale dotótiki taru, haené aleale wuti derąketu dere kaae, yąło bóe whįrape ai ala yaalopó,’ erapó.

Yąło Ayané ę so whį tęteróló kaae tanópoló sóró beterótu yale kaae, yąlokélé dią sóró beteraalo ai ape.

²⁸ Atéro sóró beteratere so whįpaae hįka be dęteretamo dęyó tare hęrekélé, yąło melaalopó. ²⁹ Mepaae so whį me wosęli daapata, kale Dęi Kepe Wisiné Keriso fakerapepaae i du betere fo wosóló tuę muópoló yae,” yalepó.

3

Sardis Keriso so whįpaae aseýóló farale fo

¹ “Sardis be huluamó betó mole Keriso so whį tao sópóló dotęyale *ensel*-paae i fo aseýóló falae.

Kótóné węikeró kepe tawóo, węikeró hęrerape tawóo, ere whįné dere fo i ape. Diąné du betere ala yąło kolóló kisiparapó. Mepaae so whįné dią kil-ituraalu, i Keriso faketa, Kótóné ala eraai noke fini, mo doa ketekę bulapóló dukiróturaalu, diaaq doi só kutu beterepó. Téretei dią yąło keletepa sukąle whį aąrapó. ² Dią fire whįrape-ó, turukó horóló betae! Diaaq du betale wisi ala fea sisiraae fóló betą betą betereitei felekemó sukąai dapa, fotokų buóló daayae. Ti noatepae, ę tęteróló kaae tare Kótóné keletómó diaaq erótu betere ala mo turó kemeróló, ama muló betere dąlemó sókó fenipó. ³ Térapa, diąné take wosóló tuęre fo kisipa muae. Ai fo aqmó sukóló bitu, kisipa feteyóló ai

fo sya fóló erótu betae. Ę waaire be de dią kisipani, mokųleyaa yóló betó mupa, ę ọlémi nokole whį kaae, sókó waalo ai ape.

⁴ Téyaalotei, dią Sardis bemó betere whįrape kuamó betą betą so whįné deró betere kuti mo wisiyóló kaae tare tikimó, bólukélé inipó. Ai whįrapeta, dęi kuti deróló ętamo kwęyaalopó. Ti noatepae, atima dere ala wisireteiné ai ala yaaire mo sųrapó. ⁵ Whį me de tų wisipaae faai fenalemó, sesé depakélé hepée taae faróló wale whįta, ti u kale so whįné deró betere dęi kuti kaaetóro deraalo ai ape. Ai whįné ama doita, mo titóro betó tare *buk*-mó moletei yąło helekųkélé yaalo meipó. Tényi, yąło Ayaró ama *ensel*-rapetamoné keletómó daalu, ita yąło whįpóló, yó melaalopó. ⁶ Mepaae whį de wosęli daapa, ti kale Dęi Kepe Wisiné Keriso fakerapepaae du betere fo wosóló tuę muópoló yae,” yalepó.

Filadelpia Keriso so whįpaae aseýóló farale fo

⁷ “Filadelpia be huluamó betó mole Keriso so whį tao sópóló dotęyale *ensel*-paae i fo aseýóló falae.

I dere fota mo fo bete Tale dowi ala betąkélé muni, kae betere sekęné dapó. Take betale whį Depit-né *ki* mió yąło i tare ape. Yąło kinatere tų me whįné tukųyóo, yąło tukwę mulatere tų mené kinóo, enénipó. ⁸ Diaaq du betere ala yąło kisiparapó. Dią faaire tų yąło ai tukwę muló betera kela. Ai tųta, whį mené kinatere alakélé mo enénipó. Dią fotokų sawa bulutei, yąło fo hąle eró tarapó. Téru, mepaae so whįné yąło doi yóló, dią Talené so whįé yóló wosetepa, diąné meipó initeretei yąło mo kisiparapó. ⁹ Mepaae whį atimata, Juda fakepó du betepatei, Juda fake mei, kapala fo du beteraapó. Ai so whįta, dowi Satan-né fo wosetere fake ai ape. Atima dią beterepaae wóló, diaaq hó aqmó deraapisa fóló fió muluraalu, i so whįta Yesuné yaala sókó fole ala mulapó yópoló, dere ala yąło eraalopó. ¹⁰ Yąło diąpaae sekęi ala wapakélé hąle

eró tawae yale fo diaaę wosóló eró tawalepó. Téyaleteiné i haemó betó mole so whį fea sų sóró kęae keletere sekę wale sukamó, diępaae waęsóró yęło sesé yaalopó.

¹¹ Ę mo felekemó walapó. Bóe dóló tęteratere whįné sere topo tao diaaę saairetei, mené saęsóró dięné tęteróló kaae tanópóló male ęła wisi mo hotowayóló kae tawae. ¹² Whį me de tų wisipaae faai fenalemó, sesé depakélé hepée taae faróló wapa, ti atétere whį ę tęteróló kaae tare Kótóné momatere be hulua eleké sų deyaalopó. Atétere sekę ą ai be taaróló fókélé mo yaalomeipó. Ai whįné tikimó ę tęteróló kaae tare Kótóné doiró ama be hulua doitamo aseyaalopó. Ti ai be hulua doita, kisi Jerusalem-pó. Ai be huluata, ę tęteróló kaae tare Kótó betere hepen be taaróló, dorowaalo ai ape. Ai whįné tikimó yęło kisi doikélé aseyaalopó. ¹³ Mepaae whį de wosęli daapa, ti kale Dęi Kepe Wisiné Keriso fakerapepaae i dere fo wosóló tuę muępóló yae,” yalepó.

Laodisia Keriso so whįpaae aseyóló far-ale fo

¹⁴ “Laodisia be huluamó betó mole Keriso so whį tao sępóló dotonale *enselpaae* i fo aseyóló falae.

I dere fota, Mo kée, téyępóló yae! dere bete Tale bitu, mo ala yó taruraalu, ama kelale ala i ape yóló hąkearóló yó mótu beteraępó. ąta, Kótóné aleyóló muló betere ęła ęła fea tęteróló kaae tare sekéné dapa wosae. ¹⁵ Dięné du betere alata yęło tuęretei, sirii ala ó supui ala meiyóló, hęle tuęmó beteraępó. Ai tamo ala me taaróló betę alatóró uęsóró ti mo wisi wuępó. ¹⁶ Ti dięta, supukélé meiyóo, sirikélé meiyóo, yóló hį fale ęła kaae epa kilitu, yęło kęlómó hamuóló soraae falatere ęła kaae soraae faraalo ai ape. ¹⁷ Dięné duraalu, ‘Dęta, wisi wisi ęła mole néli whį betereiteiné mo betę ęlakélé yęęęnipó,’ dua dapó. Téretei, Tale Kótóné dię keletepa, mo sonaalei so whį betepa kilitu, kęlerapó du beteraępó. Dięta, yolealere alakélé, kele dilikire alakélé tiki daapi hęle betere alakélé,

epatei, diaaę kisipané wisire nisi dapó. ¹⁸ Yęło i dere ma fo wisi wosóló, i sore ęła dięné ętamo dupu yae. Siné biliyaetikimó wisiyóló sókó wale *kold kapa* supa, ti dię mo doasi néli whį betaalo ai ape. Dię tiki hęleretei, kinóló dęi kuti sóró bukae. Diaaę kele dilikiretei wisiyępóló, yęło i tare *mula mula* sóró dilae.

¹⁹ Yęło yaala sókó fale so whį atima kae kae dowi ala depa kilitu, tų wisipaae fępóló donoróturaalu, yęło atima foné sóró dekésu beteraępó. Térapa, yęło diępaae dowi ala taalae du betere fo mopóló, tuę tiki feteyóló Tale Kótóné alamó ketekę buóló betae. ²⁰ Ęta, tų sókó walemó daalu, tų du beteraępó. Whį me denétamo yęło dere fo wosóló tų tukutepa, ti ę ą betere tuępaae wóló, ętamo ęła betęmó nóo, ąkélé ętamo ęła betęmó nóo, yaalo ai ape.

²¹ Ę tų wisipaae folemó sekęi alané sesé depatei, hepée taae faróló, yęło Ayané tęteróló kaae tare tikimó ętamó betęmó betalepó. Atére kaae, diękélé tų wisipaae fole ala kilitu sesé depatei, hepée taae faróló wapa, ti yęło tęteróló kae tare tikimó ętamo betęmó sóró beteraalopó. ²² Mepaae whį de wosęli daapa, ti kale Dęi Kepe Wisiné Keriso fakerapepaae i dere fo feané wosóló tuę muępóló yae,” yalepó.

4

Hepen-mó tęteróló kaae tare tiki

¹ Ai alarape yóló kemetepa kelalemó, hepen be tų tukwę fóló molepó. Atéru, folosóró ukulumó wuti hale kaae yóló fo yale whįnétoró ępaae duraalu “Yę ipaae holae yalepó. Yę hotopa, ti i alarape yóló kemene fupa, nalo yaaire ala yęło yępaae yó melaalopó,” yalepó. ² Tétepa, mo ai fapotóró Dęi Kepe Wisiné ę fotokęratepa kelalemó, hepen bemó ę daalepaae anóló, tęteróló kaae tare topo whį betere *sea* tómó doasi betereępó. ³ Ai *seamó* betere doasi kolóló, *jasparó kanilian* kanetamoné kasa kasa kaae ere doasi betereępó. Ti ai sekę ą betere tikita, sikipa douné

bopéró beterepó. Ai sikipa douąta, *emerald* kane kasa kasa kaae epa kelalepó. ⁴ Kale tẹteróló kaae tare doasi betere tiki bopéróló, 24 whį disirape 24 *sea* dokoyóló betó molepó. Ai sekẹrape atimané deró betere kutita, mo deį wisinaale deróo, atimané topomókélé tẹteróló kaae tare doasiné deró betere *kold kapané* aleale topo tao deróo epa kelalepó. ⁵ Ai kale doasi betere tikimó epée fitąa duraalu, be sapalaa yóo, tẹteróló kaae tare doasiné kutiríró beterepaae anóló, wẹikeró są dirirape dó diliki yóo, erepó. Ai są dirirapeta, Kótóné wẹikeró keperapepó. ⁶ Atéró kelalemó, kale tẹteróló kaae tare *sea* mole hosaamó wẹi kẹla wisinaale belerepó. Ai wẹita, *klas* kasa kasa kaae erepó.

Kale tẹteróló kaae tare doasi betere tuąmó, Kótóné aleale douřó betere ọlarape ai doasi bopéróló betó molepó. Ai kale douřó betere ọlané tikimó hosaa-paaekélé sisópaaekélé mo fea keletóró daae molepó. ⁷ Kale douřó betere ọlarapené ere ala i ape. Kolosale ọlata, ti *laiyon* kaae beterepó. Kolosale noma ọla ti hae dukįyaaı só kotere *bulmakau* wą hupu kaae beterepó. Dou noma ti whįné kelepa kaae daai ọla beterepó. Dou ti sikimó sẹ kotere ba dukaa kaae beterepó. ⁸ Ai douřó ọlarape atima dokọ fea baase apomiró daalepó. Atimané tikimó ere kaae baase aqrókélé keletóró daae molepó. Ti ai sekẹrape atima deątamokélé dikitamokélé etei fo hąle yótóró tarapó.

“Mo doasi fotokọ bole mo kae betere Tale Kótó ą take biteré wóo, miókélé, nalo waaire alimókélé ątóró hąle betó tawaalopó fo,”

momó du momó du, du betalepó. ⁹ Ai douřó betere ọlarape atima kale tẹteróló kaae tare doasi betere tikimó bitu ama ere doakale doi mole Talepae mo kée yóló dukiraterere fo du betepa, kale tẹteróló kaae tare 24 whį disirapekélé i ala dua dapó. Atima betere searape taaróló, haemó deraapisa fóló mulu, kale tẹteróló kaae tare doasi betere tikimó mo ti betó tare Talepaae mo kée yóló, ą aqmó sukóló bitua dapó. ¹⁰ Ai 24 whį disirape ati-

mané deró betere topo taorape sókó su yóló, tẹteróló kaae tare doasi betere tiki felekemó mulóló duraalu,

¹¹ “Da tẹteróló kaae tare Tale Kótóo, fea ọla naaotóró aleyóló muló beterepó.

Aita naao kisipa mole alatoró sya furaalu, kaaró betereiteiné takekélé miókélé, atima hąle betó tarapó.

Naao fotokọné ai alarape epa ą doasi doi mulatere alakélé, naao doi hale horatere alakélé, dąné ąpaae mo sųmó eranérápó,” dua dapó.

5

Bopeyóló muló betere asẹre sókuró Sipsip hupu maletamomó ere fo

¹ Téro ąlọ kelalemó, kale tẹteróló kaae tare doasi ą seamó bitu, betą bopeyóló mole sóku utékélé itékélé asẹretei, ama turu naasené tarepó. Ai asẹ mo whįné kelaqsóró, kinóló wẹikeró diriį ọlané diriróló datekąró betepa kelalepó. ² Atépa, mo doakale fotokọ bole *ensel*-né fo fakeyóló duraalu, “I bopeyóló mole asẹ datekąró betere ọlarape mé whįné dąayóló teraanére?” yalepó. ³ Térené ó hepen bemókélé, i haemókélé, hae aqrókélé, ai bopeyóló muló betereitei teraayóo, u tuąmó asẹyóló mole fokélé kolóo yaaire whį mo betąkókélé bitinipó. ⁴ Kale bopeyóló muló betere ọla teraayóo, tuąmó asẹyóló muló betere fo kolóo, yaai sųre whį mo betąkélé bitinipa kilitu, ẹ dekené sini wole du betalepó. ⁵ Atétu betalemó, kale whį disirapekó betąné ẹpaae duraalu, “Wolekesé. Juda fake tuąmó wale *Laiyon*-ta, Depit kaayale bete ai walapa kelae. Ai sekẹné ama bóe whį dóló tẹteró betereiteiné kale bopeyóló mole asẹ datekąró betere wẹikeró ọlarape ama betą sųmó tukóló dąanérápó,” yalepó.

⁶ Atétepa kelalemó, betą *sipsip* hupu male tẹteróló kaae tare doasi betere tuąmó daalepó. Ai *sipsip* hupu maleta, whįné daletikimó sukąle nisi erepó. ą doasi betere tuą dolomó, kale douřó betere ọlaraperó 24 whį disirapeta-moné ą bopéróló daae molepó. Ai tuąmó daale *Sipsip* hupu malené topomó

weikeró sekéro weikeró kelerapetamo daae molepó. Ai sekéro keperapetamota, Kótóné i hae kwiamó betó mole so whįpaae dotonale weikeró keperapepó. ⁷ Ai seké ą wóló, kale bopeyóló muló betere asęre sóku, kale tęteróló kaae tare tikimó betere doasiné turu naasené tapa salepó. ⁸ Kale sekéné asęre sóku sóró tapa kilitu, douřó betere ęlaraperó kale tęteróló kaae tare 24 whį disirapetamo atima kale *Sipsip* hupu male daale felekemó deraapisa fóló fió molepó. Ai whįrape atima dokę feané *kita* kaae ęla *harp* tawóo *kold kapané* aleale okopoi nukurape tawóo, erepó. Ai nukurape tómó simó bilitepa felé ęęlaa wisi wale ęlarape belerepó. Ti ai felé ęęlaa wisi wale ęlata, Kótóné ama so whįpóló kae betero betere so whįné momatere fopó. ⁹ Téro atimané kisi wole foné duraalu, “Yąta, ai bopeyóló muló betere asęre sóku teraayaaire mo sųrapó.

Ti noatepae, yą dupa sókó fele sameané Kótóné so whį beteraai, kae kae fakekélé, kae kae be fo bole so whįkélé, kae kae tiki daale so whįkélé, kae kae *Gavman*-né tęteróló kaae tare so whįkélé, i dosąayale fakerape tuąmó mepaae so whį naao sameané dupuralepó.

¹⁰ Naao dupurale so whį atimata, Kótóné tęteróló kaae tare aąmó betóo, Kótóné ala eróturaalu moma yóo, yópóló naaotei sóró beteralepó.

Atýyale so whį atimané i hae kwia fea tęteróló kaae tawaalo ai ape,” yalepó.

¹¹ Téro yąlo kelalemó, kale doasi betere *sea* bopéroló douřó betere ęlarape daayóo, ai sisómó 24 whį disirape daayóo, ai tę faróló *ensel*-rape mo ni sóku kaae (100,000,000) wó mulu, i wole fo du betepa wosalepó.

¹² “Tęteróló kaae tare fotokękélé, mepaae wisi wisi ęlakélé, fosó fosói kisi-pakélé, fotokękélé, doasi doi mole alakélé, ama ere ala wisi hąkearatereteikélé, ama doi sóró horatere alakélé, fea ęané ąpaae eratepa, kale dale *Sipsip* hupu

malené mo sųmó senérapó,” du betalepó.

¹³ Téro, Kótóné hepen bemó aleyóló muló betere ęlakélé, i hae tómó betó mole ęlakélé, hae aąró betó mole ęlarapekélé, weį tuąmó betó mole ęlarape feané kóló betąpaae touróló i wole fo du betepa yąlo wosalepó.

“Kale tęteróló kaae tare *seamó* betere sekéro *Sipsip* hupu maletamo dukiróló hale horatere alakélé, doasi doi mulatere alakélé, ama ere ala wisi hąkearaterere alakélé, fotokę bole alakélé, betere dokę fea atimaamopaae eraté fu beteroóló yae!” du betalepó.

¹⁴ Atétu betepa, kale douřó betere ęlarapené duraalu, “Mó kée, týyóóló yae,” fo dekeró yó tawalepó. Atimané ai fo depa, kale 24 whį disirape deraapisa fóló mulu, Talené doi sóró horótu betalepó.

6

Diriróló kinó betere ęlarape

¹ Téro, kale *Sipsip* hupu malené bopeyóló mole asęre sóku diriróló kinó betere weįkeró ęla betą tukóló teraatepa kaae taremó, ai douřó betere ęlakó betąné “Ape!” dere fo be sapalaa dere kaae yalepó. ² Atétepa kelalemó, betą deį *hos* hupu ę daalepaae anóló mo tumó daalepó. Ai *hos* hupu tómó betere whįné diki tawóo, doasi tęteróló kaae tare whįné deratene topo tao mené ą maletei deróo erepó. Atéro deróló, bóe whį dóló torokę falaai mo doakale ketekę buló felepó.

³ Kale *Sipsip* hupu malené kolosale noma kinóló datekąró betere ęla tukóló dąyalemó, kale kolosale noma betere ęlané, “Ape!” yalepó. ⁴ Téro me *hos* hupu sókó wapa kelalemó, mo si mi sonaa kaae erepó. Ai hupu tómó betóló wale whįpaae, i haemó mole so whį hosaa muni deyóló dua betere ala fasó sóró, bóe dóló u du i du yópóló, mené fotokę ąmó malepó. Téturaalu, ąpaae doasi bóe dele sepakekélé mené melalepó.

⁵ Téro, kale *Sipsip* hupu malené douřó noma ęla tukóló dąyalemó, kale douřó noma betere ęlané duraalu, “Ape!”

yalepó. Atétepa kaae taremó, dilikii *hos* hupu wóló ę daalepaae anóló daalu, betą sekę dąle sere ęla *skel* tarepó. ⁶ Atétepa, ęło wosalemó, kale douřó betere ęlarape kuamó whjné fo kaae yóló duraalu, “Betą whj betą be dęmó kutó diteremó sere *moniné whit* o betą *lita ó bali* o sore *lita* wuti senérapó. Térapa, nokole *Olip wel* węřó *wain* węřitamo betą doraęsóró hotowaró kaae tawae,” yalepó.

⁷ Téro, kale *Sipsip* hupu malené dou kinó betere ęla tukóló teraatepa kaae taremó, dou betere ęlané duraalu, “Ape!” yalepó. ⁸ Atétepa kelalemó, ę daalepaae anóló betą sini tiki daale *hos* hupu daalepó. Ai *hos* hupu tómóta, sukutere ala bete tare whj beterepó. Ai *hos*-né sisómó sukutere ala betepa, ai hupuné křimó sukutere so whj betere tiki ama doi *Hedis* wou betalepó. Ai whj tamopaae, hae kwia feamó betóló fale so whj dǒpóló fotokę bulalepó. Ti so whj daaireteita, atimaamoné bóe dele sepakenékélé, wote alinékelé, doakale hepó alinékelé, i haemó betó mole syaae kaae ęlanékélé, dilé kwęyǒpóló fotokę sýmó melalepó. Atéro dilé kuturaalu, douřó fake betereitei betą fake duraalu, sore fake beterepóló taaraalopó. I hae kwia feamó betóló fale so whj atéro dilé kwęyóló kemerae, yóló fotokę sýmó matepa tarepó.

⁹ Téro kale *Sipsip* hupu malené apo kinó betere ęla tukóló teraatepa kaae taremó, momatere kapo daale aęmó keperape betó mupa kelalepó. Ai keperapeta, Kótóné fo yó matere alaró Yesu Kerišo etei kaae Talepóló yó matere alatamo deremó, mepaae whjné dale keperapó. ¹⁰ Ai sekęrape atimané fo fake yóló duraalu, “Mo fo ęanuraalu betere bete tale bitu, fea ala tęteróló kaae tare Tale-ó, i haemó betó mole so whjné dowi alaró dą duraalu sókó farale sameatamomó tale yóló kwia melaaire be dę wǒpóló meteró felimó kaae tawóló betaalóé?” yalepó. ¹¹ Atéro atima dokę feamó deróló sókó fatere dęi kuti melóló duraalu, “Dią betą kutó diratere norape atimakélé mené dǒpóló sawa kaae tawae. Ti noatepae, i dosąayale daaire whjrape fea sýmó dóló kemeréni teópó,”

yalepó.

¹² ęło kaae taremó, apomiró datekąřó betere ęla tukóló teraayalepó. Atéro teraateremó, doakale bao yóló, suka mo ti diliki yóo, wéliékélé mo samea betąae fo erepó. ¹³ Sąmó daae mole hęrerapekélé, doakale besęné nose du hara torokó derótu dere kaae torokó deralepó. ¹⁴ Sąta, ašetere sóku bopetu dere kaae bopeté fóló alune felepó. Hae kwia feamó daae mole hasi fosórapekélé, węřiné tukóló bopéro betere haerapekélé, daale tiki taaróló, kae tikipaae daane felepó.

¹⁵ Hae kwia fea tęteróló kaae tare topo whjrapekélé, atima betale sirimó betaaire naalerapekélé, diki tare whjrape tęteróló kaae tare topo whjrapekélé, néli whjrapekélé, bóe dele fotokę bole whjrapekélé, wae sóró beteratere whjrapekélé, kęleaané betó mole whjkelé, kapo dolopaae hyǒ muni fóo, kapo beléli dolopaae hyǒ muni fóo yalepó. ¹⁶ Atima atéro fóló bituraalu, hasi fosópaekélé, kapo fakepaekélé duraalu, “Kolokó dorowouraalu dą tęiyane dere ape. Ti noatepae, tęteróló kaae tare tikimó betere sekęné kelepaařó *Sipsip* hupu maaletamoné fopaae bole alatamo dąné kelaęsóró kinae. ¹⁷ Ti noatepa meipó. Atimaamoné doakale fopaae butu kwia matere be dę ai sókó wale ape. Atétere be dęmó de daanére? Mo daayókélé enénipa wiyae,” du betalepó.

7

144,000 so whj sirirale fo

¹ Ai ala yóló křilipaae i douřó hae kwiamó douřó *ensel* dokę yóló daapa kelalepó. Atéro daalu, haepaaekélé, doasi węi kęlapaaekélé, besę tiki waęsóró, atima dokę feané sesętu beterepó. ²⁻³ Atéro, *ensel* me kae suka hoteró ę daalepaae wou betepa kelalepó. Ai *ensel*-né mo ti betere Kótóné siriró betere ęla tarepó. Ai *ensel*-né haekélé, węi kęlakélé, doraaire fotokę bole douřó *ensel*-rapepaae fo fakeyóló duraalu, “Kótóné kutó diratere so whjné kutirimó siripi eraaipa, hae tikikélé, węi kęlakélé, nirapekélé, hapale doréni kaae

tawae,” yalepó. ⁴ Ai sirirale so whi dosąatepa yąło wosaletai i ape. 144,000 so whi,ta, Israel fakerapetórótipó.

⁵⁻⁸ Juda fake dosąayóló sirirale so whi dokó sóró touróturaalu 12,000-rópó.

Ruben-né fake touróturaalu 12,000,
Kad-né fake touróturaalu 12,000,
Aser-né fake touróturaalu 12,000,
Naptaliné fake touróturaalu 12,000,
Manasené fake touróturaalu 12,000,
Simeon-né fake touróturaalu 12,000,
Lipainé fake touróturaalu 12,000,
Isakar-né fake touróturaalu 12,000,
Sepulun-né fake touróturaalu 12,000,
Josep-né fake touróturaalu 12,000,
Benjamin-né fake touróturaalu
12,000-rópó.

So whi hąle ąla kaae deji kuti deróló daae mole fo

⁹ Ai ala yóló kemetepa kese faralemó, so whi mo hąle ąla kaae daae molepó. Ai daae mole so whi,ta, betą be hulu-amó maaté wenipó. Kae kae *Gavman*-né tẹteróló kaae tare so whikélé, kae kae tiki daale so whikélé, kae kae be fo bole so whikélé, kae kae fake so whikélé, kale tẹteróló kaae tare tikimó mole *searó Sipsip* hupu maletamo betere hosaamó daae mupa kelalepó. Atéró daae mulu, deji deróló sókó fatere kutirape deróo, olóu dąarape tawóo erepó. ¹⁰ Téró, ai daae mole so whiné doasi fo fakeyóló duraalu, “Tẹteróló kaae tare *seamó* betere Kótóró *Sipsip* hupu maletamoné dą mo ti aluyaqsóro tao su betere beteta, mo atimaamotórótipó,” yalepó.

¹¹ Ai daae mole *ensel*-rape fea, tẹteróló kaae tare doasi betere tikikélé, kale whi disirapekélé, kale douro betere ąlarapekélé, bopéróló daae molepó. Tẹteróló kaae tare doasi betere *sea* molepaae fetée fóló, Kótó betere aqmó deraapisa fóló fió mulu duraalu,

¹² “Mo dapó.

Téyóppóló yae! yóló, hale sóró horatere alakélé, mo deji ala wisikélé, tué tiki fosó fosó yóló dotoróę fole alakélé, mo kée du betere alakélé, doakale doi mulóppóló du betere alakélé,

fea ala yaaire fotokó sumó bole alakélé dą tẹteróló kaae tare Kótópaae betere dokó fea yó tanóppóló yae.

Mo kée. Téyóppóló yae!” du betalepó.

¹³ Téró, kale tẹteróló kaae diliki yó mole whi disirapekó betané ępaae woseturaalu, “I deji fọlo kuti deró betere so whirape-a, demaaté? Mopaae wale so whié?” yóló wosalepó.

¹⁴ Ti fo depa yąło ąpaae tokó mótu duraalu, “Doa whi-ó, naao ai tuęre ape,” depa, kale sekéné ępaae duraalu, “I daae mole so whi atimata, doasi sekęi ala hąle beleté waleteiné atima deró betere kutikélé *Sipsip* hupu male sameané fokale tikimó mo deji ai erapa kelere? ¹⁵ Atéyale tikimó,

“Tẹteróló kaae tare Kótó ama *seamó* betepa, atima ą beterepaae kese anóló bitu, ama momatere bemó mole ala dętamokélé, dikitamokélé, hąle erótu betera póló. Até du betepa, tẹteróló kaae tare doasi ą betere tikimó bituraalu, ama atima wisiyóló betero póló, kuti be tẹnótu betaalopó.

¹⁶ Atéru, wote dere alaró węi nokole dere alatamo momó kae yaalomei ai ape. Suka supunékélé, mo hąle supunékélé atimané tiki mo doraalomeipó.

¹⁷ Ti noatepae, tẹteróló kaae tare doasi betere tuąmó daale *Sipsip* hupu maleta, hupu kaae tare whiné dere kaae, atima mo wisi yóló kaae tarapó.

Atima dape sóró mo ti betere bete tuąmó wó tare węi nópóló ąlisóro faalo ai ape.

Atéró betepa, Kótóné atima kelemó dorowou betere wole kaae fea helekóló kópuraalopó,” yalepó.

8

Węike diriróló kinó betere ąla tukóló teraayale fo

¹ Téró, kale *Sipsip* hupu malené kinó betere węike ąla tukóló teraayalemó, ó hepen bemó fo mo sawakélé ini, hąle hipa fi betepa suka kele 30-*minit* kemeyalepó.

² Atępa kelalemó, Kótó betere felekemó daae mole węikeró *ensel*-rapepaae ukulumó wuti betą betą yóló melalepó.

³ Atéró kelalemó, me *ensel*-né *kold kapané* aleale okopoi nuku tarepó. Ai nuku tómóta, felé kęlaa wale fetera kaae ęła belerótua dapó. Ai ęła só wóló, simó sukųlaa daróló momatere tikimó daapa, si keletómó biliratepa felé kęlaa wisi wale ęła mené ąpaae mo dekéró malepó. Ai felé kęlaa wale ęlaró Talené kae beteró betere so whjné dere momatamo touróló, doasi betere *sea* molepaae anóló, *kold kapané* aleale momatere tikimó, Talepaae melaai sóró walepó. ⁴ Téró, kale felé kęlaa wisi sukuli kaae, *ensel*-né naase taaróló, Kótó beterepaae holalepó. ⁵ Téró, kale *ensel*-né okopoi nuku taruraalu, kale momatere tikimó duku betere si kelerape kęae sóró nuku ąanóló, i haepaae taae deralepó. Téyalemó, epée fitąa yóo, doasi be sapalaa dorowóo, bao doasi yóo yalepó.

Kale węikeró ukulumó wutirapené haleraletei

⁶ Węikeró *ensel*-rape ukulumó wuti haleraai donoróló daae molepó.

⁷ Kale kolosale *ensel*-né ama ukulumó wuti haleralemó, hali *aıs* kane kaae alée fóló dorowóo, simiró sameatamo hosekųyóló dorowóo, yalepó. Atęyaleteiné hae kwia sore moletei betą siné dukuraalu, tamo hae kwia hęle muni felepó. Nirapekélé atétóro yalepó. Nerapeta, fea siné doló sukųlaa dalepó.

⁸ Téró, kale kolosale noma *ensel*-né ama ukulumó wuti haleralemó, doasi hasi fosó kaae ęła siné doló kuló di węi kęla tópaae taae deralepó. Atęyalemó, ai węi kęla sore maanetei, tamo hęle belene furaalu, betą samea alée felepó. ⁹ Węi kęla tuąmó sore betere ęła fake betą dóló sukunóturaalu tamo betępa taaralepo. Doasi węi tómó kotere nukukélé tamo mupa taalóturaalu betą fake doralepó.

¹⁰ Téró, dou noma *ensel*-né ama ukulumó wuti haleralemó, ąamó daale doasi hęre betą i haepaae si kaae dukulé dorowóló, doasi fole węiró ąmale węitamo tópaae dorowalepó. Atęyale tikimó, sore fake maanetei betą fake doróturaalu,

tamo taaralepó. ¹¹ Ai dorowale hęrené doita, Hakesąapó. Ai hakesąare węirape nale tikimó, mo dekéró so whj sisiraae felepó.

¹² Téró, kale dou *ensel*-né ama ukulumó wuti haleralemó, suka ke sore fake dęretei, betą fake dalemó dilikiyalepó. Hęrekélé, wéliékélé atétóro yalepó. Be dętamokélé tamo fake dępatei, betą fake dilikiyóo, dikitamokélé, tamo fake sawa dępatei, betą fake mo ti diliki yóo yalepó.

¹³ Téró, yąlo kaae tapatei, betą dukaa ó są tuąmó sę kutu bitu fo fakeyóló duraalu, “Kale hęle biųi fale sore *ensel*-né ukulumó wuti haletępa, i haemó betó mole so whjpaae sekei ala wairemó mo doasi, ‘Wió yae! Wió yae!’ I haemó betó mole so whjrape-ó, dią mo wió yae!” du betalepó.

9

¹ Téró, kale apo *ensel*-né ama ukulumó wuti haleralemó, take ó ąamó i haepaae tokó dorowale hęrepaae mo apaae derepale wosono dolo tu *ki* mené ąpaae matepa kelalepó. ² Téró, ai sekéné mo apaae derepale wosono dolo tukųyalemó, kutó néli bilitepa, hotere sukuli kaae sokalepó. Atéró holale sukuliné sukaró sątamo kinóló, be mo dilikiyalepó. ³ Téró ai sukuli dolomó, ero nusurape haepaae dorowalepó. Atimané whj tukó nukupa dotopo dęretei, tę serekené tukó nukupa dere kaae yópóló, mené ą doasi fotokę melalepó. ⁴ Ai erorapepaae i fo yóló mulalepó. “I haemó yó mole nerape ó mępaae ere ęlarape ó nirape momókó doraęse. I hae kwiamó betere atima kutirimó Kótóné siri erénire so whj maaté tukó nae,” yóló mulalepó. ⁵ Ai ero nusupaae melale fotokęta, so whj mo ti sukópóló tukó neni, doasi dele sóró kaketu beterópóló, aporó wéliémó tuąmó turukóló nukulé fu betae. Atętepa, dere dotopota, tę serekené tukó nukupa, dere kaae yaalopó. ⁶ Atętere sukamó, so whj fea sukąaitere tu kekąalotei, sukutere ala kelaaolomeipó. Atima mo ti sukunée deté fu betaalotei, ai tuąmó sukutere ala mo muaalomeipó.

⁷ Téro, kale ero nusurape kelalemó, bóe dęle faairaalu, *hos* hupurape donoróló biture kaae erepó. Atimané topomóta, kale tęteróló kaae tare doasiné deró betere *kold kapané* aleale topo tao kaae deróo, atimané kelepaakélé mo whinė kelepaa kaae daayóo erepó. ⁸ Téro kale ero nusurapené topo nikiakélé, sorapené niki kaae daayóo, atimané sekékélé *laiyonné* seké kaae daayóo epa kelalepó. ⁹ Atimané bopémó yale sene waqsóro, *aiyon kapa* wase kaae dakeró beterepó. Atima burą furaalu dere sépi haleta, *hos* hupuraperó atimané sįyóló só kotere ęlatamo bóe daai furaalu, dere diri fake hale kaae yalepó. ¹⁰ Atima disalené whį tukó nukupa dere dotopota, tų serekené tukó nukupa dere kaae dapó. Atimané so whį tukó nukuraalu, fę dée daalaterere dotopomó kaketé fu betepatei, wélié aporó kemeyaalpó. ¹¹ Atima tęteróló kaae tare topo whįta, mo apaae derepale wosono dolomó betere *ensel* daalapó. Ai *ensel*-né ama doi Hibru foné Apadonipó. Krik foné Apolionipó.

¹² Folosóro waaire sekémó, wió yae yale ala kemeyalepó. Tépatei, tamo waai hąle mulapó.

¹³ Téro kale apomi *ensel*-né ama ukulumó wuti haleralemó, Kótó betere felekemó *kold kapané* aleale momaterere tiki kwia dokómó daaté fale sekęrapemó sókó wale fota, mo whinė dere fo kaae depa wosalepó. ¹⁴ Atéro yale foné kale ukulumó wuti tare apomi *ensel*-paae duraalu, “Kale doasi Yupretis fole węimó dokóló muló betere douřó *ensel*-rape hąle fųpóló sókó daalae,” yalepó. ¹⁵ Atima ai douřó *ensel*-rapeta, ba fomókélé, wéliémókélé, be dęmókélé, sukakelemókélé, mo tukóló mulóló donoró betere be dęmótóro i hae kwiamó betó mole so whį sore fake beteretei, betą fake dųpóló dotonalepó. ¹⁶ Atéro, bóe daai kale *hos* hupu tómó betóló fele whįrape fea, dokų sóro touróturaalu, 200 *milion*-pó (200,000,000) depa wosalepó.

¹⁷ Yąlo nokenaró dere kaaené i ala epa kelalepó. Kale *hos* hupu tómó betó mole whįrape atima bopémó sere bóe wase mo si kele kaae sonaa yóo, mepaae sukutą

yóo, mepaae ti *sulpa* kaae, whé yóo, erepó. Ai *hos* hupuné topota, mo *laiyonné* topo kaae daalepó. Ai hupurapené kųlómó, simiró sukulitamokélé, si dokole kane *sulpa*-kélé atimané kųlómó sókó walepó. ¹⁸ Ai sore ęlarape atimané kųlómó sókó wouraalu, i haemó betó mole so whį sore fake beteretei tamo taaróló, betą fake dóló kemeralepó. ¹⁹ Ai *hos* hupurape atimané fotokęta, kųlóró disaletamomó bulapó. Atimané disalerape mo wuli tiki kaae daalu, ama disale kwiamó topo daalapó. Ainé so whį tukó nukupa, doasi dele sua dapó.

²⁰ Kale whį dele ęlané dóló mepaae taarale so whį atima naasené aleale kapala kótópaae tuę tiki tiratere ala taaréni, hąle yó tarepó. Ti ai kapala kótórapeta, *kold kapanékélé*, *silpa kapakélé*, *brons kapanékélé*, mo kaponékélé, ninékélé, aleyóló daaló betepatei, atima kotere ala ó, wosetere ala ó, keleterere alamo dumipó. ²¹ Atimané whį dele alakélé, kae kae hosų fokélé, nópu nokole alakélé, ęlémi nokole alakélé fea taaróló kisipa feteni, hąle yó tarepó.

10

Aşere sóku belekąa male doasi fotokų bole ensel-né dąae faróló tare fo

¹ Téro, me doasi fotokų bole *ensel* hepen be taaróló, i haepaae dorowou betepa yąlo kelalepó. Ai sekéne ama kutita, mo sąkotóro deróo, ama topo tó sikimó sikipa douř filipaa yóo, ama kelepaakélé, mo suka dę kaae yóo, ama hęleke tamokélé, doasi ni tikimó si dukutere kaae dó tawóo erepó.

² Ai sekéne ama naasené belekąamale aşere sóku dąae faróló tarepó. Ama turu hęleke doasi węi kęla tómó daalóo, fę hęleke hae tómó daalóo epa kelalepó.

³ Atéro, ai sekéne ama dere fo faketa, *laiyon*-né keterę kaae yalepó. Ama atéro fo faketeremó, węikeró be sapalaané whinė fo kaae depa wosalepó. ⁴ Atéro węikeró be sapalaané yale fo yąlo aşę yaai yalemó, ó hepen bemó sókó wale foné duraalu, “Kale węikeró be sapalaané yale fo aşęni kinae,” yalepó.

⁵ Take me hąleke węi kęła tómó daalóo, me hąleke hae tómó daalóo, epa kelale *ensel*-né ama turu naase ó hepen-paae horó beterepó. ⁶ Atéru, sąró hepen-tamokélé, haekélé, węi kęlakélé, ai sore tikimó ere ala ó mole ąlatamo, fea aleyale mo ti betó tare Talené doi yóló malotu duraalu, “Kaae taté fole ala momó kae yaalomeipó. ⁷ Tépatei, nalo kale węike *ensel*-né ama ukulumó wuti hale yaaire be dę teópa kaae taru, i ala yaalopó. Kótóné kinóló mole ala i ape yóló ama kutó diratere kóló whįrapepaae deté wale fo dokonóturaalu, mo eróló kemeraalopó,” yalepó.

⁸ Téró, take hepen bemó sókó wapa wosale fonétei ępaae momó duraalu, “Kale węi kęlaró haetamomó hó daaló betere *ensel*-né dęae faróló tare asęre sóku sene fae,” yalepó.

⁹ Atétepa, ę kale *ensel* daalepaae fóló, naao ai tare asęre sóku kwia sawakó ęmale melaaloé yóló wosalepó. Tétepa ępaae duraalu, “Tao sóró nae. Atéró nukupa, naao kólómóta, meke fę felé kaae yaalotei, depe tuąmó feléni doyaalopó,” yalepó.

¹⁰ Atétepa, kale asęre sóku sawatamo ama naasené tapa, ąło tao sóró nalemó, kólómó meke fę felé kaae yaletei, depe tuąpaae bitį durupuraalu, ąło depe mo doyalopó. ¹¹ Téró, ępaae duraalu, “Kae kae tiki daale so whįkélé, kae kae *Gavman*-né tęteróló kaae tare so whįpaaekélé, kae kae be fo buó mole so whįpaaekélé, kae kae tęteróló kaae tare topo whįrapepaaekélé, mo so whįpaaekélé, Kótóné eraaire ala i ape yóló, momó yó melae,” yalepó.

11

Kótóné yaaire ala i ape yóló yó matere whį tamoné yale ala

¹ Téró, dąle sere ąla kaae, kape siki mené ępaae melóló duraalu, “Yą fóló, Kótópaae momatere beró Talepaae simó sukųlaa dalatere tikitamo dąle sene fae. Téturaalu, ai be tuąmó touróló bitu, Kótóné doi sóró horótu betere so whįkélé dokę sae,” yalepó. ² Tépatei, kale momatere be bo-laare tipi tuą betą dąle sąse. Ti noatepae, ai belata, Juda meire fake so whįmó meló betereiteinépó. Kótóné ama mo kae tęne

be hulua wisinaale Juda meire fakené folokoleróló, hąko kutu betepatei, 42 wélié kemeyaalopó. ³ Téró, ąło du betere ala yó matere whį tamo ąło fotokę matepa, atimaamo dekęmó deratere yei kuti deróló, Kótóné diąpaae dere fo i ape, yóló yó maté kutu betepa, 1,260 be dęrape kemeyaalopó. ⁴ Ti ai sekę tamota, i hae kwia fea tęteróló kaae tare Tale betere felekemó daale *Olip* ni tamo kaae daayóo, są diri tamo kaae daayóo erapó. ⁵ Mepaae whį denétamo atimaamo doraai du betepa, ti atimaamoné kólómó sókó wale siné atima dó sóró mo ti aluraalopó. Mepaae whį dené ai sekę tamo doraai kisipa mutepa, ti atimané ai dere alamó atimatei sukąalo ai ape. ⁶ Kale sekę tamoné bole fotokę etérópó. Kótóné atimaamopaae dere fo mo so whįpaae yó matere be dęmó, hali waqsóró kinaaire fotokękélé sųmó bolepó. I haemó belere węikélé samea alée falóo, yaaire fotokękélé sųmó buóo, erepó. I haemó betó mole so whįpaae kae kae dowi sekęi alarape atimaamoné hękesere be dęmó sųmó eranérápó.

⁷ Atimaamoné kelale ala yó maté fóló kemerateremó, mo a dolopaae derepale wosono dolomó betere dowi syaae kaae ąla sókó huturaalu, bóe dóló atimaamo tęteróló mo ti sukópóló daalo ai ape. ⁸ Téró, ai sekę tamoné tiki doasi doi mole be hulua tu hąkeamó muaalopó. Ai be huluamótóro atimaamo tęteróló kaae tare Tale filipaa ni tómó oleróló dalepó. Ai be huluapaae dó faróló, Sodom beró Isip haetamo kaaepó. ⁹ Atimaamoné tiki atéró hąle mupa, kae kae tiki daale so whįnékélé, kae kae fake so whįkélé, kae kae be fo bole so whįnékélé, kae kae *Gavman*-né tęteróló kaae tare so whįnékélé, sore be dę kemeyóló dou be dęné suka tuąmó kęleta yópólópa दौरąse. ¹⁰ I hae kwia feamó betóló fale so whįné duraalu, “Atimaamo Kótóné kóló whį bitu, dą dóló susupurótu betale sekę tamo ti mulapa kelae yóló doka doka yaalopó. Téturaalu mo kée yóló, atimasisi wisi wisi ąla u mótu i mótu du betaalopó,” yalepó.

¹¹ Tétu betaalotei, sore be dę kemeyóló dou be dęné suka tuąmó daapa, Kótó

betemó sókó wale fomo atimaamoné tiki tuąpaae bitį derepaalopó. Téturaalu, kale sekę tamo turukó holóló daane hotere kilitu, kale so whį atima winé sukóló diri furu furu yalepó. ¹² Atéró turukó holóló daapa, ó hepen bemó atimaamopaae fo fake yóló duraalu, “Ipaae holae!” deremó, atimaamoné bóe whįrapené kaae dilikiyó mupatei, hepen-paae huturaalu, sąko dolomó buó deyalépó.

¹³ Até yale sukakelemótóro doasi bao duraalu, naase tamo be hulua eretei betą kolokó doropuraalu, aporó kemeyóló, me naase douro be hulua fake hąle erépó. Ai bao yaletiné be kąaturaalu, doló kemerale so whį fea doką sóró touróturaalu 7,000 so whįpó. Até deremó, dini hąsóko fele so whį atima winé sukutu, ó hepen bemó betere Kótó mo daalapóló doi sóró horótu betalépó.

¹⁴ Kale kolosale noma wió yae yale sekę wóló kemeyaletai, dou noma wió yae yale sekę betą mo felekemó waalo ai ape.

Węike dakeróló ukulumó wuti hale yaletai

¹⁵ Téró, kale węike *ensel*-né ama ukulumó wuti haleralemó, ó hepen bemó atimané doasi fo fakeyóló duraalu, “Take i hae mené tęteróló kaae taretei, fasó sóró mió dą tęteróló kaae tare Taleró ama so whį tęteróló kaae tare whį Kerisotamoné tęteróló kaae tarapó.

Ai sekéné ama kaae tare ala kemeni, hąle yó tawaalopó,” yalepó.

¹⁶⁻¹⁷ Téró Kótó felekemó betere 24 whį disirape, atima tęteróló kaae taru betere *sea* taaróló, haemó deraapisa fóló mulu Kótóné doi sóró horóló duraalu,

“Mo doasi fotoką bole Tale Kótóo, yaąa take bitiré wóló, miókélé hąle betereteiné dąné yąpaae mo kée dapó.

Ti noatepaae, naao doasi bole fotokąne tęteróló kaae tare ala kaae salepó.

¹⁸ I hae kwia feamó betó mole so whįné fopaae butu betepa, naao fopaae bole ala sókó walepó.

Sukąle so whįkélé, naao kutó diratere kóló whįrapekélé, naao kae beteró

betere so whįkélé, yąpaae wiyóló naao doi sóró horótu betere so whįkélé, mepaae doi munire so whį ó doi mole so whį fea tale yóló kwia melaaire be dę sókó wóló i mole ape.

Ai be dęmótóro i hae dorótu betere so whįkélé kwia melóló, doraalopó,” yalepó.

¹⁹ Atéyale kįlipaae Kótóné hepen-mó tęne momatere be tų tukwę fóló molepó. Atépa kelalemó, ai be tuąmó ama so whį tao saalopóló, mo dirii fo aseýóló muló betere *bokis* molepó. Tėru, epėe fitąa yóo, be są kili kili yóo, doasi sapalaa dorowóo, bao doasi yóo, *ais* kaporó doasi besę tiki-tamo dorowóo yalepó.

12

Dowi wuli disóro betą sotamoné yale ala

¹ Mo doasi bete mole ala yaairemó, me alapaae dó faróló hepen-mó epa kelale ala wisinaale i ape. Betą soné ama deró betere kutita, ti mo sukatoróti deróo, ama hó aąmó wélié daayóo, 12 hęrerape ama topo tao deróo, epa kelalépó. ² Téró kale soné ama ere naale ųlumétepa saairaalu, kakóló sisó nuku beterepó. ³ Téró kale dere kaae, hepen-mó me alapaae dó faaróló depa kelaletei me i ape. Sonaai wuli doasi disó kaae betepa kelalépó. Ama topo węikeró daayóo, sekę naase tamo daayóo, węikeró toporapemó doasi tęteróló kaae tare topo whįné deratere topo tao kaae deróo, yó molepó. ⁴ Ai sekéné ama disale fépo yaletikimó, sąmó daae mole hęrerape tamo fake hąle daapatei, betą fake haepaae torokó dorowalepó. Atéro, kale soné ere naale seretamótóro tao sóró nó deraairaalu, mo felekemó melaa yóló beterepó. ⁵ Atépatei, kale soné naale só mulalépó. Ai naalenėta, *aiyon kapa* fake nópulu tawóló daalu, i hae kwia kae kaemó betóló fale so whį ama tęteróló kaae tawaalopó. Kale soné ama naale seretamótóro ti mo hapale Kótóné tao sóró ama tęteróló kaae tare doasi betere tikimó ątamo betąmó titiyóló beteralepó. ⁶ Téró kale so ą whįkélé bitini, hąle wópu mole haepaae botokó felepó. Ai haeta, kale so

ą naale detepa, 1,260 be dę tuąmó mené ą wisiyóló kaae tawópoló, Kótóné tukóló mulale tikipó.

⁷ Atéró, ó hepen bemó doakale bóe du betalepó. Maikel-né ama *ensel*-rape ipaae kąayóo, kale disó kaae wuliné ama *ensel*-rape upaae kąayóo, yóló bóe du betalepó. ⁸ Téyaletei, Maikel-ró ama *ensel*-rapetamoné fotokóné kale disó kaae wuliró ama *ensel*-rapetamo doló tętéróló hepen-mó betere alakélé mo ti kemeralepó. ⁹ Atéró, kale disó kaae wuli i haepaae sóró taae deralepó. Ai wulita, mo taketi bitiré walepó. Ama doita, bóe dele dowi kepe ó Satan-pó. Ai sekénétóró, i hae kwia feamó betó mole so whį, dowi tųpaae ąlisóró fu beterepó. Ai sekéró ama *ensel*-rapetamo i haepaae taae deralepó.

¹⁰ Téró, hepen bemó etei fo fakeyóló depa wosalepó.

“Dą tętéróló kaae tare Kótóné tao sere alakélé, fotokų bole alakélé, ama so whį tętéróló kaae tare alakélé, ama sóró beteró betere whį Kerisoné tętéróló kaae tare alakélé, mió wóló mulapó.

Ti noatepae, betere dokų Kótóné keletómó dąné ne norape dętamokélé, dikitamokélé só derótu betere seké ąkélé sóró taae deró beterapó.

¹¹ Kale *Sipsip* hupu malené samearó Tal-ené atimané betere bete tuąpaae erótu betere alatamo hąkeamó yó mótu betalepó.

Atétu beteremó, atima dupakélé wiyóló taaréni, Kótóné ala betą hąle eraté fu betaleteiné, ne norapetamo bóe du betale seké mo ti dóló tęterallepó.

¹² Atéremó, hepen be tuąmó betó mole whį dią mo kée yóló hąiné sinitu betae.

Tépatei, ą hepen be taaróló diątamo haepaae bitį dorowaleteiné dią haemó betó mole so whįró doasi węi kęla tuąmó betere so whıtamo dią fea ‘Wió fo du betae!’

Ti noatepae, ai sekéné ama yaaire ala doa be dęmó yaalo meipóló kisipa mutu, ą doasi fopaae butapó,” yalepó.

¹³ Kale dowi disó kaae wuli ą i haepaae sóró taae deró betepa kisipa mutu, kale naale deale so daai sya felepó. ¹⁴ Ai so ą bitį fópóló, Talené taketi donoróló muló betere whįkélé bitini, hąle wópu mole tikipaae sę fópóló, doakale dukaané baase tamo ą melalepó. Atéró fóló betepa, wuliné ą me ala yaqsóró mepaae whįrapené ą mo wisiyóló kaae taté fóló, ba fo sorené doų ba fo tuąmó tukóló kemerópóló malepó. ¹⁵ Kale so atéró fupa, ą só fópóló dowi wuliné ama kųlómó doasi fotokųi węi tiki siriyó analepó. ¹⁶ Atéyalemó, kale so tao suraalu, haenétei kųló hąsóró holóló, ai węi tiki nó deralepó. ¹⁷ Atéteremó, disóné kale so tamo mo doakale fopaae buturaalu, ai soné ama mepaae naale senaaletamo bóe daai felepó. Ti aita, Kótóné ama yae yóló muló betere foró, Yesuné ama yale alatamo mopóló erótu betere naale senaaletamopó. ¹⁸ Téró, kale disó kaae wuli ą fóló, węi fókumó daalepó.

13

Doasi węi kęla tuąmó sókó holale syaae kaae ąla

¹ Téró ai węi kęla tuąmó syaae kaae ąla sókó hotepa kelalemó, topo węikeró daayóo, sekęrapekélé naase tamo daayóo, erepó. Ai sekęrape tómó tętéróló kaae tare doasiné deratere topo taorape deró beterepó. Ai toporape dokųmó Kótó faletere doirape aseýóló dakerótua yó molepó. ² Ai syaae kaae ąlata, mo *leapat* kaae aųrutei, ama hąleke ti *beané* hąleke kaae daayóo, kųlókéle, *laiyonné* kųló kaae daayóo erepó. Téró, kale wuli disóné fotokųkélé, ama tętéróló kaae tare alakélé, fea ala yópóló, sóró beteró betere alakélé, ai kale węimó sókó holale ąlapaae malepó. ³ Ai kale syaae kaae ąlané toporapekó betąmó, mo ti sukunei tų daayaletei, momó duniyale siri mupa kelalepó. Atére ala kilitu i hae kwia feamó betó mole so whį feané “Haió” yóló siraturaalu, kale syaae kaae ąlané ama dere alapaae tuę tiki tiróló sya felepó. ⁴ Ai kale disó kaae wuliné kale syaae kaae ąlané doasi fotokųi ala yópóló sóró daalaterere ala kolóló, so

whį feané ai kale disó kilituraalu, “Aąa mo doa Taletóró,” hįtipó yóló, atima ą daale aąmó sukóló bituraalu, ama doi hale horalepó. Atétu yale kaae, “I kale węimó sókó horale syaae kaae ąlatamo de sųre? Aąamo mené bóe dele alakélé mo enénipó,” yóló dukirótu betalepó.

⁵ Téro, ai kale syaae kaae ąlané bopé fake dere fokélé, Kótó faletere fokélé, so whį tęteróló kaae tare alakélé, yópóló mené ą fotokų sųmó melalepó. Ai sekę ą ai ala yópóló sóró beteratepa, eraté fu bituraalu, 42 wélié tuąmó eróló kemerópóló tę melalepó. ⁶ Ama kólómó dere foné Kótó eratere fokélé, Kótóné doi hoko eróló faletere fokélé, Kótóné ama hepen bemó ątamo betere whįrape faletere forapekélé du betalepó. ⁷ Téturaalu, Kótóné atima dowi ala kemeróló kae betero betere so whįtamo bóe daairaalu, ketekę buló só deraaitepa seséni, ama yaaire ala betą yópóló taalalepó. Kae kae fakekélé, kae kae tiki daae mole so whįkélé, kae kae be fo bole so whįkélé, tęteróló kaae dilikiyó mole hae kwiarapekélé, mo fea ama tęteróló kaae tanópóló mené ąpaae fotokų malepó. ⁸ I hae kwia feamó betó mole so whįné, kale syaae kaae ąla aąmó sukóló bitu, “Yąta Talepó,” du betaalo ai ape. Ti atimata, kale *sipsip* hupu malené mo ti betó tare *buk*-mó doi asęnire so whįpó. Ti ai *Sipsip* hupu maleta, i hae kwia keké naaipatei, dópólópó yóló muló betere hupu malepó. ⁹ Mepaae whį de wosęli daapata, ti i dere fo wosóló tuę muópóló yae.

¹⁰ Whį me detamo bóe duraalu, wae sóró *dipula* beteraalópóló tukóló muló betepa, ti mo atétóró yaalópó.

Whį me de bóe whįné bóe dele sepa-kené dópólópó yóló muló betepa, ti mo sepakenétóró daalópó.

Até yaairemó, Kótóné kae betero betere so whįpaae sekęi alarape wapakélé, haepaae derepéni, diriyóló bitu, Talené ama ala betą ketekę buóló eró tawae.

Hae tuąmó sókó holale syaae kaae ąla

¹¹ Téro ąło kelalemó, hae dolomó syaae kaae ąla me sókó horalepó. Ai sekęné ama topomóta, *Sipsip* hupu malené sekę

kaae daalutei, ama dere fo wosalemó, kale wuli disóné fo kaae yalepó. ¹² Kale haemó sókó horale syaae kaae ąlapaae folosóró węimó sókó horale sekęné ama tęteróló kaae tare ala melalepó. Atétepa, nalo wale sekęné ama tęteróló kaae taru, kale folosóró wale sekęné doi eróturaalu, i haemó betó mole so whį feané kale sukęitei tokóló doasi siri mole sekępaae Tale-ó, yóló doi sóró horópóló sętu betalepó.

¹³ Ai kale sekęné amatei mo doakale kae kae kelemei alarape eróturaalu, so whį feané keletómó sikélé ó hepen be taaróló i haepaae dorowópóló erótua yalepó.

¹⁴ Kale folosóró wale sekęné doi doasi mulópóló mené ą fotokų sųmó matepa, kae kae kelemei alarape erótu betalepó. Téturaalu, i hae kwiamó betó mole so whį fea dilikóló kópaae falatua yalepó. Téro, kale haemó sókó holale sekęné i haemó betó mole so whįpaae duraalu, sepake daayale tikimó doasi siri mole sekęné ama doi doasi muópóló, ama aso sųróló aleale ąla daalae, yóló mulalepó. ¹⁵ Téro, kale folosóró wale sekę sųróló aleale ąlané fo yópóló, fomo bulaaire fotokų mené haeró sókó holale sekępaae malepó. Atépa, i hae kwiamó betó mole so whįné ai asopaae, Tale-ó yóló doi sóró horénitere so whį dópóló, haemó sókó horale sekęné fotokų sųmó bulalepó. ¹⁶ Ai sekęné, doasi doi mole whį ó doi munire whįpaaekélé, néli whį ó yoleale whįpaaekélé, hąle kọleaané betó mole whį ó wae sóró kutó diratere whįpaaekélé, atimané turu naasemó ó kutirimó siri erópóló yae yóló so whį feapaae sęyalepó. ¹⁷ Ai siritamo munipa, ti ąla dupu dere alakélé, ó dotonatere alakélé, mo yaalo meipó. Ti ai siritu, kale syaae kaae ąlané ama doi ó ama doipaae fó faróló ere *nambapó*.

¹⁸ Ti etei alata, mo hąle whįné tuęyaalo meitei, mo tuę tiki fosó fosó yóló dotoróę fale whįné betą sųmó taleyóló bete tuęnérapó. Whį me detamo, ama tuę tiki fosópa, ti kale syaae kaae ąlané *namba* taleyóló bete tuęnérapó. Ti ai *nambata*, mo whįné *namba*-pó. Ai sekęné ama *nambata* 666-pó.

14

Sipsip hupu maleró 144,000 so whįrapetamoné yale ala

¹ Téro yało kelalemó, ę daale felekepaae anóló Saion hasi fosómó kale *Sipsip* hupu male daapa kelalepó. Aimó 144,000 whįrapekélé, atima betámó daae molepó. Ai whįrape atimané kutirimóta, kale hupu malené doikélé, Alimané doikélé aseýóló dakeró beterepó. ² Téro yało wosalemó, hepen bemó sókó wale haleta, weį dou kąatu dere hu kaaeró be sapalaa dorowale hale kaaetamo depa wosalepó. Meta, *kita* kaae ęlarapené dere hale kaae depa wosalepó. ³ Téro, u kale whįrape atimané kale tęteróló kaae tare doasi betere tikipaaekélé, ę bopéróló betó mole douró betere ęlarapepaaekélé, whį disirapepaaekélé, kese anóló daae muluraalu, kae kisi wole fo du betalepó. Ai wole fota, hałe mo whįné tuę yóló enénipó. I haemó dowi kwia saęsóró Kótóné tao sóró dupurale 144,000 whįrapené betą tuę yóló enérápó. ⁴ Ti ai daae mole whįrapeta, sorapetamo folokolei ala initu detere kaae, i haemó mole alatamo hosekénire whįrapepó. Ti noatepae, atimané betere ala folokole yaęsóró ó me alatamo hoseké yaęsóró mo hotowayóló kaae tawaleteinépó. Ti ai whįrapeta, *Sipsip* hupu malené dere ala sya fóló erótu beterapó. Ai whįrape atimata, hałe mo so whį kuamó betó mupa, dupuróló Kótóró *Sipsip* hupu maletamopaae kale kutómó folosóró ęlumé dere ęla, Talepaae hałe matere kaae yóló melale 144,000 whįrapepó. ⁵ Atimata, kapala fo sawakélé muniru, me haęsóké fole alakélé inire whįrapepó.

Sore ensel-rapené yale ala

⁶ Téro yało kelalemó, *ensel* me kae ó saýmó sé kutu betepa kelalepó. Ai sekęnéta, mo titóróti hałe betó tawaaire kisi fo wisi, i hae kwia feamó betó mole so whįpaae yó melaairaalu, tarepó. Ti ai fota, betą fake so whįpaae maaté yó melaai mei, kae kae *Gavman*-né tęteróló kaae tare so whįpaaekélé, kae kae fake so whįpaaekélé, kae kae be fo bole so

whįpaaekélé, kae kae tiki daae mole so whįrapepaaekélé, yó melaaire fo wisipó. ⁷ Téro ama fo fake yóló duraalu, “Kótópaae winé sukuturaalu, ama doi betą doasi doi muępóló erae. Ti noatepae, ama fo tokótamo yóló taleturaalu, kwia melaaire suka kele i sókó wale ape. Tęrapa, ę aęmó sukóló bituraalu, ‘Aya Tale doasi-ó,’ yóló, ama doi betą sóró horótu betae. Ti amata, hepen beró saętamokélé, haekélé, doasi weį kęlakélé, fole weįrapekélé aleyóló muló betereteinépó,” yalepó.

⁸ Ai fo yale *ensel* folosóró fi tikimó, *ensel* me kae nalo sya fu bitu duraalu, “Kolokóló dorowóló a mole ape. Doakale doi mole Babilon be hulua kolokóló dorowóló mulapó. Ti ai nópu nokole so Babilon-néta, ama nópu nokole alané aleale keyaa fole *wain* weį hae kwia kae kaemó betó mole so whį feané nępóló melótua yale so, mió kolokó dorowóló ai mole ape,” yalepó.

⁹⁻¹⁰ Téro kale dere kaae, ai *ensel*-tamo fi tikimó, *ensel* me kae sya fu fo fakeyóló duraalu, “Mepaae whį detamo, kale syaae kaae ęlapaae ó ama aso kaae ęlapaae, ‘Doa Tale-ó,’ yóló aęmó sukóló bitu, atima kutirimó ó naasemó, ai ęlané siri eró betere whįrape ama doakale fopaae buló kwia matere weį nępóló melaalo ai ape. Ai *wain* weį mo weįtamo hoseké ini, mo *wain* weįtóró Kótóné fopaae butu kwia melaairetei, wutimó tepeýóló mulapó. ¹¹ Atéro atima duku bituraalu, hotu betere sukulita, mo hałe holótóró tawaalopó. So whį de kale syaae kae ęlaró ama aso kaae ęlatamoné, doi sóró horóo, ama doi mole siri sóo, ere so whį atima dętamo ó dilikitamokélé, saę nóló betere ala mo yaalomeipó,” yalepó. ¹² Kótóné kae beteró betere so whįné, ama yae yóló muló betere fo aęmó sukóló bitu, Yesuné ala eraté fu betaalopó. Ai tuęmó i kale bope yale sekę alarape wapakélé, haepaae doropóló taaréni, hałe beleté fu betereteiné ai ala mo sýmó eranérápó.

¹³ Téro, hepen bemó i fo depa yało wosalepó. “I fo aseýyae. Mo mió kaae sóró Tale-tamo betámó betere so whį sukutepa, ti atima Talené mo wisiró beterapó,” yalepó. Kale Dęi Kepe Wisiné duraalu, “Mo dapó.

Ti atimané depe tukó wei ala du betereitei taaróló, sęa nóló bituraalu, atimané yale alamó dupu saaire ala felekemó yaalo ai ape,” yalepó.

Haemó yó mole ęla ęlumétepa turukóló saaireitei

¹⁴ Téro ęalo kelalemó, ę daalepaae anóló mo deęi sąko tómó, whinė naalema kaae betepa kelalepó. Ama topomó, tęteróló kaae tare doasiné deró betere *kold kapané* aleale topo tao deró bituraalu, ama naasené ęla ęlumétepa turukó suatere hekemée wei fosói sepake tarepó.

¹⁵ Tépa, me *ensel* momatere bemó sókó wóló, kale sąko tómó betere sekępaae fo fakeyóló duraalu, “Naao tare sepakené kale ęlumére ęlarape turukóló sae. Ti noatepae, mió ęla ęlumépa saaire be deęi i sókó wale ape,” yalepó. ¹⁶ Tétepa, kale sekęné tare sepakené i haemó ęlumé yó mole ęlarape fea felesé yóló turukó salepó.

¹⁷ Téro, me *ensel-nékélé*, hekemée wei sepake fosói tawóló, hepen-mó tęne momatere bemó sókó walepó. ¹⁸ Atépa, Talepaae matere ęla sukęlaa dalatere tikimó si kaae tare *ensel* sókó wóló, kale sepake tare *ensel*-paae fo fakeyóló duraalu, “Naao ai tare sepake fosóné i haemó yó mole *wain* képi durape ęlumérapa, sepemó tukóló siré kwęae,” yalepó. ¹⁹ Tétepa, kale *ensel-né* ama sepakené i haemó yó mole *wain* képi du felesé yóló turukó siré kwęyóló, kale képi du dętere doasi tikipaae taae derale fae. Ti kale képi du dętere tikita, Kótóné ama fopaae bole ala kwia melaairaaalu, dętu betere tikipó. ²⁰ Doasi be hulua aęró *wain* wei dętere tikipaae taae deratepa, atimané tęiya tęiya yaletikimó, samea doasi sókó felepó. Atéro sókó fele sameata, wei kaae dukulé holóló, *hos* hupuné ęalo aęmó depa sale dęleta, 300 kilomita sępó.

15

Węikeró ensel-rapené węikeró doasi sekęi alarape tapa kelaletei

¹ Téro ęalo kelalemó, hepen bemó mo doasi bete mole ala wisinaale yairemó dere ala epa kelalepó. Ai kale kelale alata, i ape. Węikeró *ensel*-rape dokę mo

kemeróturaalu so whę feapaae dowi sekęi ala melaaire węikeró tapa kelalepó. Ai kemeróturaalu dere fota, ti Kótóné ama fopaae buóló kwia melaaire alarape mo ti kemeróturaalu, i węikeró alarapené kemmaalopó. ² Téro ęalo kelalemó, *klas*-ró sitamo hosekéróló aleale wei kęla kaae belerepó. Ai wei fóku dęmóta, so whę mo fea hęle ęla kaae daae mupa kelalepó. Ti aimó daae mole so whęta, kale syaae kaae ęlaró ę sęróló aleale asotamokélé, ama doimó sere *namba-kélé*, ai alarapetamo bóe dóló tęteróló wale so whępó. ³ Kótóné ai daae mole so whępaae male *kita* kaae ęlarape taruraalu, Kótóné kutó diratere whę Moses-ró kale *Sipsip* hupu maletamo dolęanóló du betale wole fo i ape.

“Mo doasi fotokę bole Tale Kótóo, naao du betere alata, mo doasi sira yaai dere ala du betepapó.

Take keké nale alimó kaae sóró bitiré waleteikélé, mió i alimó bitiré faaireteikélé, tęteróló kaae tare Tale-ó, ęta, naao ere alatóró sya furaalu, mo dono taletu betepapó.

⁴ Tale-ó, whę me de ęapaae winé sukutu, naao ere alamó naao doi doasi muaalomeipóló de?

Betę whękélé ęa kaae bitini, ęta dowi alakélé muni, mo kae betere Talepó. Kae kae hae kwiamó betó mole so whę ęa beterepaae wóló, ęa aęmó sukóló bitu, Doa Tale-ó yóló dukirótu be-taalo ai ape.

Ti noatepae, naao mo donoyóló taletu betere alarape take hiróló mualetei, mió so whę feané kolępóló hąkeamó muló betepapó,” yalepó.

⁵ Ai alarape yóló kemetepa kelalemó, ó hepen-mó momatere be tų tukwę fóló molepó. Ai momatere beta, Kótóné ama so whę tao saalopóló dirii fo muló betere kuti bepó. ⁶ Téro kelalemó, kale węikeró *ensel*-rape atimané węikeró sekęi alarape tawóló ai momatere bemó sókó walepó. Atimané deró betere kutita, mo deę tekée fóló kasa kasai *linen* kuti deróo, *kold kapané* dokale to atimané deró betere kuti tęteróló bopemó sóo, epa kelalepó.

⁷ Téro, kale dęyró betere ęlarapekó betęné kale węikeró *ensel*-rapepaae *kold*

kapané aleale wẹikeró okopoi nukurape dokọralepó. Ai nukurapemó, mo ti betó tare Kótóné ama kwia melaaire fopaae butere ala fąayóló molepó. ⁸ Kótóné ama ere ala wisinaale hąkearaterere alaró ama doasi fotokọtamóné momatere be dolomó sukuli kaaróló fąaneteiné, whị fókélé mo enénipó. Kale wẹikeró *ensel*-rapené tare wẹikeró dowi sekẹi alarape melóló kemenipatei, ai be dolopaae fóló hapale honénipó.

16

Kótóné fopaae bole ala belere okopoi nukurape

¹ Téro ọọlo wosalemó, momatere bemó sókó wale foné kale wẹikeró *ensel*-rapepaae fo fakeyóló duraalu, “Kótóné fopaae buluraalu kwia melaaire ala okopoi nukumó beleróló diaaọ ai taretei, haepaae sunée derąle fae,” yalepó.

² Ai fo depa, kale kolosale *ensel* fóló ama tare okopoi nukumó belere ọla sóró fóló, haepaae sunée deralemó, kale syaae kaae ọlané siri eróló, ama aso aọmó sukóló betó mole so whịné tikimó, dotopo yóló mo doasi dele su betaaire sonaalei humu fulu deralepó.

³ Téro kolosale noma *ensel*-né ama tare okopoi nukumó belere ọla doasi wẹi kẹlapaae sunée deralemó, kale wẹi mo sameatóró alée felepó. Ai sameata, mo ti sukąle whịné samea kaae họkoloipó. Até yaletikimó, wẹi kẹla tuąmó betó mole ọlaraperó ere ọlarapetamo mo fea sisiraae felepó.

⁴ Téro, kale doų noma *ensel*-né ama tare okopoi nukumó belere ọla, doasi fole wẹiró ąmale wẹirapetamopaae sunée deralemó, samea alée felepó. ⁵ Téro ọọlo wosalemó, kale doasi fole wẹirape kaae tare *ensel*-né duraalu, “Naao taletere alata, mo donotóró tale yóló kwia materetei mo wisirapó.

Ti noatepae, ọta takekélé betóo, miókélé betóo iru, dowi ala mo betąkélé munire Tale beterapó.

Téru, fo tokótamo yóló tale yóló kwia matere alata, mo donoyólótóróti ai yale ape.

⁶ Ti noatepae, naao kae betéro betere so whịró naao fo eratere kọló whịrapetamo dale kwia tokọ móturaalu ai sókó fele samea nọpóló materetei, mo donorapó,” yalepó.

⁷ Téro ọọlo wosalemó, Talepaae moma yóló simó sukųlaa dalatere tikimó etei fo yalepó.

“Mo doakale fotokọ bole Tale Kótó-ó, ọta mo fotóró bulu, naao tale yóló kwia matere alakélé mo donotóró dapó,” yalepó.

⁸ Téro, kale doų *ensel*-né ama tare okopoi nukumó belere ọla suka betepaae sunée deralemó, siné so whị dolo baalu sorokó faaire fotokọ mené sọmó melalepó. ⁹ Atéro dokole si supuné atima tiki turó baalu sorokó felepó. Até dere supumó, Kótóné doi doróló ą eratere fo du beterepó. Atimapaae atei kaae susupui ala eratepatei, atimané du betere dowi ala taaróló, tuẹ tiki fetenipó. Téruuraalu, Kótóné doi doasi muọpóló eraaire alakélé họyóló, dowąae fu betalepó.

¹⁰ Kale apo *ensel*-né ama tare okopoi nukumó belere ọla, kale syaae kaae ọlané tẹteróló kaae tare tikimó sunée deralemó, ai hae kwia fea dilikiyó felepó. So whị supumó atéro kakutu bitu, atimané hapetei turukóló nuku betalepó. ¹¹ Atimané tikimó daae mole humu dotoporó siné dale deteraatamomó kakutu bituraalu, hepen bemó betere Kótóné doi doróló, tekani fo du betalepó. Tétu, atimané yale dowi ala taaróló tuẹ tiki feteyóló betaalo họyóló, dowi ala yaaitei dowąae fu betalepó.

¹² Kale apomi *ensel*-né ama tare okopoi nukumó belere ọla doasi fole Yupretis wẹipaae sunée deralemó, kale suka hoterepaaeróló tẹteróló kaae dilikiyó mole topo whịrape waaire tu mulóturaalu, kale wẹi tiki dikąlepó. ¹³ Téro ọọlo kelalemó, sore dowi keperape sepéerape kaae beterepó. Ai dowi kepe atima, me wuli disóné kọlómó sókó wóo, me syaae kaae ọlané kọlómó sókó wóo, me Kótóné fopóló kapala fo yó matere whịné kọlómó sókó wóo, yalepó. ¹⁴ Ti

ai keperapeta, kae kae kelemei alarape erótu betere sekęrapepó. Doa fotokę bole Tale Kótóné ama tukóló muló betere doasi be demó, Taletamo bóe daaire whįrape mei yaqsóró, i hae kwia feamó tęteróló kaae dilikiyó mole topo whįrapepaae bóe daalopa ape yóló, dape siré kutu beterapó.

¹⁵ “Tęrapa ęta, ęlémi nokole whį kaae waalo ai ape! Atęyaalopa, whį me de noke fió muni turukó holóló bitu, ama deratere kuti ę betere tikimótóróti muló betae. Atétere whį ę Talené wisiró beterapóló hajné sukęalo ai ape.

Ti noa yaqsóró mei, ama tiki daapi hęle furaalu hale yaqsóró dapó,” yalepó.

¹⁶ Tęró, atima fóló kale topo whįrape dape siré kweyóló, Israel fake so whįné Hıbru foné doi muló betere, Armakedon haepaae touręle walepó.

¹⁷ Tęró kale weike *ensel*-né ama tare okopoi nukumó belere ęla sę tó tuęmó sunée deralemó, kale momatere be tuęmó tęteróló kaae tare doasi betere tikimó fo fakeyóló duraalu, “Mió ai kemeyale ape!” yalepó. ¹⁸ Ai fo yalemó, epée fitęa yóo, be sę kili kili yóo, doasi sapalaa dorowóo, mo doasi bao yóo, yalepó. Take i haemó betale so whįné etei kaae bao depa mo kilinipó. ¹⁹ Ai bao duraalu, kale doasi be hulua tekeyóló sore fake daane fóo, i hae kwia feamó tę mole doasi be huluarapekélé kolokóló doropóo, yalepó. Kótóné kale doasi doi mole Babilon tuę muturaalu, ama dowi fopaae bole *wain* weı wutimó tepeyóló, kale so nępóló melalepó. ²⁰ Weıné bopéróló daae mole hae kwia fea daani, alu yó molepó. Doasi daae mole hasi fosórapekélé kelalemó daani, aluyó molepó. ²¹ Ó sęmó doasi *ais* kapo du kaaené whįrape teıya yaai dorowalepó. Ai dorowale *ais* kanerape sekę dęleta, 50 kilogram-pó. Atimapaae atei mo dowi sekęi ala erateremó, Kótó eróló tekani fo du betalepó.

17

Syaae kaae ęla tó mó betere somó yale fo

¹ Tęró, kale weıkeró okopoi nuku tare *ensel*-rapekó betę ę beterepaae wóló duraalu, “Kale weırape tó mó betere doasi doi mole nópu nokole soné dere alamó, kwia melaairetei yęlo yępaae yó melaalopa ape.

² Ai sota, i hae kwia fea tęteróló kaae tare topo whįrapetamo nópu nuku betalepó. Tęró, kale soné i hae kwiamó betó mole so whįkélé, nópu nokole *wain* weı melale tikimó topo doyóló keyaa fu betalepó,” yalepó.

³ Tęró, ę kale Dęi Kepe Wisi tuęmó betepa, *ensel*-né so whįkélé bitini hęle kópu kęae fi tikipaae beleyóló sóró felepó. Aimó bituraalu kelalemó, betę so mo sonaaı syaae kaae ęla tó mó beterepó. Ai syaae kaae ęlané ama tiki turó, Kótó aęratere doirape aseyó bopéróo, weıkeró toporape daayóo, naase tamo sekęrape daayóo, epa kelalepó. ⁴ Kale soné ama kutita, mo sonaaıró sukutęitamó deróo, ama aure ęlarapekélé, *kold kapané* alealeteiné hęre hęre yóo, mo doasi *moniné* sere kasa kasai kaneró du dui meleketamo sóo, erepó. Ama naasené tare *kold kapané* aleale wuti dolomó kelaalokélé mo sonaaılei ęlaraperó ama nópu nokole alané bólutamó deyóló fęanó beterepó. ⁵ Ama kinóló mole doi kutirimó asęretei i ape.

DOASI BABILON-TA, NÓPU NUKU BETERE
SORAPERÓ I HAEMÓ MOLE KELAALO MO
SONAALEI ALARAPETAMONÉ HAMAPÓ.

⁶ Tęró yęlo kelalemó, Kótóné ama kae beteró betere so whį atimakótei, mepaae Yesuné yale ala i ape yóló yó melateremó dale so whįné samea naletikimó kale so ę topo doyóló keyaa fu beterepó. Atétere ala kolóló, ę sira yale sępó. ⁷ Atétepa, kale *ensel*-né ępaae duraalu, “Yę noatepa siratu bitute? Ai weıkeró topo daayóo, naase tamo sekę daayóo, ere syaae kaae ęlaró ama sisó tó mó betere sotamoné kinóló mole ala bete yęlo yępaae hąkearóló yó matapa wosae. ⁸ Naaó kelale syaae kaae ęlata, take betaletei, mió bitinipó. Tépateti, take mo apaae derepale wosono dolomó sókó holóló, ę doraai dęle muló betere tikipaae faalo ai ape. Mepaae so whį i haemó bitu, atimané doi take keké nale alimótei mo ti betere *buk*-mó munipó. Atére so whįné kale syaae kaae ęla kilituraalu,

doasi sira yaalopó. Ti noatepae, take ą betepa kolóo, mió bitini alu yóo, nalo momó sókó wóo dereteinépó.

⁹ Naao ai kelale alata, mo kisipa tiki fosó fosóyóló dotoróę fale whinė betą bete tokóló kolóló tuęnérapó. Kale węikeró toporapeta, ti kale soné ama ero dée daalóló betere węikeró hae durapepó. ¹⁰ Me beteta, ti kale tęteróló kaae tare węikeró doasi topo whįrapepó. Ai węikeró whįrapekó, aporó whįrape atimané tęteróló kaae tare ala kemeyalepó. Até yóló betą whinė tęteróló kaae tare ala betą hąle erapó. Atépa, nalo me whį wouraalu, ama tęteróló kaae tare ala sawa sukamó maaté kaae tawaalopó. ¹¹ Ai kale syaae kaae ęla take betaletei, mió bitinipó. ąta kale tęteróló kaae tare węikeró doasi topo whįrapekótei, ąkélé atimatamo touróturaalu bokówalerópó. Ai węikeró topo whįrapetamo betąmó betteretei, ą doraai tukóló muló betere alapaae fu beterapó.

¹² Naao kelale naase tamo sekęrapené beteta, naase tamo tęteróló kaae tawaaire doasi topo whįrapepó. Ti mió atimané tęteróló kaae tawaaire ala sini, téyópó. Take atima doasi doi muópoló mené sóró beteraalopó. Atéró sóró betteratepa, kale syaae kaae ęlatamo betą bitu, sawa sukamó tęteróló kaae tawaalopó. ¹³ Atima fea mo betą kisipatóró muóló, kale syaae kaae ęlapaae naaotóró kaae tawae yóló, fotokęró tęteróló kaae tare alatamo melaalopó. ¹⁴ Ai fakerape atima touyóló kale *Sipsip* hupu maletamo bóe daalopó. Téyaalotei, kale *Sipsip* hupu malené atimatei dóló tęteraalopó. Ti noatepae, ąta i haemó betó mole talerape tęteróló kaae tare Tale betóo, mepaae hae kwia tęteróló kaae tare topo whįrape tęteróló kaae tare topo whį betóo, erapó. Atéru, ą sya fóló ama ala eró tare so whįta, ti ątamo betąmó betaalopó. Atimata, ama ape yóló sókó su yóló, kae beteró betere so whįpó,” yalepó.

¹⁵ Téro, kale *ensel*-né ępaae duraalu, “Kale nópu nokole so betere węirapené beteta, i ape. Kae kae tiki daae mole so whįkélé, kae kae touró betere fakekélé,

kae kae *Gavman*-né tęteróló kaae tare so whįkélé, kae kae be fo bole so whįkélé mo fea tómó, ai so ą beterapó. ¹⁶ Kale syaae kaae ęlaró naase tamo sekęrapetamoné kale nópu nokole so hęróló, bóe daalopó. Atéturaalu, ama kuti fea sorokóló taae faróló tiki daapi hąle betepa, ama tiki mi fea sorokóló nóló diri hąle simó sukulaa dópóló biliraalopó. ¹⁷ Ti noatepae, kale naase tamo sekęrape atima fea fo dokóló betą tuę mutu, atima tęteróló kaae tare fotokę kale syaae kaae ęlapaae melaalopó. Até yaaire alata, Kótóné ama eraalopó yóló muló betere fo dokonótu mo erópóló, atima tuępaae bulaalopó. ¹⁸ Naao ai kelale sota, i haemó betó mole topo whįrape tęteróló kaae tare doasi doi mole be huluapó,” yalepó.

18

Babilon kolokóló derepele fo

¹ Ai ala yóló kemetepa, me *ensel* hepen bemó dorowou betepa kelalepó. Ai sekęné, fea ala ama tęteróló kaae tawóló beterópóló, mené ą sóró beteró beterapó. ą tuąmó ere kokóné sini dę wisinaale i hae kwia feapaae dęralepó. ² Téro, kale sekęné mo doasi fo fakeyóló fotokęiné duraalu, “Ai kolokó dorowóló mole ape! Kale doasi doi mole be hulua Babilon kolokóló dorowóló mulapó.

Ti ai sota, dowi keperape betere be alée fóo, mepaae kae kae dowi keperaperó hękolo yóló kelaalo mo sonaalei barapetamo, betere tiki alée fóo erapó.

³ Ti noa betené mei, hae kwia kae kaemó betó mole so whį ai soné ama nópu nokole ala tokóló yateiné *wain* węi nóló, keyaa fu dere kaae du betalepó.

I hae kwiamó betó mole so whį tęteróló kaae tare topo whįrapekélé, kale sotamo nópu nukua yalepó.

Ai soné ama doasi nélire alané, i hae kwiamó ęla ęla dotonóló duputu betere so whinė *moni* mo dekéro siré feleteiné néli whį betalepó,” yalepó.

⁴ Téro hepen bemó me i fo depa wosalepó.
 “Yąło so whį-ó, ai sotamo betere so whį kua dolomó beteretei taaróló sókó ape.

Ama du betere dowi alarape diąpaae tokó melóturaalu, ama saaire dowi sekęi alarape diąkélé saqsórópa, taaróló ape.

⁵ Ti noatepae, ai soné Kótóné yóló muló betere fo tikale dowi ala muté holóló, hepen bepaae sókó horapó.

Atéremó, melaaire dowi kwia Kótóné keteréni, kisipa hąle yó tarapó.

⁶ Kale soné ama melatua yale węi ąpaae tokó mótu, ama male sų tó mó me beleróló ątei nópóló melae.

⁷ Kale so ą doasi doi mulapóló, wisi wisi ąla dekeró nuku betale sųtóró, susupui alaró dekęné sukutere alatamo sópóló melae.

Ama tuę tiki tuąmó bopé fake dere ala bulu, ‘Ęta, mo doasi tęteróló kaae tare topo so betereteiné ę wulia so betepapakó woletere ala enénipóló,’ kisipa mutu beterapó.

⁸ Atéreteiné, mo betą sukamó ama sópóló dąle muló betere sekęi alarape hąsókó feni, mo saalo ai ape.

Ai alarapeta, i ape. Sukutere alakélé, dekęné sukuturaalu wole yaaire alakélé, wotené sukutere alakélé, tiki siné dóló sukųlaa dokole alakélé, ai ala fea mo amatóró saalo ai ape.

Ti noatepae, ai somó dowi kwia melaaire Tale Kótóta, mo doasi fotokų bole bete Talepó,” yalepó.

⁹ Ai sotamo nópu nokole ala yóo, ama wisi wisi ąla sóo, du betere tęteróló kaae tare topo whįrapené ai kale so dukuraalu, hotere sukuli kelalepó. Atétepa, atima kale so dekęné sukóló woletu betaalopó.

¹⁰ Kale so atéro duku bitu, susupu sóró kaketu betere alamó, atima wituraalu, tika mo umó daae mulu, i fo yaalopó.

“Mo doa wió! Doasi doi mole be hulua-ó, wió yae!

Doasi fotokų bole be hulua Babilon, yą doraalopóló tukóló muló betere alata, betą sukakelemótóró mo ti doróló ai kemeyale ape.”

¹¹ I hae kwia feamó ąla ąla dotonóló duputua yale whįrapené kale so dokole kolóló, dekęné sukuturaalu, moló-u yaalopó. Ti noatepae, atimané ąla ąlarape take yale kaae whįrapené momó kae duputimipó. ¹²⁻¹³ Atimané atéro dotonótu betere ąla ąlarape i ape. *Kold kapa*, *silpa kapa*, doasi *moni* sere kasa kasai kanerape, meleke kaae, du dui ąla, *linen* kuti wisinaale, sukutąi kuti, *silk* kuti, sonaai kutikélé, fetera kaae ąla *sitron* nikélé, hupu sekęné aleale kae kae ąlakélé, doasi *moni* sere nikélé, *brons kapa*, *aiyon kapa*, be tętere kane fake wisinaalekélé, *sinamon* fetera kaae ąlaró mepaae kae kae fetera kaae ąlatamokélé, simó bilitepa felé kęlaa wale ni sekaę kaae ąla mura ni fekélé, *frenkensense* ni fekélé, *wain* węikélé, *Olip* ni duné aleale *welkélé*, *flawa* wisinaaleró *whit*-tamokélé, *bulmakau* hupuró *sipsip* huputamokélé, *hos* hupuró ama sųyóló só kotere ąlatamokélé, wae sóró kutó diratere so whįró hąle mo betere so whįtamóné tikiró asotamokélé dupu yaalopó.

¹⁴ Atimané i fo yaalopó. “Naao senée du betale ni du mo ti aluyalepó. Naao wisi wisi ąlaró néli butukutu betale ala wisinaaletamo aluyaletainé momó kae ke-laalomeipó.” ¹⁵ Téro, ai kale dosąayale ąla ąlarape dotonóló néli botokó fu betale whįrape atima kale so doasi susupu sóró kaketu betere alamó, atima wituraalu, tumó daae mulu, dekęné sukóló fakeyóló etei wole fo yaalopó.

¹⁶ “Doasi wió yae! Doi mole doasi be hulua-ó, yą tuąmó betó mole so whįné aure ąla ąlarape i ape. *Linen* kuti wisinaalekélé, sukutąi kuti, sonaai, *kold kapa*, doasi *moni* sere kapóró du dui melekerapetamoné au wisinaale yóló néli whį betaletai, mió wió yae.

¹⁷ Doasi *moni* sere wisi wisi ąla fea hąleke sukamótóró doyóló ai kemeyale ape.

Doasi węi nuku só kotere so whįkélé, ai nukumó kotere so whįkélé, nuku tuąmó kutó ditere so whįkélé,

moni saaire kutó ditere so whįkélé, mo fea tumó kese anóló daae muaalopó.”

18 Kale so dukuraalu hotere sukuli kolóló, atimané i fo yaalopó. “Atei kaae doi mole doasi be hulua wisinaaleta, me kae mei, mo betątóró tęnapó,” 19 Atétepa, dekęné sukuturaalu, atima hae diyóló, etei wole fakeyóló du betaalopó.

“Wió! Doasi doi mole be hulua-ó, wé! naao teyae.

Ai soné doasi węi nuku talerape atima *moniné* doasi néli whį beteralepó.

Téyale sotei, hąleke sukamó ą mo ti doyalepó.

20 Ó hepen bemó betó mole doasirape-ó, ai sopaae eraterere alamó dią hąiné sukutu betae.

Kótóné dowi ala kemeróló kae beterale so whįkélé, *aposeł* whįrapekélé, Kótóné fo eraterere kóló whįrapekélé, hąiné sukutu betae.

Ti noatepae, ai soné diąpaae erale sekęi alamó, kwia Kótóné ąpaae tokó melalepóló, dią hąiné sukutu betae.”

21 Téró, doasi fotoką bole *ensel*-né mo doasi kane fake tao sóró doasi węi kęła tópaae taae deróló duraalu,

“I doasi kane taae derótu dere kaae, kale doi mole Babilon be hulua kolokó dorowóló, mo ti doraterere be, momó kae tęyaalomeipó.

22 Yą tuąmó *kita* kaae ąlané halekélé, wole fokélé, fó wutiné haleró *kapané* aleale ukulumó wutiné haletamo momó kae wosaalomeipó.

Be tętere ala ó nuku wisiraterere ala ó kae kae fosó fosótere whįrape mo feata, Babilon yą tuąmó mo kolókélé yaalomeipó.

Whiti o du derąketuraalu, kane fakené halekélé, momó kae wosaalomeipó.

23 Kale *lamp* sąné dęrótu betereitei, momó kae dęraalomeipó.

Soró whįtamo dokóló ąla deturaalu, hękese detere fo momó kaae wosaalomeipó.

Naao ąla ąla dotonóló duputua dere whįrapeta, i haemó doasi doi mole whįrapepó.

Naao isi whįné dere alané kae kae *Gavman*-né tęteróló kaae tare aąmó betó mole so whįkélé, fea kópaee ąlisóró fu betalepó.

24 Kale so tuąmó, Kótóné fo eraterere kóló whįrapekélé,

Kótóné ama kaae betero betere so whįkélé,

bóené mepaae i haemó betó mole so whį dale sameakélé ą tuąmó mupa ke-lalepó,” yalepó.

19

Talené doi hale sóró horópoló yae!

1 Ai ala yóló kemetepa wosalemó, ó hepen bemó so whį mo hąle ąla kaae wó muluraalu fo tiki whaa du betalepó. Atéro duraalu,

“Talené doi hale sóró horae.

Mo ti aluyaąsóró tao sere alakélé, ama ere alané doasi doi mole alakélé, fotoką doasi bole alakélé, bete Tale dąné Aya Kótó ątórótipó.

Ti noatepae, ama taleyóló só deraterere ala hąko ini, mo alatóró sya furaalu, dono taletua dapó.

2 Atéturaalu, kale doasi doi mole nópu nokole soné ama du betale alané i haemó betó mole so whį kópaee faróló doralepó. Até yale alamó, Kótóné ama kutó diraterere whįrape dóló sókó fale sameamó kwia tokó malepó,” yalepó.

3 Téró atimané momómo fo fakeyóló duraalu,

“Talené doi hale sóró horae.

Kale so duku bituraalu hotere sukuli tukókélé ini, hąle holótóróti tarapó,” yalepó.

4 Ai fo deremó, kale 24 whį disirap-eró kale douřó betere ąlarapetamo kale tęteróló kaae tare doasi betere tikimó deraapisa fóló fió mulu fo fakeyóló duraalu, “Mo kée, Talené doi hale sóró horópoló yae!” yalepó.

5 Tétepa, kale tęteróló kaae tare doasi betere tikimó sókó wale foné duraalu,

“Talené kutó diraterere so whįrape-ó, dią ąpaae winé sukóló, doasi doi mole so whįró doi munire so whįtamo

feané ąą tẹteróló kaae tare Kótóné doi hale sóró horótu betae,” yalepó.

⁶ Tétepa yąlo wosalemó, so whi mo hąle ąla kaae wó muluraalu dere fo tiki whaata, mo doasi wẹi doų kąatu dere hu kaaeró doasi be sapalaa dere kaaetamo yóló duraalu,

“Talené doi hale sóró horae.

Đą kaae tare doasi fotokọ bole Kótóné ąla ąla fea amatóró tẹteróló kaae tareteiné ama doi hale sóró horae!

⁷ Đą fea hąiné sukóló hękeseturaalu, ama doi doasi muąpóló hale sóró horaalopa siépe.

Ti noatepae, kale *Sipsip* hupu malené so dokaaire be ą sókó wapa, kale sekéné dokaaire soné ama auyaaire ąla ąla donoróló muló beterałó.

⁸ Kale so ą derópóló, fokó fale ąei *linen* kuti wisinaale melalepó,” yalepó.

Ti ai kale ąei *linen* kuti wisinaaleta, Kótóné ama kae betere so whirapené du betale mo donoi alapaee dó faróló erapó.

⁹ Tétepa, kale *ensel*-né ępaee duraalu, “I fo aseyaee. Kale *Sipsip* hupu malené so dokaairaalu, ąla deyaalopa ape,” yóló dape sere so whi mo doa hąiné sinópóló yae. Téró ama duraalu, “Ita, Kótóné ama kólómó sókó wale fotóró ąapó,” yalepó.

¹⁰ Até deremó, ę ama hó aąmó deraapisa fóló fió mulu, ąpaee moma yaai yalepó. Atéyalemó, ama duraalu, “Atékese! Ęta, yąró Yesuné yale ala mopóló eró tare so whirapetamo ąą betą kutó diratere seképó. Térapa, Kótó aąmó sukóló bitu, ąpaee betą moma yae. Ti noatepae, Yesuné yale ala etérópóló yó matere alané Kótóné kóló whirapené dere fo fea bete hąkearótu beterałó,” yalepó.

Đei hos hupu tómó betą sekę whi betepa kelale fo

¹¹ Téró yąlo kelalemó, hepen be tu tukwę fóló, ąei *hos* hupu ę daalepaae anóló daalepó. Ai hupu tómó betere whi mo foné betetóró bitu, Talené ala eró tare Seképó ąua ąapó. Ai sekénéta, fo tokóló taletere alaró bóe dele alatamo, mo donotóró ąua ąapó. ¹² Ama keleta, mo si mi kaae buó, ama topomó kale tẹteróló

kaae tare doasiné deró betere topo tao-rape deróo, erepó. Ama tikimó aseýóló muló betere doita, mo whi betąnekélé tuęni, ama betą tuęrapó. ¹³ Ama deró betere kutita, samea belere dolopaae deróló sókó sale kuti deró beterełó. Ai sekéné ama doita, ti Kótóné fopó. ¹⁴ Hepen bemó bóe dele *amirape* atimané deró betere kutita, mo fokó fale tikimó ąei *linen* kuti wisinaale deróló, ąei *hos* hupura-pe tómó betóló, kale sekéné sisómó wó tarepó. ¹⁵ I hae kwia feamó betó mole so whitamo bóe dóló tẹteraairaalu, bóe dele fosói sepake ama kólómó sókó wapa kelalepó. “Amata, *aiyon kapané* aleale nópulu taru, haemó betó mole so whi fea ama tẹteróló kaae tawaalopó,” Ai sekénéta, mo doasi fotokọ bole Kótóné dowi fopaae buló, kwia melaaire *wain* képi du wẹi ątere tikimó teiya teiya du beterałó. ¹⁶ Ama deró betere fłoi kutiró *fasatamomó* etei doi aseýepó.

TĘTERÓLÓ KAAE TARE WHIRAPE KAAE TARE DOASI BETÓO,
I HAEMÓ DOASI ąLA ąLA TALERAPE
TĘTERÓLÓ KAAE TARE TALE BETÓO,
erapó.

¹⁷ Téró yąlo kelalemó, betą *ensel* suka ke tómó daalu, kale sikimó sé kotere barapepaae fo fakeýóló duraalu, “Kótóné ama doasi ąla deyaalopa, ąi fea betąpaae tourąle ape. ¹⁸ Ti hąle mei, Kale tẹteróló kaae tare doasi whirapekélé, diki tare whirapené topo whirapekélé, mo doasi fotokọ buló bóe dele whirapekélé, *hos* hupuraperó ai hupu tómó betóló kotere whirapetamokélé, mo hąle betere so whiraperó wae sóró betere so whirapetamokélé, mo doasi doi mole whiraperó doi muni hąle betó mole so whirapetamokélé, i dosąayale so whirapené tiki mirape ąi naasepólópa, tourąle ape,” yalepó.

¹⁹ Téró yąlo kelalemó, kale *hos* hupu tómó betóló wale whiró ama bóe dele *amirapetamo* atima daae molepaae, kale syaae kaae ąlaró hae kwia fea tẹteróló kaae dilikiyó mole doasi topo whirapetamokélé, atimané bóe dele whirapekélé touyóló, bóe daai wou betepa

kelalepó. ²⁰ Téyaletai, kale syaae kaae ɔlaró, Kótóné ama kóló whı́póló kapala fo yó matere whıtamo tawóló dokóló mulalepó.

Ti ai kale kapala fo yó matere kóló whı́né kale syaae kaae ɔlané doi doasi muópóló kae kae kelemei alarape erótu betalepó. Ti ama ai kelemei alarape yó melaletikimó, syaae kaae ɔlané siri sóo, ama aso aqmó sukóló bituraalu, dukiraterere fo yóo, du betale so whı́rape kópaee fópóló dilikitu betale whı́pó. Téro, ai kale dokóló mulale seké tamo, betepatei doasi *sulpa* si duku betere weı kęla belerepaae taae deralepó. ²¹ Téturaalu, atimaamoné bóe dele whı́rapeta, kale *hos* hupu tómó betóló wale whı́né kólómó sókó wale sepakené mo fea dóló muó mupa, barapené tiki mi nóló depe watamo fua yalepó.

20

1,000 ba fo tuqmó yaaire ala

¹ Téro yało kelalemó, ó hepen bemó *ensel* dorowou betalepó. Ai sekéné ama naasenéta, mo apaae derepale osono dolo tu kinaaire *kiró* mo doasi *sein* képitamo tarepó. ² Ai *ensel*-né kale wuli disó botokó sóró tawalepó. Ai disóta, mo taketi bitiré wale wulipó. Ama doita, Satan ó Kótótamo bóe du betere dowi kepepó. A dokóló muló betepa 1,000 ba fopi kemeraairaaalu dokalepó. ³ Téro, *ensel*-né kale wuli disó tawóló, mo apaae derepale osono dolopaae sóró taae deróló, tu kinóló diriraterere ɔlané mo ti diriralepó. Ti aita hąle mei, i hae kwiamó betó mole so whı́ ama momó kae dilikóló kópaee falaqsóró, 1,000 ba fo tuqmó hąle beteralepó. Ai ba forape kemetepa, kılipaae sawatamo sukamó maaté a sókó daalóló, hąle beterópoló eraalopó.

⁴ Téro yało kelalemó, teteróló kaae tare doasi betere *searapemó* fo tokóyóló taletere whı́rape betó molepó. Aimó, Yesuné yale alarape i ape, yóló yó matere foró Kótóné fotamo yó materemó, depa tikale so whı́né keperapekélé, betó mupa kelalepó. Ti ai so whı́rapeta, syaae kaae ɔlaró ama asotamo aqmó sukóló

bitu, dukiraterere fo ini yóo, ama siri atimané kutirimó ó naasemó dakeraterere hı́ dua yóo, yale so whı́rapené keperapepó. Ai sekęrape atimata, kepaayóló bituraalu, Yesu Kerisotamo betámó 1,000 ba fo tuqmó teteróló kaae taté fópóló sóró beteralepó. ⁵ Téro, kale hąle sukąle whı́rape atima hapale kepaani, 1,000 ba fo kemeyale kılipaae, ti kepaayóló betó muaalopó. Ti aita, folosóró kepaayóló betereiteipó. ⁶ Ai kale folosóró kepaayóló betere so whı́ta, Kótóné ama kae sóró betero betereiteimó, mo hąiné sukóló betó mulapó. Tamo dakoróló sukutere alané atimapaee me sekęi ala eranénipó. Ténı, atima Kótóró Yesu Kerisotamopaae momaraterere so whı́ bituraalu, aıtamo betámó teteróló kaae taté fóló 1,000 ba fo kemeyaalopó.

Satan doasi dele tuqmó beteraaire fo

⁷ Téro ai kale 1,000 ba fo kemetepa, Satan a *dipula* beteraletei fópóló sókó daalaalopó. ⁸ A atéro sókó daalatepa furaalu, i hae detene fale douro kwiamó betó mole Kok fake so whı́ró Makok fake so whı́tamokélé dilikóló, dape siré kweyóló bóe daai, betapaae tourąle waalopó. Ti ai so whı́, fea touróturaalu, weı atiką supó. ⁹ Ai tourale *amirape* atima, delaapemó daayóló doasi mulure hae tiki mo suróló wou, Kótóné ama so whı́ betere tiki boperóló betó molepó. Ai so whı́ betere tikita, ti Kótóné ama yaala sókó fóló mole be huluapó. Atima atéro be naai boperąle wóló betó molemó, ó hepen bemó si sókó dorowóló atima mo fea doló kemeralepó. ¹⁰ Ai kale siné doló kemeraale so whı́ dilikąle Kótótamo bóe du betere dowi kepe aıta, kale *sulpa* si dó tare weı kęla belerepaae taae deralepó. Take kale syaae kaae ɔlaró Kótóné ama kóló whı́póló kapala fo yó male whıtamo taae derale kaae akélé atéro taae deralepó. Atima atéro bituraalu, dikitamokélé, dętamokélé, doakale dele doasi sóró kaketu betere alata kemekélé ini, hąle yótóroıı tawaalopó.

Sukąle so whı́tamo fo tokóló tale yaaire fo

¹¹ Téro, kale tẹteróló kaae tare doasi betere deji *sea* kolóo, ai *sea* tómó betere seké kolóo, yalepó. I haeró sřtamota, ai kale doasi kilitu botokó feletei, kinaaire tiki meipó. ¹² Téro yřlo kelalemó, take sisiraae fele doasi doi mole so whi ó doi munire so whi, doasi betere tikipaae anóló daae molepó. Atima atéro daae mole tuřmó, *buk*-rape đaae faróló muó molepó. Me đaae faróló mole *buk*-ta, mo titóróti betó tare *buk*-pó. Take kale sisiraae fele so whirape atimané yale alarape fea kale *buk*-rapemó aseyóló moletei, kolóló taleyalepó. ¹³ Kale weji nóló sisiraae fua yale so whita, doasi weji kęlané dotonale holóo, mo sukutere so whirape fóló betere bemó betó mole so whikélé, ti ai benétei dotonale wóo, sukutere alané tao tare so whirapeta, ti ai alanétei dotonale wóo yalepó. Atéro wóló betó mupa, atima dokę feané yale ala donotóro taletua yalepó. ¹⁴ Téro, kale sukutere alaró sukęle so whirapetamo betó mole tiki kale doasi si duku betere weji kęla belere dolopaae taae deralepó. Ti ai si duku betere weji kęlapaae taae deraleteita, tamoróló sukutere tikipó. ¹⁵ Téro, mo ti betere *buk*-mó doi munire so whi kale si dó tare weji kęla dolopaae taae deralepó.

21

Kisi Jerusalem be

¹ Téro yřlo kelalemó, me i ala erepó. Take mole haeró hepen betamokélé kemeróturaalu doasi weji kęlakélé kemeralepó. Téturaalu, kisi hepen beró haetamo sókó wóló mupa kelalepó. ² Téro yřlo kelalemó, dowi ala betękélé munire kisi Jerusalem be hulua wisinaale, Kótó betere hepen be taaróló dorowou betalepó. Ai be huluané ama ere alata, so seimale ř whitamó dokaaí kolóló kokęné sukę kuti wisinaale derótu dere kaae erepó. ³ Téro yřlo wosalemó, kale tẹteróló kaae tare doasi betere tikimó fo fakeyóló duraalu, “Mió, Kótó ř betere be dorówóló so whitamó muóo, řkélé atimatamo betóo, yaalopó. Atéru, atima ama so whitóro betepa, Kótó atimatamo betęmó bitu, atima tẹteróló tare Tale

betaalopó. ⁴ Atéro, so whi feané wole kaae ai sekęné helekóló kópuraalopó. Tétu, sukutere alakélé, deķęné sukóló wole dere alakélé, moló hu dere alakélé, dele sere alakélé, momó kae yaalomeipó. Ti noatepae, folosóro yale alarape fea mo ti kemeró betereiteinépó,” yalepó.

⁵ Téro kale tẹteróló kaae tare tikimó betere doasiné duraalu, “Fea ęla fea yřlo kae kisi aletu betera-pó! Téra-řa, yřlo i yale fo naao aseyae. Ti noatepae, i dere fota, mo yaai dere ala dapóló diaaę tuę tiki tiranérápó,” yalepó.

⁶ Téro ama ępaae duraalu, “Ai alarapeta, fea ai yóló kemeyale ape. Ęta, *Alaparó Omekatamo* bituraalu, kaae sereteiró kemeratereteitamo, mo ętórótípó. Whi me de weji nokole depa, mo ti betó tare tikimó wó tare weji me ęlané dupuni, hęle nępóló yřlo melaalopó. ⁷ Whi me de ř tu wisipaae faai fełalemó, sesétepakélé hepée taae faróló wale whinė i ęla ęlarape fea take ama saalopó. Téturaalu, ę ř tẹteróló kaae tare Kótó betóo, ř yřlo naale betóo yaalopó. ⁸ Téretei, atimapaee me seķei ala eraęsóro witu, ę taaróló fele so whikélé, whinė sotamo dere ala kaae yóló whi hamomatamotei dowi ala du betere so whirapekélé, whi dele whirapekélé, nópu nokole so whikélé, kapo niřpaae momatere alaró herei whétamoné whi dele so whikélé, kapala fo dere so whikélé, mo fea atima betaaire tikita, *sulpa* si duku betere weji kęla ai ape. Ti aita, atima tamoróló sukęaire alapó,” yalepó.

⁹ Mo kemeróturaalu melaaire weķeró seķei alarape belere nuku tare weķeró *ensel*-rapekó betęné ępaae duraalu, “Kale *Sipsip* hupu malené dokaaire so, yřlo yřpaae yó melaalopa, kelaai ape,” yalepó.

¹⁰ Ai fo deremó, Deji Kepe Wisiné ę fotokę bulatepa, kale *ensel*-né mo doasi sokore hasi fosópaae beleyóló sóro holalepó. Atéro sóro holóló betéro bituraalu, dowi ala mo betękélé munire be hulua Jerusalem, Kótó betere hepen be taaróló ai dorowou betera-řa, kelaie yóló yó malepó.

¹¹ Tétepa yřlo kelalemó, ai kale be hulua, Kótóné ama ere deę wisinaale deýó faralepó. Atéro ere deřta, mo doasi *moni* du-

putere kanené kasa kasare de kaae erepó. Mo hąle kaponé ere de kaae mei, *jaspa* kanené de kaaetórótípó. Mo hąkukulukélé ini, *klas* kasa kasa kaae yó fi *jaspa* kane wisinaalené ere de kaaepó. ¹² Ai be huluata, doasi dopóku ópaae horóló deyóló boperó beterepó. Ai dopóku tuąmóta 12-tų dolorape móo, ai tu kaae diliki yóló 12-*ensel*-rape daa yóo, ai tu serekemó 12-Israel fakené doirape asę yóo, erepó. ¹³ Ai dopókumó suka hoterepaaeróló tu sereke sore muóo, suka doropolepaaeróló tu sore muóo, *saot* deąpaaeróló sore muóo, *norti* deąpaaerólókélé, sore muóo erepó. ¹⁴ Ai kale be hulua boperóló dere dopóku 12-ró kapo fakerapené mukuté mulaté horepó. Ai 12 mukuté mole kane fake tómó, kale *Sipsip* hupu malené sóró betero betere 12 *apospel* whįrapené doi asęrepó.

¹⁵ ętamo kale fo yale *ensel*-né kale be huluakélé, dopóku dereteikélé, tu serekerapekélé fea sųróló dąle saairaalu *kold kapané* aleale dotó tiki tarepó. ¹⁶ Ai be huluata etéro teýóló muló beterepó. Filipaaró betereiteiné dąleró doló faló betereiteiné dąletamota, ti mo betą kaaetórótípó. Kale sekéné ama dąle saai tare dotó tiki be hulua sųróló dąle saleteita, doló faló betereiteikélé, filipaaró betereiteikélé, ópaae horeiteikélé, mo betą kaaetóro 2,200 *kilomitapó*. ¹⁷ Téro kale dopóku hapólu eretei ama dąle saleteita, 65 *mita*-pó. Ti ai *ensel*-né ama dąle sere alata, me kae mei, mo whįné dere kaaetóro yalepó. ¹⁸ Ai kale be hulua boperóló dere dopókuta, *jaspa* kanené aleyóo, be huluata, ti *kold kapa* wisinaalené aleyóo erepó. Ai kale *kold kapata*, hąkukulukélé ini, mo kasa kasa yó fipó. ¹⁹⁻²⁰ Ai be hulua boperóló dere dopóku mukuté mulaté hore kapo fakerape auraairaalu, mo doasi *moniné* duputere kae kae kasa kasai kanerapené auró beterepó. Folosóro kaae suraalu, muló betere mukuté *jaspa* kanené auróo, 2 ti *sapaia* kanené auróo, 3 ti, *kalsitoni* kanené auróo, 4 ti *emerald* kanené auróo, 5 ti *sadoniks* kanené auróo, 6 ti *kanilian* kanené auróo, 7 ti *krisolait* kanené auróo, 8 ti *berl* kanené auróo, 9 ti *topas* kanené auróo, 10 ti *krisopres* kanené auróo, 11 ti

jasint kanené auróo, 12 ti *ametes* kanené auróo, erepó. ²¹ Kale ai dopóku 12 tu serekerapeta, 12- du dui meleke *perl*-né alée molepó. Ai tu sereke dokęta, mo betą *perl* doasiné alée mulapó. Be hulua tuąmó fale tuąta, *kold kapa* wisinaale mo kasa kasai *klas* kaaené aleyóló molepó.

²² Ai be hulua tuąmó Kótópaae momatere be betą kilinipó. Ti noatepae, doasi fotokę bole Tale Kótóro kale *Sipsip* hupu male atimaamota, ti ai be hulua tuąmó ere momatere betórótípó. ²³ Ai be huluamó Kótóné ama ere alané deęró kale *Sipsip* hupu malené deątamo eró betereiteiné, suka deęró wélié deątamo mo yąyą inipó. ²⁴ Ai be huluamó deýó fale deęné, i haemó betó mole so whį fea diliki dolomó kutu betaęsóro, ai deęné deąraalopó. I haemó teęteróló kaae tare topo whįrape, atima mo kelaalo kokęné sini ala wisinaale sóró wóló ai be tuąmó mulaalopó. ²⁵ Ai be hulua tuąpaae faaire tuąrape kinókélé ini, mo hąle tukwę faróló muló betaalopó. Ti noatepae, aimó diki dere ala muni, deątóro yó tareiteinépó. ²⁶ Kae kae hae kwiamó betó mole so whįné doasi doi mutere alaró, kelaalo kokę ala wisinaaletamo sóró wóló ai be hulua tuąmó mulaalopó. ²⁷ Dowi ala mole whį ai be hulua tuąmó sókó faalomeipó. Halei ala dere whįraperó, kapala dilikitere so whį betąkélé ai be hulua tuąpaae mo sókó faalomeipó. Kale *Sipsip* hupu malené mo ti betere *buk*-mó doi mole so whį betą ai be huluamó fóló betaalopó.

22

Mo ti betó tawaaire węi

¹ Téro, kale *ensel*-né ępaae mo ti betó tawaaire fu betere kikisi węi kelaai ape yóló yó melalepó. Ai fole węita, Kótóro kale *Sipsip* hupu maletamoné teęteróló kaae tare doasi betere tikimó sorokó wóló, ai be hulua tuąmó fale tu seraa fu betepa kelalepó. ² Ai węi fóku uté deęró, ité deątamomó mo ti betó tare ni daalepó. Wélié dokę fea ai niné du oletua dapó. Ai niné ama sókuta, i hae kwiamó betó mole so whį tuąmó mole kae kae sekei

alarape fea i ni sóku fotokóné sýmó wisiranérápó. ³ Take so whjné yale dowi alamó Kótóné erale sekęi ala ai be huluamó momó kae muaalomeipó. Kótóró *Sipsip* hupu maletamoné tęteróló kaae tare tiki ai be huluamó mupa, ama kutó diratere so whjné ama erae dere ala erótu betaalopó. ⁴ Atimané ama kelepaa kolóo, ama doi atimané kutirimó asę yó fóo, yaalopó. ⁵ Aimó be dikitere ala momó kae muaalomeipó. Atima suka dę ó są dękélé, yąyątere ala mo enénipó. Ti noatepae, atima dę tuámó beterópóló Tale Kótóné ama ere dęné dęró betaalopó. Atéró bituraalu, betere dokó fea atimanékélé, fea ala fea tęteróló kaae taté fu betaalopó.

⁶ Tale ąta, ama kóló whjrapené keperape tęteróló kaae tare Kótó beterapó. Atéru, mo felekemó eraaitere ala ama kutó diratere so whjpaae ene fópóló, ama *ensel* atima beterepaae dotęyalepó, yalepó.

Yesu walapóló ere fo

⁷ “Ę mo felekemó waalo ai ape. Kótóné i ala eraalopóló i *buk*-mó asęre fo eró tare so whjta, Kótóné atima wisiralepóló, hajné sukutu betaalo ai ape,” yalepó.

⁸ I yale forape wosóo, yale alarape kolóo, yale whjta ę Jon-pó. I alarape yó male kęlipaae ai yó male *ensel* daale tikimó ąpaae moma yaai deraapisa fóló fió mualepó. ⁹ Tęyalemó, ama ępaae duraalu, “Atékese! Ęta tale mei, dąmo wusuró Talené kutó diratere whjpó. Nonaorape Kótóné kóló whjrapekélé, kale i *buk*-mó mole fo eró tare so whjkélé, dą fea betą kutó diratere fakepó. Tęrapa, Kótó aqmó sukóló bitu, ama doi betą sóró horótu betae,” yalepó.

¹⁰ Téró, kale dere kaae ępaae momó duraalu, “Kótóné i ala eraalopó ere fo hąkearóló i *buk*-mó asęyóló muló betere fo kinóló mulaęse. ¹¹ Dowi ala du betere so whjta, atima ai alatóró yó tanópóló yae. Kae kae mo kelaalo sonaalei dowi ala du betere so whjta, ti ai alatóró du beterópóló yae. Mo donoi ala wisi du betere so whjta, ti atimané ai du betere wisi alatóró yó tanópóló yae. Me dowi alatamo hosekény, Kótóné ama kae beteró betere so whj ti

atima ai betere kaaetóró betó tanópóló yae,” yalepó.

¹² “I dere fo wosae, ę mo felekemó waalo ai ape!

So whj dokó feané yale alamó tokó melaai yąlo i tare duputa, ę wouraalu melaalo ai ape.

¹³ Ęta, *Alaparó Omekatamopó*. Folosóró kaae sóró betaleteiró, kemerąle foloteitamota ętórótípó.

Qla qla fea keké nale betekélé, fea ala touróló kemeratere betekélé, ti mo ętórótípó.

¹⁴ Deróló sókó fatere fłoi kutu fokotu betere so whjta, Kótóné wusiró beterapa hajné sukutu betae.

Ti atétere so whj be dopóku tu serekemó doasi be huluapaae sókó fóo, mo ti betere ni du tokó nóo, yaairetei, mo sųrapó.

¹⁵ Kale dopóku aqró haęrape betó mulapó. Ai haęrapeta i ape. Whéró hereitamóné whj dele alakélé, kae kae hosó fo ó isi whjné dere alakélé, nópu nokole alakélé, whj dele alakélé, kapala kótóraperó keperapetamopaae momatere alakélé, kapala fo yóló whj dilikąai eķęle du betere alakélé, i dosąayale alarape du betere so whj atima feata, dopóku aqró betó mulapó.

¹⁶ Ęta, Yesupó. I kelale alarape Keriso fake so whjné dosąayóló tuę yópóló, diąpaae yó male fae yóló yąlo *ensel* dotęyalepó.

Ęta, Depit kaayale beteró ama deté fele naalené naaletamopó.

Atéru, hįka be dęteretamo dęyó tare hęrepó,” yalepó.

¹⁷ Kale Dęi Kepe Wisiró whjné dokaai du betere sotamoné duraalu, “Ape,” du beterapó. Mepaae i dere fo wosetere so whjnékélé “Ape,” yópóló yae. Mepaae whj de węi nokole depa, ę beterepaae wópóló yae. Mepaae whj dené węi nenée du betepa, mo ti betó tawaaire węi dupuni, hąle sóró nale wópóló yae.

¹⁸ Kótóné i ala eraalopóló, *buk*-mó asęre fo wosetu betere so whj feapaae dirii ma fo i dapa wosae. Mepaae so whj denétamo

i *buk*-mó mole fo tó mó me kae beleróló depa, ti Kótóné i *buk*-mó bopetu betere sekei alarape ai so whı́paae mo turó eraalo ai ape. ¹⁹ Mepaae whı́ dené Talené i ala eraalopóló *buk*-mó mole fo mepaae kwia tokóló aluratepa, ti Kótóné atétere whı́mó melaalopóló i *buk*-mó bopeyale mo ti betere ni du nóo, kae tene be hulu-amó beteróo, yaai yale alatamo ama fasó saalopó.

²⁰ I kale aseýóló muló betere alarape kelale whı́né duraalu,
 “Mopó. Ẹ felekemó walapó,” fo dapó.

Tétepa duraalu,
 “Mo kée Táyópóló yae.

Tale Yesu-ó, ya ape,” dapó.

²¹ Tale Yesuné hąle tao sere ala wisi-naale Kótóné so whı́paae wópóló yae. Mo kée. Táyópóló yae.

Read the New Testament daily

January

date	Scripture
1	Matyu 1:1-2:12
2	Matyu 2:13-3:6
3	Matyu 3:7-4:11
4	Matyu 4:12-25
5	Matyu 5:1-26
6	Matyu 5:27-48
7	Matyu 6:1-24
8	Matyu 6:25-7:14
9	Matyu 7:15-29
10	Matyu 8:1-17
11	Matyu 8:18-34
12	Matyu 9:1-17
13	Matyu 9:18-38
14	Matyu 10:1-23
15	Matyu 10:24-11:6
16	Matyu 11:7-30
17	Matyu 12:1-21
18	Matyu 12:22-45
19	Matyu 12:46-13:23
20	Matyu 13:24-46
21	Matyu 13:47-14:12
22	Matyu 14:13-36
23	Matyu 15:1-28
24	Matyu 15:29-16:12
25	Matyu 16:13-17:9
26	Matyu 17:10-27
27	Matyu 18:1-22
28	Matyu 18:23-19:12
29	Matyu 19:13-30
30	Matyu 20:1-28
31	Matyu 20:29-21:22

date	Scripture
1	Matyu 21:23-46
2	Matyu 22:1-33
3	Matyu 22:34-23:12
4	Matyu 23:13-39
5	Matyu 24:1-28
6	Matyu 24:29-51
7	Matyu 25:1-30
8	Matyu 25:31-26:13
9	Matyu 26:14-46
10	Matyu 26:47-68
11	Matyu 26:69-27:14
12	Matyu 27:15-31
13	Matyu 27:32-66
14	Matyu 28:1-20
15	Mark 1:1-28
16	Mark 1:29-2:12
17	Mark 2:13-3:6
18	Mark 3:7-30
19	Mark 3:31-4:25
20	Mark 4:26-5:20
21	Mark 5:21-43
22	Mark 6:1-29
23	Mark 6:30-56
24	Mark 7:1-23
25	Mark 7:24-8:10
26	Mark 8:11-9:1
27	Mark 9:2-29
28	Mark 9:30-10:12

February

March

date	Scripture
1	Mark 10:13-31
2	Mark 10:32-52
3	Mark 11:1-26
4	Mark 11:27–12:17
5	Mark 12:18-37
6	Mark 12:38–13:13
7	Mark 13:14-37
8	Mark 14:1-21
9	Mark 14:22-52
10	Mark 14:53-72
11	Mark 15:1-47
12	Mark 16:1-20
13	Luk 1:1-25
14	Luk 1:26-56
15	Luk 1:57-80
16	Luk 2:1-35
17	Luk 2:36-52
18	Luk 3:1-22
19	Luk 3:23-38
20	Luk 4:1-30
21	Luk 4:31–5:11
22	Luk 5:12-28
23	Luk 5:29–6:11
24	Luk 6:12-38
25	Luk 6:39–7:10
26	Luk 7:11-35
27	Luk 7:36–8:3
28	Luk 8:4-21
29	Luk 8:22-39
30	Luk 8:40–9:6
31	Luk 9:7-27

date	Scripture
1	Luk 9:28-50
2	Luk 9:51–10:12
3	Luk 10:13-37
4	Luk 10:38–11:13
5	Luk 11:14-36
6	Luk 11:37–12:7
7	Luk 12:8-34
8	Luk 12:35-59
9	Luk 13:1-21
10	Luk 13:22–14:6
11	Luk 14:7-35
12	Luk 15:1-32
13	Luk 16:1-18
14	Luk 16:19–17:10
15	Luk 17:11-37
16	Luk 18:1-17
17	Luk 18:18-43
18	Luk 19:1-27
19	Luk 19:28-48
20	Luk 20:1-26
21	Luk 20:27-47
22	Luk 21:1-28
23	Luk 21:29–22:13
24	Luk 22:14-34
25	Luk 22:35-53
26	Luk 22:54–23:12
27	Luk 23:13-43
28	Luk 23:44–24:12
29	Luk 24:13-53
30	Jon 1:1-28

date	Scripture
1	Jon 1:29-51
2	Jon 2:1-25
3	Jon 3:1-21
4	Jon 3:22-4:3
5	Jon 4:4-42
6	Jon 4:43-54
7	Jon 5:1-23
8	Jon 5:24-47
9	Jon 6:1-21
10	Jon 6:22-40
11	Jon 6:41-71
12	Jon 7:1-29
13	Jon 7:30-52
14	Jon 7:53-8:20
15	Jon 8:21-30
16	Jon 8:31-59
17	Jon 9:1-41
18	Jon 10:1-21
19	Jon 10:22-42
20	Jon 11:1-53
21	Jon 11:54-12:19
22	Jon 12:20-50
23	Jon 13:1-30
24	Jon 13:31-14:14
25	Jon 14:15-31
26	Jon 15:1-27
27	Jon 16:1-33
28	Jon 17:1-26
29	Jon 18:1-24
30	Jon 18:25-19:22
31	Jon 19:23-42

date	Scripture
1	Jon 20:1-31
2	Jon 21:1-25
3	Aposel 1:1-26
4	Aposel 2:1-47
5	Aposel 3:1-26
6	Aposel 4:1-37
7	Aposel 5:1-42
8	Aposel 6:1-15
9	Aposel 7:1-29
10	Aposel 7:30-50
11	Aposel 7:51-8:13
12	Aposel 8:14-40
13	Aposel 9:1-25
14	Aposel 9:26-43
15	Aposel 10:1-33
16	Aposel 10:34-48
17	Aposel 11:1-30
18	Aposel 12:1-23
19	Aposel 12:24-13:12
20	Aposel 13:13-41
21	Aposel 13:42-14:7
22	Aposel 14:8-28
23	Aposel 15:1-35
24	Aposel 15:36-16:15
25	Aposel 16:16-40
26	Aposel 17:1-34
27	Aposel 18:1-21
28	Aposel 18:22-19:12
29	Aposel 19:13-41
30	Aposel 20:1-38

date	Scripture
1	Aposel 21:1-16
2	Aposel 21:17-36
3	Aposel 21:37-22:16
4	Aposel 22:17-23:10
5	Aposel 23:11-35
6	Aposel 24:1-27
7	Aposel 25:1-27
8	Aposel 26:1-32
9	Aposel 27:1-20
10	Aposel 27:21-44
11	Aposel 28:1-31
12	Rom 1:1-17
13	Rom 1:18-32
14	Rom 2:1-24
15	Rom 2:25-3:8
16	Rom 3:9-31
17	Rom 4:1-12
18	Rom 4:13-5:5
19	Rom 5:6-21
20	Rom 6:1-23
21	Rom 7:1-14
22	Rom 7:15-8:6
23	Rom 8:7-21
24	Rom 8:22-39
25	Rom 9:1-21
26	Rom 9:22-10:13
27	Rom 10:14-11:12
28	Rom 11:13-36
29	Rom 12:1-21
30	Rom 13:1-14
31	Rom 14:1-23

date	Scripture
1	Rom 15:1-21
2	Rom 15:22-16:7
3	Rom 16:8-27
4	1 Korin 1:1-17
5	1 Korin 1:18-2:5
6	1 Korin 2:6-3:4
7	1 Korin 3:5-23
8	1 Korin 4:1-21
9	1 Korin 5:1-13
10	1 Korin 6:1-20
11	1 Korin 7:1-24
12	1 Korin 7:25-40
13	1 Korin 8:1-13
14	1 Korin 9:1-18
15	1 Korin 9:19-10:13
16	1 Korin 10:14-11:1
17	1 Korin 11:2-16
18	1 Korin 11:17-34
19	1 Korin 12:1-26
20	1 Korin 12:27-13:13
21	1 Korin 14:1-17
22	1 Korin 14:18-40
23	1 Korin 15:1-28
24	1 Korin 15:29-58
25	1 Korin 16:1-24
26	2 Korin 1:1-11
27	2 Korin 1:12-2:11
28	2 Korin 2:12-17
29	2 Korin 3:1-18
30	2 Korin 4:1-12
31	2 Korin 4:13-5:10

date	Scripture
1	2 Korin 5:11-21
2	2 Korin 6:1-13
3	2 Korin 6:14-7:7
4	2 Korin 7:8-16
5	2 Korin 8:1-15
6	2 Korin 8:16-24
7	2 Korin 9:1-15
8	2 Korin 10:1-18
9	2 Korin 11:1-15
10	2 Korin 11:16-33
11	2 Korin 12:1-10
12	2 Korin 12:11-21
13	2 Korin 13:1-14
14	Kalesia 1:1-24
15	Kalesia 2:1-16
16	Kalesia 2:17-3:9
17	Kalesia 3:10-22
18	Kalesia 3:23-4:20
19	Kalesia 4:21-5:12
20	Kalesia 5:13-26
21	Kalesia 6:1-18
22	Efesus 1:1-23
23	Efesus 2:1-22
24	Efesus 3:1-21
25	Efesus 4:1-16
26	Efesus 4:17-5:2
27	Efesus 5:3-33
28	Efesus 6:1-24
29	Filipai 1:1-26
30	Filipai 1:27-2:18

date	Scripture
1	Filipai 2:19-3:6
2	Filipai 3:7-4:1
3	Filipai 4:2-23
4	Kolosi 1:1-20
5	Kolosi 1:21-2:7
6	Kolosi 2:8-23
7	Kolosi 3:1-17
8	Kolosi 3:18-4:18
9	1 Tesalonaika 1:1-2:9
10	1 Tesalonaika 2:10-3:13
11	1 Tesalonaika 4:1-5:3
12	1 Tesalonaika 5:4-28
13	2 Tesalonaika 1:1-12
14	2 Tesalonaika 2:1-17
15	2 Tesalonaika 3:1-18
16	1 Timoti 1:1-20
17	1 Timoti 2:1-15
18	1 Timoti 3:1-16
19	1 Timoti 4:1-16
20	1 Timoti 5:1-25
21	1 Timoti 6:1-21
22	2 Timoti 1:1-18
23	2 Timoti 2:1-21
24	2 Timoti 2:22-3:17
25	2 Timoti 4:1-22
26	Taitus 1:1-16
27	Taitus 2:1-14
28	Taitus 2:15-3:15
29	Filimon 1:1-25
30	Hibru 1:1-14
31	Hibru 2:1-18

date	Scripture
1	Hibru 3:1-19
2	Hibru 4:1-13
3	Hibru 4:14-5:14
4	Hibru 6:1-20
5	Hibru 7:1-19
6	Hibru 7:20-28
7	Hibru 8:1-13
8	Hibru 9:1-10
9	Hibru 9:11-28
10	Hibru 10:1-18
11	Hibru 10:19-39
12	Hibru 11:1-16
13	Hibru 11:17-31
14	Hibru 11:32-12:13
15	Hibru 12:14-29
16	Hibru 13:1-25
17	Jems 1:1-18
18	Jems 1:19-2:17
19	Jems 2:18-3:18
20	Jems 4:1-17
21	Jems 5:1-20
22	1 Pita 1:1-12
23	1 Pita 1:13-2:10
24	1 Pita 2:11-3:7
25	1 Pita 3:8-4:6
26	1 Pita 4:7-5:14
27	2 Pita 1:1-21
28	2 Pita 2:1-22
29	2 Pita 3:1-18
30	1 Jon 1:1-10

date	Scripture
1	1 Jon 2:1-17
2	1 Jon 2:18-3:2
3	1 Jon 3:3-24
4	1 Jon 4:1-21
5	1 Jon 5:1-21
6	2 Jon 1:1-13
7	3 Jon 1:1-14
8	Jud 1:1-25
9	Hąkearaleti 1:1-20
10	Hąkearaleti 2:1-17
11	Hąkearaleti 2:18-3:6
12	Hąkearaleti 3:7-22
13	Hąkearaleti 4:1-11
14	Hąkearaleti 5:1-14
15	Hąkearaleti 6:1-17
16	Hąkearaleti 7:1-17
17	Hąkearaleti 8:1-13
18	Hąkearaleti 9:1-21
19	Hąkearaleti 10:1-11
20	Hąkearaleti 11:1-19
21	Hąkearaleti 12:1-18
22	Hąkearaleti 13:1-18
23	Hąkearaleti 14:1-20
24	Hąkearaleti 15:1-8
25	Hąkearaleti 16:1-21
26	Hąkearaleti 17:1-18
27	Hąkearaleti 18:1-24
28	Hąkearaleti 19:1-21
29	Hąkearaleti 20:1-15
30	Hąkearaleti 21:1-27
31	Hąkearaleti 22:1-21

December